



A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

KE795

~~Palm 111.2~~

Harvard College Library

FROM THE BEQUEST OF

FRANCIS BROWN HAYES

(Class of 1839)

This fund is \$10,000 and its income is to be used
"For the purchase of books for the Library"

LOU FELIBRIGE

TOME VI

MANTENÈNÇO FELIBRENCO DE PROUVÈNÇO

LOU FELIBRIGE

BULETIN MESADIÉ

SOUTO LA DIREICIOUN D'EN JAN MONNÉ

6º ANNADO

1892



MARSIHO

A MENISTRACIOUN E REDACIOUN :

149, carriero Breteuil, 149

P Rem 178.2



Hayes friend

LOU FELIBRIGE

SIEISENCO ANNADO

CROUNICO

DECLARACIOUN DI JÓUINI FELIBRE

Avèn counta la fèsto dounado, pèr li Felibre de Paris, en ounour dóu Capoulié dóu Felibrige, En Fèlis Gras, lou dilun 22 de febrié 1892, e avèn parla di brinde pourta dins lou banquet, emai di paraulo de F. Amouretti, mai avèn pas publica lou discours dóu jouine e valènt mantenèire, que l'avèn vougu garda pèr lou metre en tèsto dóu tome VI de nostro publicacioun.

Adounc, vès eici coume a parla F. Amouretti :

Moussu lou Capoulié,

Messiés li Felibre,

Noun es pèr un brinde que m'auboure.

D'abord que lou grand pouèto dóu Miejour libertàri es mounta à Paris, li jóuini felibre — que parle en soun noum — volon prene aque-lo ócasioù de claramen prouclama çò que jé grèvo lou cor e çò qu'an dins la pensado.

Vaqui proun tèms, Moussu lou Capoulié e Messiés li Felibre, que li jouvènt amaduron lis idèo qu'avès semenado, e vaqui proun tèms peréu que souvèton emé grando impaciènci de buta dins la pratico aquélis idèo.

Despièi trento-sèt an lou Felibrige eisisto : despièi trento-sèt an se ié fai Santo-Estello ; despièi trento-sèt an se béu la darriero boutiho dòu vin de Castèu-Nòu-de-Papo, se canto de cansoun de guerro, e, dins de pouësio que viéuran dins l'eterne, se sonon pèr la lucho tóuti li valènt de la terro d'O.

Avèn ausi la rampelado, e aro anan esclargi, noun coume antan davans d'acampado de letru e de sesiho freirenalo, mai dins lis assemblado poulitico e davans tout lou pople dòu Miejour e dòu Nord, li reformo que voulèn.

N'avèn proun de nous teisa sus nòstis entencioun federalisto, quouro li centralisaire parisen nous acanon em'aquelo marrido acusacioun de *separatisme*. Enfantoulige e nescige ! Levan l'espalo e caminan.

Vaqui perqué, Messiés, davans touto causo reclaman la liberta de nòsti coumuno ; voulèn que devèngon mestresso de sis emplega e de si founcioun essencialo. Voulèn que poscon remanda en soun liò aquéli mistoulin que ié dison souto-prefét. E saran plus, alour, li mesquino, saran plus de simpli circouscripcióun amenistrativo : auràn uno vido vidanto, saran de vertadiéri persouno e, se pòu dire, de maire inspirant à si fiéu li vertu e lis arderousi passioun de la raço e dòu sang.

Nous vèn en òdi tambèn que nòsti coumuno siegon ligado à boudre segound lou caprice d'un sóudard o d'un quiéu de ploumb. Nàni, Messiés, voulèn que soun acampamen se fague segound sis enclin istouri, ecounoumi e naturau, e pèr parla clar, eterne.

Ges de bestour. Voulèn desengabia, de si gabi despertamental, lis amo di prouvinçò que si bèu noum soun encaro pourta pèr tout païs e pèr tóuti : Gascoun, Auvergnas, Bearnés, Dóufinen, Limousin, Rous-sihounés, Prouvençau e Lengadoucian.

E anessias pas crèire que siegon, aquéli vot, de regrett d'arqueoulogue, li vièi partit an souvenènço di divisioun antico de la Franço ; mai tambèn lis ome d'estat li mai revouluciounàrl, e belèu li mai afouga à s'abriba vers l'aveni, se soun autamen prounouncia pèr uno mai raciounalo reparticioun dòu terraire naciounau.

E nous agrado eici de saluda 'mé grand respèt, en deforo di lucho poulitico e religiouso, la memòri dòu mèstre En Aguste Fourès que visquè pèr espanhli, pèr espargi aquelo idèo.

Autounouamisto sian, federalisto sian, e se, en quauco part de la Franço dóu Nord un pople vòu veni emé nous-autre, ié pourgiren la man. Uno colo de patrioto bretoun vènon de reclama pèr soun ilustro prouvinçou lou restablimen dis ancians Estat. Sian em' aquéli Breton. O, voulèn uno assemblado soubeirano, à Bourdèus, à Toulouso, à Mount-Pelié, à Marsiho o à-z-Ais. E aquélis assemblado regiran nos-to amenistracioun, nòsti tribunau, nòstis escolo, nòstis universita, nòsti travai publi. E se de gènt contro-iston qu'un pople revèn pas sus lou camin deja fa, ié resoundren qu'acò 's acò : noun cercan de couple li causo d'autre tems, mai de li coumpleta e de li perfeciouna.

Car sian pas ébri de bèu mot nimai de fraso. Ço que nous boule-gó es lou prefound sentimen dis interès naciounau. Esperan de-segur de nosto idèio la reneissenço inteleitualo e mouralo dóu Miejour, mai voulèn quaucarèn de mai : la coumplète messo en valour di merav-houso richesso de neste terradou superbe. Soulet lou prouvincialisme pòu adurre à sa fin li grand pres-fa pantaia despièi cènt an e Jamai noun acaba : lou canau di dos mar pèr la Gascoungno e lou Lengadò, lou canau dóu Rose à Marsiho pèr la Prouvènço e lou Dóufinat ! Qu saup ? belèu li discussioun ecounoumico, que aro estrasson aquest païs de Franço, sarien aqui reglado pèr lou bèn de cadun e de touti. Anen pu liuen : li dos o tres questioun soucialo que tant nous treboulon sa-rié pas tant de peno, ansin, de lis adouba.

Sian pas, nautre, li proumié dedins aquelo esperanço : li cap-d'obro mistralen soun regounfle de l'idèio. Mandan eici au mèstre nòsti sou-vèt apassiouna. Que lou sache, Mistral, la novo generacioun noun se countento de l'ama e de l'amira, tambèn lou coumpren.

E vous, moussu lou Capoulié, que fuguerias un di rare qu'an embrasa-sa dins soun plen l'idèio mistralenco, sian emé lis eros de voste *Romancero*, ausissèn li souspir de vosto Damo Guiraudo, vincudo e trachò dins un pouz pèr lis ome catiéu qu'an « lou pelage rous : »

Li gènt marrit de la Crousado,
Lis ome qu'an pelage rous,
L'an tirassado
E pié l'an tracho emé courrous
Au founs d'un pouz.

Au founs dóu pouz enca souspiro.
Alor li clerc e li ribaud
Eme grando iro
L'an acabado à cop de pau
E de caiau.

I'a sièis cènts an qu'es aclapado ..
 Mai s'au pouz anas escouta,
 Sout li calado
 Ausirés uno vouses canta
 La liberta.

A-n-aquelo declaracioun signado de F. Amouretti e de Carle Maurras, Agustic Marin a subran manda sa cousandido e d'autre an peréu fa coume éu. *Li journau d'ou Miejour* — dis l'Aïdli — *èro l'essenciaciu, l'an aculido, e proun que n'i a l'an aplaudido. Di journau de Paris, lis un l'an saludado coume uno dindouletu que fai pas lou printèms ; lis autre an di de soutiso... mai picas-ié dessus, i peiregué de la Crau : boumbisson e ressonon en jitant de belugo.*

Dins l'estrange païs a peréu jita sa lusour ; e majamen, *la Veu de Catalunya*, pèr la plumo de soun directeur, N. Verdaguer y Callis a douna la plaço d'ounour à-n-un article sus *la declaració politica dels felibres*.

Après d'agué remembra lou brinde que lou 12 de novèembre de 1890, pourtè lou grand felibre En Frederi Mistral, à-z-Ais, dins lou banquet que li Laren iavien óufert, e ounte disié : *Ia dins lou Felibrige tres estapo que se ié destrion claramen : à l'abo, la pouësio, dins la segoundo estapo, l'amo felibrenco s'alargo, si cantaire van de pople en pople cercant d'autri cantaire que ié respondon, e li felibre volon que si cant fugondi cant de tóuti : acò's l'apostoulat felibren.*

Mai, aro, salute en de paraulo proufelico la coumençanço d'uno tresenco periodo, que la pouësio s'empre ié cantara en jitant sa melico sus lis amaresso de la vido, mai dins laqualo e subretout, l'acioun sara d'espandi e de faire crissé dins lou pople lis idèio felibrenco, emé sa loco elevado, aro bèn conueigudo, loco qu'es l'espèr de tóuti naute.

D'aqueu bèu e sublime rai luminous, lou siècle vinten, tant misterious, n'en marcarà lou triounfle.

Lou journau catalan apound :

“ La proumiero partiido d'aqueu proufecho d'ou grand cantaire de Mirèio se coumplis. ”

La *Veu de Catalunya* vai trop liuen, en disent que F. Amouretti a parla au noum de tout lou Felibrige, e que dins nòstis acamp, d'aro-en-la, noun soulamen se ié cantara lou soulèu e la mar blueio,

li mount e li plano, lis ate e lis ome celèbre di ciénta e di pople, mai encaro se ié fara de poulitico federalisto. Acò noun pòu èstre e noun sara, car lou jour que la poulitico intrara dins lis acamp feli-bren, aquéu jour lou Felibrige perdra la forço e l'unioun que ié soun vengudo d'agué dubert si bras en tóuti li patrioto, sènsò ié demanda ni la coulour de soun drapèu, ni la religioune que li regis.

L'ardent e valent F. Amouretti a parla à soun noum personau ; la bello generacioun di jòuini felibre seguira sa draio e soun drapèu, tóuti se vendran jougne à-n-éu e, nautre, aplaudiren di dos man e de tout cor. Car avèn se que Santo-Estello meno la barco e lis arange, e que ço qu'es escri dins lis astre dèu arriba : touto grano jitado en terro a de greia, de trachi, e d'espiga. Mai sau que lou soulèu madure la fruchò, e la madurara. Mais, aquéu mouvemen es e dèu resta en foro d'ou Felibrige. Qo que li Felibre volon e ço qu'an toujour demanda, es la decentralisacioun, e *aqueloo federacioun latino qu'unira li pople counsènt, sènsò embastardi li raço* (Aioli) mai noun la federacioun *Girondino* (1) di prouvinçò.

La federacioun di raço latino, lou Felibrige ié travaio autamen e prouvidencialamen ; tóuti li savènt, tóuti lis ome de cor di païs latin luchon em'eu pèr l'espandimen de l'idéo freirenalo ; tóuti soun em'eu la man dins la man, en communioen de sentimen e d'esperango.

La decentralisacioun, la desiran de tóuti nòsti forço pèr amour de nostro pichoto Patrio, autant que pèr l'amour de la Franso. E lou vèson proun, nòsti gouvernaire, à l'ouro d'uei, qu'es necite e mai que necite, de rendre un brisoun de sa vido i prouvinçò. Acoumençaran pèr lis universita e saran hèn sourça d'acaba pèr l'aménistracioun e lou rèsto, tout vendra à soun ouro ; mai faudrié pas qu'aqueloo ouro se faguèsse trop espéra.

Es vist que se la tèsto d'un cors pren tutto la forço, lis àutri membre, anequeli, moron : trop de centralisacioun es la pouisoun que jalo lou sang d'uno nacioun e qu'*embastardis li raço*.

Zou ! zou ! que se decentralise ! e li membre d'ou cors, au siò d'uno sabo nouveau, reprendran sa vigour e sa flouresoun ; e la pichoto Patrio, autant que la grando, ié gagnaran en amour, en trelus emai en glori !

JAN MONNÉ.

(1) Le *Mois cigatier*, rendent comte de la declaracioun d'Amouretti, dis : « Discours éloquent, plein d'ardeur, dont tous les auditeurs ont admiré la forme élevée ; quelques-uns, anciens ou jeunes félibres, l'applaudirent, qui n'admettent pas l'idée girondine de la fédération. »



LI NOVO FELIBRENCO

PROUVÈNÇO

— Avian, dins noste darrié numerò, douna, coume proubablo, la celebacioun de Santo Estello dins li rouino di Baus ; parèis qu'acò s'es decida d'un autre biais. Atendu qu'aquest an se dèvon teni li grand Jo Flourau, e qu'aquéli Jo Flourau se soun tengu, lou premié cop, à Mount-Pelié, dins la Mantenènço de Lengadò, lou segound cop, en vilo d'lero, de la Mantenènço de Prouvènço ; or, coume counfourmamen à l'art. 32 dis Estatut, l'*Assemblado pleniero* dòu Felibrige se dèu teni, tóuti li sèt an, dins chascuno di Mantenènço à-de-rèng, aquest an l'acamp de Santo Estello e li grand Jo Flourau se tendran à Lavaur, dins lou Tarn, e lou Counsistòri entié, que formo la jurado, es counvouca pèr letro, pèr li siuen dòu Capoulié, en vilo de Tarascoun.

Veici aquelo letro counvidarello :

Avignoun, lou 7 d'abriéu 1892.

Moussu lou Majourau,

Ai l'ounour de vous counvida à la reünioun dòu Counsistòri, qu'aura liò en vilo de Tarascoun, lou dilun de Pasco, 18 d'abriéu, pèr atribuï li Joio di grand Jo Flourau setenari istitui pèr l'art. XLVI de l'Estatut, e pèr nouma dous majourau i sèti vacant dòu regreta pouèto En A. Fourès e moussu A. Roque-Ferrier.

Se ié charrara tambèn de touto causo preloucant lou Felibrige, tant d'aquéli que poudrien ié faire contro, que d'aquéli que poudrien ajuda à sa resplendour. Noun es besoun de vous faire lume sus l'importanço d'aquelo reünioun.

Couneissènt voste afougamen pèr la Causo, comte que ié mancrès pas.

E dins l'espèr de vous ié vèire, vous semounde mi saludacioun li mai couralo.

Lou Capoulié,
FÈLIS GRAS.

— L'assemblado generalo de la Mantenènço de Prouvènço que se devié teni dins l'ate de la festo Santo-estelenco, s'atovo adouc remaunda-do à-n-uno dato que lou sendi fissara e que faren counèisse à nòsti sòci quand lou moumen sara vengu. E peréu nòsti Jo Flourau mantenenciu s'atrouvant retardà, li courrèire soun avisa que la dato dóu premié de mai que devié cloure li mandadis es repourtado à dous mes plus tard.

— Lou tresourié de l'obro dóu mounumen de Roumanille, En Marius Girard, sendi de Prouvènço, s'ero adreissa au felibre-deputa Jùli-Carle Roux, pèr óuteni dóu ministre de l'Estruciou publico e di Bèus-art lou brounze necessari pèr lou buste de Roumanille, e lou ministre vèn de respondre coume seguis à la demando dóu deputa prouvençau Jùli-Carle Roux :

Paris, Palais-Bourbon, 22 mars 1892.

Vous avez bien voulu me demander le bronze nécessaire à l'exécution du buste de Roumanille.

Je suis tout disposé à venir en aide au Comité.

Je vous serai donc très obligé de me faire parvenir le devis dressé par l'architecte, et dès que cette pièce me sera parvenue, ainsi que le rapport de l'inspecteur des Beaux-Arts sur le modèle du buste confié à M. Bastet, j'aviserai.

Agréez, Monsieur le Député, etc.

Le Ministre,

Signé : Bourgeois.

M. J. C. Roux, député des Bouches-du-Rhône.

L'Ajòli anóuncio que plan, devis e buste souii à Paris.

La festo de l'inaguracioun se fara l'an que vèn quand li Cigalié e li Felibre de Paris faran soun roumavage en Prouvènço. E pèr ansin, touto la famiho prouvençalo s'atrouvara acampado à l'entour d'aqueùu qu'a jita la semènço de la restauracioun de nостo lengo, semènço qu'a douna tant bello meisoun granado e rousso coume l'or.

— Lou dimecre qu'a segui la festo dounado au Capoulié en Félis Gras pèr la Soucieta di Felibre de Paris e, dins l'ate de la qualo, F. Amouretti legiguè sa *Declaracioun di jòuni Felibre*; pèr respondre i proutestacioun aubourado, emai pèr moustra qu'aquelo *declaracioun* noun èro estado fachò au noum de tout lou Felibrige parisien, la Soucieta di Felibre de Paris, à l'unanimeta mens quatre voues, a vouta çò que seguis :

« Lou Felibrige de Paris, leissant en cadun de si sòci o à tout rou-delet de sòci, pleno liberta d'óupinioun, noun pòu, ni noun vòu faire, « coume couleitivita, de manifestacioun poulitico, e declaro que li « discussioun sus lou federalisme o tutto autre formo de gouvèr, soun « en foro de sis Estatut. »

— La Soucieta di Felibre de Paris, dins sa sesiho dòu 9 de mars, a nouma soun burèu pèr l'an 1892 : lou majourau En Sextius Michel es esta reelegi president à l'unanimeta ; soun esta prouclama vice-president, MM. Pèire Laffite, dòu coulège de Franço, O. Lintilhac, dòu licèu Louis-lou-Grand, e Cesar Gourdoux ; li secretari soun MM. Batisto Bonnet, delega au secretariat de redacioun dòu *Viro-Soulèu*, e Elio Fourès, emé lou mantenèire de Prouvènço Fernand Hauser, pèr secretari soubren.

Lou brave Jaume Gardet, nouma tourna-mai cancelié de la Soucieta, lou gènt Ernest Plantier coume tresourié, et L. Rochas en qualita de baile amenistrator dòu *Viro-Soulèu* soun esta reelegi pèr acréation.

— Lou journau : *la Dépêche tunisienne* anóuncio que se vai tira un opera de la *Rèino Jano* de Frederi Mistral, e que la musico n'en sara fisado au coumpousitor *Mascagni*, autour de *Cavalleria Rusticana*.

— Lou mantenèire Leoun Cledat, proufessour à la faculta di Letro de Lioun, demando dins sa *Revue de Philologie française et provençale*, que dins lou prougramo de licenci-ès-letro, se fague uno pichoto plaço à la literaturo prouvençalo dòu Mejan-Age, ispirarello de Dante e de Petrarco. Quand ié boutarien qu'un Serventés de Bertrand de Born, à coustat de la cansoun de Rouland, acò bastarié pèr aro. Es bèn lou mens que dins li Faculta de Franco s'esplique quàuquis estrofo prouvençalo, alor que dins tòuti lis Universita, franc d'aquéli de Franço, l'estudi de la lengo d'O e de sa literaturo es uno di partido constitutivo de l'ensignamen filoulougi e literari.

— Lou 18 de mars, la soucieta di Vauclusen, que reston à Paris, *la Sartan*, a tengu sa sesiho annalo encò de Notta. La lengo dòu terraire a agu lis ounour de la fèsto.

— An fa, quàuqui journau de Paris, courre lou brut que neste grand pouèto naciounau pausavo sa candidaturo à l'Acadèmi franceso, pèr lou seti de l'amirau Jurian de la Graviere. Lou grand felibre F. Mistral a pas pausa sa candidaturo. Tòuti li journau felibren l'an afourti e counfirma. Mai, se lou pouèto de *Mirèio*, de *Calendau*, de *Nerto* e de la

Réino Jano, se l'autour dóu *Tresor dóu Felibrige*, mounumen auboura à la glòri de la lengo, tant franceso que prouvençalo, noun se vòu presenta, sarié-ti pas un ounour mai que superbe, pèr l'Acadèmi, de prene l'Engèni pèr la man e de ié durbi de bat-en-goulo li porto dóu palais de l'Istitut?

— Lou dilun 7 de mars, lou Pai Savié de Fourviero a fa 'no predicanço en lengo prouvençalo, dins la glèiso de Sant Teoudore, de Marsiho. Se i'es peréu canta de cantico prouvençau en grand fogo.

— Lou mantenière E. Legier de Mesteyme, avoucat en At, es vengu à Marsiho dins li premié jour de mars, faire uno counferènci à la Soucieta despartamental d'agriculturo, sus la *Recoustitucioun di vigno*.

— La counfrarié dóu *Dalbia bleu* et la soucieta di *Franc-Prouvençau* avien coudvida tóuti lis amaire di causo miejournalo, pèr lou 21 de mars, à vuech ouro e miejo, dins l'oustaü di Chambro sendicalo pèr i'ausi 'no counferènci de A. Boyer, troubaire-deputa, sus la *Boulegadisso prouvençalo*.

Mèste Guigounet, lou flambèu di tambourinaire, a dubert la sesiho en largant li rièu-chieu-chieu armounious de soun flahutet. M. O. Bertinque presidavo a passa la paraulo à P. Maziero, e M. Boyer a 'ntamena, pièi, sa charradisso, e sis escoutaire, qu'avié sachu interessa i'an fa vèire pèr si picamen de man tout lou plesi qu'avien pres à l'entèndre.

En'acô, en seguido, s'es fa la repeticion generalo di pèco que se devien jouga en Aubagno, lou 26 de mars :

- 1 *Lou groulé bèl esprit*, coumèli en dous ate de Pelabon ;
- 2 *Lou païsan ei contribucien*, sceno coumico de Pèire Bellot ;
- 3 *Leis amour de Vanus*, declamacioun coumico de Fortunat Chailan ; tout acò a bèn marcha, e n'en fasen nòsti coumplimen i valènts ourganisatour.

— Vès eici lou paumarès dóu councours que li *Troubaire de Marsibo* avien dubert sus l'estiganço di fèsto en l'ounour de Dòumergue, en Aubagno.

PARTIDO FRANCESO : Biougrasio de *Dòumergue*: medaio de vermèi, B. Artou ; *Melodo pèr ensignz lou francés au mejan dóu proutançau*, medaio de brounze, M. Roubin ; traducioun dóu *Crèdo de Cassian*, de V. Gelu, en vers francés, medaio de vermèi : Marius Cognat dóu *Felibridge* (qu'a moustra un cop de mai que li Felibre sabon peréu maneja lou francés) ; medaio d'argènt, Pau Albert, de Touloun.

PROSO PROUENÇALO: *Traduciouen en prouvençau d'un chapitre dóu Jeune Anacharsis*: medaio de vermèi, Vitor Bouis; medaio d'argènt, Adóufo Ripert; medaio de brounze, Gustavo Granier; menciouen à Carle Martin.

POUESIO PROUENÇALO: *Lei saussisso e lei boudin d'Aubagno*: medaio d'argènt, Marius Bourrelly; medaio de brounze, V. Valentin; *Lei cobo d'Aubagno*: medaio d'argènt, P. Travier, medaio de brounze, Millo Louisa Ouradou; menciouen, E. Oddo; *Lei Frèso e li chicbourlo de Bèudina*: medaio d'argènt, P. Fournier; medaio de brounze, F. Lescure; menciouen à B. Menut; *Lei pastissoun d'Aubagno*, medaio d'argènt à Ougèni Long, menciouen à Reveillé; *Lei tapeno de Cujo*, medaio d'argènt à Marius Pecoult; *Lei terraio d'Aubagno*, medaio d'argènt à Fèlis Lescure.

— Lou 22 de mars, en Aubagno, uno tróupo de *Vibolo* an dansa *lis Esclareto* sus li plaço de la vilo. Pèr aquelo danso, i'a 'no tiero de 22 jouvènt, vesti de blanc, em'u cherpo roujo sus l'espalo, que soun couifa cadun d'uno lantero grandarasso, de coulour blieio, blanco o roujo, e que viron, sauton, canton, s'entre-croson, formon de figuro li mai variado e li plus coumico, acoumpagna de douz *pierrot* e d'un arlequin, e mena pèr uno dougeno de tambourinaire que jogon d'er prouvençau.

Lou 23, s'es inaugurado la placo en ounour de Dóumergue sus l'oustau ounte es neissu. Après quauqui paraulo d'A. Boyer, maire d'Aubagno, li musico e li tambourin an touca l'aubado. En seguido, s'es fa lou jo di *Cocot*: aquelo danso es forço curiosu e mai-que-mai amusant: imaginas-vous uno vinteno de jouvènt vèsti de blanc, de rouge e de blu, emé la caro negro de sujo e de nose de cocot empegado iginous, i couide e peréu i mai, qu'au son di fifre e di tambourin sauton e grimacejon e picon sus si *cocot* à faire creba dóu rire tout lou pople atroupela à soun entour.

Lou 26, au teatre, s'es dounado la representacioun prouvençalo anounciado. l'èron vengu de gènt de Roco-Vaire, de Gèmo e disenvirooun, emai peréu quauqui *troubaire* de Marsiho e quauqui Felibre, e la sesiho s'es clavado pèr de declamacioun prouvençalo que tòuti n'en soun esta ravi.

Lou dimenche 27, i'a agu divers jo pouplari prouvençau, un concours de tambourin e la prouclamacioun di laureat de la targo literari, que n'en dounan lou paumarés elici-dessubre.

— Mounsen l'abat-felibre C. Carlavan, es vengu de Niço à Marsiho, lou 11 de mars, pèr douna uno counferènci en prouvençau is óubrié marsihés, sus li questioun soucialo. Lis escoutaire èron mai de 800 e se soun tóuti agrada d'ausi parla la lengo dóu brès.

— Es peréu l'amour de la parladuro meiralò que, lou 27 de mars, à St Laurèns de Marsiho, avié tant e tant fa courre de pople pèr ausi la paraulo enaurado dóu Pai Savié. Li cantico prouvençau an fa flòri, e li jóuinis escoulan tambourinaire de M. de Lombardon, en acoumpagnant li cantarello e en jougant quàuqui moutet, an moustra soun gaudi e, tout en fasènt la glòri dóu mestre, an fa lou regale dis escoutaire.

— Mèste Castelmuro, lou counfisière de Marsiho lou mai en renoum, vèn de crea uno meno de *bonbon* foudrent, qu'es un delice de n'en saboura lou prefum. Aquéli *bonbon*, bateja : *mistralino*, soun rejoun dins de galànti bouito, que porton en gravaduro uno gènto prouvençalo, e dins lou founs uno visto de la vilo d'Arle. Acò's superbe ! mai d'abord que mèste Castelmuro a vougu semoundre i groumandoun uno *Especialita di Prouvenç», nous es vejaire qu'un parèu de vers prouvençau sarien pas mau ana pèr coumpli lou tablèu : aurié pouscu faire dire à sa bounbouniho, pèr eisèmple :*

Dins moun prefum,
Garde lou fum
De la cacio
De Marsiho !

— Lou felibre A. Marin a quita definitivamen Marsiho pèr Paris. Acò noun l'empachara d'estre di nostre, amor que tóuti lis an, vendra passa 'n parèu de mes eici, pèr atrenca soun *Armana marsibés*.

— Lou gènt felibre marsihés J. Chevalier, se vèn de marida emé Millo Cecilio Gavon. A la dinado que s'es facho à la grando aubergarié de Marsiho, s'es musiqueja e canta. En J. Huot èro un di temouin, emé mèste Marcellino, l'artisto d'elèi di councert classique, e MM. Allar e Cattorini, l'oste tant ami di Felibre. A la desservo, Huot, e d'autri counvida an di de vers prouvençau en ounour dóu nouvèu couple, e lou nòvi a peréu apoundu soun cant delicious pèr dire la joio desbourdanto de soun cor.

Que Santo-Estello semène de rire e de flour sus li pas di bèu nòvi que nous fai grand gau de benastruga eici de tout cor.

— Lou diciounàri di *Contemporains*, de St-Lannes, vèn de publica, dins la letro C, la biografio d'En A. Chailan, degudo à la plumo d'E. Ner, qu'es carga d'estudia la vida e lis obro di miejournau.

— Lou majourau En L. de Berluc-Perussis a publica dins un quingenadié de Marsiho de noto de bibliografio prouvençalo : *Frai Savinian et ses précurseurs*, que soun mai qu'interessanto pèr l'istòri de nostro literaturo.

— Avèn pica di man à l'espelido dis *Echos de Tamaris*, souto la direicioun dóu felibre Coffinières. Sian segur que lou valènt proupagandisto de l'idèio prouvincialo ié tendra aut e dre lou drapèu de nosti revindicacioun.

— E parèis que lou brande noun tiro proun de long, que n'i'en a toujour d'autre que se i'apoundon ; vejo-ти pas qu'à Sisteroun, M. lou viscomte d'Hugues vèn de bandi : *le Publikeur des Alpes*, que fai plaço à nosto lengo e que lucho peréu pèr li revindicacioun prouvincialo. Zéu ! que n'espeligue de luchaire ! e qu'à la fin, à la forço, la vitòri nous rète.

— Lou grand Flourentin, M. lou comte de Gubernatis, qu'a fa tant bono aculido i felibre quand ié pourterrón si flour en l'ounour de la Beatris de Dante, nous demando tourna-mai quauqui pervenco pèr un *Album* en l'ounour de C. Coulomb. Parèis, à çò que nous an di, que li fueio de pergamín que fourmaran l'*Album* sobre-di, soun tóuti prefumado di sentour melicouso de nosti floureto maienco. Noun se pòu trop faire en ounour dóu grand Coulomb !

— A Flourenço, peréu, es questioun d'auboura uno estatuo à-n-Ubaldino Peruzzi, qu'ero sóci dóu Felibrige e que n'avèn parla dins nosti precedénti liéuresoun. Uno listo de souscripcióun pèr aquéu mounumen s'atrovo entre li man dóu felibre C. de Gantelmi d'Ile, cours Mirabèu 6, à-z-Ais ; aquéli que l'agradara d'ajuda lou Coumitat flourentin dins soun obro patriotico, n'an que de manda sa souscripcióun à-n-aquello adresso : tóuti li soumo, pèr pichoto que fugon, saran li benvengudo.

VANEGACIOUN

— Lou felibre E. Gourdareau rèsto, 19 carriero Durand, à Mount-Pelié.

— Lou majourau A. L. Sardou, es 9, carriero Palermo, à Niço.

— Lou felibre Agusté Marin, es à Paris, carriero Lepic, 59.

Aquitani

— Lou dilun 4 d'abriéu, dins la salo dóu teatre de Perigus, M. C. Jullien, proufessour d'istòri à la faculta di Letro de Bourdèus, a fa 'no counferènci sus *Bertrand de Born*. La salo èro coumoulo e lou valènt counferencié a fa prouado.

IENGADÒ

— D'aquesto ouro s'alestis tant en Itàli qu'en Espagno, de fèsto pèr celebra lou centenàri quatren de la descuberto de l'Americo pèr Cristòu Couloumb.

Un coumitat s'es constiuï à Mount-Pelié, souto la presidènci dóu prefet de l'Erau, M. Christian, en visto de la participacioun dóu despartamen de l'Erau, au sobre-di centenàri, que n'en fan partido MM. I. Messine, sendi de la Mantenènço lengadouciano, A. Arnavielle, vice-sendí, e Pau Redonnel, direitour de *Chimère*.

— Drin, drin ! drin ! de qu'es mai tout aquéu tarabast ? E de que voulès que fugue ; es *Lou Cascavel*, que vèn d'espeli en Alès, pèr faire rire lou brave mounde di Ceveno ; es un fraire de mai que vèn lucha per la lengo ! es unq sueio lisqueto e courous, sano e fièro que galejo e que canto coume un raiòu de raço e que se chabis coume de pèbre. Se n'es fa tres tirage dóu premié numerò : que n'en sara dóu segound, quand li groumandoun n'auran tasta e quand lou pople i'aura trouva lou retipe de soun franc rire e de soun parla tant gent. Drin ! drin ! drin ! zóu ! que sian jamai proun ! Zóu ! que n'i'ague mai-que-mai que s'apoundon au brande : acò mostro i tucle que sian pancaro mort e nimai nosto bello parladuro !

Long-tèms *lou Cascavel* mescle si *drin-drin* au cant di cigalo !

L'abounamen es de vint sòu pèr an ; en mandant sèt timbre di blu, 5, carriero Dumas, en Alès, l'on se pòu faire escriéure, aquéli que lou faran n'en saran pas facha.

— Lou *Parage* durbis si segound *Jo Flourau* e lou prougramo es :
1° — Un sounet lengadoucian sus lou *Peirou*, de Mount-Pelié.
Pres : un eisemplari de *Toloçà*, pouèmo de F. Gras.

2° — *Conte o Nouvello* en proso lengadouciano. Pres : *Li Papalino*, de F. Gras.

Li pèço saran reçaupudo, avans lou premié de mai, pèr lou felibre Jan Fournel, 15, carriero dóu Chivau-verd, à Mount-Pelié.

— Au banquet que la *Soucieta dis enfant de l'Erau, d'Argié*, a douna lou 27 de febrié, s'es canta e brinda en lengo d'O. M. Pau Samari, lou gent president de la soucieta, M. Yvernès, counseié à la cour, en parla dóu Clapas e M. lou Prefet Pau, mantenèire de Prouvènço, en parla felibren, an agu lis ounour de la fèsto.

— Lou majourau L. Roumieux, que se languis à-n-en mouri dins li terro de la Republico argentina e liuen de soun clapas, vai lèu-lèu tourna dins nostre Miejour.

— La *Campana de Magalouna* a un succès fôu : ço que lou provo, es que s'es fa tres tirage diferent dóu numerò dóu premié de mars, e que se vèn de faire un cinqueme tirage dóu premié numerò. L'on s'abounou en mandant 2 fr. au burèu de la redacioun, 15, carriero dóu Chivau Verd, à Mount-Pelié.

— L'opera de la *Bello Magalouno*, que la musico n'es dóu felibre Fruchier, e li paraulo di majourau Bourrelly e Michel, poudèn dire que n'i a que l'espèron emé grand fernetego. Nous es en-de-bon de dire en tòuti que l'idéo de lou faire representa noun es abandounado, e qu'à Mount-Pelié i'a de bràvi cor que buton la causo tant que podon. Fautaren pas de nous ié metre peréu de tout cor, quand sara questiou d'empura lou fid.

— Lou 7 d'abriéu, à Beziés, pèr li festo de l'inaguracioun de l'es-pausicioun artistico, s'es bala la danso di *tribo*, souto la direicioun abilo dóu brave paire Querel.

La cansoun di *tribo* s'es cantado mai que bèn ; es lou majourau En Junior Sans que n'a fa li paraulo, e noun a delembra de ié passa 'n revisto tòuti li celebrita dóu païs : Injalbert, Riquet, Pepezut e... lou famous *camèu* qu'en terro de Beziés avié pourta Sant Afroudise...

Lou publi noumbréus a pas marcandeja sis aplaudimen i gènti balarrello e nimai i galant balaire.

En seguido d'aquelo danso, quatre jouvènt, galoi e lèri, an eisecuta lou jo dóu *cbivalst*.

— A Gruissan (Audo) parèis l'*Anthologie populaire*, que publico lis obro e lou retra d'aquéli que i'agrado de se faire estampa. Enjusqu'aqui, i'a ges de mau ; mai, ço que nous espanto, es que moussu Marc Bonnesoy, de Sablet (Vau-Cluso), que rèstu à Paris, ague trouva, dins la tarabastiadio di vers qu'a 'scri, rèn de plus flame que soun pouèmo contro li Felibre, que n'en tiraren qu'un soulet quatrin pèr moustra lou faire e li sentimen de l'autour.

Li Felibre, dis, que soun de soun païs d'entousiaste ardènt :

Pour s'identifier avec son souvenir,
Pour mieux toucher le peuple, à son cœur parvenir,
Ils ont ressuscité la forme surannée
De la langue romane à jamais condamnée

Ah ! boustre ! quand li felibre s'avison d'enrega de vers francés, an ges de peno pèr noun li caviha tant malamen e pèr ié douna meiour biais : d'acò, M. Bonnafoy pòu n'estre segur.

— « L'Echo des Trouvères », de Toulouso, a publica lou rampèu se-guènt, en lengo moundino, à prepaus dóu concours neo-rouman que vèn de durbi, e sian prega de l'espandi freiralamen, ço que fasèn.

APPEL AS FELIBRES

DE LA LENGO MOUNDINO

Abril ben de daura la campagno jouiouso ;
 Les auzelous prenen lour bol ;
 Tout sourris jouts le cel estelat de Toulouso,
 Al ramatje del roussignol.

Felibres, roussignols d'uno lengo que douno
 Tant de charmes à la cansou,
 Benets ; al mai balènt rebendra la courouno
 Que bous óufris Artur Caussou.

Benets ; que bostro bouts, al mesprets de l'auratje
 Qu'esclato dins l'iniquitat,
 Se lebe per canta dins un noble lengatje
 L'aunou, l'amour e la pietat !

BITOR LEBERO
 Foundadou, président de l'Atenèu des Troubaires.

— Uno assouociacioun, qu'a pèr titoulet : *Ruche corrézienne*, vèn de se fourma à Paris, aguènt pèr toco de favourisa de tout biais, tant en francés qu'en lengo dóu terraire, la prouducion literàri e artiístico di limousin que rèston à Paris o dins soun vesinage. Lou 2 d'abrieu, à la proumiero acampado, s'es canta 'no bello tiero de cansoun limousino.

MORTUORUM

— Lou 2 d'abrieu, à Marsiho, es mort, dins si 63 an, mounsegne Jousè Pougnet, architète de renoum, qu'ero esta coumprés dins la tierro di premié mantenèire de Prouvènço.

— Lou 23 de mars, es peréu mort, à Marsiho, dins si 72 an, moussu J. C. Cauvet, paire dòu felibre Carle Cauvet.

— La *Cigalo d'or* anóuncio la mort, en Aurenjo, dòu felibre de Lengaddò, Estève Gleizes, lou fraire dòu brave Clar Gleizes, qu'es mort peréu à la coumençanço d'aquest an.

Diéu li repause en Santo Estello.

A PAREIGU :

A Paris, encò d'Ollendorff : *Les chants du divorce*, libre de vers ardent, vibrant e doulourous, dòu felibre Enri Ner, qu'alestis uno antoulouglò prouvençalo de siès milo vers que pareissira soutu lou titre de : *La chanson du Midi*.

Ia dins *Les chants du divorce* uno imitacioun mai que superbo de la *Venus d'Arle*, d'Aubanel ; *En dansant*, sounet imita dòu meme ; *Liuen de la mar*, imita d'En Jousè Huot ; *Mi sause*, tira dòu prouvençau de dono Bremoundo Gautier ; *Li fucio nouveau*, culido dins la siavocansoun de Malachlo Frizet ; *Counsèu inutile*, imita de Bonaparte-Wyse ; *Repatriage*, que vèn dòu *Femelan d'E. Bouvet* ; *Li proumié soulié de Jèsus*, dòu prouvençau de A. Gagnaud, etc., etc.

— A Paris, encò de Delalain fraire : *Fleurs d'amitié et chants vibréens en dialecte sarladais*, pèr lou felibre J. Gardet, cancelié dou Felibridge parisen. Aquéli flourcto que nous pourgis lou gènt felibre Gardet soun de la meno de soun cor : óudourouso e siavo. L'ami Gardet es tout cor coume si flour.

— A Roudès, encò de Carère : *Dal brès à la toumbo*, pouèmo en 12 cant de l'abat Justin Bessou. (Pres 3 fr.) Sèmbla pas de crèire coume la terro maire es uno bono nourriguiero. De-longo abaris e mostro soutu li rai de flò de soun soulèu de fruchò amadurado e sabourouso que fan gau en tòuti e que regalon lou cor de sis amaire. Au moumen que fau, proudus lou granque nourris e l'espèro qu'assolo. De qu'a fa l'abat Justin Besson ? emé soun amour de la lengo, dòu païs e dis us e coustumo de sa terro, a escri en bèu vers serti

emé lou meiour de soun cor, l'istòri d'un enfant, là siéuno, en ié boutant pèr courouno li crèire, li jo, li cansoun de sa terro. Ah ! quand soun libre a pareigu es esta 'n evenimen, uno revelacioun. Tout un cadun se n'es esmóugu, e li lipet se soun regala de sa melico, tant siavo que se pòu pas dire, coumpausado qu'es emé li flour de sa bello amo de patrioto. Mounsegne l'evesque de Roudès en uno letro que sert de pourtissòu au libre, ié dis, en galant parla dòu n'aut Lengadò, tout lou bèu de soun obro, d'aquelo obro que nous a rejoui l'amo, ounte la se sus la longo vido de sa parladuro clarejo de pertout :

E ma lengo, atabé, ma lengo claro e neto,
Dindara dins cènt ans coumo uno clarineto.
Fe, patouès e paisan sou tres que fòu pas qu'un,
E tant que lou soulei dal cel nous fara lun,
Tant que la luno blanco e las blancos estèlos,
Fintaròn dins lous prats, naisse las pimparélos,
Tant que las flours faròu riseto al mes de mai,
Fe, patouès ni paisans periròu pas jamai.

— La *Gazette de France* dòu 25 de mars, souto lou titre de *Mistral à l'Académie*, publico un article calourènt de M. Louis de Meurville, que se claus coume eicò : « Paris ne remplacera jamais « ni Lyon, ni Bordeaux, ni Toulouse, ni Marseille, pas plus que la « Rome des italiannissimes ne remplacera l'ancienne splendeur littéraire « et artistique des petites républiques ou principautés italiennes. Nos « grandes villes ne sont plus que des centres de commerce ou d'in- « dustrie : il faut des centres intellectuels.

« Mistral avait demandé une chaire de provençal au Collège de France. Pourquoi pas ? Il y a trois langues dans notre pays, dont « l'étude devrait se perpétuer, de peur qu'elles ne disparaissent un « jour, ce sont le breton, le basque et le provençal.

« Voyez en Belgique si les Flamands n'ont pas dû revendiquer « l'égalité des droits pour leur langue.

« Appelons Mistral à l'Académie française ; il y fera bonne figure, « et ce sera justice. On a bien élu M. de Lesseps pour avoir parlé en « ture, pourquoi n'élirait-on pas Mistral, qui est maître en l'art d'é- « crire, aussi bien en français qu'en provençal ? » Brave !

— A Marsiho, *l'Oursin* dòu 13 de mars a publica 'n article de P. Fronterey sus lou *Federalisme provençal*. Se ié truso, belèu em'uno

briguento de resoun, d'aquéli que van bousca la counseracioun de sis obro dins la capitalo, e que pièti d'ela prouclamon autamen e fieramen la federacioun dòu Miejour : « Regardas un pau la loujico « d'aquéli jounis escapa de Prouvènço, parlant d'autounoumlo cou- « munalo, d'amenistracioun prouvincialo e de decentralisacioun lite- « rari, alor que sis ate soun en countradicioù complèto de si « paraulo. Que noun reston eici pèr temougna de soun estacamen à « la naciounalita prouvençalo emai au sòu nadau !... » Lou *Bavard* dòu 26 de mars es dins lou même toun.

E, aro, poudèn pas nous teni, d'abord que ié sian, de tira dòu journau *l'Huveaune*, dòu 26 de mars, quauqui rego sus lou même prepaus e que dison bèn nosto idèio sus la decentralisacioun artistico e literari :

« Quand li jounini gènt de nosto generacioun saupran que l'on pòu « se faire un noum, agué de talènt, sènsa passa pèr Paris, en restant « dins sa prouvinço, dins la vilo, lou village o lou vilajoun que nous a vist « naisse, forço talènt que se vesien estoufa, pèr ansin dire dins l'iòu, « pèr çò que noun poudien o noun voulien ana bousca à Paris aquelo « counseracioun que la capitalo dounavo censamen i grands ome, « espeliran, trachiran e flouriran pèr lou bèu mourau, l'ounour e la « glòri de nosto nacioun.

« Cade grande centre, eado prouvinço sara fièro de prouduire touto « uno tiero deliteratour e d'artisto que, tout en ilustrant sa prouvinço, « soun nisau, sa pichoto patrò, jitaran perçù uno grando lusour sus « sa Maire, la grando patrò, nosto grando, noblo e bello Franço... »

En Avignoun, dins l'*Aïoli*, di 7, 17 e 27 de mars, *La declaracioun di jouve felibre* ; *Enri IV i felibre de Paris*, cansoun de G. Perrier ; *Dòu brès à la toumbo*, de F. Mistral ; *Lou gardian Pèire-Plumo* ; *Retra de la Prouvènço pèr l'istourian Michelet*, (P. R. à-z-Ais) ; *A bèu lèu*, sounet de L. Roumieux à dono Troubat en ié mandant de flour ; *Mirèio* à l'opera comique (A. Adam) ; *Li soubriquet pouputari di vilo e village d' dos ribo dòu Var*, culi pèr lou mège Raymond de Niço ; *Tourma-mai li cat*, de P. Guisol ; *lou Sermoun* di prouverbi de L. d'Astros, l'*Aqueirado*, galejado de J. Sicard ; *Refoułeri*, sounet de E. Giraud ; *Lou Roulet*, (Babeloun Pericaud) ; *La goustado de Sant Jóusè*, (lazarino de Manosco) e la boulegadisso prouvençalo emai la seguido di *Memòri d'un gnarro* de B. Bonnet.

SOUSCRIPCIOUN AU MOUNUMEN DE JÓUSE ROUMANILLE

VUECHENCO E NÓUVENTO LISTO DE SOUSCRIPCIOUX

Auzias Long à	Paris	.	.	2	0
C. Rabanit	"	.	.	3	0
Paladilhe	"	.	.	10	0
Louis Gallet	"	.	.	10	0
Salneuve	"	.	.	5	0
A. Truphème	"	.	.	2	0
V. d'Auriac	"	.	.	2	0
Eschenauer	"	.	.	2	0
Sextius Michel	"	.	.	5	0
Marcelin Cazaux	"	.	.	2	0
Juli Chapon	"	.	.	5	0
La <i>Cigalo</i> de Paris	.	.	.	50	0
Mllo Margarido Sol, à Narbouno	.	.	.	5	0
M. e Mino Prevost	"	.	.	2	10
J. H. Fabre, à Serignan	.	.	.	5	0
Cte de Gamdemarts, à Baumo-de-Veniso	.	.	.	10	0
A. Ripert, à Marsiho	.	.	.	5	0
A. Fabre	"	.	.	1	0
Louis Hugues	"	.	.	0	60
Ernest Couve	"	.	.	5	0
Moulinas, recevèire di posto à Marsiho	.	.	.	1	0
Mounsegne Robert, evesque	"	.	.	30	0
M. Menut, à Sant-Meissemin	.	.	.	1	0
La <i>Gourdo</i> , (soucieta) à Nimes	.	.	.	5	0
M. Almaric, en Avignoun	.	.	.	10	0
M. Palun	"	.	.	20	0
Courtessos de Vogüé	"	.	.	5	0
J. de Terris	"	.	.	5	0
A. Mir, à Carcassouno	.	.	.	5	0
C. Chabal, à Uzès	.	.	.	5	0
Don Sig. Bouska, à Prago (Bouèmi)	.	.	.	10	0
M. Cazaubon, à Bèu-Mount de Loumagnò	.	.	.	5	0
E. Augier, à Brest	.	.	.	3	0
La felibrihouno F. Coffinieres, à Tamaris	.	.	.	0	50
Pau Coffinieres	"	.	.	3	0
Un Tamarisen	"	.	.	2	0
Sourd, restauratour	"	.	.	2	0
C. Sénès, (La Sinsò) à Touloun	.	.	.	5	0
E. de Fallois	"	.	.	5	0
Lou pintre Courdouan	"	.	.	10	0
	à repourta	.	.	268	20

	Report	.	.	268	20
J. Raoulx	"	.	.	20	"
Dóutour Arlaud	"	.	.	5	"
L'abat Blanc	"	.	.	10	"
Jouve, vice-conse	"	.	.	10	"
Jan Aicard	"	.	.	5	"
Rossi, mabrié	"	.	.	5	"
S. Fabre, maire, à la Sèno	.	.	.	5	"
M. Bain	"	.	.	1	"
L'abat Fellas	"	.	.	1	"
Audibert, ajoun	"	.	.	1	"
L'abat Jauffret	"	.	.	10	"
L'abat Alègre	"	.	.	5	"
P. Faure, à Sant-Roumié	.	.	.	1	"
E. Bourdet	"	.	.	2	"
L'abat G. Fructus, à Mazan	.	.	.	1	50
Eimound Jean, à Sant Deidié	.	.	.	1	"
Countesso M. de Seimenow, Chaine-Verd	.	.	.	10	"
Beraud, à Manducl (Gard)	.	.	.	1	"
Enri Pellisson, d'Areto	.	.	.	1	"
Estève Turrel, à-z-Ais	.	.	.	5	"
L'abat Bourdet	"	.	.	5	"
L'Escolo dóu Lioun, en Arle	.	.	.	20	"
Dóutour Geoffroy, Faicnço	.	.	.	5	"
L. Destrems, en Alès	.	.	.	10	"
Juli Dou, à Reiando	.	.	.	0	50
Pau Grangier, à Cano	.	.	.	1	"
Antònio Gautier, à Niço	.	.	.	50	"
Soucieta d'Arqueoulougio de la Droumo, à Valènço	.	.	.	10	"
Jòrgi de Bernard, à Beziés	.	.	.	10	"
M. Plantevin, à Parmentier (Argerlo)	.	.	.	8	"
Viscomte de Margoun, à Margoun (Erau)	.	.	.	10	"
Acadèmi de Nîmes	.	.	.	20	"
A. Bigot	"	.	.	3	"
F. Chabrier, negouciant, en Avignoun	.	.	.	10	"
Marqués de Demandolx, au Martegue	.	.	.	10	"
G. Verdet, negouciant, en Avignoun	.	.	.	20	"
A. L. Sardou, majourau dóu Felibrige, à Niço	.	.	.	5	"
Miquèu Camelat, à Arrens (Aut-Pirenèu)	.	.	.	1	"
	Toutau			567	20
Li sèt proumiéri listo ensèn				3 545	05
	Toutau au 7 d'abriéu			4 112	25

Lou Gerent : Jan Monné.

Imprimerie L. DUC, 11, rue Chassagnolle, aux Lilas, près Paris



CROUNICO

L'ENSIGNAMEN DÓU FRANCÉS DINS LIS ESCOLO DÓU MIEJOUR

Despièi uno mesado, tóuti li journau miejournau que soun de cor dins l'idèio felibrenco an parla, en l'enaurant coume se dèu, de la metodo d'ensignamen dóu francés dins lis escolo dóu Miejour, pèr lou mejan de la lengo d'O.

Un ome qu'a counsacra tutto sa vido à-n-aquelo idèio, M. René Montaut, e qu'avié, i'a tèms, publica 'no *gramatico prouvençalo* à l'usage di jóuinis escoulan, vèn d'alesti un cours coumplèt d'ensignamen, pèr lou biais de cinq voulume ilustra, de leituro e versioun prouvençalo-franceso.

Aquel óubrage, qu'ótenguè lou premié pres au councours literari pedagogi de Scèus, dubert soulo l'aflat di Felibre de Paris, es aro coumplèt e se coumpartis coume eiçò :

Premié voulume. — *Cours préparatoire* — Mot e proupousicioun.
Aquéu libre tèn uno eiclènto metodo de leituro founico.
(Libre dóu mèstre, 1 fr. — Libre de l'escoulan, 0 fr. 50.)

Segound voulume. — *Cours elementari — Fraso e recit.* —
(Libre dóu mèstre, 1 fr. 50 — libre de l'escoulan, 0 fr. 75.)

Tresen voulume. — *Cours superieur* (1^o partido)

Escapouloun de la literaturo felibreno : proso.

(Libre dóu mèstre, 2 fr. 50. — Libre de l'escoulan, 1 fr. 25)

Quatren voulume. — *Cours superieur* (2^o partido)

Escapouloun de la literaturo felibreno : pouéslo.

(Libre dóu mèstre, 2 fr. 50. — Libre de l'escoulan, 1 fr. 25)

Voulume cinquen. — *Cours couplementari* :

Liounido, pouéslo en XII cant.

(Libre dóu mèstre, 3 fr. — Libre de l'escoulan, 1 fr. 50) (1)

Tóuti aquéli que l'amour de sa lengo meiralo ié boulego l'amo, an aplaudi à-n-aquelo obro superbo. Li felibre, que li nèsci mostron coume de gènt adarreira, voulènt foro-bandí lou francés dis Escolo dóu Miejour, pèr ié metre à sa plaço la lengo d'O, li felibre qu'an *toujour e pertout, e sèns relàmbi*, reclama sa plaço à nosto lengo dins li escolo miejournalo, valènt-à-dire l'ensignamen dóu francés pèr lou biais dóu prouvençau, pèr permetre à nòsti drole e à nòsti chato d'aprene la lengo dóu Nord que counèisson pas, pèr la coumparesoun em'aquelo dóu Miejour que counèisson, li felibre an pica di man ; e nous es en de bon, e nous fai batre l'amo de cita la letro que neste Capoulié En Fèlis Gras vèn de manda à mèste René Montaut :

Es bèn segur, bon counfraise Montaut, que pique di man e vous lause de la bello obro que fasès. Vòsti libre d'escolo soun, coume dirai ? soun coume la reio à l'araire — escusas aquelo coumparesoun païsano.

(1) Aquéli voulume soun en souscripció encò de l'autour, carriero Chiavari, en Arle ; vers Mmo Roumanille, en Avignoun ; emai i burèu de l'Aïoli, de la *Cigalo d'or* e dóu Felibrige.

Es vòsti libre que gravaran dins la cabesso de l'enfant lou respèt, l'amiracioun, en même tèms que lou bon gran de noste hèu lengage.

Perqué, li tres quart dóu tèms, vesèn-ti lou pelot, lou menuisé, lou courdounié, lou barbejaire, lou marchandot de noste vilage, o lou catau, lou bourgés, lou negouciant de la viloto, agué vergouchno de parla la lengo maire ?

Es pèr-ço que, estènt enfant, un ase de pedagogue i'a fa crento de parla *patoues*; es pèr-ço que, estènt enfant, noun an vist que de libre e de journau empremi en francés.

Lou proumié libre que vesèn à l'escolo s'escafo pas de nosto memòri; es éu la pouncho de la reio queduerb la rego founso ounte se samenaran li graniho de touti li sciènci. Eh ! bèn, se la reio es bono, se la rego es bèn duberto em'un óutis fa pèr la terro, un rai de soulèu intrara'mè la graniho dins aquelo rego, e rescaufara la semènço; e la civado que n'en sourtira sara pas solo, e lou blad que greia-ra noun sara anoui.

Vous sarre la man, counfraire Montaut : emé d'ome coume vous lou Felibrige tèn l'aveni... osco seguro, à la meissoun i'aura de garbo.

Voste bèn devol,

Fèlis Gras.

E, aro, poudèn-ti miés faire, pèr claire aquelo crounico, que d'apoundre eici quàuqui tros de l'article tant flamejant que René Montaut publico dins l'*Aïoli* :

Que vòu dire que l'enantimen de nòstis enfant dóu Miejour sara jamai aquéu di Bretoun, di Picard o di Champagnòu ? avisas-vous d'ana planta nòsti maiòu sus lou ribeirés de la Mancho ! Es uno soulié ! leissas, leissas l'óulivié e l'arangié, la tuberouso e l'isop i countrado qu'encenturo la mar bluio. Cresès pas que la naturo, lou meiour di mestre e di ministre de l'Estrucioun, vous crido : A chascun lou siéu ! Venguessias pas, coume s'es fa de touti li garo, basti nòstis escolo sus lou moudèle d'aqueüi de Paris, au grand despié de Parmounio, de la vido vidanto e de la verita puro e bello. Ah ! pu-lèu, que s'esclape lou mole de l'unifourmita ! Lou mole, es bon que pèr li manobro ; e lou Miejour a soun cisèu fada, a soun soulèu es-

brihadant dins la capo azurenco. Nòsti davancié, i'a quauqui quatre o cinq milo an, prenien aquet astre pèr simbòli de l'Èstre infinitamen bèu, bon e poulderous. De-segur lou soulèu que causo à pou nòsti terrado, qu'esgaio lou miejournau, qu'enlusis l'inteligènci de si rai e qu'abraso divinamen lis amo, a fabello nostro part dins la nacioun, e sarian de plagne, se noun gardavian nòsti richesso e nòsti dre. La Prouvènço, nostro maire, antan fuguè la rèino di prouvinço. Afogo encaro, elo, e abrivo l'eros, nous descuerbli tresor de la sciénci e dòu Gai-Sabé, nous desplego li meraviho de l'art e bouto fiò au cor de si siéu pèr freireja 'n s'amant tóuti mai-que-mai, e sara pas lou di que la bandiran dis Escole prouvençalo !

Mai quau sarié l'abesti qu'eiretié d'un castèu e de soun tenamen, d'un mas e d'un tros de terro, s'òupilarié à garda que la plus pichoto part ? E anessias pas crèire que pèr èstre dòu Miejour, noun aguèn lis iue vira, quand lou fau, vers lou Nord ! arregadas tant de sabènt que soun parti d'eci pèr ana faire lume amount dins la capitalo, i pintre qu'an embeli lis palais naciounau, i musician qu'encanton li saloun e li teatre, is escrivan que règnon emé sa plumo d'or, basto, is ome d'Estat que mounton au gouvèr à chasco mudesoun nouvello. È sian pas lèst encaro pèr l'abandoun de la partido.

Escutasque vous parle : à touto obro fau l'òubrié, ié fau peréu l'estrumen. Eici sian : eh bèn ! l'obro es l'educacioun miejournalo que l'entameno, l'òubrié, li mestre dis escoulan ; l'estrumen, lou prouvençau e la lengo d'O.

Avèn debana pan pèr pan ço que lis escoulan dèvon estudia. Se lou mestre es proun inteligènt, emé la lengo d'O, esclargira que mai la draio dòu bèn, dòu bèu e dòu verai ; se pèr malur es un moussurot, parlant que soun francés sus la pouncho di brego, ense li pessugant, renegaire de soun paraulis dòu brès, vergougnous de sa maire, desdegnous de la font sano e regalanto que la lengo fai regiscla dins l'escolo, de sa raiado que ié trelusis, de soun perfum que i'embauamo, n'en fau pas mai pèr ensuca la liberta santo, pèr gasta nòstis arange e mena nostro barco au diable.

N'en voulèn ges, di cadeno de l'esclau ! fau que touto nostro fruchò s'amadure e que nosto nau s'alande vers li calanco soulciouso !

. . . L'educacioun prouvençalo, qu'es de tout interès de plus leissa langui, dèu s'entrina 'mé la lengo di rire.

Lis Alemand, au coungrès espetaclous de Posen (Prüssi poulouneso), lou 21 de janvié 1891, an adóuta pèr aclamacioun, lou vot unanime que seguis : La lengo meirenalo, coume lengo d'ensignamen es lou soulet mejan de desvelopamen nourmau de l'esperit ; li verita penetraran jamai dins lou cor de l'enfanço, quand ié saran presentado dins uno lengo estrangiero.

Assajas d'estriure li francés emé la lengo d'Anglo-terro o d'Alemano, alor même, uno supousicioun, qu'aquéli lengo ié parlarien que de soun païs. Jamai farias de famous Francés ; au countràri, que lis aprençon dins uno doublò lengo, amado e glouriouso, lou francés d'O e lou frangés d'Oil dins lou Miejour : veirés doubla la poudrouso assimilacioun de la lus, de la voio e de l'amour patriouti.

Nous arrestan pas i counsideracioun qu'esclargirien miés aqueste biais d'ensignamen : acò se saup, lou barquet navego miés emé dos ramo, l'auceloun volo miés einé dos alo ; e lis escoulan qu'aprenon dos lengo soun pèr lou mèns dous cop plus fort que lis autre.

La lengo prouvençalo, de-fes escartirado à l'escolo es coume l'aucèu blu de la sourneto : piéu ! piéu ! toujour viéu !

Rèsto que de faire ausi soun divin bresihage qu'es l'amo de la patrio.

.

Li rèitor de Bourdèus, de Toulouso, de Mount-Pelié e de z-Ais, soun capable de coumprendre lou proublème linguisti, de n'en douna la veraio e utilo soulucioù. Es emé respèt que se ié demando eiçò, mai es de soun devé tambèn de leva lengo sus uno tant grèvo question. Counsultaran lis omo de letro que ié soun à l'entour e se prounouciaran pèr que lis institutour sachon çò que counvèn ; e pièi, coumelou demandavo au Ministre forço justamen moussu Granet, ispeitor d'acadèmi, en Avignoun, s'apoundra la lengo d'O dins li prougramo óuficiau, siegue pèr lis eisamen dis escoulan au certificat d'estudi primàri, siegue pèr li proufessour à-n-aquéli dòu brevet simple o coumplèt.

Es necite de mai que li libre de Prouvènço agon sa plaço dins la listo dis óubrage que publico lou *Counsèu Despartamentau...* Demandan pas eici l'óubligacioun de se n'en servi, mai aquelo liberta qu'es lou sourgènt dòu prougrès pertout, e tambèn dins l'educacioun poupoplari.

La Soucieta di felibre parisen a dubert la draio, emé si councours e si festenau, ounte van gagna li joio, mestre emai escoulan. Ansin fan de bèn que-noun-sai à l'obro prouvençalo-franceso.

Li valènt sòci d'ceilamount an courouna dins sa darriero e brihanto sesiho de Scèus, uno obro que s'amerito atencioun e dèu pourta la bono nouvello dóu felibrige is escoulan.

Tóuti li felibre valènt resoundran à la rampelado ; soun aqui preste pèr la campagno de l'Escolo : un pau d'ajudo fai toujour grand bèn. Counèissènt li *Leituro e versiouen prouvençalo-franceso*, lis esbrudiran e lis alargaran dins li pais dóu Miejour. Es quaucarèn de nòu que s'aubouro en dessus de touto metodo emplegado à l'ouro d'ieu. Veici lou mourflen pèr elo de quita lou nis e de prene la voulado, coume l'alauseto que s'enauro cantant dins l'azur e lou souleiant.

Lou blad se maduro. A l'obro, valènt Prouvencau, zòu ! que se n'en tounbe, de garbo ! e l'eiròu, lèu que sara coumoula de gran d'or.

Ah ! segur que l'avèn ausi toun rampèu, e que nous a boulega l'amo ! Quau sara lou felibre que noun veira lou bèu de toun obro, o Montaut ! Tóuti se ramblaran pèr butal idèio de l'ensignamen dóu francés pèr lou mejan dóu prouvençau. L'Escolo prouvençalo-franceso acò 's lou salut de nosto lengo meiralo, acò 's lavido de nosto nacioun ! Li vièi e li jouine, dins un desbord unen, boutaren nòsti forço pèr ajuda au triounfle de toun obro. I'as douna tout toun amour à-n-aquelo obro superbo, naufrage ié largaren lou nostre, que l'amour es coume lou soulèu, fai grana e espiga lis idèio e courouno de rai li nacioun. Dins l'amour de la lengo li generacioun nouvello béuran l'amour de la pichoto patrìo, que tèn dins éu l'amour de la grando !

E cridaren, dins l'estrambord de nosto amo, emé noste grand pouèto :

Quau tèn la lengo, tèn la clau
Que di cadeno lou deliéuro !

JAN MONNÉ.



LI NOVO FELIBRENCO

PROUVÈNÇO

— Lou dilun de Pasco, counfourmamen à la counvidacioun qne n'a-vien reçaupudo, li membre dóu Counsistòri felibren, se soun acampa en vilo de Tarascoun pèr proucedi à la nouminacioun di nouvèu titulàri di sèti de majourau vacant en Lengadò, e pèr atribuï li jolo di grand Jo Flourau setenau dóu Felibrige.

S'atrovon présent à l'acamp, li majourau En Fèlis Gras, Capoulié dóu Felibrige, En Frederi Mistral, assessor de Prouvènço ; En Marius Girard, sendi de Prouvènço ; En Albert Arnavielle, vice-sendì de Lengadò ; En Jóuse Huet, En Roumié Marcelin emai En Anfos Tavan.

Se voto d'zbord pèr la nouminacioun di nouvèu majourau, e se prouclamo pièi Edouard Marsal, de Mount-Peliè, baile de la *Campana de Magzouna*, ilustraire de noumbròusi publicacioun en lengo d'O, en remplaçamen de M. A. Roque-Ferrier, demessiounari ; M. A. Perbosc, pouèto toulousan, escoulan d'A. Fourès, se noumo en plaço de soun illustre mèstre ; e pièi la demessioun de M. Carle de Tourtouloun, tres cop dounado, es acetado en grand regrett, e se noumo à sa plaço lou pouèto Jan Laurès, de Vilo-Novo-de-Beziés, autour d'un recuei de vers : *Lou campèstre*.

Sus la questioun di grand Jo Flourau clou Felibrige, s'es atribuï lou grand pres de pouësio au felibre mantenèire Marius André, d'Avigneun, pèr soun libre de vers : *Plòu e soulèio* ; lou pres de proso es revengu à moussu Batisto Bonnet, de Bello-Gardo, autour di *Memòri d'un gnarro* que se publicon dins l'*Aiòli*.

E coume s'es vougu, aquest an, coumparti lou pres de proupagando felibreno, entre de persouno estrangiero au Felibrige e nascudo en foro di païs d'O, la joio es estado distribuïdo entre lis ajudaire fouran : C. Hennion, de Tours ; Luigi Zuccaro, proufessour à Foggia (Itàli) ; E. Portal, à Palermo ; comte Angelo de Gubernatis, proufessour à Roumo ; misè Mario Licer, à Veniso ; Don Sigismound Bouska, mounge bene-

setin, à Prago ; Jacovlaw Vrchlicky, pouèto bouèmi ; Aguste Bertuch de Francfort sus-lou-Mein ; Thomas A. Janvier, de New-York (Americo) ; E. Cardona, publiciste à Naple.

Lou Capoulié fai pièi vèire coume s'es atrouva dins l'impoossibleta d'ourganisa la fèsto de Santo-Estello en Aquitâni, coume n'avié l'idèio, e s'es decida que se farié en vilo di Baus, reprenent ansin la proumiero idèio que s'èro presentado à soun esperit. Aquelo fèsto se fara lou 6 de jun.

En seguido de tout acò s'es legi la letro dóu felibre F. Lescure, demandant lou titre de mèstre en Gai-Sabé, e lou counsistòri, vist la tiero di pres óutengu pèr aquéu valènt luchaire di councours pouëti mie-journau, i'afa dre.

Aquelo distinciou vèn peréu, en counfourmita dis Estatut, flouca lou front de Marius André, lou gènt gagnaire dóu grand pres de pouësi.

— Lou 17 d'abriéu, lou majourau Anfos Michel, Cabiscòu de l'Escolo de la Mar, mandavo i sòci aquésti rego :

Moussu e gai counfraire,

Lou burèu de l'Escolo aguènt fini sa plego, au-jour-d'iuei, qu'es la fèsto de Pasco, ai l'ounour de vous counvida à la sesibo generalo qu'aura liò lou dimenche, premié dé mai venènt, à dès ouro dóu matin, au sèti de l'Escolo, pèr elegi lei nouvèu menaire de la barco.

Au jour di, un quingenau de sòci s'atrovon acampa dins la salo marenco de la plaço di Capouchino, 1 ; e, l'ouro vengudo, lou cabiscòu duerb la sesiho e dis la toco de l'acampado. Après discussioun di candidaturo entracho pèr lou sèti de cabiscòu, se noumo à l'escrutin e en plaço d'A. Michel, lou mantenière Paulin Guisol, qu'avié tant bèn ourganisa li fèsto tourvenco de l'autre an. Li felibre Carle Bistagne e O. Barreme, dóutour en dre, soun pièi nouma souto-cabiscòu. Si poudé soun mantengu sus la demando unanimo de tousi, à Cesar Majoullier, en qualita de tresourié, à-n-Agusle Gautier coume secretari, emai à J. Chevalier, coume secretari soubren. L'assemblado voto de felicitacioun i membre sourtènt, e la sesiho es clauso.

Saludan, nautre, de tout cor, la remesso dóu timoun de la barco au valènt Paulin Guisol, que souto l'afflat de si davancié, En A. Chailan, En Jousè Huot e Anfos Michel, e emé l'ajudo voulountouso de tousi, saupra mena, liuen dis estèu, la nau marenco.

Lou gouvèr es en bòni man : que lou vènt bouife e que l'aurige brame, li marinié noun s'espantaran pèr acò, la brefounié noun ié fai pòu.

Patroun, marinié, mòssi e ajudaire, se lou dangié se mostro, se grouparan fièr e valènt, e, de cor e d'amo, lucharan pèr doumta vènt, au-rige e tempèsto e, dins la calanco souleiouso, jitaran l'ancoureto en can-tant si refrin galoi.

E sènsò fierta coume sènsò morgo e lou cor sus la man, coume de bon felibre que soun, li marinié óublidaran jamai que sa deviso es :

Plus larg que la mar !

— Lis us ancian soun en ounour dins mai d'un rode encaro : à Riès, (B.-Aup) lou dilun de Pasco, s'es fa 'no bravado magnifico e qu'es de tradicioun dins aquelo vilò : tres coumpagnié de bravadaire se soun pourtado contro lou fort que d'autri coumpagnié defendien, e li cop de fusiéu an talamen rounfla que tout n'en tremoulavo ; ah ! se n'es degaia de poudro en ounour de Sant-Meissime. L'ataco es estado valènto, mai li defensour dóu fort an moustra qu'avian teta de bon la, e an fa vira l'esquino is atacaire. Lou courabat s'es engaja tourna-mai l'endeman, e lou pople a courregu pèr segui l'estamen de la bataio e aplaudi li gagnaire.

— Lou jour de Pasco, tóuti li bastimen dóu port de Marsiho avien auboura si pavaïoun e, au mitan de tçuti li drapèu de Franço e dis estrange pais qu'au ventoulet floutejavon e brusissen, tout en espan-dissènt si coulour au bèu soulèu de Diéu, se desplegavo lou drapèu felibren, pourtant l'Estello di sèt rai, à la cimo dóu mast dóu superbe *Yacht* de mèste Majoullier, lou gènt tresourié de l'Escolo marenco.

— Aplaudissèn di dos man au triounfle dóu valènt musicaire felibre d'Ais, G. Borel :

Un councours de *meloudio* s'èro dubert à Paris, souto l'afflat dóu *Piano-Soleil*; 800 coumpousitour i'avien pres part. Meste G. Borel, ancian chèfe de musico, autour de *Vau-Cluso*, de *Jamai*, de *Fai-te Felibre*, etc., etc., a obtengu un diplomo d'ounour pèr uno coumpousicioun, pourtant lou titre : *Apouteòsi de Petrarco*, que li paraulo n'en soun dóu viscomte de Beltrio..

Li jura d'aqueleo targo èron MM. Massenet, Widor, T. Dubois, Bernard e Hervé.

Fau apoundre qu'au councours de *Valso* dóu 15 d'outobre passa, lou felibre G. Borel avié peréu davera 'n autre diplomo d'ounour.

— Li predicanço prouvençalo dóu pai Savié à St Laurèns de Marsiho an agu pèr toco, aquest an, de faire counèisse li *Patriarco*. E mounsegne Robert a bèn vougu ounoura de sa presènci sa charradisso

dóu dimenche de *Lætare*. Aquéu jour, li jóuinis escoulan tambourinaire dóu valènt M. de Loumbar.loun, dounavon ajudo e acoumpagnavon en roussignoulejant si riéu-chiéu-chiéu, lou Cor di damisello Sant-Janenco que bresihavo de moutet prouvençau mai que flame. Auelo manifestacioun prouvençalo avié atira 'n pople fòu, tant es grand l'amour de sa lengo meiralo dins lou cor di bon Marsihés.

— Li cigalié Deluns-Montaut e Maurise Faure an entretengu, aquesti jour, lou menistre de l'Estrucioun publico, M. Bourgeois, emai M. Roujon, direitor di Bèus-Art, d'un proujet d'ourganisacioun di representacioun classico dóu teatre rouman d'Aurenjo.

Se noumarié 'no coumessioun coumpausado : 1^o di deputa que se soun majamen ócupa de la questioun dóu teatre d'Aurenjo ; 2^o de membre de l'Istitut : 3^o de critique d'art , 4^o de soucietàri de la Coumèdi franceso : auelo coumessioun aurié pèr toco d'estudia e de chausi lou repertòri di cap-d'obro di literaturo grèco e roumano o d'obro moderno ; d'ourganisa, soutu l'afflat dóu gouvèr e l'ajudo de l'Istitut, de councours pèr la traducacioun de pèço antico, pèr la creacioun d'obro inedito, pèr la musico scenico, etc.

Lou teatre d'Aurenjo sarié óuficialamen inagura au mes d'avoust de 1893, dins l'ate di festo que se faran à l'óucasioun dóu roumavage di Cigalié dins lou Dóufinat e l'auto Prouvènço e, pièi, tóuti lis an, vue jour à-de-rèng, se ié dounarié de representacioun que farien courre lou Nord e lou Miejour.

— Li Cigalié an arresta li gràndi ligno de soun prougramo pèr soun escurregudo de l'an que vèn ; li vès eici : Centenari de madamo de Sévigné, à Grignan ; mounumen auboura en ounour d'Emilo Augier, à Valènço ; festo e mounumen pèr lou troubadou Fouquet, à Roumans e pèr lou pouèto poupoplari *Blanc-la-gouto*, autour dóu pouèmo Grenoble malerou, à Grenoble ; à Digno se glourificarié lou grameirian prouvençau Honorat, e se claurié la bello passejado emé la coumemouracioun di jo dóu Rèi Reinié à-z-Ais e l'inaguracioun d'un mounumen coumemouratiéu de la vitòri de Marius sus li Cimbre e li Tèutoun.

— Es questioun d'establi, à Carpentras, uno escoло felibrenco e de groupa li felibre carpentrassen emai aquéli dis alentour, soutu lou noum d'Escoло dóu Ventour .

— A prepaus d'un ordre dóu jour vota pèr l'*Assouciacioun dis Estudiant de Prouvènço* dins soun acamp dóu 15 d'abriéu, pèr la crea-

cioun à Marsiho d'uno Universita, mèste Franc, dins l'*Aïoli*,, dóu 27 d'abriéu, traïs soun crid de patrioto dins lou bourrouladis que nous vai engouli, pèr destrassouna lis endourmi, e s'escrido :

« Quand uno raço a fa figuro coume la nostre dins lou mounde, e que, de tòuti li bèn de Diéu clafido, en poussessiou de tòuti si dre de pople libre, s'abandouno elo-memo, se laisso pau à pau tout leva, tout derraba, meme l'usage de sa lengo, de que vendran se plagne se ié refuson meme lou dre pèr sis enfant de s'estriure sus plaço !

« Zóu, vilo de Prouvènço, countunias, countunias de vous embriaga de mot ! Zóu, poulitiquejas, à touto zuerto, sus la fe di centralisto de Paris. Entanterin, lou mounde viro, e chasque tour de rodo, dóu tèms que badas la dragèjo, vous escracho quaucuno de vòstis esperanço. An dounç la nèblo is iue, li famous Counsèu generau que soun censa representa lis interès de la Prouvènço ? Ah ! coume acò's verai, que l'ase dóu coumun es toujour lou plus mau basta ! »

S'es boulega lou guespié, li Counsèu generau an barra sesiho, e tòuti an fa li mort. I'a de gent que bramon pas, meme quand lis escourtegon !

— La vilo d'lero a garda bono remembranço de la vesito di Felibre, que ié tengueron, i'a sèt an, si grand Jo Flourau ; quand la Rèino d'Anglo-terro, qu'ero vengudo ié passa quauqui semano, es partido, à la garo d'lero, avien auboura 'n arc de triounfle, em'aquésti dos iscripcions : d'un coustat : *Bous viagi*, e de l'autre : *lero espèro ti revèire*.

— Lou 24 d'abriéu, à la bataio di flour que s'es dounado à Marsiho, dins li kèio dóu pargue Bourely, l'un di càrri li plus flanie e que s'es lou mai arremarca es aquéu di *Pantaïsre* marsihés, qu'avien sus d'un tros de roucas quiha 'n cabanoun, oumbreja de pin, e que dins la bau-mo, souto lou ro, avien estrema soun batelet de pesco emé tòuti li rèm, lènci, palangre, cano e canihoun di pescadou. Osco pèr li *Pantaïsre* !

— Lou 24 d'abriéu, a fa soun espelido à Marsiho, un nouvèu counfraire : *Le dimanche*, que nous es en-de-bon de benastruga, amor qu'au-bouro neste drapèu, e que vesèn dins sa redacioun clareja l'Estello di sèt rai sus lou front di majourau e mantènèire que la mestrejon. — Longo-mai !

— Lou 10 de mai, dins li saloun di *mardistes*, lou majourau L. Constan, a douna 'no couñferènci souto la presidènci dóu felibre Pau-

lin Guisol, cabiscòu di Maren : lou tèmo de la counferènci èro : *De l'amour dans la littérature provençale*. Noumbrous èron li sòci qu'èron venu pèr escouta lou valènt proufessour.

Lou sujet èro proun escarabouious, mai l'ouratour, quand lou realisme banejavo dins quauqui passage, avié 'n biais tant requist pèr ié traire lou velet de si reticènci, que l'a passa contro sènsò li frusta. E a moustra que lis evoulucion de l'amour an marcha de front emé lis evoulucion de l'estile de nosto lengo souleiouso.

Après quauqui paraulo amistouso de M. Prunet, amenistratour de la Soucieta, P. Guisol a respondu en prouvençau.

Lou counferencie e lou présidènt de la sesiho soun esta mai-que-mai aplaudi, coume lou soun esta messiés A. Prunet, Galicer e Paillet, que, pèr faire ounour i felibre presènt, an debana de galant vers prouvençau.

Zón ! zóu ! Piquen di man à l'enavans di *Mardistes*.

— Se saup que lou brave paire D. Garnier avié ourganisa, pèr cade mes de inai, un roumavage prouvençau à N.-D. de la Gardo, de Marsiho. La mort aguènt rauba, l'autre an, aquéu valènt felibre à l'afecioun de si coumpañ, la fèsto prouvençalo èro à mand de s'avalí, quand lou paï Savié de Fourviero a agu l'idèio de la restablie de ié counvida lou pople de Marsiho emai li felibre marsihés : vès eici l'assabé que publicavon li journau à-n-aquéu prepaus :

Gai counfraire en Santo Estello,

Noste regreta Don Garnier avié founda, coume sabès, lou roumavage prouvençau à Nosto-Damo de la Gardo. Es counvenènt que li bòni tradicioù noun li leissèn toumba 'n frun.

Amor d'acò, ai l'ounour de vous faire assaupre que, dissate matin, 30 d'abriéu, à siès ouro e miejo, anaren emé li tambourin touca l'aubado à la Bono Maire, coume fasien nòsti vièi Troubadou.

Don Savié.

Noumbrous soun esta aquéli qu'avien respondu au rampèu. La basilico immèndo èro trop pichoto pèr teni tout lou pople que l'avié courregu. M. l'abat Lacroix, curat de Sant-Laurèns, tant afouga pèr nos-to bello parladuro, es à l'autar, li tambourinaire e li cor di chato, me-na pèr mestre de Loumbardoun, fan prouado...

Mai vès eici lou paire blanc que s'avanço :

Em'un biais requist, — dis L. Foucard, en quau dounan la paraulo — lou paire Savié a adouba sa predicanço sus d'aquest verset :

Virgo Virginum, ora pro nobis. Sus la Vièrgi dei Vièrgi, aquelo que' noumo dins la divino pouëslo de soun amo e dins sei fraso sanitamen flourido : *la grando felibresso paradisenco, la grando Rèi-no de l'Eternalo Court d'Amour.* A l'entour d'elo, lou presicaire a groupa sèt vièrgi, sèt felibresso de l'amour vierginen *que risou-lejon coume lou printêms, roussignoulejon coume de roussi-gnou, que soun coume li sèt noto de la gamo, coume li sèt cou-lour de l'arc-de-sedo.*

Aquéli sèt vièrgi prouvençalo soun : Santo Marlo, Santo Estello, Santo Doucelino, Santo Rouscelino, Santo Counsòrci, Santo Cesario e... Santo Catarino de Sieno. La darriero es pas prouvençalo, m'anás dire, mai èro justamen sa fèsto e lou paire Savié a bèn prouva que la poudian regarda coume dei nouestro, en nous countant sa vido de vertu e de carita que la saguè chausi pèr lei Flourentin, quand vouguèron faire la pas emé lou papo Gregòri XI, alor résidènt en Avignoun. Em'eu l'avèn seguido dins soun viàgi ; l'avèn revisto, recaupudo emé lou plus grand respèt, pèr lou sant-Paire e lei cardinau, ravi de sa santeta e talamen assegura de soun poudé auprès de Diéu, que revenguèron à Roumo coumo lou demandè la santo, la grando santo que garissié li plago e dounavo d'ajudo ei malurous mau-grat li caloumnio e ingratitudo que n'en recebié pèr recoumpenso !

Faudrié lou journau tout entiè pèr retraire tout ço que m'a ravi en ausissènt lou savènt predicaire, e pensàvi, en iéu, au bèn qu'un ome coumo aquéu fai à nouesto bello causo felibenco... e poudiéu pas m'empacha de sounja à l'espantamen que me prenguè, l'estiué passa, quand m'atrouvèri à Touloun, pèr la vengudo di messiés de Paris : Eto ! l'avié de que ! franc de ma pichouno que diguè 'n coumplimen, vestido en peissouniero, degun parlè prouvençau...

E coumo sourtiéu de la capello, un cant d'auceloun mi saguè dreissa leis uei. Adaut, adaut, prèchi l'estatuo, uno bouscarlo qu'avié degu s'envouela d'uno piboulo de bastidoun, disié tambèn soun cantico ei pèd de la boueno Maire. E veici que, mau-grat iéu, mi souven-guèri dei simple vers dóu mestre regreta ;

D'abord que Diéu m'a fa bouscarlo,
Sieguen bouscarlo : e riéu-chiéu-chiéu !

E sàbi pas perqué m'es vengu l'idèio que l'amo de noueste bon Roumanaho venié peréu faire sa plego dins la santo fèsto prouvençalo.

Après lou raconte de la festo que venèn de douna, pèr la plomo dóu gènt L. Foucard, apoundren que l'acamp se tendra, tóuti lis an, lou 30 d'abriéu, e que li tambourin emai li cantairis prouvençalo noun ié fautaran, e nautre nimai, tant que Diéu e Santo Estello nous prestaran vido.

— Carle Maurras e Frederi Amouretti soun intra à la *Libre parole*, de Drumond, e lou valènt A. Marin es à la *Nation*. Nòsti felicitaçoun couralo.

Coume li dounan peréu au gènt mantenèire Enri Dayre, que vèn d'estre nouma secretari generau de la Coumuno d'Arle.

LENGADÒ

— Lou 10 d'abriéu, dins la glèiso de Sant-Danis à Mount-Pelié, la soucieta de Sant-Jan a eisecuta : *Les saintes Maries de Provence*, sifouñio religiouse dóu cigalié Paladilhe, qu'ero vengu éu-meme, de Paris, pèr dirigi li masso ourquestralò.

Li *Campanié*, à-n-aquelo óucasioun, avien ourganisa 'no festo en l'ounour dóu mestre clapassié, vice-président de la *Cigalo* de Paris, e lou 26 d'abriéu, encò de l'oste Delmas, se tenguè l'acampado.

Tóuti li campanié emé soun cabiscòu, lou majourau E. Marsal, s'a-trouvavon aqui, en coumpagno dis artisto mount-pelieren : musicaire, pintre, escultour, architèite e amiraire de l'autour di *Sànti Mario de Prouvènço* ; Paladilhe cantè de cansoun lengadouciano ; li felibre présent l'apoundegueron de vers e de cansoun à n'en vos, vejo n'en aqui : *l'Escoutaire*, que galejo tant bèn dins *La campana*, faguè creba de rire tóuti lis escoutaire, e tóuti en cor, pièi, cantèron lou *Maset de mestre Roumieux*, e se clavè la sesiho.

— Dins lou journau *Lé Gril*, de Toulouso, lou jouine e valènt J. F. Court vai publica lèu-lèu, un estudi forço asciencia, e clafi de doucumen curious, sus la vido e lis obro dóu majourau En A. Fourès.

— Esperan emé grand fernetago li *Bartassado* dóu felibre Bastide de Clauzel, de Cournou (Erau), que van parèisse au premié jour, e que Mistral saludo coume eiçò : *Se vòstí Bartassado porton flour coume aquello que m'oufrissè, intitulado : Cant d'amour, vostre recuei vai èstre uno tousco de rousié qu'embaumara lou païs d'Erau.*

Aquitâni

— La fêsto di flour estènt remandado, la distribucioun di joio laureat dòu concours de l'Escolo de Jansemin, se fara à Vilo-Novo-sus-Lot, lou premié dimenche de jun.

— Au courmençamen dòu mes d'abrieu li limousin que restou à Paris se soun acampa au 55 dòu balouard Voultàri, sus l'estiganço de fourma uno soucieta literari e artistico, que publicarié, cade mes, un Buletin souto lou noum d'*Echo de la Corrèze*, emé d'article de proso e de vers, fablo, cansoun, etc. tant en francés qu'en limousin etc., e que tendrié tóuti lis entre-signe necite pèr aquéli que l'agradarié de douna soun adesioun à l'obro *felibronco-courreqiano* de Paris.

M. Laborde a pièi legi uno odo d'En Jousè Roux, que lou *mandadis* porto eiçò :

Me tratats de felibre, e sui un paubre pestre ;
Sui un paubre escoular e me tratats de mestre ;
Me prejatz, me lausatz couma s'ère un ancestre ;
A vous autres meroes pèr la Causa e pèr ieu...

Vostre Bournal m'agrada : en avant e couratge !
A l'oubratge cop sec ! e toutjourn à l'oubratge !
Que vostre mial s'abrounde, Abelhas, e que ratge !
Qu'embaume e que regale, à la gracia de Diêu !

M. Celor, proufessour de musico au licèu Voultàri a regala soun gallant auditòri d'un galoi repertòri de cansoun limousino en s'acoumpagnant sus lou piano ; M. Marpillat a 'spandi lou rire sus tóuti li caro emé la bousounado de : *Gustin e lou perrouquet* ; M. Clement i'a apoun-du uno cansoun limousino, e pièi M. Enri Deloncle, en uno superbo counferènci a fa l'elogie di troubadou limousin e moustra superbamen lou nescige de l'acusacioun de *Separatisto*, que de gènt mau-voulènt an raça contro li felibre, e au mitan dis aplaudimen li mai entousiaste, se claus la sesiho en se dounant rendès-vous pèr lou 31 de mai venènt : M. E. Deloncle ié fara 'no counferènci sus lis *ome de guerro courreqian*, e se i'ausira de cansoun e de declamacioun en parla limousin e se ié jougara peréu sus la *carlamuso* (*Tzobreito*) lis èr dòu païs li mai pouplàri.

— A Fouis, encò de la vèuso Pomié, a pareigu lou *Rapport sur le concours de 1891*, dubert pèr la Soucieta di sciènci, letro e art de

l'Ariejo, e presenta pèr F. Pasquier, secretari de la dicho soucieta. Avèn douna à soun ouro, lou paumarés d'aquéu councours, mai nous fai gau de dire eici que lou rapport de M. Pasquier nous fai faire uno pourido escourregudo dins lou mouvemen marca que s'es fa dins l'Ariejo, despièi quauquis annado, sus lou prepaus de la lengo roumano ; ié passo en revisto li filoulogue valent que se soun atala à-n-aquéu pres-fa glourious, de tira lou parla de l'Ariejo de l'oublit, e de lou desembouchardi di letro e di mot bastard que ié fan nose e l'empachon de trachi. A. Caussou, Castet, Garaud e l'abat Barbier an fa obro patrioutico en pourgissènt sis estudi gramaticau à-n-aquéli que seguisson si piado, pres d'amour pèr la lengo d'O.

CATALOUGNO

— A l'encauso dóu premié de mai, la festo di Jo Flourau s'es remandado au 8 dóu meme mes.

— Lou 22 d'abriéu, sus l'iniciativo dóu *Foment catalanisto* téuti li soucieta catalanisto an signa e manda 'no peticioun au Counseu municipal de Barcilouno pèr que d'aro-en-la, téuti li publicacioun que la coumuno barcilonuneso publico fugon redigido en lengo catalano, e que de mai s'escrigon en catalan li noum di carriero e di plaço.

A V I S

— Arribo proun souvènt que pèr tira la miso de nòstis abouna o l'escot di sòci mantenèire, sian dins l'oubligacioun de ié faire presenta nosto quitanço douz cop, quand es pas tres. Adounc, pèr enqueissa la miserabla soumo de 4 f., la Soucieta, sènsou coumta la peno dóu secretari, i'es pèr dès o quinge sòu, se noun i'a quauco letro pèr dessubre. Aquéli negligènci aumenton counsiderablament li fres d'amenistracioun, e lis aumentaran sobre-tout, aro, que lou gouvèr vai faire paga douz sòu pèr téuti li quitanço que ié saran fisado e que tourneran sènsou èstre pagado. Pegan, adounc, nòstis abouna e li mantenèire de faire bono acuiènço à nòsti quitanço, se noun preferisson nous manda éli-meme soun degu. Nous faran peréu grand plasé en nous avisant de si chan-jamen de demoro.

A PAREIGU :

A Paris, lou *Viro-Soulièu*, № 12 de 1891, emé li taulo, la tierro disòci e un bèu retrai de S. Michel.

E dins li numerò de febrié e mars : *Long dòu Rose e de la mar*, galant charradio de B. Bonnet ; *Liuen dòu nis*, vers de Júli Bonnet qu'an servi d'*A-prepaus* au teatre di galarié *Vivienne* pèr la proumiero representacioun di *Vespreñado prouvençalo*, lou 16 de desèmbre 1891 ; *la charradeto*, de F. Mistral qu'es en tèsto dòu libre de S. Michel ; *Lou capouillé à Paris e la Viro-souleiado*.

» dins lou *Mois cigalier*, de febrié, emé lis Echo cigalié, un sounet prouvençau, de L. Bertrand d'Alès ; *Long dòu Rose e de la Mar*, article bibliografi d'A. Tournier sus lou libre de S. Michel.

E dins aquéu d'abriéu, lou raconte d'uno dinado ounte A. Marin a fa clanti si refrin sant-janen.

A Paris, encò d'Anfos Picard : *Le patois d'Arrrens* (Aut-Pirenèu), pèr M. Camelat, tira dòu comte-rendu dòu coungrès scientifi internaciounau catouli, que s'es tengu à Paris, au mesd'abriéu 1891. Lou brave Miquèu Camelat estudio poulidamen, en quauquai pajo, lou parla de soun endré dins sa founetico e sa sintàssi, e nous es en-de-bon de pica di man à soun obro.

I Lilas, encò de Lucian Duc, l'*Ecbo*, № 3 e 4 emé li sceno I, II e III de l'ate tresen de *Casau*, dramo prouvençau d'En Jan Monné.

» à l'estamparié dòu meme : *Posos perdudos*, recuei de pouësio bigourdano, de madamisello Claude Duclos (Filadelfo), que M. Jan Pau Clarens n'a 'scri la prefaci e que soun de perleto fino e de bijout d'elèi.

A Barcilonou, dins la *Vèu de Catalunya*, (№ 10 à 14) : lou raconte tira de l'*Àïoli* dòu viage de F. Gras à Paris ; *La declaració política dels Felibres*. (N. Verdaguer y Callis) ; un tros de crounico sus lou meme prepaus ; *Lou fiò d'artifice*, revira dòu prouvençau de Roumanille ; un tros d'uno letro de L. Roumieux à F. Mistral ; un moussèu tira dòu journal *Le Temps*, sus la centralisacioun e un autre de la *Cigalo d'or*, sus lou pouèmo de l'abat Justin Bessou : *Dal Brès à la toumbo* ; *La sàvvi*, revira dòu prouvençau de Roumanille.

A Tulo, dins lou *Messager de la Corrèze*, uno bello crounico : *Carnet parisien*, dòu parisen de Lagueno, sus lou Felibridge e li Fe-libre.

A Brivo, dins lou Conciliateur de la Corrèze : *Lou drolle* (l'enfant)

Lous ratz que se remudon (Li gàrri que fan Sant Miquèu) ;
lou Tau, le mal de denz, fablo de Jósè Roux ; *La declaracioun*
di jouve felibre e la Crounico felibrenco.

A Vilo-Novo-sus-Lot, *lou Cale!*, N° 6 à 9, emé : la *Pouësio*, sounet d'Auriol,
lou bielb muble, galejado en proso de *lou Bitor* ; *conte de Nadal*,
en vers, de Gastoun Lavergne ; *lou Passo-pertout*, boufounado
de *Quequorequet* ; *las fabos couyentos*, pichot pouèmo ri-
serèu de D. Rigal ; *la Batalbo*, sounet valènt d'A. Lataste,
Trabès regos, ounte lou *lauraire* fai uno gènto escourregudo
dins lou miejour e mostro come i'es en ounour l'idèo tel-
brenco e çò que valon li Felibre. Brave, lou lauraire ! *Couratse*,
de J. de Bonal ; *le Bouiatge de moussu Caulet*, conte de J. B.
Rouquet, que nous es dedica e que n'en gramacian l'autour
bèn couralamen ; *la Rouselo*, sounet souleious de F. Court ;
lou Soullat, elegio que J. Dayma dedico à Mistral, etc.

A Carcassouno, lou numerò d'abrieu de la *Revue méridionale*, dounant
uno pèço de vers prouvençau inedito, de Jan Reboul, de
Nimes : *à madamo de Circourt*, esricho lou 12 de gbre 1858.

A Mount-Pelié, *la Cigalo d'or* de mars e d'abrieu, dounant : *lou Capoulié* F. Gras à Paris ; *Un felibre Rouergat* ; P. l'Estieu ;
Antounin Perbosc, Carle Maurras e Frederi Amourietti, de
J. Soulèu ; *Lou terradou*, A la terro, sounet de P. l'Estieu ;
Las aurelbas, cansoun ; à Victor Hugo ; *lis Estello* ; *La man*,
li Fibò d'Avignoun de T. Aubanel ; *L'amo dis ôulivié*, de C.
Maurras ; *Mount-Alba*, sounet d'A. Quercy ; *Mounsegno de*
Roudès e lous felibres, (A. A.) ; *Las rousselos*, sounet de F.
Court ; *E vivo la pas !* sounet de L. Charrasse ; *Dos sorres*,
sounet de P. Gaussen ; *Las vielbos*, sounet d'A Perbosc ;
Bressairolo, de l'abat Justin Bessou, tira de soun pouèmo :
Dal brès à la toumbo ; *la Bugada*, de J. E. Castelnau ; *lou païsan*, de J. Laurès, de conte galant e la bibliougrafio, etc.

A Mount-Pelié, dins *Crimère*, d'abrieu, *les Troubadours*, fin de l'estudi
de Carle Brun ; *Li tipe de la carriero*, craiouna de man de
mestre pèr E. Marsal e lou *Courrit sicilian*, de nostro sòci
E. Portal.

« Dins lou *Felibrige Latin* de febrié e mars : *Cant d'amour* ;
Plouren ! ; *Lou cant dòu pastre* ; *Tristun !* quatre pèço fi-
namen esricho de la man dòu felibre Bastido de Clauzel e
tirado d'un recuei que vai nous pourgi soutu lou titoulet :
mas Bartassadas ; *Lou roc de sustanciou* (G. Coulazou) ;
Cristofle Couloumb, odo d'En Jósè Roux ; *A Margarida*,
(E. Bras), e la crounico.

A Sant-Estève, encò de Carle Boy : *Lis idèo de Banastoun, emé pre-faci de F. Gras*, nouvello prouvençalo, dóu mantenèire C. Boy. Aquéu tros de proso es un bouquet ferigoula culi dins lou terraire de Sant-Martin-de-Crau, e que nous presènto em'un biais requist, tout embauma di sentour maienco. La letro de noste Capoulié, que ié sert de pourtissòu, dis, forço miés que noun lou pourrian dire, tout lou galant merite de l'obro, es pèr acò que n'i'en raubaren quauqui rego :

« Es pas pèr dire de mau dóu païs di macho-ferre e di rude
 « travaiadou, mai fau agué l'amo cavihado au cadabre, fau
 « que lou soulèu ague pica dur sus la cabassolo, fau agué
 « trissa proun courchoun de pan freta d'aiet, pèr pas èstre
 « estoumaga, pèr pas s'afrejouli, pèr pas s'estouna e toumba
 « dins lou masclun, dins aquéli païs de nèblo e de tubèio e
 « de glas, e de verglas, e de counglas, ounte la terro es ne-
 « gro, lis oustau soun negre, la neu es negro, ounte lou soulèu
 « quand se ié mostro, sèmbla qu'a la malautié de loungour.
 « O moun brave felibre, fau èstre jouine e voulountous
 « coume tu pèr escriéure dins aquéu païs que sèmbla basti
 « sus li goulo de l'infèr, uno nouvello tant claro, tant pouë-
 « tico, tant finamen armouniouso e dindanto, que l'on saup
 « pas dire, en la legissènt, se l'on ausis uno vioulounado
 « d'aureto dins li pin, o la fansòni dis isquierlo d'un abeié
 « dins la liuenchour. »

A Gap, l'*Etoile des Alpes*, dounant lou retra e la biografio d'En Jan Monné ; *Sourcié sènsa lou saupre*, galejado en fino proso, d'A. Laugier ; *La cigalo*, fablo dóu majorau En Francés Pascal, que rebutant l'egouïsto mouralo de *la Cigalo e la fourmigo* dóu compaire Lafon, fai dire à la fourmiguelo prouvençalo en responso à la preiero de la cigalo :

« Tout cò qu'es nostre, es tiéu ! »
 « L'aman, l'aman, ta musiqueto,
 « Toun ourgueno gaio e clarelo ;
 « Vai, toun dever, bello amigueto,
 « Es de chantar l'estiéu ! »

Vaqui perqué la cigaletto,
 De branchetto en brancheto,
 Redis sèns fin sa chansouneto
 Dins lou rabi-sourèu...

i'a pli : *A la viouleto*, d'A. Honde, e un *Apoulogue*, de V. Bouis.

En Arle, dins l'*Homme de bronze*, di 6, 13 e 20 mars 1892, *Lou vièt Arle*, d'Enri Dayre ; *La Fotografio*, galejado pleno d'imour, de mèste Eisseto ; la bibliougrafia de : *Long dom Rose e de la Mar*, de E. Dauphin.

- E dins lou *Forum Républicain*, di 13 e 20 mars, e 3 d'abriéu, *l'Enfant : Mama!* de la felibresso Bremoundo ; *Prouverbiounoumasti*, tira dòu Buletin arqueoulougi d'Arle d'E. Fassin.

A Marsiho, dins lou *Soleil du Midi*; *Leis ouro e lei soudard*, di tablèu dòu bèu Marsiho, e *Aucamin de ferri e la glèiso de moun quartié*, de lou *Palangre*, novo serio de charradisso semaniero e mai qu'esperitalo de L. Foucard.

A Marsiho, encò de Ruat : *La naciounalita prouvençalo e lou Felibrugi*, counferènci legido au *Dablia bleu*, lou 4 de juliet 1890, pèr Pèire Bertas, emé quauqui counsideracioun recènto pretoucant lou mouvemen felibren d'aquésti darrié tems. Pèire Bertas pico di man à la declaracioun di jòuini felibre, saludo neste Capoulié, mai presènto Mistral e Roumanille emai lou Felibrige soutu un jour qu'es pas lou siéu, e acò's dóumage, que sa dicho, franc d'acò, noun fauto d'enavans e de fiò.

- Dins lou *Petit Marseillais* dòu 19 d'abriéu, un article signa J. S. sus lis *Universita prouvincialo*, ounte es di que dins çò que se manigancejo à Paris sus d'aquéu prepaus *la Prouvenço* vai èstre sacrificado de founs, e que davans lou dangié que nous vèn de Paris, touti li despartamen prouvençau déurien s'uni, e lucha jusqu'au bout pèr manteni nòsti dre que la centralisacioun engoulisun-à-cha-un. Es çò que mèste Franc dis tant superbamen dins l'*Aïoli* e que n'en citan un tros dins nàsti *novo*.

Dins lou même numerò d'aquéu journau s'atrovon quauqui rego de M. T. Lormond sus li predicacioun prouvençalo dòu pai Savié de Fourviero e sus soun obro : *La creacioun d'ou mounde*.

Ah ! certo, podon pica di man li journau emai li lettru, jamai se i'ero pourgi uno proso tant beluguejanto qu'aquello. Lou pai Savié a vougu faire la provo que nosto lengo se poudié plega à rendre lis idéo scientifico e filousoufico, e i'a reüssi coume se pòu pas miéus.

Lou Gerent : Jan Monné.

CROUNICO

A LA SOUCIETA ARQUEOULOUGICO DE BEZIÉS

Lou 26 de mai, bèu jour de l'Ascensioun, i'avié fèsto en vilo de Beziés. La Soucieta arqueoulougico tenié sesiho e poulidamen dounavo si rampau d'argènt i laureat de si councours, di memòri istouri, de pouëslo roumano e de pouëslo franceso.

Noste Capoulié i'ero ana pourta lou salut dóu Felibrige.

En Fèlis Gras èro arriba à Beziés lou 25, à-n-uno ouro de tantost, e, après quàuqui vesito à sis ancian mèstre, au pensiounat di Fraire de la Dóutrino crestiano e à quàuqui membre de la soucieta bezierenco, acoumpagna dóu Presidènt, en Frederi Donnadiéu, vouguè saluda lis ancian mounumen de la vilo.

Aquelo escourregudo dins la vilo e lou plesi de revière li liò qu'avié treva tout jouveinet, aquéli liò que la remembranço n'es tant douço e lou souveni tant precious, tout acò bouleguè l'amo de noste Capoulié, e se sentiguè sobre-tout esmougu en reveguènt li rode que soun descri dins soun pouèmo de *Toloza*, ounte i'a l'episòdi dóu sèti de Beziés, que legiguè à-n-un roudelet d'ami, la vèio de l'Ascensioun. Vesità pièi Sant-Nazàri que couneissié e si bèlli clastro que couneissié pas; lou Museum de pinturo, la font dóu Titan, aquelo obro majo dóu cigalié Injalbert, que soun mabre esbrihaudant clarejo au soulèu que

despièi quauqui jour : l'espousiciooun di Bèus-Art e de l'Industrio viticolo qu'anavo barra si porto e ounte se vesié 'ncaro proun causo e proun tablèu signa di noum li mai renoumena de Prouvènço, de Beziés, de Paris e d'autri rode, etc.

Adoune, lou 26 de mai, à-n-uno ouro e miejo, dins la grando salo de la coumuno, la sesiho publico s'es duberto souto la presidènci de M. lou mège Bouillet, souto-presidènt, un dòu cossent empachant lou presidènt de teni sa plaço.

A l'entour dòu presidènt se remareco noste Capoulié, M M. Belleudy, souto-presèt, Aubert, presidènt dòu tribunau, Berthomiéu, presidènt de la Coumissiou arqueoulougico de Narbouno ; lou generau Valessie, li rapourtaire di councours e tóuti li membre résidènt de la Soucieta. E li damo gèntc e tóuti li gènt d'elèi que ié soun vengu noumbrous, formon un auditòri que fai gau de vèire, quand lou presidènt Bouillet fai soun discours. Parlo dòu savènt Flourens, uno illustracioun de Beziés, de Roumanille, noste mèstre e ami, que sis obro e soun noum ensèn, soun intra dins l'inmortalita ; de mèstre Mel, qu'èro di mai afouga pèr lis estudi arqueoulougi ; de mounsegne Tollaras de Bordas, un savènt roussihounés que si darriéris obro fuguèron un estudi remarcale sus lou pouèmo de l'*Atlantido*, de Verdaguer e la traducioun franceso d'un autre pouèmo : *Canigou*, dòu même autour ; de M. Maffre de Font-Joio, avoucat e literatour distingui.

Es pièi M. Grabié Bouys que fai lou rapport sus lou councours de pouëslo franceso, e un laureat, M. Berthomiéu, de Narbouno, que regalo lis escoutaire d'uno de si pèço : *La gamme*, pleno d'umour e d'esperit.

En F. Gras s'aubouro alor e parlo coume seguis :

Messiés,

Au noum dòu Felibrige siéu vengu vous saluda en sesiho soulenno, coume venguèron Frederi Mistral, noste Subre-Capoulié, e Roumanille lou mèstre regreta, quand tenien lou sèti dòu capoulierat.

Messiés, acò 's un devé pèr naute, es un déute de cor que s'estenguira jamai, e vous lou pagaren de-longo, car sian d'aquéli que noun óublidon : sabèn, e lou diren à nòsti felen, que l'acadèmi de Beziés fuguè la proumiero a poi:rgi la man au Felibrige, quand, à peno neis-sent, d'ùni lou negavon, d'autri n'en risien ; que l'acadèmi de Beziés, la proumiero, e sènsò discountunia, a réserva sa courouno d'oulivè pèr la lengo roumano ; qu'es vautri, messiés, qu'avès garda lou sang pur

de la raço, la flamo vivo dóu patrioutisme loucau e lou culte di glòri naciounalo.

Acò s'esplico : sias li fiéu de la flour di vilo de Lengadò, Beziés la belli, Beziés l'ufanouso ! Lou prouèrbi, que noun mentis, nous dis qu'es envejado de Diéu. Beziés a ausi la voues di proumié troubadou, es la patrio de Matfre Ermengaud, l'autour dóu *Breviari d'amor*, epoupiéo estranjo que Dante avié segur legido ; Beziés, un jour, a vist raja tout soun sang pèr la Patrio ; Beziés que camino davans tóuti pèr la cownquisto di liberta coumunalo e di reformo soucialo, Beziés la bello indoumtado, graci à vautri, messiés, qu'avès entre-tengu dins soun amo la flamo pouëtico, Beziés a garda si coustumo, si joio, si danso antico, e venero la lengo de soun pople. E acò fasènt, vosto ciéuta mostro i populacioun, desvariado pèr lou grand esbléugimen d'aqueste siècle, que fau pas counfoundre lou prougrès bastard que vòu tout aplana, emé la civilisacioun que gardo çò qu'es fa, reculis çò que se fai e ensemènço pèr l'aveni.

Pamens, i'a 'ncaro uno causo à tout acò. E lou felibre mancara pas de la dire : es la belour paradisenco, es la graci flourido de vòsti chato, devòsti dono. N'en siéu esta esbalauvi coume tóuti. E aqueste matin, en vesitant vòsti mounumen e vòsti jardin, se lou coustume m'avié pas tira de moun ilusioun, me sariéu cresegù en vilo d'Arle ! Aquelo bèuta, messiés, que clarejo sus voste païs, vous porto vers l'estudi di causo de la scienci e di bèus-art, e vous manten aut lou cor e l'esperit. Es aquelo pouësio que la bèuta escampo à soun entour coume la flour soun perfum, que vous recounforte e vous douno l'enavans !

Adounc, permetèz-mé, messiés, d'oufri à vòsti dono, en même tems qu'à vautri, lou salut que vous aduse au noum dóu Felibrige.

Li picamen de man an saluda la fin de la dicho de noste Capoulié, coume peréu lis aplaudimen de tóuti i'an di tout lou plesi qu'avié fa en cantant sa *Roumanso de dono Guiraudo*.

M. Antounin Souaille, secretari de la Soucieta, a pièi legi lou raport sus li *Memòri istouri*, e M. L. Noguier i'a apoundu aquéu de de F. Donnadiéu sus la pouësia roumano, que vès n'eici lou paumarés :

Lou rampau d'oulivié es esta reserva.

La medaio d'argènt es estado pèr Michèu Camelat, à Arrens, pèr sa pèço : *A Mesclé*.

Li medaio de brounze soun davverado, pèr *Lou singe*, de F. Benolt, de Cers ; *Qual es l'ome?* d'Antounin Maffre, de Beziés ; *Lous pescadous lengadoucians*, de J. Soulet, de Ceto.

Li mencionoun d'ounour soun atribuïdo à *Filhal mortal*, d'Arnaud, de Fabrego ; *lou Rousé de Clairo de Moneger*, de Carcassouno ; *Vivo lou Miejour !* de Millo Jano de Margoun ; *Lou carriol d'or*, de Joret, de Sens ; *Flou de pantai*, de Diéudouna Bras, de Mount-Pelié ; *Ma maire*, de Millo Ouradou, de Brassa ; *Es mort*, elegio de Coumbalat-Roche, de Pignan.

Remarcan qu'à qui felibre dins li laureat de la pouësia franceso, e nous fasèn un plesi de li cita :

La felibresso Jano de Margoun a ôutengu uno medaio d'argènt pèr sa pèço : *l'Astronomie du bébé*, e F. Benolt n'a devera uno autre pèr *La tour Geraudel* ; au felibre Savié Peyre, de Bedariéu, i'es avengu 'no medaio de brounze ; uno mencionoun d'ounour à F. Lescure, pèr *Deux fleurs de missel*.

A. Maffre a jita la noto riserello dins li cor, emé sa galejado *Qual es l'ome ?* qu'a sóuleva lou rire fòu emai uno trouadisso d'aplaudimen.

Après, se prouclamo li laureat, se distribuïs li joio, e se claus la sesiho en douant couneissèncio dòu prougramo de l'an que vèn.

A sèt ouro de vèspre, un banquet acampavo à l'*Hôtel des Postes* li membre de la Soucieta arqueoulougico e li laureat dòu councours. En F. Gras èro asseta à la drecho dòu présidènt, Frederi Donnadiéu, que, dins un brinde en lengadoucian, a remercia poulidamen lou Capoulié d'estre vengu pourta à l'Acadèmi bezierenco, au noum dòu Felibrige, lou testimòni qu'avié bén merita de la Patrio miejournalo, pèr soun iniciativò à decerni de pres à la lengo d'O, e pèr sa constànci à ié reserva annalamen soun rampau d'ólivié. Ié traïs peréu si graci d'agué fa 'ntèndre i Bezieren « dins lou parla melicous de la « Prouvènço, sa proso gracieuso e sa pouësia armouniouso e forto, « proso e pouësia que parlon tant pla de las vielhos causos e de las « pus jouves ; las prumieros, representados pèr un noble passat, que « dèu pas toumba dins l'oublid ; las autres pèr so que i'a de pus pou- « lid sus terro, un gai sourrire sus uno caro de vint ans ! »

Avié cita en coumençant li vers de Mistral, dins *l'Espouscado* :

...Dempipi Aubagno
Jusqu'au Velay, fin qu'au Medò,
La gardaren, riboun-ribagno,
Nosto rebello lengo d'O !

L'avèn gardado, disié à pau près dins soun improvisacioun, *nosto bello rebello*, *rebello sustout contro l'ingratitudo e contro la mort*. *De sabens francimans*, a dich atabé un autre grand pouèto :

De sabens francimans
La coundamnon à mort desempèi tres cents ans,
Ta pla viou, saquela ! ta pla sous mots brounsinon,
Chès elo las sasous passon, sonon, tindinon,
E cent milo miles enquero passaran
Sounaran e tindinaran.

« L'avèn gardado dounc, e devèn n'estre flers, bëi, que lou premié representant de l'ideo felibreno, de l'ideo miejournalo, vèn nous dire que se Beziés a counservat las tradiciéus d'independènço coumunalo, las coutumos, las dansos loucalos, es à nautres, es à nostro Academlo qu'on lou dèu. »

Li paraulo dòu presidènt soun anado au cor de totti ; En F. Gras i'a respoundu mai que bèn e pièi, à la demando di taulejaire, prenent en man la coupo bezierenco, a canta la Cansoun de la Coupo, pèr n'en doua uno idèo à-n-aquéli qu'an jamai agu l'ur d'ausi Mistral entouna soulennamen aquéu cant superbe dins lis acamp maien de Santo-Estello.

Em'acò à-de-rèng, cadun a fa sa plego e a di soun brinde o sa cansoun.

Lou Capoulié a canta *Janeto dòu coulihouen verd*, e lou presidènt a legi lou brinde francés e lengadoucian que l'an passa, lou viscomte de Margoun avié manda, mai qu'aquest an, pecaire ! noun es vengu lou dire, retengu qu'es dins soun castèu pèr la malautié, e vès eici lou telegramo que s'èro espidi, dòu tèms de la dinado, à-n-aquéu mantènière valènt : « Lou Capoulié del Felibrige e l'Academlo bezierenco brindon à la santat del venerat felibre de Margoun. » E avien signa Félix Gras e Frederi Donnadiéu.

S'es di tant e pièi mai de vers e de proso en lengo d'O emai en lengo d'Oil, que nous sarié pas poussible de tout escudela, mai nouu delembaren : *Lou singe*, de F. Benoit : *moun tour d'Espagno*, de L. Nouguier, e *A l'uberjo de la Crous Blanco*, galejado coumico que n'i avié pèr s'estrassa dòu rire de l'ausi dire pèr soun autour, A. Maffre, qu'a un biais requist pèr faire giscla à-raisso lou bon e franc rire di rière.

En F. Gras a canta sa lièro cansoun dòu *Rèi en Pèire*, e s'es clava la sesiho.

Èro proun tard quand l'on s'es ana passeja sus lis alèio de Pau Riquet, en charrant e cantant à la clarta di blanquis estello.

Clauren pas aquelo crounico sènso traire un souveni pious au sa-

vènt, à l'ami En Grabié Azais, qu'avié tant de tèms, e emé tant d'affecioun, mena la barco de la Soucieta arqueoulougico, e que soun cor devié tresana de bonur, dins l'esplendour de Santo-Estello ounte repauso, en vesènt coume superbamen soun obro flouris e porto fruchò pèr la glòri de sa terro nadalo e pèr lou triounfle de sa lengo meiralo.

JAN MONNÈ.

**SOUSCRIPCIOUN AU MOUNUMEN DE JÓUSE ROUMANILLE
DESENCO E YOUNGENCO LISTO DE SOUSCRIPCIOUN**

M. Martin, mèstre d'escolo à Cavaïoun	2	"
Martin Four, en Avignoun	5	"
E. P. Bigot, à Carpentras	1	05
F. Michelon, pintre, à Marsiho	2	"
T. Bonifay. "	1	"
E. Merle, d'Alès	1	"
M. Mille, de Miramas	1	50
Ferrat, paire e fiéu, à Marsiho	5	"
F. Pascal, felibre majourau, à Gap	7	"
Ugues, avoucat, felibre mantenière, à Gap	7	"
Allard, avoucat, " " "	7	"
Richaud. " " "	7	"
C. Roche, " " "	7	"
W. Ch. Bonaparte-Wyse, felibre majourau, à Waterford (Irlando)	25	"
J. Pollio, conse de Franço, à Valènço (Espagno)	10	"
G. Tourame, avoucat, à Sant-Roumié	5	"
Menistèri de l'Estruciouen Publico e di Bèus-Art, à Paris	600	"
Toutau.	693	55
Toutau au 7 d'abriéu	4 112	25
Au 7 de jun	4 805	80



LI NOVO FELIBRENCO

PROUVÈNÇO

— Vès èici la circulàri que lou Capoulié vèn d'espedit à tout lou cors felibren :

Moussu e gai counfraire,

Venèn vous counvida i fèsto de Santo-Estello e i grand Jo Flourau setenau que se celebraran en viro di Baus, lou dilun de Pandecousto, 6 de jun que vèn.

Es sus lou plan de castèu, à l'oumbrino d'uno tèndo qu'aboucarà la rajo dóu soulèu, au cop de miejour, que se tendra à taulo, la sesiho soulenco ounte saran prouclama li laureat di grand Jo Flourau e que sara noumado e courounado la nouvello rèino dóu Felibrige.

Vougués bèn faire assaupre au Cancelié dóu Felibrige, Pau Mariéton, — 9, rue Richépanse à Paris, — o bèn au secretari de la Mantenènço de Prouvènço, Jan Monné, — 149, rue Breteuil, à Marsiho, — e acò, avans lou 31 d'aqueste mes de mai, se vous assetarés à la taulo felibreno. Estènt que saren pas en viro aprouvesido, aquéli que noun auran manda sa coundentido, s'abariran de regardello. L'escoutissoun es de cinq francs.

Reçaupès, moussu e gai counfraire, nòsti saludacioun couralo.

Lou Cancelié,

Lou Capoulié,

Pau Mariéton.

Fèlis Gras.

Un centenau de felibresso e de felibre avien respoundu au rampèu dóu Capoulié, e s'atrouvavon à soun entour, sus lou planestèu di Baus pèr ausi prouclama e vèire courouna la Rèino dóu Felibrige.

Dins lou numerò venènt, qu'an an alesti au mai leu, dounaren pan pèr pan lou comte-rendu detaia de la fèsto, li discours, li brinde e tout lou rèsto. Ço que pouden dire sènso desfloura lou raconte que n'en faren, es que tout s'es passa superbamen, que lou soulèu nous a fa riseto, que lou mistrau èro de la fèsto emai l'aguessian pas counvida, e n'èro pas lou soulet, que lou pople d'Arle, de Paradou, de Maussano,

de Sant-Roumié e d'autri rode avié courregu pèr aplaudi si felibre qu'amo e que coumpren, e que, pèr faire courtege à la Rèino de la Court d'amour, tòuti li belli chato de l'encoutrado èron vengudo, espouscant à noste entour li rai de la graci soubairano que courouno la Bèuta.

— Li journau an fa grand tapage sus uno pichoto manifestacioun *federalisto* que s'es facho dins l'ate de la fèsto di Baus, e quauqui felibre se soun escalustra, noun sènsò resoun, de co que s'es sauta à-pèdjust sus l'article II dis Estatut felibren, que dis : *Soun enebido*, dins lis acamp dóu Felibrige, *Li discussioun poulitico e religiouso*.

Uno comunicacioun dóu Burèu counsistouriau rasseguro *un brisoun* aqui-dessus li noumbrous felibre qu'avien vist emé tristesso aquelo viou-lacioun de l'Estatut. Lou Felibrige estènt uno reünioun d'ome de tòuti li partit, de que n'avendrié de nòsti acamp freirenau, se tòuti i'espouscavon sis idèo poulitico e religiouso ? L'article II es clar : que li sesiho fugon *publico* o noun, se ié deù jamai faire de poulitico.

Revendren sus d'aquéu prepaus.

— Quauquis-un di laureat dóu concours de Carpentras nous aguènt demanda de i'espeli si diplomo, ié fasèn assaupre qu'aquélis encartamen soun jamai esta dins nòsti man e que s'atrovon encò dóu président de la jurado, En Félix Gras, Capoulié dóu Felibrige, en Avignoun, ounte li podon reclama.

— Lou 3 de jun, lou Counsèu municipau de Marsiho, sus la prouposicioun de M. Vaulbert, pèr marca l'interès que pren à la reneissènça prouvençalo e pèr moustra la favour qu'aculis, à Marsiho, lis obro escricho dins aquelo lengo, a decida qu'uno inscripcióun en lengo prouvençalo sarié gravado sus l'un di quatre caire dóu mounumen que se vai auboura, sus lis alèio de Meilhan, en remembranço di moubile di Bouco-dóu-Rose que soun mort pèr la patrio.

Mandan nòsti felicitacioun à M. Vaulbert, emai au Counsèu municipau marsihés pèr aquelo flamo idèo.

— Nous dison que lou mantenière L. Foucard vai escriéure dins la *Sartan* uno serio de retrra, aguènt pèr titoulet : *Facbo marsibeso*. Noste brave mantenière se troumpo-ti pas de camin ?

— Se vènd au proufié de la celebracioun dóu tresen centenari de l'establimen de l'empremarié, à Marsiho, un journau microuscoupi, estampa encò de A Trabuc : *le Petit Typo marseillais*, que douno un article d'A. Marin, *Li rimo sartaniero*, de Batisto Artou, e lou retrra dessina pèr Blacho, de *Louis de la Belaudiero*, autour dis *Obro e Rimo prouvençalo*, lou premié libre estampa à Marsiho, en 1595, à l'emprimarié de Pèire Mascaron.

— Lou Ministre de l'Estrucioune publico e di Bèus-Art vèn de manda à-n-En Marius Girard, sendi de Prouvènço, la soumo de 600 franc representant la souscripcióun dóu gouèr au mounumen que se dèu auboura, à Sant-Roumié de Prouvènço, en ounour de Jósè Roumanille.

— Lou 19 de mai, uno felibrihoune es neissudo au felibre Elío Merle. L'Escolo-de la Mar a benastruga l'urous paire, e ves eici la flouretu que Mistral a pausa sus sa bressolo :

Pèr la chatouna dóu felibre Elío Merle, que l'an batejado Mirèio.

La plus bello inuortalita
Pèr ma Mirèio es de ronaisse,
Ami, dins un nis de clarta,
Em'uno maire que l'enfasse
E que la brèsse e que la paisse
Em'un felibre à soun coustat
Que tout lou jour fai que canta.

f

— S'alestis à Gap l'*Almanach de la Montagne*, que sara francés-prouvençau, em'uno tiero d'article en parla dis Aup. Sara adouba de la man di valènt redatour de l'*Etoile des Alpes*, emé l'ajudo di felibre e literatour de bono voulounta que i'agradara de ié presta soun concours. Aquéli que ié fara plesi de ié manda soun espigo à-n-aquelo garbeto, an que de l'espeli au mantenière Jùli Jean, directeur de l'*Etoile des Alpes*. 47, carriero Novo, à Gap, o, se ié vèn miés à man, à M. A. Laugier, carriero d'cu Tapis verd, 17, à Marsiho.

— Lou 15 de mai, lou felibre L. Foucard s'es fa aplaudi mai-que-mai, dins si sceno galejarello, au ciéucle de Sant Mitre, à-z-Ais.

— Lou *Dimenche* publico douz poulit tres de proso franceso : *Excursion à la Fontaine de Vaucluse* (Odisse Richemond) e *Jusqu'à vingt ans*, rouman de Félis Lescure.

— Lou sóci dóu Felibridge E. Portal, de Palermo, alestit un libre sus la literaturo prouvençalo mouderno. l'aura quauqui chapitre sus lis óurigino de la lengo d'O ; sus la lengo e la literaturo prouvençalo au mejanage ; sus la lengo e la literaturo prouvençalo de nòsti tems, sus l'óurigino dóu Felibridge ; sus sa constitucioun atualo ; l'aura en seguido li biografisio di majourau, di felibresso e di mantenière, e tout acò sira courouna pèr uno garbeto de flour pouëtico culido dins lis obro de la majo part dis escriván miejournau.

— Frederi Mistral vèn d'estre nouma à l'unanimeta, vice-president d'ounour d'uno Soucieta de secours mutua : la *Meridiounalo*, com-pausado de miejournau, que se vèn de founda à Tunis, soto la presidènci d'ounour de moussu lou baroun d'Ortès, Resident generau de la Republico.

— *Uno iscripcions prouvençalo* à Vieno (Austrio). A l'Espausicioun de Musico e de Tiatre que se ié vèn de durbi, entre autris iscripcions que i'a sobre la porto dóu saloun dis estrangié, se vèi aquesto en prouvençau :

Saloun dis Estrangié
intro quau vòu.

— La Soucieta d'Agriculturo, Art, Sciènci e Bèlli Letro de la Lèiro vèn d'acourda uno medaio de vermèi au *Pare Barounta* (P. Duplay) que dins lou vièi parla de Sant-Estève, pinto cado semano, dins li journau, lis us e costummo e li mour di gènt d'aquel encountrado.

— A Niço, se soun acampa quauquis amaire di causo miejournalo pèr estudia e arresta lis Estatut d'uno assouciacioun que pourtara lou noum de : *Li fièu de Prouvènço*.

— D'uno letro que lou felibre-abat Spariat escrieu à P. Coffinières, e publicado dins lis *Echos de Tamaris*, n'en tiran emé gau aquesti rego :

« Oublidave de vous dire qu'eici, à-z-Aup, siéu bèn e que lou « prouvençau rounflo. Dins lou tèms de la Caremo, entre z-Aup, « Tourtour e Rians, ai douna uno vinteno de sermoun en prouvençau. Es esta un triounfle pèr nosto lengo : glèiso pleno mau-grat « la coumèdi e la plueio.

« Vivo Diéu ! vivo Santo Estello ! vivo, vivo Prouvènço ! »

— L'Acadèmi de la Prouvinço, dirigido pèr nostre ami Lucian Duc, counsacro, aro, sa revisto mesadiero à tout ço que pretoco la pichoto patrio, e sobre-tout is us e costummo dóu tèms passa.

Despièi lou mes de janvié, a déjà pareigu, pretoucant nosto Prouvènço, lis article seguènt :

Une Ode provençale de Richard Cœur de Lion (P. Albert), *La Cannebière* (J. Daveigno), *les Bravades e les Rues en Provence* (L. Duc), *les crèches de Noël e la Fête des Rois* (P. Mangin), e enfin *le Mai*, de F. Armagnin.

Zóu ! que tóuti lis amaire dóu terraire mandon sis estudi à *La Province* pèr enaura coume se dèu nosto Coumesso !

E que ié mandon peréu, se i'agrado, d'entre-signé sus la Cousino prouvençalo, en estènt que la revisto de Lucian Duc vòu faire couñisse la cousino especialo à cado regioun, emé si plat naciounau.

I.ENGADÒ

— Cade dilun, dins la *Dépêche de Toulousso*, lou majourau L. Savié de Ricard publico un article sus l'istòri e la literaturo miejournalo, souto la rubrico : *A travers le Midi*.

A déjà publica : *Ce que je voudrais*; *Le marteau du moine*; *Un peu de justice*; *Poètes nationaux*; un *felibre norvégien* (Henrik Ibsen), etc.

— L'Escolo dóu *Parage*, de Mount-Pelié, avié dubert de Jo Flourau pèr la *galejado*. l'avie lou pouèmo di *Carbounié* de F. Gras, e, pèr un *soumet sus lou Peirou*, *Toloza*, autre pouèmo de nostre Capoulié.

Foro councours : la sourneto tant bèn cantado de *Misero e pauresat*, de la gènto felibresso Margarido Sol, de Narbouno ; la bello pajo *Pantai blu*, que l'autour s'es pas fa counèisse ; lou conte *Janetoun e Mieto*, dóu felibre E. Bigot, de Nimes, e *lou cat dins lou busèt*, d'A. Maffre, de Beziés.

Un anounime a gagna lou pres dóu Contes e galejado, pèr sa pèço : *Passen pas davans lou four sans saluda la palo*.

Li mencion d'ounour lis an agudo : Arbousset de Cournon-Terral ; Fernand Pigot, de Capestang ; Combalat-Roche, de Pignan e Matieu Carle, sóudard à Lioun.

Li mencion simplò se soun atribuïdo à MM. J. Roucoules, de Mount-Pelié ; A. Marqués, de Ceto ; un anounime qu'a signa : *Lou relapaire de la carriero dóu Pont-de-Lato* ; Martin Pascal, Jùli Veyron e Teralc, de Mount-Pelié.

Es madamisello Louisa Ouradou, de Brassa (Tarn) qu'es gagnarello dóu pres pèr lou *soumet sus lou Peirou*.

Li mencion d'ounour soun pèr lou felibre Jùli Raymond, de Mount-Pelié ; un anounime qu'a pres pèr epigrafo : *Quatorze vers pèr canta lou Peirou*, e M. Rigal, de Mount-Pelié.

I'a agu pièi uno mencion pèr P. A. de Mount-Pelié.

— Ah ! l'urouso e flamo idèio ! la *Campana de Magalouna*, lou journau poupopulàri que fai prouado, à Mount-Pelié, a ourganisa de councours en lengo d'O entre lis enfant de tóuti lis escole de soun rode. Es acò, lou meiour mejan de semena lou bon gran e de faire espeli de bon felibre. Parèis qu'es à centenau que li pèço soun arribado, e vès eici aquéli qu'an agu li joio :

Pres pèr li sourneto, *galejado e conte*, Enri Boude dóu Clapas, (15 an), pèr si galejado : *Sant Pèire s' l'ibrougno e Lous 28 jours d'un avoucat*.

Mencioun d'ounour : Pau Gros, dóu Clapas, (15 an) pèr sa pourido sourneto : *Una vengença* ; Jousè Chiches, de Beziés, (13 an), pèr sa letro i redatour de la *Campana de Magalouna*.

Proumiero mencion : F. Jan, dóu Clapas, (15 an) pèr sa galejado : *Las elecions* ; segoundo mencion : A. Delbord, dóu Clapas, (11 an).

Li pèço arremarcado soun aquéli di pichot Bouret, Laplace, Girard, Lafond e Vidal.

Moussèu de proso revira dóu francés. Pres : Jousè Borne, dóu Clapas, (9 an) pèr sa *Marchando de mèu*.

Mencioun d'ounour : la jouinetto Clara Tarbouriech, de Cazouls-de-Beziés, pèr soun *Souveni d'un viage au Havre*.

Mencioun : V. Bernard, L. Cadenat e Roussel.

Pouësio. — Mencioun : Pau Gros, pèr sa *Jouina mandianta*, e Louisa Maraval, de Ceto, pèr sa *Pichoto sorre*.

Lis enfant dis escolo soun esta counvida à-n-un segound councours que s'es clava lou 15 de jun. Li sourneto e galejado li meiouro saran publicado dins la *Campana de Magalouna* e sis autour reçaupran d'en-cartamen mai que poulit.

Zóu ! escoulan, boutas-vous en trin, la *Campana* sono pèr vautre si trignoulet li plus galoi ! Ah ! la bravo *Campana* e li bràvi campanié, tant valènt e tant amistadous !

— Lou dimenche, 29 de mai, dins la salo dóu Counsèu de la comunio, la Soucieta literàri e artistico de Beziés a decerni li joio de si councours, souto la presidènci de M. P. Paget.

M. Benjamin Fabre a fa lou rapport sus la pouësio neo-roumano. Lou mantenèire A. Maffre a pièi legi soun *ase de Piparot*, qu'avié davaera 'no medaio d'argènt, e qu'a bravamen regala l'auditòri.

Au banquet dóu vèspre, qu'a clava la fèsto, la lengo dóu terraire a peréu fa prouado, emé la pèço : *Encò de l'escriban public* de Maffre, e *Lou zouave e moun ase* ounte M. B. Fabre a espousca bravamen de pèbre e de sau.

Dins lou paumarés, culissèn li flour espelido en terro miejournalo. Lou felibre Ougèni Imbert, de Vaurias, gagno lou premié pres, uno medaio d'argènt grand moudulo emé sa pèço : *Lou jouieu de la Rèino*.

I mantenèire A. Maffre e Jousè Soulet, revèn uno medaio d'argènt, à l'un pèr si galejado : *L'ase de Piparot* e *La bolo de Milbas*, e à l'autre pèr soun sounet à *Antounin Injalbert*.

De medaio de brounze soun decernido, pièi, i felibre Bonnefoy-Debaïs, pèr sa pèço : *Lou cant dòu pastre* ; L. Bard, pèr si vers : *Ma vigne* ; F. Benoit, pèr soun raconte : *Las Cagaraulos* ; A. Lartigue, pèr soun elegio : *Paure viel*, e Bonis Estève, de Nissan, pèr sa pèço : *Pacbou-lou-Bousigau*.

— L'Escolo audenco a tengu sa proumiero sesiho, à Carcassouno, sus l'estiganço de sa constitucioun, lou 4 de jun passa, e vès eici la mai que galanto letro cunvidarello que li sèt felibre signatari an fa teni i sòci de l'Audio :

Brabe Counfraire,

« *Les sept felibres*, dejouts sinnats, bous san saupre qu'an oubtengut de la Mantenènço de Lengadoc l'autourisaciù d'acampia l'*Escolo audenco* ount saran reünidos las quatre parladuros de Carcassouno, de Narbouno, de Limous e de Castannaudarry.

« Saben qu'aimats bostre païs, la lengo d'oc, les felibres que bous san rire e bous san ploura, tout ço que, dins la terro mairalo, rememorio las bièlhos coutumos.

« Bous pregan dounc de bous atrouba, le dissate 4 de jun, à bèit ouros dal bespre, dins les salouns de la *Société de lecture*, 13, rue des Halles, à Carcassouno. Aqui se noumara les administratous de l'Ecsolo audenco e se prendra tabé les noums d'aquélis que bouldran fa partido de l'Escolo.

« Se poudèts pas beni, mandals bostro coundentido à M. G. Jourdane, *Grand rue*, 44, à Carcassouno.

« Pla merci d'abanço. »

Milo Margarido Sol, felibresso manteneiris, Achilo Mir, felibre majourau ; Pau Gourdou, mestre en gai sabé ; Adam Peyrusso, felibre mantenèire ; Mountagné, felibre mantenèire ; Moneger, felibre mantenèire ; G. Jourdane, felibre mantenèire.

Fasèn li meiour vot pèr la prousperita de l'Escolo audenco. Lis ome de la bono que se soun bouta à l'obro veiran lèu s'arramba à soun entour uno troupo d'oubrié voulountous que demandaran pas miés que de fatura li campas auden, pèr n'en faire sourti li flour óudourouso de l'amour de la terro patrialo e de la lengo meiralo.

— Lou nouvèu majourau A. Perbosc vai faire pareisse lèu-lèu, un voulume de vers lengadoucian qu'aura pèr titoulet : *Al pais de Casses*. Nous languissèn de saboura la melico d'aquelo bresco.

— Dins uno representacioun dounado à Frountignan, souto l'afat di cantaire frountignanen, dirigi pèr lou felibre F. Bayle, lou lengadoucian i'a fa sa plego : se i'es jouga l'ate de l'*Aubado*, de l'*Opera de Frountignan*, de Fize, musico de F. Bayle, e pièi s'es canta *Lou Tèulat paternal*, de Peyrottes, musico de Rouquet ; *Lou muscat de Frountiguan*, paraulo dóu sendi Ip. Messine, musico de Bayle ; M. Pagés a declama sa pouësio : *Frountignan*, e s'es touna-mai canta : *Aglaé la cantaira*, de Savié Peyre, musico de F. Bayle, e lou *Maset de mestre Roumiéu*.

— Lou 21 de mai, à Tunis, neste ami Aristido Brun a vougu celebra Santo Estello. E, pèr acò, acoumpagna de quauqui proufessour e dis escoulan dóu Liceu Sadiki, se soun rendu dans li gorgo de la Destrau. Lou présidènt di Felibre de Tunisio, M. Scotto, empacha, avié delega pèr lou representa M. Alis. Bonadi M. Durmeyer, escoulan de 3^e classo, lou drapèu felibren a flouteja sus li cimo dóu Djebel-Rossas, e i'a clanti lou crid : vivo Mistral ! vivo lou Felibrige ! A. Brun a brinda à M. Scotto, présidènt, emai au decan M. Caleca. M. Alis, en un galant paraulis, a celebra li glòri miejournalo despièi Bertrand de Born jusqu'à Mistral, etc.

Brave ! e oscò pèr Aristido Brun !

— Acò devié arriba ! dis la *Campana de Magalouna* : despièi que li felibre tiron la cordo de la *Campana*, es devengu de modo d'escriéure en lengo dóu terraire. Li coumerçant bouton d'ensigno en lengo pouplàri ; li journalisto, quand raconton quaucarèn que s'es passa pèr li carriero, escrivon en lengo d'O. Lis ome poulitique devien pas resta en arrié : avèn vist au Clapas, dimenche, jour dis eleicioun, uno aficho en lengo pouplàri...

A Marsiho tambèn la lengo pouplàri s'emplego mai-que-mai dins li journau, e lis ensigno mancon pas. Dins lou campèstre i'a quau saup quant de bastido e bastidoun bateja d'un noum prouvençau. E l'autre dimenche, i'a de nòstis ami qu'an penja cremascle à-n-un, dins la calanco de Malmousco, que ié dison *Fai camin* !

— Souto la présidènci d'ounour dóu majourau En Maurise Faure, la Societa nimesenco *la Gourde* dounara soun grand councours de 1892 au mes d'avoust que vèn.

Dins lou prougramo, i'a uno medaio d'argènt e dos medaio de brounze pèr un sounet à *Roumansbo*, emai pèr li sujet libre : odo, balado, roumanso, etc.

Li manuscrit, escri que d'un soulet caire dóu papié e noun signa, se dévon manda, avans lou 31 de juliet, à M. Albert Thomas, carriero de la Gaudio, 1, à Nimes.

Aquitâni

— Li Limousin, à Paris, an tengu la segoundo sesiho de la *Ruche corrézienne*, coume l'avèn di, soto la présidènci de M. G. Lecherbonier. M. H. Deloncle i'a fa 'no counferènci sus lis *Orne de guerro de la Courrezo*; edins lou councert qu'a segui, M. Marpillat a debita dous mou-noulogo limousin : *Lou perrouquet de Gustin e Lou vi del curat*, qu'an bravamen fa rire lis escoutaire.

La counferènci de jun aura pèr tèmo : *lou pouèto Francés Fabié*.

Aquelo dóu mes d'avoust se fara sus lou *Felibrige*, e se ié dira de pouësio prouvençalo e limousino, emai peréu se ié cantara la *Cansoun de la Coupo; Baisso-te, mountagno e la Toulousenco*.

Zòu ! que vibre lou *chabretaire* !

— Dins uno letro qu'escrivé à la *Ruche corrézienne*, lou majouïau Jousè Roux disié : « Lou marrit lengage limousin es de patoues coume lou marrit francés es de jargoun.

« Parlen bèn, escriven bèn nosto bello *lengo limousino* pèr que reprengue vido e ounour à flour e à mesuro que noste patoues finira. Fau uno ourtougrafo tradiciounalo, fau uno soubeirano que tóuti i'oubeïgon. Senoun, ges de reneissènço poussiblo ni de relevamen. »

Acò vai coume la peiro à l'anèu au dét d'aquéli que s'oupilon à-n-escriure lou marrit lengage prouvençau.

— *Lou Counsèu municipau de Brivo (Courrezo)* a pres deliberacioun pèr que se dounèsse li noum de *Bernard de Ventadour e de Bertrand de Born*, en dos carriero de la vilo. Aquéli dous troubadou soun li gloufouis representant de la literaturo limousino e miejornalo. Lou *Felibrige* pico di man à-n-aquel ounour rendu à nòstis inmourtau davancié.

— Em'acò, vès aqui mai, dins Paris, coume l'avèn di, uno soucieta limousino que s'es constiuïdo e que nous pourgis poulidamen lou premié numerò d'un journalet mesadié : *l'Ecbo de la Corrèze*, que nòsti vot saludon en grand gau, amor que ié vesèn, en flour, l'idèio felibreco, e qu'es un ami de mai que s'apound à la farandoulo superbo que meno lou *Miejour* vers lou relevamen de la raço.

Aquéu premié numerò de l'*Echo de la Corrèze*, es un moussèu requist : i'atrouvas lou comte-rendu de l'acamp dóu 2 d'abrieu ; *Nostre Lemouzi*, de J. Roux ; uno biougrafio dóu majourau, autour de la *Chansou limouçino e di Pensées*, pèr Amyot ; li ditoun sus li mestie di vilo limousino ; li prouverbi e la famouso cansoun : *Baisso-te, mountagnon*, qu'es tant pouplàri, emé li devinaio.

Longo-mai, li valènt counfraire que se soun atala à-n-aquelo obro patrioutico, nous regalon dóu mèu que lis abiho acampon dins li flour dóu campèstre limousin.

CATALOUGNO

— Lou 8 de mai, s'es tengudo à Barcileuno la sesiho di Jo Flourau catalan. Dins soun discours, lou présidènt en Picó y Campamar, noun a delembra de saluda noste grand mestre Roumanille, entre tòuti lis ilustracioun de la patrio catalano que la mort i'a rauba dins l'an que vèn de s'escourre.

Lou secretari legis pièi lou paumarés : Ramon Masifern es gagnaire de la *Flor natural* e chausis pèr la Rèino de la fèsto, madamisello Francisca Bonnemaison y Farriols. L'accési de la flour naturalo es pèr dono Dolors Monserda.

Lou mantenèire dóu Felibrige Jousè Marti y Folguera, davero l'*Engantina* d'or e es prouclama mestre en Gai Sabé ; dono Dolors de Monserda gagno peréu l'accési d'aquelo joio.

La *Viola* es pèr Marti Genés.

D. Claudi Planas y Fort, D. Emili Coca y Collado, e noste gènt ami lou felibre de Prouvènço Louis Charrasse, an agu respetivanmen lou segound accési de la *Flor natural*, e lou premié e lou segound de la *Viola*.

« E d'abord qu'avèn nouma l'escrivan prouvençau, — dis la *Veu de Catalunya*, en rendènt comte de la fèsto — nous fau apoundre que la distincioun councedido pèr lou Counsistòri à-n-uno obro de nostro sorre la Prouvènço, fuguè forçò bén aculido dóu publi, e qu'es de souveta que li relacioun literàri di prouvençalisto e di catalanisto devengon cade jour plus seguido e mai couralo. »

l'atèms que l'amour freirenau nous ligò emé li patrioto que luchon de la man d'eila di Pirenèu, pèr lou triounfle de sa lengo e de si liberta, e sara toujour emé bonur que veiren se sarra que mai, entre nautre, aquéu liame d'amour !

E vès aqui que li Catalan nous dounon uno nouvello provo de l'afeicioun que nous porton, en durbissènt, dins la *Veu de Catalunya*, entre tòuti lis escrivan catalanisto, uno souscripciou pèr lou mounmen de nostre regreta Roumanille, souscripciou que restara duberto enjusqu'au 30 de jun e qu'es fissado de vint sòu à 10 franc.

MORTUORUM

— Lou celèbre musician nimesen Ferdinand Poise, vèn de mouri à Paris. Èro nascu en 1828, e avié coumpausa proun cansoun e roumanso prouvençal entre li qualo signalaren lou *Plòu e soulèio* de P. Arene :

Lou veiounge plouro,
Naute cantavian.
Mascara d'amouro
Coume de bòumian.
Cantavian Marsiho
Que sus d'un pont nou
Lé plou e soulèio
Lé soulèio e plou.

que li resson di felibrejado lou redison encaro.

— Lou felibre mantenèire Louis Bonnaud, a perdu sa mignoto Roso, sus la fin dóu mes de mars. Avié tres an, pechairo ! e Diéu l'a vougudo pèr que presumèsse l'ort de Santo Estello.

— Lou 14 d'abrieu, lou felibre Louis Vidal a perdu soun brave paire, mort à la Ciutat, ploura de tòuti.

— Lou 21 de mai, à Sant-Estève (Lèiro), dins si 39 an, es morto, pechairo ! la gento fremo dóu felibre Carle Boy.

— Es mort à Gondon (Erau), dins si 75 an, lou mantenèire de Lengadòc, Ougèni Coste, de Nissan, qu'ero un dis afouga de la Causo.

Diéu li repause en Santo Estello !

VANEGACIOUN

— M. Leopold Blanc es aro istitutour is Agnelié, vers Barciloneto, (B.-Aup).

— Lou canouunge Enri Rolland, es aro, carriero dóu Louvre, 18, à z-Ais.

— Lou felibre N. Roche, qu'ero à Digno, vèn d'estre nouma espetour di Telegrafo à Vesoul.

A PAREIGU :

A Beziès, encò de Roger : *Cansou de las trelbos, à l'óucasioun de l'espousicioun e de l'inauguracioun dóu Titan, avril 1892*, cansoun que li trihaire an cantado e recantado i festo bezierenco e qu'es degulo à la plumo d'En Junior Sans.

* dins l'Hérault : *Tenebros* ; *lou Ramels en caremo*, d'A. Maffre ; *Cansou de las trelbos*, de J. Sans e li vers as *Catalans espagnols*, pouësio patrioutico d'A. Maffre, qu'un eisernplàri artisti emé la musico de V. Boiteau, s'es semoundu à M. Rodorerd, chèfe de la musico de la gardo municipalo de Barcilonou, qu'ero vengudo prene part i councours dubert à l'óucasioun de l'Espousicioun.

A Marsiho, dins lou *Bavard*, di 9, 16 e 30 d'abrieu e 7 de mai, la seguido di pouëmo de la *Pauribo*, de V. Bernard, que soun *Au cagnard* ; *la nouòt de l'estamaire* ; *Pèr orto e l'Enfant*, e i'a peréu duc vers à-n-Egesipo Moreau, que lou pouëto A. Adam a manda i travaiadou dóu libre, à Marsiho, à prepaus dóu mounumen que lou *Gutenberg* ié vòu auboura.

* Encò de Chabrier, lou *Dimenche*, numerò 1, 2, 3, emé *la Nationalité provençale*, de P. Frontery ; *Vai mau*, ounte M. Rimbault critico li decisionoun counsistourialo presso en vilo de Tarascoun, lou 18 d'abrieu e s'aubouro contro la citacioun qu'avèn facho d'un article de P. Frontery, dins l'*Oursin*, à prepaus dóu *federalismo provençau*, ounte aqueste fasié ges de persounalita e parlavo qu'à-n-un poun de visto generau. l'avié pas aqui de que preue la mousco, e toumba à tour de bras sus li vièti felibre qu'es tout de repepiaire, de gènt sènsò sèn, sènsò lougico e subre-que-tout, sènsò devocioun à la Causo. Aneu ! anen ! vièti rampous, qu'avè pas lou dre d'agué 'no idèo, dounas de provo qu'avè de cor e d'afeciuon e aurés dre de parla ! Autramen, croumpas un chut, e teisas-vous, que voste senòdi vèn en òdi i jòuine ! Acò 's manda e bén manda. Brave ! mèste Rimbault ! Pamen es mai que juste d'apoundre qu'aquelei pàuri vièti, qu'an fa tripet-pelòri pèr la Causo, vèson pas la jouvènço d'un marrit iue, bèn lou countràri, amor que n'en soun fier e ourgueious e que l'amon de tout cor, que vèson en elo l'espèr e l'aveni de l'obro felibreno.

A Palermo, dins la *Nuova Sicilia*, la bibliougrafia e l'escourregudo dins li journau miejournau e felibren, pèr E. Portal.

A Fourcauquier, encò de Crest : *Athénée de Forcalquier et Félibrige des Alpes*, dounant lou comte-rendu de la sesihó dòu 8 de nouvèmble 1891, alor que l'Atenèu celebravo si *Noçò d'argent*. Entre li pèço e obro que se ié soun dicho, i'a *lou Nis*, de G. dòu Caire ; *La cauco à Manosco*, remembranço d'A. Honde ; *Souveni de Picboutié*, de E. Bernard ; *l'èr dòu Credo*, de Dounin Gorde ; *Marsibés e gavous*, galejado de P. Dhuc e *lou Parrouquet fiançous*, de A. de Gagnaud.

A Mount-Auban, encò de Forestié : *Le cavalier Lunel*, de Courbariéu, obro d'un troubadou dòu siècle XIV.

A Touloun, dins *les Echos de Tamaris* : *lou salut*, de M. Bourrelly à l'*ECHO* ; *Le manifeste des félibres régionalistes*, emé la superbo letro de A. de Gagnaud, *Ço que voudrieu èstre*, de G. Drageon ; *lì Tamariso*, letro dòu Capoulié En Fèlis Gras ; *le Tambourin*, de G. Brun ; *le Mai*, (V. R.) ; *Tamaris*, pouemo prouvençau, pèr Septimus, etc.

En Alès, *Lou cascavel*, Nº 1 à 4 emé : à *Jan Reboul* (Lafare 1844) ; la *Tirairo*, cansoun ; *A la memorio d'E. Caçal*, odo d'A. Arnavieille ; *lou retrai* de J. B. Dumas ; *Lou Bonur*, sounet de M. Faure ; à *Ceseto* (Capitello) ; *lou Printèms*, de F. Chabrier ; *Lous ramèus*, de La Sino ; *Lou sermoun de moussu Sistre*, de l'abat Fabre em'uno gravaduro d'E. Marsal, de galejado, *cascavelados e cascavelous*, etc., etc.

A Bukarest, dins *lou Corvorbiri Literare*, (charradisso literari) de nouvèmble de l'an passa, s'atovo : *O ochire asupra Felibrigiului* (un cop d'ieu sus lou Felibrige) qu'es uno escourregudo pleno d'interès sus nosto reneissènço prouvençalo, esricho pèr la plumo dòu gent J. Bonifaci-Hetrat. L'autour ié parlo poulidamen di grand felibre Roumanille, Mistral e Aubanel, emai de tout l'escarradoun di pouèto prouvençau que seguison si piado. Lé coumparo pièi la naturo e lou caratère dòu pouèto de la *mòugrano entre-duberto*, emé le naturo e lou caratère de dous di grand pouèto roumanesc, Aleissandri e Eminesco, que l'un l'aurias pres pèr uno flour espelido soutu li rai de noste soulèu e l'autre, que, pèr li pensado e la filousoufio que sourgento dins si obro revertarié plus lèu à-n-un ome dòu Nord.

Pèr moustra l'envanc de nosto boulegadisso, J. Bounifaci-Hetrat, que d'aquest moumen es en trin de revira Mirèio en lengo roumanesco, cito quâquis estroso dòu cant de la *Ragò latino*, de F. Mistral e l'apound uno odo siéuno sus la mort de Roumanille, pèr moustra que vòu èstre lou tra-d'u-noun entre lou Miejour ounte s'agrado tant e la Roumanio sa patrio adòutivo e ounte a passa lou meiour de sa vida.

A Draguignan, encò de Latil, *lou Franc prouvençau*, armana de la Prouvènço pèr 1892, (17^e annado) em'un pious remembre de Bourrelly pèr nòsti mort J. Roumanille e J. B. Gaut ; de galejado e de vers pèr P. Chauvier ; la cansoun *Ei Païsan*, *lou païre e leis enfant*, fablo ; *Lou capelan controbandié*, raconte ; *Vile e bèn*, de Bourrelly ; *Lou mai e lou mai*, cansoun de L. Pelabon, emé de galejado à boudre. (Costo dè sòu).

A-z-Ais, lou *Bulletin archéologique d'Arles*, douno dins si quatre premié numerò de 1892, uno tiero d'entre-signe que, partent de l'an 1302 van enjusqu'à l'an 1664, respondent à la question que se pauso de saupre, coume n'i a tant e tant que lou dison e lou redison, que li terro, autre-tèms, dounavo n de meisoun plus granado, que la prousperita iéro mai grando, li sesoun miés reglado e li tèms meiour pèr totu.

Aquelo escourregudo en arrié es mai qu'interessant e felicitan lou felibre Fassin de nous agué proucura l'ur de la faire.

A Carcassouno, à l'estamparié dóu *Vigneron Narbonnaise* e tira d'aquéu journau, *mademoiselle Emilie Lausot*, article necroulogi de Margarido Sol, sus d'aqueло damisello, que tambèn èro engaibiado pèr escriéure en lengo d'O, de tau biais qu'un o de sis amigo la voulié presenta à la mantenènço de Lengadò au titre de felibresso manteneiris, e que veici un escapouloun de la responso que ié faguè :

Ah ! quand tous amis an fa festa
A moun paure vers escranca,
Savon bèn que toun cor ne resta
De bonhur tout ensourelha.
Es pèr te plaire, ma mignota,
Es pèr gaia toun cor doulènt
Lou plasé que te fan, paureta,
M'es pus doux qu'un nivo d'encèns.

En Avignoun, dins l'*Aïoli*, di 7, 17 e 27 de mai : *l'Ôme pouplàri*, de F. Mistral ; *Printèms prouvençau*, de E. Portal ; *li Toundère d'avé*, de Ch. Rièu ; *lou Vergiè d'Avignoun*, revira pèr Na Mario Mistralenco de miss Mary Robinson ; La festo de Sant Marc, à Vilo-Novo d'Avignoun (D. T., païsan) ; *Sant-Brançai de Manosco*, pèr la felibresso Lazarino ; *Mes de mai*, de A. Tavan ; la *Bravado*, (E. Perrimond) ; *La proucessiou di Fiolo* à Bourboun, (B.-dou-Rose) pèr D. Savié de Fourviero ; la Boulegadisso e li memòri d'un gnarro pèr B. Bonnet.

Dins lou *Publicateur des Alpes*, un article bibliografi, pretoucant neste Buletin e que n'en gramacian couralamen l'autour, M. lou viscomte d'Hugues.

Lou Gerent : Jan Monné.



CROUNICO

SANTO-ESTELLO I BAUS

Sus lou planeštèu di Baus, lou vènt rounflo e lou soulèu dardaio. Li tèndo que devien veja l'oumbrino sus li taulejaire, sènso empacha lis iue ravi de countempla lou meravihous tablèu, ah! pechairo ! lou mistrau lis emporto e quand li felibre arribon, atrovon tout lou mounde en aio pèr alesti, darrié li rouino espetaclouso dóu castelas baussen, uno taulo rustico, que tant fai gau de vèire, quand li felibre, vengu de Prouvènço e de Lengadd, se i'asseton, esmougu e que la *Coupo santo briho* davans lou Capoulié, e que sus li rouino floutejo la bandiero felibrenco que li valènt dóu Clapas an desplegado dins l'azur ensouleia.

Au pourtau de la vilo an auboura un arc de triounfle, pourtant au frountau l'estello à sege rai di prince di Baus, em'aquésti mot :

Vivo Santo-Estello, patrouno di Felibre.
e aquesto iscripciona mai que galanto :

*Vàutri que guidò eici l'Estello felibrenco
Sigués li bén-vengu dins la ciéula baussenco !*

L'ouro soulenno es arribado e lou Capoulié En Fèlis Gras s'aubour, aguènt à soun entour li majourau En F. Mistral, assessor de Prouvènço ; En P. Mariéton, Cancelié ; En Marius Girard, sendi de Prouvènço ; En Jan Monné, secretari ; En Pau Arene, En Albert

Arnavielle, Èn A. B. Crousillat ; En A. Glaize ; En J. Huot ; En R. Marcellin ; En E. Marsal ; En A. Mathiéu ; lou poi Savié de Fourviero emai En A. Tavan. En foro di quatorze majourau que venèn de nouma, la Court d'amour se coumpauso d'un eissame de pouldi chatouno e de gènti dono entre li qualo se remarcon : Madamisello de Barouncelli-Jayoun, Mllo Mario Girard, li damisello Huot, dono Babeloun Pericaud, Na Marlo Mistralenco, Mllo André, dono Lazarino Daniel, dono M. Girard, Mmo Marsal, dono L. de Manesco e que sabe ieu mai.

Adoune, En Fèlis Gras prouclamo li laureat di Jo Flourau setenàri.

Marius André es gagnaire dóu pres de pouëslo ; lou pres de proso es pèr Batisto Bonnet ; i'a pièi de joio decernido is ajudaire fouran pèr la proupagando felibreno ; aquélis ajudaire soun : MM. Constant Hennion, de Tours ; Luigi Zuccaro, à Foggia (Itali) ; comte A. de Gubernatis, à Roumo ; E. Portal, à Palermo ; Enrique Cardona, à Naple ; A. Bertuch à Paris ; Sigismound Bouska, à Prago ; Jaroslaw Vrchicky, à Prago ; dono Marlo Licer, à Veniso e dono C. A. Janvier, à New-York.

Se prouclamo peréu li decisioun counsistourialo que dounon lou titre de majourau i mantenèire E. Marsal, de Mount-Pelié ; A. Perbosse de la Guèpia e Jan Laurès de Vilo-novo-de Beziés.

Se decernis lou titre de *Mèstre en Gai-Sabé* au mantenèire Fèlis Lescure e aquéu de sòci au valènt proupagandisto Jaroslaw Vrchicky, de Prago.

Alor, se virant de vers M. André, lou Capoulié parlo coume eiçò :

Au noum dóu Felibrige,

Ieu lou Capoulié, davans lis Assessour e li Sendi, davans li Majourau e li Mantenèire, lou Cancelié estènt aqui :

Prouclame laureat di Jo Flourau setenàri, tu, Marius André, autour de *Plòu e soulèio* e d'autris obro pouëtico. Te noume mèstre en Gai-Sabé e te baie la courouno argentalo d'oulivié.

Lou Counsistòri a fa obro bello, justo e bono, t'aussant, brave jouvent, sus lou pountin de la vitòri. Es ta proumiero glòri, bessai ; siéu assegura que te virara pas la tèsto, car as, pèr toun naturau e toun educacioun e toun estruciuon fortò, tout çò que fau pèr teni clot e pausadis toun esperit, emai l'estrementigue la divino foulie pouëtico.

Siés jouine, lou sarai lèu plus. — Escouto : Óublides jamai que lou pouèto viéu d'ispiracioun. Mesfiso-te de çò que li leituro o lis estudi

t'an bouta dins la tèsto. Aigues fisanço dins l'ispiracioun e l'amour que la naturo a bouta dins toun cor, es acò la semènço pouëtico. O, vai, la moundes pas trop, aquelo semènço ; prene-la talo e qualo que la troves dins toun cor — qu'es l'òrri de l'amour, qu'es lou granié divin. Ansin, veiras, toun blad sara belèu pas tant drud, mai i'aura dedins quauqui blavet e quauqui gau-galin qu'agradaran i pouëto e i felibresso.

Aro, brave chat, bèu felibre, vai chausi la Rèino e porge-ié la courouno. Nàutri que sian li prèire e lis adouraire de la Bèuta, nous boutaren à si pèd.

Lou Capoulié pren alor la courouno argentalo d'óulivié e la bouto sus lou front de Marius André que se vai clina davans madamisello Mario Girard, la pren pèr la man, la meno davans lou sèti presidenciu, bello dins soun atrencaduro arlatenco e radiouso de bèuta, de jouinesso e de bonur, e courounant sa tèsto bloundo de l'óulivié de la vitòri, ié vèn ansin :

Madamisello, ai l'ounour de vous prouclama Rèino dóu Felibrige pèrsèt an, e m'es un grand bonur d'estre lou proumié à vous saluda d'aqueù noum. Emé l'afiat de vosto jouvènço, de vosto bèuta e de vosto graci sourrisento, voste gouvrèr, n'ai l'asseguranço, nous sara dous e amistados coume lou fugueron li gouvrè di dos Rèino que vous an precedido.

Que voste regne vegue la familo felibrenco s'aumenta sèmpre mai, s'enrichi de nouèu cap-d'obro e de nouvèlli bono voulounta e s'enanti fieramen vers la doublò toco pouëtico e patrioutico que li fort de Font-Segugno ié marquèron e vers la qualo s'acaminèron li proumié. Li jouvenome que s'adraion sus li piado de glòri d'aqueùs einat, à defaut de soun talènt e de soun engèni, auràn lou même amour de la Terro prouvençalo, lou même estrambord, la memo fisanço en l'aveni, e saupran èstre tantost de pouëto pantaiare e tantost d'ome d'acioun energi. Es éli, o Rèino, qu'à voste entour se van rambaia pèr vous faire uno pouëtico Court d'Amour, coume souleto n'en pousquèron vèire quauqui segnouresso de l'Age-Mejan. Emé lou resson melicous de si cantadisso, vous bressaran douçamen ; vous, en plen azur, pantaiarés d'uno Prouvènço urouoso e armouniouso coume la Prouvènço de la Rèino Jano e di princesso di Baus ; aquéli princesso que de-segur, aro, sis amo trevarello varaison sus nòsti tèsto, tresanato de bonur à l'ausido

de nòsti pouësio e de nòsti cansoun, e cresènt revengu lou tèms, lou tèms usfanous de l'antico resplendour aboulido ! E d'enterin vòsti page faran tòuti sis esperro pèr que devèngue realita aquéu pantai qu'es tambèn lou sieu, come es lou pantai de tòuti « aquéli qu'an la memòri, » de tòuti « aquéli qu'an lou cor aut. »

Enfin, es éli qu'inspira pèr l'Amo di troubaire d'antan que reviéu dins soun cor, sèmpre amouroso de l'eterno Bèuta, de l'eterno Armounio, vous trenaran, o Rèino, emé lis or, li gemo e li flour de si ritme, uno courouno à rendre jalouso tòuti lis àutri Rèino de la terro !

La nouvello Rèino dóu Felibrige fai soun gramaci em'u graci qu'es pas de dire, li felibre e lou pople picon di man.

En Pau Arene, alor, porto à la counessènço de tòuti, uno decisioun presso, en sesiho secreto, dóu Burèu dóu Counsistòri, pourtant que, pèr gramacia li « belli dono e damisello que fourmavon la Court d'Amour di supèrbi Jo Flourau de Carpentras, la gracioso e noblo damisello Mario-Tereso de Barouncèlli, que tant brihantamen tenguè à Carpentras lou Rèinage d'amour, reçauprié dóu Felibrige lou titre pouëti de *Princesso di Baus*, e que midamisello Marto e Eugenio Huot em'auto felibresso Eisabèu Pericaud, en guierdoun de l'esclat que sus la dicho Court jitèron de coumpagno, reçauprien lou titre, celèbre en nosto istòri, de *Segnouresso de Signo*, de *Roumanin e de Pèiro-fiò*. En consequènci lou Capoulié remet à madamo Mario Mistral, anciano Rèino dóu Felibrige, un diadèmo ourna de sèt estello emblematico, emé tres coularet ourna cadun de tres estello, lou tout engalanta i coulour de la Rèino Jano, qu'es lou titre que lou Counsistòri counferis à dono Mario Mistralenco. » E Na Mario Mistralenco cencho lou diadèmo au front blound de la countesso de Barouncèlli e li tres coularet i tres àutri jugesso de la Court amourouso.

E i'a de trounadisso de picamen de man qu'aculisson aquelo decisioun.

Em'acò la Rèino pren plaço au festin e li taulejaire s'asseton peréu.

E vès eici li *mangibo de la dinado* que l'oste Pinet nous a servido :

REBALUN

Saussissot d'Arle, saupresado, rais-fort, ólivio e burre.

INTRADO

Glouto de biòu à l'adobo.

SEGOUND PLAT

Gardiano d'agnèu à la baussenco.

TRESEN PLAT

Civié ferigoula de couniéu dis Aupiho.

ROUSTIT

Poulet de mas à l'asti.

DESSÈRT

Froumajoun di Baus, fruchó de la sesoun e bounbouniho.

E lou menut se clavavo poulidamen pèr aquésti vers de Louis de la Belaudiero, (1570) :

A la vilo di Baus, pèr uno flouriaado,
Avès de froumajoun uno pleno faudado
Que coume sucre fin foundon au gargassoun.

E pèr aquest vot :

E dins sét an en gau nous reveguen mai tòuti.

En gau erian tòuti de vèire aquéu vènt foulas que semblavo s'en-cagna dóu mai que l'engaughavian, d'ausi lei cacalas di chato bello que de sis oumbrello paravon nòsti front dóu souleias grashant, tout en nous agouloupant de la lusour de si regard divin e de l'esplendour de sa bèuta. En gau, erian tòuti, jouve e vièi, de nous trouva dins tant bello acampado, emé lou pople di Baus à nostre entour, emé, à nosto taulo, lou Maire, lou curat e lou Counsèu municipau de la vilo baus-senco qu'avien tengu à ounour de freireja emé li felibre.

Lou Capoulié En F. Gras s'aubouro, pièi, e prounóuncio lou flamé-jant discours que dounan en seguido e qu'a boulega tòuti lis amo.

Lou sendi de Prouvènço En Marius Girard, prenènt la Coupo en maï, canto la cansoun de la Coupo, e tòuti li felibre emai lou pople, en grand fogo, largon lou refrin :

Coupo santo
E versanto...

is ecò d'aquéli rouino majestouso e sóuvertouso que mesclon soun estambord au nostre. Es la Rèino, madamisello Mario Girard, la prou-miero, qu'em'uno graci soubeirano e de sa voues douçò qu'ensfado, brindo, en aussant la Coupo pèr Na Tereset Roumanille : *'Porte un brindis à la Rèino d'aièr qu'avèn tòuti accompagnado de nòsti vot de bonur dins lou long viage nouviau que vèn de coumpli de la man d'eila de la mar !*

Marius André, lou laureat de la Pouësio, béu en coumunioun emé lou group di jouine que se vèn de coustituï à Paris, soutu la presi-

dèncl de moussu Enri Chabrier ; em'acò lou sendi de Prouvènço, En M. Girard, dis :

Messiés e gai counfraire,

Auboure iéu la Coupo santo dóu Felibrige à la jouvènço e à la Fe.

A la jouvènço qu'es nosto espèro, noste ourguei, nosto counsoulacioun ;

A la jouvènço que tèn fieramen eici sus lou plan de castèu, auto, drecho e desplegado i quatre vènt de Crau la bandiero felibreno.

A la Fe, car soulo coungreio li gràndis obro e soulo douno l'enavans, la voio, lou cop d'alo que nous enausso vers l'ideau e la bèuta subre-bello, amount vers l'estelan, amount vers lou soulèu.

Es à l'enfant que lou paire devengu vièi laisso lou siuen de soun obro e lou soucit de l'aveni de soun oustau.

Eh bèn, aquel oustau, o pèr miés dire aquéu palais dóu Felibrige qu'agu pèr architète Diéu e pèr bastissèire Roumaniho, Aubanèu, Mis-trau e tant d'autri que soun eici asseta à la taulo santo, es à vous, jouvènt, que lou fisan.

Es à vous que dounan li clau ciselado que duerbon i valènt, i cercale, i courajous lou Trau-di-Fado e la Baumo de la Cabro d'or.

Gardas bén aquéu palais, boutas-n'en deforo li chin renous, barras n'en li porto i fiéu jalous e bastard e trasès pèr li fenèstro li demou-lissèire.

Ansin fagon li Baussen !

Chansroux, lou mantenèire afouga, qu'a regala li taulejaire d'un douire de vin de Sant Gile, largo uno odo magnifico sus li Baus e sa glòri passado e si rouino de vuei ; C. Riéu brindo à la Prouvènço em'à sa gènto viloto di Baus ; lou majourau Anfos Tavan à la plueio em'au blasin di poutouno que tant refrescon l'amo ; Don Savié de Fourviero es superbe quand suplico li chatouno bello que soun à noste entour, de garda coume uno causo sacrado, soun atrencaduro arlatenco e subre-que-tout soun parla pur e dindant ; C. Auziere, lou gènt secretari de la Mantenènço de Lengaddò, aubouro la coupe pèr li princesso di Baus, escutas-lou :

O Rèino d'amour e de poulidesso

Que lou vièi castèu ausiguè canta,

Coumesso di Baus, galànti princesso,

Iéu brinde, amourous, à vosto bèuta !

Brinde à tu d'abord, bloundo Esteveneto
Qu'au vènt fas flouta ti trenello d'or :
Li troubaire, antan, te disien Faneto,
E si cant fasien tremoula toun cor.

Au comte Jaufret liguères ta vido,
E li Baus an vist flouri voste amour :
— Es amor d'acò qu'apensamentido,
Vas treva, la niue, de-vers Mount-Majour.

Veici lou printèms, veici la jouvènço ;
Li raioun dóu jour an coucha la niue :
Vesès eilamount Douço de Prouvènço
Que vers Catalouchno a vira lis iue.

E zambougno ardènto e tèndri quitarro
Mesclon sis accord que fan tresouli ;
E Douço en risént davalò : tout-aro
Ramoun, soun galant, Ramoun vai veni !

Trelus ideau, blàñqui farfantello ;
Gerbergo is iue blu ; Bruno Beatris,
Tu qu'en te vesènt tant siavo e tant bello
Charles te noumè Flour de Paradis ;

Clareto di Baus, e tu Rèino Jano
Au pàli d'azur ; vautri tòuti, enfin,
De la Court d'Amour fièri soubeirano,
Princesso di Baus e de Roumanin,

Aubanèu, un jour, souto lou bescaume,
Vous vesié treva lou vièti castelas,
E, lou cor doulènt, ausiguè lou saume,
Lou saume d'amour qu'ensèn cantavias !

Car sias dóu passat l'amo amourousido
E de l'ideau lou trelus divin,
O Rèino d'antan que de vosto vido
Fasias un pantai d'amour sènsò fin !

— O Rèino, voudriéu, óublidant lou mounde,
Demoura 'mé vous pèr l'eternita ;
E noun sai enca s'auriéu moun abounde
D'amour, de pantai e de liberta !

Pièi à-de-rèng prenon la coupo, lou majourau A. Glaize, Cyrano de Bergerac, J. Gautier, Roumié Marcellin e lou bon A. Mathiéu que bêu delicadamen en ounour di poutoun siavo, pèr pas faire menti sa deviso qu'à l'entour d'un brout de sét rosò, dis aquest moutet :

Tant de poutoun
Que de boutoun !

En Albert Arnavielle se lèvo pèr lou Lengadd e glourisico la memòri de nòsti rère li troubadou. Lou Cancelié legis li despacho arribado noumbrouso e calourènto, entre li qualo citaren aquéli di jouve felibre parisen, de S. Michel, dòu baroun de Rivieres, de L. de Berluc que dis i Baussen :

Tout proche de l'estello, e plus aut que Paris,
Iéu brinde à vosto Rèino, à soun siavo sourris,
A la councentracioun dóu partit di cigalo,
A la Franço, e tambèn à si vint capitalo !

Es lou valènt Cabiscèdu di Maren P. Guisol, qu'un auvàri a encadena malamen au ribeirés, quand se fasié 'no joio de brinda 'mé nautre, que nous crido :

« Emai ague pas pouscu mena i Baus la barco di Maren, espère « pamens, que lis arange de Marsiho e de Maiorco saran arriba 'n « bon port dins la vilo ounte segnourejavon, au siècle quatorgen, En « Alis e Nazareto di Baus e qu'encuei esclaro l'estello di sét rai ! »

I'a pièi la bello flour culido long de Lar, que lou valènt C. Guillibert nous traïs :

Diutre li resson dóu castèu
S'ausis li antiqui proumesso :
Guilhèm brindant à la jouinesso,
A nosto Rèino, à ço qu'es bêu,

A la Prouvençò, à si felibre,
Au trelus de si court d'amour !
Gardant ta le, bêu troubadour,
Avèn jura de resta libre !

I'a lis estrofo de A. Laugier en ounour de Sto Estello, e pièi n'i a tant e tant que desiravon de trempa si labro dins la Coupo e qu'èron vengu de liuen pèr acò, qu'estremon si brinde d'enterin que M. Pèire Bertas parlo au noum d'un group marsihés : la soucieta d'acioun prouvençalo.

Em'acò l'*Escoulaire de la Campana de Magalouna* (F. Dezeuze) au noum dòu Clapas, nouso soun bout galantamen pèr lou despatria L. Roumieux e pèr la jouinesso de Lengadò, e L. Bouquet, di Baus, nous dis soun *Castelas baussen*, cop d'iue sus soun esplendour e si rouino d'aro :

Aro, tout deslabra, soulet, as pèr coumpagno
 Lis aucèu de la niue que nison dins ti trau,
 E sobre-tout, n'as plus, dins ta bello campagno,
 Lis ardènt troubadou, libre coume de brau ;
 Ai las ! tout es fini, vièlo ciéuta baussenco,
 Tu, rèstes soulamen dins l'amo felibenco !

Mai vès-aqui qu'uно chatouno d'uno dougeno d'an s'avanço de la Rèino, un bouquet à la man, e ié debano un poulit coumplimen que se claus coume eiçò :

O, sies la Rèino bèn-amado
 Vaqui perqué t'anen canta...
 Vaqui moun bouquet se t'agrado
 E s'es digne de ta bèuta.

La Rèino esmougudo s'aubouro, embrasso la gènto chatouneto e ié dis : Mignoto, pèr te faire vèire coume m'agradon e ti vers e toun bouquet, vès-aqui moun brassalet que gardaras en remembranço de ieu ! e ,bello coume uno divesso, la Rèino desnouso soun brassalet e lou passant au bras de la pichoto, tourna-mai l'embrasso is aplaudiment de tóuti.

Lazzarino de Manosco dis un quatrin poulidet, Monné canto *lis Estello* d'Aubanel, e C. Riéu, lou flame cansounejaire pouplàri, dis uno cansoun nouvello que tóuti i'ajudon au refrin, e que li chatouno soun tresoulico de l'ausi, e i'apound aquelo dòu *Bouscatié* que tóuti sabon de cor.

Jan Monné brindo i Rèino de Bèuta :

Di Baus, sus li rouino giganto
 Que dòu Passat porton lou sèu,
 Uno clarour beluguejanto
 Iuei, trèvo encaro lis arcèu :
 Lou Tèns, de sa daio ferouno,
 Au garagai noun pòu buta
 Lou rai celestiau que courouno
 Lou front di Rèno de Bèuta !

Sus nòsti draio ablasiganto,
 l'a toujour lou cant dis aucèu
Que sa musico flamejanto
 Emporto l'amo vers lou cèu ;
 Au-dessus de nòstis androuno,
 l'a 'no soubeirano clarta
Que vers lou Bèu nous esperouno :
 Es l'ieu di Rèino de Bèuta !

E quand lou desrèi nous aganto,
Que noste cor es à moussèu,
 l'a pièi l'estello clarejanto
Qu'ensigno lou port au veissèu ;
 l'a li flour di graci tendrouno
Que Diéu meme a vougu bouta
 Coume uno divino courouno
 Au front di Rèino de Bèuta !

MANDADIS

Se i'a que l'amour, o Barouno,
Que dounie l'inmourtalita,
 Iuei, que l'amour nous encourouno,
 Ieu béve i Rèino de Bèuta !

H. Combalat-Roche bêu à l'espèr dóu Felibrige e canto sa gracieuso cansoueno dóu *Soulèu*, e lou Capoulié douno la paraulo à Na Mario Mistralenco, que dis :

« En aquesto ouro souleiouso, ounte mai d'un felibre evoco l'idea-
 « lo vesioun di princesso di Baus, qu'an begu à bël èime li sentour
 « d'aquésti colo, permetès-me, à ieu, d'aussa la coupe vers uno
 « pauro vièjo que degun bessai ié pènso.

« A la masco di Baus, que d'aquesto ouro nous espincho pèr uno
 « asclo dóu Trau di Fado ! à Taven, la bono vièjo que fagù la man,
 « pecaire ! is amour de Vincèn pèr Mirèio la Cravenco !

« Entendiéu i'a 'no passado, un brave ome que disié, en arregar-
 « dant alin dardaia lou soulèu : D'aquest moumen la vièjo danso !

« Eh ! voulès pas que danse, la vièjo dóu Valoun d'Insèr, en ve-
 « sènt la Prouvènço reflouri toujour jouino sus aquest plan de
 « Castèu ?

« Ieu brinde à l'esperit inmourtau de la terro maire, que trèvo,
 « fantasti, sus li mountagno di Baus ! »

Na Mario Girard dis, em'un biais requist, la legèndo de la *Bello d'avoust*, de Mistral ; Fèlis Gras canto lou *Rèi En Pèire* ; lou jouine mòssi de la Mar, Alban Coffinieres, dis li regrèt dòu felibre de Tamaris, soun valènt paire ; Pau Arene canto si couplet dòu *Vin prouvençau* ; Grabié Perrier, sa *Goutoun* ; F. Dezeuze, *La mer-lusso*, e C. Riéu, lou *Mióu Roubin* ; Jullien, un jouine de l'Escolo dòu Lioun, traïs de flour i bèllis Arlatenco ; Louis Roux, un mòssi de la Mar que fara 'n felibre de la bono, dis soun *Poutoun à Mistral* emai soun bèu *Pantaiage*, qu'es un regale de l'ausi e que i'a gagna uno couralo brassado dòu grand mestre Frederi Mistral.

Pèr claire aquelo sesiho memorabolo, Mistral canto *Magali*, e Marius André declamo *La Coumesso* :

Ah ! se me sabien entèndre,
Ah ! se me voulien segui !.

E, dins lou tremount rouge, embrasa, pèr saluda li darrié rai dòu soulèu de Diéu, uno farandoulo moustro se nouso e se debano sus lou Plan de Castèu, dins li rouino espetaclous que tresanon : l'estendudo inmènso que s'estalouiro i pèd dòu castelas se n'esmòu e respond magnifico, à l'inne fièr e majestous que mounto de lóuti li cor vers l'Estello que, mau-grat vènt e tempèsto, meno lou Felibrige à soun pontificalat.

La fe qu'avèn dins nòstis amo, dòu mai vai dòu mai es forto e ròn l'esbrandara ; e lou tèms, qu'esbréuno li vièi castelas, noun l'em-brecara, de-segur.

Éro, acò, l'espèr e la vesioun esbléugissènto que nous caressavo quand davalavian vers Lou Paradou, en vesènt lou cèu tout estela, e li felibre que dins si brande souligaud, la man dins la man di gèntis arlatenco que, tresoulico, venien de la fèsto, largavon dins l'azur si cansoun galoio e soun rire divin : cansoun e rire que l'amo di prin-cesso di Baus bevié ansin qu'uno melico deliciouso.

JAN MONNÉ.



DISCOURS DE SANTO-ESTELLO

Es vuei lou grand jour, lou jour dis Alleluia !..

Es vuei que, sus aquesto roco, davans li rouino grandasso dóu Castelas baussen, ounte li baroun di Baus, segnour de Marsiho, prince d'Aurenjo e poudestat d'Arle, segnourejeron l'armo au poung e l'estello au front; es au brut de la musiqueto di grihet — que mounto dis óliveto flourido e di blad que nouson dins la planuro, es dins l'embau-mamen di lavando, di roumanin e di genèsto d'or, que vuei lou Felibrige, amo dinacioun latino, cou-muniara à la Coupo versanto.

Es vuei que lou Felibrige mounto à soun poun-tificat. Arregardas d'amount, arregardas d'avau, dóu levant, dóu pounènt : de pertout éu fai flòri ! E iéu vèse emé joio, arramba à l'entour d'aquesto taulo freirenalo, lis ardènt patrioto de Lengadò, li siéu ardit de Marsiho, lis ome voulountous e franc de la Gavoutino. Iéu vèse parteja lou pan goustous d'aquesto taulo entre lou cantaire de *Mirèio* qu'ilu-mino tout de soun engèni, e nàutri li sìmplis óubrié de la rimo, que fuguèn li pàuri labouraire de la terro o li minàbli roumpèire de trescamp. Iéu vèse qu'à la taulo felibreno tóuti li sèti soun egau pèr aquélique porton l'aureolo dóu pouèto, e me dise : Acò vai bèn ! acò, es la marco de l'unioun que nous rènd fort, acò, es la marco de la voulonta unenco que nous meno vers lou le de nosto Causo sublimo.

E acò, tóuti lou vèson : de liuen coume de près, aquéli que pènson e que noun an la telo is iue, aquéli que regardon plus aut que lou fourfoui di foulou se disputant au jour lou jour lou courchoun de pan de la miserabla vido o la glouriolo fausso e vano di triounfle mesquin di partit, aquéli s'avison que lou Felibrige mounto, grandis e vai, siau e segur, vers soun Estello di sét rai, esbriaudanto amount au plus aut dins l'azur de l'Aveni ! Aro s'avison que li Felibre noun soun la pichoto counfrarié de toucaire de tambourin, farandoulant crentous, belant coume d'agnèu perdu, sèmpre vira vers lou passat e prenènt la fausso draio que li remenarié à rèire dins la niue de l'óublid. Aro, aquéli que pènson vèson que lou Felibrige, se sachènt en terro libro, vai en avans, camino emé li siècle, e dins la grando cavaucado de l'Umanita éu 'porto l'estandard dóu Bèu e de la Civilisacioun. Aro s'avison qu'es éu lou gréu que regreio, es éu l'amo vivènto, es éu lou Verbe di nacioun latino que fan lume au moun-de desempièi tres milo an.

E se lou lume de la Civilisacioun — e pèr nautre civilisacioun vòu dire culte dóu Bèu dins l'ideau e dins la naturo — se soun flambèu noun s'es amoussa dins li siècle de niue dis age mejan, n'es-ti pas nòsti rèire li Troubadou que n'en mantenguèron la flamo vivo, qu'entre-tenguèron lou recalieu dóu fougau de la pouësio ? N'es-ti pas sus li terro de Prouvènço, de Lengadò e d'Aquitàni que cantavon Rimbaud de Vaqueiras, lou pichot jouglar di príncesso, Bertrand de Born, superbe cavaucaire, Bernat de Ventadour, lou tèndre amant, Pèire Vidau l'aloubati, Pèire Cardinau di serventés, Guihèn de Tudèlo, l'épique, e Matfre Ermengaud, lou precur-sour de Dante ! E tant d'autri que si cor amourous

èron autant de vas ounte s'espandissié la flour dóu Gai-Sabé. Alor la Prouvènço, alor lou Lengaddò, alor l'Aquitàni èron lou front dóu mounde ! Alor nosto bello lengo d'O èro la lengo universalo di court e di castèu e di chivalié de la guerro e d'aquéli de l'amour.

E nàutri li felen d'aquéli diéu, li fiéu d'aquéli terro, nàutri lis ome d'aquéli nacioun, óublidarian, leissarian s'esperdre aquéu bèu lengage, qu'émé vòsti gràci, Midamo, soun la marco de nosto raço ? Nàni ! sian fièr, sian ourgueious de nòstis aujòu, e voulèn que la Franço en quau nous sian baia de cor e d'amo, sache bèn que sian pas d'enfant de res ! Voulèn que dins nosto grando famiho franceso nous apellon de noste noum !

Arrèire li traite, arrèire li tucle, arrèire li testou-las, que voudrien nous faire passa souto l'aplanaire, qu'atrouvarien nosto estello trop esbriaudanto, que voudrien nous faire musa dins li querèlo di partit !

En avans lis ome ! En avans li Felibre ! Aro, cilamoundaut, soun quàuquis-un, e di mai aut plaça dins lou gouvèr, que coumprenon que la vido de la prouvinço fai la vido de la Franço, que la prouvinço forto fai la patriò pouderouso, e alor parlon de nous restituï nòstis Universita, parlon de faire reviéure proun liberta coumunalo aboulido pèr uno centralisacioun brutalo ; déjà vesèn que nosto lengo, antan coussejado coume uno mariasso dis escolo e de pertout, vuei es aculido dins l'ensignamen coume un óutis precious e n'es recoumandado pèr li soumita de l'Istitut. Au-jour-d'uei Moussu lou Menistre de l'Estrucioun Publico a prouclama autamen soun amiracioun pèr la causo felibreno en nous semoundènt la

souscripcions ufanouso d'ou gouvernament de la Républico au mounumen de noste bon e regreta Roumaniho, lou foundadou d'ou Felibrige. E, pecaire ! es pas sis opiniooun poulitico que i'an vaugu aquel oumage. Nani ! L'ome eminènt, l'aut esperit, lou Menistre letru que presido vuei i causo di Bèus-Art, noun s'es leissa avugla pèr la nèblo espessasso de la poulitico, e a vougu rendre oumage au foundedou d'ou Felibrige, au pouèto pouplari de Prouvènço. Felibre, Felibresso, acò marco l'aubo d'ou triounfle.

Se demouran uni pèr apara nosto lengo contro li reguignado d'aquelei qu'an la cervello engipado, se sabèn apara nòsti mounumen contro li architeite que noun sabon basti que d'envans e de remisasso e contro lis engeniaire que noun sabon traire que de pont à bouieu ; se sabèn, o gènti Prouvençalo, vous engarda di raubo à parabandoun e di capèu à terreiròu, à douire e à banasto que vous mandon de sabe pas mounte ; se sabèn vous counserva lou riban que nouso vòsti peu coume aquelei de la Vènus antico ; se sabèn counserva dins lou cor, dins l'amo d'ou pople prouvençau aqueù rai de pouësio que lou fai soubeiran sus tòuti lis àutri pople de la terro ; se sabèn nous apara tòuti contro la traito rasadouiro de l'unifourmita, auren sauva la patriò !

Adounc, en avans tòuti ! Patrioto, Felibre, Felibresso, vosto paraulo es uno espaso, voste dre es l'aubre flouri de la liberta, vosto cansoun es lou pan de la vido, vosto pouësio es lou paradis sus terro !

A l'unissoun canten lou saume d'amour ! Deman cantaren l'inne d'ou triounfle.

FÈLIS GRAS.



LI NOVO FELIBRENCO

PROUVÈNÇO

Lou *Petit marseillais*, dóu 23 de jun, douno uno letro d'A. Marin en responso à l'article de la *Cornemuse* dóu 15 de jun, intitula : *Vive la décentralisation !* Moussu J. Gautier, emai fugue pas felibre, soustenié dins aquel article que la toco dóu Felibrige es proun auto e bello sènso i'apoundre la poulitico. L'ideau di jouine : la *Federacioun di prouvinço franceso*, acò's soun dre de ié teni mai-que-mai e de se groupa pèr que porte flour e que grane ; mai, de çò que t'cuti li felibre aplaudisson à l'enavans di jòuine, acò vòu pas dire que lou Felibrige dèu beisa patin e deveni uno assouciacioun poulitico. Noun, la poulitico adus la bourroulo, la poulitico dis : quau me fai contro es moun enemi ; dins lou Felibrige fau ges d'enemi, e soun devé, se vòu agué vido, es de se-gui sa lèi, es de resta dins sa rego e de garda peréu soun ideau qu'es la decentralisacioun artistico e literàri, e de travai, sènso relàmbi, à l'unioun dis ome de cor di raço latino, pèr ajuda à l'unioun di raço.

Lou jour que lou Felibrige soutira de sis Estatut, pèr durbi li bras à la poulitico, aquéu jour la poulitico l'estoufara.

La lèi felibreno porto que, dins lis acamp felibren, tóuti li questioun poulitico e religioso soun enebido. E dóu plus aut au plus pichot, tóuti li felibre dèvon lou respèt à la lèi felibreno. Aquéli qu'an lou dre de parla au noum dóu Felibrige e sobre-tout aquéli que prenon aquéu dre sènso que res i'ague douna, an lou devé de pas l'oubliada. Mai, pièi, personnalamen, e en foro dis assemblado felibreno, cadun es libre de segui la draio que ié vèn mies à biais, de parla coume i'agrado, e de s'afisha au group que perseguis l'ideau de si pantai.

Se la Soucieta felibreno de Paris a proutesta après la declaracioun que li jouve federalisto legigueron au banquet douna au Capoulié En F. Gras, es pas, segur, contro li persouno que buton aquelo idèo, mai, pèr bèn significa e marca que voulié pas durbi sa porto i questioun poulitico.

I Baus, uno pichoto manifestacioun s'èro ourganizado, au noum dóu group federalisto, pèr vèire se lou Felibridge sarié plus eisa à-n-embreca que la Soucieta felibreco de Paris. Li capo dóu Felibridge an lèu-lèu vist lou dangié que i'avíe pèr la Soucieta de leissa dire, coume acò a pas manca, que lou Felibridge enregavo la nouvello draio que li jouve ié marcavon e que li vièi, tout just bon pèr rascla li jambougno e s'ebnebria di tu-tu-pan-pan dóu tambourin, gardarien l'ase e que se n'en parlarié plus.

E vès-aqui que lou burèu counsistouriau. esmougu de tout acò e dóu rête, a redigi la comunicacioun seguènto :

« Nous an di que quauquis-un s'èron escalustra, au poun de visto feli-
« bren, di visado poulitico dóu discours de M. André e qu'avien vist aqui
« uno viòlacioun de l'Estatut. Mai es bon d'ousserva que l'ouratour,
« que n'a parla dóu rête qu'au noum d'un group, a parla aqui dintre
« en *sesibo* publico, ounte, segound l'usanco de tóuti li sèt an, felière
« o noun felière, cadun pòu leva lengo souto sa respousabileta, e l'As-
« souciacioun noun pòu, en consequènci, èstre engajado en rèn pèr lou
« dire de quau que fugue, voulent, Elo, resta coume toujour, estran-
« giero i questioun de religioun o de poulitico courrènto. »

Mau-grat lou dire d'aquesto noto, afourtissèn qu'es pas poussible, e l'Estatut es clar à-n-aquéu prepaus, que, même dins li reunioum *ple-
niero*, cadun posque leva lengo sus la poulitico o la religioun, quand sarié même souto sa respousabileta. En 1878, à Mount-Pelié, pèr li grand Jo Flourau, Roumanille brindè au Papo, e i'aguè 'n escaufèstre dóu fiò de Diéu entre li taulejaire. E acò se coumpren, s'èro permés à l'un de crida : vivo lou federalisme, à l'autre ié sarié pas defendu d'aus-
sa lou got pèr la *guiboutino* o pèr li *clericau*, e alor sarié plus uno acampado freirenalo, mai uno troupo de gent aloubati que, quand au-
rien plus de resoun à gasta, aurien li got, li boutiho e li cadiero à se traire à la tèsto : car i'a rèn qu'ensfuroune e qu'avugle mai que la pou-
litico e li questioun religiouso.

Clauren aquésti rego pèr la declaracioun que lou Capoulié nous a fa-
cho en nous pregant de publica la noto counsistourialo :

« Fau que tóuti sachon que degun dins l'Assouciacioun es engaja
« pèr li declaracioun que se soun facho à Santo-Estello e que lou Felib-
« bridge dins l'aveni, coume dins lou passat, batra dins ges de draio
« poulitico. »

E viraren fuiet sus d'aquéli paraulo autourisado qu'apasimaran, n'en sian assegura, li bon felibre que, sènso douna i causo mai d'impourtènci que çò que n'an, s'èron encalustra emé resoun de la pichoto manifestacioun federalisto di Baus e dóu brut que i'an fa à l'entour.

— La Soucieta felibreno de Paris a tengu sa fèsto lou 19 de jun, soulo la presidènci d'E. Zola. M. Charraire, maire de Scèus, aculis à la garo emé soun bon biais coustumié, la troupo galoio que li fansaro, musico e poumpiè escortor dins li carriero. A l'entour dóu mestre escrivan se remarcon li majourau S. Michel, lou gènt president de la Soucieta ; Maurise Faure, P. Arene e P. Mariéton ; li mantenèire A. Marin, Gardet, Blavet, e pièi Messies Jan Bayol, Clovis Hugues, P. Laffite, Paladilhe, E. Fourès, L. Brès, A. Tournier, Lintilhac, Grivolas, C. Maurras, Boudouresque, René de Saint Pons J. Amy, B. Bonnet, Hébert, Dechaux, Isnardon e d'autre que si noum nous escapon. Davans l'oustau de Flourian es M. P. Laffite qu'a pres la paraulo, e pièi l'on es ana au jardin de la glèiso que se i'aubouro lou mounumen de Flourian e d'Aubanel. Aqui davans lou buste de Flourian, es En Sextius Michel qu'en un sounet requist fai l'elogie de la vilo de Scèus. Ello Fourès dis de vers en ounour d'Aubanel, Clovis Hugues largo pièi uno improvisacioun regouiranto de patrioutisme e madamisello Prevost-Roqueplan emé madamo C. Hugues courounon de roso li buste de Flourian e d'Aubanel.

A tres ouro se duerb la sesiho di Jo Flourau dins la grand salo de la coumuno. Lou maire de Scèus fai la bèn-vengudo i felibre parisen em'i Cigalié ; En Sextius Michel legis dos despacho que ié vènon de Prouvènço : l'uno de Sant-Roumié que dis : *La Rèino e lou sendi de Prouvènço mandon à l'acamp felibren si coumplimen courau.* E l'autro d'Avignoun, de noste Capoulié : *Lou Felibrige saludo, aclamo e porto en triounfle Emilo Zola fiêu de Prouvènço, grand mestre de la literatu-ro franceso, président, vuei, li fèsto de nòsti fraire li Felibre de Paris. Vivo Prouvènço ! e sobre-tout vivo la Franço !*

En S. Michel, après quauqui paraulo enaurant, passo la paraulo à M. Zola, que pèr sa dicho enfioco l'entousiasme de töuti. Clovis Hugues dis pièi de bèu vers en ounour de Zola, e n'es M. Lintilhac, que vèn faire soun rapport sus lou tèmo : *Di traço qu'a leissa lou paganisme dins lou Miejour de la Franço.*

M. Jan Bayol debano en seguido lou rapport sus lou councours en lengo d'O.

E pièi, is aclamacioun de tòuti, se jogon quauqui tros de l'opera *Toloza*, tira dòu pouèno de nostre Capoulié pèr Jousè Gayda. Severin, lou mime renoumena, emé madamisello Dowe, dounon uno pantoumimo de P. Arene : *Estello e Nemorin*. Canton pièi e declamon MM. Gaydan e Castel, li damisello Susano Corot, Louiso Giannini Beauprez de l'Oudeon ; MM, Bringer e Jame Vilior, e moussu Jùli Bonnet debito de fablo de Bigot.

E dins lou pargue, que se remembro encaro d'un óumage à Roumanille, que nostre ami lou mestre en Gai-Sabé Ernest Chalamel, trasié l'an passa en ounour dòu Capoulié regreta ; dins aquéu pargue superbe, que restountis encaro di boufounado bretouno largado en ounour de mestre E. Renan, parai M. Jùli Bonnet? uno Court d'amour s'organiso. Madamo Balet e M. Clovis Hugues dison de vers ; lou valent Vitou Delbergé, direitor dòu *Calel* de Vilo-Novo-sus-Lot, en parla d'Agen, dis uno pouësio mai que galant e lou gènt mantenèire Gardet, em'un biais esquist viro quauqui vers en ounour di damo.

Au banquet se brindo e se canto : A. Marin gagno li joïo emé si *Pescadou Sant Janen* e Louis Brès, dins uno charralissso esperitalo fai li gramaci de la Soucieta di felibre parisen au valent escrivan qu'a bèn vougu li presida. A pas fini, qu'uno cridèsto s'aubouro e mounto dòu pargue e di carriero : *la Tarasco ! la Tarasco !* e zóu ! tòuti davalon, e au son dòu tambourin danson la farandoulo à l'entour de la *Viejo Masco* que jito de fiò di narro e que reguigno.

Vès-eici lou paumarés di Jo Flourau di felibre de Paris.

I. COUNCOURS LITERARI

A. — *Di traço qu'a leissa lou paganisme dins lou miejour de la Franço.* Pres dòu Menistre de l'Estrucioun publico :

Premié pres *ex-quo* : Anfos Michel, felibre majourau à Marsiho, e Fernand Troubat, mantenèire à Mount-Pelié.

Segound pres : Leopold Bertrand, en Alès. — Menciuoun : Pau Constant, à Cassenuei.

B. — *Cansoun erouïc en lengo d'O.*

Premié pres : Fèlis Lescure, felibre à Greasco.

Proumiero menciuoun : P. Cheilan, felibre à-z-Ais ; segoundo menciuoun : Pau Roman à-z-Ais.

C. — *Lou mes de janvié*, sounet en lengo d'O.

Premié pres : Fernand Troubat ; segound pres *ex-æquo* : Pau Gourdou, felibre en Alzouno ; Dayma, gardo republican à Paris ; Marius

Bourrelly, felibre majourau à Pourciéus ; tresen pres : madamisello Louisa Ouradou, à Brassa ; Gal, à Valènço ; Bonnefoy-Debaïs, à Paris.

Proumiero mencion : Enri Bigot, felibre, à Carpentras ; l'abat Aberlenc, à Cendras ; segoundo mencion : Miquèu Camelat, à Arrens ; Ougèni Long, à Fuvèu ; P. Cheilan, à-z-Ais ; Ougèni Guillaumou, à Paraza (Audo).

D. — *Cansoun plasento* en lengo d'O.

Premié pres : Marius Bourrelly, à Pourciéus.

Segound pres : Leon Rozier, felibre, à Sant-Jan-dóu-Gard ; Maurise Joret, felibre à Sens. Proumiero mencion : F. Benoit, à Cers (Erau) ; Ougèni Long ; Lucian Duluc, à Ceto. Segoundo mencion : Ougèni Guillaumou. Tresenco mencion : Maurise Girard, felibre à Valauris ; Aufrèd Rottner, à Cournonterral ; Miquèu Camelat, à Arrens.

E. — *Nouvello (proso)* en lengo d'O.

Premié pres *ex-æquo* : Jùli Gallas, à l'Isla-sus-Sorgo ; Frederi Estre, mantenière de Prouvènço, à Remilly. Segound pres *ex-æquo* : Jòusè Chevalier, felibre, à Marsiho ; Fernand Pigot, felibre, à Capestang.

Proumiero mencion : Agusté Gautier, felibre, à Marsiho ; segoundo mencion : Bonnefoy-Debaïs, à Paris ; tresenco mencion : Carle Martin, à-z-Ais ; quatrenco mencion : Francès Jouveau, à Ceto.

II. COUNCOURS CLASSIQUE.

A. — Revira en lengo d'O dous tros de la guerro galeso de Jùli Cesar. Pres : Ravous Mistral, escoulan dòu coulège de Carpentras.

B. — *L'aglan e la coucourdo*, à revira en proso.

Premié pres : Justin Vincènt, escoulan de l'Escolo regiounalo de Mount-Pelié. Segound pres : Pau Jouvent e Blanc, tòuti dous escoulan dòu coulège de Carpentras. Mencion : Jan Batistin Clamous, Pèire Cardon, Laurènt Ganteaume, Enri Mistral, tòuti quatre de l'escolo de la carriero de l'anfitiatre d'Arle.

III. COUNCOURS ARTISTI.

Musico. — *Brinde à la luno*, de Pau Arene.

Premié pres : Guilhèm Bournel, à Mount-Flanquin.


Segound pres : Albert Normand, à Paris.

Proumiero mencion : Gavaudan, felibre, à Sorgo.

Segoundo mencion : A. Fruchier, felibre, à Ceto.

Au numero venent, li novo dis autri Mantenènço.

Lou Gerent : Jan Monné.



CROUNICO

Disien-ti pas que l'aubre èro artisouna, e que lou vènt de tempèsto
que ié bousfavo contro, devié coucha pèr sòu lou pège emai li branço
qu'avien, a passa tèms, douna tant superbo flouresoun e tant bello
espandido ?

Quant n'i-a-ti pas de journau, dins aquéstí darrié tèms, que l'an ca-
va soun eros, pèr la plumo de quauqui marrit nesci, ronsiga d'ourguei
e boudensle de verin, que, jalous de noun pousqué davera la *bran-
quelto dis aucèu*, à grand cop de destrau, s'ensfurounon contro l'a-
ubre ? Pechaire ! ié fan autant d'embrecaduro que ço que la serp dòu
coumpaire Lafon n'en fasié contro la limo... De-longo, — e mau-
grat tout — l'aubras estènd si rampau e gagno sèmple en forçò
e en bèuta : nosto terro ié pourgis la sabo ; noste soulèu ié douno
vido, e de noste amour ié vèn aquelo vigour magnifico, aquéu crèis
soubeiran, qu'espanto nòstis enemi e coumoulo de gau nòstis amo.

Li rampau de l'aubre felibren s'espandisson qu'es uno benedicioun :
darrieramen, èro à Narbouno, que se groupavon li valènt, à l'en-
tour dòu majourau En Achilo Mir e que se constiuissien en Escolo
dòu Felibrige. L'*Escolo audenco* a desplega lou drapèu de Santo
Estello e subran, uno troupou de cantaire, uno farandoulado de fe-
libre s'es aubourado pèr se ié rambla à l'entour.

Dins li campèstre limousin, souto l'afflat dòu majourau En Jóusè
Roux e de L. de Nussac, qu'an fieramen batu la rampelado, vès eici
que tourna-mai, uno tierro d'ome de cor, de patrioto amourous de sa
lengo, nous dounon gentamen la man, s'afreiron emé nautre pèr
l'amour de la pichoto patrò, e formon l'*Escolo limousino*, qu'a pèr
patroun lou grand troubadou Bertrand de Born.

Em'acò, iuei, de la part dòu comitat establi pèr la constitucion de l'*Escolo moundino*, nous aribo, signa di noum valènt di majourau L. Savié de Ricard, Antòni Perbose, e de Prousper l'Estiéu, Júli Moummeja, Aguste Quercy, Felician Court e Louis Vergnes, aquest rampèu mai que flame :

Toulouso, 26 de julhet de 1892.

Brave Counfraire,

Es pèr vous soumetre uno idèo que, sigur, vous agradara que prenen la permessiéu de vous manda aicesto circulàrio.

Troubats pas qu'es pla triste que, subre nostro terro d'Oc tant agradiboulo e tant poutounejado pel soleil, la vertadiero lengo mai-ralo toumbe, cado joun, dins le debrembié ?

Desempèi Goudouli que la fasquèt tinda coumo sabets, es à proupeno s'abèn agu un ou douz troubaires de prumièro marco per nous bremba que — se voulión — les Francimands nous farión pas la nico. Més, gar'aqui ! Cal voule ! I'a mai de vint ans que le Felibrige sautant le Rose, s'acaminèt vès Mount-Pelicé, e, le mes passat, fasquèt uno picounou traucado dins la Ciutat de Carcassouno. Acò n'es pas prou. Coste-que-coste, i cal planta sa bandièro espetaclouso dins la capitalo de nostro prouvinço.

Aben pensat à vous per nous ajuda à pourta la lux felibrenco subre les bords de la Garouno, e, d'aquí, l'espandi e la fa aima dins tout le Lengodoc, coumo es espandido e aimado dins tout la Prouvènço.

Quno pietat ! Toulouso, Toulouso-la-Roumano, rèino de las ciéutats miechjournalos e antic centre literari, vei, abuèi, soun flam atudat, e i damoro, ai ! las ! que la remembranço de soun bel passat e... les Manteneires de sous Jocs Flourals qu'an foro-bandit sénso vergoungno de lours acampados de Mai, la lengo tant caro as Sèt Troubaires e à dono Clamençò !

Acò pot pas dura mai. Tant que le grand Fourès cantabo, sous-caben pas gaire à tout aiçò. Alavets — coumo al tems de Goudouli e de Jansemi — le Miechjoun s'accountentabo d'escouta, estabousit de plasé, sas trobos meravilhousos e brouzinairos autant-e-mai que de cigalos. Mès aquel Mèstre es mort just al moument ount puntejabo l'albo de nostro Renaissenço.

Es que la daissaren s'escoundre, aquelo Glorio del nostre terra-dou que s'es levado coumo un autre soleil per enlugra les chots

qu'aimon tant l'escuresino ? Nàni. Cal qu'uno colo noumbrouso de valents Lengodoucians s'adreiten per l'apara fort-e-mort ! Sarets d'aquelis, brave Counfraire, e l'*Escolo Moundino* troubara siguronmen en vous ajudo e colauraciéu.

Mentretan, uno Escolo felibreno sènse un ourgane sariò pla pauc de causo, per pas dire *res*. Al coustat d'elo, voulèn un journal afougal que semene la bouno grano demèst le Pople e fasque clareja dins nostro encountrado l'Estello as sèt raisses.

Acò sara la missiéu del *Lengodoucian* que, espelissent le diengeance de cado semmano, gaujous coumo uno lauseto, fara ressounti la lengo d'Oc, de Mount-Pelié junquos à Bourdèus !

Esperan al pus liu vostro cousandido e vous pregan de crese à nòstris milhous sentiments de counfraternitat.

* *

Zóu ! zóu ! que nòstis ami de Toulouso e dis alentour s'arrambon vers lou Coumitat, que mandon sa cousandido au secretari, 4, carriero de *Roundo di Presoun*, à Toulouso, e que lou 14 d'avoust, dins la proumiero acampado, l'*Escolo moundino* fugue foundedo e que fugue decidado peréu la publicacioun dóu *Lengodoucian*, e que la lengo d'Oc restountigue de Mount-Pelié junquos à Bourdèus.

E lis amaire de la lengo de-longo fan crèis, e de cantaire melicous, sèmpre e sèns fin, apoundon sa noto armouniouso au grand counceert.

Li terro soun saturado, lou gran es semena, mounto, espigo, grano, e lou soulèu dauro la meissoun, e lou segaire canto en toumbant la bloundo tòusello e en estremant si garbo, que n'en gisclarra de raisso d'or.

Mai, las ! quand n'i a que, pechairo ! toumbon ensuca, em'un gai refrin i bouco, sènsa agué pouscu liga sa garbo, e que la douço cansoun que li bressavo, e que lou refrin bresihaire qu'endourmié sa doulour e li soustenié dins li lucho de la vido, em'éli davalo au cros. E res, ni di siéu, ni dis ami, s'esmòu plus pèr culi li flour qu'a semenado, pèr counserva, en piouso remembranço, aquéli cansoun qu'an fusa de soun amo, aquéli desbord qu'an giscla de soun cor regouire.

Davans d'aqueú cros qu'aclapo lou felibre e si cansoun, uno tristesso nous a souvènt pougnegu lou cor, e nous sian demanda se iaurié pas quicon à faire.

D'abord que l'on se groupo pèr canta li glòri de la patrio e pèr sousteni l'idèio felibrenco, pèr-de-que l'on se grouparié pas pèr garda la piouso *remembranço di mort*, d'aquéli que, pechairo ! parton pèr l'autre mounde sènsa leissa 'n pata de clau, e que sis obro soun pèr ansin destinado à l'oublit.

Avèn soumés aquelo idèio en quauquis ami, que nous an viva-
men acouraja de la persegui, e, iuei, venèn vous dire, o bèus ami
de Diéu, de nous ajuda pèr soun coumplimen.

Tòuti aquéli que voudran se groupa 'mè nautre, pèr l'obro de la *remembranço*, an que de nous avisa. Que nous digon la soumo que ié sara agradiéu de semoundre au coumitat constiuï pèr reçapre li cousandido. Lou mens que se posque faire, es de prene l'engajamen de souscriéure pèr un eisemplàri de tòuti lis obro que lou coumitat publicara e que lou pres n'en sara fissa qu'à flour e à mesuro de l'estampage.

La proumiero obro que dounaren, en tre qu'auren proun sous-
crivèire pèr accò, sara: *Lou libre de moun cor*, dòu felibre Firmin
Marin, que vèn de mourir à Frejus.

Zou ! que noste rampèu fugue entendu e que resclantigue i quatre
caire dòu Miejour.

JAN MONNÈ.





LI NOVO FELIBRENCO

PROUVÈNÇO

— L'acadèmi dis Escriptioun e Bèlli letro vèn de decerni lou pres de 1 000 fr. founuda pèr l'encourajamen de la publicacioun di pouèmo en vièi francés, au majourau En Leoupold Constans, proufessour à la faculta di Letro d'Ais, pèr si douz voulume entitula : *Le roman de Thèbes*.

— La lengo prouvençalo de mai en mai es en favour. A Marsiho se fai pa 'no fèsto de soucieta, se douno pa 'no sesiho literari e musicalo dins lis oustau de la bono, sènsa que i'ague sa plaço. Lou 12 de jun es esta 'n bèu jour pèr elo : M. Jòusè Mathieu, lou gènt secretari de la Chambro dóu Coumerce, au festenau di *Sauveteurs du Midi*, a faire tout lou mounde emé si fini galejado en parla marsihés ; lou mège Baudouin s'es fa aplaudi qu'es pas de dire, em'un brinde galant en nosto parladuro, qu'a poulidamen debana à la soucieta de la *Santo alianço* ; lou vèspre, encò de mèste O. Barreme, lou valènt souto-cabiscòu de l'Escola de la mar, nosto lengo a peréu fa sa plego dins l'ate de la bello fèsto musicalo e literari qu'avié ourganisado e qu'a mai que bèn réusssi. E, lou tantost dóu meme jour, à la cours de biòu, menado pèr lou celèbre Mazzantini, l'entousiasme èro marca pèr d'esclamacioun prouvençalo, bèn tant que vous sarias cresegù en Arle o à Nime : se i'es meme ausi un proufessour de nosto faculta, amourous apassiouna de nosto lengo, que cridavo : li biòu ! li biòu ! li ferre ! li ferre ! li vaco ! li vaco ! fai tira Marius !... e que sabe ieu. Acò marco pas que nosto lengo fugue à la vèio de s'esvali !

— Que disèn... de s'esvali ? i'a-ti pas un autre journau : *Le Mondain* à Marsiho, que prenent l'eisèmple dóu *Bavard*, ié fai galant plaço cada semano. Zóu ! que n'en vèngue, e longo-mai !

— Vai pareisse lèu-lèu, lou libre nouviau que Roumié Marcelin, lou majourau carpentrassen, fai estampa sus l'estiganço dóu maridage de sa chato, e noste brave ami bouto peréu la darriero man à-n-un autre voulume de si pouësio qu'aura pèr titoulet : *Li Mountagnardo*.

— Lou 18 de jun, mounsegne l'archevesque d'à-z-Ais a benesi, dins la glèiso di Refourma, de Marsiho, lou mariage dóu mantenière Savié de Magaloun emé madamisello Giraudy, siho dóu président de la chambro di Noutari marsihés. Nòsti vot courau i bèu nòvi.

— Lou majourau En Marius Bourrelly alestit, pèr parèisse dins quau-qui mesado, un voulume de conte galoi, en vers prouvençau, que sara bateja : *les Rato-penado*, e que sara dedica, à l'escrivan Emilo Zola.

— Zóu ! que se n'en boute d'escripcions prouvençalo ! En plen Marsiho, carriero di Foucean, 13, à l'*Obro de l'Espitalita marsibeso*, se vèn de bouta 'no bello placo de mabre blanc, emé de letro roujo, que dison poulidamen çò que seguis, en nosto lengo :

Retirado de niue

O vous qu'emé lou tèms catiéu
Barrulas, touti pensatiéu,
E noun sabès ounte ana jaire,
Venès vous assousta, pecaire,
Aqui, soutu la man de Diéu.

E acò bèu es signa : Frederi Mistral.

— Li *Jouve felibre federaliste* vènon de se coustituï en soucieta. Es moussu E. Chabrier, qu'es esta nouma président de la nouvello assouciacioun, e lou mantenière F. Amouretti tendra l'estèvo coume secretàri.

— Lou 25 de jun, es parti de Marsiho, pèr la Sirio, l'*Iraouaddy*, di Messajarié maritimo, empourtant à Salounico uno gracieuso chaloupo à vapour dóu noum de *Mirèio*, que sort di chantié arlaten de mèste Satre.

— Lou 6 de jun, i'a agu un grand roumavage à la *Crous de Prouvençao*, à la bello cimo de Santo-Venturi. Es lou felibre-abat Rolland, d'Ais, que lou menavo, e se i'es canta mai-que-mai de cantico prouvençau, entre li quau citaren : *Prouvençau e catouli*, dóu majourau M. Frizet.

— Lou 8 de juliet li felibre de Lar, à-z-Ais, an recoustituï soun burèu. En F. Vidal, es esta nouma cabiscòu ; S. Roman, soutu-cabiscòu ; secretàri, lou felibre de Bonnecorse ; tresourié, lou mantenière Chapòli Guillibert.

Li tres conse elegi soun : Mounsen l'abat-felibre E. Rolland e mes-siés C. Martin e Gasquet.

— Lou 5 de juliet, li *Mardistes* an tengu sesiho, à Marsiho, souto la présidénci de la felibresso de la Crau, dono Lazarino Daniel. Lou felibre P. Coffinieres i'a fa 'no counferènci sus Roumanille : i'a di de bèlli causo sus la literaturo prouvençalo e i'a legi quauqu'i pèço de l'autour pouplàri di *Margarideto* entre li qualo : *La cbato avuglo*, e n'es esta mai-que-mai aplaudi.

— Noste valènt counfraire L. Foucard es à-n-Uriage, ounote fai prouado emé si *Pupazzi*.

— Lou cabiscòu di Maren, P. Guizol, es esta nouma membre dóu Coumitat de l'espausicion que s'alestis à Madrid pèr celebra lou quatren centenari de la descuberto de l'Americo.

— Es lou chivau *Felibre*, de moussu Teisset, qu'a gagna lou pres de la *Rivière* i cours d'*Auteuil*, lou 27 de jun passa.

— E tourna-mai nous fau aplaudi neste brave Counsèu municipau de Marsiho, que vèn d'aculi mai que favourablamen la prepausicion que M. Vaulbert i'a soumesso de douna lou noum de *Fourtunat Cbaïlan*, lou celèbre e pouplàri autour dóu *Ganguï*, à la plaço de la Routoundo, à Marsiho, e de i'auboura à-n-aquéu rode, un mounumen, emé lou concours d'un Coumitat que se constituiré pèr acò.

l'aura pa 'n felibre que noun felicite M. Vaulbert de sa valènto iniciativò.

— A la sesiho de l'acadèmi d'Ais, que s'es tengudo lou 8 de juliet, M. de Saporta, secretari, dins soun raport, a poulidamen celebra la memòri dóu majourau J. B. Gaut ; lou felibre C. Guillibert i'a di de vers prouvençau galant, e lou majourau F. Vidal i'a fa lou rapport di pres de vertu Rambot e Reynier.

— Dous felibrihoun soun neissu en Arle, Jan Emilo Enri Dayre, lou 24 de jun, e Jósè Jan Batisto Jouve, lou 28 de jun. Nous fasèn un plesi de benastruga lis urous paire. Zou ! que vèngue de meissounié, que li blad soun tous coume l'or, e que la meissoun es mai que bello !

— La Soucieta d' *Estrucion* e d' *Educacion* pouplàri, à Paris, que lou valènt Stesen Liegeard n'es lou président, vèn de decerni à Folco de Barouncèlli, baile de l'*Aïdli*, uno medaio, pèr lou recoumpensa de la voio que bouto à la direicion e à l'espandimen d'un journau que lucho tant valentamen pèr lou sauvamen de la lengo prouvençalo. Aquéu triounfle fai ounour à l'escoulan emai au mestre.

— Lou 16 de jun, à la Santo-Baumo, mai de 5 000 roumiéu an canta e recanta lou cantico à Santo-Madaleno, que lou felibre-abat L. Spariat avlé coumpausa pèr aqüeu roumavage.

— Pèr decisioun dóu 4 de juliet, lou Capouliè En Fèlis Gras a douna lou titre de Vice-Cancelié dóu Felibrige au majourau En Jan Monné, secretari de la Mantenèço de Prouvènço.

— La Mantenèço de Prouvènço tendra soun assemblado generalo e si Jo Flourau d'aquest an en viro de Manosco, aperaquí dins li darrié jour dóu mes de setèmbre. Dins l'ate de la festo, se celebrara la memòri dóu manousquin T. Avril, autour d'un diciounari prouvençau-françés que s'estampè en Ate, en 1840.

Uno circulàri sara espedido en touti li sòci de la Mantenèço pèr té douna touti lis entre-signé necite, e neste numerò venènt dounara pan-pèr-pan lou prougramo de l'acampado.

— Lou Sendi de Prouvènço vèn de nouma la jurado que dèu terceja li Jo Flourau mantenenciu de 1892. Li jura soun : li majourau Marius Bourrelly, mestre en gai-sabé ; Anfos Tavan, mestre en gai-sabé ; Francés Vidal, mestre en gai-sabé, e li mantenèire : Paulin Gui-zol, cabiscòu ; Ougèni Barreme, souto-cabiscòu ; Aguste Gautier, secrétari di maren e n'Anfos Bressier.

Laura à delibera sus 223 pèçò, que se coupartisson coume seguis : 13 pouësio lirico ; 59 pouësio lòugiero ; 49 sounet ; 53 galejado en vers ; 14 rouman, nouvello o conte en proso ; 18 galejado en proso ; 7 dramo, coumèdi, etc.

— Sarian bèn recounèssent i majourau prouclama en 1876, se voulien bèn nous avisa dóu noum qu'avien chausi pèr la *Cigalo* que lou Counsistòri i'atribuissé. Aquéu rensignamen nous es utile pèr la publicacioun d'uno listo di majourau, que voulèn enseri dins neste Bulletin.

MORTUORUM

— Sus lou mitan de jun, es mort i Peno, lou flame tambourinaire Louis Arnoux, que dins tant de councours avié davera li joio emé li riéu-chieu-chieu de soun galoi flahutet. L. Arnoux avié que 57 an, e s'èro fa 'n renoum superbe entre touti lis amaire de l'estrumen naciounau de Prouvènço. Lou tambourin es en dòu e, naute, trasèn uno flour de pervenco sus lou cros de soun fidèu mantenèire.

— Plagnèn bèn couralamen li dòu de noste counfraire e ami, lou mège Sextius Honnorat, que sa bravo maire, dono Adelaïdo Honnorat, es morto, dins si 68 an, lou dimenche, 17 de juliet 1892.

— Vès eici uno superbo letro que nous vèn de dous sòci dóu Felibridge, que lou Counsistòri vèn de courouna e que ié trason soun gramaci :

Prago, en Bouèmi, lou 24 de jun 1892.

Moussu e gai counfraire en Santo-Estello,

Après la noutço que n'ai reçaupu d'amistous pouèto e moun ami Jaroslaf Vrchlicky, dóutour en l'ounour de la universita bouèmi, en Prago, receberian tóuti dous l'ounour d'uno medaio felibrenc d'argènt que lou mai-que-mai ounoura Counsistòri felibren, acampa i fèsto de Santo Estello e i grand Jo Flourau setenàri en vilo di Baus, lou dilun de Pandecousto, nous a decerni.

Sian urous d'estre ounoura d'aquesto grando amistanço de nòsti counfraire prouvençau, mai au countràri devèn dire coume aquéu centenié dins l'Evangèli : *Domine, non sum dignus!..* Graci à voste e noste Capoulié dóu Felibridge, En Fèlis Gras, graci à lou grand Rèi di felibre Frederi Mistral, graci à tout lou Counsistòri felibren, à moun bèle ami Pau Marieton e is autri pouèto dóu Gai-Sabé ! Benediccion de Diéu à vosto bello obro, justo e bono !..

Devèn lou salut à Madamisello Mario Girard, Rèino dóu Felibridge !

Siés nостo mignoto e nостo gastado
Di Felibre siés l'ourguei e l'ounour
La Rèino e la fado.

L'an que vèn vau vèire e visa moun grand ami Frederi Mistral en Maiano, e li principàli vilo de Prouvènço pèr estudia sus plaço li varieta diverso de la prounounciacioun prouvençalo.

Finisse entremen la traducioune de *Mirèio* en lengo chèco e vène d'escriéure un *estudi biografi* sus l'autour di Fiho d'Avignoun e dóu pan dóu Pecat. Preparan emé Jaroslaf Vrchlicky unc *antoulougio d'Aubanèu* : e uno grando *antoulougio felibrenc*, (à la Fr. Delille).

Après la traducioune de Mirèio vau publica aquelo de *Nerto* e Jaroslaf Vrchlicky vèn de tradurre lou *Roumancero prouvençau* de Fèlis Gras.

En avans li felibre ! Roumaniho es mort, Roumaniho, lou brave foundadou dóu Felibridge, mai viéu encaro lou grand cantaire dóu Calendau !

Aubouro-te, raço latino,
 Souto la capo dóu soulèu !
 Lou rasin brun boui dias la tino,
 Lou vin de Diéu gisclara lèu...

Felibre ! li proumié grèu d'uno raço que regreio, li cepoun e mai
 li priéu de la patro,

Aparas vosto lengo, e que voste vers bounde !
 Quand li pople s'envan ounte degun lou saup,
 Emé l'aflat de Diéu, à la faci dóu mounde,
 Cantas lou païs prouvençau !
 Dau, dau !
 Li felibre prouvençau !

Sieu voste bèn devot servitour e counfraire :

Don Sigismound Bouska,	Jaroslaf Vrchlicky,
sòci dóu Felibrige.	sòci dóu Felibrige.

E aro, apoundren, en seguido, la bello pousito dis obro qu'aquéli
 douz valènt Sòci an publicado en ounour dóu Felibrige :

Don Sigismound Bouska a publica :

Dins li darrié numerò de *Obzor* (revisto bouèmi) *José Roumanille*,
 estudi literari sus lou grand mestre e soun obro. (75 coulouno).

Dins lou *Cech* de Prago : *Proulogue de Nerlo*. Tres pouësio de *Lo somni de Sant Joan*, de *J. Verdaguer*.

Dins la *Vesna* de Brno : *La cigalo, L'oumbro, d'Antounieto de Bèucaire*.

Dins la *Vesna* de Brno : Tres pouësio de *J. Verdaguer*.

Dins la *Niva* de Brno : *Cant segound de Mirèio*.

Dins li *Kvetty* de Prago : *La guerro, Li sét poutoun d'Aubanel*.

Dins *Lumir* de Prago : *La crous d'Aubanel*.

En Jaroslaf Vrchlicky a publica :

Dins li *Kvetty* quàuqui pouèmo dóu *Romancero prouvençau* de
F. Gras e plusiour pouèmo de *Li fiho d'Avignoun d'Aubanel*.

Dins soun voulume *Hostem u Basniku* (antoulougio bouèmi), de-
 dica à *F. Mistral*, 7 pouësio de *T. Aubanel* e 13 pèço de *F. Mistral*
 entre li qualo citaren : *La cansoun dóu soulèu*; *La cansoun de la Coupo* ; *la Couumioun di Sant*; e lou *Cant de Magali*.

A Prago, vers Narladen Jaroslava, *Atlantis* (l'Atlantido) de *Don J. Verdaguer*, revirado en lengo bouèmi.

LENGADÒ

Lou 4 de jun, de noumbrous felibre an respoundu au rampèu pèr la creacioun d'uno escolo audenco, à Carcassouno.

Lou majourau En Achile Mir es esta nouma cabiscòu d'ounour ; P. Gourdou es esta prouclama cabiscòu ; A. Peyrusse e Moneger, soutocabiscòu, e G. Jourdanne secretari clavaire.

Li sòci de l'Escolo soun : la felibresso Margarido Sol e li felibre : abat Pèire Boyer ; Zachario Astruc ; Achilo Rouquet ; Jouy de Veye ; Narcisso Salieres ; E. Seguier ; Prousper Estieu ; P. September ; Prax ; de Teule ; Rogues ; Reverdy, etc.

Lou president Mir a debana soun escagno emé soun biais coustumié e a descata en tòuti la toco e l'ourganisacioun dóu Felibrige, e Pau Gourdou a jita peréu soun bout e s'es fa aplaudi de tòuti

Longo-vido à l'Escolo audenco !

En esperant que pendoule soun cremascle, vès-eici ço que dis en tòuti lis auden, à prepaus dis adesioun à douna :

*Y pot ana qui bol : en mai soun, milhou ba.
Agachoun pas aqui ni qu'un frac bous abilho,
Ni sets paure ou ritobard, ni ço que sabets fa...
Ets de l'Audo ? Suñts. Dintras, ets en familho.*

E aro, vès-eici coume noste Capoulié, En Fèlis Gras, a saluda la nouvello Escolo :

Moussu e gai counfraire,

Sieu tout esmeraviba de vèire que li fièu de la noblo cièuta de Carcassouno van founda l'Escolo audenco.

Li vièi bârri de la cièuta, de la porto Narbouneso à la porto de l'Audo, li tourre dóu Tresan, e de Calniçac, e di Visigotb, e de Justicò, e li merlet dóu castèu, e li veiriau esbribaudant de Sant-Nazari van tre foulì à vòstí cant.

Emé l'ajudo de la gènto e ispirado felibresso Margarido Sol, emé l'affat de noste valènt felibre majourau A. Mir, emé de felibre valerous coume Gourdou, Peyrusse, Boyer, Moneger e vous Jourdanne, que sias lou tron e l'uisau, vostro escolo segur fara flòri.

Sieu emé vautre de cor.

— Au premié jour, noste ami Roumieux nous tournara de *Buenos-Aires* ; es éu-même que n'aviso sis ami, que soun ravi d'aqueló bono nouvello.

— Lou dijòu, 23 de jun, au roumavage que s'es fa à *Primo-Couumbo*, tant superbamen enaurado pèr lou felibre-abat Malignon, s'es canta de cantico prouvençau e lengadoucian emai peréu l'inne cevenòu : *Catalouli e francés*, de M. Sarran d'Allard.

— En estènt que la Mantenènço de Lengaddò dèu teni soun assemblado generalo d'oungan, sus la fin dóu mes d'avoust, avis es donna que la dicho mantenènço celebrara de Jo Flourau à-n-aquelo óucasoun, e vès n'eici lou prougramo de gros en gros.

De *joio* e de *mencioune* saran decernido is autour :

1^o di meióuri pèço pouëtico : pouèmo, odo, legèndo, etc.

2^o di meióuri cansoun ;

3^o di meióuri galejado en vers o en proso.

Tóuti li parla d'O soun amies à councourre.

Se la Mantenènço apound de sujet impausa à soun prougramo, aquésti saran pourta à la counceissènço di courrèire pèr lou biais de la *Cigalo d'or* e di journau loucau.

Li pèço devon èstre adressado, franc de port e dins la formo academico, avans lou 10 d'avoust, à M. Clement Auziere, secretari de la Mantenènço de Lengaddò, carriero de l'Aguiarié, 33, à Mount-Pelié.

-- A parti dóu mes d'avoust, lou *Cascavel* d'Alès, que se vènd à tres milo, sara tira 'mé m'i de siuen e i'aura d'image, acò fai que coustona dous sòu lou numerò, e, pèr abounage trento sòu pèr an. Res trouvara que fugue trop carivènd de se paga pèr dous sòu, un flo de rire coume aquéu qu'espousco di *cascavelado* dóu galoi *Cascavel*.

— Vès eici lou paumares dóu councours de lengo roumano dubert pèr *l'Echo des Trouvères* :

Courouno vermeialo pèr la pouësio : M. F. de Lanier.

Diplomo de premié pres : midamisello C. Duclos e Louis Ouradou, e messiés l'abat Labaig-Langlade, B. Dufour, F. Escaich, A. Teulié, Camelat, P. Dunac, A. Florent, J. Soulet e Aybram.

Pouësio diverso. Premié pres : *medaio artistico brounze daura* : dono Mario Lacassagne ; premié pres, *medaio d'argènt* : M. Bertrand, de Cano ; premié pres, *medaio simili-argènt* : C. Sauqué ; premié pres, *medaio brounze daura* : E. Caussat ; segound pres : A. Neyrac, Fonvielle ; premié pres, *medaio artistico* : J. de Ternes ; segound pres, madamisello E. Deauriac ; premié pres, *medaio artistico* : E. Brunet ; segound pres : C. Decor e A. Monlong. *Mencioune* : Roucoules,

E. Fournier, H. Combatal-Roche, E. Guilhamou, F. Grand, A. Bouviala, A. Desreumaux, J. Lefranc, G. Limous, H. Bernard, Lefrey, P. Vergnes, Feraudou, E. Bru, F. Cassin, madamisello Belard, E. Gravier, J. Leroux, H. Vert, P. Bonnet, L. Dourdan, G. Veillard A. Duker, Delliaux, Dubois, E. Lange, B. Hispan, P. Bertrandot, Sicre, G. Hispan, e Delauze.

Vèn pièi la proso que lou tèmo douna èro la biougratio e l'eloge de *Jansemín* : e que i'avié pèr li gagnaire uno bello medaio de vermèi, semoundudo pèr Artur Caussou : à l'unanimeta lou pres es esta decerni a Carle Martin, d'Ais, conse de l'Escolo di Laren. Nòsti couplimen à l'urous gagnaire.

Pèr uno autre tiero de la proso, un premié pres, *medaio de vermèi*, revèn à M. Romain de Trevan. Li menciou soun acourdado à MM. A. Teulié, Aybram e Authier ; C. Cornaille, aganto un segound pres, medaio de brounze daura ; uno menciou mai qu'ounourabò courouno uno galejado dóu mantènèire Combatal-Roche, e uno autre menciou vèn à F. Pujol emai à l'abat Martial de Séré.

— I.i Jo Flourau e l'assemblado generalo de la Mantenèço de Lengadò se tendràn en viro d'Uzès, lou 28 d'avoust.

Aquitàni

— L'Escolo felibrenco limousino es foundedo.

Avian di qu'uno assouciacioun s'èro constiuïdo en Limousin pèr religa aquelo terro au Felibrige ; adounc, sèt felibre soun esta delega pèr faire sa demando e la presenta emé sis Estatut à l'aproubacioun dóu Capoulié.

Vès-eici la letro qu'En Fèlis Gras vèn d'escrieure i felibre Morjauze, de Nussac, Marcel Roche, Ernest Rupin, S. Santi, Carle Teissier e Pèire Verlhac, foundedou de l'Escolo limousino.

« Avignoun, 30 de mai 1892.

« Mi bèu felibre,

« M'agrado de vèire li fiu de la noblo e ilustro terro dóu Limousin
« se reviha à l'idèio felibreno.

« L'obro magistralo d'un di plus grand de nosto reneissènço, la
« bello obro epico de noste mestre e majourau En Jóuse Roux, a tra
« la bono semènco dins lou païs glourious de Bernat de Ventadour, Ar-
« naud de Maruelh, Gaucelm Faidit, Giraud de Borneil, Savaric de
« Mauléon, Bertrand de Born e tant d'autre que faguèron resplendi
« la pouësia dins li siècle de niue dis age-méjan.

« Sias de la raço di valènt, e bén segur, mantendrés aut e fièr lou
« drapèu felibren ounte es escri :

Tout pèr lou bòu !

« Vous mande, em' estrambord, l'autorisacioun de vous constitui
« en escolo, e aprove à defaut dóu sendi d'Aquitàni, lis Estatut que
« vous remande signa.

« Mi bon felibre, vous embrasse e vous baie en chascun douz pou-
« toun freirenau.

« Lou Capoulié,
Fèlis Gras. »

Après la recepcióun d'aquelo letro, la nouvello Escolo a tengu sesiho e a chausi, pèr aclamacioun, lou majourau En Jésusè Roux, pèr soun Cabiscòu.

— Jo Flourau de l'Escolo de Jansemin. — An 1892. — Paumarés :

1º. — *Odo à la Garouna*. Premié pres : lou majourau En Marius Bourrelly ; segound pres : lou felibre Ferdinand Benoit, à Cers (Erau) ; diplomo d'ounour : Gastoun Lavergne, mestre d'escolo ; proumiero menciou : Maurise Joret ; segundo menciou : Pau Constant.

2º. — *Pouësia sus Enri IV*. Premié pres : Aguste Advenier, istitutour ; segound pres : Aufred Lataste, istitutour ; diplomo d'ounour : M. Bourrelly.

3º. — *Cansoun sus lou vin de Bourdèus*. Premié pres : Théron, à Toulouso ; segound pres : madamisello Louisa Ouradou de Garreta, à Brassa ; diplomo d'ounour : A. Vergnes.

4º. — *Conte en proso*. Premié pres : R. Tall, de l'*Aïoli* : segound pres : Marciau de Seré ; diplomo d'ounour : Michèu de Camelat, à Arrens (Aut-Pirenèu) ; menciou : Maurise Joret.

5º. — *Mounougrafia de la Cigalo*. Premié pres : Alban Coffinieres, à Tamaris (Var) ; segound pres : Maurise Calbet, à Vilo-Novo-sus-Lot.

— Lou 21 de jun, à Paris, la *Rucbe Corrézienne* a tengu soun acamp mesadié : moussu A. Bessou i'a fa 'no counferènci sus Francès Fabié, lou pouèto dóu Rouergue que vèn d'estre decoura de la legioun d'ounour au 14 de juliet. F. Fabié dis li *Sabot* ; Marpillat, un conte en lengo limousino : *Lo molodio de Champolima*, que tòuti n'en crèbon dóu rite, e i'apound : *Lo confessioun dei Pierrou e Lou vi del curat* que ié fan un bèu sucès. E se claus la sesiho em'uno cansoun dóu païs : *Sus lou camin dóu limousin*.

Dins l'acamp dóu 16 de juliet, s'es canta de cansoun limousino e s'es declama : *Lo confesoun dei Pierrou* e lou *Banquet di maire* de A. Marpillat, emai *Jan de la Peyrouna* de Jousè Roux, etc., e se i'es ausi lou *Chabretaire*. N'en reparlaren.

— Encò de Gadrat, estampaire à Fouis, vèn de prene vido un nou-vèu journalet : *Le caleïl de l'Arijo* que dono Sol ié gaubejo l'òli. Longo vido à noste nou-vèu counfraire ! dóu mai i'aura de cantaire dóu mai lis acord mountaran aut !

A PAREIGU :

A Marsibo, dins lou *Bavard*, la seguido di pouèmo de la Pauriho, de V. Bernard, que lou darrié pinto uno famiho d'estrassaire.

« Dins lou *Petit marseillais* (20 e 27 de jun) : *La fèsto dóu Felibrige parisen* ; *Les félîbres en émoi*, responso de J. Gautier à la letro de A. Marin.

« Dins le *Dimanche*, di 19, 26 jun, 3 e 10 juliet : *Souvenirs de jeunesse*, d'E. Giraud, presentant soutu un jour faus lou Felibrige e li felibre. Saup pas, mèste Enri Giraud, que la Soucieta felibrenco de Paris e lou Felibrige soun dos soucieta difèrent ; e revèn mai à-n-aquelo acusacioun niaiso que li vièli felibre renegon li jouine. Quouro s'es vist acò, veguen ? D'abord que, despiei que nosto Soucieta eisisto, es toujour la jouinesso qu'a fa noste ourguei... *Autour de Mireille*, de F. Lescure e quauqui mot sus aquéu jouine Mèstre en Gai-Sabé, de l'*Oiseau bleu* ; *Avant la bataille*, de Enri Ner, article mai que sena sus la pretendudo viravoutó dóu Felibrige ; *La marche de Turenne*, de F. Gras ; *Federalisme*, de M. Raimbault ; *A travers la Presse*, un bon article de Lebrun que pico just.

« Dins lou *Mondaïn*, (11 de jun) ; *La Santo Estello di Baus*, ounte P. Bertas traïs soun brinde federaliste, e disque cènt felibre acampa, an saluda, floutejanto au soulièu e au mistrau, la bandiero di revendicacioun communal e prouvincial.

Aquelo tubo ! A pas vist, lou paure mignot, li felibre de la bono, qu'aussavon lis espalo, e que voulien même aussa la voutes, e que l'aurien fa, s'èro pas 'sta lou respèt qu'avien dóu pople que lis entouravo. Fau jamai crida vitòri avans d'avé gagna li joio !

« Dins lou *Petit Provençal*, (9 de jun) un comte-rendu *federaliste* de la fèsto di Baus. Lou papié es uno bono bësti, porto tout !

A Marsiho, dins lou Soleil du Midi, la seguido dóu Palangre de L.

Foucard, emé : à Ipoulito, sceno comico que nous fai estrassa dóu rire, en seguissènt li Jipotounen en cerco d'un mestre de musico. La Servicialo, (17 de mai); Lou pu bèu jour de la vido, (23 mai); Un mouloun de repepiado, (30 de mai); La cigalo de Santo Estello, (15 de jun). E dins aquéu dóu 20 mai, lou raconte d'un roumavage curious que se fai despièi de siècle, lou jour de l'Ascensioun, à Tubié, toucant Setème, ounte se meno lis enfantoun ernious pèr ié faire lou remèdi de l'idòu. E pièi mai : Fête de Sainte Estelle (9 de jun). Ah ! d'aquéli boustre que fan li comte-rendu, coume an bon biais pèr tira tout l'acatage à-n-éli !.. *La décentralisacion, lou federalisme e lou tron de l'èr*, rastelado d'un marsihés (27 jun).

« Dins la Cornemuse, (15 de jun) : *Vive la Décentralisation*, de J. Gautier ; l'Enfant : *babibo e retrra*, de dono Bremoundo ; *Le château du roi René à Tarascon*, de Amy ; *la Cigale*, legèndo, de J. Gautier ; *Lou tambourinaire Tardiéu*, de A. Richier ; *la Buveto*, de L. Foucard ; *Lou castelas baussen*, de L. Bouquet, etc.

En Arle, l'*Homme de bronze* e lou *Forum Républicain*, que fan toujour plaçò à nостo lengo. En deforo di raconte de la lèsto di Baus, lou premié a douna : *La marco*, de C. Auziere, poulit tres de proso sus li biòu, que nous a regala, e diren coume noste ami : bèu Diéu, quant n'i'a que soun pas de la marco ! E peréu un poulit coumplimen de la *Craenco* à la Reino de la Court d'Amour, e l'anóuncio que vai parèisse, à Marsiho, la *Revue marseillaise*, que durbira si porto à nòstis escrivan. Brave ! e longo vido à nòsti nouvèu cambarado !

A-z-Ais, dins la *Provence nouvelle*, dóu 12 de jun : *La filarmounico de z-Ais à Touloun*, raconte en puro e bello lengo prouvençalo, e *Li dous gau*, conte de C. Martin.

A Gap, lou cant sieisen de l'*Illiado d'Oumèro*, revira en parla dis Aup pèr lou majourau Francés Pascal.

A Gap, l'*Etoile des Alpes*, de mai, dounant : *La chaminèo*, raconte mai que galant de V. Bouis, e uno *galejado* dóu *Gavoust de Lacbau*, qu'es mai que bèn virado.

E lou numerò de juliet, dounant un brinde d'Abel Laugier e lou cant de l'*Escola de la mountagno*, d'En F. Pascal.

A Paris, dins l'*Echo de la Corrèze* de juliet, *Gustin e lou parrouquet*, galejado en vers de P. Celor ; *Lou chamin de Sant Jaquet*, cansoun ; li prouverbi de juliet e *Ço que dison lis auceloun*.

« Encò de Savine : *La Passion de Jésus*, dramo en cinq ate e en vers, d'òu mantèire A. Chansroux, tant afouga pèr nòsto causo.

I *Lilas de Paris*, dins *La Province* de juliet, un article remarcale dóu felibre, mèstre en Gai-Sabé, Lucian Duc, sus lou *Fédéralisme*. Dins la discussiou d'aquelo question nous sian plaça assou-ludamen dins la draio dis Estatut ; éu, la porto plus ant, e mostro claramen que se lou Felibridge es uno assemblado de patrioto, noun pòu èstre un clube de poulitician. Recoumandan vivamen quel article à l'atencioun d'aquéli que s'intérèsson à nosto obro.

A-z-Ais, encò de Nicot : *les douss gau*, conte en proso, en gènto par-laduro di Laren, dóu felibre C. Martin.

A Mount-Pelié, dins lou *Bulletin de l'Association des Etudiants* de juillet : la *Picoto*, vers lengadoucian de X. de Tintaine.

« E dins *Chimère* (15 de juliet) : *Félibres et... Romans*, article de P. Devoluy ounte, emé forço esperit, parlo de la *declaracioun* di douz jouine Carle Maurras e Frederi Amouretti.

A Toulouso, dins *l'Echo des Trouvères* de juliet : *Soyons tous félibres*, qu'es un article faus, pèr pas dire groussié, de M. Isambard le Toqué, contro lou Felibridge. Es pas lou premié cop qu'aquéu brave fòu douno resoun au prouvèrbi : *Fai de bén à l'ase de Bertrand e te respond en regniant*. Acò noun empachara que nous sara toujour agradiéu d'aplaudi à soun obro, coume pican di man pèr tòuti aquéli que s'atalon au relevamen de la lengo miejournalo, e que sian fièr e urous de signalà au respèt di patrioto. Perdounan soun estrepado gale-jarello au fòu de *l'Echo*, que soun numerò dóu i d'avoust, counsacra au councours de lengoroumano, adoubo un brisoun.

A Marsiho, dins lou *Dimanche*, la seguido de *Jusqu'à vingt ans*, rouman dóu felibre F. Lescure, e *Nos fumistes*, un article de M. Raimbault sus lou bro d'aigo fresco que M. P. Laffite, dins li festo de Scèus, a manda sus la tèsto de nòsti fraire de Paris. M. P. Laffite es membre, noun pas dóu Felibridge, mai de la Soucieta felibenco de Paris, ço qu'es pas la memo causo ; li dos assouociacioun estènt dos soucieta sorre, la proumiero, espandido dins lou Miejour ; l'autre sourtènt pas de Paris e se regissènt à sa maniero : es pas mens verai de dire que s'avien, nòsti fraire, terigu la man à soun reglamèn, que vòu que li membre titulàri de sa Soucieta fugon pres escassamen dins li majourau o mantènere dóu Felibridge, la pèiro de M. Laffite ié sarié pas toumbado sus lou su. E sian de founs emé *Lebrun*, dins soun article responso à la *France moderne* sus lou mounumen de Fourtunat Chailan (31 de juliet).

A Beziés, dins l'*Hérault* : *las cigalos*, sounet estivenc de A. Maffre, que se ié sènt lou biais d'un mestre, e à la *Mar*, autre sounet galejarèu dòu même.

A Paris, lou N° d'abrieu dòu *Viro-Soulèu* emé lou galant discours prouvençau de L. Brès sus lou *vieil Marsibo*, que lou *Semaphore* de Marsiho, a douna dins soun numerò dòu 26-27 de mai ; i'a pièti, *Jan Palet*, uno fino galejado de Marcel ; *Lengo d'amour*, de Sextius Michel e la *Viro-souleiado*.

« E dins lou numerò de mai, un article de Savié de Ricard sus A. Fourès.

A Paris, dins l'*Evènement*, dòu 11 de jun, uno descripcions acoulourido de la vilo di Baus, pèr la plumo d'A. Marin.

A Paris, dins la *Revue félibréenne* : *Lou serventés dòu cèu, de l'aigo e de la terro*, (J. Boissiere) ; *La fin dòu meisounié*, de F. Mistral, revira pèr E. Ner ; *Lou pantai dòu comte*, (O. Plau-chud), *L'évolution félibréenne*, de P. Marieton, la crounico e la bibliografio.

» Dins l'*ECHO de Paris* (12 de jun) : *Fourtuneto*, de P. Arene. Aquéu valènt majourau a vist dins la festo di Baus que la *Samaritano*, pèr parla coume l'*Aïoli*, e n'es esta talamen esbarluga que i'a tra si flour à plein de man : sarié lou cas o jàtnai noun de crida : *Margaritas ante....*

» Dins *Le Temps*, (9 de jun) : *La Sainte Estelle des Baux*.

A Bagnero-de-Bigorro, dins lou *Bagnères-saison*, dòu 3 de juliet, un sounet de J. Monné, à *Philadelpho* la gènto Muso da l'Adour, en gramaci de si *Posos perdudos*, em'un autre sounet de la felibresso de Gerdò, en responso.

A Carcassouno, la *Revue Méridionale*, de juliet, counsacrado i feli-bre de l'Audio, emé d'ilustracioun de Salieres, e lou fin giàubi dòu valènt G. Jourdanne pèr douna la sabour e lou pre-fum à-n-aquéu flame reviüre felibren.

A Brivo, dins lou *Conciliateur*, tres fablo limousino dòu majourau J. Roux, em'uno letro de F. Gras i felibre limousin.

« Dins l'*ECHO de la Corrèze* : *Les hommes de guerre de la Corrèze*, counferènci de M. Deloncle : *Briva, Pourtal del Miejour* (Jasmin) ; *la Lunade*, (J. Dutrech) ; *Santo Estello*, etc.

A Touloun, dins l'*ECHO de Tamaris* : *Souto l'aubero*, elegio de Lazarino de Manosco ; *Mario de Magdala*, d'A. Gautier ; *Les conquêtes du Félibrige...* parisien (P. Coffinières) ; *Les félibres de Paris à Sochaux*, (F. Hauser) : *Décentralisation — Régionalisme — Fédéralisme*, (P. C.) ; *Mesprès e Lausenjo*, (L. Roux).

En Avignoun, l'*Aïoli*, emé li discours de Santo Estello ; *Li tablèu prouvençau au saloun di Champs-Elysées* (A. Adam) ; *La fe-librejado di Baus* ; discours d'E. Zola, à Scèus ; *Un jour de Mai*, (A. Marin) ; *La festo de Diòu*, (L. de Manosco) ; *li Mémori d'un gnarro* (B. Bonnet), etc., etc.

- « Encò d'Aubanel : *Sant-Marcelin, predico facbo à la proucessioun di fiolo à Bourboun* (jun 1887 e 1892), pèr Don Savié de Fourviero.
- « Dins lou *Mistral*, (8 de jun) ; *Un voyage au pays des félibres*, raconte umouristi de la festo di Baus.

À Vilo-Novo, *Lou Calot*, que fai peréu sa plego tóuti li quingenado e que l'avèn arremarca : *Trabès regos*, pourido crounico que *lou lauraire* espandis pèr faire counèisse i gent de sa terro ço que soun li felibre e ço que volon. Brave, lou lauraire ! Se laures toujour dins tant bon gara, la meisoun sara bello.

À Toulouso, *Le Gril*, emé de pèço de J. B. Rouquet, F. Court, Fourès, P. l'Estieu, etc., e li *Pachicbi*, de ses que i'a trop pebra.

À Cierp, (Auto-Garouno) : *Ecb Luroun*, emé *S'en parlara*, cansoun ; *li galejado*, e un sounet : *Ara lengo d'oc*, de Lartigue que se claus coume eiçò :

Canto grilhoun, souno campano, esclairo calèu !

À Ceto, dins lou *Journal commercial et maritime*, dóu 10 de mai, uno pouësio dóu felibre J. E. Castelnau, dedicado à la nouvello municipalita cetòri.

À Mount-Pelié, dins lou *Bulletin de l'Association générale des Etudiants*, un estudi sus lou felibre A. Fourès, pèr J. Anglade, estudiant de letro ; *A dona Maria Llorente*, vers de F. Mistral à la Rèino di Jo Flouraudóu *Rat-Penat*, soucieta catalanisto, à Valènço d'Espagno, que vès-eici :

Rèino di Jo Flourau dins la ciéuta di flour,
 Rèino de pouësio au païs dis arange,
 Rèino que pèr tribut noun cueies que l'amour,
 Rèino que pèr gardian noun as que toun bon ange,
 Rèino que fas la lèi sus li gai troubadour
 Autant di terro d'O que di terraire estrange,
 Rèino dóu Rat-Penat, que pos, à l'escabour,
 T'espaça, sènso pòu qu'un rat-penat te manje,
 Rèino que la jouinesso abihè d'esplendour,
 Quinto Rèino emé tu noun voudrié faire change,
 O tu que d'un pouèto as reçaupu lou jour !

A Mount-Pelié, la *Cigalo d'or* de mai, jun e juliet, que fai sèmpre
brusi gentamen si mirau, à coustat de la *Campana de Magalona* qu'a douna uno odo magnifico dóu felibre E. Castelnau : *l'armada*.

A Barcilonoun, dins la *Veu de Catalunya*, un tros dóu discours dóu Capoulé i Baus, e quauqui resson di journau miejournau.

A Palermo, dins la *Nuova Sicilia*, un article d'E. Portal, mai que lausengié pèr nosto literaturo e la revisto di journau e publicacioun prouvençalo.

CATALOGNO

La *Vèu de Catalunya* de Barcilonoun qu'avié dubert uno souscripcióun entre li fraire catalan pèr lou mounumen de Roumanille, pèr nous douna 'no provo nouvello de la fraternita que nous ligo, publico la tierro di souscrivère en i'apoundent quauqui paraulo que nous van au cor e que n'en vejo-elci un pichot escapouloun :

« Li bon Prouvençau, lou sabèn, n'avien pas de besoun dóu denié
« di Catalan pèr lou mounumen de soun Roumanille. Vaqui perqué
« avèn limita nosto souscripcióun. Mai voulian faire assaupre à
« nòsti fraire de Prouvènço que li Catalan li seguisson em'amour
« dins soun camin. La respetableta d'aquelí signaturo que nous an
« respoundu, n'es la demoustracioun coumplèto. Rendèn-n'en grà-
« ci à Dieu, e que jamai desparèigue aquel arc-de-Sant-Martin que,
« per-dessus li Pirenèu, religo li cor di douz pople que l'istòri emé
« la pouëslo an fa fraire. »

Publicarèn la listo di souscrivère lou mes venènt, que la plaço
nous manco aquesto fes.

Lou Gerent : Jan Monné.



CROUNICO

MOUNUMEN PÈR FOURTUNAT CHAILAN

Lou divèndre, 12 d'avoust, à tres ouro de tantost s'acampavon à la Coumuno de Marsiho, li representant di groupo literari e di journau miejournau de nosto vilo, emai li literatour prouvençau de marco, sus l'estiganço de coustituï un coumitat qu'aurié pèr toco l'ereicioun d'un mounumen à la memòri dóu pouèto prouvençau Fourtunat Chailan, lou flame autour dóu *Gàngui*.

Vès eici coume aquéu coumitat s'es coustituï :

Presidènci d'ounour : En Frederi Mistral ; En Fèlis Gras, Capoulié dóu Felibrige ; Camiho Vaulbert, ajoun au maire de Marsiho ; Carle Vincènt presidènt de l'acadèmi de Marsiho ; Ouràci Bertin, presidènt dóu Sendicat de la presso marsiheso ; I. Cazes ispeitour d'acadèmi.

Presidènt : Fourtunat Marion, proufessour à la Faculta di sciènci de Marsiho ;

Vice-presidènt : Anfos Michel, majourau dóu Felibrige ; Jóusè Gautier, avoucat ;

Secretari : Pèire Bertas ; *vice-secretari* : Valèri Bernard ; *Tresourié* : Jóusè Huot, majourau dòu Felibrige.

Membre dòu Coumitat : Louis Astruc, majourau dòu Felibrige ; Ant. Boyer, deputa ; Louis Foucard ; Pèire Garcin ; Louis Guibert, avoucat ; Ludòvi Legré, avoucat ; Felip Mabilly ; Pèire Mazière ; Marius Sicard ; Anfos Tavan, majourau dòu Felibrige ; J. B. Touar, literatour prouvençau.

Poudèn pas miés encapa, pèr faire counèisse l'ome de la bono que se ié vai auboura'n mounumen, à-n-aquéli que legisson pas l'*Aïoli*, que de tira d'aquéu journau li quâuqui rego que ié counsacro :

Lou gai pouèto pouplàri que Marsiho vai metre sus lou pedestau de glòri, èro nascu à-z-Ais, en 1801. Mai passè sa vido à Marsiho, ounte mourriguè pas vièi en 1840. Dins l'edicioù magnifico que si fièu an dounado de sis obro prouvençalo (*Lou Gangui* de Fourtunat Chailan emé d'ilustracioun de Rave, in-4°, à Marsiho 1882), i'a 'no prefaci de Mistral. N'en destacan lou tros seguènt :

La Prouvènço, despièi quatre cènts an qu'es unido à la Franço, en tòuti lis epoco, tout en restant franceso e la voulènt resta, a fourni d'ome de la bono que, pèr patrioulisme autant que pèr regale, an mantengu l'ounour de sa lengo pouplàri. Chailan es un d'aquéli.

E aquelo pouësio, que l'on pòu dire fero --- e qu'espelis ansin quouro ceci e quouro eila, mau-grat l'ensignamen ousiciu e man-grat lou trelus de la lengo franceso, aquelo pouëslo abouscassido es coume li sóuvajun que l'asard fai sourti à la ribo di terro e que brucion e crèisson mai vigourousamen que li planto semenado.

Tal escriván francés, que crèi faire l'empèri, pèr-ço-que soun voulume es en mostro au vitrage di libraire à la modo, sara, acò s'es vist, aclapa dins l'oublit, quand tau o tau troubaire, incouneigu vuei de Paris, floutejara belèu sus l'oundado di siècle. Quau s'en-chau au-jourd'uei di rouman de Scudéry o de l'*Astrèio* de D'Urfé, tant prouna de soun tèms, tant famous autre-tèms ! E pamens, tòuti lis an, li nouvè de Saboly, quasimen autant vièi, se canton e se vendon qu'es uno benedicoun.

Autro causo. Supausas que, dins li tèms antique, un pouèto pouplàri, escapant à la modo d'escriéure coume à Roumo, nous aguèsse leissa quauque librihoun de vers escri dins lou parla di Ligour o di Cavare ! Cresès pas que l'istòri, cresès pas que la sciènci n'en saguèsson mai de cas que de tòuti aquélis escrivan de decadènci que, coume Favourin lou Retour arlaten, coume Ausòni de Bourdeus o Siddoni Apoulinàri, abihavon en latin si pensado celtico.

Fau pas lou metre en doute, car li manifestacioun, mai o mens pouëtico, mai o mens aliscado, di lengo naturalo, soun la numismatico de l'istòri dòu pople, medaio precioso que retrason l'estampo de la raço d'un pais.

Eh ! bèn, Chailan, à soun moumen, es esta lou troubaire de Marsiho, lou troubaire aplaudi e lou pintre incarna dòu pople de Marsiho. A soun moumen e à soun ouro, coume lou brave Toussant Gros, coume lou galoi German, coume lou bon Bellot, coume l'espiritou e finas Benedit, coume lou nervous e pouderous Gelu, Chailan a mes en sceno l'ome dòu terradou, lou bastidan, lou panto, li quichié, li bugadiero, e l'óupousicioun d'aquéli tipe coucourèu emé la civilisacioun, emé li rafinamen de la ciéuta mouderno, a sagiscla lou rire de la bono galejado.

Chailan a dounc batu, en bèl argènt tintin, sa medaio marsiheso ; e aquelo medaio es autant digno, m'es avis, de figura i galarié de nòsti glòri que li pèço requisto que la sciènci rejoun dins nòsti museon.

Quand demandas à-n-un chato — que ris de l'alegresso de sa bello jouvénço : « De que rises, mignoto ? » — « Rise de moun riset », vous respond, e pas mai.

Cade pais a soun riset. Co que fai rire un prouvençau fara souventi-fes frounsi lou nas au franchimand ; e co que dins Paris fai esclati li cacalas nous fara tout-bèu-just auboura lis espalo.

Lou rire marsihés se delèito mai-que-mai dins la martegalado. Qu'es la martegalado ? Es l'esperit d'aquéli que passon pèr de simple.

Fau pas crèire qu'au Martegue i'ague rèn que de nèsci e qu'is àutris endré agon tòuti fa lou sén. Soulamen lou Martegau a sa maniero de resouna, maniero que parèis farço, mai qu'es forço mai pounchudo que co que pòu sembla. Meten qu'un arrougant digue à-n-un Martegau, en parlant sèns respèct : « Janet, siés un vierlase ! » Se

noun lèvo la man pèr ié manda 'n bacèu, lou Martegau respond filousouficanen : « Vau mai èstre viedai, moun bèle ami, que bòrni, qu'ansin vesès lis autre. » — « Janet, siés un couguou ! » — « Vau mai, respond Janet, èstre couguou que conse : un conse l'es qu'un an, un couguou l'es pèr la vido. »

E quand lou Martegau, pèr abriva soun mounde, ié fai crèire qu'à Marsiho un pèis espetaclos s'es arrapa pèr li gaugno entre lou fort Sant-Jan e lou fort Sant-Nicoulau ; tout lou Martegau part pèr ana vèire lou gros pèis, e vaqui lou messourguié qu'en vesent à mou-loun parti la foulou pèr Marsiho, finis pèr crèire sa messorgo, e part coume lis autre en disent : « Ma fe de Diéu, perqué tóuti ié van, fau que siegue verai ! »

Aque lo counclusoun pòu, au proumier abord, nous parèisse en deforo dòu resounamen uman. Mai pamens regardas bèn : es tout pur lou principe dòu sufrage universau... Vesèn pas tóuti li jour, tau e tau farcejaire, qu'abrivavon la foulou, fini pèr la segui coume lou Martegau e parti pèr vèire lou pèis ?

Adoune, se voulès saupre coume rison à Marsiho, zóu ! pescas dins lou *Gàngui* : quand Chailan n'aurié fa que *Lou païsan au tiatre*, aquelo cargo triounflanto que chascun de si vers a fa prou-vèrbi, ounte la sau de Berro beluguejo à pougnado dins li gros gran de pèbre de la Canebiero, Marsiho devrié à Chailan un mounumen.

Zóu ! que tóuti li bon Prouvençau qu'an lou cor pres de l'amour de la lengo e de la glourificacioun dis ome que l'an sauvado de l'oublit, s'agradon de countribuï à-n-aquelo obro patrioutico. Que cadun adugue sa pèiro au mounumen que gardara i generacioun venènto la memòri dòu gai cantaire dòu *Gàngui*.

Tóuti li soumo, pèr pichoto que fugon, se podon manda au tresourié de l'obro, En Jóusè Huot, architeite, carriero Colbert, 12, à Marsiho ; coume tambèn, reçaupren emé grand gau li souscripcióun que saran espedido au Burèu de neste Buletin, qu'es tout devot à l'obro bello dòu mounumen de Fourtunat Chailan.

JAN MONNÉ.



LI NOVO FELIBRENCO

PROUVÈNÇO

PAUMARÉS DI JO FLOURAU DE LA MANTENÈNÇO DE PROUVÈNÇO

La jurado di Jo Flourau de 1892 s'es acampado, lou 4 de setembre, pèr terceja li pèço e ausi li dire di jura sus la tiero dòu councours que tiero estado soumesso. En Marius Bourelly es esta nouma presidént, e Aguste Gautier, secretari-rapourtaire.

Vès-eici li decisioun rendudo :

1. POUËSIO LIRICO

Premié pres : *Vièti Nouòv marsibés*, à Marius Cognat ;

Segound pres : *Mireio inmourlato*, à Phileas Lebesgue.

Menciouun : *Pet cami det Bearn*, à Miquèu Camelat,

« Qu'es desoulado ! à J. Moneger ;

« Dau ! à-n-Enri Giraud.

2. POUËSIO LÓUGIERO

Premié pres : *Nanoun e Babeloun*, à Jósè de Valette ;

Segound pres : *La roso e à-n-un brave falibre*, de L. Charrasse ;

Tresen pres : *Recuei*. de madamisello C. Duclos ;

Menciouun : *Rai d'amour*, à Louis Roux ;

« Dounats, à Teulié.

« Plour de mai, à-n-Abel Laugier.

3. SOUNET

Premié pres : *Lou tambourin*, pèr Ougèni Long.

Segound pres : *Adare et autres còps*, pèr l'abat Labaig-l-langlade.

Menciouun : *Tiero de sounet*, d'Enri Bigot.

4. GALEJADO EN VERS

Premié pres : *Menoun*, pèr Adrian Couyba.

Segound pres : *Recuei ds galejado*, de Louis Amiel.

Menciouun : *Uno pepio e cansoun galejarello*, pèr A. Villiers ;

« Entre youens, pèr Miquèu Camelat ;

« Jacoumar paire e fiêu, de A. Autheman.

« Lou galau de *Madamo d'Estrechan*, d'O. Long ;

» *Las lunetas*, pèr F. Benoit.

5. PROSO

Premié pres : *Aguelo*, à Maurice Raimbault.

Segound pres : *Legèndo de Reinardus*, à Louis Toumbarel.

Mencioum : *L'amour e l'argent, Marieto*, à Jùli Gallas ;

» *La mounio d'Avignoun*, pèr l'abat Ougèni Imbert ;

» *Cor de pèiro*, pèr Vitor Bouis.

» *La boueto negro*, de Pau Dumas.

6. GALEJADO EN PROSO

Premié pres : *Li gigot*, pèr Ed. Marrel.

Segound pres : *Pèr Nouvè*, de Louis Charrasse.

Mencioum : *Lou remèdi de moussu Madoun*, pèr F. Jouveau ;

» *Jan lou Pantou*, pèr H. Combala-Roche ;

» *Li fremo an uno tèsto dóu diable*, à Jùli Dou ;

» *Mèstu Bacana*, — *Lis ôlito*, pèr Ougèni Long.

7. COUMÈDI, DRAMO, ETC.

Premié pres : *Janu de Pourtugau*, pèr A. Honde.

Segound pres : *La Reboulo*, pèr Gerinan Guichard.

Tresen pres : *La Cacano*, à Louis Amiel.

Mencioum : *Lou vicàri de Ventabren*, pèr l'abat Imbert ;

» *Lou mariage i coumissari*, de F. Garbier ;

» *Lou qu'a begu, béura*, de Fernand Pigot ;

» *Lou rendès-vous*, à-n-Enri Bigot.

De mai la jurado a acourda, foro councours, à M. J. Bounifaci Hetrat, à Jassy (Roumanio), uno grando medaio vermeialo pèr sa traducoun superbo de la cansoun de *Magali*, en vers roumanesc, e pèr uno tiero de sounet flamejant.

— Lou 23 d'avoust, de vèspre, au jardin publi d'Arle, l'*Estudiantina arlatenco*, a jouga douz moussieu prouvençau : *Li poutoun*, que la musico n'es de M. Claudio Bourdeloun, lou fraire dóu valènt direitor d'aquello soucieta, emé lou *Cant de l'Escoustantino* que lis escoutaire an demanda e aplaudi couine se pòu pas mai.

— Dins sa sesiho dóu i de setèmbre, lou Counsèu generau di Bouco-dóu-Rose a vouta de founs pèr la survihanço di mounumen istouri de la vilo di Baus. Nous es en-de-bon de signala aquéu voto que respond à la proutestacioun felibrenco dóu 6 de jun, e i'aplaudissèn de tout cor. Sarié pièi l'ouro qu'à-n-aquéli que nous regisson ié venguèsse la piouso idèio de nous counserva li relicte dóu passat.

— Lou 6 d'avoust, is alèio de Meilhan, de Marsiho, dins uno grando festo musicalo dounado pèr la soucieta di councert classique, lou cor *La Cæcilia* a canta lou moutet prouvençau : *Piveio d'Estello*, que li parraulo n'en soun de Jan Monné e la musico de Vincènt Fosse, lou direitour tant renouma d'aquelo valènto sóuco de cantaire.

— Dins lou councours de cansouneto e de roumanço, que lou journau lou *Bavard* a douna, à Marsiho, lou 14 d'avoust, sus la scene dóu *Palais-de-Cristau*, tant nosto lengo se i'es entraucado, emé : *Lei belarabo de Gardano* ; *Belzunço* ; *Lei pèis* ; *Vivo li peissouniero* ; *Ajudas-mi à carga*, etc. Que dòurnage que ges de cantaire agon agu lou biais de roussignouleja quauco meloudio prouvençalo felibenco de Mistral, d'Aubanel, de Michel e d'autre, que n'i'a 'no tarabastiado de tant galant ! Tout lou mounde i'aurié gagna ; li cantaire sobre-tout.

— Lou 7 d'avoust, s'es tengu bello acampado au castèu de la Rouve à Tamaris, encò dóu gènt felibre Pau Coffinières. La bandiero felibenco e lis armo de l'Escolo de Tamaris floutejavon. Lou tambourinaire mèste Don e sonn escoulan i'an bresiba li riéu-chiéu-chiéu de si flahutet, entre-mescle emé li vers e la proso, desgruna meravihousamen, pèr lou regale dis escoutaire noumbroux qu'avien respoundu au rampèu galant dóu mai que galant direitour d's *Echos de Tamaris*, aquéu valènt journalet que fai prouado e qu'a counvida, tourna-mai, sis ami pèr lou 4 de setembre.

— Sian urous d'anóuncia is amaire di causo miejournalo, que se vai lèu-lèu estampa lou travai ascierça dóu majourau En Anfos Michel : *Les traces laissées dans le Midi par le paganisme*, que li felibre de Paris an courouna dins li darrié Jo Flourau de Scèus.

— L'armana prouvençau pèr lou bèl an de Diéu 1893, s'alestis encò de dono R. A. Roumanille, en Avignoun ; que li felibre que noun i'an enca semoundu sa floureto, se despachon de ié manda, senoun ié saran plus à tèms.

— Vue jour à-de-rèng, lou pai Savié de Fourviero a fa courre lou pople de Marsiho emé si predicanço prouvençalo dins la glèiso de Sant Laurèns, à l'oucasioun de la festo dóu patroun de la parròqui, e li 3 e 4 de setembre, tourna-mai, is Acate, toucant Marsiho, a pres la parraulo en prouvençau pèr la festo de N. D. de la Saleta.

— Lou medaioun de neste grand pouëto En Frederi Mistral vèn d'estre plaça dins la salo d'intrado dóu licèu di jòuini fiho de Marsiho.

— Pèr respondre à-n-un mot dóu *Dimanche*, qu'a pèr titoulet : *Un Felibre*, e qu'es de la plumo de noste ami Lebrun, diren qu'es uno error de crèire que lis Escolo felibrenco podon nouma de felibre e que lis *Ajudaire* di subre-dicho Escolo an lou dre de pourta aquéu titre.

Li membre dóu Felibrige soun prouclama dins lis assemblado generalo de Mantenènço e lis Escolo n'an que lou dre, quand lou demandon, de s'ajougne de persouno voulountouso, presso en deforo de l'assouciacion, que porton lou titre *d'ajudaire*. Adounc, aquélis ajudaire, pres en foro dóu Felibrige, podon pas, de ges de biais, prene lou titre de *felibre* que l'apartèn pas e que lis Escolo an pas lou poudé de ié douma.

— Dins noste darrié numerò disian que : d'abord que l'on se groupo pèr canta li glòri de la patrio e pèr sousteni l'idéo felibrenco, pèr-de que l'on se grouparié pas pèr garda la piouso *remembranço di mort*, d'aquelei que, pechaire, parton pèr l'autre mounde sènsò aguè liga sa garbo, que laisson pa 'n pata de clau, e que pèr ansin sis obro soun destinado à l'oubliit.

Baten tourna-mai la rampelado : que lis ami nous ausigon e que nous ajudoù à coumpli aquelo toco que noun pòu qu'apoundre un trellus de mai à noste Felibrige.

Zóu ! qu'aquelei que se voudran groupa 'mè nautre pèr l'obro de la *Remembranço*, nous avison e nous digon la soumo que ié sara agradiéu de semoundre au Coumitat constitui pèr reçauvre li counsentido.

A tout lou mens, se dèu souscriéure à-n-un eisemplàri dis obro que lou Coumitat publicara e que lou pres n'en sara fissa au moumen de l'estampage.

Pregan peréu li journal ami d'espandi noste rampèu, pèr fin que resclantigue i quatre caire dóu Miejour.

— L'*Album* en l'ounour de Cristòu Couloumb, que li felibre i'an manda sa garbeto, sara lèst que sus la fin dóu mes de setèmbre. E M. lou comte de Gubernatis dounara, à Roumo, lis ordre necessàri pèr que tóuti li co-lauraire n'en reçaupon un eisemplàri.

— Se dis qu'Anfos Daudet dèu revira en francés li *Mémori d'un Gnarro* que publico l'*Aioli*. Osco pèr Batisto Bonnet !

— *Santo Madaleno*, lou bèu pouème de l'abat Beguin, de Brignolo, vèn de se flouca d'un vièsti de flàmis escrincladuro e n'es tout lèst, aro, pèr l'estampage. La souscripció es de vint franc l'eisemplàri e un *Specimen* de l'obro, emé gravaduro, sara manda en tóuti aquéli que nous n'en faran la demando.

— Vès-eici la letro cunvidarello di fèsto manousquino, que li felibre de Prouvènço vènon de reçaupe :

Marsihò, lou 7 de setèmbre 1892.

MOUSSU E GAI COUNFRAIRE,

Avèn l'ounour e lou plasé de vous avisa que l'assemblado gene-ralo de la Mantenènço de Prouvènço e li Jo Flourau de 1892, se tendran en vilo de Manosco, lou 22 de setèmbre venènt.

Dins l'ate di supèrbi fèsto que s'alestisson en aquelo vilo, s'ina-gurara uno placo en ounour de Jósè Toussant Abrieu, autour d'un diciounari prouvençau-francés dóu parla manousquin.

La taulejado felibreno se fara, à miejour, ened de l'oste Julian, à 4 franc pèr tèsto.

Aquéli que i'agradara de veni freireja emé nautre soun prega de manda sa cousandido au secretàri de la Mantenènço, En Jan Monné, carriero Breteuil, 149, à Marsihò, avans lou 18 de setèmbre.

En esperant d'agné l'ur de vous ié vèire, agradas-nous, Moussu e gai Counfraire, pèr vòsti mai que devot e afecciouna.

*Lou Secretari de la Mantenènço, .
JAN MONNÉ.*

*Lou Sendi de Prouvènço,
MARIUS GIRARD.*

E, aro, veici lou prougramo arresta :

Lou 21 de 7bre, de vèvre, e lou 22 au leva d'eu soulèu, salvo d'arti-harié ; à 10 ouro, recepciona di Felibre à la porto de la vilo, pèr la Municipalita, li coumissari de la fèsto, la musico e li dansaire manous-quin dins si coutume pintouresc, que daton dóu rèi Reinié, mena pèr li tambourin. — Vin d'ounour à la Coumuno.

Laura pièi l'inaguraciou: de la placo en ounour d'Abriéu : la musico jougara l'èr de la *Coupo*, Jan Monné fara lou discours e se clavara pèr uno aubado tambourinarello.

A miejour, felibrejado.

A tres ouro, Jo Flourau : discours dóu Sendi, rapport d'Aguste Gau-tier e prouclamacioun di laureat.

A 5 ouro e miejo, à la Coumuno, distribucioun di joio i laureat présent e sesiho literari.

A 8 ouro, iluminacioun e councert e, à 9 ouro, fiò d'artifice.

— L'*Acioun prouvençalo*, que s'es coustituïdo, à Marsiho, coumpren sèt tiero : Pintre, escultour ; musician e tambourinaire ; escrivan français ; savent e poulitician ; escrivan prouvençau ; atour francés o prouvençau, emé la tiero d'aquéli que volon apiela l'obro de soun nnum e de sa simpatio.

La toco que vòu ajougne se resumis coume eiçò :

Espausicioun prouvençaln perioudico, o artistico, o d'endustriò, o agricolo, o coumercialo.

Obro musicalo marsiheso à entroudurre dins lou repertòri dóu grand teatre ;

Creacioun d'un teatre ounte se jougarien escassamen que li pèço d'autour loucau, franceso o prouvençalo.

Entroudurre l'ensignamen de l'istòri e de la literaturo prouvençalo dins tóuti lis escolo.

Counferènci publico sus l'istòri, la geografio, l'endustriò, lou comèrci, l'agriculturo e l'econoumio poulitico de la Prouvènço.

Soulicitacioun de tout biais pèr la creacioun d'uno Universita de Prouvènço ; fèsto poupoplari e pintoresco pèr la celebracioun dis anniversari istouri e pèr l'ereicioun de mounumen en de grands ome, tau que Puget, que i'a dous siècle qu'es mort e qu'espèro encaro uno estatuo digno de soun engèni.

Lis adesioun à l'*Acioun prouvençalo*, soun reçaupudo, encò de Pèire Bertas, secretàri prouvisòri, balouard naciounau, 58, à Marsiho.

E, aro, vès-eici lou rampèu que lou Coumitat vèn d'espèdi dins tout lou Miejour :

« De tous côtés, dans les Provinces, à Paris et même au Palais Bourbon, chaque jour plus nourri et plus puissant, retentit le chant de guerre contre la Centralisation, contre cette Centralisation qui dépouille l'individu de toute initiative, le réduit à l'état d'automate ou de minuscule rouage, le prépare à la pire des servitudes et entraîne le pays dans d'horribles catastrophes, contre cette Centralisation dont les étapes sont marquées dans l'histoire par le traité d'Utrecht et la défaite de Rosbach, par Waterloo et par Sedan, contre cette Centralisation qui livre la France entière au sabre d'un aventurier ou à la bourse d'un ploutocrate.

Ce sont non seulement les philosophes, les économistes et les politiciens qui ont réprouvé cette Centralisation excessive, mais encore les artistes et les lettrés. Ceux-ci l'accusent d'avoir remplacé

l'art par la mode fugace et frivole, issue d'un mauvais goût qu'exerce la réclame américaine des talents médiocres. Quelques-uns vont jusqu'à rappeler que c'est Bruxelles qui a vengé le Marseillais Reyer des dédains de Paris, que c'est la Belgique qui a révélé à la France un de ses plus grands musiciens.

Certes, les appels à la décentralisation sont nombreux, mais, disséminés, ils se noient dans le hourvari des plaisanteries qui les accueillent ; certes, des efforts sont tentés de toutes parts, mais, isolés, ils se brisent contre l'inertie des ignorants et les attaques des intéressés. Il faut donc crier ensemble pour faire entendre notre voix revendicatrice ; il faut donc que ce cri : « Vive la Décentralisation ! » parte à l'unisson de la bouche de tous les lettrés, de tous les artistes, de tous les penseurs et même de tous les politiciens ; il faut donc que nous nous groupions, que nous unissions nos bonnes volontés en un seul faisceau et la lutte pourra être engagée et la victoire sera possible.

C'est pour cela que nous avons songé à créer une association qui aurait pour titre *L'Action Provençale*. Elle comprendrait des sections spéciales, absolument indépendantes, reliées entre elles par le but commun de la Décentralisation. Les écrivains francisant ou provençalisaient inaugurerait un mouvement dont les éléments existent et qui serait mémorable. Les peintres et les sculpteurs reconstitueraient cette glorieuse école provençale qui a donné à la France et à la postérité les noms de Puget, de Paul Guigou, de Daumier et de Monticelli ; les musiciens forceraient le Grand-Théâtre conduits par Reyer lui-même. Et si les érudits venaient à nous, ils nous entretiendraient des fastes de notre passé ; tandis que les politiciens rechercheraient pour l'avenir quelle est la meilleure solution du problème décentralisateur.

Toutes ces tentatives, entreprises au même moment et sous une direction commune, ne pourraient qu'aboutir à une colossale manifestation de la vie provinciale, aujourd'hui endormie, manifestation dont les résultats seraient précieux à la liberté de l'individu, à la prospérité de la Cité et à la grandeur du Pays.

MM. Horace Bertin, Valère Bernard, Antide Boyer, Eugène Giraud, Auguste Giry, Fortuné Marion, Jacques Martial, Georges Martz, Pierre Mazière, Marius Olive, Pigalio, Tressaud, Pierre Bertas.

Zóu ! que lis ome de cor se groupou dins tout lou Miejour, e nòsti desiranço saran coumplido : pourtara flour, l'idèo de la decentralisacioun que lou Felibrige a semenado.

Lou Felibrige a de segui sa draio e d'ana vers sa toco, apielant li groupamen *paralèle* dóu siéu, que podon que i'ajuda ; mai, l'avèn di e lou rediren de-longo : lou Felibrige d'eu pas se foundre o s'ennega dins un d'aquéli grupo, de queto coulour que fugue e queute noum que porte. Que tóuti li felibre posquon èstre federalisto, se i'agrado, mai que fugue pas necite d'estre federalisto pèr èstre felibre. Vès aqui çò que de bràvi jouvènt volon pas coumprene, e vaqui perqué nous trason tóuti li vilanié de soun repertòri, amor que nous entestardissèn à vougué sauva lou Felibrige dis àrpio de sa poulitico ! E tau avé l'amo bravamen cavihado au cors pèr agué lou front de faire lou mestié que fasen e pèr n'estre paga d'aquéu biais !

LENGADÒ

— Li festo de la Mantenènço de Lengadò, celebrado en vilo d'Uzès, lou 28 d'avoust, seun estado superbo. Se poudié pas rescountra plus bello journado, e vèire tant de pople enfestouli pèr saluda e faire ounour à si felibre.

A nou ouro dóu matin, li felibre soun arriba à la garo, e lou soutoprefèt, lou maire, M. Abauzit, lou Counsèu municipal, li Coumitat di festo felibrenco e loucalo, emai li delega di diversi soucieta de la vilo, èron aqui, à l'avengudo de la garo, en courtege magnifi e segui d'un pople fòu, pèr ié faire la bèn-vengudo. Es M. Abauzit, maire, qu'em'un fort galant biais, a lou premié pres la paraulo pèr dire tout l'ounour que ié venié de l'acampado di felibre dins sa vilo. Ip. Messine, lou valènt sendi de la Mantenènço de Lengadò, i'a gentamen respondu, e à sa dicho bello lou pople a pica di man.

Em'acò, vès-aqui qu'un poulit eissam de chatouneto de blanc vestido s'arrambon de la Rèino dóu Felibrige, la tutto ènto Mario Girard, qu'ero subre-bello emé soun coustume de prouvençalo, que ié vai tant bèn, em'acò ié présento un superbe bouquet. De sa bouco divino, la charmanto Rèino, em'un rire suau, lis a gramaciado. S'es recita de coumplimen e se i'èi respondu ; e lou courtege a fa caminde l'Esplanado à la Coumuno, ounte un vin d'ounoir es esta semoundu i Felibre.

En sourtènt d'aqui se fai l'inaguracioun de la placo en ounour de Savié Sigalon. Aquelo manifestacioun, se pòu dire, es stato magnifico. Li paraulo d'En Albert Arnavieille an bouta fiò dins tóuti li pitre.

A dos ouro e miejo, dins lis Areno, clafido de pople s'es tengu la sesiho di Jo Flourau.

La musicò municipalò a jouga, d'abord uno fantasié sus *Mirèio* de Gounod ; la Soucieta de ginastico a touca lou *Salut au drapèu*, em'acò pièi lou souto-prefèt, en un flame discours, souvent aplaudi, a douna lou vanc à la festo flourido.

La Rèino de la Court d'Amour, pourido coume un astre, a pièi declara dubert li Jo Flourau de la Mantenèço de Lengadò. E, alors, s'es desgruna tant e pièi mai de bèu vers, tant en ounour de la vilo d'Uzès qu'en glòri dòu pintre Sigalon, que li courounèu de la targo soun vengu declama e que lis escoutaire an aplaudi de tout cor. Mai lou bèu es esta quand lou mèstre felibre En Frederi Mistral, s'es auboura is aclamacioun de tòuti e qu'a remercia lou pople d'Uzès de la tant bello recepcioùn qu'avie fachò tant à sis ami qu'à-n-éu. Soun discours es esta lou bouquet de la festo literari, e soun *Cant de la raço latino* lou bouquet de tout.

E lou publi bevié ansin qu'uno melico deliciouso, li vers que li felibre e felibresso à-de-rèng ié debanavon e li Jo Flourau se soun clava qu'à siéis ouro de vèvre. Tout un cadun èro meraviha de çò qu'avie vist e entendu e gardara de-segur galanto remembranço d'uno festo coume en Uzès se n'èro jamai visto.

Dins la cour de la Coumuno, touto flourido e pavesado, à sèt ouro de vèvre, s'es felibreja à l'entour d'uno taulo reialamen prouvesido. Mai de cènt felibresso, felibre e counvida l'avien pres plaço. E, à la desservo, de brinde, de discours, de vers e de cansoun, n'i'a aguà tè n'en vos vejo n'aqui.

A la passejado di marrounié, d'enterin se nousavon li couple pèr la danso qu'an pas fa calamo enjusqu'à dos ouro dòu matin.

E l'endeman s'es tourna-mai felibreja au castèu de la duquesso d'Uzès. Longo-mai lou Felibrige triounfle e porte flour !

PARAULO DÓU SENDI DE PROUVÈNÇO A LA FELIBREJADO D'UZÈS

Messiés e gai Counfraire,

Au noum di felibre de Prouvènço, ausse moun vèire à nòsti fraire bèn-ama, à nòsti fraire de Lengadò.

L'ausse tourna-mai à la gènto vilo d'Uzès, à si Conse, à soun valènt Counsèu municipal, à si membre de la Coumessioun di fèsto.

A la gènto vilo d'Uzès qu'a vist naisse l'amirau Brueys, lou pintre Sigaloun, lou gravaire Subleyras, lou filousofe Abauzit, lou mège Charras e tant d'autre.

Es eici, Messiés, que lou grand pouèto Racine, quand venié vèire soun ouncle, qu'ero alor canounge de la catedralo, coumpausè, dins aquéu pavaïoun que, despièi, porto soun noum, quâuquis-uno de si pouëslo de jouvènt.

En aquéu prepaus, dison que lou grand pouèto, quand parlavo di gent de vosto vilo, disié :

“ A Uzès, les femmes sont charmantes, le peuple bon, et l'esprit court la rue. »

I'a que de vèire, Messiés, aquelo tant gènto assemblado, pèr vèire que li causo n'an pas chanja.

PARAULO DE LA RÉINO DÓU FELIBRIGE
i gènti damisello que i'an pourgi lou bouquet à l'intrado de la vilo.

Midamisello,

Gramaci de vòsti belli flour e de vosto gracieuso aloucucion de bén-vengudo.

Se pòu, bessai, que de rèi vengu en Uzès ié siegon esta reçaupu emé mai de magnificènci, estènt douna soun titre de soubeiran françés ; mai, que vous digue e vous assegure que pas un d'éli n'es esta plus urous e mai esmougu que noun l'es la Rèino dóu Felibrige, de vosto acuiènço, de voste bouquet reiau e de voste coumplimen.

Leissas-me vous embrassa.

— Lou dimenche, 14 d'avoust, à dos ouro de tantost, se soun acampa à Toulouso, au sèti de soun Coumitat d'organisacioun, l'*Filibre* dóu rode, pèr founda, emé l'autourisacioun de la Mantenènço de Lengadò, l'*Escolo Moundino*, que n'avèn publica lou rampèu dins noste numerò d'avoust. l'eron vengu, o avien manda soun adesioun : li majourau Jan Castela, A. Perbosc e Savié de Ricard, e li sòci E. Pouvillon, A. Quercy, J. Mommeja, P. l'Estieu, J. F. Court, L. Vergnes, E. Bourdelle, A. Augé, Bacquié-Fonade, G. Laforgue, P. Lacombe, E. Raspide, P. Duffau, A. Fabre, J. Azema, P. Fagot, E. Teulié, F. de Beaurepaire, Le Bartassié, J. Doc, J. Mercadier, L. Boscus, E. Gil, J. D. Rigal, A. Capmarty, C. de Bourran, L. Delpech, A. Villiers, P. Bayron, Mont-Auriol, J. Dayma, J. Trouvere, etc.

Adounc, la sesiho estènt duberto, se coustituïs lou Burèu de l'*Escolo* e lou majourau En Savié de Ricard es nouma *Cabiscòu* ; lou majourau Antòni Perbosc e Prouspèr l'Estieu soun chausi coume *souto-cabiscòu* ; lou tresourié es A. Quercy e lou secretari es J. F. Court.

Em'acò pièj lou reglamen de l'*Escolo* es mes en discussioun e n'es aprouva à l'unanimeta.

— La *Campana de Magalouna* countùnio la seguido di councours qu'avlé ourganisa entre lis enfant dis Escolo. Vès-eici lou paumarés dòu segound :

Proso. — *Foro councours* : Lou conte *Una sourça d'aiga minerala* qu'aurié gagna lou premié pres, se l'autour Fernand Pons, de Miraval, éro esta plus jouine. Mai coume a 17 an, pòu pas councourre emé d'enfant.

Premié pres (ex-æquo) : Enri Boude, dòu Clapas (16 an) e Clara Tarbouriech, uno chatouneto de 12 an de Cazouls-de-Beziès.

Segound pres : Daniel Gay, dòu Clapas (16 an).

Menciouen d'ounour : Jùli Chichet, (15 an) ; Jan Fages, (15 an) ; Pau Gros, (15 an) ; Jóusè Navas (15 an) ; la jouinetto Elisa Delherd, (13 an), tóuti dòu Clapas.

Menciouen : Louis Amphoux, de Ceto ; A. Barthe, de Lunel, Fourcand Bedos, de Loudèvo ; Jano Damien e Mario-Louiso Lecomte, dòu Clapas.

Pouësio : *pres*, Pau Gros (14 an).

Tóuti li gagnaire reçaupran un flame diplomo en remembranço de sa vitòri.

Lou tresen councours es esta clava lou 15 d'avoust, e vès-n'eici mai lou paumarés :

Proso ; *pres* : Louis Richard, de Lunel, 14 an. *Menciouen d'ounour* : Gustavo Enric, de Bedariéus, 15 an ; Pau Grivel, de Ceto, 12 an ; Clara Tarbouriech, de Cazouls ; Jan Therond, de Gange, 11 an ; Marius Bremond, de Loudèvo, 10 an ; Ernest Crassous, de Mount-Pelié, 11 an ; Frederi Galavielle e Daniel Gay, de la memo viilo, 15 an.

Menciouen : Pelissier, Teulon e Borne.

Menciouen pouëtico à-n-Aguste Rochefort, de Mount-Pelié, 16 an.

Aquelo idèo de la *Campana de Magalouna* es mai que bello, e sian uorous de i'aplaudi mai-que-mai. Es obro patrioutico de semena la bono grano dins lou cor dis enfant ; es un di mejan li plus flame pèr empura l'amour de la lengo meiralo e faire bello obro felibreno. Zou ! que la *Campana* brounzine e fague flòri.

— M. G. Coquelin, chèse de musico dòu 122^e, qu'es à Mount-Pelié, a ourquestra mai que poulidamen *Lou Maset de mèste Roumièu* e la *Dansa de las trelbas* Em'acò, lou dimenche 14 d'avoust, au Peitrou, e lou dijòu 18 d'avoust à l'Esplanado, au councert de la musico, li *Cimpaniè*, li felibre e lou pople tresouli, an aplaudi lou chèse simpati e si musicaire pèr soun bon biais e sa mai que gènto atencioun.

E noun soulamen la musico jogo l'èr dòu *Maset*, mai n'en canto li paraulo. Tambèn li Clapassié recouneissènt i'an semoundu 'no superbo paumo daurado.

Lou jour d'aquelo manifestacioun, s'es vendu 15 800 eisemplàri de *La campana de Magalouna* dounant la musico e li paraulo dòu *Maset*.

— E d'abord que n'en sian mai à la *Campana*, diren que i'a qu'elio pèr agué d'idèio astrado pèr la proupagando. Après si councours entre lis enfant dis escolo, s'aviso-ti pas, aro, de n'en durbi entre li *cors d'estat* ! Li patroun, lis óubrié e même lis aprendis aurau dre de coun-courre, en mandant uno péço de vers sus soun mestié. L'autour de la meiouro péço reçupra un bèu diplomo e veira soun obro estampado dins lou journau.

S'acoumèrço pèr li gipié e li massoun, que sa targo sara clavado lou premié d'outobre, pièi vendran li sarraié, li pintre, li jardinié, etc.

— S'organiso à Mount-Pelié uno soucieta : *Lous cantaires dòu Clapas*, qu'aura pèr toco de canta de cansoun o de moutet en parla mount-pelieren. Acò's uno eicelèto idèio, e n'es mai que segur que se dins li vilo e vilage de Prouvènço, li jeuvent se groupavon pèr aquéu pres-fa, lèu-lèu li cansoun felibrenco sarien de tóuti li festo e sus tóuti li bouco. Queto èi la chatouno de Paradou, di Baus e dis alentour, que saup pas li gènti cansoun de Charloun Riéu, e que li bresihò pas tout lou sant clame dòu jour ?

Es un biais, acò, mai que flame pèr teni la lengo dins lou cor dòu pople ! E de quant vaudrié mai ié pourgi li cansoun sano e riserello espelido dins sa terro, que li moutet abesti que soun, iuei, en grand vogo e que ié vènon de Paris !

— A Beziés, l'*Hérault* di 5, 10, 17, 24 e 31 d'avoust a douna : *La Cassibralbo* (sounet) ; *Desesperanço*, *Nostre Roussignol*, (elegio) ; *La Cagno*, (vers) ; *La pico*, (sounet i jóuinis escoulans) : tout acò's de gallant vers qu'Antounin Maffre, lou gènt felibre de la *Farfadeto*, escamipiho cado semano, e que nous farié grand gau de vèire nousa en garbetto rousenco, car i'a bravamen de bon gran dins aquélis espigo !

Apoundren que neste ami vèn de gagna tres joio i Jo Flourau d'Uzès. Osco pèr tu, bèu cigaloun de l'Orb !

— Li cigalo atriduido i tres nouvèu majourau soun : *La cigalo de Valergo*, pèr Jan Laurès ; *la cigalo de la Libertat*, pèr A. Perbosc e *la cigalo latino*, pèr E. Marsal.

A-n-aquéu prepaus sareñ recouneissènt i majourau prouclama en 1876, de bèn vougué nous faire counèisse lou noum de la cigalo que lou Counsistòri i'a atribuï : avèn besoun d'aquele endico pèr publica la tierò di membre dóu Counsistòri felibren.

— Avèn vist que li felibre de Toulouso se boulegavon, parai ? e qu'avien founda l'*Escolo moundino* ; mai, diàussi, parèis que l'eisèmple es pas marrit de segui : e aquéli de *le Gril* que soun perèu nòstis ami, volon pas resta en arrié e se rampelon e se groupon. Zou ! Lou groupo d'ou *Gril*, sus l'estigancò de coumplaire à-n-uno tierò d'ami de la lengo meiralo, a decidí d'ourganisa un centre d'acampado que se ié posquon vèire, counèisse e amiga entre amaire di parla *moundin* e *gascon* que vivon o que passon à Toulouso.

Li soulet titre que se demandon pèr èstre de la famiho, es d'ama la parladuro de *Goudouli*, de *Jasmin*, de *Mengaud*, de *d'Astros*, de *Vestrépain* e de *Fourès* ; d'estre afeciouna pèr la lengo dóu pople que brusis is alentour o dins la cièuta d'Isauro, fugue dins lou toun letru, fugue dins la sabour que lou pople ié douno.

Nautre, emé grand gau, pican di man à toluti li manifestacioun dóu reviéure de la lengo miejournalo !

— Lou gènt felibre alesen Alcide Blavet, vèn de passa emé succès, davans la Faculta de Paris, li darriés eisamen de la licènci en dre. Benastrugan de tout cor lou nouvèl avoucat.

— Vèn de parèisse, à Toulouso, lou n° 1 dóu *Lengodoucian*, journau semanié : ah ! lou flame journau ! oscò pèr éu. Escoutas coume acabo sa dicho Jan Doc, que n'en durbis lou pourtissòu :

« Zou ! felibres de Lengodoc e de Prouvènço, balhem-nous la man,
« e ambe l'ajudo del brave pople mietchjournal que nous seguira, ar-
« ranquem as franchimands la reformo universitàrio que nous es tant
« caro ! »

» Quand aurem fait la counquisto de las escolos primarios, l'aveni
« nous apartendra. »

Ah ! bèu felibre moundin, Santo Estello que vous sourris, vous fara ajougne la toco e vostro obro fara prouado !

— Dins l'acamp dóu zo d'avoust, de la *Ruche Corrézienne*, MM. A. Marpillat, Francés Calor, Branchet, C. Bonyeur, Foussard, Espinat, etc. an di de cansoun, de conte e de galejado en parla limousin, e se i'es ausi, coumpausado pèr M. Galey, uno mousaïco d'èr limousin qu'a fa gau d'entèndre.

— L'*Escolo Moundino* a pres pèr simbèu la crous d'or à douge rai di comte de Toulouso.

— L'*Escolo audenco*, à Carcassouno, s'es acampado lou 14 d'avoust, en assemblado ourdinàri, souto la presidènci dòu mantenèire Peyrusse, souto-presidènt. Se i' es decida que li comunicacioun se farien d'aro-en-la, pèr lou mejan de la *Revue Méridionale* e de la *Cigalo d'or*; que la questioun dòu chanjamen dòu noum de l'*Escolo* en aquéu d'*Escolo de la lauseto* sarié reservado pèr uno assemblado generalo; qu'un diplo-mo o uno carto se remetrié en cade sòci, e que lou 9 d'òutobre venènt, se farié uno *felibrejado* que la coumessioun d'ourganisacioun es coumpausado de En Achilo Mir, de Teulié e Moneger.

Sarié pereu questioun pèr l'*Escolo* d'ourganisa si premié Jo Fleurau. Zou ! zóu ! que tòuti se ié bouton de cor !

SOUSCRIPCIOUN DI CATALAN
AU MOUNUMEN DE JÓUSÈ ROUMANILLE

Marian Aguiló y Fuster, mestre en Gay Saber	5	"
Joaquim Cabot y Rovira	10	"
Francesch Carreras y Candi	2	50
Jaume Collell, Pbre, mestre en Gay Saber	10	"
Joseph Coroleu	3	"
Lluis Domenech	2	"
Joseph Estanyol	2	"
Pio Fatjó	1	"
Tomás Forteza, mestre en Gay Saber	5	"
V. G.	1	"
J. M. y G.	1	"
S. M. y O.	5	"
Lambert Mata y Sala	5	"
Francesch Matheu, mestre en Gay Saber	5	"
Dolors Moncerdá de Maciá	5	"
Jaume Novellas de Molins	2	"
T. N. y A.	5	"
V. P. de A.	1	"
J. Permanyer	5	"
N. P. y C.	5	"
Jaume Puigventós	1	"
R. P. y C.	1	"
à repourta	84	50

	Report	.	.	84	50
Joaquim Rivera y Cuadrench	.	.	.	5	"
Manel Rocamora	.	.	.	2	50
J. R. y O.	.	.	.	5	"
Redacció del Setmanari Catalá de Manresa	.	.	.	10	"
Joan Segura, Pbre	.	.	.	5	"
Joseph Torras y Bages, Pbre	.	.	.	5	"
Jacinto Torres y Reyetó	.	,	.	10	"
Alvar Verdaguer	.	.	.	5	"
Jacinto Verdaguer, Pbre, mestre en Gay Saber	.	.	.	10	"
Narcis Verdaguer y Callis	.	.	.	10	"
M. V. y A.	.	.	.	1	"
Anton Vila, Pbre	.	.	.	1	"
Francisco de P. Vila y Graner	.	.	.	1	"
F. V. y Q.	.	.	.	5	"
D. Eusèbi Güell	.	.	.	10	"
Joseph Quadrado	.	.	.	10	"
D. Justi Pepratx	.	.	.	10	"
Victor Brossa	.	.	.	3	"
G. B.	.	.	.	5	"
	Toutau	.	.	198	"
S'ero reçaupu	.	.	.	4	805 80
Toutau generau	.	.	.	5	003 80

A PAREIGU :

A Carpentras, encò de Pinet : *Lou libre nouvau de Louviso e de Carle*, que Roumié Marcelin a fa 'stampa à l'oucasioun dòu maridage de sa chato, e que tèn li floureto que lis ami an tracho dins la canestello de la nòvio. Mistral, G. Barcilon, dono Girard e sa dampisello, Bouvet, Bourrelly, Huot, Cassini, Marius Girard, Gras, Crousillat, de Berluc, Michel, L. Guis, Monné, S. Marcelin, C. Fabre, Montagnard, dono Labaume, Cazimir e Caillet an mescla sa voues à-n-aquel de Roumié Marcelin pèr souveta bonur e joio au bèu couple e pèr dire à la gènto nouvieto :

Pèr vous, l'arangiè de nosto Prouvençò
 Pourgis, riserèu, flour blanco e fru d'or :
 La fruchò es lou rai de vostò jouvènço ;
 La flour, lou perfum de voste bèu cor.
 L'aubo vous adus si perlo divino
 Escampado au vas din jèli flouri :
 Au vas de l'amour quau bèu, se devino
 Que de tout trebau s'atrovo gari.
 Es just pèr acò, nouvieto pourido,
 Qu'enebriado au vin que l'avèe begu,
 Au bras de l'amant anas, trefouïdo,
 E que lou bonur sus vous a plougu.

- A Marsiho, dins lou *Petit Marseillais* di 7 e 24 d'avoust, douz article galant de Jan Bayol : *Un soir d'élection en Provence et Au pays d'Arles*, raconte d'uno escourregudo en viilo di Baus.
- » dins le *Dimanche*, li retrai de Maurise Raimbault e de Marius Bourrelly ; *Sur la paille*, de F. Lescure, e *La décentralisation littéraire*, de Fronteri.
 - » dins la *Revue horticole* de juliet, un article d'Ansos Bressier sus la floro dis Aupiho.
 - » dins la *Cornemuse* ; *L'acouchado*, charradisso de L. Foucard. *la Bonne-Mère*, d'Ansos Michel ; *la Cigale*, ;de P. Arene, etc., em'un estudi sus *Calendau* pèr J. Gautier.
- A Lioun, empremarié Mougin-Rusand : *Roumanille et le Félibrige*, estudi remarcale sus nosto Soucieta e soun foundadou, pèr lou felibre Peire de Bouchaud.
- A Perouno, estamparié de l'*Indépendant*, uno noutiço dou majourau Jousé Roux sus lou pintre Enri Gambart.
- A Bagnero, dins *Bagnères-saison* : *Mour d'uo muso*, elegio pretoucanto de *Pbiladelpho*, la tant gènto felibresso que l'Adour tresano à si cant armounious.
- I Lilas, dins la *Province* d'avoust : *Les romérages en Provence*, de P. Mangin, emé la descripciou de l'*Avertisseur* dou toulounen Louis Digeon, qu'es adóuta pèr la viilo de Paris, e uno letro de nostre ami Lucian Duc au Menistre de l'Estruciou publico sus lou prepaus de latribucioun di paumo academico.
- A Beziés, vers Sapte, lou comte-rendu de la sesiho tengudo lou 26 de mai pèr la Soucieta arqueoulougico d'aquelo viilo.
- En Arle, dins l'*Homme de bronze* : *Marco-mau*, pinturo dou Chivalié de la Rouqueto ; *Uno noço*, galejado de mèste Eisseto, e *La mounjo*, sounet dou gènt felibrihou Louis Roux.
- A Mount-Pelié, la *Cigalo d'or* di 1 e 15 d'avoust emé : *Peire Berdas*, pèr Jan Soulèu ; *Li Felibre de Paris*, pèr Batisto Bonnet ; *Lous tiraires de peiro*, de F. Dezeuze, etc., etc.
- A Toulouso, dins *Le Gril* : *Dialogo entre le pèro Sermet e mestre Guillaumes, païsan del bilatge de ****. legit lou 6 febriè 1791 à la seanco publico del cloub des Jacobins, dins la salo del ci-daban Senecbal, doucumen forço curios.
- A Carcassouno, dins la *Revue méridionale* : *Quelques chansons politiques languedociennes de l'Aude*, reculido pèr G. Jourdanne ; *La cigalo de la libertat*, d'A. Perbosc e *La langue d'oc dans les écoles*, de Prouspere l'Estieu.

Lou Gerent : Jan Monné.

Imprimerie L. DUC, 11, rue Chassagnolle, aux Lilas, près Paris.

CROUNICO

L'ASSEMBLAZO GENERALO DE LA MANTENÈNÇO DE PROUVÈNÇO

Tenènt comte di desiranço de la Municipalita manousquino e dòu Coumitat di fèsto, la Mantenènço de Prouvènço avié counvida li felibre, pèr lou 22 de setèmbre, en vilò de Manosco.

Adoune, lou 22 de setèmbre, à dès ouro dòu matin, à la porto de la Saunarié, M. Defarge, maire de Manosco, emé li delega, soun vengu reçaupre li Felibre, musico en tèsto e precedi di dansaire de sant Brancai, en coustume pintouresc di jo de la fèsto de Diéu que se fasien à-z-Ais e qu'èron esta regla pèr noste rèi Reinié :

Emé lou sendi, En Marius Girard, l'a lou vice-cancelié, secretari de la Mantenènço, En Jan Monné, li majourau Marius Bourrelly, Jóusè Huot, Roumié Marcelin e Francés Vidal ; Paulin Guisol, cabiscòu di Maren, Pau Coffinières, cabiscòu de Tamaris, Dono Lazarino, A. Gautier, Long, Pau Rouman, Gasquet, A. Laugier, Roux, Nègre, V. Rougon, etc... etc...

Après li presentacioun, li dansaire, mena pèr lou celèbre tambourinaire Marciau, eisecuton quàuqui galant viravòu, la musico i'apound un moussèu di mai flame, e zóu, lou courtege s'enintro soutu lou vièi pourtalas e s'encamino vers la Coumuno.

Dins la grand salo flourido e pavesado, un vin d'ounour espèro li Felibre e li counvida. Li fiolo se destapon, li got s'emplisson e se turton, d'enterin que sus la plaço, regouiro de pople, la musico toco

l'aubado e que li tambourin bresihejon si riéu-chiéu-chiéu. Lou pople pico di man e, quand tout aquel entousiasme s'amaiso, M. lou Maire prèn la paraulo ; e, en puro lengo dóu terraire, em'un biais qu'es pas de dire e uno simpatlo que nous esmòu, sa voues nous pico à l'amo, quand nous fai sa bèn-vengudo e que nous dis tout lou bonur qu'a de nous reçaupre dins sa vilo e de nous n'en faire lis ounour.

Lou sendi, En Marius Girard, s'aubouro, alor, e pèr respondre à-n-aquéu paraulis tant gracious e tant simpati, parlo coume eiçò :

Moussu lou Maire,

Lou sentimen que nous esmòu e nous largo, en abounde, joio e ben-èstre en arribant dins vostro vilo, es un sentimen de recouneissènço :

Au noum di felibre de Prouvènço vous remercieu, M. lou Maire, de la freirenalo bèn-vengudo que nous fasès.

Li felibre, sian pas d'aquéli qu'oublidon, lou sabès, e pode vous assegura que gardaren toustèms lou souveni de vostro recepciouin.

Sian eici en pleno Prouvènço, e nòsti cor baton tóuti ensèn dóu même batedis patriau. Voste despartamen di Bassis-Aup, pèr si gràndi souvenènço d'lstòri e de Gai-Sabé, es, se pòu dire, entieramen liga à noste passat, à nosto grandour, à nosto glòri d'antan !

Vosto vilo tant gènto, emé, eilamount, sus lou mourre, sa vièjo tourre esbarboulado, si dos glèiso, sa remarcablo *Porto de la Sau*, emè sa poupoplacioun tant avenènto es, sèns countesto, Rèino e segnouresso dis Aup.

Rèino : Amor que Francés premié, rèi de Franço, bèn talamen si chato soun bello e bravo, la batejè, à soun retour de Marignan, de l'escai-noun de *Manosco la Pudico*.

Segnouresso : Amor que, despièi, a sèmpre garda renoum de bèuta e de vertu dins tutto la Prouvènço, talamen que dins nòsti païs, quand se parlo de quicon de requist e de bèn fa, se dis encaro : *Aco? osco! Manosco!*

Longo-mai, adounc, visques en pas, galant pople manousquin, dins lou renoum e la bèuta de ti fiho, dins lou patriotisme e la fierta de ti fiéu !

Vivo Manosco !

Vivo Prouvènço !

Uno trounadisso de picamen de man a saluda aquéli paraulo superbo, e lou maire, tout esmougu, s'es jita dins li bras de nosto valent sendi e l'a embrassa au noum de sa vilo e de soun pople.

Li dansaire de sant Brancai, dins la salo de la Coumuno, vènon se refresca e nous dansa quauqui contro-pas, d'enterin que fan vanega em'un serious de papo, si ventaire acoulouri, e que dirias que si mouvemen soun regla e mesura coume aquéli d'un, autoumate.

En'acò, dins la salo, la musico vèn nous jouga 'n moussèu felibren, e d'enterin que lou courtege s'endaval, lou sendi s'adreissant i felibre presènt, ié fai assaupre que li majourau e mantendire estènt counvida à prene plaço au banquet pouplari, ourganisa pèr li siuen de la municipalita, la taulcjado felibreno proupramen dicho n'aura pas liò, e que cadun, pèr ansin, reprendra sa liberta d'acioun e de paraulo.

Acò di, se fai camin vers l'oustau de moussu Abriéu, ounte se dèu inagura la placo de mabre en ounour de soun paire.

Lou pople, que despièti soun arribado, a fa fèsto i felibre, es aqui en grand foulò; li carriero soun coumoulo e li fenèstro peréu, bèn talamen que, quand la musico a touca l'aubado, li dansaire de sant Brancai an pas lou large d'eisecuta si danso... Mai, tout d'un cop, lou velet qu'atapo lou mabre toumbo, e la musico entouno l'èr de la *Cansoun de la Coupo*.

Is iue de tòuti aparéis alor l'iscripcioune que porto :

*Acò's l'oustau
ounte nasquè, lou premié de novèembre 1775,
Jousé Toussant ABRIÉU
mort à Manosco en mai 1841
autour d'ou Diciounàri prouvençau e francés
dou parla manousquin.*

*Osco
Manosco !*

Lou blasoun d'ou Felibrige : l'estello di sèt rai, e la cigalo d'or, emai peréu lis armo manousquin : quatre man duberto, representant li quatre quartie qu'an fourma la ciéuta, ié trelusisson poulidanen.

Mai, la musico aguènt fa calamo, lou majourau En Jan Monné s'avanco e parlo coume seguis :

Midamo, Messiés,

Lou Felibrigie, qu'a pèr loco de manteni e de garda lou parla di Rèire, se fai peréu un ounour de metre en lusour lou noum dis ome valènt, di precursor astra que i'an marca sa draio bello, dins l'amour de la lengo.

Vaqui perqué, nautre, li devot d'aquelo lengo tant amado, lis amourous sòu d'aquéu parla melicous e siave qu'empuro, dins nòsti cor, lis entousiasme fièr e lis ideau superbe, vaqui perqué, dise, nous es agradiéu de glouristica piousamen lis ome d'clèi, lis amo enaurado, que, à tèms passa, an sauva nosto lengo de l'oublit, nous l'an gardado de perdiciooun e nous l'an trasmesso coume un d'aquéli tresor precious, coume un ciretage reiau, que, dins li famiho, se trasmeton de paire en siéu, pèr asin que jamai se posquon avali.

E, li siéu amaire, li siéu que dins soun pitre ié bounbounejo aquelo aseciooun tèndro, quel aut respèt, aquelo recouncissènço luminoso pèr li Rèire superbe, en pago d'aquéli richesso sauvado, en guierdoun d'aquel amour presouns que lis empuravo, e, pèr faire vèire i generacioun venènto que la Patrio, toujour, enlusis d'un poutoun de glòri aquéli que la prenon pèr mestresso, li siéu, escrinçelon sus lou mabre, en letro d'or, li noum venera d'aquéli Rèire e li glouriflcon is iue dóu pople, aquéli siéu dóu pople, que l'amour de soun nisaü, l'amour de soun terraire e l'amour de sa lengo soun li tres perlo de sa courouno.

Em' acò, n'es ansin, qu'an pèr an, nous es en-de-bon, à nautre ùmblis enfant dóu pople, de signalà l'un di nostre à la veneracioun de si felen, que, pièi, l'amour poupoplari es la mai pretoucanto e la plus duradiso di glòri.

Iuei, es à Manosco que venèn faire noste pious roumavage, en memòri d'un manousquin de la bono, Jóusè Toussant Abriéu, qu'avié bouta touto soun aseciooun, qu'avié douna tout soun cor à l'amour dóu terraire e de sa lengo meiralo.

Toussant Abriéu, qu'avié tout just aprés de legi e d'escriéure à l'escolo de sa viloto, quand fuguè tèms qu'aprenguèsse un mestié, emé soun pichot bagage d'escoulan, s'endavalè de Manosco à Mar-siho, pèr ié faire soun aprendissage; e, m'es avis qu'es l'estello que lou menavo, car es aqui que soun cor se durbiguè à l'amour que vous disiéu, e que l'endraiè sus lou camin qu'a segui tutto sa vido tant apassiounadamen.

A Marsiho, i'avié, d'aquéu tems, tout un vòu de troubaire que bresihavon ansin que de cigalo sus de brout d'oulivié verdau, e que fasien flòri, emé si cansoun e si conte galoi, dins nosto lengo : aqui, i'avié Benedit que pantaiavo de eoustibla si *Nèrvi* ; P. Bellot que, galejarèu, s'assajavo de nouta li bousounado de soun *Pouèto Cassaire* ; i'avié Fourtunat Chailan que mandavo soun *Gangui* dins lou gou marsihés ; Vitou Gelu, que li couplet de si *Cansoun* ié venien adeja sus li bouco ; Agustin Fabre, que countavo poulidamen l'istòri de Prouvènço e de Marsiho, d'enterin que lou Pelabon, de Touloun, regalavo lou teatre emé soun *Groulié bël esprit*. Tout aquéu vòu de troubaire marsihés que la jouinesso d'alar, emé grand goust, n'en chourlavo li cansoun, Abriéu l'avié treva, escouta, saboura e legi ; e tout acò i'avié douna la cantagno e l'avié enebria dòu vin sabourous en i'ensertant dins lou cor l'amour de la lengo.

Em'acò, lou vès aqui tourna dins sa viro risento, dins soun Manesco ama, e, tout en cantant li bèuta dòu terraire e lis evenimen marcant, d'enterin que mesuro la telo e lou drap i païsan de l'encountrado, bœu coume un la soun paraulis, e, coume lou faguè pièi Roumanille, noto tòuti li mot, tòuti lis espressioun de la lengo dòu terraire, acampant, ansin que la fournigueto, gran sus gran, à tres e à moussèu, de tiero d'entre-signe precious, que sis ami l'acourajon de liga en garbo, e de pourgi is amaire dòu parla nadalen.

Es alor, lou 8 de juliet 1836, que pèr respondre à-n-un de si coumpañ, lou musicaire Boyer, que ié demandavo li noum francés de 141 mot prouvençau, l'escliguè soun epitro prouvençalo, estampado encò de Cartier, en Ate, qu'es un doucumen forço curios au poun de visto de nosto parladuro e qu'es un tour de forço leissicougrafique.

Travaiaavo, alor, emé passioun e sèns relàmbi, à destriha e à classa si noto, pèr alesti soun diciounàri prouvençau-francés dòu parla manousquin ; e, riboun-ribagno, tant soun obro l'avié pivela, qu'en 1839, après bén de saturage ensucant, lou gran qu'avié semena e tant amourousamen arrousa de l'eigagno de soun afeciooun, aquéu gran espiguè e pourtlè flour : soun diciounàri pareiguè e fuguè, se pòu dire, un evenimen pèr uno epoco que lis empremarie èron pas, se n'en manco, mountado coume iuei, que l'ourtougràsi èro pas fissado, e que l'avié ges de prouvençalisto. Pourgiguè soun obro au Miejour; boulè sa pèiro à la bastiso ; ié fuguè, n'es verai, de si sòu e de sa peno, mai la réussido courounè sis esfors, e lou paguè de tout lou

rèsto. Or, se pôu asfouri que touto lausenjo i'es degudo pèr aquéu pres-fa valènt ; car, coume acamp de mot e sabour dòu terradou manousquin, aquéu dicioñari es e restara un cap d'obro, alor que soun vocabulàri francés-prouvençau es encaro lou soulet que nous lugue douna de poussedi.

Soun obro majo venié de parèisse, que dounavo is ami de la pouësia prouvençalo soun recuei de nouvè prouvençau : *La lyre de Judée* dins lou biais d'aquéli de Saboly d'Avignoun, que se canton encaro à Manosco e que ié soun forço poupoplari.

La toco dòu Felibrige es de faire ama lou nis peirenau, amor que quau amo sa pichoto patrò, amo tambèn la grando : J. T. Abriéu, avans lou Felibrige, seguissié lou meme ideau : éu, èro Manousquin dins l'amo ; couneissié que Manosco, cantavo de-longo Manosco e parlavo que manousquin ; pèr éu, i'avie au mounde rèn de plus bèu que Manosco ; tóuti lis obro qu'a leissado e que sarien estampado se la mort noun l'avié scga trop lèu, soun regouiranto d'aquel amour : aneidoto loucalo, manousquinado galejarello, conte e trigos dòu quartié, rivalita di dos parròqui manousquino : Sant-Sauvaire e Nosto-Damo ; descripcióun di rode marcant dòu terraire, tout acòd l'ispiravo. Eu, cantavo Sant-Brançai, aquéu roumavage naciounau di Manousquin, e sa capello que s'aubouro sus lou mourre visajant lou Mount d'Or; lou *Terrau*, aquelo plaço que se ié vesié, à passa tems, lou palais di baile de Sant-Jan-de-Jerusalèn, segnour de Manosco, la Durènço, lis isclo, li Manousquin, li modo, e que sabe ieu, e pièi, la satiro, lis epigramo mourdènto, e li *galejado*, pleno de rire gai e de joio sano, èron tambèn dins sa noto, coume i'èron tambèn l'eleglo trenado emé li lagremo de soun cor : escoutas lis estroso qu'escrivié, en 1829, après la mort de sa gènto femo :

A MOUN AUTIN DE SANT-AUBAN

Autin qu'avié fourmat emé tant de plesi,
Souco, qu'à soun entour, emé gau vesieu creisse,
Banc, que li avieu plaça, coumo un tronc chausi,
Coomo m'estoumagas, quand vers vautre parèisse !

Oumbrágis inocént que devias recrea
L'espouseo de moun couer dins sa convalescènço,
Jamaï noun la veirès ! la parco li a trenca
Lou fleu de sei beu jour passas dins la soufrènço !

Banc vièrgi, disparéis ! autin, ficho-te au sòu !..
Fasés plaço ei ciprés qu'eicito dévon èstre ;
Pampos, dessecas-vous ! cabano, pren lou dòu ;
La mestresso n'es plus ! plouras emé lou mestre !..

Abriéu èro un ome de cor, ounèste e bon coume se pòu pas mai ; rèntant i'agradavo que soun sougau e sa famiho : si vuoch enfantfasien sa joio e soun ourguei, e jitavon de frescour sus sa vido e de rai dins soun amo. Si counciéutadin l'amavon autant qu'éu i'ero esta-
ca ; e mai de trento an de tème suguè juge o president dòu tribunau de coumèrci de Manosco.

Es en-de-bon de passa sus la terro en empourtant lou renoum d'ome de bèn, e de leissa dins la memòri de si compatrioto lou presum de si vertu ; e, pèr nautre, nous esmòu de vèire que sa memòri viéu encaro dins lou cor d'aquéu brave pople, que vèn, apreissa e tresouli, counsacra de sa presénci l'óumage pious que rendèn à-n-un de sis enfant qu'a passa sa vido à l'ama e à lou canta.

E nous esmòu, peréu, de vèire que lou clot que T. Abriéu avié planta e arrousa de l'amour de soun parla meirau, a poussa de jitello superbo e de brout galant dins lou terraire manousquin. La felibresso de Manosco, Cassini, Honde, Vitou Rougon, Aillaud, Au-
bert, Bremound e M. Amayenc, fan uno tiero de cantaire que roussignoulejon en l'ounour de la terro prouvençalo e de sa lengo d'or ; d'aquelo lengo tant musicarello e tant douço, d'aquelo lengo de noste brès que n'i'a tant que se n'en trufon, e que, pamens, nautre, aman de touto nosto amo, que sabèn, coume l'a di lou Mèstre En Frederi Mistral, que

Quau tén sa lengo tén la clau
Que di cadeno lou deliéuro !

e que, peréu, es dins l'amour de la lengo que prènon sabo l'amour de la Patrio e l'amour de la Liberta !

• • •

Lou fiéu dòu troubaire Abriéu, pèr gramaci, e tout en plour, sarro En Jan Monné sus soun pitre ; lou pople esmougu pico di man, li musicaire apoundon sa noto gaio au tresoulimen poupopulàri, e, ma-jourau, mantenèire e counvida, la municipalita emai lou Coumitat di fèsto, soun mai que gentamen prega de veni turta lou got encò de moussu Abriéu, ounte un vin d'ounour i'es tourna-mai semoundu. Aqui, es la galanto dono dòu majourau En Vitou Liétaud, qu'un asaire malastra tén liuen de nautre, la felibresso Berto Lietaud que nous reçaup emé tutto la graci e lou gàubi tria d'uno segnouresso d'antan.

Au noum de tóuti, lou cabiscòu di Maren, Paulin Guisol, en paraulo enaurado, dis touto la joio e tout lou rebat que regisclon sus lou fiéu de la glòri que vèn de cенcha lou front dòu pairc.

Em'acòd la ceremounié de l'inaguracioun de la placo estènt clauso, li Felibre s'acampón à la Couumuno pèr teni soun Assembladò generalo e trata dis afaire de la Mantenènço.

Lou sendi En Marius Girard, aguènt dubert la sesiho, lou secretari pren la paraulo, e, counfourmamen is Estatut, presènto li candidatu entracho au titre de Felibre mantenèire. Li candidaturo presen-tado estènt adóutado, soun prouclama Felibre mantenèire de Prou-vènço :

Dono Lazarino, de Manosco.

MM. Louis Roux, de Marsiho.

Louis Bouquet, di Baus.

J. Galle, à Valènço.

E. Monnier, d'Avignoun.

A. Sarlin, d'Avignoun.

Vitor Bouis, à Marsiho.

Gustavo Barciloun, de Carpentras.

Jóusè Vernet, d'Avignoun.

L'abat Michèu, de Fourcauquié.

Abel Laugier, de Lachau.

Louis Tombarel, de Castèu-Reinard.

Carle Martin, d'à-z-Ais.

Jouaquin Gasquet. "

Pau Roman, "

e Jùli Gallas, de Caumont.

En seguido, li demesioun dounado soun adóutado, e se passo pièi au Comte de gestioun qu'es aprouva tau que lou dounan cici des-souto :

COMTE DE GESTIOUN

DÓU 28 DE JUN 1891 AU 22 DE SETÈMBRE 1892

Dóu 28 de jun 1891 à iuei, avèn reçaupu :

90 escoutissoun de mantenèire à 10 fr.	900	>
Pèr lou librihoun mesadié, Tome v e		
quàuquis abounage dóu Tome vi	1 411	35
Ço que fai	2 311	. 35

	Report . . .	2 311 35
En i'apoudènt ço que soubravo en caisso lou 28 de jun 1891, siegue		1 746 40
Acò fai		4 057 75

Avèn paga :

Despènsos generalos : Lou 28 de jun 1891

A M. Arnaud, de Sanàri, pèr la tèndo dou banquet felibren	30 »
Lou 19 d'août 1891 :	

A Rabanit pèr medaio semoundudo au Coumitat dou tambourin	6 »
Lou 19 nouvèmbre 1891 :	

A Cougourdan d'Aubagno pèr li menut dou banquet de Sanàri	4 »
Lou 11 de janvié 1892 :	

Au tresourié dou mounumen de Rou- manijo pèr souscripcióun de la M°	50 »
Lou 10 de febrié 1892 :	

A Duc, pèr circulari di Jo Flourau . .	4 »
Lou 2 de febrié 1892 :	

A Quinsoun, pèr estampage di circulari de l'acamp de Sanàri	8 »
Au secretari, pèr fres divers de courres- pondènci, d'enquelssamen, etc.	

125 15	217 15
--------	--------

Suvencioun is Escolo :

Paga à l'Escolo dis Aup pèr suvencioun de l'an 1891 . . .	50 »
A l'Escolo de Lar	70 »
A l'Escolo de Lerin	80 »
A l'Escolo de la Mar	90 »
	290 »

Avanço facho au Counsistòri :

Lou 31 d'avoust 1891 :	
A Seguin, pèr letro counvidarello de Santo Estello de 1891	48 »
à repourta	48 »
	507 15

	Report . . .	58	»	507	15
Lou dès de setèmbre 1891 :					
A Lescure, sus l'ordre dóu Capoulié		32	60		
Lou 28 de janvié 1892 :					
Au tresourié dóu mounumen de Rou-					
maniho, pèr suvenciouén dóu Coun-					
sistòri		50	»		
Lou 30 janvié 1892 :					
A Quinsoun, pèr estampage de 100					
diplomo aquitan.		25	»		
Lou 15 de jun 1892 :					
A Seguin, pèr letro cunvidarello de					
Santo Estello de 1892		32	»		
Lou 16 de janvié 1892 :					
A Dono Roumanille, pèr l'un di pres di					
Jo Flourau setenàri.		100	»		
Au secretàri de la Mantenènço, pèr					
avanço facho pèr courrespoundènci,					
mandadis de diplomo, de medaio...		125	75	413	35
A-n-aquelo soumo nous fau apoundre li					
despènso dóu librihoun mesadié,					
que soun li seguènto :					
Paga à Duc lou 5 de juliet 1891 :					
Numerò 2 e 3 dóu tome V		239	35		
19 d'avoust 1891 :					
Numerò 4 dóu tome V		83	40		
10 setèmbre 1891 :					
Numerò 5 e 6 dóu tome V		208	50		
13 nouvèmbre 1891 :					
Numerò 7 e 8 dóu tome V		208	50		
30 janvié 1892 :					
Paga à Quinsoun, pèr 500 circulàri ne-					
cito pèr lou Buletin mesadié . . .		6	»		
Paga à Duc lou 10 de febrié 1892 :					
Numerò 9 e 10 dóu tome V		208	50		
17 mars 1892 :					
Numerò 11 dóu tome V		104	25		
à repourta .		1048	50	920	50

	Report .	1 048	50	920	50
14 jun 1892 :					
Numerò 13 dóu tome V		104	25		
15 de juliet 1892 :					
Numerò 1 dóu tome VI		104	25		
26 juliet 1892 :					
Numerò 2 dóu tome VI		104	25		
Au secretari, pèr avanço facho pèr cour- respoundènci, enqueissamen dis abounage, e mandadis di numerò pèr 15 mes		297	95		
Ço que douno pèr lou librihou un toutau de despènso de	1 659	20		1 659	20
Que se i'apoundèn lis àutri fres eici-dessubre, (920 50)					
Avèn un toutau de despènso de				2579	70
Em'acò, avèn reçaupu				4057	75
Avèn paga				3579	70
Nous soubro en caïsso, au 22 de se- tèmbre 1892				1478	05

*Presenta pèr lou Secretari de la Mantenènço,
counfourmamen is escrituro.*

Marsibo, lou 21 de setèmbre 1892.

J. MONNÉ.

*Vist e aprouva counfourmamen à la decisioune
de l'Assemblado generalo.*

Manosco, lou 22 de setèmbre 1892.

*Lou Sendi de Prouvençal,
M. GIRARD.*

Lou Burèu de la Mantenènço aguènt fini soun tèms, es necit de
lou renouvela, que si poudé noun ié podon èstre fisa pèr mai de
tres an.

L'assemblado renoumo tourna-mai, à l'unanimeta, lou majourau
En Jan Monné pèr secretari, e li vice-sendi, pèr li tres an venènt,
soun :

Lou majourau Ougèni Plauchud, pèr l'auto-Prouvènço ;
 Lou majourau Ansos Tavan, pèr Marsiho ;
 E lou mantenière Pau Coffinières pèr lou Var e lis Aup-Marítimo.
 Acò fa, li Cabiscòu fan soun raport sus l'estamen de sis Escolo :
 Paulin Guisol, cabiscòu di Maren ; Francés Vidal, cabiscòu di Laren
 e Pau Coffinières, cabiscòu de Tamaris, nous dison poulidamen
 tout ce que comton faire pèr que li group que n'en soun li baile-
 pastre, fagon flòri, e sus d'acò, rèn estènt plus à delibera, se claus
 l'Assemblado generalo, pèr ana prene plaço au banquet pouplàri.

J. MONNÉ.

(à segui)

LI NOVO FELIBRENCO

PROUVÈNÇO

— *L'Escolo dis Aup* tendra sa grando sesiho annalo, lou 6 de nouvèmbre venènt.

— La souscripcióun duberto pèr lou mounumen de Fourtunat Chailan, dins lou journal *La Cornemuse*, mounto, au premié de desèmbre, à la soumo de 238 fr. Lou tresourié dóu coumitat es lou majourau En Jóusè Huot, carriero Colbert, 12 e *La Cornemuse* emai *Lou Felibrige* se faran un plesi de reçaupre à soun noum, li soumo que lis ami íé voudran faire teni.

— Pèr li fèsto de Nosto-Damo-de-Prouvènço, à Fourcauquié, es mounsen l'abat Amat Richaud, vicàri de la catedralo de Digno, qu'a fa lou panegiri en lengo prouvençalo.

— *Lou Diamant de Sant-Maime*, pouèmo en sèt cant dóu majourau En Ougèni Plauchud, de Fourcauquié, s'estampo encò de l'editour A. Crest. Es emé grand fernetego qu'esperan de nous coungousta dóu nouvèu pouèmo dóu gènt autour dóu *Cagnard*.

— Benastrugan de tout cor lou majourau Roumié Marcelin, que sa chato Louviseto íé vèn de baia 'n felen, Pèire-Roumié Cazimir. Vous dire se noste ami es ravi d'aquelo chabènço, noun es necite. E la jouino maire es urouso qu'es pas de dire, que

Joio siavo, fresco poutouno,
Rire divin dòu mes de mai,
Printèms dòu bonur que boutouno,

Rai que s'atudara jamai,
Acò soun li tresor amaire
Que li fiéu aduson i maire,

— Dins lou *Daily Evening Telegraph*, dòu 27 d'avoust 1892, que paréis à Filadelfio, dins lou gouvèr de *Pennsylvania* s'es coupia de l'*Illustrated London News*, lou *Queen Isabella's dream (Lou soung de la reina Isabèu)* de Jacinto Verdaguer, qu'aquéu journau avié douna revira de la man de R. Garnett.

E lou *The Critic* de New-York, dòu 27 d'avoust, anóuncio l'aparicioun d'un libre que nous pretoco, e que porto pèr titoulet *Play in Provence*, (*Coume l'on s'amuso en Prouvençò*) que M. Jousè Pennell, en coulabouracioun emé sa donò, Elizabeth Robins, vèn d'escriéure, après uno es-courregudo dins noste miejour.

— Lou cabiscòu de l'*Escolo de la Mountagno*, En Francés Pascal, fai estampa, d'aquest moumen, lou cant vuechen de l'Illiado d'Oumèro, revira en parla mountagnòu. E lou cabiscòu de Lerin alestis uno novo edicioun de sa galejado : *Un ome qu'a de principi*.

— L'*Escolo de la Mar* a muda si catoun. Lis acamp se tendran, aro, au Cafè de l'Univers, sus la Canebiero, dins la salo dòu founs, que lou proupietari de l'establißamen a messo gentamen à la dispausicioun de l'*Escolo*. Lis ouro de reuniou soun pas chanjado : es toujour lou dimenche, de dès ouro à miejour, que l'on s'atrouvara dins la salo di maren, e li jour óubrant, à la darriero taulo dòu Cafè, dins lou founs, à gaúcho, lis ami saran segur de íé rescountra toujour quauque fe-libre.

— Cade an, lis ancians escoulan de Santo-Gardo (Vau-Cluso) s'acampen en uno taulejado freirenalo. Dins la reuniou d'aquest an, que se vèn de teni, lou felibre abat Fructus, vicari à Mazan, a pourta 'n brinde prouvençau que se pòu rèn ausi de mai requist e qu'a fa gau qu'es pas de dire.

— Lou felibre-canounge A. Grimaud, curat de Sorgo, tant bèn emparaula, vèn de douna quauqui predicanço prouvençalo, que tout lou pople a courregu pèr l'ausi, tant à la capello dóu Grounzèu, à Malauseno, qu'à Bedouin e qu'en Ate, ounte a fa flòri.

— Se la lengo d'O revèn en favour dins li glèiso prouvençalo, souto l'aflat d'ome valènt, d'ouratour enaura coume lou Pai Savié, mounsen Grimaud, l'ardènt abat L. Spariat e tant d'autre, que se fan un ounour d'emplega la parladuro dóu pople, nous sarié en de bon d'agué proun large pèr nouta coume se dèu tòuti li manifestacioun de l'amour de la lengo meiralo que se fan pèr lou mejan di predicanço ; noun poudèn nous empacha de signala qu'es pas soulamen en Prouvènço emai en Lengadò que l'envanc s'es pres, mai que pau-à-cha-pau, la taco d'òli fai camin : i'a de bràvi curat que s'agradon de traire si liçoun au pople dins lou parla que coumpon, e n'i'a forço ; entre tòuti, faren nòsti coumplimen au bon curat de Sant-Aignan (Tarn) que prouficho de tòuti lis óucasioun pèr regala si parrouquian dóu pan sabourous dóu parla pouplàri.

— Pèr lou libre sus la literaturo prouvençalo e lou Felibrige, que noste sóci E. Portal, de Palermo, alestis d'aquest moumen, sau manda, lèu, lèu ! lis adesioun à l'autour, o ié demanda li butein de souscripcióun, *via Gaggini, 84, à Palermo, Itàli*.

— *Un catecisme prouvençau.* L'Aidli dóu 7 d'òutobre, souto aquéu titre, douno un article de Marius André, sus un *incident d'uno impourtanço capitalo* que se sarié passa à Manosco dins l'acamp de la Mantenènço de Prouvènço.

Aquel encidènt nous a pas pareigu tant impourtant qu'acò, atendu que l'avèn pas soulamen signala dins nostre comte-rendu, e que la Mantenènço avié rèn à decida sus la dicho, *foro sesibo*, de Maurras. L'idèio pòu èstre bono, mai, nautre, avian ni à la rebuta ni à l'adóuta.

Relevaren pas li causo que nous soun personnalо dins aquel article, e discutaren pas nimai lou biais inteligent qu'un autre, à nosto plaço, pourrié douna à l'amenistracioun mantenencialo e à l'emplé di founs ; mai diren soulamen que nous espanto de vèire que sara toujour aquélli que soun pas felibre, o que, l'estènt, se targon de noun misa, que se brulon lou sang e se cavon la tèsto pèr cerca de gasta li sòu d'aquélli que mison e que sara toujour verai que : tau douno de counseu que douno pas d'ajudo.

— Lou 8 d'avoust, just lou jour que la Mantenèrço de Lengadò s'acampavo en vilo d'Uzès, en l'ounour de la lengo, à Velehrad, en Mouravio, s'asempravon en fèsto literari, au noumbre de mai de 400, lis escrivan e pouèto bouèmi, e don Sigismond Bouska, sòci dóu Felibrige, ié cantavo, en prouvençau, la *Cansoun de la Coupo*, que tóuti aplaudiguèron emé frenesio.

— Sian urous d'anòuncia qu'es souto presso la *Mirèio* revirado en vers alemand, d'Aguste Bertuch, sòci dóu Felibrige. Auel oubrage sara precedi d'uno prefaci de l'eminènt proufessour roumanisto Boehmer e se i'apoundra quauqui trascricioun founetico de la prounounciacioun prouvençalo, culido de la bouco memo dóu grand mestre, En Frederi Mistral, de Marius Girard, e de la gracioso Rèino dóu Felibrige.

— Madamo R. A. Roumanille vèn de semoundre i groumandoun uno novo edicioun dis *Oubreto en vers* de J. Roumanille, emé la traducioun franceso vis-à-vis. Aqui i'a lou bouquet redoulènt e ferigoula que lou publi se n'es embauma l'amo despièi de tems e qu'es toujour e que sara de-longo autant fres, autant luminous, autant acoulouri que quand noste patriarco ama lou culiguè dins li jardin de Sant-Roumié. *Li Margarido* (1836-47), *Li flour de sàuvi* (1850-63) au un prefum de simplesso, de naïveta, d'amour, que fai de Roumanille lou cantaire esquis e requist, lou pouèto dóu pople, simple e bon tout en restant grand; simple: que soun vers couladis e linde vous pren pèr l'ieu; bon: que sis idèio vous boulegon lou cor; grand: que l'on sènt, en lou legissènt, que dins éu i'avie 'no amo s'aubourant au-dessus de nòsti neblasso umano, ounte l'amour d'un ideau superbe avié soun fougau: es soun amo, ounte li fidèu avien sa pichoto plaço, qu'ausissèn bresicha, en relegissènt aquéli mousséu tant siave que sa bouco nous disié, que soun cor nous dounavo coume un mèu que n'en sabouran encaro la douçour, e que nous sèmbla que tóuti aquéli qu'à l'ouro d'ieu noun lou counèisson encaro, tant Prouvençau que Francés, voudran coume naute mordre à-n-aquelo bresco tant rousso. Lou voulume costò 3 fr. 50 e s'atovo en Avignoun, 19, carriero Sant-Agricò, à la librarié Roumanille, ansin que vers li principau libraire dóu Miejour.

— Lou mantenèire Carle Boy, aquéu paure matrassa e despatria, que rèsto à St-Estève (Louiro), e que plouro sa gènto dono e nosto dardaianto souleiado, à l'oucasioun dóu centenari de Cristòu Coulomb, vèn de faire estampa lou cant segound d'un pouèmo en 7 cant, que se n'es tira 75 eisemplàri, rèn que pèr lis ami, e qu'es escri en glòri dóu grand

navegaire qu'es nostre (*Colombus noster est*). En legissènt aquéli vers couladis e pur, gracious e simple, e tout beluguejant de rai pouëti, nous semblavo entèdre A. Daumas, quel autre despatria, que, dins li nèblo de Paris, disié :

Li vagoun dins de canestello,
Emporton tout, e lèu ! lèu ! lèu !
Mai emporton pas lou soulèu,
Mai emporton pas lis estello !

Mai, voulèn, nautre, que li vagoun emporton nòsti cor vers tu, nòsti cor que t'amon, o pouèto e ami d'elèi.

I.ENGADÒ

— Lou felibre Jùli Mommeja prepauso pèr simbèu de l'*'Escolo Moundino*, la crous d'or à sege rai di comte de Toulouso.

— Lou dimars, 20 de setèmbre, li felibre ami dóu pouèto-mèstre En Agustè Fourès, soun ana à Castèu-nòu-d'arri, pausa 'no courouno d'immortalo sus soun cros, pèr celebra lou pious anniversari de sa mort. Mescièn, de gran cor, nòsti lagremo i siéuno !

— S'organiso à Toulouso, uno soucieta couralo que pourtara pèr noum : *Les crids des barris de Toulouso*, e qu'à l'eisemple di *Cantaire dóu Clapas*, cantara que de moussèu en lengo moundino.

— Lou felibre-abat E. Aberlenc, d'Alès, alestis, pèr parèisse au premié jour, un recuei de pouësio lengadouciano qu'aura pèr titre : *Las Cevenolos*, e que lou majourau En Albert Arnaviélle n'en signara la prefaci.

— En Alès, peréu, lou mantèire Ferdinand Chabrier bouto la darriero man à soun recuei : *La Castagno d'or* e lou direitour dóu journau *Lou Cascavel*, M. Gaiet-Malan, nous vòu regala tambèn de sa *Muso Camisardo*. Zóu ! que lou bèu blad espigue e nous fague de pan gous-tous !

— Li Clapassié que rèston à Paris se soun acampa li 3 e 10 de setèmbre, e an decida de fourma 'no soucieta de *frairs clapassié*, que prendra pèr noum : *Lou Clapas*. La soucieta a pèr toco d'amiga entre éli lis ome nascu à Mount-Pelié o dins sis enviroun, que soun despatria dins la capitalo. Dins lis acamp, li sòci emplegaran la lengo d'ò dins si charradisso, e li cansoun que ié brusiran saran dins aquéu paraulis. Lou sèti souciau s'attrovo au numerò 8 de la carriero Sant-Danis, au café di quatre-nacioun, à Paris.

— *Lou Calel*, de Vilo-Novo-sus-Lot, pareissira, d'aro-en-la, li premié e tresen dimenche de cade mes.

— Lou 28 d'avoust, en vilo d'Uzès, à la grand' messo de la catedralo, lou valènt presicaire prouvençau, lou pai Savié de Fourviero, prenguè la paraulo en nosto lengo, davans un pople entrefouli.

La rèino dóu Felibrige, Na Marià Girard, èro au banc d'obro, e tòuti li Felibre, tant de Prouvènço que de Lengadò, qu'eron vengu i fèsto d'Uzès, s'èron fa un ounour e un devé d'ana ausi la paraulo enaurado d'aquel ouratour d'elèi.

L'evangèli dóu jour : *Lou bon Samaritan*, i'a douna lou tème de soun discours. Escoutas coume lou resumis la *Cigalo d'Or* :

« Lou paure ome qu'es toumba entre li man di laire e dis assassin, acò's nosto pauro lengo iniejournalo, nosto caro lengo d'O que, sourtido de Roumo, la Jerusalèn nouvello, venguè dins noste païs ensouleia, ounte nòstis aujòu, li troubadou, la saguèron ama. La parlavon dins li glèiso e dins lis assemblado dóu pople. Mai, un jour, *lis ome qu'an pelage rous*, lis ome de l'orre Mount-Fort se jitèron sus noste Miejour, e — mescresèire dis intencion papalo, — chapleron lou pople e leissèron nosto lengo à mita morto. A coustat d'aquele pauro lengo, van proun passa la civilisacioun e l'estrucionioun, — lou prière e lou levito de l'evangèli, — mai voudran pa 'ntendre si plagnun e veni à soun secours. Encaro quaque tèms, e vai mouri de-souns, ai ! las ! la lengo d'O ; questo fes passo lou Samaritan, — lou Felibrige ; — ausis lou plagnun de la tristo mesquino, la pren em' éu e la meno au castèu de Font-Segugno. Aqui lavo si plago, e, quand l'a reviscoulad, la bandis dins lou Miejour, e lou Miejour entié la parlo e ié fai fèsto.

« Aro que la lengo segnourejo, dèu tambèn segnoureja l'amour dis ome, e, emé l'amour dis ome e de la lengo, segnourejara l'amour dóu terraire qu'èi la formo la mai puro dóu patrioutisme... »

— L'Escolo audenco, à Carcassouno, a tengu sa proumiero felibrejado lou dimenche 9 d'òutobre.

— Paumarés di Jo Flourau de la Mantenènço de Lengadò, tengu en vilo d'Uzès, lou 28 d'avoust 1892 :

1. Sounet sus la vilo d'Uzès

Pres : li felibre Antounin Maffre e Alban Vergne.

Menciou à messiés l'abat Aberlenc, Emilo Brunet, A. Combe, Artesoul e Br un

2. Pouësio en l'ounour dóu pintre Sigaloun

Foro councours : moussa Louis Rochetin.

Pres à l'abat Aberlenc, e menciou à Ferdinand Benoit.

3. Pouësio (sujet libre)

Pres à-n-Enri Bouvet, Maffre, Albert Viau e Ferdinand Benoit.
Menciouen à messiés Louis Pelaud, Adrian Marqués e Lucian Dulac.

4. Cansoun

Li pres soun pér Maurise Joret e Antounin Maffre, e li menciouen pér messiés Linières, Raymond, Benoit, Bompard, Dulac, Marqués, Guillamou e Carle Fabre.

5. Galejado en vers

Pres à Jousé de Valette, e menciouen à Francés Astruc, Pau Roman e Emilo Brunet.

6. Galejado en proso

Pres à Jan Brunet e Ipoulite Combatal-Roche, e menciouen à messiés Linières, Arbousset, Raymond e Silhol.

7. Esplicacioun dóu prouvèrbi : *Volon gagna la vigno de moussu d'Uzès*

Pres à moussu Rochetin e menciouen à moussu Pau Constant.

8. Conte en vers

Li pres soun pér mounsen l'abat Aberlenc, un anounime, e pér messiés Maturin Planton e German Cavallè.

9. Pouësio l'cugiero

Pres ex-séquo à madamisello Jano de Margoun em'à M. Leon Rouzié.

Li menciouen soun atribuido à Marc Rigal, Artokoul, Alban Vergne, Richard, Ant. Reraud, Louis Roque e E. Brunet.

10. Pouësio lirico

Pres : l'abat Ernest Aberlenc, pér l'odo à l'amirau Brueys ; Prousper l'Estiéu, Maurise Joret, e madamisello Miréio Arnavielle.

Menciouen : Pau Roman, de Sarran d'Allard, Savié Peyre e Andrieu Baldy.

11. Conte e Nouvello

Foro councours : Enri Bigot. — Pres : Enri Giraud, Jano de Margoun, l'abat Marciau de Seré. Li menciouen soun pér Gastoun Pellet e Adrian Marqués.

12. Recuei especiau

Li pres soun atribui à-n-Enri Pellisson, J. L. Alquier, Aguste Advenier, Ilarion de Roux, J. Moneger, Delort e Desirat Rigal.

VANEGACIOUN

— Lou mantenèire Louis Charrasse, qu'èro mestre d'escolo à Serignan, es aro, à Veisoun (Vau-Cluso).

MORTUORUM

— Au mes d'avoust, es mort, en Alès, dins si 24 an, lou felibre Enri Fabre. Lou majorau Pau Gaussen e lou mantenèire J. Chabrier, au cementèri, i'an fa lis adessias au noum dóu Felibrige.

A PAREIGU :

A Manosco. dins *Le Républicain des Alpes*, dòu premié d'òutobre : *Les Felibres à Manosque*, galant raconte di festo felibrenco dòu 22 de setèmbre.

A Toulouso encò de Vialelle : *Le ramel païsan, del parla moundi*, de G. Visner, dòu *Gril* em'uno letro-prelaci de Pascau Cros, de Marsiho. (4 fr.)

G. Visner dedico piousamen soun libre à sa vièlo maire. *Le Ramel* se cumpartis en tres tiero : I. As de l'ousta, — II. Racejado, — III. Cricados. —

Eh ! bèn, diren emé gau que, tant dins li *Tretsens e trioulet* de l'Ajusto-Prefaci, que dins lis àutri tiero, i'avèn trouba la marco que Visner es un mèstre de la lengo e qu'es un pouèto de raço. Pinto l'amour e lou campèstre en de tablèu galant e vertadié, e dis li causo dòu cor em'un biais acoulouri que vous encanto : pièi, saup peréu, dins *Racejado*, maneja li serventes e ié bouta lou fiò patriau.

Nous es en-de-bon de ié traire noste salut, de ié dire tout lou plesi que soun libre nous a douna, tout en regretant que se fugue fa l'apostòli dòu patoues e d'uno ourtougràfi bijarro e sènsou lougico qu'en liogo d'ajuda lou legière, l'embrounco. Sian segur que G. Visner, qu'es un felibre de raço, cumprendra que si perlo sarien forçò mai esbriaudant s'eron sertido en un metau mai precious.

A Palermo, encò de Zappulla; *intermezzo poetico* dòu sòci dòu Felibrige Em. Portal, de Palermo. S'es fa d'aquéu librihoun requist uno edicioun à cènt eisemplàri numerouta. Lou pouètu dedico aquéli cant à sa maire. *La razza latina*, imitacioun de l'inne d'Alecsandri i'es semoundu au valènt majorau L. de Berluc. *Corte d'amore* es pèr Na Mario Girard, la bello Rèino dòu Felibrige ; *Ai tres colori italiani* es revira dòu prouvençau de Louis Astruc ; *Castello antico* es pèr Pau Marieton, e i'a lou sounet-brinde à la rèino d'Itallo que lou felibre C. Guillibert diguè i festo florentino en ounour de Beatris ; emai *Il castello dei Bormettes*, sounet revira dou prouvençau dòu majorau En Aufred Chailan.

A Gap, dins *l'Etoile des Alpes*, uno letro marsibeso d'Abel Laugier, emé *l'estello tremountano*, poulit sounet de dono Lazarino.

I Lilas, dins *la Province* de setèmbre : *Madame Conradin*, estudi de mour draguignanenco, pèr Lucian Duc, em'un article dòu meme sus li Congrès di Soucieta savènto, ounte se trato de descentralisacioun prouvincialo.

A Brivo, encò de Marcel Roche : *A la countesso de Dio*, pouëslo dòu mestre en gai-sabé Ernest Chalamel, que se legiguè à l'inauguracion dòu buste de la courtessò de Dio, lou 12 d'avoust 1888, dinslou roumavage cigalié, e qu'es revirado en françés, pèr Sernin Santy.

A Paris, dins lou journal *Fin de Siècle*, dòu 7 de setembre, un article de M. D. Riche, sus li Felibre. Ounte, tron-d'un-goi, aquéu brave moussu Riche, qu'es tant paure d'esprit, a pesca sis entre-signes ? Quicho, Bernal ! que gagnaras lou gaiardet !

A Mount-Pelié, dins la *Cigalo d'or* de setembre e d'outobre : *Felibrjadò d'Uzès*; *Lou Pegas de M. Laffite*; *Maurise Faure*, lou valènt estigadou de la soucieta felibrenco de Paris (Jan Soulèu); *La Santiago*, sounet de Louis Roumiéu; *Lou miejour boulègo*, emé de vers esmougu de *Dragounet*. *La Courouno de la Reino*, Na Mario Girard, trenado de la man engaubiado di mestre en gai-sabé, Marius André e Félix Lescure, e di mantenière Alcide Blavet, Felician Court, Dragounet, Edouard Marrel, car :

Soun vengu li pouëto en dreissant dins si man
De courouno e de paumo flòri.

De tòuti li cantoun dòu terraire latin,
En lasént brounzina si voutes en alegrío,
An vough saluda la Reino en si jardin,
 La Fado dis Aupihò...

A la *Cigalo d'or* (Louis Roux;) Brinde de Carle Maurras, à la dinadou poupoplari de Manosco, au noum dòu group que s'es fourma à coustat dòu Felibrige. *Dos flour*, sounet de Louis Charrasse; *Lous cantaire dòu Clapas*, em'uno letro dòu maestro Paladilhe, que fai gau de legi; *La folo*, de Jousè Roumaniho; *Jan Monné*: *Uno couquibo*, etc..

A Toulouso, dins lou *Lengodoucian*, *La vox de Dono Guiraudo*, saperbe e enaurant paraulis d'Aguste Fourès, sus la reneissenço meravihouso de la lengo miejournalo e ounte s'escrido : « O Lengadoc, o Prouvenço, o Catalouchno ! cal que nasque de vostro abrassado l'obro de pax e de prougrès. La veirem creisse, ramudo e flourido, joubz les raiasses de las vostros amos que, juntados, faran un soulelh embabarilhant ! La veirem s'enauta, s'enauta à estabousi les enemies que l'azir escano ! » emé de cansoun e d'obro de tutto meno de S. de Ricard, P. l'Estiéu, Jan Doc, Perbosc, Vergne e autre.

Lou Gerent : Jan Monné.

CROUNICO

L'ASSEMBLADO GENERALO DE LA MANTENÈNÇO DE PROUVÈNÇO

(Seguido)

Adoune, vers miejour, se tèn lou banquet poupoplari, encò de l'oste Julian.

La salo es clasido de flour de touto meno. Moussu lou Maire de Manosco, que presido la taulado, a à sa drecho lou sendi de Prouvènço, e à sa gauchò lou secretari de la Mantenènço. M. lou sena-tour Bouteille ié fai vis-à-vis, e i'a, pièi, En Jóusè Huot, dono Lazarino, la gènto estigarello di fèsto ; Pau Coffinieres, Roumié Marcellin, P. Guisol, lis ajoun ; Negre, qu'a fa tripet-pelòri pèr la reüssido de l'acampado, emé sa dono ; Mllo Roso Esclapon e Roso Redon, etc., etc. Li felibre, li counseié municipau e li noutable manousquin que prènon part à la fèsto se plaçon, cadun à l'agrat de si preferènci.

Lou menut, obro d'art, que M. Denis, de Manosco, de l'Escolo naciounalo di Bèus-Art, a dessina de man de mestre, represènto uno immènso farandoulo s'encafournant dins la porto mounumentalo de la Saunarié, e n'en ressourtènt pèr destrena sis anèu fouligaud sus lou Cous, nous dis, em'un biais courous, l'estamen de la mangiho.

M. lou Maire duerb la tiero di brinde ; lou sendi Marius Girard ié respond, e pièi prènon la paraulo, à-de-rèng, En J. Monné, Marcellin,

Cofflinieres, Guisol, Marius Bourrelly, Aguste Gautier, J. Gasquet, au noum de M. C. Maurras ; Abel Laugier, M. Bouteille, J. Huot, C. Martin, L. Roux, Long, etc.

Li kansoun felibenco prénon peréu soun vanc.

En Marius Girard legis uno despacho dóu Capoulié :

Es au-jour-d'iui la festo dóu triounfle dóu pople, que fugue lam-bèn la festo dóu triounfle dóu Felibrige, qu'es, éu, l'encarnacioun dóu pople prouvençau.

Monné dis li vers manda pèr lou sòci palermitan E. Portal, que nous bresiho graciouslyamen :

De moun iscloun risènt, iéu, l'umble troubadour,
Mande à vautre un salut d'alegrosso couralo,
E volo la pensado emé si nòblis alo,
Alin, vous atrouva dins lou sourris di flour.

Ausès, alor, mi vers, espandimen de l'amo
Que souspiro, arderouso, uno aubo de clarour,
Que dins la pouësiò atrovo soun amour,
E, dins vòsti kansoun, la pas e la calamo.

Alor se canto la kansoun de la Coupo e lou champagno petejo dins li got, e li got se tuerton freiralamen...

A-n-aquéu moumen, M. Abriéu, au bras de sa cousinino, dono V. Liéutaud, intro dins la salo, e tóuti s'aubouron e picon di man.

M. Abriéu vèn pèr remercia li Felibre e la Municipalita de l'ou-nour que s'es fa à soun paire. E, tout esmougu, dis :

Remerciéu prefoudamen lei Felibre de l'ispiracién qu'an agudo de faire pausa 'no placo coumemourativo, en visto d'inmortalisa la memòri de moun paire.

Remerciéu parieramen M. lou Maire dóu generous e ben-voulènt councours qu'a bèn vougu douna à-n-aquelo festo, emai tambèn la pouplacién de moun païs qu'a bèn vougu li prene part.

Regrèti de tout moun couer que de resoun majouro e ma pauro santa m'agon empacha de m'assetta à vouesto taulado ; mai pouèdi vous assegura que mi siéu assoucia de touto moun amo i brinde qu'a-vès pourta en ounour de nosto ciéuta manousquino.

Tóuti aplaudisson aquéli paraulo pretoucanto, emai peréu la *Descripciou d'ou Mount-d'or de Manosco*, tirado dis obro manuscrito de Toussant Abriéu, que Jan Monné n'en douno la primour i taulejaire.

Tirarié trop de long se voulian douna, uno pèr uno, téuti li belli causo que se soun dicho dins aquelo acampado : nous counterten de cila lou brinde d'ou valènt secretari de l'Escolo de la Mar, que resumis poulidamen tout çò que li felibre an dins lou cor :

Es au noum di felibre de l'Escolo de la Mar, Escolo que de Marsiho pouso de jitello fin qu'ici, que m'auboure pèr brinda à Manosco, la vilu valènto e fortò, réino assetado sus li bord de la Durènço, ounte segnourejo à soun lesé.

Que noste umble brinde vous siegue agradiéu, moussu lou Maire, coume aquéli de nòsti counfraire. Avès trop bèn coumpres la toco que perseguissèn téuti, pèr pas nous duerbi li bras au noum de vosto poupoplacioun manousquino, e pèr que nous ajudés pas, pèr l'aveni, à manteni aut e ferme la bandiero felibreno.

A vous, moussu lou Maire, au noum de nostro Escolo ; à vous, moussu lou Senatour, qu'avès bèn vougu ounoura de vosto presènci nostro taulejado felibreno ; à vous, moussu Abriéu, digne fiéu d'un noble paire, que sian urous d'aclama, vuei, coume un di mai valènt de nòsti precursor ; à tu, pople manousquin, que nous as festeja tant jouiou-samen !

Pèr la glòri e l'espandimen d'ou Felibridge au mitan de vautre, ausse moun vèire !

E, pèr leissa l'ounour i Manousquin, i'apoundren la *Garbelo* d'ou felibre Vitou Rougon, culido sus lou Mount-d'or, en ounour d'ou rèire Abriéu :

Coume un auceloun sus la branço,
Que vèn de s'eifournia d'ou nis,
Siéu tremoulant, moun cor s'escranc...
Que dirés de moun paraulis ?

De iéu que pensarés, Felibre,
Majourau, Mèstre en gai-sabé,
Qu'avès fa de tant poulit libre,
Quand n'en siéu qu'à l'A, B, C, D.

Pamens pourgirai ma garbeto,
 A la glòri dóu rèire Abriéu,
 Entremesclado de floureto
 Au prefum dous, fres, agradiéu.

Sus nosto coulino redouno,
 Sus neste Mount-d'Or siéu ana
 La querre encuei, pèr la courouno
 Que vòsti man vènon trena.
 Recebès-la, car lis amavo
 Li flour de soun bèu sòu nadau,
 E, pèr n'en senti l'óudour siavo,
 Quant de fès èro ana 'moundaut.

Mai que d'un cop, la vièio tourre,
 A si pèd avié vist Abriéu,
 Lis uei relucant li grand mourre
 Dis Aup, encourouna de niéu.
 Flour que fès gau à la Jouvènço,
 Farigoulo, espi, roumanin,
 Pèr sèmpre embaima la Prouvènço,
 Espandissès-vous pèr camin.

Tant que dins neste bèu terraire
 S'ausira parla prouvençau,
 Tant qu'i man dóu bouié, l'araire
 Trelusira coume un mirau,
 O flame autour dóu Diciounàri,
 E de quàuqui Nouvè tant gai
 Que soun devengu poupopulàri,
 Que toun noum visque longo-mai !

E clauen pèr lou brinde de la felibresso Lazarino, de Manosco :

Moussu lou Sendi, messiés li Felibre,

Au noum dòu pople manousquin permetès-me de vous dire coumosian regretous de pas vèire au mitan de vautrei la bello Rèino dòu Felibridge, lou grand mestre Frederi Mistral emé sa bello mouié ; oublidèn nimai pas lou Capoulié Fèlis Gras. Nous anas dire que soun de couer emé nautrei... Acò, lou cresèn ; mai es pa 'no resoun pèr nous counsoula, e regretaren tant que viéuren lou vueje que nous fan : poudès vo li dire.

E, aro, leissas-me vous remercia d'estre vengu dins moun païs pèr glourifica un de seis enfant. Sabès tóutei coumo ieu que tout ço que toco à la glòri de soun païs natau pòu que fa boumbi lou couer de bouenur !

Lou paire Abriéu, en quau venès d'auboura 'no placo de mabre, en remembranço de seis obro prouvençalo, s'ameritavo bèn acò. Aquéu luchaire, dòu tèms que travaivo pèr gagna sa vido em'aquelo de sa famiho, trouvavo encaro de moumen pèr pousqué canta ; e acò n'èro soun meiour passo-tèms.

Mèste Abriéu a touca 'n tóutei lei couerdo de la pouësio : manejava autant bèn l'epitro, l'elegio, l'odo, la satiro, la cansoun que lei nouvè ; mai pèr nautrei, Manousquin, la souleto cavo que, jusqu'aro, nous fasié gau, es sa *Liro de Judèo* : seis àutrei pouësio, n'i a bèn gaire que lei counèisson, car, se fau tout vous dire, soun quàsi tóutei encafournado dins un tiradou, encò de soun enfant, lou bouen e brave moussu Francés, eici présent ; mai cresèn bèn qu'un d'aquéstei quatre matin, li fara vèire lou jour.

Vous ai di que lei nouvè de M. Abriéu nous fasien gau : qu pourrié dire lou countràri ? Me rapèle qu'estènt touto pichouneto, n'en croumpère un eisemplàri que me coustè dès sòu ; aquéu pichot libre èro pèr nautrei, enfantoun, mai precious que l'Evangèli ! Lei sabian tóutei de couer lei nouvè de la *Liro de Judèo*. Qu's aquéu, dins moun païs, que noun saup aqueste, tant poulit :

Escouto 'n pau, cigalo, [1]
Vòu vèire l'Enfant-Diéu :
Tu qu'as la voues tant claro,
Dèuriés veni 'mè ieu :

[1] Dins forço endré, L di mot en + alo + se prounòuncio R.

Diriés ta cansouneto
 Pér amusa l'enfant,
 E ieu, à sa maireto
 Presentarié moun gran !

Vous dirai pas que li nouvè de mèste Abriéu soun plus bèu qu'a-quélei de Saboly ; mai vous dirai qu'au tèms de Saboly touto la Prouvènço parlavo prouvençau, e, quouro Abriéu a fa lei siéu, èro just au moumen que nouesto bello lengo èro lou mai mespresado e lou mai sus lou poun de rèndre lou darrié badai...

Encuei, gràci à vautrei, brâvei Felibre, noueste literatour prouvençau vèn de recèbre l'òumàgi que li èro degu. Adounc, enca 'n cop, gramaci au noum de soun brave e digne enfant ; gramaci au noum de tout soun parentàgi, e gramaci peréu au noum de tóutei lei Manousquin !

E, longo-mai pousquen vèire de bèleis acampado coumo aquelo d'encuei e crida tóutei ensèn : Vivo la Prouvènço ! vivo lou Felibrige !

Sus li 4 ouro, la musico e li dansaire nous vènon querre e nous accouppagnon sus la plaço dóu Terraü.

A l'oumbro dis aubre, dins la verduro, au mitan d'un pople enfes-touli, s'aubouro un estrepountin que M. lou Maire se i'asseto, aguènt à si coustat lou senatour Bouteille, lou sendi e lou secretari de la Mantenènço, lou rapourtaire di Jo Flourau, dono Vitou Lieutaud, moussu Abriéu, li felibre e li counvida.

Après l'èr de la Coupo, que la musico desgruno, li dansaire de sant Brancai, au son di tambourin, fan si pas e contro-pas, pèr regala lis espetatour ravi, e pièi, lou secretari aguènt declara duberto la sesiho di Jo Flourau, lou sendi de Prouvènço s'aubouro e parlo comme seguis :

Midamo, Messiés,

M'es un devé, en prenènt plaço, vuei, pèr la proumiero fes, sus lou sèti mantenenciau, de manda d'elci, en tòuti li sendi de Prouvènço que m'an precedi, uno remembranço e un salut.

Uno remembranço de regrès, d'imiracioun à la memòri d'Aubanèu, l'uno de nòsti gràndi glòri felibreno, toustèms bon counfraire e bon ami.

Un salut freirenau e amistous à nòsti coumpan : Bourrelly, Miquèu, Huot; tóuti tres felibre de la bono, tóuti tres devot à nosto Causo, tóuti tres escrivan d'elèi.

Sian eici en plen païs de *Gai-Sabé*.

Aquest despartamen de la Franço miejournalo, ama de nòsti cor prouvençau, que porto lou noum de Bassis-Aup, es pèr nàutri, felibre, aboundous en remembranço d'interès.

L'istòri nous dis que li *Baroun de Castelano* èron de poudorous segnour, que se partejeron longtèms la dòuminacioun de vòsti païs emé li comte de Prouvènço, bèn talamen qu'aquésti d'eici se veguèron dins l'oubligacioun, en 1146, de coustrègne l'un d'elí à se recounèisse vassau, bèn tant avié grandi e creissegù aquelo nisado de gersaut.

Ramoun Berenguié IV, l'un di mai celèbre de nòsti comte, se plasié que-noun-sai dins vòstis Aup, ié venié souvènti-fes abita Sisteroun, ounte, au mitan d'uno court brihant de troubadou afeciouna, de genti dono e de Jouious cavaucaire, partejavo soun tèms entre lis afaires e li plasé dòu *Gai-Sabé*.

L'istòri tourna-mai nous dis que l'oustau qu'a regna sus la Prouvènço, despièi 1112, èro sourti di prince de Barcilouno e qu'es en souvenènço d'aqueilo ourigino de nòsti fraire ama de Catalougno, que Ramoun Berenguié baïè, en 1231, à-n-uno de vòsti ciéuta, lou galant noum de *Barcilouneto*.

E aro, s'auboure lis iue dòu coustat de Fourcauquié, que tèn tant reialmen sa plaço dins lou Felibridge, aperceve aquéu renouma castèu de Sant-Maime, dins lou quau fuguèron elevado en gràci, en pouësio, en bœuta, li quatre fiho d'aqueu sòubeiran.

Aquéli quatre fiho requisto que devenguèron, lou sabès, autant de rèino : l'einado, Margarido, rèino de Franço; la cadeto, rèino d'Anglo-terro, la tresencò, rèino d'Aragoun e perfin, la quatrenco, Beatris, que tant aman, nàutri, pouèto prouvençau, que de-longo lausan e cantan, que, pèr soun maridage emé Carle d'Anjou, devenguè rèino de Naple.

E, se noun m'engane, es memameu aquéu matrimòni que decidè dòu sort de nosto Prouvènço bèn-amado ; car, Beatris, eiretierò dòu Coumat, lou faguè passa dins l'oustau d'Anjou, ounte devié d'aquí, douz cents an plus tard, passa dins aquéu de Franço, en 1487.

E Manosco, midamo ? l'istòri n'en parlo tambèn !

Nous dis que lou rèi galant Francés premié, en s'envenènt de Mari-gnan, en 1516, rescountriè pèr asard dins uno di carriero de vostò vilo,

la chato dóu conse Antòni de Vouland, la bello *Voulandeto*, que, fiho jouvo, casto e puro, se mountè, dison, la tèsto ; e, paurouso mai-que-mai d'avé, pèr sa bèuta sobre-bello, atira trop vesiblament li regard dóu mounarco vincère, faguè lou sacrifice d'aquelo bèuta en se desvisajant.

Bèn talamen que Francés premié, rèi de Franço, esmougu coume noun se pòu mai, dison que pousquè pas s'empacha de ploura e que, pretouca fin qu'au founs de l'amo, vouguè que toustèms apelèsson vosto vilo : Manosco *la Pudico*.

Li planto de vióuleto, Midamo, moron pas.

Touti lis an, vèngue lou printèms, li vesès reverdi mai drudo e mai bello ; li vesès sèmpre se reviéuda, s'alarga, s'espandi, coungreiant de rescoundoun dins lis erbo e la mousso si flour simpleto e prefumado.

Flour requisto que se tènon à l'oumbrino, liuen di parpaïoun fouligaud.

Ansin fasès, Midamo.

Voste renouum n'a pas pali, e pourtas, vuei coume antan, pourtas, dise, coume un diadèmo de rèino, vosto doublo couroun de vertu e de bèuta.

E lou Felibrige ? m'anás dire, de qu'es ?

Lou Felibrige ? — Pèr vous bèn dire ço qu'es, tirarié trop de long e vuei n'avèn pas lou tèms, avèn forçò à faire.

Mai, pamens, pode vous respondre que pèr lou moumen es eici uno acampado freirenalo de gènt de tout caire e d'artisto de tout biais, qu'amón la Prouvènço e parlon sa lengo, counservon pioussamen dins soun cor, e lou plus grand noumbré dins sis oustau, sis us, si coutumo, si tradicioun, si crèire... canton e lauson de-longo emé la plumo, la zambougno e lou pincèu, si chato, si mounumen, sa mar bluio e soun grand soulèu.

Es verai que i'a proun gènt qu'atrovon à redire, mai que nous enhau !

Fau, coume se dis, leissa canta lou roussignòu e leissa miaula la machoto.

Que mau i'a d'ama l'aiòli, la brandado, la bourrido, lou boui-abaisso ?

Que mau i'a de canta en famiho, à la desservo, li nouvè de Saboly ; au cabanoun, li cansoun de nòsti rèire ; à la glèiso, li cantico di Santí-Mario, de sant Gènt e de sant Brancai ?

Mai n'i'a proun de di, li long discours fan li jour pichot e vènon en òdi.

Encaro un mòt, e ai fini. Li gènt que nous traton de *separatisto* nous counèisson pas o se nous counèisson, es de gènt de marrido fe.

Bràvi Manousquin que m'escoutas, remembrais-vous bèn d'uno causo :

Li Felibre, sian avans tout Francés, e bon Francés.

Dins la vido di gràndi nacioun tout se tèn, l'an di avans iéu.

Ama sa famiho fai ama soun oustau ; ama soun oustau fai ama soun village ; ama soun village fai ama sa prouvinço e ama sa prouvinço fai ama soun païs.

Vaqui perqué, tout en restant bon Prouvençau, sian avans tout bon Francés.

Em'acò, quand Marius Girard acabo de parla, uno trounadisso de picamen de man s'aubouro dins lou pople, li tambourin tocon un moutet e la musico ié vai peréu dóu siéu.

En Jan Monné s'avanco alor, pèr dire, à la plaço d'En Vitou Licutaud, la bello odo de *Manosco la Pudico*, d'aqueù valènt majourau. Es lou raconte enaura de l'acioun sublimo de la bello Voulandeto que se descarè emé de sóupre, pèr garda sa vertu, e que se clavo pèr aquésti paraulo dóu rèi Francés premié :

Que toustèms d'aquest jour se n'en garde memòri !

O Pople, l'escriéurai de mi man dins l'istòri.

Ço qu'avès fach aquito es bèu, misè Vouland !

Vous prouclame la rèino e la flour de Jouvènço !

E tu, Manosco, e tu, d'aro en la, dins Prouvènço,

La Pudico te noumaran ! —

Just s'amaison lis aplaudimen, que lou pedoun adus uno despacho. Es la Rèino dóu Felibrige, Na Marlo Girard, que regretouso de noun èstre de la fèsto, noun óublido si fidèu. En Jan Monné, en quau la despacho es adreissado, la legis an pople :

La Rèino mando si souveni amistadous à la gènto acampado felibrenco de Manosco, si felicitacioun i laureal e si salut courau i bràvi Manousquin.

Lou rapourtaire de la Jurado, Aguste Gautier, vèn legi soun rapport, que dounan à despart. Òugèni Long dis soun sounet courouna : *Lou tambourin* ; e, lou bèu, es esta un vièi cantounié comunau, M. Mayen, qu'avié coumpausa quauqui vers en ounour di Felibre, e que M. lou Maire a gentamen autourisa à mounta sus

l'estrado, pèr n'i'en faire part. Noun deleembraren, nimai, un brave Manousquin de 92 an, mèste Rey, enrabia dansaire, que nous a regala di pas galant que se balavon au tèms de sa jouvènço.

Tambourin e musico an clava la sesiho publico, e l'on es ana à la Coumuno pèr la destribuciuon di joio i laureat presènt à la fèsto.

Em'acò, lou vèspre, sus li 8 ouro, M. Francés Abriéu counvidavo à sa taulo, en un regòli superbe, lou sendi, lou secretari, li felibre Bourrelly, Marcelin, Cofflinieres, Guisol, dono Lazarino, dono Negre e soun fléu, emé lou valènt M. Negre.

Dono Lieutaud fasié lis ounour em'un gâubi tria.

Se i'es canta e brinda. Girard a canta *Margai* e di li vers manda pèr l'album de Cristòu Couloumb ; Cofflinieres a larga 'no improvisacioun calourènto à la memòri de Toussant Abriéu, que Guisol i'a apoundu la noto pretoucant ; Marcelin a canta *La bouissounado* e a desgruna un capelet de sounet galant ; Bourrelly, en un gènt à-prepaus, nous a tòuti encanta ; dono Lazarino a di soun *Chi-chi-bu* ; Monné a pourgi quauqui flour d'Uvèuno ; e, pèr la bono bouco, mèste Guisol nous a declama uno sceno coumico : *La Marsiheso que vai à Paris*, pèr ensigna de coupa lou toun i peissouniero de la capitalo : e dire se nous a fa escacalassa dóu rire, es pas necite !

Éro mai de miejo-niue quand se clavè aquelo sesiho, e, lou lendeman matin, nous envenian en saludant un darrié cop nòstis ostentant amistous e aquelo pouplacioun manousquino tant avenènto.

Noun clauren, pamens, neste comte-rendu, sènsò traire de tout cor un gramaci au simpati M. Defarge, maire de Manosco ; à M. Rey, soun ajoun, e peréu à tout lou Counsèu municipau. E pièi mai à M. Negre, lou butaire de tutto aquelo boulegadisso ; emai à mes-siés Pèire Brun, Vitou Rougon, Vincènt e Leoun Guilhaume, que l'an tant bèn ajuda.

E noun óublidaren dono Lazarino qu'a agu la proumiero idèio de la fèsto e qu'a douna, pèr ansin, uno provo majo de soun amour pèr la lengo dóu brès e pèr soun païs nadalen.

Es en apoundènt nosto voues à la siéuno, que barraren acesto charradisso, en cridan : *Vivo la Prouvènço ! vivo lou Felibrige !*

JAN MONNÉ.



LI NOVO FELIBRENCO

PROUVÈNÇO

— L'*Armana prouvençau*, que, despièi 39 an, porto joio, soulas e passo-tèms en tout lou pople dóu Miejour, vèn tourna-mai de re-parèisse emé sa caro flourido e soun franc rire. Li cascareleto, tre-nado de man de mèstre, nous remèmbron noste bon Roumanille ; tóuti lis ami de l'obro an bouta sa flour dins la garbo souleiouso, e lou crounicaire *F. de Bouscarlo*, que *Gui de Mount-Pavoun* i'a baia sa plaço, e qu'es uno di plus auto persounalita felibrenco, a fa sa plego em'un gàubi e uno autourita qu'es pas de dire.

Es pèr-ço-que la paraulo d'aqueù crounicaire fai lèi, amor qu'a lou dre de parla au noum dóu Felibrige, que nous es en-de-bon de tira de sa crounico lou tros que pinto la situacioun de nostro Soucieta despièi la manifestacioun que s'es facho dins l'acamp de la Soucieta felibrenco de Paris, lou 22 de febrié 1892, e que mostro la rego que dèvon segui li Felibre, qu'es, ni mai ni mens, aquelo qu'ensigno l'Estatut.

Adounc, parlant di declaracioun qu'an segui la manifestacioun di jòuini federalisto de Paris, *Fèlis de Bouscarlo* dis :

Aquéli declaracioun, que tocon à la nauto poulitico, an fa 'n pi-chot reviro-meinage dins lou Felibrige : d'nni an trouva que li jouine passavon la rego ; d'autri se soun entousiasma pèr l'idèio. E vuei, se discuto, un pau d'eici, un pau d'eila, pèr saupre se lou Felibrige se traïra dins lou federalisme, se toumbara dins lou regionalisme, se se countentara d'estre descentralisaire, o bèn encaro, come lou voudrié M. Pèire Laffitte, felibre de Paris, se se fara unitari e centralisaire à s'esperdre e s'abouli, en un mot, à capouna !

Eh bèn, ieu qu'ai la barbo blanco, vous dirai que lou Felibrige sara ço qu'es esta toujour : uno soucieta d'ome libre, aguènt chas-cun l'òupinioun poulitico que ié plaisir, e mèstre de la faire valé

coume ié counvèn, pèr si paraulo, pèr sis escri e pèr sis ate, tóuti li cop que si paraulo, sis escri e sis ate engajaran pas la couleitiveta.

Lou Felibrige es establi pèr afreira e empura lis ome qu'emé sis obro, sauvon la lengo di païs d'O, e li savènt e lis artisto qu'estùdion e travaion dins l'interès o au regard d'aqueüs en-contrado..... Soun enebido, dins lis acamp dóu Felibrige, li discussioun poulitico e religiouso.

Vaqui çò que dis l'Estatut felibren. E papié parlo, barbo calo !

Aro, s'ai un counsèu à douna, es de toujour se garda lou respèt entre felibre meme d'óupinioun diferènto, de se jamai trata d'ene- mi entre Prouvençau, Aquitan, Lengadoucian e bon Francés coume lou sian tóuti.....

E, à la fin, culissèn encaro eiçò :

Tu-tu-pan-pan, voun-voun de tambourin, bachiquello que tout acò ! diran li tésto de lignoto.

E iéu vous redise que dins li voun-voun di tambourin e dins tout acò, i'a lou rounfle de la voues fourmidable d'uno nacioun que vòu pas capouna, que vòu pas mouri, pèr soun dre e pèr la plus grando glòri de la maire-Patrio !

Acò dis, clar coume d'aigo de roco, çò qu'avèn toujour di, que, personalamen, li membre de nostro Soucieta an lou dre d'estre de l'óupinioun que i'agrado e que podon tout faire pèr lou triounfle de soun idèio ; mai que, coume felibre, e dins lis acamp felibren, dèvon leissa la poulitico à la porto.

Acò mostro, mau-grat tout çò que s'es escri de countràri, dins li journau e li revisto, sus lou mouvemen dóu Felibrige e sus « l'evolu- cioun felibreno, » que *lou Felibrige es ça qu'es esta toujour, e que res avié douna messioun, ni lou Capoulié, ni lou Counsistòri, en quau que fugue, de prouclama aut e liuen que, despièi lou 22 de febrié, lou Felibrige avié 'sclapa si tambourin pèr faire escassamen de poulitico.* (Véire, sus d'aqueüe prepaus, la letro dóu Capoulié En Fèlis Gras, au direitor dóu journau marsihés *le Dimanche*, numerò dóu 23 d'8bre.)

— Dins lou darrié numerò de la *Revue félibréenne* de M. P. Marieton, legissèn, en un article qu'a pèr titoulet : *Le rôle des Félibres de Paris et ce que veut le jeune Félibrige*, aquesti mot, sus lou prepaus de mou-

dificacioun à pourta dins lou Felibrige : « La première consistera dans l'incorporation au Felibrige *unon* de la Société félibréenne de Paris, à titre d'école *forano*. »

Noste vejaire es qu'acò 's uno errorr. La Soucieta felibreno de Paris es e dèu resta independènto, car es soun independènci que fai sa forço. Es, elo, coume un iscloun sauvaldis ounte se vènon assousta li despatria que li trigos de la vido bouton dins la necessita de se perdre dins li nèblo de la capitalo : es foundedo pèr uni, afreira, sousteni e liga li cor d'aquéli que soun regretous de soun Miejour e de soun soulèu ; e travao majamen au mantenemer de la lengo , e ajudo, pèr soun autourita, pèr lou poudé dis ome eminènt que n'en fan partido, à l'obre que nous tèn au cor.

La Soucieta felibreno de Paris voudrié-ti se foundre ansin, tout unimen en Escolo ?.. Reçaup, elo, lis ome de tòuti li Mantenènço , or, lis Escolo n'estènt qu'un moussèu di Mantenènço, en queto la faudrié-ti liga ? Es-ti necite que fugue *Escolo fourano* pèr recounèisse l'autourita dòu Capoulié ? — Noun, segur, car a toujour recounèigu aquelo autourita ; e se vòu resta libro, es soun dre, e lou Counistòri meme noun a lou poudé de ié gara soun independènci ; e l'aurié-ti, que ié levarié pas, amor que, pèr lou bèn de la Causo, se la Soucieta felibreno de Paris eisistavo pas, la faudrié crea.

— Lou retrai dòu Capoulié Èu Fèlis Gras, óufert à la Soucieta felibreno de Paris pèr messiés Silvestre fraire, vèn d'èstre plaça dins la salo di sesiho de la Soucieta.

— La sesiho de l'*Escolo dis Aup*, tengudo lou 6 de nouvèmbre, es estado mai que bello. N'en reparlaren.

— *L'Escolo dòu Ventour* es en trin de se constitui, e lou Burèu prouvisorí, carga d'acampa lis adesioun, es coumpausa de messiés Caillet, Maire de Carpentras, Roumié Marcellin, G. Barcilon, Enri Bigot e L. Eymard.

— Vèn de mouri, en Avignoun, Clemènt Fanot, lou campanié de Sant-Deidié, que Roumanille a rendu célèbre en n'en fasènt l'eros de soun pouèmo eroui-coumique : *La campano mountado*. Èro nascu en 1809. Davans Diéu siegue !

— Es lou felibre Louis Charrasse qu'a gagna lou pres dòu sounet à Roumanille, au councours de *la Gourde*, de Nimes, que lou paumarés nous es pa 'sta, pèr encaro, coumunica.

— Remembran i felibre que lou pouèmo de *Santo Madaleno* vai parèisse en un bèu voulume de 600 pajo, traducioun franceso vis-à-vis, emé 65 gravaduro dins lou tèstee uno dougeno foro. Lou libre cossara 20 fr. pèr li souscrivèire, e un especimen sara manda à-n-aquéli que nous lou demandaran.

Aquéu pouèmo en 12 cant, que retrais la vido de la patrouno de la Prouvènço dins la lengo armouniouso que bresihejo à l'entour de soun toumbèu, es à la fes uno obro d'art e de grando erudicioun : li graci de la pouësio se ié maridon gentamen is ensignamen de l'istòri.

— Lou 6 d'avoust, lou felibre Louis Funel s'es marida, à Vènço, emé madamisello Antounieto Audibert. Que Santo Estello flourigue sa draio !

— Lou pai Savié de Fourviero countùnio si predicanço prouvençalo. A Sant-Just, toucant Marsiho, a fa lou panegiri d'aquéu sant ; e, à Marsiho meme, a la 'n outavo per la coumemouracioun di mort, dins la glèiso dis Agustin.

— Boissier, lou cantaire prouvençau, a canta à l'Alcazar uno sceno coumico qu'a fa plesi : *Lou porto-fais à la repoticien de l'Alcazar*.

— Lou valènt Glaude Brun, de Bandou, vèn de publica un pichot libre sus l'agriculturo, ounte a'gu l'eicelènto idèio d'apoundre un diciounari prouvençau-francés di causo de la terro, qu'en francés i'a de mot trop escarrabouious pèr lis espremi.

— L'Escolo de Lerin, à Cano, a recoustituï soun Burèu coume seguis : *Cabiacòu* : Maurise Raimbault ; *souto-cabiacòu* : Enri Giraud ; *secrétaire* : Mario Bertrand, e *treasurier* : Jousè Berenger.

L'Escolo s'acampara tóuti li dímenche à 8 ouro e miejo, 10, carriero di Roso, au segound, pèr faire de leituro e charra de la Causo.

E li felibre de tout païs que passaran pèr Cano e que voudran bén se rendre is acampado ié saran reçaupu emé grand gau.

— E d'abord que ié sian, diren qu'aquéli bràvi felibre de Lerin se boulègon : Enri Giraud, que nous vèn de semoundre soun *Pessu de vers*, alestit *Lou moulin*, estudi de mour prouvençalo en proso ; Maurise Raimbault nous vai douna soun rouman : *Agueto*, flouca d'uno medaio vermeialo i Jo Flourau mantenenciau ; Mario Bertrand preparo un recuei d'aneidoto : *Pèr li cassaire*, e Francés Garbier : *Lou mariage i coumissari*, coumèdi en proso qu'a ôutengu uno mencion d'ounour à neste councours de 1892.

— Tourna-mai lou *catecbisme prouvençau*.

Vès-eici uno letro qu'avèn reçapudo sus la questioun :

Moussu lou Redatour,

Se legis, dins lou numerò dòu *Felibrige* dòu mes d'outobre, à pre-paus de la moucioun qu'ai facho à Manosco, lou 22 de setembre :

« La Mantenènço avié rèn à decida sus la dicho, *foro sesiò*, de Maurras. L'idèo pòu èstre bono, mai, nautre, avian ni à la rebuta ni à l'adóuta. »
l'a 'qui dos fraso. l'a dos error.

1º Ma moucioun fuguè facho en pleno sesiho. Avié demanda la paraulo au coumençamen. Coume l'ouro picavo, lou Sendi s'aubourè emé li mantenèire, quouro rapelère qu'avié quaucarèn à dire. Lou Sendi s'assetè mai, levè mai soun capèu e, la sesiho mai duberto, di-guère davans tòuti, dins la pichoto salo de l'oustau coumunau, emé l'aproubacions vesiblo de tòuti, tout ço qu'avié à dire.

2º La meiouro provo que la Mantenènço èro en sesiho e qu'avié lou dre d'adóuta o de rebuta ma moucioun, es que l'a adótado en efèt. M. lou sendi de Prouvènço, (que fau apèu à sa nauto courtesié emai à sa proubeta de franc Prouvençau) lou pouèto Marius Girard a prounounçia d'éu-meme, en resumènt lou murmur counsènt de touto l'acam-pado, li paraulo de l'adóucioun :

« Vostò idèo, m'a di, es adóutado en principe. »

Em'acò, l'encidènt fuguè claus.

Sieu emé vous, Moussu, amor que sias dòu *Felibrige*.

Charle MAURRAS.

Noste responso sara courto :

Quand avèn di que M. Maurras avié parla foro sesiho, voulian dire en deforo de la sesiho amenistratiuo de la Mantenènço, e acò 's verai : M. Maurras lou dis éu-meme dins sa letro.

E quand, la sesiho amenistratiuo clauso, lou Sendi i'a douna la paraulo, es emé grand gau que l'avèn escouta, sènsa qu'aguessian, *au poun de visto amenistratiou*, à-n-adóuta ni à rebuta sa moucioun, atendu, coume l'avian fa remarca, que pretoucavo lou Counsistòri.

Noste brave Sendi, en disènt que la moucioun èro adótado en principe, s'èro pas demanda se regardavo la Mantenènço o noun. E nàutri, nimai, nous l'erian pas demanda, que l'on es toujour urous d'escouta 'no bello dicho e d'ausi de galàntis idèo.

E sus d'acò viraren l'aigo.

— Li Felibre de la Mar van teni, lou 27 de 9bre, sa taulejado d'autouno, que lou sendi de Prouvènço emé la Rèino, sa chato, ié saran.

Dounaren lou comte-rendu de la fèsto.

— Avian tra de flour sus la bressolo de Pèire Remy, lou selen d'En Roumié Marcellin. Ai ! las ! l'auro d'autouno lis a passido, e la traito mort a sega la floureto en trencant dóu même cop lou cor de la maire. Es vuei sus soun cros que trasèn nòsti pervenco.

— Benastrugan lou valènt Enri Ner e sa gènto mouié, de la neis-sènço de sa felibrihouno Jano-Reinado-Amado...

— Li souscripcioune que la *Cornemuse* a acampado pèr l'obro dóu mounumen de Fournat Chailan, e qu'a fa teni au tresourié dóu Cou-mitat, En Jousè Huot, se mounton au premié de novèmbre au toutau de 577 fr. — Zou ! que lis ami se boulègon !

— La questioun de federalisme fai toujour gasta pas mau d'encro. A pareigu aquesti darié tems, sus d'aquéu prepaus, lis article seguènt :

Dins *l'Etoile des Alpes : Décentralisation et Félibrige*, emé lou brinde d'Abel Laugier à Manosco, que se claus en disènt : « Bève à la des-centralisacioun ; bève à l'unioun dins lou Felibrige ! Vivo la Franço e vivo la Prouvènço ! »

Dins *La semaine*, d'Avignoun, dóu 26 d'8bre : *Félibrige et fédéralisme*, article de Jùli Cassini, bèn pensa e bèn escri, qu'es de founs dins noste sentimen.

E dins *la Cornemuse*, de Marsiho, dóu premié de novèmbre : *Un peu de fédéralisme*, S. V. P., article autamen pensa e finamen escri, pèr Auzias Jouveau. Osco ! avèn toujour di e lou rediren jamai proun, que lou salut dóu Felibrige es aqui : *que les félibres fédéralistes soient fédéralistes si cela leur plaît, mais qu'ils le soient en dehors du Félibrige*.

— Lis *Echos de Tamaris* an agrandi soun fourmat e soun devengu quingenadié.

— Lou Menut de la taulejado de Manosco, tant bèn dessina pèr L. Denis, s'es estampa à Lioun, vers Delaye, e Pau Coffinieres n'a fa la distribucioun. Se poudié rèn trouva de plus galant pèr garda remembranço de nosto escourregudo à Manosco, e trasèn noste gramaci courau au vice-sendi de Prouvènço.

LENGADÒ

— Louis Roumiéux, noste bèl ami, despatria dins lis Americo,
revendra... vai reveni... revèn...

Vès-eici la letro que nous mando de *Buenos-Aires* :

Moun bèu,

Es ieu ! .. — Siés douc pas mort ? — N'en vale gaire mai !

— E bèn, vai, cresieu bèn de plus te vèire mai.

— E bèn, si, me veiras, se Diéu lou vòu, pamens,
Dins dous mes, à pau près, un pau mai, un pau mens. —

— Dous mes, acò's bèn long ; — mai, ai tant de plesi
A retrouva moun cèu e moun nis benesi,

Que me parèis d'aguedre à faire que dous pas,

Pèr saluda Marsiho e sus-tout moun clapas...

Se vos dire la causo i Felibre, lou pos,

A mens que li peissoun m'avalon d'un soul tros ;

Car ma plaço es deja retengudo au batèu :

Me manco soulamen d'engreissa lou rastèu ;

Ai vièii de vint an dempièi que siéu eici,

Dóu marrit sang que me siéu fach e di soucit.

Mai, parlen pas d'acò ; quand nous veiren alin

Quàuqui mot d'amista gariran mi chagrin...

— Es pouossible (te vai ?) qu'anarai demoura...

A Marsiho... Es alor qu'anen nous n'en fourra

De vers, de felibrige, et coetera. Boudiéu !..

An ! parlen plus d'acò ; que l'embrasse.

Roumiéu.

Lou mandadis de noste ami es acoumpagna de dous sounet e lis
enserissèn emé bonur, amor que nous es demanda em'un biais tant ga-
lant ; jujas n'en :

Pos enseri, se vos, aquéli dous sounet.

Li pagarai, Mounnè, se fau, d'un poutounet...

REVENDRAI !

Mai de tres milo lègo, ami, nous desseparon.

Tres milo lègo ! i'a de que ferni, parai ?

Pamens, que, Diéu voulènt, mi forgo se reparon,

Vers moun nis regreta vitamen revendrai.

Creigues pas qu'ici femo, aucèu, flour, m'acaparon.
 Tout estrange que soun, ai bén d'autri varai !...
 Ni « campos », qu'a festa lou printemps se preparon ;
 Ni soulèu, que me fai linguetu de si rai ;

 Ni douço amigueta, qu'en si las m'encadeno,
 Dins aquesto Americo ounte ai per tout tresor
 Reculi que magagno, acampa que descor,

 Lou jure : entre que pèr rebala ma coudeno,
 Sus mi cambo de fléu pourrai me sousteni,
 Ni Diéu, ni diable, rèn saupra me reteni !...

JANO

A ma neboudo Jano Missol.

A toun age, ta maire éro un tant fin moussèu,
 Dins soun esté de fado e soun ande d'aucèu,
 Que li gent dou quartié ié disien : « la Poulido »
 Demandó ié, se vos ; acò jamai s'ublido.

Mai noun — que voudrié pas te l'avoua, belèu —
 Vai davans toun mirau : la veiras autant-lèu...
 De-que n'en pensez, Jano ? Es que dins si culido
 Res acampè jamai floureto niés coumplido ?

T'entènde ; me diras que iuei li jounini gent
 Pèr ama, cercon plus qu'uno causo : l'argent !
 A-n aquéli galant digne de cop de trico.

(Entremen que quausoun vogue se countenta
 D'esperit, de vertu, d'auour e de bëuta),
 Te fau dire : « Esperan . . . un oncle d'Americo ! »

L. ROUMIEUX.

— Lou 22 d'8bre, au teatre di Varieta, à Mount-Pelié, s'es jouga, davans uno salo coumoulo, la coumèdi de Favre : l'*Opera d'Aubai e pièi*, M. Lauvergeon e Millo Kross an canta la cansoun ; *Lous enfants du Clapas*. Lou succès di coumedian-amatour e di cantaire es esta superbe, e n'es à souveta qu'aquegli manifestacioun se renouvèlon.

— Lou 15 d'outobre, en un banquet douna, à Mount-Pelié, pèr lis Escoulan clapassié de l'Escolo di Bèus-Art, se cantè en cor *lou Maset de Meste Roumiéu e la Cansoun de la Coupo* emai peréu se ié bresihè *Las Erbetas*, aquelo tant fresco roumanso dou pintre Marsal, lou valent majourau, cabiscòu dou Parage.

Lou Maset de Mèste Roumiéu a 'no vogo dóu troun de pasdisque : Imaginas-vous que la musico dóu 122 de ligno, en estènt i gràndi manobro, l'a jouga e canta à Bedarriéus emai à Castro. *Li cantaire dóu clapas e li clapassié de Paris* lou canton toujour dins sis acampado, e la *Campana de Magalouna* vèn de tira la segenco edicioun de soun numerò 15, ounte s'atrovo aquelo cansoun, pèr countenta tóuti aquéli que ié demandon.

— A l'oucasioun di festo dóu centenari de setembre, lou mèstre en gai-sabé Pau Gourdou, d'Alzouno, avié coumpausa 'no cantato : *la Limousino*, messo en musico pèr lou mèstre Jan Escaffre, e que la soucieta couralo de M. Francés a cantado à Limous, is aplaudimen de touto la poupopulacioun.

Li mémis autour vènon de coumpausa 'no autre cantato : *La Cassouneso*, que l'Unioun ourfeounico de Carcassouno vèn de metre en repeticioun.

Longo-mai, ami Gourdou, fagues obro de patrioto !

— Dins sa sesiho dóu 9 d'8bre, l'*Escolo audenco* a decida, à l'unanimita, manco uno voues, de manteni aquéu noum pèr qualifica l'*Escolo carcassouneso*, e que de Jo Flourau s'ourganisaran l'an que vèn.

— Lou felibre-abat E. Aberlenc, curat de Cendras (Gard), alestit un bœu voulume de vers, souto lou titoulet de : *Las Covenolos*, que sara precedi d'uno prefaci dóu majourau En Albert Arnavieille. La souscription es duberto encò de l'autour, emai i burèu de la *Cigalo d'or*, au pres de 3 fr. 50.

— Lou 9 d'8bre, l'*Escolo de Jansemín* a tengu soun acamp e a fa festo magnificamen. N'en dounaren lou comte-rendu au numéro venènt.

Aquitàni

— L'acamp de la *Ruche Corrézienne*, à Paris, dóu 17 de setembre, es esta mai-que-mai flame. M. C. Bouyeur i'a canta la cansoun dóu jalous, qu'es poupoplari souto lou noum de : *Marioun* ; Branchet a di lou *Biniou*. M. J. Celor s'es fa aplaudi dins dos cansouneto limousino e uno galejado que sènt lou terraire qu'embaumo, e M. Marpillat i'a larga la noto dóu rire, que cadun n'en a pres tant qu'a pouscu. A miejo-niue s'es clava sesiho emé lou cant dis *Esclots*.

Lou dissate 15 d'8bre, à la salo dóu *Globe*, la sesiho s'es counscrado à la reneissènça literàri dóu Miejour e di pais d'O, couneigudo souto lou noum de *Felibrige*. Es moussu Raymond Laborde, secretari de la *Ruche* qu'a debana l'estamen d'aqueú mouvemen. Se i'es pièi ausi de tros de *Calendau* e de *Mirèio*, de F. Mistral ; de *Toloça* de F. Gras ; de moussèu tira dis obro de Roumaniho, Aubanel, Jansemin, etc., e di pouèto limousin : Jan Foucaud, A. Vialle, M. Caze, Jousè Roux, Celor, Massenat e A. Marpillat.

— Un arresta dóu Prefet de pouliço de Paris, dóu 23 de juliet 1892, autouriso la *Ruche Corrézienne* à se constiuï e à founchiouna regulieramen.

— En seguido de si *Posos Perdudos*, la felibresso Claude Duclos, de Gérdo, nous vai pourgi uno autre garbeto de flour prefumado, que si man de fado an culido long de l'Adour.

— Dins lou roumavage que li gènt de l'Aveiroun faguèron à N.-D. de Lourdo, dins lou courrènt dóu mes de setembre, s'atrovo que mounsegne l'evesque de Roudès, ié faguè au pople uno charradisso en parla rouergat que maravihè tóuti lis escoutaire.

VANEGACIOUN

— Don Sigismond Bouska, sóci dóu *Felibrige*, qu'ero à Prago, es, iuei, à *Macbov u Police n/m, Bouèmi, Autricho*.

— Lou felibre mantenèire Louis Bonnaud, à Marsiho, demoro, aro, carriero Falque, 40.

— La felibresso dono Lazarino Daniel, es à Marsiho, Balouard de la Madaleno, 58.

— Lou mantenèire Maurise Rimbault es à Cano, carriero d'Antibo, 117.

— Lou manco de plaço nous empacho de detaia tout ço qu'a pareigu de bèu dins nosto lengo dins li journau devot à la causo felibenco. Tant en Prouvènço que dins tout lou Miejour, tóuti an fa sa plego coume à l'acoustumado.

Lou Gerent : Jan Monné.

Imprimerie L. DUC, II, rue Chassagnolle, aux Lilas, près Paris.

LA

Reine du Félibrige

é d'or et de gueule à la Perven-
f, d'azur à la couronne royale
it. Ecu sur le tout, les armes
ur à la chèvre rayonnante d'or

le prévoyais, les deux
j'avais pris l'initiative,
dissolublement les senti-
tion confraternelle qui,
endus plus apparents que
neur et la gloire du Féli-

intime, plus familiale mais
que celle de Marseille plus
us solennelle.
uels, où les discours les

plus sérieux sur la marche et les progrès de l'action provençale et provinciale, ont été écoutés avec un recueillement et un intérêt qui donnent le plus formel démenti aux calomnieuses plaisanteries de certains critiques, nous avons constaté mon ami Marius Girard et moi, avec une joie indicible, l'attrayante et irrésistible influence de celle qui personifie en Elle, selon sa devise, l'amour de l'art et de notre chère Provence.

Quelle reconnaissance ne devons-nous pas avoir envers cette poétique jeune fille de vingt ans, qui a pris au sérieux son rôle de pacificatrice, en allant présider avec son père, le syndic de la maintenance de Provence toutes les assemblées félibréennes qu'elle illumine de son irradiante bonté ! Les armes allégoriques qu'elle a adoptées, (1) disent bien ses aspirations d'artiste musicienne et ses devoirs de Reine en symbolisant l'harmonie de la musique et la modestie de la pervenche sous la couronne de l'olivier de Paix.

Tendrement et respectueusement filiale avec les anciens, les *Reire*; fraternellement amicale et simplement camarade avec les jeunes, quelles que soient leurs opinions, elle accueille tous les hommages, non pour elle mais pour la cause qu'Elle représente, avec une joie enfantine dont les naïves et bienfaisantes effluves fondent dans un accord unanime tous les germes de division ou d'hostilité ! Notre arrivée à Marseille, où les membres de l'*Ecole de la mer* avaient oublié de venir au devant d'Elle, n'a pas même effleuré sa sérénité. L'on a pu s'en convaincre par son inépuisable affabilité

(1) Ces armes ont été composées et dessinées par Alban Coffinières. L'original, peint sur satin rose, a été offert, sous forme de bannière, à la jeune Reine lors du banquet de l'école de la mer.

pendant huit heures consécutives où elle a brindé, chanté, déclamé et joué au piano avec un entrain et un talent qui l'ont consacrée une fois de plus Reine Provençale.

Quoiqu'en disent certains pessimistes, qui voudraient vous confiner dans le Gynécée de Saint-Rémy, continuez, démocratique Souveraine, à prendre votre rôle au sérieux et pendant la durée de votre septennat vous attirerez à vous, c'est-à-dire au félibrige, toutes les intelligences, tous les esprits et tous les coeurs. Vous ramènerez dans le giron de notre Renaissance ceux qui, à Marseille surtout, semblent vouloir en secouer le joug et remplacer son admirable unité par des coteries individuelles!

Ce sont d'abord les sceptiques inconscients ne cessant de rééditer contre notre œuvre les faciles sarcasmes qui n'ont jamais pu l'entamer depuis près d'un demi-siècle et puis surtout quelques anciens félibres trop facilement désillusionnés que le dépit, l'ambition où le désir de se singulariser ont lancé dans des voies diverses représentées par trois publications bien tranchées. L'une ne voulant pas accepter le dialecte Rhodanien, qui devait amener dans un temps très peu éloigné l'unité de la langue provençale, affecte de n'employer exclusivement que l'orthographe marseillaise. Devenue vite populaire par le talent de ses principaux rédacteurs, elle n'en concourt pas moins à l'extension et au développement de la Cause provençale. L'autre qui considère le fédéralisme comme un symptôme de démembrément pour la France, rêve des Félibres tellement perfectionnés que Mistral lui-même ne réunirait pas toutes les qualités nécessaires pour en faire partie. La troisième, enfin, sans objectif et sans but, n'a été fondée que pour se venger d'une

exclusion volontaire qui a atteint son fondateur par sa propre faute et par pur caprice.

La visite de notre jeune Reine a déjà produit une détente sensible : Louis Astruc malgré son absence intentionnelle du banquet, lui a adressé un galant brinde provençal qui n'a pas été lu à cause de son arrivée tardive et Joseph Gautier a exprimé dans son journal le regret de n'avoir pu assister à ces agapes.

Or le Félibrige est semblable au soleil, dont il émane et comme lui,

..... poursuivant sa carrière
Verse des torrents de lumière
Sur ses obscurs blasphémateurs

Paul COFFINIÈRES.



Supplément au Journal "Lou Félibrige"

Les Echos de Tamaris et le Félibrige

LA

REINE DU FÉLIBRIGE

Par PAUL COFFINIÈRES

Cabisoû de l'escola de Tamaris

Vice-Sendi de la mantenenco dé Prouvenço per lou Var et lls Aups-Maritime

LA SEYNE-TAMARIS-S-MER



Extrait des *Echos de Tamaris*, N° 38 et 39, des 1^{er} et 15 décembre 1892. (Abonnement, 6 francs par an).

LES

Echos de Tamaris

et le Félibrige

« ... mes compliments pour tes échos sonores et leur
« excellent esprit.

« Tu sies la troumpo que publico!
« E sies la man que trais lou gran! »
Ton vieil ami,

MISTRAL.

Maillane, 23 octobre 1892.

Le félibrige traverse en ce moment une crise qui promet d'être féconde. Il ne s'agit de rien moins que de modifier notre état social dans le sens le plus conforme aux idées démocratiques modernes. Non pas que les jeunes fédéralistes aient rien inventé de nouveau, car ce qu'ils demandent aujourd'hui était déjà en germe dans la création du Félibrige ; ils n'ont fait que précipiter le mouvement par leurs manifestes. Pour les esprits superficiels cette association semble n'avoir eu pour but que la renaissance de la langue provençale, tandis qu'en réalité ce n'était qu'un des moyens destinés à rendre aux provinces leur vitalité propre pour reconquérir leur autonomie et lutter contre la centralisation absorbante de la capitale. Depuis plus de 40 ans, nous les *Reire*, nous avons propagé partout, grâce aux chefs-d'œuvre des grands poètes

provençaux, les idées de décentralisation et de régionalisme et, parfois même, poussé l'audace jusqu'à parler vaguement de fédéralisme, l'objectif idéal vers lequel tendaient nos sentiments et nos aspirations, sans oser croire et encore moins affirmer qu'il se réalisera jamais. Les jeunes, plus courageux et plus hardis que nous ne le fûmes, encouragés par l'évolution prédicta par Mistral en 1890 à Marseille (1) et par les instincts si libéraux du nouveau capoulié, Félix Gras, ont arboré carrément le drapeau de l'indépendance politique des provinces. Dieu sait le retentissement qu'a eu dans la presse et au sein des populations la proclamation de leur programme à Paris, le 22 février 1892 en présence du capoulié.

Les timides et les faibles ont été effrayés de tant d'audace, craignant que le mouvement un peu tumultueux qui en a été la conséquence n'entraînât un éparpillement de forces nuisible à l'unité du félibrige. Les autres qui prétendent voir dans le fédéralisme le démembrément de la patrie française, en ont profité pour annoncer, avec une certaine joie intérieure, la division de cette vaste association qui s'est étendue dans ces dernières années à toutes nos provinces méridionales. Cette troublante émotion, entretenue par des manifestations successives au sein même des grandes réunions félibréennes, s'est bien vite calmée et est devenue le mobile d'une agrégation et d'une concentration plus énergique et plus indissoluble encore entre tous ses membres...

(1) Discours de Mistral au banquet des félibres de l'Ecole de la Mer, à Marseille le 9 novembre 1890.

Conférence par Paul Coffinières, à Marseille sur le « Félibrige et le Régionalisme », le 28 novembre 1890.

Les fédéralistes l'ont si bien compris que leurs deux porte-paroles les plus autorisés m'ont écrit : Charles Maurras « *Les idées régionalistes soutenues par les Echos de TAMARIS sont si voisines des nôtres qu'elles se confondent presque avec elles* » et Xavier de Ricard « *notre journal combat au fond le même combat que nous* ». Amouretti, Bertas, Marius André et le jeune Joachim Gasquet se sont empressés de reconnaître que leurs plus solides alliés, étaient les félibres de la première heure, à la condition que ce mouvement fédéraliste ne se confondit pas avec le Félibrige.

J'ai pu m'en convaincre dans la tournée que nous venons de faire avec mon fils, d'abord à Maillane, chez Mistral, l'incarnation et la gloire de notre renaissance provençale, dont la lettre insérée en tête de cet article, ne peut d'ailleurs laisser subsister aucun doute ; ensuite à Saint-Rémy, où nous nous sommes trouvés en parfaite communion d'idées avec le vaillant lutteur, syndic de la Maintenance de Provence, Marius Girard. Sa fille, cette reine idéale, artiste-musicienne consommée, élevée dans le giron du félibrige, ne voit pas avec déplaisir son poétique empire formé de la fédération des diverses régions dont elle est la souveraine.

Les membres de l'école du Floréje, capoulié en tête, malgré des dissidences très accentuées, se sont réunis en un banquet confraternel, lors de notre passage à Avignon, et ont consacré dans une unanimous touchante l'unité inaltérable du Félibrige malgré les opinions les plus divergentes en politique comme en religion. Ils reconnaissent tous que Décentralisation, Régionalisme et Fédéralisme sont les trois étapes nécessaires de l'évolution félibréenne qui se produiront successive-

ment au fur et à mesure de l'instruction et de l'éducation populaire des masses ; mais que la société des Félibres doit y rester étrangère en tant que société ; chacun de ses membres conservant sa liberté d'agir dans la plénitude de ses sentiments et de ses idées, sans que ses écrits et ses actes puissent engager en rien la collectivité.

Le lendemain à Arles, en l'absence regrettée du cabiscoù *Meste Eisseto*, les félibres et les membres du cercle artistique, qui sont tous dévoués à notre cause et l'ont prouvé par leurs chaleureuses et enthousiastes réceptions chaque fois que nous allons passer quelques instants au milieu d'eux, partagent les opinions émises dans les *Echos de Tamaris* qui font une juste pondération des idées dont ils ont suivi depuis l'origine les développements successifs.

Enfin dans la capitale de la vieille Provence, à Aix, les membres de l'Ecole de l'Arc ayant à leur tête l'éminent historien du Tambourin le cabiscoù F. Vidal, ont fait aux représentants des *Echos de Tamaris* une réception plus significative encore. Non seulement ils ont adhéré à notre programme de conciliation y compris le savant professeur Constant, un des adversaires des idées nouvelles, et le jeune et ardent Félibre fédéraliste, Gasquet, l'*alter ego* de Maurras, mais encore ils ont reconnu que les dénominations de décentralisation régionalisme, fédéralisme, représentaient avec des différences de tempérament, une tendance commune vers le même but, tendance qui a toujours été l'essence même du Félibrige, et que ce mouvement doit s'opérer en dehors de lui, ni pour, ni contre, mais avec le concours de tous les félibres individuellement qui ne peuvent manquer de s'y rallier.

Ces sentiments d'intime union ont été exprimés au nom de tous par Hyppolite Guillibert, l'impeccable et inépuisable poète des triolets, cette forme si délicate et si originale des troubadours du moyen-âge qu'il a si brillamment ressuscitée.

Au Cabiscoù Pau Coffinières

direitour dis Echos de Tamaris

Au beù mestre de Tamaris
Flahuten l'aubade Larenco,
La jouvenço sempre mai ris
Au beù mestre de Tamaris.

Me sis « Echos » pertout flouris
La flamo ideïo felibreno!
Beù cabiscoù de Tamaris
A tu nosto aubado Larenco!

Lou triouletaire de Lar
GUILLIBERT.

Ces grandes questions vidées, au milieu de la plus franche cordialité, et le diner terminé par quelques brindes émus de part et d'autre, le cabiscoù a profité de la présence du *délégué des cigaliers et félibres de Paris* pour élaborer le programme des grandes fêtes qui auront lieu à Aix au mois d'août prochain, en l'honneur du passage de ces derniers. Sur le désir exprimé par la municipalité Aixoise, il a été décidé que pendant toute leur durée, aucune allusion politique ne serait faite dans ces réunions exclusivement provençales.

Nous allons tous nous retrouver, sous la présidence de la jeune reine du Félibrige et du syndic de la maintenance de la Provence, le 26 novembre

à Aix, pour l'inauguration du bureau récemment élu de l'Ecole de l'Arc et dimanche 27 à Marseille, pour le banquet annuel de l'Ecole de la Mer. Dans ces deux grandes assemblées, tous les malentendus qui ont pu exister, seront dissipés grâces à ces sentiments d'inaltérable confraternité qui, depuis 40 ans, unissent dans le bleu, au dessus de toutes les divisions d'opinions et de partis, les membres de cette grande famille provençale,— fondée par sept jeunes et gais chanteurs — devenue aujourd'hui légion.



Adounç gramaci, bon counfraise e bèle ami, countunias
vosto grando obro pouetico, patrioutico e naciounalo.

Sieu émé vous de cor

FÉLIX GRAS

Capouliè du Félibrige.

Avignon 12 d'abriéu 1892.

A Pau Coffinières

A vosto obro Dieu souris
Lis *Echos de Tamaris*
Esparpaïon en Prouvenço
Li pantai de la jouvenço,
E s'en van fin qu'a Paris
Moûre dins la capitalo
La grand questionn Regiounalo...
A vosto obro Dieu souris
E voste journau flouris.

Alphonse MICHEL

Ex-rabiscou de l'Ecole des Félibres de la Mer.

Marseille, 20 août 1892.

CROUNICO

TAULEJADO MARENCO

DÓU 27 DE NOUVÈMBRE DE 1892

Lou 27 de nouvèmbre de 1892, en seguido de la cunvidacioun de noste cabiscòu, s'acampavon, en sesiho autounalo, li Felibre de la Mar, dins un banquet freirenau, douna à l'*Hôtel de Marseille*, souto la graciouso presidènci de gènto e avenènto Na Mario Girard, Rèino dòu Felibrige.

Avien respondu en aquelo rampelado, li sendi e vice-sendì de Prouvènço, li majourau marsihés, li cabiscòu d'Escolo, li mantenèire dòu Felibrige e lis escoulan de la Mar : patroun, marinié, ajudaire e mòssi. I'eron peréu noumbrouso, pèr faire courtege à la Rèino, li dono e chato di sòci, li manteneiris dòu Felibrige e li Sereno de l'Escolo de la Mar.

La taulado prenié pèr l'iue. Eron vengudo s'agroupa e se desver-touia en garlandó flourido, tout à l'entour de la taulado, coume dòu tèms de nòstli Rèino dis Aje-Mejan, aquéli fado encantarello au gaudi enebriant, à l'esveltesso graciouso, à la bèuta meravihouso : li coum-tesso de Signo e de Roumanin ; Na Guisol, la gènto dono de noste cabiscòu e sa deliciouso chatouno Roso ; Na Barreme, l'avenènto dono de noste souto-cabiscòu ; li dos Lazarino, perlo de nosto Escolo : la Cravenco e sa chato, la Manousquino qu'acoumpagnavo la chatou-neto d'Artou ; Na Moricelly e soun amistadouso chato, arderouso

Prouvençalo, que segoundo tant bèn soun marit dins tout ço que fai de noble e de grand pèr la plus grando glòri de Prouvènço ; Na Cat-torini, la tourvenco, esa chato, que li Felibre s'empre se remembraran sa graciè bello.

Pièi, li delega dis Escolo vesino e di soucieta amigo : Pau Coffinieres e soun fiéu, l'afouga secretari dòu Limbert tamarisen, qu'avié pinta lou blasoun eraldi de la Rèino, aurisflor magnifisque de sedo, i coulour naturalo, adournant la salo, que fasié gau de vèire ; Roman, soutocabiscòu di Laren, e Gasquet, delega d'aqueloo Escolo ; Galicier, que representavo li *Mardistes* ; l'estramboudant P. Bertas, de l'Acioun prouvençalo ; Abel Laugier, de l'Estello dis Aup, d'en Gavoutino ; Ssenosa, lou melicous escrincelaire de rimo ; Chrestian, de Brignolo ; Vidau e Jurand de Nimes ; l'estampaire Aubertin ; Agustin e Toumas Roux, li pouèto musicaire, e L. Roux, lou jouve jonglaire di rimo ; lou pouèto Aguste Rol, qu'a sachu marca sa draio e se faire ama e legi de tòuti, pèr la vigour de si vers e lou pintouresc de si tablèu ; la familo di Negre, paire-grand, aujolo e felen ; Enri Daniel, improvisatour d'clèi ; Vedrines, que manco pas un soul de nòsti banquet ; Max-Feraud, Guichard, Ramel, G. Maurin, que regretan de pas vèire mai souvènt ; e, se fau n'en dire mai encaro, en estènt que la tiero n'es longo, nòsti bèn-ama decan : Marius Bourrelly e Tavan ; lou galoi cantaire dòu *Flasquet* ; lou majourau Huot ; lou burèu di Maren, e n'oublide de segur ; mai, que me perdounon aquéli que si noum m'escapon : la litanlo tirarié trop de long se falié nouma li 80 taulejaire, sènsou coumta aquéli que, regretous de noun respondre au ram-pèu, an manda si regrès amistadous.

Lou menut galant semioundié, pèr PITANÇO, de *Cambajoun dis Aupiho* e de *saussissot d'Arle*, de *Pèis dòu Gou, sausso sarrasino*, de *Biòu de Crau, grando manado* ; de *Voulajo à la Rèino dei Felibre* ; d'*Alauseito gascouno à l'aste* ; d'*Ensalado de St-Roumié*, la *Boumbo felibrenco*, e pèr DESSERVO, de *Groumandugi de touto merço*, de *Cafè e liquour* ; e, tout acò, arrousa dòu Vin de la Nerto, de Gravo e di costo bourdeleso, e de Champagno pèr li brinde e li cansoun.

Brinde e cansoun èron lou plat lou plus galant dòu repas, deliciou-

samen alesti pamens. E, de-segur, sènso facha Cattorini, aquéu plat n'es esta lou meiour de tòuti. Es neste cabiscòu Paulin Guisol que, lou premié, durbis lou liò en souvetant la bòn-vengudo à la Rèino. Soun discours, clasi de remembranço felibrento, lou vejo-eici :

Midamo, Messiés e gai Counfraire,

Dison, lei libre sant, que lou renoum de la sagesso e de la grandour pouderouso díou rèi Saloumoun, s'estènt espandi de tout caire, un jour, de-vers éu, venguè la rèino Sabo, dóu fin founs de l'Ouriènt, pèr lou bela.

Es que, pèr cop d'asard, l'Escolo de la Mar qu'a vuei lou bonur de reçaupre la vesito amistouso de la bello e gracieusso Rèino dóu Felibrige, — courounado i'a siès mes, sus lou naut planesteu de l'antico villo di Baus — es que, nosto Escolo aurié 'spandi, deis Aupiho à la mar, un renoum, un trelus digne d'un tal ounour ? Lou crèsi pas, ieu, en estènt que, coumo cadun va saup, despuei que lei Maren an fisa la barco e leis aràngi à-n-un navegaire coumo voueste cabiscòu, s'es pas troup parla d'éli, coumo n'en es dei brâvei fiho...

Venès, pèr countràri, de-segur, o gènto segnouresso, dei bord de Durènço, ounte se parlo tant galantamen nouesto lengo, nous dereviha de nouesto som e nous aduerre, emé vouesto graci e vouesto esberlugantò bèuta, la flamo qu'ensioco lei cor, que pougne lei voulounta, qu'enauro l'amo, e qu'acampo *lis autri jouissènço que tremudon l'ome en Diéu !*

Dùvi, en aquelo óucasien, mei gramaci courau à voueste brave paire, noueste valènt sendi de Prouvènço, En Marius Girard, qu'a tengu, en ome de paraulo, l'escoumesso que me faguè, l'ia tres mes à Manosco, de nous mena eici la Rèino dóu Felibrige, pèr l'acamp autounau de l'Escolo. En verita, ai tòuti lei bounur, ieu : à Manosco, aguère, lou sabès, l'ounour de benastruga lou venerable fiéu dóu precursor Tous-sant Abriéu, que festejavian eilamount, e vuei, ai aquéu, bòn flame, de vous benastruga vous-même d'avé 'no tant gènto fiho, e d'assista, urous paire, au triounfle de sa reiauta !

Veici dounc l'Escolo de la Mar, establido despuei quinge an pèr noueste majourau En Aufrèd Chailan, lou digne fiéu de Fourtunat, un autre precursor que l'alestissèn, aro, un mounumen digne de soun talènt ; la veici acampado dins aquéu bèu palais, qu'es devengu l'oustau dei Felibre, emé seis escoulaus sèmpre afouga pèr nouesto toco, caminant

dins la draio dubèrto pèr nouésti davancié, draio qu'es vuei un camin larg e triounflau, frucho dei prougrès que, despuei trento an, a fa l'engèni de nouesto parladuro.

N'es pas de dire : mai, li a de que èstre fièr en pensant que nouesto lengo mespresado aièr, parlado pèr leis umble soulamen, es devengudo aro, gràci au Felibrige, uno parladuro envejado, amirado e reabilitado coumo es pas de crèire ; n'es-ti pas un ourgueui de saché que lou prouvençau, à l'esclusien dis àutreis idiomo de noueste païs, es ensigna vuei dins nouéstei Faculta franceso e tourna-mai dins l'estrange païs, au Nord, majamen en Alemagno, dins mai de dès Universita, ounte de mestre saberu esplicon Mirèio, coumo Virgèli e Oumèro.

Tout acò vous mouestro dounc l'apreissamen deis ami de nouesto causo, pèr veni s'assetà à la taulo freirenalo dei Felibre, ounte vènon emé nautre béure à la coupo santo, e s'empli lou couer d'aquéleis esmóugudo fouerto, d'aquélei jouissènço de l'esperit, que dirias de pantai divin !

Es à Roco-Favour, en 1878, lou bèu jour de Santo-Estello, encò de l'oste Arquier, dins aquelo couumbo souloumbrouso e bello, clavado au couchant pèr lou pouent gigantas qu'aubourè Mountricher, es aqui que, pèr la proumiero fes, me siéu trouva en compagno emé lei Felibre. Frederi Mistral, alor Capoulié, presidavo ; lou bon Roumanille, gardaire de la Coupo catalano, èro en faci, e tout à l'entour de la taulo apéraqui cènt felibre lei belavon coumo ieu, e s'enebriavon dins leis estrambord dei cant e dei discours flamejant. Aqui, un spectacle qu'óublidarai jamai, me bouleguè lou pitre coumo pode pas vous dire : Roumanille, l'ardènt realisto que venié d'espeli seis *Entarro-cbin*, lou veguère sauta 'u couele de Clovis Hugues, à la tignasso sarrasino, qu'avié, éu, larga de supèrbeis estrofo à la Prouvènço ; e baio-tu, baio-ieu, que lei picamen de man aclapavon aquelo sceno superbo ! Lei dous polo si toucavon !.. E tout de long de la dinado e de-countùni, de sceno pariero nous esmóuguèron. Alor lei nèblo me toumbèron deis uei, e veguèri aqui quete estrumen de pas, d'unien e d'apasimen èro lou Felibrige, que couneissiù pas jusqu'alors. E vès aqui que, coumo Sant Pau, atrouvant à Roco-Favour moun camin de Damas, me counvertiguèri au Felibrige.

Mi perdounarés, Midamo e Messiés, se vous pàrli tant de ieu. Ço que vous diéu ansin es ma counfessien ; e moun perdoun, lou viéu dins vouéstei sourrire.

Enterin, pougnegu pèr aquelo idèo de l'influènci dóu Felibrige pèr l'unien entre gènt divisa dins ço que nous estrao lou mai, coumo la poulitico, leis interès, e que sàbi ieu ? mi fau ounour de dire eici que siéu bessai esta, à parti d'aqui, un d'aquéli qu'an lou mai countribui à faire nèisse tóutei leis óucasien que dounon neissènço en de resultat tant fourtificant e tant bèu !

Es ansin, sènsa doute, qu'an pensa aquéli valènt Cigalié de Paris, dins seis darriéri escourregudo à travès dóu Miejour, despuei lou Rose enjusqu'ei Pirenèu. Pertout ounte li avié 'no memòri à reviéuda, uno celebrita óublidado, éli, leis an ressuscitado en pausant de maubre e de buste en soun ounour, en de fèsto memorabolo, e davans de pouplacien trespourtado e tresfouolido d'aquéli soulennita. Lei fèsto de l'an passa, celebrado à Valènço, à Bèu-Caire, à Tarascoun, en Arle, au Martegue, à Marsiho, Touloun, Grasso, à-n-Antibo, em'à Niço, pèr lei Cigalié uni ei Felibre, encaro tóuti vivènto, an laissa 'no traço que s'escasara pas de long-tèms dins lei remembranço publico. E, pèr ço que nous arregardo de plus proche, pèr nous autre Felibre de Prouvènço, que faudrié-ti pas dire d'aquélei bèlei rejouissènço d'Alès, de Tourves e de Manosco ?

A Tourves, pèr eisèmple, à Tourves moun païs nadau tant aimé, — ounte li siéu esta pèr quaucarèn, bessai — s'en parlara long-tèms dei festo dounado à la memòri dóu bouen mège Leoun d'Astros, lou fin tabulist, ounte leis tres Escolo vesino li avien manda sei sòci lei mai distingui. Es aqui que, pèr ounoura aquéu précurseur de nouesto causo, au mitan d'un pople espetaclous vengu dóu vesinàgi, mai de quinge cènt Tourven esparpaia un pau de pertout, soun rintra dins sei sougau à noueste rampèu, pèr temougna dins de manifestacièn espoustantado e tresfouolido, sènsa poumpo óuficialo, tout ço que lou patrioutisme e l'amour dóu païs nadau pòu enfanta, en faci d'uno glòri loucalo, tirado de l'oublit e enaurado pèr l'admiracièn e la reconueissènço. Mai ço que li a'gu de mai sutieu e de plus fourtificant, es que de gènt, de famihi divisado pèr de ressentimen e de vièii rancuro, se soun, aquéu jour, reconciliado dins l'estrambord e la joïo coumuno !

A Manosco, enfin, lou 22 de 7bre passa, à l'acamp de la Mantenènço de Prouvènço en l'ounour d'un autre précurseur : Toussant Abrieu ; dins aquelo gènto viilo deis Aup pamens souesso divisado, avèn-li pas vist emé la memo satisfacièn, republican e mounarchisto que se poudien pas senti, se raproucha coumo à Tourves, e se trouva encanta e urous

au même banquet, ounte maire, counsèu radicau, felibre e counservator, an festeja à-de-rèng, e la festo naciounalo e lou felibre manousquin dins uno unien magnifico ?

Eh bèn ! digas-mi 'n pau, quétis àutrei festo, quèntis àutreis óucasien, quèntis àutrei soucieta, groupo musicau, literari, mutuau, sabènt, socialisto se voulès — quau que fugon ! — digas-mi s'un soulet d'entre éli, o tóutei ensèn reuni, souu capable, coumo dins nouésteis acamp felibren, de metre tout un pople d'accord, de nivela tóutei lei voulounta, de faire batre qu'un couer, de descracina lei viëii divisién, e de metre à la plaço la councordo e la pas ?

Ah ! lou vias bèn, li a que lou Felibrige pèr fa de tau miracle. Es que, éu soulet, a lou poudé soubeiran d'evouca, de fa renèisse tout çò que li a de plus grand, de plus noble, de plus aut : la remembranço dóu passat, de nouésti rère, de nouesto istòri, de la lengo meiralo, de nouesto enfanço, d'un proumier amour, de tout çò, qu'en un mot, nous vai au couer ! Es éu que nous rememourié l'oustau, l'amèu, lou vilàgi, lou clouquié, la fouent, enjusqu'au cementèri ! Es la pichoto patrio que fa nèisse l'amour de la grando patrio e que nous enauro au dessus de tóutei lei misèri mesquino, de tóutei lei terro-au-sòu, que nous rouigon e nous giblon ; es lou Felibrige qu'enauro nouésteis amo, que purifico nouéstei sentimen e que nous revèlo lou bèn, lou juste e lou verai ! Es coumo acò d'aqui, lou vias, que lei gràndeï causo, si pôu dire, aduon lei grands efèt.

Garden dounc lou Felibrige emé si grandour, soun caratèro vertadié, soun envanc libre e soun prestige ! Après lei counquisto qu'avèn facho, demouren tranquile e ferme souto d'aquel aubre gigant, qu'an planta nouéstei rère ; aparen-si souto soun oumbro bensasènto, e garden-si bèn de sagata sei jitello vivo e d'esperdre sa sabo, se voulèn manteni sa resplendour, e se nourri, sèmpre, de sa fruchu rousenco coumo l'or e tant melicouso !

Lou sendi de la Mantenènço a respoundu en fasènt ressourti lou coustat mourau e soucian dóu Felibrige. Escoutas si paraulo qu'an auboura de trounadisso de picamen de man de touto la taulado :

Messiés e ami,

Avans de pourta moun brinde à l'Escolo de la Mar, vous demande la permessioun de dire quauquui mot en ma qualita de Sendi.

Vous esmóugués pas : sarai court, mai noun coustié.

Desempièi li festo di Baus, d'Uzès e de Manosco, ai bèn tant recaupu de letro que ié vau respondre eici uno fes pèr tòuti.

Es verai, es bèn verai que despièi li tournaido cigaliero e felibreno di Parisen que davalon dins lou Miejour tòuti li dous an, li causo an chanja.

Li Cigalié estènt pèr la majo-part de journalisto e de deputa, e li festo felibreno s'estènt fachò dins aquésti darriéris annado em'éli dins quàsi touto la Prouvènço, dono Poulitico qu'a la marrido abitudo de veni se mescla de çò que noun la regardo ; dono Poulitico qu'avie toujour vist que de la fenestro çò que se passavo dins lou palais feli-bren, a fini pèr intra quauqui fes dins l'oustau.

A l'ouro d'ieu, fau bèn lou recounèisse, forçò de nòsti festo felibreno soun ourganisado pèr li Municipalita ; i'a dounc, à la taulo dóu festin, plaço pèr lou Maire, li counseié municipau, li senatour e deputa ; li felibre soun aqui même, de fes que i'a, qu'à titre d'envita.

Fau-ti se plagine d'aquel estat de causo ? Lou crese pas.

Li Cigalié (sarié injuste de lou mescounèisse) ajudon e travaion pèr la Causo, e pièi aquel espandimen es la cunsecracioun de l'obro, d'aquel obro que, pèr ma part, ié travae desempièi 34 an, e 34 an, messiés, es pa 'n jour.

' Lou Felibrige a subre-tout pèr enemi, e enemi implacable, li mié savènt e li picot bourgés parvengu qu'an gagna quauqui sòu en troumpant lou vesin sus la qualita e proun souvent sus la quantita de la causo vendudo e que (s'acò fai pas susa !) tout lou sant jour de Diéu, espeion lou francés e renègon la lengo maire, la lengo d'O, qu'apèlon un patois.

Lou Felibrige a de mai contro éu li fru vermenous e se de tòuti li literaturo, d'aquéli que, counéissènt rèn dóu parla e de l'istòri de Prouvènço, tabasson à grand cop de masseto sus lou tambourin, e picant tantost sus l'arescle, tantost sus la pèu, finisson pèr creba l'eslrumen e faussa lou flahutet.

Aquéli gènt, Messiés, fau li coumbatre pertout ounte s'atroyon e li coumbatre de-longo !

E aro, leissas-me vous lou dire, lou Felibrige, vist dóu constat souciu que fai de mai en mai taco d'òli, es pèr ieu l'enauramen di classo pauro : di païsan, di journadié, di porto-fais, di rusticaire de tout biais ; la reabilitacioun, s'ansin se pòu dire, dis umble, di paure, di deseireta

de la fourtuno, que soun resta, éli, fidèu à la Prouvènço, à sa lengo, à sis us, à si coustumo, à si tradicioun, à si legèndo, à si crèire, à si cansoun, à si jo, au masclun e à la fierta dis àvi.

Fau bèn vèire li causo coume soun, pamens. Sian plus au tèms que Berto fielavo, que li troubadou anavon de castelas en castelas, la violo i man e la cansoun i labro, canta lou virolai, la pastourello o la roumanso d'amour, pèr un cop d'ieu de la castelano o la soupado bèn servido d'un segnour jouisous e bono-voio.

Fau èstre de soun tèms !

Auboura lou pople d'O pèr sa lengo, i'aprene soun istòri e soun passat, lou rèndre meiou au mejan d'uno literaturo sano, mouralo e forto, messo à sa pourtado ; i'aprene si dre en meme tèms que si devé ; i'ispira lou respèt de tout ço qu'es sant, de tout ço qu'es bèu, de tout ço qu'es grand, de tout ço qu'es ounèste e juste.

Ié fau aprene, en aquéu pople, coume tambèn l'a di lou Mèstre, à jamai rougi de sa lengo davans quau que siegue, sa lengo estènt uno lengo franceso.

Vaqui lou grand coustat mourau e soucian dou Felibrige. Aqui es lou devé, aqui es la digneta, aqui es la toco !

E aro, Messiés, avans de m'assetta, auboure moun got e beve à l'Escolo de la Mar ounte ai lou bonur d'avé tant d'ami, e de bons ami !

Es pièi lou majourau Marius Bourrelly que, dins un sounet bissa, a saluda la Rèino.

Lou secretàri de l'Escolo a pourta, tant en soun noum qu'au noum di sòci e di Sereno dis estrange païs, lou brinde que seguis :

Rèino,

l'a panca sièis mes qu'en pleno terro baussenco, sus lou planestèu d'aqueu castelas que fuguè la vilo di Baus, e que tant de princesso avien enlusí de si sourrire, lou Felibrige, d'uno voues unenco, vous aclamè pèr sa Rèino. Ferniguèron de plesi, li rouino espetaclouso d'aqueu nis d'aiglo qu'emé soun crid d'inchaiènço : *A l'asard, Bautesar !* avié tengu tèsto en totu li segnour de Prouvènço. Tremoulèron de joio, souto nòstis aclamacioun, aquéli vièii paret goutico, encuei de-baussado, e qu'avien, darrié si ro, acata la valour de nosto raço.

La coumeto di sege raioun, que pourtavo esfrai de tout caire, treluisiguè tourna-mai dins sa clarour antico, souto la resplendour pacifico

de l'Estello di sèt rai, neste lum e neste simbèu ; e lou galant rire de Clareto di Baus, e la bèuta d'Ugueto d'aquéu meme oustau, e li bòni gràci de tòuti aquéllis amour de chato e dono di Court d'Amour, trevallo di roco giganto e dòu Trau di Masco, iluminèron subran nòsti fèsto e devouriguèron de poutoun melicous li labro vermeialo di chato e di dono : countessos de Signo e de Roumanin, (m'es un ounour de li saluda en voste noum, Maren, dins aquesto taulejado qu'adornon de sa gràci e de sis amabileta) countessos d'Avignoun e rèino de Prouvènço, qu'alor coume au-jour-d'iuei fourmavon vosto Court d'amour, tout en ié disent : *Mignoto bello, nous fasès revêteure nostro bello jouvènço !*

I'a pas d'acò siès mes, avenènto Rèino, e despièi d'aquéu jour benesi ounte nous fuguè douna, esbalauyi de vosto gentilessò, d'amira vòsti gràci e de bela vosto hèuta, tout lou Felibrige a tengu à ounour de veni pausa à vòsti pèd l'oumage de sa recouneissènço e de sa fidelita devoto à la Causo sobre-bello que persounificas tant galantamen. D'un caire à l'autre de Prouvènço, d'Aquitàni e de Lengaddò, tòuti li Felibre, e acò n'es que juste, me plase de lou recounèisse, vous an aclamado peréu pèr sa Rèino. Darriermen encaro, la Mantenènço de Lengaddò fasié resclanti la vilo d'Uzès de si lausenjo en voste ounour ; la Mantenènço de Prouvènço, acampado en terro manousquino, i'a just quauqui jour d'acò, vous mandavo, pèr lou mejan dòu telegrafe, tout lou fiò de soun cor ; e l'Aquitàni, pèr noun resta en arrié, vous adusié si vot li mai courous, sus lou prepaus de voste bèl avenimen.

Es, aro, lis Escolo qu'an de vous faire festo. Aìèr, li sòci de l'Escolo de Lar se ramblavon à l'entour de soun ama cabiscòu e de sis academician valènt e, aproufichant de vosto presènci dins la vièlio capitalo dòu rèi Reinié, moustravon soun estacamen à vosto reiauta. Vuei, es l'Escolo dis Aup que, pèr la bouco de soun glourious e noble decan, lou valerous chivalié de Berluc-Perussis, nous traïs — à tòuti vautri, Maren, emai à vous, gracioso Rèino — emé tòuti sis amistanço, aquest bouquet de crisantèmo culi dins la garbo de flour autounalo qu'avie ligado pèr benastruga Na Marto de Rèi, la fiho d'un di sèt foundadou de nostro Escolo, de soun mariage emé lou comte Carle d'Autane. Escoutas :

Sian liuen de Mai, sian liuen d'Abrieu ;
 Soun paloto li flour d'autouno ;
 Mai es l'amista que li douno
 Emé si vot que van vers Diéu...

E quand, un bén jour de Nouvembre,
 Cantarés vostò messo d'or,
 Dis absént, l'amistous remembre
 Flourigue un moumen vòsti cor !

Vuei, arregadas nosto taulado : li cabiscòu dis enviroun, aquéli de Marsiho em'aquéu dóu Limbert de Tamaris que vòu béure voste soulèu, se soun groupa à l'entour dóu sendi de Prouvènço, voste noble paire, que nous fai gau de vèire eici. Vuei, enfin, l'Escolo de la Mar es urouso e fiéro de vous rendre l'oumage que vous es degu. Coume dóu tèms de la rèino Jano, li Marsihés volon vous reçauvre dins sa bono vilo, bandiero desplegado e cor sobre man. Tout ço que li Maren comton de valènt e de fidèu vèn, pèr ma bouco, vous pourgi soun óubeissènço e vous semoundre soun amour. Anas entèndre lèu-lèu aquélis inne de lausenjo que van espeli coume un bouquet de poulldi floreto. Es pèr vous, amistadouso Rèino, qu'aquéli felen di Troubadou van trena, vuei, aquelo courouno. Mai acò n'es pas tout. L'Escolo de la Mar a de jitello i quatre caire dóu mounde, e aquéli jitello volon èstre peréu de la festo.

Veici ço qu'un cor d'Irlandeso, un cor d'or esmarra en terro estranjo, mai sèmpre enfiouca pèr la grando idèo felibrenco, voulènt apoundre un rai de mai à voste courouno, vous mando dóu fin founs de la Belgico. Ausissès :

Louvain, lou 25 de nouvembre de 1892.

A Madamisello M. Girard, Rèino d'ou Felibrige.

Rèino,

« Es de tutto justiço qu'uno Sereno de l'Escolo de la Mar, esmarrado aperavau dins li blesin d'entre Mèuso e Escaut, vous mande si salut à l'oucasioun de voste bèl avenimen.

« Anas presida lou banquet de nosto Escolo, e sarai pas aqui pèr pourta vosto santa. Sarai pas aqui pèr amira vòsti graci, rendre oumage à vòsti talènt de musician e de pouèto, e apoundre, emé li felibre mi fraire, e li Sereno mi sorre en Felibrige, que vous faran coume un courtège d'ounour, un flouroun de mai à voste courouno de Rèino. Mai, çò que pode pas faire aquest an, lou farai l'an venènt. L'an que vèn, tournarai en Prouvènço e anarai saluda voste bèuta, voste bello jouvènço e vòsti talènt. Me countènte, pèr iuei, d'auboura d'eici moun vèire à

vosto reiauta, e n'es de tout cor, d'un cor d'Irlandeso, afama pèr tòuti li nòbli causo, que cride emé tòuti : Longo-mai visque la Rèino e vivo lou Felibrige ! »

Mary WHITE.

D'Alemagno, uno autro Sereno de la Mar, coume Na Marlo White que venès d'entèndre, damisello Dora Buecheler, la chato de l'eminènt e saberu proufessour de l'Universita de Bonn, que si coulègo dis Universita vesino an subre-nourma : *lou prince di filologue* ; damisello Dora, uno artisto de vint an e uno arderouso musiciano, coume vous, gènto Rèino, vous mando coume souveni aquest *vergiss mein night*, blu coume sis iue, espeli sus li bord dòu Rhin, flour de souveni tutto prefumado de soun amour, en uno pouësio escricho dins sa lengo ounte a bounta tout soun cor e tutto soun amo. Ausissè s peréu soun brinde prouvençau :

Platz mi el cantar provenzal...
E las donas...

Frederi d'Alemagno.

Rèino, en aquest bèu jour de joio e d'alegresso,
Ounte pourgis cadun tant de flour en boutoun,
Coume pèr caligna sa divino mestresso,
Sereno de la Mar, ieu mande mi poutoun.

Pode pas resisti au plesi de vous douna tambèn couneissèncò dòu salut que mando à nosto Rèino, dins soun paraulis alemand, la douço Sereno, paraulo qu'un jouve felibre, escoulan de filousoufio au Licèu de Marsiho, Carle Guisol, lou fiêu gènt de neste Cabiscòu, a bèn vougu revira en francés. Lou plesi que ié prendrés vous fara, de-segur, escusa la traducioun :

A la Reine.

Reine, toi qui aimes les beautés de ta langue natale, salut, ma jeune sœur, salut dans le royaume de la poésie !

Des souffles légers doivent aujourd'hui caresser ton visage.

Des roses gracieuses du printemps, exhalant un parfum suave, renaisSENT avec plus de vigueur. Le soleil doit répandre sur toi ses rayons d'or. Et, avec un joyeux sourire, tu peux recevoir l'envie que je porte à ton entourage.

A ceux qui s'inclinent aujourd'hui devant ton sceptre, tu peux accorder ta faveur de Reine.

Aussi, écouteras-tu avec bienveillance le salut de celle qui te jure obéissance en ce jour consacré à ton honneur.

Dora BUECHELER.

Bonn-sobre-Rhin, 27 de novemb're de 1892.

D'Itàli, uno autre voues amigo, aquele dóu chivalié Emanuel Portal, un d'aquéli sòci afougá dóu Felibrige, vous semound aquésti salut freirenau, escri, l'un en prouvençau, l'autre dins la lengo de soun païs :

1

A LA RÈINO DÓU FELIBRIGE

Bello Rèino, Na Mario,
Siés un astre de candour !
De la mar fin qu'is Aupiho,
Canton tóuti en toun ounour
Li pouèto, o Na Mario !

Au mitan di dóuci siho,
Siés la rèino de bèuta,
Image de la patrio,
Dins ta bruno majesta,
Au mitan di dóuci siho.

Sant-Roumié, poulit cantoun
De la terro de Prouvènço,
Embaime de dous poutoun,
Gai asile de jouvènço,
Sant-Roumié, poulit cantoun,

As vist sus toun óurizount
Dos estello trelusènto
Alumina la nacioun ; . . .
'Mé sa clarour resplendènto
As vist sus toun óurizount

L'estello de Roumaniho,
De Girard, pouèto ardènt,
Paire tiéu, bello Mario,
Urous paire entre li gènt,
Autour valènt dis Aupiho.

Lou proumié, souto li triho,
Cantè l'amour de l'oustau,
E l'autre, sout la ramiho,
Soun bèu païs prouvençau,
Souto l'oumbrage di triho.

Vuei, dins soun libre nouvèu,
Cantara la Crau peirouso
E l'azur de soun bèu cèu,
Li bèlli chato amourouso,
Vuei, dins soun libre nouvèu.

Mai, di tresor lou plus bèu,
Siés tu, l'amabلو chatouno,
De l'Empèri dóu soulèu
Soubeirano galantouno,
Lou plus grand tresor tant bèu !

II

ALLA REGINA DEL FELIBRIGE

Oggli, piu vivo splende il sole ardente
A illuminare la gentil città,
E un grido erompe da ogni cor fremente
In laude à voi, regina de beltà.
I poeti, i felibre, umilemente
Si revolgono à vostra maesta,
Pregando il vostro cor benigno sia
Al loro omaggio, e l'alma vostra pia.

Così, nel tempo delle liete corti
Fulgeva il raggio d'un divino amor,
E i cavalieri, in un galanti e forti,
Per la dama splenderno di valor,
E segnate d'ognuno eran le sorti,
Se della bella era propizzio il cor ;
Oggli, soltanto, la memoria resta
Di quel tempo gentil, memoria mesta !

Ma à risvegliare la letizia in petto
L'inno suono per voi come in quei di,
Pei campi de Provenza almo diletto
Si diffonde, che il Cielo à noi largi,
Qui la Beltà, la Grazia hanno ricetto
E s'incarnan nel flor di Sant-Remy,
Ond' io devoto pur de Santa Estella
Mando un salute à vos, Regina bella !

E. PORTAL.

D'Espagno, un de nòsti mestre qu'aman tant e qu'èro, à tème passa,
de tòuti nòsti festo, l'eminènt proufessour e l'egrègi roumancié Don
Jósè Pin y Soler, mando si regrèt de noun èstre di nostre. Veici lou
salut catalan que vous mando. Ausissès encaro :

A la Regina de bellesa Subirano dels Felibres,
madoneta Maria Girard.

Reineta bermosa,

Voldria trovarme a vostra taula pera aixecar la copa en l'honor de « Patria, Fides, Amor, » qu'ab tant bon estre saben cantar los poetes provenzals ; mes, oh Subirano ! no puch com altres anyadas ser entre 'ls meus germans de Provenza, perque ab lligams molt dolços me reté la vellera que m'es mare.

Excuséume donchs y dignauvos acceptar lo meu brindis ben coral :

A l'estimada terra provenzala ! As Escolans de la Mar ! A vos gentil Regina à qui vos desitjo prosperitat de tota mena !

J. PIN Y SOLER.

E, soutu l'encantarello musico d'aquéli brinde e d'aquéli salut, vous tendrian encaro, poulido Rèino, se voulias escousta tout çò que poudrian e voudrian dire de vous.

Es pèr acò que sian fièr de tòuti aquéli souveni, de tòuti aquéli lausènjo que vous arribon de tout caire e que sièu urous de metre à vòsti pèd.

E coume n'en sarian pas fièr ? Sèmpre Prouvènço es estado lou païs benesi de Diéu, que tout çò que i'a greia i'a fa flòri. Is age mejan, es Prouvènço que proumiero pourgiguè la civilisacioun e la lumiero is àutri nacioun de l'Uropo. E qu n'en fuguè l'encauso ? La femo e l'amour. D'un rai de soun engèni, propre à-n-elo Prouvènço, espeliguè l'Amour, o pulèu lou sentimen de l'amour noun couneigu fin qu'alor, e, em'eu, lou triounfle de la femo. O, n'es en plen cor de Prouvènço que nasquè l'amour pur, ideau, liéure de tout liame materiau, l'amour cavaleiros, culte de nòsti troubadou, qu'enaussavo la femo en la fasènt coumpagno de l'ome e en l'enaurant à soun rèng vertadié i constat de l'ome, çò que fuguè lou souns e lou principe meme de nosto literaturo prouvençalo.

Escoufas çò que disié lou troubadou marsihés Bertrand Carbonel :

Se de verai vole quaucarèn e se maneje urousamen li vers, es à vous, Dono, que lou dève, e n'es à l'amour que dève n'en rendre gràci, car es de vous que tène tout moun talènt.

An-ti jamai parla 'nsin Grè vo Rouman ? Nàni ! un amour parié, l'avien jamai couneigu e l'istòri es aqui pèr me douna resoun.

Eh bèn, aquelo acioun inmèndo que li mour di Troubadou an tracho sus l'esperit uman, li Felibre, sis eiretié, la countùunion. Avèn pres la femo, nàutri peréu, e i'avèn auboura 'n autar encaro plus aut ; l'avèn courounado rèino, o, rèino de l'Empèri dòu souleu : empèri ideau, se pòu ; mai empèri de la pouësio, de-segur ; e, s'es verai que tout çò que la Muso di troubadou a touca de soun alo es marcù dòu sagèu de l'inmortalita, es pas mens verai, tambèn, que la Pouësio es la grando divesso que boutho uno estello au front de tòuti aquéli que l'amon, que ié drèisson un autar dins soun cor, que la canton e que soun ama d'elo. Es pas mens verai qu'es elo que marco dòu det aquéli que si noum e sis obro passaran à la pousterita.

Vaqui çò qu'a fa lou Felibrige. Mai, après d'agué glourifica la femo, noun s'es arresta aqui : lou Felibrige a peréu pres l'ome e, dins éu, a desvelopa tout çò que i'avié de meiou, l'a buta vers li nòbli causo en ié moustrant lou Bon, lou Verai e lou Bèu ; a rout li liame que poudien lou reteni en cativeta e, clafissènt soun front d'idèio novo, i'a ensigna la draio dòu prougrès. *Naut li cor !* s'es mes à crida, e tòuti aquéli qu'an senti flameja dins soun pitre la belugo divino de vido, tòuti aquéli qu'an senti tresana soun amo, aquéli que se soun senti ome de bon, se soun mes à crida : Eici siéu ! E n'es d'aquéu biais que li valènt se soun impausa à l'amiracioun dòu mounde entié.

Lou vaqui, chato, aquéu Felibrige que vous a nouma sa Rèino, e vaqui soun obro. Fugués fièro de voste titré, coume nautre sian tièr de nosto Rèino. Despièl que lou Felibrige eisisto, mau-grat tout, s'es fa e se fara de pas e de pas en avans. Es poussible que, souto voste reinage, cade jour adugue soun idèio novo s'entraucant dins lou pople e lou boulegant. Lis idèio de descentralisacioun soun adeja despassado pèr aquéli de regiounalisme ; lis idèio de regiounalisme devendran bes-sai deman d'idèio de prouvincialisme, e d'aqui au federalisme de raço, qu saup ! es poussible que i'ague qu'un pas.

Çò que paréis èstre, vuei, un esglàri e un espavènt, pourtant esfrai en forço de nautre, pòu èstre deman uno realita, e l'ubo clarejanto d'aquéu siècle vinten que s'avanco sara, coste que coste e vague que vague, l'ubo dòu siècle dòu Felibrige.

Qu dira çò que boui dins l'esperit e dins l'amo de la Prouvènço ? N'es-ti pas elo que sèmpre es estado à la tésto de tòuti li mouvemen ? Leisen dounc neste païs persegui sa marcho en avans. Es la voues dòu Prougrès que lou forço de camina. Que Prouvènço, à travès draio e camin, congreie à jamai de felibre nouvèu que, vèngue l'ouro, se remembraran de sa toco sublimo !

Que souto vosle reinage, chato bello, flourigue e s'espandigue de tout caire aquéu Felibrige, en lounour dóu quau ausse moun vèire, aquéu Felibrige qu'amant tant e pèr lou quau dounarian noste sang e nosto vido, se falié lucha pèr defendre soun ounour, lounour de la Prouvènço e lounour de nosto Rèino. Ai di.

Pau Coffinieres, après d'avé fa l'elogie dóu mestre en Gai-Sabé F. Lescure, a legi la pajo pleno d'estambord qu'avié mandado : *A la Coumesso.*

Uno despacho dóu valènt Foucard, retengu à Lioun, e arribado au mitan de la dinado, es legido de seguido e dis acò : « Retengu au païs ennebla, moun couer sèmpre ensouleia, es emé vautrei. — Prouvènço-de-longo ! — Foucard. »

Roman d'à-z-Ais fai rounfla lou lioun d'Arle ; Coffinieres tourno s'auboura, e, nous parlant de Bertin, profound descentralisaire, dis que lou moumen sarié bèn chausi pèr persegui aquelo bello toco, e que coundendrié d'aprouficha dóu mouvemen felibren. Gasquet se dreiso subran e canto soun *Inne à la Rèino*, que l'amour e lou respect ié flouquejon.

Mai, vejo-eici la segoundo pèço dóu fiò d'artifice. Lou champagno petejo dins li coupo e n'es, au noum di Mardisto, que Galicier brindo. Alor la Rèino se lèvo is aplaudimen de tóuti, e, en princesso de la lengo franceso, coume an di, tout en restant Rèino dóu Felibrige, pèr plaisir en cadun, e sus la demando de tóuti, dis : *Lou rire*, rire sòu que gagno lèu-lèu tóuti li cor. Ah ! li bravò noun fauton à nosto Rèino qu'a sachu plaisir en tóuti. L'Escolo dis Aup traïs soun rai beluguejant pèr la bouco de Laugier, e lou Limbert de Tamaris, pèr la voues d'Alban Coffinieres, nous fai héure li bèu vers de la despatriado cigalo.

Bertas s'aubouro pièi pèr pourta soun brinde, e, tóuti amudi tant sian afama de si paraulo, béu i Felibre, à Marsiho la meirino de la Marsiheso, à Prouvènço, sang mescla de grè e de latin, à Paris, à la Franço, que Prouvènço se i'es libramen dounado, à tóuti li pople que grouon sus li bord de la Miérrano, au relevamen di prouvinço, à la federacioun di raço latino e à tóuti li pople latin. Aquéu brinde es mai-que-mai aplaudi e fai ounour au valènt luchaire d'uno idèio generous e superbo.

Coume responso à-n-aquéu brinde, lou felibre dóu Flasquet se rememouriant la proumiero cansoun qu'avié trenado e qu'avié dedicado à Marius Girard, nous largo sa pouëslo : *A la fraternita*. M. Daniel legis uno pouëslo franceso dedicado à la Rèino ; Huot ié vai de sa *Nouéo de grént de mar* ; em'acò vén i cantaire. Agustin Roux canto sa meloudlo *Dins moun pantui*, Allavène *La barcarolo*, de M. Bourrelly, que n'a fa la musico ; Aguste Rol dis un poulit sounet *A la mar*, Sfenosa i'apound *Marine e Soleil couchant* ; Roux un salut à la Rèino, e Lazarino de Manosco, sounjant i chatouno, noun lis oubliido dins soun brinde i damisello ; acò fai que Roman entouno soun *Inne à la bëuta*, e que Na Daniel mando si gramaci à la Rèino, à soun paire, en tóuti. Pèr respondre en tóuti aquéli salut e gramaci, la Rèino s'assetto au piano e nous fai ausi uno deliciouso cantato de Chopin, que nous mostro superbamen soun talènt de musicieno. Tavan dis si *Frisoun de Marieto*, Laugier, lou proumié cant d'un pouëmo qu'alestis, e Mllo Marto Huot uno galanto pouëslo : *La jouino maire*, e sus d'acò, tóuti en cor entounan lou *Cant de la Coupo*.

La tresenco partido dóu fid d'artifice coumenço emé *La Bressarello* de Roux, e la Rèino nous canto *l'Amour*, que li paraulo n'en soun de soun paire e qu'es elo que n'a brouda la musico. Es alor que M. Daniel improuviso un eloge à la Rèino e que M. Allaveno canto sa bello musico di *Lilas rosò*, de Galicier. Aquest nous dis alor dos pouëslo : *Au païs dis estello* e *Le trompette* ; Sfenosa recito *Tourne mon moulin*, Louvis Roux adrèissò à Tavan uno pouëslo pleno d'en-vanc, e Ramel entouno *Estivenco*. Rol nous douno la primour d'un sounet, *l'Amour*, que venié just d'espeli ; Marius Girard conto la légèndo de *La bello e de soun galant* e J. Huot canto : *Tambourin boutas-vous en trin* ; lou souto-cabiscdu tèn lou piano en mestre qu'es, e tout à-n-un cop s'ausis uno voues clarinello de chatouno que canto e que lèu-lèu vous encanto, emé la superbo roumanço : *Voulez-vous bien ne plus dormir*. Acò's lou bouquet de la fin.

E n'es sèt ouro e miejo de vèspre, quand se claus la sesiho.

A. GAUTIER.



RAPORT GENERAU
DI JO FLOURAU DE 1892
tengu en vilo de Manosco, lou 22 de 7bre

En aquéli que vendran tourna-mai nous afourti, (e n'en manco pas, vous l'assegure), que lou prouvençau es uno lengo morto, que s'amerito pas d'estre reviéudado, que coume uno poumo toucado porto en elo lou verme que dèu la rousiga, en aquéli respoundren :

Venès à nòsti fèsto mantenencialo, venès emé nautre, li tercejaire di Jo Flourau, e veirés coume s'alongo d'un an à l'autre, la colo di targaire que luchon, tè-tu, tè-iéu, pèr davera li joio.

Es-tipoussible que poscondire verai, aquéli portomalur? Coume? Tant de luchaire de la bono aurien sacrificia sa vido, pèr faire reviéure e manteni uno causo coundanado d'avanco à peri dins l'iòu ! Mai, en de qu'aurié servi, tout lou talènt e tout l'engèni d'aquéli que soun vengu avans nautre ! d'aquéli precursour qu'an rescaufa dins si pitre e nous an counserva dins lou trefouns de si cor, lou tresor precious de nosto lengo meiralo ! Sarié-ti verai acò, Toussant Abriéu, egregi felibre, amourousi de ta lengo manousquino, que vas nous desvela lèu-lèu, dins ti Roso de Judèio, e toun cor e toun amo,

e qu'amor d'acò, nautre, ti felen en Felibrige, venèn encuei saluda ta memòri, sarié-ti verai, ilustre precursor, tu qu'auriés pouscu dire coume la Cloutido que li saberu cercon de nous nega :

S'après ma mort boulegavias mi cendre,
I'atroubarias de belugo de fid.

Sarié-ti verai, dise, o pouèto, qu'auriés emplega en van tutto ta vido, pèr nous douna, undi proumié, aquéu Diciounàri, toun obro de sèt an, véritable tresor ounte soun vengu pesca à bel èime, tóuti li qu'an escri dins lou sublime paraulis de noste païs?

Messorgo que tout acò, e n'es pas de crèire afourtimen parié ! T'aubourariés pulèu, dóu cros ounte dormes toun darrié som, pèr veni dire de noun ! E n'autri peréu disèn de noun ! E dison de noun, tambèn, tóuti aquéli qu'an manda si pèço à la Jurado pèr manteni sempre mai-que-mai l'ounour dóu noum prouvençau. E sabès-ti quant soun, aquéli que soun vengu lucha pèr la causo dóu Felibrige sus lou prat-bataié manousquin ? Soun mai de tres cent. N'aurié faugu de canestello e de canestelado de joio pèr accountanta tout lou mounde.

Ah ! se coume tu, Manosco, rougnoun de Prouvènço e perlo de Durènço, nous autre, Felibre, avian pouscu semoundre à nòsti luchaire de moulounado d'aque lis agrousioun que gardon lou prefum e la sabour de toun terraire, n'es pas à flour de panier qu'aurian tria nòsti pèço, n'es à boudre qu'aurian fa tasta nòsti joio en tóuti.

Mai n'es pas tant richo que toun terradou, nostro caisso mantenencialo de Prouvènço, e n'es que pèr

mai douna de pres is obro courounado qu'avèn
chausi sus lou mouloun ço que i'avié de meiour
dins la garbo de flour que li Felibre t'an pourgido.

E aquelo garbo vejo l'eici :

— *Pres foro councours* —

La plus bello flour d'aquelo garbo felibrenco,
qu'enantis sa blanco courolo pèr dessubre tòuti lis
autro, es uno margarideto que nous vèn de liuen.
Es la cansoun de Magali, revirado en lengo rouman-
nesco, pèr un proufessour de Jassy, M. Bounifaci-
Hetrat. Talamen pourido l'avèn visto, aquelo mar-
garideto; e, dins soun reviramen, tant pèr lou gaudi,
la formo metrico, l'estile, lou biais, la coulour, que
pèr la pureta e la finesso veloutado de la lengo,
retrais talamen à sa sorre bessouno, la Magali de
Prouvènço, que la Jurado l'a floucado d'un pres foro
councours, qu'es uno grando medaio de vermèi.

Mai, anessias pas crèire que fuguèsse touto sou-
leto, aquelo margarideto; nàni, l'avié agoulopado,
l'autour, d'un galant bouquet de flour de sounet
roumanesc, plus signoula lis un que lis autre, que
Carmen Sylva, larèino-felibresso de Roumanio, en
quaul'un d'éli es dedica, lisaurié bessaivougu signa.
Es lou counjoun de touto aquelo garbeto tant préfu-
mado e tant bèn enribanado qu'a vaugu à soun au-
tour la distincioun de la Jurado.

[a segui]

Lou Gerent : Jan Monne.

Imprimerie L. DUC, 11, rue Chassagnolle, aux Lilas, près Paris.



RAPORT GENERAÙ
DI JO FLOURAU DE 1892
tengu en vilo de Manosco, lou 22 de 7bre

(Seguido)

— *Sounet* —

Sian i sounet : Se dis, parai ? qu'un bon sounet
vau mai qu'un long pouèmo. Anessias pas crèire
pèr acò, que nòsti laureat an fade cap-d'obro. Nàni.
Mai n'en veici un qu'a agrada en tòuti pèr sa bou-
legadisso e soun envanc.

Es un *Brinde i Tambourin*, dòu felibre Ougèni
Long, de Fuvèu. Lou cop de tu-tu-pan-pan d'aquéu
felibre es fres, jouine e gai coume uno aubo dòu
mes de mai : tambèn la Jurado i'a pourgi lou pre-
mié pres.

Lou segound pres s'envai pèr avau dins li Pire-
nèu. Es mounsen l'abat Jan Langlade, de Maumas,
que l'a davera emé si tres sounet : *Adare e autes*
cops. L'Aquitàni se dereviho e auren encaro lou
plesi de courouna, iuei, quàuquis-un d'aquéli valènt
troubaire. Es primaverenco e idilico aquelo garbeto
de gaugalin que nous fai regreta l'age d'or de nòsti
premié paire, bèn escricho e richo d'espressioun

chausido. Brave! mounsen l'abat, la Mantenènço de Prouvènço vous felicito de voste envanc, car a fisanço que servirad'eisèmple à vòsti felibre aquitan.

Dins aquelo tiero, la Jurado decernis tant soulamen qu'uno menciou. Enri Bigot, de Carpentras, la culis emé soun *Pougnat de sounet*. Au mitan d'aquelo garbo s'es forço arremarca: *Lou Dante is Aliscamp*, emai un sounet revira de Petrarco. Lis àutri pèço soun un brisoun fèblo, e nous estouno acò de la part d'Enri Bigot que noun a pèr usanço de leissa li joio is autre. Un pau mai d'alen, jouvènt, que noun n'en fauto dins voste pitre enfiouca.

— *Conte, Legèndo, Nouvello en proso.* —

Di sounet, i conte, legèndo e nouvello, fasèn qu'un pas pèr nous gandi vers la proso, lèu-lèu. Proun avian fernetego de i'arriba.

Es noste ami Maurise Raimbault qu'a davera la medaio vermeialo emé soun rouman d'*Agueto*. Avian panca rescountra en d'àutri councours de nouvello tant fresco, clafido de tant de sabour e de coulour loucalo coume dins aquelo nouvello prouvençalo. Es à-n-un sujet tout flame nòu que l'autour s'es assaja. A despart de quauqui pajo bessai un pau trop enfantourido, lou rouman es galantoun, bèn mena, óurignau e cascarelet fin qu'au bout. Mai, l'amour de soun Charloun es trop fre, proun trufarèu e sèmblo naisse de pico o de jalousié. Tout acò n'es rèn, que la pureta de la lengo e l'estile courous vous empougnon qu'es pas de dire.

La legèndo de Reynardus, dòu jouine Iouis Tombarel, de Castèu-Reinard, lou gènt laureat di

Jo Flourau de Carpentras, emé soun odo à Roumanille, arribo au segound rèng e se i'atribuïs uno bello medaio de brounze. Es uno veritabلو pajo d'istòri sarrasino de sa terro, escricho en uno lengo couladisso, que nous mando aqui lou bèu jouvènt, e sa legèndo es uno crôunicorimado en proso ounte s'ausis, coume dins li Cansoun de Gèsto, tuert d'armado, cavaucado de cavalié, brut d'acié sus cuirasso d'argènt e, sobre-que-tout, paraulo mau-grabino, que fan lèu-lèu calanço davans li clamour prouvençalo.

La proumiero mencioune d'ounour es pèr *l'Amour e l'Argent*. de Jùli Gallas, de Cau-Mount. Es finamen escri, aquéu rouman prouvençau, qu'es un estudi de mour presso sus lou viéu, emé de pensando moustant que l'autour a un jujamen san e serious. Li caratère soun proun naturau dins soun brutalige, sa fierta e soun respèt, mai lou nous dóu rouman n'es pas souvènt verai e la liçoun es trop forto e trop tragico.

A gagna la segoundo mencioune : *Cor de Pèiro*, de Vitou Bouis, de Marsiho ; es uno terrible legèndo de l'age de barbarié que l'autour nous semound. Aquéu castigamen d'un segnour feoudau pèr l'oumbro de sa maire, fai fernes i douno car de galino. L'estile anarié proun, mai aurié besoun d'èstre rebrounda.

Uno tresenco mencioune pèr la *Moumio d'Avignoun*, de mounsen Ougèni Imbert, de Vaurias. A despart de quauqui deco lou raconte vai proun ben.

La boueto negro, de Pau Dumas fiéu, de Pepiéu,

en dialèite narbounés, s'es ameritado la darriero mencioun. Aquelo legèndo dóu Pont dóu Diable, que se n'attrovo en forço endré, es escricho en puro lengo narbouneso e fai ounour à soun autour.

— *Pouësio Lirico* —

Li pouësio lirico mandado au councours noun an escala fin qu'à la medaio d'or. An manca d'alen pèr acò. Tout bèu just se n'avèn destria dos s'ameritant lis àutri pres.

La proumiero, qu'avèn floucado de la medaio de vermèi, es un cant dóu pouèmo, qu'à neste vejaire, l'autour, adeja proun couneigu dins nòsti councours, Marius Cognat, se prepauso d'escriéure sus Marsiho. Lou premié cant que nous es adreissa e que n'es l'invouacioun, a pèr titre : *Lou vièi Nouvè marsihés*. Es escri dins lou ritme di pouèmo mistralen. La fraso es bèn virado à la prouvençalo, la lengo sarié bono, mai se vèi que l'autour a besoun de viha sus d'éu e de castiga quàuqui mot que la bèuta dóu sujet fai escusa.

Lou segound, que tenié M. Cognat de court, es M. Fileas Lebesgue, un Picard que despièi quàuqui mes fai de vertadié tour de forço e jogo coume un mestre emé lou prouvençau. Se i'avèn douna la medaio d'argènt, fau dire que l'a bèn gagnado. Vagli 'n jouvènt qu'a jamai bounta li pèd en Prouvençò e qu'a après nosto lengo dins *Mirèio*. Tambèn es-ti Mirèio, aquelo fado encantarello que l'a inspira. Soun pouèmo alegouri, *Mirèio inmourtalo*, es escri dins la lengo la mai puro que couneiguèn e i'a de que avé vergougno de se vèire faire la figo pèr

un Picard que bretounejo, sènso èstre bret que de noum, lou prouvençau miés que nautre.

Es pèr lou felicita que la Jurado ié mando si vot li mai courous.

Es peréu un Pirenean, M. Michèu Camelat, qu'arribo emé la menciouen proumierenco. Soun canta : *Pel Cami del Bearn* es agradiéu que-noun-sai, e nous estouno pas que despièi que Fèlis Gras e Grabié Perrier an bateja felibre lou Vert-Galant, en coumpagno de Sant Brancai voste patroun, Manousquin, nous estouno pas, dise, qu'un bearnés brinde en vosto coumpagno à la santa d'Enri I.V.

La segoundo menciouen es degudo à M. Moneger, lou valènt souto-cabiscòu de l'Audo. Li pèço mandado pèr éu, *Qu'es desoulado!* sobre-tout, an plasegu à la Jurado. Retrais lou raconte à Marto la folo, mai alor à-n-uno Marto qu'a douna lou sang de soun sang à la patrio. L'estile n'es bon e lis estrofo bèn trenado en parla de Castieu-Nòu d'Auzan, soun couladisso e prènon pèr l'iue.

La menciouen tresenco e darriero de la tierro, es dounado à-n-Enri Giraud pèr sa pèço pleno d'envanc : *Dau !* Lou fiò l'empuro, aquéu felibre, e de segur s'amerito bèn, après la rampelado que vèn de batre à l'entour de la Couitesso de neste grand mestre, la deviso qu'a presso : « Iéu cante coume cante, mai es pièi iéu que t'ame lou mai. »

— *Pouësio lougiero* —

Lou proumié pres, medaio d'argènt, di pouësio lougiero es pèr *Nanoun* e *Babeloun*, de M. Jousè de Valette, de Ledenoun. Acò 's dos pèço flamo que

fan ounour aupouèto. Nanoun l'óuliveiris, pecaire! se laisso prendre dins li fielat dóu cassaire, e Babeloun n'es qu'un divin pantai ; mai, coume tout acò's bèn di e finamen escrincela : se desgrunon e s'espandisson lis estrofo em'un gàubi tout naturau, dirias uno font que rajo de countùnio.

An gagna uno medaio felibrenco d'argènt, li *Flous mountagnardos*, de Mllo Claude Duclos, fe-libresso de Bigorro : gènto damisello, la Jurado a ausi vòsti plagnun suau, renouvela de l'Amour bagna d'Anacreoun, e n'es au noum de l'Estimo, de l'Amista e de l'Amour que lou Felibrige vous durbis si porto. Muso de l'Adour, avès quaucarèn d'aquelo lagno de nosto pauro Antounieto de Bèu-Caire, fin qu'à vosto *Chourreto* que prendrian pèr l'iroundo negreto de nosto chatouno morto. Trasès de caire vòsti segren, avès la flamado divino di felibresso : cantas! Noun sian estouna, nautre, que tout lou Bigorro fague restounti, de l'angelus au sero, vòsti bressarello e vòsti plang. Soun tant gracious vòsti vers que n'avès fa 'n bouquet galant, tout prefuma de vosto Estimo e de voste Amour pèr voste païs e vosto lengo meiralo.

La *Roso*, de Louis Charrasse, de Serignan, e sa pèço : *A-n-un brave felibre*, an amerita la medaio de brounze. Soun talamen poulideto, aquéli dos pèço, que sarié dóumage que l'autour n'aguèsse de sa Roso qu'un pecout tout espignous que l'empa-chèsse de canta. Laisso de caire tutto marrano, o felibre, e rimo-nous de vers coume aquéli que nous n'en sian coungousta : *Perqué, adounc, cantariés pas ?*

Uno menciououn d'ounour es degudo à-n-Abèl Laugier pèr soun elegio : *Plour de mai*. Fau agué passa coume éu dins li malemparado e avé senti l'alo de la mort, pèr leissa desbounda soun cor coume éu l'a fa, dins d'estrofo doulènto, es verai, mai clafido de sentimen e de veraio pouesio.

Rai d'amour, de nostevalènt inòssi L. Roux, n'es uno lusido que demando uno segoundo menciououn. Au naturau que i'es douna, counvendrié qu'aquéu jouvènt jougneguèsse lou travai, mai un travai serious alor, se vòu faire quaucarèn de bon. E lou fara, que l'obro noun lou maucoro e que ié vai de tout cor.

La tresenco menciououn es pèr *Dounats*, de l'istitutour Téulié, de Fouis. Aquéu rampèu à la carita, dins lou biais de Vitour Hugo, es bèn travaia. Un pas de mai, un pas encaro, se voulès arriba fin qu'i joio. Coume vòsti valènt Comte ariegés, poudrés dire alor is autre : « Tocos-y, si gauzes ! »

— Teatre —

Soun noumbrouoso li pèço de teatre qu'avèn reçaupudo, e n'es un Manousquin — me plase de lou recounèisse — qu'arribó bèu premié emé soun bèu dramo : *Jano de Pourtugau*, flouca de la medaio d'argènt. Ai nouma lou felibre Albert Honde, que siéu urous de saluda en toun ounour, Manosco. La pèço es bèn escricho, li vers nervious, mai, fau bèn lou dire, de fes pas proun castiga.

Uno segoundo medaio, la medaio felibrenco en argènt, es dounado à-n-uno obro literàri : *La Reboulo*, de M. German Guichard, de Marsiho. Auelo

obro, la fèsto di meisoun, es bèn escricho e bèn menado enjusqu'à la fin, mai i'a 'n brisoun de loun-gour dins la descripciuon di jo. S'èro un pau rebroudado, lou se gastarié pas lou verd.

La Cacano arribo tresenco em'uno grando medaio de brounze. Es dòu felibre Louis Amiel, de Marsiho. Aquelo coumèdi en dous ate, se desnouso proun courteitamen, mau-grat quauquis alòngui. Es la pèço que presènto lou mai de verita e de varieta au poun de visto de la sceno.

Lou vicàri de Ventabren, de mounsen l'abat O. Imbert es mencionado au premié rèng. L'idèio es óurinalo e facho pèr agrada au publi, mai es un pau courto e pas proun finido pèr la sceno.

Lou mariage i coumissàri arribo bèu segound. Aquelo sceno tragi-coumico es de Francés Garbier, de Cano. Se dis d'elo que l'autour n'aurié pouscu tira un meiour parti en la rendènt mai naturalo e plus óurinalo.

La tresenco mencionoun es pèr la pèço : *Lou qu'a begu béura* : l'a gagnado M. Fernand Pigot, de Capestang. Es uno coumèdi prouvèrbi, escricho en bon lengadoucian, que farié bèn dins un saloun.

Lou rendès-vous, calignado à tres persounage dòu siècle dès-e-vuechen, d'Enri Bigot, de Carpentras, a merita uno mencionoun soubrenco. N'es uno pèço fino e gracieuso que s'escarto trop de la pèço de teatre.

— *Galejado en vers* —

Arriban i galejado ; veici la tiero di vers : *Mennoun*, d'Adrian Couyba, es floucado de la medaio d'argènt, mau-grat quauquis alòngui. Sa nouvello es d'un estile pur e lou sujet bèn trata.

Veici tourna Louis Amiel, qu'emé soun *Recueil umouristi de galejado* gagno la medaio de brounze. I'a dins aquéu recuei forço pèbre e forço sau, lou tout proupramen alesti à la prouvençalo, e sian segur que quauquis-uno dicho pèr un fin coumique farien creba dóu rire.

La galejado que gagno la proumiero menciou es aquelo de l'Aveirounés Antòni Villiers. Es uno d'aquéli gascounado siciliano sus Sant Pèire e lou Paradis, que manco pas de gàubi, d'envanc e de gaieta.

Segoundo menciou à Michèu Camelat, d'Arrens, pèr sa poulido pèço : *Entre youvens*, bèn travaiado e granado.

Jacoumar paire e fiéu, d'Andriéu Autheman, s'ameritarié mai qu'uno simplò menciou, en estènt que l'estile e lou raconte soun toujour dins lou fin biais de l'autour dis *Auvàri de Roustan*.

Lou galant de madamo d'Estrechan, d'Ougèni Long, es uno pèço bono, courto e bèn signoulado.

Enfin, *Li luneto*, de Ferdinand Benoît, de Cers, es uno cascareleto de Roumanille, proun hèn revirrado en dialèite de Beziés.

— *Galejado en proso* —

La proso nous fournis tambèn quauqui galejado dóu gros grun.

La proumiero, qu'a davera la medaio argentalo, es un conte dóu secretari coumunau de Sant Roumié, Edouard Marrel, intitulado : *Li gigot*. Aquéu conte vous fai veni lou rire sus li labro e li dès-e-sèt gigot l'aigo à la bouco. E tout acò es counta emé plan

pausa, à la Roumanille, que l'autour cerco e poudrié imita, e sentis l'ait o lou gigot pourri qu'embaumo.

Pèr Nouvè, de L. Charrasse, davero la segoundo medaio. Lou conte d'*Azalaïs e Miquelet* es un conte de rèire-grand, semena plen de souveni de Nouvè, es simplas, verai, e sènso reproche d'escrituro ; l'autour counèis bèn sa lengo e l'escrieu qu'es uno benedicioun.

La proumiero mencioune dounado à Francés Jouveau, de Ceto, pèr si *Remèdi de M. Madoun* e soun conte dis *ase*. Petejanto d'esperit soun, aquéli dos galejado, ciselado vous dise, qu'acò 's en pur dialèite roudanian.

Es bèn trouvado la galejado de *Jan lou Pantou de Coumbalat-Roche de Pignan*, qu'arribo emé la segoundo mencioune. Es en lengadoucian, e se vèi bèn qu'es pas un pichotnanet que l'a 'spelido. Acò 's escarabiha, gai e forço bèn di e sobre-tout vira de man de mèstre.

Tresenco mencioune à M. Jùli Dor, pèr sa galejado un pau trop mesclado e pensado à la franceso, mai d'uno bono caro.

O. Long tourno aganta 'no autre mencioune emé si galejado dis *Oulivo* e de *Mèstrc Bacana*. Sa multiplicacioun di pan es pescado dins Roumanille. Pamens tout vai bèn.

Tout vai bèn ! e o, en estènt que nosto jouncho es acabado, mai ço que vesèn emé plesi es que pas uno pèço mandado au councours, même pèr li debutant, esescricho em'uno ourtougrafo fantaseirouso, coume s'en vèi toujour que trop.

Es la meiouro provo, acò, que li Felibre an resoun
de persegui la draio que seguisson. Anen ! anen !
i'aura 'ncaro, mau-grat çò que disian en coumen-
çant nosto dicho, i'aura 'ncaro de bèu jour pèr lou
relevamen e l'enauramen de nosto bello lengo d'O.

E tu, Manosco, fugues fièro d'aquesto journado.
Vogue Diéu que lou bon gran qu'avèn semena vuei
siegue pas perdu pèr jamai. Remembro-te de ta
fièro e masclo deviso coume nous n'en remembran-
ren nous-autre, e nòsti laureat, emé naître, quand
en pensant en aquesti fèsto, rediren de tout caire,
à quau voudra l'entèndre : à *Manosco ! Osco !*

A. GAUTIER.

LI NOVO FELIBRENCO

PROUVÈNÇO

*Souscripcióun pèr lou mounumen à-n-auboura à Fourlunat
Chailan, autour d'ou Gàngui.*

— Proumiero listo —

Frederi Mistral, de Maiano.....	20	»
La véuso de Roumanille, en Avignoun.....	5	»
Jòusè Huot, de Marsiho.....	20	»
Premié tres di souscripcióun reculido pèr lou journau <i>la Cornemuse</i> , direitor J. Gautier.....	69	»
Enri Bouvet, en Avignoun.....	3	»
Chapòli Guillibert, à-z-Ais.....	10	»
La Soucieta felibrenco de Paris.....	20	»
Jaque Gardet, de Paris.....	5	»
Reçau pu au 31 de desèmbre.....	152	"

Lou Tresourié : J. HUOT.

Li journau marsihés *la Cornemuse* e *la Sartan* an reculi bravamen de dardeno qu'apoundudo à la soumo de la proumiero listo saran proun un galant levame, mai acò noun empacho que tourna-mai cridan is ami : zóu ! ajudas l'obro. L'oumage rendu is ome ilustre d'un païs, enauro lis amo e noun pòu qu'aumenta soun amour pèr la patrio.

— Li diplomo di nouvèu Felibre emai aquéli di laureat di Jo Flou-
rau de 1892, saran alesti au mai lèu e espedi i destinatàri. Lis ami perdonaran aquéu retard au secretàri de la Mantenènço qu'un auvàri malastra avié bouta dins l'impossibleta de se n'ócupa enjusqu'aro.

— Lou majorau En Marius Bourrelly bouto la darriero man à soun libre di *Rato-Penado*, recuei de conte galoi, que nous vai semoundre lèu, lèu !

— Lou 18 de Xbre, uno galanto acampado de Prouvençau s'es tengudo à Niço, au *Ciéucle de Niço*, souto la presidènci dóu valènt M. Lieutard. L'avié 115 taulejaire, urous de s'atrouva 'nsèn e de parla dóu païs souleious. Dins li flour, avien plaça un buste de Frederi Mistral, qu'es la persounificacioun superbo de la Prouvènço, e lou vice-sendì Pau Coffinières èro ana pourta li felicitacioun dóu Felibrige.

En durbènt sesiho, s'es aplaudi majamen uno letro dóu cantaire de *Mirèio*; Coffinières a brinda, après M. Lieutard, à la Prouvènço e à l'unioun ; an peréu brinda MM. de Clausonne, Bernard, Reynier, Verquiere e Mengaud ; s'es di la *Vénus d'Arle*, de Th. Aubanel, *Lou boutoun*, e de galejado emai de cansoun. Ah ! la bello fèsto ! Longo-
mai se n'en fague ansin !

— Li journau an tourna-mai fa grand brut de la candidaturo de noste mestre En Frederi Mistral, à l'Acadèmi de Franço, e lou Mèstre tourna-mai a fa saupre que noun avié pausa sa candidaturo.

— Li Felibre marsihés avien signa'no peticioun pèr que la Municipalita ajudèsse à manteni lou cours de literaturo prouvençalo à la Faculta di Sciènci de Marsiho.

L'afaire a reüssi e lou cours s'es dubert lou 6 de Xbre. M. Constans, felibre majorau, proufessour à la Faculta di Letro d'Ais, tratara : *De l'influence de la littérature provençale au moyen-âge, en Italie, en Espagne, en Allemagne et en France*.

Lou 12 Xbre, lou counferencé a parla dis *Armana* en prouvençau. D'abord que n'en sian a parla dóu valènt proufessour Constans, dirèn, e nous fai grand gau de l'esbrudi, que l'Acadèmi dis Iscripcióun e Bèlli-Letro i'a decerni lou pres de la Grange, dins sa sesiho annalo dóu 18 de novèembre passa.

— Lou 25 de nouvembre, dins la capello di *Picboto Sorre di Paure à-z-Ais*, lou Pai Savié de Fourviero a douna 'no flamo predicanço prouvençalo qu'a agu 'n grand sucès.

— Lou mountant di souscripcioune reculido pèr lou journau *La Cornemuse* pèr lou mounumen de F. Chailan, poujon au toutau de 909 fr. au 1 de janvié 1893.

— Lou 30 de 9bre, se souii acampa pèr lou premié cop, li sòci d'uno Soucieta que se vèn de coustituï à Brest, souto lou noum de : *Lou Trissoun*.

Es de prouvençau despatria que mesadieramen s'agradaran de se reuni pèr trissa l'aïet e manja l'aiolli e parla la lengo dóu terraïre.

M. Chastenet de Prefort, engeniaire di Telegrafo, es lou capo d'aquel gènto Soucieta, e lou felibre Louis Bonnaud vèn de li benastruga coume seguis :

Bouens ami, brâvei Prouvençau,
Vautre, qu'eila dins la Bretagno,
Galoi coumo de perdigau,
Cantas voueste pais nadau
E sei valoun, e sei mountagno,
E lei perfum de sei baragno,
E soun cœu blu que fa tant gau !

Lou slouchié que vous a vist nèisse,
Noun l'oublidias : sias de valènt ;
Adounc, que Diéu vous fague crèisse,
Toujour sanitous e countent.

Pèr ieu, d'eici, vous mändi dire ;
Vivo sèmpre vouéstei canoun ;
Vivo toujour vouesta franc rire,
E que nouesto Prouvènço ispiré
I.ei galant membre dóu TRISSOUN !

— Lou valènt mantenèire Jùli Cassini a pronóuncia à Mouriero un discours esmougu, en lengo prouvençalo, i funeraio dóu Mourieren Nouvè Bartet, soun ami.

— Lou Counseu Municipau de Valènço (Droumo) a semoundu à F. Mistral la presidénci d'ounour dóu Coumitat coustituï pèr l'aubouramen, à Valènço, d'uno estatuto à-n-Emilo Augier, lou célèbre dramatisto.

— L'estampaire de Fourcauquié A. Crest vai liga en un voulume lis obro legido dins la sesihò tengudo lou 6 de 9bre, pèr l'Atenèu de Fourcauquié e lou Felibrige dis Aup. Aquéli que soun desirous de poussedi aquéu librihoui, soun prega de ié manda sa counsentido emai peréu lou noumbré d'eisemplàri que desiron : lou pres de cadun sara de trento sòu.

— Lou 27 de 9bre, lou Pai Savié, dins la glèiso di Carme en Avignoun, a douna en prouvençau, lou panegiri de Santo Cecilo ; avié douna lou dimenche d'avans lou panegiri de St Veran, à Cavaïoun. E, pertout, lou pople avié courregu en grand fogo pèr l'ausi.

— Li Felibre de l'Escolo de Lar se soun acampa lou 26 de 9bre pèr teni sesiho à taulo, en ounour de la Rèino dóu Felibrige e pèr l'istalacioun dóu nouvèu burèu.

Vès-eici la galanto letro counvidarello qu'avien espedi i sòci :

Moussu e car Mantenèire,

Avèn gau de vous faire assaupre que lou sendi de la Mantenèenco de Prouvènço, en Marius Girard — emai sa gènto fiho la Rèino dóu Felibrige — presidaran à l'istalacien dóu nouvèu burèu de l'Escolo de Lar, lou dissato 26 d'aquest mes.

La grand felibrejado se fara à l'*Hotel* dóu Nord, à 7 ouro precise. L'escoutissoun es de 5 fr. *

Se vous agrado aquelo autounado larenco, vous pregan de manda vouesto cousandido au pu tard dijòu 24.

Coumtas, Moussu... etc.

F. Vidau, cabiscòu ; Ch. de Bonnecorse, secretàri.

En seguido d'aquelo counvidacioun, uno bello tiero de Felibre se soun reüni pèr brinda e canta en glòri de la lengo e de la Rèino bello, que l'endeman venié à Marsiho reçauvre l'óumage de si Maren devot.

— Lou cours publi dóu proufessour Constans sus la literaturo prouvençalo se fai lou dimars de cada semano, à 4 ouro ; en seguido, se fara, en counferènci privado, l'esplicacioun di vièi tèste prouvençau. Aquéli que voudrien ié prene part an que de se faire escriéure au secretariat de la Faculta di Sciènci, à Marsiho.

— Lou 18 de desembre, M. Alcido Betrino, proufessour de literaturo, dins la salo di festo de l'oustau comunau dóu XVI arroundissamen de Paris(Passy), a fa 'no counferènci sus : *La poésie provençale, Frédéric Mistral et son œuvre*, e se i'es canta Magali, lou Baile Sufren e Lou bastimen. La salo èro coumoulo e lou mounde, lou bèu mounde que l'ero, a fa 'no acueiènço superbo au valènt counferencie.

— Lou 4 Xbre, lou felibre abat Pau Payan, curat de Flassan, dins la glèiso catedralo de Carpentras, a fa lou panegiri de St Sifrèn, en lengo prouvençalo. L'abat Payan, qu'es tant bèn emparaula, a fa courre tout Carpentras.

— *Dous maridage felibren* —

— Lou 17 de 9bre, lou mantenière Anfos Martin s'es marida emé gènto d'amisello Magali Perdiguer de Mouriero. Li dous nòvi galant soun neboute e neboudo d'Avignounen-la-Vertu, que jogo un role dins Calendau.

E lou même jour, au *Priburat d'Ardenne*, toucant Manosco, s'es celebra lou maridage de amisello Mario de Rey, la gènto chato dóu mantenière G. de Rey, emé lou comte d'Autane, d'Avignoun.

Iéu, pèr vautre, o chatouno bello, que Santo-Estello enlusis, anariéu pèr vous faire ounour dins lis orto de nosto patrouno, em'acò :

Iéu, i rosò di baragno
Raubarieu gran à cha gran
Li perleto de l'eigagno
Que soun li plus bèu diamant,

Raubariéu joio flourido
Emai bonur dous e clar,
Pèr fin que sus vosto vido
L'ague jamai rèn d'amar ;

Em'acò, prendriéu, chatouno,
Un rai de soulèu pèr nous,
E ligariéu ma courouno
Pèr voste front luminous.

I.ENGADÒ

— *La mandoline*, soucieta literàri e artistico nimesenco, durbis soun councours literàri e musicau pèr 1893, que se i'arremarco uno tiero pèr la pouësio e la prosa prouvençal : tóuti li genre soun amés à councourre e li sujet soun leissa à l'agrat di courrière.

Se decernira de medaio de vermèi, d'argènt e de brounze emai de diplomo d'ounour e de mencioun ounourabلو. L'escot es de 1 fr. pèr pèço mandado, lou mountant deguènt servi pèr croumpa li pres.

Li pèço se devon manda à M. Miquèu Pons, secretari, 9, carriero Papin, à Nimes.

— Lou *Souc de nadau*, aquéu flame numerò que la *Campana de Magalouna* a fa partisse, ilustra superbamen, pèr li festo de Nouvè, s'es tira à cinq milo e s'es chabi coume de pèbre; n'en soubro plus qu'un centenau e se n'en tirara plus; à 5 sòu ! aquéli que lou volon que se despachon.

— Lou ministre de l'interior, sus la prepausicioun de l'Acadèmi de Medecino, a decerni uno medaio argentalo au gènt felibre Pourquier, mège-veterinari, à Mount-Pelié. Nòsti felicitacioun !

— Dins sa sesiho publico dóu dijòu de l'Ascensioun, 11 de mai 1893, la Soucieta arqueoulougico de Beziés decernira :

1. *Uno couronno de lausié* en argènt au meiour memòri istouri e arqueoulougique sus d'uno prouvinçò dóu Miejour de la Franço.

2. *Un rampau d'òulvié* en argènt, à la meiouro pèço de vers en lengo neo-roumano.

Touti li dialète dóu Miejour de la Franço podon councourre.

N. B. Lis autour auran de segui l'ourtougrafo di troubadou e jougniran un gloussàri à sis obro.

3. *Un rampau de cbaine* en argènt, à la meiouro pèço de vers francés.

La Soucieta decernira de mai de medaio de brounze, d'argènt e de vermèi is obro digno d'aquelo distincioun.

Li temo sus la poulitico soun foro-bandì dòu councours.

Li pèço pèr lou councours saran pas signado. *Auran d'estre lisibla-mén escricbo* e adreissado en doublò còpi e franc de port, avans lou 1 d'abriu venent, à M. *Antounin Soucaille*, secretàri de la Soucieta, avengudo de la Republico, 1, à Beziés.

— Lou felibre lengadoucian Aristido Brun, qu'es proufessour à Tunis, vai coustituï dins aquelo viilo uno Escolo dòu Felibrige, souto lou noum d'*Escolo tunisenco*.

— *Lou Lengadoucian* a clava sa publicacioun au numerò 13. Es bèn dòumage qu'un journau d'aquelo meno, que tenié aut e dre lou drapèu de nòsti desiranco e revendicacioun se fugue tant malamen e tant lèu amoussa.

— Lou bastimen *Aquitànì* nous a adu en terro prouvençalo, sus la fin de Xbre, lou majorau Louis Roumiéux que s'ero, ai ! las ! despatria dins lis Americo, aperabas... En tre arriba à Marsiho, lèu, lèu, noste ami, qu'avie fam de souleiado e... dòu Clapas, s'es gandi vers Mount-Pelié ounte i'an fa fèsto mai-que-mai, e, aro, es tourna dins la capitalo de l'empèri dòu soulèu, à Marsiho, e rèsto carriero Barthélémy 24.

— Lou Pai Savié, en Alès, a fa courre tout lou pople emé si predicanço prouvençalo dins la catedralo de St Jan, lou segound dimenche de Xbre e pièi lou dimenche seguènt à la glèiso de St-Jósè, e li raiòu soun esta ravi de l'ausi.

— Lou councours de *La campana de Magalouna*, dubert entre li « charpentiers, fustiers, ebenistas e menuisiers » pèr uno cansoun à faire en parla dòu Clapas, s'es clava lou 1 de janvié. Aquéu qu'avié dubert entre li massoun e li gipié avié fai 'speli vue cansoun que sènso s'americito l'enserciou, s'ameritavon pamens un acourajamen : çò que la *Campana a pas manca de ié douna.*

— *La Campana de Magalouna* vai faire un tirage de lüssi de la seconde annada de sa publicacioun, que començara lou 15 de janvié. Aquéli que i'agradara de l'agué, an que d'escriéure à la direicioun dòu journal avans lou 13 de janvié, en ié mandant un mandat-poustan de cinq franc, mountant d'aquel abounamen.

— L'arribado de Roumiéu à Mount-Pelié es esta, se pòu dire, un evenimen, e noun poudèn miés faire que de leissa la paraulo à *La Campana de Magalouna*, que nous conto tant bèn aquelo fèsto poupu-làri.

« Lous Felibres e la couralo das *Cantaires dau Clapàs* eroun en festa lou dimenche 4 de Xbre : reçavién lou felibre majourau L. Roumiéu, l'autou tant pouplàri dòu famous *Maset* que toutes lous Clapassiés savoun, aro, pèr cor.

« Roumiéu, ou avèn déjà dich, revèn d'America, ounte — nous hou a declarat el-meme — n'a pas enveja de retournà...

« M. lou doutou Hamelin, l'ounourable proufessour de la Faculta de Medecina, que soun aimabla familha es estada sempre avenenta e amistousa pèr Roumiéu, avié dounat la retirada à noste car amic, e es davans soun oustau que lous *Cantaires dau Clapàs* rengats jouta la *bandièira das Felibres de Mount-Pelié*, qu'aquestes i'acien prestat, soun anats canta lou *Maset de mèste Roumiéu*, pèr faire bèn-vengudo au galoi felibre.

« An cantat lou *Maset* talamen bèn, que lou pople, que s'era amou-lounat à soun entour i'a picat de mans e i'a cridat : bravo !

« Toutes lous journals de Mount-Pelié an parlat d'acò e an felicitat lous braves cantaires.

« Roumiéu, qu'es autant fres e autant galejaire qu'avans soun famous viage, que vai lèu nous racountà dins un pouëma que tout lou mounde voudrà legi, Roumiéu, disèn-ti, lous a grameciats dau balcou de l'oustau dins un pichot discours que lou public a aplaudit, e M. lou doutou Hamelin lous a invitats à mountà pèr bagna l'enche.

« Dins lou saloun de M. Hamelin, lous Cantaires an tourna-mai cantat lou *Maset*, e toutes las persounas que s'atrouvavoun aqui an brindat à Roumiéu. Aqueste, las lagremas à l'iol, a serrat la mai à tout lou mounde e a brindat à toutes sous amis dau Clapas, e principala-men as Cantaires.

« Un d'aquestes a begut à l'aimable doutou Hamelin, qu'a respoun-dut couma se déu en bono lengo clapassière.

« Aquela festa de famiha s'es clavada au cafè japounés, ounite lous Felibres an oufrit un vi d'ounou à Roumiéu e as Cantaires.

« Nouten tambén que lous Elèvas de l'Escola das Bèus-Arts de Mount-Pelié, que quauques-un soun *Cantaires dau Clapàs*, èroun ven-guts prene part à la manifestacioun, mesclant sas tocas verdas à la bereta bluia das Cantaires. Ounou à-n-aqueles jouines artistas ! à Louis Coulet, Selmy, Dumazert, Buisson, Dauriac, Compan, F. Marsal, Pèire Arnavielle, Grollier, J. Silhol, G. Perrard, Paul Coulet, e sobre-tout au brave Eyssautier qu'a dich à Roumiéu qu'el e sous camaradas èroun toutes fières de marchà 'mbé lous Felibres. »

— Lou 9 8bre, l'*Escolo audenco* tenié sa proumiero acampado à dos ouro ; dins li saloun de la Soucieta de leituro, se dounavo la sesiho amenistrativo. A 6 ouro, i'a agu taulejado à l'*Hôtel du Commerce*. Lou majorau A. Mir avié marca l'escourregudo de la jouncho en jougnènt tóuti li manjadisso en ounour dins l'Audo. E quand lou champagno a peteja dins li got, es Mir, peréu, qu'a dubert lou fiò emé soun *Trinc* :

A la prousperita de nosto Escolo audenco,
De cor et d'amo felibreno,
Que fague belo souco al soulel miejournal,
Que rame berdo, que flourigue,
E touto fresco s'espandigue
Pèr faire gauch al grand Mistral,
E combla de bounur bostre biel majoural.

Parlon pièi MM. Prax, Peyrusse, Jourdanne, lou tant bèn emparaula e tant enfiouca ; Rouquet, pèr L'Estieu ; Albert Sarraut, remembrant lou souveni de Fourès, e de Toule ; em'acò la vesprado s'es clauso au cafè Maymou, ounite mèste Prax a debita *Lou lutrin de Lader*, que tóuti se n'en soun lipa e que de rire n'an faculido pèr longtèms.

— A l'acamp de l'*Armounio* cetòri, lou 27 de 9bre, li felibre J. H. Castelnau, J. Coste e F. Jouveau an brinda en lengo dòu terraire e soun esta mai qu'aplaudi.

Aquitâni

— Lou 9 d'ôutobre, à Vilo-Novo-sus-Lot, l'Escolo de Jansemin a fa sa fêsto di Jo Flourau e a tengu sesiho à taujo.

Sus lou cop de miejour, à coustat de C. Ratié, lou valènt président de l'Escolo, prenien plaço lou souto-cabiscòu Delbergé e de Bonal, secrétari, emé MM. F. de Mazet, Biers, Lavergne, Vergnes, Preyssas, emai un vintenau d'escoulan e la prêssò.

Tout lou tems de la dinado, i'aguè 'n envanc qu'es pas de dire. Em' acò lou cabiscòu s'aubourè pèr remercia lis estrangié qu'èron vengu pèr béure à la coupo de l'Escolo e canta la cansoun mistralenco : la coupo passo de man en man, e cad:t:n, proso o vers, roussignoulejo soun brinde qu'es un plesi.

Lou cabiscòu legis de vers de Rigal, que noun a pouscu veni tauleja, e se durbis pièi la questioun ourtougrafico ; se vèi que, pau à cha pau, *lou Calel*, qu'es l'ourgano de l'Escolo e que tiro à milo eisemplàri, s'entanchara de mena l'araire coume se dèu : *Lou picbot Calèu qu'a fa poussa la grano que sias vengu semena, o Felibre, marchara lèu, dre à voste coustat.*

A 4 ouro, à la Creissouniero de Marcelin Prayssas, l'Escolo tèn soun Assemblado amenistrativo, e sus li 8 ouro tòuti se rendon au teatre, coumoula de poulli chato ; la telo se lèvo au mitan di picamen de man. Lou buste de *Jansemin* parèis tout enviròuta de flour ; la musico brusis, e lou souto-cabiscòu fai lou rapport sus li Jo Flourau e dis li pouësio courounello de M. Bourrelly, de F. Benoît, de Lataste, de Theron e de Millo Ouradou de Garretta. A pièi parla emé grand fogo de la vièjo lengo, de *l'ensourcilibayro*..

Uno drouleto de set an, que l'aurias begudo dins un got d'aigo, canto coume un roussignoulet : *Faribolo pastouro*, de Bournel, e pièi G. Lavergnes, de Bonal, Vergnes, Calbet e Delbergé dison mai de vers. Delbergé declamo *Lou casse*, Millo Moutoun canto lou *Poutou*, de Gay ; *A Mioun*, de Ratié e de G. de Villemontes e dous o tres galant mousèu dóu musicalaire Bournel, qu'eu meme l'acoumpagnavo sus lou piano.

La réussido flamo d'aqueijo fêsto a fa naisse l'idéo de n'alesti uno autre plus bello encaro que se dounara aperaquí vers lou mes d'abriéu e se ié travaio e se dis meme qu'à-n-aquelo óucasoun se jougara uno o dos pichòti pèço de teatre. Aplaudissèn de tout cor is esfors valènt de nòstis ami de l'Escolo de Jansemin e lis ajudaren de tòuti nòsti forçò pèr qu'arribon à la toco de si desiranço.

MORTUORUM

— A Carpentras es mort lou 31 óutobre, dins si 71 an, M. Carle Casimir Barcilon, noutàri ounouràri, paire dòu mantenèire G. Barcilon, qu'un autre dòu es vengu aclapa subran : soun fraire, Aguste Barcilon, ancian deputa, es mort peréu quàuqui jour après.

— Lou 30 de 9bre, lou majourau En L. de Berluc-Perussis a perdu sa chato qu'èro dins si 24 an, e dins la qualo avié bouda tout l'espèr de sa vido. A-n-aquéu dòu que trencó l'amo de noste ami, prenèn uno bèn vivo part.

— Lou 19 de 9bre, lou secretàri de la Mantenèço de Prouvènço a agu la doulour de perdre soun ouncle, lou musicaire J. Romeu, que s'es amoussa, pechairo ! dins si 74 an, alor qu'En Jan Monné avié plus qu'eu de sa famiho, à Marsiho, e que dins soun afecioun douço óubli-davo l'amarun de la vido.

— Es mort à Cano lou 3 de Xbre, à 5 ouro de vèspre, lou majourau En C. Bonaparte-Wyse. Lou Felibrige plouro. La Prouvènço cargo dòu ! La mort i'a rauba lou majourau ilustre que i'avilé baia touto soun amo : amourous fòu de nosto souleiado, es vengu mouri entre li flour, dins lou reiaume souleious de soun amado. L'Escolo de Lerin a assaventa li sòci pèr aquesto letro segrenous :

L'Escolo de Lerin a la doulour d'assaventa li Felibre de la perdo majo que vènon de faire en la persouno de

En Guibèn Bonaparte-Wyse, majourau dòu Felibrige, mort à Cano, (Aup-Marítimo) lou 3 de Xbre 1892.

Lou 7 de Xbre, à sis óussèqui, li Felibre de Cano, aguènt en tèsto soun cabiscòu d'ounour, F. Mouton, soun cabiscòu M. Rimbault e lou felibre P. Millet, ajoun dòu maire, se i'eron rendu e i'avien trena'no superbo courouno de roso, de jinouflasso e de jacinto, em'un riban coulour de pervenco, pourtant aquesto escripcionu : *A Bonaparte-Wyse, l'Escolo de Lerin.*

Au cementèri, Rimbault, au noum dòu Felibrige, ié faguè lis adessias e F. Lasserre i'apoundeguè un sounet esmougu.

E vejo eici la despacho que Fèlis Gras, noste Capoulié, mandè à la princesso e que dis bèn nosto doulour de tòuti :

« Lou Felibrige es en dòu emé vous. Emé vòsti fiéu, éu se doulouiro davans lou cros de l'ami, dòu felibre, dòu grand pensaire, que laisse un souveni au cor e un rai de lume à l'esperit. »

Lou Gerent : Jan Monné.

Imprimerie I.. DUC, 11, rue Chassagnolle, aux Lilas, près Paris.

CROUNICO

QUAUQUI MOT SUS LIS ESCOLO

Despièi quauque tèms, i'a proun *Escolo felibrenco* que se soun coustituïdo, e, tant pèr aquécli que daton de quauquis annado, come pèr aquécli que tout just espelisson, nous parèis en-de-bon de douna, eici, quauquis entre-signé, emai de reproudurre lis article dis Estatut d'ou Felibrige que li pretocon. Amor que nous es esta douna de vèire, dins de tres de comte-rendu d'acampado d'*Escolo* que nous soun toumba entre li man, que fauto de counèisse o d'agué souto lis iue la règlo de sa coustitucioun, n'i'a que ié passon contro e que sauton la rego.

“ Lou Felibrige qu'es establi pèr afreira e empura lis ome qu'emesis obro sauvon la lengo di païs d'O, e li sabènt e lis artisto qu'estudion e travaion dins l'interès o au regard d'aqueclis encontrado, ” se diviso en *Mantenènço*, que se coumpartisson éli-memo en *Escolo*.

Li *Mantenènço* soun la reünioun di felibre d'un di grand dialèite de nostro lengo d'O ; lis *Escolo* soun la reünioun di felibre d'uno memo vilo ; e, pas mai li *Mantenènço* que lis *Escolo*, soun de soucieta à despart ; mai emé lou *Consistòri* formon qu'uno soulo e memo soucieta : *Lou Felibrige*.

Lou *Consistòri* establis li *Mantenènço* e li *Mantenènço* establisson lis *Escolo* ; e se li *Mantenènço* an lou devé de signala au *Consistòri*, dins la persouno d'ou Capoulié, touto moudificacioun de soun Burèu e tóuti li nouminacioun de felibre mantenèire, pèr asin que lou Cancelié sache en quau dèu faire teni li diplomo e li comunicacioun

counsistourialo, es lou devé dis Escolo d'assaventa ouficialamen lou secretariat de sa Mantenènço propre, tóuti li cop que chanjon sis amenistratour o que volon moudifica un article de soun reglamen.

Veguen ço que dison lis article XXVIII e XXIX dis Estatut :

Article XXVIII

« L'Escolo es l'acampado di felibre d'un meme rode ; a pèr ou-jèt l'emulacioun, l'ensignamen dis un is autre o la coulabouracioun à de travai comun.

« L'Escolo es constiuïdo pèr decisioun de Mantenènço, presso sus la demando de sèt felibre au mens, abitant lou meme cèntre. »

Article XXIX

« Li felibre que volon constiuï Escolo, fan éli-même soun reglamen, tout en se counfourmant à l'esperit de l'estatut e à l'oubligacioun prescricho pèr l'article XXXVII ; lou trasmeton pèr escri, en meme tems que sa demando, au Burèu de la Mantenènço, e noun lou podon chanja sèns l'assentimen d'aquesto. »

L'article 37 cita plus aut fai oubligacioun i membre d'uno Escolo de *felibreja*, valènt-à-dire de s'acampa de tems en tems à taulo, pèr se communica si creacioun nouvello e s'empura au Felibrige.

Aquéli rejauchoun que se noumon *Felibrejado*, soun de tradicioun dins lou mounde felibren.

Es aed la soulo oubligacioun impausado i membre d'uno Escolo, que d'aiour *chausisson éli-même e à sa coumoudila*, si jour de reünioun.

Mai, l'article 29 porto, à prepaus dóu reglamen dis Escolo, qu'a-quésti « noun lou podon chanja sèns l'assentimen de la Mantenènço. »

Signalaren aquesto fraso is Escolo felibreno qu'an pourta de moudificacioun à soun reglamen, sèns l'assegura de l'assentimen de l'Assemblado generalo mantenencialo.

Li Mantenèire pagant soun escot entre li man dóu secrétaire de sa Mantenènço propre (art. 38) c l'escot estènt fissa pèr lou meme article de l'estatut, lis Escolo noun podon dispensa quau que fugue de lou paga.

E, se lis Escolo fan ço que volon di revengut que podon avé, noun podon impausa d'escoutissoun qu'à si membre Ajudaire que soun pas dóu Felibrige.

Aro, veguen l'article XXX, que dis :

Article XXX

« L'Escolo, de soun caire, clegis soun Burèu, dóu quau lou président porto lou titre de Cabiscòu e fai partiò ému-même d'ou Burèu de la Mantenènço, coume es di à l'article XXII. (1)

« Lou Cabiscòu fai tóuti lis an, dins l'Assemblado de Mantenènço, un rapport sus li travai e li prougrès de soun Escolo. »

Se l'*Escolo es l'acampado di Felibre d'un même rode*, adounc es tout naturau que i'a que *li Felibre* que podon e devon vouta pèr la fourmacioun de soun Burèu, e que soulet an lou dre de mestreja la subre-dicho Escolo : lis *ajudaire*, que soun ni mai ni mens que li membre d'ounour de l'Escolo, noun soulamen an pas voues deliberativo dins lis elecioùn dóu Burèu, mai encaro noun podon èstre carga de sounciou administrativo. S'es jamai vist dins ges de Soucieta que li membre ounourari n'en fuguèsson li mestrejaire o lis amenistrator.

E dins l'article XXXI legissèn :

« L'Escolo pòu èstre autourisado pèr la Mantenènço à s'agrega, coume *Ajudaire*, de persouno voulountouso e que soun pas d'ou *Felibrige*. »

Li felibre d'un même rode, fasent de dre partiò de l'Escolo e fourmant la dicho Escolo, es clar que li *persouno voulountouso* que l'Escolo pòu s'agrega, se n'en fai la demando à la Mantenènço, podon èstre de membre d'ou Felibrige que rèston dins d'autri rode, mai que la dicho Escolo vòu ounoura d'un titre ounouri. Aquesti, adounc, noun soun en questioun ; soubro aloë lis ajudaire que *soun pas d'ou Felibrige*. Or, cresèn pas que res posque afirma que quaucun qu'es pas membre d'uno Soucieta ague lou dre de faire partiò d'ou Burèu d'aquelou Soucieta.

N'avèn proun di, nous es vejaire, pèr esclargi li qu'àuquí questioun que se pausavon sus lou prepaus de deliberacioun d'Escolo que n'avèn legi li comte-rendu, sènsa qu'aquesti fugin esta comunica au Burèu mantenenciau.

E cresèn d'agué moustra que lis Escolo noun soun de Soucieta à despart, mai de moussèu de sa Mantenènço propre, e que noun podon sourti de soun reglamèn, sènsa l'autourisacioun de l'Assemblado

(1) Es di à l'article XXII que « li cabiscòu regisson lis Escolo. »

mantenencialo, e que sa toco (proun bello pèr n'en pas bousca d'autro) en de mai de l'emulacioun, de l'ensignamen dis un is autre o de la coulabouracioun en de travai coumun, es, pèr dessubre-tout, de liga li cor e de ié faire greia l'amour freirenau, ço qu'es lou coumplimen dòu cant felibren de la proumiero ouro :

Sian tout d'ami, sian tout de fraire,
Sian li cantaire dòu païs !

JAN MONNÉ.

MORTUORUM

— Lou 24 de gbre es mort, dins si 59 an, au castèu de Mount-Ferrant, toucant Uzès, G. Guizot, proufessour au coulège de Franço, fiéu de l'ancian ministre de Louis-Felip, e felibre mantenèire.

— Lou 21 Xbre, es morto à Bourdèus, dins si 36 an, dono Mario Estello, nascudo Mario Boy, religioso de Nosto-Damo de Lorette, sorre de neste ami e counfraire Carle Boy.

— Lou 21 de Xbre, lou chivalié Em. Portal, de Palermo, sòci dòu Felibrige, a agu la doulour de perdre sa maire-grand, dono Anna Sapiro Allegra.

— Lou 17 de janvié, à Marsiho, es morto dins si 70 an, dono Rùssi Jano, maire de la gènto felibresso de la Crau, Lazarino Daniel.

— Lou 18 de janvié, es morto à Marsiho dins si 77 an, dono Julio Fany Bigonnet, véuso Michel, maire de neste ami lou simpati felibre majourau En Anfos Michel.

— Un di foundedou de la *Cigale* de Paris, lou pintre E. Baudoin, de Bedarriéus, vèn de mouri à Paris, dins si 49 an.

Plagnèn li dòu de tòuti aquéli matrassa e pregan Santo-Estello de ié douna soulas.



LI NOVO FELIBRENCO

PROUVÈNÇO

— Dins lou courrènt dóu mes de Xbre, avèn agu l'ounour de faire presenta à nòstis ami la quitanço, tant pèr l'escoutissoun de mantenèire pèr 1892, que pèr l'abounage au Tome VI de noste butelin mesadié. Remercian de tout cor, au noum de l'obro, aquéli qu'an respondu tinton, quand lou pedoun a pica à sa porto. Mai n'i a bèn quauquis-un que la posto a pa 'ncapa e que nous a faugu paga dous sòu pèr lou retour de sa biheto. Avèn pres siuen d'avisa tóuti aquéli bràvi coumpai de ço qu'èro avengu, en li pregant, pèr eivita de nouvèu fres à la Soucieta, de bèn vougué nous faire teni soun degu. Ié remembran tourna-mai la causo e sian fisançous que nous ausiran, e que noun ié sara grèu d'apoundre sa pichoto ajudo à-n-aquelo dis ami, pèr afin que pousquen, noun soulamen manteni nosto publicacioun, mai encaro l'ameicura lou mai poussible.

Coumtan que noste rampèu sara entendu, e que li sòci, en nous espagnant d'obro, voudran demeni li fres d'enqueissamen que soun counderable.

— Dins noste darrié numerò disian que En Frederi Mistral pausarié pas sa candidaturo à l'Acadèmi Franceso. Lou mèstre éu-même vèn de counfirma aquéu dire. L'autre jour, à Nimes, dins uno acampado d'ami, s'es vengu à parla de la subre-dicho candidaturo ; em'acò lou mèstre a declara qu'es vertadié que l'avien pressenti, mai qu'avié respondu pèr un refus categouri. Éu noun vòu parla d'autro lengo que la lengo prouvençalo e crèi que tóuti sis ami ié troubarien à dire se pausavo sa candidaturo, e que de mai si travai ié permetrien pas de prene part au pres-fa de l'Acadèmi.

Mistral a anòncia que d'aquest moumen travaiaavo à-n-escriéure si memòri e qu'aquelo obro ié faudra bèn quauquis annado pèr la coumpli.

— Aquest an, la primo de l'*Aïòli* sara *L'ousta* de Frederi Mistral, à Maiano. Grando e bello soutougrafia de Mmo Chabrier de Lafongt,

ounte l'on veira lou Mèstre emai lou majourau L. Roumiéu, que l'ero vengu embrassa just aquéu jour, em'un roudelet de galànti prouvençalo.

— Lou 6 de janvié, en Avignoun, s'es poulidamen celebra lou seound anniversari dóu Batejat de l'*Aïoli*, encò de F. de Barouncèlli. A-n-aquelo festo s'atrouvavo l'ilustre Ang. de Gubernatis, en coumpagnó dóu Capoulié e d'autri felibre, qu'an brinda e canta en ounour de la raço latino, dóu Felibrige emai de la Prouvènço.

— Lou majourau En Crousillat bouto la darriero man à soun *Eisame*, un voulume de vers ferigoula, tóuti prefuma dóu mèu de sa *Bresco*.

— A-z-Ais, es li dilun dóu felibre Baroun Chapòli Guillibert, que fan prouado e que soun lou mai courregu e lou mai renoumena. Li grand saloun de l'*Hôtel Maçarino* noun podon caupre touto la flour dóu bèu mounde que se i'acampo.

— Lou 22 de Xbre, l'*Escolo* dóu Flourege a tengu soun acamp en Avignoun. Vès-eici çò que n'en dis l'*Aïoli*.

« Sét majourau, lou Capoulié en tésto, avien respoundu au rampèu, e à si coustat tutto la fino flour de la jouinesso d'en Durènço avié tengu à s'assetla. Brinde e cansoun pourido an fa d'aquelo vesprado uno vesprado paradisenco. Lou Capoulié, emé soun *Rèi En Pèire* e *Diano de Favoun*, lou cabiscòu En Marius Girard, emé soun brinde plen dóu sant estrambord de nosto *Causo*, emé sa *Margai la fislarello* e soun *Jan di caiau*; Roumiéu, lou revenènt d'Americo, lou sèmpre gai e galejaire e cascarezet Roumiéu en quau tóuti fasien festo, emé soun brinde, soun *Maset*, soun *Tiro lou ridèu, ma vesino*; e Mathiéu, lou dous Mathiéu, emé soun *Catoun*, sa *Letro à Bonaparte-Wyse*, sa *Font de soupiroun*; Jan Brunet emé si conte, e G. Perrier, que pendènt un an a tant bèn sachu teni la beilié de l'*Aïoli* emé sis escarrabihànti cansoun de *Goutoun*, di *Cat*, di *Rèi*; Mouzin, noste bèl emperaire d'Arle, coume l'apelan, que quand parlo parlo tant bèn, emé soun cant esquis, prefuma e ideau de la *Felibresso* (uno felibresso que fara parla d'elo e dóu Felibrige); Marius André emé la *Coumesso*, de Mistral; Roussillon emé sa toujour deliciouso roumanso *Fibo e soulèu*; Cassini emé soun cant patriouti e soun *Jacoumar*; A. Martin, lou nouvèu secretari-tresourié de l'*Escolo*, emé sa *cansoun de la Nèu*; T. Dàvid, un felibre de bon, emé soun brinde magnifique à la liberta di prouvinçoo.. an tóuti auboura d'aplaudimen à faire tremoula li quatre murao de

la salo. Mai ço que i'avié de galant, es que lou Flourege avié sachu s'adurre e mescla ço qu'es la crèmo e l'aveni de nosto Soucieta : l'arma-do forço bèn representado, l'Universita e lis estudiant, e s'es pica di man à l'Armado emai à l'Universita, emai is estudiant.

Dins aquel acamp s'es *revist lis estatut de l'Escolo* (1) S'es renouma en partiido lou burèu e s'es decida que tóuti lis an, pèr Pasco, se publicarié i fres de l'Escolo un voulume qu'aurié pèr titre lou Flourege, e ounte s'atrouvarien de pèço de pouësio o de proso de tóuti li membre dóu Flourege, que lis acamp ourdinari se tendrien tóuti li premié dissate dóu mes, e de mai que i'aurei dins l'an quatre acampado soulennno : au printèms, en estiéu, en autouno e pèr Calèndo, e qu'aquélis acampado prendrien li noum seguènt : l'Acampado di Flour, au printèms, en remembranço dis òurigino de nosto Escolo, ounte li dono sarien cœunvi-dado ; l'Acampado de la Rèino Jano, au tèms di meisoun, en remembranço de la cabeladuro d'or de nosto grando Rèino ; l'Acampado de la Bello Lauro, au moumen que li fieuio toumbon, en remembranço dóu languitòri e di plour d'amour de Petrarco ; enfin, l'Acampado dóu papo Clemènt V, en ivèr, quand lou mistrau ourlo, en remembranço d'aquéu qu'aduguè sus nosto roco la papauta e que lou premié larguè si benedicioun d'Avignoun sus lou mounde entié coume uno mistralado pouderouso. »

— M. lou comte de Gubernatis, sòci dóu Felibrige, proufessour à l'Universita de Roumo, es cargo pèr lou ministre de l'Estrucioune pu-blico d'Itàli, d'estudia l'ourganisacioun de neste enseignamen primàri. Aquel ilustre savènt es vengu lou 27 de Xbre à Cano, e lou cabiscòu di Lerinen, M. Raimbault, i'a fa la bèn-vengudo : d'aqui a passa pèr Marsiho e z-Ais, ounte lou felibre Carle d'Ille l'a reçaupu superbamen e ounte i'an fa festo li Felibre de Lar e li sòci de l'Acadèmi de nosto vièjo capitalo.

— L'Atenèu de Fourcauquié e l'*Escolo dis Aup* s'acampavon en vilo de Fourcauquié, lou 6 de gbre.

M. lou maire, lou majourau Plauchud e d'autri felibre èron, lou matin, à la garo pèr reçaupre lis ami ; à miejour, en un galant banquet, mèste Plauchud festejavo si coumpañ, leissant presida la taulado pèr sa mai que gènto fiho, Mnio Audibert, que M. Guillibert, en un sounet finamen vira, i'a di li gramaci de tóuti li counvida.

(1) Vèire nosto cronico, à-n-aquéu prepaus.

Dins la grand' salo dóu coulège se duerb, pièi, la sesiho literari. En Plauchud presido ; à soun entour i'a l'artisto d'elèi Pau Martin, presidènt de la Soucieta literari di Bassis-Aup, M. Daime, lou savent engeniaire, En J. Huot, representant di *Maren*, e F. Vidal, cabiscòu de l'Escolo de Lar.

La sesiho duberto, En Plauchud legis sa *Fado de l'aven* ; M. lou viscomte de Salle parlo di garagai de Vau-Cluso ; Tarliéu fai la descripcióun d'un vouiage qu'a fa i gorgo dóu Var, en Annot ; Celestin Roche canto la Durènço ; lou proufessour Constans avié manda si regrett, l'abat Bongarçon uno manado de sa *Garbeto de cascareloto*, que lis an aplaudido mai-que-mai ; En Lieutaud avié pourgi la galanto *cansoun nadalo* de soun *Drouloun Dounin* ; A. Laugier i'ero representà pèr de vers requist ; l'abat Michel, en seguido, a di sa pèço *Cristòu Couloumb*. En F. Vidal, si *Floureto de dòu* ; Guilibert a desgruna de vers qu'avie di à la noço de la feleno d'un de Fourbin e de trioulet delicious dedica i damo gènto qu'esbrihadavon lou cor di pouèto ; Carle Descosse s'esfa forçò aplaudi en disènt de vers de sa feleno ; l'abat Colombet a di peréu la siéuno emé bon biais ; e pièi En Huot a debita lou segound cant de Mirèio, e l'a tant bèn di, que tóuti n'en soun esta ravi ; E. Plauchud a tira un chapitre de si *Diamant de St Maime* : *Lei quinge an de Beatriz*, qu'es un diamant vertadié ; M. Tourniaire a embauma l'auditòri emé *Li prefum di flour de Luro* ; M. Daime a fa 'no charradisso sus la constiucióun dóu Musèu de Digne e sus li pichot bestiari que n'en fan la richesso ; M. Bachelard conto l'istòri de la *cabro bruneto* ; s'es legi peréu *Les bescucbello de la Metrino*, cascareloto mai qu'escarabihado d'En de Berluc-Perussis ; em'acò En Plauchud aguènt refa lou *Darrié sermoun dòu pai Francés*, s'es clava la sesiho, e à 7 ouro de vèspre, encò de l'oste Lachaud, Felibre e counvida s'atrovon entaula. Vès-eici lou menut éuriginau que i'es semoundu :

Frai Proumàci, Recoulet de Fourcauquié, parlavo ansin :

“ Bèn manjar par bèn pregar,
E par hèn cantar, bèn heure. »

Pèr acò sau :

D'ourivo de Sant Clemens
De saussissot de pouorc d'aglan
De buèrri de Fountiano

Acò es par se vougne lou mourre e amoura l'apetit ; après

desearbucelès uno

Croustado des Court d'Amour d'à-z-Ais

Vous coungoustès em'un

Cirié de lèbre de la Baumo de Sisteroun

E voui deigreissès li dènt en lipènt uno

Macarouna de Jan German

Aqui se fai uno pauso ; uno brié de charradisso emé lei vesin,
parmete de prendre coussò pèr desoussa les

Gabre dignen dei Dourbo

E s'ensfresqueira la bouco em'uno

Sarado manda par la Fado de l'aven

Aqueles qu'ourien enca fam pourran mai metre levame emé de
Froumajoun ou Pèbre d'ase

E tout acò espoumpì de

Vin de nouóslei souoco

Alor l'on ei lèst par avala lei

Bachiquello signourenco

faire de discours, barja, canta, chima lou cafè, dire de conte e
prega Santo Estello e frai Proumàci, que l'an que vèn, toutos en
santa, s'atrouben mai eicito entoureja, encò de l'oste Lachaud.

Ansin siègeue.

A la desservo, M. lou Maire brindo is oste de Fourcauquié ; Plauchud ,
après d'agué remercia lou souto-prefet d'estre vengu an banquet, traïs
si regrett de ço qu'un dòu a empacha lou cabiscòu Maurel de ié veni e
n'espremis la desiranço qu'un abréujat de l'istòri de Prouvènço fugue
espandi dins lou pople mountagnòu. Lou mantenèire C. d'Ille prepauso
de bouta aquéu sujet au councours pèr la venento acampado, e brindo
à-n-En Plauchud, capo di Felibre aupen, emai à la liberta di dialèite.
En Vidal fai si gramaci au Maire pèr la hono acuiénço que s'es facho
is estrangié e brindo à la remembranço de Damaso Arbaud en apoun-
dènt quauqui cant qu'a reculi, coume : *Li tres calignaire, A Teresoun*,
etc. Lou mantenèire Descosse brindo au cabiscòu de l'Escolo de la
Mountagno, lou valènt abat Pascal ; Huot dis *Lou ban de mar e Li*
canard ; Honde, que soun *mestié dòu diable* encadenavo, avié manda'n
brinde qu'es legi e aplaudi. Lou conte galoi que debano En Plauchud
fai estressa dòu rire, e se pico di man poulidamen i gracious, nervous
e mignard trioulet de Guillibert, quand l'on vai au Ciéucle dòu Cou-
mèrci acaba la vesprado. Aqui, Plauchud *l'abouticaire* se truso di comte

d'avoucat e brindo à de Berluc-Perussis, uno de nòsti glòri prouençalo ; Guillibert n'aprouficho pèr faire coungousta un di sounet d'aquéu mèstre ; Vidal béu au comte de Gubernatis que vèn de faire estampa lou meravihous album de Cristòu Couloumb ; Bachelard remembro lou tèms di Cauco ; Huot dis *Gafarèu*, uno sceno de pescadou, pescado sus lou viéu, e pèr claire tout e pèr la bono bouco, Descosse destreno uno fablo : *Lou labouraire e sis enfant*.

E tòuti disien en s'enantan :

Nous fau *prega Santo Estello e frai Proumàci, que l'an que vèn, toutes en santa, s'atrouben mai eicito entoureja encò de l'oste Lacbaud.*

— Dins lou courrènt dòu mes de febrié pareissira lou libre de neste valènt sòci palermitan E. Portal, qu'aura pèr titre : *Sulla litteratura provenzale moderna*. Tòuti li bibliougrafio, noto istourico e tres de vers o de proso douna en citacioun, fourmaran un voulume de 400 pajo, in-16, que costara 5 fr.

— Lou brave Pèire Bertas, qu'a fa 'no escourregudo pèr entre-viéuva lis ome marcant dins lou mouvemen miejournau, a douna dins lou *Petit Provençal* dòu 5 de Xbre, lou comte-rendu de sa charradisso emé neste Capoulié En F. Gras, e s'atrovo que ço que mèste Bertas ié fai dire, es pas bèn ço qu'a di, car lou 7 de desèembre, i'scrivé acesto letro :

Avignoun, 7 de desèembre 1892.

Moun car ami Bertas,

« Vène de legi l'*interview* que me pausères, un pau de galapachoun, i'z dos o tres semano.

« Quand venguères me vèire, cresegùère de sarra la man au pouèto arderous qu'ame e aimire de tout moun cor ; parèis que m'enganave e que toucava la man à l'ami toujour, mai subre-tout au journalisto.

« Se l'aviés di, aurian bouta quàuqui poun de mai sus lis i... o quàuquis-un de mens...

« Mai, basto, aro acò's ansin. Pamens, vole te dire que sus la fin de toun papafard me fas afourti uno causo espetaclouso, qu'en la lessènt m'a fa veni la car de galino. Me fas dire, malarin que tu siés ! que neste bèu lengage de Prouvènço es *irrémissiblement perdu* ! que nòstis obro felibenco soun *le signe de cette mort que je vous annonce*.

« Moun car ami, veguen, es pas poussible que ieu ague vougu dire acò. Auras ó:blida quàuqui *bessai* e quàuqui *beldu* que chanjarien en

crento — coume l'on n'a toujour pèr li causo que l'on amo — l'afier-macioun brutalo que me fai fermi rèn que de ié pensa. Aquelo crento pèr l'aveni, quau l'a pas agudo ?

D'un vièi pople fièr e libre
Sian bessai la flniciouн ;
E se toumbon li Felibre
Toumbara nosto nacioun.

« O, avèn parafrasa aquelo estroso dóu Mèstre, e t'ai di que se lou malur aribavo, nàutri, li Felibre qu'aurian lucha fin qu'à la mort, au-rian uno bello pajo dins l'Istòri.

« Mai noun ié crèse, au grand malastre, e te lou dise pèr que lou redigues en ami leiau : Tant que i'aura un to d'óulivié sus li costo dis Aupiho, tant que i'aura un pastre sus lou Ventour, tant que i'aura un païsan en terro d'Arle e un pescadou à Marsiho, la lengo prouvençalo flourira.

De cor,

Felis Gras.

— Lou majourau L. Sardou avié, pèr si travai, moustra que Nico èro de naciounalita prouvençalo, e s'atovo, nous dis l'*Aïoli*, que Grabié Letainturier, chèfe dóu gabinet dóu Prefèt dis Aup-Maritimo, es à mand d'acaba un libre entitula : *Nice de Provence* ounte, aguènt resumi l'istòri d'aqueло vilo e estudia soun lengage, counclus, coume es de juste, à la naciounalita puramen prouvençalo, valènt-à-dire franceso de la ciéuta de Niço.

— Nous fai gau qu'es pas de dire de reprodurrre lou brinde qu'Abel Laugier pourtè au banquet di Maren (27 de gbre), au noum de l'Escolo de Gap, e que neste comte-rendu, trop loungaru, noun a pouscu douna :

A nosto gento e gracieuso Rèino

Madamisello,

Li pichot riéu de mi mountagno qu'an soun brès escoundue dins li grand bos de roure, de fau ou de sapin, davalou en travessant li bouis, li farigoulo e li baïasso presumado, dins nòsti frès valoun, mounte pountounejou, de-long de soun camin, la sagno emplumachado e l'òumarino voulountouso. Pièi, tout en cascaiant entre-mitan di sause e di piboulo, van se jougne à la Durènço pèr adurre à Mar, lou dème que se dèu en tutto soubeirano.

Ansin iéu vole faire : e vous aduse, à vous, Rèino dóu Felibrige, lou riéu-chiéu-chiéu galoi di passeroun de la Mountagno ; vous aduse tambèn li souvèt de bonur de mi fraire gavot. Vous aduse de rai d'estello... li rai beluguejant de l'*Estello dis Aup*.

Noste jurnalet qu'avian bateja tout d'abord dóu noum pouëti de l'*Edelweiss*, n'èro gaire plus grand qu'aquesto gènto flour que se plaisir dins la blancour nevenco de nòstis Aupo subre-bello ; pièi, l'estello a grandi ; e bèn lèu tournara mai grandi e lusira dou s cop pèr mes.

Aquest jurnalet, Madamisello, es tout devot au Felibrige. Poudès èstre assegurado que sèmpre mantendra la causo felibreno e que sara toujour, coumo aro, un liame de counciliacioun.

Voulèn la Descentralisacioun ; mai ço que voulèn subre-tout, es l'unioun de tòuti li felibre sus lou camin flouri de l'Ideau. Voulèn la glòri e lou trelus de la Prouvènço. Voulèn canta peréu nòsti bèlli mountagno. Voulèn, de mai, l'espandimen de la lengo meiralo.

Au noum de la redacioun de l'*Etoile des Alpes*, au noum di felibre de nosto gavoutino :

Vivo la Rèino ! Vivo lou Felibrige e vivo la Prouvènço !!!

— Lou grand pouèto Francés Coppée, estènt vengu à Cano pèr restabli sa santa e béure nosto souleiado, quauqui felibre se soun tabla de ié semoundre un testimòni de soun amiracioun, e vès-eici la circulàri qu'an fa passa is ami :

Car Counfraire,

« Un di grand mèstre de la pouësio, Francés Coppée, es, d'aqueste moumen, à Cano, mounte es vengu cerca lou restabilmen de sa santa un pau esbrandado. Avèn pensa que li Felibre prouvençau avien lou devé de souveta la bèn-vengudo à-n-aquéu bèu pouèto à l'òucasioun de soun viaje en Prouvènço. Pèr acò faire, sian quauquis-un que decidan, à la lèsto, de manda i Felibre de l'encoutrado, aquestobiheto acoumpagnado d'uno pajo blanco, ounte chascun voudra bèn escriéure (en prouvençau o en francés) ço que bon ié fara plesi à l'intencioun dóu Mèstre. Aquéli fueio nous saran retornado — vous n'en pregan — avans lou 24 courrènt à nosto adrèssisso, carriero Saunarié, 11, en Avignoun, e lifaren autant-lèu religa counue se déu pèr èstre semoundudo en óumage au bèu pouèto.

« Adounc, car counfraire, pensan que vous agradarà de porge un bèl espigau pèr aquelo garbo d'or e qu'apoundrés i rai benfaïent de noste bèu soulèu e au perfum embeïnant de nòsti flour, l'aflat de vosto bono acuïènço ; tres causo que, de segur, reviscoularan lèu-lèu aquéu pouèto d'elèi e lou fourçaran de garda, de la terro prouvençalo e de soun pople, uno remembranço agradivo e digno d'éli.

« Acò, coume vesès, es un ate patriouti, tambèn coumtan sus vous e vous pregan de reçaupre nòsti saludacioun freirenalo.

Pèr lou *Roudelet*,
Juli CASSINI.

Dins l'album galant que s'es manda au mestre pouèto, i'a 42 pèço, tant prouvençalo que franceso e n'en tiran aquésti :

Pouèto dous, pouèto ami, pouèto fraire,
Que lou soulèu, lis iue brun, lou vin dòu terraïre
Raion à voste cor, rèdon à voste sang
Li gaiard batamen, lou rouge linde e san,
E se, pèr cas, amount, li vesin, li vesino,
Quand vous entournarés, la faci cremesino
E fort coume uno espaso, èron trop estouna,
Vous iè dirés, parai : me siéu repatina ;
Ai de moun cor jala cousseja lou jalibre
En escoulant tres cop la coupe di Felibre.

F. GRAS.

Pèr escouta nòsti sereno,
L'ouèto ami, sus nosto arenò
Ajasso-te dins lou souleu,
Qu'eli t'ensignaran belèu
Lou gour blaven ounte barrulo
La coupe d'or dòu rèi de Talo.

F. MISTRAL.

D'abord que pèr li fiò de neste gai Miejour
Avès fugi lou Nord, si nèblo e sa frejour,
Mèstre, que li trelus de la costo azurencò
Enramon voste front de si rebat courous,
E, que lou rire clar di Muso felibrenco,
Floucant li raioun d'or de neste soulèu rous,
Emé l'aire de mar prefuma, salabrous,
Fugon un baume sant, divin e poulderous,
Pèr voste paure cors que lou mau rouigo e trencò.
E de voste reviüre, alor, saren urous,
E culiren li flour dix orto lerinenco,
E vous li semoundren emé nòsti cansoun :
Lou Nord e lou Miejour soun douz fraire bessoun,
Luchant pèr uno glòri unenco !

J. MONNÉ.

LENGADÒ

— Lou 24 Xbre, la Soucieta : *Lou Clapas*, de Paris, a douna un grand councert ounte s'es canta bravamen de moussèu en parla dóu terraire, entre li quau citaren : *Lous laguis d'un pastourel* e lou *Maset*, de mèste Roumiéu ; après d'acò, coumo èro la niue de Nouvè, se faguè lou *Regagnou* (lou revihet), e au dessert, lou président di *Clapassié*, Roche, cantè *las Vespradas clapassieiras*, o lou *Clapas à Paris*, e tout lou mounde cridè : Vivo lou Clapas !

— Lou 31 de Xbre, li *Cantaires dau Clapas*, à Mount-Pelié, an douna 'no serenado à M. Baumel, maire de Mount-Pelié, à M. Ipolito Messine, sendi de la Mantenèço de Lengadò, emai à la redacioun de la *Campana de Magulouna*. Li Cantaire an fa ausi lou cor à *Mount-Pelié*, pièi an di : *França e Clapas* e an clava pèr lou *Maset*, de mèste Roumiéu, qu'es de tòuti li festo e que i'es degu, amor que porto en éu la joio franco. Em'acò, coume èro miejo-niue, li Cantaire èron ana souveta la bono annado à soun valènt chèse M. Borelly, e Roumiéu just presidavo la festo e souvetè la bono annado i Cantaire que, coume l'an 1893 pounchejavo, lou saluderon emé lou *Maset*.

— Dins nosto Prouvènço, i'a tèms que li journau, pichoun e grand, fan plaço bello à nosto lengo, n'i'a meme bravamen que passo pas semano que noun nous pourgigon de galant tros de proso e de vers : çò qu'es un regale pèr tòuti e mostro claramen que nosto lengo, liogo de s'esvali, gagno de-longo e s'enracino que mai dins lou pople. Dins lou Lengadò, peréu, aquel envanc fai taco d'òli, e noun soulamen *l'Héraut* nous baio tòuti li semano de vers d'Antounin Maffre e d'autris escrivian, mai vès-aqui que se bouton au branide : *La croix méridionale* emai lou *Petit méridional*, e n'en vendra d'autre, es mai que segur, que de liuen en liuen an deja leissa pouncheja soun afecioun pèr la parladuro meiralo.

Zóu ! que la farandoulo tire de-long e picaren di man en cridant, coume *Jan de l'ouliva*, de la *Campana* :

« Ara lou patoués es ben mort e la lenga d'Oc reviéu dins toute sa bèutat. »

— Çò que tòuti li marchand de bounbouniho de nòsti terro aurien de faire, sarié d'agouloupa si sucratié e si *Marroun* glaça de deviso en lengo d'O, seguissènt l'eisèmple, en acò, d'un marchand de la plaço de Mount-Pelié que l'autre jour vendeguè à Roumiéu, de bounbouniho ounte èron empegado de deviso en claro lengo dóu Clapas.

Sarié-ti pas mai galant acò que tóuti aquéli fraso nèsci, que n'an ni tésto ni co, e que nous vènon de Paris d'ounte nous vènon tant d'autri causo niaiso, contro li qualo sabèn pas proutesta.

— Dins la *Revue méridionale* de Xbre, i'a un assabé que nous fasèn un plesi d'ensiери. Es à dire qu'aquelo publicacioun devèn peréu aquelo de nòstis ami de l'*Escolo moundino*.

Vès-eici la dicho :

« Nòstis ami de l'*Escolo moundino* e lis abouna au paure *Lengadoucian*, qu'es trespassa à Toulouso, lou dimenche 27 de 9bre, reçaupran à la plaço d'aquéu journau aquesto revisto que devèn, à parti d'iuel, l'ourgano di revindicacioun *felibrenco* de nostro encontrado. L'*Escolo audenco* et l'*Escolo moundino* vènon de se douna la man coume dos sorre que soun. l'aura encaro de bèu jour pèr lou parla dòu *Naut-Lengadoc*. Mai que jamai desplegan l'auriflamo. Qu nous amo, nous seguigue ! »

— Lou secretariat de l'*Escolo moundino* es toujour à Toulouso, 4, carriero de Roundo-di-Presoun.

Pèr ço que regardo la redacioun felibrenco, escriéure à Jan Doc, à *Fraisse-Cabardés* (Aude)

— Vai pareisse : le *Terradou*, recuei de sounet lengadoucian de Prouspèr L'Estiéu. Bèu voulume de mai de 300 pajo, sus papié tinta, emé traducioun franceso vis-à-vis e un estudi-prefaço d'En A. Perbosc, majoutra dòu Felibrige. Se souscrieu au pres de 4 fr. i burèu de *La cigalo d'or*, à Mount-Pelié, emai à la *Revue méridionale*, 3 carriero Vitor Hugo, à Carcassouno.

. — Jan Doc s'encagno, dins lou darrié numerò de la « *Revue méridionale* » contro li nèsci que nègon l'eisistènci de dono Clemènço Isauro, de l'idealo Clemènço de nòsti pantai ! e vès-eici coume parlo *as capitouls de Toulous* :

« Oh ! aquélis sapients ! N'an pas pietat de res ! Dins lhour furou arqueoulougico, van junquos à nega las pus poulidos legendos que l'engent pouplàri a congrelhados e que soun desempuèi de siècles le soulas des simples e des raivaires. Garo aici qu'aro venoun nous dire, en nous moustant d'antics apargams, que la nostro caro Dono Cléménço n'a eisistat que dins l'imaginacieu de quelque troubaire d'antan. Obe ! d'aprèts aquélis pouses de sapienço, la Rèino d'Amour, l'agradivo Isauro, qu'a fait espeli tantos d'estrofos en bèl parla d'Oc, n'es pas qu'uно fablo ! Uno fablo, tabès, aquelos Cours d'Amour qu'Elo

presidavo ambé sa gràcio pouderouso, de flous à sous pèds e d'auselous cantant sus soun cap ! Uno fablo, las gentos doumaisèlos que l'enroudàboun e le troubadour que, devant elo, fasiò ressounti joubz le soulelh miechjournal sas rimos tindairoz !

« Nàni ! tout acò pot pas èsse fals. Dono Clamenço a viscut e es pla elo qu'ajudèt à la Renaissenço de la lengo roumano, aprèts l'espatable ravatge que les Crousats fasquèroun dins nostro Toulouso. Que se les furetaires de biblioutècos pouverousos vènouz nous controdire, tant pis per élis. Pèr nous aus, aimaires e cantaires apassiuénats de nostre terradou, legendo ou nou, Clamenço Isauro nous agrado e nous plai de ne fa le simbèl de nostro Causo.

Aquitàni

— Lou *Bournat courregian* s'es acampa lou 17 de Xbre dins la salo dòu Globe pèr canta *Nadaletz lemozis* e lou *Noël payen*, de Massenet. Li cor èron dirigi pèr M. Celor e an fa grand efèt. Espinat a di de can-soun limousino : A. Farré a fa brounzina lou cant d'Ourrias de Mirèio; H. Marpillat i'a apoundu : *lou Banquit dels maires*; C. Bouyeur a debita poulidamen dos de si fablo limousino, e tóuti soun esta forçò aplaudi, emai peréu Mmo Legneau qu'a declama uno pouësio : *Lou bounur*, de M. Marpillat, qu'a gagna de picamen de man à n'en vos vès n'en aqui. La musico es estado de la fèsto, e s'es clava la sesiho em' uno coumèdi forçò bèn debanado.

— Dins l'Assemblado generalo tengudo à Vilo-Novo-sus-Lot, lou 9 d'outobre 1892, assemblado qu'a tengu liò d'Assemblado generalo de la Mantenènço d'Aquitàni, emé l'assentimen dòu Burèu mantenenciau, soun esta prouclama felibre manteneire :

Mlo Claude Duclos, à Gerdo (Aut-Pirenèu)

MM. Maurise Calbet, à Vilo-Novo-sus-Lot (Lot e Garouno)

Fernand de Mazet	»	»
------------------	---	---

Emilo Rieux	»	»
-------------	---	---

Alban Vergnes	»	»
---------------	---	---

Gastoun Lavergne, à Lavardac	»	»
------------------------------	---	---

CATALOUGNO

— Lou 25 de 9bre, es mort à Barcilonou D. Manuel de Bofarull y Sartorio, chèfe dis Archivo de la courouno d'Aragoun, majourau dóu Felibridge.

— Li Jo Flourau de Barcilonou se tendran l'an que vèn en grando soulennita, à l'oucasioun dóu cinquen centenari de sa restauracioun. A-n-aquéu prepaus s'es nouma quatre vice-president d'ounour que soun : En Frederi Mistral pèr la Prouvènço, Don Justin Pepratx pèr lou Rous-sihoun, Marian Aguiló pèr l'isclo de Maiorco e D. Teodor Llorente, pèr Valènço. Dounaren lou *Cartel* dins lou numerò venènt.

— L'Acadèmi de la *Joventut católica* de Barcilonou, counvido lis escrivan, prousatour e pouèto de Catalougno, Maiorco, Valènço, Rous-sihoun e Prouvènço, à-n-un grand councours literari que se tendra lou 23 d'abrieu, en coumemouracioun dóu glourious *St Jòrdi*, patroun de Catalougno.

L'aura li pres seguènt :

Pres d'ounour e courtesio. — *Flour naturalo*, pèr aquéu que 'mè lou meiour biais cantara lou sentimen d'amour ; s'aluenchant, bèn entendu, di draiou dóu réalisme, e se tenènt enaura dins li mai pùris esfèro de l'esperit.

Pres de la flour d'arangiè d'or e d'argènt, pèr aquéu que lou miés cantara dins si vers un ate de la religioun.

Pres dóu rampau de lausié d'argènt, pèr aquéu qu'emé lou meiour engèni cantara un fa istouri, uno tradicioun o coustumo de la terro catalano, sènsò n'en esclure lis isclo Balearo, lou Roussihoun, Valènci e lis àutris encontrado ounte se parlo la lengo d'O.

Pres d'un labut d'argènt, que sata pèr quau presentara la meiouro pouësio lirico que noun intrara dins li tèmo sobre-di.

L'aura de mai uno tiero flourido de pres estraordinàri.

Li pèço auran de se manda au secretariat de l'Acadèmi, carriero Portaferrissa, 13, à Barcilonou, encò dóu S. Enricht Prat de la Riva, secretàri, avans miejour dóu 5 d'abrieu venènt, acoumpagnado caduno d'un ple cacheta que tendra lou noum de l'autour, e pèr dessus lou titre e l'epigrafo de la dicho compousicioun.

— Dins un article sus *Lo Regionalisme à Fransa, les Quatre barres* nº 72, parlo poulidamen dóu mouvemen prouvençau e felibren e dóu

paire de nostro bello reneissènço, En J. Roumanille, e cito quauqui vers de F. Lescure tira de sa *Cansoun de la coumesso*, que l'autour de l'article a l'er de counfoundre emé *La coumesso*, de Mistral. I'a, piëi, uno autre pichoto error que relevaren : i'es di qu'es « dins uno Assembaldo generalo dóu Felibrige, tengudo à Paris lou 22 de febrié 1892, que lou felibre Amouretti faguè sa declaracioun federalisto. »

Lou 22 de febrié, lou Capoulié dóu Felibrige miejournau anè faire vesito à nòstis ami e fraire li sòci de la Soucieta felibreno de Paris, que soun constituï en foro dóu Felibrige e à-despart d'eu, e n'es dins l'ate de la festo que li Parisen dounèron à noste Capoulié, que se legi-guè la declaracioun sobre-dicho.

VANEGACIOUN

- Lou felibre mantenèire Leopold Blanc, qu'èro is Agnelié, es aro mestre d'escolo à Majastre (Bàssis-Aup).
- Lou mantenèire Enri Paris, engeniaire en chèfe en retrèto, a quita Gap pèr veni à Marsiho, ounte demoro carriero di Bons-Enfant 19.
- Lou majourau Louis Roumiéu demoro à Marsiho, carriero Barthélémy, 24.
- Lou mantenèire Jùli Cassini rèsto en Avignoun, carriero Saunarié, 11.
- Lou mantenèire Felician Court demoro à Toulouso, 4, carriero de Roudo-de-Presoun.

A PAREIGU :

A Pau, dins l'*Almanach catbolique* di Bas-Pirenèu, ilustra, pèr 1893, uno fablo bearneso : *La cigale e l'aroumique*, dóu valènt Pellisson. A Cano, encò de Robaudy, *Les petits sabots*, pouèmo dóu felibre Enri Giraud.

A Ceto : *Lou cassoulet*, cansouneto lengadouciano, que li paraulo n'en soun de J. Soulet e la musico dóu maestro F. Jouveau. Lou felibre de St Cla, Jouveau, Marsal emé si gravaduro, nous semoundon tóuti tres un *Cassoulet* prefuma, embauma e que crido : manjas-me ! De cassoulet d'aqueloo meno n'en aurian jamai proun, e poudèn dire coume Louis Roumiéu :

M'a fa gau toun Cassoulet,
Car as pas manca, Soulet,
Pér aganta cassou ou let,
Siés pas dins tau cas soulet.

A-z-Ais, vers Garcin e Didier : *Rapport sur les prix de vertu Rambot et Reynier, par M. F. Vidal, bibliothécaire de la Méjane*, majourau dòu Felibrige.

A Touloun, *Les échos de Tamaris et le Felibrige*, etc., de Pau Coffinières. En Avignoun, librarié Roumanille : *Le dernier troubaire* (E. Seymour) dòu majourau L. de Berluc-Perussis.

I Lilas de Paris, *l'Echo* numerò 11, emé li sceno ix, x, xi, xii de l'ate V de Casau, dramo en vers de Jan Monné.

A Tarbo, vers Lescamela : *Armanac patoues de la Bigorro* pèr l'an 1893. Galant pichot librihoun clafi de pouësio fresco e gaio, culido pèr lou felibre M. Camelat e la fado de l'Adour, la gènto Filadelfò. L'an que vèn la floureto aura trachi, mai pèr vuei, nous es en-de-bon d'aplaudi li valènt patrioto qu'an auboura lou drapèu, e d'apoundre que lou poulit librihoun se chabis mal que bèn e que dins lou païs de Bigorro tòuti ié van coume l'avé vai à la sau, en disènt :

Cado bylatye
Soun lengatyé.
Cado auserou.
Sa cansou !

« Cacho-Fiò vèn, tout bèn vèn. » Es pèr acò que saludan emé grand gau lou Cacbo-Fiò, armana prouençau pèr lou bèl an 1893, que flouri, grana e lipet mai-que-jamai, atrenca pèr uno tiero fe-libreenco, nous fai riseto pèr lou tregen cop. Es à Carpentras que s'estampo e tòuti li libraire dòu Miejour vous lou semoun-dran emé plesi pèr dès sòu. Aqui i'a 'no tarabastiado de galants escrivan que farandoulejon en ounour de la lengo e dòu païs. Lou gènt menaire es O. Imbert, que lou seguission poulidamen Enri Bouvet, A. de Gagnaud, M. Jouveau, E. Jouveau, F. Jouveau, C. Malignon, Ange Sylvestre, A. Bourguignon, Frai Teoufile, A. Fanton, G. Fructus, J. Brunet e A. Autheman. Que Diéu alègre aquéli bon coumpañ que cade an pauson cacho-fiò.

A Cano, estamparié Robaudy, lou *Discours prounouncia is óussèqui*, dòu prince Guihèm Bonaparte-Wyse, pèr Maurise Raimbault, cabiscòu de l'Escolo Ierinenco.

A Mount-Pelié, dins *Chimère* : *Notre Fédéralisme*, de Paul Redonnel ; *A la terro*, sounet de Pau Chassary.

» Dins lou *Bulletin de l'association générale des étudiants* a par-reigu un estudi sus *Li bourgadieiro* de A. Bigot, pèr Benezet.

A Barcilouno, dins *L'avenç* numerò 11, un article de M. Torrents sus *Don Manuel de Bofarull*, que vèn de mourir, emé soun retrai e uno nota calourènto pretoucant lou *Lengadoucian* e Jan Doc. Osco ! pèr l'*Avenç*.

A Paris, dins *La Province* de nouvèmbre, *les Vendanges*, estudi de mour prouvençalo, de Pau Mangin ; e dins la crounico de Xbre, un cop de pèd à M. J. Caraguel que, dins *lou Journal*, vèn d'escriére un article marrit contro *lou Felibrige*. Aquéu M. Caraguel, s'es pas countènt, sara pas resounable e i'aprendra de parla — coume n'i'a tant que fan à l'ouro d'ieu — sensò saupre ço que volon dire.

Lou Felibrige empachavo M. J. Caraguel de dourmi : Lucian Duc t'a ribla si clavèu autamen e fieramen, e sian assegura que la liçon i'aproufichara e qu'un autre cop s'avisara de pas s'endraia à touto zurtó dins *lou semena*.

L'article de nostre ami es esta proun arremarca, e *lou Vignerons narbonnais* l'a reproduit en entié, pèr lou faire cou-nèisse i compatrioto de M. Caraguel, qu'es de Narbouno.

► *Le mois Cigalier* de 9bre 1892, emé lis *Echo cigalier* ; la taulo di matèri e lou retra de Benjamin Constant.

A Paris, encò de J. Calcas, que n'es l'autour : *l'Armana quercinoués*, galant librihoun que costo 40 centimo.

A Carcassouno, *la Carcassouneso*, cant patriau dóu mestre en Gai-Sabé Pau Gourdou, music de mestre Jan Escaffre.

A Fouis, encò de Gadrat, *Almanac patoues de l'Ariejo*, pèr l'annado 1893. Emé li fiero, li curso de la luno e tout ço que fau pèr faire rire e accountanta li gent, coume prouverbi, cansoun, conte, galejado, etc. Costo 15 centimo.

A Cavaïoun, encò de L. Mistral : *la Revoulucion*, superbo charradisso qu'Anfos Martin saguè, lou 14 de juliet 1892, au Ciéucle republican de Mouriero.

A Marsiho, encò de L. Sauvion : *Des traces laissées par le paganisme dans le midi de la France et plus particulièrement en Provence*, dóu majourau Anfos Michel. Aquéu libre forço asciencia qu'a davera la joio dóu Ministre de l'Estruciuon publico i Jo Flou-ruau di Felibre de Paris, en 1892, dèurrié èstre dins tótui li man. L'autour l'estudio remarcablamen l'influènci dóu paganismus sus li festo e ceremoniè religioso, sus li festo e cere-mounié civilo, sus li legèndo e peréu sus la lengo miejournalo. Aqueli que i'agradara de faire em'éu la bello escourregudo qu'a facho vers li causo dóu passat, faran coume n'autre : aplaudiran l'obro de tout cor.

A Marsiho, à l'estamparié marsiheso : *Obro prouvençalo*, dóu Pai Don Garnier, mounge benesetin e estigadou di roumavage prouvençau à N. D. de la Gardo.

Lou Gerent : Jan Monne.



CROUNICO

L'ESCOLO *dóu VENTOUR*

Avian anóuncia, i'a quauque tèms, qu'èro maja-men questioun d'ourganisa uno Escolo felibenco, en vilo de Carpentras. Li bèlli fèsto e la superbo court d'amour que se ié tenguèron en setèmbre de 1891, avien semena de bono grano, e sian urous de dire que bello culido de flour se ié vèn de faire.

Lou 22 de janvié de 1893, à tres ouro de vèspre, dins uno di mai galànti salo de la Couumno de Carpentras, s'acampèron li Felibre de l'encountrado, pèr founda l'*Escolo dóu Ventour*.

Èron presènt o avien manda sa cousandido, MM. l'abat Allègre, curat de S° Cèio; dóutour Augier; Autheman, de l'Islo e G. Barcilon, felibre mante-nèire; Louis Barcilon, avoucat; Barrés, ancian blioutecàri; Bernardin, souto-prefèt de Carpentras; Enri Bigot e l'abat Bresson, curat de Lauris, fe-libre mantenèire; B. Bruneau; Caillet, avoucat,

maire de Carpentras ; L. Eymard, estudiant ; Dominico Fabre; comte de Gaudemaris, de Baumo-de Veniso ; E. Guérin, senatour ; F. Gras, Capoulié dòu Felibrige ; canounge Grimaud, curat de Sorgo ; Clòvis Hugues, ancian deputa, à Paris ; abat Imbert à Vaurias ; marqués dis Isnard ; Liabastres, conservatour dòu Musèu ; J. Laurens, artisto pintre ; Loubet, ancian magistrat ; En Roumié Marcellin ; S. Marcellin, estudiant en medecino ; En A. Michel, de Mourmeiroun ; Moulinas, proufessour d'istòri ; Montagard, proufessour ; Morricelly, negouciant ; Patin, Pau Ravoux, J. Reynaud, Tourrette, etc.

La sesiho estènt duberto, au noum dòu Burèu prouvisòri, En Roumié Marcellin s'aubourè, e coume i'a proun móti que pèr faire contro à nosto boulegadisso, fan courre lou brut que dins nòstis Escolo lalengo franceso es foro-bandido, entamenè sa dicho coume seguis :

Messieurs,

En ma qualité de *Cabiscòu*, je devrais, comme il est d'usage dans nos Ecoles félibréennes, ouvrir cette séance en provençal : c'est ce que je ferai tout à l'heure. Mais auparavant j'ai voulu, pour qu'il n'y ait pas de malentendu entre nous, m'expliquer sur la prétendue exclusion de la langue française de quelques-unes de nos Ecoles. Je puis affirmer, Messieurs, que cette accusation est dénuée de fondement. De l'avis des félibres les plus autorisés, la langue française et la langue provençale doivent être considérées comme sœurs. Elles peuvent donc parfaitement marcher ensemble, s'aider mutuellement et donner à notre Ecole un cachet d'originalité peu commun. D'ailleurs, écrite en provençal ou en français, la poésie sera toujours de la poésie.

Ceci convenu, Messieurs, j'arrive à l'objet de notre réunion, mais alors en provençal.

Messiés,

Lou Burèu de l'Escolodóu Ventour, Escolo encaro en fourmacioun, lou sabès, mai que preparo tranquilamen soun espandido, a vougu vous asempra, d'abord pèr vous remercia vous àutri, li fisançous, que l'avès leissa, à soun lesi, s'entreva de tout caire, vous adurre e groupa en uno Soucieta felibrenco, literari, scientifico e artistico, tòuti li patrioto valènt de l'encountrado qu'an bén vougu douna sa counsentido.

Lou Burèu, Messiés, qu'avès ounoura d'aquelo messioune dalicado, a fa soun devé, se pòu dire, emé forço plesi. S'es adreissa majamen aqui mounte a cresegu de rescountra d'ome de biais, d'ome d'estudi, d'ome atravali, amourousi de tout çò que i'a de bèu, de juste e de verai; e pertout ounte voste Burèu a pica, i'an durbi, l'an amistadousamen reçaupu. L'an peréu escouta ci i'an respondu: « O, emé vous-autre sian, emé vous-autre restaren. »

Es acò nostro glòri!

Lou noumbre dis aderènt, Messiés, n'es pas gros de rèsto, mai es bon.

*Aro, vostre Burèu prouvisòri a fa sa plego, l'obro que pressavo lou mai es coumplido; e venèn, satisfa, vous counvida à l'eleciooun d'un Burèu definitiu, d'un Burèu elegi pèr tres an e renouvelable, que posque emé proun poudé faire sa demando ouscialo à la Mantenènço de Prouvènço, id soumetre lou reglamen de l'Escolo, lou faire aprouva, e, pèr que finalamen pousquèn dire en tòuti: *Sian nous autre!**

Vejaqui, Messiés, l'estiganço de nostro reunioun vesperalo.

En seguido d'aquelí paraulo, se passo à la constiuciona dòu Burèu definitiu de l'Escolo.

E soun nouma :

Lou majorau en Roumié Marcellin, cabiscòu :

Li mantenèire Gustavo Barcilon e Pau-Enri Bigot, souto-cabiscòu;

M. Leoun Eymard, secretari.

Lou Burèu constiuï, se passo à l'aproubacioun dòu reglamen, e li sèt article que coumpren, soun adóuta à l'unanimeta.

Pèr aclamacioun, M. Aufrèd Caillet, maire de Carpentras, es nouma *président d'ounour* de l'Escolo.

E pièi, M. Jòrgi Reynaud entameno uno galanto charradisso sus: *les Troubadours dans le Comtat*.

E se clavo la sesiho après d'agué vouta e manda si meiour gramaci à l'amenistracioun municipalo carpentrassenco qu'avié bèn vougu metre à la dispausicioun de l'Escolo la plus pourido salo de la coumuno.

E vès aqui l'un de nòsti vot li mai arderous que vèn de reçau pre soun coumplimen e n'en sian urous qu'es pas de dire.

E vès aqui que pau-à-cha-pau, an pèr an, li vilo prouvençalo se nouson, uno à-cha-uno, à la cadeno felibrenc e que la farandoulo que passo, menado pèr li tambourin, e que lis inne patriau que restountisson e que lis ecò redison superbamen, reviéudon l'amour de la terro nadalo e dóu parla dóu bres, e revihon l'amo de la patrò, qu'es endourmido e que se destrassounant, dins li rai de la souleiado, souto li bais de si pouèto, repren uno vido nouvello, sènt courre dins si veno un sang viéu e fegound, e, regardant lou passat em'ourguei, jito sus l'aveni soun regard fièr e sublime, e s'alando pouderouso, luminoso e majestouso, sus la draio de l'inmourtalita.

JAN MONNÉ.



LI NOVO FELIBRENCO

PROUVÈNÇO

— La Soucieta felibenco de Paris a constituï soun Burèu pèr l'an 1893, coume seguis :

*Président : M. Sextius Michel ; vice-président, lou mège Jan Bayol, jaume Gardet e Raoul Gineste ; secrétari-tresourié, Ernest Plantier ; secrétari-ajudaire, Froment de Beaurepaire e Fabre. Lou cancelié es toujour J. Gardet, souto-président, e l'aménistracioun dóu *Viro-Soulèu* s'es fisado, pèr la beilié, à M. Rochas, e pèr la redacioun à B. Bonnel, emai à-n-Ernest Plantier.*

— *Assabé di Jo Flourau de la Soucieta felibenco de Paris —*

A l'óucasioun di festo annalo de Scèus, que la Soucieta celebrara coume à l'acoustumado au mes de jun venent, se decerniran li pres seguènt :

1. — CONCOURS LITERARI —

A. — *Pres dóu Ministre de l'Estrucioun publico, au meiour estudi en proso franceso sus la vido e l's obro de Roumanille.*

B. — *Uno medaio de vermèi pèr la cansoun erouico en lengo d'O, sus Rougié Trencavel, viscomte de Béqies e de Carcassouno.*

C. — *Uno medaio d'argent pèr un sounet en lengo d'O : Au mes d'abrieu.*

D. — *Uno medaio d'argent e un eisemplàri de : Las belbados de Leytouro, de Durrieux, à la meiouro nouvello en lengo d'O, sus lou tèmo : la Voto.*

E. — *Uno medaio d'argent pèr la traducioun literalo, dins l'un di dialèite mouderne de la lengo d'O, d'aquest tros dóu Rouman de Flamenca escri en lengo d'O dóu siècle XIV^a :*

Las tosetas agron ja trachas
Las maias qu'el sera son fachas,
E lur devinolas canteron ;
Tot dreit davan Guillem passeron

Cantan una kalenda maia,
 Que dis : « Bella dona ben aia
 • Que non fai languir son amic,
 • Ni non tem gelos ni castio
 • Qu'il noh an 'a son cavallier
 • En bosc, en prat o en vergier.
 • E dins sa cambra non lo mene
 • Pér so que meilz a lui s'abene,
 • E'l giilos lassa dans l'esponda,
 • E, si parla, qu'il le respondra :
 • — Non sones mot, faitz vo en jai,
 • Qu'ntre mos bra mos amic jai ;
 • Kalenda, maia. » E vai s'en,
 Guillems sospira coralmen
 E prega Dieu tot suavet
 Qu'en lui avere cest verset,
 Quelas tosetas an cantat.

FLAMENCA.

II. — COUNCOURS CLASSIQUE —

A. — Uno medaio d'argent e las *Belbados de Leytouro*, à la tradicioun en lengo d'O (proso) d'un tros di *Geourgico*, cant segound, dóu vers 419 au vers 433.

B. — Uno medaio d'argent em'un eisemplàri de lüssi de la couleicion d'art d'O *Viro-Soulèu* (1892) à la traducioun en lengo d'O de la fin d'art rouman de Flourian : *Estelle*, à partir di mot : « Heureuse patrie d'où la fortune m'a exilé, etc. »

N. B. — Tóuti li dialète dóu Miejour de la Franço podon s'emplega dins li councours literari e dins li councours classique.

III. — *Pres Florian-Aubanel* —

Uno medaio de vermei à la meiouro balado en francés sus : *Aubanel e Florian*.

IV. — DESSIN —

1º Dessin : *Tipe de marchand de pèu de lapin*. i'aura pèr acò un óujet d'art dóu ministre di Bèus-Art, em'uno medaio d'argent.

2º Esculturo : *Tipe dóu distilair d'aigo-ardent* ; i'aura peréu pèr acò un óujet d'art dóu Ministre di Bèus-Art.

3º Musico : uno medaio de vermei à la meiouro compousicioun sus *La mort del loup*, obro roumano dóu siècle XIII, que vès-eiti :

Montfort
 Es mort,
 Es mort,
 Es mort,
 Viva Tolosa,
 Cièuta gloria
 E poderosa,
 Tornan lo paratge e l'onor !

Montfort
 Es mort,
 Es mort,
 Es mort,
 Es mort !
 Provença bella
 De moun estella,
 Lus e centella
 Es spies de virtuts e d'amor.
 Montfort
 Es mort,
 Es mort,
 Es mort !

La coumpousicioun sara esrichto pèr *uno soulo vones* (d'ome o de fremo) em'acoumpagnamen de piano.

De mai, se pourran acourda de medaio d'argènt, de brounze, e un diplomo artistique. Li courrèire dòu councours literàri noun pourran concourre que pèr un soulet tèmo.

Li mandadis literàri, classique e musicau se devon faire dins li formo academico, avans lou 15 de mai, à M. Sextius Michel, maire dòu XV^e arroundissamen de Paris, president de la Soucieta, carriero Violet, 54 bis, à Paris.

Li mandadis di councours de dessin e d'esculturo saran espedi, avans lou 30 de mai, à M. Amy, escultour, delega pèr la seissiou artistico, 55, avengudo d'Orléans, à Paris.

— Lou pres dòu Ministre de l'Estrucion publico sara decerni, en 1894, au meiour travai en francés sus d'aquest tèmo : *Etude sur le thèâtre en langue d'Oc.*

N. B. L'estudi pourra èstre generalo o s'aplica escassamen qu'à-nuno soulo encoutrado.

— Au Coungrès soucialisto que s'es tengu à Roubaix, sus la coumençanço de febrié, s'es decida d'espandi lis idèio dòu partit au mejan de librihoun de proupagando escri dins lou parla pouplàri.

— Es tourna-mai lou Pai Savié de Fourviero que presico lou Caremo en lengo prouvençalo, dins la glèiso de Sant-Laurèns de Marsiho.

— Lou dimars gras, 14 de febrié, à Fourcauquié, 40 jouvènt travesti, an dansa li *Fielouz*. l'avie 12 an qu'aquéli jo, acoumpagna de cansoun, s'eron plus fa, e n'es graci à l'ourganisaire, lou vièi mestre Thome, que li Fourcaueiren an degu de lou tourna-mai vèire.

— Li chatouno dòu patrounage di sorre de Sant-Vincènt-de-Paulo, à-z-Ais, an jouga mai que bèn la flamo pastouralo dòu canounge Mille, ounte la lengo bello, li prouverbi pouplàri, li bèu vers piouss, soun

trena de man de mestre. Aquéli qu'an agu l'ur de l'ausi n'en soun esta meravilha.

— L'acadèmi de Marsiho vèn de bouta au councours un estudi sus *L'art plastique provençal, depuis ses origines jusqu'à nos jours*; lou lauréat reçaupra un pres de 300 fr.

— Lou grand pouèto Francés Coppée a respoundu pèr aquest sounet à l'album que lou gent ami, Jùli Cassini, i'a remés au noum di Félibre :

AUX FÉLIBRES

qui m'ont salué de leurs vers pendant mon séjour en Provence.

Souffrant, j'étais venu sur le doux littoral ;
Frileux, je me chauffais au soleil de Provence,
Lorsque, — joie et fierté ! — sur mon chemin s'avancé
Le Félibre, avec son chef, le grand Mistral.

A moi, l'humble rimeur, à peine leur égal,
Ils offrent leurs beaux vers comme une redavance.
Leur fraîche poésie est une eau de Jouvence.
Je m'y baigne et j'en sors guéri : je n'ai plus mal.

A mon départ — il faut que tout bon temps finisse —
Je ne comptais cueillir sur la route de Nice
Qu'un bouquet tôt flétrí de ses roses d'hiver.

Chers Félibres, merci ! car de vos nuits sans voiles
Et de leurs astres d'or reflétés dans la mer,
J'emporte, grâce à vous, une gerbe d'étoiles.

François COPPIE.

— Uno dougeno de galoi coumpan, que, sènsò aparteni en rèn au Félibre, n'en amon pas mens nosto parladuo, se soun acampa lou 5 de febrié, à l'Hôtel de Marseille, pèr faire ounour à nostre brave ami Roumiéu. Tres felibre avien agu l'ur d'estre de la taulado : En Anfos Tavan, Aguste Gautier, e lou jouve e valent Louis Roux. Osco, pèr éli ! La festo es estado superbo ; s'es canta e brinda enjusqu'à-n-un ouro dous matin, e lou *Maset de mestre Roumiéu* i'a fa prouado.

— Lou cabiscòu de l'Escolo de Lar, En Francés Vidau, fai assaupre qu'à l'oucasioun di festo felibreno, que s'alestisson à-z-Ais, pèr lou mes d'avooust venènt, se tendran de Jo Flourau prouvençau e francés, que vès n'eici lou prougramo :

I. — CONCOURS PROUVENÇAU — 1º Pouësio prouvençalo en ounour de *Sextius o de Mirabèu*. (Li pouësio celebrant lou foundedou de la vilo d'Ais, auran d'estre escricho en dialèite d'Ais).

2^o Proso prouvençalo : A. — Noutiço sus li *Troubaire d'Ais*, despièi Brueys enjusqu'au Felibrige. (1854)

B. Traduciouen de la proumiero partiido de l'epodo II d'Ouraci, despièi : « *Beatus illo, qui procul negotiis* » enjusqu'à : « *Jucunda captat præmia.* » (Aqueloo partiido dóu councours es escassamen reservado à la jouinesso dis Escolo).

3^o Filoulougio : *Gramatico de l'idiomo d'Ais*, en prouvençau o en francés. (L'autour jougnira à soun travai un recuei de tèste dóu parla d'Ais de tóuti lis espoco).

II. — GOUNCOURS FRANCÉS. — 1^o Pouësio franceso : *la Légende de St Mitre*, qu'aura pas mai de dous cent vers.

2^o Proso : *Notice historique sur J. B. des Galois de la Tour, dernier intendant de Provence.*

III. — COUNCOURS INTERNACIONAU — *Eloge de Raynouard*, en proso o en vers, dins l'uno di sèt lengo neo-latino.

Nouta. — Pèr lou councours prouvençau soun amés tóuti li dialèite de la lengo d'O, di bord de la Roya, à Valençò d'Espagno.

Tóuti li mandadis se devon faire avans lou 1 de juliet de 1893, à M. Constans, proufessour à la Faculta di Letro, cours Santo-Ano, 46, à-z-Ais.

— La Mantenèço de Prouvènço s'acampara à-z-Ais, à l'óucasioun di festo larenco d'avoust, e semoundra de joio pèr li tres tèmo se-guènt : 1^o, pèço de teatre ; 2^o, galeja.lo en proso o en vers ; 3^o, odo en vers sus lou sujet : *Troubairis-Felibresso*.

Li pèço d'aquéu councours se mandaran, dins la formo acoustumado, avans lou 1 de juliet, au majourau En Jan Monné, secretari de la Mantenèço de Prouvènço, 149, carriero Breteuil, à Marsiho.

La Municipalita d'Ais, vouguènt douna mai-que-mai de resplendour à-n-aquelo acampado, s'es dicho de faire un nouvèu councours pèr l'estrumen naciounau : i'aura, pèr la targo artistico, de galoubet-tambourin, d'oujèt d'art, de medaio de vermei e d'argent, e de pres en mouredo de 100, 60, 50, 40, 25, 20 francs, etc.

— Lou 21 de mars venènt, la Soucieta literàri di *Mardistes* marsihés que lou prouvençau i'es en nunour, déu douna uno festo au gènt se-libre Louis Roumieux, pèr ié faire la bén-vengudo dins la capitalo de l'empèri dóu soulèu.

— Tourna-mai lou pople marsihés s'acampo lou dimenche e lou dijou, à la glèiso de Sant-Laurèns, pèr escuta emé grand gau li counferènci Jóu Pai Savié de Fourviero sus li Patriarco.

— Pèr parèisse lèu : *Agusto*, rouman de mour prouvençalo dóu cibiscòu de l'Escolo Ierinenco, Maurise Raimbault, bèu voulume de 260 pajo que coustara 3 fr. 50.

— La revisto ilustrado, de New-York : *The century Magazine* publico lou viage en Prouvènço que M. Janvier, sòci dóu Felibrige, d'America, saguè emé sa mouié, qu'es peréu de nostro Soucieta. Lis ilustracioun soun de M. A. Castaigne.

— Lou 5 de febrié s'es celebrado, à Maiano, la fèsto de Sto-Agueto. A-n-aquelo óucasioun s'es felibreja encò dóu mestre En F. Mistral. S'es di de galant vers, e Mmo Mistral a divinamen canta quàuqui nouvè de Saboly. l'avié à la taulado : Magali Mistral, gènto néço dóu grand pouèto maianen ; J. Cassini, F. de Barconcèlli-Javoun, l'arqueoulogue famous Gilles, d'Eirago ; M. e Mmo Grabié Perrier, de Gravesoun, e Marius André.

Après la dinado, li counvida se soun espaça sus lou cous dóu galant vilage, e soun intra au cafè-councert ; mai, aqui, en tre que lis artisto qu'eron sus sceno d'aqueú moumen, an sachu que i'avié l'autour de Mirèio, an entamena subran lou duo de l'obro de Gounod, e lou pople entousiasma a fa'no ouvacioun superbo à soun ilustre pouèto.

— Sian urous de reproduire de *l'Aïoli* aquesto novo que fara grand gau en tóuti lis ami de nostro parladuro :

“ L'eicelènt e devoua prouvençalisto Aguste Bertuch, qu'avié deja tradu en alemand lou libre de *Nerto*, vèn de douna au publi, dedins la memo lengo, uno traduciuon de *Mirèio*. La nouvello obro de Bertuch, « *Mirèio*, provencalische Dichtung Von Frederi Mistral » acoumpagnado d'uno prefaci dóu doutour Eduard Boehmer, es empremido en Estrasbourg, encò de J. Trübner, e fai un agradié voulume de 300 pajo in-12. La critico tudesco a fa cachiero mai-que-mai à la *Mirèio* de Bertuch. »

— La *Cigalo d'or* nous anóuncio que lou felibre A. Brun, qu'es à Tunis, vèn d'escriéure au capoulié dóu Felibrige, pèr ié demanda d'autourisa la constitucioun d'uno Escolo felibrenco à Tunis. Faren remarca que lou Capoulié emé lou Counsistòri an lou dre de constiù de Mantenènço, mai que lou dre d'establi d'Escolo e de prouclama de nouvèu felibre, lis Estatut lou reservon escassamen is Assemblado generalo de Mantenènço.

LENGADÒ

— Souto l'aflat de *les del gris*, à Toulouso, dans tóuti li quartié se groupon li jouvènt en Soucieta couralo, en se ramblant à la *Colbo de Goudouli*; escutas çò que dison :

« Sabèts la toco qu'abèn ? Boulèn enlaira la parladuro mairalo que nous bressèt pitchounets !

« Boulèn que restrounisque toujours le moundi qu'a enmourtalisat Goudouli, le tour gascou qu'enmoullèt Vestrepain e ciselèt Mengaud, à la seguido del mestre.

« Boulèn que dins las cansous de nostres bàrris, lancados pèr de gar galhols sens parels, nostro caudo lengo brounzine en sas sillabos miscairos.

« Boulèn, enfin, rebiscoula del patoues de nostres bièls tout lou bèl toun que se i'es endourmit, en nous acoustumant à tria sas expressious.

« Parla, canta la lengo mairalo en la pla cantant e pla parlant ! »

Bravo ! pèr li *couralo di bàrrí de Toulouso* e pèr aquéli que li button. Es lou meiour biais à prene pèr que la lengo meiralo reprengue sa plaço degudo dins lou pople.

--- Legissènt dins *La cigalo d'or* qu'es questioun d'auboura, en Anduzo, lou buste de la celèbro troubairis, nascudo dins aquelo antico ciéuta cevenolo, e couneigudo souto lou noum de Claro d'Anduzo.

Un generous patrioto miejournau s'es déjà semoundu pèr paga un bon tros de l'obro. Lou coumplimen se farié pèr souscripcions publico.

Ansin se coumplirié lou vot de Frederi Mistral, esprimi dins l'acamp de la Mantenèço de Lengadò de 1889, tengu à l'oustau coumunau d'Alès, à l'oucasiooun di festo dóu troubaire La Faro-Alès.

L'inauguracioun dóu buste de Claro d'Anduzo sarié acoumpagnado de gràndi festo felibreno.

— Van parèisse au mai lèu : *Li Dindoulo*, recuei de pouësio e de conte en prosò, dóu felibre de la Font d'Avuro, Louis Pascal.

L'amour dóu bres e de la terro maire an ispira noste valènt coupan ; es pèr acò que l'autour s'adrèisso majamen au pople que gardo encaró vuei la religiou de nosto parladuro.

Se pòu souscriéure à l'obro, que coustara vint-e-cinq sòu, encò de l'autour, carriero dóu Masbourguet, en Uzès (Gard) o à la librarié Roumanille, carriero St Agricò 19, en Avignoun.

— Lou grand musicaire mountpelieren Paladilhe vèn de coumpausa un cor qu'a pèr titre : *Lous Cantaires dau Clapas*, e que li paraulo n'en soun dòu felibre Fernand Troubat. La Soucieta d'aqueù noum, que vèn de reçaupre lou cor de Paladilhe, s'es boutado subran à l'estudia e lou cantara lèu, lèu, pèr lou regale dòu pople clapassié.

— Uno idèo eicelento es aquelo qu'espelis *lou Cascavel*, d'Alès. Au poun de visto de la proupagando e de l'espandimen de la parladuro, es quicon dé flamejant.

Lou Cascavel durbis un councours de *cascavelados*; de cansoun (sus d'un èr poupoplari o couneigu), de conte e de pouësio. l'a dous pres pèr ca-do partido : lou premié de 10 fr., lou segound de 5, emai *quatre men-cioun* que caduno adurran au gagnaire un libre o un abounamen i journau poupoplari: *l'Aïoli*, *la Gigalo d'or*, *la Campana de Magalouna*.

Lou dre dòu councours es fissa à 0 fr. 45 cent. Li pèço courounado, que saran enserido dins *lou Cascavel* e escricho dins l'ourtougràfi dòu journau, autant que poussible, dèuran èstre mandado avans lou 1 de mai au directeur dòu *Cascavel*, 5 carriero Dumas, en Alès.

Quau voudra lucha que se presénte !
Quau voudra lucha que vèngue au prat !

— L'*Escolo audenco* a tengu soun acamp lou 12 de febrié. Lou cabis-còu P. Gourdou que presidavo, a dubert la sesiho en uno flamo charadiso en lengadoucian. Lou felibre G. Jourdanne a remembra lou souveni de M. Leperrine d'Hautpoul, sòci de l'*Escolo*, defunta i'a gaire, e moustra pièi que l'*Escolo* èro dins uno bono situacioun financier. Se demandara pamens uno suvencioun au Counsèu municipau de Carcassouno emai au Counsèu generau de l'Audo.

De Jo Flourau soun decida, que se tendran au mes d'òutobre venènt ; lou councours comprendra quatre tèmo ; pouësio-lirico, sounet, pouësio coumico o galejado, estudi istouri o literàri, en proso lengadouciano o franceso, sus d'un sujet interessant lou despartamen de l'Audo. Uno coumession es cargado de fissa la dato e lou noumbre de joio à decerni.

M. de Téule entrais l'avis que se fague rampèu en tòuti aquéli qu'an de doucumen en lengo d'O, d'anciano charto, de registre publi o parti-culié, d'obro de pouëto lengadoucian, pèr que n'en semoundon à l'*Escolo*, fugue uno còpi, fugue l'óuriginau, e d'aqueù biais l'*Escolo* pourrié constitui un founs de doucumen di mai precious.

Acò's adóuta e se lèvo la sesiho.

— Signalan tourna-mai is ami l'*Almanac patoues* de l'Ariejo, que sa toco es superbo e que nous fai gau de dire eici que lou sucès d'aquelo óubreto es mai que bèu e mostro que li gent de l'Ariejo se desinteresson pas de sa lengo ni de si tradiciooun.

Ço qu'an vougu aquéli que buton aquelo publicacioun es de reviéuda li viëii remembranço, en boufant sus lou fiò que couvavo soutu li cendre, de refaire la counsciènci istourico d'un païs en ié descatalant soun passat glourious que res n'avié fa'scandiha li rai davans sis iue, e de moustra claramen que la lengo roumano n'es pas morto. Acò's la bello toco que disian e que perseguisson e qu'ajougnon aquéli gallant sòci qu'an enanti aquéu gent librihou.

CATALOUGNO

— Lou premié dimenche de mai venent, e lou 7 dòu mes, se celebra à Barcilonouna la pouëtico festo di Jo Flourau, e lou cinquen centenari de soun istitucion pèr lou rèi d'Aragoun, Jan I^e. Se decerniran à-n-aquelo óucasioun li tres pres que l'*Ajuntamen* de Barcilonouna semound cade an, despièli sa restauracioun, que i'a trento cinq an que s'es fachò.

Lou pres de la *Flor natural* sara decerni i meiour vers fa sus d'un tème leissa à l'agrat dis autour.

L'*Eglantino d'or* sara pèr lou cantaire di fa istouri, gèsto, us o custumo de la terro catalano.

La *Viola*, d'or e d'argènt, pèr la meiouro pouësio lirico sus d'un tème mourau o religious.

E i'a peréu uno tiero magnifico de pres estraordinàri.

Touti li compousicioun saran inedito e escricho en antique o moderne catalan de Barcilonouna, de Maiorco o de Valènço, o en quete que fugue di dialèite dòu miejour de la Franço.

Touti lis obro auran d'estre remesso au Secretariat dòu Counsistòri, (carrer de les Corts Catalanes, grand Via, 230, 2^o. 2) avans miejour dòu 1 d'abriéu venent, acoumpagnado dòu ple cacheta, que tendra lou noum de l'autour et que pourtara en sobre lou titre e l'epigrafo de la compousicioun.

— La suvencioun di Jo Flourau que l'*Ajuntamen* de Barcilonouna arrestavo annalamen à la soumo de 250 fr., sara pourtado aquest an jusqu'à 1500 fr.

— Lou Counsistòri di Jo Flourau de Barcilouno vèn d'escriéure à noste Capoulié pèr ié semoundre la soutu-presidèrci d'ounour de sa festo msienco, e lou Capoulié i'a fa responso que se Diéu vòu, i'anara representa lou Felibrige.

Vès-eici la letro qu'a fa teni i *mantenedors* di Jo Flourau barcilonés.

Avignoun, febrié 1893.

Mantenedors di Jo Flourau,

« L'amo dóu Felibrige tresano quand sus uno terro de l'Empèri dóu Soulèu s'aubouro la voues de la Pouësio, qu'es, elo, la voues de Diéu, souleto proun fortò pèr se faire ausi di pople, souleto proun poudeurouso pèr nousa lou pache de la grando Unioun latino.

« Pièr de l'ounour que me fasès, anarai vous pourta la bono paraulo felibrenco e l'asseguranço de nosto fe dins l'aveni e dins lou triounfle de nosto raço, tant bèn aparado pèr lis ome de l'erouïco Catalougno.

« Reçaupès, ilustre Mantenedors, mi saludacioun couralo.

Fèlis GRAS,
Capoulié dóu Felibrige.

MORTUORUM

— *La Cigalo d'or* nous adus la tristo nouveau dóu grand dòu que vèn d'aclapa noste ami car En Albert Arnavielle. Sa bravo maire es morto en Alès, lou divèndre 27 de febrié, dins si 79 an.

Prenèn uno part bèn vivo à la doulour de l'ami, dóu fraire en Sto Estello qu'amana de tout cor.

— A Veniso (Itàli) es mort, lou 26 de janvié 1893, dins si 73 an, il nob. Signore Giuseppe Licer, marit de dono Mario Licer, sòcio dóu Felibrige.

— En Avignoun, lou 4 de febrié 1893, es morto, dins si 77 an, dono Margarido Bouvet, maire dóu simpati felibre Enri Bouvet.

Qu'en Diéu repauson li pàuri mort e que Santo Estello assole aquéli que plouron.

VANEGACIOUN

Lou felibre mantènere Ernest Couve demoro, aro, à-z-Ais, 5, cours de la Trinité.

Lou majorau En Leopold Constans es, aro, à-z-Ais, 46 cours Sainte-Anne.



LOU CATECHISME DÓU BON FELIBRE

Lou *Catechisme dóu bon felibre*, acò's lou titoulet d'un galant pichot librihoun que vèn de s'estampa à Lioun, e que, misteriousamen, vai pourta la bono nouvello i quatre caire de Prouvènço. I'a proun journau que n'an parla, lis un pèr lou lausa coume i'es degu, lis autre pèr ié manda la pèiro, coume se fai en touto causo bono. L'obro es esquisito. Acò vòu pas dire que fugue sènsø deco, e si pichòti deco noun empachon l'autour d'agué fa 'n travai requist e, sobre-tout, majamen estimable pèr sarra lou liame de l'unioun entre tóuti li fraire de la famiho felibrenco, au moumen que lou vènt boufo en tempèsto, que la fe s'amosso e que li cor se barron. Mau-grat lou reproche grèu que ié fan, de pas pourta lou nom de Diéu (que noun es necite de bouta aquéu noum sacra à tóuti li sausso, pèr ié crèire e l'ounoura de tout cor), nautre, avèn saluda la vengudo d'aquéu librihoun, emé l'estrambord dóu negadis que sus la mar tempestouso atrovo à la perfin uno post de salut.

E coume lou lume noun dèu s'escoundre soutu la panau, e que lou soulèu lusis pèr tóuti, nous fasèn un plesi e un devé de publica en entié lou *Catechisme dóu bon felibre*.

CATECHISME DÓU BON FELIBRE

I

- *Qu'es lou Felibrige ?*
- Es l'amo di Nacioun latino.
- *Que vòu lou Felibrige ?*
- Vòu l'unioùn de tóuti li prouvinço, de tóuti li Nacioun dóu Mounde latin, souto l'Estello di sèt rai.
- *Perqué ?*
- Pèrque lou Bèn triounfle dóu Mau; lou Bèu dóu Laid ; la Pensado, de la Pèiro e dóu Metau ; dins qu'un mot : pèr que la Pouëslo fugue soubeirano sus touto causo.
- *Quéti soun li devé d'un bon felibre ?*
- Un bon Felibre dèu ama sa terro nadalo e l'apara; dèu ama sa lengo meiralo e la parla ; dèu ama sa raço e pèr elo souleto coungreia.
- *De que dèu mai faire ?*
- Dèu, fin qu'à la mort, ajuda la Causo felibrenco dins tóuti si toco.

II

- *Quand i'a de toco dins la Causo felibrenco ?*
- N'i'a sèt.
- *Veguen-lèi ?*
- Soun li toco naturalo, li toco pouëtico e la toco misteriouso.
- *Quand i'a de toco naturalo ?*
- N'i'a tres.
- *Quand i'a de toco pouëtico ?*
- N'i'a tres.
- *Quand i'a de toco misteriouso ?*
- Aquclo es unenco, e se desvelara qu'à la fin di luchò.

III

- *Quènti soun li tres toco naturalo ?*
- La proumiero es l'aboulimen dóu gouvèr dis ome espés e la soumessioun de tóuti à la simple lèi ditado pèr la Naturo e escricho pèr lou Pouèto.
- La segoundo es la demarcacioun di raço, di nacioun e dis Estat dins lou mounde. Acò fa, afoundramen de tóuti li bârri e escafamen de tóuti li raro, pèr que lis ome se parlon e se couneigont sènso se mescla ni s'abastardi de raço à raço.

La tresenco es d'ensigna lou respèt de lòuti li lengage e de garda
coume un viatique aquéu de soun brès.

— *Quènti soun li tres toco pouëticò ?*

— La proumiero es, en cantant — coume autre tèms Ourfèu apri-
vadavo li bestiari fèr. — d'establi l'oumnipoutènci dóu Pouèto sus
l'ome espés, car lou Pouèto soulet a l'engèni pèr escriéure li lèi justo
de la Naturo.

La segoundo es, en cantant, de releva l'ome espés e de duerbi sis
iue à autre causo qu'à la countemplacioun de soun obro bestialo e à
se móutura l'esperit pèr autre causo que pèr l'apasturage de soun
vèntré.

La tresenco es de travaia de-longo au cant de l'adouracioun eterno
di tres flamo de la Bèuta : lou Soulèu, la Femo e la Pensado.

— *De que vòu dire acò : que fau ni se mescla ni s'abastardi de
raço à ruço ?*

— Acò vòu dire que noun devèn marida nostro fiho, nostro sorre,
nosto parènt, em'un mascle d'uno raço noun latino.

— *Perqué ?*

— Pèr çò que lis enfant de la femo fautiblo, lèu o tard, n'en pour-
taran la creto e trahiran la Causo felibrenco.

— *L'ome latin pôu-ti prendre femo noun latino ?*

— L'ome latin pòu prendre femo pertout ounte atrovo femo bello.

— *Que pensas de l'idèio federalisto ?*

— Es bessai un mirage. Mai lou Felibrige coundoufra jamai uno
palun de coustiero emé la grando mar.

IV

— *Quand i'a de nacioun dins lou Mounde latin ?*

— Soun sèt nacioun latino que formon quatre Estat.

— *Coume se soun coungreiado ?*

— Lou verbe, lou germe, lou logos n'en fuguè la Grèço. I'a d'acò
tres milo an. Lou grand Oumèro, Capoulié di Felibre de lòuti li mounde
e de lòuti li tèms, cantavo si pouèmo. Es alor que li ribage de la
bluio Mié-terrano, que s'apèlo vuei Itàli, s'apelè la Grando-Grèço ;
tambèn fuguèron coungreiado direitamen pèr li Grè, nosto Marsiho
de Prouvènço e proun vilo de l'Ispanjo.

V

— *Digas-nous li noum di sèt nacioun que formon vuei lou mounde Greco-Latin.*

— Disèn que la proumiero es la Grèço, nacioun coungreiarello, que n'en aguè lou subre-Capoulié Oumèro.

La segoundo es lou Vièi-Latium (Itàli dòu nord) que n'en aguè lou Capoulié Vergéli.

La tresenco es lou Nouvèu-Latium (Itàli miejournalo) que n'en aguè lou Capoulié Dante.

La quatrenco es la Prouvènço, (Françò dòu miejour) que n'en aguè lou Capoulié Mistral.

La cinquenco es l'Isclo de Françò (Françò dòu nord) que n'en aguè lou Capoulié Hugo.

La sieisenco es la Catalougno (Espagno miejournalo) que n'en aguè lou Capoulié Guihem de Castro.

La setenco es la Castiho (Espagno dòu nord) que n'en aguè lou Capoulié Cervantes.

— *E coume s'apelara l'unioun di sèt nacioun ?*

— S'apelara l'Empèri dòu Soulèu.

VI

— *De que fau faire pèr abouli lou gouvèr dis ome espés ?*

— Fau gara lou poudé di man d'aquéli que noun vèson o noun volon vèire, o noun coumprenon la soubeiraneta dòu Bèu sus touto causo.

— *De que dèu faire un bon felibre ?*

— Dèu canta li glòri de sa famiho, de sa raço, de sa nacioun, e tòuti li joio e tòuti li tristesso de l'amo.

— *Perqué ?*

— Pèr çò que lou cant, qu'es la pouëslo, fai l'ome bèu, juste e bon.

— *De que fau ama ?*

— Fau ama la terro e la lengo dòu brès, e tòuti li femo bello dòu mounde entié.

— *Fau-ti pèr acò abouli li lengage dis autri nacioun ?*

— Nàni. Tout lou countràri, chasco lengo es la coulour, es la mu-sico, es la clarta que counvèn à la coulour dòu cèu, is ecò de la na-turo, au lum dòu soulèu de la terro ounte se parlo. E un pople perdié

sa pensado se perdié sa lengo. Es talamen ansin, que lou sourd de neissènço es triste, mesfisènt e plus proche de la bèsti quo de l'ome; alor que l'avugle es galoi e amant, e canto de-longo.

— *E quand la pouësio sara soubeirano, de qu'arribara ?*

Arribara que lis ome se soumetran d'éli-même i lèi escricho pèr li pouëto; alor lou mounde sara coume un aubre carga de sa fruchò e rampli d'aucèu ramajant.

— *Pamens, li mescresent, lis ome espés que pènson qu'à soun gavai e amiron que lis obro bestialo, soun la majourita e an la forço. Es-ti verai ?*

— Nàni. Lou païsan e l'oubrié e tout ome que travaio de si man o ajudo lou travai de la naturo o n'en cavo li mistèri, coume lou savènt, noun an l'esperit dòumina pèr lou vèntré. Lou païsan, subre-tout, es lou plus grand ajudaire dòu pouëto; éu, coume lou pouëto, creo, éu, cm'un gran de blad nourrira l'umanita entiero. Lou païsan es lou manobro dòu soulèu.

— *E l'oubrieté ?*

— Es lou manobro dòu païsan.

— *E lou pouëto ?*

— Es la joio, es l'armountlo de tòuti.

— *E lis ome espés ?*

— Soun mens necite que li code de la Crau.

— *De qu'arribarié se i avié plus ges de païsan ?*

— Lis ome manjarien lis ome.

— *De qu'arribarié se i avié plus ges d'oubrieté ?*

— Iaurié mai de peno e mens de pan.

— *De qu'arribarié se i avié plus ges de pouëto ?*

— Iaurié lou caos e lou mounde prendrié fin.

— *De qu'arribara quand l'aura plus ges d'ome espés ?*

— L'aura lou paradis sus terro.

VII

— *De que fau faire pèr manteni, ardento e cremanto, la flamo pouëtico ?*

— Fau ajuda lou Felibrige à camina dins sa draio luminouso.

— *Coume se fai que lis ome espés tènon quàsi pertout lou pouèto e mestrejon lou païsan, l'oubrié e lou pouèto ?*

— Pèr ço que li pouèto se soun teisa trop de lèms.

— *E de qu'an fa alor lis ome espés ?*

— An rejoun si forço e an bava la messorgo.

— *E de qu'an fa en rejougnent si forço ?*

— An fa d'armado de guerrié pèr rauba lou pan di païsan, dis óubrié e di pouèto.

— *E de qu'an fa en bavant la messorgo ?*

— An auboura de trone, d'autar, de banco e de tribuno pèr empa-cha d'ausi li voues di pouèto.

— *Quente es lou pople que, lou premié, a escouta la voues di pouèto ?*

— Es lou pople prouvençau.

— *E alor de qu'a fa ?*

— Èu a coumènça li lucho e a sagela de soun sang li Dre de l'ome.

— *E de qu'a mai fa ?*

— Èu a revièuda lou Felibrige.

— *Avèn di que lou Felibrige es l'amo di nacioun latino.
Poudrias-ti lou defini d'un mot courrènt ?*

— Pèr me servi d'un mot courrènt, dirai que lou Felibrige es l'internaciounalo di pouèto dóu mounço latin.

— *De que fara lou Felibrige ?*

— Acabara li lucho, e prouclamara la pouëslo triounflanto e sou-beirano sus touto causo dins l'Empéri dóu Soulèu.

Lou Gerènt : Jan Monné.

Imprimerie L. DUC, 35, rue Rousselet, Paris.

LOU FELIBRIGE

TOME VII

MANTENÈNÇO FELIBRENCO DE PROUVÈNÇO

LOU FELIBRIGE

BULETIN MESADIÉ

SOUTO LA DIREICIOUN D'EN JAN MONNÉ

7° ANNADO

1893



MARSIHO

AMENISTRACIOUN E REDACIOUN :

143, carriero Breteuil, 143

LOU FELIBRIGE

SETENCO ANNADO

CROUNICO

ANFOS MIQUÈU

MAJOURAU DÓU FELIBRIGE

Lou 13 de mars, un dòu terrible aclapavo tourna-mai lou Felibrige.
Anfos Michèu, lou Michèu dòu *Flasquet*, lou galoi cansounejaire,
coume ié disian, èro sega malamen pèr la mort.

La nouvello de sa mort, arribado tant subitamen e que li journau
nous an aducho, nous a doulourousamen espanta e nous a 'sclapa
l'amo.

Èu, l'ami, lou fraire, lou valènt, l'erudit, èu, tant ensiouca pèr l'obro
felibrenco, tant simple e tant bon, qu'en èu i'avié, coume dis la *Cigalo d'or*, « pèr lou tipe e l'ana, lou tipe carateristic d'aqueles Fe-
libres de la premièiro ouro -- dau tems apoustoulic — que soun
restats ou que rèston toujour lous memes Felibres, pèr moustra as
jouines l'eisemple e la bono tradiciéu.

« Si, qu'èro lou tipe vertadié dau felibre felibrejant, lou brave e valènt Michèu ! lou tipe dau felibre quand même ! E quinte amour pèr la Causo ! Quinte afougamen pèr enselibra lous autres ! »

Nascu à Mourmeiroun, au pèd dòu Ventour, en 1837, Anfos Michèu s'amourousiguè de la lengo prouvençalo souto l'afiat de Castil-Blaze, e devenguè, pièi, un di mai valènt soustaire de la causo felibreno.

En 1866, adeja, Michèu davero lou brout d'òulivié d'argènt de l'Acadèmi bezierenco pèr soun pouèmo de *L'existènci de Diéu*, ounte la pureta de lengo s'unis à-n-un poudorous alen, e que nous cointentaren de n'en cita qu'un pichot tros, tira de la partido de soun pouèmo : *La mouralo indépendento*.

« Ai proun ausi parla d'uno espèci d'escolo
 Que vòu, sobre lou mounde, auboura soun estolo
 E dis que la mouralo a pas besoun de Diéu.
 Pauro mouralo, vai !.. S'èro ansin, coume un niéu
 Cousseja pèr lou vènt, sarié vite envoulado... »

En 1869, l'Acadèmi de Beziés tourna-mai lou floucavo de soun ram-pau argentau pèr un autre pouèmo filousoufi : *L'inmortalita de l'amo*. Avié peréu gagna 'no joio i Jo Flourau d'Ais, en abrieu 1869. Em'acò, en l'ounour di vitòri de Michèu, la vilo d'Eiguier, qu'èro ounte Michèu abitavo, forço afeciounado à nòsti causo literàri, coundidè li Felibre à soun rejauchoun de Sant Marc dòu Cabrit, ounte, davans lou pople, Anfos Michèu declamè soun *Inmortalita de l'amo*.

En 1870 publicavo, en Ate, encò de Jean, soun recuei de cansoun que, pèr la majo part, èron adeja pouplari, e ié dounavo lou titoulet de *Lou Flasquet de mèste Michèu*.

En 1883, publicavo à Draguignan, emé l'ajudo de la Soucieta literàri dòu Var, soun *Islòri de la vilo d'Eiguier*, qu'es un mounumen auboura à la glòri de nosto lengo, coume es peréu un guierdoun de reconeissènço que l'autour pagavo is Eiguieren pèr touto l'afecioun que l'avien temougnan d'enterin qu'èro au mitan d'èli.

D'enterin — bouscaire intatigable — acampavo de tout caire e cantoun, tout ço que pretoucavo lis us e coustumo de nosto terro prouvençalo, e li publicavo, fugue dins *Lou Prouvençau*, fugue dins *Lou Zou* e àutri fucio miejournalo.

En 1892, tiravo de sa culido uno tierro pretoucant les « Traces laissées par le paganisme dans le midi de la France », e la Soucieta feli-

brenco de Paris courounavo aquelo obro de la jöio dóu Ministre de l'Estruciou publico.

D'enterin, d'autri prefá lou secutavon e publicavo lou *Vade-mecum des magistrals de paix*, lou *Manuel des officiers de police judiciaire*, lou *Traité sur les conseils de famille et les scellés*, e n'avié d'autre en preparacioun - que soun editour ié leissavo ges de repaus - emai perèu uno obro que l'agradavo forço, un diciounari que n'i'a di tres part dos de facho e qu'es un travai forço óuriginau.

Basto, lou 14 de mars, à tres ouro de vèspre, nous atrouvavian, tóuti li Felibre de Marsiho, davans sa demoro, pér l'acoumpagna au cementèri e ié douna, pechairo ! lou darrié testimoni de nostro afeicioun.

L'Escolo de la Mar, que n'èro esta lou cabiscòu, avié manda uno courouno superbo, e noumbrous èron li Maren qu'èron aqui, triste e doulent, mena pér soun cabiscòu Paulin Guisol e soun secretari A. Gautier.

Representant lou Counsistòri, li sét majourau marsihés L. Astruc, A. Chailan, M. Bourrelly, J. Monné, L. Roumieux, J. Huot e A. Tavan rendien lis ounour à soun coumpañ regreta.

L'abat felibre, lou canounge Enri Rolland, qu'èro vengu d'à-z-Ais, adurre lou salut di Laren, a vougu acoumpagna nostre paure ami enjusqu'au cementèri.

E aqui, après li paraulo esmoungudo de M. Rol, juge de pas e ami de cor dóu paure Anfos, après li regrett de M. Estier, au noun de tóuti aquéli qu'èron emplega dins soun pretòri, lou cabiscòu di Maren, l'ieu plourous e lou cor estrassa, s'avancè e parlè coume seguis :

Messiés,

« Uno voues plus autorisado que la miéuno se devié faire entendre ici pér ounoura, coume i'es degu, lou majourau que lou Counsistòri vén de perdre ; mai, d'abord que noun m'es poussible de vous faire ausi li paraulo dóu Capoulié, e qu'es au plus umble que revèn la tristto toco de jita quàunquei flour de regrett subre d'aquéu croues, veici adoune, lou plourun de noueste couer :

« Anfos Michèu, que li disian, n'autrei seis ami, lou *pouèto dóu Flasquel*, s'es pas esta un di sét apoustòli de *Fouent-Segugno*, es esta, pér lou mens, un dei disciple lei plus vesin dóu cenacle ounote la boueno paraulo de l'Evangeli felibren s'es espandido, que l'a entendudo e que, puci, l'a espargido à soun tour pertout ounote a treva.

“ Es ansin qu'à Carpentras, à Mourmeiroun, soun païs natau, se soun espeli sei proumié cant tant fin, tant risoulié, à la Prouvènço, à soun cœu, à sei bèleci siho, em'eï bèleci taulejado. Tout acò a fourma 'n libre de cansoun, bèn abena, mai qu'a sobre-viscu e que subreviéra de-segur à soun autour, car aquéu libre es l'espreszion de nouesto naturo prouvençalo, de noueste brinde reviha, de nouesto umour galoio. Aquélei cansoun, veritâlei perlo, saran sèmpre lou soulas e la joio de tout bouen Prouvençau.

“ Mai, que faudrié pas dire de l'envanc de noueste ami, de soun esperit de devouamen e de proupagando pèr nouesto toco ?

“ Vesès-lou tout d'abord en Eiguero, ounte avié planta l'Estello, ounte, envirouta de l'estimo e de la counfianço publico, lou pople, coumo dins l'ancian tèms, lou prepauso au governamen pèr jùgi de pas d'aqueu cantoun, e lou governamen lou noumo. Es aqui que, partejant soun tèms entre li devé de sa cargo de jùgi e l'estudi, — qu'es esta lou biais de touto sa vido — enauro un mounumen de recouneissènço envers sei nouvèu counciéutadan e lou Felibrige, en alestissènt lei matèri que li an servi pèr soun libre saberous : *l'Istòri de la vilo d'Eiguero*, touto escripto en lengo prouvençalo, cap d'obro d'erudicien, de goust e de sciènci istouriografico.

“ Puei, quito lei bord de la Durènço e vai à-de-rèng en persegùent emé destincien sa carriero de magistrat, à Faiènço, Lorgo, Puget-Tenié e Draguignan, ounte, pertout, semeno à plen de man lou gran dòu Felibrige, foundo d'Escolo flourissènto, adus à la causo un grand noumbre d'asouga de la revoulucion roumano, qu'an fourma pèr seguido de generaciens d'abiho trasènt, en un mèu abondous, l'eigagno la plus fino de l'esperit prouvençau.

“ Enfin, à Marsiho, ounte despuci quauqueis an à peno, es vengu definitivamen abourda, l'Escolo de la Mar se saguè ounour e devé de li semoundre lou gouvèr de la barco e dis aràngi, qu'a mena, se pòu dire, em'un gàubi e un sucès en que cadun a rendu óumàgi. Entandóumens lou felibre metié sa man en de recerco longo e paciento, sus li usagi loucau, e publicavo soun darrié libre : *Les traces du paganismus en Provence*, courouna l'an passa pèr lou ministre de l'Estrucióun publico. Es au mitan d'aquele vido de travai e d'estudi e de paciènci d'àngi, que trouvavo encaro de bouen moumen à counsacra à l'amista, à se rëndre dins nouèsteis acamp e nouèstei felibrejado, ounte mancavo jamai de nous debana tant de galant vers e de nous canta sei cansoun tant galio.

« Eh bèn ! aquest ami, en pleno forço, en pleno santa, en pleno sabo, un mau dòu tron l'a amaga dins tres jour !

« E voulès pas que nonèstei peitriño gounflejon, en aquest moumen ounte la terro vai nous prene un de nouèstei fraire, un di mestre lei mai eima de nouesto Escolo e dòu Felibrige tout entié ?

« Ah ! paure ami, nous laisses ansin, sus aquesto terro d'amarun, tu que jouisses aro dòu repaus e de la recoumpèndo de l'ome de couer, de l'ome bouen, en esperant d'ana un jour, bèn lèu bessai, emé tu nous assèire à la divino taulò, amount, de Santo-Estello !

« Adieu, Michèu, adieu ! »

Em'acò, lou felibre canounge Rolland, qu'ero vengu d'Ais, a di li darrièri preiero, c lòuti, esmóugu e plourous, nous sian entourna en parlant de l'ami, dòu fraire que venian de leissa.

L'avian fa, nautre, nòstis darriés adessias, e vès-cici aquéli dòu Capoulié :

« Uno auro de mort passo sus lou Felibrige. Vuei, es lou cros de noste ami Anfos Michèu que se duerb. Lou felibre galoi, lou cansounié calignarèu, lou saberu, lou d'us filousouse que sabié rire, ama e canta — soun li tres doun que Diéu baio à l'ome juste — nous a leissa ! Es mort ! Soun amo adeja, ciné l'amo de Vergèli e de Dante, trèvo lis Aliscamp, sereno, risènto o clarejanto coume quand trevavo emé nautre aqueste paradis de Prouvènço.

« Paure ami ! urous pouèto ! A travèrs li lagremo de mis iue te revese, noun li man jouncho, entre li quatre post, mai viéu e cantant e tau que siés retrai sus la proumiero pajo de toun *Flasquet*. E es ansin que le reveiren lou jour que faren ensèn la grando felibrejado dins la lumenouso ciéuta dis amo !

Felibre, adieu !

F. GRAS.

Ah ! pèr nautre, qu'avian despièi mai d'un quart de siècle viscu de sa vido, senti lou même amour, saboura li mémis espero, pantaia li mémi desiranço, acò nous es esta grèu de nous dessepara d'un cor coume aquéu de Michèu, tant bon e tant amistadous, d'uno amo tant ardènto pèr l'obro felibreno, e d'un esperit mai que segound e briant qu'es pas de dire.

Long-tèms nous remembraren dins nòstis acampado ta voues ga-loio e ta paraulo caudo e simpatico ; ti refrin, li rediren en souveni de

tu ; lou vin de toun *Flasquet*, lou béuren emé delice, en pensant au
destré d'ounte a giscla : aquelo amo fort e sano dins la qualo l'amour
de la Prouvènço avié jita de sagatun superbe e vigourous.

E aro, ami, leisso-me traire aquesto flour sus toun cros :

Tóuti dous, dóu Ventour avian treva li coumbo,
Ebri de la bèuta de soun front parpelous,
E nous assajavian au lengage tant dous
E tant tèndre, que sèmblo un murmur de palumbo.

Pèr sauva lou parla que gisclo, vibro e roumbo,
Tout en escalustrant li siéu dóu Nord, jalous,
Nautre aurian, pièi, creba la graso de sa toumbo
E coucha de soun cor lis aurige neblous ;

Pèr éu, aurian baia lou sang de nòsti veno !
La lengo, dis esclau, disian, roump li cadeno !
E la man dins la man, lis iue vers l'aveni,

Sus l'amista de l'un, l'autre apielant sa vido,
Marchavian, — e la mort sègo ti jour, avido,
Quand l'ouro dóu triounfle anavo just veni !

J. MONNÉ.

MORTUORUM

— Sus lou mitan de mars es mort, à Marsiho, M. Maurise Bouquet, literatour d'elèi, que soun noum avié pareigu dins lou premié cartabèu de Santo-Estello, coume aguènt douna soun adesioun au Felibrige.

— Lou 14 de mars est mort à Marsiho, dins si 58 an, noste bon ami lou felibre mantenèire Louis Amiel, que laisso de recuei de galejado e de coumèdi prouvençalo courouna i Jo Flourau mantenenciau. L'avèn ploura coume un fraire, e sian segur que Santo Estello l'aura reçaupu dins sa glòri, car èro un de sis adouiraire li mai servènt.

— Uno grando doulour vèn de 'creba lou cor de noste Sendi : En Marius Girard a vist mourir sa maire nourriguiero, dono Coupet. Aquelo pauro e santo fremo dóu pople, que repauso, aro, dins lou toumbèu de sa famiho, èro estado, se pòu dire, uno segoundo maire pèr éu. De tout cor plagnèn si dòu !



LI NOVO FELIBRENCO

PROUVÈNÇO

— Lou Coumitat mantenèire dóu Tambourin s'es acampa en Aubagno (Bouco-dóu-Rose) e vès-eici coume s'es recoustituï :

La presidènci d'ounour s'es dounado à Frederi Mistral, e s'es piëi nouma :

Presidènt, E. Couve ; vice-presidènt, B. Camoin, d'Aubagno, e F. Vidal, d'Ais ; secretàri, V. Famin, d'Aubagno, e J. Pourcin, d'Ais ; tresourié : P. Cayol, d'Aubagno, e L. Olivier, proufessour au: counservatòri d'Ais.

S'es piëi decida que l'acampado annalo que s'ero tengudo à Camoin-di-Ban emai à Sanàri-Bèu-Port, se tendrié, aquest an, à-z-Ais, au mes d'avoust, en meme tems que li *Jo Flourau Mantenenciau e Laren*, e lou councours de *galoubet e tambourin*.

De mai, s'es arresta qu'uno souscripcióun sarié duberto entre tóuti lis amaire de nosto flamo musiqueto prouvençalo, pèr veni à l'ajudo dóu Coumitat pèr lou bèu mantenemen de l'obro. Pregan adounc tóuti lis ami de respondre au rampèu e de manda sa pichoto douno, fugue peçeto o sòu, au presidènt E. Couve, cours de la Trinita, 5, à-z-Ais, e faran obro de patrioto.

Pèr l'encauso di douz councours de Tambourin, lou prougramo de la coumessiouï d'ourganisacioun s'es moudifica e se i'es apoundu de pres en argént e de medaio. S'es arresta coume seguis, pèr li targo de *Galoubet-Tambourin* e dóu *Coumitat mantenèire* :

« A prepaus di festo felibrenco-cigaliero, emai de l'acamp en nouesto capitalo de la Mantenènço de Prouvènço, la Municipalita s'es dicho de faire un nouvèu councours pèr l'estrumen naciounau. E vès-eici la targo artistico :

<i>Divisien d'ecelènci</i>	— Premié pres : Medaio de vermèi e 60 fr.
»	— Segound pres : Galoubet d'ounour e 25 fr.
<i>Proumiero divisien</i>	— Premié pres : Medaio d'argènt e 40 fr.
»	— Segound pres : Masseto d'ounour e 20 fr.
<i>Segoundo divisien</i>	— Premié pres : Medaio d'argènt e 15 fr.
»	— Segound pres : Medaio d'argènt.
<i>Divisien de duo</i>	— Premié pres : Douei medaio e 40 fr.
»	— Segound pres : Douei medaio e 20 fr.
<i>Divisien de groupo</i>	— Premié pres : Joio d'art (pèr lou capoulié) e 100 f.
»	— Segound pres : » » » » e 50 fr.

Lei tambourinaire qu'an agu déjà lou premié pres dins un councours noun poudran concourre que dins l'Ecelènci ; e tóutei lei concurren d'aquelou divisien saran en fouero de la Segoundo e de la divisien de Duo. Pèr groupo, s'agis d'ùnei sèt toucaire.

Noutas bèn que lei moussèu, un soulet pèr cadun, noun déurran despassa cinq minuto.

Se manda la cousandido, avans lou 1 de juliet, à M. J. Pourcin, proufessour de galoubet, carriero Anciano-Madaleno, 1, à-z-Ais.

Lei membre de la Coumessian d'ourganisacion,

F. VIDAL, cabiscòu de l'Escolo de Lar.

E. COUVE, président dòu Coumitat mantenèire dòu Tambourin.

L. OLLIVIER, proufessour à l'Escolo naciounalo de musico.

E la circulàri counvidarello seguis coume eiçò :

« L'acamp di Tambourinaire, que noun s'es fa l'an passa, sara en avoust de 1893, à-z-Ais, entindóumens que lou grand councours de Galoubet-Tambourin e lei councours literari de l'Escolo felibrengue de Lar, emé la Mantenènço de Prouvènço.

« Se saup que de primo en argènt dindin e d'obro d'art soun baiado en tout estrumentisto li adusent un escoulan (mai o menis souert), vo bèn un groupo de jouvènt : acò's lou semenari o la pepiniero ounte greion lei galoi toucaire, ounte de centenau s'acampon, musichejant leis èr ama dòu païs, coume à Camoin-di-Ban, em' à Sanàri-Bèu-Port.

« E fugue lou round deis Aigo-Sestiano lou mai rounflant de tóutei.

« Vous esperan, alègre cambarado,

Ernest COUVE, président dòu Coumitat mantenèire dòu Tambourin, à-z-Ais, couss de la Trinita, 5.

« Se mando la counsentido avans lou 1 de juliet, à M J. Pourcin, carriero Anciano-Madaleno, 1, à-z-Ais. Tóutei lei Tambourinaire que diran de o pèr lou councours vo pèr l'Acamp, recebran pièi uno biheto marcant lou jour e l'ouro de noueste bèu festenau.

— Lou Counsistòri felibren a manda uno souscripcioune de 25 fr. au Coumitat mantenière dòu Tambourin.

— Counfourmamen à l'article VI dis Estatut dòu Felibrige, En Fèlis Gras a fa assupre i Felibre mantenière de Prouvènço qu'aquéli que voudrien pausa sa candidaturo au titre de majourau, devien ié manda si titre avans lou 15 d'abriéu.

I'a dous majourau prouvençau à ramplaça dins lou Counsistòri felibren : En Bonaparte-Wyse, *cigalo d'Irlaudo*, e En A. Michel, *cigalo d'ou Var*.

L'acamp counsistouriau se tendra à Seloun.

Avans l'acampado e counfourmamen à l'article VI sobre-di, lou canelié dèu faire *counèisse i majourau, pèr uno circulàri, li candidaturo entracbo*.

Li felibre présent à la sesibo counsistourialo an soulet dre de sufrage. I'a que li membre dòu Burèu dòu Counsistòri (art. XII) que podon *voula pèr escri*; aquéu Burèu es coumpausa dòu Capoulié, dis assessor, di sendi (quand aquésti soun majourau), emé dòu Cancelié e dòu vice-Cancelié. (art. VIII)

— Es questioun que la festo de Santo-Estello, d'oungan, se celebra à Carcassouno dins lou currènt dòu mes de mai venènt. La Cancelarié dòu Felibrige assaventara quand faudra tout lou cors felibren, de la decision que lou Capoulié prendra à-n-aquéu prepaus. Mai, à noste vejaire, sarié 'no idéo flamo d'ana semoundre la coupe à nòsti fraire arderous de l'Escolo audenco, que fai flòri dins la ciéuta de Carcassouno.

— Lou 20 de mars, lou gènt felibre J. Chevalier mandavo is ami aquesto biheto :

« Lou felibre Jóusè Chevalier e sa dono an lou bonur de faire assupre is ami la neissènço de la felibrihouno Mirèio Chevalier, que tout bèu-just vèn d'espeli e que ié mando si premiè poutoun. »

Frederi Mistral èro lou peirin d'ounour de la chatouneto, e lou bateja se celebrè en la glèiso de Sant-Laurèns, de Marsiho, lou bèu jour de Pasco, que lou Pai Savié de Fourviero fuguè lou batejaire, e que lou

sacramen fuguè amenistra e l'ate même redigi en nosto lengo prouvençalo.

A la taulado batismalo, s'èron pièi acampa li parènt e lis ami, e quand li brinde vengueron e que li tambourin aguèron touca l'aubado, se legiguè aquèsti vers galant que F. Mistral avié manda :

A MA FIHOLO MIRÉIO CHEVALIER

Miréio Chivaliero,
Cargo toun coursihoun
Pèr combatbre sus l'ierò
Contro li mousquihoun
De la vido nouvello
Que te duerb soun relarg :
Bon gran à ta gavello
E bèu lum à ta lar !

En Jan Monné legiguè pièi dous pichot sounet, e l'urous paire nous descatè li beloio que i'avien manda Louis Astruc, Huot e J. Gautier, qu'avien tóuti jita à plen de man de perlo e de flour sus la bresso de Mireieto. Roumieux, peréu, avié pourgi soun brout emé soun biais requist. Soun sounet à l'anjounèu, que tóuti an saluda de si picamen de man, èro precedi d'aquésti quatre vers :

Coumplimen au paire,
Souvèt à la maire,
Emé dous poutoun
Au bel enfantoun !

Lou mandadis de L. Astruc disié :

Pèr viéure longtèms fau ama
E toun papeto e ta mama,
O pourido Miréio;
Pèr viéure urouoso fau ama
Lou Vincent qu'auras prouclaua,
O galanto Miréio ;
Pèr viéure en glòri fau ama
Lou parla fort, sant, renouna,
De nosto raço viéio.

Zóu ! Alor li tambourin jouguèron la marcho turco e flahutejèron qu'èro un plesi e pièi se cantè — que i'a ges de bateja sènso cansoun — *Lis estallo*, d'Aubanel, e *Estivenco*, de Gaussen, fuguèron de la festo. A. Gautier diguè lou conte de la chatouno qu'èro en cerco dóu bonur verai, Jan Monné i'apoundeguè 'no cascareleto, J. Chevalier legiguè : *Li poutouno* e *La luno de mèu*, em'acò la sesiho se levè pèr ana faire la farandoulo sus lou prat, à l'acoumpagnamen galoi di tambourin.

En fasent nòstis adessias à l'oustalado, redisan au couple radious :

Miréio es lou pantai galant
 Que vòsti bouco espeliguérón
 Quand dins un poutoun se liguérón ;
 E sarà lou rai treboulant
 Qu'enlusira, long de la vida,
 Vòsti dos amo esbalauvido !

-- L'editour parisen Lucian Duc anóuncio, pèr parèisse au premié jour, *Casau*, dramo en cinq ate e en vers, tira de l'istòri de Marsiho, pèr En Jan Monné, emé la traducioun en vers francés dóu felibre Marius Cognat. Un fort voulume de 340 pajo que sara espedi franco de port i souscrivèire, contro un mandat-poustaü de 3 fr. 50 pèr l'edicioun ourdinàri e de 5 fr. pèr lis eisemplàri sus papié tinta.

Li souscripcióun se devon manda à l'editour, M. Lucian Duc, 35, rue Rousselet, à Paris.

— Benastrugan la vengudo en aquest mounde dóu felibrihoum Grabié Louis Bonnaud, que Santo Estello a manda au felibre di *Beluguelo*, lou 23 de mars.

— Lou valènt Pèire Bertas, de l'Acioun prouvençalo, à Marsiho, vai estampa un pouëmo dialouga en prouvençau, emé traducioun franceso vis-à-vis, que ié diran : *Pierrot Badaïo* e que sara precedi d'uno prefaci de Pau Guigou. Lou pres de l'eisemplàri sara de 5 fr., e de 20 fr. sus papié d'oulando.

— Avèn charpa coume èro degu l'ami que nous avié tira la còpi dóu *Catecisme dóu bon felibre*, pèr l'estampage que n'avèn fa dins nostro darrié numerò. En legissènt lis esproto, nous avié 'scapa qu'aquéu paure marrit — que n'a perdu l'èime — avié coupia *Nord* ounte i'avié *Miejour*, e *Miejour* ounte lou librihoum pourtavo *Nord*. Mai, aquéli boustre de l'Aïdi an pas manca l'oucasoun de rire un brisoun dóu mancamen de nostre coupisto, e se n'en soun bouta jusqu'is iue. Macastin ! lou rire es causo proun raro au tèms que sian, pèr que noun fuguèn escalustra d'ausi rire à nostre entour, sobre-tout quand lou rire es pas fourça e qu'estoufo pas li risèire.

Tant que la galejado es pas morto, fau pas desespera de nosto raço.

— A Sillans, galanto viloto dóu Var, lou valènt abat felibre Spariat a douna, avans Pasco, uno tiero de predicacioun prouvençalo qu'an ôutengu un grànd succès, e li cantico prouvençau i'an rounfla qu'es pas de dire

— Lou 9 de mars, lis escoulan dóu licèu d'Avignoun èron en festo e avien fa 'no pichoto plaço à nosto lengo dins lou prougramo di di-

vertissènço ; M. Jouve s'es fa aplauzi en declamant la fablo dóu *Renard e la Cigogno*.

— L'abat Jùli Bresson, qu'es, aro, curat de Lauris (Vau-Cluso) l'au-tour dóu *Ramelet di Pelerin Santen*, dóu *Ramelet di Sant-Genaire*, en l'ou-nour de Sant-Gens ; dóu *Ramelet de la Santo-Baumo*, ounte i'a d'esca-pouloun de cantico prouvençau que soun devengu poupoplari, vèn d'acaba un dramo prouvençau en tres ate, tira de l'istòri de Santo Estello, la patrouno dóu Felibrige ; aquéu dramo s'estampara lèu, lèu, e auren óucasioun de n'en reparla.

— La Soucieta scientifico e literàri de Cano a tengu sesiho lou 20 de febrié, dins la salo di counferènci de la comuna, souto la presidènci de M. lou mège de Valcourt, aguènt pèr assessor lou niège Bernard e M. Arnoult. Dins aquelo sesiho, M. Teodoro de Wyzewa, redatour au *Figaro*, à la *Revue des Deux-Mondes* e à la *Revue bleue*, a fa'no char-di-sso sus la literaturo franceso e sus la literaturo prouvençalo, que tòuti se n'en soun lica li dét.

Aquelo magnifico escourregudo dins nostro literaturo tant bèn enau-rado e superbamen presentado, nous a fa batre l'amo en la legissènt dins lou *Littoral* dóu 21 de febrié, e nous estouno pas que lis aplau-dimen agon marca tout lou plesi que lis escoutaire avien pres à-n-escouta lou valènt counferencié.

— Lou *libre d'or dis Arlatenco* es un libre que se vai estampa e que dèu faire mostro de tout ço que s'es escri sus la bèuta, la graci e la vertu di chato arlatenco, despièi qu'aqueло bèuta fai l'empèri e despièi que i'a de voues amourousido pèr la canta. Se fai, adounc, rampèu i troubaire, is istourian, i pouèto de toutu meno, de baia ajudo i bravis ami que se soun di de mena à bèn aquelo obro superbo : aquéll qu'aurien de doucumen, de vers o de proso, sus lou prepaus sobre-di, an que de li manda e de li signala à-n-Adrian Couyba, 18, carriero de Wattignies, à Paris.

Fau dire que l'Arlatenco istourico n'es pas soulamen la chato d'Arle, que nais, viéu e mouris dins li bàrri d'Arle ; es peréu la chato di Baus, de Seloun, Tarascoun, Bèu-Caire, etc., de tòuti aquélli flame pais que constituisson lou terraire arlaten.

Lou *Libre d'or* reculis dounc tout ço que s'es escri sus lis arlatenco d'Arle, Seloun, Bèu-Caire, Tarascoun, etc.

Pèr douna à nòsti legèrie uno idèio de ço que sara lou libre, ié di-ren que se ié legira entre àutri bèlli causo : *La comunioun di sant* ;

Lou porto-aigo, A la fibo de Reatu (sounet), *L'arlatenco*, de *Tros de Mirèio* (cant 8) ; de *Tros de Nerto* (coustume arlaten au XIX siècle) *Discours de Mistral is arlaten en 1877, lou Coustume d'Arle*, tout acò de Mistral ; *la Venus d'Arle*, d'Aubanel, e li quatre vo cinq traducoun que se n'es fa ; quauqui pèço di *Fibo d'Avignoun*, o presso dins li journau, armana, etc ; *Lauro*, d'Adôuse Dumas, etc.

S'es adeja acamipa 150 moussèu e pregan vivamen lis ami de pas de lembra que lou *Libre d'or dis arlatenco* dèu èstre un mounumen de glòri auboura à la bèuta, e d'ajuda nòsti bravis ami à-n-apoundre mai-que-mai de perlo à la courouno que trenon tant gentamen pèr lou front de nòsti réino d'amour !

— En responso à la noto de *l'Aïoli*, nº dòu 7 de mars, diren qu'es ni lou Capoulié ni lou Sendi que devon ratifica li chanjamen o apoun-coun que lis Escolo porton à soun reglament, mai que lis estatut feli-bren, que volon que li Reglament dis Escolo fugon aprouva pèr l'Assemblado generalo de la Mantenènça, fan peréu lèi is Escolo de noun li chanja sènsi l'assentimen d'aquesto, e cresèn pas que ni lou Capoulié ni lou Sendi formon *soulet* l'Assemblado generalo mantenencialo. (Art. 29 dis estatut dòu Felibrige).

— Li councours pèr l'amessioune à l'Escolo naciounalo di Bèus-Art, (tiero de l'architeituro) se vènon de cloure à Paris, e di 30 candidat reçaupu, sus 300 que s'èron presenta, lou jouine Huot, fiéu d'En Jósè Huot, a ótengu lou numerò tres, e nous fasèn un plesi de traire eici à l'ami nòsti felicitacioun couralo.

— *Les Echos de Tamaris*, de noste gènt counfraire Pau Cosfinières, soun devengu, à parti dòu 1 d'abriéu, *Echos de Tamaris à Monaco*.

— Lou valènt cabiscùu de l'Escolo de Bellanda, En L. Sardou, vèn d'agué si 90 an. A-n-aquelo cucusioun, la Soucieta di Scìenci, Letro e Art de Niço, acampado souennenamen souto la presidènci dòu prefèt dis Aup-Marítimo, M. Henry, i'a fa remesso d'uno medaio d'or superbo. Après quauqui paraulo gènto dòu prefèt, l'elogie calourènt de la vido e dis obro de l'escrivian d'elèi, es M. Malgat que l'a fa ; e, pièi, sus la rroupousioun de M. Henry, s'es manda 'no despacho à Vitou-rian Sardou, pèr l'assaventa de l'ouïour que venien de faire à soun paire.

— La festo de Santo-Estello se celebrara, aquest an, en ciéuta de Carcassouno lou 11 de mai, jour de l'Ascensioun ; En Fèlis Gras, que vai à Barcilonoun pèr assista i Jo Flourau catalan, s'arrestara en passant en aquelo viro e presidara lou festenau.

— La reünioun di Mardisto en l'ounour de Roumiéu, s'es tengudo, coume l'avian anouncia. M. Sepet presidavo l'acampado. Roumiéu a dubert la sesiho em'un sounet i Mardisto e pièi i'a di *L'anglés de Nîmes* e quauquis escapouloun de *Jarjaïo en Paradis*, qu'an fa tire à se des-gargamela tóuti lis escoutaire Lou rire e l'esprit au fa flòri en aquelo sesiho magnifico, que s'es clava lo emé lou cant dòu *Maset de mèste Roumiéu*.

— Lou toutau di soumo reculido pèr *la Cornemuse*, de Marsiho, en favour dòu mounumen de Fourtunat Chailan, poujo au mountant de 965 fr.

— Aquéli qu'an panca manda sa souscripcióun pèr lou mounumen à-n-auboura en ounour de Fourtunat Chailan, se podon despacha de la faire teni au tresorié dòu Coumitat, En J. Huot, carriero Colbert 12, à Marsiho. L'escultour S. Clastrier a mes l'obro à man, e la souscripcióun se vai clava au premié jour.

Diren i souscrivèire que l'éditeur Marpon e Flammarion vai publica uno edicioun pouplàri dòu *Gängui*, de Fourtunat Chailan, à l'ouca-sioun de l'inaguracioun de soun mounumen, e qu'auran lou 50 o/o de mens à paga sus lou pres de l'oubrage. Lou voulume se vendra 4 fr en librarié, e sara que 2 fr. pèr li souscrivèire. A-n-aquésti se baiara un papelet au moumen que vejaran sa miso pèr que ié fugue douna de retira lou libre en tre que pareissira.

Aquelo edicioun dòu *Gängui* sara aumentado di pèço inedito de Fourtunat Chailan, emai de quauquis-uno dis obro de soun fiéu, lou majourau En Aufrèd Chailan.

— Vèn de parèisse, em'uno prefaci de l'autour, Félis de Bouscarlo, qu'avie signa la crounico de l'armana de 1893, uno edicioun de lüssi dòu *Catecisme dòu bon felibre*.

Se n'es tira 200 eisemplàri noumerouta, e n'en soubro plus que quauquis-un : aquéli que ié sarié agradiéu de lou poussedi n'an que de manda 1 fr. à Mmo Roumanille, libraire, en Avignoun. Mai, an de besoun de se pressa, se ié volon èstre à tems.

Zou ! zou ! que li darrié n'an jamai li joio.

E vès-eici un pichot escapouloun de la prefaci, què l'autour ié vèn d'apoundre :

« L'autour d'aqueste librihoun es proun estouna de tout lou chamañan que se i'es fa à l'entour.

« Mai ço que l'a estabousi es la pousturo de cat de-revès, qu'an presso contro éu douz journau felibren di miéus grana.

« Pamens, i'avié qu'à legi plan-plan e sènsò passioun aquésti: pajo, pèr s'assegura que l'autour noun avié vougu afrounta ni trehoula, en- caro mens mespresa la fe e li crèire de proun bon felibre, sis ami.....

« Acò di, saludo li fraire, repren la fusto e remonto sus la tintéino. »

— *La Croix de Marseille* a dubert si coulouno à nosto lengo, sus lou prepaus di counferènci Sant-Janenco que lou Pai Savié de Fourviero douno dins la glèiso de St-Laurèns, à Marsiho, e vès-eici coume lou présento à si legèire :

« Don Savié de Fourviero es mai en trin de debana soun escagno dins sa cadiero de St-Laurèns. Fa lei tres an que nous regalo emé sei predicanço sus la Biblo. Lou proumier an, tratè de la *Creacioun d'ou mounde*, que tóutei lei fin lipet de prouvençau counéisson. L'an passa, entamenè lei Patriarco e nous parlè d'Adam e d'Evo, de Caïn e d'Abèl, d'Enoc, d'Enos, de Tubalcaïn, de Matiéusalè, de Nouvè, de Sem, Cam e Jafet e de que sàbi mai.

« Aquest an, countùnio sa patriarchalié biblico, e trato dei doui grand rière dòu pople judieu: Abram e Isa. »

E, cade dimenche, lou journalet marsihés a pas manca de resumi poulidamen li dos counferènci de la semano.

Mai lou bèu es esta soun numerò dòu 26 de mars, dounant, en despart: *la Passioun de nostre Segne* emai *l'Oumslio de l'avugle-na*, dounado lou 15 de mars dins la glèiso de La Palud en favour de la bono prèsso.

Lou retrai dòu majourau valènt, D. Savié, ié trelusis peréu, flouca d'aquésti vers :

Dins la cadiero santo, aussant la fe di réire,
Rèsto dòu vièi parla lou valént mantenière
E de nouesto Prouvençou abrant lou recalieu,
Empuro tourna-mai l'engèni renadieu.

— A prepaus di Jo Fourau de la Mantenènço, nous n'en tendrèn, pèr aquest an, e pèr l'encauso dòu concours di Laren, i tres temo douna dins nostre darrié numerò : *pèço de teatre ; galejado en proso o en vers ; odo sus lou sujet* : Troubairis-Felibresso.

Aquitani

— Is oussèqui soulenno de mounsen l'abat Laborde-Bois, curat d'Arette, es lou canounge P. Pellisson, qu'a fa soun eloge en lengo bearneso, e tóuti lis escoutaire n'en soun esta ravi, que la manejo em'un biais remarcale e un talènt qu'es pas de dire.

— Lou 18 de febrié, à Paris, la *Rucbe corrézienne* a tengu soun acamp mesadié. Se i'es jouga la *Marcbo de Tureno*, cant limouzin que Saboly avié bouta dins sa *Marcbo di rèi* : Foussard a di *Lou bal de Nadal*; A. Marpillat, *St-Marti e la Counfessioune de Pierrou*; J. Plantadis a legi: *Amadiéu*, tira de la cansoun limousino de J. Roux, e *Al coumandant Mountelb*, dóu meme; s'es apoundu tres pouësio de M. Caze: *Jana Peyra, La Nebouda petiounola e fraire Vincènt*.

— A la darriero acampado de la Soucieta academico de Tarbo, lou valènt Palay, que despièi dous an s'assajo poulidamen à-n-escriéure la lengo bigourdano, a fa 'no counferènci sus la lengo miejornalo e majamen sus lou parla gascoun.

Dounant lou salut degu à Frederi Mistral emai à-n-Aubanèu, zóu ! s'alando dins la draio que i'es conneigudo, aquelo bello draio gascouno ounte an camina, emé tant de glòri, Goudelin, d'Astros, Jasmin, Despourrins, que lou Bearn e la Bigorro se disputon coume siéu ; Bitaube, de Mesplès, Hatoulet, Bordeu, Lamolère, Navarrot, Vignancourt, e bèn d'autre que pourtavon au cor l'amour de sa lengo meiralo, e que van sus si piado Lacontre de Pau, Adrian Planté e Isidor Salles qu'es, se pôu dire, lou prince di pouèto gascoun.

Aquelo counferènci mai qu'aplaudido, tótui li journau de l'encountrado i'an fa riseto e l'an publicado.

De mai, la Soucieta academico, en seguido d'aqueло counferènci, a vouta que, d'aro-en-la, souleto lis obro literari e lis estudi de lingüistico pretoucant la terro bigourdano, sarien enserido dins soun Buletin.

Acò fai bèn agura pèr lou relevamen dóu dialèite d'aqueло prouvinçօ astrado, que nòtis ami ié semènon lou bon gran emé l'envanc dis apostòli, et que l'*Armanac de Bigorro* que vènon d'espeli, ié fai prouado.

— Lou felibre Em. Boudon, mèstre d'Escolo à St-Salvy (Tarn-e-Garouno), membre secretari de l'Escolo de Jansemín, que publico dins *Lè Gril de Toulouso* soun diciounàri agenés-francés, bouto en souscription uno obro de remarco, un preta d'elèi pèr lis amaire de nostro parladuro ; es un *Manuel élémentaire de linguistique pour l'enseignement du français par les idiomes locaux..*

Aquèu *Manuel* es esta courouna i Jo Flourau de la Soucieta felibrenço de Paris, e li pichot tablèu que porto soun precedi d'uno letro de Mistral que ié servis de pourtlissòu.

La souscription es duberto à 2 fr. lou voulume, e se n'en dèu manda lou mountant à mèstre Emilo Boudon, mèstre d'Escolo à Sant-Salvy (Tarn-e-Garouno).

Acouraja e ajuda de publicacioun d'aquelo meno, es faire obro de patrioto !

Vès-eici la letro de Frederi Mistral :

Maillane, 21 août 1893.

Monsieur,

« Votre *Manuel élémentaire de linguistique* est dans la voie du vrai, très intelligemment conçu, et, si vos tableaux synoptiques, accus d'autres vocables locaux, étaient affichés dans les écoles, ils rendraient les écoles très agréables et profitables aux écoliers.

« Tout ce qui peut attacher de façon ou d'autre l'enfant à son pays natal, à ses traditions de famille, à son honneur de race mérite d'être encouragé.

« Une des principales causes de cette dépopulation qui mine la France, c'est l'aveuglement avec lequel le système actuel d'éducation pousse les jeunes gens à dédaigner leur village et leur province, et à courir au mirage des grandes villes et des petites sinécures.

« Votre *Manuel*, tout en étant fort utile à l'instruction des écoliers, leur donnera le respect de leur langue maternelle, qui est la gardienne des mœurs et de la sève native.

« Recevez, Monsieur, l'expression de mes sentiments de haute estime. »

F. MISTRAL.

— Se van bounta en souscripciou lis obro poustumo d'A. Fourès, que coumprendran tres partiò en un soulet voulume : I. — *La sègo*, 138 pèço en lengo d'O ; II. — *La muso Silvestro*, 163 pèço emé la traduciou franceso de l'autour ; III. — *La muse errante*, 173 pèço en francés.

LENGADÒ

— Avian parla di Jo Flourau que l'*Escolo audenco alestitis*, e aro près-eici lou galant rampèu que mando is escrivan dóu Miejour :

Aici le cartèl que douno le prougramo das Jocs Flourals de l'*Escolo audenco*, que se celebraran le dimenche 15 d'octobre 1893.

Les Jocs Flourals se tendran, s'acò 's poussible, dins las Tourres Narbounesos de la ciutat de Carcassouno, salo das Chivaliès.

l'aura quatre genres: 1. — *Pouësio lirico.* — Le premié pretx d'aquel genre es regardat coumo la grando joio de l'*Escolo audenco*. Per genre liric s'entend: Odo, elegio, idilo, pouèmo, etc. 2. — *Sounet.* — 3. — *Counte, noubèlo, galejado*, en proso ou en bers, de 300 lignos al mai. 4. — *Estudi sus Daveau, le troubaire carcassounés e ses obros* (en proso francimando o en lengo d'Oc). 5. — Pretxes reserbats as élèvos das escolos primàrios pèr la traducciu, en proso francimando, de la fablo d'Achile Mir: *La clooco e lou pouletou*.

La fablo de Mir sara mandado à tótis les mestres d'escolo que la demandaran al secretari de l'*Escolo audenco*. Les qu'an le libre de Mir: la *Cansou de la lausefo*, troubaran aquelo fablo à la pajo 128.

Las obros mandados as Jocs Flourals déurran èstre adressades dal 15 de julhet al 15 d'agoust, à M. G. Jourdanne, secretari de l'*Escolo audenco*, à *Poulariez, per Carcassouno*. Déurran èstre escrichos en dous exemplàris; le noum dal troubaire sara mandat à part, dins uno enveloppo cachetado.

L'Escolo audenco fa sabé que balhara per cado genre un premiè e un segound pretx, amai d'accessits; mès, per reagi countro l'abítudo de courouna trop de pèços, se moustrara proube dificillo.

Las obros courounados saran publicados dins la *Rebisto miejournalo* de Carcassouno, e dins la *Cigalo d'or*.

Le Secretari: G. JOURDANNE.

— L'*Atenèu di Troubadou*, de Toulouso, a dubert soun sieisen grand concours de lengo miejournalo. Li pèço an d'estre mandado à M. V. Levère, allées Lafayette, 26, à Toulouso, dóu 15 d'abrieu au 15 de juliet venènt.

-- La *Cigalo d'or* nous apren la mort dóu jouine felibre P. Vezian, qu'avian couneigu à Marsiho, ounte èro sóudard au service de la santa militàri, e que tóuti li Maren qu'avien agu l'ur de lou vèire, estimavaon mai-que-mai. « Tout de cor à la Muso felibreno, gèn e amistados, Pau Vezian, — dis la *Cigalo d'or* — que sous debuts literaris proumetieu prou quicon, sara regreta de toutes lous que l'an counegu.

Nautre, d'eici, que lou couneissian e l'amavian, jougnèn nòsti regret à-n-aquéli de nòsti counfraire e ami de Mount-Pelié.

— Dins li gràndi festo ourfeounico e musicarello que la Municipalita de Toulouso emé lou Coumitat d'ourganisacioun alestisson, pèr lou mes

de mai venènt, i'aura 'no tiero reservado escassamen i cantaire en parla d'O, e de pres superbo ié saran atribuï.

Les Grils toulousan se groupon pèr faire festo à-n-aquéli que l'anaran faire rounfla la parladuro meiralo, e nautre picaren di man.

Se dis que li *Cantaires dau Clapàs* devon prene part à-n-aquéli largo, e que, perèu, la Municipalita de Bèu-Caire, dins lou councours que douno annalamen sus l'estiganço de sa fiero, ourganisara tambèn uno tiero pèr li cantaire en lengo d'O.

— Li sòci de l'Escolo audenco, à Carcassouno, se soun acampa lou 9 d'abriéu, pèr ourganisa li festo de Sto-Estello e la recepcionaun à faire à Fèlis Gras emai à Frederi Mistral.

— Lou cabiscòu de l'Escolo moundino, en Savié de Ricard, counvido d'aquest biais li sòci toulousen sus la memo estiganço :

« L'Escolo moundino tendra soun acampado annalo à Toulouso, 3, carriero Santo-Germano, le 7 de mai que vèn, à douz ouros del vèspre.

« Toutis les Felibres que ne fan partiò, soun pregats de s'i trouba.

« Sara questioun des Jocs Flourals de 1893, de la situacioun financiero de l'Escolo, de las grandos festos felibrencos que se van fa à Carcassouno joubis la presidenço del capoulié F. Gras, etc.

— L'Acadèmi di Jo Flourau de Toulouso vèn de courouna un estudi sus lou pouèto Goudelin, degu à la plomo dóu valènt felibre Gastoun Jourdanne, en quau trasèn nòsti couràli felicitacioun pèr lou bèu ram-pau qu'a davera dins lis ort de damo Clemènço Isauro.

VANEGRACIOUN

— Lou felibre abat Jùli Bresson, qu'èro à Bèu-Mount de Pertus, es, aro, curat de Lauris. (Vau-Cluso)

— Lou mantenèire Grabié Forgerot es recevèire de l'enregistramen à Vic-Fezensac. (Gers)

— Lou felibre Aufrèd Rottner, de Cournouterrau, vai demoura à Ceto, à la grand carriero, 66.

A PAREIGU :

A Perpignan, encò de Muller, *Countes del païs de Goudouli*, que lou galoi J. Mercadier, que saup rire à plen de garganto, largo poulidamen em'aquest quatrin :

Se legissets mas galejados,
Aqueste ibèr, dins las belhados,
Rirels à tous creba la pel,
E me tirarets le capel !

A Fouis, encò de Gadrat, *Gaston Phæbus en Pruese* (1357-1358), es-tudi tira de doucumen inedi, pèr F. Pasquier, archivisto de l'Ariejo. L'eros de l'aventuro countado es uno celebrite mie-journalo, e lou savent furnaire apound à soun raconte uno *Charto roumano*, seguido d'un tros de la crounico roumano d'A. Esquerrier, (1458) noutàri dóu comte Gastoun, pretoucant aquel afaire.

En Alès, à l'estamparié Martin, *Setanto*, odo patrioutico, inne pretoucant dóu felibre Albert Viau, en ounour e memòri di regreta soudard de Setanto.

A Brivo, encò de Roche : *Dires limousins* (proumiero serio), galant es-courregudo sus lis us e coustumo de la terro limousino, culi pèr lou gent Lemovix, tant afouga pèr li causo miejournalo, e que s'agrado de sauva de l'oublit tout ço que fai ama la pichoto patrio. I'a dins aquéu recuei d'estudi, de cant e de conte sus li festo de Nouvè e uno legèndo : *La cité des coujons*, qu'es bèn curiouso.

A Gruissan (Audo) encò d'Alquier : *Les étoiles*, uno tiero de galant sounet dóu jouine mòssi de l'Escolo de la Mar, Aguste Rol, que la Muso enfioco e poutouno e que i'ispire, tant en francés qu'en prouvençau, de sounet de requisto.

A Béziés, encò de Sapte : *Un moulou de telados*, dóu majourau Junior Sans. Aqui i'a, despièi 1853 enjusqu'a iuei, tóuti li flour fresco e riserello que neste ami a culido, e tóuti lis espino que l'an pougnegu, pechairo ! dins la draio de sa bello vido. Aquéu libré es soun cor tout dubert : ris, canto e plouro !

A Fourcauquié, encò de Crest : *Lou diamant de Sant-Maime d'En Ougène Plauchud*. Dins li colo de St-Maime se rescontron de peireto lusènto que i'an douna lou noum de diamant ; e i'avié peréu à passa tems, dins lou terraire, lou castèu de Ramoun-Berenguié, qu'a sa quatreno chato ié disien Beatri, e Beatri èro un diamant pur, esbrlhaudant qu'es pas de dire. E comeu l'ami Plauchud a canta dins soun libre la resplendènto Beatri, a rèn trouva de miés que de ié douna lou titre de *diamant* que ié counvèn de tout biais.

Plauchud es un escrinelaire fin e, emé soun amour, a serti un *Diamant* que beluguejo poulidamen d'amount dis Aup sus nòsti terro prouvençalo, e li rebat que n'en regisclon nous bouton à l'amo un sentimen d'ourguei en même tems qu'un grand fisanço dins l'aveni de nosto lengo e de nosto raço.

Lou Gerent : Jan Monné.

Imprimerie L. DUC, 35, rue Rousselet, Paris.

CROUNICO

DISCOURS DÓU CAPOULIÉ EN FÈLIS GRAS
AU CENTENARI DI JO FLOURAU DE BARCILOOUNO

Segnour Bisbe de Vic,

Davans Vosto Grandour, davans vosto nauto sapiènci, pause lis óumage e l'amiracioun dóu Felibrige.

Ilùstri Mantenedors,

Vous aduse pèr vòsti fèsto un bouquet de prouvençalo acampa dins li terro dóu Mas di Falabregó : es Mistral, neste pouèto naciounau, que vous lou mando, es Mirèio, nostro rèino de bèuta, que l'a culi. La bello chato de Prouvènço, avans de me lou baia pèr vous l'adurre, l'avié espingla un moumenet sus soun cor dins un ple de soun fichu blanc e l'avié poutouna tres cop de si bouco rousenco. E ieu, en vous lou pourgènt vuei, revese lou blu di flour, lou blanc dóu fichu e la roujour di labro, revese mi tres coulour naciounalo, revese lou drapèu de ma Pa-

trò, e me sèmbla que vous dise: « Vès-eici lou simbole de la fraternita di pople. »

Aquelo paraulo d'amour, aquelo paraulo de pas, que la voues di pouèto clamo de-longo sus lou mounde latin, me remèmbrò ma primo jouvènço, me remèmbrò l'esclargido que m'esbalaugiguè quand li pouèto de Catalougno venguèron nous vèire en terro de Prouvènço.

L'ause encaro, la voues forto e caressanto d'En Vitou Balaguer. L'ouratour flamejant, lou patrioto arderous, èro vengu, buta pèr la tempèsto poulitico e mena pèr la man de Diéu, èro vengu nous dire si desfèci, dins la trounadisso de sa paraulo ardènto e la pouësio de sa grando e bello amo. E ieu que vous parle (n'ère alor qu'un enfant), aguère ma proumiero vesoun de la Catalougno erouïco, ausiguère la clamour de si pouèto, e tout-d'un-tèms escriguère moun proumié vers; e ma proumiero estrofo, moun proumié cant fuguè pèr glourifica la bello espagnolo.

Alor dins li carriero d'Avignoun, sus li bord dóu Rose, dins lis Areno d'Arle clantiguèron lis estrofo dóu *Gayter del Llobregat*, l'amant ferouge de la terro catalano, Rubió y Ors, e d'Antòni de Bofarull lou Barcilonés, e d'Aguiló lou Maiourquin. Li paret di bàrri d'Avignoun e li tourre dóu Palais di Papo redisién dins sis ecò li gèsto dóu *Romancerillo Catalá* de Mila y Fontanals, e nous enfioucavon li pouèmo de Teodor Llorente lou Valencian, e de Camps y Fabres, e de Montserrat y Archs, e de Cutxet, e de Forteza, e de mounsen Jaume Collell, e d'Adalaus Blanch, e de Matheu y Fornels, e de

Quadrado, e de Querol, e de Rosselló, e de Frederi Soler, e de Pons y Gallarza, e de Francés Ubach, e di Torres, e de Carita y Vidal, que jamai li noumarai tóuti ! E legissian, à l'oumbrino di sause de la Bartalasso, lou *Calendari Catalá* e lou *Gay Saber*, e la *Orientada* de Pelay Briz e n'en devourisian li verset coume d'enfant groupa long d'un bouissoun n'en devourisson lis amouro.

D'enterin En Albert de Quintana venié i Jo Flou-rau dóu Centenàri de Petrarco e fasié clanti soun estrambord. E ieu ai vist lou pople d'Avignoun, debout, l'aclamant e d'ouro de tèms cridan : « Vivo la Catalougno ! » Mai uno autre resplendour devié nous arriba de la terro amado : n'autri qu'erian acoustuma de vèire leva lou soulèu subre Ventour, un jour veguerian l'aubo parèisse sus li Pirenèu ! Un astre s'aubourè e nous clasiguè de soun lum. *L'Atlantida*, de Jacinto Verdaguer, lou pouèmo di pouèmo catalan, l'obro genialo de vosto raço esbalauvissié lou mounde : au noum dóu Felibrige, salude neste fraire Jacinto Verdaguer !

O bello ouro de ma vido ! finigues jamai ! Canten, o fraire, eternamen dins lou meme libre d'amour, beven de-longo lou vin de l'esperanço dins la memo coupo ! E li pople de Prouvènço e li pople de Catalougno, e tóuti lis ome de sang latin trefouliran à la voues de si pouèto. Ausissès eilalin, de l'autre coustat de la mar, la voues di fraire d'Itàli que nous respondon. La famiho latino s'acampo : la pouësio de nòstis amo, de nòsti terro esbléugissènto de l'argènt dis óulivié, de l'or di meisoun, de l'or dis arange, de l'esmeraudo di jardin, aura fa la grando pacificacioun de l'Umanita !

E sara vautri, Mantenedors de Catalougno, e sara vautri, Felibre de Prouvènço e de Lengadò, e sara vautri, fiéu de Dante, que sarés esta la pensado que rejoun, la voues que porto, lou bras que coumplis la Voulounta de Diéu.

ADRÈISSO AU COUNISSTORI
DI JO FLOURAU DE BARCILOOUNO

Messiéss li Mantenèire,

Desempièi l'an 1859, ounte vòsti davancié restabliguèron li Jo Flourau pèr sauva e releva la libro parladuro dòu pople catalan, germano de la nostro, avèn, li Felibre de Franço, de-councert emé vous-autre, lucha de pèd e d'ounglo pèr la memo santo Causo. Vaqui perqué ieu vous cridave, i'a d'acò mai de trento an :

Dis Aup i Pirenèu e la man dins la man,
Troubaire, aubouren dounc lou vièi parla rouman !

Acò 's lou signe de famiho,
Acò 's lou sacramen qu'is àvi joun li fiéu,
L'ome à la terro ! Acò 's lou fiéu
Que tèn lou nis dins la ramiho.

Intrepide gardian de neste parla gènt,
Garden-lou franc e pur e clar coume l'argènt,
Car tout un pople aqui s'abéuro ;
E, de mourre-bourdoun, qu'un pople toumbe esclau,
Se tèn sa lengo, tèn la clau
Que di cadeno lou deliéuro.

Desempièi trento o quaranto an, di dous coustat di Pirenèu, s'es dounc amoulouna lis obro e li cap-d'obro, pèr afourti la vido, e lou dre à la vido, de nosto lengo maire. Mai rèn i'a fa : l'Ensignamen, di dous coustat de la mountagno, es toujour, lou sabès, en guerro demasiado contro lou parla di gènt; e la lengo di gènt, tant dins voste païs coume eici dins lou nostre, es, coume uno estrangiero e uno escoumenjado, foro-bandido dis escolo. E d'aquéli que pretèndon representa lou pople (tant dins voste païs, crese, coume dins lou nostre) n'i'a pas un que jamai ague pres la paraulo, is Assemblado naciounalo, pèr reclama lou dre de viéure, pèr reclama reparacioun en favour de la lengo dis eleitor que li noumèron.

Eh! bèn, Messiés, vous prègue, en souveni de nòsti paire, qu'an viscu tant de siècle enpas e amistanço souto la lèi unenco dóu *Counsat de la Mar*, (*) en souveni de nòsti rère qu'ensèn an benesi lou noum di Ramoun Berenguié : aproufichas vosto soulenno manifestacioun de vuei pèr rapela, de vosto auturo, au noum de touto nosto raço, à nòsti deputa, quénti que fugon, soun devé.

E digas-ié que se mentisson à la messioune qu'an presso en cargo, digas-ié que, se laisso indefinidamen mespresa, renega la lengo de la terro, noun sara éli que lou mounde, noun sara éli que l'Istòri recouneira pèr èstre nòsti representant ; mai sara li pouèto, soulamen li pouèto qu'auran canta lou pople dins la lengo dóu pople.

F. MISTRAL.

(*) Code de dre maritime, recouneigu autre-tèms pèr li marin de Catalougn, de Lengadò e de Prouvènço.



LI NOVO FELIBRENCO

PROUVÈNÇO

— La Cancelarié dóu Felibrige fasié assaupre i majourau que « lou Counsistòri felibren tendrié sesiho en viro de Seloun, (Bouco-dóu-Rose) lou dimenche 23 d'abriéu, pèr trata dis afaire dóu Felibrige, di comte dóu Cancelié e proun d'autri menudaio, mai subre-tout pèr la noum-nacioun de dous majourau de Prouvènço, en ramplaçamen d'En W. Bonaparte-Wyse e d'En Anfos Michel. »

Adounc, lou 23 d'abriéu, à Seloun, la sesiho counsistourialo s'es tengudo soutu la presidènci dóu capoulié En Félix Gras. Èron présent li majourau : Frederi Mistral, assessour, e Marius Girard, sendi de Prouvènço ; Louis Astruc, Marius Bourrelly, Léopold Constans, Antòni B. Crousillat, J. Huot, Louis-Roumieux emé F. Vidal.

S'es d'abord proucedi à l'eleicioun di dous majourau. Pèr lou titre de la *Cigalo d'Irlando*, come pèr aquéu de la *Cigalo dóu Var*, i'avíé proun concurrènt e la luchò es estado caudo, se pòu dire.

Es au tresen tour d'escrutin que lou nom d'Alèssi Mouzin es sortit gagnaire dóu titre de Majourau, en plaço de Bonaparte-Wyse (*cigalo d'Irlando*).

E n'es après quatre tour d'escrutin que lou candidat presenta pèr lou Burèu, Valèri Bernard, a ôutengu lou seti d'En Anfos Michel, (*cigalo dóu Var*).

Se decido pièi que li dous majourau nouvèu saran reçaupu soulen-namen à Carcassouno, lou 11 de mai, que ié faran l'elogie de soun predecessour, e que sarà lou majourau En Louis Astruc que resoundra au discours d'En Alèssi Mouzin, e que lou majourau En A. Arnavielle dounara la replica à-n-aquéu d'En Valèri Bernard.

Se decernis, pièi, lou titre de *Sòci dòu Felibrige* à M. lou dòutour Koschwitz, proufessour à l'Universita de Greifswald, emai à M. Restori, proufessour à l'Universita de Pavlo.

En Marius Girard, tresourié dòu mounumen de Roumanille, a rendu comte de la situacioun de la souscripciou duberto e a demanda çò qu'èro necite de faire davans l'óupousicioun que metié lou Counseu Municipal de Sant-Roumié à l'aubouramen dòu sobre-di mounumen dins aquelo vilo, e s'es decida que lou mounumen s'aubourarié en Avignoun, qu'èro la vilo d'adóupciooun dòu mestre Roumanille.

E se clavo la sesiho.

— *L'Ajòls* nous adus la novo que « lou Counseu Municipal d'Avignoun dins sa sesiho de dimars 25 d'abriéu, a vota l'ereicioun dòu mounumen de Roumaniho dins lou jardin de Sant-Marciau. La coumessioun municipalo di Bèus-Art, M. lou maire d'Avignoun e lou capoulié dòu Felibrige soun carga de recerca, dins l'ort avignounen, au miédi de prado de margarideto, la plaço que counvèn. »

E apound que « dins la memo sesiho M. lou maire a legi 'no letro de M. Jan Aubanel dins la qualo aquest fai douno à la vilo d'Avignoun dòu buste de soun paire, Teodor Aubanel, pèr Leroux. Uno coumessioun especialo es peréu cargado de recerca lou rode que déura ócupa aquéu buste. Sara proubablament plaça tambèn au mitan de quauque bouscas de mióugranié e de lausié-rose, dins l'ort St-Marciau. »

Aquéli dos novo nous an fa grand plesi, e poudèn qu'aplaudi à-n-aquéli voto de la Municipalita avignounenco.

— Lou 11 de mai s'es tengu, en vilo de Carcasouno, l'acamp de Santo-Estello, que n'en dounaren lou comte-rendu dins neste numerò venent. Vès-eici coume lou Counsistòri n'a assaventa li Felibre :

Avignoun, lou 21 d'abriéu 1893.

Moussu e gai counfraire,

« Aquest an celebraren la festo de Santo-Estello dins l'antico e glouriouso ciéuta de Carcassouno, lou 11 de mai.

« Dins la matinado, lou Counsistòri felibren tendra sesiho soulenno e reçaupra li nouvèu majourau. Sus lou cop de mejor aura liò la fe-librejado dins l'uno di tourre de la Porto-Narbouneso, salo di Chivalié.

« Li Felibre que voudran, aquéu jour, béure à la Coupo emé nous autre, an que de manda sa cùnsentido, avans lou 5 de mai, au delega de l'Escola audenco, M. G. Jourdanne, à Carcassouno.

« L'escoutisoun sara de 5 fr.

« Agradas, Moussu e gai counfraire, l'asseguranço de nòsti sentimen
egrègi. »

Lou Vice-Cancelié,
Jan MONNÉ.

Lou Capoulié,
Félis GRAS.

— Em'acò, l'Escolo de la Mar, à Marsiho, que soun sèti n'es, aro, au *Cafè Martino*, lèio de Meilhan, vouguènt adouci li regrès d'aquéli que noun an pouscu se rendre eilalin, tant liuen, à Carcassouno, pèr s'as-seta à la taulado capouliero, a rampelà si patroun, mariné e mòssi, lou mème jour e à la memo ouro, pèr afin d'estre en coumunioun d'amó emé lis urous taulejaire de Sto-Estello.

— Diren qu'es au casé Martino, en aut di lèio de Meilhan, que tòuti li dimenche li Maren tènon sesiho, e que saran mai qu'urous de ié re-caupre li Felibre, que passant pèr Marsiho, ie farien l'ounour de li veni vèire, entre dès ouro e miejour.

— L'aura à Marsiho, pèr Pandecousto, dins lou grand councours musical que se ié dèu teni, tres jour à-de-rèng souto l'afflat de la Soucieta di *Touristes du Midi*, uno tiero reservado pèr li tambourin.

— La Soucieta felibrenco de Paris celebrara sa fèsto annalo en vilo de Scèus, lou segound dimenche de jun, souto la présidènci d'En Anfos Daudet.

— Dijòu, 4 de mai, à-z-Ais, li jouvènto de St-Savournin (Bouco-dòu Rose) an jouga 'no sceno prouvençalo : *Li Rampau*, au ciéucle Sant-Mitre, e l'an bouta un bon biais qu'es pas de dire, coume an rendu mai que bèn lou bèu dramo : *La fille de Roland*, de Bornier.

— Lou deputa Tòni Boyer avié acampa, lou 16 d'abriéu, li pescadou de Mazargo, toucant Marsiho, pèr escouta li desiranço de sa courpouracioun ; em'acò la charradio, entre lou deputa e sis eleitor, s'es facho en prouvençau. Ero acò lou meiour mejan de se coumprene.

— A-z-Ais, en un banquet que lou vicari-generau Guillibert avié ourganisa pèr regala li membre de l'obro de St-Meissemin, s'es canta la gallois cansoun de Roumiéu : *Li noço de Guingoi*, que lou felibre Borel n'a brouda la musico, e vous assegure que lou rire a pas fauta en tòuti aquéli jouvènt que l'escoutavon en s'escascalassant.

— Em'acò, lou vès aqui, à la fin, lou bèu libre que tòuti avian la fernetego de lou legi, e que lou gènt chivalié Em. Portal, Sòci dòu Felibrige, nous semound tant poulidamen.

La letteratura provençale moderna es un bijout trelusènt, sourti de l'estamparié de Pedone-Lauriel, editour à Palermo. Es un bouquet tout

ferigoula de presum d'amour, qu'un fiéu devot pourgis à sa maire ; es uno couiouono trelusènto que lou felibre afeciouna, ardènt e pious, pauso sus lou front de la Prouvènço.

Em. Portal es un pouèto prouvençau d'elèi, un felibre de marco, e tèn, de sa raço que sort dóu Miejour, l'amour de nòsti terro soulelouso.

Que i'a de mai pretoucant que de vèire un ome d'estrange païs que dedico soun libre à la patro prouvençalo, emé tout soun cor, dins aquésti simple mot, tóuti luminous de tendresso courouso :

Alla nobile terra di Provenza
Dedico questo libro
Che si occupa
Della sua florente letteratura.

Noun se pòu èstre mai galant, e quand disian que lou libre èro un bouquet de pervenco pausa sus l'autar de la Countesso, nous troumpavian pas : s'eisalo de touto l'obro un presum amourousi que nous pretoço e nous esmòu.

Jamai s'es auboura un mounümen tant flame à la glòri d'un païs e de si pouèto. Es un tresor que tóuti aquéli que pèr lou présent e pèr l'aveni, voudrien estudia nosto bello reneissènço, ié pousaran à plen de man.

Lou libre se coumpartis en tres tiero :

Dins li *Nozioni*, i'a l'estudi dis óurigino de la lengo d'O e de sa filoulougio ; l'autour ié trato, pièi, de ço qu'èro la lengo e la literaturo prouvençalo à l'age mejan, e de ço qu'es au jour de iuei ; em'acò vous pren pèr la man e vous fai segui li premié pas dóu Felibrige, come vous descato sa coustituciuon d'aro.

A la tiero di *Biografie*, Em. Portal treno d'abord pouli.lamen uno courouno pèr nòsti mort : Roumanille, Aubanel, Bonaparte-Wyse, lou comte de Toulouso-Lautrec, G. Azaïs, J. B. Gaut, C. Poncy, Verdot, A. Thumin, etc., segui d'un bèle eissame d'escriván e de pouèto miejournau qu'an mai o mens pourta sa pèiro à la bastisso, e gentamen nous debano pièi, lis obro e la vido — en quauqui mot pèr cadun — di majourau membre de noste Counsistòri felibren, de quauqui felibresso e felibre, tóuti mestre dins l'art d'escréiture nosto lengo melicouso, tóuti enlusí di rai de nosto soulèu, que Sto-Estello, em'un poutoun, a sacra mestre en Gai-Sabé.

La tresenco tiero es lou *Florislegio poetico*, valènt à dire un bouquet culi dins lis orto dóu miejour, ounte se groupon touto meno de flour, tóuti mai óudourouso lis uno que lis autre, e qu'espousco sus lou

mounde lou prefum suau di pervenco, di cacio e di tuberouso, tout en vejant sus li cor lou sang di mióugrano. Tóuti aquéli perlo acampado pèr neste ami, aquest lis a revirado en lengo italiano pèr afin que tout soun pople ié vègue au founs téuti li belugo esbléugissénto que neste soulèu i'a bouta.

E, tout esmóugu que sian davans aquelo obro magnifico, emé nosto voues mistoulino, noun poudèn dire tout lou bén qu'es degu à-n-aquéu pres-fa meritòri, e prenèn la voues auto, superbo, fièro dóu Mèstre, que dins *l'Aïoli* dis :

« Que lis àutri nacioun agòn, tant que voudran, pèr li representa dins l'estrange païs, d'ambassadour paga e de carga d'afaire. La Prouvènço, elo, pertout a de menistre voulountàri que, rèn que pèr amour d'elo, se fan sis apostòli e si proupagandisto. E se voulès saché l'efèt de nostro Reneissènço pereilavau à tant de lègo, mau-grat la mar e li mountagno, escoutas pèr plesi coume n'en parlo Em. Portal, neste sòci palermitan :

« La letteratura provenzale moderna presenta il carattero d'una grande, fenomenale attività, ed il tempo in cui si è svolta e continua a volgersi può benissimo assumere l'appellativo di Rinascimento. « Quello della Provenza è un risveglio speciale, unico nel genere e maraviglioso. Da Nizza à Marsiglia, à Tolosa, à Barcellona, su per l'Alpe franco-italiana e via per le belle rive del Mediterraneo, nella Provenza propriamente detta, nella Linguadoca, nell'Aquitania, nella Catalogna, ferme l'opera di restaurazione. Accademie, giuochi floreali, Società filologiche, concorsi, giornali, pubblicazioni, feste, tutto annuncia un'attività incontrastabile, coronata da felice successo ed ammirata in tutta la Francia ed all'estero. »

« Dins lou tresor de Sant-Trefume, en Arle, se counservo un antique plat d'agato ounle fuguèron depausa, après sa martirisacioun, li sen de Santo Agato, patrouno de Sicilo e de Maiano neste endré. E dins la coupo felibreno, ansin counservaren piousamen la simpatio d'E. Portal, neste ami de Sicilo ; pas verai, fiéu de Prouvènço ? »

Tóuti li fiéu de Prouvènço, ti fraire, te gardaran au founs dóu cor un amour prefouns, o tu que i'as baia la provo majo que lis amaves, en trenant aquelo courouno bello que, resplendènto di lusour de l'Estello di sèt rai, vènes de pausa sus lou front majestous de sa Courtezzo !

— Lou 2 de mai, à la cimo de Garlaban, mountagno que s'aubouro

de 700 mètro en dessubre de la plano d'Aubagno, à l'óucasioun de l'inauguracioun d'uno crous, M. lou curat de Lascours prounounciè un discours prouvençau em'un envanc esmougu e superbe. Nous es en-debon de signala aquéli manifestacioun e d'aplaudi li cor valènt qu'an pas vergougnio d'emplega la lengo dóu pople.

— Lou 2 de mai, de vèvre, dins un acamp di *Mardistes*, Louis Roumiéus a regala l'auditòri de quauquis-uno de si galejado, e, tout en alargant lou rire gai, i'a culi de bèu picamen de man emé *Jarjaïo au Paradis*. Après lis aplaudimen s'es entouna en cor *Lou Masset de mèste Roumiéu*, que vous dise qu'acò !

— Lou 25 d'abriéu, à la salo Pain, à Marsiho, lou compousitor R. Lavello, musician de renom, a fa 'ntèndre quauqui tros de soun opera de *Toloça*, tira dóu pouèmo prouvençau d'En F. Gras.

— Uno felibrihouno vèn de naisse au felibre Ch. de Vilo-Novo-Escalpon, deputa, que i'an douna pèr noum : Rousselino. Benastrugan de cor l'urous paire.

— Lou 16 de mai, l'Escolo dóu Flourege, d'Avignoun, tendra sesiho en Bartalasso, pèr festa la nouminacioun de soun souto-cabiscòu, A. Mouzin, au titre de majorau dóu Felibridge.

— Lou nouveau sòci, M. Koschwitz, de l'Universita de Greifswald, a fa 'n travai remarcale sus la *founetico prouvençalo*, e M. Restori, de l'Universita de Pavio, es peréu autour d'un epitome de literaturo prouvençalo.

— Tiran eiçò de l'*Ajòli* : « L'empremèire Lucian Duc, bèn couneigu « de téuti pèr soun devouamen à la Causo prouvençalo, vèn de founda « à Paris, 35, carriero Rousselet, un oustau especiau d'edicioun e de « vèndo pèr lis obro felibreno. Éu se cargara di deposit encò di principi « pau libraire, de la publicita e dóu lançamen di libre, subre-tout na- « turalamen d'aqueüi qu'eu estampara.

« Causo requisto, pèr aqueüi que soun pas trop ferra sus l'ourtou- « gràsi prouvençalo : Lucian Duc, qu'es un mestre en Gai-Sabé, se car- « go de la revisto dis esprovo e de l'espurgamen di pecat e di deco « envers l'engèni de la lengo. Li pataras taran pas mau d'aprouficha « talo chabènço »

LENGADÒ

— La Mantenènço de Lengadò a tengu sesiho amenistrativo à Carrassouno, lou matin de la fèsto de Santo-Estello.

Lou sendi de Lengadò, I. Messine, avié counvida en aquel acamp li Felibre de sa Mantenènço, pèr la letro que seguis:

Mount-Pelié, 28 d'abriéu, 1893.

Moussu e gai counfraire,

Avès aprés pèr la *Cigalo d'or* e lous journals de la regioun que la Santo-Estello, fèsto annalo dau Felibrige, se celebrara lou 11 de mai que vèn, bèu jour de l'Ascensioun, dins la ciutat de Carcassouno, en pleno terro Oucitano.

Lou meme jour, la Mantenènço de Lengadoc tendra soun Assemblado generalo à l'oustau coumunau de Carcassouno, à 9 ourqs dau mati, avans l'acamp dau Counistòri.

Ai l'ounour, Moussu e gai counfraire, de vous counvida d'assista à-n-aquelo sesiho, e de vous prega de me faire assaupre sens retard se devès ié veni.

Reçavès, Moussu e gai counfraire, l'asseguranço de mous sentimens couraus.

Lou sendic de la Mantenènço de Lengadoc,

I. MESSINE.

En quauqui mot, e de gros en gros, veici lou prougramo di fèsto felibreno que se soun facho à Caïcassouno lou 11 de mai:

Felis Gras, qu'èro ana à Barcilono pèr assista au centenari di Jo Flourau, tengu dins aquelo vilo lou 7 de mai, es arriba à Carcassouno lou 10, emé l'assessour de Prouvènço, En Frederi Mistral e uno troupo d'autre Felibre.

Uno recepciooun magnifico i'es facho à la garo : i'a musico, delegacioun dóu Counsèu municipau, Felibre auden, etc

De la garo, lou courtege vai à la coumuno : M. Durand, maire de la vilo, emé soun Counsèu, reçaup li Felibre e ié presènto lou vin d'ounour.

Lou vèspre, à vuech ouro, au teatre municipau, lou felibre Gastoun Jourdanne fai uno counferènci sus l'antico ciutat de Carcas, e mostro si vièii tourre en de projecioun luminouso.

Lou 11, dins la matinado, à 9 ouro, Assemblado generalo de la Mantenènço de Lengadò, e à 10 ouro, sesiho dóu Counistòri felibren.

A la sourtido de l'acamp counsistouriau, uno manifestacioun magnifico se fai en ounour dóu majourau En A. Mir, lou vièi e valènt porto drapèu dis idèo telibreno en terro carcassouneso.

A miejour se vai, musico en tèsto, teni sesiho à taulo, dins la tourre de la ciuta de Carcassouno.

Lou vèvre, au teatre municipau, se jogo *Miròio* e se courouno lou buste d'En Frederi Mistral.

— Li Coumpagniè dòu camin de ferre de P. L. M. e dòu Miejour an acourda uno reducioun de 50 o/o en tóuti li Felibre que soun ana tauleja dins l'acamp carcassounés.

— A prepaus di *Cantaires dau Clapàs*, qu'an fa flòri à Mount-Pelié, li 28 e 29 d'abriéu, e que van ana, lou mes que vèn, au grand concours toulousen canta lòu cor que Paladilhe a brouda pèr éli : *Lous cantaires dau Clapas*, sus de paraulo de Fernand Troubat, nous fai gau de tira de la *Cigalo d'or* aquésti mot qu'an bèn sa valour :

« Quouro lous Felibres d'un pau pertout saupran-ti rèndre lou Felibrige pouplàri en ajudant la creacioun, dins chasco vilò dòu Miejour, d'uno couralo dau genre das Cantaires dau Clapas ?

« Uno couralo counio aquelo, cantant davans touto uno vilò, vau milhou, pèr l'espandimen de la lengo, que doubs libres de pouësio que legiran un centenat d'amics. »

— A Marsiho, la couralo la *Cæcilia* s'es boutado dins lou brande. Un refrin de cantico, un couplet de cansoun, se saup que i'a rèn de tau pèr ajuda au mantenemen de la lengo. Acò s'apren eisadamen, se bresihò à touto ouro dòu jour, à l'oustau, à l'atelié, i passejado ; acò vai de paire en fiéu, e ni s'oubliò e ni s'esperd jamai.

Zòu ! que s'establique de *Couralo* e que se fague e que se cante de cansoun dins la lengo dòu terraire.

— L. Moitessier, marchand de musico au passage Bruyas, à Mount-Pelié, vèn de bouda en vèndo dos edicioun d'cu cor : *Lous Cantaires dau Clapas* ; l'uno es à sièis sòu, l'autro, emé paraulo, musico, accompagnamen de piano e dessin de Marsal, costò 2 fr., e se i'es apoundu l'èr de *Las treibas*, qu'es peréu de Paladilhe.

— Li Cantaire dòu Clapas an fa uno tombola, e Frederi Mistral ié vèn de manda un bèl eisemplàri de *Calendau*, e lou Capoulié i'a fa douno de soun pouëmo de *Toloqa em' aquésti vers* escréi de sa man :

Bravò, Cantaires dau Clapas,
Dòu Lengadò cantas l'istòri,
Si catastrofo e si vitòri,
Sa valençò i oumbat, sa fierta dins la pas !

— Se vèn de fourma à Paris uno Soucieta qu'aura pèr noum : *Société amicale des Parisiens de l'Hérault* : li sòci s'acamparan pèr se counèisse, s'ama, e pèr parla ensèn la lengo dòu païs. Acò 'x uno idèo flamo e i'aplaudissèn di dos man.

— *Le Gril*, de Toulous, bouto en souscripcoun lou voulume de las *Obros poustumos*, dóu majourau en Aguste Fourès, que n'avèn parla dins lou numerò de l'autre mes. Fau s'adreissa au burèu dóu journau, lou voulume de 500 pajo coustara 6 fr., e pèr la posto 6 fr. 50.

— A l'oucasioun dóu Jubilèu de Leoun XIII, lou felibre Sarran d'Allard acampo de pouësio en lengo d'O, pèr li semoundre à Sa Santeta. Aquéli que ié sarié agradiéu de councourre à-n-aquéu mandadis, podon adreissa si vers à M. de S. d'Allard, en Alès (Gard).

— L'acampado annalo de l'Escolo moundino, que se devié teni lou 7 de mai à Toulous, coume l'avian anóuncia, es remandado. N'es l'encauso la partenço pèr Mount-Pelié dóu majourau En Savié de Ricard, que tourno dins aquelo vilo pèr prene la direicioun de l'edicioun especialo de la *Dépêche*, pèr l'Erau.

— Avian anóuncia lou councours dóu Cascavel ; or, s'atovo que sus la demando de quauqui bràvis ami an remanda la dato di mandadis.

Li pèço saran reçaupudo enjusqu'au 15 d'avoust, e s'es apçundu uno primo de 20 fr. pèr aquéu que fara la plus poulido cansoun sus un èr poupoplari, que cantara emé lou m:jour biais : *Las Tripos d'Alès*.

Vès-eici coume es ourganisa lou councours : 1^o *Cascavelados* ; 2^o *Cansou* sus un èr poupoplari o couneigu ; 3^o *Conte*, 4^o *Pouësio*. Pèr caduno d'aquelei quatre partiòu dóu councours i'aura dous pres : lou premié de 10 fr., lou segound de 5, emai quatre mencion que caduno adurra au gagnaire siegue un libre de valour, siegue un abounamen à-n-un journau poupoplari en lengo miejournalo.

Lou dre de councours es fissa à o fr. 45 (tres timbre di blu). Li pèço courounado, que saran enserido au *Cascavel* e escricho autant que possible dins l'ourtougràfi dóu journau, déuran èstre mandado avans lou 15 d'avoust, à M. Chabrier, redatour en chèse dóu *Cascavel*, 5, carriero Dumas, en Alès (Gard).

— La bandiero que l'Escolo audenco a inaugurado pèr la recepcoun di Felibre es roujo, e se ié vèi la *lauseto* que s'emplanó dins lou cèu en dessubre d'un soulèu levant. L'artisto qu'a compausa lou dessin es lou pintre valent e tant renouma Narcisse Sallieres, qu'a ilustra lis obro de Mir emai lou *Curat de Minerbo*, de Margarido Sol.

— Pèr parèisse lèu : *Le terradou*, sounet lengadoucian de Prouspèr l'Estiéu.

Bèu voulume de mai de 300 pajo, estampa en caratère elzevirian, sus fort papié ten, emai traducioun franceso vis-à-vis e un estudi-prefaci d'En A. Perbosc.

En souscripcióun au pres de 4 fr., encò de l'autour, à Fraisse-Cabar-tés (Audo) o dins li burèu di journau e publicacioun miejournalo. Cous-tara 6 fr. en librarié.

Aquitàni

— Dins noste darrié numerò, avèn parla dòu *Manuel élémentaire de linguistique pour l'enseignement des idiomes locaux*, que Em. Boudon alestit, e avèn di, pèr errorr d'estampage, qu'aquéu valènt felibre demouravo à Sant-Salvy (Tarn-e-Garouno); es *Lot-e-Garouno* que falié.

D'abord que n'en sian à l'ami Boudon, diren que, travaiant sèns relàmbi, a tout lèst à-n-èstre publici, ço que sara, quand soun *Manuel* aura pareigu, un *Diciounari di rimo ageneso*. Aquéu travai es mai que segur que sara bèn aculi noun soulamen di noumbrous escrivan, que dins li rode garounen s'assajon, aro, au parla meirau, mai encaro forço Felibre miejournau ié faran la bèn-vengudo, qu'es uno obro mai qu'utilo.

Soun diciounari agenés-francés, que paréis d'aquest moumen dins *Lou Gril toulousan*, e soun *Diciounari di rimo*, podon que faire faire un grand pas à l'unita ourtougrafico dins la Mantenènço d'Aquitàni.

Lou *Diciounari di rimo* es coumparti en siès tiero: autant que ço que i'a de voucalo masculino dins lou parla garounen.

- 1º — *Icbama*. — 2º — *Tiradé*. — 3º — *Bourdilè*. —
4º — *Afouri*. — 5º — *Brulò*. — 6º — *Blu*. —

A cado voucalo masculino apound li tres finalo feminino. Em'acò, pèr eisèmple, dis :

A	Pescaire	Baco	Noutàri
E	Eule	Aurelho	Bèbi
È	Bèrme	Fendrco	Plourèsi
I	Tournidre	Butido	Risi
O	Boime	Faribolo	Oli
U	Rulle	Sujo	Fumi

E dispauso pièi si rimo coume seguiss :

— BA --	— AIRE —	— ÇO —	— ARI
Acaba	Afamaire	Biaçò	Bicàri
Galba	Emprimaire	Menaçò	Poupulàri
Auba	Roucounaire	Raçò	Ourdinàri

Ço que disèn aqui de l'obro de Boudon dounara la fernetego en forço de la poussedi e n'en saren urous, que l'on pòu jamai proun battre la rampelado à l'entour dis obro utilo. Es pèr acò que remembran i sòci

que se souscrieu au *Manuel* en mandant sa souscripciou de 2 fr. à-n-Em. Boudon, mestre d'escolo, à St-Salvy (Lot-e-Garouno).

— Lou valènt Andrieu Sourreil, ancian secretari de l'Escolo de Jansemin (d'Agen) vai publica si proumiéri pouësio gascouno : *Ouros d'amour*, emé la traduciou franceso vis-à-vis. Lou libre galant sara precedi d'uno prefaci sus lou prepaus di *Felibres et Patoisants*, e coustara 3 fr. 50.

Li souscripcion se devon manda à-n-Andrieu Sourreil, recevèire di doumaine à Remuzat (Droumo).

— Lou 7 de mai, li sóci de la *Ruche corrézienne*, de Paris, an celebra l'anniversari de sa foundacioun en uno festo campèstro que s'es tengudo à Chaville.

I'a agu d'abord li danso en plen èr : coutihoun e farandoulo, e pièi s'es jouga uno farço limousino : *L'ome tabasta pèr sa somna*, seguido de la proumenado sus l'ase, emé la musico de sceno de la coumèdi dóu Malaut imaginari de Moliere ; li persounage èron : Quintòu, lou marit ; Jehan des Horts, lou juge ; Jan Garrotat, l'avoucat e Pèire des Mazeliers, lou grefié ; em'uno bello tiero d'abouticàri e de fisfraire..

I'a agu peréu un councours de *Cbabritas*, etc.

Dins la sesiho de mars, aquelo Soucieta avié fa 'no bello plaço à la lengo meiralo, que Jan Foussard avié di : *Lou bal de Nadal*, Marpillat *Lou bonbur e lou malbur e St Marti* ; e J. Plantadis ; *La batalba de Malemort*, de J. Roux, e se i'es pièi canta la *Lemouçina e Lemouçi*, paraulo dóu majourau J. Roux e musico de M. Celor, qu'an clava magnificamen aquelo superbo vesprado.

— A Paris, à l'oucasioun dis eleciooun municipalo d'aquest mes d'abrieu passa, un candidat a fa coula sus li muraio d'aficho roujo en parla limousin.

— Es la felibresso de Gerdo, Na Filadelfo, qu'a courouna lou buste de Mistral i fèsto de Carcassouno.

CATALOUGNO

--- Es lou 7 de mai que s'es tengudo à Barciliouno la sesiho soulenno dóu Centenari di Jo Flourau catalan ; es dins l'ate superbe de la fèsto que nostre Capoulié En Fèlis Gras, a di li *Paraule* magnifico e que s'es legi l'adreisso enauranto e patrioutico, mandado pèr F. Mistral à nòsti fraire de Catalougnو, e que dounan en testo d'aquest numerò.

— Lou Capoulié es arriba a Barcilonoun lou 4 de mai e a vougu, en estènt eilalin, acampa li majòura afouga de la man d'eila di Pirenèu pèr veire se i'aurié pa 'n bon biais de lis ourganisa coume se dèu, e dins l'interès de l'unioun di dos raço sorre. Sus d'aquelo estiganço, veici la letra que la Cancelarié dóu Felibridge a fa teni, tant i majourau de Franço que de Catalouguo :

Lou 23 d'abrieu 1893.

Moussu e ounoura counfraire,

Au noum dóu Capoulié dóu Felibridge, ai l'ounour de vous prepausa d'ourganisa lou 5 o lou 6 de mai que vèn, uno reünioun coundistourialo en viu de Barcilonoun.

Lou Capoulié, qu'es esta coundida i festo dóu Centenari di Jo Flou-
rau barcilonen, presidarié aquelo sesiho, accoumpagna dóu Cancelié.

Aqui se parlarié d'uno nouvello ourganisacioun dóu Felibridge de Ca-
talouguo, e se prendrié tóuti li decisioun que nous pareissirien bono
pèr la Causo.

Dins l'interès di glòri freirenalo de nòsti païs d'O, vous prègue,
Moussu e ounoura counfraire, de faire bono acuièncio à-n-aquelo coun-
vidacioun, en me mandant lèu-lèu, vosto coundentido.

Lou Cancelié :

Pau MARIÉTON.

— Lou Coundistòri di Jo Flourau barcilonés a reçaupu 222 pèço.
E, dins la tiero di pèço courounello, arremarcan emé grand gal uno
pèço prouvençal qu'a davera lou segound acèssi de l'*Eglantino d'or*.
Aquel pèço porto lou n° 77 dins lou classamen ; a pèr titre : *La can-
soun de la countesso* e pèr deviso :

Sabe ieu uno Countesso
Qu'es dóu sang imperiu.

F. MISTRAL.

A PAREIGU :

A Paris, encò de Lucian Duc, *Casau*, dramo en cinq ate e en vers prou-
vençau, d'En Jan Monné, emé traducioun en vers francés de
Marius Cognat.

Lou dramo de *Casau* es tira de l'istòri de Marsiho au siècle
segen e formo un bèu voulume de 340 pajo que sara manda

franc de port en quau mandara 3 fr. 50 pèr un eisemplàri ourdinàri, o 5 fr. pèr un eisemplàri de lüssi, à l'editour, M. Lucian Duc, 35, carriero Rousselet, à Paris.

A Narbouno, encò de Pons : *Les poissons, les crustacés et les mollusques de la Méditerranée*, pèr Margarido Sol.

Aquelo óubreto, qu'a davera uno medaio d'argèrt au concours dóu Centenàri de l'Universita de Mount-Pelié, douno, em'un biais galant, la classificacioun pèr famiho di pèis de nostro mar, li mejan emplega pèr li pesca e pèr li cousins. Tout acò es segui d'un tablèu de noum francés, prouvençau e latin de tòuti aquéli, peissonn de la Mieterrano. Lou volume costo 1 fr. 50.

A Paris, dins la *Revue félibréenne*, nº 10, 11 e 12 de 1892 : *Les troubadours*, de Pau Mariéton ; *A Na Babeloun Pericaud*, pouësiò, e *Li ninfo*, charradisso en proso, de Frederi Mistral ; *Un sirventés de Bertran de Born*, de Leoupold Constans ; *Lou kinfaro*, conte prouvençau d'Enri Bigot ; *Puerilia*, escapouloun di memòri de F. Mistral, etc., etc.

A Jassy (Roumanio) dins la *Revista literari* : *La cansoun de Magali*, precedido d'un estudi sus lou Felibrige : Mirèio, Mistral, Roumanille, etc, e quauqu mot sus li dialèite e sus la prounoun-ciacioun prouvençalo, uno letro de Frederi Mistral e lou *Cintul Magaliei*, qu'es mot pèr mot nosto cansoun de Magali e que se pòu canta sus lou même èr; e tout acò bèu, lou gènt J. Boniface-Hetrat lou pourgis au pople roumanesc, en i'apoundènt la bello garbeto di sounet flame que la Jurado di Jo Flourau manousquin avié flouca d'uno medaio vermeialo.

A New-York, dins *The century illustrated monthly magazine*, nº de febriè, mars e abrièu 1893, l'escourregudo en Prouvènço de M. Toumas Janvier, sòci dóu Felibrige, (*an embassy to Provence*), emé de gravaduro de A. Castaigne.

Acoumenço sour roumavage pèr Nimes. Nous pourgis lou retra de L. Bard, e d'aqui part pèr Uzès, passo à Remoulin e arribo en Avignoun, que nous douno uno visto dóu palais di pipo. Roumanille i'es pinta de man de mestre, emé sa boutigo en carriero Sant-Agricò, e Na Tereset resplendis dins soun coustume arlaten. La Bartalasso noun es óublidado e i'a uno felibrejado, que li tésto felibenco ié soun presso sus lou viéu. Uno visto di rouino dóu castèu de Font-Segugno seguis emai lou magasin de Catelan, de Nimes ; F. Gras, l'estatuo de Jan Reboul, à Nimes ; la Coupo, Maiano e Mistral. E de raconte sus lis ome e li causo dóu Miejour qu'es un delice de peusa.

qu'eilalin tant liuen, lou Felibrige es mai estudia, mai couneigu, e sobre-tout mai presa qu'en Franço.

A-z-Ais : *Rapport à l'Académie d'Aix sur l'ouvrage Albo Cristoforo Colombo*, du comte Angelo de Gubernatis, pèr lou majourau En Francés Vidal.

- Dins lou *Bulletin archéologique d'Arles*, d'Emilo Fassin, la seguido dis *loèr rigourous* qu'an passa sus la vilo d'Arle e soun terraire de 1665 à 1697 ; es un travai forçò curious e proun arrivant.
- Dins lou *Mémorial d'Aix*, seguido de *Mi quingenado*, de Chailan, sus li dialèteite.

A Paris, encò de Marpon e Flammarion, *Nice de France*, de Grabié Letainturier-Fradin, emé prefaci de Jùli Simoun.

L'autour a fa valentamen obro de patrioto dins aquéu libre ounte mostro, clar e linde coume d'aigo de roco, que tant pèr soun passat que pèr sa lengo, tant pèr lou cor que pèr la resoun, Niço es de Franço. Après li travai d'A. Sardou sus d'aqueu prepaus, après lou libre tant flame de M. Letainturier, qu'es em' ourguei e fierta que l'avèn legi, ié dèu plus agué dins Niço de Prouvènço la plus pichoto neblalo separatisto, e touti dévon crida; coume lou fasié lou ministre italian Cavour :

« Non, Nice n'est pas italienne ! »

- Encò de Fischbacher, un rouman soucian de nostre ami Enri Ner : *Ce qui meurt*.

Enri Ner nous dis aqui sa vido e soun pantai. « Ce qui meurt » es uno raço que s'amocco, e que soun esvalimen es di emé tant de simplesso, tant de cor, em'un biais tant nouvèu, eme d'aspiracioun tant superbo, que sias boulega fin qu'i mesoulo e que plouras... e que sentès que lou patrioto descato uno plago saunoso, un estras de l'amo.. que l'aubo dóu salut vendra ié veja lou baume de si rai enaurant. Es lou sermon sur la colline, que toumbara sus li cor e que ié granara e que ié flourira !

- Dins *Le mois cigalier de mai* : *Gambetta*, libre de A. Tournier, que n'en douno un mousseloun pretoucant lou Felibrige e l'amour de Gambetta pèr sa lengo meiralo.

A Marsiho, dins lou *Petit Marseillais* dóu 8 de mai, un estudi sus li escaï-noum d'uno bello tiero de coumuno dóu Var, par O. Teissier.

- Dins lou *Bavard*, li pichot pouèmo de la *Pauribo*, de Valèri Bernard.

A Marsiho, dins lou *Petit provençal*, de vers de J. Gautier sus *Salammbô*.

- ” Dins lou *Journal de Marseille* dóu 21 d'abrieu, un article bibliografi dóu majorau A. Chailan sus lou libre d'Emmanuel Portal : *La letteratura provençale moderna*.
- ” Dins *Le dimanche*, n° 52 e 54 : *Paroles de vaincu e l'A. R. du Féderalisme*, douz article d'Enri Ner, pèr respondre, à prepaus jòu *catechisme dóu bon felibre*, à-n-Alegrin, de l'*Aiòli* emai à-n-Upsilon, qu'a móugu lou guespié dans la « Cigalo d'or. » Noste ami Enri Ner ié douno uno tarabastiado de bòni resoun, que mostron tout l'intérès que porto au Felibrige.

A Draguignan, encò de Latil, *Lou franc prouvençau*, armana de la Prouvènço pèr l'an 1893 (dès-e-vuechenco annado).

A Barcilouno, dins la *Vèu de Catalouguo*, lou Roumièu de Vilo-Novo, revira de l'*Aiòli* pèr Franar ; lis ase de Toumas, que Calames a tira de l'Armana de l'Ariejo ; *La tenchuro*, revirado de Cas-carelet ; *Lou guoun lou gna*, conte d'En Ausèume Mathieu, tradu pèr Franar ; *Lo capoulié del Felibrige a Catalunya*, e *En Fèlis Gras, actual capoulié del Felibrige* : article que Verdaguer-Callis a escri emé soun cor de fraire e que nous a bèn pretouca.

A Gap, dins *l'Etoile des Alpes*, *Gavouet e Martegau*, d'Abel Laugier ; *Aux Alpes*, bèu vers que M. Teissier dedico à Mistral.

A Vilo-Novo-sus-Lot, dins *Lou calel* : *En un de Bilonebo*, de Vergne ; *A Margarido Sol*, de Froment ; *Sounst à la nobio*, de Rigal ; *Soubeni*, de Brunet ; e la seguido dóu *Manuel de linguistique*, d'Em. Boudon.

A Mount-Pelié, dins *La campana de Magalouna* : *L'ase de Batifort*, galejado de Louis Roumieux, em'uno superbo gravaduro d'En Marsal.

En Avignoun, dins *l'Aiòli* : *Un ami de Sicilo*, de Frederi Mistral ; *Terro bèn astrado*, de Marius André ; lou nouvelun, la boulegadisso e la seguido di *Mémori d'un gnarro*, de Bonnet, etc.

A Palermo, d'Itàli, dins la *Nuova Sicilia*, uno noutiço bibliografico sus un *Moulou de telados*, de Junior Sans : *Les éveils*, dóu fe-libre Rol ; etc., etc.

Lou Gerent : Jan Monné.

CROUNICO

FÈSTO DE BARCILOOUNO

E

SANTO-ESTELLO A CARCASSOUNO

Lou 4 de mai, lou capoulié En Fèlis Gras arribavo à Barcilouno, pèr respondre au counvit dóu Counsistòri di Jo Flourau.

A la garo, mounsen Jacinto Verdaguer, lou grand pouèto de l'*Atlantida* e de *Carigò*, emé proun àutris ami di letro prouvençalo èron vengu pèr l'espéra. Mai, coume èron descouneigu lis un dis autre, noun s'encapèron. Or, noste capoulié just se pausavo un brisoun de soun viage, à l'aubergarié *de Oriente*, que picon à sa porto e que, durbissènt, se trovo en presènci de mounsen l'evesque de Vich, présidènt di Jo Flourau, segui d'uno tiero d'autri prelat e de tóuti li Mantenedor dóu Counsistòri, que venien saluda lou representant di Feli-bre de Franço, d'enterin que pèr carriero li vendèire de journau eridavon : « La arribada del capoulié F. Gras ! » e que d'article calourènt retrasien li merite valènt de l'oste de Catalougno e fasien la bèn-vengudo à noste ami.

Dóu dijòu au dimenche, noste capoulié passè soun tèms à reçaupre e à rendre de vesito, e perlout finguè reçaupu en grand ounour e emé lou cor'sus la man.

Lou dimenche 7 de mai, à 4 ouro de vèspre, dins lou grand saloun de la *Llotja*, se tenguè la resplendènto sesiho di Jo Flourau, au mitan di flour e di bandiero.

Dins lou saloun regouirant de bèu pople, faguèron, alor, soun intrado is acord de la *Marcho d'ou rai Jan*, la coumessioun óuficialo en la qualo figuravon : lou capitan-general D. A. Martinez Campos, lou gouvernaire-civil D. Ramon Larroca, lou président de l'Audiènci e l'evesque de Barcilouno ; uno coumessioun de la deputacioun prouvincialo, uno autre coumessioun de l'*Ajuntamen*, lou capoulié dòu Felibrige En F. Gras ; lou grand proupagandisto dòu regiouhalisme, A. Brañas, lou majourau valencian En Teodor Llorente ; li mai remaricable dis escrivan e artisò de la terro catalano e l'ounourable Counsistòri di Mantenèire, emé-soun président, l'ilustre e venerable Moggades, evesque de Vich, tant ama de tóuti li patrioto.

Alor, uno trounadisso d'aplaudimen s'aubouro, li man picon e li cor, pres d'emoucioun, aclamon.

Em'acò, lou gouvernaire civil aguènt di aquésti mot : « S'obra la festa ! » lou venerable bisbe de Vich, acoumpagna dòu majourau En Jaume Collell, s'avanço de la tribuno e prounóuncio un enaurant discours que sara lou simbèu lou mai empurant di bon luchaire de la causo catalano.

Après l'òuvacioun que se taguè à-n-aquéli paraulo amirable, apa-reiguè à la tribuno F. Gras, e tout lou pople, en éu vesènt representando la fraternita que ligo Prouvènço e Catalouguo, saludo em' entousiasme aquelo tant gènto counfraternita, que En F. Gras, esmougu e tresanant, pinto e pouëtiso dins l'amourousido e superbo parladiiso que legis en prouvençau e qu'avèn dounado dins noste numerò de mai.

Lou secretari legis lou paumarés e durbis li biheto tenènt lou noum di vincèire.

L'arremarcan, dins lou pres de l'*Eglantina*, un segound accèssi decerni à la *Cansoun de la countesso*, de F. Lescure, de Greasco.

La fèsto acabado, e sus lou vèspre, un centenau de Catalanisto s'acampavon à l'oustau coumunau en un banquet magnifique que presidavon F. Gras, T. Llorente e M. Brañas. Se ié diguè de causo superbo : fuguè aquelo acampado trelusènto, la Sto-Estello catalano. La coupo que nous « vèn di Catalan, » aquéu sant liame de fraireneta que ligo Prouvènço e Catalouguo, aquéu cebòri ounte buvèn

lou vin d'amour emé l'espèr dóu triounfle, èro aqui dardaiant, davans
lou capoulié, e aquest, l'aubourant, entounè pièi la *Cansoun de la coupo*, e l'estrambord de tóuti ié respoundeguè ; coumunièron tótis
ensèn, e d'enterio, nautre, nous rementavian lou brinde que pourte-
rian, en juliet 1886, à Mount-Pelié, au banquet que se dounè pèr festa
la presènci dins aquelo vilo de l'ilustre Jacinto Verdaguer, l'inspira-
pouèto catalan, tant amiga emé lis escrivan d'O ; e nous agrado de
lou semoundre tourna-mai à nòstis ami de Catalougno, coume un
testimònì de neste amour.

Ansin que dous soulèu de glòri,
Dos sorre, la man dins la man,
Radiouso, sublimo, flòri,
A travès di campas uman,
Mounton au temple de memòri.

Soun parla 's plus dous que lou mèu
Que regoulo de nòsti bresco ;
Soun front es mai pur que la nèu,
E de si bouco siave e fresco
N'espousco un rire clarinèu.

N'i a uno, dins sa man clarido,
Que porto un brout d'arange d'or
Dóu bèu jardin dis Esperido,
E canto, en supèrbis acord,
Dóu Canigou li vau flourido.

L'autro, à l'amour, dins soun faudau,
Porto pervenco emai daurèio :
L'amour parèis sus soun lindau,
E, de rai courounant Mirèio,
La marido emé Calendau.

Li mountagno s'estènt clinado
Pèr saluda sa resplendour,
Lèu ! si dos raço fourtunado,
Counie à travès d'un pont d'amour,
L'uno vers l'autro soun anado.

Sus li dos raço, à plen de rai,
 Au dous brusimen di zambougno,
 Lusis lou bèu e lou verai.
 Es pèr acò que brindarai
 Pèr Prouvènço e pèr Catalougu !

Lou dilun, dins lou saloun di Cènt, à l'oustan coumunau, la *Lliga de Catalunya* ourganisè uno vesprado literari en glourificacioun disescrivan courouna : e se ié saguè uno recepciou mai qu'entousiasto à noste capoulié, que ié diguè dos pouëslo prouvençalo.

Sèt jour à-de-rèng durèron li fèsto e lou dimecre 10 de mai, noste capoulié arribavo à Carcassouno.

* * *

A dos ouro, aquéu jour, un pople sòu s'esquichavo dins lou Jardin di Planto enjusqu'à l'intrado de la cour de la garo. Tout es plen comue un iòu, de pertout l'on a courregu emé la fernetego de saluda à soun arribado li capo dóu Felibrige.

Sus lou quèi de la garo, i'a la musico dóu quingen de ligne qu'es vengudo de Castèu-Nòu-d'Arri pèr douna lusour i fèsto ; la Soucieta d'estudi scientifi de l'Audo, la Soucieta dis art e sciènci, l'Escolo audencio em'uno tiero de Felibre, que tòuti porton à la boutouniero la simboulico pervenco. Pau Gourdou emai G. Jourdanne soun en tèsto di sòci auden.

A dos ouro tres quart, lou trin arribo, la musico largo sis acord, d'enterin que li bouito esclaton eila vers lou pont Marengo. F. Gras e Frederi Mistral, emai d'autri felibre de Prouvènço e de Lengadò davalon dóu trin, e li man se sarron, e tout esmougu Mistral embrasso lou valènt Achilo Mir e lou cabiscòu auden Pau Gourdou ; aquest, souto li ple de la bandiero roujo que porto la fiero deviso audencio, ausin parlo à sis oste ilustre :

Felibres de Proubenço e de Lengadoc,

Sioguets les pla benguts dins nòstris bàrris carcassounés ; aici ets chès tous aus, que noun soulomen la bilo es bostro, mai encaro souii

bostres tóutis nostres cors. Nostro bilo bous fa riseto e mando sous representants les mai balents per bous dire sa joio que sioguets ben-guts.

L'Escolo audenco, qu'aubouro just soun drapèu e que déjà le bets fieromen flouteja dins l'azur souleious, es uno jitello de l'arbre feli-brenc que benets arrousa de bostre amour, e bostre amour nous agrado, car adus amb'el la bello fraternitat que bous crido :

« Sioguets les pla benguts ! »

Em'acò Jano Moneger, qu'es dins si 14 an, emé sa jouino sorre Elviro, li chatounelo poulido e gènto de nostre ami Moneger, s'avançon gracieusamen di capoulié, pourtant de bouquet, e Jano dis ciò, en francés, à F. Gras :

Mon cœur qui, tout ému, frissonne
De se présenter devant vous,
O Reginel (1) du mont Ventoux !
A pensé qu'il vous serait doux
Qu'Annonciade (2) ici vous donne
Ces fleurettes de Carcassonne
Qu'arrosa le sang généreux
Des Provençaux, grands, valeureux,
Qui tombèrent pour la patrie !
Acceptez ces fleurs, je vous prie,
Et qu'elles soient le gage heureux
Du pacte que forment entre eux
Les Félibres, ces nouveaux preux,
Pour unir en sainte alliance
Le Languedoc et la Provence.

Acò di, li dos mignoto présenton si flour à Gras e à Mistral, e aqués-ti lis embrasson is aplaudimen de tóuti.

Alor, la bandiero di Felibre floutejant dins l'aire, que la musico militari seguis en jouant si inoussèu li mai atrivant, lou courtege s'adraio vers la couumno.

E lou pople en grand fogo, que dirias un gaudre que desbordo, lando en eridant : « Vivo li Felibre ! » e pico d'r man.

A la couumno, ounte tout lou Counsèu de vilo es acampa, es M. Maure, ajoun, qu'à la plaço dóu maire tai la bèn-vengudo i Felibre, e lou fai em'un biais esquist. Emé hon biais, peréu, fai l'elogie d'aquéli

(1 e 2) Alusiouen is eros de Li CARBOUNIÉ, pouèmo de Félis Gras.

qu'à Carcassouno buton de tout soun cor l'idèo miejournalo : Mir, Rouquet, Jourdanne, e reclamo peréu sa plaço au sougau dòu Miejour, éu que n'es que soun enfant d'adoucioun.

F. Gras respond en fasent si gramaci à la Municipalita de l'acuei simpati que fai i Felibre e apound quauqui mot que bresihejon còume un cant de joio e que tòuti n'en soun prelouca ; Mistral parlo de la fraternita qu'unis li mèmi pople, car, dis, sian tòuti lis enfant dòu même bon Diéu que nous mando en même tems la plucio e lou soulèu. E zòu ! se pico di man e la blanqueto de Limous de peteja dins li got, e li got de se turt en l'ounour de Carcassouno, de sis oste e dòu Felibrige superbe ! Vivo Mistral ! Vivo Gras ! eridon tòuti, e cadun s'adraio vers lou repaus.

Au balouard Barbès, la musico militari douno un councert di mai flame e jogo un tros de la *Mirèio* de Gounod.

Em'acò à vuech ouro de vèspre, au teatre municipau, davans uno salo coumoulo e enflougado, arribon sus la sceno gènto felibresso Na Filadelphò (Milo Claude Duclos, de Gerdo) au bras d'En Frederi Mistral, Achilo Mir, F. Gras, P. Gourdou, Prax, Rouquet, e lou burèu de la Soucieta d'estudi scientifico, souto la presidènci de German Sicard, qu'en paraulo enaurado a presenta lou savènt counferencié G. Jourdanne, au publi d'elèi que barbelavo de l'ausi.

Mistral es prouclama president d'ounour, e la paraulo es dounado à G. Jourdanne, que debano l'istòri bello de *Carcas* e qu'eshbalauvis tòuti lis escoutaire.

Jourdanne, se pòu dire, es esta superbe, mai quand a di :

« Cantas, Felibre, cantas enca long-tèms, car i'a vertadieramen
« quicon de l'amo de la Patrio dins vòsti vers. Que Sto Estello fugue
« dins nòsti cor la sorre de Jano d'Arc. Zòu ! fasan restounti l'inne de
« la coupe santo e la balado dòu Rèi En Pèire ! »

Touto la salo s'es aubourado pèr ié faire uno ouvacionoun. Mistral tresouli s'es avança, e, davans lou pople, a coumplimenta autamen e fieramen lou counferencié d'agué pourgi tau regale à si counfraire.

E après uno autre trounadisso de picamen de man, la sesiho se clavo pèr ana se refresca encò de Maynou ; pièi, en courtege, li Felibre van faire lou tour dòu bal publi dòu marcat, e li dansaire s'arrèst ton galant pèr aplaudi e crida : Vivo li Felibre !

Lou lendeman 11 de mai, à 9 ouro dòu matin, la Mantenènço de Lengadò tèn soun Assemblado generalo dins uno salo de la coumuno, souto la presidènci dòu sendi H. Messine.

L'acampado douno soun aproubacioun à la coustitucioun emai au reglamen de l'Escolo audenco de Carcassouno, e aprovo peréu la coustitucioun e lou reglamen de l'Escolo moundino, à Toulous ; prouclamo de nouvèu felibre, voto de felicitacioun à l'Escolo audenco e subre-tout e majamen à soun secretari Jourdanne, pèr l'envanc e la voio qu'a bouta pèr la buta dins li prougrès qu'a fa tant rapidamen, e pèr la flamo ourganisacioun di fèsto felibenco.

Proucedis, pièi, à la nouminacioun de soun Burèu e soun nouma : vice-sendi En A. Arnavielle, d'Alès ; En Junior Sans, de Beziés, e G. Jourdanne, de Carcassouno.

Lou secretari es Jan Fournel, de Mount-Pelié.

A 10 ouro, lou Counsistòri tèn sesiho dins la salo di fèsto de la comuna. Soun presènt : En F. Gras, F. Mistral, En A. Mir, En Albert Arnavielle, En V. Bernard, En C. de Carbonnieres, En A. Glaize, En A. Mouzin, En A. Perbosc, En Junior Sans.

Lou sendi de Lengadò H. Messine assisto à la sesiho emé voues consultativ.

Lou Counsistòri noumo lou majourau Mir assessour de Lengadò, en ramplaçamen d'En C. de Tourtouloun, demessiounari.

Elegis uno coumessioun pèr fissa li raro di Mantenèng de Lengadd e d'Aquitàni, e pren comunicacioun d'uno demando que i'es remesso pèr lou mantenèire F. Amouretti, pèr la coustitucioun d'uno Escolo felibenco à Paris.

Lou Counsistòri pren peréu c' uneissènço dòu reglamen de la subre-dicho Escolo, que i'es tambèn presenta, e l'aprovo en esperant l'aproubacioun de la Mantenèng que se chausira, lis estatut felibren dounant pas au Counsistòri lou dre de coustituï d'Escolo.

N'es peréu de même pèr la creacioun de l'Escolo felibenco de Tunis, ourganisado pèr lou valènt felibre Brun. (1)

Alor, li porto soun duberto e li Felibre e lou publi soun autourisa à-n-intra dins la salo pèr la recepcionioun di douz nouvèu majourau.

En A. Mouzin s'aubouro e fai l'elogie d'En G. Bonaparte-Wyse, la Cigalo d'Irlando, coume seguis :

Messiés li Majourau,

Èro vengu de liuen au Felibrige lou bèl Irlandés que, sus si trento an, passant pèr noste Avignoun, legiguè *Miròio* e s'enamourè de la lengo mistralenco. Me poudrias dire que iè sièu vengu de plus liuen encaro, ieu que, dins ma jouinesso afeciounado à rimeja 'n franchimand

[1] Lou Counsistòri, acampa à Carcassouno, a peréu delembra que touto demando de coustitucioun d'Escolo deu èstre signado pèr set felibre mantenèire.

sus li causo de Prouvènço, semblave sourd à la parladuro de neste pople, emai fuguèsse un de sis enfant de bono meno miejornalo. Me soun revengudo au cor un pau tard, es verai, li melicousi cansoun de ma pauro grand tant bèn-disènto, tant douçamen bressarello, e 'quelo remembranço m'a revira quasimen autant que vòsti cap d'obro. Li counderti soun, de coustumo, li mai devot; avès vougu n'assaja d'un dins voste Counsistòri: es ansin que sièu Majourau, pèr la gràci de mis ami felibren e sobre-tout dóu Capoulié.

Avès vougu peréu que la Cigalo d'Irlando, — ansin noumado pèr fin de garda la memòri dóu « felibre despatria, » restèsse d'aro-en-avans à soun véritable païs, en Avignoun, ounte Bonaparte-Wyse l'avié culido:

E m'es siavo souvenenço
De ma bello terro d'or
E m'es caro mai Prouvènço
Quer la chato de moun cor.

Ansin cantavo la cigaleto afrejoulido aperamount; cantara pas tant bèn emé ieu, mai se caufara de plus proche au fougau de l'Estello, quitara mens souvènt soun endré nadau, la viro di Capoulié poulidamen pausado à la raro de dos prouvinço pèr li jougne ensèn dins la memo fe, — coume dóu tèms que nòsti Conse rendien óumage de mita i comte de Toulouso, de mita i comte de Prouvènço.

Ço qu'enfiouqué pèr la causo felibrenco lou jouine Irlandés en quisto dóu bèu e dóu verai, fuguè d'atrouva « uno literaturo s'ispirant.... naturalamen e soulamen dóu terradou. » Mistral nous lou dis ansin dins sa prefaci di *Parpaïoun blu*, que farié n'iés de vous la legi en liogo de ma proso. Adounc, mestre, avias descubert lou naturalisme?

E vòstis obro, pamens, n'an rèn que d'auturous, rèn que de galoi e d'ounèste e de propre. Fan crèire que lis encontrado d'apereici, — rapport à d'autro, — se ié vèi gaire d'oumbro ni de fango; gramaci au soulèu e gramaci au vènt-terrau!

Poudié trempa sa plumo dins l'escritòri felibren, sènsò cregne de se sali, lou delicat gentilome. Bèu proumié de tòuti avié comprés que lou prouvençau, se d'un biais es pouplàri, d'autre biais es aristoucrati. Li letru n'estùdion la frescour e l'armounio, e « Milord Wyse, » coume ié disian, jugè pas indigne de soun rèng d'aprene e d'escriéure e d'em-premi e de parla davans tòuti, aquéu dialèite que de jouvènt farot trator de patoues. Éu, que l'anglès èro sa lengò meirenalo, sarié esta excusable de segui la modo de vuel, que vòu que tòuti lis ome des-

tingui gaston soun francés de terme sassouñ, mai Diéu garde qu'un d'eli prounióuncie un mot dóu vièi parla de sa prouvinço ! E pamens acò's li mot de la patrio. Es-ti que sonon mau à l'ausido e que *brinde*, pèr eisèmple, siegue mens doux que *toast* ?

Bonaparte-Wyse èro uno amo proun noblo pèr se mena soulet, même contro lou courrènt dóu jour. Avié, dóumaci, de quau teni, estènt lou digne descendènt d'aquéu Lucian Bonaparte que, pulèu que de se gibla 'mé tóuti davans l'autocracio de soun fraire, amè miés perdre uno courouno. Coume éu e coume en generau lis esperit indépendènt, èro apassiouna di belli letro : res n'alargiguè mai soun champ d'estudi.

Fiéu d'un Irlandés que devenguè ministre d'Anglo-Terro en Grèço, e d'uno Franceso qu'ero princesso en Itàli, felen d'un de nòstis embassadour en Espagno, nebout d'un emperaire francés, noun devie faire autramen que d'estre cousmoupolito. Un pau de pertout avié de coumpañ e d'ami dintre li meours escrivan, Alecsandri, Moore, Daudet, Bornier, Balaguer, sènsa parla di nostre ; escrivé en anglés, en franchimand, en catalan, en prouvençau, en lengadoucian, en rouman.... Aquéu Bonaparte counquistavo tóuti li literaturo !

Mai sa preferido èro de-segur la felibreno. Ié rescountriè sis obro mestresso : *Li parpaïoun blu* e *Li piado de la princesso*, d'aquélo Esterrolo en quau crido entousiasma :

Pèr tu, mi pèd, moun cor, tout es alu !

Entre-tèms, dounavo quauqui galant librihoun, estampà emé rafinamen. Dempièi sa coupio dóu galejarèu *Chincbo-Merlincbo* enjusqu'à la *Siblado is arquin*, lis avès au caire di pichòti rareta dins vosto biblioultèco, sa *Magalouno*, e l'*Arc-de-Sedo* dóu *Chaine-Verd* e mi *Bòu blanc à Beziès* e *Uno japado cerberenco*. Avès au bon raioun felibren si doux flàmi voulume, lou de 1867, jouine, entime, un pau foulastrejaire segound soun titre ; e lou de 1882 mai pausa e mai fourni de pouèmo ispira pèr l'istòri. Èro un di signe carateristi dóu talènt de Wyse, lou bèl estrambord que ié mountavo au cervèu à la leituro d'un noum e d'uno epitafi, d'un menu detai legendàri o vertadié. Uno poudrouso fraso d'archivo se tremudavo em' éu en uno odo ensouleiado. Soun d'aquélo vengudo la *Deificacioun* dóu *Vènt-Terrau* pèr l'emperaire rouman Auguste, *Septentrioun*, lou mignot dansaire d'Antibo, *La confidènci de N'Eisabèu de Mount-Oulièu*, à prepaus dóu troubaire Pèire Vidau au castèu de Carcasses ; *La darriero vitòri de Louis VIII*, ami-rabilo pèço idealisto, ounte se laisso mouri lou rèi pèr noun faire un

remèdi que sarié delicious mai que belèu esmóurié li plour d'uno vertuoso chatouno. Oublidarai pas lou *sounet* à prepaus d'uno estatuo à Mirabèu, nimai la pèço à *Foulques*, lou marrit bisbe, que faudrié recita en entié dintre aquesti muraio :

Mourdras, Foulquet, li garagai ;
 Car ta nacioun, franco de gabi,
 Vai t'apela d'un noble enrabi,
 • L'abouminable, • longo-mai !
 Tu siés un sant ? O serp mitrado !
 Tu siés un sant ? O fléu d'infér !
 Tu presicáro de crounado
 Qu'as liéura la patrio amado
 A la furour de Juciér !

Aquelo emprecacioun, sénso ategne la grandour dis estroso de Félix Gras dins soun inoublidable *Toloza*, n'es pasmens un superbe crid de troubaire venjatiéu.

L'agradavon pas lis óupressour :

Digo-nie se, de l'Istòri,
 Es lou tablèu lou mai grand
 Lou que nous retrais la glòri
 D'ou grand Jùli triounflant ?

Escrivié Jùli e pensavo, lou pouetó inchaiént de la glòri poulitico, à-n-un foundedou de dinastio forçò plus proche d'eu.

Tenié de soun aujòu Lucian, coume lou fai entendre dins sa pèço sus la *Fourèst de la Santo-Baumo*, lou goust gaïte banau de preferi :

Au chamatan di court li cant de la campagao,
 e, meravihousamen pintavo la naturo. N'en vole pèr provo que soun glourious *Dimenche à la bono de Mai* :

Quand la flour de moun amo
 Liuen di glèiso poumpouso ount lou prêtre s'acclame,
 Escolatè santamen couine un cissour de flamo,
 Vous, Dardai benfasent,
 Pendèire esblengissant
 Erias mi candelito e mi calèu lusent,
 Vous, sentour de baragno,
 Perfum ferigoula, douz aleu de mountagno,
 Erias moun soul encens, lou soulas de ma lagno !

E quanto passioun pèr lou soulèu ! N'es lou *Roumieu* bèn avisa ; sèns lassige revèn à la Terro adourado,

Au paradis plasent de mountagno e de mar
 Qu'eila se pavanejo entre Duréncio e Var,
 d'abord pèr ço que la planç e li mount, lou gòu e lou cap, tout i'es « incouparable, » e pièi,

Atendu que li pàuri gèut dòu Nord,
 S'acrocon triste i flanc dòu Pessimisme
 E van traucant d'analiso si cor
 Noun vesent dans la vida qu'un abisme.

Roumiéu dóu soulèu ideau, noun mens que de l'autre, s'ero fa lou messiouñari de la reneissenço dóu Miejour : la prounè pas soulamen dins soun *Discours de Fourcauquié*, anè pourta de vilo en vilo e d'acamp en acamp la bono paraulo. Quouru avié proun empura, valent cabiscou, nosto *Eescolo dóu Flouänge* avignounen, partié canta valentamen dins lis àutris escolo. Diran pas de noun au *Parage Mount-Pelieren*, s'afourtisse que lou tratavon coume un di siéu, tant se moustravo abile i vers lengadoucian : pas versi, Arnavielo ? E li Catalan, la fes que reçauپeron soun *Serventes*, aurien pouscu lou crèire un franc pirenenc. Pèr un pau, soustendriéu, ma fisto ! que lou Felibridge avié douz prince Guihèn, e qu'un estampaire n'a courfoundu lis obro ; ansin se mescleron, i'a mai de milo an, en uno soulo legèndo meravihous, douz àutri Guihèn, foundadoù de nòsti prouvinço sorre, lou duque d'Aquitani e lou marqués de Prouvènço.

Noste milord Wyse, pèr ansin multiplamen ama e festeja, s'abandonavo voulountié e se counfiaavo segound la lèi freirenalo. M'ensouvene dóu bèu countantamen d'enfant que moustrè lou pouëto de cinqanto an i Jo Flourau de Cano, quouro daverè la branco di laureat, lou brout d'óulivié d'or. Ah ! de quant acò's plus leiau e plus vivènt que lis èr despichous qu'afeton vuei, dins sa vanita frejo, li tres quart di nouvèus escrivan, revengu de tout !

Bonaparte-Wyse avié ôtengu, avans lou brout d'óulivié d'or, uno recoumpènso à moun avis mai precioso : li plus aut dóu Felibridge l'avien tradu en prouvençau uno garbeto de si pèço angleso. Acò soulet marco la valour d'un ome. Es pas pèr töuti que Fèlis Gras se sarié desvira de si belliç epoupèio giganto, e Ansèume Mathieu de sa galant *Farandculo*, e lou grand apassiouna Teoudor Aubanèu de sis elegio à la glòri de Zani, e Crousillat di cant melicous de sa *Bresco*, e Mistral éu-même de soun *Calendau*, fraire de Mirèio, inmourtau coumo elo. Aguèron tambèn lis ounour de la traduciouن à l'estangié quauquis-un di vers prouvençau de Wyse.

Citarai *Lou cant dóu ciéune de Belaudon*. Aqui lou pouëto, souto lou noum d'un de si davancié, avié acoumença sis adieu à la vido e i bravi coumpañ de si pantai. Devié fini pèr un autre adieu pouëti à Mistral. Vertadieramen proufesto, anouncié sa mort dins uno letro autant armouniouso qu'uino odo, autant grèvo e soulenno qu'un testamen :

« Au mitan di flour e di raiado, à la fin, siéu vengu pèr mourir... »
Aquel oajo restara gravado sus la toumbo de Guihèn Bonaparte-

Wyse eilavau à Cano, au païs di rosò e dis arangié. Fidèu à sa deviso, éu s'es pausa, pèr jamai, ounte flouris.

L'an saluda pietousamen li discours e li vers adouleinti dis ancian e di jouine. L'Escolo de Lerin a coundu soun dòu à Cano ; l'Escolo dòu Flourege avignounen, es belèu vuei pèr elo autant que pèr ieu, que prounounce aquest Eloge dòu majourau regreta.

I'a quâuquis an, un vèspre que passavo pèr Avignoun, — venié tout-bèu-just de legi sa biougrafia dins lou voulume di *Piado* que m'avié manda, e ié countave qu'ère nascu lou même jour qu'éu, à vint an de tèms. — « Acò marco que me remplaçarés au Counsistòri ; » me diguè n sourrisent. E Diéu saup se ié pensave !

I'a pamens d'estràngi rescontre, e que tan sounja, coume éu l'avié di, à la grand felibrejado ourganisado sus sa counvidacioun à Font-Segugno : « Es uno causo bèn couneigudo que li pouèto soun sujet, deses, à de supersticioun particuliero e d'alucinacioun especialo. »

Parti d'aquéli mot, avié vist plana peramout sus li tèsto di counvivo, dins la salo dòu festin, lis oumbro venerable di troubaire de toustèms, descendudo pèr enaura si fraire en Gai-Sabé. Èro lou jour de l'Ascensioun, e Bonaparte-Wyse que si *Parpaïoun blu* n'avien pancaro espeli, se manifestavo aqui publicamen pèr la proumiero fes. Vuei, es lou jour de l'Ascensioun e Bonaparte-Wyse finis óuficialamen sa founacioun terrèstro dins lou Felibrige. Mai à moun tour, lou vese aperamout à constat de Bernard de Ventadour, de Pèire Vidau, de Belaudoun, de Gou louli, de Jaussemín, de tóuti aquéli qu'alor evoucavo ; e vese, de mai, Aubanèu, Roumanih, Fourès, dedins la trelusènto apariacioun.

Adounc, lève lou front e t'evoque, tu d'abord, o moun mestre Guihèn, e, pèr que tengue bèn toun seti, enauro-me !

En Louis Astruc que devié ié respondre, estènt empacha de veni, avié manda sa dicho à-n-Antounin Perbose, que respond à sa plaço :

Moussu e gai counfraire,

Tout autre, segur, nous aurié pouscu, coume vous, counta lou grand felibre que plouran e sus quau la Prouvènço literari plourara longtèms encaro, mai pau, coume vous, aurien di Wyse l'ami, lou bèu cor e lou large esperit liberau, fisancous jusqu'à la mort en l'Estello que lou counduguè vers soun cros, dins lou païs qu'èro pèr éu sa patrio flourido.

E se coumpren, *Milord*, coume l'apelavian pèr soun amour, pèr sis aspiracioun souleiouso e, sobre-que-tout, pèr l'autro famiho que s'èro facho long dóu Rose pouëti, leissavo souvent li. nèblo irlandeso e, se capitant dins li trelus de la vièlo ciéuta papalo, aprenguerias à lou counèisse e vous fuguè pas difficile de l'ama. Em'acò, vous amigant en Bartalasso, dóu tèms dóu divin Teò, neste fier Aubanèu e 'n coumpagno d'aquéou que devié deveni neste valènt baile, lou cantaire superbe de *Toloza*, lou resson de talo couralita nous arribo enjusqu'en glouriouso ciéuta de Carcas.

Co que poudrié faire crèire en d'uni qu'es l'enfluènci d'aquéli divèrsis amistanço que vous a auboura, vuei, à la plus auto digneta feli-brenco.

Urousamen, sabèn persounalamen que lou capoulié Gras, que brindè en 76 au respèt de nosto Constitucioun, tèn l'araire d'uno fortoman, e se sias vuei Majourau, es quicon mai qu'a ispira lou Counsistòri de Seloun.

Ço qu'aquéli ignoron — o voudrieu ignoura — es vòsti lucho journadiero pèr l'ounour de la Causo prouvençalo. Nosto lengo, es verai, siguè pas toujour voste estrumen pèr apara nòsti dre, mai quau vous n'en farié un crime ? N'i'a tant qu'en parlant O, nous grafignon plus souvent qu'à soun tour, dóu tèms que parlas franchimand à neste proufié. Avès-ti pas fa dire à-n-un vièli felibre :

Quel que soit l'instrument, si la note est touchante,
Pardienne ! on l'applaudit...

Vaqui perqué vosto eleicioun au Majouralat noun pòu escalustra quau que fugue, coume la trove, ieu, legitimo.

E vòsti titre, me fai gau de li ramenta eici en tant noblo assemblado : vosto *Guibèn d'ou Court-Nas*, vosto *Rèino Jano* podon èstre obro que prouvençalo. Sènsou coumta, Messiés, que neste nouvèu Majourau s'oucupo especialamen, à l'Acadèmi de Vau-Cluso, di questioun istourico e literari dóu Miejour, qu'es esta soutu-cabiscòu dóu Flourege d'Avignoun e que quatre cop fuguè rapourtaire de Jo Flourau prouvençau.

I'a'ncaro que, quand tant de nòsti jouvènt van lucha amount — sabès — liuen de la lucho, e tant que van crida federalisme, libertà, descentralisacioun au mitan de Babilouno inchaiènto, éu se rapello toujour çò que disié en 75 :

Je reste enamouré sur ton sein maternel !
 Je veux chanter toujours où chantent les cigales,
 Car ils n'ont pas, là-haut, les fils des capitales,
 Mon soleil éclatant qui hâte les moissons, .
 Change les roches nus en immenses opales
 Et prête ses éclairs aux yeux des Provençales,
 Ses feux aux lèvres des garçons.

Tout acò, lou vesès, Messiés, noun es obro franchimando, mai bén miejournalo. E pamens, l'obro capitalo de nostre nouvèu coulègo, la veici.

Quau noun s'ensouvèn encaro dins la Franço entiero, d'aquelo manifestacioun superbamen descentralisarello qu'aduguè dins nostre viètiatire rouman d'Aurenjo, en 1886, tout çò que Paris comto d'inteligènci — Coumèdi-Franceso e critico en tésto ? — Vole parla de l'*Emperaire d'Arle*.

La Prouvènço, aquéu jour, triounfle dins si terro, e lou fier Paris, que tant van bousca, se desrenjè pèr veni bela tau triounfle. Aquéu vèspre, Lucullus soupè encò de Lucullus e fuguè, acò, la vertadiero descentralisacioun.

Quau me dira qu'eïçò 's pas çò qu'apelan, nautre, uno obro patri-outico ?

Mai veici l'estello prouvençalo que s'escaraio sus lou front de Mouzin emé l'*Emperaire d'Arle*.

Aquéu dramo, qu'es que l'acoumençanço d'uno trilouglo titoulado *Les Aliscamps*, proumet l'*Olifant* e la *Felibresso*. M'arrestarai pas à la segoundo partiò, pèr dire uno istòri galanto sus la *Felibresso*, que tout lou mounde saup sa venènto espelido. Es uno provo dóu revenge artisti dóu Miejour — en seguido d'Aurenjo — sus lou Nord e dis quant l'Uba inteligènt, independènt, relevant que dóu grand lum, pòu de-fes, coume l'anás vèire, anima l'esperit prouvençau.

La *Felibresso* --- que nostre ami n'a fa 'no fadeto — vous la cointarai pas : m'an di que lòngui paraulo fan li jour court e lou regrète pèr l'ami e sa gènto fadeto. Mai veici l'istòri.

L'an passa, à Maiano, à l'oustau que sabès, sèt felibrejaire felibrejavon. Ero fèsto de nòvi : Leoun Daudet veni de prendre gènto Jano Hugo, e, 'mé li nòvi e Mistral, e Na Mario Mistralenco, i'avie F. Gras, F. de Baroncèlli e nostre nouvèu Majourau.

Au champagno, vaqui que lou paire de *Calendau* demando à Jaueto d'Hugo de faire jura au descentralisaire d'Aurenjo que la *Felibresso* sara 'scricho en vers prouvençau. E lou juras, Moussu e gai counfraire,

e se brindo au succès d'aquéu dramo que, la cresènço n'ai, vai afouri lou titre que vous avèn baia, is iue d'aquéli que podon encaro douta de vosto gaio sapiènci prouvençalo.

Sènsò avé lou poudé magique, bèu Majourau, que la fadeto escarido e ilustrado pèr l'engèni pouëti de noste siècle aguè sus vous pèr aquéu saramen, avèn aro lou dre de vous demanda de parla desenant coume nàutri tòuti, çò qu'emé la voio ardènto que vous sabèn, fara vosto obro coumplido. E vous sara facile aquéu saramen, vous que *tousièms pensarias en prouvençau*.

Aquelo bello charradio acabado e aplaudido, es lou majourau nòu En V. Bernard que pren lou le e que parlo coume seguis en memòri de la Cigalo dòu Var, En Anfos Michel :

Es em' un profound sentimen de respèt e l'intenso sensacièn d'uno obro subre-umano à coumpli, qu'intre vuei dins voueste glourious Counsistòri, meouio pouëtico d'aquelo arlènto terro dòu Miejour.

Prouvènço, Lengadò, Aquitàni, lei tres souerre mourreto, aboumianido à travès dei garrigo, s'envan desgrunant sei cansoun, souleto glòri que li soubro dins aquest aclapamen de tout.

E nàutri que leis avèn ausido, nàutri, fouele d'amour, les uei perdu dins l'aveni, pensant que la vido es qu'un sòungi e, qu'au mai aut sara noueste Ideau, au mai sara glourificado nouesto raço ; pèr lou Verbe, pèr lei Ritme, pèr lei Formo li recoustruren un reiaume divin, ei tres aboumianido souerre : Prouvènço, Lengadò, Aquitàni.

E tant que raço racejara, aquesto divino flamo de pouësio passara de felen en felen.

Es ansin qu'à l'ouro d'uei, o brave e douz Miquèu, prèni en man tou flambèu coumo au tems deis iniciacièn antico.

Sa rego e soun obro, la counoueissèt tòuti : lou Miquèu dòu Flasquet, filousofe e cantaire d'un óurizount bourna pèr lei cimo bluro dòu Ventour e lou campèstre daura d'Eiguiero. Amo lòugiero, pensado claro, sèmbla, à l'ausi, que la vido siegue qu'uno longo partido de cabanoun, au cagnard, entre uno bruno mestresso e 'n bouen flasquet de Castèu-Nòu :

Lou cachimbau, lou flasquet, la mestresso,
Mi bons ami, vés-aqui lou bonur.

Aquéu refrin, emé quente amour lou dis e lou redis, finamen e sènsò poucano ! Qunto flour d'ispiracièn dins sa péço *L'amour bagna*, qu'Anacreoun aurié signado. Qunto emoucien à-n-aquelo remembranço dòu brès :

Se sabias coume es dur de quita lou village
Ounte, pichot enfant, vous sias vist abarri...

Mai sa boueno imour sanitouso a lèu coucha lei niéu e lou retrouvan mai à soun cagnard, leis uei perdu dins lou blu dóu cèu e leissant debana sei pantai au fum de sa pipo.

Neissu en 1837 à Mourmeiroun, coumo dis en cantant :

Sieu nascu dins uno bourgado,
Qu'es meme au pèd dòn Mount-Ventour,
E que, sus la roco empégado,
N'a que de colo à soun entour ;
Aqui lou printème de moun age
Coume un fléu d'or s'es debana.
Ié tournarai dins moun village,
Au galant nis mounte sieu na.

Anfos Miquèu s'iniciè au Felibrige en trevant Castil-Blaze, aquel engèni vaste e curios. Sieguè lèu — pas nescite de va dire — un dei cepoun de nouesto causo.

En 1856, davero lou brut d'óulivié d'argent de l'Acadèmi bezie-rencò, pèr soun pouèmo *L'existènci de Diéu*. En 1869 tourna-mai triounflo à Beziés em'un autre pouèmo filousouti, *L'inmortalità de l'amo*. La memo annada 1869, gagno uno joio ei Jo Flourau d'Ais. Puei, en 1870, publico en Ate, encò de Jean, soun recuei de cansoun, *lou Flasquet de mestre Miquèu*.

Parlaren encaro un pau, se voulès, d'aquélei cansoun devengudo pouplàri.

Pouplàri, — diéu, — mot que troup souvènt niespresan dins nouesto croio d'artisto e que, pamens, déurian cerca de tout noueste couer, car es pas la grano dei païs estrangi que grèio e peuerto lou mai fruchò. *Pouplàri*, uno cansoun, un prouvèrbi, un mot soulamen, d'aquélei mot juste que picon dre, reston mai dins lou couer dóu pople que tóuti lei jue de rimo mascant paureta de pensado, o qu'aquéu decadentisme de cresta que nous vèn qu saup d'ounte !

E vaqui perqué es en restant simple, pacan, que Michèu a tant agrada au pople ; e s'anas vous passeja à-n-Eiguero, à Mourmeiron, à Draguignan, à Carpentras, à Faïenço, à Lorgo, à Puget-Teniers, ausirés sei cansoun e vous diran : Miquèu ! O, que l'avèn couneigu, lou Mi-quèu dóu Flasquet !

Simple e bouen, franc e juste, vaqui çò que sourgento de sa pouësio autant luencho deis aigo trebo de la poulitico que d'uno inchaiènço magagnouso pèr nouéstei dre prouvinciau. Sa pensado simplò, la dis en dous mot :

Que pensés patin,
 Que pensés coufin,
 Ié prendrai ges de pico.
 Pensas oume aeo,
 Pense oume eiçò,
 Vaqui ma poulitico.

E qu'avié bèn resoun ! La poulitico, m'es vejaire, a la mascarié de l'argent : tout co que toco si passise.

E tu, jouvènt, que vas buta de tout caire, gardo-ti ! Se de boueno ouro ti siés pas crea un Ideau, s'as pas sachu destria dins tu-même ta part de Divin, cabussaras en tóutei lei messorgo. E la messorgo la pus orro, la bësti à sët tésto de l'Apoucalüssi es-ti pas la poulitico e lei poulitician ? « Marfisen-si, coumo disié St Jan, lou felibre de Patmos, d'aquélei qu'adoron la bësti e soun imàgi, vo que n'en reçubon la marco sus lou front vo dins la man. » E benesido siegue l'ispiracién dei sët foundatour dòu Felibrige, quouro establiguèron majouramen que touto discussien poulitico vo religioso sarien fouero-bandido de nouesto Fraternita, Auto Fraternita pouëtico e noun agènci eleitoralo.

Mai, s'estravien pas troup, que lei paraulo longo fan lei jour court ; e, segur, s'aquéu brave Miquéu èro eicito, i'a long-tëms que m'aurié clawa la bouco en cantant :

Fau tout lou jour fiasqueja dins un caire.
 Tuba la pipò e caressa Babèu.

Pamens, souto aquelo inchaiènci, — joio de l'ome countènt de soun presa — brulavo uno voulounta de ferri, e si fasié un travai immènse : vouéli parla de soun *Istòri de la vilo d'Eiguier*, estampado emé l'a-judo de la Soucieta literàri dòu Var, à Draguignan, en 1883. Obro glourioso, obro unico dins lou Felibrige, mounumen auboura à-n-uno pichouno vilo dins la pichouno patrio ; e, coumo tout se trovo dins tout, mounumen autant vidant, autant fougous, autant estendu que s'èro l'istòri de tutto uno umanita.

Coumo aquéu pichoun terraire d'Eiguier emé sa poupoplacién revivon estranjamén ! Li retrouvan lou même patriotisme, lei même deco e lei même passien qu'à l'ouro d'uei, em'aquéu desi de justici que fa barbela lou pacan, em'aquélei dre naturau de vido esclatant tout d'un coup en revoulucion, escasant lei pantai dei pantaiarie d'unificacién o de federacién.

Libre unique, si pòu dire, aquelo meravihouso istòri prouvençalo en prouvençau de la vilo d'Eiguier, que nous desvelo lou patrioto pre-fous e lou travaïaire darnié lou cantaire superficiau e l'épicurian ei-guieren.

Se furnan touto soun obro, que de noto, que de cavo bouscado, acampado, estudiado de tout caire ! Dre que fa uno trobo sus leis us e coustumo de nouesto terro prouvençalo, la coumunico ei journau, ei revisto, siegue au *Prouvençau*, siegue dins lou Zòu, e darnieramen quàquei mes avans de mori, baivo au *Petit Provençal* aquelo curioso tiero d'*Epbémérides provençales*.

Enterin, apassiona pèr la justici de pas, largo lou *Vade-mecum des magistrats de paix*, lou *Manuel des officiers de police judiciaire*, lou *Traité sur les Conseils de famille et les scellés*. E quant d'autre en pre-paracien, finqu'à-n-un Diciounàri, travai óuriginau, mai malurousamen inacaba.

E si repauso en reculissènt tourna-mai de legèndo estrangi, en furrant à travès lei viëis us e lei viëi prouverbi, couleicionant emé la passien d'un arqueoulogo tòutei lei soubro dóu passat ; e, un bèu jour, en 1892, fa reviüre tout acò dins sei *Traces laissées par le paganisme dans le midi de la France*, libre courouna de la joio dóu Menistre de l'Estrucien publico pèr la Soucieta felibenco de Paris.

Coumo, dins aquéu libre, la tradicien se li trovo estranjamen renou-sado : lou pagan devengu pacan ; lou feminin, la mascarié pagano rede-vengudo Vièrgi e Santo dins noueste Paradis !

Es ansin que tout va, que tout bourroulo : esvoulucion, revoulucion, renouvacion, *Ouroboros*, simbole lumenous del sàvi d'ancian tèms.

Eisèmple toucant de vido simplò, atravalido, d'estacamen inbran-dable à soun païs, tau es Anfos Miquèu.

Vaqui lei piado que devèn segui ; e s'eiman nouesto Prouyènço mai que tout, óublidén pas qu'avèn sus terro tres devé à coumpli : lou devé de Bèuta qu'es de glourifica tutto cavo bello coumo uno emanacion de Diéu, lou devé dóu Bèn qu'es lou sacrifice au bonur deis autre, lou devé dóu Verai qu'es la recerco de la Justici en tutto cavo.

E fouero aquélei tres lume : Bèuta, Bounta, Verita, que soun touto pouësio, l'a que poustèmo, messorgo e destrucien.

En Albert Arnavielle ié respond quàuqui mot flamejant e dardaiant e la sesiho counsistourialo se claus.

A la sourtido, sus la plaço dis erbo, au mitan d'uno soulo counsiderabilo, li *Seyaires* mena pèr lou Prefachié e la Prefachiero, sus si chivau blane, an eisecuta si danso dins si coustume clar, e canta li cansoun dóu terradou emé si voues bello e gravo.

Mai, is alentour de la couumuno, lou pople espés coume péu de tèsto espèro la sourtido dòu courtege felibren que, à younge ouro e miejo, la Liro carcassouneso en tèsto, jouant l'èr dòu *Maset de mèste Roumiéu*, s'alando couine à l'assaut de la ciéuta à travès de la carriero de la Couumuno, di balouard, de la carriero dòu Pont-Vièi, de la Trivalle e de la Porto-Narbouneso, pèr n'arriba à l'enclaus de Sant-Nazàri.

Aqui, lis enfant dis Escolo soun acampa, aubourant dins si man de rampau d'óulivié e cantant un cor que li paraulo n'en soun dòu felibre Rouquet, e que MM. Perié e Prax l'an ensigna sus l'èr de la coupo :

Proubençais, raço ramudo
E claudifo de fiertat,
Saludan bostro bengudo
Dins nostre antico Cieutat.

Troupo aimado
E presado,
Es de tout cor
Qu'amiran bostre estrambord
Que rand gaujous e fort.

(à segui)

J. MONNÉ.

LI NOVO FELIBRENCO

PROUVÈNÇO

— Lou dramo de *Casau*, d'En Jan Monné, es en vèndo en Avignoun, encò de Mmo Roumanille ; à Marsiho, à la librarié marsiheso Aubertin et C°, 34, carriero Paradis, e à Paris, encò de l'editour Lucian Duc, 35, carriero Rousselet.

— Uno de mai que se bouto au brande : l'*Académie Lamartine* que tòuti lis an douno de councours de proso e de pouësio, e que decernis de flour, de courouno, de liro, de paumo, de medaio e d'oujet d'art e de libre superbe, a decida que la lengo prouvençalo sarié ameso à prene part à si targo literari. Aquéli, adounc, que voudrien lucha,

an que de demanda lou prougramo à M. Emilo Mossot, president de l'Acadèmi, à Menou, pèr Varzy (Nièvre). Li manuscrit aurau d'estre acoumpagna d'uno traducoun franceso.

— Es lou majourau En Marius Bourrelly qu'es esta carga de faire l'elogie de Roumanille dins l'ate de la fèsto di Jo Flourau laren e mantenienciu que se tendra à-z-Ais lou 30 de juliet venènt.

— Dins lou councours de tambourin que s'es douna à Marsiho, à l'oucasioun di fèsto musicalo di 21 e 22 de mai, e que lou majourau En J. Huot presidavo, s'es decerni à mèste Bœuf, de Bras, (Var) lou premié pres de la divisioun d'icelènci, à l'unanimeta ; à mèste Moutren, lou premié pres de la divisioun superiouro, e lou segound pres à MM. Convert e Pelissier. Dins la proumiero divisioun i'agu qu'un pres e n'es esta pèr mèste Icardent.

Zóu ! que rounfle longo-mai nosto flamo musiqueto prouvençalo !

— Lou mantenièire Deonna, vice-conse de Danemark, à Cano, vèn de semoundre à la bibliouteco d'aquelo vilo, 17 voulume en lengo prouvençalo, entre li quau se remarcon lis obro de Mistral, de Roumanille, d'Aubanel, de Saboly, de Gelu, etc.

Acò, se pòu dire qu'es uno bello obro e i'aplaudissèn di dos mai.

— Uno idèio flamo, es lou gerènt dòu magasin de vièsti, de la *Bello Marsiheso*, 17, carriero de la Républico, à Marsiho, que l'a agudo. Imaginas-vous qu'en tòuti aquéli que ié passon davans, se ié pourgís un image coumique que poito lis entre-signe en nosto lengo, dins lou biais d'aquésti :

A la Bello Marsiheso trouvas d'estolo flamo e fresco.

La fanfar de pato-de-galino s'es fatto costuma pèr 25 fr.

Pèr 28 fr. lou ministre de la guerro a fa abixa lei reservisto...

— Li souscrivèire is obro de Louis Roumieux, *Li couquiso d'un Roumiéu*, van reçaupre au premié jour lou complemen dòu proumié voulume.

— Aquéli que i'agradarié d'agué lou darrié libre de noste ami regreta En A. Michèu : *Les traces laissées par le paganism dans le midi de la France*, l'atrouvaran à la librarié Marpon e Flammarion, carriero Paradis, 34, à Marsiho, au pres de 1 fr.

— Lou numerò de juliet de nosto revistouno dounant la seguido di fèsto de Carcas, li soubro di novo e lou rèsto, pareissira lèu, lèu !

Lou Gerènt : Jan Monné.

Empremarie felibrenco de Lucian Duc, 35, carriero Rousselet, à Paris.



CROUNICO

SANTO-ESTELLO A CARCASSOUNO

(Seguido)

Es aqui, dins li clastro de St-Nazari, que li taulo soun dreissado pèr la grando felibrejado ; au mitan, lou buste de Mistral dóumino tout, e la coupo santo trelusis davans la plaço ounte lou capoulié s'asseto e fai asseta à soun coustat Na Filadelfò, la muso de l'Adour ; vis-à-vis de F. Gras se plaço Frederi Mistral, aguènt à soun caire Dono Redonnel e la felibresso Margarido Sol, de Narbouno.

A l'entour de Gras e de Mistral prenon plaço li majorau, emai G. Jourdanne, secretari de l'Escolo audenco, Ipoulito Messine, sendi de Lengadò, e C. de Carbonnières, sendi d'Aquitani. I'a, pièi, Messiés Castaillax, proufessour à la Faculta di sciènci de Toulouso, foundou en Françò de la sciènci paleountoulougico ; J. de Malafosse, de la Soucieta arqueoulougico dóu miejour de la Françò ; Dedebert, secretari generau de la prefeturo de l'Audo, ramplaçant lou prefèt ; Maure, ajoutant au maire de Carcassouno, ramplaçant lou maire ; Bouffet, engeniour en chèfe di pont e caussado ; Soulié de Bru, direitour di doumaine ; Des Marest, architèito despertamentau ; Costo, secrétari de la Soucieta dis art e sciènci de Carcassouno.

Li 160 taulejaire se plaçon pièi à l'agrat de si simpatlo, e n'en ci-taren que li principau:

Li felibre Carlier, Eymar, F. Troubat, J. Fournel, Combalaç-Roche, Soulet, Amouretti, Felician Court, Raticer, cabiscòu de l'Escolo de Jansemin; Paul Sol, Junior Sans, felen dòu majourau, Marius André, Salières, lou felibre dòu craioun e soun fléu; Rouquet, de la Revisto miejournalo; P. Redonnel, C. de Carbonnières, Pau Gourdou, Adam Peyrusse, Moneger, F. de Barouncèlli-Javoun, A. Sarraut, Dargens; Gairaud-Deloupy, Philibert, Gardien, Thoné, espetour d'acadèmi; de Teule, Dat de St-Foule, Fagot, Baquié Fossand, Louis Vergnes, Alcido Blavet, Sirven, direitour dòu *Gril*, de Toulouso; de noumbrous conseïé municipau, Antounin Maffre, Serviere, Prousper l'Estiéu.

Lou menut prenié pèr l'iue :

Apetissadisses: Rabets, burre, salcissots. — Peich : *Saumou audenc.* — Intrados : *Rable de biòu de la Camargo amé de trufos de las Cevenos, Galantino de pincardos dau Lauragués, Cambajou de la mountagno-negro.* — Roustit : *pióulets agoustencs as cressillous de Maurousa.* — Leguns : *Espargouls de las ortos de Carcassouno.* — Gourmandiges : — *Bèllis ananas d'Africo, Dessèrts assourtits, Bi de Roussilhoun,* d'aquel que rumo las ci-lhos; *Blanqueto de Limous.*

A la desservo, Mistral entouno la *Coupo santo*, e l'inne de la cou-munioun frairenalo restountis dins l'antico salo di chivalié, e lou capoulié s'aubouro, e meno Na Filadelsò vers lou buste de F. Mistral, e Na Filadelsò courouno lou front dòu grand mèstre is aplaudimen de tóuti e dins lou resclantimen d'uno trounadisso de bouito que dison is ecò d'aquéli vièii parel la glòri de neste mèstre en tóuti. E tóuti eridon : Vivo Mistral ! e Mistral, plourant de bonur, countùnio l'inne d'amour e de fraternita.

Alor lou capoulié En F. Gras, superbamen, traïs sa dicho :

De ma vido e de mi jour aurai plus lou cor estrementi pèr uno emoucioun tant fort e peréu tant douço qu'aquoelo d'aqueste mou-men.

Es-ti bèn verai ço que veson mis iue ? ço qu'auson mis auriho ? ço que paupon mi man ? ço que trepon mi pèd ?

S'es verai, lou Diéu bon es emé nautre. Glourifiquen-lou, éu lou suprême, lou juste, lou fort, lou bon, que nous a fa triounfa de l'es-

perit sourne, traite e malin ; car noun es un pantaiço que vese, co qu'ause, çò que paupe, çò que trepeje ! Es bèn verai que mis iue veson lis ome de la terro miejournalo, de Lengadò, de Prouvènço, d'Aquitàni, bèu e fort, la man dins la man, emé lou meme espèr au cor, li vese s'abéura à la Coupo felibrenco, à la Coupo santo e versanto dóu vin pur de nòsti revindicacioun naciounalo.

Es bèn verai que mis auriho auson lou saramen que fasèn d'apara n'ostò bello lengo d'O, elo l'espressioun de n'ostò amo, elo la formo de n'ostò pensado, elo la forçò de neste amour, elo la coundorsò de n'ostò fe, elo lou couteu de n'ostò iro, elo l'espaso de neste patriou-tisme !

Es bèn verai que mi man paupon li paret de la ciéuta glouriouso, li péiro de la Porto-Narbouneso, d'aquelo salo di Chivalié ounte, i'a siès siècle, lou viscomte de Beziés cridavo : *Toloza, Provensal* qu'acò voulié dire : Lumiero ! Liberta ! contro li crid de Mountfort ! Mountfort ! qu'acò voulié dire : infér ! esclavitudo !

Es bèn verai que mi pèd trepejon la bello, la santo, la martiro, la roujo terro albigeso ; terro arousado dóu sang, terro endrudido dis os de nòsti paire que mouriguèron pèr sa fe e pèr la Patrio, souto la destrau de la guerro o dins lou fiò de l'Enquisicioun.

Pamens acò noun es encaro lou « Revenge de Muret. »

Lou grand patrioto cahoursin qu'amavo éu tambèn la pichoto Patrio en gardant au cor lou culte de la grando, l'avié bessai prounouncia un pau en galejado, un pau en gascounado, aquéu mot de « Revenge de Muret. » Mai éu qu'avié l'amo generouso e vesié dins l'aveni lou bonur de l'Umanita pèr lou biais d'cu Dre e de la Justico, éu sabié que lou Revenge de Muret, un revenge pacifique, èro degu, èro necite à n'ostò raço, coume es degu, coume es necite à n'ostò Patrio, lou terrible, l'implacable revenge que sabès !...

E se i'ero encaro lou grand patrioto cahoursin, se l'esperit malin noun l'avié degoula avans-ouro, éu l'afama de Justico, éu lou poulití clar-vesent, sarié vengu à neste endavans e nous l'aurié óufert aquéu revenge pacifique, en durbissent grandasso à n'ostò lengo d'O li porto de l'Escolo dóu païsan, en ié pourgènt la cadiero de l'Universita, en ié rendènt soun dre de viéure au soulèu à l'ounour dóu monde e de dire O davans la lèi e davans lou drapèu !

E sarié-ti pas bèu de vèire lis dos sourreto, aquelo d'O em'aquelo d'Oil, se tenènt pèr là man e s'enantan ensèn à l'escolo, empourlant la gousteto dins lou meme gourbelin ?

E vous cresès que sarié mens proufitable e mens necite d'esplica i jouvènt di nàutis escolo, Mirèio, lou cap d'obro prouvençau, que lis obro mai o mens bello que nous vènon di païs dis ourso e di coun-glas?

Cresès-ti que noun sarà bèn planta, e noun ié floutara long-tèms lou drapèu di tres coulour que nòsti pichot levènti brun pourtaran à la bono raro au cri prouvençau : Zóu ! zóu !

Lou jour vèn e la nuie vai.

Noste bon dre se mostro bastant. Nòsti revendicacioun soun recouneigudo franco de rancuro mesquino, se saup que sian empura pèr lou plus naut e lou plus pur patrioutisme. La provo n'en sarié dins aqueste acamp : tòuti li cor baton à l'unissoun, tòuti li bouco dison la memo paraulo, tòuti li front an la memo pensado ; e pamens dins li causo de la poulitico di partit, dins li causo de la religioun, chascun gardo soun independènci assouludo pèr sis óuplinioun e pèr si crèire ; desem-pièi lou rouge encre dóu soucialisto revoulucionari enjusquo à la blancour de l'ile reiau, en passant pèr lou blu de nòsti flour de prouvençalo, tòuti li coulour de l'arc-de-sedo, simbole de la calamo, soun eici representado. E pamens, lou redise, es d'uno voues unenco e sènso mesacord qu'entounan neste sublime Cant de la Coupo e nostro gaio cansoun « Sian tout d'ami, sian tout de fraire ; » es emé lou meme afougamen, es emé la memo fam que cridon nòsti cor, que nòsti man s'aubouron vers aquéu pan de justïço, aquéu bèu pan sabourous que vuei barbelan, mai que deman segur averaren ; e nous n'abariren, e n'abariren nòstis enfant e nòsti felen, e se n'en manjara dins la famiho miejournalo jusquo à la fin di generacioun.

Alor soulamen diren que l'ouro a pica.

Alor aubouraren l'autar de la Vitòri, e dins lou tabernacle estremaren coume un relicte la bono pèiro, la bello queirado, lou caiau sacra que piquè Mounfort entre li dos parpello e l'esclapè lou front ! E sus aquéu reliete, sus la bono pèiro, sus la bello queirado, sus lou caiau sacra, pausaren esbriaudanto la Coupo felibreno, car alor l'auren es-coula lou vin pur de nòsti revendicacioun naciounal !

Es Na Filadelfò que bèu pièi à la Coupo e que, divesso, bresihò un inne suau au mèstre di mèstre.

Marius André dis la *Pirenenco*, e Achilo Mir pren la coupo e brindo à Na Filadelfò, à Gras e à Mistral, e acabo coume eicò :

O tourre, qu'al r  i Charle-Magno
Pagu  res tas salutacius,
Tourno b  i l'acata, sans cagno,
Dabant Mistral qu'es nostre Diua !

Alor, Mistral s'aubouro e en uno charradisso magnifico r    nd un   umage superbe au vi  i majourau de Carcassouno, escudelo soun obro, soun tal  t, sa voio, e au noum de sa vilo, au noum di Felibre,   istris    Mir un album resplend  t ounte cadun a marca em   soun cor, lou testimoni de soun amiracioun e de soun amistan   p  r lou pou  to poupopl  ri, p  r lou Roumanille de l'Audo, qu'a tant fa p  r sauva la lengo, e que la bello r    ssido de l'Escolo audenco i'es degudo p  r la majo part.

Touto l'assemblado s'aubouro e fai uno bello ouvacioun    Mir que, tout en plourant, se tra  s dins li bras de Mistral.

Noste sendi, En Marius Girard, a manda uno despacho    G. Jourdanne, e aquest n'en douno couneiss  n  o    la taulado :

Sant-Roumi  , 11 de mai 1893.

« La r  ino d  ou Felibrige e lou sendi de Prouv  n  o mandon    la Municipalita de Carcassouno em'    totti li felibre e felibresso acampa    vuei dins la salo di tourre narbouneso, p  r b  ure    la Coupo sancto, l'  umage de si sentimen courau.

« Vivo Lengadd ! Vivo Prouv  n  o !

MARIUS GIRARD. »

Brindon pi   A. Glaize au pople carcassoun  s ; C. de Carbonni  res, au bonur de fraternisa 'm   li coumpa  n en Sto-Estello ; lou fas  ire de telo, Junior Sans,    l'enavans di jouve ; Perhosc   -n-Aguste Four  s ; Louis Vergnes legis uno declaracioun de Savi   de Ricard ; Frederi Amouretti b  u    Rougi   lou Trencav  u ; Court    la mem  ri de dou  o dono Dulciorella, la mou  e de S. de Ricard ; Arnavielle    l'Escolo audenco, emai is escultaire Guilh  n e Labatut, autour d  ou buste de Mistral, e i'apound un g    t gramaci    la Municipalita carcassoun  s emai    M. Maure, ajout au Maire ; aquest i   respond en bev  ent au Felibrige ; Jourdanne brindo    l'amistouso vengudo di Felibre ; Pau Gourdou, lou val  t cabiscou de l'Escolo audenco brindo coume eic   :

Illustres capouli  s,

Es amb   bounur que, t  utis aici, bous ab  n bist aqueste an pourta la Coupo Santo b  s l'illustro ci  utat de Carcas. Ac   nous rebiscoulo e nous enauro, e ai pleno fisan   qu'apr  s qu'auren begut

L'estrambord
E l'enavans di fort.

forço mai balents, forço mai arderous es sarens pèr defendre la lengo e toutos las otros rebendicacius de la raço. Bei, à trabets aquel trelus d'albo naissent qu'amount clarejo dins nostre cel azurenc, Sto-Estello fara plaure sus nostros terros la flour risarello de las perbencos ambé la mellico das entousiasmes superbes. E d'aro-en-la, la meissoun qu'ero espigado, sara encaro mai granado, e de tout caire e cantous de nostre luminous païs, tótis aquélis que dins lou pitre gardoun l'amour dal terraire e de sa musicarello parladuro, tótis d'un même envanc se ramblaran, ardits e fiêrs, à nostre entour, souto l'asflat de bostre noum e de bostro glòrio, o grand Mistral, bous, le subre-capoulié, souto la lusour de la renoumado qu'adeja bous flatejo, o bous ! l'arderous cantaire de *Toloza*, aquelo epoupeio qu'a dit tant superbamen las plagos que nòstris cors ne sannoun encaro.

E gàr' aqui perqué nausse la coupo en ounou de Mistral e de Gras, e en glòrio de la patrio miejournalo que, bci, per elo, es un jour de triounfle !...

Brindon pièi Antounin Guerre, Dantoun Cazelles, Ipoulito Messine, Moneger, Pau Redonnel, Achilo Rouquet, Prousper l'Estieu, Soulet, Ratier, Maffre, Gil, etc., e la despacho de l'Escola de la Mar dis :

Felibre, à vautre, uni d'esperit e de cor,
Li Maren, qu'un devé despietous enpestello,
Eici brindon galoi e d'un couman acord
1 nouvèu majourau, à Mir, à Sto-Estello !

e aquéli de la Soucieta di Felibre de Paris, di Catalan, dòu Counsistori di Jo Flourau de Barcilouno, di Cantaire dau Clapas, de Bastido de Clauzel, de l'Escola limousino, di majourau Marsal e Laurés, e que sabe ieu mai.

E noun poudèn miés faire que de claire la tiero d'aquelei desbord enaura pèr lou *Brindegaloi* dòu nouvèu majourau En A. Mouzin, que sara la flour d'aquelei garbeto óudourouso.

I avié douz rèi, qu'un èro de Paris,
L'autre de-z-Ais, tóuti douz lou péu gris
E l'èr madur, mai encaro au bon age.
Pèr rejouini, fasien pelerinage
Alin de-vers Nosto-Damo d'Embrun.

'Quéu de Paris, lou cor plen d'amarun
 E forço oumbren, nas pounchu, gauto blavo,
 Meme en Prouvènço à degun se fisavo.
 S'un brave Aupen i'oufrissié soun vin clar,
 Disié de noun ; avié-li set d'asard,
 Un siéu varlet ié vuejavo dos gouto
 D'un vin dóu nord escausa pèr la routo.
 Quouro venien li chato is iue galant
 Ié presenta si bouquet d'ile blanc,
 O, cregnissié quauco pouisoun dessouto ;
 Li repassavo à-n-uno de sa court
 Que tenié rèng de princesso d'amour,
 E, paure d'éu, — segound lou vènt la velo, —
 Di franc poutoun n'avié que l'oumbro em' elo.
 Ero soun goust, sa lèi, pèr tout endré,
 De béure caud e de poutouna fre.
 'Mé soun capèu tout clasí de medaio,
 Vers Nosto-Damo ansin ménè sa draio,
 N'en rapourtè que la mort à si braio.
 Tout esceranca, tout vièi, tenié plus dre.

Lou rèi de-z-Ais, éu, simple e bon dins l'amo,
 Pleno favour aguè de Nosto-Damo.
 Rèi benesi, voulié que joio e pas ;
 D'arquié, d'espion, noun geinavo si pas,
 Car, pièi, s'enraumo aquéu que trop s'acato.
 De tóuti gènt pensavo pas tant mau ;
 Avié pres flour e brassado di chato,
 Avié brinda tout de-long is oustau,
 En lengo d'O rimè sa lèi que trato
 D'estre galoi pèr coumplaire amoundaut ;
 E, bèu proumié, l'istòri nous lou mostro
 Que bevié fre, que poutounavo caud.

Mi fraire, la lèi d'O toustèms siegue la nostro.

Em'acò, sus la fin de la felibrejado, li *Segaires* vènon douna uno
 aubado à Mistral e à Gras ; e tout en ié desgrunant si couplet, ié pour-
 gisson de bouquet ; au pople, qu'à boudre avié enyahli li castro au
 moumen di brinde, la musico Sto-Cecilo ié jogo si moussèu requist

d'enterin que li Felibre clavon sesiho pèr faire uno escourregudo dins la ciéutat e pèr ana tourna-mai felibreja au ciéucle di Founciounàri.

La fèsto se devié clava pèr uno representacioun au teatre. Se devié jouga *Mirèio* emé Mllo Vaillant-Couturier, de l'Opera-Coumique.

Mai, avans la representacioun, à vuech ouro de vèspre, se douno uno fèsto literari que n'en citaren que la partido prouvençalo : mèste Prax, que dis tant bèn lis obro de Mir, a debita lou *Marialge per escrit*, d'aquéu felibre, e tout l'auditòri s'es esclasa dóu rire d'ausi tant flame diséire. Nouvè Cadeau a declama uno pastouralo lengadoucia-nó : *Lou poutou*.

E pièi s'es jouga *Mirèio* ; en seguido, Mmo Vaillant-Couturier e M. Bellordre canton la cansoun de *Magali* en prouvençau, e quand lou dialogo beluguejant s'acabo, dono Vaillant-Couturier legis un sounet de Rouquet, qu'es uno perlo, e courouno lou buste de Mistral is aclamacioun entousiasto de la salo, que dirias que s'esbarboulo ; es uno ferneslo coume jamai se n'es visto e se n'en veira, es un fernimen superbe, un delire, sobre-tout quand li felibre mounton sus la sceno e trason de flour sus lou buste de Mistral.

« Bravò, bravò ! Vivo Mistral ! » cridon tòuti.

Vivo Mistral ! crido lou pople sòu que s'esquicho davans lou teatre pèr aclama li felibre à la sourtido.

E nautre, qu'acò nous esmòu jusqu'au souns de l'amo, après d'agué paga lou dèute degu à Gastoun Jourdanne, à-n-Achilo Rouquet, à-n-Achilo Mir e à Pau Gourdou, que tant valentamen se soun bouta à l'obro pèr la bello manifestacioun felibreno que venèn de counta, e qu'an fa, se pòu dire, de miracle pèr la rèndre flòri, cridaren peréu :

« Vivo Mistral ! e vivo Prouvènço longo-mai ! »

JAN MONNÉ

DISCOURS DÓU MAJOURAU EN A. ARNAVIELLE
A LA SESIHO COUNSISTOURIALO DE CARCASSOUNO

Moun car Valèri Bernard,
Mesdamos,
Messiés e gais Counfraires,

De dre, reveniè pas à ieu de benastruga, dins aqueste acamp soulenne lou felibre d'elèi que lou Counsistòri a causi pèr la Cigalo d'or dau regreta majourau En Ansos Michèu. Es En Achile Mir, lou grand majourau carcassés, que devié prene la paraulo en toun ounou, moun bèu recipiendàri. Ai ! las ! un mau despietous nous a gara la joio qu'aurian agu de l'ausi, e, paure de ieu, càrga au darriè moumen per noste aima Capouliè, qu'a vougu qu'un coulègo lengadoucian aici parlesse, carga de ramplaça lou mèstre poudorous qu'a bousa la vouès restountisso de Jan-Francés, (1) coussi ma vouès mistoulino pourra se n'en tira ? subre-tout qu'arribe après lous tres majouraus tant bèn emparaulats que venès d'aplaudi.

Pamens nous espauruguen pas trop : Marseio es aici embé Mount-Peliè, e lou « fen de brut » marseiés nous sourtira d'afaire ; e estent pièi que, dins noste Gai-Sabé, un discours de majourau n'a pas besoun d'estre academic, me vejaqui rassegura d'à-founs.

Ben mièl qu'hou pourriè faire ieu, moun brave majourau, as di quau èro Ansos Michèu, lou tendre pouèto, l'escriván saberu, lou felibre devot, afouga e valènt, que t'a passa sa Cigalo d'or. Osco, qu'èro un felibre felibrejant jusqu'à la mesoulo das osses, jusqu'au bout das oun-glos ! Ah ! si, moun car Valèri Bernard, que toun pitre es bèn digne de recassa la bestiolo aludo que dempièi lous premiès jours dau Felibrige fasiè vibra entre Rose e Var, fasiè vibra, pèr l'amour dau païs, sas cansous fortos e reviudarellos ! Car, o Valèri Bernard, soun-ti pas també coumo uno vibraciéu de noste sòu, aquelos « Balado d'aram » que nous larguères dins ta primo jouvenço ? Dau premié cop, veguèn

(1) Persounage renouma dau LUTRIN DE LADER, de Mir.

en tu uno de nostos espèros felibrencos. E d'abord que la bono astrado m'a reserva lou gau de l'aculi dins noste Counsistòri, me sara permés de remembra que, i'a dès an, quouro me mandèges toun obro enau-ranto, te respoundeguère d'ausido per un salut que te ié disiè :

Brave, brave per toun fièr libre,
Qu'es un bœu maubre de Paros
De mounte gisolo toun vers libre !
Dau sòu, s'es ramassa lou tros
De l'espaso que sour calibre
Peso ren as mans d'un eros,
Zou, lucharen dins l'endoulibre !
Zou, venoiren, valent felibre !

E perqué dounc te parlave ansin, moun gai coumpan ? Es que dins tous vers d'artisto avièti senti courre lou fernimen patriouti que nous disiè :

Latin, moun cor desesperavo,
Mai l'espèr l'empligüe subran,
Car l'aveni se desvelavo :
Bén leu lei germe greiaran !

Es que dins tous vers de patrioto ié trelusis lou rebat de la flamo caudo, vivo e acoulourido qu'ilumino tous tablèu, o pintre-felibre !

L'art e la patrio, aqui çò que salute en tu, aqui lou double ideal dau felibre ! Aquelos dos causos podoun pas ana l'uno senso l'autro.

Acò s'es dich e es toujour l'ouro d'hou redire : dequé deviendriè noste art felibren se, lou patrioutisme escanti, nosto lengo toumbavo en frun ? Dequé n'en sarié de *Mirèio*, de la *Vénus d'Arles* e das *Grilbs*, se, foro-bandido d'à-sous de las escolos, nostes enfants savièu plus parla deman nosto lengo ? La lengo dau pople passo meme, sou m'es avis, davans touto formo de l'art, car es elo l'espressiù coumplète de l'amo d'aquel pople.

Aqui perqué noste Estatut nous dis : « Lou Felibrige es establi pèr afreira lis ome (leis ome, lous omes) qu'emé sis obro sauvon la lengo di païs d'O. » E pièi fau dounc pas s'estouna se, à coustat das omes que per la liro e lou sabé, boutoun en glòrio la lengo dau Miejour, n'i'ague d'autres que sa toco particulieiro, oustinado, acarnassido siègue de para as mejans que i'a d'empacha l'abourimen de la lengo. La lengo dau païsan.— qu'es el que nous l'apren, à nautres Felibres, — la lengo maire, n'avès-ti jamai tressali d'endignaciù en veguent la guerro demasiado, coumo hou mandavo hièr Frederi Mistral as Maintenières de Barcelouno, que ié fan de toutes lous biais?... Voulès-ti laissa serma dins nosto bouco lou verbe sant, lou verbe de la raço ?

Nàni ! L'acamp patriouti de iuèi reviéudo nostos espèros e afourtis nos-
tes courages ! Valèri Bernard, as di :

Bèn lèu lei germe greiaran !

Poudèn dire també :

Greiaran e regreiaran !

Nàni, la raço toumbara pas ! se mantendra toujour la raço de la lu-
mièiro e dau bèu, la raço artisto, ounou e glòrio de nостo Franço vi-
vificado !

Lou capoulié Félis Gras a di, dins soun admirabio epoupèio de *Toloça*,
en parlant de Carcassouno :

Gardant la porto soubeirano
I'a 'ncaro aquí, 'mé sis engano,
Un castèu fort enclaus .. Lou Nord pôu davala !

Esperan que sara plus un crid de guerro antau que faren ausi. Gra-
mecis à l'espandimen dau Felibrige, la lumière se fai dins las inteli-
gèncos sus las idèios que voulèn faire triounfla pacificamen. Lous pre-
mies omes dau nouvelun miejournen vesou s'apreissa autour d'eles, en
rengs de mai en mai noumbrouses, lous jouvents de las nouvellos
generaciéus que l'Estello das sèt rais atrio. Moun bèu Valèri Bernard,
sara per toun pichot ainat l'Arabi un das jours lous pus urous de sa
vida felibrenco, quel ounte a pouscu te douna l'acoulado majouralo !
E longo-mai n'en vèngue de coumo tu !

FÈSTO FELIBRENCO

COUNCOURS DE GALOUBET-TAMBOURIN
ACAMP DEI TAMBOURINAIRE
A-Z-AIS, LOU DIMENCHE 30 DE JULIET 1893

Es à l'affat dóu Municipi que l'Escolo felibrenco de Lar acampo à-z-
Ais la Mantenènço de Prouvènço e lei galois estrumentistò dóu païs.

Lei Soucieta musicalo de la vilo : couralo Santo-Cecilo, Filarmouni-
co, Mandoulino-Reneissènço, Touristo, faran galanto plego au festenau.
E vès-eici, Prouvençau, Lengadoucian, nouesto dicho :

A nou ouro e miejo :

Fourmacien dóu courtègi à la garo ; pièi, recepcien, à la Coumuno, dei Felibre e Tambourinaire, e vin d'ounour.

A younge ouro :

Oumàgi au cabiscòu regreta J. B. Gaut en carriero dóu Pouent ; peréu, acamp dei Tambourinaire au jardin Rambot : prèmi argènt tintin, ei menestrié li adusènt de jouinei toucaire.

A miejour :

Felibrejado (pèr souscricien) au jardin de la Sextia (oste dóu Nord) soutu la presidènci de la graciouso rèino e dóu capoulié En Fèllis Gras, emé l'assessour de Prouvènço En Frederi Mistral e lou sendi En Marius Girard.

A doues ouro :

Councours de Galoubet-Tambourin au kiosque de la Retoundo.

A quatre ouro :

Sesiho literari publico dins la court d'ounour dóu Liceu : Raport francés e prouvençau ; destribucien dei joio de tóutei lei councours ; Jo Flourau de la Mantenènço ; Cantadisso pèr la couralo Santo Cecilo, em'acoumpagnamen de la Filarmounico, pouësié sestiano de Roman, musico de G. Borel.

Em'acò, de caire e d'autre, danso naciounalo, èr pouplàri, cant prouvençau.

A set ouro :

Soupado dei Tambourinaire à l'Edèn-Coucert : *Marcho*, de Cabassòu, *Rovèi*, dóu mestre Michèu, dous vièti Cadet d'Ais.

A quech ouro e miejo :

A la Marrouedo, la musico dóu regimen fara ausi la grand mousaïco : *Ecò de Prouvènço* e la farandoulo de l'ancian chèfe Borel.

E vivo, vivo Prouvènço !

CASAU

DRAMO ISTOURI PÈR EN JAN MONNÉ

Tiran de l'Aïoli aquest comte-rendu :

S'èro de prouva, après li proumié mestre dóu Felibrige, qu'es, lou prouvençau, uno noblo lengo, digno de la bouco di chivalié e dis eros, memé au tiatre, veici Jan Monné que claramen nous lou mous-

trarié. Li vers large, dindant, nervihous noun defauton à soun dramo de Casau. Au countràri.

Falié de pouëslo mai-que-mai pèr un tau sujet, d'uno bello audaci. Nous an talamen acoustuma à plaça Enri IV dóu coustat di personage simpati ! Eici, es l'enemi. Marsiho, liguejarello e republicano, noun vòu lou recounèisse, après lou resto de la Franço ; Marsiho vau mai qu'uno messo.

Dins aquéu cadre istouri, Jan Monné treno uno acioun qu'en elo tèn, segur, tóuti lis elemen d'un bèu dramo.

Es d'abord encò de Casau : dins lou gabinet d'aqueu conse de Marsiho, quauqui membre dóu Counsèu de vilo tènon sesiho em'eu. Deja entre-vesèn la trahisoun de Dóuprat, lou secretari ; déjà s'espandis ourguiousamen lou caratère de Casau, que dis d'eu-même :

Lou pople es pèr Casau e pèr la Republico..
Proumesso de Casau vau parauio de rèi.

E quouro parlo dis àtri conse, si davancié :

Lis àtri èron pas d'ome e Casau es trop grand.

Aguènt talo coundianç en éu, dèu, pulèu que de ceda au rèi de Franço, poussa li causo à noun plus, jusquo à lalianço emé lis Espagnòu de Felip II. E quand soun fiéu Fabiéu se declaro amourous de la gènto Isabèu d'Ouresoun, nado dins lou partit dóu rèi ; e quand sa fiho Faneto refuso d'espousa Baioun de Libertat, capitani marsihés, nous dis proun aut qu'embrisara tout souto sa voulonta.

Ansin se devigno bèn liga lou dramo ; ansin se devigno pivela l'espectator.

Au segound ate, dins la Lojo, oustau coumunau, l'interès grandis encaro.

Es Fabiéu que renounço à soun amour pèr se liéura tout en plen à la Causo ; es, d'un autre las, Libertat que, rebuta pèr Faneto e tenta pèr Dóuprat, se reviro en secret contre Casau.

Lou complot pren cors, — belèu un pau loungamen, — à l'ate tresen, dins la bastido de Dóuprat. N'en a que souvetarien, à-n-aquéu rode, uno diversiou i dialogue pouligi, d'aiours toujour calourènt e vibrant e digne de Monné. La fugidiso aparicioun d'Isabèu li copo un instant ; souspren li proujet di traite contro Casau, e pèr consequènt contro Fabiéu qu'amo. Es de prevèire que desvelara tout.

Bèu decor à l'ate quatren. La plaço de la Majour, ounte d'oubrié alestisson un trone em' un pàli e pauson de draparié mita coulour d'Espagno e coulour de Marsiho. Lalianço emé l'estrangié estènt causo

facho, se festejo l'arribado di veissèu vengu de Barcilouno ; Fabiéu, nouma chivalié de Sant Vitou, arribo em' uno brihanto seguido. Noun mens esbrihaudanto soun li tirado dóu Viguié de Marsiho :

Amo de la nacioun, soubeirano clarta
Que pivelles li Pople, o santo Liberta !

E de Baioun de Libertat, jalous :

Lou tron que giolara di turtau de l'aurasso
Dins soun ire, di traite engrunara la raço !

E de Casau, enfin :

Alestissès de flour, que la Patrio amado
Tre deman lusira, de triounfie enramado !

Es un desboundamen de vers trelusent que s'armounison emé li tencho dis estofo, lou beluguejamen dis armo, l'ensouleiado di muraio e di cervèu. Se lou dramo s'alongo un pau, au mitan d'aquelo poumpo miejournalo, vous n'avisas pas trop e vous leissas bressa coumo souto l'esplendour dis après-miejour estiven, au brounzinamen di cigalo.

Dóu rèsto, l'acioun n'en es que miés marcado à l'ate seguënt, lou darrié, sus la plaço de la Lojo. Fabiéu, aqui, a 'no scèno ardènto em' Isabèu, soun amigo, qu'acuso d'abord e que pièi adoro ; aqui, Isabèu denounço lou complot, — pas proun lestamen, à moun vejaire, mai en vers charmant ; aqui, Faneto descato à soun tour la trahisoun de Libertat, e Casau benesis eusèn sa chato, soun fiéu e sa noro... Mai es l'ouro suprèmo, l'armado reialo arribo ; Marsiho vai ceda.

Lou desnousamen es bèn mena :

LIBERTAT.

Vuei, que de nosto causo a souna la desbrando.
Pér elo, fér lioun que ja furour abrando,
Landarai..

CASAU terrible, se jitant sus Libertat.

.. Traite ! Assassin !

Es lou bèn que t'ai fa que me pagues ansin !
A toun cor renegaire arrancarai la vido.

LIBERTAT, feroun, luchant.

Li flour d'alís tènon moun amo esbalauvido.

CASAU, desarma.

Traite !

LIBERTAT.

Dins voste sang, ieu li vole enserta.

[Ié tanco soun armo dins lou pitre].

FABIÉU, ISABÉU, FANETO, soustenènt Casau.

Paire !

LIBERTAT, toucant lou cors de gardo.

Vivo lou Rèi !

CASAU s'aubourro e crido :

Vivo la Liberta !

L'on n'auso pas dire à Jan Monné que, se si persounage s'agiton forço, parlon autant, car parlon tant bèn !

N'en finirian plus à vougué cita li passage ounte l'ispiracioun pouëtico dóu mèstre felibre se douno vanc em'uno infinido richesso.

Vaqui, finalamen, un dramo puissant, mouvementa, que marcara dins lou tiatre felibren e qu'anarian voulountié aplaudi, se Marsiho, pèr un tèms, cessavo de se prouvesi en espetacle amoundaut à Paris.

La traducioun en vers francés, prouen fidèlo, noun poudié avé la sabour dóu tèste, mau-grat noumbre de prouvençalisme, sèns doute vougu ; es dóu bon felibre Marius Cognat. *L'Aïoli* preferirié, acò 's tout clar, uno representacioun en lengo de la terro, e, aquéu vèspre, que de tirado à ouvacioun, o bèn-parlant Monné !

A. MOUZIN.

E veici, sus lou même prepaus, la letro mandado à l'autour pèr lou mèstre En Frederi Mistral :

Maiano, 11 de jun 1893.

Moun bon ami,

T'ai pas remercia encaro de *Casau*, toun valènt dramo prouvençau en 5 ate, mai ai fa, coume asvist, miés qu'acò, en l'aguènt coumuni-ca tout-d'un-tèms au majourau Mouzin, pèr que n'en faguèsse, emé la coumpetènci qu'a, l'eicelènt comte-rendu qu'as legi dins *l'Aïoli*. Uno obro prouvençalo dramatiko, quènti que siegon si defaut, (quau n'a pas li siéu !) s'amerito toujour aplaudimen e simpatio, en coun-consideracioun di dificulta de touto meno qu'entravon soun eisecucioun au tiatre. La tiéuno, pèr la fogo que i'as tracho tout-de-long, pèr l'estudi qu'as fa d'uno epoco istourico ounte vibro e se debat la na-циonalita de Prouvènço, pèr l'esclat de lengage qu'as mes en boueo de countùni à ti persounage bèn viéu, es digno dóu respèt e de la gratitudo de lóuti aquéli que desiron l'enantimen dóu tiatre prouvençau e felibren.

Te felicite afeciouna,

F. MISTRAL.



LI NOVO FELIBRENCO

PROUVÈNÇO

— Lou 18 de jun, la Soucieta felibrenco de Paris a celebra sa fèsto à Scèus, souto la presidènci dòu celèbre academician Francés Coppée.

A dous ouro, lou trin felibren es arriba à Scèus : sòci e ami dòu Miejour, mena pèr lou valènt souto-presidènt Jan Bayol, èron reçau pu pèr la Municipalita. Un grand dòu avié retengu à Paris lou majourau ama Sextius Michel.

Lou courtege, musico, fansaro, poumpié e Soucieta loucalo, s'es adraia comue à l'acoustumado vers l'oustaü de Florian. Après quau-qui paraulo enaurado dòu presidènt, tóuti se soun vengu rambla dins lou pichol jardinet de la gleiso de Scèus, à l'entour di buste de Florian e d'Aubanel, ounte s'es declama la flamejanto pouëslo courounello de Roux-Servine ; après lou courounamen di buste, à tres ouro, dins la bello salo de l'oustaü coumunau, s'es dubert la sesiho literàri di Jo Flourau.

M. Charaire, maire de Scèus, fai la bèn-vengudo à sis oste, Bayol ié respond poulidamen e douno la paraulo à-n-En-Francés Coppée, qu'en un discours superbe parlo dòu Miejour e dòu Felibrige emé l'amo d'un vertadié felibre.

E. Fourès fai pièti lou rapport dòu councours literàri francés ; Enri Ner, en prouvençau, presènto em'un gàubi tria li flour culido dins lis orto miejournalo, e soun bouquet sènt bon qu'embaumo e reviscoulo nòsti cor.

D'enterin que se debano la sesiho literàri, naute anan desgruna lou galant paumarés :

1. — *Estudi sus Roumanille.* Mencioune à Louis de Bacher, à Cano.

Lou mes d'abrieu, sounet : Proumié pres à Roux-Servine, segound (ex-æquo) à Prouspèr l'Estieu, Pau Roman, Daynia, L. Vidal, Poydenot ; tresen pres (ex-æquo) à P. Cheilan, Autheinan, Oddo, E. Leng ; quatren pres (ex-æquo) à T. Seguier e Alban Vergne.

Proumiero menciou (ex-æquo) à Vinceneto, Marc Rigal, Bertrand, Bonnaud ; segoundo menciou (ex-æquo) à Troubat, Amalbert, Dumas fiéu, Marqués ; tresenco menciou (ex-æquo) à Artozoul, Jallois, Contier, Bard e Girard.

Nouvello en prosò : *la Voto*. — Premié pres à Maritan, segound à Carle Martin ; tresen à Maurise Joret ; proumiero menciou à Mourou e segoundo à Constant.

Traduciou d'un tros dòu Rouman de Flamenca. (siècle XIII^a) — Premié pres (ex-æquo) à Roman e Pigot ; proumiero menciou à J. Bruel e segoundo à M. Bruel.

II. — *Councours classique* — A *Traduciou d'un tros di Geourgico*. Menciou à Leoun Martin.

B. — *Traduciou de la fin dòu rouman de Florian*. (Estelle) Premié pres à Cardon, d'Arle ; segound (ex-æquo) à Millo Perbosc, de Laguepio, em'à Clamour e Blanc, d'Arle.

III. — *Poussio franceso. Aubanel e Florian* : Premié pres à Roux-Servine ; proumiero menciou à Grillet e segundo à Lescure.

IV. — *Councours artistique*. — *Tipe dòu marchand de pèu de lapin*. Proumiero menciou à Coulet, segoundo à Arnavielle.

Musico. — *La mort del loup* : Segound pres à M. Gavaudan.

Em'acò la festo se clavo en uno resplendènto Court d'Amour dins lou pargue de Scèus, un grand banquet à la Coumuno e uno farandoulo es-petaclouso au son dòu tambourin.

— Quàuqui journau avien anóuncia que la Soucieta felibrenco de Paris e li Cigalié, devien faire soun escourregudo avoustenco aquest an, dins noste Miejour. Es uno errorr, es qu'en 1894 que tourna-mai nous vendran vèire e que brindaran emé nautre en ounour de Prouvènço.

— Lou felibre mantenenère Hélis Lescure a gagna lou pres de la prosò franceso (100 fr.) au councours mesadié de *l'Echo de Paris*, pèr sa pèço : *la Ballade de la petite invitée*. Nòsti felicitacioun.

— Lou flame libre : *Letteratura provençale*, qu'Em. Portal vèn de faire estampa pèr la glòri dòu Felibrige, vai èstre revira en francés, e sian segur que fara flòri dins sa nouvello vestiduro.

— Un gènt proupretari d'un restaurant que s'atrovo au Valoun dis Aufo, long dòu camin de Cournicho, de Marsiho, a fa pinta sus sa porto aquest rampèu en nosto lengo :

• Encò de Muratore •

La Sartau si legisse eicito,
Es elo que charmo lou sito ;
Zou ! Marsihèe, intro en cantant,
L'a bouen pèis e flamo Sartan.

— Sus lou prepaus de la nouminacioun de nouvèu majourau e même sus l'estiganço d'aquéli que se pourran prouclama dins l'aveni, quā qui journalisto s'agradon de pourgi de candidaturo au Counsistòri, sènso se demanda s'aquéli que presènton an quaque dre au majouralat felibren. Pèr èstre membre dóu counseu d'uno Soucieta, sau à tout lou mens faire partido d'aquel Soucieta. Adounc, sarié en-de-bon qu'aquéli que baton lou rampèu à l'entour d'un candidat, se demandesson d'abord s'aquéu candidat es mantenèire dóu Felibrige, e se l'es pas, es inutile que caufon lou ferre ni que crèbon soun tambour, lis Estatut dison, sènso bretouneja, « que li majourau dèvon èstre pres entre li mantenèire, » e acò, tant aquéli que buton uno candidaturo, que li membre dóu Counsistòri que n'en podon entraire quaucuno en sesiho counsistourialo, noun lou dèvon óublida. I'a proun mantenèire de valour que luchon pèr la Causo, sènso que fuguèn dins l'óubligacioun d'ana pica en porto estrangiero.

— Lou *Petit iypo marseillais*, numerò VI, 21 de mai 1893, douno lou retrai de Fourtunat Chailan (1801-1840) e la biografio dóu celèbre autour dóu *Gangui*, emé cinq vers de Rimo-Saussó que dison :

Au « Gangui » d'or, trena de ta man fino e blanco,
As fa tant boueno pesco, o Chailan, que leì saut
De l'perso, en escalant lei roucas à l'assaut,
Que la mar, en cantant la canson di Calanco
Toujour diran toun noum au pople prouvençau.

Bravò, Rimo-Saussó ! Pican di man à ti vers emai à l'ounour que s'es fa au paire de noste ami lou majourau En Aufrèd Chailan.

LENGADÒ

— « L'union des Abeillistes méridionaux » duerb un councours que sara claus lou 30 de 7bre venènt, que i'a dous tèmo pèr la lengò mie-journalo : *Las flous* (Li flour), sujet que se dèu trata en trioulet, e *Pastouralo*, que cadun adoubara à soun agrat.

Uno traducioun dèu acumpagna tóuti lis obro, e li mandadis se dèvon faire à M. Arthur Castanier, secretari, à Lamalou-di-Ban (Erau).

— Lou councours que la *Mandoline* de Nimes avié dubert, s'es clava lou 30 de jun.

— Nous es mai qu'en-de-bon de recoumanda tourna-mai lou libre d'En A. Fourès, que vai parèisse à Toulouso souto lou titre de « *Obros poustumos*, del felibre majoral En Aguste Fourès, » e que tendra : 1^o La sègo ; 2^o la Muso silvèstro ; 3^o la Muso errante, que fourmaran un fort voulume de 500 pajo.

L'obro coustara 6 fr., pèr la posto 6 fr. 50 ; se mando li souscription à l'amenistracioun de *Le Gril*, 5, balouard de la Garo, à Toulouso (Auto-Garouno).

— Lou grand councours de « l'Atenèu di Troubadour, » sara claus que lou 15 de juliet, pèr ço que pretoco la lengo miejournalo. Aquéli que i'agradarié de ié prene part an que de s'adreissa à Vitou Levère, 26, alélio Lafayette, à Toulouso.

— En mandant 1 fr. 50 au direitour de la *Revue méridionale*, à Carrassouno, l'on aura lou numerò estraordinari publicant li discours prounouncia i fèsto de Carrassouno, li vers que li Felibre an escri sus l'album óufert au majourau En A. Mir, e li foutougravaduro de Mistral, de Na Filadelfò, de F. Gras, de F. de Baroncèlli, de Mouzin, de Mir, de V. Bernard, etc., etc.

— A l'oucasioun d'un congrès viticolo que s'es tengu à Mount-Pelié aquest mes de jun, la Mantenèço de Lengadò avié dubert un councours de cansoun, sus lou tèmo : *Lous vis de l'Erau*, en parla de l'Erau. Li dous premié pres soun esta d'obro d'art semoundudo pèr lou President de la Republico e pèr lou Ministre de l'Agriculturo.

— Au grand councours de cantaire que s'èro dubert à Toulouso aquest mes de mai passa, dins la tiero di Soucieta cantant en lengo dóu terraire, lous Cantaires dau Clapas, de Mount-Pelié, emé « l'Union chorale » de Mauri, dins li Pirenèu-Ourientau, an aganta la proumiero joio *ex-æquo*. Li Cantaire di *Grils*, de Toulouso, i'an fa 'no fèsto espata-clouso, e lou pople toulousen, dins sis óuvacioun, i'a moustra l'amour que porto à la lengo meiralo.

— A Frountignan (Erau) s'alestisson de gràndi fèsto en l'ounour de Micoulau Fizes, l'autour de l'*Opera de Frountignan*. A-n-aquelo oucasioun, i'aura un councours literari e un festenau ounte se cantara que de cansoun lengadouciano.

M. Bayle, coumpositour de musico à Ceto, dounara tóuti lis entre-signes vougu à-n-aquéli que ié demandaran.

CATALOUGNO

— Dins lou n° 309 de *l'Ilustració catalana*, dóu 31 de mai, s'es reprodudu, magnificamen encadra, lou retrat d'En F. Gras, capoulié dóu Felibrige.

l'a peréu dins lou meme numerò uno bello reproducioun de l'artístico coupo — nosto coupo santo — que li Catalan nous an semoun-dudo i'a tèrms. Aquelo gravaduro es seguido de la *Cansoun de la coupo* d'En F. Mistral, acoumpagnado de la mai que flamo traducioun catalano que n'a fa neste ami En Francesch Matheu.

E la *Veu de Catalunya*, que i'a dins sis escrivan un galant roudelet de prouvençalisto que nous amon freiralamen, a publica uno tiero d'article ounte desboundo l'afecioun que si cor an pèr naute e que ié rendèn emé boniur : *Lo capoulié del Felibrige a Catalunya* es un di mai marcant. La *Veu* douno, pièi, la biografio de Fèlis Gras, que Verdaguer-Callis a escricho emé sa plumo d'or. Ié legissèn tambèn *l'Endreça al Consistori dels Jocs Florals de Barcelona*, de Mistral, emé lou discours dóu Capoulié.

A PAREIGU :

En Arle, dins lou *Forum républicain*, 14, 28 mai. 4 jun, *A l'Mlo An-gelico C...* galant vers trena par E. Bouvet ; *Lou castèu de Bèu-Caire* (A. Chansroux); *Nouvelun*, fres tablèu maien d'E. Bouvet.

A Marsiho, dins *la Croix*, 14-21-28 mai e 4 jun, la seguido dis evan-gèli, revira en prouvençau pèr lou felibre L. Spariat ; *Lei galino coucbo-cbin*, galejado en proso ; *Lei man nelo e Li fiòro de Prouvènço*.

» Dins *le Dimanche* : *Cassu*, de Fèlis Lescure, *Agusto*, de P. Fronterry ; « Chinoiseries orthographiques du dialecte mar-seillais », dóu meme ; *Emmanuel Portal*, pèr Enri Ner.

En Avignoun, dins *l'Ecbo du jour* dóu 28 de mai, un article dóu fe-libre Jùli Cassini sus *Longues et brèves*, un libre de Francés Coppée, e *Voyage de M. Félix Gras à Barcelone*, signa : un felibre.

Lou Gerent : Jan Monné.

Empremarié felibrenco de Lucian Duo, 35, carriero Rousselet, à Paris.

CROUNICO

ASSEMBLADO GENERALO DE LA MANTENÈNÇO,
FESTO LARENCO, COUNCOURS DE GALOUBET-TAMBOURIN
EN VILLO D' AIS, LOU 30 DE JULIET 1893.

Li festo felibrenco ourganisado à-z-Ais pèr l'Escolo de Lar soun es-tado superbo. Un abord de pople avié courregu de tout caire e cantoun, pèr respondre au galant rampèu di cadet d'Ais. La vilo e li gènt avien un èr de festo pèr reçapre sis oste e faire ounour is ome de cor que mantènon la lengo, e aquelo musiqueto tant galoio que fai boumbi l'amo di patrioto.

A nòu ouro de vèspre, lou dissate, la pegoulado debano si revò luminous dins li carriero e sus li còus de l'anciano capitalo de Prouvènço. Es li *Touristes de l'Union* que la mestrejon, acoumpagna pèr li troumpeto-fanfarò, q:ue fan tripet-pelòri au mitan d'uno foulò espresso, que trefoulis e pico di man. Lou couss Mirabèu es tout en fiò, emai li ciéucle, Ji Soucieta e li casè. Tout es belu, cacalas e joio : se danso, se canto e se ris pertout.

La rèino, Na Mario Girard, arribo d'enterin au ciéucle musicau, ounte un councert es ourganisa; e quand s'amaison lis aclamacioun qu'aubouro sa vengudo, li cantaire entounon lou duò de *Magali* pèr ié faire ounour.

Lis ourganisaire an agu d'obro, mai, souto la direicioun majo dóu felibre Carle Martin, un coumissari d'elèi, tout acò 's esta regla em'un biais esquist.

Lou dimenche matin, lou soulèu jogo poulidamen dins li pavaioune bandiero que lou vent fai flouteja dins l'aire, mesclant li drapèu de Franço, d'Espagno e d'Itàli, que lis iue n'en soun esbarluga. Aqui, dardaio lou blasoun d'à-z-Ais, de sang e d'or, coulour d'Aragoun e de la Rèino Jano.

A la sourtido de la garo, à l'intrado de l'avengudo Vitor Hugo, un arc triounflau s'aubouro, majestous, que porto aquest salut :

MANTENÉNÇO DE PROUVÈNÇO Bèn-vengudo !

TROUBADOUR

Arnaud Daniel
Blacas-Blacasset
Bertrand de Born
Coundesso de Dio
Pèire Cardinal
Bernat de Ventadour
Pèire Vidal

FELIBRE

Teodor Aubanel
Grabié Azaïs
Antounieto de Bèu-Caire
Aguste Fourés
Pau Gaussem
Ansos Michel
Jósè Roumanille

TROUBAIRE

Belaud de la Belaudiero
Pèire Bellot
Glaude Brueys
Fourtunat Chailan
Vitour Gelu
Jaque Jasmin
Micoulau Saboly

TAMBOURINAIRE

Arnous di Peno
Buisson de Draguignan
Canàri de Malo-Mouert
Carbonel de Seloun
Imbert de Marsiho
Michel d'Ais
Pardigon de Pertus

Un autre arc de triounfle s'aubouro, superbe, à l'intrado dóu couss Mirabèu, pourtant d'un caire l'iscripciom :

LA CAPITALO DE PROUVÈNÇO EI FELIBRE E TAMBOURINAIRE

e de l'autre :

L'ESCOLO FELIBRENCO DE LAR EI MÈSTRE EN GAI-SABÉ D'ANTAN

Em'acò, à 9 ouro e miejo, dins li saloun de la garo que lou chèfe de garo avié mes gracieusamen à la dispausicioun di Felibre, lou Coumitat di festo vén, lou rire en bouco e lou cor sus la man, saluda li Felibre e sa rèino bello. Lis ami soun uroas de sarra la man is ami, e, las d'espéra li felibre majour — qu'avien douna paraulo e qu'au darrié moumen l'avien pas tengudo, — lou gènt coumissari Carle Martin douno signau, e lou courtège fai camin.

Tóuti li plaço, avengudo, couss e carriero soun cacalucha de pople. Aqui, i'a li Touristo emé sa bandiero, li jòuini e valènt tamboùrinaire de M. Lombardon, que mandon fieramen si riéu-chiéu-chiéu ; li couralo de Santo-Cecilo e de l'*Atbénée-Sextia*, li *Mandolinistes-Renaissance*, li Farandoulaire barbentanen e la musico de la Filarmounico, em'un group de belèu cinqanta Tambourinaire vengu de tout païs d'O.

Au bras dóu cabiscòu En Francés Vidal, s'avanço la Rèino dóu Felibrige, Na Mario Girard, que téuti bèlon e aclamon. Seguisson lou sendi de Prouvènço En Marius Girard, lou secretari en Jan Monné, lou canceliè En Pau Marieton, li majourau L. Constans, Louis Roumieux, J. Huot, Marius Bourrelly e V. Liétaud, emai uno troupelado de felibre, vièti e jouine, gai e flòri, pourtant à la boutouniero li coulour de la Rèino Jano.

L'aire enfestouli redis, tout de long dóu camin, e li noto courousso di musico e lis aplaudimen courau que parton di fenèstro, di balcon e d'en pertout, e que fuson en armounio emé lou batedis di cor.

A la coumuno, dins la grand salo, atrouvan M. lou maire B. Abram e soun Counsèu, que nous espèro e que nous vén à l'endavans em'un a preissamen qu'es pas de dire. Lou cabiscòu F. Vidal fai li presentacioun en quauquel paraulo esmougado, M. lou maire ié respond magnificamen, saludo la rèino dóu Felibrige e li Felibre, e li counvido à-n-un vin d'ounour semoundu pèr la vilo, dins li jardin dóu café Leydet. En Marius Girard apound quauquel mot galant en gramaci, e lou cortège s'endavallo vers lou café Leydet.

Aqui, soutu la presidènci de la Rèino, se tèn sesiho gènto. Lou conse d'Ais, après lou tuert di got e di refresc, e quand li mandoulino an amudi sis acord, entameno la dicho pèr uno improvisacioun auto e fieramen pensado : nous remembro téuti li glòri literari qu'an espousca soun renoum sus l'anciano capitalo de Prouvènço, traïs soun salut i Felibre soustaire de la lengo e se clino, au noum de sa vilo, davans la reiauta de nosto rèino bello, courounado de gràci, de jouinesso e de

bèuta. En Marius Girard, noste valènt sendi, au noum dòu Felibrige, ié respond coume seguis :

MOUSSU LOU MAIRE, MESSIÉS,

Au noum di Felibre de Prouvènço, salude eici dins soun oustau de vilo, vosto noblo e gènto ciéuta de z'Ais, que de tout tèms a pourta em' elo renoum de poulitesso e de Gai-Sabé.

Vosto ciéuta de z'Ais, qu'a douna neissènço à tant e tant d'ilustracioun de touto meno e de tout biais, e acò de tòuti li tèms, ilustracioun entre li qualo me remembre en passant : li troubaire Puech e Louis de Briançoun, de Reynier ; lis istourian de Prouvènço, Ounou-rat Bouche e Jan-Francés Gausfridi ; lou gravaire Sebastian Barras ; lou boutanisto Tournesfort ; l'autour dramatique A. Brueys, lou pintre J. B. Vanloo, lou musicaire Laurènt Bellissen, l'antiquaire J. F. G. Fauris, de Sant-Vincèns ; lou naturalisto Miquèu Adamson, e tant d'autri que si noum glourious e celèbre me revenon pas en memòri, bèn tant la listo n'èi longo.

A vosto ciéuta de z'Ais, qu'à la seguido dòu long sejour que ié faguè Malherbe, ounte s'èro entoura de gènt de goust, de bèlli maniero e de bono educacioun, pòu èstre en quauco sorto counside-rado coume lou brès de l'Acadèmi franceso.

Malherbe avié aqui em'éu tout un ciéucle de letru e de saberu que devenguèron sis ami e jitèron glòri e lus sus vosto bono vilo.

Aqui i'avié, se ma memòri me sert bèn : Galaup de Chasteuil, pou-èto ejuriscounsele saberu ; Jan de Lacepede, coynseié au Parlament ; Annibau d'Artigues, lou libraire Tolozan, que lou Parlament avié fa veni de Lioun pèr dirigi l'empremarié de z'Ais, que jouiguè bèn lèu d'uno grando reputacioun qu'a touslèms garda, car es ceci à-z'Ais que s'es empremi sènso uno fauto lou *Tresor dòu Felibrige*, aquéu superbe mounumen erogi pèr Mistral à la Franço, souto la dircioiu e la nauto coumpetènci de neste ami F. Vidau.

Acaben la tiero d'aquéli quauqui noum, pèr aquéu de Francés Duperrier, en quau Malherbe adreissè l'odo tant cuneigudo :

Ta douleur, Duperrier...

e ajusten-ié pèr li mouderne mens aliuенcha : lou pintre Granet e l'escultaire Chastel.

Salude perfin, Moussu lou Maire, vòstis armarié, que soun aquéli

de Prouvènço, vòsti damo sèmpre gènto, sèmpre graciouso ; salute, pièi, lou Counsèu Municipau, la Magistraturo, lou Barrèu, la Faculta, l'armado, lou pople.

Li Felibre de Prouvènço, Messiés, pretouca fin-qu'à l'amo de vosto recepciooun couralo, se descuerbon davans vautri tòuti emé respèt e recouneissènço, e vous cridon ensèn :

Gramaci ! Vivo z'Ais ! Vivo Prouvènço !

Es pièi En J. Huot, un cadet d'Ais de bono meno, qu'à soun tour demando à parla ; au noum di Felibre desa vilo, vist l'amour de la lengo e dóu terraire qu'an dardaia dins li paraulo dóu conse d'à-z-Ais, vist la magnifico recepciooun que fai i Felibre dóu païs, demando que M. B. Abram fugue prouclama felibre mantènere d'ounour.

Uno aclamacioun superbo claus aquelo dicho, e li *Mandolines-Renaissance* apoundon un moussèu galant e jogon, pièi, is aplaudimen de tòuti, lis inne naciounau francés e rùssi. *Magali*, la *Cansoun dóu Soulèu*, la *Cansoun de la Coupo*, regalon alor l'auditòri, e se barro sesiho pèr ana, li Felibre, rèndre un óumage pious à J. B. Gaut, un di cepoun de l'Escolo larenco e lou premié felibre d'Ais, e li tambourinaire, pèr, dins lou jardin Rambot, durbi la targo musicarello. N'il a pamens quauquis-un qu'acoumpagnon li Felibre jusqu'à la carriero dóu Pont, ounte demouravo lou majourau J. B. Gaut, e que tocon l'aubadò davans uno pouplacioun esmougado e tresourido, que vèn faire ounour en un de si fiéu li mai marcant.

Lou Counsèu de vilo vèn de decida que la carriero dóu Pont pourtarié d'aro-en-la lou noum de carriero J. B. Gaut : acò apound un lustre de mai à-n-aquelo manifestacioun que se fai en glòri dóu premié cabiscòu di Laren.

Chut ! es lou majourau En Francès Vidal que traïs soun bout ; escoutas-lou :

GÈNT DE-Z-AIS, POPLÉ DE PROUVÈNÇO,

Es à la memòri d'un bouen counciéutadan, d'un Prouvençau patrioto, que, vuei, l'Escolo felibenco de Lar rènde óumàgi : au cabiscòu J. B. Gaut. Lou Counsèu Municipau d'esto capitalo a vougu, avans-ièr, desavança l'arribado à-z-Ais de tant de bèu sòci, de tant de vesitaire ami deis art e bëlleï-letro dóu Païs, en dóunant à-n-aquesto

carriero dóu Pouent lou noum de *Carriero dóu felibre Gaut*. Tambèn, en d'aquéleis ome digne dóu sufràgi poupulàri, au Baile bèn-ama, en tóutei sei counseié, pourgèn nouéstei courous gramaci, e pèr lou Felibrige e pèr lou cabiscòu laren tant ounoura proun lèu après sa mouert.

Ah ! s'ameritavo aquel óumagi soulenne, duradis, éu, que touto sa vido, mai de inié siècle, a pantaia, loucha, escri, quouro en francés, quouro en prouvençau, pèr nouesto patrò ; éu, qu'au restablimen dei Jue de la Fèsto de Diéu, vaquito quaranto an, saguè tant bello plego au caire de l'artisto A. de Fonvert ; éu, ensin, lou darrié dei Troubaire e lou proumié Felibre en ciéuta Sestiano, que veguè claramen Sto-Estello trelusi sulre nouéstei tèsto, dins l'encoutrado mie-journenco ; l'apoustòli arderous que nous adraiè vers lou Gai-Sabé, vers la Causo santo.

Un bén matin, lou cant dóu gau
Nous revihè, galoi compaire,
En cacalejant prouvençau.

Qu noun se remembro qu'en 1853, bounadi tal envanc, fasian lou Roumavàgi dei Troubaire, ounte venguèron canta la siéu leis Aubanel, lei Bellot, e Mistral, e Roumanille, e tant de precurseur, de mèstre de la Reneissènça que, l'an venènt à Fouent-Segugno, èro batejado d'aquéu noum meravíhous : Felibrige.

E quant de publicacien de touto meno sourtido dóu cepoun dóu valènt escrivan bilingue ! Noun durbès libre, revisto, journau, sènsò li atrouba, li remarca seis article de vivo proso, sei pouësié flòri coumo lei ribo larenco ; e quinlei pouldei tiero de sounet amourous, patriouti, galejaire, e de vilanello, rimo, rimeto à farandoulado !

Subre-que-tout, miren soun obro majo, sei péço de tiatre, desempiè *Lei Mouro* (musico de Audran, Borel, Lapierre, trei noum caca-lian) enjusqu'à soun cant dóu ciéune : *Blanco-Flour de Vau-Claro* (musico de Gavaudan), que quatre an avans la malo despartido dóu cabiscòu regreta, lou fasié tant aplaudi en viro de Sorgo.

Emé touto aquelo obro, emé tant d'autrei galant pres-sa dins lei felibrejado de tout caire e cantoun dóu Miejour, poudèn que repeta (li fasent quauco varianto) sa finicien d'un discours de presidènci ei Jue Flourau de-z-Ais :

Nautri, gènt dóu Miejour, avèn triplo crescènça ;
Aman la gaio sciénci, aman Franco e Prouvènça,
Sian Latin, sian Francés, mai-que-mai Prouvençau.

Ès pièi lou conse laren, Chapòli Guillibert, què dis un galant sounet que vejo-eici :

Coume soun nis à l'aucelihò
Es un paradis mai que bêu,
Coume au fougau de la famiho
Li nòbli cor réston fidèu,

De la Prouvènço, la Patrio,
As tengu dre lou flèr drapèu ;
S'abraso i rai dèu bêu soulièu
Lou flò pur de la pouësio.

Pjieu hèn-astra de Sextius,
Di rèire soubrant li viéis us,
As canta noste passat libre ;

E veicito que la cièuta
T'aubourò à l'immortalita,
Tu, soun car, soun proumié felibre.

Es lou jouine felibre Joachim Gasquet que dis de vers francés enaurant à la memòri de Gaut. Em'acò, la famiho counvido li Felibre à-nuno reunioun mai entimo. Aquésti soun reçaupu dins un grand saloun e aqui, la pauro véuso, que soun cor sauno encaro, fai si gramaci en tóuti de l'ounour que vèn d'estre fa au mort que sian vengu glouri-fica. De lagremo perlejon de tóuti lis iue, e, tóuti esmóugu, Guillibert e Gasquet redison soun óumage ; Vidal i'apound un plagnun de Louis de Berluc que boulègo l'amo. Basto, li got se turton, li man se sarron e lou courtège s'adraio vers l'aubergarié dóu Nord.

Aqui, avans la dinado, se tèn l'Assemblado generalo de la Mantenèço.

L'Assemblado generalo e lou Burèu entrason li candidaturo seguènto au titre de felibre mantenèire, que soun aquéli de MM. Leoun Eymard, avoucat ; Mountagard, proufessour ; S. Marcellin, estudiant, de l'Escolo dóu Ventour ; Pau Gautier, de l'Escolo dóu Flourege ; Leoun Missole e A. Martin, de l'Escolo de la Mar ; de MM. Stanislas Terras, Louis Bonnaud e Pau Rousset, de l'Escolo de Lar ; e de M. J. Creus, coumpousitor de musico.

Aquéli candidat soun prouclama felibre mantenèire ; emai, s'apound à-n-aquelo prouclamacioun lou noum de M. Abram, maire de la vilo d'Ais, que pèr aclamacioun es nouma felibre mantenèire d'ounour.

Lou secretàri presénto, pièi, soun Comte de Gestion, acoumpagna di pèço justificativo di despenso. L'Assemblado generalo l'aprovo, e lou vejo-eici :

COMTE DE GESTIOUN

DÓU 22 DE SETÈMBRE 1892 AU 30 DE JULIET 1893

Lou secretari a reçaupu :

Pèr lou librihou mesadié.....	1 145 05
Pèr lis escot : 1 à 6 fr.....	6 »
» 68 à 10 fr	680 » 686 »
	<hr/>
Co que fai	1 831 05
Se i'apoundèn li soubro en caisso au 22 7bre 1892.....	1 478 05
	<hr/>
Acò fai	3 309 10
	<hr/>

Lou secretari a paga à Lucian Duc, à Paris

Pèr lou buletin :

27 setembre 1892. — N° 3 e 4 dòu Tome vi	207 40
13 janvié 1893. — N° 5 e 6 " 206 30	
5 mars 1893 — N° 7 e 8 " 206 30	
1 d'abriéu 1893 — N° 9 e 10 " 206 30	
11 de juliet 1893 — N° 11 e 12 " 206 30	
» — 2000 titre pèr lou librihou, dòu Tome i au Tome vi.....	30 10 1 062 70
	<hr/>

Pèr lou comte dòu Counsistòri :

24 8bre 1892 — A Rabanit, bijoutié à Paris pèr li pres di Jo Flourau setenàri.....	270 »
7 de febrié 1893 — A Quinsoun, pèr estampa 50 diplomo di Jo Flourau setenàri.....	20 »
31 de mai 1893 — A Seguin, pèr li letro counvidarello de Sto-Estello à Carcassouno	32 »
11 de juliet 1893 — A Duc, dos circulàri counsistourialo	11 "
28 de juliet 1893 — Suvencioun dòu Coun- sistòri au Coumitat mant. dòu Tambourin	30 » 363 »
	<hr/>

A divers :

19 de janvié 1893 — Paga à Rabanit, bijoutié dos medaio decernido i Jo Flourau de 1892	12 »
---	------

A repourta 12 » 1 425 70

Report	12 > 1 425 70
7 de febrié 1893 — Paga à Quinsoun li circulàri de la fèsto manousquino e 1000 qui tanço	15 >
4 mai 1893 — A Millo Sol, pèr 6 voulume dòu <i>Curat de Minérbo</i> ilustra, à 2 fr., pèr decerni coume mencion i Jo Flourau....	<u>12 > 39 ></u>
<i>Is escolo, pèr suvencioun :</i>	
A l'Escolo de la Mar	65 >
» dis Aup	30 »
» de Lar	50 »
» de Lerin	<u>75 > 220 ></u>
Mandadis dòu librihoun, fres de courrespoun dènci e fres poustau pèr tira li sòu.....	247 65
Mandadis de joio, de libre, recoubramen dis escot, espeditioun de circulàri.....	100 25
Pèr lou Counsistòri, fres poustau e mandadis di circulàri de Santo-Estello.....	<u>35 65</u>
Ço que douno un toutau de despenso de...	<u>2 068 25</u>
Aro, se de.....	3 309 10
levan.....	2 068 25
Soubrrara.....	<u>1 340 85</u>

Arresta counforme is escrituro

lou 30 de juliet 1893.

*Lou secretari de la Mantenènço,
Jan MONNÉ.*

*Vist e aprouva counfourmamen
au vote de l'Assemblado generalo.*

Ais, lou 30 de juliet 1893.

Lou sendi de Prouvènço :

Marius GIRARD.

Sus la soumo de 1240 fr. 85 que soubro en caisso, la Mantenènço dèu quatre numerò dòu buletin mesadié à l'editour Lucian Duc, siegue mai de 400 fr.

D'un autre caire, lou Counsistòri dèu à la Mantenènço, pèr avanço facho sus li dèime à recoubra, la soumo de 120 fr.

Au 25 de 7bre 1891, la Mantenènço restavo devènt au Counsistòri, counfourmamen i comte arresta sus l'ordre d'ou capoulié 376 »

Au 22 de 7bre 1892, se l'es apoundu lou dèime de 90 escot, à 2 fr. pèr cadun, siegue.....	180 »
---	-------

Au 30 de juliet, se l'es peréu apoundu lou dèime pèr 68 escot, siegue	136 »
---	-------

Co que fai en tout	692 »
--------------------	-------

La Mantenènço a paga pèr lou comte d'ou Counsistòri d'ou 25 de 7bre 1891 au 22 de 7bre 1892.....	413 35
--	--------

D'ou 22 de 7bre 1892 au 30 de juliet 1893.....	398 65
--	--------

Co que fai en tout	812 »
--------------------	-------

Se d'aquelo soumo n'en levan.....	692 »
-----------------------------------	-------

Soubro	120 »
--------	-------

que lou Counsistòri dèu à la Mantenènço prouvençalo.

Lis afaire de gestioun regla, l'Assemblado generalo recaup li demesoun dounado pèr MM. Livon, de l'Escole de la Mar; e Latil, de l'Escole de la Mountagno.

Lou secretari presénto, en seguidó, uno demando d'ou cabiscòu de l'Escole de Tamaris pèr óuteni de la Mantenènço : 1º uno suvencioun de 25 fr.; 2º uno suvencioun pèr lou journal *Les Echos de Tamaris*. La proumiero partido de la demando es adoutzdo, la segoundo es rejitado.

Alor, se legis la demando presentado pèr lou majourau En Roumié Marcellin e quauqui felibre d'ou roudelet carpentrassen, pèr óuteni l'autourisacioun de constiuï en viu de Carpentras uno Escole felibenco, que se ié dirié *Escole d'ou Ventour*. La demando es adoutado emai lou reglamen que l'acompagnio, à la coundicioun que l'Escole d'ou Ventour moudificara l'article V d'ou subre-di reglamen, qu'es countràri à çò que porton lis Estatut felibren. D'aiour, l'accord es fa emé lou cabiscòu d'ou Ventour pèr aquelo moudificacioun.

Li cabiscòu, soutu-cabiscòu e secretari de l'Escole de Lerin, an mandada un caié de *doulènci* e, sus la prepausicioun d'ou sendi, l'Assemblado generalo decidió qu'uno coumessioun coumpausado di majourau mar-

sihés présent à-z-Ais, souto la presidenci dóu vice-cancelié dóu Felibrige, secretari de la Mantenènço, En Jan Monné, sarié cargado de ié respondre au noum de la Mantenènço.

E la sesiho es levado.

Em'acò, sian aro dius lou jardin de l'*Altènèt-Sextia* pèr la felibre-jado.

Un centenau de sòci e de counvida, felibresso e felibre, prenon plaço à l'entour de la réino, dóu sendi e di majourau. Un menut artisticamen dessina e que representó la *Font di Prasicadou*, pourtant lis inscripcions de la foundacioun de la vilo d'Ais, emai aquéli di darriè comte de Prouvènço, douno poulidamen aquest rebalun de la dinado :

Pitanço frejo — Pèis de Lar à l'oli de-z-Ais — Estoufado de buou d'Embrun à la Prouvençalo — Coustelet d'agnèu de Craufassido — Capoun de cadaracbo à l'aste — Ensalado de la Touesso — Counglas d'Alos — Groumandègi Sextian — Vin dóu Grand-Barbegau, Bourdèus, Champagno Lipet-Fresquet.

Adounc, lou got ras de champagno, neste sendi s'aubouro e brindo coume seguis :

MESSIÉS E GAI COUNFRAIRE,

Au noum di Felibre de Prouvènço, ausse moun vèire e bève à la noblo e avenènto ciéuta de z'Ais, à si Conse, à sa magistraturo, à si faculta.

La legèndo raconto que neste bon rèi Reinié, que s'aubouro eila sus voste cours en estatuio de maubre blanc, chasco fes que reçau-pié quauque persounage de marco à sa taulo pèr lou premié cop, fasié metre davans éu, à la dinado, sus la napo flourido, un brout d'òulivié en signe de pas em'uno z'auto e grando tasso blanco unido de pourcelano de Limoge.

Aquelo tasso èro emplido fin-qu'au bord de bon vin vièi de Prouvènço. Tout en manjant l'envita tastavo lou vin e lou trouvant bon agantavo de sa man drecho, pèr la maniho, la tasso à bèle èime, e bevié e bevié ferme; vejeici que tout d'un cop vesié pouncheja e parèisse davans sis iue uno bello tèsto de paire eterne aurioula, abarbassi de blanc coume ieu, emé lou mantèu blu e tenènt en man la boulo dóu mounde. Aquel image èro pinta sus la parel anteriouro de la tasso que fasié fàci au bevière e pourtavo escri autour :

Quau bèn béura
Diéu veira.

Ero un galejaire lou rèi Reinié ! Avié resoun !

Lou vin èstent bon e la tasso z'auto, n'en restavo coume pensas encaro pas mau, e l'envita mes en goust bevié, bevié, bevié fin-qu'au bout. Alor, o meraviho ! au souns, tout au souns de la tasso, vesié Jèuse-Crist emé Santo Madaleno ageinouiado à si pèd e li cuerbiènt di long trachèu de sa cabeladuro d'or, e escri autour :

Quau béuraJa tasso pleno
Veira Diéu e la Madaleno

e quand avias vist Diéu e la Madaleno erias reçaupu fraire de la Tasso.

Eh bèn ! messiés e gai counfraire, emplissen la tasso e beven un proumié cigau à la Prouvènço !

Prenen alen, beven mai, beven ferme, escoulen-la touto à la glòri, à l'aveni, à la prousperita dóu Felibrige.

Pièi, lou cabiscòu di Laren, En Francés Vidal, traïs si galant gramaci en tóuti :

Meidamo, Messiés e bèu Felibre,

Aquesto journado marcarà como uno dei mai flòri, dei mai glouriouso dóu Felibrige e de l'Escolo de Lar. Aièr au sero, adeja, lou Cous, plen d'uno poupoplacièn superbo, touto en estrambord, emé la manifestacièn patrioutico, simpatico, de la soucieta musicalo dei Touristo, emé tòutei aquélei bandiereto e lou pavaïoun naciounau floutejant eis èstro, ei davanturo, fin-qu'ei pus àutei tourre, tout aquel afougamen, dìsi, nous aproumetié just çò qu'avèn encuei.

E vès-eici qu'autour de la Rèino gracioso Na Mario Girard, elo dei Gràci la quatrenco, vo bèn n'i'a qu'uno, — toucant la rèino la mai urouoso de la terro, pourtant dins sa courouno que flous e cant, — s'agroupo un bouquet de felibresso, flous vivènto ispirant l'artisto, lou troubaire amourousi.

De cantaire, gènt de letro, ome de l'art, quant n'i'a vengu pèr embeli nouéstei fèsto felibrenco ! Seguissènt lou noble envanc de la Municipalita de-z-Ais, dóu Baile patrioto, de sei counseié afouga pèr lou bèn de la ciéuta capouliero, emai dóu Menistre de l'estruçien publico emé l'ajudo d'un Deputa s'alassant jamai au hèn-èstre,

à la glòri dóu païs, lei Lucian Fautier, lei Gondran, lei Michaud, lei Pontier, ounourabلو quatreto de fléu de Sextius, an sa part, e largo, à la recouneissènço dei Laren.

Recouneissènt, noun poudrijan tròu v'estre pèr aquel ome de couer, de patrioutisme, lou delega municipau Moussu Ferrière, sèmpre en aio, en souciet agradiéu, pèr tout festenau sestian. Em'acòd, vivo gratitudò pèr M. lou reitour Aelin, de l'Acadèmi universitàri, e Messiés de la Faculta dei Letro, lou decan Jòrgi Guibal, lou prouvençaliste Leoupold Constans !

Ah ! l'escolo felibenco de Lar es fièro d'avé tal acourajamen, d'a-judo talo ; es flèro e urouso, vesès, de la coulabouracièn de tòutei lei soucieta musicalo de la vilo, Filarmounico, Mandoulino-Reneis-sènço, Touristo, disian tout-escap ; e de la couralo Santo-Cecilo, que nous dira tout-aro, coume se dèu, n'en sian assegura, un mous-sèu requist de dous de nouéstei sòci bèn-ama.

Que devèn-ti pas, tambèn, ei gènt de l'oustaü, eicito mounte sian pèr canta, felibreja, à l'Atenèu-Sextia, à soun tant courtés presidènt M. Michel ?

D'autre noun an pouscu se teni d'adurre ajudo : lou ciéucle Musicau, éu que souvèntei-fes assoustè lei pouèlo prouvençau, mestre en Gai-Sabé e lei musician felibren, galoi toucaire, a vouta d'esperéli uno joio pèr galoubet-tambourin ; e lou Sendicat dóu coumèrci d'es-to plaço renoumado pèr leis amendo autant que pèr l'oli, es pas pau dire, pèr la grand tambourinado a pourgi sa bello part.

Gramaci en tòutei, vautre de bouen gouvèr, vous soucitan dóu bèu, de l'art e dei letro, e leis assouciacièn artistico e lei groumandoun de literaturo ensèn vouguènt pèisse ! E bèn-vengudo, o carissimi cam-barado, jouine e vièi, deis Escolo de la Mar, de la Mountagno, e dei Ceveno e de Lerin, e de la jouvo de Paris, emé qu'aman tant redire lou coupletoun :

Sian tout d'ami, sian tout de fraire,
Sian lei cantaire dóu païs...
Es nautre que sian lei felibre,
Lei gai felibre prouvençau.

Tirarié tròu de long çò que me soubro à dire, se va vesian pèr lou menut ; mai noun óublidén de felicita lou valènt sendi de Prouvènço En Marius Girard e lou majourau Jan Monné que leis assiso mante-nencialo se siegon tengudo aquest an dins la capitalo, e de l'interès que nous douno soun councours annau ; abord interessant, tòutei

vautre que m'escoutas, atroubarés lou nouestre de concours, literari, artisti : lei rapourtaire francés, prouvençau, vous va faran coungous ta bèn-lèu e amarés d'aplaudi leis urous vencèire d'aquélei targo de l'esperit, counio s'aplaudis, à l'ouro qu'es, lei noumbrous artisto tambourinaire qu'à-n-un signe dóu dilettante M. Couve (aro dei nouestre), presidènt dóu coumitat mantenèire, rendon la fèsto tant pouplàri, emé lei gènt farandoulaire barbentanen.

Vès, devèn èsse fièr, Prouvençau, de nouesto lenço armouniouso, de nouésteis us curiéus ; l'amour dóu fougau es vertadieramen l'amour de la patrio, e fieramen que poudèn dire emé lei Grand-Mèstre dóu Felibrige :

Ame ma Prouvènço mai que ta prouvinço..
E ni court ni coustie, sian de la grando Franço.

Adounc, voudrés bèn que dintre aquest rode de l'Empèri dóu Soulèu, coungreiant de Troubadour, de Troubaire, de Felibre, de Tambourinaire, tant que lei sèt noum de chasque, enviroutant triounfalamen vouéstci tèsto à l'arribado, à-de-matin, voudrés bèn que pouésqui eicito crida :

Vivo nouesto Republiqueto !

Pau Marieton adus li salut de Fèlis Gras e de l'assessour de Prouvènço En Frederi Mistral.

E n'es lou mantenèire Carle Martin que *brindo à la rèno*, au noum di Laren :

« Argentalo, mirau ounte se miro lou cèu blu e qu'esclaro de sei rai esblèugènt lou grandaras calen de la naturo, de Prouvènço fin qu'eï ribeirés african, s'estènde mai que risènto nouesto mar miejournalo ei ribo sèmpre verdo deis arangiè, lauziè, emai pin au brounzinàgi pouëti e d'oulivié, simbòli de la pas ; e souto la calour pouderouso dóu grand astre, la creaturo mai qu'en pertout s'afougo pèr soun terraire, sa lenço, seis us, lei pople qu'an teta au même mamèu, qu'an memo parladuro, cercon la man amigo, l'unien.

« D'en pertout lou couer rouman bate !

« A man seneco, eilavau, en Itàli, dins soun paradis d'iéli, de flous, Flourènço la bello, en 1890, pèr sa festo de Beatris, ei cadet d'Ais que noueste municipi, sèmpre afouga pèr lou bèn de la ciéuta, li mandè en embassado, larg duerbè sei pouerto, e la muso sestiano, sei galoi tambourin, li saguèron mai-que-mai flòri.

« Eilalin, à man drecho, en Barcilouno, la patrioto ciéuta catalano que z-Ais pouerto lei pau dins soun escut, lei coulour dins sa bandiero ; Prouvençau ! Lengadoucian ! nouéstei valènt capoulié, En Frederi Mistral, En Fèlis Gras, vous diran coumo se li recebon lei fraire, e la coupo santo dóu Felibrige afourtis noueste liame freirau.

« Mario Girard ! o bello Soubeirano ! Siés la flous, l'iéli de Flourenço, de Barcilouno ; la miougrano rougis tei rouito emai tei labro, toun sang, toun couer ; touto entiero siés nouestro, siés la Prouvènço encarnado..

« En aquesto trioulougiè, ieu aubouri moun vèire e brindi à tu, nouesto Rèino ! »

La rèino sourris deliciousamen pèr gramacia lou gènt disèire.

En Jan Monné douno coundessènço i taulejaire de la despacho que vèn d'arriba de la part de Fèlis Gras, que dis :

« Bono salut i vuech Escolo de Prouvènço acampado en vilo d'Ais !

« Que li paret, coulour de blad madur, de la viéio capitalo, clantigon

« de nòsti cant prouvençau ! »

En seguido, legis aquelo dis *Audencs* :

« Les felens de dono Carcas e de Na Mongardo de Narbcuno, man-

« doun un brassat de roujos camrosos de Lengadoc à sous fraires de

« Prouvènço, pèr les barreja, dins Ais la saberudo, dambé las prou-

« vençalos azurencos.

Atal, mai que mai, coumo se canto aici !

Atal les Prouvençals ardents

Auran per fraires les Audencs !

En Jan Monné apound :

Felibre de Prouvènço, vès-eici lou mandadis que li Felibre de Mount-Pelié fan à Na Mario Girard, noston rèino :.

Douço rèino felibreno,
Au trelus de toun gouver,
Tout refleuris, tout s'atreno :
Alleluia ! plus d'ivèr !

Eiçò es lou salut qu'au noum de H. Messine, sendi de Lengadò, lou vice-sendi Arnavielle mando à la Mautenènço de Prouvènço :

Mautenènço prouvençalo,
Ta sorre de Lengadò,
Cousu tu, jamai vassalo
E mourgant catau, bardot,
S'envolo, ardènto mouissalo,
E 'mbé tu vèn dire d'O
Per apara lou vièl to !

Es, pièi, lou salut que l'Escolo dòu Parage mando dòu Clapas

As gais counfriares de l'Escolo felibrenco de Lar

« Au moumen que vostes cent tambourins faran vibra sous aires naciounaus dins l'antico capitalo de Prouvènço, lous felibres dau Parage, e campaniès e cantaires amai, metren à brand nosto Campana de Malouina en l'ounou das braves fraires d'Ais.

« La distàncio separtis Sestians e Clapassies, mès milhou 'ncaro que tambourins e campano, sous cors batoun à l'unissoun, e de-longo pèr lou Felibrige unenc, per lou Felibrige patriau.

« Fraires de Lar, salut ! »

E, pèr countunia, se legis la despacho que dis : « Escolo felibrenco, Paris, mando sentimen courau à Mantenènço Prouvènço, Escolo de Lar e vilo d'Ais, » e qu'es signado : Amouretti, Plàntadis, Bonnaud, Maurras, Saurin, Fabre, etc.

Vidau legis uno despacho de Tamizey de Larroque, e li vers que mando Filemoun Arnaud de soun oustalet di Pervenco, is Arc (Var) ; la paraulo es pièi dounado à M. Reinié de St-Pons, que dounan à regrett qu'un tros de si paraulo :

« Li sóudard qu'aparon lou sòu naciounau fan ges de poulitico, e nautri, qu'aparan nosto lengo en nosto terraire, sian de sóudard, sian pas de poulitician ; simplamen, emé lou majourau En Valéri Bernard, sian testard e sian Prouvençau.

« E ounle es, eicito, aquéu que sarié pas Prouvençau dins l'antico capitalo di Ramoun Berenguié, dins la bono vilo ounle li pàuri gent se van caufa 'ncaro à l'antico chaminèo dòu rèi Reinié ; dins aquesto noblo ciéuta d'à-z-Ais qu'en 1636, quand s'esvaligueron lis Estat-Generau, counservè l'Assemblado de Coumuno ilustro e poulderous, maugrat que lou clergié, la noublesso, se n'en fuguesson dessepara ; d'à-z-Ais, pèr tout dire, qu'is Estat-Generau de 1789 :

Faguè mistraleja la voues de Mirabèu !

« Brinde à la vilo d'Ais e à la Prouvènço. »

Em'acò, pièi, es Autheman, lou vièi e gent Autheman dis *Auvàris de Roustan*, que brindo, e n'es lou cancelié En Pau Marieton que ié respond e que béu au felibre de l'Isclo-sus-Sorgo. Es lou majourau Leopold Constans, prquessour à la Faculta di letro d'à-z-Ais, que dis :

« ...Si notre belle langue provençale doit un jour reprendre le rang qu'elle a perdu et qui lui est légitimement dû, ce sera pour la jeu-

nesse et surtout pour la jeunesse intelligente des collèges, qui doit donner l'exemple, que cette heureuse résurrection sera possible. Je bois donc à l'expansion de la langue provençale et à sa restauration par l'enseignement dans les écoles de tout degré. »

Lou canounge Mille aubouro alor lou got em'un bèle estrambord ; En Jousè Huot nous douno la primour d'uno mai que galanto cansoun siéuno ; Aguste Gautier n'en canto peréu uno ; lou gène conse Chapòli Guillibert aussò lou vèire pèr l'espandimen e l'unioun di Raço latino, e fai uno moucioun bello pèr l'aubouramen de l'estatuo de Marius, obro majo dóu felibre Pontier.

Dono Lazarino de Manosco dis quauqui poulit vers, e l'ajudaire de la Mar, Galicier, s'avanco e, en vers flamejant, desgruno uno odo à la rèino ; l'abat Spariat douno sa noto dardaïanto, e Louis Roux declamo : *lou Cant dòu cituns*. Lou majourau En Vitou Lieutaud improviso un brinde à la prèso, calourènt e regouirant d'esperit ; M. Stephens d'Ars, decan de la prèso d'Ais, counvida di Laren, respond à Lieutaud em'un fièr gaudi ; S. Honorat béu à la Rèino ; Martelly canto *Fleur de Paradis* : M. Levat, proufessour, gramacié *l'Atenèu-Sextia* de sa gracieuso espitaleta ; Marius Bourrelly nous dis soun odo courounello à Sextius : l'ajoun Ferrières, delega municipau, nous debano tout lou bèu que la coumuno a fa en favour di festo felibenco, e lou cabiscòu En Francés Vidal ié traïs li gramaci de tòuti ; pièi, la gène rèino desgruno, ansin qu'uno preiero, la *Coumunioun di sant*, de Frederi Mistral ; Lieutaud entouno lou *Maset de mèstre Roumièu*, que tòuti ié van au refrin, e se clavo la sesiho.

D'enterin, au jardin Rambot, se tenien lis assiso, duberto pèr lou Coumitat mantenèire dóu Tambourin, pèr recoumpensa dignamen lis escoulan li plus flame presenta pèr li mèstre tambourinaire.

Au *kiosque di Marrounié*, i'avié peréu lucho entre lis amaire de la musiqueto prouvençalo : MM. Poncel, de Bresc, lou counseié Pontier e li proufessour Pourcin e Ollivier, fourmavon la bello jurado dóu Concours de Galoubet-Tambourin, que lou pople en foulò escoutavo e aplaudissié.

E li farandoulaire e farandoularello de Barbentano, sus lou cous Mirabèu, eisecutavon meravihousamen si viravòu galant.

Mai, sus li quatre ouro, dins la cour d'ounour dóu Licèu, coumoulo à regounfle de tout lou bèu pople d'Ais, la rèino duerb la sesiho literàri, e, après un moussèu de musico, lou sendi Marius Girard s'avanco e parlo coume eiçò :

MIDAMO, MESSIÉS,

De tout tèms, vosto bono vilo de z'Ais a pourta em'elo renoum de poulitesso, de sabé e de pouëslo.

I'a seguramen que de vèire tant gènto e tant requisto soucieta pèr reconùèisse que la capitalo sèmpre jouino de nosto Prouvènço amado, vuei coume aièr, e deman coume vuei, es estado e restara lou centre pèr eicelènci di bèlli maniero, dòu bèn dire e dòu Gai-Sabé.

De mai, aquesto noblo, tranquilo e saberudo vilo de z'Ais, qu'a vist naisse l'istourian Mignet e lou roumancié Zola, es un fougau lumenous, un soulèu resplendènt e benfasènt, ouné vènon se caufa de centenau d'estudiant; quauquis-un fournigo, la majo part, cigalo cantant l'amour, la jouvènço e la hèuta, tout en aprenènt lou code e la retourico.

Lis estudiant, Midamo e Messiés, soun l'ourguei, la joio e l'espèro de nosto maire Franço ; éli arribon e nous-autre s'entournan.

Amon un pau li monome e lou boucan, es verai, mai fai pas n'i'en faire un crime, parai ?

Es tant bèu d'èstre jouine !

E pièi : « Es pas jouine quau vòu, es jouine quau pòu, » dis lou prouvrèrbi.

Adounc, crese pas miés pousqué faire que de m'adreissa vuei en éli.

Siegués tranquilo, Midamo, fai caud, sarai court, poudès desplega vòsti ventau.

La jouinesso !

Oh ! la bello ! la bono ! e la douço causo que d'èstre jouine ! La jouinesso vai de l'avans à tutto zuerto e douto de rèn. Es acò que fai sa forço e soun nèrvi, es acò que ié douno sa graci, sa voio e soun estrambord.

Toustèms, dins tòuti li literaturo, li jouine, mai que li vièi, an agu besoun d'espaci, de soulèu e de nouvelun, e an tra si capèu en l'aire, e an escarlimpa li mountagno.

Quand vous-àutri disès pamens, coume tout chanjo !

Mai ceci es necite de vèire li causo de z'aut e de se plaça à-n-un-poun de visto generau, d'ouné se vegue lou Felibrige, e mai liuen encaro que lou Felibrige.

Escalen adounc amount sus Santo-Venturi, e regarden. Lou tèms es clar, li cigalo canton, d'aquí veiren miés e plus liuen.

Nàutri, quand erian jouine, avian dins nosto glèiso de diéu de maubre, éli an quiha dins si capello de sant de gip.

Nàutri, pourtavian à nòsti diéu, que ié disien Lamartine, Musset, Hugo ; que ié disian Mistral, Roumanille, Aubanel, de roso e de jaussemin, de pervenco e de flour de sàuvi ; éli estubasson eila-mount au Cabaret dóu « Cat negre, » si sant, emé d'encens de contro-bando, de vapour d'absinto e de tubèio de pipo.

Nàutri, s'aubouravian pèr vèire passa li roumantique de 1830 — de gent de raço aquéli — éli an li *Baudelariens*, lis *Esthètes*, li *Décadents*, li *Symbolistes*... Arresten-nous aqui.

Aquéli bràvi jouvènt copon, aro, li vers en quatre e n'en fan pièi de quatorge pèd.

La lengo que parlavon About e Roumaniho, aquelo que parlon Pau Arène e lou Paire Savié, soun vièio : li fau chanja.

E alor, aquéli brave drole n'an fa uno novo, ounte s'atovo de mot de touto meno e de tout biais, e retrasènt dins soun imaginacioun li sèt coulour de l'arc-de-sedo.

Pèr countraste, estènt que lis art se dounon la man, li pintre aprenon plus à dessina e s'entitoulon éli : *Impressionnistes*, *Fils de la lumière*, *Disciples du grand air*...

Nàutri, amiravian Vanloo, Granet, Loubon ; éli preferisson Manet e pinton d'aubre vióulet e de femo jauno.

Acò vous sèmbla drole, parai ? E pamens es ansin !

Oh ! la bello causo que d'estre jouine !

Pamens, leissas-me vous dire, iéu qu'ai de barbo blanco e que lou siéu plus, que touto fes e quanto que vous ócupas de literaturo e d'art, es pas tout de proudurre forço, fau proudurre bon e bèu.

Vau miés arriba davans la pousterita em' uno pichoto garbeto bèn ligado, qu'em' un gros balaus mau enfaisa.

La pousterita — aquéu juge emparcian — que res n'en parlo pèr ço que tòuti lou cregnon, classo soulo à soun rèng vertadié li pouèto, li pintre, lis escultaire, li musicaire, lis óuratour e lis escrivan ; e tout l'encens de coumplasènci que li cambarado se fan, dis un is autre, tuba souto li narro dins si revisto e si journau, s'envai en fum.

A susi à Bernardin de Sant-Pèire d'escriéure *Paul et Virginie*, a susi à Mathieu d'escriéure *la Farandoulo*, pèr que tòuti douz siegon au premié rèng de nòstis escrivan...

Vèn de mouri i'a tout-bèu-just uno mesado, un escrivan de raço : Guy de Maupassant, que tenié de Flaubert, que ié faguè soun education artistico, coume nàtri lou tenèn de Mistral, aquelo proubita d'estile, aquelo paciènci, aquéu respèt de la lengo, quel escrupule de la formo que soun la marco di fort.

Eh ! bèn l'escoutas çò que disié :

« Quelle que soit la chose que l'on veut dire, il n'y a qu'un mot pour l'exprimer, qu'un verbe pour l'animer et qu'un adjectif pour la qualifier. Il faut donc chercher, jusqu'à ce qu'on les ait découverts, ce mot, ce verbe et cet adjectif, et ne jamais se contenter de l'à peu-près, ne jamais avoir recours à des supercheries de langage, même heureuses, pour éviter la difficulté. »

Se pòu pas miés dire.

Adounc, jouvènt, vous pressés pas de proudurre : Travaias, rabouatas, poullissés, ciselas vosto obro emé paciènci, emé counsciènci, emé fe, e noun vous enchautés d'autre causo.

Fasès obro d'art bello e bono, e lou tèms sara lou rèsto.

Alor, la couralo de Santo-Cecilo e la musico de la Filarmounico s'avancón e eisecuton, soutu l'abilo direicioun dóu mestre musicaire felibre Borel, uno superbo cantato de Pau Roman, musico de Borel, que lou publi a fa'no ouvacioun is autour.

Lou decan de la Faculta di Letro, M. Guibal, legis un remarcale rapport sus li councours istouri e filoulougique ; M. lou canounge Enri Rolland es lou rapourtaire dóu tèmo de la *Légende de Saint Mitre*, patroun d'à-z-Ais, e pièi, Pau Roman dis soun rapport prouvençau sus dis àutri partido de la targo, lou flame rapport que veici :

(à segui)

JAN MONNÉ

Lou Gerent : Jan Monné.

Empremarié felibrenco de Lucian Duc, 35, carriero Rousset, a Paris.

CROUNICO

ASSEMBLADO GENERALO DE LA MANTENÈNÇO,
FÈSTO LARENCO, COUNCOURS DE GALOUBET-TAMBOURIN
EN VILO D'AIS, LOU 30 DE JULIET 1893.

(Seguido)

Raport de Pau Roman

MEIDAMO, MESSIÉS,

Es uno grando glòri pèr l'ome que coumençò à davala leis uba de la vido, de vèire lei pantai de sa jouvènço flouri e s'espalanca de frucho.

Se, à l'ouro de vuei, aquelo glòri s'envai en s'esvalissènt d'à cha pau, e se leis ome que s'òupilavon à l'Art pur, entahina e febrous, se fan tant rar, en quau n'es la fauto, senoun au tèms que courre ?

Aquéu tèms es coume dirien lei cèndre sus la braso.

Mai, vengue un cóup de maistre, e, desacatado, gisclara la reflamour, coumunién de lóutei lei pantai en ravacién.

Lei sóungi dei jouve, naissu de l'entousiasme e dei desbord, soun toujour un rude presa à-n-acoumpli, e tróu souvent, l'ome lei vist s'enana em' uno lagremo pendoulado ei ciho.

Quauque tèms a agu lou bouen voulé, puei leis enavans an cala, e l'idèio perseguido rèsto à l'espèro.

E bèn ! n'es pas mai dóu presa que se douno un païs.

Souvèntei-fes, se passo de generacien e de generacien, sènso que degun auje entreprene la *Grando Obro*, mau-grat leis esfors dei valènt que de vóuto en vóuto cercon à-n-avera la sublimo *Joio*, sènso poudé la frusta dóu det.

Puei, un bèu jour, souerte subran, l'on saup pas de mounte, un ome que pouerto dins leis uei touto la volounta d'un passat, un ome que, predestina, óubeis à noun sai que coumandamen magi de la « Fado Eterno » que presido d'en aut à l'astrado dei raço. Sènso quàsi s'enchaure de la grandour de l'entre-preso, éu, se li aplanto davans, s'estroupo, s'apountello au *Trebau gigant* e, lou menant à boueno fin, largo sus lou mounde atupi lou ressort de touto uno forçò en fermentacièn desempuei d'an e d'an.

A bèl èime alor, tout ço que rèsto encaro atetouni sus lou sòu patriau, tout ço que sente còurre dins sei veno la vido, lou boui, lou grouün de l'espèr, tout ço que la sourniero estoufavo, e que respelis dins un desembouiamen dóu *Prime esse*, que cadun pouerto caviha dins lou prefouns dóu couer, se groupo à l'entour de l'ardènt prefachié.

Coumo s'uno auro de pouëslo avié boufa sus lou païs, de tout caire e cantoun, de voues s'aubouron, claro e poulderouso, jitant vers lou cèu lou bram de fe e d'amour.

Tant d'esfors que pousson vers la memo toco, dins la grando armounlo de seis empenchò, escudellon, reviscouelon l'amo de la raço estajano, e la fasènt plus noblo e plus fouerto, l'alestisson e l'asseguron pèr uno reviéudanço.

Vaqui en quàquei mot l'istòri dóu regiscle maien de nouesto literaturo.

Mirèio, la primo flouresoun, fuguè l'entre-signe e l'affirmacièn d'uno voulounta se desvelant. Fuguè, tambèn, lou crid de la naturo soubeirano que remounto à travès lei brousfounié e leis esglàri dei revoulucien e deis invasien.

Mèste Ambroi, en cantant, sèmbla persegui la cansoun qu'a comença li a quàquei cinq cènts an, e, qu'un grand varai li aurie laissa entamenado sus lei bouco.

Mai acò èro pas lou tout !

Falié un envanc furious vers lei cimo, uno estudi largo e prefounido, uno encarnacièn vivènto de l'engèni prouvençau, mounte tòutei lei rai de la courouno de la Countesso, aurien sa part de trelus.

E acò tòutei veguèron qu'èro lou grand Le, la toco mai que necito

à-n-ajougne. Tóutei lei jour l'enterigo n'en venié plus aspro. Se sentié testeja l'avenimen de quaucharèn que grouvavo preste à-n-esclata.

La Naturo èro lèsto à bada.

De fremin tresfouli courrien dins leis èr, coumo de lònguei lampado de fue;

Tout à-n-un cóup, lou ridèu s'estrassè e *Calenda* sourtè triounflant.

Tout ço qu'en Prouvènço avié 'no amo de Prouvençau o d'artisto, s'arrapè pèr la man e se mesclè à la grando farandoulo.

E desempuei, aquéu grand bastimen qu'apelan « Felibrige, » vogo, souert e tranquile, au mitan de soun grand courtègi, dins la calaumo de la pas e la serenita de soun cèu.

La routo es bello e leis estèu soun luen.

Leis aujòu, lei rèire, lei vièi, lei paire an espeiregua la draio;

Viei, emé nouèstei Mount-Joio, poudèn rintra dins lei palais e lei capitalo ;

Avèn nouesto plaço marcado dins la Catedralo deis Art.

Adounc, vejeici la listo dei laureat dóu councours prouvençau de l'Escola de Lar e de la Mantenènço de Prouvènço.

I — ODO A MIRABÈU O A SESTIUS

Proumié pres : — Uno *medaio d'or*, douno de la Mantenènço prouvençalo, à Marius Bourrelly, pèr sei doues pèço sus Mirabèu e sus Sestius. Doues odo magnifico, mounte l'autour a sachu, en un ritme dindant e clar, trena en pur artisto, tóutei leis emoucien que poueden giscla d'un couer coumbouri de pouëslo.

Segound pres : — *Pervenco d'argènt*, douno de la Mantenènço prouvençalo, à-n-Ougèni Long de Fuvèu. Soun odo es remarcablo pèr sa facileta, soun amplour e sa graciè fèro. Mai, perqué un toumbant tant feble ?

Tresen pres : — A Levat e Cheilan. Dous óubrié d'art. Mai, que diàussi ! li a luen quauquei cóup d'uno biougraflo en vers à l'inspiration.

II — NOTICE SUS LES « TROUBAIRE » AIXOIS

Pres souero councours : — A l'autour Xavier de Coundamino, qu'escouende soutu aquei escais-nouum un biblioufilo dei plus saberu.

III — EPODE II D'HORACE

(Reserva eis escoulan)

Proumié pres : — A Louis Toumbarel, élèvo de retourico supériouro dóu Licèu de Lioun. Pèr l'interpretacion assouludamen eisato dóu sujet e soun raprouchamen, en seguissènt la formo d'Ouraci.

Segound pres. — A Jaubert Leopold, elève dei Maristo de Touloûn ; aribo bèu segound à causo de l'insufisènci de sa lengo e deis escorno à l'ourtougràfici dei mot prouvençau.

IV — GRAMMAIRE DE L'IDIOME AIXOIS

Lou proufessour de l'Universita de Greifswald (Poumeranjo), En Koschwitz, nous fai assaupre que, pèr claire soun travai sus lei son variant dei dialèite prouvençau, li apoundra uno *Gramatico sestiano* qu'es, à soun avis, lou parla lou plus carateristi de Prouvènço.

V — TROUBAIRIS E FELIBRESSO

Proumié pres : — *Medaio de brounze*, à Paul Dumas, à Pépieux (Aude). Pèço pleno de frescour ; lei dous retra soun bèn traça e marcon encò de l'autour uno boueno couneissènço de soun sujet.

VI — GALEJADO EN VERS

Proumié pres : — *Medaio de brounze*, à Francés Garbier, pèr sa superbo pèço : *Lou maire de Capito*, tournejado e signoulado de man de mestre. Menciou : O. Long, Maurise Raimbault.

VII — GALEJADO EN PROSO

Proumié pres : — *Medaio de brounze*, à Francés Garbier, de Cano. Lou bouquet degalejado es bèn poulit, mau-grat quaquei feblessos, mai tout acò vòu pas lou maire de Capito. D'aïc dei banalita, coulègo. Menciou : M. Bertrand, O. Long.

E vaqui nouesto dicho.

D'aboundânci de couer, la bouco parlo, coumo dis lou prouvèrbi ; adounc, coumo pourrié miés acaba m'a gatazo qu'en regardant, la joio dins leis uei, crèisse l'entravadis que mouraiouno lei prêtre de la maucouranto unisourmita.

Sian arriba just, quand tout ço qu'èro tradicien, usanço, parla, coustono, anavo s'aprefoundi. Se sian espangouna, desmesoula meme, mai avèn la sublimo glòri d'agué derraba dòu desastre bessai ço que li a de plus bèu.

Vautre tóutei que m'escoutas, bandissès vouéstei couer ei joio franco, e sounjas qu'avèn uno inmaculado blancour que segnourejo plus aut que l'ambicien deis envejous, que fau qu'aparen deis escorno dei nèsci e dei catiéu.

E vivo Prouvènço !

Lou jouine e valènt mantenèire Gasquet debano lou paumarés e cadun vèn querre la joio que ié revèn.

En deforo di joio pourtado sus lou rapport, apoundren :

COUNCOURS FRANCÉS

Poueslo — *La legèndo de St-Mitre.* —

Proumié pres : lou canounge J. Mille.

Segound » : Mlle X, servicialo.

Proumiero menciou : A. Contencin.

Segoundo » : (ex-æquo) Mmo Teyssère e X. Liotard.

2º PROSO — Noutico istourico sus *J. B. des Galois de la Tour* —
Pres : M. Jùli Contencin.

COUNCOURS INTERNACIOUNAU

— *Eloge de Raynouard* (en l'uno di sèt lengo Neo-Latino) —

Proumié pres : lou pastour Aguilera (en espagnòu).

Segound » : Bagarry (en francés).

Tresen » : Fernand Pigot (en lengadoucian).

— *Odo à la vilo d'Ais* —

Pres foro councours : au mèstre en Gai-Sabé F. Lescuro, de Greasco. (un óujet d'art)

Menciou : Salomon Lambert.

Jan Monné prouclamo lou paumarés di Galoubet-Tambourin :

COUNCOURS DE GALOUBET-TAMBOURIN

— *Divisioun d'ecelènci* —

Proumié pres ; Bœuf, de Bras. (Var)

Segound » : Alèssi Mouren.

— *Proumiero divisioun* —

Proumié pres : Vitour Huot.

Segound » (ex-æquo) : Chevalier et Convert.

— *Segoundo divisioun* : —

Proumié pres : Caillol.

Segound » (ex-æquo) : Clement e Regimbaud.

— *Divisioun de duo* —

Proumié pres : MM. Clinchard e Vincent.

Segound pres (ex-æquo) : Bonnefoy e Cre, Convert e Dioulouset.

— *Divisioun di groupo* —

Proumié pres : Guigonnet (un óujet d'art pèr lou mèstre e 100 fr. pèr lis escoulan).

Segound pres : De Lombardon-Montezan (un óujet d'art au mèstre e 50 fr. is escoulan).

— *Pres di groupo* —

Foro councours : Camoin, d'Aubagno.

E clauren la tierò pèr lou paumarés dòu *Couumitat mantenèire d'ou Tambourin.*

Groupo L. de Lombardon, de Marsiho, 40 fr. e de mai lou premié pres d'ounour (medaio d'argènt grand moudule).

Enri Simont e Vitour Espanet, presenta pèr M. J. Olive, de Marsiho, 35 fr., e de mai lou segound pres d'ounour (medaio de brounze grand moudule).

Albert, presenta pèr M. A. Mouren, de Marsiho, primo 25 fr.

E. Macario e P. Tournatore, presenta pèr M. Constantin de Marsiho : 35 fr.

Andrieux, presenta pèr M. Pourcin, paire, d'Ais : 30 fr.

Dioulouset fléu e Mouret, presenta pèr M. Dioulouset, de Cabriés : 35 fr.

David B***, presenta pèr Crè Julian, d'Ais : 30 fr.

Lou Couumitat a adouunc decerni 230 fr. de primo e dos medaio.

Li pres e medaio decerni, e li jòuini tambourinaire de L. de Lombardon, emai li *Mandolinistes Renaissance*, nous aguènt regala d'un mous-sèu esquist, la Rèino, de sa voues musicarello, dis :

« Midamo, Messiés, la sesiho es clavado. »

Tout lou pople aplaudis e l'aclamo.

A 7 ouro de vèvre, au pargue di Ban Sextius, i'a agu la soupado di tambourinaire, soutu la presidènci d'En Francés Vidal, e se i'es ausi la *Marcbo*, de Cabassol, e lou *Revèi*, dòu maëstro Michel d'Ais; e, pièi, à nou ouro, la musico dòu regiment, i Marrounié, a fa 'ntèndre la grando *Mousaïco de Prouvençò e la Farandoulo*, de l'ancian chèfe de musico, Borel.

Sus li cous e pèr li carriero, li tambourin menavon la danso ; lou pople, trefouli, picavo di man e leissavo desbounda sa joio, que mostro au grand jour soun afecioun pèr la lengo e pèr la musico dòu terraire.

E quand la rèino Mijo passavo, tóuti clamavon : « Vivo la Rèino ! » Èro un triounfle.

E nautre, noun poudèn claire aquesto crounico qu'en trasènt à la Rèino uno flour presfumado, culido long de Lar, pèr lou baroun Chapòli Guillibert, e Pau Roman, conse laren.

Lis art, la bèuta, la jouvènço,
Sus toun front linde an espeli :
Diéu t'a larga, dins sa plasènço,
Lis art, la bèuta, la jouvènço,
Rèino, as l'empéri de Prouvènço,
Lou d'afougamen pouëti :
En rai d'or, art, bèuta, jouvènço,
Sus toun front linde an espeli.

BAROUN GUILLIBERT.

Rèino, porge, porge de flour !
Zoul porge-n'en à canestello ;
Pèr tu, descendon dis estello
Lis Angeloun e lis Amour.

Vènon pèr te faire sa court,
Toutis en gaio ribambello ;
Rèino, porge, porge de flour !...
Zou ! porge-n'en à canestello !

Escouto la douço rumour,
La rumour siavo e bressarello
D'aquelo bando encantarello
Que se desboundo de cremour !
Rèino, porge, porge de flour !

PAU ROMAN.

E, aro, nous soubrara plus qu'à traire nòsti picamen de man à
l'Escolo de Lar, pèr la bello réussido de si festo, emai au Counseu
Municipau, e au valènt maire de la capitalo de Prouvènço, pèr la su-
perbo ajudo que, de tout biais, an dounado is ourganisaire d'aque
acamp tant flame. Bon sang pòu pas menti, sobre-que-tout quand pour-
tas fieramen sus vòstis armo, coume la vilo d'Ais, aquésti mot dar-
daiant: *generoso sanguine parta*.

JAN MONNÉ.





LI NOVO FELIBRENCO

PROUVÈNÇO

Sian un brisoun en retard pèr lou raconte de la bello manifestacioun felibreno de l'Escolo de la Mar. (acampado marenco dóu 11 de mai)

Avèn vougu counta pèr lou menut la grando felibrejado de Carcas-souno, e acò nous a pres proun plaço ; pièi, avèn agu li festo larenco emai l'Assemblado generalo de la Mantenènço prouvençalo. Em'acò, lou large nous a fauta enjusqu'aro ; mai, iuei, faren pauseto long di calanco, pèr escousta li cansoun di marinié.

Quaranto taulejaire an respondu au rampèu dóu valènt cabiscòu, Paulin Guisol, e soun vengu manifesta en coumunioun emé nòsti fraire que s'assèmpron à la memo ouro, pèr la causo, dins la vièlo ciéuta de dono Carcas.

Quatre majourau : Marius Bourrelly, Jan Monné, Louis Roumiéux e Anfos Tavan, soun à l'entour dóu cabiscòu.

Lou menut sentié soun *Dabomer* d'uno lègo, que just lou generau Dodds arribavo en terro de Prouvènço aquéu même jour, e pourtavo de

— *Pès de roco sausso bebançino — Filet felibren à la Sto-Estello — Capoun daboumean à l'asti — Ensalado d'Aboumey — Boumbo Dodds — Desservo — Vin : Sant-Jòrgi, Bourdèus (Dubois), Champa-gno, Café de Wydab — Liquour de Kana —*

Eici sian, e acò vai bèn... Guisol s'aubouro e mando lou salut de tóuti i mestre emai i fraire entaula, à la memo ouro, dins li vièii paret de la Porto Narbouneso, à Carcassouno, e nous dis la despacho que se ié vèn de manda, e que vès-eici :

Felibre, à vautre uai d'esperit e de cor,
 Li Maron, qu'un devé despietous empestello,
 Eici, brndon galoi e d'un commun acord,
 I nouvèu majourau, à Mir, à Sto-Estello !

Em'acò, Guisol entouno la *Cansoun de la Coupo*, que lou maëstro Barremo, souto-cabiscòu, acoumpagno au piano, e tóuti respondon au refrin. Pièi, pèr clava sa dicho, e vist la fèsto que se douno à Marsiho pèr glourifica la patrio, Guisol béu à la Franço !

Louis Roumieux brindo i Felibresso :

A-n-aquéli qu'à nautre an bèn vougu s'uni,
 A-n-aquéli, peréu, qu'an pas pouscu veni !

e dis :

A vous moun brinde, o felibresso,
 Gènti rèino di Court d'Amour !
 Maire, sorre, mouié, mestresso,
 A vòsti pèd sareñ toujour !

Que boufe uno auro d'amarezzo,
 Qu'un nivo acate nòsti jour,
 Arribas ? — Vaqui l'alegrosso !
 Sourrisès ? — Es la resplendour !

Sènsa vautre i'a ges de fèsto,
 Ges de plesi, ges de bonur :
 La calamo nous es tempèsto !
 Lou perfum di flour es mens pur...
 Se nous fasès perdre la tèsto,
 Es pèr l'enaura dins l'azur !

Tavan, que vai quita Marsiho pèr se retira à Gadagno, soun païs nàdau, saludo freiralamen li nouvèu majourau Alèssi Mouzin e Valèri Bernard ; Bourrelly nous regalo di vers qu'avié alesti pèr dire à Cassouno, — que devié i'ana — e nous conto l'istòri d'aquelo noblo e valènto ciéuta ; tóuti escouton aquéu raconte emé grand gau.

Pièi, Jan Monné parlo coume eicò :

« Au moumen que lou Felibrige s'affirmo mai-que-mai, alor qu'en Franço la majo part di Municipalita miejournalo l'apielon autamen e couralamen, alor que dins l'estrange païs i'a tant d'ome d'elèi que s'agradon de faire counèisse neste parla, nòsti pouèto, e l'ourganisa-
 ✓ cioun de nosto bello Soucieta, alor que nosto vido literari es super-

« bamen recouneigudo de pertout, s'un ourguei flame, s'uno fierta
 « magnifico nous vènon à l'amo d'eu titre que pourtan, zòu ! tòuti
 « aquéli que nous disèn felibre, zòu ! groupen-nous dins li Mante-
 « nènço, à l'entour d'ou drapèu felibren, à l'afat de noste Capoulié !
 « Que res camine plus à despart ! Que li questioun de persouno e de
 « coulour s'escason, ansin qu'un niéu que lou vènt estrasso ! Que lou
 « soulèu de l'unioun lusigue sus li front e sus li cor, e que, vièti e
 « jouine, tòuti d'accord faguèn bàrri d'amour pèr la Coumtesso ! »

Aguste Gautier, lou gènt secretari di Maren, trais, pièi, li regrett d'Abel Laugier e de Pau Coffinières, e brindo au patrioutisme naciounau ; Dono Witte, qu'a leissa si nèblo d'Irlando pèr noste soulèu, bre-sihejo poulidamen en lengo prouvençalo un galant salut à l'Escolo de la Mar, emai à Foucèio ; Guisol ié respond qu'à qui mot courous ; J. Chevalier aubouro soun got pèr li damo de Prouvènço, e Lazarino de Manosco nous dis graciously soun *Cago-nis*, qu'es uno perleto.

Lou flame Aguste Rol s'esclamo :

Auboure, iéu, moun got pèr noste flèr soulèu,
 Noste soulèu gigant que brulo la Prouvènço,
 Que de si rai ardènt ilumino lou cèu
 Et que met dins li cor uno eterno jouvènço !

Iéu, brinde au souleias, esbrihauant calèu
 Que douno i Prouvençau pouësio e valènço,
 Que brulè de si rai Mistral, Gras, Aubanèu,
 Ié pourgènt de divino e sànti jouissènço.

Au soulèu qu'amaduro e dauro li meisoun,
 Que grasiho, l'estiéu, lou blad di garbeiroun
 E miraio si rai dins lis erso giganto,

Que, de soun caud poutoun, vèn baia la bèuta
 I Prouvençalo noblo e puro, e lou canta
 I cor que fai boumbi sa calour ensucanto.

Un autre jouine noun mens ensiouca, Louis Roux, nous largo qu'à quis estrofo en ounour de la Cigalo, aquelo bestiouleto que lou *soulèu fai canta*. Vitou Bouis nous dis *La genèsi de l'amour* ; Sfenosa, lou fièr pouèto clapassié, mando aquesto flour à la neboudo de Roumieux, Millo Jano Missol :

Se quauque segren bourrello toun amo,
Se lou mau d'amour te poun e te mord,
L'estoufèsses pas, ta doulour que bramo !...
Canto ti plagnun e ti raive mort,
E veiras lèu-lèu, dins ti vers de flamo,
Regoula ti plour en belugo d'or !

S. Clastrier brindo au fiò emai à la flamo que vai pertout, coume lou Felibrige. Toumas Roux canto *Lou bèl anjounèu*, qu'es tant galant; Alavene e Martin cantou peréu; Monné dis un sounet *I cbalo d'Arle*; lou fraire de Toumas Roux, un Maren musician e pouèto, nous mostro un felibre dins soun gabinet de travai; à M. Zakariadès, un ajudaire de la Mar, se ié demando lou cant naciounau de la Grèço, que nous dis emé fiò, e que pièi nous reviro, pèr que tóuti lou coumprengon; aquel inne es segui dóu cant de l'inne naciounau francés. E zóu ! pièi, li cansoun soun entracho : es *Lis estello*, d'Aubanèu; *La bressarollo*, d'Agustin Roux; *l'inne prouvençau* en tres sounet, de Tavan. Martin e Alaveno canton mai, e Roumieux nous fai tóuti creba dóu rire emé soun *Jarjaio en paradis*; Sfenosa dis *Margaritas ante...* Roumieux entouno uno cansouneto : *Ab ! moun paure Roumieux ! quente sort es pas lou tièu !* Es un cacalas de l'acoumençanço à la fin.

Aguste Gautier l'apound lou *Reti en Pèire*, de Gras; Rol dis de vers; Louis Roux : *Ço que lou lioun d'Arle m'a di*; Barremo jogo uno valso de sa coumpausicioun e acoumpagno: *Bèu soulèu de la Prouvènço* e lou *Bastimen vèn de Maiorco*; Clastrier nous fai ausi uno vièlo cansoun de Rounard; Roumieux, sa cansoun : *Vivo la la la, vivo la re re, vivo la pu pu...* etc.; Alaveno dis uno barcarolo de Louis Roux; Sfenosa *Lou languimen*.

Em'acò, es sus lou cant dóu *Maset de mèste Roumitu* que se barro la sesiho, e que tóuti se sarran la man en se disènt: *Au cop venent e sempre*

Plus larg que la Mar !

— Es questioun de celebra, en Avignoun, lou 8 d'outobre venènt, li festo de l'inauguracioun dóu mounumen de Roumanille, dins l'ort de St-Marciau. l'aura, segur, acampado majo de Felibre, emai úno troupo de tambourinaire, qu'es de juste que li tambourin ié fagon lis ounour, à-n-éu qu'avié pèr deviso :

Dau ! dau ! tambourin,
Bontas-vous en trin !

Moussu lou deputa, maire d'Avignoun, Pourquery de Boisserin, presidara li festo, en coumpagno, se dis, de quauquis-un di menistre dou gouèr.

— Se vai estampa lèu-lèu lou « Reinard prouvençau, rouman en douge cant, tira dis escrit de l'agi mejan e de la tradicien, acampa, adouba e publica pèr la proumiero fes en lengo prouvençalo, pèr lou felibre d'Entre-Mount, em' un pourtissoun de Frederi Mistral, segui d'un estudi literari d'En Pau Marieton sus lei tradicien dou Reinard. »

Aquelo obro, courounado i festo latino de Mount-Pelié, en mai 1878, fourmara un bèu e fort voulume que sara ilustra de supèrbi gravaduro. Reparlaren d'aqueleo publicacioun quand la souscripciou sara duberto.

— Lou dimenche 18 de jun, En Ansèume Matiéu, lou felibre di poutoun, l'un di sèt de Font-Segugno, anè saluda, sènso que n'en fu-guèsson avisa, nòsti galant fraire, li Felibre de Paris. Acò fuguè uno grando joio pèr nòsti coumpan de la capitalo, autant qu'un grand plesi pèr neste bon e vièti ami Matiéu.

Tre que fuguè dans la salo, acumpagna d'En Pau Areno, tòuti crideron : Vivo Matiéu ! e lou saludèron en un picamen de man espetaclos. Tant lèu que M. Gourdoux, — que presidavo en plaço dou majourau En Sextius Michel, plourant, pechaire ! sa mouïè morto à la coumençanço de jun, — aguè fa sèire Matiéu à soun caire, qu'En M. Faure ié parlè coume eiçò :

« Messiés, au noum di Felibre de Paris e au miéu, coume majourau, siéu urous de saluda Ansèume Matiéu, lou dous felibre di Poutoun, un di sèt de Font-Segugno, e de lou gramacia de l'ounour que, de soun propre mouvemen, a bèn vougu faire au Felibrige parisen.

« Aujourd'iuei, que sian agueira pèr aquéli même qu'avèn enanti, aquéli que nous devon tant, aquelo vesito de Matiéu, majourau de la bono, nous venjo e nous recordo dou menesprés de quauquis autre. Tambèn lou Felibrige de Paris leissara pas 'scapa l'ur que ié porjo l'avi de Font-Segugno, sènso afouri un cop de mai que toujour sara de cor emè aquéli que, coume Matiéu, lou religion, noun au Felibrige pouligi e segrenous, mai au Felibrige de la pouësio e di cansoun ! »

E Matiéu diguè *Lou catoun de zino* ; pièi, Jùli Bonnet declamè la *Venus d'Arle*, d'Aubanel ; Roux-Servine desgrunè un sounet, *Abrieu* ; Areno e Raoul Gineste diguèron la siéuno.

Ansèume Matiéu murmurejo alor soun sounet esquist : *Lauro au ban*; Batisto Bonnet largo uno cansoun de Brisquimi, tirado de si *Memòri d'un gnarro*, que lèu-lèu van parèisse, e que M. Anfos Daudet revirara en francés, pèr li publica peréu, pèr afin que li groumandoun dóu Nord se poscon regala di bòni sentour de neste terradou.

Après quauqui bon cacalas de rire, Maurise Faure demandè que se voutèsse que « lou retrai d'Ansèume Matiéu, courouna de roso, la flour dis amourous, ilustrarié la salo dis acamp di Felibre de Paris, entre mitan d'aquéli de Mistral, d'Aubanel, e de Roumanille. »

Em'acò, après lou *Cant di Felibre de Paris*, se barrè la sesiho pèr la redurbi, lou 5 de juliet, en uno flamo taulejado en l'ounour dóu bèu cantaire de *La Farandoulo* que fuguè, se pòu dire, un triounfle pèr neste ami Matiéu.

— Dins uno de si darrièris acampado, la Soucieta felibrenco de Paris a decida que, d'aro-en-la, s'apelarié lou *Felibrige de Paris*.

Laura adounc : lou *Felibrige misjournau* e lou *Felibrige de Paris*. Acò pòu pas miés ana. l'aura sempre proun soulèu pèr tòuti !

— Lou 12 de juliet, lou Felibrige de Paris a nouma lou majourau En Maurise Faure pèr faire un rapport sus lis obro coumplido pèr aquelo Soucieta, dins si quatorge annado de vido.

— Li *Couquibo d'un Roumiéu*, obro diverso de Louis Roumiéux, vènon de parèisse. Lou premié voulume trelusis, superbe, à la porto di librarié de Marsiho. Quouro sara que li souscrivèire auràn l'ur de reçauvre de l'estampaire çò que ié fauto pèr coumpli aquéu galant premié voulume ?

— L'escultour Stanil Clastrier bouto la darriero man au buste de Fourtunat Chailan, que sara plaça sus d'uno di plaço de Marsiho. La souscripciou duberto pèr lou journau *La Cornemuse*, poujo, à l'ouro de iuei, à la soumo de 1236 fr. 05. Zou ! aquéli qu'an pancaro manda sa souscripciou, que se despachon !

— L'Escolo de Lerin, que, despièi quauque tèms, nous pourgis à boudre de galant bouquet culi dins lis orto canenco, nous n'en alestis un que ié diran : *Viòuleto fèro*, e que ligara li pouësio dóu felibre L. Funel.

I.ENGADÒ

— l'a just agu un an lou 4 de 7bre que lou valènt cantaire di *Grils*, lou majourau en Agusté Fourès, es mort, e noun poudèn leissa escourre aquelo dato, sènsò traire uno couralo remembranço à sa memòri.

Diren peréu que sis obro soun en souscripcióun. l'a la *sègo*, (138 pèço); la *Muso Silvestro* (163 pèço) e la *Muso errante* (173 pèço), que fourmaran un voulume de 500 pajo, que se vendra 6 fr., e, pèr la posto, 6 fr. 50.

Se souscrieu à l'aménistracioun dóu journau *Le Gril*, à Toulouso.

Li libre dóu dóutour J. B. Noulet, lou saberu e valènt reviéudaire de Goudouli, que *Le Gril* a agu l'eiçelènto idèio de n'en douna la tiero, e que tènon de rareta que noun s'atrouvari en liò mai, an manca d'escapa is amatour miejournau. Mai i'a de patrioto qu'acò l'estrassavo l'amo de vèire s'escampiha e s'esperdre un tresor parié, e la famiho dóu doutour J. B. Noulet a decida qu'aquéli libre e manuscri sarien vendu pèr l'entre-messo di bràvi cor que mestrejon loujournau *Le Gril*; e n'es i burèu d'aquéu valènt journalet que podon adreissa si demando, aquéli que ié farié lego quauco espigo de la garbo, glenado pèr lou savènt mège.

Le Gril pourtant lou catalogo de la bibliouteco Noulet, sara manda à-n-aquéli que lou demandaran, 5, balouard de la Garo, à Toulouso.

— Pèr deliberacioun dóu 26 d'avoust de 1893, lou Counsèu Generau de la Nauto-Garouno a vouta uno suvencioun à l'obro de G. Visner : *Le ramel païsan del parla moundi*. Osco pèr aquéli bràvi cor ! Quouro sara que li Counsèu generau di païs d'O seguissènt aquel eisèmple, suvenciounaran lis obro dis ome que gardon e sauvon la lengo de la terro maire !

Quouro sara, peréu, que li Counsèu coumunau di vilo miejournalo, imitaran aquéu de Toulouso, que, pèr deliberacioun dóu 5 d'avoust, aprouvado pèr lou prefèt lou 29 dóu même mes, a decida que sa souscripcióun au même óubrage sarié de 100 voulume.

En estènt qu'aquelo deliberacioun, lou Counsèu Municipau de Toulouso l'a presso en vièi parla toulousan, nous agrado de la douna à nòsti legèire :

Conaguda causa sia à tots...

Journ cinq, mes de aoust, an mil DCCC nonanta tres, estant assemblat le conseil de Tolosa, assaber en tal apunctament :

« Sr Serres, capitol, premier sendic de la dita ciéutat.

« Sr Feral, Adouy, Llagonne, Philippe, Tranier e Chiffre, sendics capitols.

« Sr Ournac, Dejean, Boucher, Laurens, Durrieu, Bieres, Bacquié, Ferré, Descuns, Voisin, Laffite, Sarraute, Loustau, Noël, Corne, Cou-

Ion, Conques, Daydé, Marcon, Feuillerat, Heuillet, Caylet, Aché, Larrue e Rey, deputats al dit conseilh capitolier.

« An deliberat, lausat e aprobat :

« Premierament, ausit le mandomen de G. Visner des del *Gril*, lo-qual, en ung libre per el composit, sagelat com costuma et utsage *Le ramei paisan del parla moundi* esbaya del parlamen de la ciutat, don faict omatge ;

« Item, recebut de lo dit libre cent estampats, dam plase per la studi de noblo lengua de Tolosa, que legiran en son endret tots es-coliers ;

« Item, los del Conseilh son faict espres mandar al sobre-dit Visner esta copia en missiba de remerciament e testimonia pèr ans venens ;

« Item, los senhors doctors, bourgueses, mercadiers, manuvriers e autres ciutadas del dit conseilh capitolier Tolosan, outre so dessus, ordoneron que les dits libres paguats del emoulumen de la vila, seran, la soma de... escuts (...francs). Com ajuda pèr estre, dels, mes entre bonas mas.

« Tal aussi estat fait e fara encaro.

« Aisso foc pausat, senhat des VII senhets des Sendics et sagela del gran sagel de la ciutat de Tolosa...

Al Capitolo,

Serres,

Feral, Adouy, Llagonne, Pbilippe, Tranier, Chiffre.

Aprobacion d'ou Prefet de la Nauto-Garouno, lou 29 d'avooust 1893.

Signadò : Leoun Cohn.

— Lou felibre mantenèire Ferdinand Chabrier es esta nouma bibliotecari de la vilo d'Alès, en plaço d'ou regreta majorau En Pau Gaus-sen.

— *Lou Cascavel* a dubert uno souscripcióun pèr uno pèiro toumbalo à plaça sus lou cros d'ou majorau en Pau Gaus-sen e d'ou felibre Enri Fabre. Aquéli que volon ajuda nòsti valènts ami cascavelaire dins auelo obro piouso, podon manda si sòu au burèu d'ou journau sobre-di, en Alès.

— Vès-eici lou paumarés di Jo Flourau dubert pèr la Mantenèço de Lengadò, à l'oucasioun d'ou grand coungrés viticolo que s'es tengu à Mount-Pelié d'ou 13 au 15 de jun.

I'avié 92 cansoun e 48 sounet.

I. — Cansoun sus *Lous vis de l'Erau* —

Proumié pres : un óujet d'art de Sevres, óufert pèr lou President de la Republico, à Pau Chassary, felibre mantenèire.

Segound pres : Medaio d'argènt semoundudo pèr lou deputa felibre Deandreis, à G. Theron, à Ceto.

Tresen pres : Medaio de brounze óuferto pèr lou deputa Verniere, à l'autour de la cansoun qu'a pèr epigrafo : « Je suis toujours heureux d'entendre une chanson. »

Quatren pres : Medaio de brounze à Fernand Troubat.

Diplomo d'ounour à l'autour de la cansoun qu'a pèr epigrafo : « Diga-me de que buves, ieu te dirai quau siés. »

Mencion forço ounourable : MM. Matiéu Carles, J. Lacroix, Pellet, Rey, Marc Rigal, Coulazoú, Estève Bonis, Castanier, Henry, Gelis, Cavaillé, Savié Peyre e Bessière.

Mencion : MM. Gallois, Aguste Rochefort, Bouladou, A. Artignan, E. Artignan, Rouch, Senegas, Abauzit, Lavit, Pascal.

II. — Sounet sus *Lou travalbadou* —

Proumié pres : Medaio d'argènt, óuferto pèr M. lou menistre de l'Agriculturo, à l'autour dóu sounet que porto pèr epigrafo : « C'est l'ouvrier des champs qui fait notre bonheur. »

Segound pres : Medaio de brounze óuferto pèr M. Deandreis, à F. Troubat.

Diplomo d'ounour : Maffre, Montabré, Castagnier, Bonis, Cavaillé, Marc Rigal.

Mencion forço ounourable : Combes, l'autour dóu sounet qu'a pèr epigrafo : *Chascun fai fo que pot*; Frederi Gallois, Albert Artignan.

Mencion : G. Niel, J. Moreau, E. Delmas, A. Rochefort, Gauffre.

De mai, la jurado a decerni un diplomo d'ounour foro councours à Mmo Rousalio Robault, pèr sa cansoun *Lous vis de l'Erau*, escripto en parla de l'Aveiroun.

— Lou 2 de juliet, lou felibre Aristido Brun, mantenèire de Lengaddò, proufessour au licèu Sadiki, à Tunis, a prounouncia, à la distribucions di pres dóu sobre-di licèu, un flame discours, enaurant lou Felibrige coume se pòu pas mai.

— Sus la demando de l'Escolo inoudino, lou Counsèu generau de la Nauto-Garouna vèn de l'acourda uno suvencioun de 200 fr., pèrsi Jo Flourau de l'an que vèn.

— L'Escolo audenco clavo soun councours literari lou 15 de 7bre. Li

Jo Flourau se tendran lou 15 d'outobre 1893. Lou councours es coum-parti en sièis tierq : Pouesio lirico, Sounet, Conte o Nouvello, Estudi sus lou pouëto Daveau e si pouësio, Cansoun ; e, pèr acaba, la traducioun en francés d'uno pèço d'Achilo Mir : *La clouco e lou pouleton*. L'aura pèr cado tiero un premié e un segound pres, e de mencioune.

— Lou 2 de juliet, diuis la salo di mariage, au Capitoli de Toulous, s'es tengudo la sesiho amenistrativo de l'Escolo moundino.

Lou majourau En Carle de Carbouniero, sendi d'Aquitâni, presidavo l'acamp, aguènt à si constat li souto-cabiscòu Antounin Perbosc, majourau, e Prouspèr l'Estieu.

S'es d'abord trata la questioun dóu remplaçamen dóu cabiscòu En Savié de Ricard, qu'a douna sa demessioune, pèr veni à Mount-Pelié, coume direitor dóu journau *La dépêche*.

La reunioun decidó, à l'unanimeta, de garda En Savié de Ricard coume cabiscòu ; uno despacho i'es mandado pèr ié dire lou vot dis escoulan moundin.

Lou secretari de l'Escolo, F. Court, estènt peréu parti de Toulous, se noumo M. Bacquié-Founado à sa plaço, e M. Silven Charria, coume secretari-soubren.

A-n-uno ouro, uno taulejado freirenalo reunió totti li sòci dins li saloun Albighi. Lou banquet es superbe e li brinde enàurant.

Em'acò, à cinq ouro, se tèn uno segoundo acampado. En Savié de Ricard a telegraphia que mantenié sa demessioune ; e, à l'unanimeta, li sòci lou noumon cabiscòu d'ounour, e Louis Vergnes, lou valènt feli-bre clapassié que rèsto à Toulous, es prouclama cabiscòu.

MORTUORUM

— Lou Felibrige es tourna-mai en dòu. Lou 11 de jun, la mort i'a rauba soun valènt majourau En Pau Gaussem. Pau Gaussem, qu'Arnavielle avié endraïa dins lou Felibrige, èro un cor de pouëto e un es-crivian d'elèi, amourousi mai-que-mai de soun parla cevenòu.

A escri e nous laisso : *La fièro de Chambourigaud*, galejado ; *La camisardo*, dramo plen de fiò, e que s'es jouga en Alès, ounte a fa prouado ; *Li mirage*, recuei de pouësio lirico e d'elegio, e li galoi *Courdeliés*, sa darriero obro, qu'es un galoi cacalas de franc-riire : acò's la bello courouno qu'a trenado en ounour e glòri de sa terro meiralo.

E totti sis ami i'an peréu trena la siéuno, en jitant uno flour sus

soun cros... Li journau dóu Miejour an ploura sa mort, en d'article pretoucant, amistadous e entristesi; e lou brave arlesen Alcide Blavet, dins la *Cigalo d'or*, ié trais sis adessias emé lis iue regounfle de la-gremo. Escoutas-lou :

« Per nautres que l'avèn couneigu intimamen, que l'avèn aimá, pou-dèn pas vèire parti sens regrès aquei fraire de nostos idèios, aquei cardacho de nostos jojos e de nostos espèros miejournalos... E vejaqui, — tant es pouderouso la douçou de se souveni, — vejaqui que dintre nosto tristesso resignado, dintre la melancounié d'aquei eisil premierenc, vejaqui que bresiho un couplet estivenc e courajous d'aquei que s'es enana, e l'avié di tant de cops as jours de las ouros urousos :

Sagataire tems, pos brandi ta daio,
Sens pieta de res, pos faire meisoun :
 Sémpre riéu cascaio !
Sémpre sus si bord la flour se miraio,
E lis amourous canton si cansoun !
Sagataire tems, pos brandi ta daio,
Sens pieta de res, pos faire meisoun !

« Paure Gaussem ! paure felibre ! La mort, sus tu, a brandi sa daio elo també, e d'aquesto ouro repauses ailai dins la ciéuta mourtuàrio: que la terro te siègue lóugieiro ! As bèn soufri, fisicamen e mouralamen, segu, au tems de ta bouèmo grèvo. — piesquèsses dourmi d'u douço som ! — Tous amics, lous pouètos dau Miejour, t'oublidaran pas, e quauques-unes, bressant ta som de pantais flourits e prefumats, e gounflant quauque pau la voues, pèr fin que t'arrive, belèu, sus toun cros silencious, quauques-unes, per-fes, cantaren embé nostos amigos la douço cansou d'amour... »

Lou gènt Pau Gaussem, que Teolor Aubanel e Louis Roumiéus avien destria dins soun cor tant de qualita requisto, touti l'amavian, e touti avèn agu l'amo estrassado en aprenènt que la mort lou venié de rau-ba à nosto afecioun. E, touti, amor que dins lis orto de Sto-Estello siés ana revière ta douço e tendro mouié, aquelo *Vióuleto d'or* tant esquisto, es en plourant, ami, que te disèn adieu !

— Lou felibre mantenèire Firmin Boissin es mort à Tournoun (Ardecho). Firmin Boissin, qu'ero un enfant dóu Vivarés, èro direitor dóu *Messager de Toulous*; avié, pèr dessubre tout amour, aquéu de la terro miejournalo.

— Lou presidènt di Felibre de Paris, lou majorau Sextius Michel, a agu la doulour de perdre sa mouié, à la coumençanço dóu mes de jun. Plagnen de tout cor li dóu de noste brave ami e coumpañ !

— Es mort, lou 25 de juliet, à-z-Ais, lou felibre mantenière de Prouvènço, lou laren Ougèni Tavernier. Èro un afouga de la Causo e un grand ami de noste mestre En Frederi Mistral. Avié escri uno tiero d'óubreto sus lou mouvemen felibren : « La Cause provençale et Frédéric Mistral » (Ais 1875) ; « Le mouvement littéraire provençal et les îles d'or de Frédéric Mistral » (Ais, 1876) ; « Le Félibrige à Marseille et la Calanco » (Ais, 1881) ; « La renaissance provençale et Roumanille » (1884).

Santo Estello lou repause dins sa glòri.

A PAREIGU :

Dins *Les Echos de Tamaris* (nº 50, 51, 53, 55) : *Cantato*, paraulo de Pau Roman, musico de G. Borel, que se cantè i festo felibenco d'à-z-Ais, lou 30 de juliet. *Brumos d'autouno*, quàu qui mot lausengié pèr lou libre de damisello Claude Duclos, de Gérdo. *Tarento*, sounet de Ravous Gineste. *Les Félibres à Sceaux*, de Fernand Hauser ; *Lei pèis amoureux* (V. Septimus) tira d'un pouèmo que pèr n'en ague vist qu'un escapouloun, nous es vejaire que l'autour aurié besoun de lou bravamen rebrounda.

Dins *Le Gril*, de Toulouso, dòu nº 24 au nº 36 : *Serenado*, de Delmas ; *Diciounari pouplari* agenés-francés, pèr Em. Boudon, *Le gril* de Jan Pitchou ; *Floc d'abriou*, d'Em. Boudon ; *Catalogo di libre* de J. B. Noulet ; *La coupo moundino*, de J. B. Rouquet ; *Lengo moundino*, de Mmo Gelado ; *Un ibrougno*, de J. Mercadier ; *A Toulouso!* de G. Visner, revira d'A. Silvestre ; *Les filosofos del cabaret*, de J. Mercadier ; *Soun oustalet*, de J. B. Rouquet.

A Paris. dins *Lou Viro-Soulèu*, nº de jun, juliet e avoust : la taulo, la tierro di sòci e lou reglamen pèr l'an 1892, emé lou retra dòu majourau En. Pau Areno ; *Pauro sourretò*, de Bonnafay-Debaïs ; *Ié sian o ié sian pas?* de Batisto Bonnet ; *Esclüssi*, signa un felibre ; *Festo dòu Felibrige de Paris, à Scèus* ; Ansèume Matieu ; *L'aguste ome de sen*, *Li pifre*, *Questioun felibenco*, *La viro-souleiado*, de Batisto Bonnet.

* Dins *Le mois cigalier*, nº de juliet e d'avoust : *Le statuaire*, dòu mantenière A. Chansroux ; *A Bonjanin Constant*, sounet gascoun de Seguier, e *les Echos cigaliens*.

En Alès, dins *Lou Cascavel*, nº de juliet e d'avoust : *Estivenco*, de Pau Gaußen ; *Mort dòu felibre Gaußen*, *A la garo*, de Chabrier ;

Fineto, de Louis Roumieux ; *Volo-Biòu*, d'Arnavielle ; *Areno* (felibre dau Bousquet) e *Li Cascavelado*.

A Mount-Pelié, dins *la Campana de Magalouna*, nº de 35 à 40 : *Lous vis de l'Erau*, de P. Chassary ; *Lou travalbadou* ; *Las trelbas*, cansoun de Louis Roumiéux, emé gravaduro de Marsal ; *Nouè* dins *l'Erau*, de Barbasta ; *Lou maset de mèste Roumibù*, de L. Roumiéux ; *Un pouèma d'au felibre mount-polierenc Bringuior*, qu'a pèr titoulet : « lou michant rève » e qu'es dedica à L. Roumiéux ; *Noças d'or*, de Rigal ; *L'anglés de Nîmes*, galejado de Louis Roumieux, em'un image de Marsal ; etc.

A Marsiho, dins *la Cornemuse*, nº de 60 à 65 : *Retra e Biougrasio* de Pau Areno, Jóusè Huot, P. Cros, Valèri Bernard, L. Astruc, A. Michel, Pau Gausson, P. Mabilly, Chapòli Guillibert, Louis Roumiéux, Sextius Michel, Louis Foucard, F. Antoine, R. Marcelin, Michelon e J. Gautier.

A Vilo-Novo-d'Agen, dins *lou Calel*, nº 10, 11 e 13 : *Counsel*, de P. Froment ; *lou calel e la cigalo*, de J. Rouquet ; *la Sourciero*, d'Alban Vergne, seguido d'ou « Manuel élémentaire de linguistique » d'Em. Boudon ; *Pèr dailbasons*, d'Alban Vergne ; *Quan segon*, de Carle Ratier ; *Flou recabudo*, d'ou même ; *lou Bimé*, (La Vedigano), conte revira d'ou prouvençau de Roumanho pèr lou « Bitor » de Vilo-Novo ; *A memeta*, pèr I. Dayma.

A Paris, encò de Lemerre : *Goudelivo*, legèndo prouvençalo en vers de Na Babeloun Pericaud.

A Mount-Pelié : *Pesca-luna*, d'A. Roux : pouèmo sus li gènt de Lunel, que Pesca-Luna es soun escais-noum.

» *Las Cevenolos*, recuei de pouësio d'ou felibre-abat Ernest Aberlenc.

En Avignoun, dins *l'Aïoli*, nº 89 à 97 : *En palun*, de Folcò de Baroncèlli ; *Pau Gausson*, de A. Blavet ; *la Vesprado*, de Pau Gausson ; etc., etc.

Lou Gerent : Jan Monné.

Empremarié felibrenco de Lucian Due, 35, carriero Rousselet, à Paris.

CROUNICO

TOURNA-MAI LA QUESTIOUN DIS ESCOLO FELIBRENCO

Quand uno *Escolo* es regulieramen coustituïdo, valènt-à-dire, quand a presenta sa demando e soun reglamen à l'Assemblado generalo de sa Mantenènço propre, e qu'aquesto, counfourmamen à la lèi establido, lis a aprouva, aquelo Escolo, groupo felibren d'uno vilo o d'un rode, se dèu soumetre is Estatut dóu Felibrige. Sènsò acò, i'a ges d'armounio poussible ni de gouvèr que posque teni dre.

Avèn souvènti-ses auboura la voues à-n-aquéu prepaus, pèr moustra la draio e esplica lis article de l'Estatut pretoucant lis Escolo. Mau-grat tóuti nòstis esplicacioun, i'a, parèis, encaro quauco counfusioun.

Lou jour que lou Counsistòri s'atribuira li dre que l'Estatut counferis i Mantenènço, que li Mantenènço metran la man sus lis attribucioun dóu Counsistòri, e que lis Escolo prendran de decisioun que i'a que li Mantenènço e lou Counsistòri que podon prene, sara la fin dóu Felibrige. Es pèr acò que sau bouta la tanco e lèu-lèu! e s'uni pèr lou mantenemen de la lèi felibreno.

Cadun saup que lou Felibrige, que fai tace d'òli sus tout lou Miejour, se coupartis en tres gràndi Mantenènço : Prouvènço, Aquitàni e Lengadò, e que li Mantenènço sc divison en Escolo ; li proumiero embrassant lis encontrado religado pèr lou même dialèite ; li segoundo, mousseloun di proumiero, religant ensèn li fraire d'uno même vilo o d'un même rode. Mai tòuti aquéli divisioun fan pièi qu'uno soulo e même Soucieta, óubeissènt au même Capoulié e se reglant sus lou même estatut.

En Aquitàni, i'a l'Escolo de Goudouli, que fai prouado à Vilo-Novo d'Agen, emai l'Escolo limousino à Tulo.

En Lengadò, i'a : la Tabò d'Alès, lou Parage de Mount-Pelié, l'Escolo Audenco, l'Escolo Moundino e l'Escolo de Ceto.

En Prouvènço, i'a : l'Escolo de la Mar, à Marsiho ; l'Escolo de Lar, à-z-Ais ; lou Flourege, en Avignoun ; l'Escolo de Lerin, à Cano ; l'Escolo de la Mountagno, à Gap ; l'Escolo dis Aup, à Fourcauquié ; l'Escolo de Tamaris dins lou Var, e l'Escolo dòu Ventour à Carpentras.

Tòuti aquéli groupo soun establi pèr li Mantenènço pèr empura la proupagando, pèr escampiha l'idèio, e sobre-que-tout pèr afreira li felibre d'un même rode.

E pèr respondre à quauqui questioun que d'ami nous an pausado, apoundren, emai acò fugue esta di mai d'uno fes :

1. — L'Estatut felibren (art. 28) entènd pèr Escolo, l'acampado di Felibre d'un même rode. E fau bèn remarca que dis pas l'*acampado de quauqui felibre*, mai di *felibre d'un même rode*, valènt-à-dire que la porto de l'Escolo noun pòu èstre barrado pèr degun, e que tòuti an li mèmi dre, amor que tòuti soun de la même famiho.

2. — Lis Escolo an-ty lou dre d'impausa d'escoutissoun à si membre felibre ?

— Noun. L'article 43 de l'estatut es clar aqui-dessus, que dis : « Lis Escolo noun podon impausa d'escoutissoun qu'à si membre ajudaire que soun pas dòu Felibrige. »

Li mantenèire pagón soun èscot entre li man dòu secretari de sa Mantenènço propre ; un cop qu'an coumpli aquéu devé, res ié pòu leva si dre, ni li taussa d'un autre biais. E se li felibre counsenton à paga un èscot à l'Escolo de soun rode, acò noun pòu èstre que voulountarimen e pèr ajuda l'obro : mai res n'i'en pòu faire uno óubligacioun ni ié cerca reno pèr lou cas, même, que refusarien de paga.

3. — Que fau bèn entèndre que l'Escolo noun es uno Soucieta à despart, que pèr se coustituï a faugu que sèt de si sòci presentèsson sa demando e soun reglamen à l'aproubacioun de l'Assemblado generalo de la Mantenènço, e qu'à-n-aquéu reglamen aprouva, l'Escolo noun ié pòu rèn chanja, ni rèn apoundre, sènsò l'assentimen de la subre-dicho Assemblado. (art. 29)

4. — Tóuti li membre d'uno Escolo aguènt li mèmi dre, lou burèu de la dicho Escolo noun pòu foro-bandì un felibre pèr noun pagamen de l'escot impausa is escoulan, car lou felibre que pago un escot voulountàri à-n-uno Escolo, noun es fautible se lou pago pas, atendu que lou dèu pas ; e dins ges de cas, res pòu tabla sus lou noun pagamen o sus lou retard de pagamen, pèr esclure un coupan.

L'Escolo a pas lou dre de foro-bandì de soun sen quau que fugue di felibre de soun groupo. Li mantenèire d'un rode, tre quo la Mantenènço lis a prouclama membre dóu Felibrige, san partido de dre de l'Escolo d'aquéu rode, soun fraire emé lis àutri sòci.

Mai, i'a bèn mai, e tre qu'un felibre es prouclama, l'Estatut vòu pèr eivita touto questioun basso, que i'ague que lou Counsistòri que posque prounouncia soun esclusioun, dins lou cas que sarié fautible.

Adounc, se li Mantenènço éli-memo noun an poudé de foro-bandì un felibre, à plus fortò resoun, aquéu dre noun pòu èstre douna à-n-uno Escolo, que si poudé van pas plus liuen que ço que porto l'estatut felibren, dins sis article 28, 29, 30 e 31. E, s'uno Escolo fasènt passa uno questioun de persouno avans lou dre d'un fraire, avié decida, countrarimen à soun dre, que barrarié sa porto à-n-un coupan, aquelo decisioun noun aurié forço ni vido.

5. — Es la gardo d'un tresor que la Mantenènço a lisa i Felibre d'un meme rode, es un bèn que i'a douna, pèr lou fatura e lou faire frutifica. Soun téuti fraire, téuti proupietàri au même titre e emé li mèmi dre, d'aquéu bèn, e noun pòu èstre que, pèr uno resoun o pèr uno autre, lis un, pèr aumenta sa part, posquon rau-ba en quau que fugue di fraire, lou tros que la lèi ié recounèis coume siéu.

L'Escolo es uno famiho, e ço que ligò li membre d'uno memo famiho, es l'amour.

L'esclusioun d'un felibre de l'Escolo en même tems que de la Mantenènço, es lou Counsistòri soulet (art. 12 de l'estatut) qu'a lou

dre de la prounouncia ; e encaro, pèr acò, fau que l'ague la majourita di douz tiers di sufrage. Bèn mai, dins l'article 13, s'es apoundu que lou felibre encupa aura lou dre de se desfendre davans lou Counsistòri.

Adounc, — lou redisen, — se lou dre d'esclusiou es escassamen reserva au Counsistòri pèr lis estatut, e se li Mantenènco noun an poudé pèr acò, es pas poussible qu'uno Escolo, que n'es qu'un tros de la Mantenènço, posque esclure de soun sen un felibre, pèr la resoun :

1° Qu'aura pas paga soun escot d'escoulan, resoun que touumbo d'elo-memo, atendu que l'Escolo noun pòu impausa d'escot i Felibre ;

2° Que lou sobre-di desagradara o fara oumbro en quauquis-un. Ço que noun es uno resoun valènto, vist lou liame freirenau que dèu liga tòuti li cor felibren.

7. — Lou felibre mantenèire pago soun escot annau entre li man dóu secretari de sa Mantenènço propre, e, quand a coumpli aquéu devé, a tòuti li dre que lis estatut counferisson à-n-aquéli que s'ounouron dóu litre de felibre ; res lou pòu empacha d'assista i reunioun de l'Escolo de soun rode, de prene part i felibrejado, etc.

Res, nimai, pòu leva si dre i felibre que lis Assemblado generalo de Mantenènço jujon à prepaus de dispensa de l'escot mantenenciau.

Lou pagamen o lou noun pagamen d'aquel escoutissoun arregardo en rèn l'Escolo : li Felibre estènt tòuti fraire, tòuti egau davans la lèi felibreno, li membre d'uno Escolo qu'aurien foro-bandji un de si coupan felibre, aurien, ni mai, ni mens, chaucha lis Estatut soutu si pèd.

N'en sarié pas de même dis *ajudaire*, o membre d'ounour d'uno Escolo. Aquesti, estènt en foro dóu Felibrige, l'Escolo pòu rejita o aprouva sa demando d'amessioun, e ié faire óubligacioun de paga un escot e li foro-bandji, s'es necite.

La Mantenènço autouriso l'Escolo à s'agrega lis ajudaire, e l'Escolo mestrejo, à soun agrat, aquelo tiero de sòci « que soun pas dóu Felibrige. » (art. 31)

8. — La decisioun d'uno Escolo foro-bandissènt un felibre de soun sen, noun pòu avé la mendro valour. Es uno grando fauto, senoun

un malur, au regard dóu respèt de la lèi felibrenco e dóu mantene-men de l'unioun de tòuti dins un meme cor. S'acò arribavo, lou devé dóu capoulié dóu Felibrige, gardian dis estatut, coume aquéu dóu sendi de la Mantenènço qu'aquelo Escolo pretoucarié, sarié de faire coumprene, subran, i sòci qu'aurien pres uno pariero decisioun, qu'aurien passa la rego, que sarien ana forço mai liuen que si dre, e que déurien escafa de si verbau la decisioun sobre-dicho e n'avisa lou sòci que n'aurien, sènso dre, prounouncia soun esclusioun.

Es acò, segound noste vejaire, e lis estatut en man, la draio que iaurié de segui, se lou cas se presentavo.

Mai, se l'esprit Sant-Estelen e l'amour que dèu i'agué entre li fraire, noun èron proun fort pèr empacha qu'uno causo ansin arribèsse, e que noun s'adoubèsse pèr la sagesso e lou bon sèn de tòuti, i'aurié que de pourta l'afaire davans l'Assemblado generalo de la Mantenènço ; e miés qu'acò, davans lou Counsistòri, que noun pourrié fulta de rendre justiço au felibre foro-bandi.

E vès-aqui la responso que fasèn i questioun que nous èron pau-sado, esperant bèn que lou brout d'oulivié de la pas fara lusi long-tèms encaro sa ramo argentalo sus nòsti front, e que Sto Estello, sus la mar semo, menara la barco e lis arange.

JAN MONNÉ.



LI NOVO FELIBRENCO

PROUVÈNÇO

— Noste ami, lou gènt sòci dòu Felibrige, Em. Portal, de Palermo, vèn d'autourisa lou felibre mantenèire Aleissandro Martel, à revira de l'italian en francés, soun libre tant flame sus la literaturo prouvençalo moderno. Sian urous que fugue un sòci de la Mantenèço prouvençalo que siegue carga d'aquéu presa ; e nous es en-de-bon de dire e de prouclama qu'aquéu travai poudié pas èstre fisa en de melouri man. Oh ! la bello chabènço !

— Lou Counsèu municipau d'Avignoun a decida que lou buste de Teodor Aubanèu sarié auboura sus la plaço Sant-Deidié d'aquelo vilo.

— Dins la proumiero quingenado de setèmbre, avèn agu l'ur de vèire à Marsiho Batisto Bonnet, l'autour di *Memòri d'un Gnarro*, que *'Aiòli* publico, quel escarabiha mestrejaire dòu *Viro-Soulèu*, lou journaler dòu *Felibrige de Paris*. L'avian jamai vist, e nous a fa grand gau de lou counèisse e de l'embrassa. Acò si qu'es un cor d'elèi !

— Es l'escultour tarasconen J. Amy, vice-président dòu Felibrige parisen, qu'es esta carga dòu mounumen que se dèu auboura sus d'uno plaço de Cadenet (Vau-Cluso), en ounour dòu célèbre Tambour d'Arcolo.

— Li 14 e 17 de setèmbre, lou Pai Savié de Fourviero a douna de predicanço prouvençalo en vilo de Cassis (Bouco-dòu-Rose), e lou people badavo de l'ausi.

-- Lou felibre abat Ardisson, curat de Magagnosc, toucant Grasso, lou 8 de setèmbre, a peréu predica en prouvençau dins la glèiso de Lourdo i très cent Grassen que i'ron ana en roumavage, e que i'an canta : *O Mario, la Patrio*, de Roumanille, e *Prouvençau e Catouli*, d'En M. Frizet.

— Lou 27 de setèmbre, quauqui felibre se soun acampa à l'*Hôtel de Marsiille*, pèr faire sis adessias au brave majourau En Anfos Tavan, lou delicat pouèto d'*Amour e plour*, que pren sa retrète dins la Coumpagnié dòu Camin de Ferre, pèr tourna dins soun païs nadau, la galant viloto de Gadagno, ounte i'a lou castèu de Font-Segugno, que fuguè lou brès dòu Felibridge.

Regretous, mai-que-mai lou soun esta lis ami, que de resoun majo an empacha de veni temougna sa simpatio au felibre que tóuti amon e que i'a qu'uno voues pèr lausa.

Lou capoulié Fèlis Gras e Batisto Bonnet avien manda un salut esquist, e Louis Roumiéux, J. Huot, Louis Astruc, A. Gautier, P. Guisol, P. Bertas, J. Gautier, M. Daniel, la felibresso de la Crau emai dono Lazarino de Manosco, an di tout çò qu'avien sus lou cor d'afecioun e d'imiracioun pèr lou pouèto mouèste, pèr lou fin ciselaire d'aquel perlo, toujour esbriaudanto, fresco e lindo : *Li frisoun de Mariet*.

— Li pouèmo de *La Pauribo*, que lou majourau En Valèri Bernard publicavo dins un journau de Marsiho : *Le Bavard*, soun acaba e van èstre segui de la publicacioun d'un rouman en proso, que pourtara pèr titoulet : *Bagalouni*, noum que se dounavo, autre tems, à-n-un quartié dòu vièi Marsiho, ounte demouravon li pàuri gènt e que s'atravavaro aperamount darrié la glèiso di grand Carme, vers la carriero de l'Escalo.

— Lou felibre abat, canounge Enri Rolland, d'à-z-Ais, vèn d'èstre nouma óuficié de l'estrucioun publico. Nòsti couràli felicitacioun.

— La ligo musicarello marsiheso a douna 'n councours lou 10 de setèmbre, que li *tambourin-galoubet* i'an fa sa plego.

Vès-eici li lausié culi pèr li devot de nosto musiqueto galoio :

Eicelènci : Premié pres à M. A. Mouren, à l'unanimeta ; segoundo divisioun : premié pres à Cré, d'à-z-Ais ; segound pres à Michelini. — Tresenco divisioun : segound pres à M. Emmanuel.

— *La Mandoline*, journau literari nimesen, durbis un councours de pouësia e de proso neo-roumano, que sara clava lou 31 d'òutobre. Tóuti li genre e tóuti li dialèite podon prene part à la targo. Li pèço auran d'èstre mandado dins la formo academico à M. Michel Pons, carriero Nosto-Damo, 39 bis, à Nimes (Gard).

— M. Louis de Sarran d'Allard, en Alès, alestis un *Devisaire feli-bren*, recuei en lengo d'O dis armo e deviso di Felibre e ami dòu

Felibrige, e recaupra emé grand gau tóuti lis entre-signé que ié saran comunica sus d'aquelo estiganço.

— Souto l'aflat dóu gènt felibre Enri Dayre, vèn d'espeli en Arle un nouvèu journau : *Le lion d'Arles*, que saludan de tout cor e en quau souvetan longo vido. L'Escolo arlatenco nous pourgira dins aquelo fueio lis espigo d'or de sa meisoun, e nautre, nous n'esperlicaren. Lou proumié salut i'es manda pèr En Frederi Mistral, e acò ié pourtara bonur. Es ço que desiran.

— Lou 23 de juliet, dins l'ate de la festo de Sant-Cassian, qu'es un rode galant dis enviroun de Cano, la Soucieta couralo *la Cécilienne*, accoumpagnado de tambourin e de flahutel, a eisecuta, souto la direccioun de M. Bagnat, uno cansoun prouvençalo : *Lei Mouissalo de St-Cassian*, dóu felibre Mario Bertrand, que se i'es fa bello acuiènço.

— Lou felibre abat Francés Pascal, de Gap, cabiscòu de l'Escolo de la Mountagno, vèn de faire parèisse lou cant desen de *L'Iliado*, d'Oumero, *revira en parla dis Aup*, qu'es dedica is escoulan dóu licèu de Gap.

— Lou brave autour dis *Auvàri de Roustan*, lou felibre Autheman de l'Islo, vèn de marida soun drole, Pau Autheman, emé Mllo Agnès Viguer, la gènto chato dóu juge de pas de Seloun. Zou ! Que Santo Estello fague plouïre, à raiissado, si flour sus li bèu nòvi, pèr afin que sa draio fugue clafido de rire gènt, de joïo tendrino e d'amour flòri !

— Lucian Duc, editour dóu dramo de *Casau*, d'En Jan Monné, fai assaupre is ami de l'autour qu'aquelo obro es en vèndo encò de Mmo Roumanille, en Avignoun ; à Marsiho, à la librarié Flammarion, carriero de Paradis, emai peréu à Paris, encò de l'editour, 35, carriero Rousselet.

— Lou majourau En Pau Marieton a cargo l'estampaire de neste Buletin mesadié d'empremi sa publicacioun la *Revue Félibréenne*.

— Remembran is ami que l'*Académie Lamartine* duerb si councours à la lengo miejournalo, e que n'en fau demanda lou prougramo à M. Emilo Mossot, presidènt, à Menou pèr Varzy (Nievro).

— Se dis que M. Ferrero, maire de Touloun, a counvida neste mestre En Frederi Mistral, i festo que se dèvon douna dins aquelo vilo, sus l'estiganço de la vengudo de l'escadro rùssi.

— Lou Felibrige de Paris a tengu sesiho lou dimecre 4 d'òutobre, souto la presidènci d'En Maurise Faure, deputa de la Droumo, e a decida de manifesta pèr la vengudo di marin rùssi à Paris, en boutant

de pavaïoun e de drapèu à si fenèstro, que de vèspre sarien engarlando de cadeno de fiò.

An pièi arresta que se semoundrié à l'amirau Avellan, coumandant de la subre-dicho escadro, un album-remembranço, que tendrié l'*Inne rùssi*, revira en lengo prouvençalo, segui d'uno culido de mousseloun de vers o de proso, coumpausa sus lou prepaus de la bèn-vengudo vesito que li Rùssi fan à la Franço.

LENGADÒ

— *Le Gril* durbira un councours tòuti li dous mes, pèr la pouësio, la proso e la galejado ; lou premié sara claus lou 15 d'outobre. Fau èstre abouna à-n-aquéu valènt pichot journalet pèr ié prene part.

— *Lou Cascavel* d'Alès, dins soun numerò d'outobre, començara la publicacioun dóu bèu dramo de Pau Gaussem : *la Camisardo*, qu'a passa tèms lou *Prouvençau*, que se publicavo à-z-Ais, soutu la direicioun dóu comte de Vilo-Novo, n'avié douna quâuquis escapouloun.

— Avian anóuncia lou councours dóu *Cascavel*, pèr uno cansoun sus *las Tripes d'Alès*, e de *cascavelado* ; vèrs n'eici lou paumarés :

I^e. Cansoun. — *Las tripes d'Alès*

Pres : Jan Cascavel, d'Alès ; mencion C. Droll, à Nimes.

II. — *Cascavelado*

Premié pres : *la Chambourdo*, pèr lou Gripet, de la Roco.

Segound pres : *Vice de M.* lou curat, pèr Jan Galoi, de Benobre.

Mencion : C. Droll, Jan Castagno, Riquet, etc.

III. — Conte

Lou pres es esta reserva.

Mencion : E. Fournier, L. Tombarel, Droll, etc.

IV. — Pouësio

Lou pres es esta reserva.

Mencion : Jan Raiòu, L. C.; Millo L. O., etc.

Lou *Cascavel* avié reçaupu 170 pèço pèr soun councours. Osco ! mignot, nosto parladuro es panca morto, que ?

— A-n-Anduzo, un coumitat s'es coustitui pèr auboura un mounument à Claro d'Anduzo, la troubairis qu'a ilustra aquelo viloto : es mai que segur que la Mantenènço de Lengadò, tant devoto à-n-aquelo glòri, noun fautara d'alesti de Jo Flourau e de festo felibrenco à-n-aquéu prepaus.

óussèqui dóu duque d'uzès

— Lis óussèqui dóu duque Jaque d'Uzès, mort pèr la Franço lou 20 de jun à Kabinda, au fin founs de l'Africo, an agu liò en Uzès lou 27 de setembre.

S'es fa de funeraio magnifico au noble esplouradou lengadoucian, Lou Counsèu municipau d'Uzès, soun maire en tèsto, presidavo la tristo e pretoucanto ceremounié ; lou gouvèr avié delega lou celèbre coumandant Monteil ; lou députa Francés Deloncle ié representavo lou groupou coulouniau.

La vilo d'Uzès touto entiero seguissié lou courtege, e lou Felibrige, en record di festo felibrenco d'Uzès, i'ero representa pèr lou majourau En Pau Mariéton, canceliè dóu Felibrige ; lou valènt sendi de Lengaddò H. Messine, lou vice-sendí Gastoun Jourdanne, delega de l'Escolo audenco, de Carcassouno ; li felibre d'Uzès : llarioun de Roux, Louis Rochetin, A. Artezqul, Louis Pascal e Gastoun Bouat ; lou mantenière L. Ausepy, de Pont-Sant-Esprit ; Enri Bouvet, d'Avignoun ; Antòni Chansroux, l'abat Contestin e Jùli Veran de Bèu-Caire ; Louis de Sarran d'Allard, d'Alès ; Jaque e Pèire Arnavielle, de Mount-Pelié, etc.

La bandiero de l'Escolo audenco, que Gastoun Jourdanne avié aducho, floutejavo dins l'aire davans li Felibre.

Lou coumandant Monteil, davans lou cros, prounouncio pièi de paraulo superbo e enauranto. Sa dicho se clavo ansin :

Honneur à celui qui a su dévouer sa vie à une grande cause !

Comme beaucoup, aujourd'hui, le duc Jacques d'Uzès avait compris les vraies destinées de la France contemporaine. Il faut que la France se retrempe dans les entreprises extérieures pour agrandir le champ de son action civilisatrice.

Paix à ses cendres qui vont entrer dans leur demeure ! Jacques d'Uzès est mort au champ d'honneur !

En seguido, an pres la paraulo MM. Aubrespy, maire d'Uzès, M. lou comte d'Albiousse, M. Coste, conseié generau, En Pau Mariéton e Francés Deloncle.

En Pau Mariéton, que s'es espremi en francés, a coumença sa dicho pèr aquésti mot :

« C'est au nom du Félibrige, messieurs, c'est-à-dire au nom des traditions et de la race, de la petite patrie et de l'histoire, du Félibrige hautement accueilli en cette demeure, que je viens saluer le jeune héros mort en glorifiant le grand nom méridional d'Uzès.

E l'a clavado coume eiçò :

Le ferment héréditaire s'étant réveillé en lui, il aim'a mieux mourir que de renoncer à son rêve...

Salut, jeune mort plein de gloire ! Je t'ai connu : tu fus simple, loyal et bon, avant de devenir simplement héroïque !

Rejoins, au sein de Dieu, l'âme immortelle des ancêtres, celle dont nous vivons tous mais dont, toi, tu as su mourir !

Alor, s'es avança, tout esmougu, lou gènt felibre Enri Bouvet, d'Avignoun, qu'a tra aquéstis estrofo en lengo prouvençalo subre la toumbo dòu valènt duque :

Soun en grand dòu nòsti Ceveno,
Coume àutri-fes dedins l'areno
D'uno antico famiho un amistous enfant
Mourgant lou ploumb e la mitraio,
Souto un souleias que dardaio,
De la mort a senti la daio,
E dintre soun casteu brusis plus l'oulifant.

Sabié qu'au tèms de la crousado
Si gènt, en tèsto dis armado,
Acampavon li Franc 'mé la plumo au capèu ;
E noste felen di vièi comte
Di jour de pas noun tenènt comte,
Pèr fin de fugi tau bescomte,
Is estrángi païs despleguè lou drapèu.

Mau-grat l'atiramen dòu mounde,
De si plasé mau-grat l'abounde,
Eu s'enanè treva l'androuno di lioun,
Di serp, di tigre e di pantèro ;
Ah ! basto, aquelo rufo terro,
Mounte s'esbèu lou sang di guerro,
Reçaupe lou bon gran di civilisacioun !

Ounour à vous, d'Uzès, bèu drôle,
Avès aqui coumpli lou role

Di valènt chivalié, qu'en dedins de si cros
 Saludaran voste cadabre ;
 Se revenès fre coume un mabre
 Avès sachu teni lou sabre
 Qu'aro pendoularen contro aquéu dis eros.

Coucha soutu li bard dóu tèmeple
 Nous servirés aqui d'eisèmple
 A l'ouro ounte la Franço aura besoun de bras,
 Noun contro l'Africo e l'Asio,
 Mai pèr apara la patrio
 Luchant contro la barbaro :
 « N'es pas toujour tant liuen la barbaro, ai-las ! »

Après la tristo ceremounié, s'es óufert à Mmo la duquesso d'Uzès,
 coume un bouquet de sèmpre-vivo, l'album de regrès, coumpausa di
 péço en memòri dóu duque d'Uzès, pèr uno tiero de felibre e soutu
 l'aflat dóu brave Louis Pascal, d'Uzès.

Aquitani

— L'Escolo de *Jansemin* a tengu sesiho en Agen, lou 24 de setembre.
 S'es tauteja encò de l'osto Marty ; s'es brinda e canta mai-que-mai, e s'es
 renouma lou burèu de l'Escolo.

Papilboto, la vigno de *Jansemin*, a piei reçaupu la visito di felibre e,
 aqui, s'es tourna-mai di de vers e de cansoun.

Lou nouvèu burèu elegi es coumpausa coume seguis : Carle Ratier,
cabiscòu ; J. B. Rouquet e J. D. Rigal, *souto-cabiscòu* : P. E. Boudon, *tre-sourié* ; A. Sourreuil, *secretàri* ; Fernand de Mazet, *assessour* pèr lou rode
 de Vilo-Novo.

L'assemblado arrèsto de mai que *Lou Calsi* que s'ero bouta à la dis-
 pouisioun de l'Escolo coume soun porto-voues óuficious, recebènt pèr acò
 ajudo d'argènt, noun aguènt tengu paraulo, l'Escolo à sa plaço publicara
 annalamén *L'armanat garounenc* ; e tóuti lis escoulan soun counvida, sus
 aquelo estiganço, à inanda de vers o de proso au Cabiscòu pèr èstre en-
 seri dins la publicacioun subre-dicho, e acò avans lou premié de nouvèm-
 bre venènt.

— Lou coumitat de la *Ruche Corrézienne* a decida que de Jo Flou-
 rau *limousin*, se tendrien en 1894, que pourtarien pèr noum : *Jeux flo-
 raux de l'Eglantine* e que se farien tóuti lis an.

— Lis acamp mesadié de la *Rucbe Corrézienne* à Paris, fan toujour flòri, li cansoun dóu païs ié rounflon, e *La Limouzina* de Jóusè Roux se ié canto en cor regulieramen.

— Jo Flourau limousin de *l'englangtina* —

Aquéli Jo Flourau counsistaran en councours literàri e artisti dubert entre tóuti lis escrivan o artisto dóu despartamen de la Còrresco.

l'aura : 1^o un councours de pouësio en lengo limousino ; 2^o un councours de proso en lengo limousino ; 3^o une traducioun en lengo limousino d'un *escapouloun* dis obro di troubadou limousin. —(Pres di Troubadou) ; 4^o e 5^o un councours de Pouësio e de proso franceso sus d'un tème limousin ; 6^o un councours classique de proso en lengo limousino 7^o un councours classique de proso en lengo franceso ; 8^o un councours de dessin ; 9^o un councours d'Esculturo ; 10^o un councours de compousicioun musicalo, e tout acò sus de tème limousin.

De pres superbe saran decerni tóuti lis an lou premié dimenche de mai.

Vès eici lis entre-signé d'aquéu councours pèr l'an 1894 :

1^o Councours de pouësio (odo, tablo, cansoun o brande) en lengo limousino mouderno (emé traducioun vis-à-vis) — sujet libre.

2^o Councours de proso (nouvello, conte, etc.) en lengo limousino, emé traducioun franceso vis-à-vis — sujet libre.

3^o Pres di troubadou — Revira en vers limousin mouderne (emé traducioun franceso vis-à-vis) la cansoun dóu troubadou Gaucelm Faydit, titoulado lou *Rossignolet*, en lengo limousino d'eu siècle dougen :

Le rossignolet salvatge
Ai auvit que s'esbaudeja
Pèr amor en son lengatge,
Em fai si morir d'enveja,
Car leis cui desir
No vei, ni remir,
Si nom volgra ajan auvir.
Pero, pel dous chan
Qu'el e sa par fan
Esförz un pauc mon coratge,
E vau conortan
Mon cor en chantan,
So que no cujei far ujan.

4º Lou councours de pouëslo franceso aura pèr tèmo : *les jeux de l'Eglantine*, en remembrant li jo d'aquéu noum istituï pèr Jan Teyssier, à Tulo, au siècle segen.

5º Lou councours de proso franceso tratara aquest sujet : *Une fête votive dans la Corrèze*.

6º Lou councours classique en lengo limousino, reserva is escoulan, coumprendra la traduciuon en lengo limousino mouderno d'un tros de Vergèli, Georgico I (emé traduciuon franceso vis-à-vis), coumençant au vers : *Sæpe ego, quum flavis messorem induceret arvis agricola, ...* enjusqu'au vers : *Nunc nemora ingenti vento, nunc littora plangunt.*

7º Pèr lou councours classique en lengo franceso, reserva i mestre d'escolo, lou tèmo es : *Etude abrégée sur le Bas Limouzin pendant la guerre de cent ans.*

8º Lou dessin representara un tipe de *paisan limousin avant à la fiero*.

9º L'Esculturo aura de retraire un tipe de *patiaire limousin*.

10º La musico sara broudado sur la cansoun de l'*Englantina* que seguis :

I

De la chantar, l'Englantina,
Qus a lou drech mais que nous,
Lemouzis d'enja latina,
Al lengatge fier e douz ?

II

Flour delicada e charmanta,
Chas nous culhida autres temps,
En souvenir d'un' amanta,
A l'intrada del printemps !

III

Dous louns segles amousida
Jous la plueja e jous la neu,
S'espansis, que mais grazida,
Nueva dinz un vase nueu.

IV

Bounjourn, la reviscoulada !
La renascuda, bounjourn !
E tu, la recoun soulada,
Patria, flouris toutjourn !

V

L'Englantina recoumpensa,
 L'Englantina encouragis
 Lou qui sab e lou qui pensa,
 Lou qui vol e lou qu'agis !

VI

Ounta a qu paupa ou gazina !
 Gloria als valens chantadours !..
 Jamais la gent lemouzina
 N'estara de troubadours !

Jóusè ROUX.

Touti li coumpousicioun auran d'estre mandado au secretariat de la *Ruche Corrézienne*, franc de port e avans lou i d'abrieu de 1894.

VANEGACIOUN

- Marius Cognat, demoro, aro, à Marsiho, Balouard *Pbilippou*, 39.
- Aguste Marin, demoro 48, Plaço *Pigalle*, à Paris.
- Andriéu Sourreil, es recevèire de l'Enregistramen e di Doumaine à *La Tronquiere* (Lot).
- Ciprian Dultier, es, aro, à Lioun, avengudo de *Saxe*, № 195.
- Louis Roux, es carriero *Sylvabelle* 91, à Marsiho.
- Lou majourau En A. L. Sardou que restavo à Niço, rèsto, aro, en vilo de Cano, carriero de *Châteaudun*, 18.

A PAREIGU :

- A Paris : la *Lemouzina* e *Lemouzi*, dos roumansom en parla dóu limouzin, que li paraulo n'en soun dóu majourau En J. Roux, e la musico de F. Celor.
- » Encò de Lucian Duc, editour, « Paraulo dóu sendi En Marius Girard, à l'Assemblado generalo de la Mantenènço de Prouvençou e i Jo Flourau de 1893, à-z-Ais, lou 30 de juliet. »

A Palermo, encò de Zappulla, editour : « Rapport à l'Académie d'Aix sur l'ouvrage : *Albo Cristoforo Colombo*, du comte Angelo de Gubernatis » dóu majourau En F. Vidal.

- » *A doi genitori che piangono*, revira en italian dóu francés de la pauro damisello Anua de Berluc-Perussis, pèr Giuseppe Spera.
- » Dins la *Nuova Sicilia*, n. 241, 252 : *Tra libri e giornali*, escourregudo d'Em. Portal dins li publicacioun miejournalo, e un sounet de Marius Bourrelly.

En Avignoun, encò de dono Roumanille, libraire-editour : « Eloge de Bonaparte-Wyse » « Discours de recepcioloun d'En A. Mouzin au Counsistòri felibren, tengu à Carcassouno lou 11 de mai ; Responso d'En Louis Astruc. »

A-z-Ais, encò d'Enry Ely : *Odo à Mirabù*, de Fourtunat Martelly, qu'es dedicado à M. Moutet, juge de pas, à-z-Ais.

A Paris, encò de Champion, tira à 100 eisemplàri : *la Littérature roumaine (essai bibliographique)* qu'Em. Portal, sòci dóu Felibrige, dedico couralamen à soun ami Enri Ner. Es flamo l'idèio qu'es vengudo à-r-Em. Portal de nous faire cunèisse la Roumanjo, ounte se parlo uno lengo sorte de la nostro e sis escrivan, que n'i a forço qu'uно atecioun freirenalo ligo is escrivan d'O.

A Carcassouno : *Etude sur les littérateurs languedociens de Narbonne, du dix-septième siècle à nos jours*, pèr Gastoun Jourdanne.

- Sarié brave que, dins cado viilo, se reculiguèsse ansin li rellece dóu passat e se signalèsse à l'afecioun dis ami di letro miejournalo, aquélli qu'an sauva la lengo de l'oubliit.
- » *Elogis de Pierre Goudelin (1579-1649)* pèr Gastoun Jourdanne, segui d'un estudi sus lou reviudamen pouëti di dialèite d'O, obro courounado pèr l'Acadèmi de Jo Flourau de Toulouso, lou 3 de mai 1893.

Avèn legi emé grand interès aquelo obro marcant, e nous a mai-que-mai atriva l'estudi que n'en formo la tresenco partido, e que resumis poulidamen l'istòri dóu mouvemen felibren.

En Alès, dins *Lou cascavel*, n. 21 e 22 : *la Fièiro de Sant-Bourtoumiéu*, pèr lou marqués de la Faro-Alès, 1840 ; *la Cambourdo* (Lou Gripel) ; *A prepaus de St Bourtoumiku*, de P. Gaussen ;

Li noço de Guingoi, musico de G. Borel, paraulo de Louis Roumiéux, que fan flòri en Lengadò; *Autouno*, de Capitello; seguido de *Volo-Bidu*, d'Arnavielle, etc.

A Marsiho, dins la *Cornemuse* dòu 15 de setembre e 1 d'óutobre: la *Legènda de la darrò de Pamparigoun*, de Batisto Artou; *l'Històri d'uno cansoun*, curious raconte de Louis Roumiéux sus d'uno cansoun que coumpausè vers l'an 1868; *la Mort d'uno vierge*, de C. Galicier; *Ob! lou poulit mestié que lou mestié de dentista!* de Batisto Bonnet; *Péu coupa'e desmama*, de Mmo J. Gautier; *Pèire Maizièrre*, retrai e biougrafisio pèr Louis Pelabon; *l'Oustau*, de Batisto Bonnet; *A ma Janeto*, de Remy Marcelin; *l'Esperaire*, de J. Gautier; *Les cours d'amour*, de o'Antilly.

A Vilo-Novo-sus-Lot, dins *lou Calel*, nº de juliet e de setembre, *Binran e cantaren*, de J. B. Rouquet; *Escambie*, de C. Ratier; *l'Ensourcelbairo*, de Rouquet, seguido dòu *Manuel élémentaire de linguistique*, d'Emilo Boudon, que vai parèisse en voulume e que recoumandan en tòuti lis ami, coustara que 2 fr. e se fau adreissa pèr l'agué à M. Emilo Boudon, mestre d'escolo a St-Salvy, pèr Aiguillon (Lot-e-Garouno).

Las Bendedios, de A. Sourreil; *Gat, gato e gatoun*, en parla d'Agen, revira dòu conte prouverçau de J. Roumanille; *lou Mes d'abriou de Dayma*; *Pitiou pecat*, de Sourreil.

A Mount-Pelié, dins la *Campana de Magalouna*, nº 41: *Las calotas*, signa l'Escoutaire; *l'Inoundacioun dau Merdansou*, de Marc Rigal; *li Noço de Guingoi*, de Roumiéux.

» *Lou mouissau, que fissa quand cau*, journal au galejaire e clappasié, qu'a vounvouneja dòu tems dis eleicioun en favour dòu felibre E. Deandreas, que se pourtavo à la deputacioun dins la proumiero circounscriptioun de Mount-Pelié. Aquéu journal et bataiaire, douno couneissènço à si legèire de l'aficho en lengo dòu Clapas, que s'espoumpissié fieramen sus li muraio de Mount-Pelié, counvidant lis eleitor à vota pèr Deandreas; i'a, pièi, lou *VIn centenari de l'Universitat*, em'uno cansoun; *Lou gach parat de las plumas dòu pavoun* (un Fissaire); *l'Anticambra* (un vesi de Rousaiò); *Lou proupretari e lòu mercband de vi*, dialogo entre Mouisset e Cousi. Aquéu Cousi,

que se pourtavo contro Deandreis, e qu'avié peréu imagina de publica un journalet : « La Capeleta, » mita francés, mita clapassié ; *Mouessu Lafon* ; etc.

Sarié mai que brave se, dins tout lou Miejour, quand i'a d'eleicioun, li candidat parlavon au pople dins sa lengo. Lou pople sauprié forço miéus çò que ié demandon, e coume dèu youta.

A Lamalou-di-Ban, dins lou « Bulletin de l'union des Abeillistes » n° de juliet : de vers inedi de Jasmin sus la flamo ; la cansoun *lou Bi de l'Erau* ; *la Sto-Estello à Carcassouno* ; dins lou numerò de setèmbre : vers de M. Alban Lant ; *le Renos de la festo de Quibé*, de Pau Dunac ; *A-n-Isabello*, sounet de Mau-riise Faure e li revisto e journaul dóu Miejour.

Dins la *Nuova Sicilia*, de Palermo (Itàli) N° 236 à 240 : *Tra libri e giornali*, crounico literàri sus lou libre d'Enri Ner, *Ce qui meurt*, sus *Las Crenolos* de l'abat Aberlenc e sus *Agusto* de Maurise Rimbault ; un sounet de Marius Bourrelly ; e pièi uno es-courregudo dins tóuti li journaul miejournau.

A Marsiho, dins *Le Bavarde*, la seguido di pouèmo de la *Pauribo* dóu majourau En Valéri Bernard — à la *Perduto* (17 juin) ; *Lou cassaire (?) de Pèiro* (24 jun) ; *De Facbo* (1 juliet) ; *Bouseno festo* (15 juliet) ; *brasarié* (22 juliet) ; *La gitana* (5 d'avoust) ; *Plagnun* (12 d'avoust) ; *chin savent* (6 d'avoust) e un sounet galant de Jan Bayol à Pau Saïn, lou pintre d'elèi.

A Marsiho, dins *La Croix de Marseille*, dóu N° 24 à 36 — *La Seguido dis Epangèli* revira en prouvençau pèr lou Pai D. Savié de Fourviero ; e vau mai que nous fague mau que se se degaiaavo (qu'as Cavèu ?) uno galant letro prouvençalo de mèste *Geno Barle* sus l'estiganço de la festo de Sant Aloi, à Roquefort, ounte s'es canta lou cantico :

Grand Sant Aloi, mestre dei mestre,
Artisan fin, oubríe galoi,
Pèr lou travai e lou bén-être,
Ajudas-nous, grand Sant-Aloi !

Sitio, galejado de Cascavel ; *lei messonjo*, dóu même autour ; *la Justici de Sant-Louis*, idem ; « *Pastan* pèr li paure e nau-tre va manjan, (idem) ; etc.

A Barcilouno, dins *l'Avenç*, n° de mai e jun : « *En F. Gras en els Jocs Florals* » ; « *Una carta d'En Félix Gras* » : curious esclarigi-

men sus la recepcion facho à noste capoulié en la ciéuta de Barcilouno.

A Toulous, dins *l'Echo des Trouvères*, que dirigis M. Levère, e que nous agradan de cita, coume boutan en visto tóuti li manifestacioun de la lengo, e mau-grat que M. Levère, que couñeis lou Felibrige e li Felibre que pèr entèndre dire, nous rende à cop de pèd li riseto que fasèn à soun obro e à soun envanc, tout-bèu-just, segur, pèr pas faire menti lou prouverbi:

Masèa de bén à Bertrand,
Vous lou rende en sibiant.

countuniaren de signala, e li councours de lengo roumano qu'espeliran à l'Atenèu di Troubadou de Toulous, e lis obro miejournalo enserido dins sa revisto.

Vers de J. B. Rouquet à Victor Levère, e responso d'aquest ; *l'Orchestre des Romanisants* : ah ! queto barbouiado, bèu Diéu ! Acò si qu'es galant, boustre de sort ! e pres sus lou viéu, capoun de lèi ! Patoui ! patoui ! patoui ! — *Celeste messatge*, de damisello Maria Vergé (1 d'avoust) ; « Raport sus lou councours de lengo roumano e la tierro di pèço courounello » ; *Cant del vièl amourous*, de Pau Dunac.

A Nîmes, dins *la Mandoline*, n° 6, sounet de Gastoun Pellet.

A Brivo, dins *la République* dòu 16 de jun, un article galant e mai-que-mai felibren de S. Santy, sus lou prepaus de la sinfonie *les Laboureurs*, que M. Ello Breuil, un sòci de l'Escolo limousino, a fa eisecuta davans sis ami, presida pèr lou majourau Roux, que l'an aplaudi e felicita coume èro degu pèr soun obro superbo, espelido souto l'afflat de Sto Estello.

A Béziers, dins *l'Hérault* dòu 12 de juliet, que nous arribo plus despièi long-tèrms, *la Mort d'uno roso*, elegio de Maffre dedicado à dono Godfrido Castelnau, e qu'a gagna la proumiero medaio au councours de la Soucieta literàri e artistico de Beziés, en 1893.

A Gap, dins *l'Etoile des Alpes*, N° 20, 21, 22 — *Susoun* (Lou pastre) ; *Douleur paternelle* (moussèu en parla dis Aup, dòu même) ; *Lou cat felibre* (Abel Laugier) ; is Aupo (Lag.) ; n° 23 : *Mireille*, de Clovis Hugues.

A Tunis, dins *la Dépêche Tunisienne* dòu 2 de juliet — lou bèu e flamejant discours felibren prounouncia pèr lou felibre Aristido Brun, à

la distribucioun di pres dóu Licèu Sadiki, de Tunis, ounte noste ami es proufessour de 3º. Avèn saboura aquéli paraulo fièro e superbamen enaurado e n'en sian esta mai-que-mai pretouca.

Noste ami, emé l'ajudo de quauqui valènt soci : MM. Scotto, Buau, Canart, Dumas, Cordeil e Denjean, vai alesti, à la rintrado di classo, la foundacioun d'uno mantenènço felibrenco, dins li terro souleiouso de Tunis, ounte i'a tant e tant de mie-journau esmarra.

A Paris, dins *la Revue Félibréenne*, janvié, fevrié e mars 1893 : *La coumtesso de Dio*, estudi literari de l'obro de M. Sernin Santy, pèr Pau Mariéton ; *lis Obro de la coumtesso de Dio*, emé la traducioun de S. Santy, Raynouard e Leopold Constans ; *lou Diamant de St-Maime*, avans-prepaus de A. de Gagnaud, e analiso de la memo obro pèr En Tamizey de Larroque ; *Rambaud de Vaqueriras*, peço d'aquéu troubadou, revirado en francés pèr L. Constans ; *le poète des Aupibo* : *Marius Girard*, d'Armand Dauphin ; *A-n-Auguste Fourès*, de Prosper l'Été ; *le Semen* (idem) ; *Mayti d'abriou*, de Millo Claude Duclos ; *Ed anyelus, cansoun de brès*, dóu meme autour ; *Notice sur le poète Bellaud de la Bellaudière*, de Robert Reboul ; *la Famille de Bellaud de la Bellaudière*, pèr Frederi Perrolle, ancian noutari à Grasso ; de vers francés inedi d'Aguste Fourès ; *Adrien Pagès*, pèr F. de Beaurepaire, e quauqui peço tirado de soun libre : « *Cot' de Floïtos e cot' d'Estuflols* » (cop de flaveto e cop de siblet), publica en 1884, à Paris ; *la Diane d'Aubagne*, de C. Maurras, e *la Grounico*.

A Paris, dins *La province*, Nº d'avoust e de setèmbre *Au pèd dis Aup*, e la festo de Sant Ro à Coumps (Var), vers prouvençau de Lucian Duc, traducioun franceso d'En Jan Monné.

A Menou pèr Vatzzy (Nievro), dins *la Cloche* Nº de juliet e d'avoust, *Stephen Liegeard*, sòci dóu Felibrige, pèr E. Mossot ; *Preiero*, sounet prouvençau d'En Jan Monné ; *Jean Monné*, noto biougrafico de Pau Frontry.

Lou Gerent : Jan Monné.

CROUNICO

ARMANA E AUTRI LIBRE

*Pèr Sant Martin,
Tapo ta bouto e tasto toun vin.*

dis lou prouverbi, e li Felibre, cado annado, quand nouvembre aribo, se coungouston de la bello culido de vers e de proso, de galjado e de cansoun, que poulidamen soun rejouncho dins noste armana pouplàri, aquel armana que noste patriarco e ami Roumannille avié espeli, pèr douna « joio, soulas e passo-tèms à tout lou pople dóu Miejour » e que, coume un rai de mèu d'uno bresco redoulènto, nous adus lou rire e li galantis ispiracioun dis ami.

I'a quarant an qu'aquelo sont raio, lindo e fresco ; e, despièi, lou pople de Prouvènço se i'amourro en grand fogo e fai riseto à soun cascarelet galoi emai à si pouèto amia.

Sènsou noumbra ni nouma tòuti aquéli que s'agradon de ié manda soun brout de serigoulo o de mentastre, e nimai sènsou espelugueja li deco o la valour de talo o talo pèço, — que fugue un gau-galin di jouine o uno flour de miougranié di vièi, — tout acò fai un bouquet requist e sènt bon qu'embaumo, e noun poudèn resisti au desir que nous gatiho, de semoundre noste gènt librihou à la tasto, à-n-aquéli que noun l'an encaro croumpa, e just pèr ié douna

l'enterigo, ié pourgiren uno lesco dóu pourtissòu que Fèlis de Bouscarlo, lou crounicaire valènt d'aquéu libre d'or, a bouta en tèsto de l'obro.

Escoutas-lou :

« Quand lou bèu blad rous es eusaca, estrema dins li granié,
 « quand li figo-flour e lis avoustenco soun culido; quand lou
 « moust a bouli dins la tino, que lou vin es tira, que li bouto soun
 « uiado e bèn tapado; quand l'oli lampant viho dins li douire, quand
 « li semenço soun facho e tóuti lis obro dóu champ soun acabado,
 « sabès en que pènson, sabès ço que fan li bon païsan de la
 « Countat, li pelot de Prouvènço, li jardinié, li vendeniaire, lis
 « ólivarello di village e di mas, e de tóuti li païs miejournau ?
 « Pènson de croumpa l'*Armana prouvençau*, e courron lèu-lèu vers
 « lou boutiguié que lou vènd, vers lou libraire de Tarascoun, de
 « Seloun, d'Arle o de Carpentras, encòd sobre-tout de Roumanille,
 « carriero Sant-Agricò, 19, qu'es aqui què se fai, s'estampo e se
 « detaio.

« Aquest an, tout es en avanço, e avèn fa coume li sesoun, avèn
 « segui lis obro di champ, se sian atala au pres-fa un pau plus
 « lèu; vès-aqui perqué noste bèl armana, rous coume lou blad en-
 « saca, estrema dins vòsti granié, esperitous coume lou cemoustat
 « de la tino, a parcigu avans lou jour de l'an, dins lou bon tèms di
 « castagnado.

« E vautri que lou legirés, vautri que vous abarirés aqueste ivèr
 « de si pouëslo, de sis istòri, de si cascareleto, poudrés dire
 « coume lis àutris an : Aquéli Felibre, pièi, soun de bravi gènt, de
 « galoi coumpagnouq, quéti galejaire ! Es pas pouossible ! dévon
 « faire de-longo la farandoulo, se dévon pas langui ounte soun ;
 « segur, es tout de gènt qu'an vint an lou mai !.. E quau lou saup
 « ço que dirés encaro !

« Bons ami, bon leitor, ço que pensas, ço que disès de nautre,
 « es quàsi tout verai : Sian brave, galejaire, farandoulaire ; mai,
 « ai-las ! quant sian qu'avèn doubla emai tripla la vinteno !

« Acò nous empacho pas, jouine e vièi, de faire que nòsti chiu
 « casson ensèn, e de nous groupa à l'entour d'aqueste librihou e
 « de l'adouba coume se dèu pèr que fugue *joio, soulas e passo-tèms*
 « de tout lou pople dóu Miejour. E vès-aqui quaranto an qu'acò

« duro. E durara, vous l'assegure, tant que i'aura de jour darrié
« Ventour.

« Voulès pas qu'acò fugue ansin ! Lou Felibrige, que coumpa-
« rarai à la touno d'un mas, — d'aquéli touno vigourouso que tra-
« son de vise carga de rasòn desempièi la muraieto dóu jardin fru-
« chau, enjusqu'apereila de l'autre bout, vers lis estable e li pijou-
« nié fasènt bello oumbro, enjusqu'au pous e sus tout lou relarg
« dóu Mas blanc — lou Felibrige, dise, fai que crèisse e embeli
« e douno aboundouso e poumpouso fruchos.... »

Se poudié-ti miés dire, pèr presenta au publi la tiero galoo dis
escrivan miejournau que s'acampon dins l'Armana pèr enaura la pa-
trio e manteni la lengo dóu terraire, aquéu parla di travaiadou, di
pacan, que resumis dins éu soulet e nòsti glòri e nòstis espe-
rango... Es lou passat e l'aveni de la nacioun prouvençalo que dar-
daiejon soutu li rai de noste soulèu... es soutu li rai de l'astre res-
plendènt que nousan la farandoulo espetaclouso desnousant sis
anello sus lou monde entié, car li cansoun di Felibre e li resson de
si brande gai, restountisson i quatre caire de l'univers : la Prou-
vènço es glourificado e enaurado mai-que-mai pertout ounte i'a
d'amo qu'atrivon si tres graci : lou grand, lou bèu e lou verai !

Mai la vengudo annalo de l'Armana prouvençau noun es acò
la soulo manifestacioun d'aquelo meno, que nous n'esperlican totù
lis an, de-longo n'i a quauquis-un de mai que vènon s'apoundre au
roudelet e que ié fasèn plaço au sougau emé grand plasé ; à flour
e à mesuro qu'espeliran, li signalaren à nòsti legèire ; pèr iuei, ié
parlaren dóu *Cacho-fiò*, que fai babòu, rous coume un coudoun
madur, e qu'es flouri, grana e lipet mai-que-jamai. Souto l'aflat de
soun capo, lou felibre de Nosto-Damo, fai camin despièi quatorge
an, escarabiha e lèri qu'es pas de dire ; e, basto ! sènsò un brisoun
d'eigrun — que fai taco au tablèu — contro l'Escolo dóu Ventour
de Carpentras, acò sarié uno douçò e gènto escourregudo à faire,
de se bouta 'n viage en l'aguènt pèr coumpagnoun, que n'en conto
de verdo e de maduro, que i'a de figo e de rasin, e que nous a
douna lou coungoust de ié legi li vers de E. Jouveau, que i'a tèms
que nous n'avié desmama, e sobre-tout l'avèn descata li proumiéri
floureto culido de la man de soun fiéu, Marius Jouveau, que camino
sus li piado de soun paire e que fara uno di glòri dóu Flourege
d'Avignoun.

Lou Cacho-siò se vènd pertout e costo 0 fr. 50

— I'a pièi, *Agueto*, aquéu galant rouman de Maurise Rimbault, que la Mantenènço de Prouvènço s'es fa un ounour de courouna dins l'ate di Jo Flourau de Manosco. *Agueto* es un libre vivènt e viscu, que lou felibre di Caclò, en Louis Astruc, n'a cisela la prefaci e que Mistral a saluda d'aquésti mot :

« Brave Rimbault, entre durbi lou rouman d'*Agueto*, n'ai agu
« bon sum. L'atrove naturau e bèn vivènt. Es uno óubreto que fai
« ounour à soun óubrié. Saviéu lesi t'espreniriéu au long ma satis-
« faciou. *L'Aiòli* (sabe pas quau fara l'article) se fara, crese, un
« plesi de te felicita. »

Es pa 'n tòuti que Frederi Mistral parlo ansin, nimai lou capoulié, En F. Gras, que dis :

« Moun car ami Rimbault, noun ai vougu te dire gramaci dóu
« bèu presènt que m'as fa, avans d'agué relegi aquéli pajo tòuti pre-
« sumado di roso, dis arangié, dis ile e de tòuti li flour esbrihau-
« danto que crèisson dins vòst terro paradisenco.

« O, toun Agueto vivo, ardido, libro, emé si goust un pau mas-
« cle, m'a amourousi autant pèr l'esperit que pèr la car. La chato,
« que vai, que vèn, que mounto à chivau, que cassó, s'es pourido
« coume Agueto, s'a la voues claro coume Agueto, s'estremo
« dins soun amo e dins soun cor lou caud desir de l'amour, es elo
« la veritable femo, talo que l'a fachò Diéu, talo que sarié sènsò li
« prejusat dis ome espés.

« Acò revèn à dire que toun Agueto es uno creacioun bèn tiéuno,
« te fai ounour, te porto glòri e te counsacro mèstre felibre.

« M'es uno joio de te lou dire en t'embrassant.

FÈLIS GRAS. »

En dequé servirié de n'en mai dire après d'acò ? Es-ti pas tout di, e coume se dèu ! Quand vosto obro a reçaupu di mèstre de la lengo un parié jujamen, vous soubro plus qu'à faire liguetò à-n-aquéli que n'an pas tasta dóu bon vin, e de lis engaja à courre vers la bono souco. E quand l'autour d'uno obro a vist s'espandi de flour coume aquéli que li mèstre i'an mandado, pòu, tout fièr de soun obro, marca aquéu jour d'uno pèiro blanco.

— Aro, que lou vènt d'autoun touumbo li fucio, nous es vengu di ribo de l'Adour, de Gérdo, un libre requist : *Brumos d'au-*

touno, ounte Filadelfo fai dardaia soun iue pensatiéu e soun cor entristesí. Sèmbla pas verai que dins un cor de jouvènto l'ague tant de languisoun e de tendresso.

Uno chatouno bello de vint an, uno fado s'es aubourado dins li terro bigourdano e canto superbamen coume uno muso esquisito. Tres tiero formon soun libre : *Plagns, Sounyes, Regrets*, e l'a 'n aire malancóni que lis agouloupo e lis ispiro ; rauban uno estrofo à la pèço : *Qu'èro tard !*

Qu'èro tard... at mey de ras prados
 You souspirabi pla tout dous
 E beyey, coumo blancos hados,
 Houléya milo sounyes dous.
 E cado insècte qui passabo,
 E cado ben qui-m caressabo
 De soun poutou tendre e glaçat,
 Tout, pér uo douço maglo
 Em balhabo ra noustalglo
 D'ed tèms passat.

E aquelo cansoun tant simplò e tant siavo : *Urousomen*, que dis :

Soun ouelhado e soun sourrise
 M'an hèt mau estranyomen.
 Més n'ad èy pas gousat dise,
 Urousomen !

E *Ed nit* (Lou nis) aquelo elegio esmougudo e simplò que vous pren pèr l'iue e pèr lou cor :

Souben, trop hardit auserou,
 Sense pòu ni crento de r'oro,
 Ed cò bastech soun niderou,
 Atau madech, en horo, en horo ;
 E, pendan que soun espouèr dous
 Y cugnero u belum de sounyes,
 Ed bent l'ad destaco tout dous
 De ra branqueto d'eds mensounyes.

Elas ! e puch... u lendouma
 Ed cò plouro soun nit de sedo,
 Soun nit cayut sus uo ma,
 Sus uo ma blanco e heredo.

Tóuti li pèço de *Brumos d'autouno* an uno sabour tant douço, uno fresqueta tant lindo que voudrias téoti li cita, pèr que téoti aquéli que soun amourous dóu bon e dóu bèu, se n'en lipèsson li det ; mai lou large nous fauto pèr n'en mai dire, e quitaren la muso de l'Adour, pèr faire bèu-bèu à-n-uno autre muso : *La countesse de Dio*, que lou valènt souto-cabiscòu de l'Escolo limousino vèn de faire reviüre en uno obro superbo, ounte a rejouncho sa vido, si pouëslo e li fèsto que li Felibre de Paris dounèron pèr la glouri-sica.

Aquéu libre, qu'es un bijout bibliougrafi, e que lou cancelié dóu Felibrige En Pau Marieton n'a cisela lou pourtissòu de sa man tant bèn engaubiado, es esta tira à dous centenau d'eisemplàri soula-men, e fai lègo en forço.

Noste ami Sernin Santy, autour de *La comtesse de Die* atrouvè soun camin de Damas, dins l'escourregudo que li Felibre e li Cigalié de Paris saguèron en 1888 dins nòstis encontrando souleiou-so ; se boutè dins lou brande, e n'es, iuei, un di mai ard erous apostòli dis idèio felibrenco, qu'espandis de tout biais e de tout cor dins lou Limousin, aquelo terro benesido di Troubadou.

Sus lou prepaus de soun libre, e pèr moustra que l'autour es esta ensada pèr l'ensourcelairo, pescaren quauqui rego dins l'introducioun d'En Pau Marieton.

« Ce livre encore, — dis — va témoigner du sortilège inépuisé de la Provence poétique. L'auteur, né dans le Centre, « d'atavisme languedocien, semblait peu préparé par ses fonctions « aux études qu'il aborde aujourd'hui. Mais les hasards de sa « carrière l'ayant promené dans toutes les régions du merveilleux « Midi français, où il avait rêvé de reprendre racine, il comprit « et aimra la gloire de ces provinces à qui revenait la conscience « de leurs antiques solidarités. Il est de ces âmes généreuses dont « parle Vauvenargues, qui ne partagent que la sympathie et l'admiratiou. »

Acò pinto l'ome, lou valerous felibre que saturo, dins lis ermas de la Courrèzo, li flour qu'antan ié samenè Bertrand de Born. E a vougu paga soun dèime à la princesso prouvençalo en aubourant à la glòri de l'uno de si troubairis magnifico, aquéu mounumen superbe, ounte resplendisson sa vido, sis obro e lis inne que se cantèron en soun ounour.

Ço que se sabié d'aquelo dono de marco, Raynouard l'avié tira d'un vièi manuscrit sus li troubadou, que porto lou n° 3204 de la biblioutèco dóu Vatican, e que dis :

« La Comtessa de Dia si fo moiller d'en Guilhem de Peïtius, bella dompna et bona ; e enaigret se d'en Raembaut d'Aurenga, e fetz de lui maints bons vers. »

Em'acò, noste countaire a fa 'n capelet galant de lótui li legèndo qu'a pouescu destousca sus la troubairis bello, e lis a trenado poulidamen emé li vers di felibre.

Tiraren uno flour d'aqueù bouquet, la flour que noste Capoulié semoundè à dono Clovis Hugues, qu'avié esculta lou buste de la Coumesso :

Bello damo de Dio, estello de l'amour,
Toun front seren e pur clarejo coume uno aubo,
La garbo de toun péu qu'oundejo sus ta raubo,
Nous embaumo lou cor coume un jardin en flour;

Toun iue, negre diamant, abraso à si flamado
Lou paure amalauti que sènt jala soun cor,
Ta boueo dis lou mot qu'à touto amo danado
Dóu paradis d'amour, duerbe li porto d'or.

Pèr retraire toun front e ta cabeladuro,
E l'uiau de toun iue, emai ta parladuro,
D'uno femo fauguè lou gaudi fort e dous
Qu'ispirè lou pouèto ardènt e generous.

E, aro, d'abord qu'avèn parla de la *Coumesso de Dio*, qu'avié tant fa flòri dins li Court d'amour d'antan, que l'amour èro antan lou fid pur qu'empuravo li cor, fasèn vèire que, iuei, peréu, l'amour es dins la lèi felibreno, car cantavo lou grand amaire Aubanel :

Sènsò amour, la vido es crudèlo,
La vido es uno longo niue :
Uroux aqueù qu'a pèr estello
Dous bœus iue !

Es dous bèus iue que soun l'estello de l'autour dis *Ouros d'amour*. (1) Lou gènt Andriéu Sourreil, fau qu'ague senti lou dardai d'uno uiado e que la sageto dóu diéu blound i'ague traucha l'amo, pèr n'agué giscla un tal abounde de vers fres e amourousi, que nous gatihon lou cor. Soun libre n'en regouiro ; tóuti si moutet soun pèr la migo, la calignairis, la fado atrivarello :

Coumo es bello ma migo amb sous lusents elhous,
 Ambé sous pièls frisats, sa mino friponeto,
 E, quand sa bouco fai sa couquino riseto,
 Après m'abe dounat sous poutous lous milhous !

Es pèr acò que i'avèn di :

L'ouro d'amour souleiouso e flourido,
 Quand sus lou cor fai brusi si dindin,
 Es qu'un diéu blound vous duerb soun fres jardin,
 Rouge de roso e blanc de margarido ;

E qu'entre rire e galant jo badin,
 Floucant d'un bais lou front de l'Escarido,
 Vesès soun iue, coume uno aubo clarido,
 Qu'un rai d'espèr ié foguejo dedins.

Ouro divino, ai ! las ! que trop lèu fuso,
 Mai que nous laisso uno sabour infuso,
 Gisclant dóu mèu dis enaurant poutoun ;

Qu'em'un poutoun, soubeirano culido,
 Au bèu soulèu, dos amo tresoulido,
 Coume dos flour an creba soun boutoun.

E sus d'acò clauen nostro dicho.

JAN MONNÉ.

(1) *Ouros d'amour*, d'Andriéu Sourreil, en Avignoun, encò de Roumanille. 3 fr. 50



LI NOVO FELIBRENCO

PROUVÈNÇO

— Legissèn dins la Crounico de l'*Armana prouvençau* aquesti dos rego : « S'eisamineron pièi e fuguèron aprouva, estènt counforme is Estatut felibren, li reglamen de l'Escolo felibreno de Paris e de l'Escolo Anibalenco de Túnis. »

Eiçò se passavo dins l'acamp counsistouriau de Carcassouno, lou 11 de mai 1893. Or, avèn di e moustra que lou Counsistòri a pas poudé de coustituï d'Escolo, nimai de n'aprouva li reglamen: es un dre que lis Estatut counferisson i Mantenènço ; de mai, atrouvan uno diferènci proun grando entre aquéli dos rego de Fèlis de Bouscarlo, que dounan eici dessubre e la noto que lou Capoulié nous mandavo après li festo carcassouneso, sus lou meme prepaus, pèr li bounta l'uno à coustat dis autre.

Vès-eici, adouinc, aquelo noto :

Lou Counsistòri a aprouva, en esperant l'aproubacioun de la Mantenènço que se chausira, lou reglamen de la nouvello Escolo felibreno de Paris.

Avèn di e redi, e lis Estatut lou dison proun aut, que li dre dòu Counsistòri soun de coustituï de Mantenènço, e que li Mantenènço an soulet poudé pèr establi d'Escolo felibreno. Ié revendren plus, senoun pèr apoundre uno pichoto coumparesoun.

Lou capoulié dòu Felibrige pòu bèn èstre coumpara à-n-un ministre, e lou Counsistòri à soun Counsèu; li Mantenènço reverton à-n-un despartamen, que lou sendi n'en sarié lou presèt. Or, de qu'avendrié se lou ministre prenié de decisioun sus li causo qu'arregardon escassamen

lou prefèt, e se lou prefèt trepavo dins lou semena ministeriau ? Lis atribucioun estènt bourroulado, sarié la fin dóu gouvèr.

Acò me remèmbrò li trebau d'un mèstre-carretié, que vous vòu counta en quatre mot.

Aquéu brave ome voulié planta un buto-rodo davans sa remiso, sus lou grand camin. Em'acò, couneissènt lou ministre pèr agué travaia à soun eleicioun de deputa, se diguè que d'abord que ié falié uno autourisacioun, sarié forço miéus servi de la demanda au ministre, soun ami, que de s'adreissa au prefèt, que couneissié pas. E ansin faguè. Em'acò, lou ministre ié respoundeguè, e lou mèstre-carretié, se cresent autourisa, cavè un trau sus la routo, ounte i'agradè, e ié plantè soun buto-rodo. Mai, vai-t'en faire lanlèro ! Soun obro èro tout bèu just acabado, que passè lou gardo-routo ; aquest, vesent lou buto-rodo e lou mèstre carretié que ié caucavo la terro à l'entour, ié demandè à-n-aquest s'avie l'autourisacioun. — « Segur, que l'ai ! » — Adounc, fasès-me la 'n pau vèire. » E lou mèstre-carretié pourgiguè au gardo-routo la bello letro dóu ministre, que ié disié que « vesié ges d'empache à çò que plantèsse soun buto-rodo, mai qu'avans touto causo devié s'adreissa au prefet. » Adounc, quand lou gardo-routo aguè legi, ié fuguè proun maleisa de faire entèndre au mèstre-carretié que noun èro autourisa, e ié dreissè un verbau. E lou Connseu de Prefeturo coundanè, pièi, lou brave mèstre-carretié, mau-grat la letro dóu ministre, noun soulamen à paga li fres dóu verbau, mai encaro à derraba soun buto-rodo.

Se lou ministre avié remanda la demando dóu mèstre-carretié au prefèt, cadun restavo dins sis atribucioun, e i'avie ni fres, ni verbau, tant pèr lou mèstre-carretié que pèr soun buto-rodo.

Li Rùssi EN FRANÇO

L'escadro rùssi, pèr sa vengudo à Touloun, noun soulamen a boulega lou cor di Francés, mai peréu li Prouvençau, li Felibre, i'an vougu faire vèire à nòstis ami, que tant èron de bon patrioto, e i'an de tóuti biais marca lou bonur qu'avien de mescla sa jqio à-n-aqueloo d'aqueú pople fòu, qu'avie courregu de pertout pèr lis aclama. Lis un an fa douno à l'amirau Avellan de sis obro, lis autre i'an manda de vers en nosto lengo emai en francés. E nosto musiqueto de tambourin e de flutet, lou 14 d'òutobre, de bon matin, en grand vogo, a touca l'aubado is autourita, emai peréu i Rùssi, e lou jour de la bataio di

flour, es éli, li tambourinaire, que batien la cargo e que menavon li bataioun flouri à l'assaut di veituro floucado de tóuti li meraviho de nòstis orto miejournalo.

A Marsiho, j'an fa peréu de fèsto resplendènto, coume se n'èro ja-mai visto. Un brisoun degaiado pèr la plueio, amor que lou soulèu fougnavo, mai superbo d'entousiasme patriouti, que tóuti li cor batien à l'unissoun.

Au d'à-bas de nosto Canebiero tant renoumado, un arc triounflau s'aubouravo, coume lou grand pourtalas de la mar latino, que pourtavo à soun frountau aquésti mot dins nosto lengo :

*Marsibo
Vous saludo!*

De mai, au noum dóu Counsistòri felibren, neste capoulié En Fèlis Gras, avié manda à l'amirau Avellan un eisemplàri richamen religa de la bello edicioun de *Mirèio*, de Frederi Mistral, ilustrado pèr Burnand, qu'èro rejoun dins unobourso de sedo pourtant, broudado, lis armo de Franço e de Russio, e que sus la proumiero pajo, disié pèr dedicaci aquésti vers de Fèlis Gras :

Ilustre amirau Avellan,
Quand tournarés amount au païs abelan,
Pèr garda nostro remembranço,
Durbirés aquest libre e troubarés dedins
Lou soulèu de Prouvènço e la flour di Jardin
De nostro bello e douço Franço !

Quàuqui felibre de l'Escolo de la Mar, seguissènt l'urouso idèo de la gènto felibresso de la Crau, se soun di de faire *entre-éli* sa pichoto manifestacioun, e an. semoundu à l'amirau Avellan un album pouëti esquist, pourtant sus pergamin lis autougrafo di Felibre embarra dins uno riche cuberto i coulour rùssi, que lou pintre Amat Martin avié engarlandado e acoulourido poulidamen, e que l'avié pinta lis armo de Marsiho e de Prouvènço.

E n'en tiran la *Cansoun dóu vièi*, de Louis Astruc :

Mireieto un jour — quand lou soulèu tanco
De metre soun or subre li meisoun,
Au vièi mèste Ambroi diguè, sèns façoun :
« Se nous cantas rèn, la joio nous manco ! »
Alor, aubourant, flèr, sa tèsto blanco,

Davans Mirèio e Venus, rai bessoun,
 Trounejè, lou vièi, aquesto cansoun :
 « *O neste amirau, ta paraulo es franco !* » (1)

De soun caire, neste ami Louis Roumieux, lou majourau toujour galoi, que d'enterin que saludavo li Rùssi, se veguè rauba soun portomounedo dins sa pòchi, sènso qu'acò ié levèsse lou rire, a espedi si *Couquibo d'un Roumièu* à l'amirau rùssi, em'aquésti vers :

De nostro bello e grando Franço,
 Au païs quooro tournarés,
 Amirau, ai l'asseguranço
 Qu'au fin founs dóu cor gardarés
 La remembranço
 Que, mestierau
 E majourau,
 Tóuti — li rèire e la jouvènço
 De la Prouvènço,
 D'un envanc unen e courau,
Bèu premier, emé fernesio,
 An crida : « Vivo la Russio !
 Vivo soun ilustre amirau !
 E vivo, vivo la patrio !!! »

Em'acò, dins li cafè-council marsihés, s'es manifesta pèr de cansoun e de pouësio, en ounour de la Russio ; note Alcazar meme, avié dubert un councours sus aquelo estiganço, e avèn la bono fourtuno de douna uno di pèço courounello que se soun declamado sus la sceno d'aquel establissemen, e que s'es dicho e redicho is aplaudimen de tóuti lis escoutaire. La vejo eici :

A LA RUSSIO NOSTO SORRE
A l'amirau Avellan

I'a rèn de plus bèu sus la terro
 Que la pas, e pregan lou cèu
 Qu'èsvarte de pertout la guerro,
 Que, quand fai clanti soun tounerro,
 Es lou mai terrible di flèu ?

(1) *Mirèio*, cant I.

Tambèn, avèn l'amo esmougudo,
 Vers nautre en vous vesènt veni,
 Car vosto escadro benvengudo
 Mostro, au pople que la saludo,
 L'aubre de pas de l'aveni !

Aubre benesi, que si branco
 S'en van de toun gigant cepoun
 (Sèns que res ié boute restanco)
 De la Mar Negro à la Mar Blanco
 E de la Baltico au Japoun !

Zóu ! vivo la Russlo amado !
 Vivo lou Tzar dóu found dóu cor,
 E sa marjno, e soun armado !
 La pas aro es assegurado :
 Rùssi e Francés marchon d'accord !

Lou felibre Louis Bonnau, qu'es l'autour d'aqueüs estrofo, n'a fa peréu lou mandadis à l'amirau Avellan.

E pèr tout clava bèn coume se dèu, diren que la vilo de Digno (Bàsis-Aup) a manda uno delegacioun, pèr óufri à l'amirau Avellan uno superbo plumo de l'aiglo reiau dis Aup, mountado en or, e dous centenau d'espingle en or, pèr lis óuficié e si dono. Aquélis espingle pourtavon, sertido en estello, aquéli galànti pèiro de Sant-Vincèns, que fan lou renoum di bijoutié de Digno. Lou capo de la delegacioun, M. Ant. Colomb, orfabre e ajoun au maire, a presenta si bijout en i-apoundent aquéstí mot :

Recebès, amirau, de la vilo de Digno,
 Aquesto plumo d'aiglo escrinçelado en or,
 Vouoste Tzar, vouoste pople e vouoste man n'es digno.
 Lou presènt es pichoun, mai vai èsse un tresor :
 Amirau, servira pèr signa l'alianço
 De la souorto Russlo e de la douço Franco...
 E Prouvènçò la baio, ami, de tout soun cor !

— Don Sigismond Bouska, sòci dóu Felibrige, qu'a revira proun obro d'Aubanel, de Roumanille e de Mistral, en lengo chèco (Bouèmi) vèn d'estre autourisa à tradurre dins aquelo parladuro lou rouman prouvençau *Aguelo*, de Maurise Rimbault.

— Au Counsèu Municipau de Marsiho, dins sa sesiho dóu 17 de nouvembre, M. Furby demando qu'uno soumo de 600 fr. fugue atribuïdo, aquest an e l'an que vèn, au titulàri de la cadiero prouvençalo, à Marsiho, e lou Counsèu pren ate d'aquelo prepausicioun. Bravo ! moussu Furby.

— A la Chambro di deputa, souto l'afflat dóu majourau En Maurise Faure, de MM. Hovelacque, Beauquier, etc., se vèn de constiuï un nouvèu groupo qu'aura lou nom de *Republican decentralisateur*, e qu'aura pèr toco d'estudia li mejan d'aumenta lis atribucions di coumuno e di despartamen. Zòu ! qu'óublidon pas lou Miejour !

— *Le Dimanche* anóuncio dins sis « Echos » que lou mestre En Frederi Mistral vai parti pèr faire un viage dins li Flandro.

— Remembran is ami que la souscripcions pèr lou pouèmo de *Marineto*, de Lucian Duc, revira en vers francés pèr En Jan Monné, sara clauso lou 10 de desembre: qu'aquelei que desiron poussedi aquelo obro, que la *Revue Félibréenne* ié vèn de faire lis ounour de sa publicita, se despachon, se volon vèire soun noum e sis obro figura dins la tierro di souscrivèire, en estènt sobre-tout que lou pres sara aumentat que lou libre sara mes en vèndo.

— Sus la començango de nouvembre, lou Pai Savié de Fourviero a douna uno tierro de predicanço prouvençalo pèr la comemouracioun di mort, dins la glèiso de Sant-Teodor, à Marsiho, e i'a óutengu un succès qu'es pas de dire.

La glèiso di Grand-Carme, de la memo villo, qu'àuqu:i jour avans, èro coumoulo pèr l'ausi, que i'a predica l'òutavo de Santo-Tereso.

Li journau an qu'à dire : lou Pai Savié dèu parla en tau o tal autre rode, pèr que, subran, tout lou pople courre pèr se regala de sa dichotant siavo e de soun talènt mai que superbe.

— L'Atenèu de Fourcauquié e l'Escolo dis Aup an tengu sesiho sou-lènno, lou 12 de nouvembre.

Lou soulèu èro de la fèsto e trasié de raissado de belu. Li rai souleious e lou rire galant di dono, qu'en grand apreissamcn avien respondu au rampèu di dos soucieta sorre, coumoulavon e engarlandavon pouëticamen la salo di sesiho, trop estrecho pèr caupre tòuti lis ami qu'avien courregu pèr se regala de tout acò bêu que se i'anavo porge.

A la présidènci, s'es asseta lou majourau En Ougèni Plauchud, l'autour valènt, l'escrincelaire astra dóu *Diamant de St Maime*; à sa drecho, l'avié lou nouvèu deputa de Fourcauquié, l'avoucat Fruchier ; à sa

gaicho, lou souto-prefèt de l'arroundissamen ; à soun entour, s'èron plaça lou Maire de la vilo ; M. Pau Martin, president de la Soucieta artistico e literari di Bassis-Aup ; En J. Huot, lou majourau marsihés que representavo li Maren ; lou counseié Granier, M. Isnard, l'architèite di Bassis-Aup, lou felibre Pau Roman, delega di Laren, etc.

Lou president duerb, pièi, la sesiho, pèr de gramaci en tòuti aquéli qu'an ounoura de sa presènci la sesiho annalo de l'Escolo, mando soun salut i sourestié e soun galant sourrire i damo.

M. Fruchier ié respond gentamen ; em'acò pièi, tournamai, En Plauchud s'aubouro pèr legi un travai sus li font de Fourcauquié ; Isnard esmòu emé soun raconte di sourciero de Lincel.

Se douno counciessènço di letro regretouso d'En Pau Marieton, cancellié dóu Felibridge, dóu conse laren Ch. Guillibert, dóu cabiscòu di Laren En Francés Vidal, d'En Vitou Liétaud, de Voulouno, de M. Daime, engeniaire e counseié generau à Digno, dóu majourau en Francés Pascau, cabiscòu de la Mountagno, e dóu manteneire Roche, de Gap.

Huot, en seguido, declamo un cant dóu *Diamant de St-Maime*, de Plauchud ; Fruchier dis : *Ço que siés*, dóu felibre de Coussoun qu'avié pas pouscu veni ; M. de Selle descato *l'enderovenidou dóu tems*.

Se communico i sòci de l'Escolo dis Aup uno letro dóu felibre abat Bongarçon, mai que pouëtico, e qu'a fa grand plasé.

Maurèu, lou gènt cabiscòu de Fourcauquié, desgruno soun elegio pretoucant : *Melinda* ; Pau Roman declamo *la Sesiano* ; pièi, vènon trelusènt tres sounet de Vitou Liétaud : *A la lausour de N.-D. de Ripoll* ; *lou duque Jaume d'Uzès* ; *Pèr la toumbo de M. Pastré*. Lou manteneire saberu Carle de Gantelmi d'Ille, counto lis ate flame de *Mario Luc*, de Fourcauquié, que l'Acadèmi d'à-z-Ais ié vén de semoundre lou pres de vertu Reynier. Lou felibre abat Michel apound uno bello odo à Gounod ; Celestin Roche, de Gap, dis de vers forçò aplaudi ; Grabié Michel, peréu, mando soun brout de flour, e lou felibre Albert Honde, de Manosco, emé bon biais e grand envanc, fai rounfla : *lou Jardin d'amour de Manosco* emai *Lou nis d'amour de Ceirèsto*, e se claus la sesiho emé *Lou revenge de M. Reguinieu*, que tòuti ié piton lou rire à plen^ede bouco.

A plen de bouco, peréu, tòuti li sòci, uno ouro après, s'atrouvavon entaula encò de l'oste Lachaûd, davans d'aquest menut redoulent e prennent pèr l'iué :

Par durbi lou gavai :

— *Aurivo de St-Clemens — Soucissot de puorc — Buèrri de reno de Siberio — Pastissoun d'à-z-Ais —*

Par se garni lou piès :

— *Lèbre dei badarriero de Fountiano — Buou ei bouret de Coussoun —*

Par se deigreissa li dènt :

— *Picbot pése de Sant-Just —*

Enca 'n cop de dènt pèr desouossa

— *Lei gabrioun de pèd d'òulun —*

E par s'acaba :

— *Fuistagi des Archivo de Digno — Avelano de la granjo de l'amirau — Besquicbello dòu comte Ramoun —*

Tout acò espouumpi :

— *De vin de nouostei souco —*

Ansin alesti :

— *Cafè — Quicho-cafè — Mescladioso de vers e de proso — Qu brindo — Qu canto — Qu legie — Qu dis de conte —*

E, se Diéu nous prèsto vido :

A l'an que vèn !

Mai avans, anen béure au Ciéucle literari lou punch de l'amista, ounte cadun debanara la siéuno.

LACHAUD, oste.

Mai sian à la desservo, e lou président Louis Maurel s'aubouro e brindo is estrangié, à l'Atenèu, em' à l'autour tant presa dòu *Diamant de Saint-Maime*; Huot dis que quau a pres lou camin de Fourcauquié lou saup plus óublida; P. Martin, Pau Roman, ausson lou got à soun tour; Granier debano un poulit conte; Honde, dòu Mount-d'Or, béu à l'Atenèu, à Maurel emai à Plauchud; M. lou maire largo de tout cor uno noto patrioutico pèr lis Alsacian; lou souto-prefèt i'apound la siéuno, emé mai-que-mai d'esperit e un gàubi tria. Lou felibre dòu Mount-d'Or s'alando tourna-mai, e zóu ! l'on part pèr lou Ciéucle littèrari e la sesiho reunflo qu'es pas de dire. Pièi, la felibrejado part coume un fiò d'artifice : M. Pontès fai la bèn-vengudo, Huot dis *Lou vilàgi*, Honde es jamai las de dire, lis escoutaire soun jamai las de l'ausi; Roman bresiho *Abrieu*; lou mège Bernard se fai aplaudi pèr de raisso de picamen de man; Sicard n'en conto uno, Huot replico emè *Vivo la cunsoun*, que Luddòvi Sube n'a fa la musico; Maurel entouno la

Cresarello; Honde, Escoffier se ié groupou peréu, e n'es sus la rounmanço de *Vau-Cluso*, d'Aubanel, que se barro sesiho e que tóuti se dison :

A l'an que vén !

— Nous es en de bon de signala is ami que, lou 1 de desembre, pareissira : *Lou carbounié cantavo*, vers prouvençau de Fèlis Lescure, emé prefaci de A. de Gagnaud.

Lou librihoun aura 50 pajo e sara estampa sus papié de lüssi ; lou pres sara de 1 fr. 50

Avèn pas besoun de faire l'elogie dóu felibre de Greasco, nimai de dire soun biais pér trena lou vers armouniousamen ; mai, nous soubro à prega lis amaire de l'obro felibrenco de manda lèu-lèu sa souscription à l'autour, e n'auran ges de regrett d'agué segui noste counsèu.

LENGADÒ

— Avèn parla de la pèiro toumbalo que lis ami dóu majourau En Pau Gaussen, souto l'aflat dóu journau *lou Cascavel* volon pausa sus lou cros dóu pouèto ama, dins lou cementèri d'Alès ; n'en reparlan tournaï, pér engaja li Felibre à prene à cor aquelo obro de remembranço e à manda sa pichoto peceto, fugue en Alès, au journau *lou Cascavel*, fugue à Marsiho, au journau *le Dimanche*, carriero de Lodi 105, o dins li burèu de noste butelin mesadié.

— Vès-eici lou paumarés di Jo Flourau de l'Escolo audenco :

I. — COUNCOURS ESTRAORDINARI

Joyos balhados a dous boulumes estampadis desempei mens d'un an :

— Na Filadelfo de Yerdo, per soun libre : *Brumos d'autouno* ; uno grando medalho d'or óuferto à l'Escolo audenco pel journal *la Dépêche*, de Toulouso.

— Le majoural Plauchud, de Fourcauquiè, per soun libre : *lou Diamant de Sant-Maime* ; un brounze d'art, « lou Vincèire, » de La-porte, oufert per En Adam Peyrusso, souto-cabiscof de l'Escolo audenco.

II. — COUNCOURS OURDINARI

1º *Pouessio lirico*. — Prex reserbat.

Felibrige

8.

Mencius acoumpagnados d'uno medalho de brounze :

- Na L. Ouradou de Garreta, à Brassac (Tarn).
- Na Albertino Chayla, à Carcassouno.

Menciu : Maurice Joret, dal Mas d'Agenais.

2º *Galejado*. — Prex amb' eloges : M. G. Therond, de Ceto, pèr sa pèço, *Las pèças de Mauras*, uno medalho d'argent ouferto per la bilo de Carcassouno.

2º Prex : Combalat-Roche, à Pignan (Eraut), uno medalho d'argent ouferto per la bilo de Limous.

Menciu à Marc Rigal, à Mount-Peliè.

3º *Sonnet*. — Prex à M. P. Dumas, à Pepius (Aude), per soun sonet : *Al grand Pouts de Ciutat*, uno medalho d'argent ouferto per la Soucieta *« des arts et sciences »* de Carcassouno.

4º *Roumансou ou Cansou*. — Prex à M. Combalat-Roche, de Pignan, per sa pèço de *Françouneta*, uno medalho d'argent ouferto per M. Beverini-Vico, prefet de l'Aude.

Menciu à M. Maurice Joret, dal Mas d'Agenais.

5º *Estudi sus las obros dal Troubaire carcassounès Daveau*. — Prex reserbat.

Menciu à Fernand Pigot, à Capestang.

6º *Traduciu de la fablo de Mir : la Clouco e lou Pouletou*. — Especialomen reserbat as escoulans de las escoles primarios.

Prex : medalho de brounze, N...

Mencius : A. Batx, J. Puel, P. Tesseyre, F. Clarenc, J. Fabre e A. Ourmet.

— Uno novo qu'es de marco, es l'aparicioun de l'*Armanac cetòri*, « pèr l'an 1894, joia e passa-tèms dau pople de Ceta. » Lou pres es de 12 sòu. Tóuti lis ami, tóuti lis escoulan de l'Escolo cetòri, que E. Castelnau n'es lou gènt cabiscòu, se soun douna la man pèr trena sa jouiouso farandoulo, e pioussamen i'an bounta li flour di pàuri mort, qu'avien fa traço dins la parladuro que se soun douna lou pres-fa de manteni e de garda : i'a quicon de mèste Prunac, de Mailhé, Aguste, d'Ansos Pioch, dòu Moustèu « qu'a tant sach cacalassà nostres viels. »

Lou pourtissòu es dubert de la man biaissudo dòu mèstre pilot de la barco, lou felibre ami *dau Ratatet*, emè l'*Armanac cetòri o lou batèu de Lengadoc*, ouni fai plesi de l'ausi semoundre sa pesco, car es tant bello, qu'

Atabé, n'aurà lèu pas prou pèr tout lou mounde,
De fartaia, au batèu de nostra lenga d'Oc ;
Acò s'escoulara couma d'aiga... e l'abounde
Tant famous, n'aurà pas res soulamen su croc...

Car obascun n'en voudrà ; l'ome coussut, la dama,
 Lous ôubriés de tcut rèng, las filhas, lous garçous,
 Que, rousigats d'amour, jusques au fous de l'ama,
 Voudran faire rengueta en cantant de cansous.

E, pièi, tóuti lis àutri seguisson la draio e tiron soun bòu, e, segur,
 n'es pas un bòu blanc ; acò noun pòu èstre emé de pescaire tau que
 J. Soulet, Aufrèd Rottner, A. Marqués, B. Dufour, J. Coste, Bessiere,
 Galibert, Vivarés, Jouveau, Therond.

m'acò, em'uno bello tiero de vendemiaire coume acò, voulès pas que
 lou vin fugue bon... Ah ! siéu segur que tóuti aquéli que lou tastaran
 n'en vendrai glout e se voudran amourra au flasco. Acò's bono marco.
 Zou ! ami, s'avès pendoulà rampau, es que la culido es aboundouso
 e que la bevèndo es sabourouso ; zou ! fasès clanti li cansoun dins lou
 parla d'aquel *brave pople ensourelbat*. D'ama la patriò i'a rèn de mai bèu,
 e dins voste armana souguejo l'amour patriau, es pèr acò que *vostre
 picbowest armanac fara gaud as cetòris, e que Dieu vous prestará vida
 pèr ne faire un autre l'an que vèn!*

A PAREIGU :

A Roumo, dins *Roma Letteraria, Giornale pèr i Giovani*, nº dòu 25
 de jun 1893 : *I Felibri*, article flamejant que fai counèisse en
 Itàli l'ourganisacioun e la toco dòu Felibrige, escri de la man
 de *la Varanenco*, (Maria Licer) sòcio dòu Felibrige.

A Cierp, dins la Nauto-Garouno, dins lou *Ecb Luroun*, nº 36 e 37 :
Eras duos cugnados? *Pacienso*, de F. Artigue; *Afuraires*, de
 La Testador.

A New-York, dins *The Century illustrated Monthly Magazine*, nº de
 mai 1893 : *An embassy to Provence*, pèr Thomas A. Janvier,
 sòci dòu Felibrige, emé de dessin dòu pintre A. Castaigne.
 Quatreno partido, tenènt l'escourregudo à la Font de Vau-
 cluso, au Thor, à l'Isle-sus-Sorgo ; emé gravaduro dounant
 uno visto de l'Islo ; à Seloun, pèr vèire A. B. Croussillat ; à
 Sant-Roumié, encò dòu sendi de Prouvènço En M. Girard ;
 segui dòu retrá de Marius Girard, d'aqueù de Croussillat, e
 d'uno visto de l'oustau de Nostradamus, emai dòu superbe
 retrá de la rèino dòu Felibrige, Na Mario Girard, dins soun
 atrencaduro d'arlatenco.

A Cano, encò de Robaudy : *Pèr li cassaire*, uno galanto culido d'anei-

doto, acampado pèr M. Bertrand, secretari de l'Escolo de Lérin. Es Maurise Raimbault que li presénto au publi, aquéli galoi conte d'agachoun, e, à naute, nous fai grand plesi de dire à-n-aquéli que li croumparan, qu'auran fa bono cassó.

A Mount-Pelié, encò d'Hamelin : *Lous pescadous longadoucians*, de J. Soulet. L'óubreto, finamen estampado e que s'es tirado qu'à 100 eisemplàri, nous escudello poulidamen lis obro di valènt pescadou de la mar Mediterrano, e li biais divers d'aganta li pèis de touto meno que trèvon noste ribeirés. Tout aquéu pèis fouguejo e beluguejo dins lou librihoum, coume quand nòsti pescadou tiron lou gàngui o lou sardinau. Mistral ié traissoun salut d'aquest biais :

« As fa bon bòu, coulègo, e me n'en porges un coufin. Anan chapla li lesco e anieu tastaren lou pèis de ta bourrido. Ai pesca, ieu tambèn, quand ère jouine, à la madrago de Calendau, lou pèis-feran e la rascassò.

« Aro, ai tira moun bòu en terro. Mai, dòu bord de la mar, me fai toujour plasé de vèire reveni, à la toumbado dòu souleu, li bèto trelusènto d'escaumo que boulegon. Que Sant Pèire e Sant Clar te laisson jamai, Soulet ! »

En Avignoun, encò di fraire Seguin : *Poumo vauriasso*, de l'abat Imbert, felibre de N.-D., tenènt : *L'abat Jan Tardieu e La lanterno dòu capoucbin*, conte tira dòu Cacho-fiò de 1894, qu'an uno sabour de poumo qu'embaumo la bouco.

A Paris, dins *la Province*, de Lucian Duc : *La grande trahison des Toulonnais*, d'Edmond Sambuc ; *La Saint-Eloi*, estudi de mour prouvençalo, de Pau Mangin.


» Dins *l'Encrier*, nº d'outobre : lou tresen cant de *Marineto*, pouèmo de Lucian Duc, revira en francés, pèr En Jan Monné.

A Lamalou-di-Ban (Erau) dins lou *Bulletin des Abeillistes* de nouvembre, remarcan uno galanto pastourello de J. Soulet, lou gènt felibre cetòri, que nous a forçò agrada. l'a rèn de tant flame que quand :

Tout ris e canta
E nous encanta,
Au mes de mai
Flourit e gai.

Lou Gerent : Jan Monné.

Empremarié felibrenco de Lucian Duc, 35, carriero Rousselet, à Paris.



CROUNICO

ASSEMBLADO GENERALO DE LA MANTENÈNÇO DE LENGADÒ

Lou 19 de novèmbre, uno bello tiero de felibre s'atrouvavon acampa au casè Riche, à Mount-Pelié, pèr sarra la man is ami e s'ana, piè entaula encò de l'oste Delmas, pèr ié teni la taulejado coustumiero e la Felibrejado mantenencialo.

Li joio e diplomo dòu councours sus *Lous vis de l'Erau* e *Lou Travaiadou* soun distribuï i gagnaire que n'avèn douna li noum dins un de nòsti précédent numerò.

Es lou felibre Gastoun Jourdanne, vice-sendi de Lengaddò, que presido lou banquet en plaço dòu sendi H. Messine, aguènt à soun caire gènto damisello Matilda Cavaillé, de Bedarriéus, e que l'assemblado aclamo rèino de la fèsto.

Quand la blanqueto de Limoux giselè dins li got, Gastoun Jourdanne s'aubourè e pourtè 'n brinde superbe e calourènt que se clavè pèr uno moucious sur le encauso dòu respèt que se dèu is Estatut felibren. Escoutas-lou :

« Se l'Estatut felibren nous a despartit en mantenèires, en mاجourals, en sendics, en Mantenènços, en Escolos, es que dins cada colho cal un moussegne ; e mai la colho marcho d'airrèu, mai le trabal s'abanço, siogue per semena, siogue per sega. Mès cadun sap qu'on a pas besoun d'uno licenço dal Counsistòri pèr faire un cap-d'obro, e quand escoutan un bèle troubaire, que canto coumo, temps passat, cantaboun les *Trobadors*, l'aclaman coumo un dius, siogue mantendire, siogue majoural, siogue Catalan, siogue Lengadoucian, siogue Proubencal.

« Mentre dounc que disciplinage aici bol dire legalitat frairalo e councòrdio dins l'esperfors, bòli brinda al disciplinage felibrenç. Bòli fa rampèu à l'entour de nostre drapèu, de nostro *Cigalo d'or* tant arderouso, tant balento. Ah ! la poudèn entendre ! Ah ! la pou-dèn segui ! Es Arnaviello que la fa 'speli, e sabèn qu'amb'el la traparen toutjoun sul dreit cami de l'ardidesso, de la sagesso, de l'ounou !

« A tu brindi dounc, moun brave Arnaviello. Brindi à l'unioun frairalo dins lou respèt de l'Estatut felibrene ! »

Sian mai qu'uros de signala aquéu brinde à l'atencióun de tóuti, e i'aplaudissèn di dos man. I'a tèms que luchan pèr aquelo toco : *lou respèt dis Estatut* que nous sian douna, que nous fai gau de vèire qu'aqueleo idèio fai camin : lou salut dòu Felibrige es tout aqui. Aqui se dévon apiela lou Counsistòri e li Mantenènço. E lis Escolo ié dévon trouva lou biais, en gardant lou respèt dis Estatut, de pas cauca foro l'eiròu. Es en seguissènt aquelo draio, que li felibre gardaran l'unioun e l'amour que li dèu liga e que vendra lou jour que l'aura plus dins nosto Soucieta de sòci s'enarcant pèr si dre de felibre e óublidant o renegant lou tros dis Estatut que ié parlo de si devé..

Mai, basto... revenguen à la felibrejado.

Lou majourau Antounin Glaize respond à Gastoun Jourdanne e, pièi, Pau Chassary parlo sus l'ensignamen de la lengo dins lis escolo publico : F. Dezeuze pico mai sus lou tai e Arnavielle, l'aràbi superbe, s'escriido :

Tant qu'auren pas nosto lengo dins las escolos que pagan, l'aura pas res de fa. Alors l'assemblado voto :

1º Que la lengo d'O fague respectado e ounourado dins lis Escolo. — 2º Que l'ensignamen ousiciau fague uno part mai grando à l'istòri regiounalo e coumunalo...

Ipolito Coumbalat bêu à la rèino Matildo Cavaillé, que respond pèr de galant vers ; German Cavaillé, ausso lou got à soun tour, Arnaviello souvelo prousperita is Escolo de la Mantenènço lengadouciano. J. E. Castelnau, lou cabiscòu cètòri, enauro lou vin dòu Miejour; Antounin Maflre, de Beziés, trais si galejado; Bastido de Clauzel declamo lou *drapèu*. — Li cantaire dòu Clapas canton lou cor : *Lous cantaires dòu Clapas* qu'es tant renomena ; e Marsal, Rigal, Delmas, Pascal e li Coumbalat, zóu ! se n'en donon à tu n'en vos, vejo n'en aqui...

Noste ani A. Fruchier e soun siéu san entèndre quauqui galant moussieu de *Magalouno*, aquel opera prouvençau que Marius Bourrelly n'a basti li paraulo e que Fruchier n'a trena la musico. Es Tuffou que canto pièi *l'Estivenco* de Pau Gaussem, e que sabe ieu mai.

E Jan Fournel, lou gènt secretari, dis li regrett de Frederi Mistral, emé soun galant mandadis :

Pèr beure à la tiéu,
Moun bél Arnavielo,
M'amoure à la pielo
Dou vin dòu bon Diêu !

E la letro dòu Capoulié En Fèlis Gras, que dis :

« Auriéu agu grand gau d'ana turta lou got emé li bon, li valènt, li fort dòu Parage e dòu Lengadò; mai siéu encadena dins l'oustau... Sabe qu'emé d'ome coume vautre rèn periclitara.... Sabe que la Causo sara bèn aparado... Sabe que tanarés coume se dèu la pèu dòu *patiaire* e sabe que farés cas, coume se l'ameritou, di mort, dis entarro-mort e di desentarro-mort... »

« E me rejouisse de tout acò e vous embrasse touți ! »

E de Roumiéu, lou sèmpre galoi Roumiéu, qu'a leissa, dins Mount-Pelié, uno mita de soun cor :

Noun poudènt me vèire
A vostè constat,
Bouide eici moun vèire
A vostò santa !

Clauren nòsti citacioun pèr un trosdòu mandadis de la Tabò d'Alès, que sèmbla un resson di paraulo dòu vice-sendi Gastoun Jourdanne, e que n'es rèn aurre que li paraulo dòu Capoulié En Fèlis Gras, à la felibrejado maienco de 1876.

Vès-eici coume parlè lou Capoulié :

« Brinde au respèt dis Estatut dòu Felibrige ! Eli soun nosto constitucioun e nosto lèi ! uno lèi chausido se dèu segui avnglamen. Mau-di siegue aquéu que chaupino la constitucioun e qu'estrasso la lèi ! que l'iro dis ome l'ajougne e n'en deliéure lou mounde ! Au respèt de la lèi felibreno ! » Acò 's parla d'or !

La tiero es longo d'aquelei qu'avien pas pouscu veni à Mount-Pelié e que mandon, regretous, de poulit vers o d'adesiou ga-lanto. E li Cantaire dòu Clapas aguènt canta l'*Inne à Mount-Pelié d'Antounin Glaize*, se claus sesiho pèr lou *Mazel de mèste Roumiéu* !

E longo-mai Lengadò vibre !

J. MONNÉ.



LI NOVO FELIBRENCO

PROUVÈNÇO

— Dins un banquet que s'es douna à Draguignan, pèr festaja l'e-leicioun de M. Jourdan, au titre de députa dóu Var, M. Jourdan a respondu en bello lengo prouvençal i coumplimen que ié fasien sis ami :

« Pèr qu'aquéu gramaci fugue mai courau, ai vougu, — dis — l'espredi dins la bello lengo pouplàri que parlon tóutei aquélei mestierau e que, me sèmbla, a l'èr d'estre nouesto lengo de famiho. »

Oscò !

— Lou dimars 14 de novèembre, au ciéucle de Sant-Mitre, e lou dimecre 15, au Coulège catouli, à-z-Ais, noste brave counfraire, lou pouplàri disèire Louis Foucard, a douna dos sesiho qu'an fa flòri. Quete rire e quete envanc. bèu bon Diéu !

— Vès-eici qu'uno vouses s'aubouro dóu fin founs de nosto Mantennènço d'Aquitàni, e que crido : *Pèr Peiresc, s. v. p.*, e que i'a 'n ome de cor, lou majourau en Felip Tamizey dei Larroque que bat lou rampeù, pèr paga un dèute patriouti, un dèute prouvençau, qu'es la restauracioun de la capello funeràri dóu grand Peiresc.

A Roco-Favour, dins l'acamp de Santo-Estello que se ié tenguè, i'a tèms, e ounte aguerian l'ur de faire couneissènço emé En Tamizey de Larroque, aquest faguè la prepausicioun d'auboura dins la capitalo de Prouvènço, que Peiresc avié ilustrado, uno coulouno pourtant lou buste d'aquéu savènt. Mai, s'atrovo que lou 28 d'abrieu 1893, lou majourau En de Berluc-Perussis a descata, dins la glèiso de la Madaleno d'Ais, la toumbo de Peiresc, e aquelo descuberto a fa nèisse l'idèo de faire

councillore lou gouvèr, li despartenam di Bouco-dòu-Rose, dòu Var, (ounte es nascu Micoulau Glaude de Fabri), di Bassis-Aup, que tèn la terro ounte ié venguè lou noum de Peiresc ; de Vau-Cluso, amor que fuguè l'un dis escoulan li mai flame dòu coulège d'Avignoun e que la biblioutèco de Carpentras gardo si mai precious manuscri, noun pas à l'aubouramen de soun estatuo, mai à la piouso ournementacioun de la pèiro dòu cros que nous gardo li cèndre d'aqueù grand ome. Uno escripcionaou coumemourativo sarié escrinelado au dabas d'un medaioun artisti representant lou paire de l'erudicioun mouderno. E se signalarié d'aqueù biais au pople de Prouvènço, emai i saberu dòu mounde entié, lou rote ounte s'acato aquelo glòri universalo.

Sian mai que segur que res barrara soun boussoun au rampèu tant valènt, à l'obro tant bello e tant piouso que Tamizey de Larroque n'es lou butaire. Tóuti voudran countribuï, pèr pau que fugue, à l'enaura-men dòu mounumen degu à l'ome qu'a tant fa pèr nosto glòri mie-journalo. N'i a forço qu'an adeja manda sa miso ; En Tamizey de Lar-roque s'es scri, éu, en tésto de la souscripcionaou, pèr la soumo de 50 fr. en nous disent en této : « Me seguigue quau m'amo. » Tóuti lou seguiren, parai ? e mandaren noste escot à « M. Tamizey de Larroque, correspondant de l'Institut, pavillon Peiresc, par Gontaud (Lot-et-Garonne). »

— Pareissira sus la fin d'aquest an : *La glòri d'Esclarmundo*, pouèmo prouvençau de Marius André, emé traducionaou franceso vis-à-vis, que sara precedi d'uno prefaci de Félix Gras.

Se souscrieu en mandant lou mountant de sa souscripcionaou encò de l'autour, carriero Galante, 30, en Avignoun.

Lou libre coustara 5 fr., e l'aura d'eisemplàri sus papié de lüssi à 20 fr. (Japoun) ; 16 fr. (Chinés), e 12 fr. (Oulando). Zou ! aquéli que n'en volon, que se despachon !

— Au numerò d'òutobre, dins noste article : *Tourna-mai la question dis Escolo felibrenco*, avèn óubliida, pèr destinembre, de mencionauna l'*Escolo dòu Lioun*, en Arle, dins la tiero dis Escolo felibrenco de Prouvènço. Sian mai qu'assegura que téuti aurau vist que n'èro acò qu'un óublit de nosto part, que l'*Escolo dòu Lioun* musc pas, e que li journau d'Arle : *le Forum, l'homme de bronze, le Lion d'Arles*, que dirigis tant valentamen lou secretari de l'*Escolo dòu Lioun*, nous aduson, cada semano, de provo paupable de sa vitalita.

— Un galant libre s'acabo d'estampa à New-York : es l'*Escourre-gudo en Prouvènço*, de M. T. A. Janvier, sòci dòu Felibrige, que lou

Century Magazine nous avié douna à la coumençanço d'aquest an. Lou libre se duerb pèr un superbe retrai de Frederi Mistral, d'après uno soutougratjo. Dono Toumas Janvier a dessina elo-memo lis ournamen de la cuberto d'aquéu flame libre: d'un caire ié voulastrejo uno cigalo, e de l'autre ié verdejo un brout d'óuliví.

Aponden que la gènto felibresso americano travaio d'aquest moumen à-n-uno obro que tratara de l'istòri de Marsiho, despièi la Revolucioun enjusqu'à iuei.

— Lou dimenche 3 de desembre, mounsen lou canounge Grimaud presicavo en catedralo de Carpentras, lou *Panegiri de Sant Sifren*, en bello lengo prouvençalo; mounsen Grimaud, qu'es pas lou premié cop que fai flòri, en fasent ounour à nosto parladuro, a pres subran pèr lou cor tòuti sis escoutaire, que l'inmènso catedralo n'èro regouiro, e qu'avien courregu mau-grat lou marrit tèms, pèr ausi bresiha aquéli mot tant melicous de la lengo meiralo.

Quand lou flame presicaire, de sa voues forto, restountissènto e vibranto, esmougado, a agu parla d'aquest biais i Carpentrassen: « Mi fraire bèn-ama, m'es arriba souvent de precha 'n lengo prouvençalo dins de gràndis óucasioun, mai jamai me siéu senti miéus à l'aise qu'au-jour-d'ieu iuei dins nosto bello catedralo de Sant-Sifren ! La resoun n'èi pas dificilo à douna. Estènt que siéu que d'eici de Mounteu, siéu quasimen de Carpentras, e neste lengage es lou meme ! »

N'i'a proun agu aqui pèr gagna la simpatjo de tòuti, e, d'acò, lou counferencié n'aprouficho pèr se trufa emé forço esprit d'aquéli que fan mesprès de nosto lengo :

« N'i'a que s'imaginon, dis, que fau parla lou prouvençau rèn qu'i gènt de la basso classo, mai qu'en parlant i riche, i grand personnage, counvèn d'emplega lou francés. Apelon acò *fignoula*. Ah ! mai, noun ! Fuguen mai fièr de nosto lengo ! Lou prouvençau èi, coumo lengo, plus vièi que lou francés, e au-jour-d'ieu, gràci à sa resureicioun, es plus jouine, vai autant bèn i bouco fino di letru qu'i bouco ruso di travaiadou de la terro. » Brave, mounsen Grimaud !

— A pareigu à Marsiho, à l'estamparié dóu *Pichot marsibés*, l'*Armana marsibés* pèr l'annado 1894, recuei de conte, charradio, cansoun e galejado di troubaire marsihés, emé d'image e uno carto di vent, publica soutu la direicioun d'Agusté Marin. Fai li sièis an qu'aquéu gènt Armana nous regalo de soun rire gai e sèmbla qu'es aièr que lou batjavian en grand poumpo. Basto ! lou pichot levènti fai soun camin, e tout en vouguènt èstre que *Troubairé*, que lou Felibrige ié vèn en òdi,

es mai felibre que çò que pènso ; la crounico de *Garlaban*, en favour d'ou mounumen de Roumanille, n'es uno provo majo, sènsou coumpta lis obro felibrenco, courme : *Un vilàgi*, d'ou majourau En J. Huot ; *Long de la mar, Amour pacan, Finsien*, d'En Valèri Bernard ; l'odo courou-nello *Mirabèu*, d'En Marius Bourrelly ; la *Renèissènça d'ou prouvençau*, d'En Pau Marieton ; *Lou galoi sourdat de Prouvençau*, de Maurise Raimbault ; la *Fantaumarié*, de Funèu ; li vers ardit de Jaque-lou-soci ; *Un espetacle*, de Jùli Cassini, emai *Lou ban*, aquéu sounet esquist e re-quist d'En Anséume Mathieu, li galejado de Foucard e tout lou rèsto, tout acò vous a un presfum felibren que vous embaumo à dès lègo liuen.

D'armana ansin fan ounour à-n-aquéli que lis enantissoi, e noun se pòu miés faire que de lou prouclama aut e liuen, qu'acò 's obro de bon felibre !

— *La Cornemuse*, à parti d'ou i de janvié venènt, publicara cada semano un numerò pouplàri, ilustra en coulour, à-n-un sòu, sènsou qu'acò empache soun numerò quingenadié de faire soun camin.

Zòu ! que n'en vèngue de luchaire e d'aparaire !

— Nous es en-de-bon de signala en tòut li Felibre uno idèio de bon Felibre que vèn d'espeli dins lou cor d'ou mestre en Gai-Sabé L. Duc :

A parti de 1894, *La Province*, qu'es uno revisto franco-prouvençalo que se publico à Paris souto la direicioun de Lucian Duc, e que duer si coulouno is ami d'ou terraire nadalen que i'agrado de retraire lis us e costumlo de sa terro, dounara d'estudi sus li Felibre de marco, majourau, mestre en gai-sabé e manteneire, en pourgissent à si legière d'escapouloun de sis obro, de biais à fourma uno *Antoulougio prouvençalo* que se n'en pourrié tira de librihou à despart, que i'aurié rèn de tau pèr faire counèisse dins lou pople li Felibre e sis obro.

Engajan tòuti lis afouga de l'idèio felibrenco à-n-ajuda lou cantaire de *Marineto* pèr fin que soun idèio flanio trachigue e flourigue.

— Li cours de literaturo prouvençalo se soun dubert tourna-mai, à la Faculta di sciènci de la vilo de Marsiho, lou 5 de desèmbre d'ou mes courrènt. Lou proufessour Leopold Constans, majourau d'ou Felibrige, prendra pèr tèmo : « Influènci de la literaturo prouvençalo en Itàli emai en Espagno. »

Li sesiho se tendran tòuti li dimars, de quatre à cinq ouro de vèspre.

Après lou cours publi se fara uno counferènci especialo e à gratis pèr l'esplicacioun di tèste. Pèr èstre amés à-n-aquélo counferènci, i'aura que de se faire escriéure pèr lou proufessour au moumen même de la counferènci.

Dins sa leiçoun dóu 5 de desèmbre, lou proufessour Constans a 'studiá l'*Armana prouvençau* e lou *Cacbo-Fiò* de 1894, e a regala sis escoutaire de quauqui moussèu d'aquegli librihoun pouplàri. Lis escoutaire i'an ta festo e l'an aplaudi mai-que-mai.

A la counferènci clauso qu'a segui la counferènci publico, lou majorau Constans a esplica lou tèste d'uno pèço dóu troubadou Fouquet de Marsiho.

— Aquest mes, e coume à l'acoustumado, avèn fa presenta la quitanço de l'escot felibren emai dis abounage à nosto revistouno : pregan nòstis ami de ié faire bello acuiènço ; que, cado fes que bouton la posto dins l'óubligacioun de nous la retorna, es sét sòu que soun refus o soun óublit costó à la Soucieta.

— Souto l'aflat de M. Ouraci Bertin, presidènt dóu Sendicat de la presso marsiheso, se vèn de coustituï, à Marsiho, un Coumitat qu'aura pèr toco de móure lou guespié à soulo fin d'acampa proun dardeno pèr auboura un mounumen à neste grand escultaire marsihés Pèire Puget, e pèr coumpli, en même tems, uno obro de reparacioun e de recouneissenço.

Lou mounumen sara digne de l'engèni dóu grand artisto : e, quand lou mounumen sara vengu, reparlaren d'aquelo obro majo, que li Felibre, n'en sian assegura, i'agradara de la buta, éli que se fan ounour d'enaura e de glourifica lis ilustracioun loucalo.

— La *bono salut*, la dounan de tout cor à-n-uno revisto que vèn d'espeli à Marsiho souto lou titoulet : *Revue indépendante du Midi*, que fai gènto plaço à la literaturo prouvençalo felibreno.

Lou numerò 1, que porto la dato de desèmbre, douno, dins sa partiò felibreno : *Loi pescadou*, pèço de Louis Astruc en dialèite marsihés ; un sounet de Louis Roumieux : *Dès-e-vuech an* ; un autre sounet de Marius Bourrelly ; tres quatrin de Maurise Raimbault sus *Lou cèdre*, e uno letro prouvençalo de Jan Monné, à la redacioun de la subredicho revisto, que ié disié :

Brave e gènt counfraire,

« D'abord que picas à ma porto au noum dóu felibre di *Cacio*, pode que vous la durbi de bat en goulo, pèr vous dire, amor que vous agrado, que noun me desagrado à ieu de coulaboura à vostro *Revue indépendante* e pèr apoundre que siéu tout vostre de cor ! »

Longo vido e bèu camin à la « *Revue indépendante du Midi* », que Sto Estello la prengue souto sa gardo !

— Lou 1 de janvié de 1894 pareissira, à Cano, *la Cisampo*, journal poupoplari e mesadié, escri en parla lerinen. l'aura de conte, de galejado, de sceno prouvençalo e d'article sus li tradicioun loucalo e sus l'istòri de Cano e de sis alentour.

Santo Estello doune bon vènt à la nau lerinenco, e, à nautre, l'ur de la vèire vouga en pleno mar latino.

— L'edicion poupoplari dóu *Gangui*, de Fourtunat Chailan, es en trin de s'estampa : leu-leu nous sara douna d'anouncia i groumandoun de nostro parladuro, que pourran se cungousla di trancho safranado d'aquéu pès viéu e sabourous.

LENGADÒ

— Li 18 e 19 d'outobre, *l'Escolo audençò* èro en fèsto, en l'ounour de nostre subre-capoulié, En Frederi Mistral, que i'èro ana faire vesito.

Dins lis orto de Mir se turtavo lou got e rajavo la blanqueto de Limous e la charradisso s'enauravo ; à la *Societa de leituro*, se fai pièi pauseto, e aqui Mistral coumplimento Rouquet, lou président, e i'anuncio que fai douno à la *Societa de soun Tresor d'ou Felibrige*.

Au restaurat Jagmet i'a la soupado, em' alentour dóu mestre : Mir, Athané, espelour d'acadèmi, lou pintre N. Salieres e soun fiéu, Gastoun Jourdanne, Rouquet, Prax, A. Sarraut, Darzens, Gayraud-Deloupy, etc.

Aqui, après un discours de Jourdanne, Mistral s'aubouro, e rendènt à Mir un manuscrit que i'avié manda à Maiano, lou prego de lou legi is ami.

Aquelo obro nouvello de Mir a pèr titre *la Rebadiocco*, e es ilustrado pèr lou craiou de Salieres ; veici coume lou mestre n'avié déjà escri à Mir :

Carcassouno, 17 d'outobre 1893.

Moun bon Mir, moun bèu Salières,

« Li tourre de Dono Carcas au pantaia tant ferme soun erouïco *Rebadocco* que iéu lis ai ausido de Maiano eiçavau e, prenènt lou coundu que reünis Ciéutat à la Prouvènço, (aqueu d'ounte s'escapèron li Carrassounés trahi), me veici vuei à Carcassouno pèr entèndre de plus près aquéli pèiro de Mennoun.

« O, mis ami de Diéu, l'estatuo de Mennoun, dison que rendié de son meravilhous e delicious, quand lou soulèu levant ié picavo dessus. Li

tourre que courounon vosto vilo e soun istòri, an trouva la paraulo en se souleiant ansin à voste sant patriotisme : e fague Santo Estello que la perdon jamai plus.

« Vous embrasse tóuti dous e tóuti li fraire emé vautre, sus lou sen generous de Madono Carcas.

En ribo d'Audo,

F. MISTRAL. »

Au cafè Marsal, Mistral canto la *Cansoun d'ou Soulièu* e lou *Porto-Aigo*, Rouquet i'apound l'*Audenco* e la *Blanqueto de Limous*; Mir e Prax, emé soun duò de *Marioun*, fan creba dòu rire lis escoutaire, e n'es dins un grand cacalas que la sesiho se clavo.

— Li Felibre que passaran à Carcassouno soun avisa que tóuti li dimecre de vèspre, li sòci de l'*Escolo audenco* s'acampon en sesiho literari dins li saloun dòu cafè Marsal. Se ié béu, se ié canto e se ié ris, çò qu'es lou meiou de tout.

— La *Tabò*, Escolo felibreno d'Alès, qu'a pèr decan A. Roumestan, a coustituï soun Burèu coume seguis: cabiscòu, A. Blavet; soutocabiscòu, F. Chabrier, L. Bourguet; secretari, L. de Sarran d'Allard; prieu, Bastidon e Dumas.

— A Ceto, lou 11 de nouvèmbre, M. Dagan, proufessour de retourico au Licèu cetòri, a fa 'no counferènci sus la *Rèino Jano*, de Frederi Mistral, au Ciéucle di Founciounàri, e tóuti n'en soun esta meraviha.

— Lou valènt felibre mantenèire Celestin Malignon, curat d'Arre, (Gard) vèn d'acaba soun pouèmo sus *Jano d'Arc*. Souvetan que i'avèngue, pèr aquelo obro, autant de glòri que n'i'an adu si pouèmo : *L'ermito de Prouvènço*, *Nostro-Damo de Lourdo* e *Nostro-Damo de Primo-Couombo*. Szié tems que se baièssò à-n-aquéu luchaire apassiouna, la recoumpénso que s'amerito despièi proun tems.

— Li souscrivèire dòu premié voulume di *Couquibo d'un Roumièu* ilustra pèr E. Marsal, vènon de reçaupre, de la lièuresoun nº 36 à la lièuresoun nº 57, emé li noto, la prefaci de Frederi Mistral e uno nouтиco biografico de Pau Chassary; à tout acò es jount lou retrai de Roumiéu e la cuberto. I'a dins aquéu libre de que passa quauqui bôni veiado d'ivèr, à rire à plen de bouco e à plen de cor.

— L'Academio di Jo Flourau de Toulouso vèn de se vèire suprimi la réndo de milo franc que lou Counsèu municipau de Toulouso ié fasie

annalamen. L'Escolo moundino eiretara d'acò bèu, e nàutri, li Felibre, n'en diren pas de mau.

— Lou 26 de novèmbre, à la coumuno de Carcassouno, l'Escolo Audenco tenié sesiho literari e dounavo si Jo Flourau.

A l'entour dóu majourau En Achilo Mir, i'avié Dat de Sant-Foulc, Prax, G. Jourdanne, Pau Gourdou, lou cabiscòu; Peyrusse, J. Rouquet, Jan Escaffre mestrejavo li musicaire que saludon la foulo dis escoutaire d'un moussèu de Gluck, e dóu celèbre *Menuet* de Boccherini.

Achilo Mir duerb alor la sesiho e, tout esmougu, coustato lou batedis que ié vèn au cor de vèire que sa parladuro lengadouciano, qu'a tant amado, repren favour dins lou pople.

Gastoun Jourdanne fai, pièi, lou rapport sus li Jo Flourau, en un flame discours qu'es aplaudi mai-que-mai ; coume es aclama lou rèire Achilo Mir, quand s'aubouro mai, pèr dire sa *Rebadisso*, qu'es lou raconte enaurant e superbe de la vengudo di Felibre en ciéuta de dono Carcas, au mes de mai passa. E vès-eici Prax que s'avanco pèr debana *Grazalo*, uno sceno courmico que vous fai troussa dóu rire.

Aro, es lou tour di pèço courounello : *Las pechas de Maurras* óutènon un succès fòu ; à-n-Al *grand pouts de ciutats* e à *Francouneto*, dóu felibre Combalat, se ié pico di man e se ié fai fèsto que noun sai. Pèr claire la sesiho, es lou cabiscòu Pau Gourdou que fai li gramaci dis Audenc, dins lou biais que seguis :

Amistouso Assemblado,

Le tems fuso rapidomen quand on es en bouno coumpagno, e trop lèu per tòutis pico l'ouro de la despartido. Aquel moumen regretous ount cal se dire adiu es aro arribat. Mès abant, Moussu le Mairo, moun debert coumo le bot de moun cor es de saluda en bostro persouno, dins aquel oustal de bilo, la glouriouso e usfanouso Ciutat de Carcassouno. Elo, qu'al mes de mai darnié, de la porto Narbouneso à la porto de l'Audo, acclamant le felibrige qu'empuro l'ideal, oufrissio dins sous bàrris uno arderouso ouspitalitat as representants de la raço das forts e das pouderouses, das forts dins la luto, das pouderouses dins la mort ; e que bei tourna-mai, en s'assouciant generousomen à nostis premières jocs flourals, douno uno probo noubèlo de sa grando desiranço d'ajusta per l'abení à soun bielh renoum de poulidesso e de balentiso aquel autant trelusènt dal Gai-sabé.

Saludi tabés bostros soucietats ainados qu'an sourigut à la nais-senco de la nostre coumo on sourits à uno jouino sor que ben re-jouï l'oustal de sous hascalats e de sas cansous ; e les counfraires de la presso qu'enmenats à lour tour per l'envanc que nous buto e nous embelugo, nous an dounat la ma dins l'obro entrepreso, nous an sostengut e an frairejat ambé nous àutris.

E les dounaires d'aquelos belos joios que dounoun tant de lustre à nòstris jocs-flourals : lour generositat sara proclamado per tó-tis les felibres, car an proubat atal que, coumo nous àutris, aimaboun nostre lengo pouplàrio e boulion sa glourificaciù.

Salut e felicitatius à l'ourquestro, qu'entre tems, dins aquesto acampado, a bressat nostre amo de sous armouniouses acords, l'em-pourtan leng d'aqueste mounde, bès la piano soulelhoso de Santo Estello.

Saludi le pople, enfin, tout aquel pople patrioto que ne sion sour-tits, nous aus felibres, e qu'aiman ambé le desbord d'uno passiu forto e que le felibrige, al jour de bei, en gardant sa parladuro, dins cada païs, sempre ten dins uno doublu embrassado de pouësio e de fraternitat.

Bous saludi, sobre-tout, graciousos damos e doumaiselllos, que fasets rebiure aici las anciennos courts d'amour, — bous autres, is-pirarellos das felibres, qu'abets dins les els coumo un rebat blu de perbeneos ou dal negre jaiet, e que tout aro à l'ausido dal palmarés, pacific buletin de bitòrio, aplaudissiots amb'un biais galant de bostros mas poupinetos e plenos de bouquets, de caressos, le triomph de nòstris apassiounats e cabalherouses laureats.

L'escolo Audenco pretoucado juncos à l'amo, se descolo ambé respèt dabant tótils bous àutris, e bous crido :

Al rebeire e Grameci !

Lou vèspre, à l'aubergarié dóu Coumerçò, vint-cinq sòci s'assetavon à taulo pèr felibreja. Es nostre ami Louis Vergnes, cabiscòu de l'Escolo Moundino, que presidavo : Louis Vergnes, redatour de *la Dépêche*, de Toulouso, èro vengu à Carcassouno pèr adurre la medaio d'or que soun journau avié semoundudo à l'Escolo Audenco e qu'aquesto avié decernido à la felibresso de Gerdo, Na Filadelfo.

Achilo Mir èro aqui peréu, à la plaço d'ounour, e à la desservo a saluda emè soun cor lou: representant de l'Escolo moundino. Louis Vergnes counvido pièi l'Escolo audenco à prene part i festo que l'Escolo moun-

dino alestis à Toulouso pèr lou mes de mai venènt. Au noum di Felibre audenc, lou cabiscòu Pau Gourdou respond que lis Auden respondran de tout cor à la cunvidacioun moundino. P. Estieu, A. Peyrusse, Dat de Sant-Foulc, Jourdanne, Dumas, brndon à soun tour e chimon la blanqueto de Limous que petejo dins li got. Gil, ancian noutari, qu'a-viè redigi lou menut en vers lengadoucian, trais peréu un brinde enaurant.

Au cafè Marsal, es li cansoun que se destrenon. Tout ié passo : « la Cansoun de la Coupo, » « lou Maset de mèste Roumiéu, » « l'Audenco, » « la Toulousenco, » « la Càrcassouneso, » cansoun dóu terradou que lou maëstro Darzens acoumpagno au piano emé grand envanc e biais superbe.

Magnifico e coumplido es estado la festo audenco, e tóuti, en se quitant, an redi lou mot de Mir :

« Zóu ! A l'an que ben ! »

— *Lou Cascavel*, que devèn, à parti d'aro, l'ourgano de l'escolo de *La Tabò d'Alès* douara, dins soun numerò de Janvié e li seguènt : *La Camisardo*, dramo de Pau Gaussen ; *La Fièro de Chambourigaud* obro galejarello e de jouinesso dóu meme autour, e la *Carto d'Alès*, en lengo roumano revirado en cevenòu, e tout acò acoumpagna de galejado e d'image de Jousè Belon e de R. Marsal.

E cridaren peréu nautre : *Tabò pèr lou vièti Aiès !*

— Li *Campanie de Magalouna* e li felibre de Mount-Pelié vènon d'alesti e de nous pourgi, pèr lou tresen cop, *Lou Souc de nadal*, journal de nouvè, que li paure coume li riche legisson emé tant de plesi e que costó que o fr. 25. *Lou Souc de Nadal* de 1893, forço mai flame qu'a-quéu dis àutris annado, douno la reproducioun d'un grand tablèu de E. Marsal : *Las Estrenas*, e publico de nouvè, de conte, de galejado e de pouësia di felibresso e di felibre mount-pelieren.

L'an passa se n'es tira vue milo, aqueste an es tie crèire que se n'en chabira encaro mai.

Pèr lou reçapre i'a que de manda dous timbre di blu au directeur de la *Campana de Magalouna*, 15 carriero dóu Chivau-Vert, à Mount-Pelié.

Aquitani

— Lou 10 de novèmbre, à Brivo (Courrezo) s'es tengu la prou-miero sesiho felibrenco de l'Escolo limousino.

La salo dóu teatre èro coumoulo de tout lou bèu pople de la vilo : capelan, óuficié, artisto, magistrat, founctionari e galant pople avien respondu au rampèu de l'Escolo, e sobre-que-tout li dono èron la flour de l'acampado.

La sesiho es duberto pèr l'*Arlésienne*, de Bizet, que l'ourquestro a rendudo magistralamen ; e pièi, lou cor a entouna l'*Inno limouzi*, qu'a douna vanc à-n-uno manifestacioun superbo.

Lou soutu-cabiscòu de l'Escolo, lou butaire, l'amo de la fèsto e dóu Felibrige limouzin, Sernin Santy, fai l'elogie dóu cabiscòu En Jousè Roux, e de soun obro magistralo, la *Cansoun limouzino*, e dis tant bèn, e enauro e enfioco talament li cor, que dóu premié cop gagno la bello assemblado is idèio felibrenco. Em'acò, presénto lou counferencíe, lou felibre Felician Court, que laisso courre soun galant paraulis emé bon biais, e que conto çò que n'èi di Troubadou, di Felibre e de l'Escolo limousino, e noun óubrido lou mestre, lou majorau En J. Roux, que soun noum e l'evoucacioun de sis obro aubouro dins la salo entiero uno entousiasto manifestacioun.

E lou gènt counferencíe claus sa dicho ansin :

« Laissez-moi vous crier, mesdames et messieurs : lisez vos poètes, encouragez-les et suivez la voie qu'ils vous indiquent, ils ne se trompent et ne vous trompent pas. Et vous, chers et valeureux apôtres, chérissez toujours la petite patrie, chantez-la en cette langue d'Oc qui est la sienne ; les détracteurs malveillants insinueront seuls que vous en aimez moins la grande, la France. Tout nous prédit que le succès couronnera vos efforts ; il n'est pas jusqu'aux armes de votre cité qui ne *parlent* dans ce sens, symbolisant la moisson abondante que vous ferez ! » (1)

« Chantez, chantez toujours, et l'Ecole limousine deviendra l'un des plus étincelants fleurons du diadème félibréen !

Em' acò, Sernin Santy legis li despacho de Mistral, que saludo la reneissenço limousino ; de Gras, nostre capoulié que fai proumessó de celebra Santo-Estello à Brivo ; de Na Mario Girard, reino dóu Felibrige, e dóu sendi de Prouvènço, que dison :

« Rèino e sendi saludon e benastrugon l'Escolo limousino. Vivo la nouvello Escolo ! » *Girard.*

Se legis peréu li despacho de l'Escolo moundino, dóu sendi d'Aquitàni, etc., etc.

[1] Lis armo de Brivo son tres supèrbis espigo de bla d'or, bèn granado.

Es pièi en J. Roux, lou grand pouèto, que, moudèste, vèn gramacia e que dis simplamen: *Lou tès-aqui, lou paure...*, e qu'es saluda pèr uno trouadisso de picamen de man ; en'acò, M. Thiroux dis *l'Ourdousansa*, l'ourquestro jogo *Les laboureurs*, sinfounlo magnifico de M. Brevil, e la sesiho n'es clavado pèr lou cant de *Mireille*. Tóuti soun ravi d'aquelo incouparabلو proumiero sesiho musicalo e literari, que neste ami Sernin Santy avié ourganisado, e naute lou felicitan couralamen e frairalamen de sa bello réussido.

— Lis Escoulan de Jansemin, en Agen, publicaran lèu-lèu un journau felibren,

Un brinou decentralisaire,
Del Metjour lou milhou cantaire...

coume dis J. D. Rigal.

— Lou 12 de 9bre à Paris, dins la sesiho dramatico e literari que dounavo la *Ruche Corrézienne*, au teatre d'applicacioun, M. Jèli Bonnet a declama emé grand fiò, *l'Espouscado* de F. Mistral, qu'a deliciousamen clava la sesiho.

— La counferènci que Felician Court a facho à Brivo, lou 10 de 9bre, sus lou mejan-age e li Troubadou e sus lou Felibrige, vai parèisse en broucaduro. Acò's uno idéio eicelento e n'i'a forço que i'agradara de se regala de si paraulo enauranto.

— A la fin dóu mes de janvié, lou cabiscòu de l'escolo de *Jansemin*, neste ami Carle Ratier, nous pourgira: *Lou Rigo-Rago agenés*, recuei de sis obro, couparti en tres tiero : *Mescladisso*, *Pouësio amourouso* ; *Causo badino*. N'en reparlaren en tems vougu.

— A pareigu en Agen, encò de la véuso Lentheric, l'*Armanut gourounenc*, « manegat pes *Filibres* de l'Escolo de Jansemin d'Agen », » au pres de sèt sòu. Lou cabiscòu de l'Escolo d'Agen, dins un pourtissòu mai que bèn atrena, dis emé bon biais çò que soun li *Filibre*, çò qu'es e çò que vòu lou Felibrige. I'a pièl de vers de Rigal, Rouquet e *Lous fiers gascouis*, d'Andrieu Sourreil, e Emilo Boudon, que crido :

Coltoursut siosque qui mal bol
A sa lengo mairalo !

I'a 'ncaro l'*Anel*, d'Alban Vergne, la *Cansou*, tirado d'aquéli de Filadelfo, emé soun *Nou sabi pas*, de la bello Esclarmounde de l'Adour ; *la Boimo*, de Carle Ratier ; *Pelito Marioun*, de L. Dardy ; *lou Calel*, d'Antounin Perbosc ; *A tu*, de M. Calbet ; *Roundet*, d'Alban Vergne, e de galejado de *Quequerequet*, emai quau saup quant de tros de proso o de vers, mai que poulit e pouplàri, e vivènt qu'es pas de dire.

Se pòu pas miés faire que d'acouraja lis ami à se n'en prouvesi, en s'adreissant au felibre Rigal, 8, carriero Mirabèu, en Agen.

MORTUORUM

— Es morto à Niço, en aquésti darrié tèms, la felibresso dono A. Micol de Payan, tant afougado pèr la causo felibrenco. Plagnèn li dòu de la famiho d'aquelo bello amo que s'es enaurado aperamount dins li trelus Sant-Estelen.

— Es mort à Paris, lou 18 d'óutobre 1893, Carle Gounod, lou celebre autour de la musico de l'opéra de *Mirèio*, e de tant d'autris obro superbo que fan la glòri de la Franço.

Carle Gounod èro nascu à Paris en 1818, e n'èro sòci dòu Felibrige. Que Santo Estello lou couroune de soun esplendour lumenouso !

— Es mort à Touloun, lou 8 de desembre, lou pintre Vincènt Courdouan, un di mestre de la pinturo prouvençalo. La mort d'aquéu grand artisto es noun soulamen uno perdo irreparabلو pèr l'art mie-journau, mai encaro es un dòu pèr la Prouvènço. Enjusqu'à l'age de 84 an, que la mort es vengudo l'empourta dins la glòri, aquel ome de cor, amaire apassiouna dòu sòu nadalen, a retrai de tout biais nostre ribeirés e nostro mar tempestouso e feroulo, atrivarello e pivelairo.

Avié jamai vougu mounta vers Paris, mau-grat lis ounour que i'oufrissien : avié tout rebuta pèr resta dins sa vi洛 amado e pèr béure soun soulèu d'or, aquéu soulèu que, de si belugo, empuravo soun ispiracioun e que boutavo de coulour esquisito à soun pincèu.

Saludan piousamen, e em' ourguei, aquéu patrioto que s'encamino vers la glòri !

VANEGACIOUN

— Lou felibre abat Barthelemy es plus en Avignoun, mai es vicari à Vaurias (Vau-Cluso).

— J. Chevalier resto à Marsiho, carriero Haute-Rotonde, 79.

A PAREIGU :

A la Motte-dòu-Caire (Basisis-Aup), dins lou *Publicateur des Alpes*, 5
9bre : uno cansoun prouvençalo.

A Jassy (Roumanie) dins *Arbiva*, buletin de la Societa scientifico e literari de Jassy, nº de setembre e d'óutobre de 1893, quauqui

pouësio roumanesco de Bounifaci Hetrat, em' un sounet françés : *Sous l'éternel azur*, dedica à Frederi Mistral.

A Cahors, encò de Laytou : *lou Calel*, istòri carcineso de B. Rouquet.
Ah ! lou galant conte e lou galant countaire !

A Toulouso, dins *l'Echo des Trouvères*, 1 e 15 9bre 1893, de vers gascoun de Dono Mario Lacassagne e de Bitor Levère ; *Sur Malstro*, à Frederi Mistral, de B. Rouquet ; vers de Manguin e de Bitor Levère ; *Franço e Russio*, de C. Rogues ; e la reproducioun de quauquui rego que, dins noste darrié numerò, counsacravian à *l'Echo* : que M. Levère relegigue soun article « *l'Orchestre des Romanisants* », e veira se nostro critico èro pas d'aigo de sucre en coumparesoun de soun vinaigre.

A-z-Ais, encò de Remondet-Aubin, dous n° dòu *Bulletin archéologique d'Arles*, dòu felibre E. Fassin, nous dounant d'entresigne forço curious, anant de l'an 1698 à l'an 1766.

A Fourcauquié, dins *lou Journal de Forcalquier*, dòu 19 de 9bre, la « *Felibrejado* dòu 12 de 9bre, de l'Atenèu e de l'Escoro dis Aup. »

A Mount-Pelié, *le Félibrige latin*, n° de janvié e ôutobre 1893.

A Carcassouno, dins la *Revue méridionale*, n° d'ôutobre e de nouvembre : *Félibrige et Russopbilie*, Frederi Mistral à Carcassouno, *Lou diamant de Sant-Maime*, *Un monument à Petrusc*, *Essais sur les traditions populaires*, de F. Fagot ; *Piouso e reculido*, de Marius André ; *Ero Noubielo*, de Na Filadelfo ; *Lous els de Cleoupatro*, d'Antounin Perbos ; *La glòri d'Esclarmoundo* (prefaci de Félis Gras) e *Sus li rouino de Mount-Segur*, de Marius André.

A Brivo, dins *le Conciliateur de la Corrèze*, n° dòu 11 de 9bre, lou raconte de la felibrejado de l'Escolo limousino, dòu 10 de 9bre.

A Paris, dins *l'Echo de la Corrèze*, n° 18 : *Viva lou Lemouzi !* cant majestous e patriouti de J. Roux, que de segur

A boun mati que a boun vez,
Viva, viva lou Lemouzi !

Al confessional, de E. Bombal ; *A Mmo la countesso de Vatoun*, de L. Talin ; etc., etc.

A Marsiho, dins *la Cornemuse*, n° 68, 69 e 70 : li retra de Thouar, Marieton, Mir, Tavan, A. Verdot, Matieu, emé quauquui rego

pèr cadun d'éji ; *Cascaï de perlo*, de dono J. Gautier ; *Louis Sabarin*, de Félix Lescure ; *le Fond du sac*, de L. Roumiéux ; *Vido d'enfant*, de Batisto Bonnet ; *Lou mes de mai*, de Sfenosa ; *Li peto dóu pont de la crous dóu gros bouissoun*, de Jousè Gautier ; li retrai di dono felibresso Leountino Gouirand, de Lazarino de Manosco, de Roso Anaïs Roumanille, d'Antou-nieto de Bèu-Caire, de Lidio de Ricard, e de la fado de l'Adour, la divo felibresso Filadelfo. Pèr un sentimen galant e pious, la courouno de troubairis a de flour pèr li pàuri morto coume pèr aquéli que Santo Estello gardo encaro pèr èstre lou présum dis orto felibenco ; *l'Armana prouvençau*, de Louis Constans, etc., etc.

A Brive, *lou Lemouzi*, n° 1, qu'es lou porto-paraulo de l'Escola limousino felibenco de Brive, en quau souvetan de tout cor bèn-vengudo e longo vido, e qu'entameno, iuei, un bèu pres-fa dóu mèstre en J. Roux : *Grammaire limousine*, e que douno, pèr lou pessu de la jardiniero, lou bèu raconte de la felibrejado limousino dóu 10 de nouvembre.

A Palerme, « Le quatrième centenaire de la découverte de l'Amérique dans les Cévennes, 1893 » pèr Em. Portal.

➤ Dins la *Nuova Sicilia*, dóu 12 Xbre : *Escourregudo*, de Portal, dins li libre e journau dóu Miejour.

A Paris, encò de Lucian Duc : la *Revue Félibréenne*, n° d'abriéu, mai e jun 1893, (que nous es pas parvengu), lou tresen cant de *Marinetto*, pouémò prouvençau de Lucian Duc ; un article sus *Peiresc*, de Pau Marieton e Tamizey de Larroque ; la *Courres-poundènci de Roumanibo*, de Marieton (letro inedito de Roumanibo) ; la *Santo Estello à Carcassouno*, de Gastoun Jour-danne ; *Discours de Félix Gras à Barcilonou* ; *Eloge d'Ansos Michel*, pèr Valère Bernard ; *la Ninfrio*, de Mmo J. Gautier ; Bibliougrafia, crounico, etc.

A Carpentras, dins *Le journal du Comtat*, n° dóu 10 de Xbre, raconte de la fèsto de Sant-Sifren e tros dóu sermoun prouvençau de mounsen A. Grimaud.

En Arle, dins *le Forum républicain*, dóu 10 de Xbre, *lou Nouvè de Mirèio*, de mèste Eisseto ; *Ço que camino*, de L. Aparicio.

A Marsiho, dins *La croix de Marseille*, 47, 48, 49, 50, la seguido dis Eyangèli, revira en prouvençau, cade dimenche, pèr lou Pai

Don Savié de Fourviero ; *Soucialisto e couleitivisto*, de Casca-vèu ; *Glèiso-Novo*, de Mimo J. Gautier.

- A Fourcauquié, dins lou *Journal de Forcalquier*, 48 e 49, *Encore nos fontaines*, dóu majourau E. Plauchud ; *Ço que siés*, pèr lou fe-libre de Coussoun.
- A Marsiho, dins lou *Soleil du Midi* : *lou Palangre, lei Memòri d'un santeun*, charradisso prouvençalo de Louis Foucard.
- A Toulouso, dins *le Gril*, nº 43, 46, 47 e 49 : *Represo*; *Noulet e soun obro*; li quattrin de Rouquet e aquéli de Jan Mercadier; la seguido dóu Diciounàri poupopulàri dóu dialèite agenés, d'Emilo Boudon, etc., etc.
- A Fouis (Ariejo) : *Almanac patoues de l'Ariejo*, pèr l'annado 1894. Coston tres sòu. Aqueu recuei, escassamen coundsacra i tradicioun poupopulàri, se recoumando à l'atencioun de tòuti lis amaire di causo miejournalo pèr soun biais e soun ouriginalita. Lou pubbli iè fai riseto e mostro pèr ansin que s'interesso en tout çò que pretoco sa viéio lengo e si viéii tradicioun. Aqui, i'a li prouverbi dóu sant-girounés e de Fouis, e li devineto, e li cansoun di rière, culido dins li cantoun divers de l'Ariejo ; « Carnabal ; Y a pos res à fa ; l'ase de Marioun ; le dailhaire ; La bello Marioun ; l'Agnel ; Las tres raubos, » e d'autro emai d'autro. E li conte : « Le gat de Calers ; Petit Turluret ; Mouscos, rabotos e fourmigos ; La counfessiu de Jan-la-Bèco, » etc., etc., que n'i a que revertor en de conte de noste terradou prouvençau.
- Acabaren pas nòsti citacioun e noste rampèu en favour d'aqueú valènt picot librihoun, sènsò saluda couralamen soun peirin, lou gent e saberu Pasquier, archivisto de l'Ariejo, tant asouga pèr lou revièure de sa lengo e di tradicioun poupopulàri.
- A Paris, dins *la Province*, de Lucian Duc, nº de desembre, uno noutiço biografico dis escrivan prouvençau cita dins lou cant tresen de *Marinello* : J. Roumanille, Teodor Aubanel, Frederi Mistral, Fèlis Gras, Ansème Mathieu, Anfos Michel, Louis Rumiéux, Jan Monné ; quauqui mot sus li publicacioun prouvençalo e sus la *Revue Félibréenne* de Pau Mariéton, emai peréu quauqui vers prouvençau tira de *Goudelivo*, lou bèu pouèmo de Na Babeloun Pericaud. Dins lou même numerò, Edmond Sambuc acabo soun estudi sus : *La grande trahison des Toulonnais*.

- A Paris, dins lou *Viro-Soulèu*, nº 9, 10 e 11 : lou raconte poulit de la fêsto galant que se dounè au mes d'avooust au Bos de Boulogno, à Paris, au Prat Catelan, en ounour dóu troubadou d'aquéu noum. *La font de Tourtounello*, de J. Michel; *La viro-souciado*, *la Franço se partajo*, de Pouliot Oulivié; *Un députa félibre*, *Lis obro felibrenco*, *Pau Gaussem*, de Battista Bonnet, etc., etc.
- « Dins *Le Mois cigalier*, nº d'avooust e desembre : *A Pau Saïn*, vers dóu félibre de Paris Jan Bayol, au flame pintre prouvençau, *Lou travalbadou*, sounet de Fernand Troubat; *Lous vis de l'Erau*, dóu même.
- A Barcilouno (Espagno) dins la *Veu de Catalunya*, nº 48 à 51 : *El minvo valènt*, (Lou valènt drôle) revira dóu prouvençau de Marius André pèr Franar; *Las bruxas*, (Li masco), revira dóu prouvençau pèr lou même.
- A Marsiho, dins le *Dimanche*, 19 9bre, 3 e 17 Xbre : *L. de Berluc-Perrussis*, biougrasio pèr P. Frontry; *Lou carbounié cantavo*, prefaci dóu libre de Félix Lescure, pèr A. de Gagnaud; *Pierre Puget*, de P. I.; *le Souc*, sounet de Prousper l'Estieu, tira dóu libre que vai publica souto lou titoulet : *lou Terradou*. *Pierrot badaio*, estudi de l'obro qu'alestis Pèire Bertas, pèr P. Frontry.
- » Dins *lou Bavaròd*, la seguido de *Bagatòuni*, pouèmo prouvençau de Valèri Bernard.
- A Brivo (Courrezo) : *Lemonzi*, nº 2, un tros dis Estatut de l'Escolo limousino, ; la seguido de la Gramatico limousino de J. Roux. e la seguido peréu dóu raconte de la superbo félibrejado de nouvèmbre.
- En Arle, dins *Le lion d'Arles*, 11, 12 e 14: *Un casso-gsire*, de Jan K'lang; *lou Plang de Ramoun*, de Loubet; pèr *Vendémio*, d'Ant. Berthier.

Lou Gerent: Jan Monne.



CROUNICO

Bono annado,
Bèn granado,
Accumpagnado !

Es lou souvèt que mandan en tòuti li sdei emai is ami de l'obro. L'an que coumènço fai pas riseto en tòuti... sarié trop bèu ; mai sian segur que Santo Estello nous escoutara e qu'escampihara si favour sus mai que d'un. Que noun avengue en res ço que nous es avengu à naute, pechaire ! La brumo, la nèblo, la plueio an empesta l'aire, e lou mistrau viéu e lòri, que revisecoulo lou cor, aquéu brave vènt es pas vengu nous pétira dòu bourbouï ; aquéu galant *manjo-fango* a fa lou mort, e, d'enterin, l'influenza nous agantayo e nous sagagnavo, e nous n'en poudian plus despegouli. Ah ! la traito malandro ! Nous a ensuca, aclapa, e li forgo nous an fauta pèr coumpli nostro obro, de biais que nous sian un brisoun adarreira. Gagnaren camin, se Diéu vòu que neste raumas e nòsti fèbre s'esvaligon.

Mai, se naute avèn musa e se lou tèms noun se bouto à vira dòu caire souleious ; se la fré, que jamai lou loup manjo, mai qu'es tant sanido, noun es vengudo pèr encaro, acò vòu pas dire que d'en pertout n'es esta parieramen. Li fèbre, li raumas, li nèblo e lou rèsto, empachon pas lou Felibridge de marcha, de trachi e de gagna sèmpre que mai dins lou pople e dins la tierò di letru.

Ié vèn d'agué pèr lou pople uno tarabastiado d'*Armana*, librihoun riserèu e galejaire, que sus la fin de l'an passa an espeli, coume uno bello flouresoun, dins tòuti li rode dòu Miejour, pèr

glourifica e manteni la lengo dóu terraïre ; aro, pèr lou pople peréu, se jogon li *Pastouralo*, que li Marsihés, sobre-tout, n'en soun groumand ; tóuti li ciéucle, li teatre, li groupo de jouvènt se i'agradon e se i'afeciounon, e li nouvè de Saboly de mai en mai ié resclantisson, dins sis èr poupoplari e si couplet simplas, quo de boueo en bouco se bresihon emé joio, e que toumbon dins li cor coume la bono semènço de la lengo meiralo que noun pòu s'esperdre jamai e que toujour viéura.

Em'acò, d'enterin, a resplendi *La Glòri d'Esclarmondo*, cant d'amour luminous e tresanant, arc-de-sedo acoulouri, anant dóu Ventour jusqu'i mountagno de Bigorro, em' un pèd dins lou Rose e l'autre dins l'Adour. Es un erid de jouvènço e d'amour ! D'amour triounflant !

Mai, à constat, avèn vist pouncheja la caro palinello de *Pierrot badaio*, avèn ausi soun bram endoulouri, e n'es peréu l'amour que lou buto, l'amour que matrasso, qu'aclapo, qu'ensuco... la eridèsto de l'amo que noun pòu assadoula si desiranço, que vèi s'esvali si pantai, e que plouro de lagremo de sang de tóuti lis estras de soun cor.

E, d'apereilalin, dóu caire de l'Esterèu, l'auro nous adus un resson galant de cansoun amourouso, entre-mescle em' un pre-fum de *Vióuleto fero* qu'embaumo. Es mai acò un bouquet culi d'uno man d'artisto e liga emé l'amour dóu terraïre e l'amour di chato bello : es la pouëslo, e la pouëslo es l'amour.

E n'es pas escassamen vers lou Ventour e sus li bord dóu riebrés d'azur que li zambougno resclantisson, que lis amo bresihon e que li cor s'empuron au grand calèu d'amour ; es, peréu, eila dins lou Bearn.

A la coumençanço de janvié, M. Adrian Planté, qu'es maire d'Orthez, laureat dóu councours Navarrot, amourous de soun parla e l'escrivènt de man de mèstre, a fa 'no counferènci en vilo de Pau, sus lou *vièti Bearn*.

Soun escourregudo pintouresco e esperitalo dins lou passat de soun païs es mai qu'atrivanto e pivelairo ; ié fai lou retrai di Bearnés e di Bearneso em' un gàubi tria : aquéu, es mai l'amour que lou buto. En'acò, vejo l'aqui arriba à la partiido de sa counferènci que trato de la lengo. L'estudi de la vièio lengo es ligado mai-que-mai à l'estudi de la bello istòri naciounalo : lou mostro,

e mostro tambèn que lou Bearnés es uno lengo e noun un *patois*.

E, pièi, poulidamen, n'en vèn à parla dòu reviéure de la reneissènça di letro roumano dins lou Miejour, dòu grand mouvemen literari felibren e de la bello part que lou Bearn i'a prèssò ; leissaren, eici, la paraulo au gènt counserencié, que nous sarié pas pouossible de miéus dire :

« Deux hommes se sont fait les interprètes de ses revendications, les apôtres de cette renaissance ; deux hommes dont, en ma double qualité de béarnais et de béarnant, je ne prononce jamais le nom sans un sentiment de profonde reconnaissance et d'affection respect : M. Lespy, de Pau ; M. Isidore Salles, de Gosse.

« Nommer M. Lespy devant un auditoire comme le vôtre, c'est faire son éloge ! De nombreuses générations de Béarnais ont reçu ses leçons et s'en ressouviennent avec reconnaissance... Dans son goût raffiné des lettres françaises, il se fit, il y a une trentaine d'années, l'initiateur de conférences qui eurent un grand succès et dont le souvenir est loin d'être perdu. Puis, il recueillit pieusement l'œuvre de Navarrot et publia une série de travaux, mine inépuisable et précieuse de documents relatifs à l'histoire littéraire du Béarn.

« Enfin, nouveau Malherbes, il fixa les règles de notre vieil idiome dans sa savante grammaire, et détermina le sens précis, l'orthographe classique des mots, dans son important dictionnaire béarnais-français : véritables travaux de bénédictin, œuvres de vrai patriote, qui ont enfin rendu à notre vieil idiome, que les ignorants ou les jaloux traitaient dédaigneusement de patois, les caractères imposants et irrécusables de la langue nationale.

* * *

« A côté de lui, le grand poète Isidore Salles, le peintre inspiré de nos paysages pyrénéens, le chantre enthousiaste de l'Adour et de nos gaves, dans les strophes duquel, avec la grande voix de l'Océan et les effluves embaumés des profonds pignadars des Landes, on sent passer un souffle d'ardent patriotisme !

« M. Isidore Salles osa lancer au milieu du concert provençal la note vibrante du Sud-Ouest, et montrer à Paris surpris les fruits éclos sur la terre dorée où le soleil se couche.

“ Honneur à ces deux hommes, nos maîtres ! ”

“ Salut amical à ces deux amis de la vieille langue maternelle ! ”

“ Grâce à eux, les poètes béarnais se retrouvèrent ; ils osèrent affirmer le *gai savoir* du pays ainé, et quand la ville de Pau, toujours fidèle et toujours courtoise, ouvrait, il y a deux ans, ses portes à la poésie félibréenne et cigalière, en voyage pour le rétablissement du culte pieux des vieux poètes délaissés, la pléiade béarnaise put fraterniser avec la pléiade provençale, sous les gracieux auspices de sa large hospitalité. »

E, nautre, escoutan, pious, tóuti aquéli resson e aplaudissèn
di dos man !...

J. MONNÉ.



LI NOVO FELIBRENCO

PROUVÈNÇO

— En seguido dis Evangèli que lou Pai Savié de Fourviero à publica dins *La croix de Marseille*, aquéu valent felibre vai douna lis *Ouresoun poupoplari*, culido sus li bouco dóu pople.

Aquéli *Ouresoun*, emé lis *Evangèli*, intraran dins lou *Parouquian prouvençau* en preparacioun, e que sarà un libre d'ouro requist.

Aquéli que couneissirien d'ouresoun inedito en lengo prouvençalo soun prega de li coumunicata au Pai Savié de Fourviero, à Ferigoulet, pèr Tarascoun (Bouco-dóu-Rose).

— *L'Aidli* publicara, en l'an 1894, *La maigro entre-presso*, aquéu famous pouèmo galejarèu d'Antonius Arena, sus l'envasioun de la Prouvènço pèr l'emperaire Carle-Quint.

— Lou Signe —

Nous es en-de-bon de reproduzurre eici l'espouscado de mèste Franc, tirado de « l'Aidli » n° 110, e que vai coustibla aquéli mèstre d'escole nèscì que castigon sis escoulan, quand à-n-aquésti i'escapo un mot de sa lengo meiralo, que li majistre darut apèlon *patois*. Se poulié pas miés dire, e sian segur que nòstí legéire saran urous de legi aquéli rego nervihouso que lou mèstre largo coume un escra de mesprés sus lou front di quauqui mèstre d'escole adarreira, que s'imaginon de travaia à la glòri de la Patrio en desracinant lou *patois* dóu cor dis enfant :

Tout ço que s'es crida contro l'enquisicioun e contro la tourturo e contro lou coulas e contro li suplice en vogo à tèms passa, n'es pas besoun de vous lou dire. Mai se vous aprenian que lou coulas

e la tourturo soun encaro en vigour sus la terro de Franço, lou creirias ? Ah ! que nàni ! E pamens vous n'anen pourgi la provo touto caudo.

Es verai que li pratico de l'enquisiciooun anciano, que vuei denuncian eici, es contro nosto lengo que soun emplegado encaro ; e, contro lou parla naturau dòu paure pople, se saup que tout es permés.

Despièi lònguis annado, despièi belèu un siècle, despièi prouba-blamen qu'aquéu darut d'abat Grégoire faguè bouda foro la lèi aquéli maladit patoues, veici lou bèl usage qu'intré de pau à pau dins li bàssis escolo, autant cungreganisto coume laïco : li majistre, de quinte péu que fugon, aqui èron d'accord pèr esquicha e tabassa.

Tout enfant qu'à l'escolo èro pres o sousprés à parla lou lengage de soun paire e de sa maire, que fuguèssse bretoun, gascoun, prouvençau, ié passavon au còu un coulas o tarabast que s'apelavo lou *signum*, coume dirian : « signau de vergougno, » e lou paure pichot, planta dre au mitan de la classo o de la court, salié que gardèsse acò, d'aqui-que dessoutèssse un de si cambarado qu'avié di quauque mot patoues, e qu'alor ié cargavon lou coulas à sa plaço. De sorto que, noun soulamen s'umeliavo lis enfant dins si tradicioun de famiho, mai ansin i'aprenien encaro l'infame e vil mestié de raportié e d'espionu.

Aquel usage revòtant, cresian qu'avié despareigu de nòstis escolo primàri, bèn que se prengue d'autri biais pèr desmama li fiéu dòu pople de soun lengage patriau. Mai parèis qu'à bèus iue vesent, e lou sachènt perfetamen MM. lis ispeitor primàri, lou *signum* es encaro emplega dins proun païs.

Legissèn en èstèt dans la *Correspondance générale de l'instruction primaire* (15 octobre 1893) aquesto bello counfidènci d'un istitutour gavot :

Contre le patois : le signe. — Je me suis pris à réfléchir au sujet de ce procédé. Je reconnais qu'il stimule fort les élèves, et cependant je ne me suis pas encore décidé à l'employer.

C'est que je trouve, à côté de réels avantages, un inconvénient qui me semble assez grave. Sur dix enfants, je suppose, qui ont été surpris à parler patois dans la journée, seul le dernier est puni. N'y a-t-il pas

là une injustice ? J'ai préféré, jusque-là, punir tous ceux qui se laissent prendre ; et je suis heureux de les voir en général peu nombreux.

*M. J. Manuel,
Instituteur aux Sanières (Hautes-Alpes).*

La Cornemuse, de Marsiho, que reproudus acò-d'aqui, i'ajusto aquésti refleissiou : « Vaqui lou fin moussèu d'aquelo bravo trempo d'istitutour. Aquéu, segur, dèu pas èstre un aupen. Se fau pas èstre bourna coume li bàrri de Touloun ! » E nous-àutri apoundren : Trouvas pas qu'aquéu piafo que regreto de puni rèn qu'un enfant sus dès, d'aquéli que parlon patoues, sarié meiour pèr garda li fourçat de la Nouvello que pèr aprene lou francés ? E, pèr quant au coulaç que, d'après aquelo letro, es encaro permés dins l'Universita, cresès pas qu'un pichot, qu'aurié de bon sang dins li veno, e que ié penjarien lou tarabast au còu pèr avé parla prouvençau, farié pas hèn de l'aganta e de l'empega au mourre de soun castigaire ? Anen, sian de gènt libre o sian d'esclau ?

Mai se voulès juja de l'ahiranço furioso ounte la parladuro de nosto lengo maire met certan representant de l'Universita, legissè aro aquesto letro, que tiran coume l'autro de la *Correspondance générale de l'instruction primaire* e qu'es signado aqui d'un nouma « H. Boitiat, inspecteur primaire à Barcelonnette » :

Le patois est le pire ennemi de l'enseignement du français dans nos écoles primaires. La ténacité avec laquelle, dans certains pays, les enfants le parlent entre eux, dès qu'ils sont libres, fait le désespoir de bien des maîtres qui cherchent, par toutes sortes de moyens, à combattre cette fâcheuse habitude. Parmi ces moyens, il en est un que j'ai vu employer avec succès dans une école rurale de la haute Provence, et que je tiens à vous signaler. Il n'est peut-être pas très neuf, mais il est assez original. Le matin, en entrant en classe, le maître remet au premier élève de la division supérieure, *un sou*, marqué d'une croix faite au couteau, ou de tout autre signe permettant de le reconnaître. Ce sou s'appelle le *signe*. Il s'agit, pour le possesseur du signe, pour le *signeur*, comme disent les élèves, de se débarrasser du sou en le donnant à un autre élève qu'il aura surpris prononçant seulement un autre mot de patois.

E M. l'ispeitor Boitiat, pèr prouva l'avantage d'aquéu proucedi-

men, se coundousto à cita la declaracioun seguēnto d'un de sis istitutour:

Depuis bientôt deux ans que j'ai introduit le *signe* dans mon école, je constate des progrès très réels dans la manière dont mes élèves parlent et écrivent le français... Peu à peu le patois disparaît de l'école, de la cour, de la rue, de la famille même. Chacun y gagne, moi tout le premier, et personne ne proteste contre mon procédé que j'ai ainsi tout lieu de croire bon.

« Moi aussi je le trouve bon, » ajusto M. l'ispeitor en se passant la lengo i brego. E vaqui de queto façoun, pèr faire li bon varlet vis-à-vis dòu poudé centrau, e, de brin o de bran, gagna li paumo academico, vaqui de quente biais abouminable e nèsci à cha pau se derrabo dòu cor de noste pople l'estacamen à soun parla, à soun oustau, à sa prouvinço, e de quento maniero de pàuris abesti, coume aquéu Leauthier, lou groulé de Manosco, qu'èro un enfant de bravi gent. placón pièi soun endré pèr ana à Paris e ié legi e ié segui li leiçoun dòu *Père Peinard*.

MÈSTE FRANC.

Es pa 'n mau qu'aquel article fague lou tour dòu Miejour, e que tóuti vegon coume la liberta es coumpresso pèr quauqui bastard de noste terraire, en noste siècle luminous de prougrès e de liberalisme.

— Rauban quauqui rego à la *Revue indépendante du Midi*, sus lou prepaus dòu voto de la soumo de 600 fr. pèr nosto Counsèu municipau de Marsiho, dins uno de si darriéri sesiho :

« Aqueste mes es esta marca pèr uno obro inteligènto encò de nouéstei conse municipau.

« Sus la demando de M. Belugou, lou Counsèu a vota la soumo de 600 fr. pèr la croumpo de libre devènt servi ei couss de literaturo prouvençalo douna pèr M. Constans à la Faculta di sciènci.

« Mai, quand pàrli d'obro inteligènto, vouéli pas counfoundre l'inteligènci de nouéstei municipau, car aquélei malurous escut soun proun esta douna à retiro-péu. Vouéli dire que graci à MM. Belugou, Flaisiero, Furby e Colombel, l'inteligènci dòu Counsèu es sourtido dòu sufragi.

« Gramacian dounc aquélei messiés de soun bouen còup d'espalo, e — generous — counservaren pas eici, à l'istòri de Marsiho, lou noum d'aquelei que leis an coumbatut... »

— *La Mandoline*, qu'ero à Nimes, e qu'es, aro, à Paris, 310 carriero de Charenton, s'es constituïjo en Soucieta literàri e artistico, que A. Marin n'es esta nouma presidènt. Aquelo acadèmi a decerni li pres de soun tresen councours de lengo neo-roumano, e ié remarcen : Premié pres : Medaio d'argent à M. G. Roche; segound pres : Medaio de brounze à Savié Peyre; tresen pres : Diplomo d'ounour à-n-Albert Viau, pèr sa pèço : *Lagremo*; à Pau Courcoural, à-n-Aguste Palix, à Marcel Fustier, emai à Ipolito Rolont e Jùli Romel.

Lou quatren councours es dubert, e sa tresenco tiero es pèr la pouësio e la proso neo-roumano (sujèt libre). Aquéli que ié volon prene part, an que de s'adreissa à M. Michel Pons, 310, carriero de Charenton, à Paris. Li manuscrit se podon manla enjusqu'au 28 de febrié venènt.

— *Marineto* vèn de parèisse e n'en reparlaren; pèr iuei, nous es agradiéu de ié rauba lou salut que Frederi Mistral i'adrèisso, e que dis :

A LUCIAN DU

Vague-ié, la mescladisso,
Au pautras que s'amoulouno !
Siés d'aquéli, brave Du,
Que, mau-grat la cridadisso
De la folo Babilouno,
Noun se soun jamai rendu.

Souto lou glavas que touumbo
Negant li cimo terrèstro
Quand plus rèn s'apercevié,
MARINETO es la coulouumbo
Que retourno à la fenèstro
Emé lou brout d'óulivié.

F. MISTRAL.

— Lou Felibrige de Paris a constiuï soun burèu, pèr l'an 1894, dóu biais que seguis :

Présidènt: lou majourau En Sextius Michel.

Vice-présidènt : Batisto Bonnet, En Maurise Faure e J. B. Amy.

Tresourié : Ernest Plantier,

Secretari : li mantenèire Fernand Hauser e Roux-Servine.

Secretari-soubren : J. L. Croze.

Lou cancelié n'es toujour lou gènt felibre aquitan Jaume Gardet ; l'aménistracioun dòu *Viro-Soulèu* èro estoado tourna-mai fisado à Louis Rochas, que vèn de mouri, pechaire ! Li baile de la redacioun d'aqueù galant jounalet soun MM. Batisto Bonnet e Ernest Plantier.

— *Jo Flourau dòu Felibrige de Paris* —

Li Jo Flourau ourganisa pèr lou Felibrige de Paris coumprendran, en 1894, un councours literari emai un councours artisti.

Li joio se distribuïran, come à l'acoustumado, au mes de jun venent, dins l'ate di festo annalo que lou Felibrige parisen douno en viu de Scèus, e i qualo soun counvida tóuti lis ami di letro miejournalo.

Vès-eici lou prougramo dòu councours, vouta dins la darriero sesiho d'aquela Soucieta :

1. COUNCOURS LITERARI. — A. *Pres dòu ministre de l'Estrucioun publico* au meiour estudi en proso franceso sus d'aquest tèmo : *le Théâtre en langue d'Oc*. L'estudi pourra coundsidera tout lou Miejour o uno encontrado à despart.

B. — Uno medaio de vermiè à la meiouro balado en lengo d'O, sus d'aquest sujet : *lou troubadou Catelan*. Aquelo pouësi sara legido dins l'ate dòu roumavage annau que lou Felibrige de Paris fai au mounement de Catelan, dins lou bos de Boulougno.

C. — Uno medaio d'argent au meiour sounet en lengo d'O sus *lou Mes de mai*.

D. — Uno medaio d'argent e un eisemplàri de *Long dòu Rose e de la Mar*, óufert pèr l'autour, En Sextius Michel, à la meiouro nouvello en lengo d'O sus li *Magnan*.

II. — COUNCOURS CLASSIQUE. — Aquéù councours es réserva escassamen is escoulan di licieu e coulège, escolo e estitucioun.

L'escolo e la classo auràn d'estre marca sus li pèço mandado. Áquéli que ié mancaran saran foro-bandì dòu councours.

A. — Pres : Uno medaio d'argent e un eisemplàri de *La glòri d'Esclarmoundo*, de Marius André, à la meiouro traducioun en lengo d'O (proso) de l'Odo 38 d'Ouraci, coumençant pèr aquésti mot : *Persicos odi puer...*

B. — Uno medaio d'argent e un eisemplàri de lüssi de la couleicioun dòu *Viro-Soulèu* de 1894, à la meiouro traducioun en lengo d'O de la fablo de La Fontaine : *La cigale et la fourmi*.

N. B. Tóuti li dialèite dòu Miejour de la Franço se podon emplega dins lou councours literari e lou councours classique.

III. — PRES FLORIAN-AUBANEL. — Uno medaio de vermei à la meiouro pouësi en lengo franceso sus lou sujet : *Salut aux dames de la Cour d'amour*. La pèço courounello sara declamado dins li festo felibrenco de Scèus.

IV. — COUNCOURS ARTISTI. — 1º Dessin. — Lou dessin manda au councours déura representa la *Mort de Viala*.

La compousicioun aura de 75 cent. à 60.

Pres : Un ôujet d'art, semoundu pèr lou Ministre di Bèus-Art. Lou dessin courouna apartendra à la Soucieta, que l'oufrira à-n-un Musèu dòu Miejour.

Uno medaio d'argent pourra èstre decernido au dessin classa lou segound.

2º Esculturo. — Lou councours d'esculturo compourtara lou sujet seguènt : « La Prouvènço, au noum de la Franço, fai la bèn-vengudo i Rùssi à Touloun. » Bas-relèu de 70 centim.

Pres : Un ôujet d'art, semoundu pèr lou Ministre di Bèus-Art.

3º Musico. — Pres : Uno medaio de vermei à la meiouro compousicioun musicalo, sus la pouësi *Viejo cansoun*, de Maurice Faure, pareigudo dins l'*Armana prouvençau* de 1893 :

Quand flouris la rosa boudourouso
I poutoun dòu soulèu de mai,
Se voulès culi l'espinouso,
 Ai ! ai !
Dins un bertas clasf d'amouro,
Sèns s'avisa s'un enfant vai
Beca la fruchò ounte s'amourro
 Ai ! ai !
S'un amourous plen de cresènço
A la bello de si pantai
Doumo soun cor e sa jouvènço,
 Ai ! ai !
Quau orèi que poutous de mestresso,
Disent « semp're l'adourarai ! »
Eterne amour es la promesso,
 Ai ! ai !
Dis espino, la blessaduro
Se garis ; mai la que vous fai
Uno femo au cor, semp're duro !
 Ai ! ai !

La compousicioun sara noutado pèr *uno soulo voues* (d'ome o de fremo) em' accoumpagnamen de piano.

De medaio supplementari d'argent e de brounze, e de mencioune d'ou-nour se pourran apoundre i pres subre-di, segound l'impourtànci dou councours. Li courrière noun podon targa dins lou councours literari que pèr un soulet temo. Li membre titulari de la Soucieta noun podon councourre.

Un diplomo artistique (aigo-fort) pourra èstre decerni en subre dou pres atribuï pèr lou prougramo.

Li mandadis dou councours literari e dou councours classique e musicau se devon faire, franc de port, avans lou 15 de mai, à M. Sextius Michel, maire du XVme arrondissamen, president de la Soucieta, 54 bis, carriero Violet, à Paris.

Li mandadis pèr lou dessin e l'esculturo se devon faire, franc de port, avans lou 30 de mai, à M. Amy, escultour, 55, avengudo d'Orléans, à Paris.

Lis obro noun saran signado ; mai, à tout mandadis pèr li tres councours : literari, classique e musicau, s'apoundra uno envelopo cachetado tenent li noum, prenom e demoro dou courrière, em' uno deviso repetido en testo de l'obro, emai l'affirmacioun qu'aquelo obro es inedito.

— Lou Felibrige de Paris fai assaupre que lou pres dou Ministre de l'Estrucioun publico sara atribuï, en 1895, au meilour travai en lengo franceso sus lou prepaus : *Les Félibrasses*, (estudi de l'acioun literari di fremo dins lou Felibrige, de 1855 à 1894).

— Se dis que lou mounumen de Roumanille se dèu inaugura à la coumençanço d'aquest printemps.

— Se dis, peréu, que l'Assemblado generalo de la Mantenènço de Prouvènco se tendra, en 1894, en viilo de Seloun.

— Clemènt Galicier, di *Mardistes* de Marsiho, alestit pèr leu-leu uno cunferènci sus Mistral e lou Felibrige.

— Lou 4 de janvié, li cigalié, souto la prepausicioun dou president dou Felibrige parisen, an nouma uno coumessioun que se jougnira à n-aquelo di Felibre de Paris, pèr estudia lou proujèt d'escourregudo à faire, aquest estieu que vén, dins li terro miejournalo.

Se demandarié au Ministre de l'Estrucioun publico, M. Spuller, que s'autourisèsse de jouga lou cap-d'obro de *Sopbocle*, « Antigouno », au teatre d'Aurenjo, e d'aqui s'anarié en roumavage faire l'inaguracioun di

mounumen que lou despartamen de Vau-Cluso aubouro pèr glourifica tres de sis enfant, cadun dins soun endré, e que soun : lou tambour d'Arcolo, Bara, de Cadenet ; Castil-Blaze, lou musicaire e pouèto de Cavaïoun, e Adoufe Dóumas, lou feliibre, de Cabano.

Acò, si que sarié 'no galanto escourregudo dins lou pais di cigalo e di tambourin !

-- L'Escolo dóu Ventour a tengu soun acampado ivernalo lou 24 de Xbre 1893. N'en dounaren lou comte-rendu dins lou numerò venènt.

LENGADÒ

— Ves-eici lou prougramo dóu councours de la Soucieta arqueou-lougico, scientifico e literari de Beziés (Erau), pèr l'an 1894.

Dins sa sesiho publico que tendra lou dijòu de l'Ascenciooun, 3 de mai 1894, la Soucieta arqueoulougico, scientifico e literari de Beziés, decernira :

1º Uno courouno de lausie argentau à l'autour d'un memòri istouri e archeoulogique sus d'uno prouvinçò dóu miejour de la Franço, o à l'autour d'uno mounougrafia de la memo regioun.

2º Un rampau d'óulivié d'argent, à la meiouro pèço de vers en lengo neo-rourmano.

Tóuti li dialète dóu Miejour soun amés à councourre.

N. B. — Lis autour auran de segui l'ourtougrafo di Troubadou, e de jougne un gloussàri à sis obro.

3º Un rampau de chaine d'argent à la meiouro pèço de vers francés.

La Soucieta se reservo d'apoundre, segound lou cas, de medaio de brounze, d'argent e de vermeì, pèr recoumpensa lis obro que se l'americarien.

Li sujet pouligi soun foro-bandí dóu councours.

Li pèço saran pas signado, mai pourtaran uno deviso repetido dintre e sobre un ple cacheta, tenènt, emé lou noum e la demoro dóu courrèire, lis endico que l'obro es inedito e qu'a jamai figura dins d'autri councours.

Li mandadis se devon faire avans leu 1 d'abriéu venènt à M. Antou-nin Soucaille, secretari de la Soucieta, avengudo de la Republico, 1, à Beziés (Erau).

— Se vai durbi à Toulous, 71 avengudo de Muret, uno librarié fe-librenco anciano e mouderno, que reçaupra coume depositari, pèr la vèndo, li libre, broucaduro, journau, e tout ço que ié sara manda, à la

cumessioun ; encò de Lambert se dèu èscriéure, qu'es, coume l'avèn di, 71, carriero de Muret, à Toulouso.

— Fasèn la bono salut à la *Terro d'Oc*, que vèn d'espeli à Toulouso, e que bresihara cade sét dòu mes. Longo-mai n'en vèngue pèr canta au missau, d'afouga e d'arderous cantaire. Longo-mai la *Terro d'Oc* flourigue e brounzine ! Nous fai gau de saluda noste ami Louis Vergnes, qu'es lou cabiscòu de l'Escolo moundino, aquelo valerouso esco-lo qu'aubouro soun drapèu sus li tourre dòu Capitòli, e qu'a gagna de souns li graci e li flour de Clemènço Isauro.

— Li proumié Jo Flourau de l'Escolo moundino se tendran à Toulouso au mes de mai venènt.

De flour, de courouno, de medaio e d'oujèt d'art saran decerni i gagnaire de la targo.

Vès-eici lou prougramo d'aquéli Jo Flourau :

I. — *Pouesia en drecba parladura romana*, dins le biais des trobadors.

II. — *Pouesio lengadouciano* (parladuro de Toulouso e dels terraires vesins) :

- | | |
|----|--|
| 1º | Sujet legendàri o istoric (sujet libre); |
| 2º | Pouesio de genre » |
| 3º | Sounet » |
| 4º | Teatre » |
| 5º | Conte pouplàri » |

III. — *Proso lengadouciano* (parladuro de Toulouso e dels terraires vesins) :

- | | |
|----|---|
| 1º | Sujet legendàri o istoric (sujet libre); |
| 2º | Estudiò sus un escrivan lengadoucian (les coundurrents deuran fa lour estudiò sus un escrivan mort) ; |
| 3º | Counte pouplàri (sujet libre); |
| 4º | Countaralhos e galejadós (1) (sujet libre); |
| 5º | Teatre (sujet libre). |

IV. — *Jocs pes escoulans de toutes les establissemens escolaris* del Lengadoc, de Gascougn, de Rouergue e del Quèrcy.

Les esfans deuran èscriure un conte de veilhado o uno sourneto.

V. — *Pouesio e proso* (en touto altro parladuro del Mieyjoun). Se decernira sieis recoumpensos per aquelo soulo tiero.

[1] Aquiu poudran coundouri sobre tout les qu'escribon en parla des barris.

— Coundicius des Jocs Flourals —

Las obros mandados deùran estre inédichos. Les courcurrènts deùran ne manda tres eisemplàris jouts plec cachetat al secretari de l'Escolo Moundino, 7, carriero Lakanal, à Toulouso.

Aqueles eisemplaris deùran pourtà ni noum, ni sinaturo ; mès simplomen uno escriptiù o deviso esricho atabé sus uno enbelopo cachelado countenen le noum e la demoro del councurrent.

Les efans que mandaran de countes per le titre IV des Jocs Flourals auran soulomen qu'à fa counesse dou memo biais lou noum, pichot noum e la demoro de leurs paire e maire.

Toutes les councurrents deùran mandà leurs obros daban le 31 del mes de mars. Les manuscrits saran pas renduts.

— Lou 21 de desembre, l'Escolo moundino tenguè soun Assemblado dins la grand salo di maridage, au capitòli toulousan. Se i'ales-tiguè lou prougramo di Jo Flourau d'oungan, se voutè li gramaci degu au Counsèu generau de la Nauto-Garouno, emai au Counsèu municipau de Toulouso, pèr li favour qu'an acqurdado à l'Escolo ; se verifiquè li comte e se decidè l'espelido de la revisto titoulado : *la Terro d'Oc.*

Se noumè pièi lis escoulan e lis ajudaire nouvèu, entre li quau clarejon li grand mestre estatuaire : Falguieres e Antounin Mercié.

E, avans de clava sesiho, se parlè dis óumage à rendre à la memòri di grand mort moundin : Goudouli, Napoléon Peyrat e Aguste Fourès.

— *Lou Terradou*, voulume de sounet lengadocien emé traducioun franceso vis-à-vis, de Prousper l'Estièu, pareissira dins un parèu de mes. l'aura un pourtissòu dóu majourau Antounin Perbosc.

Lou voulume sara de 300 pajo, coustara 4 fr. sus papié fort e 10 fr. sus papié d'Oulando. Noun sara mes en librarié. Adounc, aquéli que lou desiron, fau que s'adreissen, avans lou 15 de febrié, à l'autour, qu'es mestre d'escolo à Fraisse-Cabardès (Audo).

Aquitani

— La *Revue Félibréenne* de juliet, avoust e setembre 1893, que vèn de parèisse, anóuncio que lou toutau di soumo acampado, à l'ouro d'ieu, pèr lou mounumen de Peiresc, poujo adeja à 1429 fr. Avèn fisсанço que li Felibre voudran contribuï à-n-aquelo obro patrioutico, e que lèu-lèu mandaran sa pichoto óumorno au valent Tamizey de Larroque, à Gontaud (Lot-e-Garouno).

A-n-aquéu prepaus, diren que, sus la fe dóu *Soleil du Midi*, journau marsihés, avèn atribuï, dins nostre darrié numerò, à-n-un de nòsti majourau la descuberto de la dalo tumulàri di Peiresc, dins la glèiso de la Madaleno, d'Ais. Noste counfraire nous escrieu qu'a simplamen fa partido de la colo di furnaire que destrauquèron aquéu precious relicte prouvençau.

— Nous en-de-bon de benastruga la felibresso Claude Duclos (Es-clarmoundo), que vèn de reçaupre li paumo d'òuficié d'acadèmi.

VANEGACIOUN

— M. e Mmo Toumas A. Janvier, sòci dóu Felibritge, demoron : nº 5 East 12th st, à New-York (Etats-Unis d'Amérique).

— J. Felician Court, redatour courrespoudènt de *la Dépêche*, de Toulouso, es, aro, en Aurillac (Cantal) Villa Montplaisir, cours Monttyon, 3.

— Lou mantenèire lengadoucian Clemènt Auzière, es esta nouma juge de pas à Noirétable (Loire).

— Lou felibre Louis Tombarel es mestre repetitour an Coulège de Draguignan.

— Lou felibre Louis Hugues es carriero Fortia, 32, à Marsiho.

— Lou felibre J. B. Menut es regisseur au Castèu de Sant-Louis, pèr Simiano (Boucou-dóu-Rose).

— Lou majourau En Anfos Tavan es à Castèu-Nòu-de-Gadagno (Vau-Cluso).

MORTUORUM

— Lou 5 de janvié es mort à Niço, dins si 54 an, lou felibre mantenèire de Prouvènço, comte Elioun de Barremo. Èro ur di mantenèire prouclama en 1874 dins la proumiero Assemblado mantenèirecialo de Prouvènço.

Que Santo Estello lou repause !

— Es mort, à Beziés, i'a 'no mesado, un valènt soustaire de nostro Causo, lou felibre mantenèire Jòrgi de Bernard.

Que Santo Estello l'ague reçaupre dins soun trelus !

— Es mort, à Paris, dins si 61 an, lou felibre Louis Rochas, de la Droumo, qu'èro lou gerènt dóu *Viro-Soulèu*.

Qu'en Diéu repauson li pàuri mort !

A PAREIGU :

- A Vilo-Novo-sus-Lot, dins le *Progrès de Lot-et-Garonne*, n° 24 Xbre 1893 : *Un poète gascon*, André Sourreil, article vibrant dóu cabiscòu Carle Ratier, pèr la defenso dóu Felibrige, e enaurant coume i'es degu, lou libre : *Ouros d'amour*, d'A. Sourreil.
- A Marsiho, dins la *Revue indépendante du Midi*, n° 2 : *La Prouvençal agroumandido*, sounet de Marius Bourrelly ; *Desiranço*, vers de Maurise Raimbault ; *Disien...* vers tira dóu « Carbounié cantavo » e que Félix Lescure adrèiso à-n-En Jan Monné ; *la Pacbo*, proso de Valéri Bernard ; *lou Prouvençau à la coumuno*, estiblido de Louis Astruc.
- A Gap, dins *l'Étoile des Alpes*, n° 26 : *Quand l'ivèr es pèr lou champ*, sounet de Jan Monné ; *Fieris Aup*, de Vitor Bouis.
- A Brivo, dins *Lemouqi*, n° 3, lou Libre d'or de l'Escolo limousino ; la seguido de la *Gramatico limousino*, de Jousè Roux, e la revisio felibreno de 1893, escourregudo galanto dins lls ate e la proupagando, pèr lou Miejour, di journau e dis escolo mantenencialo.
- A Marsiho, dins *lou Bavar*, tóuti li numerò de janvié : la seguido de *Bagalòumi*, lou rouman de Valéri Bernard en parla pouplari ; *Pierrot badaio*, article de V. Bernard sus lou libre de Pèire Bertas.
- A Palermo, dins la *Nuova Sicilia*, n° 247 : *Tra libri e giornali*, escourregudo d'Em. Portal dins li revisto e journau felibren.
- A Foggia (Itàli) dins *Aurora*, journau quingenadié de sciènci e d'art, n° 16, quauqui rego sus la *Poesia provenzale* e piëi la pouësio prouvençalo d'En L. de Berluc-Perussis :
- N'en voudrias tasta cade jour
Dóu pan sabourous de l'amour.
- dedicado à Teodor Aubanel e acoumpagnado de la traducioun italiano de L. Zuccaro.
- A Cano, *La cisampo*, que boufo un cop pèr mes, pèr faire lou gatigou ei gènt triste, n. 1, e qu'avèn saluda sa vengudo dins neste darrié numerò : *Ei nouastrei legèire*, (la redacioun) ; *Lei loup* (L'ome de Riéu) ; *Vincent Courdouan*, pèr Maurise Raimbault ; *A la vibado*, de T. Belugo ; *Lou ramassaire de megot*, de F. Grabier.

- A Fourcauquié, dins lou *Journal de Forcalquier*, n° 52 et 53 : *La vertueuse Marie Luc de Forcalquier*, estudi de C. Gantelmi d'Ille ; *la Sestiano*, de P. Roman ; *lou Diamant de St-Maime* i Jo Flourau de Carcassouno (A. G.) ; *Sounet à la lausour* de de N.-D. de Rippoll, pèr V. Lieutaud, etc.
- A Marsiho, dins *la Croix de Marseille* dóu 17 e 31 desembre : la seguido dis Evangèli, dóu Pai Savié de Fourviero ; *De lume*, pèr Cascavèu ; *lis Ouresoun pouplàri*, li *Santoun de Marsibo* de dono J. Gautier ; *Qublei pouerc de soucialisto*, pèr Cas- cavèu.
- A Toulouso, *Terro d'Oc*, revisto felibreno, mesadiero, proumié numerò, tenent : *la Terro d'Oc*, pèr la Cigalo de la Libertat ; *La cauno*, de Prosper Estiu ; *La lengua mayre*, dóu meme ; *Nostro cuberto*, de Louis Vergnes ; *Les dus semenaires*, de Jan Pitchou, qu'es un apassionaoun ; *Crounico*, signado : Le Vane-gaire, etc., etc.
- A Carcassouno, dins la *Revue méridionale*, n° 22, emé lou raconte di Jo Flourau de l'Escolo audenco, d'Achilo Rouquet : *l'Escolo moundino*, de A. R. ; *Passejado sul canal*, de A. Mir, etc.
- En Alès, dins *Lou cascavel*, n° de janvié : *Mirèio*, estudi, pèr Gaiet-Malan ; *Nivose*, dóu meme ; *lou Rastel*, signa Lou Bourgal ; *Magali*, de Frederi Mistral ; *Pauro Martino*, de Mathieu La-croix, e la seguido de *Volo-Biòu*, d'Albert Arnavielle.
- A Mount-Pelié, dins la *Cigalo d'or*, n° 113, 114 e 115 : lou raconte de la felibrejado e di Jo Flourau auden, pèr Jan d'A ; *lou Redemtour*, nouvè d'Ant. Chansroux ; *Sus uno toumbo*, de A. Rottner ; *l'Escolo limousino*, de J. Felician Court ; *lou Souvèt de Lissto*, de Mirèio Arnavielle ; *A l'ounour di Felibre*, dóu chivalié Emmanuel Portal ; *Millo Parentàni* dins soun role de Mirèio, retra d'E. Marsal ; *la Boimo*, de Carle Ratier ; *la Glòri d'Esclarmoundo*, de Marius André ; *Souto lou castanié*, d'A. de Gagnaud ; *Ab ! so ma grand lou sabié!* de Charloun Riéu ; *Remoustrango*, de Pèire Bernard ; *La cansou del soulef*, de J. Calcas.
- Dins la *Campana de Magalouna*, dóu 1 de janvié : *l'Amistat*, de Jousè Soulet ; *l'Espingola*, de Marc Rigal ; *l'Escoubibaire*, emé retra de Marsal (Drin-drin), etc.
- En Avignoun, dins *l'Aïoli*, n° 108, 109 e 110 : *L'eissame*, pouësio di-

verso de En A. B. Crousillat, pèr Michèu Gai ; *La vèio de Nouvè*, pèr Dono Lazarino de Manosco ; *Li Manjo-figo*, de B. Sabatier ; *Jacoumart*, de Jùli Cassint ; *lou Signe*, de mestre Franc ; *Daudet à Tarascoun*, de Jùli Veran ; *Mita de gau*, conte poupoplari ; *Proufançcionoun*, de L. C. ; la seguido di *Memòri d'un gnarro*, de B. Bonnet, etc.

A Paris, encò de A. Bellier, empremaire : *Souto lou castanié*, vers prouvençau revira de Louis Audiat pèr A. de Gagnaud.

- » Dins *la Province*, de Lucian Duc, janvié 1894, li retrai literari d'Antonius Adam, lou crounicaire de *l'Aïoli*, dóu mantenèire Carle Bistagne, dóu majourau Marius Bourrelly, dóu felibre Michel Camélat, emé l'avans-prepaus de *Marinet*.
- » Dins lou *Viro-Soulèu* de Xbre 1893 : li jo Flourau de 1894 dóu Felibrige de Paris ; *Au nouvel félisque*, sounet de L. Des-tremx ; *Mi capelado*, de Batisto Bonnet, e la *Viro-souleiado*.
- » Lou *Mois cigalier*, n. de janvié 1894.
- » Dins *l'Echo de la Corrèze*, n° 21 : *Bouna annada, lou vi del curet*, pèr A. Marpillat ; *Al clar de la luna*, de E. Bombal ; *Troubadours et Félibres*, tros de la counferènci de Brivo, pèr F. Court.
- » Dins *la Revue Félibréenne*, juillet-août-septembre 1893 : *Le poète Théodore Aubanel* : l'enfance et la jeunesse, Avignon et Font-Ségugne, le roman de Zani — pèr Ludòvi Legré ; *Rondels*, pèr Achilo Rouquet ; *Blazire*, pouèmo rouergat emé traducioun, pèr A. Villiers ; *San-Gimignano-delle-bello-torri*, pouèso de Pèire de Nolhac ; *A l'aventure*, *A la bello eisscroo*, pouèso franceso e prouvençalo, pèr Jùli Boissière ; *Bibliographie* (***) ; *Une union, Courtes confidences*, pouèso, pèr la Duquesso I. de la Roche-Guyon ; *Li Rouge dóu Miejour*, scene prouvençalo de la Revolucioun, pèr Félix Gras ; *la Bibliographie de La Bellaudière*, de Pau Marieton ; *La preguiro d'Esclarmundo*, pèr Marius André ; *l'Évolution félibréenne : les Félibres aquitains* (La Gascogne, la Maintenance d'Aquitaine, son organisation, ses œuvres, sa répartition logique ; 2^o histoire territoriale et géographie linguistique, le dialecte gascon ; 3^o la littérature gasconne avant les Félibres ; 4^o les Gascons des Landes et du Béarn, le poète de la Chalosse, Isidore Salles), pèr Pau Marieton ; *Souscription Peiresc*.

A Cahors, encò de Girma : l'*Armana Quercinol* « pèr l'annado 1894, compousat à Paris pèr l'amour del lengage natal e de soun rire galejaire », de la man abilo de Jòusè Calcas. Segoundo annado : costo 40 cent. l'a, dins aquéu librihou, un flo de vers e de galejado mai que galant ; n'en tiran un couplet de *Lo cansou del soulel* :

Mès à la terro mejornalo
Dount n'auttes sèns lous efantous,
Ambé lo joyo matinalo
Emboyes tous prumiers poutous.

Tabe, rabia d'aquel terraire
Dount tu nous fas un parodis,
Tant que flambejorras dins l'aire,
L'aimoren en soun parolidis.

A Fouis, en Ariejo, encò de la véuso Poiniés : « Texte roman des coutumes municipales de Seix en Couserans, confirmées par Philippe-le-Hardi, et reconnaissance des priviléges de cette ville par Henri II, en 1547. » Doucumen inedi e forço curious, publica pèr Fèlis Pasquier, lou valènt archivisto de l'Ariejo.

A Barcilonou, dins la *Veu de Catalunya*, nº 52 e 53, nouvelun de *l'Aïoli*, de la *Cigalo d'or*, dòu *Felibrige*, dòu *Lemouqi* ; *Jan senso pòu*, conte de René Montaut, revira en catalan, pèr Franar.

A Marsiho, dins *le Dimanche*, 90, 91 e 92 : La langue provençale au Conseil municipal de Marseille, *Bonne besogne*, de L. A. ; *Castil-Blaze et Adolphe Dumas*, dòu même ; *Lou pintre Monto*, de Louis Astruc, etc.

- » Dins *lou Petit provençal* dòu 24 Xbre 1893, un estudi de A. Clerissy, sus *Nouè e sus li Nouè*.
- » Dins *le Soleil du Midi* dòu 1 de janvié, la seguido dòu *Palangre*, de Louis Foucard, emé *Bouen jour, bouen an*.

A Toulouso, dins *l'Ecbo des Trouvères*, nº 98 : de vers en lengo d'O de A. Teulié, Aufrèd Florent e Bitor Levère.

En Arle, dins *lou Forum républicain*, 51 e 52 : *Les proverbes du pays d'Arles*, (MM) ; *A Madamo Severino*, tira dòu journal *l'Aïoli*.

Lou Gerent : Jan Monné.

Imprimerie L. DUC, 35, rue Rousselet, PARIS.

CROUNICO

ESCOLO DÓU VENTOUR

Lou 30 dòu mes de desèmbre, li Carpentrassen, membre de l'*Escolo dòu Ventour*, se soun, en majo part, acampa encò de l'oste Boujarel, ounte un menut di miéus alesti lis esperavo. Passa miejour, uno despacho dòu Capoulié, En Fèlis Gras, dounant cuneissènço de soun empache e saludant l'*Escolo*, es legido pèr lou cabiscòu, En Roumié Marcellin, e li counvida s'entaulon.

Aqui, coume dins tòuti nòstis asèmpre felibren, de pau à pau lou rire s'esparpaio, lis iue beluguejon, li cor tabason, li charra-disso van soun trin e li pitre se duerbon !

M. Alfred Caillet, maire de la vilo, président d'ounour, lou bèu premié s'aubouro e parlo coume eiçò :

MESSIEURS,

« La présidence d'honneur que vous m'avez confiée et que je méritais si peu, m'oblige à porter le premier toast.

« Trop ignorant de la langue de Mistral, je porterai ce toast en français, craignant de vous parler patois si j'essayais de vous parler en provençal.

« Je bois à l'Ecole du Ventoux !

« Je bois à l'Ecole française du Ventoux pour l'étude de la provençale. Et j'insiste sur le mot française, car je tiens à protester

de toutes mes forces contre l'opinion de nos détracteurs qui se sont permis à notre égard des appréciations désobligeantes et qui, à titre d'aménité, nous ont traités de séparatistes : pour peu, ils nous traiteraient d'étrangers.

« Comme si les terres de Provence et du Comtat-Venaissin ne sont pas terres françaises aussi bien que le reste de notre chère patrie ; comme si leurs habitants ne sont pas aussi patriotes que tous les autres Français.

« Nos ancêtres ont démontré bien souvent quel amour de la France les tenait au cœur, et nous sommes prêts à faire la même démonstration le jour où les circonstances l'exigeront.

« Mais que voulez-vous, nos détracteurs ne sont pas responsables de leurs appréciations ; ils ne peuvent pas nous comprendre. Vivant dans des milieux brumeux, ils ne peuvent pas savoir combien se développent tous les sentiments bons et beaux sous notre grand soleil et sous notre ciel bleu.

« Notre activité leur est inconnue ; et de même que nous ne saurions nous contenter du demi soleil qui les éclaire, alors qu'il nous le faut à nous tout entier et bien chaud, de même une seule langue ne saurait nous suffire : il nous en faut deux ; c'est pour cela que nous avons choisi les deux sœurs.

« Pardonnons donc à nos adversaires, continuons notre œuvre sans aucune préoccupation extérieure et buvons à notre Société et à son cher cabisco ! »

Lou cabiscòu En Roumié Marcellin, aguènt remercia lou presidèt d'ounour de si paraulo enfioucado e bèn-voulènto, de tótutis aplaudido, s'aubouro à soun tour e ansin parlo :

MESSIÉS E GAI COUNFRAIRE,

« Que noste valènt Capoulié, En Fèlis Gras, n'ague pas pouscu veni presida noste banquet freirenau e brinda maîstralamen coume saup lou faire, es regretable. Sa pressènci n'aurié pas mens fa que d'enlusi nosto fèsto ; sa paraulo ardènto e melicouso sarié de-se-gur estado, mai que bon vin vièi, un dous recounfort pèr naître, e tóuti lou regretan.

« Adounc, au noum de l'Escolo dóu Ventour, porte moun premié brinde au Capoulié dóu Felibrige !

« A vous-autre, Messiés, qu'en responso à nosto counvidacioun amigo sias vengu parteja lou pan goustous de nosto Escolo feli-

brenco, e lou trempa dins la sau benesido que douno sabour emai finesso à neste parla franc, à vous-autre, salut e bèn-vengudo !

« S'es d'usage, Messiés, que li Felibre s'acampon lou pu souvent à taulo, es dóumaci que, à taulo miéus que pertout, s'atovo lou rire sus li bouco, la belugo dins lou regard e lou countantamen au cor ; e de-mai pèr aquesto bello e bono toco qu'es de travaia quau d'un biais, quau de l'autre, emé l'afougamen à l'obro commun : l'espandimen de la lengo dóu brès, elo qu'enausso en glòri la pichoto patrio dins la grando, patrio que devèn sèmpre auboura pèr lou mejan leiau e noble de nostro paraulo, de nòstis escri.

« Pèr ma part, Messiés, siéu urous de nostro acampado e n'en siéu fièr dóumaci me sèmbla que proun countènt sias peréu.

« Verai, quau es de nous-autre eici que noun s'atovo à soun aise ? Quau es aquéu que noun es urous de fraireja, que noun es urous de turta lou got e lèst, coume se dis, à canta la siéuno ?

« Es en seguido d'aquéli taulejado frairenalo, à la desserto, au mitan di brinde, que chasque felibre adus soun pichot travai. Aqui tóuti an lou dre d'espandi sis obro, de li legi, de li canta. Es d'aquéu biais qu'en Felibrige se douno d'alen e d'enavans i pere-sous, i crentouset. E acò, Messiés, dèu toujour se faire emé respèt, dins l'amigueta la pu simplò e la mai vertadiero ; e coume fau qu'entre nous-autre sèmpre l'amigueta dóumine, fau peréu que la simplessò manque pas de grandour.

« Se, d'asard, quauque bericlet espinchant d'en pau liuen nostro Escolo, s'avisavo de la retraire pièi coume l'aurié visto, valènt-à-dire d'un marrit iue e de-travès, anessian pas d'acò nous esmòure : siguen bon e charitable, sachent nous countenta de rire, e de plague, à l'oucasioun, aquéli bericlet o guèche qu'an de s'avisa de noun deveni tucle.

« Nous acampant souvènt e mai en noumbre, la man dins la man, faren tranquilamen nostro obro, la faren tant bono que poudren ; libre, cantaren quouro e ounte nous agradarà, e, gai roussignòù, leissaren u:iaula li machoto.

« Vejaqui nostro draio, Messiés, anen-ié fieramen ! se pèr entramble ié rescountran quauque brut de roumese e quauque panicant, ié trouvaren peréu de tèndri margarideto, de gau-galin e de blavet, gènti floureto de Prouvènço qu'emé si tres coulour, graciou-samen e majestousamen rememorou pertout lou glourious drapèu

de nosto bello Franço ! Aqui, Messiés, lou cèu es clar ; l'ivèr coume l'estiéu, en farandoulejant, aureto e ventoulet ié passon, e se vèi de bouisoun que pièj jiton de rosò.

« Dins aquéu dre camin endraien-nous emé la fe dòu sage, lis iue vira vers lou soulèu e l'esplendour de Santo Estello !

« Acò di, Messiés, ausse moun vèire e bève à la prousperita de l'Escolo dòu Ventour ! »

Enterin que lou tin-tin di got clantis, un vènt dous e caud d'es-trambord permeno dins la salo.

Lou souto-cabiscòu, Enri Bigot, dis emé sa logo acoustumado sa bello *Odo à la rèino dòu Felibrige*, e peréu sa galanto pèço *Per vendémio*. Pièj, lou jouve Sivèstre Marcellin, brindo coume eiçò :

« Amor qu'eici, Messiés, sian tòuti fraire e libre,
Iéu, jouine encaro e court d'alen,
Ausse moun vèire mita plen
E bève à la santa de tòuti li Felibre ! »

Tourna-mai li got se turton, li man se sarron, e l'amista tri-ounflo de pu bello.

Dempièi un bon moumen la fino charradisso e li conte agradiéu van e vènon gaiamen d'uno bouqueto à l'autro. Lis amistous e gènt MM. Barciloun, des Isnard, Liabastres e Ravoux, en veno de bon mot, s'alandon e jogon au pu fort. Pièj, Roumié Marcellin d'uno voues esmougado dis :

MESSIÉS,

« Dins nòsti reünion felibrenco, avèn la bono abitudo, au mitan di galejado, di rire e di cant, de nous ensouveni de nòsti mort, e de trouva plaço pèr un regrès, pèr uno lagremo. Acò's un dèute sacra que se pagan dis un is autre.

« Lou 13 dòu mes de mars, avèn agu lou mau-cor de pèdre, à Marsiho, ounte èro juge de pas, un membre valènt de nosto Escolo : vous ai nouma lou felibre majourau En Anfos Miquèu, de Mourmeiroun, autour d'uno *Istòri de la vilo d'Eiguero*, e d'àutris obro de merite.

« Noste ami, Anfos Miquèu, èro devengu subre-tout poupoplari emé si cansoun galoio, publicado en un galant recuei entitoula sim-plamen : *Lou Flasquet de mèste Miquèu*. Dins aquéu libre, éu,

avié, coume li mèstre, espandi soun cor e soun amo. Es pèr acò
que si cansoun faran sèmpre lou delice dis amo delicado, di cor
tèndre, di cantaire de bon goust.

« Es gaire de tèms après qu'aquéu noble cor coumtadin avié
manda soun adesioun escricho à nosto Escolo, que la traito sega-
rello lou toumbè dins la pleno vigour de si bèu cinquanto-sièis an.

« Eh ! bèn, Messiés, es à la memòri d'aqueil ami, d'aquéu valènt
counfraire que vole pourta 'n brinde.

A-N-ANFOS MIQUÈU

Aut dins l'azur, en Santo-Estello
Ounte la Muso resplendis,
Se toun grand cor se despostello
E ta bello amo s'espandis,
Brave Miquèu, pos te lou crèire,
Eici-debas quitan lou dòu,
E bevèn e turtan lou vèire
Au dous canta di roussignòu.

Tout cantaire roussignoulejo ;
Mai en touti n'es pas degu,
Quand l'idèio ris e soulejo,
D'agué lou gàubi qu'as agu.
E se sian fièr de Roumaniho,
Se d'Aubanèu sian encanta,
A toum *Flasquet*, font d'armounlo,
Toujour béuren' pèr miéus canta.

De nòsti cor, mèstre felibre,
Toun obro esvarto la tristour ;
E fau que ta zambougno vibre
De la grand mar au mount Ventour.
Dins li castèu, dintre la bòri,
E pèr vendémio e pèr meissoun,
En toun ounour, à ta memòri
Brusigon sèmpre ti cansoun !

Tout alisca de formo antico,
Courous e redoulènt bouquet
Mescla de flour de retourico,
Es un cap d'obro toun *Flasquet* ;

Soun vin d'elèi coulour de flamo
 Es linde e pur; e quand nous traïs
 Soun doux perfum que douno à l'amo
 Pantai d'amour, éu te retrais.

E se me sèmble eici te vèire,
 Aguènt leissa toun blanc linçou,
 Béure emé nautre toun plen vèire
 Au doux canta di roussignou,
 O, nostro Escolo coumtadino,
 Amourouso de ço qu'es bèu,
 Davans toun engèni se clino
 E brindo à tu, valènt Miquèu ! »

Uno raisso de picamen de man saludo aquéu brinde. M. Alfred Caillet, qu'ero peréu un ami d'Ansos Miquèu, entouno emé finesso e gàubi uno di delicióusi cansoun de nostre felibre regreta, e au refrin tóuti canton.

Aro, es M. Mountegard, proufessour de l'Universita, qu'a la paraulo. E veici coume :

MESSIEURS ET CHERS CONFRÈRES,

« Je me félicite d'appartenir à une Société où on parle simultanément les deux langues sœurs, le français et le provençal. J'en suis heureux pour le français, mais aussi pour le provençal, qui ne peut que gagner à cette indiscutable parenté.

« Comme notre président d'honneur, je ne me hasarderai pas à parler provençal, de peur de parler patois.

« Nous savons ce que sera notre Ecole depuis le jour où le secrétaire provisoire, aujourd'hui secrétaire définitif, a écrit à peu près en ces termes : « L'Escolo dòu Ventour ne sera pas un cé-nacle ouvert seulement aux Félibres proprement dits, mais aussi une réunion d'hommes s'adonnant ou s'intéressant aux études historiques, archéologiques, esthétiques, etc., qui ont trait à notre Comtat. »

« Cette définition, je la retiens en entier. Je me permets d'y ajouter modestement les réflexions suivantes. Nous sommes ici à un déjeuner intime. Que pouvons-nous faire autre chose que de parler de notre Comtat, de nous rappeler réciproquement nos souvenirs d'enfance et alimenter de la sorte nos chères études. Ce sera d'ailleurs un moyen d'échapper un instant aux mille en-

nuis, aux petites misères de la vie, de passer quelques heures, entre compatriotes intimes, à nous témoigner des sentiments de bienveillance, de sympathie et de cordialité qui sont, heureusement, tout naturels à des amis qui parlent la langue de leur enfance.

« Cela dit, permettez-moi de vous rappeler la belle strophe de notre aimable cabiscol :

O sant amour de ma patrio,
Amour d'ou juste e d'ou verai,
Amount, vers lou soulèu que briho,
Se t'enaures, te seguirai !

et d'en retenir le vers

Amour d'ou juste e d'ou verai,

pour vous demander d'en faire d'une manière ferme et définitive la devise de notre Ecole.

« En effet, le juste n'implique-t-il pas bienveillance, sympathie, cordialité, non seulement entre Comtadins et Provençaux, mais encore entre Français et entre tous les hommes qui professent la noblesse dans les idées, la générosité dans les sentiments.

« La vérité doit être l'objet d'un véritable culte dans les études historiques ou archéologiques.

« En poésie aussi, il n'y a de réelle beauté et par conséquent de succès certain que pour les artistes qui comprennent la puissance captivante des sentiments vrais et qui savent en fixer l'expression définitive dans une langue élégante et harmonieuse.

« Si je ne craignais de mettre à l'épreuve la modestie de notre cabiscol, je vous en citerais volontiers quelques exemples venant à l'appui de mon assertion ; j'aime mieux vous y renvoyer.

« Par conséquent, Messieurs et chers confrères, si nous nous appliquons à réaliser la devise : « Amour d'ou juste e d'ou verai, » notre Ecole sera facilement un modèle de bienveillance et de cordialité, un modèle de vérité historique et esthétique.

« Je bois à l'Escolo d'ou Ventour, qui se réclame avec raison de la Provence et du Comtat, *lou païs d'ou soulèu*, de la France, le pays de la lumière. »

D'aplaudimen sarra dounon provo de counsentido à la causo, claramen semoundudo pèr lou proufessour Mountagard. Finalamen se parlo d'uno Court d'amour pèr lou mes de juliet que vèn, seguido d'uno escourregudo à la cimo d'ou Ventour. Ansin siegue.

JAN DE L'ORT.



LI NOVO FELIBRENCO

PROUVÈNÇO

Marineto

La *Marineto* de noste ami Lucian Duc fai flòri pertout, e li coumplimen toumbon à raisso sus l'autour. Veici çò que i'escrieu lou mèstre :

Au brave coumpañan Lucian Duc, mi coumplimen à brassado pèr sa pourido *Marineto*, tant bèn avengudo, tant bèn alengado, tant bèn empremido ! Quàuquis-un coume acò, de libre prouvençau, espandi tóuti lis an un pau eici, un pau eila, embeimarien de se-librige la literaturo d'O.

Gramaci e ounour au pouèto de *Marineto* !

F. MISTRAL.

E lou Capoulié i'a manda li vers seguènt :

En eissugant uno lagremo,
Barre toun libre, Lucian Du,
Noun i'a pouèto, noun i'a femo
Que, sènsa agué lou cor fendu,
Posque legi ta « *Marineto* »
Morto d'amour. Oh ! la paureto !

FÈLIS GRAS.

A soun tour, lou sendi de Prouvènço, En Marius Girard, dis :

Vène de legi *Marineto* e n'en siéu esta ravi.

Acò's un libre bèn fa, mourau, ounèste, interessant, poulit que-noun-sai, e m'es avis que sarié bon que tóuti li biblioutèco d'escolo primàri de Prouvènço, ounte i'a de cadelas, e aquéli de par-

ròqui, ounte i'a souvènti-fes pas mau de chato foulasso que pantaión que la vilo, l'aguesson e lou legiguesson.

Acò ié farié mai de bèn, seguramen, que tòuti li papafard ounte se dis, vuei, que la *patrio* es un mot e que lis ome dèvon faire plus qu'uno soulo famiho e viéure segound la lèi de naturo, valènt-à-dire coume li bèsti...

MARIUS GIRARD.

Enfin, veici lou galant comte-rendu en vers que nous mando Antonius Adam, un brave Prouvençau de Paris :

Avian déjà *Mirèio* e, d'aièr, *Esclarmoundo* ;
L'uno vèn de Mistral, d'André vèn la segoundo ;
Tòuti dous an canta l'amour clar e flouri :
Osco, pèr Marius ! e glòri à Frederi !
A-n-aquéli bèuta, li felibre fan fèsto,
Cadun ié trais, urous, jaussemin e genèsto...
E iéu, nanet, me plaisir de leva lou capèu
Au rai que resplendis dòu Rose i Pirenèu :
Vese Filadelfò que raivo à soun amaire,
L'amourous d'Avignoun qu'à-n-clo parlo en fraire,
E lou soulèu que briho e fai crèisse li flour,
Espouscant sa lus d'or sus de cästis amour !

* * *

Vaqui que Lucian Duc, sus sa liro, nous canto
Marinetto e lou fiò de si graci toucantto.
E, d'uno man de fado, en fin lengage clar,
Pouëtiso en sèt cant la chatouno dòu Var ;
Oh ! coume trelusis aquelo obro tant bello !...
Estello ! o Santo Estello ! es tu l'ispirarello
Que l'inoueñt amour, que l'amour dòu païs
Espelisson aqui coume l'aucèu au nis !...
Lou cor de Lucian Duc s'enauro en pouëslo,
E si vers calourènt an l'oudour di cacio,
E se, de la Prouvènço éu canto l'estrambord,
Lou canto en grand troubaire : em'uno plumo d'or !

* * *

Casto coumo uno vierge e fresco, e mai que bello,
 Sa Marineto ansin m'encanto e me pivello,
 E soun paire Nourat me pretoco, e l'amant,
 Tistoun, en quau lou vièi avié proumés sa man ;
 Mai, las ! cor de fiheto es cor plen de mistèri !
 Marineto, au bergié, preferis un arlèri,
 Un moussurot grana, galantoun d'esperit,
 Couifa d'un capèu naut, vesti d'un riche abit !
 E lou sort que la buto, e liuen di siéu l'emporto,
 L'adurra tourna-mai, l'amo estrassado e morto :
 — Se noun la jalouisé l'empuro e lou gandis,
 Amour de moussurot, ai ! las ! lèu s'amudis !
 Pamens, leissant l'oustau, sa maire e soun village,
 (L'argentie — gros catau — i'a proumés mariage),
 Marineto s'envai, solo de soun amour,
 E l'aubo, de la niue coussejant la brumour,
 Emé soun amourous, la vèi long di draiolo,
 Fouligaudant, cridant, talo uno parpaiolo
 Que poutouno li flour, elo, emé soun galant,
 Bèvon peréu di bais lou douz mèu treboulant...
 D'aquesto ouro, ounte soun li counsèu di grand rière ?
 E Coumps ! e pièi lou mas ! e la glèiso ! e lou prèire !
 Acò durara-ti ? Pauro ! souvènt amour
 Em' un boufa de vènt n'a proun pèr toumba flour !

* * *

L'aurige s'amoulouno e lou tron es pèr orto,
 De raisso de malur toujour ié fan escorto,
 E Marineto a pdù... e tremolo d'esfrai
 Quand L'argentie ié dis : « Pèr iéu me siés un fais ! »
 E subran sa doulour, las ! en lagremo esclato...
 Lou groussié moussurot traïs l'escorno à la chato,
 Qu'à l'agrat de sa maire éu se maridara ;
 Que n'es vengu lou tèms de se dessepara,
 A-mens que vogue bèn n'estre que sa mestresso,
 Qu'ansin ié gardarié si meióuri caresso !

Marinetto ressauto... e soun cor matrassa
Coume à-n-un cop de daio es subran estrassa !
— « O ma maire ! o Tistoun ! Vaqui ma destinado !
Ah ! perqué, de l'oustau, ai fugi, dessenado ! »
E'm'acò, de Lioun, part... pèr baisso c pèr piue,
Anant... la caro palo e de plour dins lis iue !

* * *

Vers lou Var soucious Marineto camino...
E l'amour patriau la meno e l'ilumino :
Un jour courdurarello, un jour pastresso, ansin
Elo gagno soun pan e, tristo, fai camin.
Mirage pantaia de la patro amado,
Assoulas, se vous plais, soun amo matrassado.
Ai ! las ! la chato touumbo avanido pèr sòu ;
Un jouvènt passo just dins lou meme draïdu...
Es Tistet, que la vèi, e ié pren si maneto
E que, lèu ! recounèis sa douço Marineto
E que, de si poutoun, la recauso, arderous.
Marinetto sourris... éu, tresoulis, urous,
E la meno plan-plan de-vers l'oustau di rèire.
Ah ! soun paire Nourat, que plouro, noun pòu crèire
Que dempièi que sa chato es au fougau, la mort
Cerque de ié rauba soun perlet de tresor.
Mai, elo, un jour s'endor dins li bras de soun paire
E, lis iue dins lis iue de soun tant douz amaire,
Gardant lou gaudi gent de soun brinde agradiéu,
Quito lou mounde faus e s'envolo vers Diéu !

* * *

Brave Duc, vès-aqui toun obro noblo e flamo
Que pretoco lou cor e que boulègo l'amo :
Tis estrofo superbo e ti vers enaura,
Mèu que douno lou rire e que nous fai ploura,
Canton neste Miejour e sa vertu sublimo !
Arderous, dins qu'un vanc, escales jusqu'i cimo,

Trenant uno courouno i glòri dóu païs...
 E l'amour, pèr guierdoun, divinamen sourris,
 E dins l'ort felibren rejoun dins sa liéurèio
 Tres astre : *Marinetto*, *Esclarmondo* e *Mirèio* !

ANTONIUS ADAM.

Acabaren pas nosto dicho sènso faire noste salut au reviraire de *Marinetto*, qu'es lou majourau En Jan Monné. Lou tradusèire, em' un grand talènt, a segui l'obro vers pèr vers, gardant lou ritme tant pouëti de Lucian Duc ; éu a fa provo, aqui, d'uno sciènci meravihou-so, e se pòu dire que *Marinetto* a douz paire : un à Paris, l'autre à Marsiho. Leitour mai que gènt, se voulès vous regala, e passa uno galanto jouncho, en coumpagno de *Marinetto*, croumpas aquéu libre tant bèn estampa e mai que bèn escri! E à tu, o Jan Monné, bravò ! tóuti mi coumplimen !

A. A.

— A prepaus de *Marinetto*, diren que tout lou mounde es pas coun-tènt que Lucian Duc ague counseia, dins sa prefaci, d'emplega lou dia-lèite dóu Rose, pèr l'unificacioun de l'ourtougràfi felibreno. Lou *Mé-morial d'Aix* publico à-n-aquéu sujet uno proutestacioun dóu majourau En Francés Vidal, que revendico la proumiero plaço pèr lou parla d'Ais, en estènt qu'aquéu terraire es la « Prouvènço propre, » amor que

Peralin Niço e Mentoun
 Es la Prouvènço italicò ;
 La Prouvènço nourmanico
 Eila de-vers Avignoun.

En nous mandant aquesto novo, Lucian Duc respond qu'a jamai agu l'idèio de nega lou merite e li sentimen patriau de quau que fugue, ni de douna la paumo au parla dóu Rose sus lis àutri dialèite. Leissant en desoro li questioun istourico e filoulougico, pèr noun reviéuda li vièii lucho, éu n'a vist qu'uno causo : l'espandimen dóu Felibrige au mejan d'uno lengo unenco. E 'm'acò, quete dialèite aurié-ti pouscu chausi, senoun aquéu di mestre, aquéu de Mistral ?

— Li Felibre de Paris, esmougu dis auvàri d'un di rère avignounen dóu Felibrige, qu'ero un di sèt de Font-Segugno, e que s'atovo à l'ouro d'ieu dins lou malastre, an dubert uno souscricioun pèr ié veni à l'ajudo. Acò provo sa bello amo e mostro qu'entèndon lou mot de « fraternita » coume se dèu entèndre, entre d'ome que si cor baton pèr lou même ideau.

La souscriciou duberto poujo à la soumo de 310 fr.

Zóu ! fau qu'aquelo idèo freirenalo fague flòri ! Engajan, adounc, tóuti lis ome de la bono à manda soun óumorno à Batisto Bonnet, 29, carriero de Buci, à Paris. Es éu que reçaup li mandadis.

Li Felibre d'Avignoun, éli, avien adeja semoundu l'ajudo degudo à-n-aquéu felibre malurous.

— La Soucieta di Felibre de Paris, nous dis lou *Viro-Soulèu*, a decida de metre au councours un *A-prepaus* en un ate, proso o vers, sus lou témo : *La festo de Scèus o lou Felibridge*.

Uno medaio de vermèi sara decernido à l'autour de l'obro courounado, que sara jougado dins l'ate de la festo de Scèus.

— Li fèsto cigaliero e felibenco, que n'avèn adeja parla, se faran au mes d'avoust venènt. Santo Estello nous baie gau e santa, pèr fin d'ana faire la farandoulo emé li valènt Felibre de Paris.

— Lou 27 de febrié, lou majourau En Pau Areno, un di cepoun dóu Felibridge de Paris, s'atrouvavo de passage dins nosto viilo de Mar-siho ; à-n-aquéu prepaus, s'es douna un *puncb* en soun ounour au Cafè Martino, ounte s'acampon li Felibre de la Mar.

A nou ouro de vèstre, l'avié bèn setanto literatour, pouèto, journalisto, qu'avien respoundu au ràmpèu e qu'eron vengu pèr adurre à Pau Areno soun testimoni de simpatio.

M. Ouraci Bertin, président dóu sendicat de la prèssò marsiheso, i'a fa la bèn-vengudo em' un galant biais, e Pau Areno i'a finamen respoundu en ié disent qu'ero « le plus Parisien des Marseillais, s'il est, lui, le plus Marseillais des Parisiens. »

Em'acò, noun es necite d'apoundre se s'es pièi debana de vers e de cansoun ! Èro matin, quand la felibrejado s'es clavado.

En remembranço d'aquelo vesprado tant superbo, s'es óufert à-n-En Pau Areno un bijout, pourtant escrincla la dato dóu 27 de febrié, e lou noum dóu pouèto sisterounen, d'enterin qu'uno garbo flourido èro semoundudo à Millo Isabèu Areno, sorre dóu pouèto.

— Lou felibre lerinen Enri Giraud se vèn de marida emé Millo Jano Richard. Nous fai grand gau de benastruga lou bèu couple. Dins la terro d'azur, de flour e dóu soulèu, Santo Estello ic trene de jour clafi de pantai d'or !

— Au proumié jour vai parèisse, estampa à-z-Ais, encò de J. Nicot, lou bèu dramo : *Santo Estello*, dóu felibre abat Jùli Bresson.

L'obro es coupartido en tres ate, e se clavo pèr lou martire de la patrouno di Felibre. La sceno se passo en l'an 98.

N'en reparlaren tre qu'aura pareigu.

— Lou gènt felibre Fèlis Lescure, lou courounèu de la court d'amour de Carpentras, vén de publica: *Lou carbounié cantavo*, recuei finamen serti de vers esquist. L'obro se durbis pèr uno envoucacioun à-n-Aubanèu e nous mostro lou cor dóu pouèto :

Sièu qu'un enfant doulènt, pecaire !
Esfraia pèr lou negre esfins,
E que bat de tòuti li caire
L'aire òi causo sènsò fin.
Ai vist lou tenebrous mistèri,
Coungreia la frejo matéri,
Lou vènt de Dieu pas boufa,
Moun amo es uno femo esterlo,
Que mesclo d'inutili perlo
Au sang de moun cor estrifa.

De mai, lou libre porto un epigràfi tira dis obro catalano de Casas y Amigó, que dis : « léu, sabe que moun cant es uno noto de l'inne universau, coume un degout perdu dins la grand mar de l'infini. »

Aquéli frèsquifloureto culido, amount, sus l'auturo de Greasco, dins li bos prefuma que ié canton li sinfonì armouniouso di raive pivelaira, se compartisson en quatre bouquet galant : *En pantasant, Lis erouï-co, Autour dóu brès, li Dedicaci*, que sabès pas dire aquéu que vous embaumo lou mai, tant pèr sa frescour que pèr sa pouësio.

Escoutes lou *Salut courau dóu doulènt*, au doulènt que ié traïs A. de Gagnaud, en nous présentant amistousamen l'oubreto :

« Vai, bèl ami Carbounié, te lagnasses pas de toun mau-sort. Siés un di preferi de Diéu. Aquéu qu'amo sènsò soufri sara jamai qu'un mita de pouèto. Amour e dòu soun li dos alo pouderouso qu'enarton l'ome is estrèmi foun sour de l'azur. Es pèr acò que tant aut se coudeion toun amo e tis estrofo.

« As sounda l'abisme dóu malan ; as cava la grand mino de la soufrènço umano. l'as avera lou carboun que crèmo, mai qu'ilumino, lou carboun que brûlé li bouco dóu proufèto, lou carboun que, dins lou cruset dóu mau-tèms, se mudo en diamant duradis. »

Avès ausi ! Eh bèn ! regretous saran aquéli que noun auran agu l'ur de se coungousta d'aquelo melico ! Li bouquet, mai n'i'aguèsse agu, mai se n'en sarié chabi. *Lou carbounié cantavo*, que cante tourna-mai e picaren di man !

— La tierce de Prouvènço dóu Club alpin francés vén d'elegi, pèr soun présidènt, lou mantenière Ougèni Barreme, avoucat, souto-cabis-còu de l'Escolo de la Mar.

— Li Felibre de Paris vènon d'arresta lou prougramo que seguiran, aquest mes d'avoust venènt, dins soun escourregudo miejornalo, en coumpagno di Cigalié.

S'acamparan à Lioun ; davalaran lou Rose en batèu, anaran à Cabano (Bouco-dòu-Rose) inagura lou buste d'Adóuse Dumas ; à Cadenet, inaguraran lou mounumen dóu Tambour d'Arcolo e pausaran uno plaço de maubre sus l'oustaú dóu musicaire Felician David ; inaguraran en Avignoun li buste de Roumanille e de Teodor Aubanel ; faran un roumavage à la Font de Vau-Cluso, emai à Novo, en remembranço de Petrarco e de Lauro ; e d'aquí, anaran en Aurenjo inagura lou teatre antique, pèr la representacioun d'*Antigone* e de *Œdipe-Roi*.

— Lou mantenière Delerba, recevrière de l'Enregistramen en Antibò, es esta nouma óuficié d'acadèmi aquest mes de janvié passa. Nòsti felicitacions couralo.

— Lou Counsistòri di Jo Flourau de Barcilouno vèn de traire soun *Cartell*. Lou premié dimenche de mai, que toumbo aquest an 'lou 6 de mai, s'atribuïran li pres vota pèr lou Counsistòri, emai li pres es-traordinàri que lou sobre-di Counsistòri a reçaupu, pèr decerni dins l'ate de la fèsto.

Tóuti li coumpousicioun auràn d'estre inedito e èstre escricho en antique o mouderne catalan, e dins quete que fugue di dialeïte dóu miejor de la Françò.

Tóuti lis obro déuran èstre remesso au secretariat dóu Counsistòri : carrer d'Aray, 6, tercer segona, à Barcilouno, avans miejor dóu 1 d'abrieu, en ié jougnènt, pèr caduno, un ple cacheta tenènt lou noum de l'autour, lou titré e l'epigrafo de sa coumpousicioun.

— Lou voulume de *Marineto*, de Lucian Duc, s'atrovo, à Marsiho, à la librarié de Pinet, plaço de la Bourso, emai à la librarié marsiheso, 34, carriero Paradis. Se l'atrovo, peréu, lou dramo de *Casau*, d'En Jan Monné.

Aquèli douz libre se podon peréu demanda au burèu de noste bulle-tin mesadié : aqui, *Marineto* se vènd 5 fr. e *Casau* 3 fr. 50.

Aquitani

— Saludan emé grand gau l'*Armana gascou* de 1894, pèr Bearn, Bigorro, Armagnac, Lannes. Se pòu dire, coume lou prefacié mèste Pau Lafèche, que « le génie gascon sonne le réveil du parler des aïeux » e apoundre coume éu :

« Par la langue, nous accomplirons notre destinée, car elle est pétrie avec l'argile de nos plaines, elle demeure le trait d'union qui relie nos communes aspirations, qui colore nos rêves, qui traduit les quotidiennes préoccupations du travail régional. C'est par la langue que nous ferons le penser populaire vibrant de patriotisme et de foi, et ce sera encore par elle que nous rendrons féconde la création prochaine des Universités régionales. La décentralisation de l'intelligence nous délivrera alors des formules et des hommes façonnés par Paris, la grand' ville : elle remettra en honneur la foi en nous-mêmes et nous débarrassera du caporalisme de M. de Fontanes, sous lequel le Midi expirant finirait par rendre son âme généreuse, faite de poésie, de grandeur et d'amour... »

Se poudié pas miéus defini la toco dóu Felibrige : la lengo nous menant au triounfle, qu'es l'affirmacioun de la persounalita miejournalo.

Noste armana nous douno lou paumarés dóu councours de literaturo bearneso e bigourdano, que s'ero dubert souto l'auto presidènci d'ou-nour de V. Lespy e d'Isidoro Salles, e douno li pèço courounado.

Li laureat soun, pèr la pouësio sus *Gastoun Phœbus* : Premié pres à M. l'abat Labaig-Langlade ; segound pres, à J. de Rebenacq. — Sujet libre (vers) : Premié pres, à J. Lyp ; segound, à J. de Rebenacq ; tresen, à X... ; citacioun à J. Tayahod. — Sujet libre (proso) : Proumié pres, à J. dóu Bousquet ; segound, à Jan Lalanne ; tresen, à J. Labastié.

l'a pièi uno galanto pèço : *Arré-bilb e Papoun*, (*felen e rire*), d'Isidoro Salles ; *Bearnés e Marselbés*, d'A. Planté ; *Bouno aubèno*, de Na Filadelfò ; *La louterie*, de Lafore : *Qué creouy qué yéras-tu*, de Michel Camélat, etc., etc.

— Noste ami Carle Ratier, lou valènt cabiscòu de l'Escolo de Jansemín, en Agen, vai faire parèisse à la fin dóu mes de mars sis obro pouëtico, acampado en un voulume qu'aura pèr titoulet : *Lou rigo-rago agenés*, (*Mailadis, Jouïnos, Tinteinos*), en dialèite d'O agenés.

Aquélis obro fourmaran un bèu voulume in-18, elsevirian, estampa emé lüssi sus papié requist.

Se n'en tirara que lou noumbre necite pèr accountanta li souscrivaire ; es adouc pèr acò qu'engajan aquéli que desirarien agué aquelo obro de marco, de manda lèu-lèu sa cousandido em' un mandat-poustau de tres franc, à M. Carle Ratier, 12, balouard de la Liberta, en Agen, (Lot-e-Garouno).

— Avèn counta coume s'es fa que lou Municipe de Toulouso avié leva la suvencioune que fasié annalamen à l'Acadèmi di Jo Flourau de Clemènço Isauro, pèr la vouta en favour de l'Escolo moundino. Parèis qu'aquelo restitucioune, mai que justo, noun a plaisirgu à-n-uno tierro de franchimandejaire que, sènsa saupre, ni quant vau ni quant costo, soun parti en guerro contro li Felibre, eiretié naturau de Dono Clemènço, e contro lou brave e valènt Municipe de Toulouso qu'a rendu li *flour* à la lengo d'O, coume èro degu, qu'aquéli flour èro soun dre de lis agué, e soun devé de li revendica.

Ah ! se n'es fa un tarabast dins li journal dòu Nord e... dòu Mie-jour ! N'i'a 'no bello escarrado qu'an barjaca pèr rèn dire e sènsa connèisse la questioun ! N'i'a, peréu, bravamen qu'an lucha pèr la bono causo, e qu'an tra sis espouscado de man de mestre... S'es gasta de pa-pié qu'es pas de dire, e de proso e même de vers; de *serventes* an res-clanti. Lou *Petit Marseillais* n'a douna un, de soun pouèto ourdinari, M. Ipolito Matabon, quo i'a 'n' estrofo tant galant pèr li Felibre, que noun poudèn resisti au plesi de n'en regala nòsti legèire :

Mais en vain la « plèbe jalouse, »
Fille immortelle de Toulouse,
« Te jette l'insulte et l'affront ; »
Dans le verger où tu reposes,
Tes œillets, tes lis et tes roses
Au soleil toujours fleuriront !

Vesès acò : *La plèbe jalouse te jette l'insulte et l'affront...* coume se li Felibre avien au cor aquéli sentimen bas que ié prèsto generousamen M. Matabon, e se, mestre dòu gai-sabé, noun avien toujour agu autre pensado, autre amour, autre ideau, que de vèire reflouri li flour d'Isauro, pèr que soun prefum courounèsse li pouèto de la parladuro d'O, coume acò èro à tems passa ; en estènt que l'Acadèmi de Toulouso èrc establido dins aquelo estiganço, e noun pèr qu'aquéli qu'avien cargo de manteni sa lèi e si dre, ié raubesson malamen si tresor pèr li semoundre i cantaire de la lengo franceso.

Li flour d'Isauro, mancara pas de troubare pèr li counquista. Se fara de gràndi festo, aquest mes de mai, à-n-aquelo ócasioù, e neste Capoulié ié sara, qu'escrieu au cabiscòu de l'Escolo moundino :

« O, vai, faren de gràndi festo ; s'es pas la Santo-Estello, sara lou sant soulièu ; mai, coume que vire, l'anaren. Poudès coumpta sus ieu. »

Adounc se dounara, dóu tèms di fèsto moundino, uno representacioun de gala au Capitòli, e l'apouteòsi de Goudouli e de Fourès sara la toco d'aquelo partido dóu prougramo.

Lou maestro Armand Raynaud, de Carcassouno, que mestrejo emé grand talènt l'ourquestro dóu Capitòli, a proumés de faire à-n-aquelo óucasioun la musico d'un à-prepaus, retrasent li vièi cant pouplari dóu Lengadò.

D'accord emé lou Municipe de Toulouso, l'Escolo moundino alestira d'àutri fèsto, que se n'en parlara lèu-lèu !

Lou mèstre escultaire Jan Riviero, se cargo de faire lou buste dóu grand felibre lauragués, que l'Escolo anara auboura à Castèu-Nòu-d'arri.

MORTUORUM

— Plagnèn li dóu dóu brave felibre marsihés Pèirè Gay. Aquéu paure ami, la mort i'a rauba si dous enfant dins la memo se'nano : soun pichot Pèire es mort lou 2 de mars e sa pichoto Margarido, lou sobre-endeman.

— Lou 8 de febrié es mort, à Cano, un di valènt soustaire de l'idèio felibreno, lou mantenière Enri Deonna.

L'Escolo de Lerin i'a fa lis ounour degu, e naute, ié mandan un bouquet de pervenco, e demandan que Santo Estello lou reçaupe dins sa glòri.

A PAREIGU :

A Barcilonoun (Espagno), dous galant librihou de vers d'En Jacinto Verdaguer, lou grand pouèto de l'*Atlantida. La fugida a Egipte* es un bouquet óudourous de legèndo piouso e divinamen escrincelado, que formo la segoundo partido de sa trilouglo de *Jesus infant*.

Roser de tot l'any, dietari de pensamens religiosos, es un rousié que porto pèr cade jour de l'an, noun uno roso, mai uno perlo sertiòd em' un talènt esquist e un cor de pouèto. Ah ! coume es siave lou presum que s'eisalo d'aqueu *Roser*.

A Cano, encò de Robaudy, lou *Maridage i coumissàri*, uno galant coumèdi, « uno sceno tragi-coumico, » coume dis soun autour, Francés Garbier, que fai passa un bon moumen. L'Escolo de Lerin aumento de-longo sa biblioutèco, e n'i'en fasèn nòsti coumplimen. Aqueli que i'gradarié d'agué lou *Maridage i coumissàri*, que formo soun quatren voulume, n'an

que d'espidi i fr. pèr mandat-carto, à l'autour, coumis di posto, à Cano ; o, encaro, au secretari de l'Escolo lerlnenco. En Avignoun, encò de Seguin : *Quelques souvenirs de Lourdes*, dòu felibre abat A. Bongarçon.

» Encò de Roumanille : l'*Estatuo dòu pouèto*, odo naciounalo revirado dòu pourtugués de Don Jouachim de Araujo, pèr A. de Gagnaud.

A Fourcauquié, encò de Crest, editour : *La vertueuse Marie Luc, de Forcalquier*, uno noutiço biografico dòu felibre Carle de Gantelmi d'Ille, sus d'aquelo siho de Fourcauquié que l'Acadèmi d'Ais ié vèn de semoundre un pres de vertu.

A-z-Ais, encò de Makaire : *Election de M. Louis de Bresc*, lou 23 de janvié 1894 ; Rapport sus sa candidaturo à l'Acadèmi d'Ais, pèr lou mantenèire Carle de Gantelmi d'Ille.

A Marsiho, dins *lou Bavard*, la seguido de *Bagatòuni*, rouman realisto dòu majourau Valéri Bernard.

» Dins *Marseille-Banlieue*, n° 35, un article de la barouno d'Orsan sus lou noum de *Joliette*, douna au port-nòu de Marsiho.

A Padoue (Itàli), encò de Drucker : *Manuello provenzale pèr uso degli alunni della Facultà di Lettere* (Pichot manuaul prouvençau à l'usage dis escoulan di Faculta de Letro), tenènt : *Introduzione grammaticale, crestomazia, glossario*, dòu proufes-sour Vincenzo Crescini, de l'Universita de Padoue. I'a dins aquéu libre tout çò qu'es necite pèr la conneissènço de la lengo di troubadou e de si poueslo.

A-z-Ais, dins lou *Memorial d'Ais*, n° dòu i de mars, uno pichoto proutestacioun de F. Vidal, cabiscòu de l'Escolo de Lar, à-z-Ais, contro uno idéo que Lucian Duc trais dins sa prefaci de *Marineto*, sus lou prepaus de l'ourtoudóussio prouvençalo. Lucian Duc conseio i majourau de Prouvènço d'escriéure, tòuti, la lengo mistralenco dòu ribeirés dòu Rose. S'acò èro, i'aurié ges de mau, au countràri, e noun i'empacharié que z'Ais restèsse la capitalo de Prouvènço, e que soun dialèite, que pèr acò noun sarié avali, restèsse lou mai flame retipe dòu parla prouvençau.

Acò's la lucho dòu *Cacalian* contro lou *Cacalaus* : (1)

[1] Cacalian se dis dòu parla d'Ais, e Cacalaus d'aqueù d'Arle, dòu franc parla d'Arle.

*Lou cacalaus mounte anara,
Emé sa pureta divino ?*

a di M. de Truchet. Cadun vanto si pòrri, parai? Mai, fau pamens dire, pèr èstre juste, que lou *Cacalaus* es ana bravamen aut e que se vèi gaire ounte s'arrestara, ni quau l'arrestara.

- » Dins lou *Memorial d'Aix* dóu 1 de febrié, lou discours prouvençau prounóncia à l'Acadèmi d'Ais, pèr lou :::jourau En Francés Vidal, sus l'estigango de la recepciou dins aquelo auto assemblado dóu savent biblioufilo e valent prouvençalisto Paul Arbaud.

A Cano, dins *la Cisampo*, n° 2, *Lois anarchisto à Venço en 1596*, de Maurise Raimbault ; lou *Vermiboun*, de Jan di Cabro, *Lou comte de Barremo*, article necroulougi de M. Bertrand ; *Lou chapo-can*, cansoun de F. Garbier, etc., etc.

A Paris, dins *la Province*, n° de febrié : *Soulèu tremount*, episòdi de *Marinetto*, de Lucian Duc, emé la traducioun en vers francés d'En Jan Monné ; *La cusillette des olives*, de Pau Mangin.

- » Dins la *Libre Parole* dóu 15 de febrié, uno letro de Carle Maurras : *Langue d'oïl et langue d'Oc*, à M. Drumond, que nous a fa grand gau de legi, e que tóuti li Felibre déurien legi e relegi e garda preciousamen, talamen es bello. Es escrichos sus lou prepaus di flour de Clemènço Isauro, que lou Municipé de Toulouso n'a fa la restitucioun au gai-sabé, e vous responde qu'aquelei qu'avien pres la plumo pèr critica quel ate de justico, an trouva sabato à soun pèd, e que se ié vèson pas clar dins la questioun, es que soun tucle !

Sus lou meme prepaus, lou *Dimanche* dóu 18 de febrié, s'es bouta dins lou brande emé : *Les fleurs de Clémence Isaure* de L. A. ; e lou *De Tamaris à Monaco*, dóu 15 febrié, a douna uno letro flamejanto dóu felibre Fernand Hauser.

A Brivo, dins *Lemouzi*, n° de febrié, la seguido de la gramatico limousino de Jósè Roux, e uno galantò crounico. Gramaci au gent crounicaire di coumplimen que traïs à noste Buletin. Nous es toujour en-de-bon de signalà tout çò qu'enauro glourifico la patrio !

Lou Gerent : Jan Monné.

CROUNICO

VIVO CLEMÉNÇO ISAURO !

En aquéu tèms de luchò, emai superbo qu'èro,
Pèr defèndre Parage, uni dins lou groupas
AVIGNOUN e Toulouoso èro lou crid de guerro :
Aro, es lou crid de pas !

(*Isclo d'or*).

Noun poudèn agué meiouro chabènço pèr claire la setenco annado de noste buletin mesadié, que de pesca dins *l'Aïoli* dóu 7 de mars lou flame article de Gui de Mount-Pavoun, e de lou reprodurrre mot pèr mot, talamen mostro que Santo Estello meno la barco e lis arange, e talamen peréu nous es en-de-bon de crida em' éu : *Vivo Clemènço Isauro !*

Au darrié numerò de *l'Aïoli* disian : « Clemènço Isauro, d'estre un pau coutigado pèr nosto jouventuro, pòu que l'escarrabiha. » Cresian pas de pica tant just, car, vuei, avèn à-n-anóuncia i mantènent de nosto lengo, is amourous dóu Gai-Sabé, uno grando nouvello. Clemènço Isauro, o, se voulès, la celèbro acadèmi que s'englorio d'aqueú noum, vèn de durbi si porto à brand à la lengo dóu Miejour. Mai, pèr faire comprendre en cadun l'impourtanço d'aquel evenimen que, dins l'avancamen de nòsti revendicacioun marco un fièr tros de camin, sau d'abord esplica lou founs de la questioun.

L'espandido e la glòri de nosto pouëslo, espelido au siècle voun-gen, mountado à soun pontificat i siècle dougen e tregen, s'èron, après la crousado contro lis Albigés e la desfacho dóu Miejour, anequelido pau à pau, coume acò toujour arribo quand un pople

envahi a perdu soun independènci. E veici qu'à Toulouso, en l'an 1323, sèt troubaire, di darric que cantèsson encaro, coumprenènt, coume plus tard li sèt de Font-Segugno, que l'amo dòu païs noun vivié plus que dins sa lengo, decideron, pèr sauva lou recalieu de la patrio e manteni la lengo maire, de founda çò qu'apelèron lou Counsistòri Gai, o Coulège di sèt Troubaire e éli se douneron lou noum de Mantenèire. La pouëslo prouvençalo fuguè dins soun lengage designado entre éli, quouro pèr lou mot *Amour*, quouro pèr la paraulo *Gai-Sabé* o *Gaio-Sciènci*; e istituiguèron pèr la faire reflouri un councours qu'avie liò lou 3 de mai, dins un jardin ounte decernissien i pouëto laureat de flour d'or e d'argènt que denomèron *joio*. E talo fuguè l'óurigino de l'Acadèmi de Toulouso, que se devino d'aquéu biais la plus anciano de l'Europo.

Mai aguènt, li sèt mantenèire, vougu serva de-longo li formo de lengage e de literaturo dis ancian troubadou, lèu que la descasènço agarriguè l'istitucioun e 's vers aquelo epoco, fin dòu siècle quingen, qu'uno damo de Toulouso, noumado Clemènço Isauro, d'après uno tradicioun que n'es bessai qu'uno legèndo, aurié pèr un legal restaura li Jo Flourau. En foro di flour proumierenco, que n'èron qu'au noumbre de tres, aquéu legat creavo, dison, de « flour nouveau » destinado i pouëto que cantavon en foro de la règle d'autre-tèms e dins la lengo mai inouderno que s'èro fachò dins lou pople (la lengo d'O, bèn entendu).

Tout acò n'empachè pas lou courrènt de segui sa pèndo. La lengo dòu gouvèr noun poudié faire mens que de councourre i Jo Flourau, e, que sièr de l'escoundre? de l'an 1513, la pouëslo franceso ié tenié deja lou le; e segound soun abitudo, entre se vèire mestresso, elo meteguè deforo la lengo dòu païs, bèn tant que Goudouli, lou majorau pouëto dòu parla de Toulouso, pèr ié gagna 'n paure *souci*, fauguè que cantèsse en francés *l'infatigable vol des oiseaux de Tidore*.

Tambèn, quand Louis XIV aguè reconueigu la soubiraneta de l'Acadèmi de Paris, aquelo de Toulouso èro déjà maduro e touto lèsto pèr reçaupre li letro patènto dòu rèi, la tresfourmant en acadèmi franceso de prouvinço, valènt-à-dire en servicialo dis enfluènci d'amoundaut. E desempièti tòuti li flour fuguèron esclusivamen reservado i pouëto de la lengo franceso.

Es contro aquéu despuiamen, es contro aquel esclusivisme, que li Felibre an reclama toustèms ardentamen. E quand, pèr uno de-

cisioun dóu Municip de Toulouso, la doutacioun municipalo que se fasié à l'Acadèmi, es estado, aquest an, atribuïdo au group de l'Escolo moundino, n'i a, acò se coumpren, qu'an fourni dins la prèssò de resoun proun e contro.

Or, au cours de la rioto qu'es stato proun rabino, lou noum de l'autour de Mirèio estènt esta mes en avans, veici la letro qu'escrivié à Mistral M. lou Comte Fernand de Rességuier, secrétaire perpetuai de l'Acadèmi toulousano :

Toulouse, ce 21 février 1894.

MONSIEUR ET TRÈS ILLUSTRE MAITRE,

« Vous avez certainement appris par les journaux tout le bruit qui se fait en ce moment autour de l'Académie des Jeux Floraux, et, pour sûr, vous en avez gémi. Les uns, voulant la perdre et la détruire, les autres la défendant comme il convient à sa dignité d'être défendue, avec calme et impartialité.

« Cette polémique, qu'a fait naître la suppression de la dotation que le Conseil municipal de Toulouse est *tenu* de servir à notre Compagnie, nous laissait, je vous l'avoue, assez indifférents. Ces attaques et ces tracasseries ne sauraient ni nous émouvoir beaucoup, ni surtout rien changer à nos concours et à nos fêtes, que bien vous connaissez, et auxquelles, souvenir inoublié, vous avez pris part à Toulouse, lorsque vous y êtes venu recevoir des lettres de Maître-ès-Jeux et resserrer, par votre présence, les liens si étroits qui unissent nos origines à la résurrection si miraculeuse de la belle langue provençale, apparaissant à votre voix, glorieuse et vivante, comme Lázare sortant de son tombeau. Mais ce qui ne saurait nous être indifférent, c'est l'usage que l'on fait, dans cette circonstance, de votre nom et de votre approbation, et cela, certainement, sans votre aveu.

« Vous trouverez, ci-joint, un article publié le 15 de ce mois par la *Libre Parole*, dans lequel vous relèverez un paragraphe que j'ai souligné, et qui, lu vendredi dernier à l'Académie des Jeux Floraux, l'a profondément contristée.

« Elle se refuse, naturellement, à reconnaître là vos sentiments, et me charge de vous témoigner sa peine. Elle veut, en outre, que je vous donne l'assurance qu'elle ne croit pas un mot des paroles qu'on vous attribue, même par à peu près.

« On nous accuse d'être de faux Mainteneurs ! Vous nous connaissez mieux, et vous pouvez dire le contraire. Et nous, nous sa-

vons aussi quel cœur loyal est le vôtre. Vous êtes, pour nous, un frère littéraire aimé et admiré, et si aucun de nous ne peut prétendre, par cette parenté, rien ajouter à votre gloire, nous avons collectivement la conscience de vous avoir été toujours fidèles, et de n'avoir, en aucune circonstance, rien fait, ni même rien pensé qui put altérer des rapports qui nous sont chers, et qui, de part et d'autre, nous honorent réciproquement.

« Veuillez agréer, Monsieur et cher maître, l'assurance de ma considération très distinguée et de mes confraternels sentiments les plus dévoués.

Comte FERNAND DE RESSÉGUIER. »

A-n-aquelo letro d'aqui, F. Mistral respoundeguè :

Maillane, 22 février 1894.

« Monsieur et cher frère, dans l'agitation qui s'est produite au sujet du transfert de la subvention municipale toulousaine — de l'Académie des Jeux Floraux à l'*Escolo Moundino*, — il est tout naturel que mon nom ait été prononcé. On n'est pas sur la brèche depuis quarante ans pour affirmer les droits d'une langue proscrite, traquée, dépossédée, sans qu'on ait eu l'occasion de revendiquer, un jour ou l'autre, tout ce qui, de près ou de loin, semble être de son patrimoine. Il est donc incontestable que, de concert avec plus d'un membre de la Compagnie d'Isaure, tels par exemple que notre regretté ami M. de Toulouse-Lautrec, je n'hésitai jamais à réclamer le droit pour la langue du Midi de concourir aux Fleurs instituées pour son *maintien*.

« Mais de là à conspirer la ruine de l'institution qui, depuis tant de siècles, fait la gloire de Toulouse, il y a loin, et je proteste. Je sais mieux que personne que cette illustre Académie a dans la tradition des racines trop profondes et, de toutes façons, des bases trop solides pour que rien puisse l'ébranler. Et de plus, maître *ès-jeux* de par sa bienveillance, je n'irais pas jeter la pierre à ceux qui, en m'honorant, voulurent rendre hommage à ma langue elle-même.

« Mais, d'autre part, certain que la décision du Municipé de Toulouse ne pouvait en rien atteindre l'éclat et l'existence de l'Académie toulousaine, je n'ai pu voir de mauvais œil la subvention municipale que la ville de Toulouse a accordée au groupe qui y soutient la lutte pour sauver la langue d'Oc.

« Je ne suis pour rien, d'ailleurs, dans les articles publiés par les journaux de Paris. Les paroles qu'on m'y prête sont tout simplement traduites d'un journal provençal qui, tenant la campagne pour défendre notre langue, ne pouvait qu'applaudir à une manifestation qui peut relever son prestige.

« Vous tiendrez compte, Monsieur et cher confrère, de la délicatesse de ma situation, qui est un peu celle de Chimène ; mais vous ne douterez pas de la loyauté avec laquelle je vous déclare que je suis, depuis le commencement, absolument étranger à cette polémique.

« Recevez, etc.

F. MISTRAL.

A-n-aquelo declaracioun autant leialo coume fermo, l'ounourable secretari de l'Acadèmi de Toulouso respoundié quauqui jour après :

Toulouse, ce dimanche 25 février 1894.

MONSIEUR ET CHER MAITRE,

« J'allais dire chère Chimène... je ne veux pas remettre à demain de vous remercier de vos excellentes paroles, et me voici messager de bonnes nouvelles. Elles vont, je l'espère, tempérer l'ardeur belliqueuse et singulièrement *discourtoise*, pour ne pas dire plus, des journaux qui, à Paris ou en Provence, proclament que *notre mort même ne suffirait pas à les satisfaire*. Cette croisade sauvage me paraît inexplicable. Ne leur laissez pas ignorer que de meilleurs sentiments nous animent, et qu'avant de nous pendre comme des *trâtres* qui auraient déshonoré *Clémence Isaure*, il serait plus juste de nous connaître comme vous nous connaissez et de nous entendre.

« Le lendemain même du jour où je vous écrivais, la semaine dernière, l'Académie *félone* fondait, pour être décernés à l'avenir, et à partir de 1895, pour la célébration de son deuxième siècle, une nouvelle série de prix, dont deux de 500 francs, réservés à des *poésies languedociennes*. Cette fondation réalisera un projet qui, depuis longtemps, était dans notre pensée. Seulement, contrairement à la trop bonne opinion que vous avez de notre situation financière, nous manquions de ressources pour doter de nouveaux prix. MM. Rolland, Boissin et mon cousin Raymond de Toulouse, tous les trois *mes amis* et *mes confidents*, dont on invoque le témoignage, connaissent si bien nos embarras, qu'à *aucune époque* ils n'ont fait à l'Académie une proposition qu'ils sa-

vaiient d'avance impossible de satisfaire. La suppression récente de la dotation municipale rendant la chose de plus en plus irréalisable, puisque nous étions réduits à des ressources auxquelles il nous était interdit de toucher (les dotations spéciales affectées à certains genres déterminés par les fondateurs), cette situation eût été inextricable. Mais la Providence vient d'y pourvoir, et notre premier acte a été d'aflester les premiers 1000 francs de rente que nous recevons du ciel à fonder *deux prix* considérables pour raviver la vitalité de la langue *moundino*. En outre de ces prix, destinés spécialement aux poètes, héritiers du talent de Jasmin et de notre toulousain Goudouli, une somme importante sera annuellement attribuée à de nombreux prix de vertu, mérités dans le pays où notre ancienne langue est parlée, et à des auteurs ayant publié ou préparant des ouvrages sérieux, intéressant l'histoire ou la littérature méridionale ou simplement utiles aux bonnes mœurs.

« Vous voyez, par ce rapide et succinct exposé, l'esprit dans lequel cette rénovation complète de notre Compagnie a été étudiée et réalisée. Elle s'adresse surtout à la langue et au cœur des poètes, des écrivains et des humbles du pays d'Oc, et cela sur une échelle si large qu'elle pourra difficilement être égalée.

« C'est la seule réponse que l'Académie méconnue entend faire aux attaques dont elle a été l'objet. Vous l'approuverez, n'est-il pas vrai, d'agir ainsi ? En ce qui me concerne, comme je suis son interprète officiel, je déclare n'avoir, dans mon dictionnaire, aucun des gros mots dont on se sert dans le monde du journalisme pour vilipender les gens.

« Et maintenant que vous tenez en main ce rameau d'olivier né dans votre terroir, où l'arbre symbolique donne de si bons fruits, ne vous semble-t-il pas que ce serait une œuvre pacifique et digne de vous, qui êtes notre grand maître à tous, de nous promettre de venir en personne, le 3 mai 1895, distribuer à Toulouse les premiers prix qui seront donnés à nos félibres *moundis* ?

« L'Académie me charge de vous y inviter et de vous arracher cette promesse. Votre voix apaisera tout, effacera le souvenir de ces malentendus, et un grand bien en résulterait pour tous.

« Combien je serais heureux de vous revoir avant la fin de ma longue et très modeste carrière de secrétaire perpétuel de notre Académie, et de prendre vos conseils pour imprimer une bonne

direction à l'œuvre nouvelle que nous entreprenons ! Je verrais là, je vous le confesse, une bien douce récompense de ce que je viens de mener à bien — et répondrais enfin à vos derniers vers, lorsque vous disiez en 1879 dans votre **Gramaci** :

Ve ! mantènc ta lengo istourico, et parliez si poétiquement du rossignol :

*Chasque an lou roussignòu cargo de plumo novo,
Mai gardo sa cansoun.*

« En attendant que les Jeux Floraux aient la joie d'embrasser les Félibres de Provence et d'entendre le Rossignol, je vous renouvelle l'assurance de mes sentiments les plus affectueux et les plus chaleureux.

RESSÉGUIER. »

Vaqui uno bello vitòri, gagnado emé l'ajudo e lou bon voulé de tòuti. Dous pres de 500 fr. chacun, óusert tòuti lis an pèr Mmo Clemènço, à parti de l'annado 1895, i fidèu calignaire de nostro lengo d'O, vaqui de que, nous sèmbla, faire durbi lis iue i jouine que se sènton lou fidèu de Diéu e dóu païs. *La Providence vient d'y pourvoir*, coume dis sajamen l'eminènt secretari di Mantenèire de Toulouso, ço que vòu dire en prouvençau que Santo Estello a fa miracle. E, veritablamen, es uno causo miraclouso de vèire uno Acadèmi, foundedo i'a sièis siècle pèr li darrié cepoun de nostro naciounalita, perpetuant dins lis age lou culte de la pouëslo e de nòsti plus bèu remembre, veni rejougné à soun mouinen la cadeno de nòsti troubaire glourious au brande de si tiéu naturau, li Félibre ! Vai, Prouvènço, avien pas tort aquéli que te batejeron : *Provincia*, saras toujour lou païs longo-mai vincèire.

Gui de Mount-Pavoun.

Se vèi claramen, parai, que lou Felibrige es astra... que i'a 'no prouvidènci que lou buto vers la toco sublimo dóu sauvamen de la lengo que sara lou sauvamen de la patrò miejournalo. Lis entravadis toumbaran pau à cha pau, un à cha un ! Tout vendra à soun ouro pèr alesti soun triounfle e flouri la draio luminouso que seguis.

Alor, nàutri, li vièi, ié saren plus, mai li jouine, lis arderous, li valènt, ié saran, e, à l'aubo d'aquéu jour superbe, en pensant i rère, cridaran : *Vivo Prouvènço !!!*

J. MONNÉ.



LI NOVO FELIBRENCO

PROUVÈNÇO

— Lou mounumen que se dèu auboura à Cadenet (Vau-Cluso), en glourificacioun dóu Tambour d'Arcolo, coustara aperaquí 20 000 fr; la souscripcióun, à l'ouro d'ieu, mounto à 12 000 fr. Adounc, sau qu'aquéli que lou sentimen de l'amour patriau ié gatiho l'amo, se bou-lègon e mandon lèu-lèu soun óumorno flourido au tresourié dóu Cou-mitat, qu'es M. Maury, perctour, à Cadenet.

— Li *Memòri d'un Gnarro*, de Batisto Bonnet, que n'Anfos Daudet n'a fa la traducioun, van parèisse en tres voulume: lou premié, *l'En-fant*, lou segound, *lou Jouènt*, e lou tresen *l'Ome*. Lou premié voulume pareissira encò de Dentu, au mes d'óutobre venènt.

— Lou 11 de febrié, qu'ero lou premié dimenche de caremo, lou Pai Savié de Fourviero a repres si counferènci prouvençalo dins la glèiso de Sant-Laurèns, à Marsiho.

Dous cop pèr semano, lou dimenche e lou dijòu, lou valènt counferencíe a parla en nosto lengo sus lou patriarcho Jacob e sus soun fiéu Jóusè. Aquéli douz jour, un abord de pople, de tout caire e cantoun de Marsiho, landavo à Sant-Laurèns pèr ausi lou flame presicaire e sa paraulo superbo.

Li couristo sant-janenco i'an canta de nouvèu cantico simple e pou-pulàri, adouha sus lou tèmo di counferènci. N'en destacan un couplet d'aquéu qu'a pèr titoulet: *Jóusè e si pantai*.

JÓUSÈ.

Ausès-me, fraire, e vous, paire,
Ai fa 'n sounge aquesto niue,
E vous van retraire
Tout ço qu'a 'sbléngi mis iue.

Li FRAIRE.

Li pantai soun messourgnie,
 Ah !
 Jousè, que siès nesci
 Se li crèses vertadié !

E lou dimenche 4 de mars, li jouve tambourinaire de mèste de Lombardon soun ana faire resclanti la vièlo glèiso di riéu-chiéu-chiéu de si galoubet. Nòsti vièis èr prouvençau an fa flòri sus si flahutet. Em'acò, pièi, an acoumpagna lou cor di chato, que disié :

Es pér mau-voulènço
 De la Putifar
 E sus la cresènço
 D'un laid papafard
 Que Jousè, peccaire !
 Es aro en presoun
 Emé l'apanaire
 Dou rèi Faraoun.

Enfin, lou 18 de mars, lou Pai Savié a douna sa trento-quatrenco e derriero counferènci prouvençalo sus li *Patriarcho*. Aquelo counferènci avié pèr tèmo : *Proufècio e mort de Jacob*. Se pòu pas dire coume lou mounge blanc fai flòri. Li gènt lou van entèndre pèr plesi e s'agradon de lou segui vers l'auturo ounite l'emporto soun envanc d'a-posto e de pouète.

Li 11, 13 e 15 de mars, lou presicaire avié douna tres counferènci sus Jousè, e li couristo i'avien canta lou cantico :

De bèn liuen venèn, peccaire !
 D'eilalin de Canaan ;
 Sian eici dès fraire
 Que venèn croumpa de gran.

E, aro, pèr cloure, dounaren un mousséu tira de la counferènci dóu 11 de mars : *Lou Nil*.

« Pèr avé l'aboundànci dins lou reiaume, sèt an à-de-rèng falié que lou Nil mountèsse à l'aussado vougudo. Or, aquéu grand arrousaire de l'Egitò se devinavo dins li man de la Prouvidènci. Ço qu'èro esta pre-di devié se realisa. E tout en-un-cop lou Nil mountè.

« Diéu, que fai trestoumba li font dintre li coumbo, lou Segne Diéu vers quau li flùvi ausson sis aigo fièro emai soun bramadis, à l'ouro marcado lou desempestelè. D'aperamount dis auturo de l'Africo centralo, faguè subrounda lis aven dóu laus Nianza, bello mar interiouro d'ounite sourgènto, amaga dins lou mistèri. Em'acò lou Nil mountè.

« La divino man avenè li ribiero, li clar d'aigo, li palun que ié

carrejeron si mòundiho verdasso mesclado de terro vegetalo ; crebè li gaudre de l'Abissinio qu'en rounçant vengueron ié desgourga si cremen rouginas. Em' acò lou Nil mountè, mountè, mountè.

« Quouro verd, quouro pourpau, bèu e majestous, passavo à plen de ribo ; èro, pèr parla lou lengage de l'Escrifuro, lou riau de Diéu tout clafi d'aigo, lou grand riau alestissent la nourrituro de l'Egitò. Mancavo plus qu'escampèsse.

« Or, coumo li sét vaco grasso que Faraoun avié visto sourti plan-plan dis oundo, e s'enana paisse bèn liuen alin dins li pradas ; ansin lou flùvi benesi, emé si sét branco gounflo d'aigo, survessè plan-plan, i crid de jojo de tout lou pople, alin bèn liuen s'espandiguè dins li terrado, e lis engreissè, e lis endrudiguè...

« Sèt an de filo ansin, desempièi jun fin-qu'en ôutobre, lou Nil s'espacè dins l'Egitò coume un rài dins soun reiaume ; e chasco fes, en se retirant, ié leissavo pèr presènt un jas de limo grasso, un jas espés de terro novo, perfetamen vierge, de terro froumental de prou-miero qualita

« E n'en vos, d'espigado ? n'i'en venié qu'éro un plesi !...

D. SAVIÉ DE FOURVIERO. »

— Lou divèndre sant, à-z-Ais, lou vicari de la Metroupòli, mounsen Vitour Mille, a presica la Passioun, en prouvençau, dins la glèiso de Sant-Sauvaire.

— *La Mandoline* durbis soun cinquen councours, que la pouësio e la proso neo-roumano ié tènon uno tiero. Li tèmo soun leissa à l'agrat di courrèire, e totti li genre emai totti li dialèite soun amés à la targo. Li pèço dèvon pourta uno epigrafo e èstre acoumpagnado d'un bihetoun cacheta pourtant lou noum e la demoro de l'autour.

Li mandadis se dèvon faire à M. Michel Pons, 310, carriero de Charenton, à Paris, dòu 1 d'abriéu au 31 de mai venènt. Se dèu jougne 1 fr. pèr cado pèço que l'on mando, aquéu franc aguènt de servi à paga li medaio, li diplomo e àtri fres dòu councours.

Dins aquéu même journau, a pareigu, dins lou numerò de mars, un galant sounet : *Moun païs*, ounte lou felibre Bonnefoy-Debaïs, qu'es despatria à Paris, plouro sa languisoun de revière sa Prouvènço :

Oh ! païs dòu soulèu, bressolo benesido,
Aqui, mai rèn qu'aquí, ieu pourrai èstre urous !

dis, e ansin disian peréu naute, quouro lou sort nous avié buta dins li nèblo de la capitalo ! Mai, las ! quau pòu regi lou sort !

Aquéu galant sounet nous es gentamen dedica, e trasèn eici nòsti gramaci courau au valènt felibre que nous temougno tant graciouslyam l'afecioun que nous porto.

— La seguido di *Plang de la Passioune* (IV) vén de parèisse à Marsiho dins *La Croix*, n° 10 e 11. Aquéli *Plang* saran dins lis *Oure-soun poupoplari* reculido pèr lou Pai Savié, pèr soun *Parrouquian prouvençau* en preparacioun.

— Vén de parèisse à Digno, encò de Chaspoul, lou : *Livre des priviléges de Manosque*, cartulari latin-prouvençau (1165-1315), publica pèr M. Z. Isnard, archivisto di Bassis-Aup.

Lou ministre de l'Estrucioun publico vén d'acourda uno suvencioune de 500 fr. à-n-aquéu libre, qu'en de mai d'uno estudi coumplèto de l'ourganisacioun municipal e poulitico de Maüesco au mejan-âge, coumpren 67 charto latine emé sa traducioni prouvençalo vis-à-vis, acoumpagnado d'un vocabulari prouvençau-latin-francés e d'uno gramicò dòu parla prouvençau, dòu savènt majourau En Camihe Chabaneau, proufessour de literaturo roumano à la Faculta di Letro de Mount-Pelié.

D'obro ansin noun se podon trop recoumanda e signalà à l'atencioun dis ome pres de l'amour de l'estudi de l'istòri de nostre Miejour.

Dins lis archiéu di coumuno e di despartamen miejournau, i'a de tresor istouri que sarié en-de-bon que de bravi cor, prenent eisèmple de M. Z. Isnard, boutesson en lusour.

— En Avignoun, à la librarié Roumanille, a pareigu : *Troubadours et Félibres*, tira d'uno counferènci que faguè lou mantenèire J. Felician Court au teatre de Brivo, e que n'avèn rendu comte à soun ouro.

Aquelo óubreto gènto, que nous remembro emé plesi l'enauranto festo felibreno que se dounè à Brivo, lou 10 de 9bre 1893, es poulidamen presentado au publi pèr un avans-prepaus dòu felibre Sernin Santy, l'ami car, lou porto-drapèu valènt de l'Escolo limousino.

— Lou 18 de mars, bèu dimenche di Rampau, s'es fa souleñnamen lou bateja d'uno campano, dins la glèiso de Lurs (Bassis-Aup).

Aquelo campano, qu'a pèr noum Julio-Antounieto e pèr peirin e meirino M. Laforest e dono Caffarel, porto fieramen aquest quatrin prouvençau :

Lauso lou bèu bouen Diéu, leis angì mai lei sant,
Toun einado l'a fa cent vuechanto-vuech an ;
Ero dòu tems que Lurs, gardo-n'en la memòri,
Avié riche palais, prince-avèque tant flori.

Fau dire qu'es à Lurs, qu'enjusqu'à 1789, emé lou titre de prince, que i'avié douna Carlemagno, aguèron soun sèti li prelat-evèsque de Sisteroun.

— S'ero dubert, à Marsiho, un councours entre lis escultour, pèr ramplaça sus la façado de nosto prefeturo, l'estatuo de Sant Trefume, que despièi 1871 ié mancavo la tèsto, pèr aquelo de Barbaroux, lou celèbre counvencioñau : l'obro courounello es aquelo de Stanil Clastrier, un brave ami di Felibre, ajudaire de l'Escolo de la Mar, e n'i'en trasen tóuti nòsti felicitacioun.

— Un di gènt foundadou de l'Escolo dóu Ventour, lou felibre Enri Bigot, yèn d'estre nouma proufessour au Coulège de Seyno-lis-Aup, (Bàssis-Aup). Nòsti felicitacioun.

— Avèn parla dóu coumitat que s'es coustituï en vilo de Marsiho pèr auboura un mounumen au grand mestre dóu cisèu, lou celèbre esculaire prouvençau Pèire Puget ; or, l'Acadèmi de Marsiho, dins uno de si darriéri sesiho, vèn de decida que s'escriví pèr 1000 fr. en tèsto de la tierro di souscrivèire. Qu'aquel eisèmple fugue segui, e Pèire Puget, à la perfin, aura à Marsiho un mounumen digne de soun engèni.

— Lou 13 de mars, i *Mardistes* de Marsiho, après uno counferènci de M. Galicier, ajudaire de l'Escolo de la Mar, s'es canta lou *Masot de mestre Roumiéu* ; quand dise s'es canta, es pas bèn acò, es Roumiéux éu-meme que l'a canta, e touto l'assemblado que i'a fa l'acoumpagnamen.

— Li delega de la Cigalo e dóu Felibrige de Paris se soun presenta davans lou Ministre de l'Estrucioun publico, M. Spuller, pèr ié parla de soun prejit d'inaugura lou teatre d'Aurenjo en ié fasènt representa à la modo antico, e souto la direicioun de M. Claretie, dos pèço : *Antigone* emai *Cédipe-roi*. M. Spuller a tout aprouva e a fa proumessò de veni éu-meme presida li fèsto, que n'avèn adeja douna la tierro e que se clavarien pèr l'inauguracioun dóu mounumen de Fourtunat Chailan, à Marsiho.

— A Marsiho, dins *Le Dimanche*, nº 100 e 101, a pareigu : *Une dispute académique*, de F. Malan, sus lou prepaus di flour de Clemènço Isauro ; *le Ventoux*, dóu mantenière Pèire de Bouchaud, e *l'Eissame*, escourregudo dins lou libre dóu mestre felibre selounen A. Crousillat, pèr Félix Lescure. D'abord que sian à Lescure, apounden que *le Dimanche* nous pourgis li coumplimen flouri que i'an fa li mestre En Frederi Mistral e En Félix Gras en saludant soun obro : *Lou carbounié*

cantavo. Acò's de melico que n'i'a pas pèr tòuti ; vès-eici çò que ié dis Mistral :

« l'a, dins aquéu bouquet de vers, uno discrecioun, uno eleganço, uno candour, un chausimen, que vous marcon pouèto entre tòuti lis autre... »

B Fèlis Gras :

« Ti cant d'amour nous an fa trefouli, ti cant patriouti nous an enaura, ti plagnun nous an fa sauna lou cor !... O, siés uno bello amo de pouèlo ; o, te lou redise, siés la vióuleto dins lou bouquet felibren, e toun obro n'a tòuti li vertu : la sentour e la simplicita, la graci e la belour... »

— En responso au sounet de Francés Vidal, pareigu dins lou *Méorial d'Aix*, souto lou titre de *Prouvençò propre*, l'autour de *Marineto* nous mando aquésti vers :

L'OUSTAU FELIBREN

A Francés Vidal.

Chato dóu Rose, auriéu fa mau
De conseia, dins *Marineto*,
D'escriéure dins lou prouvençau
Qu'espelis sus vòsti bouqueto ?
Digas-me, brave majourau,
Quouro un oustau vous fai liguelo,
Es que di pèiro l'on s'enchau,
O de l'obro touto souleto ?
Ieu demande quau l'a basti :
Que vèngon pièi de Sant-Resti
O d'aiour li pèiro de taio !
Nòsti grand felibre d'elèi,
Es éli que pèr ieu fan lèi,
E cadun dèu segui sa draio !

L. DUC.

LENGADÒ

— Lou journau *Le Gril*, de Toulouso, a représ sa publicacioun emé l'ajudo de *l'Impartial*. Acò fai que pèr un sòu, l'on pòu agué un journau escri la mita en patois, l'autro mita en francés. N'i'a, coume acò, pèr tòuti li goust.

Aquelo coumbinesoun a pas gaire dura, e *Le Gril*, reviscoula, vouvara de sis alo propre ; à parti dóu 24 de mars, pareissira coume avans, emé si quatre pajo clafido de parla moundin, e ansin fara dous cop lou mes, lou premié e lou tresen dissate de cado mesado.

Le Gril publico un estudi sus J. B. Noulet, que vai parèisse en broucaduro emé la traducioune franceso vis-à-vis. Coustara 1 fr. 75 pèr la posto en s'adreissant au *Gril*.

— Sus lou prepaus de la soucripcioune que *lou Cascavel* avié duberto en memòri dóu majourau En Pau Gaussén e d'Enri Fabre, vès-eici çò que dis aquéu journalet :

« Aquelo festo de dòu e d'amistat es pas encaro fissado, mai se fara proubablament aquest estiéu, au retour de las festos en l'ounou de la felibresso Clara, en Anduzo, ounte devon, parèis, se reüni en sesihon mantenencialo nostes Felibres dau Lengadò. Ansindo aquel óumage poustume aura touto la publicitat qu'es bien degudo à d'artistes regretats, à de patriots de nóstro lengo d'Oc. »

— Tiran de *l'Aïoli* aquesto novo toulousenco qu'agradara de-segur à nòsti legéire de counèisse :

« Nosto Acadèmi di Jo Flourau, que vèn de founda dous grand pres pèr li pouèto en lengo d'O, vai celebra, au mes de mai 1895, lou seound centenari de sa recoustitucioun pèr li letro patènto dóu rèi Louis XIV. De resplendènto festo se dounaran au Capitòli. Se parlo de counvida li principàlis Acadèmi di divers païs d'Europo, mai especialamen lou Counsistòri felibren ; se dis même que lou titre de *Mestre en Jo Flourau* sarié, à-n-aquelo óucasioun, decerni à quauquis-un de vòsti majourau de marco. Es Na Clemènço Isauro qu'enfin reconènis sis enfant. »

— Councours dòu Parage de Mount-Pelié —

L'Escolo felibreno dòu Parage, dins la *Campana de Magalouna* dòu 15 de mars, durbis de Jo Flourau en ounour de Jano d'Arc, e vès-eici coume l'anóuncio :

« Lous Felibres de Mount-Pelié, que soun tant bons patriotas que quau que siegue, se soun dich qu'era de soun devé de celebrà lou noum de Jana. Es pèr acò que lou Parage de Mount-Pelié dourbis un councours en lenga d'Oc sus aqueste sujet, que déurra èstre esrich en vers :

« La nouvelle de la délivrance d'Orléans et du sacre du roi à Reims fut apportée à Montpellier par un homme qui, ne pouvant entrer dans la ville à cause des grandes précautions que l'on y prenait dans ces temps de troubles, s'arrêta dans le faubourg Saint-Denis (aujourd'hui l'Esplanade), en attendant qu'on ouvrit les portes de la ville. Le lendemain matin, nos habitants, ayant vu les lettres, en eurent une si grande joie, qu'ils prirent la résolution de bâtir une chapelle sous le nom de N. D. de Bonnes-Nouvelles, dans le lieu où le courrier s'était arrêté. » (D'Aigrefeuille, *Hist. de Montp.* I, p. 201)

« Lous pouètas déurran coumpausà quel sujet en forma de dialogue : l'ome mandat pèr Jana pèr anounçà la bono nouvela sarà considerat come estent un ome de guerra dau Miejour ; parlarà de çò que s'es fach en Ourleans e dau sacre d'un rèi à Reims.

« Lou segound persounage sarà un conse de Mount-Pelié que lou saludara au noum de toutes lous Clapassiés. Enfin, lous pouetas ajustaran un cor de cantaires qu'el representarà lou mounde que se trouvèroun à la porta de la vila, au moumen de l'intrada de l'ome de guerra. »

La pèço déura pas mai agué de 300 vers, e dèu èstre mandado, avans lou 1 de mai 1894, au secretari dou Parage, Jean Fournel, 15, carriero dou Chivau-Vert, à Mount-Pelié.

Li laureat reçuprano uno medaio d'argènt, uno medaio de brounze e de diplomo d'ounour. La pèço gagnarello, s'es l'avis de la jurado, sarà messo en musico e publicado dins un di journau felibren de Mount-Pelié.

La fèsto d'aquéli Jo Flourau se fara lou 8 de mai, jour anniversari de la deliuranço d'Ourleans, e, aquéu même jour, li Felibre inaugurarán uno iscripcióun sus lou « Boulevard Bonnes-Nouvelles », en glourificacioun de Jano d'Arc.

Sian assegura que li cantaire miejournau, patrioto mai-que-mai, noun fautaran de celebra sus si zambougnò aquelo glòri naciounalo.

Aquitani

— Li Jo Flourau limousin de l'*Eglantine*, que la *Ruebe corrézienne* a dubert, saran clava lou 15 d'abrieu verient. Li courrèire limousin que volon prene part à la targo, an que de se despacha de lèu-lèu manda sis obro au secretariat generau d'aquelo Soucieta, 65 carriero Truffaut, à Paris.

Lou prougramo coumpren : 1º Pouësio en lengo limousino, 2º Proso en lengo limousino, 3º Pouësio en lengo franceso, 4º Proso en lengo franceso, 5º Councours classique, 6º Councours d'istòri, 7º Councours de dessin, 8º Councours d'esculturo, 9º Councours de musico.

— La Soucieta la *Ruche corrézienne*, de Paris, a decida de faire uno escourregudo dins lou Limousin au mes de setembre venent. Aprouficharié d'aquéu viage pèr auboura de buste i troubadou Bernat de Ventadour, à Tulo ; Bertrand de Born à Brivo, Gaucelm Faidit à Uzercho, emai au fabulisto Jan Foucaud, à Limoge. De placo de maubre sarien peréu inaugurado à Tulo en ounour de Baluze ; à Ussel, en memòri di quatre troubadou d'aquello vilou : Gui, Ebles, Helias e Pèire d'Ussel, emai à dono Mario de Ventadour, etc.

— Se vèn de founda, à Tarbo, dins lis Aut-Pirenèu, uno Soucieta couralo que, parieramen à la Soucieta di *Cantaires dòu Clapas*, de Mount-Pelié, a decida de canta escassamen que de moussèu en lengo dòu terraire, e de cansoun bigourdano o bearneso.

E, d'abord que sian dins lis Aut-Pirenèu, li quitaren pas sènsò dire dous mot d'uno fèsto que s'es facho, sus la fin d'avoust passa, en Argelès, pèr l'inaguracioun d'uno placo en ounour dòu fabulisto Lacontre.

Sus li pas de Navarrot e de Despourrins, aquéu brave Lacontre s'adraiè, qu'avié mai de cinquanto an. En 1870, pareiguè soun premié libre : *Reclam de montagne*, e en 1879 faguè parèisse en parla bearnés : *Chants sacrés, Fables, proverbes et dictons béarnais* ; em'acò, lou pouèto anavo d'un village à l'autre pèr dire si vers e vèndre sis obro, e leissè à sa mort sièis voulume de pouëslo inedito.

Lacontre amavo sa lengo e soun pais coume se pòu pas mai : si vers lou dison bèn aut, e si *Cansoun*, que restaran, lou prouclamon. Adounc, n'es pèr acò que lou felibre manteneire Miquèu Camelat, aguè l'idèo proumiero de ié faire fèsto e de plaça uno placo sus li patet de soun oustau nadalen.

La tèsto se faguè lou 25 d'avoust e fuguè superbo. La Soucieta academico dis Aut-Pirenèu èro aqui presidado pèr lou mèstre escrivan A. Silvestre.

Lou pouèto Palay ié diguè, en un remarcable discours, la vido e lis obro de soun vièti ami Lacontre, e li fèsto se clavèron pèr uno Court d'amour souto li pàli di grands aubre dòu pargue, ounte s'inaguravo un buste en ounour d'Armand Silvestre, lou galant president dòu festenau.

Après li discours dóu président e de Savié de Cardaillac, li pouèto vengueron, noumbrous, seguissènt Ciprian Dulor, Camelat e Carle du Pouey, dire de vers e reçaupeguèron, cadun, di belli chatouno de la Court d'amour li flour óudourouso e lou rire galant.

Es ansin que se nouso lou liame d'amour entre li Felibre e si davancié.

MORTUORUM

— Es mort en Argié, lou 19 de janvié, lou brave escrivan lengadoucian Andriéu Leyris, qu'ero dins si 65 an, e qu'avié quita Alès, soun païs, despièt un quingenau d'annado.

A PAREIGU :

En Alès, dins *Lou Ciscavel* de febrié e de mars : *Lous Felibres*, de Gaiet-Malan ; *Odo au boudin*, de A. A. ; *Pluviose*, de Gaiet-Malan ; *A Mistral*, de L. de Sarran ; *Riquet*, un conte de carnaval à l'auberjo (galejado) ; *La Fialouso de ma grand*, de Capitello ; *Quatre poutous*, d'André Leyris ; *La micbanto estello*, dóu felibre de la Miougano ; li cascavelado e li galejado, e la seguido de *Volo-Biòu*, pouèmo d'A. Arnavieille.

A Mount-Pelié, dins la *Campana de Magalouna*, nº dóu 1 de mars : *Minota*, signa Lou Maselié ; *lou Maset de la Poumpa*, cansoun de Marc Rigal ; *Lou cbival reguinaire*, de Moquin-Tandon ; etc., etc.

» Dins *la Cigalo d'or*, nº dóu 1 e 15 de febrié : « Lou Nord enemi dóu Miejour, la Reneissènço miejournalo, » de Pau Redonnel ; *Criticò d'uno critico*, de Jan Troubaire ; *Las ourmos*, de Prousper Estiéu ; *Molière e Pezenas*, de A. A. ; *Langue d'Oïl et langue d'Oc*, de Carle Maurras.

A Cano, dins *la Cisampo*, nº de mars : *Noto d'un revenent*, signa lou Cisampié de la Tourrasco ; *l'Ascensour*, de Bello-Ésquino ; *Lou talènt de Mieto*, de M. ; *l'Escoubairis de la carriero*, cansoun de F. Garbier ; novo e galejado.

A-z-Ais, dins *la Provence nouvelle*, de prouverbi prouvençau souguejon dins cadun de si numerò.

A Paris, dins *la Province* de Lucian Duc, nº de mars, *A propos de Felibrige*

- Marinetto*, de Francés Armagnin ; *Silhouettes littéraires* : retra de la felibresso Antounio Jauffret, di felibre Jaume Gardet, Marius Girard, sendi de Prouvènço, Chapòli Guillibert, manènere, secretari de l'Acadèmi d'Ais, e Pau Marieton, cancelié dóu Felibrige.
- » Dins lou *Viro-Soulèu* de janvié : *Louis Rochas*, article necroulougue ; *Amarun e douçour*, vers d'Antòni Chansroux à Mmo véuso Louis Rochas ; *Campanejado*, de Batisto Bonnet ; *Doutrino dóu felibre de Paris*, de Pouliot Oulivié, etc.
 - » Dins lou *Mois cigalier* de mars 1894, se i'es encarta un article qu'Enri Fouquier, ancian presidènt de « la Cigale » avié escri dins *l'Echo de Paris*, en responso à-n-uno pèço, *Cabotins*, que mèste Pailleron vén de douna à la Coumèdi franceso, e ounte se trufó dóu Miejour... sènsou lou counèisse. Lou Miejour poudiè pas agué plus flame aparaire.
 - » Dins *l'Echo de la Corrèze*, n° de febrié : *l'Age de la Nanoun*, d'Alfred Marpillat ; *Bous francés*, de Jousè Roux ; *Tante Minou*, de P. Verlhac e H. Monjauze ; article bibliografique de H. Sebert ; *Lou bouci negro*, de J. E. Bombal ; *Troubadours et Félibres*, seguido e fin de la counferènci dounado à Brivo pèr lou felibre Felician Court.
- A Oulouroun, dins lou *Glaneur d'Oloron* dóu 27 de janvié, de vers dóu felibre de Baretous en ounour dóu generau Camou, de Sarranço (Bas-Pirenèu).
- A Bourdèus, dins lou « Bulletin municipal officiel de la ville de Bordeaux », n° 23 de l'an cinquen : la leiçoun d'uberturo dóu cours de lengo e de literaturo dóu sud-ouest de la Franço, dóu dilun 27 de nouvèmbre 1893. Lou proufessour Bourciez, qu'es lou titulàri d'aquéu cours à la Faculta di Letro de Bourdèus, i'a trata de l'*Esprit gascon* e l'a fa de man de mestre. Es un vertadiè regale de legi aquelo leiçoun.
- A Palermo (Itàli) dins la *Nuova Sicilia*, n° 248 : *Tra libri e giornali*, escourregudo d'E: Portal dins li publicacioun miejournalo.
- » Dins *La Patria* dóu 11 de febrié : *Libri e Giornali* ; lou *Carbounié cantavo*, de Fèlis Lescure : quauqui mot sus d'aquéu gènt pouèto e soun libre, pèr Em. Portal.
- A Touloun, dins lou *De Tamaris à Monaco* dóu 15 de mars : *la Cueillette des olives*, de Pau Mangin, e l'anòuncio que lou majou-

rau prouvençau En Pau Areno vèn d'estre elegi president de la *Cigale* de Paris, en plaço de Benjamin Constant. Mandan à noste ami Pau Areno nòsti couràli felicitacioun.

A Carcassouno, dins la *Revue Méridionale*, nº de mars : *Encore Clémence Isaure*, pèr Achille Rouquet ; « les Traditions populaires dans la littérature néo-romane de l'Aude », de P. Fagot ; *Odo à Daveau*, « felibre del carcassés, 1842 », de Pau Gourdou.

A Marsiho, dins la *Revue indépendante du Midi*, nº de mars, un superbe article de F. Malan sus *Brumos d'autouno*, de Filadelfò, e la *Gloire d'Esclarmonde* de Marius André ; *La muse provençale*, sounet d'H. Peyre ; i'a 'ncaro, dins la partido prouvençalo : *la Bourrido*, sounet de Marius Bourrelly ; *Pantai*, autre sounet d'Em. Portal ; *Unguibus et rostro*, vers de Louis Roumiéux ; *Tristesso*, sounet d'En Jan Monné ; Evangèli tira de la *Messo pagano* de Louis Astruc, e quatre vers de Fèlis Gras à Severin Astruc.

A Toulouso, dins la *Terro d'Oc*, nº dòu mes de mars : *Victòri*, letro de Louis Braud, redatour-capoulié de la *Dépêche*, à Louis Vergne, cabiscòu de l'Escolo Moundino ; *Explicatius necessarios*, de Louis Vergne ; *la Revenjo*, de Jean Doc, etc.

» Dins le *Gril*, nº 2, 3, 4, 5 e 6 : *Uno bessounado*, signa Le Ramounet ; « J. B. Noulet e soun obro de bulgarisaciou patoueso » ; *Renascut*, sounet de M. Libertas ; *Osco!* pèr Le Ramounet : article sus lou prepaus di dous pres vouta pèr l'Acadèmi de Clemènço Isauro pèr la lengo d'O ; *Quatren inedit*, de L. Mengaud, etc.

En Avignoun, dins *l'Ajòli*, nº 112, 113 e 114 ; *La mort d'un gribet*, de Charloun Rièu ; *lou Rei di messourguié*, de Jan Brunet ; *Lou mège dis aigo-boulido*, de A. Moquin-Tandon ; *Se la luno viravo*, d'Enri Giraud ; *Balado*, signa Lou Levènti ; *Antonius Arena*, pèr Frederi Mistral ; *Pierrot badaio*, de A. Mouzin ; *Un enfant de Sant-Gile*, de A. Chansroux ; *A-n-uno liouneso*, de F. de B. ; la critico dòu pouèmo de Lucian Duc, Marineto, pèr Folcò de Baronselli ; *la Font cuberto*, d'Enri Bouvet ; *A mouensem Jacinto Verdaguer*, de Marius André ; *Au coulège*, de Jùli Veran ; emai lou *Nouvelun*, la *Boulegadisso* e la seguidó de la traduciouen en prouvençau, pèr F. Mistral, de la *Maigro entre-presso*, d'Antonius Arena.

A Brivo : *Lemougi emé sa crounico e la seguido de la saberudo grammatico limousino dóu majourau* en J. Roux.

» Dins *l'Écho de la Corrèze*, nº de mars : « Al felibre Sernin Santi, pèr la mort de sa neboudo Germana Manuel, » de J. Roux ; *Un cas embarassen*, d'Alfred Marpillat ; *Dires limousins*, *La chanson de l'âne*, de Lemovix.

A Toulouso, dins *Le Gril*, nº 7 e 8 : « A'n G. V., sus la mort de sa bravo maire, » pèr D. Cazelles ; *Counte verai*, *Crounougramo* en lengo roumano dóu XV^e s., reculi pèr J. B. Noulet e signa de Marti de Mons. *Proumiero épitro*, pèr Libertat ; *Conte verai, parla de Beziès*, (*) e *Reviscolos 3 e 4*, revirado pèr G. Visner.

A Mount-Pelié, dins la *Cigalo d'or* dóu 1 e 15 de mars : *Maniganço e parti-pres*, de Pau Redonnel ; *Pierrot badaio*, sonet dóu majourau Marius Bourrelly sus lou libre de Pèire Bertas ; *lou Felibrige en Bearn*, d'Albert Arnavielle ; *Lou plang de Ramoun*, de J. Loubet ; *Un patrioto miejournau*, signa l'Arabi ; *Acò s'esclairo*, de Redonnel, etc.

En Avignoun, dins *l'Ajoli*, nº 115 : *Vivo Clemènço Isauro*, de Gui de Mount-Pavoun ; *La Putifar*, tros di counferènci prouvençalo que fai Don Savié de Fourviero dins la glèiso de St-Laurèns, de Marsiho ; *Uno fes pèr tousi*, de mèste Franc.

A Marsiho, dins *La cornemuse* dóu 15 de febrié e dóu 1 de mars : *Anfos Daudet*, pèr Batisto Bonnet ; *Le fond du sac*, de Louis Roumieux ; *la Boudego*, de Prousper Estiéu ; la seguido de *l'Enfant malaut*, *Gari*, de Mmo Gautier ; *La terro avié de flour*, de Fèlis Lescure ; *la Pastresso*, de J. Gautier ; *Jan Bayol*, de Sextius Michel, etc., etc.

A Vilo-Novo d'Agen, dins *Lou cèle*, an tresen, nº 1 e 2 : *A un so*, signa lou Rebugaire ; *La nadal de 70*, de F. de Mazet ; *la Roumano*, de Garrigou ; *Soubeni de jouinesso*, de Telismar ; *Flous d'abriel*, de Calbet ; *M. Coumbescuro*, conte de Roumanille revira en agenés pèr Le Bitor ; *Epitro à la pleno luno*, de Pau Constant, etc., etc.

. Lou Gerent : Jan Monné.

LOU FELIBRIGE

TOME VIII

MANTENÈNÇO FELIBRENCO DE PROUVÈNÇO

LOU FELIBRIGE

BULETIN MESADIÉ

SOUTO LA DIREICIOUN D'EN JAN MONNÉ

8^e ANNADO

1894



MARSIHO
AMENISTRACIOUN E REDACIOUN :
143, carriero Breteuil, 143

LOU FELIBRIGE
VUECHENCO ANNADO

CROUNICO

L'EISSAME
d'ANTÒNI BLASI CROUSILLAT

En 1865, lou valènt majorau Antòni Blasi Crousillat, dounavo i lipet, sa *Bresco*, clasido dóu mèu redoulènt qu'avié acampa dins li flour dis Aupiho e di garrigo selounenco. Fuguè un regale pèr tòuti de se coungousta dins aquéu bruse siave e prefuma de ferigoulo e de mentastre.

O, brave e gènt ami, l'avèn encaro *sus li bouco la douço sabor de la Bresco*, nautre li lipet, e n'auren gan de culi *l'Eissame* que se n'escapo, *sènsò cregnènça di pougneduro*, pèr li coungousta mai de la melico que li pourra coungreia.

I'a vinto-vuech an que Crousillat nous dounè la Breco, e iuei, nous fai semousto d'aqueil *Eissame* ounte soun rejouncho, en dia-lète selounen, marsihés e roudanian, tòuti li pèço que la muso, i'a ispirado, e qu'avans de parti pèr lou grand viage, vòu leissa à sis ami coume un nouvèu testimòni de soun amour dóu terraire nadalen e de la lengo de soun brès.

Soun libre es adourna d'obro superbo, dins uno lengo puro e lindo e bresiharello coume uno musico pivelairo, e soun cor bon e simplas, dins si vers, dardaio poulidamen, trenant li pensado sia-vo e douço en un rousari flouri.

L'engèni dóu mèstre e soun sabé se mostron clarinèu sus li piado que seguis, ansin qu'uno estatuo divinamen ciselado, que vous pren pèr l'ieu e coumando lou respèt, tant pèr si formo e la perfeicion de si ligno, e que l'on sènt en elo tresana l'amo de l'artis-to que l'a councèupudo; ansin n'es di rai d'or de *l'Eissame*: Neno, Nina, Nino, Leleto, ié fan un brande gai que vous enauro vers l'auturo idealo, e que vous garis de l'aigre fèu de la literatu-ro de iuei, ounte souvènt l'esprit se perd dins l'enfouscun di pensado e dins la nèblo e lou fangas di sentimen.

Lou libre tèn d'obro latino, franceso, italiano e prouvençalo, e n'es d'aquesto darriero tierro que tiraren un rai de mèu, pèr que lis amaire di causo bello e simple, noblo tout en estènt garrigaudo e sènsò pretencioun, e, magnificamen sertido, tout en gardant sa vestiduro pacano.

Dirias-ti pas qu'es Viergéli que parlo? Escoutas-lou dins lou tros que tiran de sa pastourello : *Zèbe e Leleto*. Es Zèbe que parlo :

Noun toujour la couloumbo au couloumbié se tanco,
 Emai béure claret, pesoto, ren li manco ;
 Mai souvènt, amouroue dóu champ que resplendis,
 Dins l'espaci s'enauro, au soulèu s'abaudis,
 Pu douz trouvant lou viéure au grand er emplanado.
 Tout l'ivèr, dins lou brusc, l'abèjo encafournado,
 Emai li a de bon mèu proun largo prouvesien,
 Tre que lou gai printèms risejo, em'afecien
 Pèr couuelo e pèr valoun s'alando e, mai urouso,
 Va culient sus lei flour sa melico óudourouso.
 Ansin fas tu ; de-longo embarrado à l'oustau,
 T'en vendrié pièi, Leleto, un languimen mourtau,

Bèn que toun fenestroun, dòuminant la planuro,
A l'iue ravi descuerbe uno mar de verduro
E la Crau roussejanto e lei serre azuren,
Fa mai gau s'espacha dessouto un bèu seren.
Encaro l'abeieto, encaro la paloumbo
Pouedon trouva la mort au coutau, dins la coumbo,
Car — Diéu lou vòu ansin — dindouleto, ratié
Toujour dins l'oucasien li crocon voulentié.
Tu, Leleto, emé iéu n'as certo rèn à cregne :
De ta pleno fisanço auje me crèire degne ;
Siés ma sor, siéu toun fraire, enjusqu'au douz moumen
Que sarens davans Diéu joun pèr lou sacramen.
E que de t'asfronta quauque palot s'assarde :
Vies aquest rabatun ?... Ah ! Diéu garde, Diéu garde !
Voulountous me batrieu pèr venja toun ounour
Coume saguè Vincèns pèr Mireieto, un jour
Qu'Ourrias lou toucadou, l'escumo sus li brego,
Li mespresè sa flous dòu mas dei Falabrego,
As belèu de Mistrau panca legi lei vers !..
Vène ! sabe un endré vounte leis éuse verd,
A la calo dòu vènt, fan coume un large pàli :
Aqui, de soun bèu libre ensèn fareu regali.
Sabe un grand cereisié, davans un bastidoun,
Que de cerièiso douço asfoco ! Anen, pren doune
Toun panié barradis, se voues, gènto Leleto,
L'empli de roui en roui, quand saras sadouleto.
Sabe un aubre, peréu, d'abricot premieren ;
Tout-bèu-just rouginèu, tambèn li culiren,
E s'as pòu que l'asprour te dounre l'enterigo,
Eh bèn ! lei sauvaras pèr Zié, toun amigo ;
Es pièji qu'uno cabro à desfrucha tout vèrd !
Que te cantarai mai, s'ai proun l'esprit dubert ?
Sabe dins lou bouscas un nis de tourtourello,
Innoucènto, gentouno, e, coumo tu, fidèle ;
Li a douz poulit pichot qu'an lou péu foulletin,
Lei tendrai tant d'à-ment, bouto, qu'un bèu matin,
Avans que vouladis s'escapon dins lis aire,
Vouele te leis adurre : e n'en saras la maire.

Dins uno grando gabi, obro de moun couteu,
 Pourran, pièi, enanti, nisa coume se dèu.
 Escouto encaro eiçoto : ai un poulit anouge,
 De la tèsto à la coue tout flouqueja de rouge,
 Dóu-rèsto blanc de nèu, ajoutui, vigourous.
 Li a Zino que me fa leis uè proun amourous
 Pèr me l'aganta... Mai, pst ! ligueto-ligueto !
 Es pèr tu, tu l'auras, o ma soulo amigueto...

E, aro, qu'avèn moustra la melico, coume pourrian miéus pinta lou pouèto que l'a culido, pèr lou presenta à nòsti legèire, que de taia 'no lesco à la prefaci de sa *Bresco* e de cita ço que Frederi Mistral n'en disié, en 1865 : tau èro alor, tau es vuei... se noun l'avié lis an, que soun vengu de soun pes plega lis espalo de noste garrigaud, coume éu-meine se noumo, se la nèu noun avié penja si floto sus soun front, lou retrai sarié mai-que-mai vertadié. Adouc sian en 1865, en liogo d'estre en 1894 : i'a que de nous adarreira d'un trentenau d'annado e de faire tira :

« Èro dóu tèms que Jóusè Roumanille, — i'a proun d'acò uno vinteno d'an, — estoumaga de vèire nostro lengo espeiado e embrutido pèr de pasto-mourtié, assajavo à Sant-Roumié, dins lou jardin de soun paire, lè cant mai releva, mai pur e mai courous.

« Crousillat, de soun caire, esmarra dins la Crau, cantavo tout soulet pèr soun plesi, tau qu'uno calandro dins un erme, e fasié peréu rèndre au parla prouvençau de son que revertavon Tibur e la Sicilo.

« Li dous troubaire n'èron separa que pèr l'Aupiho, e coume dous aucèu qu'an voues clareto e fino aurihò, lèu s'ausiguèron à travès de la mountagno, e cantèron d'accord, despièi e longo-mai.

« Ansinto coumencè la farandoulo, ounte à cha pau, au gai ram-pèu de Roumanille, nous sian pièi tòuti apoundu.

« Dins l'enfoudrado patrioto, que coumparave adès au rescam-passimen d'uno garrigo, lou lot de Crousillat es esta d'apouncha, coume un abile fabre, lou tai de noste óutis, e de trempa sa lamo dins li font vivo e toujour fresco de la divino antiqueta.

« Lou respèt d'aquéu felibre pèr li majourau de l'art, e soun admiracioun de l'ideau en touto causo, soun anera dins soun amo

coume uno religiou, religiou esperitalo, tranquilo, estasiado, que i'a garda sa vido escàpi di passioun.

« Noun esçoundrai que soun estrème reverènci l'a retengu long-tems souto lou porge, coume un nouvèu, coume un devot inicia, se mesfisant, bessai que trop, d'eu-même, e enregant, crentous, li peiado di mestre. E tambèn, es l'autour de tòuti aquéli que couñesse, lou mens preoccupa de pouplarita. Eh ! s'enchau bèn de glòri e d'aqueù brut flatié qu'au bout dòu comte n'es qu'un brut de vènt ?

« Basto que noublamen o castamen ague descri aquelo sceno o bèn aquesto ; basto que dins si vers ague sesi lou balans toumbarèu e la coupo ritmico de tal o tal ancian ; basto, santalimen, qu'ague trouva souto sa plumo uno expressioun nouvello, un tour de fraso d'uriginau, o soulamen un mot bèn fa, e lou vaqui urous, countènt de sa journado.

« Mai, o moun bèu Tounin, laisso que te lou digue : çò que fai que t'aman, e que me chale à te legi, noun soulamen es ta melodi couladisso, noun soulamen es toun irreprochable formo, es subretout l'èr sanitous que se respiro, ounte que passes, es l'innocènci de ta pensado lindo e la sagesso de paraulo, e aquelo flour d'amour que s'espandisson dins ti vers, quand parles i chatouno ; es enfin la voues libro e enaurado, es lou brinde ispira, soulènne, menaçaire, que t'isto bèn de prene, quand vos arresouna l'ourguci o castiga l'abourdimen.

« Quand pènse à Croussillat, me sèmble que rescontre un disciple d'Oursieu : sa maniero de viéure me retrais la vido ourfico : moudèsto, pouëtico, esperitado, ensignarello. Viéu dins l'oustau peirau, emé si fraire, emé sa sorre, umble de cor, simple de goust, franc d'ambicioun...

« Vaqui l'ome... »

Ah ! bèl ami Croussillat, se sabes coume nous esmòu, e coume nous es en-de-bon de reveni piousamen vers lou passat, e de retraire eici, mot pèr mot, çò que lou mestre disié de tu, i'a trento an e que se pòu aplica pan pèr pan au galant paire de *l'Eissame* : me sèmble qu'es un ate de nosto religiou felibreco, qu'es lou devé, l'aut devé di fraire, de faire couñesse à la jouino generacioun dis escrivan que se soun rambla souto la bandiero sant-

estelenco, de ié faire counèisse, dise, o miés de ié descata la figuro e lou cor d'aquéli que li premié an fatura la Crau acampassido de nостo vièio lengo ; e tu, que siés un d'aquéli fièr lauraire proumieren, tu que n'i a forço qu'an pas agu l'ur de beca dins lou mèu de ta *Bresco*, leisso-me, pèr aquéli, t'enaura coume t'es degu, te faire ama coume t'am, e, pèr clava ma dicho, leisso-me, peréu, emé tout moun cor, te rèndre, cici, la brassado frairenalo que me dounères en Eiguero, en 1869, lou proumié cop que se veguerian, que d'aquéu bieu rescontre n'ai garda e n'en gardarai toustèms la souvenènço mai que siavo.

J. MONNÉ.



VANEGACIOUN

- Lou mantenèire Anfos Martin es, aro, proufessour d'aleman, à l'escolo superiouro Benoit, à l'Islo-sus-Sorgo (Vau-Cluso).
- La felibresso Angèle Saurin demoro à Touloun, carriero Courbet, 33.
- Lou felibre Aleissandro Martel es, aro, pérceptour à Roucy (Aisne).





LI NOVO FELIBRENCO

PROUVÈNÇO

— Lou 14 d'abriéu s'es celebra en Avignoun lou maridage felibren de la chatouno dóu mantenèire Jùli Cassini, dono Mario Tereso, emé M. Pau Vachet.

A la glèiso de Sant-Pèire se benesiguè li bèu nòvi, e à l'aubergarié dóu « Grand Hôtel d'Avignoun » sè faguè festo coumplido.

L'Escolo dóu Flourege avié delega douz de si prieu : Enri Bouvet e Folcò de Barouncèlli, que pourgueron i nòvi li souvèt dis enfant de Santo Estello, trena emé li flour de la primo e de vers galant. Ah ! dins la canestello de la nòvio, n'avié plóugu de bouquet courous : Mistral, Gras, Monné, Mouzin, Jouveau, Bouvet, Roussihouün, l'abat Imbert, Anfos Martin, Galas, Louis Charrasse e d'autri encaro, avien manda lou siéu.

Li cansoun prouvençalo e li vers souleious an clanti superbamen enjusqu'à miejo-niue, que la bello festo s'es clavado pèr lou *Cant de la Coupo*.

— Lou 16 d'abriéu, en vilò d'à-z-Ais, un autre maridage felibren se celebravo. En grand poumpo, lou majourau En Francés Vidal mariava soun Jóusè emé Millo Julio Gautier. Lou tambourin a roussignou-leja, e Santo Estello, sourrisènto, a manda sus lou front di bèu nòvi uno raisso d'aquéli belu que fan vèire la vido emé li coulour siavo d'un bonur sènsò fin.

Longo-mai, en terro prouvençalo, l'amour enliasse de bèu parèu ! l'amour, longo-mai, ensioque li cor ! car, coume lou disié lou grand pouèto de l'amour, Aubanel :

Sénso amour, la vido es crudélo,
 La vido es uno longo niue ;
 Urous aquéu qu'a pèr estollo
 Dous bœus iue !

— Lou *Viro-Soulèu* anóuncio que l'un di cinquanto cose d'ou Felibrige parisen, Clovis Hugues, vai faire parèisse si pouësio prouençalo souto aquest titoulet : *Lis ôlivado*.

→ Vén de parèisse à Marsiho, encò d'Aubertin (Librarié Flammarion) carriero Paradis 34, l'ediciooun pouplàri de : *Lou Gàngui*, de F. Chailan, que tout lou mounde voudra tasta, tant lou pèis viéu que nous pourgis vous pren pèr l'iue e sènt bon qu'embaumo. S'es apoundu à l'obro un conte flame qu'èro pas dins lis àutris ediciooun : *La boufo d'ou capitâni Pitalugo*, de Fourtunat Chailan, emai, de soun fiéu, En Aufrèd Chailan, qu'auqui pèço que fan liguet o groumandoun, entre li qualo citaren : *Lois aucèu es de bèsti*, e *Leis ermitan de Sant Jan Bernurous*. L'obro se vènd 3 fr. 50, e n'i'aura pas pèr tòuti. Zou ! que lou pèis es fres e bouleguiéu.

— La *Revue indépendante du Midi*, que s'èro foundado i'a qu'àuqui mes, à Marsiho, a fini sa jouncho. A sa plaço, M. Marius d'Arcourt publicara, au mes de mai, uno revisto franco-prouençalo que ié diran : *l'Indépendance du Midi*. Souvetan de tout cor qu'aquelo nouvello publicacioun tague flòri.

— Obro bello vén de faire lou Municipé de Digno. La vilo a croumpa lou retra d'ou mège S. J. Honnorat, l'autour d'ou *Dictionnaire provençal-français*; lou Counseu l'a fa plaça dins la grand salo de la communo, ounte remembrara de-longo la memòri d'aqueu flame precursour d'ou Felibrige.

— Vès-aqui que lou dramo de *Santo-Estello* qu'avian anóuncia, vén de parèisse encò de Nicot, à-z-Ais. L'abat Jùli Bresson, que n'es l'autour, a bouta dins li tres ate d'aquele obro mai-que-mai de gaudi, e tòuti voudran legi lou martire de la patrouno di Felibre. La sceno se passo à Santo, en l'an 98 de nostre Segne. Estello, que soun paire, gouvernaire de la vilo, vòu marida à-n-un generau rouman, nouma Su-mian, refuso aquelo alianço, e soun paire, encagna contro elo, enaprenent qu'es crestiano, fai mourir l'evèque Estròpi, e pièi, dins sa furour, ourdouno de sagata sa fiho.

L'autour dedico soun pres-fa i jòuini fiho dis escolo, e n'es bèn à-n-éli qu'es degu, car aqueu pichot dramo se pòu eisadamen jouga dins lis escolo e li pensiounat. Aquéli que lou desiraran, podon s'adreissa

à l'autour, à Lauris-de-Durènço (Vau-Cluso), o encò di libraire ; emé 1 fr. se n'en podon regala.

— La Soucieta d'Estatistico de Marsiho durbis un councours en 1894, e decernira de medaio, 1^o pèr un memòri sus l'estatistico o la tou-pougrafia d'uno loucalita o d'un cantoun dóu despartamen di Boucodou-Rose ; 2^o pèr uno obro estampado, interessant, fugue lou coumèrci de Marsiho o dóu despartamen, fugue la sciènci en generau, o fugue l'istòri de Prouvènço.

Aquéu councours sara clava lou 1 de 9bre 1894, e se fau adreissa, pèr lis entre-signé, à M. lou capitani V. Duviard, secretari, plaço Perrier 1, à Marsiho.

— Dins la tierce de pèço mandado i Jo Flourau de Barcilouno, arremarcan : n° 78, *Pantaiage*, 79 : *Remembranço*, 98 : *Brinde à nos tes fraires Catalans* (Valeureuse Espagne, etc.) ; 95 : *Cantico à Nostro-Damo de Lourdes* (A la estelo de Jansemín) ; 110 : *Un episòdi de Pasco flourido* ; 117, *A la Santo-Vierge* ; 150, *La lagremo* ; 179, *Moun fougau*, e 180 : *A l'aubeto*, que vènon de Prouvènço o dóu Miejour. Santo Estello doune à nòsti bràvi luchaire la courouna dóu triounfle !

— Lou majourau En Leopold Constans, proufessour à la Faculta di Letro d'à-z-Ais, vèn de reçauvre la crous de chivalié de l'ordre dóu Sauvaire, de Grèço, en guierdoun de sa mai que flamo traduciouen dóu *Roman de Tbèbes*, que l'Acadèmi dis Escripcions e Bèlli-Letro avié courouna.

— Lou Counsèu Generau di Bouco dóu Rose vèn de votua la soumo de vint milo franc pèr lou mounumen que se dèu auboura sus la plaço Castelano, à Marsiho, en glòri dóu celèbre escultaire prouençau Pèire Puget.

— Nous escrivon de Paris qu'uno tierce de jòuni felibre anavon founda un groupo souto lou titoulet : *lou Lugar*, e que la *Mandoline* devendrié uno fueio franco-prouvençalo. L'Acadèmi libro, que Aguste Marin n'es lou presidènt, aurié adeja fusiouna emé la nouvello Soucieta felibreno, que comto dins soun sen : Batisto Bonnet, Ipoulito Oulivié, Enri Ner, Roux-Servine, Firmin Maritan, Bonnafosy-Debaix, Fernand Hauser, Andre Jayet, e d'autre e d'autre encaro.

N'en reparlaren quand sara tèms.

— M. A. Crest, estampaire à Fourcauquié, a liga en un voulume, lis obro legido à la sesiho de l'Atenèu e de l'Escolo dis Aup, lou 12 de novèmbre 1893. Lou librihoun, que costo 1 fr. 50, a 112 pajo e tèns

de vers e de proso que fai gau de li legi. Li coundentido, pèr agué lou voulume, se mandon i burèu dóu *Journau de Fourcauquisié*, e quatu voudrié lou raconte di sesiho de 1890, 1891 e 1892, li trouvarié peréu au même rode.

— A Marsiho, un nouvèu journau semanié, en parla marsihés, vèn d'espeli ; ié dison *Lou San-Janen*. Lou redatour-capoulié es nostre ami Batisto Artou, que ié souvetan à-n-éu, emai à soun galant nistoun, la plus flamo réussido. Saludan couralamen nostre nouvèu counfraise, que tant poulidamen a fa saupre sa vengudo au pople de Marsiho. Escoutas acò :

« Li tenèire dóu *San-Janen* an fa la passado dins li carriero de Marsiho, escourta de tambourinaire galoi que trasien si riéu-chiéu-chiéu dins l'aire enfestouli, e pourtant la bandiero i coulour de Marsiho, blanc e azur, touto flourido ; e ausin, en bello troupo, soun ana touca l'aubado sant-janenco i grand journau, à la coumuno, à Sant-Laurèns e dins lou quartié sant-janen, emai peréu encò dóu majourau Aufrèd Chailan e de la felibresso Lazarino de Manosco. »

Acò, si qu'éro flame, e lou pople courrié e aplaudissié, e li tambourin rounflavon e roussignoulejavon en ounour dóu *San-Janen*.

— *La Cornemuse* a publica un article qu'a pèr titoulet *Jean Monné*. Es un retra segui d'uno critico d'Enri Ner, reproducho dóu journau *le Dimanche*, e ounte M. Ner, en grand saventas qu'es, a bouta forço esprit e proun grafignaduro. Mai, la critico es libro, e M. Ner avié lou dre de dire de nòstis obro tout çò que i'agradavo : i'a que la raço de mouedo que pòu agrada en tòuti, emai encaro quau saup se n'i'a pas que ié fan la figo ! Quau avié pas lou dre, ni lou devé, de traire au publi çò que i'a tra, es mèste Roumiéux, que, dins soun article : *La felibresso Clemènço*, douno, sènso i'estre autourisa, de letro entimo nostro. Dins nosto fe simplasso, avian toujour cresegu que li letro èron causo sacrado, e que res avié lou dre, franc de manca à tòuti li devé de l'amistanço, de li publica sènso la coundentido de l'autour, e que li letro demouravon la proupieta de la persouno que lis avié escricho, (lou Counsèu d'Estat es d'aquèu vejaire). Mai, basto ! parèis que nous enganavian, e que pèr mèste Roumiéux acò vai pas tant just; es verai de dire que i'a de gènt que vendrien sa camiso e renegarien la verita emé sis ami li mai devot, pèr agué lou plesi de faire uno galejado ; acò provo pas que i'avèngue toujour lou blanc dóu pòrri, nàni ! Mai, leissaren courre l'aigo e.... coumpliren nosto jouncho...

— L'acampado counsistourialo que se tèn d'ourdinàri avans l'acamp de Santo-Estello, se tendra, aquest an, en vilo de Nîmes, lou 29 d'abriéu.

Vès-eici la letro counvidarello que, de la part dóu burèu counsistouriau, li majourau an reçaupudo :

Marsiho, lou 22 d'abriéu 1894.

Moussu lou majourau e gai Counfraire,

« Bono salut. Venèn vous counvida à la reunioun dóu Counsistòri felibren que tendra sesiho lou 29 d'aqueste mes d'abriéu, à miejour, en vilo de Nimes (Hôtel du Petit St-Jean).

Dins aquel acamp se noumara un felibre majourau lengadoucian, en plaço de neste regreta coumpañ En Pau Gaussen.

Se renouvelara lou Burèu counsistouriau, pèr la nouminacioun dóu Capoulié dóu Felibrige e dis assessor e sendi di Mantenèço ;

Se tratara, pièi, de tout ço que pretoco la vido vidant de la Causo felibrenco.

Agradas, moussu lou majourau e gai counfraire, l'asseguranço de nòsti sentimen egregi.

Lou Capoulié dóu Felibrige
Fèlia GRAS.

Lou Vice-Cancelié dóu Felibrige
Jan MONNÉ.

— La festo de Santo-Estello se fara, aquest an, dins la proumiero quingenado d'avoust, dins uno vilo dóu Coumtat, e s'aproufichara de la festo pèr inagura li mounumen de Roumanille e d'Aubanel que s'aubouron en 'Avignoun.

— *La Cisampo* de Cano nous anóuncio — e nous fai grand gau de l'aprene — que lou tambourinaire Adam s'èro semoundu au Counseu municipau canen pèr ensigna lou tambourin is enfant dis escoло communal, e que lou subredi municipie, dins sa sesiho dóu 20 de mars, a pres en counsideracioun la semousto que mèste Adam i'avié facho.

— Après M. Hennion e lou majourau Francés Delille, M. J. Gautier, directeur de *La Cornemuse*, à Marsiho, se prepauso de publica uno « Antoulougio prouvençalo » dis escrivan e pouèto prouvençau, ancian e mouderne, tenent pèr cadun d'éli, un retrà, uno biougrafio literari e de tres de sis obro li mai remarcable.

Aquelo edicioun de lüssi, que la librarié marsiheso editara, comprendra dous gros voulume, que se vendran au pres de vint franc cadun.

publique sera heureux de mettre un prix à la disposition des Félibres toulousains à l'occasion des Jeux Floraux qu'ils organisent.

Des instructions seront données pour que ce prix vous parvienne en temps utile.

Veuillez agréer, Monsieur, l'assurance de mes sentiments distingués.

Le chef du Secrétariat particulier,
Tranchau.

Li festo literari que s'organison à Toulouso, souto l'aflat de l'Escolo moundino, à l'oucasioun de si jo flourau e de la *festo de la Viuleta*, saran resplendènto. Se faran li 5 e 6 de mai, souto la presidènci dòu Capoulié dòu Felibrige, En Fèlis Gras. Noumbrous soun li felibre e artisto miejournau que ié saran.

Lou Burèu de l'Escolo moundino a demanda i coumpagnie di Camin de ferre, une reduciooun de 50 pèr cènt sus li pres pèr facilita lou vouage di Miejournau que se ié voudran rendre.

La festo de la Viuleta se celebrara lou dimenche 6 de mai, e la felibrejado : *Festin des Jocs Florals* aura liò après la distribuciooun de *las Joyas*.

Lou pres dòu banquet es de sièis franc ; lis adesioun se devon mandar au secretari de l'Escolo moundino, 7, carriero Lakanal, à Toulouso ; e li felibre, qui peréu se podon adreissa, se volon demanda de bon de reduciooun sus li camin ferra.

— A Toulouso, encò de Dupuy, libraire, a pareigu : *J. B. Noulet e soun obro de vulgarisaciou patoueso* ; estudi pensa e escri d'abord en parla moundin, e pièi revira en francés pèr G. Visner, precedi d'un avans-prepaus de Massip.

Aquelo broucaduro proun interessant, dins si zo pajo, costo trento sòu, e la fau demanda i burèu dòu *Gril*, 6, balouard de la Garo, à Toulouso.

— Lou darré dimenche de mars, li felibre de l'Escolo audenco, de Carcassounio, se soun acampa à *Pennautier* : la felibrejado à Pennautié èro ourganisado en ounour de Marius André, lou felibre d'*Esclarmondo* ; mai s'atrouvè que lou felibre avignounen, qu'èro arriba à Carcassouno quâuqui jour d'avanco, fuguè dins l'oublicacioun de reprene camin, apela pèr despacho telegrafico.

Li noumbrous coupan s'acampèron, regretous, encò de Lautier, souto la presidènci dòu majourau En Achilo Mir, qu'à soun entour i'avié J. B. Rouquet, direitor de la *Revue méridionale* ; Pau Gourdou,

Cabiscòu de l'Escolo audenco. Gastoun Jourdanne, vice-sendì de Lengadò, e quau saup mai de sòci auden.

Proun lou rire e l'estrambord fuguèron de la fèsto, e, à la blanqueto de Limous, G. Jourdanne s'aubourè e revièudè li grand figuro de Pennautié e subre-tout la noblo Estefaneto que vivié vers l'an 1194 e que forço troubadou la cantèron, e subre-que-tout Pèire Vidau, lou famous Toulousan.

Gourdou, pièi, pourtè un brinde à Marius André emai à n'Esclar-moundo de Bigorro. Em'acò se cantè l'*Audenco* e la *Blanqueto de Limous*, es Rouquet que li cantè, qu'es éu que lis a facho ; e zóu ! se n'en cantè d'autro de Lengadò e de Prouvènço. Mir dounè la noto gaio e galejarello emé soun *Anglès à l'òpera*, e uno fino satiro contro lou marqués de *Pennautier* qu'avié barra soun pargue i felibre avans même que ié demandèsson de ié durbi.

Après li cansoun, li brinde, li galejado e li conte galoi, li felibre anèron encò de M. Albarel, que malaut, noun avié pouscu prene part à la fèsto, mai que pèr letro galanto s'èro escusa. E sus li sèt ouro de vèspre, li felibre tournèron à Carcassouno, après d'agué clava sa journado pèr uno bono obro : an leissa i membre dóu Counseu municipau de *Pennautié*, qu'èron de la felibrejado, lou mountant d'uno quisto qu'avien facho pèr li paure de l'endré.

— Au grand teatre de Mount-Pelié, dison que se vai lèu-lèu jouga *La Catalano*, dóu majourau En Savié de Ricard, e que tòuti aquéli que dins lou Miejour, s'interèsson au mouvemen decentralisaire, se rendran à Mount-Pelié pèr aplaudi l'obro de nostre counfraire. Li journau signalon Frederi Mistral, Fèlis Gras, Pau Arene, etc, counie devèn teni lou le d'aquelo soulennita artistico.

— Vès-eici la letro que l'Escolo Moundino mando en tòuti li Felibre, pèr li counvida i fèsto de la *Viuleta* :

Moussu e Gai Counfraire,

« Coumo hou savetz adèja, l'Escolo Moundino alestis pel mes de mai que ven le Festenal de sous Jocs Flourals.

Las Festos acoumençaran le dissate, cinq de mai, pèr uno *Vesprado de Gala* al tiatre del Capitòlo, ount le bust de Goudouli sara courounat.

La *Festo de la Viuleta* sera bailhado le lendouma dimenje, sieis de mai, à dos ouros del vespre, joust la presidènço del Capouliè En Fèlis

Gras, dins uno salo verdo que despasso en bèutat les pus bèllis horts de la Touraino.

Le Festin des Jocs Flourals sera dounat le vespre à sept ouros; l'es-coutissoun es fixat à sieis francs.

Pensan que vous agradarà de veni dambé nous aus celebrà en terro moundino la gloriò de Toulouso reconquistado.

Dins aquel esper, vous pregan de nous manda lèu vostro counsentido, e d'aro, vous mandan nostros saludacius amistadousos et felibrencos. »

Le Secretàri,
M. BACQUIÈ-FONADE.

Le Cabisco1,
L. VERGNE.

Aquitàni

— Avèn parla d'uno coumessioun que s'es coustituïdo, e que M. Alcée Durrieux, avoucat, carriero de la Michodiero, 8, n'es lou capoulié, pèr estampa : *Las obros de Pey e Jan de Garros, Leytouresis, es à saber :*

Deû Pey :

1º *Psaumes virats en rhytme gascoun dedicats à sa Sorea Maiestat de la Regina de Nauarra.*

Que s'eron estampa à Toulouso, encò de Colomès, en 1565.

2º *Poesias gasconas dedicadas à Magnific e Poderos Princep lou Princep de Nauarra.*

Estampado à Toulouso, encò de Colomès, en 1567.

Deû Jan, soun Frayrot :

Pastourade gascouse sus la mort deû Magnific e Poderos Anric quart deù nom, Rey de Frango e de Nauarra

Estampado, à Toulouso, encò de J. Boude, en 1611. Lou pres di tres voulume es de trento franc.

— L'Escolo limousino, dins sa sesiho dóu 10 d'abrieu, a decida de celebra la fèsto de Santo-Estello aquest mes de mai venènt, e d'aprouficha d'aquelo manifestacioun pèr teni li Jo Florau de l'Eglantina, de proclama soulennamen li vincèire e de decerni li joio. Lou soutocabiscòu Sernin Santy, es carga de regla lou prougramo dóu festenau e de traire li counvidacioun i nouabilita felibenco e artistico.

— Lou felibre d'Agen, lou valènt cabiscòu de l'Escolo de Jansemin, vèn de nous douna soun *Rigo-Rago agenés*, qu'es en vèndo encò de l'autour, 12, balouard de la Liberta, en Agen, au pres de 3 fr. Es un

galant voulume couparti en tres pauso : *Mailadis, Jouinos, Tinténinos.*

L'amour de la terro gascouno, l'amour d'a juelo vièjo lengo,

D'aquelo raco
De qui n'i-a que boudrien pana la quito plaço
Al coufin caudet del sourel.

aquel amour viéu e ardènt, coume la sabo d'abriéu dins li jitello,
boui e ardejo dins li vers dóu mèstre felibre.

Soun libre se duerb pèr uno odo superbo : *Gascous !* ounte dis à la Franço, que *rebufo* li Gascoun :

Perque douz toun mesprés e ta mino pugnastro ?
On dirio que te plai lou renoum de mairastro,
Tan t'amalisses sus Gascous ;
Ou te penses belèu que bai grandi, ta glorio.
En lous i rebugan las costumos, l'istorio,
En lous i prenen tout, quitomen la memorio
De lour parla, de lours cansoûs ?

Arrè ! lou fier Rouman l'apelabo barbaro.
Nosto lengo ; elo biu : pauras el, oun es aro ?
Arrè ! Neu la cal pas touca.
Un pais a soun amo oun s'arruco la peno ;
A sas plagos qu'un dit mal pausat embereno ;
E l'amo d'un pais, un res la descendeno.
S'en plan, quijogo à la truca !

Soun amo de patrioto tresano dins si vers à Courteto de Prado e à Jansemin, e la graci noun fauto dins si pèço titoulado : *Jouinos* ; escoutas çò que dis *A Mioun* :

Oh ! se sabios que moun amo assedado
Guigno toun amo e saunejo d'amou,
Belèu, Mioun, ta prunèlo alucado
En brots pungens cambiario soun belou,
Belèu qu'à tous perpils, baichats per las rescoundre,
Dios perletons bendriou en grumilhos se foudre
E de plasé tas mas bulhirion dins las mios,
Se z-ou sabios !

Ah ! nous n'en faudrié cita de vers e de vers, se voulian tout escudela çò que i'a de bèu, e, mai qu'acò, de precious, dins aquéu libre, que l'amour de sa lengo a soulet ispira.

Sa l-ngo, fibo del sourel, sa viého lengo,
E que porto à soun cat tant de clarats coume el,
Leogo que rend jalous roussignol e mesenjo,
Lengo que dis tapla la musico del cù .

MORTUORUM

— Es mort à Lascrozes, lou 31 de mars, dins si 69 an, M. André Sourreil, lou brave paire dóu felibre Pèire-Andrieu Sourreil.

— Es mort, à Beziés, sus la fin de mars, lou paire dóu gènt felibre Antounin Maffre.

Prenèn uno part bèn grando au dòu dis ami Sourreil e Maffre.

— *Lou Cascavèu* d'abriéu nous adus la tristo novo que veici :

« L'Escolo felibreno d'Alès, decidamen, a pas de chanço. Lou feli-bre Peire Carli que, pechairo ! malautejavo dempièi longtèms, es mort lou 30 dóu mes passat.

Èro un bon garçou dins tutto la forço dau tèrme, franc e amistous, e avian justament apreciat sa bountat de cor quand felibrejavo embé nautres.

Tout jouine, avié counegut lou mèstre prouvençau Teodoro Auba-nel, quand venié en Alès vèire Gaussen ; toutes douz l'aimavon e l'a-vièu encourajat, e, dempièi, avié coumpausat dins lou parla de *Mirèio* quaucos pèços que revèlou uno urouso inspiraciéu pouëtico.

La mort d'aquel coulègo, d'aquel ami, vèn tourna-mai de metre lou dòu dins nosto amo, e presentan tristamen à sa jouino véuso, à soun brave paire, à tout soun mounde, nostes sencères sentimens de coun-doulènço. »

Que Santo Estello lou repause dins sa glòri !

— Lou 3 d'abriéu, es mort à-z-Ais, dins si 74 an, lou troubaire prouvençau Fourtunat Martelly, de Pertus, qu'avié 'n tant galant biais pèr la cansoun, e que sa *Creserello* es pouplàri mai-que-mai. Avié escri de galàntis estrofo sus l'óulivié, que fuguèron courounado i Jo Flourau d'Ais, en 1869, e darrieramen encaro, lou 30 de juliet 1893, i Jo Flourau de l'Escolo de Lar, reçaupié uno recoumpènso pèr uno odo en ounour de Mirabèu.

Èro un dis afouga de la lengo e avié adóuta, dins sis escri, l'ourtou-grafò felibreno,

Que Diéu lou repause !

A PAREIGU :

A-z-Ais, dins la *Provence nouvelle*, n° dóu 8 d'abriéu, un article de Stephen d'Arve : *Un grammairien fin de siècle*, sus lou pre-paus de la coufo de M. Gaston Pâris, de l'Istitut, que nous

pago de l'avé prouclama sòci dóu Felibrige, en cridant sus *Li téule* dóu mounumen qu'alestis pèr l'Espousicioun universalo de 1900, que la souleto lengo que i'ague au mcunde es lou francés, que tóuti lis àutri parladuro n'en avènon, franc dóu bas-breton e dóu basco. E lou prouvençau, mignot, de que n'en fas ?

I'a peréu, dins aquéu journau, li prouverbi prouvençau de cade mes.

- » Dins lou *Memorial d'Aix* dóu 15 d'abrieu, *les Parlers françaïs*, article bèn escri dóu felibre P. Chailan, sus lou meme prepaus qu'eici dessubre.
- » Encò de Martin : *la Saint-Huberty au Théâtre d'Aix, 1783*, raconte galant que M. Aleissandre Mouttet apound poulidamen à la tierro d'oubreto qu'a déjà glenado sounto lou titoulet : *Au tour de Mirabeau*, e ounte douno de tros mai que curious de la vido d'aquel ilustre Prouvençau.
- » Encò de Remondet, *Lou bibliofile Pau Arbaud*, raport prouvençau d'En Francés Vidal à l'Acadèmi di sciènci, art e belli letro d'Ais, sus la presentacioun de M. Pau Arbaud, membre regiounau, au titre de membre d'ounour, segui d'uno odo superbo de Fèlis Lescure. « Se n'es tira 7 còup 7, sus ancian papié de Barjòu, em' un soulet eisemplàri sus pergamin, pèr lou Medicis prouvençau. » Adounc, urous soun aquéli que n'an agu.
- A Paris, dins *La Province* de Lucian Duc, dóu mes d'abrieu : li retrà à la plumo dóu majourau Sextius Michel, de Babeloun Pericaud, d'Em. Portal, sòci dóu Felibrige, à Palermo ; de la fe-libresso Margarido Sol, dóu mantenèire cetòri J. Soulet.
- » Dins *l'Echo de la Corrèze*, nº 24 : *La pesta de Tula en 1348*, pèr Josep Ana Viala ; *La filba d'Orlians* (coumplancho) ; *la Chansou del soudard*, roumансo, etc.
- » *Lou Mois cigalier* d'abrieu, emé la sesiho ounte lou majourau En Pau Arene es esta prouclama presidènt, e En M. Faure, vice-presidènt, pèr 1894.
- » Dins lou *Viro-Soulèu* de febrié e de mars : lou moununien de Catelan, lou troubadou, au Bos de Boulogno de Paris, la tierro di sòci e lis estatut, l'ensignadou. *A l'Aïoli, Caremo*, sounet galant d'Enri Oddo ; *l Felibre de Paris*, de noste ami lou jouve felibre toulounen Louis Peytral, etc.

- A Brivo (Limousin) dins *Lemouzi*, nº 6, la seguido de la bello gramatico limousino de l'abat J. Roux ; la crounico e la revisto felibrenco, ounte l'ami Sernin Santy, souto-cabiscou de l'Escolo limousino, fai la bèn-vengudo à la *Marineto* de Lucian Duc emai à soun reviraire. Gramaci !
- A Carcassouno, le *Terradou*, recuei de sounet lengadoucian, flamejant d'estrambord, de Prosper Estiéu. Aquéu libre, dardaiant e souleious, es en vèndo encò de l'autour, à Fraisse-Cabardés (Audo), au pres de 4 fr.
- A Toulouso, dins la *Terro d'O*, nº d'abrieu : « Le President de la Republico e nostes Jocs Flourals, » *La pèira drecburieira*, de Savié de Ricard ; *En dabant!* pèr Aguste Fourès ; *Sul nas*, de A. Villiers, etc., etc.
- A Mount-Pelié, dins la *Campana de Magalouna*, nº 53 e 54 : *Jana d'Arc à Mount-Pelié*, *Flou messageira*, pèr Júli Mans ; *Asinus asinum*, de Louis Roumiéu ; *Lous iòus de Pasca*, revira dóu prouvençau de Mmo la Marqueso de Baroncèlli-Javoun, pèr J. F. ; *Lou mas de Félix Estagnou*, signa L'Escoutaire ; *Liseta*, de Marc Rigal ; *Au cla de luna*, de F. Laget.
- » Dins *la Cigala d'or*, nº 120, 1 d'abrieu : *Festos de l'Escola Moundino, lou Picbot Pèire*, pèr P. Bernard ; *Cbivalit de Sto Estello*, pèr Marius Bourrelly ; *Culido*, de A. A. ; *Reneissènço miejournalo*.
- A Barcilouno (Espagno), encò de Jaime Jepús : *Bastero*, prouvençalisto catalan ; estudi critique e bibliografique, que D. Joaquín-Rubió y Ors, majourau dóu Felibrige, legiguè dins la sesiho tengudo lou 25 de febrié 1894, pèr la « Real Academia de Buenas Letras de Barcelona » en coumemouracioun dóu cinquanten anniversari de soun intrado coume membre atieu, dins la sobre-dicho assouciacioun.
- A Vilo-Novo d'Agen, dins *Lou calel*, nº 3, 4 e 5 : *Al calel reassuscitat*, de P. Froment ; *Gattos, gats e gatous*, revira dóu prouvençau de Roumanille, pèr lou Rebugaire ; *Amou de mountjo*, pèr Alban Vergne ; *Lou curat de Minèrbe*, la bello galejado de la felibresso Margarido Sol, de Narbouno, etc.
- A Turin, dins la *Gazetta letteraria*, un flame comte-rendu sus *Marieto*, de Lucian Duc, pèr lou valènt sòci dóu Felibrige Em. Portal.
- A Palermo (Itàli) dins la *Corte d'amore*, un article bibliografi d'Em. Portal, sus lou « Pierrot badaio » de Pèire Bertas.

A Béziés, dins la *Revue du Midi* (uno nouvello revisto que vèn de parèisse e que saludan bèn couralamen), uno letro d'En Achilo Mir ; *Coufessieu*, pèr Antounin Maffre ; *Lou coucut*, dòu meme ; *A-n-un amic enraumassat*, roundel, tira de Flouretos de Mountagno, de noste paure ami Melchior Barthès, etc.

» Encò de Bouineau : *L'oidium e le soufrage*, letro d'En Camiho Laforgue à M. Prillieux.

A Marsiho, dins lou *Soleil du Midi* dòu 16 d'abriéu, un article d'Elz. Rougier sus *Marineto*, de Lucian Duc.

» Dins lou *Petit Marseillais*, nº d'abriéu, un calourènt article de Th. Lormond sus lou libre que vèn de publica M. Legré : *Le poète Théodore Aubanel*.

» Dins *Lou petit provençal* d'abriéu, Pèire Bertas douno uno bello pajo sus lou prepaus de l'obro de Ludòvi Legré, sus la vido de noste grand pouèto Teodor Aubanel.

» Dins *La cornemuse*, nº 75, 79 e 80 : Retra de Lucian Duc e charradiiso d'Enri Ner ; *Marsibo e q-Ais*, tira de *Marineto*, de Lucian Duc ; *les Caractères généraux de la littérature provençale*, pèr Aguste Rol ; *lou Remèdi*, de Louis Roumiéoux Casso is agasso, de J. Gautier ; un sounet de F. Vidal à Louis de Bresc ; *Bonur de paire*, de J. Chevalier ; *A Arene*, de L. Roux ; *lou Saquet de moun paire*, de Batisto Bonnet, etc.

» Dins *La croix de Marseille*, nº 12, 13, 14 e 15, la seguido dis Ouresoun pouplari reculido pèr lou Pai Savié de Fourviero : « L'aubre de la crous, Prègo en intrant dins la glèiso, En sourtènt de la glèiso, etc. »

» Dins lou *San-Janen*, nº 1, 2 e 3 : *la Boueno salud*, de L. Pila ; *Prouclamacién* (La Redacioun) ; *Benvengudo san-janenco*, de H. Bertin ; *Letro-bouquet*, pèr dono Lazarino de Manosco ; *lei Troubaire marsibés*, emé lou retra de noste brave ami P. Mazière ; *lou Mes d'abriéu*, de Jan de la Plano ; *Fablio galejarello*, de L. P., etc., etc.

» Encò de Payer : *Rimes éparses*, de M. Louis Guibert, avoucat e conseïé generau, qu'es un Prouvençau de bono meno. Duerb sa gleno pèr un poulit sounet au mestre F. Mistral, ounte mostro touto soun amiracioun pèr lou grand pouèto de Prouvènço e pèr soun obro bello.

Lou Gerent : Jan Monné.

CROUNICO

LI FÈSTO DE L'ESCOLO MOUNDINO

Li fèsto de l'Escolo Moundino (*) soun estado superbo, e mau-grat lou soulèu que sougnavo e li repepiaire qu'an trouva que li fèsto èron pas proun pouplari, acò noun a empacha L. Vergne, lou valènt cabiscèdu de l'Escolo Moundino, e Fonade, soun mai que flame secretàri, de gagna la vitòri e de mena sa barco dins la calanco dóu triounfle ! Bravò !

Lou 5 de mai, dins l'après-dina, li delegacioun soun arribado noumbrouso, à Toulous. L'Escolo audenco, que sa bandiero floutejo dins l'aire, es representado pèr li felibre Pau Gourdou, cabiscèdu, G. Jourdanne, majourau ; Prax, lou jouglar d'Achilo Mir, e Pau Fagot, lou savènt *folk-loristo* dóu Lauragués. L'Escolo de Jansemin i'es, emé soun cabiscèdu Carle Ratier, l'autour valènt dóu *Rigo-Rago agenés*, emé li soustaire e empuraire dóu *Calèu*, de Vilo-Novo d'Agen ; de l'Escolo limousino ié soun vengulou soutocabiscèdu Sernin Santy, emai l'afouga L. de Nussac, e d'autre e d'autre, que sarié trop long de signala. Nous countentaren d'a-

[*] • **Moundi** • vau dire Toulousan. Au tems que Toulous éro uno capitalo, i'avie uno dinastio de comte que n'en tenié lou gouvr e que, pèr la majo part, ic disien Ramoud. Tout ço que pretoucavo la familo soubeirano, tout ço qu'ero souto sa lèi e dina si terro, se noumavo « ramoundin », d'ounte au fa « moundin » e pièi « moundi ». Em'acò, pèr ansin, aqueù mot de « moundi » s'es aplica à la lengo, au terraire, à la literaturo emai is us e legislacioun dóu païs di Ramoud.

poundre que Filadelfò, l'Esclarmundo de Gerdo, Dono Gelado, de Carhouno, e Na Louisa Ouradou de Garreta, de Brassac, coume li tres Graci, avien vougu adurre à Clemènço-Isauro lou dème de si vers e de soun rire gènt.

Basto ! à vuech ouro de vèspre, lou teatre dóu Capitòli, ounte se douno la vesprado de gala, noun pòu caupre tóuti li gènt que ié volon prene plaço ; uno bono pensado presido au premier ate de la fèsto : lou proudu dóu councert dèu èstre couparti entre dous Coumitat, aquéu dóu mounumen que se dèu auboura en memòri dóu majourau de Castèu-Ndu-d'Arri, Aguste Fourès, e aquéu dóu cantaire Merly.

Lou grand councert lengadoucian coumençò à vuech ouro e miejo emé lou bén-voulent councours de damisello Talexis e Baldocchi ; de MM. F. Boyer, de l'Oupera-Coumique, Albert e Armand Mary ; Couly ; de MM. Triadou e Mountagné, coume acoumpagnatour au piano, emai Prax, l'inimitable disèire di pouësio d'A. Mir.

Veici lou prougramo d'aquelo resplendènto soulennita :

PROUMIERO PARTIDO. — *La lengo moundino*, de Deffès, pèr la Couralo : *les Fils d'Isaure* ; *Le Filhol de Bouaniquel*, de Vestrepain, declama pèr M. Couly, di Varieta ; *Le prumié pas*, cansoun pouplàri à dos voutes, de Pau Dunac, cantado pèr Millo Bardocchi e M. Triadou ; *Bagnères toulousènos*, de Gailhard, cor eisecuta pèr la Soucieta « Clémence-Isaure » ; Roumanso, (X) bresihado pèr M. Albert ; *lou Coufat de Santo Catarino*, d'En Achilo Mir, declamacioun coumico dicho pèr lou jouglar Prax ; *Faribolo pastouro*, pouësio de Jansemin, que Bournel n'a brouda la musico pèr Talexis ; *Le Poutou*, paraulo de Mengaud, musico de Rupès, pèr Frederi Boyer ; *Cansou de taulo*, paraulo de Goudouli, (Pau Vidal) cor di pèr la Soucieta « Clémence-Isaure, » li « Chanteurs toulousains, » « l'Ourseoun Sant-Ciprian » e la « Couralo di Minime, » mestreja pèr M. Cuq.

SECOUNDO PARTIDO. — *Le rebelhet de Jan de la Luno*, (Mailhol), ourquestra pèr mèste Armand Raynaud e jouga pèr l'ourquestro dóu teatre dóu Capitòli ; *Toulouso*, cor de Guilhot, pèr li tres Soucieta sobre-noumado, e mena pèr l'autour ; XXX (Un grilh) pèr M. Couly ; *Poulido*, paraulo de J. Gruvel, musico de Darquier, pèr Millo Talexis ; *Un mariage pèr escrit*, d'A. Mir, di pèr Prax ; XXX (XXX) pèr Frederi Boyer.

TRESENCO PARTIDO. — *Pastouralo*, cor, pouëslo de Lavigno, musico de Dèffès, pèr l'Escolo filarmounico ; *Courounamen dòu buste de Goudouli e la Toulousaino*, cor, paraulo de Mengaud, musiqueja pèr Dèffès e canta pèr lis Escoulan dòu Counservatòri e tóuti li Soucieta couralo, em' acoumpagnamen d'ourquestro ; li couplet soun esta canta pèr li d'amisello dòu Counservatòri e MM. Frederi Boyer, Armand Mary e Cazencuve.

Se pòu dire qu'aquéu councert de gala es esta réusssi, e que lis ourganisatour, li cantaire e li Soucieta musicalo e couralo i'an fa flòri.

Dins la journado, se poudié vèire, encò de Chappo, carriero d' « Alsace-Lorraine, » l'espausicioun di pres di Jo Flourau, la bello figurino de Sevro, semoundudo pèr lou President de la Republico, li sièis magnifquis estaimpo óuferto pèr lou Ministre di Bèus-Art ; li flour d'or, de vermèi e d'argènt que devien flouea li courounèu de la fèsto. Es un artisto toulousan, M. Alexandre, qu'avié fa li flour di Jo Flourau moundin.

Lou dimenche matin, li Felibre s'acampon dins l'uno di salo dòu Capitòli e frairejon e s'enauron lis un lis autre dins l'amour de la Causo, quand, sus li ndù ouro, li bandiero de l'Escolo moundino e de l'Escolo audenco, precedido d'un cors de musigo toulousan, se vènon rambla sus la plaço, em'acò, tre que la rèino de la fèsto, Filadelphie, parèis, lou courtège fai camin, seguissènt lou Capoulic que douno lou bras à-n-Esclarmundo ; lou pople pico di man e s'esmdu d'aquéu tablèu superbe, que l'on creirié vèire, — dis Santiy — lou grand-prèire dòu culte ideau de tóuti li tèms, la pouëslo pouplàri, mena pèr la jouinesso...

E li Felibre van faire, ansin, un roumavage piou au Musèu de la vilo ; aqui, M. Laborde, que n'es lou counservatour, ié fai la bèn-vengudo. Quand an saluda e flouri Clemènço Isauro emai Goudouli e peréu Guilhen Molinier, li Felibre, seguissènt la musico que fai restounti l'aire de la superbo *Toulousaino*, portou de flour davans la placo coumemourativo di sèt troubadou de 1323 e van alesti la felibrejado di Jo Flourau.

Lou salut tra au pouëto Goudouli se clavavo pèr aquésti vers dòu majourau En Berluc-Perussis :

Tant que ta lengo durara,
Lou paure popic t'amara,
Tu, qu'en soun journadié martire,
As l'estè de lou faire rire
Quand tant d'autre lou fan ploura !

Es Pau Dumas, de Pepiéu (Audo), qu'a saluda Clemènço-Isauro em' aquésti vers :

Lugar de moun païs ! Filho del Languedoc,
Tu qu'à l'ouro d'antan e d'empalo e d'estoc
Luchabos, eici-sien, pér gandi sul terraire
Le parla que le Nord cremabo de n'en traire,
Agrado le salut de l'agrum de Faidits
Qu'apara coume tu ta lengo ensoulchado,
Pér que toujour, sul brès, tindé la cascalhado
De sous mots tant ardis !

A dous ouro dóu tantost, sus la sceno dóu teatre dóu Capitòli, prenon plaço, au caire dóu Capoulié Fèlis Gras, la felibresso Filadelphù, dono Gelado, Louisa Ouradou, M. Cohen, prefèt de la Nauto-Garouno, li majourau Carle de Carbouniero, assessor d'Aquitàni, G. Jourdanne e A. Perbosse, emai li mantenèire P. Fagot, Bacquié-Fonade, Pau Gourdou, C. Ratier, S. Santy, Delbergé, e lou cabiscèdu de l'Escolo moundino Louis Vergne, raportaire dóu councours, etc. Au souns se mostro, dins li flour, lou buste de Clemènço Isauro, e darrié lou Burèu se ramblon la musico de l'Escolo d'artiharié e la « Toulousaine. »

Coume pér lou councert, la salo es tourna-mai coumoulo. Alor, lou Capoulié s'aubouro e, au noum dóu Felibrige, trais si gramaci à la vilo de Toulouso e à si representant que, li premié, an rendu au pople ço que ié revenié, un óumage publi à soun lengage, à la bello lengo d'O; a pièi marca la toco di Felibre ; sian pas vengu, a di, en cunquistaire, mai en ami, e, l'an que vèn, tout lou Felibrige vendra, emé lou grand mestre Mistral, faire la fèsto de Santo-Estello. Alor, veirés que nous dounaren la man e que saren tóuti uni dins la memo idèo patrioutico pér la reneissènça de la lengo d'O, e acò pér la plus grando glòri de la Franço.

« ... Luchan pér lou Bèu, pér la pouëslo. Venès tóuti emé naustre : sian de patrioto dóu Lengadò, mai sian de bon e leiau Francés ; la lengo d'O noun es *la lengo franceso*, mai es *uno lengo franceso*. E poudèn e devèn durbi questo fèsto pér aquéu crid patriouti : Vivo Toulouso ! Vivo Lengadò ! Vivo, vivo la Franço ! »

Uno trouadisso de picamen de man a saluda li paraulo dóu Capoulié. L. Vergne a, pièi, legi soun bèu rapport sus lou councours, que se claus coume eiçò :

« Sem al bout de nostro taco e d'aro quitarioi moun afastigous babilhage, s'abioi pas le devé de vous fa moun grand merces per l'atenciu que m'avets prestado.

« A pagés endarrerit cap anyado li es bona, » dits le prouverbo catalan : co que dis le prouverbo es pas toutjoun vertat.

« Que sem nous aus, senoun de pagéses e d'ouvriés ? Pagéses pèr nostre amour de la terro mairalo qu'anautan au-dessus de tout ; ouvriés del noble prefach qu'es la reneissènco de nostro lengo foro-bandido del siu nizal per les Cains centralisaires e despouties.

« Endarrerits ? Hou sem coumo se pot pas mai, e pracò es bono l'annado, avem semenat coumo avem pouscut end' acò le gran a levat e la meisoun es belo ; noun i'a mal que dure toutjoun. »

E zóu ! lou pople aplaudis, e lou Capoulié dis : « La paraulo es à Na Filadelfò. » Aquesto, de sa voutes d'or, esmougado, encantarello, s'avanco, e dis superbamen un *serventés* à la lengo d'O.

E quand acabo sa dicho, la salo s'aubouro entiero, entousiasmado, e ié fai uno ouvacioun que noun pòu s'amaisa e qu'empacho Gastoun Jourdanne, lou nouvèu majourau de Lengaddò, d'óubeï au Capoulié que ié vèn de douna la paraulo. Mai, pièi, dis lis aspiracioun e revendicacioun dóu Felibrije e sis espèro. Lou pople tourna-mai boumbis e pico di man, e lis aplaudimen grana reprenon mai pèr saluda li vers de Pau Gourdou, dins soun eloge de Clemènço-Isauro que seguis l'improuvisacioun de Jourdanne.

Em' acò se debano lou paumarés :

PRES ÓUFERT PÈR LOU PRESIDIÈNT DE LA REPÚBLICO

M. Prouspèr Estiéu, pèr soun voulume : *Lou Terradou*.

PRES DÓU MINISTRE DE L'ESTRUCIOUN PUBLICO

M. Pau Gourdou (foro councours), pèr soun odo *A Clemènço Isauro*.

POUËSIO LENGAOUCIANO

Sujèt legendàri. Pèço lirico

M. Alban Vergne a gagna la joio de la vióuleto d'or, e uno men-cioun es dounado à J.-D. Rigal, en Agen.

Pouësio de gènre

M. l'abat E. Aberlenc a gagna la joio de la genèsto de vermèi ; M. Delga, uno gravaduro óuferto pèr lou ministre, e messiés Dumas, de Pepiéu, Maurise Joret e de Dordé, d'Agen, cadun uno medaio de brounze.

Milo Ouradou, madamo Gelade, messiés Lignieres e Lamourère an ôtengu li mencion ounourablo, e messiés Monlong e Blanc, uno men-cioun d'acourajamen.

Sounet

La vióuleto d'argènt es pèr madamisello Albertino Chayla, de Cassounou, e la gravaduro dóu ministre pèr M. P. Fagot.

Li menciou d'ounour soun atribuïdo à madamo Gelade, messiés Dumas e Teulié, e damisello Ouradou. I'a de menciou simplò pèr messiés Gayssot, Dunac, Clavelier e Monlong.

Cansoun

Dono Gelade, de Carbouno, a gagna la margarideto d'argènt, e messiés Pau Dunac e Aguste Teulié, de l'Ariejo, uno medaio de brounze *ex-æquo*. Menciou à messiés Bregail, Combalat-Roche e Ribet de St-Beat.

Conte pouplarì

Joio reservado. — Medaio d'argènt à-n-Antounin Maffre ; de brounze à-n-Estève Bories, e menciou à Jouveau, de Ceto.

PROSO*Sujèt legendàri o istouri*

Medaio de brounze à-n-Aguste Teulié, pèr soun estudi sus Gastoun Phœbus, e uno menciou d'ounour pèr A. Rottner e Savié Peyre.

Conte pouplarì

Un viro-soulèu vermeiau es semoundu à G. Therond, de Ceto, pèr soun *Mescladis de prosas*, e i'a 'no menciou pèr M. Lignieres.

Conte pèr rire

Premié pres, medaio d'argènt, à l'abat Marciau de Seré, *ex-æquo* emé M. Pau Vié, que reçaup uno litografiounado pèr lou ministre.

Segound pres, medaio de brounze, à messiés G. C. e Bregail.

Menciou : Pau Gayssot, M. Jouveau, Combalat-Roche e abat Boyer.

Tiatre

Prounié pres réserva.

Segound pres à-n-Ausfrèd Rottner, pèr soun vaudevilo en un ate : *Simoun e Jouncas*.

OBRO EN DIALÈITE MIEJOURNAU EN FORO DÓU LENGADÒ**POUËSIO**

M. Pastre, de Gignac, reçaup un gau-galin de vermèi ; M. Jourdan, d'Ate, uno medaio d'argènt ; M. Gijt, de Guicho, uno medaio de brounze, e M. Edrau, à Grignoun, uno menciou.

PROSO

Un proumié pres, pervenco argentalo, es gagna pèr M. J.-V. Lalanne, e un segound, medaio de brounze, pèr moussu Martin, d'Ais.

COUNCOURS DIS ESCOULAN

Dos medaio de brounze soun estoado decernido : à madamisello Lusignole, de Coumborougé, em'à Clouvis Roques, dòu licèu de Fouis. Jóusè Gayssot, de Castanet, a davera uno' mencioun.

M. lou prefèt de la Nauto-Garouno a vougu remetre éu-même lou pres dòu presidènt de la Republico au valènt gagnaire Prosper Estiéu ; en ié lou remetènt, i'a di quauqui mot que se podon resumi coume seguis :

« Je regrette de ne pouvoir vous complimenter dans cette belle et sonore langue que nous venons d'entendre ; mais je suis certain, en vous remettant le prix du Président de la République, que je le remets à un bon Français, aimant sa petite patrie locale, aimant aussi la grande patrie française. »

E li laureat soun vengu querre si joio e dire si vers ; la musico de l'Escolo d'artiharié e la *Toulousaine* an fa clanti lis èr felibren entre li quau citaren la *Cansoun de la Coupo*, *Las Trelhas* e lou *Maset de mestre Roumiéu*.

Pièi, M. Monnereau, chèfe de musico de l'Escolo d'artiharié, qu'avié broda 'no musico sus uno ticro de moutet dòu *Romancero* de Fèlis Gras, li nousant poulidamen lis un is autre em'un biais requist e un grand talènt, a fa jouga e canta soun obro pèr si musician, e n'es esta, acò, lou houquet de la fèsto.

A quatre ouro e miejo, sus la plaço dòu Capitòli, en seguido de la sesiho literàri, tòuti li Soucieta musicalo e couralo de Toulouso, soutu la direcione de M. Deffès, devien eiseccuta la *Toulousano* e countunia lou festenau de musico e de cant pouplàri em' un grand bal sus la placo dòu Capitòli ; mai lou tèms, marrit, empacho tout acò bèu.

A 7 ouro de vèspre se duerb lou banquet di Jo Flourau, dins lou « foyer » dòu grand teatre.

Es mestre Pourquier, de l'aubergarié dòu Miejour, que lou servis, e vèsn'eici lou menut ouriginau :

POUTAJE

Soupelo de Fabos à la Clamenço-Isauro

RELEBAT

Bars de la Mieterrano à la Rebiscoulo

INTRADOS

*Timbalos à la Toulouso**Filet de biòu de Sant-Sarni à la Bertrand de Born*

ROUSTIT

*Poulardos de Gascougnو**Ansalado roumano*

ENTRE-MIECH

Touros des Vielhis Barris

DESSERTO

Uno colho de gourmandisos

PÈR BÉURE

*Bi de las costos de Pech-Dabit — Billaudric, Champagno**Frountignan encigalaire mandat pèr un felibre qu'a pas pouscut beni. -- (N'i a pas qu'un gloup per cadun)*

Un buste de Goudouli fai bouqueto dins la salo, ounte mai de cènt taulejaire an pres plaço. Lou Capoulié, que presido, a, à soun entour, M. lou prefèt de la Nauto-Garouno, M. lou maire de Toulouse, Louis Vergne, cabiscòu de l'Escolo moundino, Na Filadelfò e d'autri felibresso, emai tóuti li noutabilita dóu coumèrci e di letro de Toulouso, li representant di journau toulousan e li felibre dis escolo felibrenco de la regioun emai li laureat di Jo Flourau.

Quand lou champagno petejo dins li got, lou Capoulié En Fèlis Gras s'aubouro e parlo ansin :

(A segui)

J. MONNÉ.



LI NOVO FELIBRENCO

PROUVÈNÇO

— Uno marrido nouvello nous aribo. Ai ! las ! lou jouve e mai que gènt felibre Fèlis Lescure, de Greasco, es mort lou 22 de mai, s'enantant vers Santo Estello, soun ispirarello divino. Aièr, nous dounavo *Lou carbounié cantavo*, aqué galant coulié de perlo, ouné avié des-gruna tout soun cor, e; iuei, la mort nous lou rauho ; s'envai, pechaire ! emé lou prefum sus li bouco dóu poutoun que la rèino di Jo Flourau de Carpentras ié dounè, en guierdoun de si flour siavo. Ami car, joutent ama, ta bravo maire, ta gènto fremo e ta Mireiouno, te plouron, e nautre, peréu, avèn l'amo estrassado e te plouran. Ai ! ail ai !

— Lou 7 de mai, lou felibre Louis Foucard a douna 'no sesiho galejarello à l'escolo di fraire d'Arle, e i'a fa prouado.

— Sus lou prepaus di dous pres de 500 fr. vouta pèr l'Acadèmi di Jo Flourau de Toulouso, pèr lis escrivan de lengo d'O, vès-eici çò que trouvan dins *l'Aïoli* dóu 7 de mai :

« *Toulouso.* — L'Acadèmi di Jo Flourau vèn de publica soun prougramo pèr li pres que dèu douna en 1895. N'en veici la tenour en çò que councernis li joio destinado à la lengo moundino, que se ié vèn de founda :

« Il pourra être décerné, chaque année, deux prix de cinq cents fr. chacun, pour des ouvrages en vers, écrits en langue romane du haut Languedoc et de ses environs, *lengo moundino*, avec les diverses variantes dont le dialecte toulousain sera, par la force des choses, considéré comme le type dans les jugements à rendre par l'Académie. »

« Pèr counseguént, acò esclaus fourmalamen, noun soulamen la Prouvènço, mai lou Bas-Lengadò, la Gascougn, lou Limousin e quasimen tout lou Miejour. L'Acadèmi es libro de baia si favour à quau vòu, n'en counvenèn ; mai sarié, de-segur, esta forço plus digne de

soun passat rouman, s'avié fa part de si larguesto à tout ço qu'es de lengo d'O. »

— Li Felibre de la Mar se soun acampa lou 22 de mai, pèr lou renouvelamen dóu Burèu de l'Escolo de la Mar.

Sus lou cop de miejour, uno taulejado à l'Hôtel de Marsiho a clava la sesiho amenistrativo. N'en dounaren lou còmte-rendu lou cop venènt.

— La coumèdi *Li Masc*, d'Ansos Tavan, s'es jougado emé grand succès à Castèu-nòu-de-Gadagno, emai à l'ilo de Vau-Cluso.

Lou dilun de Pasco, à Rocho-sus-Grano (Droumo), s'es peréou jouga la coumèdi *Nèço e nebout*, dóu felibre gacian Almoric, de Chabriàlan. Lis escoutaire i'an fa fèsto mai-que-mai.

— Lou felibre mantenèire E. Fassin, counseié à la cour d'à-z-Ais, vèn d'estre nouma membre de l'Acadèmi d'Ais. l'ero degu e lou felicitan couralamen.

— Lou Counsistòri felibren s'es acampa en vi洛 de Nimes, lou 29 d'abrieu, coume l'avian anòuncia. Èron présent li majourau Félix Gras, capoulié ; Frederi Mistral, Marius Girard, Albert Arnavielle, Louis Roumieu, Jósè Huot, Alèssi Mouzin, Savié de Ricard, Ed. Marsal ; lou mantenèire H. Messine avié pres part à la sesiho en qualita de sendi de Lengadò.

Soun esta nouma : capoulié, En Félix Gras ; assessor de Prouvènço, En Frederi Mistral ; assessor de Lengadò, En Achilo Mir ; assessor d'Aquitàni, Carle de Carbonnières ; sendi de Prouvènço, Marius Girard ; sendi de Lengadò, H. Messine ; sendi d'Aquitàni, Isidoro Salles ; cancellié, Pau Marieton ; majourau, en plaçò d'En Pau Gausson, lou felibre Gastoun Jourdanne, de Carcassouno, que pourtara lou noum de *Cigalo de la patrio*, antan pourta pèr lou paure Gausson.

— Uno nouvello publicacioun s'es enantido, à Marsiho : es li *Petites annales de Provence*, que ié fasèn la bono salut bèn freirenalamen.

Vès-eici coume l'*Aïoli* trais sa capelado à-n-aquelo revistouno marsiheso :

« De brin o de bran, e de pau à pau, fau que tóuti ié vengon. Uno publicacioun nouvello, li *Petites annales de Provence*, vèn de se founda à Marsiho pèr, nous dis lou prougramo, « synthétiser l'idée de décentralisation, travailler courageusement à l'émancipation de la province et initier les lecteurs à tout ce qui est provençal. » Edoumadàri e pouplàri, e lancédo coume es pèr lou *Picbot marsibés*, aquelo revisto pòu faire avança camin. Lou tout es que noun perde la tremoun-tano prouvençalo que s'apello Santo-Estello. »

— A la coumuno d'Ais, s'es tengu uno acampado, lou vèspre dóu dissate 5 de mai, pèr nouma : 1º un Coumitat carga d'estudia un prejit de restauracioun dóu toumbèu de Peiresc ; 2º un Coumitat pèr l'aubouramen d'un mounumen en ounour de Peiresc, sus l'uno di plaço publico d'à-z-Ais ; 3º un Coumitat de patrounage.

— L'Escolo de Lar a felibreja, lou dimecre 9 de mai, à l'*Hôtel du Nord*, à l'oucasioun de la vesito que i'a facho En Tamizey de Larroque, majourau d'Aquitani, l'empuraire de l'idéio de la glourificacioun de Peiresc, vengu à-z-Ais pèr councourre à la fourmacioun di Coumitat subre-di.

Lou majourau En Francés Vidau i'a fa la bèn-vengudo, e li tambourin i'an touca l'aubado mai que gentamen. L'Escolo de Lar a tengu à ounour de manteni sa deviso : *Aut e larg, long Lar !*

Pèr provo, dounan eici lou menut dóu *Soupa dei Peirescian laren*, dóu 9 de mai 1894, à l'*Oste dóu Nord*, à-z-Ais :

Manjan : *Menèstro bèugenciero, Marlan sausso peiresciano, Vedèu ei pignen landès ; Coustello d'agnèu gountaudin, Pese groumandoun de Signo, Voulaio d'Aquitani, Ensalado d'Encagnano, Crème de Clap ; Frucbo miejournenco, Desservo sestiano.*

E bevèn :

D'aquéu de Barbegau ; dóu blanquet de Castèu-Reinard, dóu Moulin de vènt bourdelés, emai de l'espousc Champagnou : Cafè-cougna.

« Vèngue tourna-mai lou bèu majourau En Felip Tamizey de Larroco !

« Vuei fèn prefaci pèr la grand felibrejado au mounumen bessoun. »

Em' acò, li brinde noumbrous e flamejant an resclanti e soun esta forço aplaudi. Lou mantenèire musicaire G. Borel a canta *Vau-Cluso*, que n'a brouda la musico sus de paraulo de Teodor Aubanel, e Carle de Bonnecorse a legi la prefaci que vèn d'alesti, dóu comte-rendu di festo larenco, mantenencialo e tambourinarello dóu 30 de juliet de 1893.

Lou même jour, M. Pau Arbaud avié counvida à sa taulo la coumessioun d'iniciativo dóu mounumen Peiresc, e lis avié trata princièramen.

Pièi, lou divendre 11 de mai, dins la salo dis ate de la Faculta de Dre, lou Coumitat Peiresc a tengu sesiho. Vès-eici lou prougramo d'aqueloo acampado :

1º Aloucucioun dóu majourau En Tamizey de Larroco, courrespoun-dent de l'Istitut, presidènt d'ounour.

2º Peiresc istourian, pèr M. G. Guibal, decan ounourari, president dòu Coumitat.

3º Peiresc e l'Universita, pèr M. Belin, reitour de l'Acadèmi d'Ais.

4º Ensai sus l'icounougrafia de Peiresc, pèr lou felibre conse Guillibert, de l'Acadèmi di Sciènci, Letro e Art.

5º Peiresc e li flour, counterènci de M. lou proufessour Joret, courrespondent de l'Istitut.

6º Pouësio, dòu felibre Savié de Magallon.

— Dins lou quaten councours de la *Mandoline*, pouësio e proso neo-roumano, li gagnaire soun : Premié pres, medaio d'argènt : *La Glòri* (anounime) ; segound pres, medaio de brounze : *Li noço de Janeto*, pèr Francés Garbier, de Cano; tresen pres, diplomo : *Las Bendemios*, pèr E. Guilhaumont; *Lous countes de moun grand cadet*, pèr Justin Silhol; *A travès Ste-Barbe*, de M. Fuster; *Clemènço*, de Agustino Vergua; *l'Aglan e la gouja*, de Silhol; la pèço : *A la Mandoulino*, d'E. Bosc, a ôtengu uno mencion simplò.

— Li journau nous dison — e basto acò fuguèsse — que li festo cigaliero e felibenco que s'alestisson pèr lou mes d'avoust venent, se clavarien à Marsiho pèr l'inaguracioun dòu mounumen de Fourtunat Chailan, sus la plaço de la Retoutondo. Li Cigalié e li Felibre de Paris farien obro bello se, reuni i felibre miejournau, venien douna aquéu testimoni d'amour e de veneracioun à noste bèu davancié, que dins soun flame *Gàngui* a estrema li rire galoi di rière e l'amo de la raço, pèr soun afecioun de la lengo dòu brès.

L'obro dòu flame escultour S. Clastrier reçauprié pèr ansin la consecracioun degudo. De festo pouplari s'organisarien à-n-aquelo óucasioun, ço que sarié bèn dins la noto.

— Lou *Petit typo marseillais*, que paréis un cop l'an, e qu'es, aquesto fes, escassamen redigi que pèr de dono, nous pourgis : *La marchando de flour*, de la felibresso Lazarino de Manosco, emai *La vièjo siesto*, de la felibresso Bremundo-Gautier.

— Lou majourau En Jousè Huot, architèite en chèfe de la vilo de Marsiho, vèn d'estre nouma president de la Soucieta dis architèite di Bouco-dòu-Rose.

— Un estudi sus Teodor Aubanel, pèr Lucian Duc, vèn de parèisse dins *la Province*, n° de mai, segui de la pèço admirable : *li Fabre*, revirado en vers francés pèr Jòrgi Bouret.

Lou même numerò douno un sonnet de Pau Mangin, qu'a pèr ti-

toulet *Belles de mai*, qu'es lou remembre galant d'uno di coustumo de noste Miejour.

— Li journau dison que l'Acadèmi di Jo Flourau de Toulous a chausi, entre li felibre, douz escrivan de lengo d'O e ié vèn de counferi lou titre de « Mèstre en Jo Flourau », que i'avié, dins lou Felibrige, qu'En Frederi Mistral que poussedissé. Li douz pouèto que Cle-mènço-Isauro vèn de ié faire riseto, es lou Capoulié dòu Felibrige, En Fèlis Gras, e lou président de l'Escolo audenco, En Achilo Mir.

Es prouvable que li *letro de mèstre* saran remesso i nouvèu titulari dins l'ate de la festo dòu centenàri di Jo Flourau.

Mandan à nòstis ami nòsti coumplimen courau.

— A-z-Ais, lou dilun de Pandecousto, 14 de mai, l'*estudiantino* arlatenco èro vengudo touca l'aubado au felibre E. Fassin, conseié à la court ; em' acò, noste gènt Fassin reçaupeguè si compatrioto mai que poulidamen, ié fasènt la bèn-vengudo en franc prouvençau, dins lou parla d'Arle, que gaubejo tant bèn.

— *La Sentinel* dòu 12 de mai, à Valènço, a publica 'n flame brinde en parla dòufinen que lou brave e valent mantenèire Gacian Almoric a prounouncia dins l'acamp dòu sendicat dis agricultour d'Al-len, Droumo (lou premié sendicat de Franço), que celebravo pèr lou desen cop l'anniversari de sa foundacioun.

Es esta mai qu'aplaudi, lou bèu brindaire, sobre-tout quand a parla de la maniero d'*silva leis enfants*, pèr que noun laisson la terro e lou vilage pèr la grando viro, e qu'a di :

« Aprenens douc à nòsteis efants l'amour dòu vilage ; aprenens-lour que lou trava eis uno lèi que Diéu a decreta dumpuei que nosto pauro maire Evo plantè sas blanchas dentounas dins lou poum defendu. Que lous frereis ou las *sœurs* lours aprenoun la religiou, lou francés, la chifras ; nous-àutreis aprenens lour nasto lengo, aquelo que se parlo rèn que dins nasto endret... »

LENGADÒ

— Lou menistre de l'Estrucioun publico e di Bèus-Art a acourda à l'Escolo Moundino, pèr si Jo Flourau, siéis estampo magnifico que soun : *Pastre d'Arcadio*, gravaduro avans la letro de Lamothe, d'après Poussin ; *Erato*, gravaduro avans la letro, de Laguillemie, d'après Baudry ; *la Marsibeso*, gravaduro de Rajon, d'après Pils ; *Floréal*, litougrafio avans la letro, de Colas, d'après Colin ; *l'Oubriero*, gravaduro avans la letro, de Mlo Genty, e *Meissonier*, retra-gravaduro avans la letro de Desmoulins.

— La proumiero de la *Catalano*, dóu majourau Savié de Ricard, s'es dounado à Mount-Pelié, lou dimecre 25 d'abrieu. Tout lou Mount-Pelié artisto e savènt i'ero ; la causo de la decentralisacioun i'a fa un grand pas e i'a gagna uno bello vitòri. Li felibre, tant de Mount-Pelié que d'autri rode, i'avien pas fauta, e picavon di man. Frederi Mistral, Félix Gras, Antounin Glaize, Louis Roumieux, Louis Vergne, qu'ero vengu de Toulouso, e d'autre, an semoundu si felicitacioun li mai couralo à-n-En Savié de Ricard, pèr soun succès superbe.

— Avian parla dóu councours dubert à Mount-Pelié, sus l'estiganço di fèsto de Jano d'Arc, e que li vers dóu gagnaire devien se legi à l'inauguracioun dóu maubre di *Bono-Nouvelo*.

Adounc, lou Coumitat di Jo Flourau di Bono-Nouvelo, acampa souto la presidènci dóu felibre H. Messine, sendi de la Mantenènço de Lengadò, a decida de reserva lou premié pres, e a decerni lou segound à-n-uno pèço signado : *Uno cevenolo, au Clapas*. Aquéu pres es un grand medaioun en argènt pourtant lou retra de Jano d'Arc.

La jurado a acourda, peréu, de mencionn subre-ounourable à MM. Marc Rigal, de Mount-Pelié ; Alban Larit, de Flourensa ; Millo Emilio Barathieu, de Gange ; MM. Frederi Jalloys, de Sant-Cristòu ; Carle Petit, à Paris ; Pau Marquez, à Loudèvo, e Louis Ricome à Beziés.

— Lou dijòu de l'Ascensioun, la Soucieta arqueoulougico e scien-tifico de Beziés, a tengu soun festenu e a semoundu magnificamen si joio annalo is escrivan miejournau.

Dins la salo di fèsto de la coumuno, uno assemblado superbo a aplaudi mai-que-mai douz di laureat : M. Bessière, de Ceto, qu'a di : *Ious Faviòus*, que n'i'avié pèr se faire peta la gargantò dóu rire, e M. Goulard, de Salleles-d'Audo, en l'apoundènt *la Guerisou de Margarido*, conte galejarèu, a moustra que la franco gaieta noun èro perduto dins li païs d'O.

Lou majourau En Frederi Donnadieu a douna la tiero di laureat de la pouësio neo-roumano.

La respousa de moun grand, d'Ant. Roux, déjà gagnaire d'un rampau d'óulivié en 1886, es estado messo foro councours.

Lou rampau d'óulivié, es nostre brave ami Maurise Joret que l'a dava-va, emè soun obro : *Tros d'idilos*.

L'abat E. Imbert, pèr sa pèço : *A Mario-Antounieto*, e F. Goulard, pèr sa *Garisou de Margarido*, soun flouca d'uno medaio d'argènt.

De medaio de brounze soun decernido à *Ious Faviòus*, de L. Bes-

sière ; *Ioèr e printèms*, de P. Bigot ; *Bouissounado*, de Louis Bonnaud ; *Au païs dei ceriso*, de Pastre de Gigna, en Ate.

L'a, pièi, de mencioun d'ounour pèr *Lous tres castans*, d'Aleissandro Lartigue ; *Lou pastre de Lavena*, de Matieu Carles ; *T'en anes pas*, de Savié Peyre ; *Lou coulibri*, de Jourdan, d'Ate ; *Amistanço*, de Jousè Soulet ; *Doulour e regrèt*, de J. B. Menut.

— Lou sieisen councours neo-rouman de l'*Atenèu di Troubadou* de Toulouso, 26, Alèio Lafaieto, es dubert dóu 15 d'abrieu au 15 de juillet 1894. l'aura, pèr li laureat, uno courouno de vermei e de medaio d'or, de vermei, d'argent, etc ; uno bello medaio de vermei pèr uno nouvello en proso, e peréu lis obro de Goudouli, edicioun raro de 1678, semoundudo pèr M. A. de Termes, à l'autour dóu meiour sounet sus *la Niue*.

Aquitani

— L'Escolo de Jansemín tendra soun Assemblado generalo e sa fe-librejado annalo au coumençamen dóu mes de jun. De mai, lou Burèu de la dicho Escolo, qu'estudio lou prejit d'un journau literari à-n-espandi dins tout lou terraire gascoun emai en foro, a pres uno decisioun que dounara, de-segur, un bèle enavans à l'espandimen emai à la flouresoun d'obro gascouno.

Vès-eici çò que dis la decisioun presso :

« Au poun de visto de la proupagacioun dis idèo felibenco e de la prousperita de l'Escolo, ès necite de favourisa, entre nautre, la publicacioun d'obro bono e d'espandi 'quéli qu'adeja soun estampado. Es pèr acò, qu'en sobre di fres de gestioun, lou revengut dis escot (*dis escoulan*) sara emplega, pèr lou biais de souscripcioni, à croumpa lis obro publicado pèr lis escoulan, coume seguis : 1^o s'aplicant d'abord i publicacioun pareigudo dins l'annado, 2^o pièi, en d'autro, en partent di mai recento. Se fautavo d'obro d'escoulan, la souscripcion s'aplicarié en d'obro escritcho dins li dialèite vesin dóu nostre.

« Tóuti lis escoulan aguènt coumpli lou pagamen de soun escot, recaupran à gràtis lis obro souscricho : e soulet lis escoulan autour que saran en règlo emé la caisso, auran dre de pretèndre à la souscripcion. De mai, es entendu que lis autour, escoulan o noun escoulan, dèuran : 1^o coumpta sis obro à l'Escolo au pres que ié revendran pèr eisemplàri ;

2º adreissa sa demando au cabiscòu, en n'i'en mandant un eisemplàri, avans lou mes de mai (*des cado annado*), pèr afin que lou Burèu posque arresta sa culido. »

Tres libre pourran, aquest an, èstre semoundu is escoulan de Jansemín : *lou Rigo-Rago agenés*, dóu cabiscòu Carle Ratier ; *Ouros d'amour*, dóu valènt ami A. Sourreil, e *lou Manuel de linguistique*, dóu gènt tresourié de l'Escolo, lou brave Em. Boudon.

Nous es vejaire que sarié en-de-bon que lis Escolo felibrenco pren-guesson eisemple sus d'aquéu mejan de proupagando qu'es lou meiour, cresèn, tant pèr encita lis escrivan, que pèr nousa lou liame freirenau qu'entre éli li dèu liga.

LOU SOUNET EN PROUVÈNÇO

M. Aufrèd de Martonne vèn de publica à-z-Ais, encò de Makaire, un saberu travai sus *Le Sonnet dans le Midi de la France*.

Mencioouno lou sounet de Guihèm dis Amalries que, segound Nostradamus, sarié lou proumié de lengo roumano. N'en douno, pièi, dous de Dante de Majano, que reverton lou siècle tregen, un d'un autre Italian, Lanfranchi, un d'En Jacme Mote, d'Arle, un autre de Blacasset e un vuechen de Bertran de Lamanoun.

Sarié tout ço que la lengo d'O aurié proudu en sounet à l'epoco di Troubadour, e M. de Martonne apound :

« Le sonnet est une poésie savante, genre auquel le Méridional, très impétueux par le sang, est généralement réfractaire. »

I siècle segen e dès-e-seten, pamens, li sounet fugueron mens rare, emé Bellaud de la Bellaudiero, Goudouli, Porchères e autre.

« Dans les temps les plus modernes — dit J. B. Gaut — éclipse totale du sonnet au ciel poétique de la Provence. Ni Brueys, ni Gros, ni Germain, ni Pélabon, ni Bellot, Benedit ou Gélu (escourissen la citacioun), ne rimèrent de sonnets dans la langue provençale, dont ils connaissaient si bien les rythmes variés.

« La renaissance du sonnet provençal est contemporaine. »

E lou regreta felibre cito pièi li proumié recuei que dounèron de sounet : la *Bouiaïaisso*, de Desanat, li *Margarideto*, de Roumaniho, li libre de Crousillat, Roumié Marcelin, Rouiniéoux, Wyse

e Azaïs, pèr n'en veni à l'*Almanach du sonnet*, e, subre-tout, à l'*Armana prouvençau*.

Dintre li sounetisto d'aro, M. de Martonne fai mencioune de F. Vidal, Gaut, de Berluc e Sestius Michel, e douno tres sounet dóu président di Felibre parisen : *Avignoun dins l'age mejan*, *En visto de Maiano e Marsiho*, tóuti tres emé la traducioune en vers francés, pèr Lucian Due, e pres dins la revisto *la Province* de mai 1892.

M. de Martonne a fa provo d'imparcialita e fai ounour au Felibrige de la reneissènça dóu sounet, coume dóu rësto de la literaturo miejournalo. Ounte se vèi, pamens, qu'es pas bén au courrènt di causo felibrenco, es quooura plaço MM. de Berluc e Michel, dous majourau, en foro dóu Felibrige : « Un peu en dehors de ces Sociétés qui eurent pour but d'affirmer l'idée provençale, de relever le vieil idiome et d'unifier nouvellement ses divers dialectes, il faut citer, pour clore par des noms, deux personnalités en ce genre qui le représentent fort bien. »

Acò nous empachara pas — tout lou countràri ! — de traire nòsti coumplimen à l'escrivian saberu, ancian escoulan de l'Escolo di Charto, que s'es ócupa de nostro literaturo, e qu'es éu-même un bon pouèto francés.

Veici la councilioun de sa broucaduro, qu'es tirado de sou grand óubrage : *Histoire du sonnet en Europe*.

« On peut donc dire, en concluant, que le sonnet provençal fleurit aujourd'hui à l'égal du sonnet français et qu'il a atteint son apogée. Ce poème en miniature se fait apprécier au-dessus des autres par les vrais artistes.

« Les Méridionaux s'y sont pris un peu tard pour pratiquer le sonnet. Je crains qu'il ne devienne jamais bien populaire et qu'il ne demeure toujours une curiosité, une joaillerie. »

Es de tout-sejur que lou sounet, coume tóuti li pouëslo à règlo fisso, copo lis alo de l'ispiracioun e que, pèr sa formo memo, pòu èstre qu'uno fantasié, uno obro d'art, tant en francés qu'en prouvençau.

Mai, coume tout lou mounde a pas d'alen pèr faire un long pouèmo, i'aura toujour mai d'amatour pèr lou sounet que pèr li pèço de nauto envovlado. M. de Martonne pòu se rassegura sus

squéu poun, e n'aurié la provo se tercejavo lis obro de nòsti Jo Flourau.

E, sus d'acò, ié mande moun souveni courau.

LUCIAN DUC.

A PAREIGU :

En Alès, dins *lou Cascavèl d'abrieu*, *Lou mariage*, sceno coumico de *la Sinsò*; *Davans, darriés*; *lou Rèi e lou Gibous*, conte dóu felibre de la Mióugrano; *Lou counsel*, conte poupoplari, signa Lou Bourgal; *La pauro véuso*, galejado tirado de « l'Armana prouvençau »; *la seguido de Volo-Biòu*, d'A. Arnavielle.

A Cano, dins *la Cisampo*, nº 4, *Atualita istourico*, pèr Maurise Raimbault; *lou Dissato-sant à Grasso*, de F. Garbier; *Lou premié d'abrieu*, de M. Bertrand; *Coumplancho dóu sergot*, de Frànçes Garbier. — Lou numerò de mai nous es pas arriba.

A Barcilonoun, dins *la Veu de Catalunya*: *Lo llir de l'ave Maria*, (l'ièli de l'ave Maria), raconte revira dóu prouvençau de Marius André, pèr Franar.

A Beziés, dins *la Revue du Midi*, nº 5: *Lou cat dins lou bufet*, conte galejarèu dóu felibre Antounin Maffre; *lou Sermoun de M. Sistre*, tira dis obro de l'abat Fabre, prieu de Celo-Novo.

A Brivo, dins *la République* dóu 16 de mai: *la Crounico felibrenco*, raconte de S. Santy sus li festo de l'Escolo moundino.

A Fouis, dins *l'Avenir* dóu 17 de mai, lou raconte dis empressioun qu'an boulega l'amo dóu brave *Viator*, qu'èro ana prene sa part di mèmi festo, e ounte escudello poulidamen l'idéo de nostro Reneissènça e la toco di foundedou de l'Escolo moundino.

A Paris, dins *l'Echo de la Corrèze*: *Jano d'Arc e lou Limousin*, estudi de Lemovix; *Al pintre Nadal Boudi*, de J. Roux, etc.

A Mount-Pelié, dins *La cigalo d'or*, 15 d'abrieu e 1 de mai: *La segounada croussado*, nº flamejant e mai que bèn douumenta sus la questioun Gastoun Paris. Aquéu numerò vau soun pes d'or e i'a pa 'n felibre que noun i'grade de lou garda precioussamen.

A Vilo-Novo d'Agen, dins *lou Calel*: *La bello sasou, la Bruno del temps passat*, pèço courounello di Jo Flourau toulousan, qu'a vaugu la *violetto d'or* à-n-Alban Vergne; etc.

A Marsiho, encò de Boy : *Poësies provençales de Robert Ruffi* (XVI^{me} siècle), pèr O. Teissier.

- » Dins l'*Indépendance du Midi*, revisto franco-prouvençalo, n° 1, *T'ame*, de Louis Roumieux ; *la Brandado*, sounet tira de la *Prouvènço agroumandido* de Marius Bourrelly, e *l'Estello*, de Louis Astruc.
 - » Dins lou *San-Janen*, n° 4 : *Letro à la luno*, fablo galejarello de L. P. ; *Lei cariatido de Puget*, signa T. ; *Misè Fabregue*, de B. Artou ; *lei San-Janenco*, de P. Maziero ; *La proumiero Marsibeso*, pèr Dono Lazarino de Manosco, etc.
 - » Dins *La cornemuse* dòu 1 e 15 de mai : *Théodore Aubanel*, de Louis Astruc ; *Pantaiage*, de Valère Bernard ; *Balado*, de Louis Roux-Servine ; *La dernière de M. Maurras*, uno espouscado de M. Enri Ner sus : « La langue d'Oc et la noblesse du Midi, » que M. Carle Maurras vèn de publica dins la *Gazette de France* ; *Responso*, de Lucian Duc, à dous article d'Enri Ner, pareigu dins *La cornemuse* ; *Fourtunat Chailan*, pèr J. Gautier ; *l'Aubagnen*, de F. Chailan, tira dòu *Gangui* ; *A la Prouvènço*, sounet de H. Buriot ; *De qu'a passa ?* pèr Mmo Gautier, e *La loucbo*, de P. Maziere.
 - » Dins *La croix*, n° 16, 17 e 18 : la seguido dis Ouresoun pouplari, culido pèr lou Pai Savié de Fourviero : « En sourtènt de l'oustau, en atuvant lou lume, davans uno crous, à Sant Michèu » ; *leis Bens e lou Bouiou Duval*, dos galejado de Cascavèu.
 - » Dins *Lou petit provençal*, n° dòu 3 de mai : *Le petit tambour d'Arcole*, raconte de sa vido e citacioun di vers de Frederi Mistral sus aquéu prepaus.
- A Paris, dins *Lou Moi cigalier* de mai 1894, lou raconte de la dinado dòu 5 d'abrieu ; *Avignoun*, vers de Félix Gras à Pau Saïn, e quauquui rego sus li *cabotins* de M. Pailleron.
- » Dins lou *Viro-Soulieu* d'abrieu, « Teodor Aubanel e lou Felibridge de Paris, » de Catelan, em'uno letro inedito d'Aubanel ; *Gramaci*, de Roux-Servine, e la viro-souleiado.
 - » Dins la *Libre parole* dòu 1 de mai, de vers prouvençau mandà a M. Drumont pèr A. Maurel, de Marsiho.
- En Arle, dins le *Forum républicain*, 6 e 13 de mai, la seguido di Prouverbi dòu païs arlaten ; *A Jano d'Arc*, de mèste Eisseto.
- A Barcilonoun (Espagno), dins lou numerò estraordinàri de la *Veu de*

Catalunya, publica en glòri di Jo Flourau de la lengo catalano : *Recort dels Jocs Florals de 1868* (remembranço di Jo Flourau de 1868), d'En Frederi Mistral ; *los Jocs Florals*, letro dóu Capoulié Fèlis Gras à-n-un ami de la Catalouguo, sus la festo di Jo Flourau de l'autre an.

A Palermo (Itàli) dins la *Nuova Sicilia*, 1 de mai : *Tra libri e giornali*, ounte Em. Portal passo en revisto tóuti nòsti publicacioun.

A Beziés, dins la *Revue du Midi*, nº 4 : « La nouveau Luceto de M. de Pourceaugnac, » d'Antounin Maffre ; *l'Ase e lou co*, fablo de M. Barthès.

A-z-Ais, dins la *Provence nouvelle*, nº 511, emé li prouverbi prouvençau, de vers en nosto lengo dedica à M. Germanet, pèr L. Crest ; *Théodore Aubanel*, de G. C., article vibrant sus lou libre que vèn de publica l'ami de cor dóu grand pouèto prouvençau.

En Avignoun, dins *l'Ajoli*, nº 120 e 121 : *La campano de St-Marc*, pèr Antòni Chansroux ; *Ferrado i santo*, pèr Ourrias ; *Au castèu dis Issart*, de P. Juvert ; *l'Ome tremuda en ase*, tira de l'Armana prouvençau ; *Abriyado*, pèr F. de Baroncèlli-Javon ; Discours dóu capoulié En Fèlis Gras, proununcia lou 6 de mai, à Toulouso, dins l'ate di festo moundino ; *Interrogat de Gastoun Paris* ounte, pèr letro à Frederi Mistral, M. Paris dementis en plen ço que ié fai dire l'interrougaire de *l'Ecbo de Paris*, sus lou prepaus de la « Société des parlers de France », la boulegadisso e lou nouvelun, etc., etc.

A Bourdèus, dins la *Revue catholique de Bordeaux*, nº 7 : *les Salueurs de Reillane*, conte prouvençau de L. de Berluc-Perussis, emai un sounet superbe, dóu meme. Auelo revisto dèu publica uno noutiço sus Roumanille dins un de si nº venent : auelo noutiço sara signado A. Ferrand.

A Carcassouno, dins la *Revue méridionale* d'abrieu : *la Félibrée de Pennautier*, pèr Rozario ; *la Legèndo de Pennautier*, de Gas-toun Jourdanne, un brinde de Pau Gourdou, etc.

» Dins le *Courrier de l'Aude* dóu 3 de mai : lou *Counsistori felibren*, emé la tiero de si membre e li titre de cadun.

A Toulouso, dins *Le Gril*, nº 11 : *Bibo Toulous!* (Les del Gril) ; *le Lilbac*, de Jan Pitchou ; *Uno supousiciou*, de Pamelo ; la Crounico, etc.

Lou Gerent : Jan Monné.

CROUNICO

LI FÈSTO DE L'ESCOLO MOUNDINO (Seguido)

DISCOURS DÓU CAPOULIÈ FÈLIS GRAS

Quand vèn la gaio sesoun ounte Diéu tout en aio, pèr faire es-peli la cigalo, pèr rescausa dos o tres bouscarleto nuso dins lou-nis, chanjo de man lou soulèu e fai lou printèms, li Felibre s'acamp-on pèr canta lis Alleluia de sa Reneissènço.

Aqueste an es en vi洛 capitalo, es en ciéuta santo de Toulouso, es dins nosto Jerusalèn que sian vengu, lou front ilumina de joio, la man flourido d'un rampau d'òulivié, lou cor plen d'audaci e d'amour, pèr faire nosto dicho davans li pople dóu Micjour.

Vàutri, qu'avès ausi la voues pouderonzo dóu felibre de la Mountagno Negro, aquéu qu'a canta la cansoun dóu *Grand Lau-raire*, aquéu qu'a fa resclanti sus vòsti terro roujo *Les cants del Soulelh*, vàutri lis esecoulan de la Moundino, loubatoun que noun avès teta lou la de la fedo ; vàutri li sabènt e li letru de la glou-riouso Acadèmi de Toulouso, que mantenès fres coume la flour de vòstí joio, lou souveni di Clemènço, vàutri que couneissès la giganto epoupèo de Guihèn de Tudèlo, que gardas piousamen la memdri de l'ilustre siéu de Toulouso, Pèire Goudouli, vàutri que trefoulissès à la voues de Mirèio e que vous abéuras à-n-aquéu

flume de sapiènci, lou Tresor dóu Felibrige, vautri tóuti, n'en siéu assegura, ajudarés leialamen au triounfle de la Causo felibrenco.

Mai li fraire desavia, que sabon plus lou noum de si rière, que counèisson plus li raro dóu terradou, ni même li porto de sis ous-tau, qu'ausigon la paraulo de la verita: car elo derrabara de sis iue lou bendèu de l'oublit qu'a sièis siècle d'espessour !

Quand lou Lengaddò, quand la Prouvènço, quand tóuti li terro dóu Miejour, de sa voulounta e pèr resoun e pèr patrioutisme se reliqueron à la Franço, la grando sorre, pèr faire em' elo, davans lou mounde barbare, la Nacioun franceso, noun es emé de cadeno d'esclau que ligueron lou pache, nàni ! es en se pausant sus lou front lou poutoun de la fraternita, que li prouvinço se dounèrou la man, e chascuno restè libro de garda soun biais de rire e de canta e peréu de chausi la façoun e la coulour de sa raubo.

Mai, dins lou courrènt dis age, i'a lis ouro de clarta e lis ouro d'escuresino. E venguè lou tems sourne ounte lou Despoutisme, aquelo marrido erbo que lis envasioun di barbare an semenado sus lou sòu latin, vouguè tout estoufa pèr miéus tout doumina, emé l'ajudo di courtisan, dis ambicious e di simple, pecaire ! Aquéu despoutisme, qu'es de raço germanico e noun de raço latino, gouvernè lou pople coume un pastre soun avé, e nous marqué tóuti emé lou ferre rouge de la centralisacioun !

D'aqueù jour s'ausiguè plus lou vounvoun dóu tambourin de Prouvènço, se teisè l'aboi de Lengaddò, se desgounflè la carlamuso d'Aquitàni. Li pople, troumpa, avugla, s'eron leissa faire : i'avien di que pèr la glòri de la Patrio, pèr la grandour de la Nacioun, falié sacrificia sis usage, óublida soun istòri, desaprendre sa lengo ! Coume se lis usage dóu terradou èron pas soun dre, coume se l'istòri d'uno nacioun n'èro pas soun ensignamen e soun ounour, coume se la lengo d'un pople èro pas l'espaso de sa liberta !

E 'm' acè, lou païsan de la terro, lou mesteirau dóu vilage, l'ouvré de la viro, pau à cha pau a perdu soun ouriginalita, soun courage s'es esvali, sis idéo se soun treboulado, e tout ço qu'èro siéu, tout ço qu'èro éu ié fai ounto ! Nosto jouvènço, aro, a vergougno de farandoula sus lis iero o sus lou prat, e de béure la blanqueto de Limous : atrovo miés à la modo de Paris d'ana s'abesti au *beuglant* e de ié béure l'aigo-ardènt di bledo-rabo d'Ale-

magno ; e nòsti chato, nòsti vendemiarello alegourado, nòstis ôlivairis belugueto nous canton plus la cansoun di *Mountagno que tant auto soun*, nàni ! Aro esfraion l'aucelih de nòsti champ emé « *La pau... la pauvre fille !* » Es ansin que li raço mie-journalo óublidon sa fierta e soun clar lengage d'O. Aquéli raço qu'antan dounavon lou vanc e lou toun pèr li letro, pèr lis art e pèr la nauto poulitico en tòuti li pople civilisa, éli que pourgis-sien l'ente de la bono sabo en tòuti li branco de l'aubre di nacioun, vuei sèmblon de broundo mourtinello, desmesoulado ; éli qu'èron la voues de l'amo, noun soun plus que l'ecò, voues de la pèiro, avuglo, incounsciènto, blasfemarello ! Pèr nosto vergougno l'avèn ausido, aquelo voues, rauco coume lou japa d'un chin fòu, ourlant aqueste crid que nous a jala li mesoulo : *Sans Patrie ! sans Patrie !*

Es pas dins nosto lengo d'O que s'es boumi aquéu blasfème. Es pas nimai dins nosto lengo d'Oui : li dos sorre soun franceso e naciounalo. Nàni, *sans Patrie*, acò's un langage bastard que li fiéu de Prouvènço e de Lengaddò coumprenon pas !

Sans patrie ! Vaqui l'obro, vaqui lou crime de la Centralisa-cion ! Es elo, la fibasso dòu Despoutisme, qu'a leva lou coutèu sus la pichoto Patrio, que pamens se sèrravo contro sa grando sorre, e tant founs l'a emplanta que la grando Patrio vuei n'en sènt la pouncho que i'intro dins lou cor.

O bello Estello di sèt rai ! briho amoundaut dins noste fierma-men ; esclairo lis ome, fai-ié vèire que nàutri li Felibre la voulèn glouriouso, la Patrio ! E sara nàutri que ié tiraren lou coutèu de la plago.

E l'amaren e l'apararen e la cantaren dins nosto fortò lengo d'O !

Car, coume lou fraire mort, mai toujour présent e toujour dre, voulèn :

*Que toutjoun dins la mar latino
L'albras enfouise sa racino
Jusqu'as terradous de l'Ourient magic,
En servant la siéu sabo blouso
Que la sa ramo miraclouso,
Toutjoun verdo e toutjoun gaujouso,
Coumo as temses del mounde antic.*

Es pas poussible de dire coume es grand l'entousiasme qu'aculis la dicho dòu Capoulie.

Alor, Louis Vergne porto un brinde de gramaci au chèfe dòu gouver, au Ministre de l'Estrucioun publico, au prefèt, au Maire, au président dòu Counsèu generau, au reitour d'acadèmi, à la presso. Sa paraulo enaurantoun noun óublido res d'aquéli qu'an countribuï à la resplendour di festo moundino.

Es lou Prefèt que remercio lou cabiscòu Vergne de si bèllis enaúranço, e, felicitant noste bèu Capoulié de soun lengage mai que flame, apound :

Loin d'être fatale à l'unité nationale, la renaissance des idiomes locaux ne peut que la rendre plus forte. Ces idiomes, en effet, ont formé la langue française, et c'est en les propageant, en les répandant, en aidant à les connaître et en les faisant aimer, qu'on agrandira le domaine national.

Propagez-les donc, Messieurs les Félibres, empêchez la tradition populaire de mourir. En fortifiant le patriotisme local, vous aurez travaillé à rendre plus vivant et plus robuste le patriotisme national...

M. lou Prelèt, aubourant li picamen de man de touto l'acampado, bèu i Felibre, au Capoulié, emai au cabiscòu de l'Escolo moundino.

Lou maire de Toulouso, après s'estre escusa de noun parla en lengo *moundino*, à coustat de *nostre honorat Capoulié Fèlis Gras*, mostro, dins sa dicho, tant d'amour pèr nosto lengo, que noun poudèn resisti au desir de n'en semoundre un tros à nòsti legère :

Quelle que soit l'expression de notre pensée, ce n'est pas nous, sachez-le, qui sommes les ennemis de cette bonne langue de nos aïeux, si expressive, si colorée, si fraîche, si joviale, si riche, en un mot plus riche, — des linguistiques l'assurent et j'ai cette faiblesse bien excusable de les croire sur parole — plus riche, peut-être, que le français, qui est le débiteur de toute l'Europe.

Non, ce n'est pas le patois qui compromettra la belle harmonie de la langue française, c'est l'invasion croissante des termes étrangers qui multiplie les néologismes obscurs, fait surgir les imprécisions et complique l'orthographe, déroute la prononciation, qui mutilé, déflore et abâtardit. Patois et français, au contraire, sont de la même famille, et l'on ne s'explique pas pourquoi celui-ci repousse, comme on repousserait une proiniscuité humiliante, l'a-

mitié, l'alliance, les services de sa sœur ainée, la langue *moundino*.

Nous ne savons pas bien ce qui lui manque, à notre vieux langage, pour avoir droit de cité dans les académies. On y dit vaguement qu'il est défiguré. Si on le cultivait comme vous proposez de le faire, Messieurs, comme vous le faites, on aurait bientôt raison de ce vilain préjugé, on s'apercevrait, chose étrange vraiment, que ce parler qui n'a rien d'académique, puisqu'on le veut ainsi, serait — comme une infusion de sang nouveau — très profitable à plus d'une vieille académie.

Elles y trouveraient des expressions dont les patois seuls ont le secret, des expressions pleines de douceur et d'un charme pénétrant pour l'art et pour le sentiment; des mots enjoués pour les pensées frivoles comme l'argot le plus joyeux n'en invente pas; des mots d'une vibrante énergie pour l'action; des mots d'une ampleur surprenante pour le vol de la pensée. Voulez-vous voir, sentir, admirer toutes ces choses, feuilletez seulement les chants de nos troubadours, lisez nos vieux conteurs, écoutez parler le peuple et dites-moi si ce n'est pas là l'expression de toute cette vie pleine et belle, comme savent la répandre nos soleils du Midi.

Vous avez eu une heurcuse pensée, Félibres toulousains, de placer votre œuvre nouvelle à l'ombre d'une illustre mémoire. Ce n'est pas le Capitole, hospitalier au peuple, qui ferma ses portes à Goudelin, le populaire poète. Alors qu'on mettait ailleurs une circonspection grande à couronner ses chants, la foule les consacrait, et l'érudition, aujourd'hui, a donné raison à la foule.

Je salue donc en vous, Félibres, qui avez su recueillir dans l'héritage du passé ce qu'il en faut garder pour l'avenir, en vous, véritables mainteneurs de la gaie science, je salue les arrière-petits-neveux de notre aimable poète, les descendants des troubadours, les dignes fils de la patrie toulousaine qui ne veulent point et ne savent point dégénérer, et je souhaite longue vie et prospérité, comme on disait jadis, à l'œuvre que vous avez entreprise et que votre activité a déjà, en quelques heures, si solidement constituée.

Es en-de-bon d'ausi parla de Capitoul d'aquelo sorto ; tambèn, tóuti li taulejaire an fa fêsto à soun lengage magnifique que tóuti li Felibre aplaudiran.

Sus d'acò, l'*Escolo filarmounico* entouno la cantato : *la Lengo moundino*, de M. Deffès, emai canto peréu *Bagnèros toulouènos*, e pièi, la felibresso Filadelfò dis uno de si pouësio musicarello.

Lou Capoulié entouno la *Cansoun de la coupe*, qu'es de tòuti nòsti festo. Après la cansoun se tourno brinda : jouine e vièi, tòuti dison la siéuno, e tirarié trop de long la litanjo se voulian escudela tout çò que s'es di ; n'en citaren que quauquis-un.

Es lou cabiscòu dis Auden, Pau Gourdou, que durbira la tierro ; escoutas-lou :

MESSIÉS, DAMOS E DOUMAIZELLOS,

Tout-aro, en plen Toulouso reconquistat, e dabant un pople que sent le foc de Dius e dal pais, abèn celebrat ambé estrambord la poulido fèsto de la violeto.

Troubarets dounce pla juste qu'al noum das Audencs, eici, turte le got en l'ounou d'aqueleo flour moundino, galant simbèu d'uno obro luminouso ; elo tant siavo e tant moudèsto, coumo nostro lengo siavo e fresco que cade printèms ben nous adurre soun perfum mai pur e mai óudurous, e que biéu coumo elo dins les camps ounte s'avigouris e s'enracino dins l'aire sanitous.

Se s'escound, ba sabets, es per se faire mai desira e perque les fringaires de sa beutat e de sa gràcio, les amourouses de sa puresso, la troboun aqui resplendonto e dibino escoutant e bebent coume un baume la cansou das roussignols.

Ansin, coumo la biuleto, nostre parla s'èro escoundut. Mès tre l'aubo d'un jour superbe, per las dralhados dal campestre, sous amourouses l'an cercat e l'an destouscat. E, bei, se la violeto triounflo, es nostre parla, vièi, galoi e redoulevant que gagno la joio.

S'èro escoundut
Mai noum es mort.

Au noum de l'*Escolo limousino*, lou souto-cabiscòu, Sernin Santy, dis :

FRAIRES MOUNDIS,

Ieu vous porte lou couralou salut de l'*Escola limousina*, bessouna sor de la vostra ; si junia enquerra qu'a besoung d'esser trenoula per la charameta de la Courreza e l'essiaure essiaurasan de lai dinz lous chastauhs, per far lenguela a l'un de sos

peiris, trevaire courant de las Aupas als Pirenadas, de las rivas dal Fresquel al manhe Roze, dal Delfinat, ounet nasquet austres tems la poulida Coumtessa de Dia, del Alvernha al Lemouzi.

Que l'Escola moundina sacha soun creis, tal ei lou souhat de sa vesina, arden souhat que ela mandavo à vous, Vernha e Bacquier, premiers reviscouladours de la renaissensa isaurencia, per la lucha d'ahier.

Adoune ei a'd aquel Renouvel que ma coupa se leva ; se leva tabe à la meirala ciutat qui, couneiguda, ne s'oublida jamai.

A vint ans, ela me fuguet l'enchantarela, can, escoulan, ieu trevava Cujas e Barthole, tout en chantan la Toulouzena de Mengaud e las chansous de moun gran mairal souventas cops flouri per Dona Clemensa.

Qual tems es loung ! E vostras gentas drollas austres cops rencontradas en Blanhac, en Marengo e dinz lous Fenestras, fount a mos els una gerba bauda de fadas mantanen moun cor arderous per una vila oun vole revenir, pus tard, al moumen, noun pas ounet las sonhas s'arruchan ; siretz toujourn aqui pel lous far renaisser, fennas sabouroudas, sabourous troubaires, mas ounet l'enben esbouillat se posa e se souvenc.

Alor, malgratz lou linhol de l'adge, eridarai eoum' anueg : Viva Toulousa, Isaura e Goudouli ! Viva Prouvensa, Lengadoc, Lemouzi !

Un autre limousin, Lemovix (L. de Nussac), parlo au noum dóu *Bournat*, (iou Brusc) de Paris :

MOUSSU LOU CAPOULIER,
GÈNTA DONA, REINA DEL REITNAGE D'AMOUR,
GAIS COUNFRAIRES,

Vene del Lemouzi ; represente couma co l'Escola leimouzina e sui mandat especialamen per soun Bournat Courrczian de Paris.

Aquestes doux coumpanhous, nascutz de la pensada felibrencia, boton dinz lou Felibridge lour adjuven e lour jeuna esperansa pel mesma Causa senta.

Amb el, countam be persegre lour aspre mas sabourous travalh de reviudadours e frairalamen aver de Toulonza couma d'eici de lai un renouvelun de couratge.

Genz d'Oc ! sem tous fraires frairejans d'empueis la Leira trusqu'a la mar ; escoutatz un pauc lou lemouzi chantaire, nostre mestre En Josep Rous ; disset qu'austre cop,

Tout lou pais que la mar avezina
Se pretendia Patria lemouxina,
Quitamen huei, Malhorquins, Catalas
Son Lemouzis... couma deuriam aillas !

Adounc lous Born, lous Faidit, lous Bechada,
Lous Ventadour, eberida nichada
Se respondian de sai e de lai mar...
Qu'un tal passat rel lou presen amar !

Aoo duret un, doux secles d'historia
Pueis tout d'un cop pus d'amour, pus de gloria,
Desacatet, l'aubre, toutes las reis,
Qu'avia cielat dels Papas e dels Reis !

Ai Lemousi, franca terra oortesa,
Revelha te !

Auve la voutz de Toloza !

Flouris e frucha anueg couma jamais !

« Anueg en Lemouzi l'Englantina encourragis. » Dinz una quinzenada aurem nostres Jocs de l'Englantina, lous premiers jocs flourals, raviscolatz pel Bournat Courrezian. Pourtarai vostre salut, vostre mandadis.

Moussu lou Capoulier, genta dona N'Esclarmounda, Escola moundina, sui vengu de ben lounç per beure a vostra santat.

Vous demande, vous prege soulamen per lou cop de brindar a nostre mestre En Josep Rous, lou mage lemouzi chantaire.

Clavaren la tierro di brinde pèr aquéu de l'arderous secretari meundi, Bacquié-Fonade :

Madamos, Moussus,

Al noum de nostre prou jouvo Escolo Moundino, vous souvèti la pla bengudo dins nostre bièlho ciutat ramoundino.

Es de tout cor que vous dounam nostre milhouno baisado e nostre amistadouso reconueissenço per l'aimable vesito que nous fâsès avuei.

Aven subre-tout à remercia nostre valent counfraire Ratier, capiscol de l'Escolo de Jansemin, qu'es vengut acoumanhat de calques felibres, nous apourta l'amistat de nostro soureto d'Agen.

Brindan naut e fort à nostre brave amic Santy, jouts-capiscol de l'Escolo Lemouzino, el tabes un des premiès nous a souvètat loun-go vido, grando prousperitat, grand merces à Santy e as braves felibres del Lemouzi, venguts à nostre appel festeja aiciu la gloriù del parla mairal.

Mercos à la Rucho Parisieno, que nous a mandat per la represen-tat à nostros festos, M. de Nussac, nostre arderous counfraire.

Avem gardat per la fi, les valents de l'Escolo Audenco, am' élis em de vielhos councissenços ; l'an darnié fasquebem ensemble Santo-Estello, dins la ciutat de Carcassouno ; aqui se diguet e se fasquet de grandos causos per la gloriò e la rebiscoulado del Mied-joun. Merces as Audences que soun aiciu ; merces à soun capiscol, neste amic Gourdou e al venerable Peyrusse, jouts-capiscol.

Enfin nostros couralos astrugansos à l'amic Jourdanne, le nou-vel majoural del darnié Counsistòri.

Amics, tótutis brinden à l'aveni de la grando e noblo causo feli-brenco ; trinquen à l'amistat e à l'uniu de las Escolos de l'Occitanio e que toujoun frairejon ensemble les felibres del Lenguedoc !

Em' acò, lou tèms quichant, noun i'agué poussibleta pèr tóuti aquéli que voulien parla, de lou faire, e forço n'i'agué que fourçadamen e tristamen embarreron sa dicho e entourneron soun brinde o sa can-soun. Entre tóuti aquéli, n'en culiren qu'un, qu'es lou salut de Be-zies à Toulouso, e que i'ero pourta pèr lou tant devot e tant afouga mantenèire, Antounin Maffre :

Huei -- tal un jouine amant que va, l'amo afougado,
Mès un pauc esmougit, al prumiè rendès-vous
D'uno amigo per qual n'aura que de poutous,
Tant l'aimo e tant l'amour i la mostro abelado, —

Iéu soi vengut, roumplit d'uno llamo sacrado
O superbe Cieutat ! coume aquèl amourous,
Pèr te dire coussi, desenant, arderous
Moun cor vol remira ta bèutat renoumado ;

Car, t'ajen vist, talèu me soi afoulatrit
Pèr tus, païs aimat joust un cièl benezit,
Ount las pus doussos flours pèr te saupre usanouso,

S'espoumpissou al soulet resplendent de flambour,
 Aurioulant toun frount de rèino del Miejour
 D'art e de pouësio, o pourido Toulouso !

E lou banquet se claus superbamen pèr lou cant dòu *Lauraire*, de Fourès, entouna pèr lou limousin Bonnelye e accumpagna de tòuti li Felibre e dis ourfeoun qu'èron vengu traire sa noto gaio dins la felibrezado.

La réussido d'aquéli fèsto sobre-bello revèn — lou redisen — à Louis Vergne emai à Fonade. Ié mandan, au noum de tòuti, nòsti salut courau.

E, coume li cinq cènt voues que cantavon, lou dissate, davans lou buste de Goudouli : Toulouso ! Toulouso ! emé lou pople entousiasma, delirant, que, dre, esmóugu, trespourta, mesclant sa voues à-n aquelo di cantaire, cridavo : Toulouso ! Toulouso !

Coume lou maëstro Deffes, que plouravo dins soun triounfle, nautre peréu plouran e cridan : Toulouso ! Toulouso ! qu'es acò lou crid simboli de nòsti revendicacioun.

Zóu ! tòuti,

Cantèn : Bibo Toulouso !
 Car le moudi
 A reberdi.
 Cantèn : bibo Toulouso
 E bibo Goudouli !

J. MONNÈ.





LI NOVO FELIBRENCO

PROUVÈNÇO

LA FELIBREJADO MARENCO DÓU 20 DE MAI

Lou 20 de mai, à l'aubergarié de l'*Hôtel de Marseille*, li Felibre de la Mar se soun acampa pèr teni soun rejauchoun de printèms. A l'entour dóu cabiscòu Paulin Guisol, an pres plaço li majourau Louis Roumieu e Jan Monné, emai lou gènt Aguste Gautier, secretàri, e li feli-bresso, sereno, felibre e ajudaire de l'Escolo.

Lou menut, signa Cattorini, èro eicelènt, e nous èro en toliti en-debon de fraireja emé lis ami, quand, à la desservo, lou cabiscòu Paulin Guisol s'aubouro e parlo coume eiçò :

GÈNTI MIDAMO E COUNFRAIRE,

En quitant mi founciou, siéu vertadieramen lou cabiscòu lou mai urous. Parieramen à Carle-Quint, ai lou bonur esquist e mai que rare de vèire mis óussèqui. M'avès cubert de flour e d'ou-nour, iéu, umble patroun de la barco marenco, que vòstli voto me venguèron querre i'a dous an, tout-bèu-just.

Se rèn de bèn marcant, ni d'acioun remarcable, n'an resplendi dins lou tèms qu'ai passa dins mi founciou, acò noun es ma fauto, es la vostro, amor qu'avias chausi un marin d'aigo douço pèr mestreja vosto barco. Mai, pamens noun i'empacho que bonadi vosto ajudo valènto e vosto esperiènci, o mi bràvis ami, qu'à vautri n'en revèn tout lou merite, lou bastimen, mau-grat lis estèu e li tempèsto, dins lou port s'es enintra sènso auvàri, pourtant sus lou poumet de l'aubre-mèstre, lou rampau d'óulivié foucian, simbèu de pas e d'alegranco, e tout carga di redoulèntis arange dóu Feli-

brige, sèmpre douço e esbriaudanto de lumiero e d'or ! Se la fise, iuei, en d'autri man, es que siéu assegura que perira pas e que lou timoun de la barco marenco noun toumbara en douliho !

Bève à la prousperita de l'Escolo de la Mar !

Lou majoúrau En Jan Monné mando li regrêt de tóuti, à-n-Anfos Michel, ancian cabiscòu, qu'es mort dins lou courrènt de l'annado, e trais lou salut e la remembranço di Maren au majourau En Anfos Tavan, que darrieramen a quita Marsiho pèr Gadagno.

Lou majourau En Louis Roumieux bêu à l'amista ; pièi, lou secrétari Aguste Gautier legis li letro di majourau Huot e Bourrelly, que s'escuson poulidamen de noun èstre vengu. e i'apound lou *Brinde d'adiéu* que seguis :

FELIBRESSO, FELIBRE, CAMBARADO,

Lou Burèu qu'avias elegi, fa tres an, pèr timouneja nosto barco, vèn d'acaba sa jouncho, es juste qu'uno paraulo d'adiéu ié fugue peréu adreissado, pèr aquéu qu'a fa tout ço qu'a pouscu, tant sus soun banc-de-quart, qu'à soun posto de viglo, pèr eivita lis estèu qu'avèn rescountra dins nosto longo travessado.

An fa de soun miés, nòsti valent Patroun, e, se soun pas toujour ana à siéu d'aigo, basto ! an sauva l'equipage, la barco e lis arange. La toco perseguido pèr éli, veici coume la signalave, i'a quàuqui jour soulamen, à neste Mèstre sobre-tóuti li mestre, à neste grand pouèto Mistral. Escoutas, se vous agrado d'ausi ço qu'a fa lou Burèu sourtènt :

... « Quèi que n'en siegue, nautre Maren, timounejant nosto barco simboulico, avèn acousta en Irlando, ounte paire e maire, tanto e neboudo, (e pèr *tanto* Mistral, coumprenié hèn que ié voulié parla de nosto afougado sereno, dono Cyril White, que m'es permés de saluda encuei à neste taulo, tourna vengudo en terro de Prouvènço, s'enebria de soulèu coume uno cigalo, e béure à plen rai, coume un limbert, li regisicle luminous de nosto pouësio) ; en Irlando, disiéu, ounte paire e maire, tanto e neboudo, s'apassiounon pèr l'estudi de nosto lengo. E soun pas li proumié vengu aquéli qu'ensfio un amour parié : lou saberu Reverènd Raymond, pastour anglican, e sa chato, la pouëtesso à la paraulo de mèu, coume soun noum de Mildred lou dis, an senti boulega dins si veno tout lou vièi sang prouvençau que ié reboulis. An

amira nosto Reneissènço miejournalo coume forço d'autre, e, dins soun estrambord, an canta e se soun escrida :

« Sian di vostre ! Bèn que l'injustici d'un grand rèi nous ague cisila, e fa óublida vosto lengo, qu'éro peréu la de nòstis àvi, sian resta Prouvençau de cor, e dins aquéu bresihamen encantarèu que nous es vengu de la terro dóu soulèu, o chale, o bonur ! coume aquéu souspir dóu vènt que passavo sus lis arpo eouliano, e de quau lou son eterean counsoulavo la noustalglo di pàuri fouceian esmarra, avèn ausi passa, nàutri per'ù, coume un soufle armou-nious sus nosto liro d'or destimblado, e tout nostre èsse a ferni d'un vibramen qu'a fa tremoula li fibre de nòsti cor ! »

Avèn davala lou Rhin, nàutri Maren, e avèn abourda à Bonn, ounte l'avèn fa teni dins nosto coupo santo, e avèn atrouba aqui lou Prince di Filoulogue, l'egrègi proufessour Biècheler e sa chatouno Dora, nosto sereno, qu'an embrassa emé fid, em' ardour, la grando, la subre-bello, la sublimo Causo prouvençalo, e n'es lou *Tresor-dóu Felibrige* que fai li delice dóu paire, coume n'es la pouëslo prouvençalo que fai lou chale de la siho.

Ounte pilotaren encaro nosto barco, à la quisto d'ajudaire e de sereno, noun sai, belèu fin qu'au pole s'es necite, — estènt que l'estello di sèt rai que nous meno, nous coundurra en port-segur, ounte, nouvèus aposto, espandiren encaro de tout caire la bono nouvello.

Dèvè encaro vous dire que, dins aquelo escourregudo, avèn touca à Loundro, e que, aqui coume pertout, avèn atrouba un cor de sereno que s'es amourousi peréu de nosto Reneissènço prouvençalo : vène de nouma Mllo Stevens, qu'a bèn vougu veni s'assetta, vuei, à nosto taulo, e que siéu urous de saluda au noum de vautri tòuti. Poudrés juja de nòsti Felibre, Madamisello, e quouro tournarés sus li bord de la Tamiso, remembras-vous d'aqueu mouvemen espe-taclos qu'a pres neissènço sus li bord dóu Rose, e disès, en quau vòudra l'entèndre, quante es lou fid que crèmo souto nostre pitre, e que fai de naute d'arderous e d'afouga defensour d'uno idèio e d'uno causo, que lou mounde literari e saberu amiro, estouna, en plen siècle dès-e-nóuvén.

Vaqui lou pres-fa dóu Burèu que s'envai. Rèsto encaro forço à faire, es verai, pèr l'espandimen de nosto idèio, e lou nouvèu Bu-

rèu que vendès d'elegi, pòu faire e sara miés encaro, n'en douné l'asseguranço.

Ai fisanço dins l'estello de noste nouvèu cabiscòu, e crèse qu'en mèstre timounié menara la barco, ounte es mestié de la coundurè.

Ai fisanço en nòsti nouvèu souto-cabiscòu que faran soun devé coume se dèu, pèr l'ounour de l'Escolo e dòu Felibrige.

Ai fisanço en tòuti lis àutri membre, qu'ajudaran à manteni bèn aut la fièro bandiero de Santo Estello.

Adounc, permetés-me de leva moun vèire, en remembrango di service rendu, au Burèu que vèn de remettre si poudé, e, dins l'esperanço de vèire d'aro-en-la, l'Escolo endraia lou camin dòu prougrès, brinde peréu à la santa de nòsti nouvèus amenistriaire e à l'aveni di felibresso e di felibre de la Mar.

La sereno mai que gènto, dona Mary Wite, d'Irlando, brindo en lengo prouvençalo, e uno trouadisso de picamen de man saludo si paraulo superbo. La felibresso de la Crau ié respond em' un gàubi tria, e dono Lazarino, la manteneiris manousquino, nous regalo d'un poulit moussèu qu'a coumpausa sus li noço d'or que soun paire e sa maire vènon de celebra. Longo-mai !

Alor, lou cabiscòu Guisol, amor que li coupo soun pleno de champagno, canto la *Cansoun de la coupo*; Jan Monné canto *Lis Estello*, d'Aubanel, e Mllo Tereso Guisol nous declamo emé maëstrò un mousseù de pouësio que fai lègo en tòuti. Toumas Roux bresiho soun *Nis de Pimparin*, Monné desgruno douz grani de soun *Rousari*: *Pielage e Iue negre*; Ramel canto *Estivenco*, de Pau Gaussem; Sfenosa dis *Lagremo*, Daniel, *La courouno d'arangié*; Vitour Bouis, la *Fado di flour*, dedicado au secretàri di Maren; Agustin Roux canto *Boutoun daura*; Richier declamo, flamejant, soun *Tambourin* e tòuti van à si riéu-chiéu-chiéu; Mllo Guisol canto uno valso deliciouso, que Mmo Guisol acoumpagno sus lou piano; Louis Roux largo de flame vers à Clovis Hugues, e Louis Roumiéus improuviso aquésti vers, en ounour de Mllo Roso Guisol :

La flour que t'a douna soun noun,
Es ni tant douço, ni tant fino
Que tu, Rouseto ; o moun Diêu noun,
Car à la roso l'on s'espiño,
E proche de tu, ma divino,
I'a qu'amour, sourris e poutoun.

Après li cant dóu *Maset de mèste Roumièu* e dóu *Rèi En Pèire*, de Fèlis Gras, M. Daniel dis de vers à Millo Mario Tereso Guisol, e la felibresso de la Crau mando un salut à *Jano d'Arc*, emai i felibre de Paris, qu'a counvida à veni en Crau, au clar Deséume, pèr ié claure soun escourregudo avoustenco.

Em' acò, lou secretari prouclamo lou nouvèu Burèu, e lou cabiscòu Paulin Guisol barro sesiho.

* *

— Noste ami, lou mantenière J. B. Moulet, decan dóu sendicat de la presso marsiheso, que résto à Sièis-Four (Var), vén d'estre reçaupu, à l'unanimeta, membre de l'Acadèmi dóu Var. Nòsti coumplimen courau.

— L'*Union des Abeillistes* duerbis soun councours de 1894, e remarcen dins soun prougramo, au titre de : Felibrige (prouvençau, lengadoucian, limousin, bearnés e catalan), un sounet à *Jano d'Arc* e uno odo : *Eloge de Petrarco e de Vau-Cluso*.

Li pèço saran mandado, dins la formo academico, e i'aura pèr li gaignaire de medaio d'argènt, de brounze e de libre de literaturo.

Lou councours se clavara lou 30 de setèmbre venènt, e li mandadis se devon faire au secretari de la Soucieta, à Lamalou-di-Ban (Eraut).

— M. G. Leygues, ministre de l'Estrucioun publico e di Bèus-Art, qu'es bon miejournau e pouèto esquis, ço que gasto rèn, a reçaupu la coumessioun d'ourganisacioun di festo literàri dóu Miejour, que se devon faire souto l'aflat di Cigalié e dóu Felibrige de Paris.

La delegacioun èro coumpausado de MM. Deluns-Montaud e Maurise Faure, majourau dóu Felibrige, deputa ; di majourau Pau Arene e Sextius Michel, e de MM. Albert Tournier, G. Niel, Croze, Enri Oddo e Aguste Trupheme.

M. Deluns-Muntaud a fa ressouri l'aut interès artistique di manifestacioun e majamen l'inaguracioun dóu teatre rouman d'Aurenjo, que se vén de n'acaba la restauracioun.

Lou Ministre a fa bello acuiènço i delega di dos gràndis assouciacioun miejournalo de Paris, a proumés de presida li festo que la Coumèdi franceso enlusira ; pièi, a felicita lis ourganisaire d'aquel obro, que coundisèro coume vertadieramen naciounalo.

Aquéli festo, que se dis que d'àtri membre dóu gouvrè ié faran ounour, duraran uno semano. Après la davalado pintouresco dóu Rose,

e li festo dóu teatre d'Aurenjo, touto uno tierò de festo artistico e patrioutico se debanaran dins Vau-Cluso. Quand lou prougramo de l'es-courregudo cigaliero e felibreno sara arresta definitivamen, n'en reparlaren.

— La soumo reculido despièi la coustitucioun dóu Coumitat de patrounage dóu mounumen Peiresc, à-z-Ais, poujo en dessubre de la soumo de 1000 fr.

— Sus la fe *di journau* que nous soun vengu, signalant que l'Acadèmi de Toulouso avié decerni lou titre de *mestre en Jo Flourau* à-n-Achilo Mir, emai au capoulié dóu Felibrige, avèn douna aquelo novo emé la reservo : *Li journau dison...*

La *Terro d'Oc*, qu'aurié pouscu dire que *li journau* qu'an douna aquelo novo, n'avien menti, s'adrèisso au Felibrige e dis eiçò :

« Em en mesuro de dire qu'es pas vertat. Le Capoulié es pas mestre es Jocs, pot pas l'estre sans sa coundentido e... n'en disem pas mai. »

Acò vòu dire que... basto ! peréu naute, n'en diren pas mai...

— Nous es en de bon de signala que l'Acadèmi d'Ais vèn de nouma au titre de membre d'ounour, lou decan di conseïde de la Court d'Ais, M. Granier, l'autour de la musico dóu cantico poupoplari : *Prouvençau e catouli*, e forço àutri moussèu de musico e de pouësio.

— Lou 24 de jun, lou Felibrige de Paris a tengu sesiho à Scèus. Lou président dóu festenau èro, aquest an, M. Anatòli France. A-n-uno ouro e miejo, Felibre e Cigalié, mena pèr lou brave e mai que valènt En Sextius Michel, arribavon à Scèus e i'eron reçaupu, comue à l'accustumado, pèr la Municipalita, la musico, li Soucieta de la vilo e li poumpié, que ié tasien courtege. Arribon davans lou jardinet qu'encencho la glèiso, e ounte, dins li flour e la verduro, s'aubouron li buste de Florian e d'Aubanel, que soun courouna de flour, e qu'Elio Fourès saludo superbamen. D'aqui, se vai dins lou bèu pargue, que se ié deu teni li Jo Flourau. M. Anatòli France, que presido, a, de soun caire, M. Charaire, maire de Scèus, Sextius Michel, Maurise Faure, Pau Marieton, Albert Tournier, Jùli Troubat, Ernest Plantier, etc,

M. Charaire fai la bèn-vengudo i felibre, Sextius Michel ié respond e passo la paraulo à M. A. France, que fai tresana lis escoutaire emesis enaurant prepaus sus l'amour de la picholo patrio.

E pièi, à-de-rèng vènon li rapourtaire di councours, que vèn n'eici lou paumarés :

Pouësio. — *Lou troubadou Catelan.* Pres réserva ; proumiero me-
daïo à P. Chaylan, segoundo à Carles. *Lou Mes de mai* : proumié pres
à Dayma, segound à Giraud, e tresen ex-æquo à F. J. de Caumont,
e à B. Croussillat ; proumiero mencion ex-æquo à Salomon Amalbert,
Authemén, Pau Goudou ; segoundo ex-æquo à J. Paillas, Pastre de Gi-
gnac ; *Sempre en dabau pèr oc*, sénso noum d'autour ; tresenco, à J.
Soulet, quatreno à Roudouse Martin, e cinquenco à J. B. Menut.

Proso. — *Li Magnan* : proumié pres à Carle Martin, segound à
Fernand Figot.

Councours classique. — *Traducioune de l'odo 38 d'Ouraci* : proumié
pres à Jourdan Trabaud ; segound, à Leoun Martin ; proumiero men-
cioun à Jousè Roux, de Carpentras. *Traducioune de « la Cigale et la
Fourmi »* : proumié pres à J. Vincent, segound ex-æquo à Pèire Cardon
e Leoun Martin ; proumiero mencion à Bernard Maupas, Enri
Gautier, Gustavo Blanc, Baffier, Marius Gilles ; segoundo à Elèno Per-
bos. — A Hugo. Lou proumié pres, *Florian et Aubanel*, es pèr E.
Giraud, lou segound pèr Agustin Nicot, e lou tresen pèr M. Bonne-
foy ; proumiero mencion à la felibresso L. Ouradou.

Dins lou councours de musico, lou segound pres de *Vieio cansoun*
es pèr lou felibre F. J. de Caumont ; pèr lou *teatre*, que lou pres es
pas decerni, la proumiero mencion vèn à-n-Antòni Chansroux.

Lou paumarés prouclama e li pres distribuï i laureat presént, se
duerb la sesiho literàri de vers galant e de proso flame ; pici, sus li
quatre ouro, s'es tengu *Court d'Amour* souto lou pàli dis aubre secu-
lari dòu parque, e tourna-mai proso, vers e cansoun an fa sa plego
mai que flamo.

A siéis ouro, s'es felibreja e s'es canta e brinda mai-que-mai.

La farandoulo au son dòu tambourin e la permenado de la vieio ta-
rasco, an clava la festo sus li younge ouro de sero.

E, pèr ansin, s'es tourna-mai counsacrado l'unioun de la pouësio
franceso e de la pouësio prouvençalo, dins la doublو glourificacioun de
Flourian e d'Aubanèu.

— A pareigu à Paris, encòde Le Soudier : *Mouret* (Jean), d'Avignoun,
un felibre avans lou Felibrige, pèr Enri Oddo, noutiço biografico
legido à la festo dòu Felibrige de Paris, à Scèus, lou 24 de jun 1894.
Es forçò interessant tout çò que M. Oddo nous dis d'aquéu brave avi-

gnounen, e sian segur que soun idèo de ié counsacra uno placó de maubre, dins lou pargue de la duquesso dóu Maine, fara camin.

— Vén de parèisse à Marsiho, encò de Brunel : *Les Dédicaces*, pouësi de Clement Galicier, ounte i'a un pichot rode mai que galant : *Dins la lengo dóu brès*, que vous pren pèr l'iue e vous encanto ; es lou paure Louis Roumiéux que présento aquéli ressoun dóu nisau :

Di refrin dóu sougau lou cor fai un regalo.

dis, e, segur, nous sian regala de *La proumiero cigalo*, de *Remembranço*, d'*Au cabanoun*, de *Ta muso*, de *Au cementéri*, e sobre-que-tout d'un tros de proso, *La mort d'uno tierge*, fresquet e ferigoula que noun sai.

Es bèn, acò, prefa de felibre vertadié, e n'es regretous que noste ami lou valènt e tant amistadous Galicier, noun nouse si man dins nosto farandoulo.

— Li gènt d'à-z-Ais que rèston à Paris, an lou prejit de s'acampa en Soucieta. Uno circulàri sus d'aquelo estiganço vén d'estre espedito, lou 23 de jun, en tòuti li cadet d'Ais que soun dins la capitalo, emé counvit de prene part à la reünioun d'ourganisacioun que se tendra lou dimar, 3 de juliet, à nou ouro de vèspre, à la brassarié Lipp, 151 boulevard Sant-German.

Lou deputa Vitour Leydet a proumés d'estre de l'acampado, e la counvidacioun es facho pèr MM. Laugier, Jan Gilles, Cesar Arene e Barriere.

Zou ! que se n'apounde de-longo au roudelet ; au mai sare, au mai riren ! au mai i'aura de cor uni, au mai i'aura d'amour pèr la pichoto patrio !

LENGADÒ

— Vès-eici lou paumarés dóu councours de 1894, de la Soucieta literari e artistico de Beziés, prouclama lou dimenche 6 de mai :

Pouësia neo-roumano

Guilbaumet e Amarun, médaio de vermèi grand moudule au felibre Antounin Maffre ; *la Feno cabro*, medaio d'argent à M. Aleissandro Neyrac ; *Lou mestié de bouié*, etc., medaio de brounze à M. Bonnefoy-Debaïs, dóu Felibrige parisen ; *la Beurrida de Crans*, medaio de brounze à Leopol Bessiere, felibre à Ceto : *la Bagasso*, medaio de brounze à n-Estève Bonis ; *lou Curat de Poumpil-Redoun*, autre medaio de brounze pèr lou meme ; *Lou mes*, proumiero mencion à Pau Froment ; *Lou*

darriè Abencerage, segoundo menciouen à-n-Adrian Marquès ; li Fibò de Beïs, tresenco menciouen à-n-Ange Silvestre ; la Sucessieu de rèi, quatrenco menciouen à Ferdinand Benoit, de Cers, e Vaudre es pas poudre, cinquenco menciouen à Louis Bard, de Nîmes.

Aquitani

— Li Jo Flourau de l'*Englantina* se soun prouclama, lou 19 de mai, à la *Rucbe corrézienne*, à Paris :

Councours d'istòri. — Apollon et Marsyas, estampo óuferto pèr lou Ministre di Béus-Art, decernido à M. Plagne.

Pres di troubadou : uno eglantino mountado en broco, pres unen, davera pèr Mlo Margarido Genès, pèr sa pèço : *lou Roussinbolet*.

Menciouen : *lou Rossinbol*, de M. Besse ; *le Rossignol*, de M. Val.

Lengo limousino. — Pouësio : proumié pres à M. E. Bombal, pèr sa pèço : *Lou pountounier e la clocha de moun clouchier* ; segound pres à M. Val, pèr sa pèço : *Lou petit ausel*, e à M. Cremoux, pèr *Lou grilb e lou parpalbol*.

Proso : proumié pres, *Mireille*, de Mistral, semoundudo pèr l'autour à M. E. Bombal, emé felicitacioun, pèr *lou darrier archipreste de Brivaçac, curé de Mounie* ; segound pres, la *Comtesse de Die*, de S. Santy, douno de l'autour, à Mlo Genès, emé felicitacioun, pèr soun *Counte de Velbada*.

Longo-mai flourigue l'*Englantina* !

MORTUORUM

— Lou Felibrige es tourna-mai en dòu, ai ! las ! La descarado a sega noste ami, Louis Roumiéux, que s'es amoussa lou 13 de jun, e nous a leissa, nàutri tóuti que tant lou belavian e l'amavian, dins li lagremo e l'amo estrassado. Paure Roumiéux ! que i'a quâuqui jour encaro turtavian lou got au festenau de l'*Escolo de la Mar*, em'acò, la traito mort, la despietouso mort es vengudo te querre ! Tu, lou mestre dòu rire galoi, toun rire noun a pouscu doumta, ni esvarta la maigro. Oh ! sort crudèu ! lagremo amaro ! ti fraire en Felibrige plouron ta despartido, ai ! las !

Noste numerò venènt dounara sa crounico counsacrado à Louis Roumiéux.

— Lou 9 de jun es morto, à Marsiho, dono Mario-Julio-Delicò Cha-

zalon, la gènto mouié dóu mai que simpati mantenèire Abel Laugier. Plagnen de tout cor ti dóu couSENT, paure ami !

— Lou 29 de mai es mort à Palermo (Itàli), Antonino Portal, lou paire ama e venera d'Emmanuel Portal, sóci dóu Felibrige, tant devot à la causo felibreno. Prenèn grando part à sa doulour.

VANEGACIOUN

— Lou felibre Enri Bouvet demoro, aro, oustau Bressy, à Pont-d'Avignoun, pèr Vilo-Novo (Gard), e vès-eici l'iscripciou qu'a fa bouta sus sa porto d'intrado :

En moun recatadou n'ai rèn à la gogò,
Mai quouro a moun lindau s'avancò Tòni, l'èire,
En quau es agradièu lou gent parla di reire,
Ma porto se destanco e lèu turtan li got !

A PAREIGU :

En Avignoun, dins *l'Aïoli* dóu 17 de mai : *la Fèsto di santo*, de F. de Baroncelli ; *Canten*, de mèste Eisseto ; *Santo-Estello* de l'abat Bresson, pèr A. Mouzin ; *li Magnanarello dóu mas de Rapoun*, de Charloun Rièu ; *li Saloun parisen*, cop d'ieu d'ensèmble sus li doux saloun dis Aliscamp e dóu Champ de Mars, pèr Lucian Duc ; etc.

A Toulouso, dins *Le Gril*, nº 12 : *Al Goudouli nostrè*, de G. Visner ; *Crouniqueto*, sus lou prepaus di festo de l'Escolo moundino, • *La cadraturo del ceûcle*, de Jan Pitchou ; *Rebiscolos d'Olympe Benazet*, tira de l'edicioun d'Auch, 1865.

A-z-Ais, dins le *Mémorial d'Aix* dóu 13 de mai : Felibrejado larenco en ounour dóu majourau En Tamizey de Larroque, countado superbamen pèr En Francés Vidal.

» Dins la *Provence nouvelle* dóu 20 de mai : li paraulo d'En Tamizey de Larroque, président d'ounour dóu Coumitat Peiresc, dins la sesiho dóu 11 de mai. *Pour Peiresc*, vers dóu mantenèire Savié de Magallón, etc.

A Toulouso, dins la *Terro d'O* dóu 5 de mai : lou flame rapport sus lou concours de l'Escolo moundino, dóu cabiscòu L. Vergne e li péço courounello d'Alban Vergne, Ernest Aberbenc, dono Gelado, Albertino Chayla, Pastre de Gigna, Martial de Seré, Luscignolo e Theroun.

Lou Gerent : Jan Mouné.

LI NOVO FELIBRENCO

PROUVÈNÇO

— Un Coumitat se vèn de coustituï à Greasco, Bouco-dóu-Rose, pèr l'aubouramen d'uno pèiro toumbalo sus lou cros dóu felibre Félix Lescure.

Aquéu Coumitat, sachènt que lou Felibrige aculirié de grand cor aquelo idèio piouso, a dubert uno souscripcióun e a carga lou majourau En Louis Astruc de batre lou rampéu entre li pouèto miejournau.

Es mai que flame de vèire uno pouplacioun se groupa pèr auboura un mounumen en remembranço d'un de si fiéu. Lou gènt pouèto de : *Lou Carbounié cantavo* s'amerito bèn aquel ounour. Es pèr ajuda à-n-aquelo obro, e pèr temougna nosto afecioun à-n-aquéu jouvènt que plouran, que pregan nòstis ami de noun delembra li sentimen de fraireneta que nous ligan, e de nous manda sonn pichot dèime.

Uno listo de souscripcióun es duberto dins li burèu de neste bulletin mesadié ; publicaren li noum d'aquéli qu'auran bèn vougu traire sa flour sus la touumbo dóu gènt pouèto de Greasco.

— A l'oucasioun dis óussèqui dóu President de la Republico, M. Carnot, de noumbróusi delegacioun municipalo, de tout caire e cançoun de Franço, s'eron rendudo à Paris pèr faire ounour à l'ilustre mort ; mai s'es atrouva que pas mai dins lou courtege, que dins tòut lis àtris ate de la ceremoniò, l'avié ges de plaço pèr la *prouvinço*.

Aquelo esclusioun blessanto, aquel ourguei mespresant, a inspira proun d'ome de cor qu'an raca lou coudoun qu'avien sus l'estouma, emè tutto l'iro que ié mourdié lou ràbi.

A-n-aquéu prepaus, L. Menvielle, dins lou *Petit Provençal* dóu 6 de juliet, mesclo sa vœues ardènto à-n-aquéli de tant d'autre que lu-

chon despièl d'an e d'an pèr toumba la bastiho de la centralisacioun, e s'escrido :

« Ah ! ça, dites donc, camarades de toutes les provinces, ne pensez-vous pas que l'heure est venue de se remuer un tantinet et de prouver que nous avons quelque chose dans le ventre et ailleurs ? Debout, les Bretons ! Debout, Dauphiné, qui fis la Révolution française un an avant Paris ! Debout, Gascogne ! Debout, Auvergne qui connus Ver-cingétorix ! Debout, tout l'honneur, toute la vertu, toute la vaillance de la Fédération française. Préparez vos chants ; le nôtre, à nous Provence, est fait depuis trente ans :

En cridant : Arasso, arasso !
Zou ! li viéi e li jouvènt,
Partirian tòutis en raço,
Emé la bandiero au vènt.
Partirian coume uno surasso
Pèr creba lou grand couvent !

« Et dans ce couvent-là, quand nous aurons reconquis nos droits et notre place, nous laisserons les moines processionner à leur guise. »

La semènço decentralisaire gréio, trachis, e satié proun tems que pourtessè flour !

— Trasèn nòsti felicitacioun couralo au simpati mantenèire Paulin Guisol, de Marsiho, que vèn de reçauvre lou riban de chivalié d'Isabèu la Catoulico, d'Espagno.

— Dins la *Croix de Marsibo*, n° dòu 22 de juliet, i'a 'n brave M. Vémen que s'escound soutu lou velet d'aquel escaï-noum, pèr escupi sus l'*Armana prouvençau* un article verinous e traite, contro lou Felibrige e contro soun capoulié.

Mestre Vémen, après d'agué clava sa dicho, apound aquesti mot que mostron beléu l'auriho de l'ase soutu la péu dòu lioun : « Nous regretterions vivement que notre article fit acheter un seul de ces almanachs... » Ah ! d'agué boustre de Vémen, sariéu pa 'stouna que fu-guèsse éu-même un fasseire d'armana e que prechësse *pro domo suâ*, que ?

Anen, anen, li serp verinouso soun pas tóuti morto ! e... i'aura encaro de bèu jour pèr l'*Armana prouvençau*. (1)

— Atrouvan dins un journal de Paris lou prougramo di festo feli-brenco e cigaliero dòu mes d'avoust, que dounan tal e quau :

[1] Avian pica just. Quauqui jour avans l'article dòu 22 de juliet, uno letro arriva à Mmo Roumanil'e, en Avignoun, signado dòu directeur de « La Croix de Marseille », là demandant l'autorisacioun de publica quauquis-un di conte flame-jant de Roumanile, dins un armana franco-prouvençau que voulien faire. Quand vous-autre disès, pamens !

Li festo duraran dóu 9 au 16 d'avoust proubablamen. Lou dijòu 9 d'avoust, i'aura :

Reünioun generalo à Lioun ; recepcioun lou matin pèr la Municipalita ; au *Chabot* dóu pargue de la Testo d'Or, o, se pòu, au Vernay, sus li bord de la Sono, e, lou vèspre, recepcioun pèr li Coumitat de la Presso e de l'Espousicioun. Aquéli festo liouneso proumèton d'estre magnifico. Entre tems, se celebrara, à Lioun, la coumemouracioun de Pèire Dupont, lou grand cansounejaire francés.

Lou divèndre 10 d'avoust, à siès ouro dóu matin, douz batèu prendran li Cigalié e li Felibre e li menaran de Lioun en Avignoun, en dounant toco uno miechoureto à Tournoun. La vilo semoundra un vin d'ounour i roumié e, à dos ouro, lou roumavage fara pauseto à Vallenço pèr ié felibreja à taulo sus l'Esplanado.

Li Felibre, li Cigalié e si counvida, assistaran à la ceremounié de la pauso de la proumiero pèiro dóu mounumen auboura à la memori d'Emilio Augier.

A 7 ouro, arribado en Avignoun. Aqui, i'aura recepcioun pèr la Municipalita, que vèn de vouta 7 000 fr. pèr acò. Aquelo recepcioun resplendènto sara seguido d'uno festo de niue.

Lou dissate 11 d'avoust, vers miejour, se partira pèr Aurenjo. Aqui, à dos ouro, i'aura de counferènci, councert e declamacioun ; lou vèspre, à vuech ouro, representacioun d'*Œdipe-Roi* au Teatre antique, emé Mounet-Sully, Pau Mounet, Silvain, etc. A younge ouro e miejo, retour en Avignoun.

Lou dimenche 12 d'avoust, à nòu ouro e miejo, acampado dóu Cun-sistòri felibren miejournau. Tóuti li majourau présent en Avignoun ié saran.

A miejour, dins la bello salo di Templiers, aqui ounte tant de flàmi felibrejado se soun tengudo, e ounte, lou 21 de mai 1876, souto la presidènci de Mistral, se voutè lis Estatut felibren, se tendra sesiho à taulo, souto la presidènci dóu Capoulié En Fèlis Gras.

A tres ouro, davans li Ministre, s'inaguraran li mounumen de Roumanille e d'Aubanèu. Lou proumié es degu au cièu de l'escultaire Bartet ; lou segound es esta taia pèr lou flame artiste Leroux.

Quàuqui felibre parlaran à-n-aquélis inauguriacioun. Lou vèspre, en Aurenjo, i'aura la representacioun d'*Antigone*.

Lou dilun, 13 d'avoust, jour de repaus, pèr que li roumié se posquon ana permiena i Baus, emai en Arle.

Lou 14 d'avoust, à Cavaïoun, s'inagurara lou buste de Castil-Blaze,

lou flame critique musicau e lou mai que flame pouëto prouvençau dóu *Liane de rasin*. Es Viaud qu'a fa lou buste de Castil-Blaze. Li Felibre coucharan à Cavaïoun ; em' acò l'endeman, 15 d'avoust, à Cadenet, i'aura l'inaugacioun dóu mounumen dóu Tambour d'Arcolo, obro majo de l'estatuaire Amy, de Tarascoun. Aqui, se pausara peréu uno placo de mabre en memòri de Felician David.

Lou dijòu, 16 d'avoust, se partira d'Avignoun pèr la font de Vaucluso : en camin, à la Chartrouso de Bon-Pas, se pausara uno placo en remembranço dóu pouëto Adoufè Dumas, autour de vers prouvençau esquist, e d'un libre de vers francés galant : *Provence*, (1840).

l'aura, pièi, felibrejado à la font de Vau-Cluso, e inaugacioun d'un buste de Lauro de Novo, degu au cisèu de Mmo Clovis Hugues.

Em'acò, bello finido! (1)

— Noste ami e tant devot coumpañ J. Boniface-Hetrat, proufessour au licèu de Botosani (Roumanio), tant afuuga pèr li causo felibreno e reviraire de *Mirèio* en vers roumanesc, vèn de reçauvre dóu gouvèr de Roumanio, pèr decret dòu rèi En Carle I, la medaio « bene-me-renti, » pèr si merite literari. Aplaudissèn di dos man à-n-aquelo recoumpènso tant bèn ameritado.

— Lou 13 de jun, au councert ourganisa au « Kiosque dis alèo de Meilhan » pèr lou sendicat de la presso marsiheso, au proufié di viti-mo de terro-tremo de Grèço, la *Cæcilia a canta Plueio d'estello*, cor prouvençau d'En Jan Monné, musico de Vincènt Fosse : tout lou pople e tòuti li journau i'an fa bèu-bèu.

— M. E. Rolland, direitor de *La Mélusine*, 2, carriero di Chantié, à Paris, fai estampa d'aquest moumen lou proumié voulume de la *Flore populaire*, e prègo li persouno qu'aquéu travai pòu interessa, de bèn vougué ié manda de doucumen, coume noum vulgàri de planto, supersticioun e prouverbi li pretoucant.

— Uno Escolo de la Mantenènço de Prouvènço es en trin de se coustituï en vilò de Manosco, ounte, l'autre an, la Mantenènço de Prouvènço dounè de tant belli festo en ounour dóu troubaire Avril.

— Vès-eici la letro que lou Coumitat mantenèire dóu Tambourin, mando, à la dato dóu 27 de Juliet, en tòuti li tenèire de l'estrumen prouvençau.

GAI CAMBARADO,

« Sènso tròu d'afougamen aquest malan de Diéu, lou Coumitat a pa-

[1] Dounan aquéu prougramo à titre d'entre-signé soulamen, li prougramo estènt pas fa pèr èstre segui. Noste comte rendu di festo, que vai parèisse, boutarà tout à sa plaço e à soua ouro.

mens decida de faire en autouno, lou 7 d'outobre, après lou dòu naciounau, l'acamp à Roco-Favour, emai gaire se li troubèn.

« Aqui peréu, de prèni argènt tintin auran leis estrumentisto adusent un élèvo engaibia pau vo proun, vo bèn de roudelet de jouve tambourinaire ; de medaio gros molule saran tambèn decernido en joio d'acò bèu.

« Lèu-lèu vouesto cousandido au secretari dòu Coumitat, M. Pourcin, carriero Anciano-Madaleno, 1, à-z-Ais, e recebrés pièi tout çò que sara necit pèr noueste rejounchouï mounte Santo Estello a tant briha e mounte l'Escolo felibrenco de Lar amara tant de canta emé vautre.

« E drihe tourna-mai Galoubet-Tambourin !

E. COUVE, *président* ; B. CAMOIN, F. VIDAL, *vici-président* ; L. DE BRESQ, L. DE LOMBARDON, L. OLLIVIER, J. POURCIN, *membre*.

F. MISTRAL, *président d'onour*.

— A pareigu à Paris, encò de Lucian Duc : *La Petite Patrie*, noto e doucumen pèr servi à l'istòri dòu mouvemen felibren, ein'un avans-prepaus de Maurise Faure, pèr lou majourau En Sextius Michel, presidènt dòu Felibrige de Paris. Es un magnifique voulume, superbamen estampa, que retrais piousamen li roumavage miejournau e li festenau de Scèus fa pèr li Felibre de Paris, ounte es en-de-bon de li segui, se-gur que l'on es de culi sus si pas la flour d'amour de la pichoto patrio.

L'ouvrage es en vèndo à Paris, encò de Flammarion, 26, carriero Racine, e en Avignoun, encò de Mmo Véuso Roumanille, 19. carriero St-Agricò.

A la memo empremarié vènon de parèisse : *Paul Mariéton*, cancellié dòu Felibrige, pèr Lucian Duc, e *Joseph Roumanille*, pèr En Jan Monné, dos broucaduro tirado de *La Province* ; emai : *Le Théâtre antique d'Orange*, pèr M. Antony Réal fils. Aquéu voulume es en vèndo encò de A. Lemerre, 27-31, passage Choiseul, Paris.

— Lou dissate 11 d'avoust, li felibre laren, à-z-Ais, s'acampavon encò de soun cabiscòu En Francés Vidal, pèr faire festo au counseié Desirat Granier, decan de la Court d'Apèu, que lou gouvèr ié venié de semoun-dre la crous de chivalié de la Legioun d'onour.

l'avie tèms que lou counseié Granier s'ameritavo aquelo distincion, e li Felibre de Lar noun an vougu leissa passa aquelo óucasioun sèn-so ié temougna sa simpatiò e soun afecioun.

M. Desirat Granier, cadun lou saup, es noun soulamen un magistrat saberu, mai encaro un coumpositour esquist de musico pouplàri. Soun cantico : *Prouvençau e Catouli*, se canto pertout, e n'en a coumpausa uno bello tierro d'autre que farien lou regale di Prouvençau.

Adounc, coume M. Granier fai sa passiouun d'ama la lengo maire e d'apoundre i vers di pouèto miejournau li perlo esbriaudanto de sis ispiracioun musicalo, li felibre d'àz-Ais, emé bonur e grand gau, an celebra poulidamen lou bèu triounfle dóu nouvèu decoura.

La gènto rèino dóu Felibrige, Na Mario Girard, acoumpagnado de soun paire, lou simpati majorau En Marius Girard, sendi de Prouvènço, èro vengudo de Sant-Roumié pèr presida la fèsto.

S'es brinda e canta mai-que-mai en ounour dóu felibre magistrat. Lou cabiscòu En Francés Vidal, lou sendi En Marius Girard e lou majorau En A. de Gaguaud, en paraulo superbo e esmougado, an fa tresana lis escoutaire. Pièi, lou brave e valènt canouunge Mille a canta un moutet en ounour dóu nouvèu chivalié, sus l'èr de *Prouvençau e Catouli*, e de pouësio sus lou même toun soun estado bresihado pèr li manteneire Chapòli Guillibert, Pau Roman e Gasquet.

Em'acò, M. Desirat Granier, em'un biais d'elèi e forçò esperit, a responduen tòuti pèr uno improvisacioun requisto; a di poulidamen à tòuti si counfraire de l'Escolo de Lar coume èro pretouca de la simpatio que ié temougnavon, e a espremi la desiranço qu'avié d'estre, d'aro-en-la e mai-que-mai, un di soustaire de la Causo e un di cepoun dis acamp freirenau de l'Escolo de Lar.

Na Mario Girard, nosto rèino bello, a clava la sesiho en disènt, — elo que la dis tant bèn — la *Couumioun di Sant*, aquelo pèço amirabla de noste mestre En Frederi Mistral.

De tòuti li pèço que se soun dicho en aquelo acampado magnifico, n'en destacaren uno qu'es flamo e dardaianto, e qu'es lou brinde dóu felibre Gagnaud.

Gènto Rèino e mes car Counfraire,

Estènt qu'es un gavouot que saludo un gavouot, voui demandou la parmissien d'emplega, par aquesto vòuto, lou parla dóu pais, a jieu Fourcouquian tant rude bessai par vouostes oureio, mai t'int dous par lei nouostro.

Car vous atrouvarés qu'ensèn cmé lou carissime Counseié, lou parlaian de-longo, li a paraquito uno cinquanteno d'an, aquel idiom que, n'en ai pòu, estrassarié voudstei labro de ciutadin, e qu'emplissié de mèu nouoste bouco d'enfant de la mountagno.

Ah ! se nous avias ousi, tòutei lei jous que lou bouon Dieu a ia, quand, lou cartable souto lou brai, s'acaminaian de nouosto

carriero Viéuleto, devèi l'estrecho pouorto dòu Coulègi ! Parlaian ni latin, ni grègou, nimai franchimand, hou pouas creire.

Avian, gramaci Diéu, un mèstre de lengo qu'escoutaian bravomen pu vourountiés qu'aquélei de la classo. Voui n'en souvenès, parai, moun bèu Desirat, d'aquelo vièlo Astiero, la decano de la carriero Viéuleto, que marchavo dedins sei vuetanto vueu, e que tout en batènt sei mataras, nous fahié bada emé ses conte sènso fin ? Soun prouvençau èro, tau e quau, aquéu que se parlavo en Gavoutino dòu tèms de Louvis XV, e t'escupissié de mot que degun des pu ancian lei sabié plus. Quant e quant de cop se sian acampa à soun entour, vous e iéu, emé lou Plouchud, lou Descorso, lou Bourrihou, lou Mourèu ! En aquel an de Diéu 1841, se parlavo panca dei *Margarideto*, ni de *Mirèio*, ni mai de la *Miòugrano*, e nautres pamens, la pichoutaio de Fourcouquié, tenian sus lou Bourguet Escoro felibrenco, e même sesiho de Court d'Amour, souto la presidènci de l'Estiero.

Acò d'aquí fahié pas lou comte des proufessour de francés e de latin. Tanlèu qu'ousissien uno paraulo de « patouai, » noui baïvon lou *Signum*. Oh ! aquéu *Signum* de ferre blanc, lou vésou'nea ! Passavo de man en man, de pocho en pocho, d'un felibrihou à l'autre, touto la santo journa, e lou malurous escourian que, lou sero vengu, se n'en devinavo empega, pagavo par l'outei les cambarado. Mai, ni par èsse puni, jamai, l'afourtissou, se sian rebuta de parla tant e pièi mai la lengo dòu tarraire. Erian de mantenèire de naturo, bèn davans que li aguesse de mantenèire patenta e parvenca.

N'en siéu facha par lei viei proufessour dòu Coulègi de Fourcouquié, mai creirié que, de tant de jouvènt que se capitavon souto sa ferulo, es pas les pus enrabia par lou prouvençau, les pus agarri dòu *Signum*, qu'an fa dedins lou mounde la pu marriè figuro. Uno lengo de mai dins leu çarvèu, acò lou deimublo pas.

Par parla eicito que de nouoste ama Counseié, quanto bello escourregueu magistralo a fa dins lou ressort d'Azais, e de quant pu bello l'ourié facho, se ses esquino avian agu lou biais, tant coumun, de se plega davans lei souréu levant ! Mai les Oupen an la cadeno rejo, quand s'agi dòu respèt d'élei-même. Nouoste ami, enterin que tout mudavo autour d'eu, a resta tutto sa vido fidèu à soun passat, à ses imbrandables principe, *inmotus in motu* !

E arregardès pamens, mes car counfraire, lou poudé magi d'uno cisistènci noblomen esoura dins la draio dóu devé ! Emai lei vènt de la poulitico agon, quasimen toujou, bousa à l'encountràri dei sentiment dóu fièr magistrat, la veneracién de ses chèfe e de ses coulègo l'a sèmpre envirouta ; e velaquito, aro, qu'ou ploudimen de toutci, blur, blanc e rouge, vèn de reçaupre lou zaut e suprème testimoni d'ounouranço que sian eici par festeja.

Nous agrado, Chivalié car, de pensa que se lou gouvèr a vougu d'abord paga soun déute ou meritou dispensaire de la justici, a, de tout segur, entendu ounoura peréu lou compousitour prouvençau, tant renouma e tant presa en tutto terro latino.

Par nautres que, plen de respèt par lou Counseié-Decan, serian enca mai, s'ero poussible, plen d'amistanço par lou pouplàri libre musicaire, nous fai gau de veire dins aquelo crous, que vai luseja sus vouoste couor, uno marco dóu prougrès des idéo de libarta prouvincialo. Les tèms e lei gènt soun bravomen chanja. Li a mié siecle, dounavon ei bouon patrioto, es apparaire des tradicien e de la lengo, lou *Signum* de punicien. Li baion, aro, lou signe de la glòri ! Beven, gènto Rèino e car Counfraire, à-n-aquel es-pandimen de nouostes espero santo. Beven ou bèn ama chivalié de la Prouvènço e de la Legien d'ounou !

A. de GAGNAUD.

— Au roumavage di marsihés à Nosto-Damo de Lourdo, dóu 22 au 26 de jun, lou cantico de *Prouvençau e Catouli* a rounfla dins la basilico, que li roumiéu dis àutri païs noun se poudieu alassa de l'ausi, autant que li marsihés roun s'allassavon de lou canta.

— Lou libre de cansoun, *Cigau e Cigalo*, de noste ami Marius Bourrelly, s'acabo d'estampa encò de Remoundet, à-z-Ais. Pareissira sus la fin de setembre ; i'aura de 130 à 140 cansoun, lou tout precedi d'un bèu retrai de l'autour : çò que fara aperaquí 400 pajo.

— Lou *Vergié d'ôulivié*, oupera-coumique en un ate dóu même Marius Bourrelly, vèn d'estre mes en musico pèr lou mèstre musicaire G. Borel.

— Avian di que noste flame majourau Anfos Tavan avié fa jouga sa *Coumèdi di Masc* dins soun païs. Se n'es douna, à çò que parèis, cinq representacioun : tres à Gadagno, uno à Novo e uno à l'Islo ! Zóu ! toujour !

— Urous sian d'anóuncia que l'ami Louis Peytral, lou gènt felibre toulounen, vèn de faire jouga un ate en vers : *Parfum d'ambre*, au Teatre d'Aplicacioun, à Paris. Auelo *coumèdi fino* mostro un cop de mai que l'on pòu escriure de bieu vers francés sènso, pèr acò, renega la lengo dóu brès.

— Dins lou voulume que se vai estampa en ounour e glòri de *Nos tra senyora Santa Maria de Ripoll* (Catalougno), e qu'aura pèr titre *Corona poètica*, figuraran cinq pèço prouvençalo, pourtant li numerò de mandadis : 67, 71, 82, 84 e 87.

— Aplaudissèn à la bono novo que nous vèn, que lou majourau En Pau Marieton alestis uno nouvello edicioun de la *Terre provençale*. Avis i lipet que n'an pas pouscu tasta de la proumiero !

— *La Mandoline* de Paris vèn de clava soun cinquen councours : la lengo neo-roumano i'a tengu sa plaço. Lou proumié pres, medao d'argènt, est esta decerni à Michel Jouvier, pèr sa pèço en proso : *Lou païsan*; lou segound, à l'abat Labaig-Langlade, pèr : *Au ras d'al cel*.

Lou sieisen grand councours es dubert. Pèr la pouësio e la proso neo-roumano, li sujet soun leissa à l'agrat dis autour. Tóuti li dialèite soun amés, e li mandadis se dévon faire, dins la formo acoustumado, à M. Michel Pons, 310, carriero de Charenton, à Paris, avans lou 31 d'avoust. Cado pèço mandado deu èstre acoumpagnado d'un mandat-pousta de 1 fr., pèr li fres dóu councours.

— Vès-eici la letro que la Cancelarié dóu Felibridge a fa teni en cade felibre, pèr lou counvida i festo avignounenco :

Avignoun, 24 de juliet 1894.

MOUSSU & GAI COUPRAIRE,

Pèr rapport au viage en Prouvènço di Felibre e di Cigalié de Paris, e en grand gau de sa vengudo, s'es remanda au mes d'avoust l'acamp annau de Santo Estello.

Venèn adoune vous faire assaupre que la reünioun di Felibre de nòsti tres Mantenènço, coume aquelo dóu Counsistòri, se tendran, aquest an, en vilo d'Avignoun, li 12 e 13 d'avoust.

De belli fèsto, coume sabès, aurau liòt lou dimenche, 12, dins la Roumo prouvençalo, mounte se dèu inaugura li mounumen de nòsti mestre bèn-ama, Jóusè Roumanille e Teodor Aubanel.

La taulejado de Santo-Estello s'acampara lou dilun, 13, à miejour, dins la grand salo di Templié de « l'Hôtel du Louvre, » carriero Sant-Agricò. Li Felibre de Paris e li Cigalié ié soun coun-

vida emé l' Felibre. Tóuti soun prega de manda sa cousandido lèu-lèu à la Cancelarié dóu Felibrige, « 9, rue Richépanse, » Paris.

L'escoutissoun sara de 8 franc. Li souscrivière reçaupran uno carto que ié dounara intrado dins la salo dóu festin. La souscripciou sara enclauso lou 5 d'avoust.

En esperant, coulègo, de vous vèire en Avignoun, en pas coume en santa, reçaupès vuei l'asseguranço de nòstti sentimen egrògi.

PAU MARIETON,

Cancelié dóu Felibrige.

FELIS GRAS,

Capoulié dóu Felibrige.

— Sus la proupousicioun de M. Monier-Vinard, lou Counsèu Generau de Vau-Cluso a fa lou vot, dins sa sesiho dóu 21 d'avoust, que lou gouvèr intervenguèsse pèr douna lou mai d'envanc poussible i reparacioun dóu Teatre antique d'Aurenjo e pèr óuteni que lis artisto di teatre suvenciouna pèr l'Estat fuguesson dins l'óubligacioun de douna soun coundours pèr li representacioun qn'an un vertadié caratère nacionau, tant pèr l'impourtanço artistico que pèr la bèuta dóu cadre.

A-n-aquéu prepaus, citaren quàuqu mot dóu comte-rendu di festo, que douno M. L. Fauché, dins *Lou Bavard*, de Marsiho, nº dóu 18 d'avoust :

Je veux essayer de traduire l'opinion de ceux qui voient surtout dans ces fêtes annuelles, au Théâtre antique d'Orange, une manifestation artistique qui doit rester provençale. Il faut garder « notre » Théâtre d'Orange de toute importation officielle, et il faut, pour cela, que les programmes soient établis par des Provençaux.

Il faut que le Théâtre d'Orange soit d'abord le théâtre de Mistral avant d'être celui de M. Sarcey. Et je suis bien certain que si le maître avait été consulté, le Reinach qui nous a fait lire de ses vers par l'exquise Mine Bartet, serait resté à Paris.

... Il reste à se préoccuper déjà, pour l'année prochaine, du répertoire que l'on doit adopter, et j'estime que les Félibres de Paris unis à ceux de Provence, sous la présidence de Mistral, devraient nommer le Comité du Théâtre antique d'Orange, qui ne saurait avoir d'autres patrons.

Aquelo idèo es, segur, pas marrido, e nous es vejaire que sarié acò lou meiour biais de garda lou bèn nostre e de l'aprouficha pèr la glòri dóu Miejour.

— Dins sa sesiho dóu 24 d'avoust, lou Counsèu Generau di Boucodou-Rose a adóuta un vot qu'ero esta presenta pèr lou deputa Chevillon, e vounta l'uberturo d'un crèdi de 3000 fr., pèr an, pèr la creacioun d'uno cadiero d'*istòri de Prouvençò*, que sarié tengudo cada semano, tantost à-z-Ais, tantost à Marsiho. Lou gouvèr, pèr sa part, aurié de countribuï pèr pariero soumo de 3000 fr., à la creacioun d'aquel cadiero.

Nous es en-de-bon de traire eici nòsti gramaci à M. Chevillon d'abord, e pièi en touti li bravi conseié qu'an bèn vougu apiela sa moucioun de soun voto : an fa aqui obro ineritòri.

AUVERGNO

— Nous fai gau de douna eici lou brinde pourta pèr lou brave J. Felician Court, à l'Escolo moundino de Toulouso, qu'es, se pòu dire, lou proumier ate d'affirmacioun de l'*Escolo d'Auvergno*, que se vèn de constiuï, e que n'en douran eici-dessouto e lou rampèu e lou prougramo :

GÈNTOS DAMOS, MOUSSUS, CAR COUNPRAIRES,

Sarei pas loungagno. Cargat per nostris fraires del Naut-Miech-joun de vous anounça la foundacioun d'uno « Escolo auvergnato » que fara trelusi, amount naut, l'estelo felibreno, soun tout urous de vous dire un pauc del rampèl qu'en bouno lengo arverno adres-saren as fidèle de las tradicieus d'aquello raço, dont éron tant de mages pouètos del Mejan-Alge ; d'aquello raço que nous a bal-bat — coumo ça dits nostre grand Fèlis Gras — Vercingétorix, le bel guerriè, e Blaise Pascal, le grand pensaire.

Aici douc coussi les Felibres arvernus esprimon lour estac al terradou e à la lengo patrials :

« Quoi lou grand soulel del Mietjiour que vous esclairo ; quoi lo lengo del Mietjiour que parlon e lo terro que nostres pés trupisson, quoi lou sòu del Mietjiour. Zo sobon, e n'en som flèrs e glourious. Lou Mietjiour commenço pus naut que Bourdèus : es barrat d'oquel caire per lo mar soubatchio è bromairo que s'apèlo l'Atlantico, è pus bas pel lo nopo blugo è tèbio que poutounejio amourousament touto lo couosto proubençau. Les autres doux caires sou barrat per uno double courdelado de mountognos que sou coumo los clados d'un pargue, e n'autre li soun dedins : li soun clàu e n'en voulèm pas s'urti ! »

Ieu, moundi urous d'abe troubat demest les mounts del mitan de Miechjournals afougats per las idèos caros, brindi à la nouvèlo Escolo e vous prepàusi, à-n-loutis, de leva le got al bel joun ount se mesclaran dins nostros festos les souns brounjinaires de la carlamuso prouvençalo, de la nostro boudègo lengadouciano e de la magico cobreto auvergnato !

J. FELICIAN COURT.

Em'acò, zóu ! en Auriha, l'Escolo auvergnato se vèn de coustituï e bandis aquest rampèu, que fara tresana l'amo di patrioto :

Ourlbat, le 27 de Jun 1894.

Jusquos onohuèi les omes del nàut Miètjiour se sou pas gaire mesclat ol grond moubomen de decentrolisociou felibrenco.

L'Oubèrgnat es coumo les estelous de gorrit, que n'ou pas prou seccat ol soulel : quoi de lo ligno de meissono cromo. Cau busa rete pel l'oluca, è dobón de bronila poutigno que cau sat ! Reno, peto, escupis pei londiès è fo resiscla de capt en cimo del courmal, dei rebouluns de belugos ; mès otobe, quond fo ton que de croma, cromo que lou poudès plus escont !

Es otobé un boussi, l'Oubèrgnat, coumo l'aigo-néu, que de tout l'iber lo besès pas courre ; mès om los prumiéros busados de lo primo, lo glaço derelonco, lo néu found, è tout d'un couop dirias un concèl de guèrbos que se derroco : néu è glaço tout oquo dobalo, tout oquo s'escompilho ; l'aigo blugo è fregio, bromairo è brounzinaire sàuto de rot en rot, bou long des trobèrs, ol found de los crosos, è les Prats n'en sou toutchis octotats. Olàu es l'Oubèrgnat, è jo dije sons couyounado : tordiou o lo portilo, quond es portit res l'orrèsto. Ton bourrio bous boutré dobont un rot que dobalo de per un sèrre !

Dijons dounco que jusquos onohuèi les omes des puëts è des ploumbs n'obiou pas lou biai de bouleire enrega dorguïs oquetchis de lo ploño è del bas poïs. Ogotchiabou fa les autres. Se countentabou de porla lour jionto è pourido lengo, mès digun s'ocupabo pas gaire de lo rebira en bers plo rimats è plo mesurats, ni mai quitomen en proso plo pentchinado, plo lobado è plo soplounado. — Quond dije digun, oquoi beléu masso dire : obion be de çai, de lai, càques contaires de noturo è d'inclinociou, càques ossibaudiès, càques merles de mountogno piounaires, è, mai que mai, estuflaires, mès de qu'ero oquo ?

De que poudiou faire, bous domonde un boussi, oquetchis quatre ou cinq paures ossibaudies, despoisats è casi borials ol mièt d'un bou de posserals ? Les posserals contou pas : cercou lour bido ; è, ton que les ossibodiès lèbou lou capt en l'èr, per soluda lou jiour que ratjio, o l'ou-ro ound l'olet frescot del moti escontis lei dorguieiros estielos, ou per dire odicias ol soulel que trescound obal, dorguile de lei nibous de couire routji, lusentos coumo des peïrous, ol found del ciéu triste è sonnous; tant que fou piou-piou, les autres, les posserals coquuis è gaus s'emplinou lou popa de gronus è de sàtobous, è n'es-contou pas les contaires, les repopiaires coumo dijou dei malens.

Ohuèi, gognats pel l'exemple, les posserals d'Oubèrgno mespresou plus les ossibodiès, ni mai los quitoi busquetos de leurs mountognos. Coumo les roussignous de Proubenço è les cordinous de Lengodo, guet-chis otobe bouolou founda uno Escolo. Bouolou conta, conta è morca dins lo grondo ,confederociou miètjournalo è felibenco. — Bous es-pourucossias pas d'ousi dei mouots un bouci noubèls per biutres, fraires del naut è del bas poïs. Oquetchis mouots les ponon pas o digun, qu'obès pou ! Sou pas ponats, ni quitomen molebats : sou to plo nostres coumo dei Lengodoucians ou de Proubençaus. Nou'n serbion plus dem-pie longtems, è lou tort qu'obion ; ohuèi coumo uno brossado d'es-pletchios estrenados è ouplidados dins lo pousco d'un gronié, les tournon querre, è foson pas qu'usa de neste dret : digun nous cridoro pas : ol boulur !

Oubèrgnats, qu'eimal bouostro lengo è bouostro poïs — è l'on pouot pas eima l'un, sans eima l'autre, — bous benon souia ! Benon omouida les segnonts è les bicouaires. Derebilhat-bous, rebregat-bous les uels, lebat-bous, enregat dret, è, corgat codun de bouostro peiro, benèt nous ojuda o bosti l'*Escolo Oubèrgnato* !

Un felibre, un ossibodié piounaire de nostroi mountognos, contabo, n'ouro léu quatre ons :

- Counserbon les oncians temouons de nostro glorio,
- Nustres bièls mounumens, pei siècles mié-rouinats,
- E counserbon tote lo lengo deis einats :
- Lengo è mounumens sou de los pajios d'historio...

Opé ! lengo è mounumens — lo lengo surtout ! Oproubon certo plo les omes de cienco è de councienço que petassou lei bielhos porets ; mè de que diren d'oquetchis que fou lusi è trelusi lou porla meiral, lo lengo qu'obon tetado om lou lat de lo momo ? Los peiros sou mou-ortos ; lo lengo es en bido, poulido è flourido, è dins guelo, bibonto

otobe, parlo è conto, rei è plouro l'amo rudo è fièro de nostres belets,
e rei-de-belets, l'amo immourtalo de l'Oubèrgno.

Soubenèt-bous, efons, que lou pouople que perd souu porla meiral
perd otobe soun ama de pouople : douminat è oudounat pel leis autroi
raços, li se counfound, li trescound, è finalomen li se négo !

Hordit dounc, les mascle de cur è de pougio, les Oubèrgnats que
s'obregountjiou pas de lour song ! Benèt, è n'ougossias pas pessomen
de roncountra tchia bàutres *lo Poulitico*, oquel moustéu que jo bouto
tout o perire. Lisiros pas que dou noums su nostre dropéu : Oubèrgno
è Mietjour, è jious plets d'oquel dropéu li o plaço per tous lei bou-
nos boulountats, per tout oquel que bou pas perdre so marco de raço,
soun ouriginolitat notibo, è qu'o lou cur prou lartji è prou bël pe-
li fa clàure ensemble è en même tems, è l'amour de l'Oubèrgno è l'a-
mour de lo Fronço.

Lengo d'Oubèrgno, lengo de lo momo, lengo nostro, reino que co-
mines ohuei pé-nudo dins deis esclots de bouès son guillo, n'atchios
pas pou ! Te tournoren coussa tous escorpis de sédo blonco, è tour-
noro lusi sus toun capt, coumo un soulel, to jionto courouno de reino.
Digun te mespresoros plus, car tous efons s: lébou per t'opora, è dins
lours uëls de mascles l'on bei bronda lo routjio è superbo flombo d'un
song que couyouuno pas ! Tournoras conta, lengo d'Quèrgno, tourno-
ras conta è trina coumo uno jionto esquillo niobo.

Entendès, bàutres, les fraires è les omits ? Anen ! couratji ! lebat-
bous è benèt. Quoi pel l'Oubèrgno ! Quoi pel lo momo !

Pel Courrat d'ourgonisociou:

A. VERMENOUZE.

Lou Coumitat :

LOUIS ABEL, de *La Petite Gironde*, publiciste ; ABBÉ F. COURGHINOUX,
licencié ès-lettres ; J. FELICIEN COURT, publiciste, ex-secrétaire de l'*Es-
colo Moundino* ; EMMANUEL DES ESSARTS, doyen de la Faculté des Lettres
de Clermont ; DOCTEUR FRANCIS FESQ, maire d'Aurillac ; MGR GÉRAUD ;
EUGÈNE LINTILHAC, docteur ès-lettres, professeur au lycée Saint-Louis ;
ARSÈNE VERMENOUZE, poète cantalien.

RÈGLOMEN DE L'ESCOLO OUBÈRGNATO

ORTICLE PRUMIER. — Uno Escolo felibreno, que foro portido de lo
Montenenço del Lengodo es foundedo Ourlhat. Oquelo escolo penro
lou noum d'*Escolo Oubèrgnato*.

ORT. II. — Coumo l'idéio que persèt l'Escolo es puromen literario è potrioutico, lei discussious poulitiquos è religiousos, li sou defendudos, ol mèmo titre que dins los àutros escolos, per l'orticle II de l'*Estatut dou Felibridge*.

ORT. III. — Lou Burèu de l'Escolo es noumat per tres ons è renouvelaple. Les membres octibaires d'oquel Buréu, outon dire lou presiden, un dei bice-presidens, lou secretari è lou tresourié, débou demoura dins lo bilo ound es lou siète de lo Souciotat.

ORT. IV. — L'Escolo dèu se reüni è s'otoula ou min un couet per on.

Lou Buréu pourro soquelài, coumbouca l'Escolo quond n'en sero besoun.

Queloi reunious s'opèlou *Felibrejados*.

ORT. V. — L'Escolo ourgonijoro dei jiots flourous o lioucosiou de cado felibrejado, è li pourrou penre part touchis les oficiounats de lo lengo oubèrgnato è dins uno secciu especialo, touchis les efons de leis escolos.

ORT. VI. — Pourron faire portido de l'*Escolo Oubèrgnato* touchis oquechis qu'ou ol cur l'omour de lour poïs, de so lengo è de sos trodicious. Lou Buréu exominoro lei demandos d'odesiou.

ORT. VII. — Cado membre sero tengut de poga sièi frons pel jounal de l'Escolo, fràis è despensos de touto sorte.

En tre que lis adesioun au rampèu d'eici-dessubre se saran groupado, e noun podon qu'estre noumbrouso, se dounara uno conferènci ounte s'acamparan totùi lis aparaire de la Causo ; se tendra, pièi, uno felibrejado e se parlara de la creacioun d'uno publicacioun mesadiero : *La Cobrero*, que ié disèn, nautre : *La Carlamuso*. Zòu ! que *La cobrero* rounfle souto li castagnié d'Auriha.

— Aquest an, lou councours de *Cobretaires* s'es tengu à Vic-sus-Cero ; la cobrero o la carlamuso es l'estrumen naciounau de l'Auvergn, coume lou tambourin es aquéu de Prouvènço.

La fèsto s'es facho lou 5 d'avoust e a començà pèr lou courounamen d'uno rousiero ; pièi, M. Eugèni Lintilhac a dubert lou councours di *Musseto* pèr un flame discours, ounte a enaura l'amour de la terro mairalo e lis us naciounau, en parlant autamen de la novo Escolo auvergnato constituido pèr lou relevamen e lou mantenemen de la lengo, en apoundènt que s'envenié en Aurenjo, ounte avèn agu l'ur de lou vèire, e que se pourrié que i'aduguèsse quaque jour li felibre

de Prouvènço, pèr armounisa li riéu-chiéu-chiéu e li tutu-pan-pan emé la muso auvergnato.

Em'acò, lou councours es dubert, e 24 cobretaire ié prénon part ; cadun déu jouga uno *bourrèio*, uno valso e un regrès. La jurado èro coumpausado de MM. E. Lintilhac, présidènt ; Matre, avouat ; Vermenouze, Mabit, noutarì ; Arlabosse, Puech, ingeniaire, e de tóut li journalisto présent : vès-eici courme a coumparti li recoumpènso :

Premié pres, medaio de vermèi semoundudo pèr lou Ciéucle de Vic, e 25 fr., à Pèire Lascroux, de Vic.

Segound pres, medaio d'argènt e 18 fr. à-n-Antòni Bouscatel, de Paris.

Tresen pres, semoundu pèr M. Baduel, sénator : 20 fr., à Jan Serile, d'Auriha.

Quatren pres, óufert pèr M. Bastid, députa : 20 fr., à Nouvè Mas, de Paris.

Cinquen pres, (pres Bancharel) réserva i jóuni cabretaire : 20 fr., à Jan Serieys, de Vic.

Siesen pres, medaio de brounze e 5 fr., à Cyrignac, de Sant-Chamant. Seten pres, medaio de brounze e 5 fr., à Laborie, de Ladinjac.

Vuechen pres, 8 fr., à Viales-Soubrane, en Auriha.

Tóuti li *cobretaires* qu'an ges davera de joio an agu 3 fr. tintin, pèr acourajamen.

E li rejouissènço se soun clavado pèr un banquet à l'aubergarié Vialette e uno fèsto de niue resplendènto.

Longo-mai l'Auvergno trefouligue e danse au son de la *cobreto* !

VANEGACIOUN

- Lou felibre abat Ed. Gibelin es, aro, curat dóu Muy (Var).
- Louis Tombarel vèn d'estre nouma mèstre-repetitour au coulège d'Aurenjo (Vau-Cluso).
- Andriéu Jaubert es nouma interno dis Espitau d'Avignoun.

Lou numerò venènt, que vai parèisse dins quau-qui jour, sara double e tendra lou comte rendu coumplèt di fèsto cigaliero e felibreno.

Lou Gerent : Jan Monné.

Imprimerie L. DUC, 35, rue Rousselot, Paris.

CROUNICO

LI FÈSTO FELIBRENCO

Vès-aqui li Cigalié e li Felibre de Paris parti pèr soun roumavage miejournau ; es à Lioun que s'acampon.

En Pau Marieton avié bouta tout soun envanc — n'i'en a faugu — pèr ourganisa tout acò bèu.

A nou ouro dóu matin, lou g d'avoust, lou Coumitat de la Prèss liouneso es vengu à la garo faire la bèn-vengudo i roumiéu ; pièi, cadun lando pèr la vilo inmènso, en cerco d'un loujamen, e, certo, es pas sèns peno que se n'attrovo. Mai, à miejour dindant, toliti s'atrovon au mitan de l'Espousicioun, dins un « chalet » venician auboura sus lou clar de la *Tèsto d'Or* ; aqui, li Liounés, en un banquet freirenau, an recaupu li Miejournau de Paris e li Parisen que li seguissien, coume de rèi.

Es M. Delaroche, présidènt dóu Coumitat de la Prèss liouneso, qu'a dubert la porto di brinde en saludant si counfraire de la grando prèss de Paris. M. Raoul Canivet i'a respoundu e a begu i felibre ; En Pau Arene a di que li Felibre persounificavon la pouësio nativo, e a begu à Pèire Dupont ; lou flame counferencié En Pau Marieton a enaura lou *particularisme liounés* ; pièi, d'autre e d'autre an brinda e canta.

Lou *lunch* es esta óufert, lou vèvre, à nou ouro, sus d'uno galèro abandeirado qu'aurias di un astre luminous toumba dóu cèu e vane-

gant sus lou clar de la Tèsto d'Or : l'on se cresié en un pantai de fado, emé li musico, li fiò e li goundolo que fusavon sus l'aigo, bressado pèr li cansoun di remaire.

La farandoulo a clava la fèsto, d'enterin que lou fiò d'artifice iluminavo l'espaci e fasié clanti si boumbo dins l'èr.

Soun aperaquí dous cènt que s'embarcon sus lou *Gladiateur*, pèr davala lou Rose, lou matin dóu 10 d'avoust.

A Vieno, que lou batèu se i'arrèsto pas, tout lou pople es vengu saluda li pouèto e ié traire de flour. Se pòu pas dire coume la davalado es magnifico e coume tresporto d'entousiasme tóuti aquéli que la fan pèr lou proumié cop.

Mai s'arribo à Tournoun, li quèi soun negre de mounde e li drapèu floutejon dins l'aire ; la Municipalita reçau gentamen nòstis ami, e, musico en tèsto, tóuti, pople e felibre, journalisto, etc., soun pourta, entre-mescle, jusqu'au licèu, ounte la fèsto se dèu coumpli.

La taulo dóu banquet es dreissado sout li grands aubre de la cour dóu licèu ; au dessert, lou pargue es esta dubert au pople, que l'a envahi, pèr ausi soun maire, M. Faure, brinda i felibre e té dire de tourna à Tournoun, que ié gardarien si meiour vin e soun ardento simpatio. Es lou majourau Pau Arene qu'improuviso quàuqui paraulo, que s'es fa aclama.

Felibre e Cigalié reprenon lou camin dóu Rose, e soun batèu li meno vers Valenço, ounte arribon vers uno ouro de tantost. Aqui, peréu, lou pople, en grand fogo, es vengu i'adurre soun salut courau. M. Ollagnier, ajoun dóu maire, ié fai lis ounour, e lou courtège s'adraio vers l'avengudo Vitour Hugo, ounte s'inaguro uno placo de mabre sus l'oustaü de Championnet. Li majourau Sextius Michel, président di Felibre de Paris, e Maurise Faure, députa de la Droumo, prounóuncion de discours foço aplaudi ; d'aquí, lou courtège, precedi de la musico municipalo, vai sus la plaço de la Républico, ounte se dèu auboura lou mounumen en glòri d'Emilo Augier.

Après la ceremóni se signo lou verbau, e M. Claretie enauro l'engèni de l'autour dramatique ; M. Ollagnier ié respond poulidamen. Em'acò, pièi, tout aquéu mounde se dirigis vers la coumuno, ounte la Municipalita ié semound un vin d'ounour. Lou députa Lockroy ié parlo dóu patrioutisme di Felibre e, au noum dóu Felibrige, Pau Marieton ié trais si gramaci pèr sa bello dicho e saludo la vilo de Valenço tant génto e tant courteso.

Tourna-mai, lou *Gladiateur* emporto roumiéu e roumiéu sus lou grand flume prouvençau que davallo en courrènt vers Prouvènço, is accord meloudious de la musico municipalo de Valènço, que s'es embarcado em' éli pèr li regala tout-de-long dóu camin.

D'enterir, li ministre Guérin, Leygues e Barthou, èron arriba en Avignoun, an flasqueja e soun parti pèr Carpentras pèr tourna-mai taujeja. Leissen courre li Ministre, qu'es gaire en-de-bon de felibreja ounte soun, e tournan sus lou quèi dóu Rose, en Avignoun, tout clafi de pople e picant di man à l'arribado di galant viajaire, que, reçaupu superbamen pèr lou Capoulié e li Felibre d'Avignoun, soun ana, subran, se refaire un brisoun, quau eici, quau eila, dóu lassige de la routo.

Lou dissate 11 d'avoust, lou trin, sus li vuech ouro dóu matin, emporto Felibre e Cigalié, emai li Ministre, vers Cadenet, ounte se dèu inagura lou mounumen dóu *Tambour d'Arcolo, André Estienne*, obro majo de l'escultour Amy. En passant à touti li garo, li Ministre soun benastruga, co qu'amuso gaire li Felibre. A Cavaiou se fai pauseto, e zóu ! en avans li discours e lou vin d'ounour, dins li saloun de la garo.

A Cadenet, ounte s'arribo à younge ouro, la vilo es superbamen abandeirado e flourido. I'a 'n pople fòu pèr li carriero e forço sóudard pèr garda... li Ministre... Ai ! ai ! ai !

De la coumuno se vai davans l'oustan dóu pichot tambour, e d'aqui sus la plaço ounte se dèu inagura lou mounumen.

En tre que tout lou mounde óuficiau a pres plaço sus l'estrado, ounte se remarco neste Capoulié En Félix Gras e quàuqui felibre, e que la musico dóu 58^{mo} de ligno a jouga la *Marsibeso*, M. Astié, maire de Cadenet, pren la paraulo, enaurant coume es degu aquel enfant dóu païs, que ié vau l'acamp de tant d'ilustre vesitaire, e fai gramaci au Ministre di Bèus-Art que i'a fa douno dóu bronze tant abilamen cisela pèr l'escultaire Amy. Lou secretari dóu Coumitat, M. Lacaze, e M. Reboulin, députa de l'arroundissamen d'Ate, tambèn l'apoundon sa dicho, e, pièi, vèn au tour d'Albert Tournier, que li Cigalié de Paris avien delega, e que, en paraulo superbo, glourifico l'amour de la pichoto patrio, tout en glourificant André Estienne, e qu'eigrejo uno trou nadisso de picamen de man. Mai, lou bèu, es quand Jùli Bonnet, au pèd dóu mounumen, largo fieramen li supèrbis estrofo de l'odo magnifico de Frederi Mistral :

A l'armado italico
l'a'n pichonet tambour,
Que pèr la République
Boumbounejo d'amour.

Es un verme de terro,
Sourtí de Cadenet ;
Mai, aro, van en guerro
Li grand e li nanet...

Alor l'entousiasme roump si resclauso, e lou pople unanime, ardènt, enfiouca, aplaudis e aplaudis tourna-mai e sèns relàmbi ; pèr claire tout acò bèu, lou generau Quenot, delega dóu Ministre de la guerro, e M. Leygues, ministre de l'Estruciuon publico, i'apoundon sa dicho patrioutico.

Dins li jardin de l'escolo di chato, souto de grand platano, à miejour, se douno un banquet de 300 taulejaire. Mai, au mitan de la dinado, vès-aqui que Mistral arribo e que tóuti li counvida s'aubouron, l'aclamon e cridon : Vivo Mistral ! Vivo Mistral !

A la desservo, lou prefèt de Vau-Cluso béu au Presidènt de la Républico, pièi En Frederi Mistral béu i Ministre emai à la Républico, s'adrèssio, en seguido, au pople, i gènt de la terro que i'a sauva sa lengo, emé l'ajudo di Felibre, dóu mesprés di bourgés e di faus patrioto : lou pople béu li paraulo de soun pouèto, d'aquéu qu'à sis iue encarno sa Prouvènço, e pèr sis aclamacioun ié dis tout soun amour.

Tambèn, lou Ministre de l'Estruciuon publico, M. Leygues, que, pèr éu, Mistral es noun soulamen l'emperaire de la Prouvènço, mai encaro lou Diéu dóu Miejour, M. Leygues, dise, respond coume seguis au discours dóu grand pouèto de Maiano :

Après le grand poète dont la Provence et la France sont très fières, que puis-je dire qui aille à vos coeurs ? C'est que ce qui constitue le génie de l'auteur de *Mireille*, comme celui de tous les poètes vraiment sincères, c'est la fidélité à la nature, c'est la spontanéité, c'est la reproduction émue des sensations véritables, c'est l'amour inspirateur de la terre natale. Cigaliens, je sais, moi, tout ce que contient de patriotique et de second l'idée mère du Félibrige. N'allez pas le dire à Paris. (*Applaudissements et hilarité prolongée*)

Permettez-moi de répéter, à ce propos, un mot que me disait souvent le grand et regretté Gounod qui, lui aussi, a chanté *Mireille* : « Le vrai génie de l'art, c'est l'émotion devenue savoir, c'est le cœur devenu cerveau. C'est là, Messieurs, que réside et résidera toujours l'éternelle poésie, c'est du peuple, c'est de la nature vivante que vient, comme le proclame Mistral, toute noble et géniale pensée.

Lis aplaudimen clavon magnificamen la dicho dóu Ministre. Lou majourau En Maurise Faure remembro lou souveni de Felician David, lou grand musicaire, enfant de Cadenet, que quauqui Cigalié éron ana saluda soun oustau.

Em'acò, lou courtège ministeriau, que Cigalié e Felibre seguisson, vai à la garç e pren lou trin pèr veni en Aurenjo, ounte un pople, espès coume péu de tèsto, es à l'espéro despièi d'ouro e d'ouro, e n'a la fernetego, noun pas de faire bèu-bèu i Ministre, mai de leva lou capèu à si pouèto e de vèire la representacioun de la Coumèdi-Franceso. Tout lou mounde avié qu'un encié : agué sa carto, pèr pousqué ausi Mounet-Sully au teatre antique. A-n-aquéu prepaus, s'es passa de sceno coumico e mai que risiblo. Ah ! sus la plaço de la coumuno, li bèu cacalas que s'es fa e peréu davans lou teatre ! Ié falié èstre pèr lou vèire e pèr lou crèire. Rèn qu'acò valié lou viage e l'argent. Quènti causo, bèu Diéu !

E la troupo, e la pouliço e que sabe ieu, tout acò courrié d'eici, d'eila, tout acò entramblavo tant, que s'es rèn pouscu faire dóu prougramo arresta.

Basto ! à l'arribado dóu trin, tout lou mounde s'es dirigi vers la coumuno, ounte ié devié agué un vin d'ounour. Es dins li saloun que l'on atrovo lis ami e que l'on espèro quauque persounage óuficiau pèr reçaupre li Cigalié e li Felibre... Mai, res vèn, e l'on es dins l'oubli-gacioun de se servi... e de s'enana bousca la soupado avans la representacioun.

D'enterin, quauquis-un, leissant lou courtège óuficiau, soun ana inagura lou buste auboura davans lou teatre antique à la memori de Caristie, que n'es esta lou restauratour ; M. Jules Claretie a di gentamen çò qu'ero e çò qu'avié fa, aquéu savènt proufessour d'architeituro, membre de l'Istitut, pèr sauva de l'oublit nostè bèu teatre.

A vuech ouro e miejo, un di *vomitorium* nous douno intrado dins lou teatre : un espectacle grandaras nous esmòu ; aquéli lusour eleitrico toundant en oundo esbléugissento sus li dès milo tèsto acampado sus li *gradin* à perdo de visto, acò vous boulègo l'amo.

Noutaren pèr nautre, Felibre, l'ouvacioun superbo que lou pople entié a facho à Frederi Mistral, qu'ero, se pòu dire, lou présidènt, lou rëi de la festo : es esta un triounfle !

E n'es peréu esta un, de grand, de sublime triounfle, pèr Mounet-Sully e si coumpañ quand, après l'inne *A Pallas*, canta pèr Milo Bréval, de l'Opera, e l'*Ilote*, de Pau Arene e Monselet, an debana à nòstis

ue la tragèdi de Sophocle : *Oedipe-Roi*. Es esta uno ouvacioun, un tresport unanime d'entousiasme coume se n'es jamai vist.

Un trin especiau emporto tout lou mounde en Avignoun, ounte, lou dimenche matin, mau-grat lou prougramo, li Felibre an fa cambo lasso enjusqu'au vèspre, au moumen de tourna en Aurenjo. Fau dire pamens qu'en Avignoun, óuficialamen, li Ministre e la Municipalita an inagura, dins la matinado, lou buste de Guihaume Puy, inaire d'Avignoun en 1794, e lou buste e la font doué d'outour Pamard, ancian maire, que Bastet e Imbert n'en soun li ciselaira. En seguido d'aquelis inaguracioun, un banquet s'es douna dins la grando cour d'ounour dou licèu, semoundu pèr la viro d'Avignoun i Ministre, à la Presso, i Felibre (?) em' i Cigalié.

Basto ! nous vaqui tourna-mai en Aurenjo. Li Ministre taulejon en un banquet poupopulàri, e, à la fin de la dinado, à la desservo, s'es larga de tros de riban que, mau-grat lou dire di journau, n'i'a ges que fugon vengu i *Felibre*. E n'es de-longo ansin. I'a jamai rèn pèr li *Felibre* misjournau, pèr li *Felibre* dou bon. D'ounte acò vèn ? Lou sabèn pas, mai acò's ansin.

A vuech ouro e miejo, dins lou grand ciéri, se douno la segoundo representacioun de la Coumèdi-Franceso. L'*Hymne à Apollon*, canta pèr Millo Paulino Costes, proufessour au Counservatori de musico d'Avignoun, a fa flòri. *La Revanche d'Iris* es stato bèn rendudo pèr M. Berr e Millo Rachel-Boyer. Pièi, Mounet-Sully a, dins *Antigone*, retrouva soun triounfie d'atendrissamen e d'ourrour. La representacioun es stato sublimo, resplendento e inóublidable.

A la fin finalo, lou 13 d'avoust, Avignoun se reviho en joio : es pièi sa festo vertadiero, aquelo de sis enfant glourious, aquelo de si felibre ; me sèmble d'ausi la voues dou grand Aubanèu, cantant :

*Avignoun grasiha
De l'escandiho,
Tant bén de fes que j'a
Lou jour soumiko,
Mai s'acampo au soulèu
Si gai Felibre, leu !
Ea di cigalo
La capitalo.*

Sus li dèz ouro, li Felibre parton de la coumuno e, aclama pèr lou pople, van, musico en testo, inagura lou mounumen de Roumanille, dins lou jardin coumunau de Sant-Marciau.

Es aqui que sian : li tambourin que devien touca l'aubado i mestre

qu'anavian glourifica, largon si riéu-chiéu-chiéu dins tóuti li carriero e cantoun d'Avignoun, e soun pas ounte aurien degu èstre. Basto ! *l'Armousio avignounenco* tèn la plaço di tambourin e nous meno au pèd dóu mounumen à travès di carriero clasido de pople.

Lou jardin es envahi, li Felibre i'arribon emé proun peno e se vènon rambla à l'entour dóu buste de Roumanille ; Mmo e Millo Roumanille soun i plaço d'ounour emé peréu Jaque Roumanille.

Sus lou davans dóu mounumen, s'atovo un delicious bas-relèu de l'escultaire Ferigoulo, representant dos Prouvençalo sounjarello au pèd d'un óulivié, l'uno drecho e l'autro assetado, tenènt dins si man de bouquet de margarideto, d'enterin qu'à si pèd, un pichot jouveinet, galant e téri, es en trin de legi *l'Armana prouvençau* ; dins lou souns dóu tabléu, aparèisson lis antico de Sant-Roumié ; en dessubre d'aquéu bas-relèu es escri : *Li Sounjarello*, e l'iscripcióun se countuniò tout à l'entour ; à drecho se legis : *Li Conte prouvençau*, à gaúcho, *Li Margarideto*, e darrié : *Lis ombreto*, emé pièi aquesto iscripcióun :

A la memòri
dóu felibre Capoulié
JOUSE ROUMANILLE
avén auboura
Aquesto Mount-Jojo
pèr souscripcióun
populàri
Emé l'ajudo
de M. lou Menistre
de l'Estrucióun publico
E l'affat
De la vilo d'Avignoun
1891

Au d'à-bas, se legisson li noum dóu prefèt, M. Gastoun Carle, dóu maire, Pourquery de Boisserin, de Jósè Huot, architeite dóu mounumen, e de MM. Favié e Alvarez, escultaire ournamenisto.

Em'acò, Frederi Mistral, superbe d'esmougudo, traïs si gramaci au maire d'Avignoun emai à soun Counsèu, que tant atívamen an contribuï pèr l'aubouramen dóu mounumen. Escoutas-lou dins sa dicho magnifico :

Roumaniho, nascu dins uno famiho dóu pople, franco famiho prouvençalo, e que l'educacioun n'avié desmesoulado en rèn — coume aquéli que rèston estacado à la terro, Roumaniho, amo d'or, quand venguè l'age de senti e de canta çò que sentié, coumpren-

guè, éu, que tenié de soun sourgènt e de sa raço quaucarèn de particulié, de profound, de fidèu, de pious e de sant — que noun poudié se dire que dins la lengo de si rère.

Tóuti aquéli qu'an begu lou la di tradicioun e di cresènço antico dins uno lengo propre mounte nasqueron, — e se fan toujour que plus rare — téuti aquéli qu'an tasta lou mèu pur, lou mèu vierge de l'eternalo bresco que rajo, quand sian jouine, dins li gres embauma de nòsti colo de Prouvènço, téuti aquéli coumprendran aquelo douço remembranço que li siéu de la terro, quand soun pas de nebla, gardon pèr lou parla de soun enfanço e de si maire.

La pouëslo, aquelo flour de la naturo e di nacioun, que d'espe-relo sort dins l'asclo d'uno roco o dins la bòri d'un pacan, la pouëslo, quel encëns que mounto de nostro amo vers lou soulèu de Diéu, es uno causo, mis ami, que s'apren pas dins lis escolo. E li pouëto qu'an parla, dins soun oustau, dins soun endré, uno lengo que vèn touto souleto sus li bouco, uno lengo que parlon li pèiro dóu païs, se soun pouëto de naturo, se soun pouëto véritable, noun podon sèns menti la renega ni la leissa.

E vaquì ço que Roumaniho, que n'èro pas un nèsci nimai un ignourènt, coumprenguè d'istint à bono ouro.

Plen de la counviciooun que la lengo parlado pèr li gènt dóu terraire, pèr li vièii famiho fidèlo à si coutumo, devié autant qu'uno autre èstre digno de viéure e digno d'espremi tout ço que ris o plouro dins lou cor di bràvi gènt, Roumaniho, — e es acò sa glòri en Prouvènço — tratè la lengo prouvençalo en tout respèt e tout ounour.

Se cresié, d'aquéu tems, e lou cresien li bedigas, li frâncihot e lis arlèri, que neste prouvençau n'èro plus bon que pèr li farço di darrié jour de Carnava, e qu'èro indigne e incapable d'entraire e de canta tout ço que i'a de bèu, tout ço que i'a d'ounèste.

Mai Roumaniho, em' uno voio que se fasié durbi pertout, em' uno bounoumlo que fasié gau en téuti, e, quand falié, em' un courage que, dins un tems de luchò poulitico arderouso, ié vauguè, se vèi proun, l'estimo de si countrastaire, Roumaniho, éu, menè la lengo famihiero dóu pople de Prouvènço pertout, vers li mai des-pichous.

La faguè aculi emé de picamen de man dins li coumpagno li plus fièro ; la faguè triounfa dintre lis acadèmi li mai refastigouso,

la faguè canta dins li glèiso emé si melicous mouvè ; ié faguè tira li lagremo i riche, quand disic :

léu vène vous parla de la santo pauriho !

Qu'es besoun de vous dire la vogo de si conte de l'*Armana prouvençau*, d'aquéu Cascarelet que l'a rendu tant poupoplari ? Lou pi-chot libre ounte escampavo, desempièi quaranto an, au mounde de Prouvènço, la galejado de bon goust e lou vièi rire dòu païs, es esta, es encaro, lou passo-lèms de tout un pople.

Fau-ti parla de l'obro inmenso ounte a presida tant de tèms, l'obro d'espurgamen, de sauvamen, de proupagando de nosto lengo miejournenco, ounte, lis un après lis autre, avié groupa e reüni tant de coumpan e d'escoulan, l'obro dòu Felibrige, toujour que mai ravoio, toujour que mai fegoundo, que nous vau au-jour-d'uei la vesito e l'aflat dis ami de Paris e lou rebat de tòuti lis ilustracioun vivènto !

Noun, aquéli coulègo, li fraire de Paris, vous diran, vous van dire éli-même la pourtado d'aquesto manifestacioun. Es de liuen que se vèi la courouno d'un aubre, es de liuen que se jujo lou clarun d'uno glòri.

Vièi cambarado, vièi ami de Jóusè Roumaniho, lou mai entime, pode dire, d'aquéli que l'an counéigu, me countète iéu, temouin de soun amour pèr la Prouvènço, de saluda au-jour-d'uei sa glorifisacioun, en presènci d'aquéli qu'an segounda soun obro, de sa mouié valènto e de tòuti li siéu.

O, moun bèu Roumaniho ! à la fàci dòu pople que s'encarnavo en tu, dins aquest Avignoun — que n'as fa lou fougau de nosto reneissènço, iéu salude ta caro, vivènto pèr toujour à l'oumbro dòu Palais di Papo, en aquéu rode astra qu'i tèms papau se devinavo lou jardin de la Rèino Jano !

Sextius Michel, au noum di Felibre de Paris, que n'es lou président, a de paraulo noble e enaurantò pèr ounoura la memòri de Roumaniho ; Clovis Hugues vèn pièi larga lou desbord de soun odo « A la Prouvènço », touto souleiouso e ferigoulado e que nous fasèn un plesi de publica :

A LA PROUVÈNÇO

Es pèr tu que cante, Prouvènço !
 Quand revèse toun soulèu d'or,
 Tout ço que fuguè ma jouvènço,
 Me beluguejo dins lou cor.
 Courre ti bos e ti mountagno ;
 M'acate darré li baragno,
 Coume quand ère pichouinet ;
 Dins lou blanc trelus de l'aubeto,
 Arrapc ensèn sus li floureto
 La rimo e lou parpaiouinet.

Dintre ti roco ensouleiado,
 Dins lou cèu que bluiejo e ris,
 S'aubouro la roco di fado,
 Aquelo que fuguè moun nis.
 Mi rèire coucha sus l'auturo,
 Dins la bèuta de la naturo,
 N'an que lou clapas pèr toumbèu ;
 L'amo di nostre, quand s'envolo,
 Voulastrejo sobre li colo
 Emé li nivo e lis aucèu.

Prouvènço, o maire de ma maire !
 Es tu qu'en bousant sus ma car
 Me batejères pantaaire
 Emé l'aigo dòu Rose clar !
 Es tu que, proche moun auriho,
 Vounvounaves coume uno abiho,
 Quand de Menerbo à Veleroun,
 Jamai desafouga de courre,
 M'enfusave i draïdu di mourre
 En piéutant coume un passeroun.

Se s'aubouran lèu, se nosto amo,
 Abrasado dòu fiò de Diéu,
 Seguis coumic un aucèu de flamo
 Lou desplegamen di drapèu.

Se eridan : Bataio ! bataio !
Se la santo espaso cascaio
Dins lou fourrèu, sout nòsti man,
Es pèr ço que, sus ti det rouge,
Avèn begu lou sang ferouge
Di Sarrasin e di Rouman !

Se parlan ta lengo adourado,
Pertout, de liuen coume de près,
Emé nòsti labro daurado
De la cansouneto dóu brès,
Es pèr ço que li pàuri vièjo
Nous disien ta gènto Mirèio,
Amourouso de Vincenet,
Dintre lou tèms que sus sis anco
La fielouso de sedo blanco
Se debanavo plan-planet.

Se nosto cansoun triounfalo,
Ounte la joio s'espandis,
Lando coume un vòu de cigalo
Dins lou cèu negre de Paris,
Es pèr ço que siés jamai lasso
De faire espeli nosto raço
Dins li poutoun d'or dóu soulèu,
E que nous as dins li parpello
Vuja la glòri dis estello
Coume l'òli dins lou calèu !

Zóu ! li poung fa pèr la batèsto,
Li cambo au pitre di chivau.
Sarian belèu li troublo-fèsto,
Li cercaire de lausié faus,
S'avian pas vist sus ti mountagno,
Lis óulivié, li blad d'eigagno,
Proufetisa la grando pas
Emé si branco clarinello,
Tremoulant coume de dentcello
Darrié l'espalo di roucas.

Oublidarian bessai la terro,
 S'èro pas, dins l'èr siave e dous,
 Enca risouleto coume èro
 Au jour de sa proumiero flous ;
 Mai lou mèu de la grando souco
 Es sèmpre encaro sus ta bouco
 Dins li trelus e dins lou vènt ;
 L'aubo en se levant te poutouno,
 E la bèuta de ti chatouno
 Abraso lou cor di jouvènt !

Ges d'esclussi pèr ta memòri !
 Quau t'aclapara dins lou trau,
 Aro que t'abéures de glòri
 Au dive sourgènt de Mistrau ;
 Aro que Fèlis Gras te canto,
 Aro que Roumaniho encanto
 L'amo de ti fiéu negrinèu,
 E qu'au dardai di souleiado,
 A pleno labro l'as manjado,
 La Mióugrano d'Aubanèu ?

Soun de maufatan e d'arlèri,
 Aquéli que, lèu desmama,
 Sabon plus dins ti cementèri
 Jougne li man e lagrema ;
 Aquéli que t'an mespresado,
 Que volon plus segui ti piado,
 Pèr lou camin di parpaioun,
 E que, renegous de si paire,
 An crento de parla, pecaire !
 La lengo de ti pastrihou.

Prouvènço, o terro benesido !
 Nàutri l'aman sèmpre que mai,
 Coume la blanco margarido
 Amo lou poulit mes de mai !
 T'aman d'uno amo libro e fièro,
 A sagata sout ta bandiero

Lou Mióugrano

Lou que te sarié pas fidèu,
Pèr ço que la Franço sacrado
T'a, dins sa courouno estelado,
Coume lou Ventour a lou cèu !

E t'amaren ansin, Prouvènço,
Enaura pèr crida toun noum,
Li dous pèd dins ta draio, sèns
Plega dóu cor o di geinoun,
Tant que lou vènt, sus la mar bluso,
Cantara dins la roco nuso
Li glòri dis ome e di diéu,
Tant que dins li joio nouvialo
Veiren à ti man celestialo
Flouri li roso de l'estiéu !

Fèlis Gras, noste Capoulié e bèu-fraire de Roumanille, pren la paulo au noum de la famiho e fai si gramaci en touti. Pièi, M. Pourquery de Boisserin, deputa e maire d'Avignoun, pren poussessiou dòu mounumen au noum de la vilo, e prouclamo que li discours que se soun di e li pèço legido, saran enclaus dins lou verbau que lou Counsèu Municipau dreissara pèr certifica la presso de poussessiou dòu mounumen pèr la vilo d'Avignoun.

Alor, lou cortège se rènd à la plaço Sant-Didié pèr inaugura lou mounumen de Teodor Aubanèu. L'obro d'Estève Leroux es mai que bello.

Es Louis Astruc, lou sobre-ami d'Aubanel, e qu'a agu l'ur de prene soun seti au Counsistòri, que lou proumié nous vèn parla dòu pouèto de l'amour ; vès-eici sa dicho :

MIDAMO, MESSIÉS,

Vuei la Prouvènço, la Pouëslo, la ciéuta avignounenco podon carga sis ajust dimenchau : lou fièr patrioto, lou grand pouèto, lou fidèu ciéutadin, lou veici ressuscita dins la supreimo glòri de l'inmortau souveni. Vuei, Sant-Agricò e Nosto-Damo trignoulejon *l'alleluia* sublime !

Lou pouèto que forjo li trelus emé soun cor e 'mè soun esperit, travaio i raioun de soun apouteòsi, e lou patrioto qu'amo de tout soun esperit e de tout soun cor lou brès ounte es na, li bàrri que trèvo e la lengo ounte canto, alestis l'amour qu'envirótara plus tard sa propre memòri.

Vèqui perqué, vuci, la literaturo e la couralita se trouvon reüido au pèd d'aquest brounze.

Après Scèus que, à l'afflat de Flourian, farandoulejo chasque an à l'entour d'Aubanèu cigalié, èro juste qu'Avignoun aguèsse lou retrà d'Aubanèu felibre ; provo, entre-tèms, que se l'ome, pèr sa franquesso, soun grand cor, sis idèo largo, se sachè faire ama liuen, liuen tambèn lou mèstre se sachè faire amira, e la France voulointié lou partejo emé nous-autre.

La literaturo prouvençalo, trachido de nosto terro souleiouso e de nòstis oundo bressarello, comto pas, coume aquelo de Paris, de quantita d'ensigno — poulido souvent — e de tiero d'escolo, quâuquis-uno fasènt de bèlli provo de luchò pèr la vido. — Nosto literaturo d'O, despart quâuquis assai, es à pau près uno dins lou Bèu, lou Bon e lou Verai, coume uno simplò fiho dóu pople, pas mai.

Pamens Aubanèu ié sachè empremi uno talo coulour persounalo ; sa luminouso paletò, sourtènt di draio bouscado jusqu'alor pèr si davancié e si countempouran, briè de tau biais, dòumaci soun engèni febrous, que se pòu dire qu'éu fuguè l'esprihadant foundadou de l'escolo parnassiano en Felibrige, e quand li Teoutile Gautier e li Banville, aquéli parnassian avans la letro, saludèron e prouclamèron l'art dóu pintre que glourifican eici, es que vesien proun un fraire esquist dins noste bèu pouèto avignounen, e que, sus lou Parnasse naciounau, lis escrincedaduro dis *Esmaut* e la majesta di *Cariatido*, poudien segur avé la coumpagno redoulènto de sa rouginello *Miòugrano*.

E 'ncaro, dequé soun devengu, vuei, aquéli gran de courau ? Aquéli gran, saunous coume lou cor dóu paure troubaire, an pali, despièi, coume tout pantai palis davans la souleiado, même li pantai de vint an. Lou miòugranié s'es espòussa, leissant si perfum d'amour i ventoulet de Font-Segugno, s'es espòussa davans l'obro virilo, definitivo, que fai d'Aubanèu lou grand artisto que sahèn, que lou counsacrara dins l'aveni, permie li plus pur coulouristo que fan, d'aquesto ouro, la glòri de la republico di letro.

Aquéu que, mai urous que Proumetiéu, pousquè anima de flame celèsto de sujet coume li *Fabre e Noco de fiò*; autre Benvenuto Cellini, aquéu qu'a n'serti de perlo fino dins lou velout di car « pastado de rose e de blanc »; aquéu que, coume Prassitèlo, es-cultè dos celèbri Vènus, aquéu, res ni rèn lou podon empacha de dourmi, mai sis ami, si disciple, sis amiraire noun volon crèire à sa mort.

Lou vaqui dounc, noste Aubanèu, dins la doublo inmortalita artistico e pouplàri, car se soun obro es marcado pèr la Pous-terita, graci à M. Pau Leroux, aquéu pouèto dòu cisèu qu'a buri-na uno di plus bello pajo de nostro istòri, sa bouco hèn-disènto, sis iue ispira, sa faci avenènto s'impauson aro à tòuti: i pichots enfant que coumprendran plus tard, i grand que voudran jamai coumprendre, e i Fiho d'Avignoun, que coumprenguèron toujour soun cantaire magique !

Marieton fai legi soun discours francés pèr J. Bonnet, e Maurise Faure, que se traïs dins lou round en cridant de sa voues superbo, que emai lou Cancelié aguèsse parla francés, acò voulié pas dire que lou prouvençau farié pas flòri à l'aubouramen dòu mounumen d'Aubanèu; M. lou dòutour Pamard legis un sounet d'Em. des Essarts en glòri de Teodor Aubanèu; Fèlis Gras, tourna-mai fai soun salut au grand pouèto, soun ami, e M. lou maire d'Avignoun clavo sesiho emé quau-qui paraulo sertido emé soun cor d'avignounen.

Lou Counsistòri s'es, pièi, acampa à la comuna, dins la salo dòu Counsèu Municipau. S'ero jamai vist talo reunioun de majourau. N'i-a-vié sege de présent à la deliberacioun, e d'autre, qu'eron ana s'espaça en Bartalasso o en d'autri rode.

Li majourau Sextius Michel, Pau Arene e Maurise Faure, an demanda au Counsistòri de durbi si bras au Felibridge de Paris e de lou counsidera d'aro-en-la coume uno Mantenènço dòu Miejour.

Après deliberacioun e discussioun de la questioun, leu Counsistòri a decida, pèr 11 voues contro 5, que se soun astengu, que la Soucieta di Felibre de Paris fourmarié à l'aveni, — soutu lou noum de *Felibridge de Paris*, — la Mantenènço auruso, religado à la grando famiho prouvençalo.

La dicho *mantenènço* aura dounc tòuti li dre que lis Estatut coun-

ferisson i mantenènço sus lou prepaus dis *Escolo* que se voudrien constitui dins la capitalo.

Se noumo sòci dóu Felibrige J. Boniface-Hetrat, reviraire de *Mirèio* en lengo roumanesco e autour de proun article lausengié sus lou Felibrige e li Felibre, dins li revisto de Roumanio.

E, après d'agué trata quauquis àutri questioun felibrenco, la sesiho es levado, pèr ana teni la felibrejado à taulo.

La salo goutico di Templié, de l'oustalarié dóu Louvre, es pleno de bout-en-bout. Cadun s'asseto ounte pòu. Lou pres dóu banqnet a fa deserta proun felibre e cigalié, mai que noun se maucoron, si plaço soun presso per de gènt que lou Felibrige li pretoco gaire e que ié soun rèn. Li prougramo pourtavon proun que i'aurié que de felibre à l'acampado, e que tout just se farié de large, pèr favour, i Cigalié emai i Felibre de Paris. Mai, basto, li prougramo, de qu'es acò?

Dounan à titre de curiousita li mangiho dóu menut qu'es esta servi:

Menudaio apetissènto
Meloun de Cavaïoun
Salado avignouençó
Couquibo de la mar bluio
Ràbi de biou de Camargo i rabasso dóu Ventour
Counglas
Poumo d'amour
Poulao de la Bartalasso
Chambre de Vau-Cluso
Tourre de Jacoumart
Frucbo e pastissarié
Vin felibren de Castèu-Nòu-di-Papo
Vin de la Coupo
Vin lampant e petejant — Blanqueto de Limous
Liquour e Cafè

La Coupo santo, entre douz bouquet superbe, resplendis is iue de tóuti, davans lou Capoulié En Fèlis Gras, que presido l'asèmple, que s'aubouro pièi, e que, la prenènt dins si man, regouiranto dóu bon vin de Sant-Gile, que lou mantenière Chansroux, de Bèu-Caire, a semoundu, prounóuncio lou discours seguènt, qu'a fa barbela d'entoussiasme li cor de tóuti li taulejaire :

MESSIÉS E GAI COUNFRAIRE,

Cigalié, Felibre de Paris, salut !

Sias la joio, sias l'estrambord, sias la jouvènço !

Quand, avasta amoundaut dins lou grand vilage, avès passa l'autouno, l'ivèr e lou printèms atravali coume d'abiho, apensa-menti sus lou taié di cap-d'obro ; quand, souto lou gèu e dins la nèblo e mau-grat la malico dóu tèms, avès coungreia l'obro vougudo, vous pren un refoulèri e vous reviras vers la terro dóu brès, vers la terro maire, la Prouvènço, e coume d'escoulan que lou magistre alargo quand l'ouro a pica, nous arribas en troupo cantant e farandoulant, afama de rai de soulèu, d'auro de mar, de sentour di mountagno, e fasès un chamatan de cigalo dins li pin, un riéu-piéu-piéu de passeroun sus l'iero que nous ravis e nous reviho un pau, nàutri lis estajan dóu païs, de la douço em-brigadisso que nous douno à la longo neste cèu luminous.

Es bon, es san, parai ? de gença à plen pòumoun lou ventoulet dóu soulèu que nous adus la frescour salabrouso de la mar e li sentour di tamarisso de Camargo e di figuiero de la Crau.

Assadoulas-vous-n'en, ami : aquelo auro souleiouso jamai passara la terro ounte crèis l'óulivié.

Es bon, es san, parai ? de revèire, ardido, nòsti chato de Prouvènço que gardon dins li champ e souto l'escandihado, la majesta di divesso en s'aparant de l'uscle emé si capeloun di souleiado, que nous retrason la formo antico dóu blouquié sacra. Es bon, es san de li revèire souto li lèio o d'assetoun sus la cavallo blanco, lou riban floutant, la couiso de dentello recouquihado, mistoulin bounet frigian qu'adóulèron l'an de la Liberta.

Escoutas soun paraulis, mai dous que lou cantico dis ange, bevès lou rai de sis iue, dévorissès lou fid de si poutoun... E que raço raceje !

Es bon, es san, parai ? e lou pitre vous bat quand toucas la pèiro de voste oustau, la terro de voste mas. Oh ! chaspas-lèi bèn dins vòsti man, aquéli pèiro qu'an acata vòsti rèire, aquelo terro nourriguero de vosto raço. Beisas-lèi de touto la fervour de vòsti labro : es acò li relicle naciounau ! Que chaceun li venère, li garde e lis apare coume naute, e la Franço, qu'esbriحاudo li na-cioun, deman doumtara lou mounde !

Sabe en quau parle. Sabe que vosto pensado, coume la nostro,

es virado vers aquelo toco sublimo. Sabe, Cigalié e Felibre de Paris, qu'avèrs escri dins li libre tutto la bello obro qu'avèrs coumplido, despièi que neste Felibrige, prechant d'cisèmple, moustrè la draio seguro dóu patrioutisme.

Des Alpes aux Pyrénées, La Petite Patrie, soun coume dos pèiro escricho e bèn plantado, qu'ensignaran lou bon camin en proun de gènt desavia, e nousaran li lengo di vipèro.

Nàutri tambèn, li Felibre estajan dóu País, poudrian vuei coumta li garbo flamejanto qu'an meisouna nòsti voulame dindant, que courron, que fuson, lusènt e rapide coume de serp, dins li blad madur.

Mai li dos mount-joio qu'avèn aubourado, li brounze de Roumanille e d'Aubanel, qu'avèn aussa, sobre la terro libro d'Avignoun, parlaran pèr naute ; éli diran e rediran dins la liunchour di siècle :

“ Li champ de Prouvènço èron ermassi. La terro drudo, mai deleissado, noun butavo que lou roumias di testoulas e la civado fero dis arlèri.

“ Pamens venguè lou travaiadou de la proumiero ouro que roum-peguè li trescamp dis Aupiho e li colo Sant-Roumierenco, e tout-d'un-tèms colo e mountagno n'en devenguèron un jardin tout flouri de margarideto.

“ E d'enterin que lou Jardinié d'eilalin flourissié sa mountagno, eici, sus li bord dóu Rose, un fièr lauraire emplantavo la rejo e cavavo souns dins la terro nitouso d'Avignoun, e li rountau secarous, e li bartas de la Bartalasso esterlo, se tremudavon à visto d'ieu en bèu gara enclaus de sebisso d'ufanous miougranié.

“ E d'enterin qu'ansin lis óubrié de la proumiero ouro adoubavon bèn lou travai e afrañquissen la terro novo, venguè lou baile, lou grand baile dóu Mas di Falabreguié ; éu, à boudre, traguè lou gran mounda, la bello sémenço ; de si dos man pouderouso autant qu'abelano, l'espandiguè à jabo, sèns coumta, coume Aquéu que semenè lis estello e li soulèu dins lou champ sènsor orle dóu fiermannen.

“ Pièi, arribèron lis óubrié de l'autro ouro ; davalèron dis Aup, dóu Ventour, di Ceveno e di Pirenèu. Eli glenèron dins l'estoublou ; pièi, ardit, saturèron e restoublèron chascun un tros de la grando terro. E lou Baile-Mèstre ié durbiguè soun granié, ié liéure soun tresor de semenço, e à soun tour saguèron la meissoun.

« A l'ouro d'uei, tóuti li garbo estènt acampado sus l'iero, se n'es auboura uno giganto garbiero que n'en doumino tóuti li mount de la terro, e de tóuti li pais se n'en vèi l'esbriaudanto flècho d'or. »

Vaqui, Messiés e car Counfraise, co que diran li dos mount-joio avignounenco. E diran bèn aurre ! Car de la longo journado qu'acoumencè i'a tout-aro un mié-siècle, n'en sian encaro qu'à l'ouro dòu grand-béure...

Ausse la Coupo santo e versanto au grand soulèu di meissouillé, faci vesible de l'Autisme, que dardaiara magnifique sus nòsti front e sus li front de nòsti felen, fin-que siegue coumpli neste patriouti pres-fa !

Aquéli superbo paraulo dòu Capoulié soun coupado pèr de trouandasso de picamen de man. Lou mèstre, En Frederi Mistral, canto la *Cansoun de la Coupo*, qu'au darrié couplet tóuti s'aubouron d'un vanc en ounour di fraire de Catalouchno, e d'uno voues unenco redison :

Coupo santo
E versanto,
Vuejo à plen bord,
Vuejo abord
Lis estrambord
E l'enavans di fort !

M. Gastoun Carle, prefèt de Vau-Cluso, a enaura lou Felibridge e li Felibre coume l'ero degu e anóuncia que, lèu-lèu, lou gouvèr semoundra à Mistral la rouseto d'ouficié de la Legioun d'ounour ; Jùli Claretie aussò lou got pèr Mistral academician ; Mistral respond en un paraulis improuvisa e tant flame, que boulego l'amo de tóuti lis escoutaire ; Pau Arene, finamen e delicadamen, béu i felibre e cigalié ; l'a, pièi, MM. Sextius Michel, A. Tournier, Marius Bourrelly, que debanon soun bout ; lou majourau En Leopold Constans dis :

MESSIEURS ET CHERS CONFRÈRES,

Je bois à la future Université provençale.

Vous savez tous, Messieurs, ce qu'on entend communément par Université. C'est l'ensemble des enseignements dont la réunion forme l'enseignement supérieur. Pour nous, c'est quelque chose de plus. Pour qu'un certain nombre de chaires, groupées en un

centre quelconque, méritent le nom d'Université, il faut que le haut enseignement qui y est donné soit dominé par une idée directrice, qu'il s'adapte aux besoins spéciaux de la région où il est donné, qu'il soit comme le lien permanent entre le passé et l'avenir immédiat, et qu'il s'inspire sans cesse des traditions historiques de la province dont il est chargé de conduire vers le progrès indéfini, les intelligences les plus élevées; en un mot, qu'il soit l'âme parlante et agissante de cette province.

Et quelle autre région de la France, Messieurs, réunit à un plus haut degré, que dis-je? au même degré que notre chère Provence, les conditions nécessaires à l'établissement et à la longue prospérité d'une parcellle Université? Unité de climat, unité de race, unité de langue, vivacité du sentiment provincial qui n'exclut pas un très vif attachement à la grande patrie; tout désigne aux pouvoirs publics la Provence comme devant être, dans un avenir très prochain, le centre d'un de ces groupes d'enseignement supérieur, fortement organisés, dont le pays attend avec impatience la constitution.

Il vous appartient, Messieurs, à vous, les Félibres, c'est-à-dire aux apôtres de la résurrection de la vie provinciale; à vous, les Cigaliens, c'est-à-dire aux plus brillants représentants de l'esprit du Midi dans toutes les branches de l'art et de la pensée, de hâter la réalisation de ce vœu, si légitime en ce qui concerne la Provence: vous ne faillirez pas à cette tâche.

De son côté, la Faculté des Lettres a compris la part prépondérante qui lui incombaît dans la réalisation de ce beau projet. Elle va entreprendre, dès cette année, une tournée de conférences dans les principales villes de notre vaste ressort académique, et cela, non seulement pour mieux faire connaître son enseignement et montrer que, quoi qu'on en ait dit, la vie n'est pas éteinte en elle; mais aussi, mais surtout pour réchauffer le zèle de tous ceux qui aiment la Provence comme elle doit être aimée, d'un amour aussi intelligent que profond, de tous ceux qui pensent qu'on ne doit point se préoccuper seulement des intérêts matériels immédiats d'un pays, mais qu'il faut aussi pourvoir à ses besoins intellectuels, et ne jamais oublier que la prospérité matérielle, elle-même, dépend en grande partie de la vigueur des intelligences, affinées, en même temps que vigoureusement trempées, par la haute culture.

Parmi ces villes que nous voulons visiter, Avignon ne sera pas oubliée, et je considérerai comme un honneur enviable d'être désigné, pour y apporter le premier la bonne parole : le professeur d'*Histoire de la langue et littérature provençales* ne saurait trouver en Provence une ville plus intelligente, plus amie des arts et des lettres, plus véritablement patriote, en un mot plus provençale.

Lou majourau Jóusè Huot e Aguste Marin an assaja de canta... lis an empacha... Em' acò, M. Jan Carrère, qu'es éu, paréis, que n'i'a que voulien entendre, mountant sus d'uno cadiero, em'un desbord feroun, porto un brinde enfiouca, que cado fraso es saludado pèr li crid : Decentralisacioun ! decentralisacioun ! Sabèn pas quau èi aquéu M. Jan Carrère, ni d'ounte vèn — es pas dóu Felibrige, segur, — mai, ço que i'a, es que tout un cadun èro dre pèr apiela sa dicho de si picamen de man. Dins aquel escaufestre, tout bèu just se quauquis ami au escouta Arnavielle, bevènt fieramen e autamen au « Felibrige integral » au mitan dóu chamaran que s'aubourro de tout caire, dins lou bourrouladis di counversacioun particuliero, di partent pèr Bon-Pas o pèr d'autri rode. Clouvis Hugues largo uno improuvisacioun calourènto que se n'ausis pas grand causo. La sesiho s'es noun clavado, mai amous-sado, alor que i'avié pioun fiò pèr que durèsse coume li felibrejado d'antan, tengudo dins la memo salo, e que soun douz remembre nous picavo au cor e nous leissavo aquéu regrett de vèire coume tout èro tremuda dins nòstis acampado felibreno. Aquéu chanjamen, quau dira d'ounte vèn ? Queto auro boufo sus nòsti reünioun ? Quete esprit meno la barco ? Ounte anan ? Ieu, n'en sabe rèn, mai, ço que i'a de segur, es qu'es triste de vèire de felibre afouga, enfiouca, enaura, faire de centenau de lègo pèr veni couumunia dins la Coupo santo de la Fraternita e s'entourna sènsa agué pouscu, noun pas pourta 'n brinde, mai escassamen touca, d'uno man tremoulanto, la coupe luminouso.

Ah ! leissen aquéli pensamen tristas de caire, e revenèn à la felibrejado que, bello e superbo, s'es tengudo sus lou roucas di Dom, ounte, davans uno Cour d'Amour improuvisado, li Felibre an di de vers e de cansoun, enjusqu'au moumen que lis estello an belugueja dins lou cèu. Aqui, osco !

Apoundren, aro, quauqui brinde que se soun pas di à la felibrejado de Santo-Estello.

BRINDE DE SERNIN SANTY

FRAIRES AIMATS,

Vene per brinda ambe vous, vene dóu Lemouzi, mounte s'entendon encaro de fes que i'a li ressouns di sirventes que clamava lou grand de Born e di cansos que disio a sa migo lou poetico fournier de Ventadour, counservats que soun per un troubafre pouderos e mai-que-mai amourous de sa terro maifalo, En José Roux.

Aquelí ressouns lis auseguerias autre tems e fuguèron coumo li voues proufetico que vous diguèron i'a uno cinqantenado d'ans de canta lou renouvèu de la lengo d'O.

Encuei vous pregue de leva lou got en l'ounour di reire lemouzis, nostis aujourdus, perque li ressouns de sas obros gandigon de longo e se cambion en uno clamour immenso que s'auboure de tóuti li caire de nostro terro d'O.

BRINDE D'EN JAN MONNÉ

Davans li mounumen que venèn d'inagura pèr glourifica Roumanille, la muso pouplàri, e Aubanel, l'amo de la pouëslo de l'amour, li Felibre an jita de *Flour de sàuvi*, de *Margarideto* e de *Flour de Miòugranié*.

D'aquéli tres flour, que se n'eisalo superbamen l'amour de la *Picholo Patrio*, ieu n'en ligue un bouquet ; e, aquéu bouquet, que reverti simboulicamen li tres coulour de Franço, e que dis autamen e fieramen l'amour di Felibre pèr la *Grando Patrio*, lou pause davans la coupo santo, e, dins soun prefum, bève à l'ideau sublime di Felibre, i dous amour que n'en fan qu'un dins soun cor :

A la Prouvènço !

A la Franço !

BRINDE D'EN ANFOS TAVAN (1)

Avignoun grasiha, bèu e fièr Avignoun,
 Pos traire dins lis èr ti plus galoi trignoun,
 Pos t'adourna de ti bclòri,
 Toun pouèto, toun fléu, toun sublime amourous,
 Toun Aubanèu ama, vuei s'aubouro, courous,
 Sus lou pedestau de la glòri !

Aro poudèn canta, nous-autre sis ami,
Avignoun lou countèmplo ! Aro poudès dourmi,
 O vous, sa coumpagno tant caro ;
 D'aquest mounde, perqué fau que partèn un jour,
 Aquéu que part proumié, lou sabèn, es toujour
 Aquéu qu'es mens de plagne encaro.

La vido e si trebau, lou vieiounge, la mort,
 Tout ço que nous estrasso e tout ço que nous mord,
 E lou toumbèu que se pestello,
 Podon plus rèn sus tu ; que fague caud o fre,
 Pouèto, restes siau, e majestous, e dre,
 Dins lou trelus que t'enmantello !

Avignoun te countèmplo ! *Avignoun grasiha*
 Te belara de-longo, urous, meraviha
 De ta pouësio tant bluio ;
 Li chato à toun entour faran lou roudelet,
 Lis amaire vendran dire soun capelet
 A l'oumbro de toun estatuiò.

Pèr tu, Scèus espandis de tousco de rousié ;
 La Prouvènço t'adus la branço de lausié ;
 Lou rebat dóu fougau t'espriho ;
 Lou grand Paris t'amiro e te traïs un renoum ;
 Mai t'atroves tant bèn en vilo d'Avignoun
 En pleno pichoto patrio !

(1) Anfos Tavan a di aquelo pèço au pèd dóu mounumen de Teodor Aubanel.

BRINDE DE LUCIAN DUC

Pèr la proumiero fes, o Coupo, coupo santo,
Te tène entre mi man, que n'en soun tremoulanto,
E vole pourta 'n brinde enaurant, arderous,
Au mèstre bèn-ama de nosto Reneissènço,
Éu qu'au mitan de nautre, amo de la Prouvènço,
Empuro nòsti cant d'un alen pouderous.

Mistral ! à-n-aquéu noum pourta de colo en colo,
Couneigu dóu castèu, dóu mas e de l'escolo,
Tóuti li Prouvençau trefoulisson d'ourguei,
Car es l'encarnacioun de la Patrio amado,
E pèr éu la Coumtesso es pertout renoumado,
E l'auro dis soun noum dins li roure e li tuei.

Quand s'aubouro, pious, pèr canta sus sa liro
Que vibro emé passioun o douçamen souspiro,
Tout se taiso : l'aucèu escouto dins soun nis,
Li grand pin parpelous óublida dins li couumbo
E li vièi Troubadou, reviha dins la toumbo,
Se dison : « D'ounte vèn la voues d'or que fernalis ? »

E lou mistrau ferouge, en boufant sus li cimo,
Vai dire i pin : « Aquéu vous canto dins si rimo,
Emé lis Aup, la mar, e li flour e la lus... »
E lou Rose esfraious e la fèro Durènço
Van dire i mort : « Aquéu reviéudo la Prouvènço,
E di siècle passa fai lusi lou trelus !

« Es éu qu'à vosto lengo a redouna de vido
 Jusqu'à-n-enjalousi la Franço esbalaufigo ;
 Éu que fai resclanti vòsti noum dins si vers !
 Degun cuneissié plus li noto melicouso
 D'aquelo lengo d'O, tant bello e glouriouso :
 Aro, si cant sublime emplisson l'univers ! »

Dirai pas ço qu'a fa noste Vergéli sage :
 Cadun saup coume es bèu déjà soun eiretage,
 E toujour, de-segur, viéra soun souveni !
 Mai es pas proun d'agué fa respeta li rèire,
 D'agué ressuscita sis us emai si crèire :
 Éu, glòri dóu presént, preparo l'aveni.

Tau qu'un aubre gigant que pouocco de jitello,
 Tau qu'un soulèu tremount qu'alumo lis estello,
 Lou paire de *Mirèio* e *Nerto* e *Calendau*
 Fai espeli toustèms, rèn que pèr soun eisèmple,
 De pouèto, e ié duerb la porto de soun tèmple,
 E, pèr ié faire ounour, se tèn sus lou lindau.

Vivo lou gai Miejour e vivo si Felibre !
 L'un fai uno cansoun quand l'autre fai un libre,
 E cadun pòu canta, calandro o roussignòu !
 E tout piéuto à la fes, quinsoun e cardelino,
 Lou fifi, la bouscarlo e touto l'aucelino :
 Sout lis iue de Mistral, tout acò pren soun vòu.

Pèr lis acouraja, pèr apara la Causo,
 Lou mèstre se proudigo : a ni cèssò ni pauso
 E boulego pertout lou cor de la nacioun.
 Tambèn, pèr laclama, li vilo miejournalo
 Se disputon l'ounour de si fèsto flouralo
 E ié trason si cant e soun amiracioun.

Z'Ais, Marsiho, Avignoun, Fourcauquié, Digno, Cano,
 La Prouvènço letrudo e peréu la pacano,
 E li gènt de la baisso e li gavot dis Aup,
 Tout prouclamo soun noum, soun engèni, sa glòri...
 E dòu mai anaren, e dòu mai fara flòri :
 Aiglo, sus li cresten, trèvo toujour plus aut !

Lou mistrau, que n'es fièr, porto sa renoumado
 I counfin de la terro, e sa voues aflamado
 Fai boumbi lis espèro e tresana li cor !...
 Fièr tambèn, nàutri tòuti, i fèsto felibrenco,
 Fraire, courounen-lou de roso e de pervenco,
 Qu'es cенcha pèr jamai de l'inmourtalo d'or !

A la chartrouso de Bon-Pas s'es facho la coumemouracioun d'Adóuse Dumas, precursor dòu Felibrige, qu'avié presenta Mistral e *Mirèio* à Lamartino ; s'es inagura un buste de l'escultour Amy en glòri d'aquel eicelènt pouèto francés e prouvençau. Quàuqui roumiéu dòu grand roumavage an tengu à ounour d'estre dòu viage. A sèt ouro, tòuti èron de retour en Avignoun, qu'ero alumina magnificamen, coume pèr li fèsto majo.

L'a pièi agu pegoulado, tambourinado e farandoulado emé tout lou pople pèr orto, enjusqu'au matin, d'enterin qu'au teatre di Varieta se jogavo li *Varai de l'amour*, fino coumèdi prouvençalo de Jùli Cassini, que tòuti li capo dòu Felibrige soun ana aplaudi, e que se l'amerritavo tant bèn.

Lou lendeman 14 d'avoust, li felibre s'atrouvavon à l'Islo-sus-Sorgo à nòu ouro dòu matin, e partien pèr la font de Vau-Cluso. Aqui, se canto *La Coupo*, *Vau-Cluso*, d'Aubanel, e lou *Porto-aigo*, de Mistral. Clouvis Hugues improuviso uno charradisso esperitalo e, pièi, se vai tauleja. Après quàuqui paraulo di majourau Sextius Michel e Pau Marieton, se fai, sus la plaço de la Piramido, l'inaguracioun d'un buste de Lauro, cisela de la man de Mmo Clouvis Hugues. M. Tacussel, maire de Vau-Cluso, fai un discours prouvençau mai que flame, felicito si vesitaire e majamen Mmo C. Hugues, pèr l'obro semoundudo à sa

coununo ; lou majourau En Maurise Faure ié respond, e la ceremounié se claus, pèr ana à Cavaïoun.

Aqui, M. Pellegrin, maire de la vilo, e soun Counsieu, esperavon li Felibre sus lou quèi de la garo, pèr li mena triounfalamen à la coumuno, ounte un vin d'ounour i'es ôufert. Clouvis Hugues, dóu bal-coun coununau, arengo lou pople, que la plaço n'es regouiranto, e, pièi, s'inaguro lou buste de Castil-Blaze, qu'es degu au cisieu de l'es-cultour Viau. M. Niel, delega di Felibre de Paris, a parla au noum de si coupan ; M. Pellegrin, maire de Cavaïoun, i'a pièi resoundu, e la fèsto s'es clavado pèr un discours prouvençau dóu felibre Anfos Martin.

Lou vèvre, i'a agu banquet à la coumuno : lou senatour Taulier, Clouvis Hugues, Sextius Michel, i'an parla ; s'es tira, pièi, un fiò d'artifice pèr durbi la festo de niue, que s'es countinuado emè de danso e de farandoulo qu'an dura tutto la niue.

Em'acò, bello finido.

Que sourtira d'aquéli manifestacioun ? Diéu lou saup. Ço que i'a de segur, — e que i'a que li tucle que lou vèson pas — es que i'a uno man prouvidencialo que meno la barco e lis arange, es que Santo Estello meno lou Felibrige ounte dèu ana, que lou Felibrige camino, travaio, escalo, triounflo, e que noun a di pèr encaro soun darrié mot. Se tóuti li causo an sa resoun, es pas pèr rèn que l'idèio felibrenco espigo sus tóuti li terro miejournalo, e que, sus tóuti lis iero dóu mounde, se cauco soun blad rous coume l'or !

J. MONNÉ.





LI NOVO FELIBRENCO

PROUVÈNÇO

— A pareigu à Paris, dins lis *Annales politiques et littéraires*, nº dóu 19 d'avoust : *Frédéric Mistral, portrait littéraire*, pèr E. Ledrain. Acò se pòu dire un retrra broussa à rebous de péu, de la man d'un ome qu'a mau vist e gaire estudia aquéu que vòu pinta e que lou pinto lis iue barra. N'en fasèn pas nòsti coumplimen à M. E. Ledrain, c'aspí l acò sarié trop pèr li tres coulouno de soun article ; se li mèstre èron jamai pinta que pèr de gènt ansiu, aquéli que noun li counèissou n'aurien uno drolo d'idèo.

Dins lou meme nº, i'a un article de M. A. Brisson sus la *Terre provençale*, de Pau Marieton, e l'*Ome poupoplari*, de F. Mistral, revira pèr Pau Arene ; pièi, lou sounet que F. Coppée dediquè i Felibre que ié manderon de vers, l'autre an, e un autre sounet dóu felibre A. Chansroux : *Au tambour d'Arcole*.

— Nous es toujour esta en-de-bon de legi li journalet publica pèr li patouesejaire. Avèn toujour signalà sis obro e pica di man à soun envanc ; mai, nous sian souvènt demanda ounte n'en volon veni en s'óupilant à reprodurre mai o mens fidelamen li mot estroupia pèr lou pople, o en se cavant la tèsto pèr endeca aquéli que lou sour pas. Voudrien-ti prouva que, dins un campas ounte li marridis erbo estoufon lou bon blad, liogo de derraba lou grame e li caussido, es mai proufichous de n'en semena d'autre ? Lou cresèn pas ! E a resoun, e mai que resoun, Adrian Frissant, dins l'*Aïoli*, quard, à-prepaus dóu *Rigo-Rago agenès* de Carle Ratier, dis en parlant di merite de l'obro qu'es « meritouso mai-que-mai pèr lou bon eisèmple que baio i nèsci que countùunion d'escriéure en patoues. Veguen, dequé volon aquéli testard ? Amor qu'emplegon la lengo poupoplari, es que volon la manteni,

es que fan de vot pèr que noun desparègue ? Or, lou mejan que noun more, aquelo lengo qu'escrivon de preferènci au francés, es-ti de la leissa s'abastardì enca mai, de counsacra dins li libre e li journau si courrupcioun journadiero, o bèn es-ti de l'auboura dins la counsideracioun di letru e dins l'afecioun dóu pople, en la fretant di cagaduro de mousco que l'enmascon, en netejant di mot barbare soun armouniò, en l'espurgant di formo que la desnaturon e la degaion ?

« Pausa la questioun es la resoudre, come dison li franchimand.

« Eh ! bèn, lou Felibrige s'es carga de faire prene à la lengo aquéu ban de jouvènço, de l'aproupri, de la rendre tourna-mai faroto e risouleto come au tèms di troubadour. Perqué i'a-ti de gènt que fougnon à-n-aquelo messiou generoso de pieta à la fes e de fierta naciounalo ? Perqué, en terro d'O, i'a-ti 'ncaro de journau patoues e d'ome, même esperitau e escrivan d'elèi, proun avugle pèr noun vèire qu'uno lengo sènsò gramatico ni sintàssi, es come uno soucieta sènsò lèi ni gouvr ? Es-ti pas clar que lou destin de l'uno come de l'autro es de mourir de malo mort dins l'anarchio ? »

Acò vai come la pèiro à l'anèu emé lou rapport de M. Vitou Levère, qu'es pas dóu Felibrige, tout en estènt président de l'Atenèu di Troubadou de Toulousò e mai-que-mai afouga pèr la lengo meiralò, en provo que, tóuti lis an, l'Acadèmi que presido tant valentamen durbis de councours pèr courouna li cantaire miejournau. Aquel arderous pouèto, dins soun rapport sus lou sieisèn councours neo-rouman de sa Soucieta, parlo de la richesso de la lengo d'O e apound :

« Pourtant trois causes nuisent à sa prospérité :

« D'abord, le défaut d'entente entre les poètes et prosateurs romans, de deuxième et de troisième ordre, gens généralement orgueilleux qui, s'exagérant leur mérite, voudraient à tout prix donner la note à leurs supérieurs du premier rang ; puis, l'absence de toute intervention sérieuse de la part de nos gouvernements, qui devraient, par la voie officielle du ministère de l'Instruction publique, imposer dans nos écoles l'enseignement de la langue romane ; enfin, la négation par les membres les plus influents de l'Institut, de la nécessité de créer une seconde académie nationale, subventionnée par l'Etat, académie dont les membres auraient le double devoir de compléter le dictionnaire neo-roman de tous les mots nouveaux ayant un trait imitatif, une expression originale, une couleur brillante, une sonorité

harmonieuse, et d'en expurger rigoureusement, en les abandonnant définitivement au vocabulaire des halles, toutes les locutions susceptibles de jeter une note discordante au milieu des concerts littéraires des vrais amants de la langue d'Oc. Tant que ces trois puissants le-viers ne soulèveront pas la somme des difficultés qui se dressent devant l'initiative privée, la langue romane, en dépit des nombreux savants qui la poussent, restera glorieusement stationnaire dans les diverses zones territoriales où les traditions d'un autre âge semblent l'avoir condamnée à vivre. En attendant qu'une réaction salutaire s'opère dans tous les esprits vraiment français, en faveur de la langue, il est consolant de voir, au premier appel, accourir de toutes les contrées du Midi, des poètes jaloux d'affirmer leur amour pour elle. »

Es bèu de coustata li prougrès que fan lis idèo felibenco. Lou vènt decentralisaire que li Felibre an auboura boufo d'en pertout : tóuti, pichots e grand, buton la rodo, e vendra proun lou jour que lou cèrri sourtira dóu roudan e que la mauno désirado toumbara ; alor, queto farandoulo !

— La *Revue Félibréenne*, n° 1, 2 e 3 de 1894, vèn de parèisse, pleno coume un iòu e coumoulo d'entre-signe marcant. Vès n'eici lou bèu soumàri : *L'œuvre et le rôle de Roumanille, la première félibrée*, notes et documents, pèr Pau Marieton ; le *Congrès des Troubadours provençaux en Arle, le 29 arùt 1852*, de J. B. Laurens ; quàuqui pouësio franceso d'Adôuse Dumas, tirado de *Provence* ; *Adolphe Dumas*, pèr Lamartine ; de vers prouvençau de Jùli Boissière, Lucian Duc, Pau Seignon, Jano de Margon, etc., e la musico de dous moussèu requist d'Aubanel : *Dins li pradoun e En pensamen de ma bruneto*, pèr Pau Bergon.

— Vèn de parèisse, e lou saludan emé grand gau, un librihou esquist : *Roumanille et la littérature provençale*, escri de la man de Jùli de Terris, un ami de neste regreta capoulié. L'obro es dedicado à-n-En de Berluc-Perussis, que n'a escri éu-meme la prefaci.

— Li 14, 15 e 16 de juliet, s'es fa grand festenau à Cano : i'a agu grando representacioun prouvençalo ; la troupo *suquestano a jouga* : lou *Maridage i coumissàri*, dóu felibre Francès Garbier, qu'avie fa flòri adeja d'autri cop. S'es apoundu *Cano-Revisto*, uno boufounado peréu de Garbier. S'es clava la fèsto pèr l'eisecucioun de *Mouissalo de Sant Cassian*, dóu felibre M. Bertrand. Bravò ! cridavo lou publi ; e peréu, naute, cridan : Bravò !

— Lou 18 d'avoust, M. J. B. Hétrat, sòci dóu Felibrige en Roumanie, s'es marida emé Milo Elène Sevastos, direitriço de la revisto roumanesco : *La Dindouloto*. Que Santo Estello acampe tóuti si flour sus li pas di bèu nòvi.

— La souscripcióun pèr lou mounumen de Peiresc mounto à mai de milo franc. Zóu ! que li darrié se dounon vanc !

— Lou felibre J. B. Menut es esta recoumpensa autamen e classa foro-councours à l'Espousiciooun ourticolo que se vèn de teni à Mar-siho, pèr si travai sus la viticulturo.

— Lou 12 d'avoust, uno galanto felibrejado s'es tengudo dins la gènto viloto d'Estialo (Droumo), que nautre ié disèn « Estello. » La clastro dóu brave curat Louis Moutier, çai-en-rèire cabiscòu de l'Escole d'oufinalo, èro en fèsto, en ounour dóu felibre afouga Ernest Chalamel, qu'èro vengu s'espaça uno brigueto dins soun païs nadalen, e béure un pau l'aire pur de si mountagno. Ah ! noun es necite de dire se s'es canta e brinda, e se li got se soun turtà dins l'estrambord felibren, e se s'es crida : Vivo longo-mai Prouvènço e Dóufinat !

— A Grasso, se dèu faire lèu-lèu un councours de tambourin ; li tambourinaire que voudrien agué d'entre-signé sus d'aquéu festenau, podon s'adreissa au secretari dóu Coumitat di fèsto, lou felibre Antoni Isnard, avengudo di Capouchin, travesso de la garo, 1, à Grasso (Aup-Maritim).

— A Sigounço, toucant Fourcauquié, s'es fa darrieramen lou bateja d'uno campano : i'a agu grand fèsto, e se i'es canta un flame cantico prouvençau, escri de la man dóu brave curat felibre Anxionnaz, que lou refrin dis coume eiçò :

Alleluia ! vivo nouesto campano !
Glèiso, clouchié, gènt, oustaü, tout es siéu.
Dei Sigounié, segur, l'amo tresano,
E pèr toujour se ounzacro au bouen Diéu.

LENGADÒ

— A pareigu à Carcassouno, dins la *Revue Méridionale* de mai, un estudi mai que curious dóu majourau G. Jourdanne : *Molière à Carcassonne* ; emai : *Le nouveau majoral*, de M. A. Aquéu moussu mando de reguignado i vièi majourau, sus lou prepaus de l'elevacioun à-n-aquéu titre de l'ami Gastoun Jourdanne. Vesèn pas trop que fugue necite i jouine de s'encagna de-longo contro li vièi, que, sènsa pretensioun e moudestamen, an pourta sa pèiro à la bastisso e rougnpu

li campas e arrousa de sa susour la terro secarouso, ounte, iuei, es tant en-de-bon de jita la semènço ! Tóuti lis aucèu soun pas de rous-signòu, mai cadun adus sa noto, que s'armouniso dins lou grand concert universau.

Dins lou même numerò, i'a la crounico, *Le mouvement félibréen*, de R. Heirisson ; *Ciutat*, flame sonet de Na Albertino Chayla ; *As fe-libres audences*, de P. Dumas, e *Al grand pouts de ciutat*, dóu même.

— Culissèn dans la *Cigalo d'Or* la novo de la mort dóu brave fe-libre Prousper Vidal, de Quaranto (Erau). Vidal, un pouèto païsan de raço, a proudu d'obro de merite que demandarien d'estre messo à jour.

Lis óussèqui de neste regreta counfraire se soun facho au mitan d'un grand concours de mounde, e, sus sa toumbo, lou majourau Camihe Laforgue, ancian sendi de la Mantenènço de Lengadò, i'a di lou darrié adiéu.

— Lou pouèto roussihounés Albert Saisset, es mort lou mes passa à Perpignan, à l'age de 50 an. Es l'autour d'uno longo tierro de pouësia en lengo catalano, forço poupopulàri dins soun païs, emai d'uno gràmatico sus d'aquéu parla.

Noste brave counfraire, M. Jan Mercadier, un ami de cor de Saisset, a tra sus soun cros de vers esmóougu e pretoucant.

— Venèn de reçapre lou n° especimen d'uno novo revisto : *La France d'Oc*, que se publicara à Mount-Pelié, souto la direicoun de Maffre de Baugé, e qu'aura pèr amenistratour l'ardent Louis Ferrer, e pèr secretari, MM. Pèire de Tourtouloun e Louis Berthomieu. La tierro di coulabouradou tèn li noum li mai marcant d'entre lis escrivan frances e prouvençau de la Terro d'O.

Sa deviso, soun crid de guerro, es : *Aujor ! aujor !* soun acioun es de lucha escassamen pèr lis interès regiounalisto dóu Miejour ; sa tocos de moustra qu'en foro de la capitalo, que res sounjo à discourouna de sa grandour e de soun role istouri, i'a de savènt. d'escrivan, d'artisto, que soun talènt pòu e dèu s'affirma libramen ; es de moustra que les bonnes gens de province soun pas mai adarreira — se lou soun pas mens — que li bravi gent de Paris ; es de rendre à-n-aquéu paure Miejour, toujour sacrificia, engana, mesprisa, sa vido e sa lusour, en lou derrabant à la brassado de Judas que l'estoufo, à la boto centralisairo que l'arreno. Lou premié n° se duerb pèr lou retrá de Mistral, dessina pèr Marsal, amor que Mistral persounifico magnificamen l'amo dóu Miejour. Longo vido souvetan à la *France d'Oc* ! Lou pres de

l'abcunamen sara de 18 fr. pèr an, e lou journau pareissira un cop pèr semano.

— Lou nº d'avoust de l'*ECHO DES TROUVÈRES*, de Toulouso, a pareigu em' uno tarabastiado de pèço prouvençalo e lengadouciano.

— Lou pres « Anatole Boucherie », founda pèr la *Societa di Longoroumano*, d'uno valour de 100 fr., sara decerni, pèr la segoundo fes, pèr la Faculta di Letro de Mount-Pelié, dins lou courrènt de l'an 1895, à l'autour dòu meiour travai sus d'un tèmo leissa à l'agrat di courrière, d'istòri literari o de filoulougio roumano, coume, pèr eisèmple, un estudi sus d'un troubadou o sus d'un *trouyère*, sus d'un tèste en vers o en proso dòu mejan age, sus d'un dialèite de lengo d'O o de lengo d'*Oui*.

Li memòri presenta au councours aurau de parveni au secretari de la Faculta di Letro de Mount-Pelié, avans lou 1 d'abriéu de 1895.

— Lou 4 de 7bre, dins lou darrié councert douna pèr la musico dòu 122^a de ligno, sus la plaço de Lodèvo, s'es jouga lou *Maset de mestre Roumiéu*: lou pople l'a redemanda e a fa uno ouvacioun à M. Coquelin, lou chèfe simpati d'aquel musico.

— Fasèn nòsti coumplimen au *Gril*, de Toulouso, que publico dins si nº : *Le diciounàri moudi*, de Jean Doujat.

« Doujat, que fuguè membre de l'Acadèmi franceso, meteguè en lusido aquelo relico dòu parla toulousen, dòu mes de jun 1677, dato que porto soun privilège, au 4 de febrié 1678, ounte s'acabè d'empremi encò de Jan Boudo, toucant lou coulège de Fouïs. » (*Le Gril*).

— Lou Counsèu Municipau de Toulouso vèn de vouta 30 000 fr. pèr lou mounumen à-n-auboura en ounour de Goudouli, e a coumandra l'obro, que la *maqueto*, qu'es di mestre escultaire Faiguier e Mercier, se pòu vèire au musèu de la vilo.

— Li felibre cetòri avien alesti, emé l'afflat dòu valènt mantenèire B. de Clauzel, uno fèsto magnifico à Cournou. Aquelo fèsto se devié faire au castèu de Bèu-liò, sus la fin dòu mes d'avoust. Li felibre dòu *Clapas*, Arnavieille, Messine, Chassary, Fournel, Redonnel, etc., etc., devien s'uni i felibre de Cournou em' à-n-aquéli de Ceto. Li felibre cetòri soun de-longo en avans; lou resson di cansoun de soun acampado dòu 10 de jun, d'aquelo flamo riqueto presidado pèr Bastido de Clauzel, à la baraquetu dòu gènt felibre Soulet : *Magali*, ounte se cantè e se brindè à l'*Armana cetòri* de 1894 e à-n-aquéu que vai espeli pèr 1895, aquéu resson, dise, tout-just s'amaisavo, qu'adeja s'aubouravo lou prejit

d'uno autre felibrejado superbo, que n'en dounan plus liuen lou comte rendu detaia.

— Dins sa sesiho dóu dimecre 11 de juliet, lou Counsèu Municipau de Toulouso a, sus la prepausicioun de M. lou maire, douna soun aproubacions au proujet de quiha, sus d'uno plaço de la ciéuta moun-dino, l'estatuo de Goudouli.

M. lou maire a cargo l'architète distingui Pujol, d'estudia lou projit e, d'aquesto ouro, a la counsentido di douz grand escultaire Falgiere e Mercié, que soun mai-que-mai urous de faire lou mounumen à la glòri de Goudouli. (*La Terro d'Oc*).

— Lou nº dóu 1 d'avoust de *l'Ecbo des Trouvères*, de Toulouso, douno lou comte rendu dóu sieisen councours de lengo neo-roumano de *l'Atonèu di Troubadou*.

Vès-n'eici lou paumarés :

Grand pres : *courouno de vermei*, à X. Goulard ; *mencioune especialo* à MM. Tassy, A. Teulié e Plat-Charlet ; *diplomo certificat* à MM. Roucatil, J. René, G. Nicolaï, A. Bouviala, B. Buisson, G. Raynaud, E. Barthe, H. Caussat, Ange Silvestre, Pau Dunac, J. Calcas, A. Honde, A. Florent, G. Bregail, A. Planès, A. l'Abbe, E. Bonis, Al. Neyrac, J. Aybram, C. Sauqué. — *Li mestre* : Na Mario Vergé, Labaig-Langlade, Savié Peyre, J. B. Rouquet, en tóuti quatre un diplomo-certificat de premié pres.

Pèço sentimental : Premié pres, *medaio de vermei*, à Na Delerin ; segound pres, *medaio d'argent*, à Na Lucilo Campa ; premiero mencionun à C. Rogues, E. Perron, T. Surdan ; segoundo mencionun à H. Viales, O. Durand, L. Durand, Dumas, H. Parelmade, S. Schmitt ; tresenco mencionun à E. Casard, L. Barrau e C. Lamy.

Pèço religiouseo. — Premié pres, *medaio de vermei*, à Marcel Linard ; premiero mencionun à C. Rogues e O. Perroy ; segoundo mencionun à M. Vié e L. Viger.

Pèço campèstro. — Premié pres, *medaio d'argent*, à E. Barthe ; segound pres, *medaio de brounze*, à Pastre de Gignac ; premiero mencionun à C. Decor, E. Brunet ; segoundo, à Limons, Pelegry, F. Lacroix ; tresenco, à Dubois, C. Bosc, R. Isard, e quatrenco à G. Cadours e V. Grimault.

Pèço galejarello. — Premié pres, *medaio de vermei*, à L. Bernez ; segound pres, *medaio de brounze* : E. Brunet ; tresen pres, *medaio de brounze*, à C. Decor ; premiero mencionun à J. Enault, E. Lemaire, E. Larroul, C. Pichon ; segoundo mencionun à B. Dufrêne, G. Picard, A.

Rigaud : tresenco menciou à B. Figeac, G. Ledru, C. Dusseil ; quatreno menciou à B. Gaffin, Lapasse, Dulac, E. Raymond ; cinquenco menciou à Gaubert e Carle Clement.

Pèço patrioutico. — Premié pres, *medaio de vermèi*, à E. Petit ; se-gound pres, *medaio d'argènt*, à G. Dubosc ; premiero menciou à J. Galon, M. Brousset. Pau Lougon.

Pèço satirico. — Premié pres, *medaio de vermèi*, à E. Lorient ; se-gound pres, *medaio de brounze*, à Fonvielle ; premiero menciou à E. Brunet ; segundo menciou à R. Bazin, G. Leblanc e Labatut.

Pres A. de Termes : Romain de Trevan.

Proso. — Proumié grand pres, *medaio de vermèi*, à C. Delus ; pre-mié pres, *medaio d'argènt*, à G. Raynaud ; tresen pres, *medaio de brounze*, à L. Coulon ; proumiero menciou à A. Planès, P. de Gignac, Teulié, V. Lalanne, A. Rottner, Rogues e Bresc.

FELIBREJADO A COURNOU

Lou 2 de setembre, nous atrouvavian à Mount-Pelié e rescountravian à la garo li gènt felibre clapassié, qu'anavon teni Court d'amour e felibrejado à Cournouterra. En'acò, vejo, i'anerian, e, bèu Diéu, regretous noun n'en fuguerian. Lou plus flame de tout : atrouvarian dins lou jardin, o miés dins li vigno de Bèu-Liò, sèt gènti felibresso e l'avié peréu sèt Escolo representado ; l'avié de sóci de l'Escolo dóu Parage, de Mount-Pelié ; de Sant-Cla, de Ceto, de la Moundino, de Toulousou ; de la Limousino, de Brivo ; d'Ales ; de la Mar, de Marsiho, e dóu Venieur, de Carpentras.

Li journau representà èron :

Pèr lou prouvençau : *La Cigalo d'Or, lou Felibrige, la Campana de Magalouna* ; pèr lou francés : *Chimère, La Dépêche, la France d'Oc, La Terre d'Oc, Lemougi*.

Après la bèn-vengudo, recaupudo e dounado, quand emé lis ami l'on s'es embrassa couralamen, vèn pièi lou moumen de tauleja. Cadun pren plaço souto li lausié de Bèu-Liò, que soun oumbrino douço fai pantaiá d'amour pèr la terro meiralo e de glòri, pèr lou triounfle de la Patrio !

L'oste, avenènt e galant, Bastido de Clauzel, e sa Leounjo, rèino bello d'aquel festo superbo, fan lis ounour em'un gaudi tria. En plen èr, se chourlo gaiardamen lou bon vin de Cournou, qu'escauso e reviscoulo. Li caro dis ami soun regouiranto d'estrambord e lis iue pe-

tejon de joio e de bonur, quand la desservo arribo emai l'ouro di brinde.

Alor, lou president de la taulado, Bastido de Clauzel, s'aubouro e brindo coume seguis :

FELIBRESSAS E FELIBRES,

M. A. Treboulon, lou proupretari qu'a bèn vougut metre à nostra dispausicioun soun vièl jardi de Bèl-Lioc, ounte sèn acamps ioi, nous a prega de l'escusa de poudre pas èstre das nostres, pèr l'encausa d'un dòu de familia, e cargat, embé l'amic Rottner, de faire las ounous de Bèl-Lioc as felibrejaires que s'atroboun aici prou noumbrouses.

A meme bailat à soun baile, mèstre Paux, quaucas bonas boutechas de viel museat de nostros ancianas soucas francesas, pèr que lou buguèssen à sa santat.

Poudèn pas gaire refusa un tant gracious couvit.

Salude douc pèr el las gentas damas e doumaisellas que paroun aquesta taula milhou qu'un fresc e poulit bouquet vengut de Niça ou d'en-tacon mai. Salude lous felibres que i'an bailat lou bras pèr veni jusqu'à Bel-Lioc, e tal qu'un prefèt ou un ministre porta, dins un acamp ousical, la santat dòu President de la Republica, ieu brinde au President de la Republica felibrenca d'Oc, lou grand Capoulié Mistral !

De tout tèms, Bèl-Lioc es estat mai qu'un nisau de béulòlis. S'es pas estat couma Font-Segugna lou grand brès dau Felibrige, n'es pas mens un rode pouetic ounte aimava à veni raivasseja, dins lou *Brès das Rams*, sus soun sèti d'acacia, qu'avès vist e ounte vous sès assetats couma ieu, lou galoi autou dòu *Sermou de M. Sistre*, esrich à Bèl-Lioc, l'abat Fabre, l'ancian prieu de Cournou-Terral.

Couvidats per sous counfraries de Cournou, es aici que Clapassiés, Cetòris, Pignarencs e lous delegats de las sèt Escolas : Moundina, Limousina, de la Mar, dòu Ventour, de Ceta, d'Alès, dau Parage, e lous autres que pode desoublidà sans hou voudre, soun venguts pèr charra 'n pauquet d'aquela lenga maire que fai nostra joia e nostre soulas e moustrà en aqueles que voudrièu l'avalí, que se troba encara, dins tout païs, foça braves e ardents defensous.

A-n-aquesta taula i'a d'omes que, se la poulitica lous divisa,

lou Felibrige lous unis ; e se i'a de mèstres de la literatura roumană, n'i'a tabé de la literatura francesa. Aco proba que las dos literaturas soun sorres e qu'on déu las aimà toutes dos.

E me demande se deve pas enaussà moun vèire e brindà as dinnes representants de la literatura francesa e miejournala, as valènts pouètas que cantoum lou grand e lou pichot terraire : à l'art felibrenc. Car lou Felibrige es un art, que fai reviéure per lou vers galés, couma lou pintre per lou pincel ou l'escultaire per lou cisel, lou passat dins lou present en preparant l'aveni.

E se buve à la Coupa santa dau Felibrige, es qu'ai l'assegurança que felibres, felibressas, soun pas venguts tout-à-fét per béure lou jus dau rasin de souca, mès per s'abéurà tabé à-n-aquela font de jouvence que sempre raja l'amour lou mai sant, dins un rode ounte lou cièl es cla, lou sourel es caud, l'èr es blous e lou cantaire es libre !

Adounc, es l'amistat qu'ai per toutes vautres, que me fai cridà : Clafissèz vostre cor d'aquel cièl cla qu'es l'amour ; d'aquel sourel que nous recaliva quand s'en refrechats ; d'aquel èr blous qu'alenan per viéure e poudé canta ; d'aquela libertat que nous rènd forts jusqu'au cros !

Es lou Felibrige que planta un cop de mai sa tenda dins la terra felibrenca de Bèl-Lioc, e qu'abriga jout ela, dins lous plecs de soun drapèu, tout ço que pensa, qu'escréiu, que parla e que canta !

Buve à las lengas sorres de ma patria ! Buve au proupretari de Bèl-Lioc !

Lou president es aplaudi qu'es pas de dire, e pièi presénto li regret dóu proupretari, M. Treboulon, qu'un dòu avié empacha de veni, e legis de despacho de M. Maffre de Baugé, di felibre Soulet e Galibert, de Ceto, e de Boude, de Cournou.

En Jan Monné dis soun odo *A la Liberta*, Fernand Troubat remembro lou *Cur Non d'Annibal* e béu i vin cournalen. Marsal canto sis *Erbotas* ; Pau Redonel e dono Redonel dison cadun un moussèu esquist de *Chansons éternelles* ; Rottner, un galant troubadou :

Pèr las fadas de nostra festa
Pren en ma sa coupa moudesta.

G. Therond brindo i sét estello felibreenco de la taulado ; M. Ferrer,

de la *France d'Oc*, descato la toco de sa nouvello revisto ; lou mège Bonal dis la siéuno ; Jan Fournel bieu à got ras pèr Cournou e si noblis enfant ; lou fié Troubat ausso lou veire pèr Bèu-Liò, l'arderous Savié de Ricard fai boumbi touti li cor ; Mllo Mirèio Arnavielle canto la *Lengo d'Oc* ; Bastido de Clauzel l'apound sa cansoun dóu jardin de Bèu-Liò ; Mllo Troubat canto *Jamai*, la tant siavo meloudio de Louis Roumiéix ; Arnavielle canto *Lou Felibrige es à Cournou*, E. Castelnau dis *Lou Cantà* ; A. Cabanis brindo en parla pouplari ; Fruchier, lou gent musicaire, bresihò *Li Margarideto*, d'Ansos Miquèu, que n'a brouda la musico ; Bessiero e Jan Dumas, douz pouèto pouplari vertadié, an lis ounour de la festo, e Mllo Leounio Bastido porto la santa dóu Capoulié ; Sernin Santy bieu à l'Escole limousino, Coumbalat turto lou got à la memòri de Roumieux, etc.

E, pièi, se mounto à l'ouliéu, se canto la Coupo e d'autri cansoun ; Danton Cazelles saludo lou drapèu que floutejo dins l'azur, em'aquest sonnet :

L'avèn quilhat naut toun drapèu,
O mar latino, o nostro maire !
L'avèn plantat pla naut dins l'aire,
Subre les rocs, subre la neu !

Es d'azur enmimarelaire
D'am' uno estello per flambèu,
E les poples latis, lèu-lèu,
L'ausiran soun flic-flac, gisclaire !

E tant que naut quilhat sira,
Nosto raço reverdira :
Es le drapèu des omes libres !

Floto sens crento ni souci,
Santa bandière des Felibres :
Per te defendre sèn aici !...

LIMOUSIN

— Lou dissate 25 d'avooust, se soun tengu à Brivo li Jo Flourau de l'*Englostina*.

Li cigalo i'a canta sus d'un castagnié carga de pelous, que, dins si branço, trelusissié l'estello di sèt rai, embrasant lis armo limousino, e li vilo de Tulo e de Brivo i'avien caduno pendoula si blasoun.

Sus la sceno dóu teatre, au pèd dóu castagnié, s'eron asseta MM. Ed. Perrier, de l'Istitut ; E. Rupin, souto-cabiscòu de l'Escolo limousino; de Lasteyries, de l'latitut ; lou souto-prefèt, lou courounèu Borie, Isidor Roche, president de l'Assouciacioun courresiano de Paris ; Frederi Amouretti, mantenière de Prouvènço, etc.

A la drecho dóu président, se vèn asseta Na Margarido Génès, que tóuti la saludon emé de picamen de man. Em'acò, vès-aqui que M. Rupin, delega dóu maire de Brivo, fai la bèn-vengudo i felibre, e que M. Ed. Perrier gentamen ié respond e que saup auboura l'entousiasme en parlant au pople de sa lengo e dis ome que luchon pèr soun mantenemen.

Li jo de l'*Englantina* soun dubert, e Na Margarido Genès es prouclamado rèino de la festo is aplaudimen de tóuti.

M. Raimound Laborde a legi lou paumarés, e Millo Genès, emai M. Bombal, soun prouclama mèstre en gai-sabé de l'Escolo limousino. M. lou souto-prefèt ié fai remesso di joio semoundudo pèr lou Ministre de l'Estrucioun publico, e se distribuis en caïun di gagnaire present lou diplomo, que Nouvè Boudy a flouca d'uno branco d'eglantino.

Tóuti li Soucieta musicalo de Brivo èron aqui : la *Filarmounico* a jouga la *Marche de Turmo*; la *Lyre* a canta *Lemouzi*; la *Sto-Cecilo* a di *Les vieux émaux*; Ch. Bonnelye se fai aplaudi emé la *Chansou de l'Eglantina*, Lapeyre a finamen degruna l'*Eglantine*, Soursac e Jan Gerbert debanon la *Vengeance de Jean Teyssier*, de Na Margarido Génès ; pièi, s'es canta la *Lemouzina*, de MM. Roux e Celor ; lou *Pountounier*, de Bombal ; lou *roussinolbet*, tant bresihaire, de Na Genès ; lou *Tessou de lach*, de M. Caze, etc.

La felibrejado a segui lou councert ; encò de mèste Cotton se soun atrouva mai de quaranto taulejaire : li brinde aut e calourènt noun an fauta, tout s'es passa superbamen. Brinde e cansoun, discours e brinde, an fa flòri, bèn talamen, que l'auto se levavo quand se clavavo la sesiho : ié mancavo que lou souto-cabiscòu Santy, que pòu plus tourna en limousin, e qu'avèn atrouva encaro l'autre jour à Cournou, levant lou got en ounour dóu Limousin, e qu'avié manda sa dicho pèr despacho :

« Au mitan di Felibre, bève i patrioto que fan reflouri l'*Englantina* souto li castagnié limousin ! »

Longo-mai lou Felibrige s'espandigue !

Lou Gerent : Jan Monné.

Imprimerie L. DUC, 35, rue Rousselet, Paris.



CROUNICO

A. L. SARDOU, JAN BRUNET

Lou 15 d'outobre es mort à Cano, dins si 93 an, lou majourau dóu Felibrige En Antòni-Leandro Sardou. Lou Felibrige plouro soun vièi felibre tant devot; mai, peréu tout lou mounde saberu porto ddu pèr l'encauso d'aquelo mort, que icé raubo un de si meiour cepoun.

Is óussèqui, que se soun celebrado lou 16, que lis ami i'èron vengu en grand fogo, se remarcavon : MM. Hibert, vice-président dóu Counsèu Generau ; Gazagnaire, maire de Cano ; Moris, archivaire dóu despartamen ; Maurise Rimbault, cabiscòu, e li delega de l'Escolo de Lerin, etc., emai li representant de tóuti lijournau de l'encoutrando.

Es Vitourian Sardou, de l'Acadèmi Franceso, que menavo lou ddu, emé soun fléu e soun cousin Leoun Sardou.

L'Escolo de Lerin avié semoundu uno courouno de flour de giroflado e de tuberoso, que, sus d'un flot de riban vióulet, pourtavo aquesti mot :

« A L. Sardou, l'Escolo de Lerin. »

M. Gazagnaire, au cementèri, parlè au noum de la vilo de Cano ; M. Moris, au noum de la Soucieta di Letro, Sciènci e Art de Niço, e M. Maurise Rimbault, au noum dóu Felibrige, parlè coume eiçò :

« Au noum dóu Felibrige, e en particulié de l'Escolo de Lerin, vène cici dire un darrié adicu à nostre counfraire, lou majourau Leandro Sardou. •

“ M'es un devé crudèu, de tout-sejur ; mai ço qu'amansis un pauquet ma doulour, es la counsciènci qu'ai de veni traire sus aquel atahut l'espressioun dóu respèt e di regrèt qu'aquelo mort fai sourgenta dins touto la Prouvènço, dins tout lou Miejour.

“ Uno autre voues mai autourisado que la miéuno vèn de dire la longo vido de travai e d'ounour que siguè aquelo de Leandro Sardou. Mai, ço que m'es en-de-bon de ramenta eici, es l'amour que, de tout tèms, moustrè pèr sa pichoto patrio, pèr soun brès. Ah ! li beloio e li gau de la Capitalo i'avien pas fach óublida lou nis ounte èro nascu, li faiso verdejanto ounte avié jouga nanet, la pichoto escolo ounte avié après lis clemen de ço que, pièi, faguè d'eu un ome e un ome-mèstre. Eu tambèn avié pèr deviso la dicho de Fèlis Gras :

“ Ame moun vilage mai que toun vilage,
Ame ma Prouvènço mai que ta prouvinço,
Ame la Franço mai que tout. ”

“ Eu tambèn deguè s'esmarra apereilamoundaut vers lou Nord, buta pèr li necessita de la luchò pèr l'eisistènci. Eu tambèn deguè fugi noste soulèu d'or, nostro mar d'azur, nòsti flour acoulouride. Mai, entre sounado l'ouro dóu repaus e de la calamo, ah ! qu'a-guè lèu fa de tourna en casau de sis àvi, coume fai l'andoureto, quand la Primo ié rènd la liberta de tourna ounte iagrado lou mai.

“ Es alor que, sèns relàmbi, estudiè l'istòri, la lengo e la literaturo de nosto regioun. L'ahiranço qu'avié pèr touto fausseta, de queto meno que fuguèsse, ié faguè prene à partit d'ome couneigu universalamen pèr sa sciènci, tau que Violet-le-Duc, Mérimée, etc., de quau soun erudicioun faguè cala lis errorur.

“ Soun *Istòri de Cano e disenvirooun*, si librihou sus li *Viéii tourre dóu Canet*, sus la *Danso macabro dóu Bar*, sus li *Grimaud de Bueil*, sus la *Vida de Sanct Honorat* e tant d'autri, que si titre m'escapon, an bouta en lus lis óurigino, la lengo enciano, li legèndo, li mour e lis us de noste païs.

“ Mai ço que, mai que tout, d'eu adurre à Sardou la recouneis-sènço de la Franço entiero, es lou pres-fa qu'a entre-pres e mena à bèn, de prouva scientificamen que lou dialèite niçard es uno jittello dóu prouvençau e noun de l'italian, causo à noun plus importanto dins noste tèms ounte certan païs reclamon coume siéu

tout terradou ounte se parlo sa lengo. Sa *Gramatico de l'idiomo niçard* e li noto e estudi qu'accompagnon soun edicioun de la *Nemaïda* de Rancher, an clava pèr toujour aquelo question e rasssegura nostre patrioutisme.

« Es-ti necite de dire qu'entre counèisse aquéu Felibrigie, qu'a pèr toco l'ounouramen de tout çò qu'es Miejournau, Sardou n'en vouguè èstre ? Es-ti necite de dire qu'autant lèu lou counèisse, à soun tour, lou Felibrigie, ié decerniguè lou titre de majourau, en recoumpènso de si service ?... »

« E vaquito que, vœi, aquéu Felibrigie vèn ploura sus soun cros e que l'age ounte ié davalou noun pòu faire óublida la doulour de sa pèrdo !... »

Mai, Mèstre, nostre souveni s'envoulara souvent vers aquéu cémentèri de village ounte, entre-mitan di flour, vas durmi l'eterno som bèn gasagnado pèr uno vido quàsi d'un siècle, touto coun-sacrado au Bèn, au Bon, au Verai, e que clavaren em' aquest soulet mot : DEVÉ. »

« Aquélei óumage, — dis Leïoun Perrissol dins sa crounico de la *Cisampo* — èron bèn degu à l'ome que, touto la siéu vido, a travai moudestamen, mai sènsa cala.

« Nascu au Canet lou 19 de janvié 1803, Sardou, après avé fa lei siéu estudi primari à Cano, venguè emplega de coumèrci. En 1824, à souarço de travai, s'atroubavo mèstre-repetitor, puei proufessour à l'Escolo de Coumèrci de Paris. Fin qu'à 1869, la siéu vido s'abendè, quouro d'eici, quouro d'eila, dins lei ablasigàntei lucho de l'ensignamen.

« Mai alor, rendu à-n-éu-même, tournè en Prouvènço e entamènè aquelo longo tiero de publicacioun ounte se prouposavo doui toco : espandi l'amour dóu siéu païs e prouva que lou dialèite — e partant lou terradou — niçard, es prouvençau e noun italian ; citaren entre àtri : *l'Istòri de Cano e de sis enviroun*, que la segoundo edicioun pareissé quàuqui jour avant la mouort de soun autour ; lou *Martire de Sto-Agnés*, la *Gramatico de l'idiomo niçard*, la *Vida de Sanct-Honorat*, lei *Grimaud de Bueil, Cano vassalo de Lerin, Artuc o St-Lassian, Niço prouvençalo*, etc. »

En de mai di qualita d'inteligènci, lou majourau A. L. Sardou avié tóuti li qualita dóu cor, e perdèn en éu un ami car e que plouran de tout cor, en plagnènt li dòu de sa famiho desoulado.

Lou felibre majourau En Jan Brunet, es mort en Avignoun, lou 23 d'outobre.

Brunet, qu'avié ramplaça dins li sèt de Font-Segugno

« Garcin, lou fiéu ardènt dóu manescau d'Alen »

(MIRÉIO)

avié 72 an, quand la mort es vengudo lou querre pèr lou mena dins lis orto sant-estelenco.

Lou darrié cop qu'avèn agu l'ur de lou vèire e de l'embrassa, èro pèr li fèsto cigaliero dóu mes d'avoust passa, en Avignoun, e coume pareissié proun ravoi, nous sarian jamai iugé que nous quitarié tant lèu. Pamens, acòs ansin, e lou Counsistòri, cop-suscop, pren lou dòu : Brunet èro un di mai devot de la Causo felibrenco ; apassiouna pèr la lengo, avié reculí belèu mai de dès milo prouverbi. Soun recuei pourtavo pèr titoulet : *La sagesso prouvençalo*, e n'avié pareigu de tres dins la revisto *La Tradition*, de Paris (*Li prouverbi sus l'ase*), e, peréu, n'avié tira li *Prouverbi sus la luno*, qu'avié fa tira à despart e qu'avien davera 'no courou-no i Jo Flourau mantenenciau.

Li journau felibren e subre-tout l'*Armana Prouvençau* an douna, de tèms à autre, si poulit conte e si galant vers, signa de soun noum o segui de soun escaï-noum de « Felibre de l'arc-de-sedo. »

Coume èro uno di glòri de la vilo d'Avignoun, e que, de-longo, avié lucha pèr lou Bèn, dins tóuli li cargo que l'avien fisa, subretout quand èro capitàni de la coumpagnié di poumpié, la vilo d'Avignoun a tengu à ounour de faire li fres de sis óussèqui ; la Municipalita avignounenco e li Felibre d'Avignoun l'an acoumpagna au cementèri. En Frederi Mistral, noste grand mestre, e lou capoulié En Fèlis Gras èron en tèsto dóu Flourege tout entié que plouravo soun decan venerable.

Sus lou cros, lou representant dóu Municipé d'Avignoun a parla superbamen dóu brave, bon e valent En Jan Brunet, e, pièi, Fèlis Gras, au noum dóu Felibrige e dóu Counsistòri, i'a di l'adiéu di fraire, en paraulo esmougado, coume seguis :

MESSIÉS, AMI,

« Mèste Jan Brunet, felibre majourau, un di sèt foundatour dóu Felibrige, es aqui mort sus la ribo dóu cros ! Soun amo, bello e

generoso, s'es envoulado dins lou revoulun de l'Eternita ! E nàutri, li Felibre, sian eici esmougu, lou cor gounfle, li lagremo is iue pèr ié dire : Adieu.

« Paure Jan Brunet ! noun laisso en s'enantan la richesso dis es-cut ni mai la fourtuno dis ounour, que sabon tant bèn acampa la ruso e l'egouïsme. Nàni, pecaire ! Mai éu nous laisso l'eisèmple de si vertu e l'obro de sa pensado.

« Fiéu dóu pople, Jan Brunet coumprenguè di prumié que l'obro felibreno, que la reneissènço de noste lengage, èro uno obro poupoplari, demoueratico, que servirié un jour au pople pèr apara si dre, pèr counserva sis usage, pèr garda soun óurignaleta e sa personalita, coumprenguè que l'independènci de l'ome es touto dins lou dre de dire libramen sa pensado, quand vòu e dins lou lengage qu'es siéu. Mai çò que Brunet plaçavo — bessai sénso bèn se n'en rendre comte — au-dessus de sis idèo demoueratico e littérari, èro soun sentimen naturau de pieta pèr li feble, lis óublida, touto la pauriho, qu'estrasso la terro emé sis ounglo, pèr n'en derraba lou tros de pan !

« Tambèn, legissèsi conte, poulidamen escri : dins un lengage simple, armounious, que fugon en vers, que fugon en proso, es toujour pèr glourisica la vertu dóu paure, lou merite dóu simple, lou respèt dóu feble.

« Èu, qu'ero pouèto dins lou sang e dins l'amo, avié, segur, la fierta e l'ourguei dóu pouèto, mai n'en avié tambèn lou cor e la tendresso, e se fasié pichot e se fasié umble davans la misèri. Èro d'aquéli que meton si paraulo en acioun. Avié pas la bouco pleno di mot de Liberta, Egalita, Fraternita ! Avié lou cor desboudant de pieta, d'amista, de carita !

« Se tóuti li tèsto di mort, que grouvon eici dins aqueste terro, poudien parla, quente crid ausirian e quanto boulegadisso sentirian pas souto nòsti pèd, s'aquéli que l'an vist, s'aquéli qu'an re-caupu d'éu un secours, s'aquéli qu'a acouraja, apasima, counsoula de si paraulo e de sis escri, se revirant dins si cros, chascun ié disié : *Gramaci*. Alor, veirias tremoula touto la terro d'aqueste cementèri, car Brunet a, cinquanto an de sa vido, tout sacrificia pèr secouri lou malur ! Felibre, pensaire, filousofe, a bounta de baume sus tóuti li plago mouralo. Ome juste e bon, a larga sa fourtuno, a sacrificia sa santa, s'es gara lou pan de la bouco, pèr soulaja la misèri.

“ E aquéli que, coume nàutri, li Felibre, que coume vautri, si camarado dóu bataiou dòu devé, l'avèn vist espandi touto la bounata de soun amo e de soun cor dins sis escri, l'avèn vist dins li malastre dis encèndi, escarlimpant sus li rouino, courrènt dins lou fid e la flamo crussènto, poudèn dire qu'aquéu pouèto republican a bataia tutto sa vido pèr l'umanita, sus la barricado de la carita !

“ Paure Brunet ! siés mort sus lou lié dur de l'espitau ! mai l'estello di sèt rai enlusira ta memòri ! »

Aquest an, la mort a sega crudelamen e malastradamen dins li rèng di membre dóu Counsistòri, ai ! las ! Après lou paure Roumiéux, majourau dóu Lengadò, que nous quitè subitamen lou 13 de jun, alors que res de nautre se i esperavo, e que si galejado nous avien encaro regala à la darriero felibrejado maienco di Felibre de la Mar, vès-aqui que la Prouvènço vèn d'estre tristamen matrassado, pèr la despartido de dous de si fiéu li mai devot: A. L. Sardou e Jan Brunet.

Di sèt aposto qu'an fatura la vigno, à la primo aubo, d'aquélis ome que, prouvidencialamen, se ligueron de cor e d'amo à Font-Segugno, pèr l'amour de la terro meiralo e lou reviure de la lengo, e que meraviousamen an segui la draio, mena pèr Santo Estello, n'en rèsto plus que tres: Ansèume Matiéu, Frederi Mistral e Anfos Tavan.

Pau Giera, Teodor Aubanel, Jóusè Roumanille e Jan Brunet soun mort, mai an leissa darrié d'eli un escarradoun de jouvènt, que mounton, courajous e fièr, à l'assaut de nòsti revendicacioun, e que bouton l'ourguci dins nòstis amo. Cade eros que se barro, marco uno floresoun nouvello de disciple ensiouca, arderous, superbe, que se vènon rambla à l'entour dóu drapèu. Adoune que i'enchau la mort, se, mau-grat elo, la vido triounflo !

Li vièi s'en van, es la lèi naturalo; nautre, qu'avèn fa nosto jouncho e liga nosto garbo, partiren pèr lou grand viage, mai leissaren darrié nous-autre li jouve, que butaran lou càrri e que vendran, cade printèms, traire de flour sus nòsti eros, en cantant l'inne de la Vitolri. Acò 's lou recounfort, acò 's l'espèr que seco li lagremo que regoulon de nòstis iue, en disènt adieu à-n-aquéli que nous quiton, is ami que parton, courouna de nerto e enlusi de la resplendour de l'amour patriau !

JEAN MONNÉ.

DISCOURS DE M. SEXTIUS MICHEL

DAVANS LOU BUSTE DE ROUMANILLE, LOU 13 D'AVOUST 1894

MESDAMES, MESSIEURS,

Après l'admirable panégyrique que vient de prononcer l'illustre auteur de *Mireille*, je m'abstiendrais volontiers de prendre la parole, si je n'avais, comme président des Félibres parisiens, un devoir impéieux à remplir.

Les Félibres de Paris avaient pour Roumanille, comme pour Aubanel, un culte particulier. Ils l'appelaient l'ami, le père.

Pourrais-je ne pas venir, en leur nom, apporter un tribut d'hommages, si modeste qu'il soit, devant ce pieux monument élevé à la mémoire de celui qui fut, pour ses amis, le « bon Rouma », et qui sera le grand Roumanille pour la postérité ?

Oui, nous l'aimions, et lui-même n'avait garde d'oublier ses amis de Paris. Il correspondait avec plusieurs d'entre nous. Aussi suffisait-il d'une de ses lettres, même d'un simple télégramme, pour que, dans le cours d'une de nos séances, au café Voltaire, son image semblât soudain nous apparaître dans un épanouissement de bonne humeur et de saine gaieté.

Oh ! les chères et charmantes lettres, toujours pleines de finesse et de gentillesse méridionales ! Avec quelle chaleur d'âme nous les lisions, encore tout imprégnées d'air natal et vibrantes du chant des cigales !

La dernière que nous reçûmes m'était adressée ; elle était datée du 20 janvier 1891 :

« Moun bèu felibre, m'écrivait-il, despièl l'estieu passa que vous mandère tant couralamen à Tarbe quauqui ligno amistousamen felibreno, nous sian rèn di. Un tros de papié cartoun emé moun noum empremi dessus, acò' s pas proun. Vole, ieu, dève apoun dre quauqui paraulo, pichot bouquet de bono annado que reçau près tout bonamen, coume vous lou mande, de ma chambreto, ounte, counvalescènt urous, siéu embarrà, maudissènt l'ivèr malin e verinous que nous desolo e nous aclapo. Es lou cas de canta :

Lèu ! lèu ! lèu !

Fai-te vèire, bèu soulèu !

en esperant d'ana béure, i pèd dóu palais, aquelo tisano tant sano

facho emé de rai de soulèu e d'aire pur, bén moiouro pèr la santa que li drogo pudènto d'Esclape, aquéu diéu imbecile... »

Quelques lignes encore sur le même ton, puis, brusquement, comme attendri ou comme un voyant, il finissait par ces mots : « Embrassen-nous ! »

C'est ainsi que nous apprîmes sa maladie, et, le 22 mai suivant, nous apprenions, hélas ! que le « bon Rouma » n'était plus.

Rappellerai-je le cri de douleur qui s'échappa de toutes les poitrines, à cette nouvelle ? A Paris les regrets furent les mêmes qu'en Avignon, où l'antique nef de Saint-Agricol entendit, au milieu des sanglots, l'oraison funèbre du père Xavier de Fourvières, prononcée en cette même langue que le grand félibre avait relevée, et comme tirée de l'ombre et de la servitude.

Maintenant, ô cher et immortel félibre, tandis que tu dors là-bas, dans ton petit village fleuri, parmi les pommiers que tu as chantés, voilà enfin que ton image se dresse, en sa sercine bonhomie, dans cette noble cité, ville sainte du Félibrige, où tu vécus toute ta vie d'homme et de poète, au milieu de cette population généreuse et enthousiaste, fidèle aux leçons du passé, aimant ta province et ses usages, et son Rhône tumultueux, et son grand palais, voisin des étoiles, aimant la France par dessus tout.

Ces sentiments étaient les tiens, ô poète, et voilà aussi que toutes les Muses, celles des monts et des fleuves, celles des rivières et de la mer, toutes les Muses méridionales chantent des hymnes en ton honneur, faisant revivre ton passé laborieux dans ta gloire présente, et mêlant encore une fois dans la sonorité des rimes et l'encens des hommages, les deux noms toujours chers de Joseph Roumanille et de Rose-Anaïs.

O penseur au rire toujours jeune, regarde-nous du haut de ce monument ; souris-nous, si quelque chose des ancêtres vit encore à travers le marbre ou le bronze ; souris à ceux qui, n'ayant point suspendu leurs lyres aux saules de la rive, dans le pays d'exil, n'en ont pas moins les yeux sans cesse tournés vers la petite patrie, ne prononçant son nom et celui de ses poètes qu'avec le respect des amitiés fidèlement gardées.

Ce que nous aimons en toi, ô maître, tu le sais, ce n'est pas seulement l'auteur ingénieux et fécond des *Nouvelles* et *Cascareletto*, semées à profusion dans ton *Armana prouvençau*, presque vieux d'un demi-siècle, et des *Noëls*, si pleins de docte et

belle humeur, et de ces *Contes* « comédie aux cent actes divers », où la Muse « vêtue en fille d'Avignon, au regard libre, au franc parler, laisse, de sa main largement ouverte, s'échapper les souvenirs du temps où l'on riait ; » —

Ce n'est pas seulement l'infatigable promoteur de notre renaissance provençale qui, relevant l'idéal populaire, dans le siècle de la décentralisation et de la prose, a suscité, selon l'expression d'un de ses panégyristes, des héritiers à ces troubadours du moyen âge, mélodieux enchanteurs d'une société disparue ; —

Ce que nous aimons en toi, ce que nous aimons surtout, c'est l'homme qui, sorti du peuple, a écrit pour le peuple et a été compris du savant citadin comme du pâtre de la Camargue ; c'est le poète doux aux humbles, bon aux petits, laissant tomber dans le gerbier odorant des « Margarideto » ces trois beaux vers, ces trois fleurs de mansuétude et de compassion :

Leissas d'espigo à la garbeto,
Quàuqui gran à la fourniguento,
Diéu benesira la meissoun.

Et Dieu, en effet, a bénî la moisson. Et cette moisson, tu l'as vue s'élever chaque jour grandissante dans des champs d'idéal et de paix ; tu as vu la grenade s'entr'ouvrir sur l'arbre fraternel et mûrir les raisins de Crau, et une étoile s'arrêter sur les Alpilles où est venu chanter le cygne qu'on attendait.

Plus heureux que Moïse qui ne vit la Terre-Promise que du haut de la montagne, tu es descendu triomphalement vers les plaines fécondes, et tu as pu t'écrier avant de mourir :

Aro, o moun Diéu, pode mouri,
Aro, o bonur, qu'ai vist flouri
L'aubre que plantère en Prouvènço.

Cet arbre que tu as planté, ô Roumanille, non seulement il a fleuri en Provence, mais il a étendu si loin ses vigoureuses racines que, jusque sur les rives de la Seine, ont poussé, fiers aujourd'hui de leurs frondaisons luxuriantes, deux de ses rejetons les plus puissants « La Cigale » et le « Félibrige de Paris, » et c'est au nom de ces deux associations, unies dans la sérénité de l'Art, qui vient de triompher dans Orange, c'est au nom de ces deux associations fraternelles, que je te salue, ô Roumanille, ô toi l'apôtre, ô toi le père !



LI NOVO FELIBRENCO

PROUVÈNÇO

— Lou majourau En Maurise Faure, députa, emé quauquis-un de si coumpan de la Chambro, an demanda uno soumo de 70 000 fr. pèr la restauracioun dóu teatre d'Aurenjo, en visto de l'ourganisacioun an-nalo di representacioun naciounalo.

— Lou felibre Mountagard, proufessour au coulège d'Ate, es nouma proufessour au coulège de Carpentras, e lou mantenèire J. E. Bigot, proufessour au coulège de Sèino-dis-Aup, es nouma proufessour au licèu d'à-z-Ais.

— Lou Counsèu d'arroundissamen d'Arle, dins sa darriero sessioun, a emés un vot en favour de l'amessioune de la lengo d'O dins lis Escolos dóu Miejour. Lou Counsèu d'arroundissamen d'Arle s'amerito tóuti lis ap'audimen courau di patrioto, pèr agué lou proumié moustra la draio is autre, que de tout segur soun eisèmple sara segui, e veiren, à la perfin, que lou gouvèr couprendra que li Felibre an mai que resoun de demanda l'ensignamen dóu francés, au mejan de la lengo d'O, dins lis escolos dóu Miejour.

— Li journau dóu Miejour fan brut d'uno peticioun que se signarié pèr manda i Chambro sus l'estiganço d'arresta lou *vandisme* au castèu di Baus, que, s'acò duro, sara lèu qu'uno immènso rouino. Sarié pas trop lèu !

— La Faculta d'Ais a inagura pèr Avignoun la tiero di counferènci regiounalo. Es lou majourau En Leopold Constans qu'es esta carga de parla davans lou publi avignounen. L'a fa lou 3 de nouvèmbre, en prenènt pèr témo : « L'amour dans la littérature provençale. » Forçò gent avien respoundu au rampèu, e la salo di fèsto de la Coumuno èro coumoulo de galànti damo e damisello ; à coustat dóu counferencié

avien pres plaço En Fèlis Gras, capoulié dòu Felibrige, lou majourau Mouzin, MM. Limasset, Tiquet e Labande, de l'Acadèmi de Vau-Cluso ; Tourrettes, prouvisour dòu Liceu, l'espeitour d'Acadèmi, M. Naquet, présidènt dòu Tribunau de Coumèrço, etc.

En Alèssi Mouzin présento lou counferencí, fai si gramaci à la Faculta d'Ais d'agué chausi Avignoun pèr aquelo proumiero counferènci, e, pièi, aguènt remercia la Municipalita d'agué bouda la salo de la coumuno à la dispausicioun dis ourganisatour de la festo, baio la paraulo à-n-En L. Constans. Aquest, coumparo lou Nord au Miejour, e mostro qu'au pount de visto literari lou Miejour a un siècle d'avanco sus lou Nord. Au pount de visto de l'amour, L. Constans dis qu'aqueù sentimen s'es revela dins lou Nord emé li cansoun de Gesto, e, dins lou Miejour, emé li cant di Troubadou. Lou counferencí passo, pièi, en revisto lou biais d'ama di pople dòu Norl e d'aquéli dòu Miejour, despièti Roland enjusqu'à iuei : se n'en tiro emé grand talènt e maique-mai d'esperit.

Basto ! la counferènci d'Avignoun es esta un grand succès pèr l'obro de decentralisacioun que la Faculta d'à-z-Ais perseguis.

— Uno espausicioun agricolo vèn de se teni à Briançoun, e lou fe-libre Jùli Jan, direitour foundadou dòu *Comptoir agricole des Alpes*, à Gap, i'a davera uno medaio de vermei qu'es superbo. Nòsti felicitacioun couralo.

— Lou dimenche 11 de nouvèmbre, li felibre de l'Escolo dòu Lioun en Arle, se soun acampa au mas de Bèu-Camp, en ounour dòu sendi de Prouvènço, En Marius Girard, pèr brinda à *La Crau*, soun darrié libre de pouësio.

— Lou *Journal officiel* dòu 13 de nouvèmbre, porto la creacioun d'une cadiero d'*istori de Prouvènço*, en la Faculta d'à-z-Ais. Es M. Clerc qu'es nouma proufessour d'aquel ensignamen. Bravò !

— Lou dimenche 11 de nouvèmbre, à la glèiso de St-Laurèns de Marsiho, i'a agu uno festo magnifico : se fasié lis ounour à uno estatuo dòu patroun de la parròqui, qu'après apéraqui un centenau d'annado qu'èro esmarrado dins uno famiho de bràvi Marsihés, reprenié sa plaço dins lou santuari. M. l'abat Lacroix, curat de St-Laurèns, a fa li causo superbamen, en vouguènt que nosto lengo e nosto musiqueto fuguès-son de la festo ; autambèn li cant prouvençau an rounfla qu'es pas de dire, e li tambourinaire, li pichots artisto de mèste de Lombardoun, an fa flòri emé si tu-tu-pan-pan galoi e si flahutet que roussignouleja-von, qu'èro un delice de lis ausi.

— Lou dimecre 24 d'outobre, à 9 ouro de vèspre, dins la galant salo dis « Enfant dou Var », lou felibre Paulin Guisol a fa 'no flamo counferènci sus lou Var, soun ôurigino e soun istòri. Zou l mèste Guisol, qu'acò es lou mejan de faire ama la pichoto patrio !

— Parèis que, mau-grat tóuti li cridèsto, se countùnio de tira de peiro dou castèu di Baus, e l'endignacioun qu'aquélis ate de brutalige contro un de nòsti mounumen li mai precious, a auboura l'iro de l'*Aïoli* que, dins soun numerò dou 17 d'outobre, dis aut e liuen lou sang bouïent que se fan li Prouvençau, de vèire uno talo abouminacioun. Escoutes-lou :

« Nòsti bravi journau *l'Homme de Bronze* e *Le Forum*, souto la signaturo d'A. Uzès e Mastyx, an entrepres uno campagno contro li mounfaras que, despièi trop de tems, travaion à destrurre lis amirabli roco de la ciéuta di Baus. Se coumpren pas que li journau pouderous de Prouvènço, coume aquéli de Marsiho, e especialamen lou *Pichot Marsibès*, — qu'enregistro jour pèr jour la mendro pissagno de gàrri, — n'auson pas leva lengo contro la ruinacioun de neste plus bèu païsage. Se coumpren pas que lou gouvr, qu'es tant escrupulous pèr faire respecta la lèi Grammont i gent de Nimes, s'enchaie pas mai qu'acò de faire respecta, i destrussi di Baus, la lèi que proutegis li mounumen de nosto istòri. car la ciéuta baussenco es classado, *tout en-tiero*, coume *mounumen istori!* e l'aménistracioun sèmbla, souleto, l'ignoura. E lou deputa d'Arle, li Counseil Generau, en de que soun bon, alor ? Pèr asard aurien-ti pòu di dos o tres dougeno d'eleitor que darbouion à l'entour di Pourtalet e dou Valoun d'Insèr ? »

— Lou 11 de 9bre, l'Atenèu de Fourcauquè e l'*Escoro des Aups* se soun acampa en sesiho soulenco. L'acampado annalo s'es tengudo, aquest an, dins la grand salo d'audienci dou Palais de Justici, que M lou president dou Tribunau avié boutha à la dispausicioun de l'Atenèu e de si counvida : la salo èro encaro trop pichoto pèr teni tout lou pople qu'avié courregu, pèr se regala de nosto parladuro siavo e cantarellò.

Lou president, Ougèni Plauchud, majorau dou Felibrige, es tre-fouli, e se coumpren : lou capoulié En Fèlis Gras es vengu ounoura de sa presènci la bello festo dis Aupen.

La sesiho estènt duberto, En Plauchud dis li regrett d'aquéli que noun an poiscu veni : es uno letro dou deputa Fruchier e de vers dou cabiscòu de l'Escole de la Mountagno, En Francés Pascal, de Gap ; em'

acò, douno sa plaço au capoulié, En Fèlis Gras. Aquest, en un discours armounious e patriouti, esmòu l'auditòri, e li picamen de man ié dison coume tóuti li cor s'unisson au siéu pèr la glòri de la patrio.

Alor, Plauchud parlo di *micróbi*, un estudi mai qu'interessant, qu'es segui d'un autre de M. de Selle, sus lou diamant... faus que prendra la plaço dóu diamant verai, que ramplaçara pas lou vertadié *Diamant de St-Maine*.

Pau Roman, laren asouga, dis un tros de soun pouèmo sus « Gaspard de Besso. » M. Daime, espóusso si niero sus l'assemblado, e tóuti se graton ounte ie prus e rison à se desgargamela. M. Isnard fai lou raconte de l'intradò dóu duque de Mercoeur à Manosco, lou 24 d'avoust 1652 ; lou majourau En Francés Vidal debano soun *Eté de la Saint-Martin*, l'abat felibre Michel remembro, dins uno galanto pèço, li festo de Nosto-Damo de Prouvènço, en 1875, e noto que Roumanille fuguè, dins l'ate di festo, proclama peirin de l'Escolo dis Aup. M. Tardié fai lou tableu d'uno bello escourregudo alpinisto au « Fort de Buoux » ; lou majourau En Leopold Constans, proufessour à la Faculta di Letro d'à-z-Ais, mostro li recerçò qu'a facho, pèr tira di tèiste antique, l'etimoulougio de la ciéuta d'Aurenjo, e apound qu'es *Aurache* qu'aurié faugu dire. Un *Souveni de picbouitié*, debita pèr lou felibre Honde, es aplaudi mai-que-mai ; l'abat Richaud a serti, emé grand gâubi, un estudi sus lou grand pouèto de la Miougrano, Teodor Aubanel, que sa famiho tiro souco de Valensolo e qu'es de Peirorue que lou celèbre pouèto a culi si plus bèllis ispiracioun. Lou cabiscòu Louis Maurel legis uno pouësio sus la *Carita*, lorço pretoucant, e lou majourau Plauchud i'apound la *Danso des parfum*, deliciouso e pouëtico musico qu'enfado e regalo tout un caulin. Alor, lou capoulié Fèlis Gras s'aubouro e declamo sa legèndo de la *Jacoumino* : l'auditòri, boulega e esmougu qu'es pas de dire, pico di man, e n'es esta, acò, pèr clava la sesiho literàri, lou bouquet galant que lou Capouillé a jita sus l'assemblado. E n'es siéis ouro e miejo quand, après la legilo di pèço mandado pèr lou felibre Bongarçon, M. Sfenosa, li mandintre Roche e Dounin Gorde, qu'emé souu *Sant de grèlo* a fa troussa lou pople, quand tóuti s'en van vers l'oste Nicolas, pèr countunia à taulo la felibrejado tant bèn entamenado.

Au banquet, es lou cabiscòu Maurel que presido. Li membre de l'*Atenèu*, l'*Escoro dis Aup* e lis estrangié, soun entaula davans lou menut redouïent e apetissadis que veici :

« Lou 11 de nouvèmbre, lei *Gavouot*, en grando sesiho, an delibera
de s'entoura encò de l'oste Philemon Nicolas e de s'amoura lei dènt emé

De buerri dóu Rèi En Pèire

De soucissot de Bacoun de Sant Clemens

Dourior d'Azaïs

Afin de se pa 'trangla emé les aresto des

Peissous de Durènço

Tout en descabucelènt uno

Croustado capoulicro

que durbera la draio à-n-un

Civié de lèbre de Peiro-Escrícho

manda pèr lou « Dardanus »

Pièi, sènsa prendre aren, de s'engaveissa emé uno

Macarounado papalenco

Eicito, uno pauso ei necite pèr miés pousque cungousta les

Poulas des Coumesso de Signo e de Roumanin

Aprei vendra de

Bescucbello de touto merço

Tout acò espoumpi emé de vin de nouestei souco

E quand sara begu lou Catè e lou Pousso-Café,

En avars lei discours, lei brinde, les cants, les conte,

En esperènt d'ana chima lou

Punch de l'Amista

Ou céucle literàri, ounte cadun dira la siéuno.

Ansin siegue, e à l'an que vén !

A la desservo, Maurel brindo, lou premié, au Capoulié, e ié fai la bén-vengudo en un discours prouvençau qu'enlève l'entousiasme de tóuti. En Félis Gras ié respond qu'à qui mot e, galoi, pèr manteni la tradicion felibrenco qu'es de canta dins li banquet, entouno sa ballado de *Janeto dóu coutiboun vert*; Bourrillon béu à Félis Gras, e En Vidal se fai aplaudi em'un sounet pèr lou roumanesc Lucacin Martin, president de la Soucieta literàri de Digno, traïs si gramaci i Fourcau-quiren, pèr la bono acuiènço que fan is estrangié; Honde, en de vers enfiouca, saludo En Plauchud; Pau Roman declamo lou *Lion d'Arle*, de Mistral; lou mège Bernard dis uno pouësio pleno de gràci e regouiranto d'armounio, pintant li poutouneto de sa chatouno; En J. Huot entouno *Vivo la cansoun !* qu'es Sube de Fourcauquié que n'a brouda

la musico ; En Plauchud espousco lou iire emé soun *Conte de Nouvè*, En Constans felicito mèste Plauchud, e la sesiho se vai countunia au Ciéucle literari, ounte M. Plantès reçaup tout lou mounde emé grando asabileta. Aqui, Maurel canto *Mon verre e Cresarello*, lou Capoulié largo soun *Rèi Èn Pèire* ; Huot pinto soun *Ban de mar e la Venus d'Arle*, d'Aubanel ; Honde ié vai de soun *Amour e vendùmi* ; Pau Roman declamo *Grevanço*, de Frederi Mistral ; Vidal bresiho uno *Cantadisso*, Plauchud descato un conte galejarèu : *Li tres devoto* ; Sicard, maire de Fourcauquié, brindo à A. de Gagnaud, qu'es uno di glòri de nosto Prouvènço. Em'acò, Maurel n'en canto encaro uno, e tant bèn la canto, que lis escoutaire lou porton en triounfle e que se claus la sesiho, pèr resta sus la bono bouco enjusquo à l'an que vèn.

— A prepaus de la souscripcióoun qu'es duberto, pèr auboura un mounumen pious, dins lou cementèri de Greasco, au paure felibre Fèlis Lescure — souscripcióoun que recoumandan vivamen à nòstis ami, — lou *Petit Provençal* dòu 30 d'òutobre a publica un article superbe sus lou pouèto carbounié, article que nous a forçò esmougu e qu'aura, de-segur, pretouca aquéli que l'auran legi : pousquèsse-ti adurre qu'à qui dardeno dindanto dins la cacho-maio de la souscripcióoun !

De noste caire, avèn encaro reçaupu qu'uno souscripcióoun de 20 fr. que nous vèn dòu majourau En Jósè Roux, de Tulo, e en i'apoundènt aquèlo d'En Jan Monné, qu'es de 5 fr., acò fai 25 fr. de mai pèr l'obro piouso dòu mounumen. Zóu ! que n'en vèngue !

— Jougnèn à-n-aquest numerò, coume suplemen, un buletin de souscripcióoun pèr l'*Histoire de la Littérature provençale*, despièli li tèms li mai aliuncha enjusqu'à iuei, pèr M. Restori, revirado en francés pèr lou felibre mantenière Martel, perctour à Roucy (Aisne). Se i'es apoundu qu'à qui chapitre sus la literaturo prouvençalo mouderno.

Lou pres de souscripcióoun de l'òùbrage complet es de 5 fr ; se pòu souscriéure encò de l'autour o bèn encò de Mmo Roumanille, libraire en Avignoun (Vau-Cluso).

— Lou mountant de la souscripcióoun Peiresc passo 3000 fr. Se vai inagura à-z-Ais de counferènci, ounte lou Coumitat counidara tout un cadun, pèr lis empura en favour d'aqueú proujèt patrioutique.

— Lou *San-Janen* anóuncio, dins soun n° 32, la publicacioun dins si coulouno, dis obro dòu felibre Louis Amiel, de Marsiho. Sian urous d'aquelo bono pensado e l'aplaudissèn di dos man, mai sarié en-de-bon que li bràvis ami dòu *San-Janen* chanjèsson rèn, tant au dire maja-men marsihés de Louis Amiel qu'à l'ourtougrafo qu'avié adoutado.

Venèn de legi, dins lou n° 33, la pichoto biougrasio que J. B. Faure douno d'aqueú brave mantenière en lou presentant au publi. Sian seguramen aquéu qu'avèn lou mai coundeigu e treva Louis Amiel, e au rian pouscu baia à M. J. B. Faure, quauquis entre-sign.e que l'autien ajuda dins soun obro. Lou brave Amiel, l'avèn adraia e soustengu dins l'ort di letro prouvençalo, e nous es en-de-bon — emai de tout segur, aguèsse pas leissa s'espandi tòuti li counsideracioun que lou pretocon dins l'article de M. Faure — nous es en-de-bon, dise, de vèire que se rend óumage à la bello afeicion qu'avie pèr la lengo meiralo.

— *La Mandoline*, 14, balouard de Reuilly, à Paris, tout en anóunçiant soun seten concours, que se clavara lou 31 Xbre venènt e ounte tendra sa plaço la literaturo neo-roumano, come à l'acoustumado, douno lou paumarés de sa sieisenco targo, que vejo eici dins çò que nous pretoco :

Proso e pouësio neo-roumano. — Premié pres, medaio simili-argènt : *Bibo Paris*, de Pau Dunac ; segound pres, medaio de brounze, à Leopold Bessiere, pèr *Cansou catoria* ; tresen pres, diplomo d'ounour, à J. Dayma, pèr *Pauro floureto* ; *Que 't-boug ayma*, de L. Gyt ; *Serment d'aryent*, de J. V. Labaume ; *Mai*, de J. B. Menut ; *l'Hiber*, de J. Silhol ; *Un bouquet pèr responso*, de Nestor Bonnet ; *Abriou*, de Roux ; quatren pres, mencionoun ounourable : *Pantai*, de Louis Richer ; *l'Ase*, de G. Bardol.

Tòuti li genre de vers o de proso emai tòuti li dialèite, soun amés i concours de *la Mandoline*.

— Boniface Hetrat, sóci dóu Felibrige, reviraire de *Miròio* en lengo roumanesco, vèn d'estre nouma proufessour au Liceu Carle I, à Craiova, qu'es la segoundo vilo de Roumanio. Aqui, tout l'ivèr, se fai de counferènci dins li saloun de l'Atenèu, e lou proufessour Hetrat nous aviso que, lou mes que vèn, n'en fara uno sus « lou mouvemen literari en Prouvènço. » A soun aflat, i'a bèn quauqui Roumanesc que se bouton à-n-estudia nosto lengo ; n'i'aura bèn mai quouro lis aura enfiouca pèr la tiero de counferènci que se prepauso de ié faire, e ounte i'esplicara li plus flame moussèu de nosto literaturo. Bravò !

— Li journau catalan nous aduson de marridi nouvello sus la santa dóu majourau barcelounés D. Frederich Soler, (Serafi Pitarra). S'es perdu tout espèr de lou sauva : la mort d'aqueú valènt sara uno grando pèrdo pèr li letro e pèr lou teatre catalan, que n'es uno di glòri li mai flamejanto.

— Lou majorau L. Constans, proufessour à la Faculta d'Ais, carga dóu cours d'istòri de la literaturo e de la lengo prouvençalo, a començà sa cunferènci pratico de la lengo prouvençalo, lou dijòu 6 Xbre, à dos ouro e miejo, au pichot anfiteatre de la Faculta di Sciènci, à Marsiho. Countuniara tóuti li dijòu seguènt.

Lou proufessour tratara de l'*Istòri dòu Teatre prouvençau*.

1 cours publi de la Faculta di Letro d'Ais, dubert lou 3 de Xbre, M. Constans i'a parla dis Armana prouvençau; es lou même sujet que lou cunferencie a trata, dins sa leïçoun dounado à Marsiho, lou 6 Xbre à 3 ouro 3/4.

— Lou 17 Xbre 1894 e jour seguènt, dins la salo di vèrdo, 9, carriero Rivals, à Toulouso, se vendra la bibliolièco de M. lou dòutour J. B. Noulet, de soun vivent direitour dòu *Museum d'Istòri naturalo de Toulouso*, autour d'uno grando tierro d'obro sus li parla dòu miejour de la Franço.

Sa couleicioun d'obro interessant li dialèite miejournau es talamen consequènto, que *Le Gril* a ourganisa, pèr lis amatour, un service d'informacioun sus tóuti lis obro de la couleicioun, e que se cargara de representà l'enca aquéli que ié voudran bèn faire teni sis ordre.

Lou catalogo se pòu demanda en espeditissènt un timbre de tres sòu, à M. G. Sirven, au *Gril*, journau poupoplari, 5, balouard de la Garo, à Toulouso.

— Lou 21 d'òutobre, uno bello festo tambourinarello s'es tengudo à Grasso, souto l'aflat dòu felibre Antòni Isnard, que n'èro l'amo, e qu'a fa tripet pelòri pèr sa bello reüssido. Uno tierro noumbrouso de fla-hutaire s'eron atrouva au rendès-vous, souto la direicioun dòu flame mestre Clinchard, dis Arc-sus-Argèns.

La Mantenènço de Prouvènço avié semoundu uno medaio de brounze grand moudule, e aquelo joio n'es vengudo, sus l'avis dòu Coumitat, au groupo mena pèr Clinchard. Mèstre Guignonnet, d'Aubagno, qu'èro de la tierro, a gagna lou rampau dis aplaudimen e di bravò de tóuti.

Li tambourinaire an óutengu, à Grasso, un sucès qu'es pas de dire, tout lou pople èro trefouli de lis ausi, e sobre-tout quand souq arriba au teatre, e que ié soun intra en jogant *Magali*, es emé 'no trouandasso de picamen de man que lis an saluda, e quand i'an demanda d'eisecuta lis *Èr prouvençau*, alor èro uno fernesio e lou pople sarié jamai esta las de lis entèndre. Tóuti cridavon : Zòu ! mai ! Zòu, toujour !

Mai, foulié que n'en soubrèsse un brisoun pèr l'an que vèn, e es ansin que s'es fa, pèr lou bèn di tambourinaire e dòu publi.

— A prepaus de la destrucioun di Baus, vès-eici la deliberacioun que lou Counseu Municipal di Baus vén de prene, à la dato dóu 11 de gbre 1894 :

« Le Conseil Municipal, regrettant que ses démarches en vue de la restauration de certains monuments n'aient pas complètement abouti auprès de l'Administration supérieure ;

« Oui M. le Maire, président ;

« Décide : De continuer à s'imposer les plus grands sacrifices comme preuve de sa sollicitude en faveur de l'antique cité, et, se reconnaissant impuissant à donner une compensation aux propriétaires légitimes, de faire, de nouveau, appel à la bienveillance du Conseil Général en vue de faire acheter par l'Etat les terrains ou les Ruines qui peuvent avoir, pour les Beaux-Arts, un caractère de valeur artistique.

« Fait et délibéré en séance, les jour, mois et an susdits et signé à l'unanimité par les membres du Conseil.

« *Le maire des Baux : Verpian.* »

LIMOUSIN

— L'Escolo limousino felibreno duerb tourna-mai li councours di Jo de l'*Englantina*, pèr l'an 1895, em' un prougramo forço mai estendu de proso e de pouëslo limousino e franceso, d'istòri, d'erudiçion, de pinturo, de dessin, d'esculturo, d'architeituro e de musico.

De Jo setenàri, peréu, s'alestisson pèr l'an 1900.

L'Escolo ametié que li targaire dóu despartamen de la Courrèso ; mai, iuei, counvido tóuti li Limousin à si targo, emai que fugon de la prouvinço qu'a fourma parieramen la Nauto-Vigano, la Creuso e uno partido de la Dourdougnio e de la Charènto. I'a, pièi, uno classo especialo pèr aquéli que soun estranglé à-n-aquelo encountrado.

Li joio saran d'oujèt d'art, de libre, flour, medaio, paumo, argènt dindant. Adeja, de douno se soun semoundudo à-n-aquéu prepaus, e se publicaran li listo di dounaire.

Vès-eici, pèr lou menut, lou bèu prougramo di segound Jo de l'*Englantina*, tengu aquest an pèr l'Escolo limousino.

Coundicioù generalo

Tóuti li councours, — coume l'avèn di plus aut — soun dubert i Limousin, ouriginari de la prouvinço qu'a fourma la Nauto-Vigano, la Creuso, la Courrèso, e un tros de la Dourdougnio e de la Charènto.

Uno tiero especialo sara, se fau, coustituïdo, pèr li Limousin estrangié à-n-aquéli despartamen.

Dous grand pres saran decerni :

1º A l'obro la plus meritòri de tòuti li councours, uno *Englantina d'or*. Acò sara la joio semoundudo pèr lis Escolo. 2º A l'obro estampado dins l'annado e jujado la meiouro, tant sus lou prepaus de la lengo limousino que sus lou poun de visto istourique, literari, artistique, scientifique e ecounoumique. Sara lou pres dòu Limousin : uno *branco de castagnié vermeialo*, aubre naciounau dòu païs.

Se decernira dous pres pèr cade councours literari e un soulet pres pèr cade councours artistique.

Li compousicioun qu'auran quauco valour, sènso pèr acò agué de pres, saran mencionado au paumarés.

Li manuscrit di compousicioun noun classado saran pas rendu, mai saran crema après la fèsto.

Tòuti li compousicioun di councours déuran èstre adreissado au secretari de l'Escolo limousino, à Brivo, 1, carriero Bertrand de Born, franc de port, e avans lou 1 d'abrieu de 1895. Saran escricho lisiblament e pas signado, mai pourtaran uno deviso que se repetira sus l'envelopo d'un ple cacheta, tenent lou noum, la demoro e li qualita de l'autour, e l'engajamen d'ounour que soun obro es inedito. Li courrèire que noun complirien aquélèt coundicioun, saran foro-bandì di councours.

En tre que sara clava lou tèms di mandalis, valènt-à-dire lou 1 d'abrieu 1895, lou souto-cabiscòu que fai founcioun de secretari de l'Escolo, acampara li mantenière e ajudaire de l'Escolo, pèr lis assaventa di compousicioun reçaupudo e pèr delibera sus la coustitucioun de la jurado. La jurado se compartira en tant de tiero que i'aura de councours à juja, noumara soun raportaire generau e decidara sus li grand pres à decerni.

Li membre de la jurado noun pourran prene part au councours.

La jurado publicara lou paumarés di joio di Jo de l'*Englantina* au mes d'abrieu, e la prouclamacioun n'en sara facho au mes de mai veñent.

L'Escolo se recoumando en tòuti lis ami de la Causo, pèr que ié semoundon de pres à decerni. Un diplomo, pourtant la branco d'*englantina*, e mencionant li pres e soun titulàri, li joio e soun dounatàri, signa di membre de la jurado e dòu président di fèsto, saia atruibui en cade laureat.

COUNCOURS DE LENGO LIMOUSINA

I. — *Pouësio.* 1^o Odo, fablo, cansoun o pouëmo, sus d'un tèmo à l'agrat di courrère.

2^o *Traduciouen.* — Pres di troubadou : revira en vers limousin d'aro, 25 vers tira dis obro de Bertran de Born.

II. — *Proso.* 1^o Nouvello, conte, raconte divers en parla limousin, sujet libre ;

2^o *Traduciouen* — Pres di Felibre : revira en proso 50 vers dóu pouëmo de *Mirèio*, de Frederi Mistral.

III. — *Teatre* : pèço en proso o en vers, sujet libre.

IV. — *Literaturo poupoplari* : recuei de dire, conte, cansoun, fablo, prouvèrbi inedi emé coumentàri.

Aqueli sujet aurán d'estre trata en dialèite limousin d'aro, en s'ajudant e s'ispirant di principe de la gramatico de l'abat Jousè Roux, que publicó lou *Zemouzi*, e pourtaran uno traduciouen franceso vis-à-vis.

COUNCOURS DE LENGO FRANCESO

I. — *Pouësio.* 1^o Sujet limousin à l'agrat di courrère ; 2^o Pouëmo divers sus lou mes de mai, l'*Englantina*, li Jo Flourau e la foundacioun de Jan Teyssier.

II. — *Proso.* 1^o Conte o nouvello sus d'un tèmo limousin à l'agrat di courrère.

2^o *La place du village*, genre descriptiu e anedoutique.

III. — *Teatre* : pichoto pèço en vers o en proso sus d'un sujet limousin.

IV. — *Istòri e traduciouen.* 1^o *Le grand siècle de l'expansion limousine* (XIV^{me}) : lou maximum es de 500 ligno ; e esplicacioun di paraulo dóu papo Clemènt VI : « Plantarai dins la glèiso un tau rousié de gent de nosto nacioun limousino, que noun sara d'eici à cent an que noun n'ague racino e boutoun. »

2^o Biougrasio d'un troubadou limousin.

3^o Eloge d'un ome ilustre dóu païs, mort despièi 50 an à tout lou mens, (maximum 200 ligno).

4^o Noto e doucumen resouna sus li Jo Flourau en Limousin.

V. — *Folk-Lore* : Mounougrasio legendari d'uno coumuno dóu Limousin, legèndo, prouvèrbi, espressioun, dire, supersticioun, tradicioun, us e costumo, emé coumentàri.

La coulour e l'esprit dóu terraire limousin saran sobre-tout counsidera dins la partido franceso dóu councours.

BÈUS-ART

I. — 1^o *Pinturo o dessin*: tipe de païsan e interieur de village limousin.

2^o Un païsage de la prouvinço.

3^o Uno sceno de la vido vidanto de l'istòri d'ou païs.

II. — *Esculturo*. 1. *Un polbaire lemuizi*, un pataire limousin : céramico, terro cuecho, etc.

2. Uno noutabileta loucalo (buste o estatue).

3. Un groupo limousin simboulisant la glèri d'ou Limousin.

III. — *Arbriteituro*. 1. Restauracioun d'un mounumen limousin.

2. Coustrucioun d'uno glèiso-tipe, roumano-limousino, emé decouracioun, amoublamen, etc.

Pèr aquéli douz councours d'architeituro, li pèço mandado déuran èstre acoumpagnado d'un memòri justificatiéu.

IV. — *Musico*. 1. Sceneto lirico, trenado emé uno mousaïco d'èr pouplàri limousin.

3. Sinfonio sus la *Cbansou de l'Englantina*, d'En Jousè Roux :

De la chantar l'Englantina,
Qus a lou drech mais que nous,
Lemouzi d'enja latina,
Al lengatge fier e douz ?

Flour delicata e charmanta,
Chas nous cultida autres-temps,
En souvenir d'un' amanta,
A l'intrada del printemps !

Dous louns segles amousida
Jous la pleuja e jous la neu,
S'espanis, que mais grazida,
Nueva dina dinz un vase nueu.

Bounjourn, la reviscoulada !
La renascuda, bounjourn !
E tu, la rescounscoulada,
Patria, flouris toutjourn !

L'Englantina recoumpensa,
L'Englantina encouragis
Lou qui sab e lou que pensa,
Lou qui vol e lou qu'agis !

Ounta a qu paupa ou gazina !
 Gloria als valens chantadours !...
 Jamais la gent lemouzina
 N'estara de troubadours !

Lou prougramo di Jo Flourau de l'an 1900 se dounara à soun ouro, mai se pòu adeja cita li travai que demandon de recerco e de tems, pèr èstre trata coume se dèu, e que soun : 1. « Histoire et critique littéraire des Jeux Floraux en Limousin » ; 2. « L'autonomie limou-sine dans l'Histoire et dans les Lettres. »

— Lou *Bournat courregian* de Paris èro ana faire uno escourregudo en Argentat (Courrezo), e vès-eici lou galant counvit qu'espandiguè :

Aquest ser (30 d'avoust)
 Al *Cafet Filiol*
 A uech hours e mietja
Granda Serenada
 Beilada pèr lou
Bournat (brusc) Courregian de Paris
 Entrada libra

Em' acò, à l'ouro dicho, après uno flamo charradisso dòu mantenèire prouvençau Frederi Amouretti, sus la toco dòu *Bournat Courregian*, sus lou mouvemen felibren en Limousin, sus lou role de nостo lengo au mejan age e sus sa restauracioun, pèr mounsen Jóusè Roux, li cansoun e li conte se soun debana poulidamen, pèr lou plesi dis escou-taire e dòu biais que seguis :

Lou mourre negre, pouësio dicho pèr l'autour, M. Bombal ; *L'a-vare*, de M. Estrade ; *La counfecciu de Pierrou*, pouësio de Marpillat, dicho pèr M. Laborde ; *La bela margarideta*, cansoun prouvençalo, pèr M. Puech ; le *Pont d'Argentat*, de Melroy, dicho pèr M. Miginiac ; *Viva lou Lemouzi !* de J. Roux, pèr M. Plantadis ; *les Amours d'Henri IV*, canta pèr M. Chili ; *la Nebouda petiounota*, fablo de Caze, dicho pèr M. Laborde e *Lous tres junes* ; *lou Pountounier*, pèr E. Bombal ; *Moun Isabela*, cansoun, de M. Estrade, etc.

— Se vèn de founda, à Tulo, uno Soucieta literari e artistico : *Le-mouzi*, qu'aura la memo toco que lou *Bournat courregian* de Paris.

Lou Burèu d'aquelo Soucieta es ansin constiutuï : M. Ravoux, presidènt ; M. Alèssi Patraud, vice-presidènt ; secretari, MM. Gleize e Auberty. Zéou ! que se groupon li jouvènt pèr la causo felibreno.

De tout caire e cantoun dóu Limousin, parèis, que i'a uno bello tierro d'assouciacioun que se congreion pèr intra dins lou grande fe-libren, emé lou titre d'Escolo de la famiho limousino, e acò vèn just à prepaus emé lou viage que devon faire en Limousin lou cancelié dóu Felibrige Pau Marieton, emai lou sendi d'Aquitàni Isidoro Salles, pèr estudia l'ourganisacioun d'uno Mantenènço limousino, que i'entrarié lou Limousin, l'Auvergno e lou Perigord. Basto acò fuguèsse e lèu-lèu, dóu mai la farandoulo tiro de long, dóu mai i'a de goust, e dóu mai i'a d'oubrié, dóu mai la meisoun es granado !

LENGADÒ

— Es mort à Toulouso, lou 15 d'òutobre, M. Vitou Levère, presidènt de l'Atenèu di Troubadou, que, pèr sa voio e soun bon biais, avié sachu groupa 'no flamo tierro d'escrivan e que, dins si councours annau, fasié plaço largo i letro prouvençalo.

— La Soucieta arqueoulougico, scientifico e literari de Beziés, decernira, dins sa sesiho dóu dijòu de l'Ascensioun, 23 de mai 1895 :

1. Uno courouno de *lausié* en argènt, à l'autour d'un memòri istòri o arqueoulougi sus d'uno prouvinçó dóu miejour de la Franço, o à l'autour d'uno mounougrafio de la memo regioun.

2. Un *rampau d'òulivoïé d'argènt*, à la meiouro pèço de vers en lengo neo-roumano.

Tóuti li dialète miejournau podon courre la targò.

Lis autour auran de segui l'ourtougràfi di Troubadou e jougne un gloussàri à si pouësio.

3. Un *rampau de chaîne en argènt*, à la meiouro pèço de vers francés.

La Soucieta decernira, s'es necite, de medaio de brounze, d'argènt, o de vermèi, is obro jujado digno d'aqueilo distincioun.

Li tèmo pouliti saran fôro-bandí dóu councours.

Li pèço noun déuran èstre signado, mai saran escricho *lisiblamen* e mandado en doublò còpi e franc de port, avans lou 1 d'abriéu venènt, à M. Antounin Soucaille, secretari de la Soucieta, avengudo de la Republico, 1, à Beziés.

Li memòri e pouësio pourtaran uno epigrafo o deviso que sara repetido sus d'un ple cacheta, ounte caupra lou noum e la demoro de l'autour, emai la declaracioun que soun inedi e que soun esta presenta en ges d'autre councours.

Li manuscri saran pas rendu.

— La *Revue Méditerranéenne* de 7bre 1894, nous douno uno obro bello, *La Rebadioso*, d'Henri Salières e Achilo Mir, emé d'ilustracioun de Narciso Salières, representant lou *Pantai di tourre* e l'arribado di Felibre en ciutat de Carcassouno. Aquelo obro es dedicado au mestre En Frederi Mistral, pèr la letra que seguis :

Ilustre Mèstre,

« Un beteran am' un simple cousscrit dal Felibrige, se permetou: de bous dedica aquesto oubreto, qu'an espelido de councert.

« Lous douz amics an la douço espèro que la *Rebadisso de las Torres de dono Carcas* bous fara gauch, à causo dal boun soubeni que rememòrio al cor, e dins aquelo counfianço, soun urouses de bous presenta l'oumage sincèr de lour grande simpatiò e prefoundo admiraciù.

Carcassouno, 15 d'òutobre 1893. *Henri Salières, Achille Mir.* »

E Mistral, que s'atrouvavo à Carcassouno, ié respoundeguè coume eiçò :

Carcassouno, 17 d'òutobre 1893.

Moun bon Mir, moun bèu Salières,

« Li Tourre de dono Carcas an pantaia tant ferme soun erouïco *Rebadisso*, que ieu lis ai ausido de Maiano elçavau e, prenènt lou coundu que reünis Ciutat à la Prouvènço (aquéu d'ounte s'escapèron li Carcassounés trahi), me veici vuei à Carcassouno pèr entèndre de plus près aquélli peïro de Mennoun.

« O, mis ami de Diéu, l'estatuo de Mennoun, dison que rendié de son meravihous e delicious, quand lou soulèu levant ié picavo dessus. Li tourre que courounon vostò viro e soun istòri an trouva la paraulo en se souleiant ansin à voste sant patrioutisme, e fague Santo Estello que la perdonj jamai plus.

« Vous embrasse tóuti dous e tóuti li fraire emé vautre, sus lou sen generous de Madono Carcas.

En ribo d'Aude, F. Mistral. »

— Un Coumitat s'es constituï à Clarmount (Erau) pèr auboura un mounumen à Peyrottes, lou pouèto terraié, e la Mantenènço de Lengadò emai li felibre de l'Escolo dóu Parage de Mount-Pelié, an manda uno adesioun au sobre-di Coumitat, e s'entendran pèr douna i festo que s'alestisson, tutto la resplendour degudo. Se dis meme que Frederi Mistral sarà counvida à presida la cèremònì.

— Un rampèu que fai gau d'ausi, es aquéu que vèn de batre lou valènt cabiscòu de l'Escolo Moundino, Louis Vergne. L'idèo es d'acampa uno tierro d'esempero tirado de nosto istòri miejournalo, e de n'en faire un *calendrièt à desfusia*, pèr pouplarisa l'istòri de nosto grando terro d'O. Pèr aquéu prefa, counviu totti lis atouga d'en terro d'O, es à dire aquéli di païs Basco, de Gascougn, dòu Limousin, d'Auvergno, de Prouvènço, dòu naut e bas Lengadò, à coulaboura à l'obro, en se boutant en cerco di causo glouriouso qu'arribèron dins si païs, pèr n'en faire lou raconte en quatre o cinq rego, en marcant en dessubre, l'an, lou mes e lou jour.

Lou *calendrièt* s'alestira vers lou mes de mai o de jun de l'an que vèn, pèr l'an 1896. Adounc, li mandadis se déurant faire au cabiscòu L. Vergne, 60, carriero Bayard, à Toulouso, avans la fin dòu mes d'abriu venènt.

— Un autre recuei curious, que la Soucieta Filomatico de Bourdèus a l'idèo de faire, es aquéu dis idiomo parla dins li terro gascouno e dins li regioun que soun en raro emé la Gascougn, coume li païs lengadoucian, basque, limousin, etc. Aquéu recuei figurara à l'espausicioun que se durbira à Bourdèus en 1895.

Es li mèstre d'escolo de cade vilage que devon respondre e douna sa part de coulabouracioun à l'obro, en revirant dins l'idiomo loucau, lou tèiste de l'*Enfant prodigue*, que sara demanda à M. Bourciez, proufessor de literaturo roumano e de lengo miejournalo à la Faculta di Letro de Bourdèus.

L'ensemble di traducioun fourmara uno tierro de voulume religa, e vès-eici li reglo que se seguiran pèr que tout vague bèn :

1. Se servi d'uno fueio de papié blanc « écolier double, » de 22 sus 39.
2. Leissa, di quatre constat de la pajo, un relarg de 3 centimetro au mens.
3. Coumença d'escriéure la traducioun au mitan de la premiero pajo e bouta en tésto lou noum de la coumuno e aquéu dòu cantoun.
4. Escriéure lisiblamen e signa en acabant.

Pèr totti lis àutris óusservacioun à teni e reglo à garda dins aquéu travai, i'aura qu'à s'adreissa à M. Bourciez, que se fara un plesi de satisfaire cadun.

— Vès-eici uno letro que lou Burèu de la Mantenenço de Lengadò mando « as felibres de la Mantenenço e as amics lengadoucians dau Felibrige » :

Felibrige

8.

Mount-Peliè, lou 14 de novembre 1894.

Moussu,

« Lou Felibrige, que la glòrio de Mistral ilumino e que lou capouliè Fèlis Gras n'en tèn tant ben l'estebo, lou Felibrige, es arrivat à s'impausa à l'atencióun e au respèt dau mounde. Dins sas tres Mantenencoç, Prouvenço, Aquitàni e Lengadoc, que se partajoun la terrò dau Miejour, pertout lous Felibres se boulegoun, e sèn urouses de poudre dire aici que lous de la Mantenenço lengadouciano an jamai moulat.

Certo, la questioun dau Felibrige, à l'ouro d'aro, se presento coumplèiso as ols de mai d'un ; mès, per tout bon *Filibre* felibrejant, la questioun es tutto dins aiçò : d'abord e davans tout, sauva la lengo, sauva e manteni nosto antico lengo d'Oc.

Aquel prougramo, quantos que siégon las manifestaciouns fachos, deçai e delai, per d'omes que se revendicoun, embé justo resou, dau Felibrige, pot pas manca d'estre acceptat per toutes e de groupa, per uno acioun comunio, tous los bonos voulountats.

Per respondre à la demando de la Cancelariè dau Felibrige, que déu publica, à la fin d'aquesto annado, la listo generalo das membres de la grando assouciacioun miejournalo, lou Burèu de nosto Mantenenço es tengut de douna à la Cancelariè lous noums das Mantenèires de Lengadoc.

Sarés pas estounat, Moussu, se venèn vous dire que vous counsideiran coumo coumtant, à-n-aquel titré, au noumbr das membres dau Felibrige.

La majo part das Mantenèires de Lengadoc poussèdoun déjà soun diplomo felibrenc. Lous nouvèls mantenèires reçaupran lèu lou sièu, sinnat dau Burèu de Lengadoc e dau Capouliè dau Felibrige. Aqueles en quau, per uno resou ou per uno autre, lou diplomo arrivarìè pas dins la quinzenado, soun pregats de lou reclama au Secretariat de la Mantenenço de Lengadoc, carrièro dou Chival-Verd, 15, à Mount-Peliè.

Nous fai gau de vous faire assaupre, Moussu, per la memo óucasioun, que, dins pauc de tèms, la Mantenenço de Lengadoc tendra uno assemblado generalo que ié sarés counvoucat e ounte se prendra las decisionis que las circoustàncias reclamoun. Après aquelo reünioun, esperan faire pareisse un cop per semano *la Cigalo d'or*, journal de la Mantenenço, que d'empachamens independents dau voulé de lous que soun cargats de sa publicacioun n'an rendut, aquestes darriès tems, soun aparicioun irregulièro.

Coumtan toujour, Moussu e gai Counfralre, sus vosto bono ajudo per l'obro felibrenco, e vous pregan d'agrada l'asseguranço de nostes milhous sentimens.

Ipoulite MESSINE, sendic de la Mantenenço de Lengadoc ; Albert ARNAVIELLE et Gastoun JOURDANNE, vice-sendic ; Jan FOURNBL, secretari. »

CATALOUGNO

— Li journau de Catalougno anóuncion que lou majourau En Vitor Balaguer, lou celèbre pouèto catalan e ancian ministre, es aclapa pèr un mau grèu, en ciéuta de Madrid.

Souvetan de tout cor que Santo Estello ié baie soulas e santa.

Aquitâni

— Lou brave felibre Emile Boudon, mestre d'escolo à St-Salvy (Lot-e-Garouno), vèn de publica un libre requist : *Manuel élémentaire de linguistique pour l'enseignement du français par les idiomes locaux*. Aplicacioun au sous-dialèite agenés : óubrage courouna i Jo Florau dóu Felibrige parisen, e ounoura de la souscripcióun *maximum* dóu Counseu Generau dóu Lot-e-Garour.o.

Quand vous autre disès, pamens ! se li mestre d'escolo se ié bouton, bèn, faudra fourçadamen que se ié vèngue à l'ensignamen dóu francés au mejan de la lengo d'O, dins lis escolo miejornalo. Càspí ! veiran proun à la perfin qu'aquéli qu'empleg'ón aquéu mejan an lis escolo li mai flòri.

Emile Boudon a pas di soun darrié mot sus lou prepaus dóu dialèite agenés ; alestis uno antoulougio, e un autre voulume : « Règles et tournures syntaxiques propres à la linguistique agenaise », un « Diciounari de rimo » emai un « Diciounari agenés-francés e francés-agenés. »

Lou pres d'aqueú libre es de 2 fr. 50, que se podon manda à l'autour, o en Agen, encò de Boucheron, libraire, 9, carriero Garouno. Aro, vès-eici coume lou grand-mestre, En Frederi Mistral, a saluda aquelo obro meritouso :

Monsieur,

« Votre *Manuel élémentaire de linguistique* est dans la voie du vrai, très intelligemment conçu et, si vos tableaux synoptiques, accrus d'au-

tres vocables locaux, étaient affichés dans les écoles, ils rendraient les écoles très agréables et très profitables aux écoliers.

« Tout ce qui peut attacher, de façon ou d'autre, l'enfant à son pays natal, à ses traditions de famille, à son honneur de race, mérite d'être encouragé.

« Une des principales causes de cette dépopulation qui mine la France, c'est l'aveuglement avec lequel le système actuel d'éducation pousse les jeunes gens à dédaigner leur village et leur province, et à courir au mirage des grandes villes et des petites sinécures.

« Votre *Manuel*, tout en étant fort utile à l'instruction des écoliers, leur donnera le respect de leur langue maternelle, qui est la gardienne des mœurs et de la sève native.

« Recevez, etc.

F. Mistral. »

VANEGACIOUN

- M. l'abat Pau Payan es nouma curat de Vedeno (Vau-Cluso)
- Lou felibre Louis Bonnaud rësto, aro, carriero Paradis, 246.
- Lou felibre abat Leoun Spariat vén d'estre nouma curat de Pourcieux (Var). Nòsti telicitacioun.
- Lou mantenèire Ange Silvestre rësto à Sorgo, (Vau-Cluso) quartié de la Peirado.



Anan faire enqueueissa lis escot felibren de 1894 e lis abounage au buletin pèr lou Tome VIII. Pregan nòstis ami de faire bono acuiènço à nostro quitanço, que fai de gros fres à la Soucieta lou refus de pagamen. La soumo à paga es tant pichoto, que n'i a bravamen que ié coustarié gaire de paga lou premié cop, en liogo de se faire representa la bitheto dous o trescop, ço que fai mai de 1 fr. de fres pèr 4fr. à tira, sènsou coumpta li port de letro, etc.

De memo seguido, pregan nòsti coumpañ e ami de la Mantenèço de Prouvènço de nous manda, eisatamen, sa demouranço, qu'es necité que la lista felibrenco que se vai publica fugue coumplèto lou mai poussible.

LI LIBRE

— La culido d'aquésti darrié tèms es mai que flamo : de libre e d'armana nous es arriba touto uno tiero, e de cansoun entamenado emé lis óulivado e que duraran e regalaran toustèms, dins li vihado d'ivèr. Li cansoun, es ço que i'a de mai gènt sus terro, i'a tant d'ouro pèr ploura, que l'on n'en pòu bèn sacrificia quaucuno pèr lou rite : es-ti pas que souvent l'on ris d'un iue quand l'autre plouro ? Es ço qu'a coumprés lou brave majourau En Marius Bourrelly, que nous semound un libre de cansoun : *Cigau e Cigalo*, que n'i'a segur pèr vous douna l'envéjo de vous encigala e de canta sèns relàmbi, pèr óublida lis espino dóu camin.

Cigau e Cigalo, poulidamen estampa à la librarié felibenco Remondet-Aubin, à-z-Ais, es un bèu voulume in-8 de 400 pajo, couparti en 12 libre, em'un retra de l'autour, que se pòu agué en lou demandant à l'autour, à Pourcieux, Var, en ié mandant un mandat-poustau de 3 fr. 50, pèr lou reçapre franc de port. Aquéli que lou demandaran n'en saran pas facha, aurau pas trop paga de la sibleto, ah ! nàni, qu'aquéu libre galoi, franc, simple, risière, cascarezet e de cop lagremous, vòu soun pes d'or.

Li journau felibren i'an fa la bono salut, mai i'a pas rèn qu'éli qu'an vist lou bon de la garbeto e qu'an tasta lou mèu de la bresco : escoutas ço que n'en dis la *Marsibeso*, dins uno letro parisenco qu'escriu au *Petit Provençal* de Marsiho, e veirés se vous ai menti : *

Vivent les parfums de Provence ! Ils m'arrivent avec le beau livre de Marius Bourrelly, le Pierre Dupont de notre terre ensoleillée. *Cigau e Cigalo*, c'est le titre de ce recueil, où quarante ans de chansons s'ensilent comme des perles. Tout cela, en effet, se peut chanter, et sur des airs marqués, connus. Citerai-je la chanson d'*Avignoun* sur l'air de la Marche des Rois : couplets ravissants, écrits en fin provençal, avec une gaieté attendrie qui prend le cœur.

Et la *Reino d'Arle*, *Ei Paisan*, *Lei saussisso e lei boudin d'Aubagno*, *lei Franc caminaire*, *lei Bord de mar...* Je ne puis les dire ici, ces jolis chants — les uns tristes, les autres gais, — mais d'une intense et séduisante poésie ; toutefois, je les signale à mes lecteurs : ce livre est de ceux que tout Provençal doit avoir à sa portée. Ces poètes gracieux qui se sont bien gardés de tomber dans la pédanterie des nouvelles écoles, sont l'honneur litté-

raire de notre pays ; ils ont le privilège d'une éternelle jeunesse, et l'œuvre de leur maturité conserve le charme et la paix de leurs jeunes années.

A *Cigau e Cigalo*, il faut un sous-titre, et je l'écris : *Chansons embaumées !*

Sommes-nous pas du pays où toujours fleurit le baume !

E segur que n'en sian, parai ?

Cigau e Cigalo, emai fuguèn d'ivèr, faran lou tour de la terro d'O, e regalaran li cantaire e lis escoutaire emé sa bono voio.

Escoutas-n'en uno, que prenèn à l'asart, e me dirés se n'avèn pas resoun :

LEI BORD DE MAR

Autre tèms, sus lei bord de mar,
En davalant de la Touretto,
Sènsa ana tròu courre à l'escart
Nedavian, emé li braieto.
La pouliço nous disié rèn,
La mar èro de tout lou mounde,
E sàbi pas de mounte vèn
Qu'à cha pau tout acò si founde.

Pamens, nous avien bèn proumés,
Leis ome de la poulitico,
Qu'au mounde sarié tout permés
Lou jour qu'aurian la Republico.

En dessouto dóu Lazaret
Ié mancavo pas de calanco
Ounte se fasié l'aubre-dre
Emé d'aigo anant fin qu'eis anco.
Anavian li souta d'oursin
E de bouen muscle ; mai, pecaire !
L'an rasa coume un agacín
Vuei, li a plus mouièn de rèn faire.

Pamens, nous avien bèn proumés,
Leis ome de la poulitico,
Qu'au mounde sarié tout permés
Lou jour qu'aurian la Republico.

Peralin, dóu caire d'Aren,
De la madrago, la pinedo,
Em' un marrit coutèu de rèn,
Tout breca, fasian d'arapedo.
Mai ve-t-aqui qu'un pau pu tard,
Un bèu jour, aquéleis arlèri,
Prenguèron noueste bord de mar
Pèr li faire un camin de fèrri.

Pamens, nous avien bèn proumés,
Leis ome de la poulitico,
Qu'au mounde sarié tout permés
Lou jour qu'aurian la Republico.

Alor chanjerian lei gatoun
Dóu caire que lou soulèu causo,
Ei Catalan ; oh ! que pouioun !
Anerian au valoun deis Auso,
A Malo-Mousco, au Roucas-Blanc,
Au valoun de l'Auruou, Endoume
Fin qu'au Pradò ! Mai fremo, enfant,
Coume èro luen, avien lou soume.

Pamens, nous avien bèn proumés,
Leis ome de la poulitico,
Qu'au mounde sarié tout permés
Lou jour qu'aurian la Republico.

Pèr juga 'nsin à l'escarta,
Vous fau avé la guèto duro ;
Un jour, sé va pas capita
Que fan lou camin de centuro...
Pèr lou cèdup, n'en aguerian proun,
Aqui nous poussèron la boto.
Es ansin qu'à tort vo resoun,
Dre, liberta, tout s'escamoto !

Pamens, nous avien bèn proumés,
Leis ome de la poulitico,
Qu'au mounde sarié tout permés
Lou jour qu'aurian la Republico.

Sian, pamens, dins un port de mar,
 E se voulian, dins l'aigo fresco,
 Quand lou soulèu founde lou lard,
 Ana refresca la ventresco,
 Li a plus mouïen de se bagna.
 Emé tóutei sei couiouunado,
 Qu'es que Marsiho li a gagna ?
 Qu'avèn plus ges d'aigo bagnado.
 Emé tout ço qu'avien proumés,
 Leis ome de la poulitico,
 Aro plus rèn nous es permés,
 Qu'un tron de Diéu, la Republico !

— A pareigu en Avignoun, encò de Roumanille : l'*Armana prouvençau* pèr lou bèl an de Diéu 1895, adouba e publica de la man di Felibre, que i'a 41 an qu'es « la joio, lou soulas e lou passo-tèms de tout lou pople dóu Miejour. » Aquest an es tourna-mai ferigoula e léri que noun sai, e, coume lou bon vin, dóu mai vèn vièi, dóu mai es bon. Tóuti li journau dóu Miejour e de Paris an saluda lou flame librihou e i'an fa la bèn-vengudo coume à-n-un ami. N'i'a proun, que voulès, que i'an trouva de deco, mai, quau es qu'a ges de bèrbi ? Res, parai ? Lou bèu de tout, pamens, es que lou mèu de la bresco d'aquest an, es autant rous, autant daura, autant prefuma, senoun mai, qu'aquéu dis àutris annado, e que neste vot es qu'acò dure !

Lou *Cascarelet* a pas perdu sa voio ni soun rire dans l'*Armana prouvençau*, e nimai li bons escoulan qu'a fa Roumanille, bretounejon pèr counta la galejado o pèr enrega la proso dindanto e cascaianto. Elzeard Jouveau es, segur, un d'aquéli qu'an segui de plus proche li piado dóu mestre. Ausès-lou nous debana poulidamen soun conte :

LI CHIVAU DE BOS

De téuti lis amusamen que nous aduson, chasco annado, nòsti fèsto de vilage o de quartié, es li chivau de bos qu'agradon lou mai is enfant. Vue jour avans la fèsto, lis ausissèn erida em' uno joio sèns pariero : « Li chivau de bos soun arriba ! i'aura de chivau de bos ! » Fau dire que, pèr l'enfantugno, es un chale bèn requist de se vèire d'escambarloun sus un chivau bèn arnesca, que sèmbla un chivau dóu bon, e de vira, au son de la musico, din s

un esbléugimen de lume, de franjo d'or, de perlo e de pimpaieto. Aro, i'a de manege que valon uno fourtuno, emé d'orgue espelaclos que dirias la musico d'un regimen, emé de veituro, de batèu, de tourniclet, d'auco, de lioun, de leopard e que sabe ieu.

Aquest an, pèr la fèsto de Cau-Mount, passave proche d'un viro-viro, coume ié dison à Marsiho, quand veguère lou mounde que ié venié en troupo en cridant: « Jirome emé sa femo que van mounta ! » Coume pensas, m'aplantère, e veguère douz bon vièi, l'ome emé la femo, mounta peniblamen sus un chivau, à coustat l'un de l'autre, au mitan di rire e di caca las de la soulo.

Ieu, ère espanta. Pamens, me doutère de quauçarèn. Quand lou manege s'arrestè, li vièi davaleron, ravi, e, avans que s'aliuenchesson, m'aprouchère d'eli e ié saguère, coume se li coundessiu :

— Bèn, paire Jirome, alor, fasèn coume li jouine !

— I'a quaranto an — n'iaura quaranto-e-un vèngue Sant Mièguèu, que sian marida — me respoundeguè lou vièi, n'avèn jamai leissa passa la fèsto, sènsa veni faire uno virado sus li chivau de bos. I'a quaranto an, coume vous disiéu, que, tau jour que vuei, mounterian, pèr asard e sènsa nous counèisse, — elo es de Castèu-Ndu, ieu siéu d'eici — mounterian sus li chivau de bos à coustat l'un de l'autre. Madeloun, me sèmbla que la vese : avié 'no raubo roso tendre, coulour d'auto, coume dison aro, em' uno treno negro que ié davalavo enjusqu'à la taio, nousado em' un riban blu. Vesès que me souvène. Èro bello ! èro bello ! talamen, que pousquère plus leva mis iue de sus clo. Ère coume pivelà. Dóu mai la regardave, dóu mai la trouvave poulido. Viravian ! vivavian ! e, vesent plus qu'elo, me semblavo qu'ère, noun pas sus un chivau de bos, mai sus lis alo d'un ange, e qu'aquel ange m'en-pourtavo sus lou camin dóu paradis.

Quand lou manege s'arrestè, Madeloun saguè signe à sa maire, que l'esperavo, que fasié 'ncaro uno virado. Ieu, esbalauvi, palafla, ié venguère alor, plan-planet, e, me virant vers elo : — Alor, Madamisello, cregnès pas lou lourdige ?

— Ieu, me respoundeguè Madeloun, sus li chivau de bos, ié restariéu tout lou jour !

— E ieu, ié saguère, esmougu, tresanant, à coustat de vous, Madamisello, ié restariéu toutou la vido !

Madeloun sourriguè e, moudestamen, beissè lis iue sènsa res-

pondre. Uno ouro plus tard, la reveguère au bal, dansère em' elo,
e dous mes plus tard nous maridavon.

I'a quaranto an d'acò e, coume vous l'ai adeja di, n'avèn jamai
manca, quand arribavo la fèsto, de veni faire uno virado sus li
chivau de bos. Acò nous remembro l'urous rescontre d'ounte es
souri lou bonur de nostro vido. La jouinesso ris e se trufó de
nautre, mai ié perdounan voulountié. La jouinesso counéis encar-
ro que l'ilusioun e l'esperanço, saup pas çò qu'es lou souveni !

Ansin parlè lou brave vièi. Iéu, que sènso èstre de l'age de
Jirome, ai lou culte d'aqueleo causo santo que, quand tout manco,
nous rèsto coume uno supremo counsoulacioun ; iéu, que sabe çò
que vau la remembranço d'aquelei causo sacrado que rèston coume
de païoun sus lou camin de la vido, e que nous permeton de re-
veni pèr la pensado dins la draio passejado ; iéu, mis ami, coum-
prenguère la joio d'aquelei bràvi gent.

Quand li quitère, après l'agué sarra la man, me proumeteguère
de pas garda pèr iéu soulet acò tant simple e tant pretoucant.
I'ai tengu ma proumessò.

Apoundren, aro, un tros de pouësiò tira peréu de l'*Armana prou-vençau*, que sara *Lou Clar*, dòu majorau En Marius Girard, floureto
culido dins soun libre, *La Crau*, que vèn de parèisse, e que n'en
dounaren lou comte rendu dins nostre numerò venènt.

LOU CLAR

A Mlo M. R.

Et l'azur vous sourit de son regard da vierge,
Et l'on est inondé par un soleil joyeux.

F. Coppée.

L'estieu tout en cassant, quand lou soulèu dardaio,
Vous arribo à la Crau de vèire, entre dous mas,
Un tra blu, long, estré, lusènt coume uno daio,
Vous barra l'ourizount eilalin dins l'permas.

A l'avuglanto lus que brulo la champèiro,
E coungreio li créu, e vous ensuco lèu,
Lou vesès pau à pau s'alargi dins li pèiro,
Coume un metau foundu que boui au grand soulèu.

Es un clar ; es de ploumb, es mort. Entre li tousco,
Sèmbla un mirau jita pèr Diéu dins lou trescamp,
Se vèi ges de risènt subre soun aigo tousco,
Ounte bèvon li tau que van se refrescant.

Sus si bord, pèr febrié, quand vèn la Candelouso,
Negras e brancaru, li màigris amelié,
Se vestisson de blanc e, dins la lusour blouso,
S'aubouron de pertout coume de candelié.

E vesès sus lou clar passa li dindouleto
En vai e vèn... vesès travessa lis aucèu,
Rasant l'aigo, de-fes, dòu bout de sis aleto,
E l'iue destriò plus s'es l'aigo o s'es lou cèu.

E, sus aquéu mirau d'uno bluiour de vèire,
La niue, quand lou flamen subre sa pato dor,
Esmougu, pensatiéu, dins lou clar poudès vèire
La luno rousseja coume uno taco d'or.

Alor, vous recuient dins la grand soulitudo,
Un moumen revesès, sus lou clar agradiéu,
Li pantai esvali, lis ilusioun perdudo,
E, toumbant d'à-geinoun, plouras e pregas Diéu !

A PAREIGU :

A Pau, dins lou *Memorial des Pyrénées*, uno odo superbe d'Adrian Planté, lou valènt pouèto bearnés, en ounour dòu manecsa Bousquet, emai un sounet bearnés dòu felibre de Baretoùs, sus la mort dòu Czar.

En Arle, dins lou *Forum Républicain*, dòu 4 9bre, *Li semènço*, flamo cansoun de Charloun Riéu, e la bello letro que lou manteñiere Frederi Amouretti vèn d'escriéure au président dòu Counsèu d'Arroundissamen d'Arle, qu'avié vouta en favcur de l'amessioune de la lengo d'O dins lis escolo.

A Marsiho, dins lou *Petit Provençal* dòu 5 9bre, un article forço curios de Pèire Bertas sus Pèire Mascaron, lou premié dis estampaire marsihés, e sus lou premié libre estampa à Marsiho, que fuguè l'obro de Belaud de la Belaudiero, que just s'aca-

- bavo d'estampa en 1595, quand Libertat assassinè Carle de Casau, conse de Marsiho.
- » A la librarié marsiheso Aubertin et Cie, *Bagatòuni*, lou flamejant rouman prouvençau de Valèri Bernard, ounte lou majorau marsihès pinto de man de mestre li miséri dòu pople, en de tablièu pres dins lou viéu de la vido vidanto dòu grouün poupoplari, esclara pèr la bello amo de *Niflo*. *Bagatòuni* es es uno obro masclo, e la recoumandan voulountié en touti aquéli qu'amón nosto literaturo.
- A Cano, encò de Robaudy : lou discours prounóuncia is oussèqui dòu majorau Antòni-Leandro Sardou, lou 16 d'outobre 1894, pèr Maurise Rimbault.
- A Paris, encò de Lucian Duc : lou discours d'En Sextius Michel à l'inaugacioun dòu mounumen de Roumanille, en Avignoun, lou 13 d'avoust.
- » A la memo empremarié : *Le Félibrige de Paris et Sextius Michel*, à prepaus de la *Petite Patrie* dòu président di Felibre de Paris, charradisso en lengo d'O dòu majorau En Maurise Faure, qu'a servi de prefaci au livre superbe de Sextius Michel : *La Petite Patrie*.
- » Dins *Le Temps* dòu 2 d'outobre : *Félibres et Félibrige*, galant article, plen d'amour e de gaudi, d'Ougèni Lintilhac.
- » Dins *l'Aveygnat de Paris* dòu 29 de juliet, uno pèço de vers *Ois Obergnats de Paris*, de A. Vermenouze, ounte l'amour dòu sòu nadalen regouiro de cado estrofo.
- A Mount-Pelié, encò d'Hamelin : *Inventari dòu castèu d'Iero en 1431*, pèr Maurise Rimbault, cabiscòu de l'Escolo de Lerin.
- A Lioun, dins *l'Intermédiaire des Imprimeurs*, dòu 15 d'avoust, lou retrai de Teodor Aubanel, segui d'uno estudi sus lou felibre de la *Miôugrano*, ounte lou manteneire Carle Boy a bouta tout soun cor. Lou tout nous a forçò esmougu.
- En Avignoun, encò di faire Aubanel : *A l'oucasiou dòu mounumen à Teodor Aubanèu*, vers dòu majorau En Anfos Tavan.
- » Dins *la Farandole* : *Podles provençaux*, tira de la « Terre provençale », de Paul Marieton, emé de galejado de MM. Pau Gautier e Pau Estelon.

Lou Gerent : Jan Monné.

CROUNICO

LA CRAU (*)

POUESIO E LEGÈNDO PROUVENÇALO

D'EN MARIUS GIRARD

La Crau èro tranquilo e mudo.
Aperalin soun estendudo
Se perdié dins la mar e la mar dins l'er blu.
« Miréio », cant V.

l'avié tèms que se disié que Girard, lou flame sendi de Prouvènço, anavo mai espeli un libre : em'acò, iuei, la flour a creba, e *La Crau*, ferigoulado e melicouso, paréis dins lis orto de Prouvènço, pèr èstre lou bèu regale di lipet. La garbo flourido es ligado emé lou cor dóu pouèto, e li flour que la coumpauson reverton tóuti li sentimen que ié boulègon l'amo : joio e tristesso, rire franc, pur e linde, plour esmougu e gisclant en perlo de soun amo d'elèi.

Dins si tablèu, pinta de man d'artisto e de mestre artisto, a vougu bouta en relèu, tóuti pres sus lou viéu, coume pèr marca pas pèr pas,

(*) « La Crau », pouesio e legèndo, emé traducoun franceso vis-à-vis, galant voulume in-18 jesus, fourmat Lemerre, de 500 pajo, avanx-prepaus e noto. Se i'as apoundu « Le Testament de Tartarin », aloucuciuon esperitual que fugué dicho dins la grand sala de la coumuno de Tarascoun, lou 9 d'aooust 1891, à l'òncaisoun de la venito di Cigalià e di Felibrit de Naris, vengu pèr se cōngousta di jo de la Tarasco. — Pres : 3 fr. 50 ; pèr la posto, 4 fr. • « La Crau » e « Lis Aupiho » ensén : 8 fr. — L'un e l'autre voulume se podon demanda à l'autour, a Sant-Roumieu de Prouvènço, o à la librarie Roumanille, en Avignoun, Vau-Cluso.

ligno pèr ligno, lou retra dis us que s'esvalisson, la clarour di causo que s'envan. Touto la Crau ié passo, dins aquéu libre, e lou titre a pas menti.

« Tu y trouveras — nous dis l'autour dins soun avans-prepaus — des paysages connus, des rayonnements d'avril, des fleurs éparses d'hysopes, de glaïeuls et d'aspodèles, des touffes de lavandes et d'immortelles, des senteurs de thym, des envolées de hérons, des ferrades de taureaux sauvages, des lueurs d'étangs, le murmure du vent dans les saules et, sur les tamaris des solitudes camargaises, le chant monocorde des cigales solitaires.

« Toutes ces choses-là, mises en récits, en légendes, en ballades, en rondeaux, je les ai vues, entendues, observées, écrites, dessinées là-bas, seul, perdu des semaines entières, le crayon dans la poche et le fusil sur l'épaule. »

Vès-aqui çò que nous dis lou mestre pouëto, que si vers, pèr la formo, soùn coume un bresihage de liro, e que, pèr lou fœuns, nous esmouvon, nous pretocon, nous boulègon, nous encanton, amor que soun víscu e serti poulidamen de pensado fresco coume l'eigagno de mai, esbrihadanto co:me un rai de printèms.

Se lis *Aupibo*, que soun lou fraire einat d'aquest libre, an un brisoun mai de fiò dins quaquì rode, lou fiò de jouvèncò que crèmo lou sang, en la *Crau*, tout ié trelusis, dins la calamo e dins la pas e, sènsò pòu di nivo ni dis aurige, lou cèu ié clarejo, doux e clar, e li flour se i-agradon, bressado que soun tendramen pèr l'aigo clarinello, cascaiant sus li code blanc dóu riéu ; e d'enterin que tout es siau e que tout canto, i'a lou bon rire que clantis e que petejo sus la caro e dins lis iue, iluminant de sa bono imour franco. Em' acò, l'autour vers lou passat se reviro de tems à autre, e vèi e nous mostro, dis ouro de bonur esvalido, la remembranço que demoro au founs dóu cor, coume uno melico roussu e divino, que garis pèr soun evoucacioun l'amarun di jour présent.

Eici sian emé *Li cacbaire d'amelo*, que cridon :

Jitas vòsti crevèu
Au fiò, sus li gavèu,
Fai uno fre que pelo !
Que li rous terreiròu,
Que servon pèrl'eiròu
Li panié, li peiròu,
Tout s'empligue d'amelo.

Pièi, vènon *La culido dòu vermet* (1) « que soumiho i coussòu craven », *la Galèro, li Galejoun*. Regardas aquéu tablèu :

Eilalin, de-vers Fos, sus l'aigo, à la calamo,
 Après tout un long jour de flamo,
 Lou soulèu se trasié dins la mar... li mouissau
 . Dins l'aire à vòu virouiejavon,
 Li rai de soulèu rousejavon
 Lis auti camello de sau.

Amount tout à-n-un cop, dins lou cèu vengu rouge,
 Coume un fid de fourèst, aurouge,
 Un vòu de galejoun passè dedins la lus,
 La mascarant coume un grand nivo,
 La roujour devenguè mens vivo,
 Lou clar perdeguè si trelus.

Còu plega, capelut, cendrihous, alo fousco,
 Au bord dòu grand clar d'aigo tousco,
 Lourdamen cabussè lou nivo cambaru :
 L'aigo espousquè sus lou ribage,
 E li granouio dins l'erbage
 S'escoundeguèron sènso brut.

Chasque aucèu, grevamen, dins la lusour pourpalo,
 Boutè la tèsto souto l'alo,
 Placè soun pèd pauma souto soun vèntré blanc,
 Se pausè dre sus uno cambo,
 E, tau qu'un grand rousti que flambo,
 A la lusour moustè lou flanc.

E, aro, nous caonto *li Pescaire d'iruge, Li cassaire de fôuco, Lis anguielo, Li perdigau, la Flour de sang* :

Gardian, amourouso en plour
 E passant,
 Noun trapejés la « Flour
 De sang. »

E tóuti aquéli vers que mestron lou cor simple e bon de l'a-

[1] Vermet : kermes.

tour ; se li falié cita, faudrié bouta eici tout lou libre à-de-rèng ; mai, noun pousquènt resisti au desir de vous presenta un d'aquéli tablèu craven tant bèn pinta, vous descataren aquéu di *Pebroun* :

Lou cèu es bèu, la terro caudo,
Semblablamen à d'esmeraudo,
En formo de pendènt, de baneto, de round,
Subre si planto lèu poussado,
Neto, lusènto, gaire aussado,
En rego drecho, bèn caussado,
Verdejon li pebroun.

La terro cargo si daurèio,
Alin en Crau danso la vièio,
Li grand goulo en calour espèron si garroun.
Lou cavalin cauco sus l'iero,
Au mas, la tanto emplis l'ouliero,
Lou bro, la dourgo, la saliero,
E trio li pebroun.

La terro tristo se despuieio.
I'a plus ni flour, ni fru, ni sueio.
En Camargo, eilalin, i Santo, en Aubaroun,
Lis alabran trèvon, aurouge;
L'ivèr s'anóuncio darrieroûge ;
Pertout, en long capelet rouge,
Pendolon li pebroun.

Lou cèu es gris, la terro frejo,
Lou venterrau bouso e s'eigrejo,
Dau ! ràsi, levas-vous ! belèu saren pas proun
Pèr coutreia, car sian à terme ;
Davalas-lèu tuia lou verme !
Zou ! bevès pur e pescas ferme
A l'oulo di pebroun !

Mai lou cor e lou meiou de l'obro, lou mèu redoulènt de la bresco, qui que lou pouèto es en plen dins sa noto, es dins li raconte, li legèndo. I'a lou sevère e souvertous *Seignour de Vilo-Vièio*, retrasènt li mour dou mejan age ; *Boumian*, lou *Jas de l'amelié*, la *Masco*, la *Morto*, etc., etc.

Es bèn inutile que vous li noume tòuti, que vau bèn miés que prenguès lou libre en man e que vous n'en coundoustés à la vihado, e que m'agrado mai vous moustra lou pouèto coume dins un mirage, o dins quauco bello entrelusido, noun liuen de la *Crous dis aubres-pie* qu'a cantado, au pèd dis Aupiho, que n'a treva li cimo e li callanc, aqui, dins soun recatadou de la Dóufino.

Aqui, à la Dóufino, embriaga dóu prefum di flour superbo, muntant dins l'aire pur entre-mescle enié la flairo óudourouso dóu mentastre e dóu roumaniéu, la serenita l'agouloupo, la pas, la joio e lou bonur clarejon sus sa caro franco, e dins sis iue i'a'n rai que dardaio, d'enterin que perseguis lou trelus qu'enlusis sa vido : l'amour de la Prouvènço e l'amour de sa famiho.

E, d'enterin que soun pantai l'emporto vers li draïòu flouri ounte vai culi si *Cabro-fiò*, sa gènto dono ié sourris, e Mijo, sa chato, nostro bloundo Rèino, lou poutouno, qu'es à sa gènto e gracieuso majesta que *La Crau* es dedicado, e la Prouvènço, umblamen clinado davans sa Rèino blouso, aplaudis l'urous cantaire de « *La Crau*. »

JAN MONNÉ.



LI NOVO FELIBRENCO

LIS ARMANA

— Avèn legi emé plesi lou galoi *Armana marsibés* pèr l'an 1895, setenco annado de sa publicacioun, pèr uno tiero de troubaire marsihés, soutu l'afiat d'Aguste Marin.

Nous trouvavian au galant batisme d'aquéu librihoun flamejant e léri que-noun-sai, e dempièl nous agrado de lou vèire trachi e d'aplaudi si cacalas que restauron l'amo en ié fasent delembra, pèr quau-qui moumen, l'amarun d'aquesto vido.

Li fièr levènti marsihés aqui fan sa plego, e la fan bèn, pèr lou terraire e pèr sa lengo.

Emé l'*Ensignadou dòu Vigneroun* e l'*Ensignadou dòu Jardinié*, que Maunié de Floro a tant bèn alisca, i'a la *Crounico de Garlaban*, que pren la defenso dòu Miejour sus lou prepaus di courso de biòu.

E pièi, en gaio farandoulo, se douant la man emé grand voio, vèsen passa Aguste Marin, lou hèu cantaire di « Cansoun dòu large »; Louis Foucard, lou tant famous bouto en trin e lou mai gènt countaire; Jaque lou Sòci, lou saberu furnaire, que tambèn forjo de vers mascle; Toumas Roux, Allavene, Chauvier, Marius Bourrelly, que vèn de nous pourgi « Cigau e Cigalo » em' un tant bon biais; Valèri Tadeo, Clovis Hugues, Pau Marieton, Henri Chabrier, Tounin Magno, Valèri Bernard, Maurise Rimbault, etc.

N'en culiren un moussèu e tastaren.

LEI CASTAGNO BOULIDO

Uno grossu gavouetasso, que li disien Janeto, en arribant de Manosco, si louguè pèr servi encò de M. Requist, un riche téulié

d'Aubagno. Aqui, tout l'espantavo, lei moble, lou linge, l'argentarié ; e, quand netejava leis apartamen, s'arrestavo pas de dire : « Qu'acò's bèu ! » en tout ço que toucavovo. La bravo pichouno se cresié dins un palais de fado.

Un jour que fasié lei chambro en metènt à sa plaço lei brosso e tout lou bataclan, touqué un saboun mikaddò qu'embaimavo.

— Boudiéu ! saguè à sa mestresso, qu'ero peraqui, boudiéu ! qu'acò sènte bouen ! Es-ti à la ferigoulo vo bèn au roumaniéu, aquéu saboun, Madamo ?

— Eto ! li diguè Mino Requist en galejant ; as pas lou degoust, Janeto ! Ieu, es tant bouen, aquéu saboun que n'en manjariéu.

L'endeman, Janeto fasié couina de castagno pèr lou soupa. Mmo l'avié di : « Tu que siés de la mountagno, sabes coumo si presumo l'aigo boulido, parai ? Alor, ti laissi faire. Mai, vè, que li castagno sènton bouen : Moussu leis aimo presumado.

Quand la gavoueto aduguè l'oulo sus la taulo : — Mai, que i'a dins aquelo aigo ? diguè M. Requist ; de ma vido s'ai vist d'aigo de castagno tant blanco !

La fadado, pèr li douna de goust e d'oudour, bord que Madamo avié di que n'en manjarié, avié mes un taioun de saboun mikaddò dins l'oulo. Lou brave ome si tirassavo dóu rire. Mmo Requist fasié la bèbo ; mai, puei, diguè :

— Que voues ! es pas ma fauto ! Mi n'en làvi li man !

Apoundren encaro un fres tabléu d'Aguste Marin, tira dóu *Meinagié* :

UNO QUE PASSAVO

L'ai visto qu'un matin d'avoust,
Pouertavo uno jarro sus l'anco
E venié querre d'aigo au pous
Qu'es dins lou founs de la calanco.
Ero poulido que-noun-sai,
Emé soun coutihoun de lano...
Davans elo, la cabro e l'ai
Jouegavon dóu mourre e dei bano.

La bello, dins si vint an clar,
E bloundo, e blanco, e fino, e fresco,
Riguè, car venié de la mar,
Emé d'oursin pèr tutto pesco.

« Hòu ! » en passant saguèri : « Hòu ! »
 Diguè sènso vira la tèsto...
 L'ai e la cabro aguèron pòu :
 S'esquihèron dins lei ginesto.

L'ai visto qu'un matin... Pamens,
 Dins la grand vilo ounte siéu aro,
 De-fes, lei jour de poulit tèms,
 En ma memòri passo encaro
 Pantaiant que siéu pescadou,
 La viéu que m'espèro, ma bello,
 De nue, sus d'un amiradou,
 Davans la mar e lis estello.

Es aqui, lou bouenur, bessai !
 Dins un cabanoun de calanco,
 Riche d'uno cabro e d'un ai
 E d'uno barco à velo blanco,
 Auriéu viscu coumo deviéu,
 Uno fremo bressant ma vido...
 Iéu, qu'almi tant lou roumaniéu,
 Ai pèr flour de rosa passido.

— Es pèr lou cop cinquen que l'*Almanach patoues de l'Ariejo*,
 aquéu de l'an 1895, vèn d'espeli encò de Gadrat ainat, à Fouis, e se
 vènd dins touto l'Ariejo e tout lou Miejour à tres sòu : *Aco's pèr ree !*

La favour qu'a aculi si davancié mancara pas, de-segur, à-n-aquest,
 qu'es plen coume un iòu de prouverbí e de conte.

E coume voulès pas que lou pople ié vague coume l'avé vai à la sau,
 presenta coume l'es pèr l'editour, que parlo coume Sant Pau emé la
 bouco duberto, e que çò que dis es pas à leissa courre ni esvali, mai à
 recata coume un gran precious que frutificara e flourira pèr lou bèn
 de l'obro.

Aquéu brave ome de Gadrat bat la rampelado coume eiçò :

AMICS,

Nostre almanacot arribo à la siuo cinquiemo annado. Es un goujatet del païs, pla biu, pla degourdit, pla balent; charro, canto,
 parlo le patoues de cada cantou de l'Ariejo, couneich è recito forso
 prouerbis, còuntes, istorios, farsos. Las gens tenen plasé de l'a-

si ; es recercat e recabut dins le departament e dins le Mietjoun tabé.

Bous embiti à toutis que m'abets adjudat à se l'educatiu d'aquel droulot, à nou pas me 'l deicha sus les brasses. Beirets qu'en creichen fara ounou as sius proutectous.

Oungan, bous ac proumeti, le librot bal autant, se mes nou, que les de las annados passados. Sirio estabournit s'aquel, tout clausit de poulidos causos, nou bous plasio pas; aurio beleu le droit de pensa qu'ets uificleis. Disets-me aro se que caldrio per bous accountenta ?

Sabets que fau, ambé les mius amics, tout ço que podi per rebis-coula, demets las gens de la mountagno e de la plano, l'amour de las bieilhos traditiu de la lengo mairalo. Praco ai toutjoun agut besoun de l'adjudo d'aquélis que aimon la pitchoto patrio ; benets un cop de mes moustra que, dins le païs de Gastou Phebus, la causo mietjounalo es coumpreso e soustengudo ; segoundats-me en croumpan le librot e en me proucuran so que bous agradara, per fe l'almanac de l'an que be.

Aico dit, bous beni souheta, brabos gens, à bous e à bostro familo, la bouno annado per aquesto e forso d'autros. Bous tiri un cop de capel, bous pregan de me gaita toutjoun à bostre servici, per fe so que me coumandarets.

Gadrat ainat.

Nota. — S'aben metut le mot *patoues* dins le titre, escusats-nous, ne demandan perdou as sapients; aben boulgut se pla coum-prendre so que fasen, acò's à dire, un almanac escriut dins nos-trre lengatge, que n'es pas un patoues, mes uno lengo poulido, sor ou cousin de las que se parlon de cado constat de las Pyreneos.

Acò's parla d'or e n'es mai que segur que nous sarié pa 'sta pou-sible de miés dire.

— A pareigu en Alès, encò de Martin, l'*Armanac cetòri*, « joia e passa-tems dau pople de Ceta, an 1895 ». L'autre an, aquéli valènt cetòri bandiguèron soun *Armanac*, e lou pople de Ceto e dis enviroun se *t'escampè* dessus coume li fedo à la sau, acò fai qu'aquélis ardènt coumpan, embriaga dóu sucès de soun pichot libre, n'en bandisson un autre, que i'a, coume à-n-un bono bourrido, touto sorto de pèis, que lou prefum goustoûs vous crido : maujo-me ! Ah ! viedauco ! la

**taulo sara-ti proun grando pèr que tòuti li groumandoun n'en poscon
tasta e se n'en lipa li det ? Avèn pòu que noun. Es pèr acò que coun-
seian en tòuti li lipet de courre, se ié volon arriba à tèrms ! Zou ! e
vivo li Cetòri !**

Avans de leissa aquéu flame armana, n'en tiran un parèu de soun
saquet, que n'i'a de bono :

LOU MOUSSU

Moussu Copa-tèu, dau mas de l'Ourtiga, un richàs se n'i'a un,
es be lou pus famous sàrra piàstras que la terra porte. Se planis
jusqu'as abilhages, c de-longa càrga una roupa sàlla couma sabe
pas de qué, embé petasses sus petasses, de bralhas traucadas
ounte vole pas dire, un capel que graissarié la soupa pèr vint
pastres, e lou rèsta que seguis lou branle.

L'autre dimenche, Estève, lou bouscatié, arrivet au mas pèr
croumpà la còpa d'un bosc. La rainouneta lou saguèt dintra dins
la cousinà e anet sounà lou Moussu.

Mès, quand lou vegèt veni tant mau acoutral, Estève sou-di-
guèt :

— Ai, d'aqueles gusasses de varlets, que voudrien se fica de
iéu...

Vous siès pas levats prou mati, coulègas, n'auriès déugut causi
un pus poulit pèr faire lou Moussu... Espèra-te un pauc, Moussu
das couides-trancats... te farai veire se sién de Bouzigas !

E, lou capel à la man, ié fai :

— Es vous lou Moussu ?

— Oui !

— Eh bé, moun ome, àcha que se la femna es couma tus, de-
vès faire un poulit parel de porcs !

BISCAN-PAS.

S'ACÒ'S PAS DAU MALUR !

— Eh bé, Longa-dènt, as soupat ?

— Ne vène.

— Boudiéu, tant lèu ? De-que tron siès estat tant pressat, ioi,
un jour de Nouvè. Avèn un magnific guindard que vira à l'aste,
nous aurìès bailat un cop de man pèr l'acobà.

— Oh ! noum-de-noum, sou-diguet entre el Longa-dènt, quanta
una que manque ! Se me i'agantoun mai à dire qu'ai soupat, vole
que la tèsto me saute !

Avié pas belèu fach quatre passes, que soun camarada Ris-quand-béou, ié dis :

— As soupat, coulèga ?

— Pancara.

— Pancara ? Chaval ! e de-qu'espères ? T'auriéu pagat lou ca-fè, mès s'as pas soupat... Bon apetis ? iéou lou tène.

BISCAN-PAS.

— A pareigu à Carpentras, encò de Brun, *Lou Cacbo-fid*, « flouri coume lou mes de mai, grana, llipet mai que jamai. » Es un armania en prouvençau, pèr lou bèle an 1895, qu'es dins si quinge an, e que, flòri e galant, es vengu nous tira sa capelado. Aquéu boujarroun canto e galejo qu'es un plesi de l'ausi ; e, dins tout acò, fau coumplimenta lou brave felibre de Nosto-Damo, qu'es lou baile d'aquelo tiero d'affouga, que fan obro bello e pauson *Cacbo-Fid* pèr l'amour de la lengo e la glòri dóu terraire.

Dins aquéu bèu libre, poudèn pesca à-de-rèng galejado o vers su-perbamen escrincela ; jujas-n'en :

LA BOUIOTO

Aquest an, aperaquí pèr li Rèi, m'enanave d'Avignoun à Pertus. Dins lou trin, se trouvavo un brave ome, que de lou vèire, emé sa blodo bluio e soun souit, veguèrc qu'èro un maquignoun, que soun tóut de finot e de capoun à restoubla Mèste-Moucho :

Parlerian dóu fraire Rafèu de Malo-Mort, qu'erian un parèu d'ami, e que neste vouiajour couneissié forço, quand lou trin s'arrestè à Castèu-Nòu-de-Gadagno, brave poulit païs que m'agrado bèu-cop.

Un païsan, lou nas encre de la fre, durbe neste coupartimen e mounto :

— Bounjour, Messiés.

— Bounjour, moun brave.

— Quento fre !

— La sentian pas.

Noste ome ausavo pas metre li pèd sus la bouioto, qu'èro aqui souto d'éu.

— Vai, poudès, diguè lou maquignoun en me clucant de l'iue, poudès metre vòstli pèd aqui dessus, vous baic la permissioun.

A-de-matin, moun serviciau m'en a mes dos, liogo d'uno ; caufas vous.

— Gramaci, sias bèn bon, es pas de refus.

Au bout d'uno passado, si pèd s'èron desjala, e nous fai :

— M'avès rendu un gros service ; aviéu lis artèu que li sentiéu plus.

— Anas liuen ?

— Vau à Roubioun.

— A pèd ?

— Nàni ! em' uno jardiniero d'un de mis ami que me vèn cerca.

— Dins aquéu cas, moun ome, vous geinés pas ; à Cavaiouun, prenès uno de mi bouioto ; me l'adurés aquesto sero ; d'uno n'ai proun.

— Dise pas de noun ; sias trop aimable.

— Noun, noun, se fau rèndre service, acò vai dis un is autre.

Vaqui neste ome, quand'sian à Cavaiouun, que tiro uno d'aquéli bouioto, la cargo sus lou còu, e vai pèr sourti.

— Moun ami, ié fai un emplega, mounte anas em'aquelo bouioto ?

— Oh ! Moussu, ai la permessioun. Aquesto sero l'adurai mai.

— Vous dise d'entourna aquelo bouioto ounte l'avès presso, o se noun...

— Mai, Moussu, m'an baia la permessioun.

Tóuti li vouiajour s'èron atroupa ; mai lou galapian de maquignoun s'èro esbigna e téuti se trufavon dóu paure Castèu-Nouven que s'èro leissa engana.

Quand me parlas di maquignoun, pamens !

GRABIÉ DI BOURGADO.

LA GLÈISO DE JAUFRE

Jaufre-lou-Pelous ! un rèire ! uno glòri !

Un noum que dis rai, belugo e mirau :

Proumié rai de jour qu'intro dins la bòri,

Belugo qu'adus la flamo au fougau,

Mirau ounte on vèi milo an de l'istòri,

Istòri d'un pople e de si catau.

Jaufre, à cop de daio, au mitan di Moure,

Se taio un ciròu dins li Pirenèu,

E pèr bèn marca que sus 'quéli mourre

Se ié mantendran toustèms si fidèu,
Enauro à Rippoll, entre quatre tourre,
Uno glèiso e l'a cava soun toumbèu.

Glèiso de Ripoll, brès de la counquisto,
Cros de l'inxmourtau rèire-segne-grand,
Peirau cartabèu di gèsto requisto,
Autar e sougau pèr li Catalan,
Glèiso de Rippoll, ai las ! quau t'a visto
E quau te vesié, i'a 'nca quàquis an !

Quau te vesié — tu, pamens tant amado
Di generacioun de milo an de tèms —
Espòutido, e routo, e negro, e cremado,
E 'cò tout esprès de la man di gènt !
E pièi, pauro morto, alin óublidado...
Qu'óublida li mort es l'us di vivènt.

Ah ! bèn trop verai, de ses, pèr lou mounde,
— Rouino de Rippoll, dirés pas de noun ! —
L'ome sèmble un fiéu de bestiari inmounde !
E sale, darut, brutau e feroun,
Dins lou gourg dóu mau sau que se prefounde
Fin que d'aquéu gourg ague touca founs.

Poulidessò, amour, art, bèu pantaiage,
Dóu prougrès uman tout ço qu'es l'ounour,
Sèmblon recula dins la niue dis age,
Quand l'ome, subran malaut de furour
Destriui pèr destrurre, e ris dóu carnage
'M'un rire qu'espanto e vous leisso court...

Mai, vuei, quau te vèi ! Aro que ti siho
Li mai carivèndo à l'endré dóu cor,
E, dintre li fiéu de ta grand famiho,
Aquéli que soun li mascle e li fort,
Tóuti 'm' afecioun, riche o pacaniho,
Pèr te reviéuda soun toumba d'accord.

O vous, Espagnòu li meiour d'Espagno,
Parai que fai bon de mai s'agroupa
Mounte nòsti vièi an ploura si lagno,

Canta si bonur e toujour prega.
 E de li senti, que nous san coumpagno
 Quouro à Diéu tambèn venèn pèr parla ?

Parai que fai bon de pensa qu'en terro
 Avèn de racino entre li frejau,
 E que sian pas rèn qu'uno mousso fèro
 Toucant just lou sòu, nascudo de pau,
 Erbo de matin, passido lou sèro ?...
 Quau noun tèn de founs mounto jamai aut.

Parai que fai bon d'agué la cresènço
 Qu'au bout d'aquest tems i'a l'eternita ?
 E qu'aro uno Vierge, auto e blouso essènço,
 De l'amo e dòu sang de l'umanita,
 Uno vierge, siavo en sa redoulènço,
 Parlo à Diéu de nautre emé grand pieta ?

Mandadis

Lis ami de cor di causo trop blouso,
 L'art e la patrò, e la Vierge e Diéu,
 Sian qu'uno famiho e gaire noumbrouso ;
 Vaqui perqué, vuei, fau 'mé vautre, iéu,
 Eila de Ripoll la voto courouso ;
 Estènt emé vous me sèmble encò miéu.

CARLE BOY.

PROUVÈNÇO

— Lou sendi de Prouvènço En Marius Girard s'èro di de semoundre
 soun libre en tòuti lis Escolo de nosto Mantenènço, e a coumença pèr
 lou Flourege d'Avignoun.

Adounc, sus d'aquelo estiganço, lou bèu Flourege s'acampavo, lou
 mes de desèmbre darrié, encò de l'oste Lanço, en Avignoun, pèr lou
 batejat de *La Crau*, lou libre pouëti e ferigoula de soun cabiscòu En
 Marius Girard.

Uno quingenado d'ami avien respoundu à la rampelado. l'avié lou
 capoulié En Fèlis Gras, En Ansos Tavan, E. Jouveau emé soun drole ;
 Gras, fiéu ; En Alèssi Mouzin, Roussillon, Pau Gautier, Pèire Dibon,
 Jùli Cassini, Folcò de Baroncèlli e d'autre coupan afouga, qu'an fa

d'aquéu rejauchoun uno acampado freirenalo e galoo. Cadun a di la siéuno ; acò vai sèns dire que lou flame estrambord èro de la festo.

Miejo-niue picavo à Jacoumard quand s'entounavo la « Cansoun de la Coupo », e n'es dins uno gaio farandoulo nousado poulidarnen, que lou darrié couplet s'es enaura e que lou darrié refrin a brusi.

Zou ! que se n'en fague d'asèmpre galant ! l'a qu'aquéu biais de liga lis amo.

— Nòstis ami dóu *Licun d'Arle*, que se devien acampa à Bèu-Champ, à l'encauso dóu marrit tems se soun reüni encò de l'oste Thevet, lou dimenche 23 de Xbre 1894, pèr bateja à soun tour lou libre *La Crau*, dóu sendi de Prouvènço.

La rèino Mijo emai la mai que gènto felibresso de la Crau, devien jita dins lou festenau lou rebat de si graci ; mai, ai ! las ! n'en fugèron empachado tóuti dos pèr li tempouro malastrado.

Noumbrous èron li chivalié dóu *Lioun* que s'èron rambla à l'entour dóu sendi e que trefoulissien galoiamen de joio couralo.

Vès-eici lou menut que tóuti se n'en soun coundousta :

Oulivo de la Costobasso e saussisset d'Arle

Brandado de merlusso

Civié de sèbre di Coustiero

Trancbo de biòu dóu Mas d'Icard

Berigoulo di coussou

Dindounèu dóu Mas dóu Terme

Dessert

Lipetige, code e coudelet de Crau, fruebo, etc.

Vin

Vin de la Tapi de Fauchié

Vin rouge claret dóu cabaret Nòu

Vin blanc di ribo dóu Rose

Champagno

Cafè, liquetur, cigarò

A la desservo, En Marius Girard se lèvo e parlo coume seguis :

MESSIÉS E GAI COUNFRAIRE,

Es lou cor esmougu noun se pòu mai, que m'auboure pèr vous dire gramaci.

Gramaci tres cop ! pèr vosto couralo recepciou. Poudès èstre

assegura que marcarai, coume lou fasien lis ancian, aquest jour
benastrà d'un coudelet blanc.

Dóumaci sian en Crau e pièi sian eici acampa à la bono fran-
queto. Adounc vous vau parla d'aboundènci de cor, un pau à tout
zurto.

I

Vosto ciéuta d'Arle a toustèms agu pèr iéu un interès particu-
lié, uno atiranço agradivo, pouëtico, estelado, facho d'estrambord
e de jouinesso au tèms souleious de mi vint an ; interès e ati-
ranço que n'a fa que crèisse coume la pasto au pestrin, e que
l'age a rendu desempièi enca mai fortò, enca mai enracinado.

Es eici en terro d'Arle que bat veritablamen lou cor de nosto
Prouvènço bèn amado.

Seguramen li païs de la coustiero bluio emé sa mar d'azur, si
pichot barquiéu blanc, si pinedo verdasso, espesso e veloutado, e
sis oustau blanquinèu recubert de téule cremençin, soun pèr li gènt
di païs nebla, mai que bèu ; an resoun, li gènt di païs nebla, car
sarié desecile d'atrouba quaucarèn de mai pouëti, de mai requist,
de mai poulit, qu'aquéli ribo de la mar que van de Marsiho à Niço
e que noumon la Cournicho.

Mai l'empressioun dóu païsage, sau bèn tout dire, pèr bèu que
siegle pèr lou touristo, agradivo e founso, rèsto pèr éu quasi tou-
jour mai italiano que prouvençalo, e uno ses qu'avès passa Iero
e lis Isclo d'Or, aquelo empressioun devèn que mai fortò.

Li pescaire dóu litourau, bèus ome, gaiard e bèn pres, en cors
de camiso, la bareto roujo à la crano e la taiolo i ren ; li massa-
jano brun, poulido e riserello que van à la vilo, cabeladuro au
vènt e courrènt la champino, couifado de la larjo capelino... tout
acò vous laissez dins aquelo ilusioun.

Acò 's lou païs dis arange, di jougaire de bocho e di tambouri-
naire, ounte se danson li bouset, lis óuliveto e li courdello. Acò 's
la Prouvènço de la mar.

II

Li païs dis Aup neven, di sapiniero, di castagnaredo e di ga-
vot an lambèn un grand caratero e remeinbron, pèr la majo part,
de grandaras souveni d'istòri, coume aquéu castèu de Sant-
Maimè, alin à Fourcauquié, que veguè naisse quatre rèno, e 'quelco
vierge de Manosco que se desfigurè, crescent d'estre desounourado,

amor qne loy r  i Franc  s I, reven  t de Marignan, i'avi  , d'un poutoun, floureja la gauto.

D  umaci i'a que de v  ire aqu  i pa  isage roucassi  , s  ouvertous, que vous dounon lou frejoulun ; aqu  i z'auti cimo, cuberto de neu si  is mes de l'an, p  r coumprene l'indouintab  o fierta di Bas-Aupen. Remembras-vous de Manuel !

Eh b  en, moun ideau   i e  u es pancaro ac   ; aquelo Prouv  n  o me retrais trop la Souisso, e la noumaren la Prouv  n  o dis Aup.

III

A moun avis, la Prouv  n  o vertadiero, la Prouv  n  o artistico, la Prouv  n  o sobre-bello (*Provincia provinciarum*), la Prouv  n  o qu'apelaren, se voul  s, la Prouv  n  o roumano, s'atrobo eici au pa  is d'Arle e Arle n'es lou cor :

Arle ! em   si mounumen superbe de t  outi lis epoco, sis Areno espetaclouso    triple r  eng d'arcado ; soun Tiatre quo devi   r  estre uno di meravih   d  ou t  ems (i'a que de v  ire   o que n'en r  esto) ; soun palais de la Trouio que fagu   basti eila long d  ou Rose, l'emperaire Coustantin, palais que re  aup   plus tard li r  i d'Arle e, apr  s eli, n  osti comte de Prouv  n  o.

Arle ! que li Rouman batej  ron de l'escai-noum significati  u de Roumo de la Gaulo (*Gallula Roma Arelas*), capitalo de l'Ouident, se p  u dire, car devengu  , em   lou desmembramen de l'emp  ri de Carle-Magno, un reiaume que i   disien lou reiaume d'Arle.

Reiaume, Messi  s, ounte lis emperaire d'Alemagno venien alor se faire courouna r  i. — Es verai de dire que, desempi  i, a passa d'aigo au Rose e boufa lou mistrau — e, m'es vejaire, que, se vuei, preni   la fantasi     -n-un emperaire alemand de veni eici dins n  osti terro se faire courouna r  i d'Arle, nous atroubari   sus soun camin.

E, b  en que barjacon qu  auqui bastard e chin cresta, que nautre, li Felibre, sian de *separalisto*, nous atroubari  , dise, t  utis en front, la t  esto auto e lou fusi  u i man !

Arle ! ounte s'atrob  n lou Rose, la Camargo, la Crau, ounte tr  evon li tau negras e li cavalo sarrasino.

Arle ! ounte se gardo religiosaimen lou coustume prouven  au dins touto sa resplendour, dins touto sa magnific  enci, dins touto sa b  euta !

Arle ! que pòu moustra li jour de grando fèsto, dins sis areno grandarasso, en plen soulèu, dins lou cèu blu, dins la clarta, dès milo Prouvençalo, drecho o assetado, sus si rouino. O ! dès milo Prouvençalo vestido de sedo o de velout, pourtant sus la capello de blanco mousselino la crous diamantado de la rèino Jano, à sis auriho li róundis anello d'or di patriciano e, sobre si tèsto vertadie-ramen sobre-bello, lou large riban de velout dentela en formo de diadèmo.

Arle ! ounte s'atrobón enca, dins tòuti lis oustau, li moble qu'an fa la joio de nostro ensanço, lis estanié, li saliero, li fariniero, li pestrin, li moulin, lou gardo-raubo escrincela, lis eisino d'estan e li sieto flourido.

Arle ! lou païs di saussissot, di ferrado, di farandoulo e di courso de 'biù !

Arle ! qu'a visît naisse Balechou, Amadiéu Pichot, Clair, Jacquemin, Réatu, li fraire Balze e tant e tant d'autre.

Arle ! persin qu'a ispira à Mistrau l'inmourtau pouèmo de *Mirèio* e à-n-Aubanèu aquéu cap d'obro pouëti que ié dison la « Venus d'Arle ! »

IV

Ah ! l'avié bèn coumprés, Roumaniho, qu'ero aqui la Prouvènço, quand, pèr la premiero fes, acampè dins un coungrès pouëti, lou 29 d'avoust de l'an 1852, à l'oucasioun di fèsto de la terro que se dounèron dins vosto vilo, tòuti lis escrivan de lengo d'O que flou-rissien en aquéu tèms.

Sieu de soun avis, Messiés, e vaqui perqué iéu drèisse moun got e brinde à la ciéuta d'Arle, à si chato sobre-bello, rèino de bœuta e siho dóu soulèu ! A vostc leioun superbe e fièr ! A tòuti vautri que sias eici e que gramacie tourna-mai e de tout moun cor de vostc freirenalo e pouëtico recepciou.

Aquelo pajo dóu mèstre pouèto es mai qu'aplaudido ; pièi, em' un esprit galejarèu qu'es pas de dire, lou mège Waton n'en debanè uno que cremavo au lume e que faguè rire e rire à n'en vos vès-n'en aqui. Mèste Eisseto, lou valènt cabiscòu dóu Lioun, i'anè d'un sounet-brinde que veici :

O bràvi felibre, en famiho,
Saluden *La Crau*, lis Aupiho!
Lou cantaire d'aqueu païs
Plein de joio eici nous sourris.

Lou gai troubaire qu'escampiho
Emé nosto Rèino, sa fiho,
L'estrambord que nous devouris
Amo mai Arle que Paris.

Adounc que creisson li pervenco,
Li margarideto cravenco,
Ami, pouden n'en semena;

Que neste soulèu n'espandigue
E que neste cor m'embandigue
A Mijo pèr la courouna !

Lou pouèto brindo peréu à Frederi Mistral e apound douz flame sounet : « Carita di paure » e « Carita di riche » ; M. Beraud brindo à l'ensignamen dòu prouvençau dins lis Escolo, pèr li vers seguènt :

Siegue garel tant que voudrés,
Qu'un marrid ped-terrous arrive emé si guèto
Pèr trenca sèns façoun emé de bon pouèto
Acò fa pas de tort en res !
Moun brindo emplira pas, sabe, colo e valengo
Poudra pas à Sarcey destrantaia 'no dènt,
Mai, per rendre au Miejour lou pu grand de si bèn,
Brinde à l'ensignamen de nosto bello lengo.

Es pièi lou mège Tardiéu qu'enauro en paraulo superbo l'esperitualisme dòu Felibrige e l'estello felibreno : béu à la glòri de noste illustre pouèto, Frederi Mistral ; Lourtis béu au soulèu de Prouvènço emai i bèus iue di chato d'Arle ; Uzès ausso lou got à la prousperita de la lengo e à soun ensignamen.

E se dis pièi mai de vers e de cansoun ; em' acò Uzès parlo d'establi en Arle uno Soucieta, un groupo que s'apelarié la « Soucieta arqueoulougico d'Arle. » Auelo idèo es aprouvado de totti. Se claus sesiho sus d'aquel óurizount nouvèu dubert is ami de la causo felibreno en viro d'Arle.

— Après li felibre dòu Flourege d'Avignoun e aquéli de l'Escolo dòu Lioun, en Arle, li mantenière dòu gai-sabé de l'Escolo de Lar, à-z-Ais, se soun acampa en taulejado dòu *Reinagi*, lou 6 de janvié 1895, encò de l'oste Roumieux de la « Mule-Noire », en ounour de

Na Mario Girard, rèino dóu Felibrige, e d'En Marius Girard, sendi de Prouvènço, qu'adusié i cadet d'Ais lou prefum de soun nouvèu flamenant recuei de pouësio: *La Crau*.

— Vès-eici la letro que li Laren au espedido is ami, pèr li counvida à la festo alestito en ounour de *La Crau*:

Moussu e brave Laren,

« Emé gau vous anòuncian que, pèr bèn « recoumença », segound la deviso dei Berluc-Peuissis, lou dimenche dei Rèi, au còup de tijéjour, felibrejan à la Muelo-Negro, urous de se remembra nouesto plego d'aquest an passa, entandóument traire un prougramo pèr la soulennita peiresciano d'avoust que vèn.

Tourna-mai, la graciouso rèino embelis la felibrejado larenco, emé lou fier sendi, que nous adus « *La Crau*. »

Venès dire la vouestro, galant sóci, e vous pregan de va faire assauvre au pu tard lou 3. Li a 5 fr. de cousto.

Vous saludan en Santo Estello.

F. VIDAL, cabiscòu.

C. DE BONNECORSE, secretàri.

Li jòuini soustaire de la Causo avien courregu à l'acampado, que li damo bello flourissen de soun rire e de sa graci: la festo es estado superbo. A la desservo, s'es presenta à cade taulejaire lou voulume de *La Crau*, emai aquéu de *Cigau e Cigalo*, dóu mèstre cansounejaire En Marius Bourrelly. Vai sènsò dire qu'aquéli groumandige an fa la regalo de tòuti.

Mai, quand lou champagno a giscla dins li got, lou cabiscòu di Laren, En Francés Vidal, s'es auboura e ansin a parla, au mitan di picamen de man restountissènt en trounadisso flamo:

VOUS, AUGUSTO, VAUTREI, DAMO,

Salut, ounouranço! Abelissès mai l'acampado laro-felibrenco, en venènt pèr bèn recoumença, vuei, adurrc ajudo flòri au pouèto, à l'artisto;

Oumàgi respetous à la graciouso soubeirano, encarnacion de la Muso, trei còup, adeja, qu'enflouris nouéstei felibrejado;

Oumàgi encaro à la vici-rèino, Magali de Tourtouloun, embesounant doui noum autant pouëti que scientifi e bèn-ama;

E pièi mai, à l'ouïesso de la rèino, Na Mario Martin-Gondran, tant acuiènto en aquelo demouero artistico;

Em' à Dono Coustanço, urous temoi de l'obro savènto dóu proufessour-prouvençalisto, lou fidèu majorau ;

Se voulès, à la cabiscole, de-longo saludant au casau, vaquito quaranto an, lei capoulié Mistral, Aubanel, Roumanille, fin qu'adès lei jouve de Bresc, Bourrelly, d'Arbaud ;

E voudrian, sènsò soun desaire, saluda la gènto Lazarino de Manosco, un parèu de vùto, bèn nous agradant de sei coumpousicien armouniouso ;

Enfin, lou salut seten à la douço felibresso dóu Cauloun, qu'au-ren l'ur, pu tard nous asseguro, de mai cungousta leis *Amouro de ribas*.

MESSIÉS E BÈU COUMPAÑ,

Bèn-vengudo en tóutei, au fièr sendì, sèmpre nous adjudant, nous acourajant pèr la Causo prouvençalo, éu cantaire de raço, qu'a-près nous avé tant bèn depinta *lis Aupiho*, aro nous retrais *La Crau* tant magistralamen. Lei felibrejado, à soun ounour, deis Escolo dóu Flourege, dóu Lioun, de Lar, dison triplamen lou cas que sen dóu talènt, dei sentimen d'un escrivan nous dounant aqui sa segoundo maniero, en esperent, vesès, que lei tres cóup fagon loucho, emé soun autre voulume, de long dóu Rose o d'en Camargo.

E bèn-vengudo à-n-aquéu majorau de la proumiero ouro, lou baroun Carle de Tourtouloun, fissa dins Ais, à nouesto grand satisfacienc, li a quatre jour. D'ouro, s'es moustra lou digne enfant de l'autour dei « Lettres sur Nice » e bèn d'autrei travai, en n'en fasènt, éu, de touto meno : literari, istouri, filoulougi, sènsò parla de sei succès au teatre, de scis obro eraldico, voulèn que menciona dóu savènt roumanisant de Mount-Pelié sei « Limites géographiques des langues d'Oc et d'Oil », pèr ordre dóu ministre, e sa magnifico istori de Jaume lou Counquistaire, desirant mai que mai aquelo de la Franço miejournalo, obro proun necito.

Doublanen urous, benastrugan soun fiéu En Pèire, qu'aman tóutei legi, dins la *Franço d'Oc*, ço que vèn de bousea dins sei viàgi d'estudi, particulieramen de l'autre caire dei Pirenèu.

Sigués lei bèn-vengu, peréu, lei jouine, leis ancian : noueste amistous secretari rapourtara tout-aro vuesto plego de l'an passa, coumo pouerto la bibeto counvidarello à-n-aquesto sesiho ; avans que de vous entreteni d'aquéu grand prouvençau de Peiresc,

àmi de saluda lou delega municipau ei fèsto de la ciéuta Sestiano, M. Ferrières, que tant patriouticamen se desaquito de soun pres-fa.

Benastrugan, pièi, l'ancian maire de Fourcouquié, M. d'Ermitannis, de quau noun óublidan l'acuei arderous dins la capitalo de la nauto Prouvènço, e bèn d'autre mai o mens jouine, lei Bounaud, Contencin, lei Milon, En Spariat, lou Gantèume d'Ille, lei musicaire Borel, Granier, lei canounge Abeau, Mille, Rolland.

Aplaudissèn, vès, à la voio, à la sciènci, au sabé dóu proufessour Levat, pouèto bilingue, que rèn li es estrangié dóu verai e dóu bèu.

Acouragen lou jouvènt Bazzi, qu'omé soun amour de l'art e dóu païs de Franço, es un moudèle de la coulonlo italiano à-z-Ais ;

E gramaci e felicitacion à l'afouga président de l'assouciacioun deis estudiant, M. Reybaud, em' à seis ajudaire, aquéu : gènt triò Jousè d'Arbaud, J. de Bresc, l'enfant d'Ille, quistant galantamen pèr la soulennita peiresciano.

E pecaire, lou dòu crudèu, l'aisso malautié, fan que poudèn saluda que de liuen noueste cabisque d'ounour, lou chivalié de Berluc-Perussis :

Vèngue lou Capoulié
De l'Escolo larenco,
Berluc, « bèu chivalié » :
Vèngue lou Capoulié !
Em' éu, cadun s'atrenco
A l'obro felibreno ;
Vèngue lou Capoulié
De l'Escolo larenco.

Lèst « à recoumença »
Pèr proso e pouëslo,
Tout acò vòu pensa,
Lèst à recoumença.
Zóu ! que tenguen sesiho,
Degun plegara ciho,
Lèst à recoumença
Pèr proso e pouëslo.

Ve-l'eicito dins Ais,
Reviéudant l'Acadèmi
D'aqueu tant poulit biais,
Ve-l'eicito dins Ais.
Pèr meisoun, pèr vendèmi ;
Nous adus joio e prèmi ;
Ve-l'eicito dins Ais,
Reviéudant l'Acadèmi.

Vèn eisalta Peiresc
En nouesto Capitalo ;
Em' Arbaud, 'mé de Bresc,
Vèn eisalta Peiresc.
Pèr uno glòri talo,
Touei tres se dounon d'alo...
Vèn eisalta Peiresc
En nouesto Capitalo.

Vuei, vènes, Capoulié
De l'Escolo larenco,
Berluc, bèu chivalié,
Arribo, o Capoulié !

Ve, lou Sestian s'atreno :
Grand obro felibenco.
Vivo lou Capoulié
De l'Escolo larenco !

Verai que lou Sestian s'atreno : an di justamen dei Cadet-d'Ais que noun an la lengo au couissin, mai an tambèn de sang, an tambèn de couer : sian nautre, Metroupòli, avans, pèr Marius, enjusqu'à Charle-Quint ; sian lei felen dei Sufren, dei d'Entrecastètu, dei Fourbin, dei Miollis, dei Rostolan. E vaquito que, pèr nouesto situacien toupougrafico, noueste envanc naciounau, se sian amerita d'esse : capitalo, lou sejour dei Boson, dei Ramoun-Berenguié, dei Reinié.

Après lou camp-nias dei Sàli, après la foundacioun militari de Sextius, avèn-ti pas justifica lou titre de Metroupòli de la segoundo Narbouneso, lis Aigo Sestiano estènt uno dei sèt gràndeis vi洛 roumano de l'encoutrado flòri, em' Arle, Nimes, Narbouno, Aurenjo, Riez, Frejus ? E lou Parlamen, ilustra pèr lei gràndeis figuro de Lebret, Du Vair, Peiresc, e la vièlo Universita prouvençalo, nous an-li pas vertadieramen fa decerni pèr lei Malte-Brun, lei Rouchon-Guigues, lou titre glourious d'Atèno dóu Miejour ?

Sèt rai de glòri brihon à ta courouno, o ciéuta capouliero, e quouro Paris es pamai qu'uno coulounjo felibenco, coumo Constantino d'Africo o New-York d'Americo, siés tu Metroupòli dóu Gai Sabé, de la gaio sciènci, em'Avignoun, bounadi l'aflat de toutei vautre, patrioto prouvençau, bounadi la counservacion deis us d'aquest païs astra qu'es bèn la Prouvènço propre, la prouvinço dei prouvinço, coumo dis l'istourian Florus ; bounadi lou pàrla óuriguinau, lou biais naturau d'uno raço ni franehimando, ni fourastiero...

O, raço racejo, bellei Damo, nòbleis ami, e toujour que mai, toutei nautre long Lar, coumo vaqui douz milo an à la bataio d'Ais, acoussejen l'enemi de la patrio.

Boueno salut en toutei !

Alor, lou sendi de Prouvènço s'aubouro e ausso lou got en ounouranço de la vi洛 d'Ais e en remembranço de la bello aculido qu'avie facho i Felibre, lou 30 de juliet de 1893 ; M. Ferrières, delega municipau, ié respond, assegurant lou Felibrige de touti li simpatio e dóu

bon voulé de l'amenistracioun, pèr li soulennita que s'alestisson pèr glourifica Peiresc. Em' acò, lou baroun Carle de Tourtouloun, qu'ero de la taulado emé soun drole En Pèire e sa galant chatouno Na Magali, traïs si gtamaci courau à l'Escolo de Lar, pèr la gènto acuiènço que j'an facho li Laren, à-n-éu emai à sis enfant.

Lou majourau L. Constans, lou saberu proufessour de la Faculta d'Ais, brindo poulidamen au Menistre de l'Estrucioun publico que vèn de semoundre la rouseto d'ouficié de la Legioun d'ounour à neste grand mèstre En Frederi Mistral; Carle de Gantelmi d'Ille, secretari de l'Escolo dis Aup, legis un brinde trioulet dóu felibre Chapòli Guillibert, que noun avié pouscu veni, e béu à la rèino Mijo e la counvido à veni embeli de sa presènço uno di sesiho soulenno de l'Atenèu de Fourcauquié.

Lou mantenèire Carle de Bonnecorse, secretari de l'Escolo, fai, pièi, soun rapport prouvençau sus lis obro larenco d'aquésti darrié tems: aquéu travai, mai que bèn doucumenta e forço interessant, es subre que tout mai-que-mai aplaudi.

E zóu ! la felibrejado pren cors e s'enflamo, lou jouine d'Arbaud, lou galant drole de la felibresso dóu Cauloun, largo d'estroso regouiranto d'amour patriau ; Crest, en un brinde pouëti, se fai aplaudi magnificamen ; Carle Bourrelly dis : *Souerre, te n'en souvèn, e fai plesi* ; M. Bazzi ié vai pièi de sa pèço patrioutico : *Ei piounié de l'Ais*, qu'en totuti agrado.

Lou brave pouèto Adrian Levat, emé *La Crau*, uno pèço ispirado. se fai aplaudi ; lou jouine Terras e lou canounge Enri Rolland, l'un em' un sounet e l'autre em'un nouvè, fan peréu sa plego. Mai, l'ardènt felibre-abat Spariat, curat de Pourciéu, es aqui que, superbamen, largo uno improvisacioun enauranto e traïs un salut freirenau i felibre dóu Var, qu'entdóutrino tant valentamen à la Causo. Lou Var a besoun de sa paraulo d'aposto pèr refouri... e refourira ! Lou conse di Laren, Carle Martin, legis un poulit moussèu de proso prouvençalo, *Un patrioto* ; lou souto-cabiscòu Pau Roman, declamo de vers de Frederi Mistral, e se canton pièi en seguido *La coupe e Magali*.

La rèino e soun paire, En Marius Girard, canton lou duo pouplàri : *Marioun*, qu'es segui de *Manco un tur*, paraulo d'En Marius Bourelly, que lou felibre musicaire G. Borel i'a fa 'no músico galejarello, que totuti rison à se desgargamela.

Em' acò, l'on se separo en se dounant rendès-vous pèr la grando festo peiresciano, qu'à-n-aquelo óucasioun l'Escolo de Lar durbira un

councilours, coume aquéu que s'es dubert à-z-Ais en 1893, e que li tème n'en saran douua dins quauque tème.

— Lou dijòu 10 de janvié, sus li tres ouro de tantost, lou felibre Frai Tenufile a fa jouga sa pastouralo prouvençalo pèr lis escoulan di fraire d'Avignoun. Tóuti li sóci dóu Felibrige, demourant dins la vilo capouliero, èron cunvida e soun ana aplaudi e faire bèn-vengudo à l'obro calendalo dóu jouine felibre.

— Plagnèn de tout cor li dòu de neste brave coumpan Ernest Chamel, esmarra à la Bato, toucant Paris, que vèn de perdre sa maire, lou 8 d'aquest mes de janvié. Que Santo Estello assole lou cor que plouro !

— Lou dimecre 19 de janvié, à nòu ouro de vèspre, uno assemblado noumbrouso e chausido avié respondu au rampèu dóu ciéucle dis estitutour de Marsiho, e s'èro rendudo dins la salo di fèsto dóu Cafè Noailles, carriero Tubanèu, 46, pèr ausi uno counferènci dóu felibre martegau Louis Hugues sus la lengo prouvençalo.

Dins la proumiero partido, lou gènt counferencí a parla di Felibre e de sis obro, que fan prouado, e que lou pople se n'en cungousto ; n'apound de citacioun de galant moussèu que téuti aplaudisson.

Dins la segoundo vóuto, n'es vengu à trata un tème que ié vai à l'amo, e lis avantage noumbrous que li magistre podon tira de l'ensiñamen dóu francés au mejan dóu prouvençau.

Basto ! li picamen de man an marca li tres remarcale de la bello charradisso de neste jouve coumpan.

En seguido, quauqui jouine, entre li quau Louis Roux e MM. Pascau Cros, Galicié, Sabarin e Peire Bertas, an larga de moussèu de pouësio desbourdant d'estrambord.

Sarié à desira que de counferènci d'aqueu biais se tenguesson de tème à autre : acò anarié bèn pèr téuti, e li mestre d'escolo ié gagnarien l'amour de la lengo prouvençalo, que n'i'a forço adeja que la Bello lis atrivo. Es de souveta peréu que, lou cop venènt, noun se deleimbre de cunvida li Felibre, que diaùssi ! Es bèn lou mens que vèngon lis ami, peurta noun soulamen soun ajudo simpatico au valent counferencí, mai encaro sis aplaudimen courau.

— La sieisenco listo de souscripcióun au mounumen Peiresc, fai mounta lou toutau acampa à la soumo de 5 162 fr, 05.

— En Frederi Mistral s'atrouvavo, lou 21 de Xbre, à la proumiero representacioun de *Calendal*, à Rouen. Es M. Paul Ferrier qu'avié ti-

ra li paraulo de soun pouèmo de « Calendau », e M. Marechal qu'a-vié brouda la musico. Après la representacioun, que fuguè uno longo ouvacioun pèr nostre subre capoulié, la salo entiero l'aclamè em' un estrambord qu'es pas de dire.

— Lou 3 de janvié 1895, Mistral passavo à Paris, e tenié la paraulo dounado en partent, de veni saluda li Cigalié e li Felibre que reston dins la capitalo.

Tambèn, lis ami avien courregu à la dinado de la Cigalo, pèr saluda lou mestre.

L'arribado de Mistral à l'acampado aubouru uno trounadisso de picamen de man, e M. Leygues, lou ministre de l'Estrucioun pùblico, qu'arribo un pau après, es aclama de tòuti.

Basto ! l'on s'entaulo. Mistral es entre Pau Areno e Sextius Michel, dous ardènt majorau de nostro reneissèncio ; M. Leygues ié fai vis-à-vis, entre MM. Pèire Laffitte e Paladilhe.

A la desservo, Pau Areno s'aubouru e parlo coume eiçò :

Il y a un mois, M. le Ministre m'avait promis de venir assister à notre réunion d'aujourd'hui. Il est venu. Le Ministre a tenu la parole du Cigalier. Je m'en étais réjoui pour la Cigale. J'avais reporté sur la Cigale scule l'honneur de cette visite. Mais la politique a sa sorcellerie. Un ministre doublé d'un poète doit être un peu devin. En me faisant cette promesse, M. le Ministre avait sans doute deviné que, le même jour, Mistral aurait, lui aussi, l'idée de venir s'asseoir à notre table. Quoi qu'il en soit, la coïncidence est vraiment charmante et poétique. Je me permets de dire combien la Cigale est heureuse — quoique un peu surprise — de célébrer ce soir le grand Provençal dont le génie honore la France entière.

A l'occasion de cette rencontre, je veux boire à la France, aux nobles terres de Provence et d'Aquitaine, au Ministre et à Mistral.

M. lou Ministre, se dreissant alor, em' un biais esquist pourgis au présidènt la crous d'ouficié de la Legioun d'ounour, en disènt :

Je prie mon excellent ami, Paul Arène, de vouloir bien transmettre au maître Mistral la croix d'officier de la Légion d'honneur.

Pièi, quand lis aplaudimen fan calamo, apound :

Les Ministres ont mauvaise réputation. On prétend qu'ils ne

tiennent jamais parole. Je suis heureux de détruire cette légende. Le gouvernement de la République aime à glorifier ceux qui font le plus grand honneur au pays.

C'aura été la plus grande joie de mon ministère d'avoir eu l'occasion de faire ce que je viens de faire ce soir.

Dans ce beau pays de France, dont la littérature, la peinture, la musique sont incomparables, les lettres occupent le premier rang.

S'il est des terrains sur lesquels nous pouvons rencontrer des rivaux, sur celui-là nous n'en rencontrons point.

Il faut encourager ceux qui représentent cette source vive.

Je me rappelle les heures douces d'Orange et je vois, là-bas, sous le ciel bleu, Mistral avec son chaleureux accent et ses paroles chantantes. Mistral fait partie du pays comme l'olivier fait partie du sol, et la Provence est le prolongement de la Grèce et la France aussi.

Nous avons tous de la flamme dans nos âmes. Nous tous, Félibres, nous avons tant de soleil dans le cœur, que nous avons apporté la chaleur ici.

Il n'est rien de plus agréable que de causer avec des artistes, car vous êtes tous des artistes, tous vous connaissez le noble métier d'ouvriers d'art.

Je lève mon verre à Frédéric Mistral, à l'art français ; c'est dire que je lève mon verre à la patrie française.

La salo restountis de milo aclamacioun. Em'acò, Mistral soulenamen s'aubourro e dis :

Ce n'est pas sans quelque attendrissement que je quitte ce mince ruban rouge que je portais depuis bientôt trente ans, car il est comme le symbole de ma jeunesse.

C'est une aimable surprise que vous me faites, Monsieur le Ministre, mais venant de vous, elle ne m'étonne pas, car vous êtes toujours l'excellent poète en même temps que le vaillant ministre dont les actes sont aimés de tous.

J'accepte de tout cœur cette croix, qu'en bon fils d'Aquitaine vous avez certainement dû cueillir dans les jardins de Clémence Isaure.

A-n-aquéu moumen, li Felibre e li Cigalié que noun avien pouscu

s'entaula, arribon en foulò, e la salo es courmoulo e mai que courmoulo. Alor Pau Areño, vesènt acò, prepauso d'ana prene lou cafè dins la grand salo : aqui, cadun prendra sa part de bonur.

Mistral entouno neste inne felibren, *La coupe*, que tóuti ié van au refrin :

Coupo santo
E versanto,
Vuejo à plen bord,
Vuejo à bord,
Lis estrambord
E l'enavans di fort.

Sus la demando de Mistral, Monnet-Sully fai pièt tresana lis escoutaire en declamant superbamen lis estroso admirabò de la « Chanson des Épées », d'Enri de Bornier. Lou cigalié Emilo Trolliet dis *Une visite à Maillane*, e Mistral, esmóugu, lou sarro sus soun pitre. Maurise Faure pren la paraulo coume eiçò :

Trouvarés naturau qu'après Leygues, un deputa dóu pople parle la lengo dóu pople. M'es uno gau de vèire, trento an après Jansemin, qu'escriví à-n-un menistre que la lengo d'O es innourta-lo, un autre menistre asseta au mitan di cantaire de lengo d'O. Vesèn, iuei, un menistre de la Republico, dire, cinqanto an après Jansemin, que la lengo d'O es bello, que la lengo d'O mourira pas. Vaqui perqué vous aclaman, Moussu lou Menistre. Graci à vous, graci à voste engeni, la Republico es pas la pousiasso descridado, es la Republico ateniano.

Eh ! de que parle proso davans Mistral e davans Leygues ! Es l'ouro de dire aquéu *Lioun d'Arle*, ounte Mistral a encarna li doulour e lis espèr de la Prouvènço :

Desempièi que Diéu me gardo
Sus la terro di vivent,
I'a'n Lioun que me regardo
Emé li dos narro au vènt...

Maurise Faure largo l'odo sublimo, e tóutili cor vibron à l'unissoun dóu sieu. Enfin, la sesiho se clavo emé de vers prouvençau de Vitor Nadal e *Sapbo*, d'A. Silvestre, declamado pèr Millo Hartmann, de l'Odeoun. E longo-mai lou Miejour triounfle e la Cigalo vibré !

— En Frederi Mistral, venènt de Rouen ounte èro esta aclama, — comme l'avèn counta — à la proumiero representacioun de *Calendal*, e qu'avié passa quauqui jour à Paris, ounte Cigalié e Felibre i'an fa

festo, e ounte M. Leygues i'avié douña la crous d'ouficié de la Legioun d'ounour, es de retour à Maiano.

A soun arribado, touto la pouplacioun de Maiano a courregu, emé lou Counsèu Municipau, musico en tèsto, e a acoumpagna l'ilustre pouèto jusqu'à sa demoro ; aqui, au mitan dóu pople tresouli que pi-cavo di man, M. lou Maire a felicita l'autour de *Mirèio* de la distinciou que venié de reçaupre. Alor, Mistral, esmougu, se virant vers lou pople, que ié fasié un triounfle lou mai preloucant pèr soun cor, fai si gramaci à M. lou Maire, en apoundent que l'ounour d'a-quelou distincioun regisclavo sus touto la pouplacioun de Maiano.

Jo Flourau dóu Felibrige de Paris

Li Jo Flourau dóu Felibrige de Paris caupran, aquest an, coume d'abitudo, un councours literàri em' un councours artisti.

La destrubucions di recoumpènso aura liò, au mes de jun venènt, dins l'ate di fèsto de Scèus.

Vejo-eici lou prougramo óuficiau d'aquéli Jo Flourau pèr 1895. (15º annado) :

I. — COUNCOURS LITERARI

A. — Pres dóu Ministre de l'Estrucioun publico, au meiour estudi en proso franceso sus *Li Felibresso*, estudi sus l'acioun literàri di femo dins lou Felibrige (1855-95).

B. — Uno medaio d'argènt au meiour sounet en lengo d'O sus *Lou mes de jun*.

C. — Uno medaio d'argènt à la meiouro pouësio en lengo d'O sus *Lou Teatre d'Aurenjo*.

D. — Uno medaio d'argènt à la meiouro nouvello en lengo d'O sus *lou Païsan dóu Miejour*.

II. — COUNCOURS CLASSIQUE

Es escassamen reserva is escoulan di licèu, escolo o istitucioun.

(L'establässamen e la classo dévon èstre endica, souto peno d'esclusioun).

Uno medaio d'argènt em' un eisemplàri de la *Petite Patrie* de Sex-tius Michel, à la meiouro traducioun en proso prouvençalo de la fablo dóu compaire Lafont : *Lou reinard e li rasin*.

Nota. — Tóuti li dialèite dóu Miejour podon èstre emplega dins aquéli dous councours.

III. — PRES DE LA COURT D'AMOUR

Uno medaio vermeialo à l'autour di douz meiou sounet en lengo franceso sus *Lauro de Non e Clemènço Isauro*.

(Li sounet courouna saran declama davans lis estatuo de Lauro e de Clemènço, dins lou jardin dóu Luxembourg, ounue li Felibre s'acamparan avans de parti pèr li festo de Scèus).

IV. — COUNCOURS ARTISTI

1º. *Dessin*. — Un óujet d'art, óufert pèr lou Ministre di Bèus-Art, sara decerni à l'autour dóu meiou dessin, representant *Fredéri Mis-tral* entouenant lou cant de « la Coupo » à-n-un banquet de la Santo Estello.

Touti li gènre de dessin soun amés, même *la grisaille*, e li coumpousicioun déuran agué 75 centimetro sus 60.

Lou dessin courouna devendra la prouprieta de la Soucieta, que n'en fara douno à-n-un Museon dóu Miejour, à l'agrat dóu laureat.

2º. *Esculturo*. — Un óujet d'art óufert pèr lou Ministre di Bèus-Art, sara decerni à l'artisto que presentara lou meiou bas-relèu (70 centimetro sus 50), retrasènt *lou Papo Clemènt V*

...dassetoun sus sa miolo,

Anant vèire sa vigno amount à Castèu-Nòu...

Sujèt tira de la cansoun poupopulàri de Fèlis Gras.

3º *Ceramico*. — Un óujet d'art óufert pèr lou Ministre sara perén decerni à-n-aquéu que presentara lou plus galant plat, pourtant li simbèu dóu Felibrige parisen : lou *viro-soulèu* e la *cigalo*.

Lou plat déura èstre de grandour mejano e touto liberta es leissado à l'artisto pèr lou rèsto de la decouracioun, à coundicioun pamens qu'aquéolis accessòri agon un caratère miejournau bèn marca.

4º *Musico*. — Uno medaio vermeialo à la meiouro coumpousicioun musicalo sus la pouësio seguènto d'En Sextius Michel : *la Bagnarello* :

Dins li bèllis isclo dóu Rose,
Tout es armounlo e coulour,
Que siègue blu, pourpau o rose,
Lou cèu ris à touti li flour.

Es l'ouro ounte l'aubeto briho
Dins l'azur d'aquéu paradis.
Dis auceloun lou cantadis
Se mesclo au vounvoun dis abiho.

Dins un canié, long d'un sourgènt,
 Vaqui coume dans l'ort d'Arnido,
 Qu'uno chatouno es endourmido,
 E ié sourris lou flot d'argènt.

Vèn de se bagna : l'aigo tclaro
 Gouteto enca de si péu blound ;
 Mai li cano escoundon sa caro,
 E vèse rèn que si petoun.

Dins li bèllis isclo dóu Rose,
 Tout es armounlo e coulour,
 Iéu n'amire dintre li flour
 Qu'aquéli petoun blanc e rose.

COUNDICIOUN GENERALO

De medaio d'argènt e de brounze suplementàri, de mencioun ou-nourablo e de diplomo artisti (aigo-fort) pourran èstre decerni segound l'impourtànci dóu councours.

Li mandadis pèr li councours literari e musicau devon èstre fa, franco de port, à M. Sextius Michel, présidènt dóu Felibrige parisen, 54 bis carriero Violet, à Paris, *avans lou 15 de mai* venènt.

Li mandadis pèr li councours de dessin, esculturo e ceramico devon parveni *franco* à M. J. B. Amy, escultaire, 55, avengudo d'Ourleans, à Paris, *avans lou 30 de mai*.

Lis obro devon pas èstre signado, mai pourta uno deviso que sara repetido sus d'un ple cacheta, que tendra lou noum e la demoro de l'autour, emé l'afiermacioun que l'obro presentado es inedito.

Li manuscri saran pas rendu.

Lou Felibrige de Paris fai assaupre en même tems que lou pres dóu Ministre sara decerni, en 1896, au meiour travai en lengo franceso sus *Lou païsage dóu Miejour*, soun caratère e si pintre.

L'estudi pourra èstre generau o s'aplica à-n-uno regioun determinada dóu Miejour.

— Vèn de se founda à Paris, galerie Vivienne 25, uno librarié mes-trejado pèr M. Pèire Duffau, un asouga di causo miejournalo, que re-caupra coume depositari li libre e li publicacioun en parla d'O.

Aquéli qu'an d'obro à bouta en vèndo, à Paris, podon pas miés toumba, M. Pèire Duffau estènt asifa à l'Escolo felibrenco de Paris, en qualita de secretari soubren.

— La *Revue Félibréenne*, n° 4, 5 e 6, abriéu, mai e jun de 1894, vèn de parèisse à Paris encò de Lucian Duc. Es coumoulo d'article marcant, entre li quau citaren : *Un précurseur des Félibres : Jasmin*, pèr Pau Marieton, la crounico, dòu même, e li *Lettres inédites de Roumanille à Paul Mariéton*.

Aquél letro inedito de Roumanille sus lou Congrès d'Arle e la foundacioun de l'Armana, li premié pas dòu Felibrige, nous an forço pretouka, e subre-tout lou raconte sus la *Soucieta de la Fe*, ounte Rouma ié venié dire de vers prouvençau, li premié vers prouvençau qu'avie espeli, que just s'atovo que l'universitàri qu'avie founda aquelo *Soucieta de la Fe*, èro M. Llabour, noste grand-ouncle, proufessour de filousoutio au coulège d'Avignoun.

— La municipalita de Cadenet (Vau-Cluso), vèn de faire plaça sus la porto de l'oustau ounte es nascu l'ilustre musician Felician David, la placo de mabre que li Felibre de Paris vengueron inagura au mes d'avoust passa.

L'inscripción gravado sus la placo porto aquesti mot :

Dins aquest oustau es nascu, lou 8 de mai 1810

lou grand musician Felician David

Li Felibre de Paris, li Cigalié e li gènt de Cadenet

Lou jour de la ceremòni, i'a 'gu grand councours de pople e grand festo à Cadenet.

— M. lou canounge Mille, d'à-z-Ais, a douña, lou dimenche 20 de janvié, dins la glèiso de Sant-Julian d'Arle, lou panegiri prouvençau de Sant Antòni, e li couristo de la parròqui i'an canta lou cantico de *Sant Antòni lou Grand*, que lou felibre Eisseto a coumpausa.

— Lou 9 de janvié, lou Felibrige de Paris a tengu soun assemblado generalo e renouvela soun burèu pèr 1895. Soun esta nouma :

Président : En Sextius Michel ; vice-président : MM. Albert Tournier, Raoul Gineste, Jùli Troubat ; secrétari, Roux-Servine e Fernand Haussier ; tresourié, Ernest Plantier ; cancelié, Jaume Gardet, e amenistratour dòu *Viro-Soulèu*, M. de Barruel.

— Lou 9 de febrié, es mort à Castèu-Nòu-dóu-Papo, lou majorau dòu Felibrige En Ansèume Mathieu, un di sèt de Font-Segugno. Santo Estello l'ague reçaupu dins sa glòri !

Dins lou numerò venent, revendren sus d'aquele mort, que bouto en dòu lou Felibrige e la Prouvènço.

Lou Gerent : Jan Monné.



CROUNICO

ANSÈUME MATHIÉU

Un vènt de malastre, aquest an, a boufa sus nòsti majourau. Roumiéux, Sardou, Brunel e Ansèume Mathiéu soun esta sega pèr la camardo despietouso e ravi à nosto afecioun; mai, se soun plus au mitan de nous-àutri, demoron, pèr la fidèle remembranço e pèr sis obro, dins lou cor de tóuti aquéli que lis an legi; autant vau dire, d'aquéli que lis an ama.

Ansèume Mathiéu, lou darrié que nous a quita, e qu'à sa memòri counsacran aquest article, n'avié que siéssanto-sièis an. Èro un di sét de Font-Segugno, que n'en rèsto plus que douz : Frederi Mistral e n-Anfos Tavan ; grand felibre, fuguè un dis aposto valent de nosto reneissènço prouvençalo, emé la deviso :

Tant de boutoun
Que de poutoun !

envertouiado en un riban encenchant sèt boutoun de roso ; e, s'avié pres l'escai-noum de « Felibre di Poutoun », se pòu dire que jamai escai-noum èro miés toumba.

Nascu à Castèu-Nòu-dòu-Papo, d'uno famiho de païsan, avié teta de bon la, valènt-à-dire qu'avié suça, tre veni au mounde, la sabo de la lengo prouvençalo i mamèu de sa maire, sabo qu'èro tambèn la maire de sa maire, que pièi, quand fuguè abari, s'amourrè vitamen à-n-aquéli de la Naturo, e lèu-lèu, lou « Felibre di Poutoun » *poulounegè*.

Troubaire de raço, vivié coume li troubadou, se soucitant ni dóu passat, ni de l'aveni, e leissant — belèu un pau trop — au présent, cargo d'agué siuen d'éu. Pouèto e inchaiènt, acò se vèi, mai çò qu'es plus rare, es d'estre encaro, coume Mathiéu, un pau-parlo: éu regardavo, escoutavo, pantaiavo, cantavo e sourrisié: èro un moudèste e un bounias.

Lou vèse toujour, un pau escranca, pecaire! emé sa barbo mai-grinello, frisant d'egarroussige, genre Enri IV, emé soun nas loungaru, un pau dre, genre Francés I, e sis iue dous, bèn dous, fa pèr countempla e pèr èstre esbleugi, genre Ansèume Mathiéu, nous disent à Maiano, pèr Santo-Agueto, entaula encò de noste grand mestre, ounte erian counvida quauquis-un di felibre li mai desoubra e li mai avesina: « Lou catoun de ma vesino », pèço pleno de poutoun, qu'èro sa preferido, q soun espouscado à Gui-hèm Bonaparte-Wyse. — qu'èro passa'n Avignoun sènsou ana lou vèire — bello e fiéro pouëslo que n'aurié proun d'elo soulo pèr ié faire sa reputacioun de pouèto, e qu'avié soulo lou doun de lou rendarre nervihous. Ah ! falié vèire coume se revechinavo, e coume sa vounes s'escausavo e prenié d'ande, quand disié :

Milord, s'ères vengu dins ma chambreto bluio,
 Un recàti mignoun
 Que regardo Avignoun
 Enaura peralin sa tourre de la Luio,
 Ve, miés qu'à Santo-Estello aurian felibreja,
 Aurian, au noum di rèire,
 Tant fa dinda lou vèire,
 Que li rèire, d'amount, aurien richouneja.
 As miés ama, parèis, di conte e di princesso
 Lou frou-frou vouladis
 E lis entravadis
 Que de veni treva ma pauro gentilessو.
 Sabes dounc pas, Milord, qu'au païs prouvençau
 La pòusso que varao
 Dins lou founs d'uno draio
 Es mai noblo souvènt que li ro li plus aut ?

Li tres quart dóu Miejour sian de bono famiho,
 E tau dins un gara
 Lou vesès laboura,
 Que se pourrié signa comte de Vintimiho.

Lou vèse encaro, quand arribè, i'a 'n parèu d'an, de Paris, ounote sis ami e li nostre i'avien tant fa de fèsto : felibrejado aqui, taulejado eila, à soun ounour, enterin que P. Arene, à l'*Echo*, Marieton au *Figaro*, Marin au *Journal*, Maurras à la *Gazette de France*, etc., etc., emplissien aquéli journaud de si vers e de si cansoun, eh bèn ! m'arribè autant siau, autant pausadis que s'èro vengu de croumpa dous sòu de jinjourlo de la boutigo d'en faço. Me ié salié derraba li resoun em' un cro, e n'en poussquère jamai tira qu'eigò : « Aquéli felibre, amoundaut, soun tòuti plus brave lis un que lis autre, e pièi, ve ! vos que te lou digue ? tòuti li felibre sian brave. »

Soun obro principalo, sa pouëslo de lipet, es dins la *Farandoulo*, libre publica encò de Roumanaho, en Avignoun, en 1868, em' uno prefaci de Frederi Mistral (soun bèu Frederi, coume l'apelavo). Veici çò que n'en dis lou mèstre :

« Sa *Farandoulo* es uno veritable danso, e tau que lou menaire d'uno jouino farandoulo, quand pèr carriero meno sa farandoulo encadenado pèr la man, la fai ana, la fai veni, vira e revira, e dins li rode li mai empachatiéu, quouro l'agroupo en vertoulet, quouro la tors en cacalaus, pièi se destaco e ié danso à l'endavans, pièi mai l'aganto e la fai passa, rapido, souto li bras di dous darrié, — ansin neste felibre, que la draiolo fugue cloto o escalabrouso, meno sa *Farandoulo* pèr li draiolo de l'amour, quouro à l'eigagno, quouro au soulèu, quouro à la bruno, segound l'èr que lou tambourin bat, « aubado », « souleiado » o « serenado. »

Soun obro es, lambèn, escampihado dins l'*Armana prouvençau* e dins lou *Prouvençau*, journaud que publicavo, i'a 'no segeno d'an, lou comte de Vilo-Novo d'Esclapoun (Entre-signé douna pèr l'Aïoli).

Ansèume Mathiéu èro pouëto simplamen, naturalamen, coume es naturalo e simplo la pouëslo que vèn de l'ispiracioun, de l'imagination o dóu cor, qu'es bèn diferento d'aqueulo pouëslo bastardo

e franchimando, que barrulo, iuei, pèr carriero e que n'a d'autre envane qu'aquéu que vèn di mot.

Lou felibre di poutoun cantavo pèr agué lou plesi de canta, e aguènt d'acò dòu roussignòu, fasié coume éu : cercavo lis escoundudo, pèr larga dins lou cèu si gamo nuso de sapiènço, e agradiuo pamens, coume l'aflat de l'aureto dins un rai de soulèu. L'ai vist, pecaire ! à si darrié moumen, dins aquelo chambreto bluio, d'ounte escrivié à Milord, dins aquelo chambreto bluio coume si pantai, azurencoume soun amo ; dins aquelo chambro bluio, enfin, ounte i'ai touca la man, un darrié cop, pèr iéu e pèr sis ami, l'ai vist, dise, emé la resignacioun, emé la serenita que podon soulet douna la tranquileta de la counsciènço e la fisanço en Diéu. Ai vist, de mai, dins aquelo chambro bluio, ai, las ! lou brout d'óulivier trempa dins lou got d'aigo signado, simbèu de pas eternalo ; lèst à l'espousca, dins un signe de crous, si degout pious à soun darrié badai, enterin que lou cor sarra i'escampave, iéu, sus soun front, li lagremo de mi regrett e de moun amista. E, quauquis ouro après, aquelo chambro bluio l'a vist mouri coume l'avié vist viéure, coume l'avian toujour eouneigu : siau, pantaint e bounias.

Mai, s'es mort, noste souveni l'es pas, e soun obro lou fara reviéure dins la glòri.

JULI CASSINI.

Aro que Jùli Cassini nous a boulega l'amo emé touti li causo pretoucant que nous a dicho sus lou paure « Felibre di Poutoun », que la mort nous a rauba en boutant en dòu nòsti cor d'ami, lou Felibrige e la Prouvènço, nous es en-de-bon d'apoundre quauqui mot sus li darrié moumen d'Ansèume Mathiéu, que tiran d'uno letro que nous mandó lou gènt felibre Enri Bouvet, que tant afeciounavo noste grand pouèto :

Noste ami èro un pau magagna despièi quauque tème ; em' acò noun lou vesian en Avignoun que de liuen en liuen, quouro s'aliuenchavo de soun Castèu-Nòu, e n'èro pas souvènt. Lou jour di

flanço de noste ami Folcò, se sian poutounçja pèr la darriero ses,
ai-las !

Sèt o vue jour avans sa mort, avié soupa, coume à l'acoustumado, encò de soun fraire einat, Louis Mathiéu, que demouravo toucant d'éu ; tout s'èro bèn passa, mai, en quitant l'oustau de soun fraire, Ansèume Mathiéu, liogo de s'ana jaire, vouguè passa un tros de vihado au cafè, e coume tout èro jala e que la carriero èro cuberto de glas, en camin fasènt, pechaire ! noste ami resquihè e demourè bessai dos ouro de tèms, em' uno cambo routo e lou cors tout ensfrejouli, d'enterin que soun fraire lou creisié bèn recata e bèn caud dins soun lié.

Un Castèu-Nouven que rintravo cò d'éu, entendeguè de plagnun, s'aprouchè, lou recouneiguè e quatecant ié pourtiè secours, emé l'ajudo di vesin qu'avié rampela, l'aduguèron vitamen à sa demoro e se passè la niue à courre en bousco d'un mège, que venguè de liuen pèr adouba sa cambo routo e ié gara lou mau que lou counglas l'avié douna.

L'ami Cassini, passant pèr Castèu-Nòu, l'anè pièi vèire, lou jour di gràndi noço de Folcò de Baroncèlli ; noste capoulié e proun d'autri felibre l'anèron peréu ; e l'autour galoi de la « Farandoulo », lou roussignoulet castèu-nóuven, emai bouleguèsse ni pèd, ni pato, gardavo sa memento, e en tòuti trasié de bòni paraulo.

Aquéu troubaire di tèms nouvèu, malurous coume Jo, en silènci a soufert e s'es amoussa en cantant.

Lou pouèto pèr cicelènci noun poudié fini autramen ! E, iéu que vous parle, n'ai lou cor treca, ear, emé Mathiéu, erian coume douz fraire : es éu que m'avié endraia vers lis orto de Sto Estello e qu'avié dubert mi parpello à la clarour de nosto reneissènço prouvençalo.

Lou jour qu'an di soun canta, siéu ana traire uno courouno de flour sus lou eros dóu gènt « Felibre di Poutoun. »

Acò 's la vido : *Amour e Plour*, coume lou disié n-Anfos Tavan. E mi lagremo an regoula sus li flour que pourtave : devianti pas de lagremo au felibre de la *Farandoulo*, qu'en tèsto de soun libre disié tant galoiamen :

Aniue, moun cant es tout amour !

Es lou eor matrassa qu'ai eoumpli 'quéu triste viage, de-niue,

que jalavo en l'èr; la terro s'èro amagado souto un linçdu de neu, coume li mort dins soun susàri. La tempèsto, que mestre-javo e que largavo si revoulun feroun, avié empacha forço ami dòu grand felibre de ié veni rèndre un supreme ôumage ; mai, sabiéu qu'emé nautre i'avié l'amo de la Prouvènço, que i'avié tout ço que tresano e tout ço que barbèlo is acènt de nosto parladuro, emai tóuti aquéli que la liro de Mathiéu avié fa fernesi, e, d'aquéli, n'i'a e n'i'a tant, que noun li nouembrariéu de iuei.

N'entendren plus li cantadisso ni li galejado d'aquéu felibre d'elèi, d'aquéu troubaire d'un autre age, esmarra dins nosto epoco ; mai sis ob:o requisto nous encantaran sèmpre, e li relegiren e nous n'en sadoularen, pèr ié heure lou recounfort, coume à-n-un rousàri d'amour.

Castèu-Nòu, vènes de perdre la cardelino cantarello que nisavo aperamount dins li paret de toun castelas ; amago toun front dins lou dòu, coume uno maire doulènto sobre la toumbo de soun enfant escari ; e, nàutri, si fraire en Santo Estello, quouro la cisampo bousara plus, quouro tourna-mai l'auceliho bresihara si cansoun sus la crous dòu grand majourau, en plourant vendren, au noum dòu Felibrige, en roumavage pious à Castèu-Nòu, pèr glourifia la memòri d'aquéu que :

Dre dins soun paurige,
E dre, mau-grat l'aurige,
A garda sa deviso : « Inimitabilis. »

ENRI BOUVET.



LI NOVO FELIBRENCO

LIBRE PAREIGU

— A Pau, encò de Garet : *Les causeries béarnaises, La chasse en Béarn, le Vieux Béarn, les Conférences en Béarn depuis le dix-huitième siècle* : acò soun li tèmo di counferènci facho à la coumuno de la vilo de Pau, pèr Adrian Planté, maire d'Orthez e presidènt de la Soucieta di sciènci, letro e art de Pau, e que lou mèstre counferencié, tant bèn emparaula, a reünido en voulume, pèr li semourdre is amaire di remembranço dóu passat.

Dins aquéli charradisso que vous atrivon, Adrian Planté a bouta touto soun amo e i'a leissa desbounda tout soun cor de patrioto. Amo sa terro e sa lengo coume n'i a gaire, aquéu valènt Planté, e n'es pèr acò que picaren di man, lou jour que l'Escolo felibrenco dóu Bearn sara definitivamen establidò e que l'aura pres pèr soun flame cabiscòu.

— A Fourcauquié, encò de Crest : *Mandadis e responso*, qu'es un galant coumplimen de Vitour Bourrihou au musicaire de *Prouvençau e Catouli*, em'uno responso clasido d'esperit, dóu flame musicaire à soun ami Bourrihou.

— A Brivo, encò de Roche, lou souto-cabiscòu de l'Escolo limou-sino, lou valènt Sernin Santy, a fa 'stampa, souto lou titoulet de *Rbône et Provence*, sis empressioun sus li fèsto cigaliero e felibrenco de 1894, e i'a bouta, pèr ligà lou bouquet, uno letro prefaci dóu majorau En Maurise Faure. Sernin Santy a segui l'estello despièli Lioun enjusqu'à la fin de soun roumavage. Em'acò, a escampiha dins soun raconte, entre li rai de soulèu e lou resson di cansoun, li desbord de soun ainour pèr la Causo felibrenco e de sa bello afecioun pèr sis ami.

— A Paris, encò de Lucian Duc : *L'année d'autrefois en Provence*, de Pau Mangin, em' uno prefaci de Jan Aicard. Aquéu libre, emai fugue escri en francés, es bèn uno obro felibrenco, e l'atravarés, dins

cado pajo, un amour prefouns di causo que l'unifourmita centralisairo escafo pau-à-cha-pau, uno grando adouracioun pèr la pichoto patrio, que vous esmòu. Pau Mangin a fa obro de bon felibre en escrivènt un voulume tant flame. Costo 2 fr.

— A Mount-Pelié, encò di fraire Hamelin : *Histoire de la littérature provençale* « depuis les temps les plus reculés jusqu'à nos jours », pèr A. Restòri, proufessour titulàri au Liceu reiau de Parmo, sòci dòu Felibrige. Es uno obro revirado en francés, pèr lou felibre Aleissandro Martel, à Roucy (Aisne), premiero partido. Acò's un libre indispensable en tòuti aquéli que volon counèisse nosto literaturo. En revirant aquéu libre, A. Martel a rendu un vertadié service i letro prouvençalo.

— A Palermo, encò de Alberto Leber : *Scritti vari di letteratura provenzale moderna*, pèr E. Portal, sòci dòu Felibrige, que dins soun libre galant, a vougu acampa quauquis-un dis article qu'avié escampiha i'a 'n parèu d'annado, dins li journal d'Itàli, sus la literaturo prouvençalo, pèr afirma encaro un cop soun ardour de proupagando en favour dòu Felibrige, e rendre en même tems un tribut d'affection à-aquelo Prouvènço que tant de doux liame i'an liga soun cor.

Es un regale de faire uno escourregudo dins li *Scritti vari* d'Emmanuel Portal. E, aquelo escourregudo facho, neste ami L. Duc nous a manda aqueste sounet, en gramaci au felibre sicilian d'agué tant bèn parla de *Marineto* :

LOU CHIVALIÉ PORTAL

O, soun noum de Pourtau, que ressènt soun terraire,
Es de souco franceso e de noste Miejour,
E i'a rèn d'estounant — bon sang pòu pas mau-traire ! —
Qu'ame tant l'encoutrado ounte a pas vist lou jour.

Es dins lou Lengaddò que trevèron si paire,
E n'es, éu, lou felen de nòsti troubadour,
Coume éli pantaiant d'uni li pople fraire,
E defendènt sa lengo emé la memo ardour.

Felibre apassiouna, sòci plen de valènço,
Fai vèire qu'acò's rèn l'asard de la neissènço !
E d'abord qu'en Sicilo es baroun, chivalié :

Eu, qu'es tant asouga pèr nosto Reneissènço
E qu'a moustra dès cop ço que soun cor valié,
Iéu lou noume peréu chivalié de Prouvènço !

— Li journau signalon aquesti libre o broucaduro que vènon d'espeli dins lou parla d'O :

La danso dei parfum, d'Ougèni Plauchud, majourau dóu Felibrige.

Vido d'Enfant, de Batisto Bonnet, encò de Dentu, à Paris. Venèn de legi, d'eici, d'eila, quàuqui tros d'aquelo obro superbo, e nous estoûno rèn lou bèu triounfle que se fai à Brisquimi.

Bagatòuni, de Valèri Bernard, felibre majourau. Aquéu rouman naturalisto es un bèu succès : touti li critique literari i'an fa la bono-salut.

Dictionnaire français-occitanien, pèr L. Piat, segound voulume.

Man sanestro, dóu majourau En Louis Astruc.

PROUVÈNÇO

— Descentralisacioun : Auzor ! auzor ! coume crido la *France d'Oc*.

M. Jan Carrere devié faire, à Paris, uno counferènci sus Frederi Mistral. A-n-aquéu prepaus, l'oste grand pouèto i'a manda la letro que seguiss :

Maillane (Bouches-du-Rhône), 8 février.

MON CHER AMI,

Paris est un levier tout-puissant pour le bien comme pour le mal. Paris, plus que jamais, est assoiffé de renouvellement. Paris est comme l'ivrogne qui soupire après un verre d'eau fraîche. Profitons de l'éccœurement, de la satiété qu'il a de son vieil ordinaire, pour lui montrer les belles grappes qu'il ne tient qu'à lui de cueillir dans une France rénovée.

Lointaines colonies, Tonkin, Afrique noire, tous ces mirages, certes, ne sont pas à dédaigner pour un grand pays comme le nôtre. Mais cette province tombée en friche, cette inépuisable terre de France provinciale qui produit le froment, l'huile, le vin, la viande et les pioupous de nos armées, pourquoi ne pas la coloniser, la remuer, la féconder par la vie intellectuelle ? De leurs rochers pelés, de leur maigre archipel, les Grecs de la haute époque surent, par la liberté, l'autonomie, l'émulation, faire jaillir la vie qui nous émerveille encore. Et la France, qui détient le plus beau des territoires, laisserait s'y anémier, s'y enniaiser, s'y avançer, sous le rouleau de la routine et de l'imitation servile, les trente ou quarante millions d'hommes qui y grouillent ! Que Paris, par la voix de la jeune génération, crie à la France : Ressuscite ! et la France ressuscitera !

FRÉDÉRIC MISTRAL.

Aro que tout lou mounde, mai o mens, s'interesso à l'idèio descentralisairo, que la Chambro di Deputa, souto l'aflat de Maurise Faure, estudio la questioun, aro que lou governamen éu-même se sènt pres dins l'engranage de la questioun, que se pauso em' uno talo forço, que lèu-lèu l'on sara dins l'oubligacioun de n'en teni comte. Mistral escudello em' un biais snperbe çò que desiro lou Felibrige, çò que demando la Prouvènço, pèr viéure e ressuscita.

Tóuti li patrioto aplaudiran à-n-aquéli vot.

I'a pas proun que lou centralisme nous lèvo tout çò que i'a de bon e de grana sus nòsti terro ; i'a proun tèms que li prouvinçò moron d'anequelimen souto lou tacoun de ferre de çò qu'apelon l'aménistracioun ; i'a proun tèms que pèr boulega li pèd e li man esperan lou mot d'ordre d'eilmount, pèr qu'à la perfin se coumprengue que fau arresta lou courrènt que nous emporto vers la mort !

— Lou chivalié Em. Portal, de Palermo (Itàli), es esta nouma à l'unanimeta, membre courrespoundènt de l'Acadèmi d'Ais, de Prouvènço.

— Saludan de cor la vengudo d'un gent felibrihoun, Anfos Gilbert Leoun Charrasse, que vèn d'espeli lou 4 de febrié. Nòsti coumplimen au paire crespina em' à l'urouso maire, e un poutoun pèr lou nistoun.

— A l'oucasoun dóu jour de l'an, lou majourau En Jósè Huot, architèite-capo de la vilo de Marsiho, es esta nouma óuficié d'acadèmi. Nòsti felicitacioun couralo.

— Dins la salo di despacho dóu journal : *Le Petit Marseillais*, à Marsiho, l'on vesié, aquesti jour, uno espausicioun de quauquis obro de Clavel, pintre qu'èro d'Avignoun. Un d'aquéli tablèu, representant uno jardiner vendènt sis ourtalaio, porto aquesti vers de J. Roumaine, escrinela dins soun cadre ;

Ah ! qu'es galanto, Madeloun !
Quand au mercat vènd si meloun
E si pessegue e li rasin de nòsti souco,
Vous fai veni l'aigo a la bouco !

— Au grand « Restaurant de Marseille », lou 3 de janvié, ligaloï *Bau-Bau* s'eron acampa, pèr faire festo à soun president d'ounour, M. Frederi Monier, que venié d'estre elegi senatour di Bouco-dóu-Rose.

Li sòci avien téuti tengu à respondre au rampèu, pèr moustra sa simpatiò au nouvèu senatour. S'es brinda e canta coume se dèu, e lou cant di *Bau-Bau*, que noste regreta majourau Anfos Miquèu avié coumpausa, a rounfla superbamen.

— Lou 7 de janvié, lou cours dòu proufessour L. Constans, à-z-Ais, a courregu sus li libre prouvençau nouvelamen pareigu : *Cigas e Cigalo*, de Bourrelly, e *Bagatôuni*, de Valèri Bernard.

— Lou majourau depusa En Maurise Faure, en compagno de M. Beauquier, deputa, vèn de constiuï un groupo au Palais-Bourboun, que s'ocupara escassamen dis idéo de descentralisacioun e di mejan à prene pèr li faire trachi.

— Aquest ivèr, l'ourfeoun d'Istre, qu'avié mounta la pastouralo dòu felibre A. Perret, d'Eiguero, l'a jogado e a fa flòri dins Istre e dins sis alentour.

— Lou 29 de Xbre, noste ardènt presicaire Leoun Spariat a douna, dins la glèiso de Pourriero, lou panegiri en prouvençau dòu grand Sant-Trefume, aposto de Prouvènço, premié evesque d'Arle e soun patroùn, coume es aquéu de Pourriero. Em' acò, vès-aqui mai la bandiero felibrenco plantado au pèd dòu mount de Sto Ventùri.

— Au grand semenari de Frejus, souto l'afat dòu felibre Spariat, lis abat e abatoun se boulègon. Se soun atrouva e, enfiouca de l'amour de la lengo dòu terraire, se soun constiuï en Escolo, souto lou noum de *Santo Madaleno*. Es l'abat L. Spariat que n'es lou cabiscòu d'ounour : i'èro degu.

Lou Var se dereviho tourna-mai e pèr de bon !

— Au Cafè Voultàri, à Paris, i'a 'gu uno festo resplendènto en ou-nour de *Vido d'enfant*, de Batisto Bonnet. Sextius Michel, Paul Arene e Maurise Faure, nòsti tres majourau parisén, an enaura l'escrivan de Bello-Gardo coume i'èro degu, pèr soun obro magnifico ; moudèste, Bonnet a remanda à si tradutour la meiouro part dis ounour que fasién à soun libre.

— Lou felibre deputa Maurise Faure, a fa vouta à la Chambro, lou 15 de febrié, uno soumo de 30 000 fr., pèr la restauracioun dòu teatre d'Aurenjo.

— La vilo de Greasco, pèr lou voto de soun Counsèu Municipau e souto l'afat de soun maire, M. J. Moustier, vèn de decida que se leissarié à perpetuita lou cors dòu felibre Fèlis Lescure au rode ounte repauso.

— Lou Counsèu Municipau de Greasco avié pres uno deliberacioun pèr atribuï à-n-uno di carriero d'aquele vilo, lou noum de soun pouèto Fèlis Lescure. Aquele deliberacioun vèn d'estre aprouvado pèr lou président de la Republico.

L'inauguracioun dóu mounumen en ounour dóu felibre carbounié, que la souscripcióun poujo à 541 fr. 80, se fara aqueste printèms.

— Lou 20 de febrié, s'es acampado la coumession de descentralisacioun noumado pèr la Chambro di Deputa, souto la presidènci de M. Ribot, president dóu Cònsèu di Ministre.

En Maurise Faure emai M. A. Humbert an sobre-tout reclama la descentralisacioun poulítico que, à soun vejaire, n'en dèu veni la reformo amenistrativo, e an demanda la constitucioun de coumession espacialo, cargado de prepausa li mesuro descentralisairo en çò que pretoco : 1º lou despartamen, 2º la comuna, 3º l'arroundissamen o lou cantoun.

— Lou felibre majorau En Anfoš Tavan, qu'a passa trento an au service de la Coumpagnié dóu Camin ferra P.-L.-M., vèn de reçaupre uno médaio d'ounour dóu ministre dóu Commerce. Bravò !

A prepaus de nostre brave ami Tavan, diren que vèn de retouca sa coumèdi *Li Masc*, e que li jouvènt de Castèu-Nòu vènon de la jouga dóu tèms dóu Carnavas.

— Souto l'afiat dóu Cònsèu generau di Bouco-dóu-Rose e dóu Cònsèu Municipau de Marsiho, un Coumitat s'es constiuï pèr alesti la celebracioun dóu tresen centenàri de l'establimen de l'empremarié, à Marsiho.

laura, sus d'aquelo estiganço, de gràndi festo à Marsiho, dins li mes d'avoust e de setèmbre venènt, emai uno espausicioun e de concours de touto menu, e sobre-tout de targo literari en francés e en prouvençau, que lou prougramo sara publica au premié jour.

— Lou dimars 5 de febrié, à la comuna de Castèu-Nòu-dóu-Papo, s'es fa lou mariage dóu baile de *l'Ajoli*, lou felibre comte de Baroncèlli-Javon, emé Millo Enrieto Constantin.

Uno trupo de chatouno a semoundu de flour i nòvi e i'an canta uno roumanso compausado pèr lou felibre di *Poutoun*, Ansèume Matthieu que, s'estènt rout la cambo sus lou glas, noun a pouscu èstre de la festo.

Lou dijòu 7, es à la glèiso de Castèu-Nòu-dóu-Papo, que lou mariage religious s'es celebra. La musico de l'Unioun couralo a saluda li bieu nòvi à soun intrado dins la glèiso, e pièi lou Pai Savié, en flamo lengo de Prouvènço, lis a benastruga, e peréu en prouvençau a fa la benedicioun dóu mariage.

Un cantico de Don Savié clavè la festo, se cantè pièi un moussèu de *Miròio*, *Prouyençau e Catouli*, de Frizet; em' acò, après la ceremou-

niè, li nòvi e tòuti li counvida partiguèron pèr Avignoun. l'a agu un grand festin au palais dóu Roure, ounte lou Capoulié a canta aquesto :

Vuei maridan l'ami Foleò,
 Lou brave baile qu'es acò !
 Aro, quand nous sara *l'Aïoli*,
 Lileto ié vuejara l'òli.

 Fasès, o Santo de la mar,
 Qu'à l'oumbro dóu vièi Jacoumar,
 Viscon en terro coumtadino
 Lou nòvi emé sa perlo fino.

 Que, sus soun chivau sarrasin,
 Bequeton lou même rasin ;
 En amourouso cavaucado
 Anon vous vèire chasco annado !

 E pièi nous canton de cansoun
 Entre-mesclado de poutoun :
 Cansoun, poutoun, n'agon si bouco
 Autant que si vigno an de souco !

 O bèlli sànti, digas-ié :
 « Sarié la piro di foulié
 D'óublida li piano salino
 E si brau e sa cavalino ;

 Alin, i'a lou verai tresor,
 Lou recaliéu de l'estrambord...
 E nostro usanouso Prouvènço
 Comto subre vosto valènço.

 Di fiò de joio qu'abraren,
 Lou jour ounte counquistaren
 Li liberta de la Prouvinço,
 Tenès lou peirard e la cinso. »

 O santo, se fasès acò
 Pèr Na Lileto e pèr Foleò,
 Anarai en pelerinage
 Dins vosto glèiso di mirage.

Sànti Mario de la Mar,
Iéu pausarai sus voste autar,
Que la vago porto e bacello,
Un clar bouquet de saladello.

D'enterin, Jùli Cassini, E. Bouvet e P. Dibon vènon, au noum di felibre de l'Escolo dóu Flourege, óufri un album de vers à l'ounour di nòvi.

— Lou 9 de febrié, à Cano, dins la glèiso de Nosto-Damo dóu Bon Vouiage, s'es celebra lou mariage de M. Bertrand, secretàri de l'Escolo lerinencu, emé Millo H. Genda.

A la dinado, que s'es tengudo à l'Hôtel internaciounau, au noum de l'Escolo de Lerin e di jouine, lou mantenèire cabiscòu Maurise Raimbault i'a semoundu aquest bouquet, flouri e prefuma :

Moun vièi cambarado, es de tout moun cor
Que, tant en moun noum qu'au noum di counfraire,
A tu 'm' à ta femo eici vène traire
De vot de bèn-èstre un courau desbord.

Avès plan-planet segui vosto draio
E sias arriba 'trouba lou bonur,
Crespina que sias! N'i'a qu'aurien, segur,
Pulèu atrouva 'no aguio en la paio.

Dounc qu'en voste ounour un flame hosannah
Mau-grat li jalous, dins lis aire vibré;
Mai óublidés pas qu'un pichot felibre
Avans mens d'un an nous devès douna.

Que Santo-Estello, sus li pas di bèu nòvi, semene tóuti li flour de sis orto encantarello.

VANEGACIOUN

— Lou brave mantenèire Jóusè Chevalier rèsto, aro, is Alèio de Meilhan, 60, à Marsiho, ounte vèn de durbi un flame magasin de quincairié emé tóuti lis article que l'on se pòu imagina, e tout d'acò bèu. Zou ! felibre, courrès-ié !

LENGADÒ

— Li vacacioun pèr la vèndo di libre de la bibliouteco de M. J. B. Noulet, an acoumença lou 17 de Xbre 1894 e an dura bèn quauquì jour, proudusènt forço argènt tin-tin.

— Vai parèisse lèu-lèu : *En terra galesa*, conte poupoplari de Lengadò, pèr « lou Maselié », em' uno prefaci e uno traducioun franceso de Pau Chassary. Aquéu libre, que sara un bèu voulume en pichot in-8, sara estampa que pèr li souscrivèire, e tóuti lis eisemplàri saran numerouta ; lou pres dóu voulume sara, en papié de lüssi, de 3 fr. 50, en papié d' Oulando, 10 fr., en papié de Chino, 15 fr. Pèr souscriéure, i'a que de s'adreissa à M. Pau Chassary, proufessour, 4, carriero dóu Faubourg-Boutonnet, à Mount-Pelié, o à M. Jan Fournel, secretàri de la Mantenènço de Lengadò, 15, carriero dóu Chivau-Vert, à Mount-Pelié.

— L'escultaire T. Barrau vèn de moudela amirablamen lou buste dóu majourau En Achilo Mir, de Carcassouno.

— Lou Coumitat coustituï à Clermount-l'Eraud, pèr enaura la memòri dóu pouèto lengadoucian Peyrottes, que n'avèn parla dins noste darrié numerò, alestis uno edicioun poupoplari dis obro dóu pouèto terraié, e de festo soun prejitado pèr l'inaguracioun d'un buste d'aqueu precursor di Felibre.

Lou grand mèstre En Frederi Mistral a bèn vougu aceta la présidènci dóu Coumitat d'ounour.

Sian urous de faire rampèu pèr lou Coumitat e pèr sa toco.

Aquéu Coumitat es dins l'idèio de publica lis obro dóu pouèto de Clarmount, en uno edicioun poupoplari à bon mercat. Auren grand gau de durbi la souscripció dins noste bulletin, en tre que lou Coumitat aura regla tout acò bèu.

Sian assegura que n'iaura forço que i'agradara d'ajuda à-n-enaura la memòri d'un enfant dóu pople, que sis obro pouëtico an jita un rebat superbe sus nosto lengo miejornalo.

E vès-eici la letro que lou sendi de Prouvènço escrieu à M. Rödier, secretàri generau dóu Coumitat Peyrottes :

MOUSSU E GAI COUNFRAIRE,

Ai reçaupu, pèr l'entremesso d'En Jan Monné, felibre majourau e secretàri de la Mantenènço de Prouvènço, la letro que m'a-vès mandado au noum dóu Coumitat Peyrottes.

Vous gramacie, Moussu, d'avé pensa à nautre e vous n'en siéu bèn recouneissènt, pèr ieu e pèr la Mantenènço de Prouvènço.

En responso à vosto letro, ai l'ounour e lou plasé de vous faire assaupre que poudès coumpta sus nautre, e, coume sarié trop longo la listo de nòsti sòci, poudès faire ligura dins voste Coumitat li noum dóu secretàri e dóu sendi de la Mantenènço, que soun : *En Marius Girard*, felibre majourau, cabiscòu dóu Flourege d'Avignoun, sendi de la Mantenènço de Prouvènço ;

En Jan Monné, felibre majourau, secretàri de la subre-dicho Mantenènço.

Vous prègue, Moussu lou secretàri generau, de bèn voulé recaupre, emé nòsti gramaci courau, l'asseguranço de nòsti sentimen egregi.

Lou sendi de Prouvènço : M. GIRARD.

— Li Jo Flourau de l'Escolo Moundino se tendran à Toulouso, lou 23 de mai venènt.

Laura de flour d'or, de vermèi e d'argènt, de medaio e d'óujet d'art pèr li gagnaire de la targo.

Vès-eici lou prougramo dóu councours :

I. — *Pouësio lengadouciano* en dialèite de Toulouso e di païs de sa vesinanço ;

1^o Sujèt legendàri o istourique ; 2^o Pouësio de genre ; 3^o Sounet ; 4^o Teatre ; 5^o Conte pouplàri, sujèt libre.

II. — *Proso lengadouciano* en parla de Toulouso e di païs de sa vesinanço :

1. Sujèt legendàri o istourique ; 2. Estudi sus d'un escrivan de Lengadò ; 3. Conte pouplàri ; 4. Teatre (sujèt libre).

III. — *Pouësio diverso* dins tòuti lis àutri dialèite dóu Miejour.

IV. — *Proso* dins tòuti lis àutri dialèite dóu Miejour.

V. — *Picbot Jo Flourau* pèr lis escoulan dis Escolo de Lengadò, de Gascougn, de Rouergue, dóu Quercy e dóu païs de Fouis.

Coundicioun : lis obro mandado au councours auràn d'estre inedito. Faudra que li courrière n'en mandon tres eisemplàri, souto ple cacheta, au secretàri de l'Escolo Moundino, carriero Lakanal, 7, à Toulouso.

Aquélis eisemplàri pourtaran ni lou noum ni la demoro de l'autour, mai escassamen uno deviso repetido sus l'envelopo cachetado, tenent lou noum e la demoro dóu councurrènt.

Lis obro dèvon èstre espedito avans lou 15 d'abriéu.

Li manuscrit noun saran rendu.

— Dins sa sesiho dóu divèndre 15 de febrié 1895, l'Acadèmi de Clemènço-Isauro a nouma *mèstre en Jo Flourau* lou felibre majourau En Gastoun Jourdanne, de Carcassouno.

Noste counfraire, qu'a douna de noumbròusis obro istourico e littèrari, que l'an enaura au rèng dis autour li mai distingui dóu Carcassés, avié davera lou rampau i jo de la subre-dicho Acadèmi, pèr soun eloge flamejant dóu pouèto Goudouli. Nòsti couràli felicitacioun.

— Lou 10 de Xbre 1894, à Toulouso, souto l'afflat de la Soucieta de Geougrafia e dins lou grand anfiteatre de la Faculta di Letro, lou majourau Jourdanne a fa 'no counferènci sus la ciéuta de Carcassouno, emé proujeicioun luminouso. La bello acampado de gent dóu mounde, de letru e de savènt, a pica di man e aplaudi mai-que-mai noste valènt majourau, ço que noun estounara li Felibre qu'avien ausi En Gastoun Jourdanne à la Santo-Estello de Carcassouno.

— Lou dissate 2 de febrié s'es tengudo, encò de Bernard, à Carcassouno, la felibrejado d'ivèr de l'Escolo Audenco. Lou cabiscòu Pau Gourdou, que sis obro retènon à-n-Alzouno e que noun pòu èstre emé lis „Audenc” autant que lou voudrié, a douna sa demessiou de cabiscòu e n'es esta ramplaça pèr lou mantenière Enri Salieres. S'es douna à Pau Gourdou lou titre de cabiscòu ounouràri ; pièi, M. Bayard, felibre auden, es esta chausi pèr souto-cabiscòu, e lou Burèu s'es coustituï dóu biais que seguis :

Cabiscòu d'ounour, lou majourau En Achilo Mir ; cabiscòu ounouràri, Pau Gourdou, mestre en Gai-Sabé ; cabiscòu, Enri Salieres ; souto-cabiscòu, Adam Peyrusse e Bayard ; secretàri-tresourié, lou majourau G. Jourdanne ; secretàri-soubren, Prax.

La felibrejado es èstado mai que superbo e flamejanto ; lou rire e li kansoun noun se soun amaisa que sus li dos ouro dóu matin, e la blanqueto de Limoux i'a fa prouado. Càspì ! coume n'en aurié pouscu èstre autramen, emé de taulejaire de la meno de Salieres, Bayard, Soulié de Bru, Jourdanne, Prax, Marius Guirand, Miquèu Sabatier, A. Rouquet, Gayraud, Deloupy, Cabrié, A. Sarlaut, etc.

— Se saup que l'Escolo Audenco tèn dos acampado annalo : uno d'ivèr e l'autro d'estiu. Lou venènt asèmpre d'estiu se tendra au caslet de Poulhariez, encò de Jourdanne, e se ié celebrara l'anniversari

cinquen de la foundacioun de l'Escolo e lou desèn anniversari de la *Revue Méridionale*.

— Au Salouï carcassounés, s'es torço arremarca lou buste d'Achilo Mir, de l'escultour Barrau. Aquelo obro de marco a óutengu lou plus grand sucès.

— Lou ministre di Bèus-Art a decida d'aumenta de 20 000 fr. la soumo marcado dins lou bujet d'aquest an, pèr la restauracioun de la ciéuta de Carcassouno.

— Lou felibre J. B. Rouquet, de Cahors, vèn d'óuteni, de la Societa dis Estudi dóu Lot, uno medaio d'argent e uno autre de brounze, pèr lou *Cant de l'Espaso*, pouèmo patrioutique, e la *Croso de la Fado*, rouman en proso dedica à Frederi Mistral.

A l'espausicioun di Bèus-Art de Cahors, lou felibre Rouquet a dava una medaio d'or (pres unen), pèr un grand medaioun ourna de decouracioun heraldico.

Brave, Rouquet ! En avans de-longo !

— Lou felibre musicaire Francés Jouveau, de Caumont, que rèsto à Ceto, vèn d'estre nouma óuficié d'acadèmi. Nòsti felicitacioun.

— L'Acadèmi dóu Gard, que soun seti es à Nimes, vèn de durbi si porto à-n-Anfos Daudet, emai à Batisto Bonnet, pèr si *Mémori d'un Gnarro*. Brave !

CATALOUGNO

— Lou Counsistòri di Jo Flourau de Barcilonoun vèn de traire soun *Cartell* pèr si Jo de 1895.

Sara lou 5 de mai que se fara la festo ; soun esta counvida à prene part à la targo tóuti lis escrivan, de quete que fugue di parla dóu miejour de la Franço.

AUVERGNO

— Lou 7 de janvié, a pareigu *Lo Cobreto* (la carlamusò), que tiro à 7000 dóu premié cop, journau mesadié de l'*Escolo Oubergnato* e del naut Miejour, que veira lus un cop lou mes, e que ié souvetan la bèn-vengudo de tout cor. Longo-mai *Lo Cobreto* vibre !

E d'abord que n'en sian à « lo cobreto », l'estrumen naciounau d'Auvergno, douñaren eici, en parla d'*Ourlbat*, lou comte-rendu de « lo prumièiro acompado de l'Escolo Oubergnato », que s'es tengudo en Auriha, lou 15 de nouvembre passa.

Escutas-lou, tau que nous lou conto *Lo Cobreto* :

Oquèro lou 15 de noubembre passat. Sian trento-cinq ossitats sus de giontés souturs dins lo meisou coumuno d'Ourlhat. M. Fesq, un mèro qu'aimo les Felibres e lou poïs, nous respouonde, nous obio dit : Bous cau be to plo lo salo dei moridatchis, li o pas res de trot brabe per del moundo coumo bautres. Dounç sion dins oquel o pourido salo, countents coume dei nobis, e botolhairés coumo de lois 'ogaços.

Cau bous dire que les jiournaus d'Ourlhat e del deportoment, omai quauques-uns de Paris, abiòu onounçado la fèsto. E, tout que li son, un grond morce o tout oquetchis jiournaus, to pla obisats e que to plo tenou nostre portit.

Per n'en tourna oi felibres de la coumuno, n'èro benguts d'un bouci pertout. Les bous noummaren pas, pertau que nous cau meinotchia lo plaço dins oquel jiournau ; mes trouborés pus long lo courdelado touto entièiro, e d'oquetchis que benguérón e d'oquetchis qu'omme prou d'ebetchio, pecaire, pouguérou pas quitta l'oustau. Un pougnodot s'escuserou coumo lou brabe Moussu Serriey, precetur d'Sent-Bounet-de-Solers, que nous embouyct oquessto despatchio : « Escusas-me, Bibo l'Escolo ! Iflas rete lo cobreto ! » D'oquel noumbre seguèrou MM. lou couomte de la Salle, Baduel, nouràri d'Mountsaubi ; Rigal, chef de burèu ò lo prefeturo, Terrisse e Caranove, estituturs, Ourlhat.

Oquo souguet M. Chibret, que s'onèt sièiré dins lou soutur de la presidenço. Paure mounde, nous foguèt un discours en potai giontounel, escorbilhodot que, sons couyouna, tout lou mounde n'en bodabo d'aise. Bous dison pas se cadun tustèt de loi mos. Ni duguèt quittomen que tustèrou des pès. Ouriai cregut èstre à Toroscoun, quand lou Counsel Municipau se foutho à crida : « Fen de brut », coumo dis oquel couquinas de Daudet, enquéro un felibre.

Oprèss oquo souguèt M. Vermenouze que prenguèt lo paraulo. Counessés l'omé : n'o pas fret ois uéls. Monquet pas de se bréndi à soun ourdinàri. Diguèt otau que lou Felibrige zo bouljo tout rebiscoula en Oubergno : lengo, trodicious, coustumos e coustumes. Mès, noum d'un sort, çò perséguét, n'obon pas cat d'idèio de separa e de dibisa lo Franço. E pèr que fairé, Jiesus Nostre-

Signe ! Oti tout lou mounet tournet crida dei « bravos » que n'acobabou pas. Mai oploudiguero ferme, toutes que li se troubèrou.

O soun tour, M. Felicien Court, que dins lou tems souguèt secretari de l'Escolo Moundino, à Toulouso, diguèt quauques mots de l'obro qu'onosion entre-prene e léjiguèt lei lettratos e despatchios orribados des quatre bents ò-n-oquel prepau.

Despatchio de la reino de Felibrigie :

« St-Roumié de Prouvènço, 15 de 9bre, 1894, 3 h. 35'.

« La rèino dóu Felibrige vous gramacio e gramacio tambèn tòuti li sòci de vosto Escolo, e mando à tout l'acamp l'espres-sioune de si sentimen courau. En avans toujours !

MARIO GIRARD.

A Felician Court, Escolo auvergnato, Auriha.

Benguèt oprèss uno letro de Mistral que saludo lo neissènço de l'Escolo oubergnato.

Lettro de Fèlis Gras, copoulié del Felibrigie :

Avignoun, 7 de juliet, 1894.

« Vejaqui dounc que nosto bello e santo estello clarejo de tòuti si sèt rai sus lou pais d'Auvergno.

« As bèn fa de pourta lou gran felibren sus aquelo terro novo qu'abarís d'ome qu'an souto sa pèu rusó un sang bouient e dins si mesoulo uno sabo vierjo.

« L'Auvergno es bessai la prouvinço qu'a lou miés garda l'in-dépendénci de sis us e la bello asprour de sa raço. Elo a siéu ardit que van conquissta lou gouvèr, mai degun es proun fort pèr veni, siegue de l'uba, siegue dóu Miejour, ié gara'no brigo de sa fierta.

« Mande, em' estrambord, moun adesioun capouliero à vosto Escolo, segur que l'aproubacioun mantenencialo vous defautara pas. E, l'an que vèn, ausiren mounta dóu pais d'Auvergno, di brançage de si grand bos, di pitre pelous de sis ome, di roco espetaclouso de si mount, di milo barjo de si voulcan, lou crid que recounforto lis amo qu'an la religioun dóu Bèu.

« Vivo lou Felibrige !

« Vous embrasse tòuti.

FÈLIS GRAS. »

Li *jouine* de Paris avien peréu manda sa despacho, que veici :

« L'Escolo parisenco dòu Felibrige, mando i Felibre auvergnat què luchon pèr lou sòu dè la raço, pèr li ciéuta e lou terraire arvernenc, si souvèt de vitòri e la brassado freirenalo.

AMOURETTI, cabiscòu.

Vès-ici la letro de l'Escolo limousino :

Fraires vesins,

« L'Escolo limousino aurié vougu veni óusfi la maneto à sa sorre bessouno, l'Escolo Oubergnato, pèr i'ajuda a fa soun premié pas.

« Mai, si mantendière soun tóuti amalauti o retengu pèr lis asaire.

« Amai vèngon pas, mandon is escoulan d'*Oubergno* un salut courau e si vot arderous de vitòri.

« Quouro piéutaran tourna-mai la cardelino, lou roussignòu, li cantaire de pèr aici partiran plan-planet, pèr ana saluda lis arderous e li valènt d'eilalin e felibreja ensèn.

« E longo-mai bouse la cobreto d'*Ourlhat* e canton si musicaire e sis ami.

Pèr l'Escolo Limousino :

SERNIN SANTY.

Vès-ici la despacho de M. Lintilhac, de Paris :

« Sèi de tèsto e de cur omme les comorados de l'Escolo Oubergnato. »

Quand óugueron opploudit tout nostre pete, M. Chibret, president, diguèt qu'èro questiou ogaro de noumma lou Burèu de la nouhèlo Escolo. O-n-oquel moument, M. Obel se lebèt per declora, coumo Beranger, que per guel boulion pas res èstre. S'obio coundentit ò faire portido del Coumitat d'ourgonisociou oqu'èro soulomen per rondre serbice à lo Causo, per poussa lou corretou, tant que se mountabo lo costo. Aro que sion sus l'óussado poudition comina soulets. Coquelai coumo lou pousseron un boucinèl, — noun pas lou courretou, mès M. Obel — pouguèt pas refusa d'èstre secretari ò coundicioù que forio pas gairé de trobal.

Souguèrou noummats :

Copiscòu — coumo diriai president — de l'Escolo : M. Vermenouze ; copiscòus d'ounour, Mounsignour Géraud, ò Bucharest ;

MM. des Essarts, doyen de lo Facultat de loi Lettros, ò Clermont ; E. Lintilhac, proufessour-douctur, ò Poris ; L. Farges, ortchibisto ol Ministèri de lois Offaires estrongièiros, otobè ò Paris ;

Jious-copiscòus : MM. Fesq, medeci, mèro d'Ourlhac, e F. Court, jiournolisto ;

Secretàris, MM. l'obat Courchinoux et Abel, toutes douz jiournolistos ;

Clobaire, — autromen dit tresourié — M. Delteil, noutari.

Oti dessus, M. Vermenouze, lou noubèl copiscòu, se lebèt per remercia de l'ounour que li fosiòu. Oprèssò diguèt uno crano pou-èslo, *Les Suls e les Puets e*, coumo plo pensai, souguèt oplöudit un couot de mai.

Debon de tira bo lo pouorto, cadun domondet uno bèlo fèsto per cèlebra, ol ras d'uno bouno taulo e lou beire à lo mo, la soun-dociou d'oquelo brabo Escolo Oubergnato. Oquoï M. Chibret, que s'es corgat de nous faire fa lo cusino. Entendès-be ? Se boulès tosta licouon de rausi, monquossias pas d'embouya bostro carto. Noum de noum d'un gal ! cossi bo nous fairé corra oquel diaple de M. Chibret ! Sens coumpla que li ouro „ del champagne ” boui : oquel que dis un mot de frances, n'en paguo uno boutilho.

Oti z'obès tout : lou repas, lo cobretto è l'Escolo. Ordit ! les Oubergnats d'Oubergno ! Cau qu'en nous entendre cobreta, trenqua e festeji, tout lou Miejour se mettio à la fenèstro.

Les secretàris : F. COURCHINOUX, L. ABEL.

O, nous boutaren tóuti à la fenèstro pèr aplaudi l'Auvergno, qu'a tengu sa proumiero felibrejado lou 19 de janvié, e cridaren de tout cor : Vivo l'Auvergno !

LIMOUSIN

— Lou dimars 5 de febrié, li jòuini limousin de Brivo se soun acampa au Cafè dóu Globe e an fa fèsto i mantenèire de l'Escolo felibrenco, que cinquanto d'éli i'an douna soun adesioun.

M. Guionie, au noum de la coumessioun di jouine, a fa la bènvengudo i felibre Sernin Santy, souto-cabiscòu, Rupin, E. Breuil, Marcel Roche, Thiroun dóu Plessis, P. Verlhac e Louis de Nussac.

Em' acò pièi, MM. Refoubelet e Gerbert an esplica de quete biais si cambarado avien desirango de countribuï i pres-fa de l'Escolo, e de travaia à-n-alesti li felibrejado venèto.

Li got se soun turt, li cor se soun liga, e M. Refoubelet a brinda gentamen à la rèno di felibre limousin, Na Margarido Genès ; M. Guionie prepauso de manda l'oumage de l'amiracioun de touti à-n-En Jósè Roux, capoulié de la federacioun felibreno dòu Limousin, e de vouta de felicitacioun à l'Escolo de Ventadour, que li mantenèire en counsèu venien de n'aprouva la foundacioun. M. Courtejaire aubouro soun vèire à l'Escolo, i mantenèire, emai au soto-cabiscòu S. Santy, que respond pèr uno galant charradio, qu'a auboura un superbe entousiasme. E pièi, en de cansoun e de declamacioun en parla dòu terraire, se soun fa aplaudi MM. Guionie, Grellety, Courtejaire, Chaverlange, Clochard, etc. ; M. Thiroun du Plessis a canta uno roumance pouplari, *lou Roussinoulbet*, de Millo Genès, e *lou Pountounier*, de M. Bombal, es M. Bruno que l'a di ; la sesiho s'es clavado pèr la *Chansou de l'Englantina*, de l'abat J. Roux, que Lemovix a declamado superbamen.

— Lou dimenche 27 de janvié, respoundent au rampèu de MM. Champollion e l'Hermite, quauquis ome de la bono an tengu, à Tulo. un asèmpre, pèr coustituï uno Escolo felibreno, que s'es noumado : *Escolo felibreno de Ventadour*.

Li dignitari de la nouvello escolo sour : président d'ounour, En J. Roux, capo de la federacioun prouvincialo dis Escolo limousino ; cabiscòu, M. Champollion, proufessour au Licèu ; soto-cabiscòu, M. Beyraud, avoucat ; secretari, M. Fourgeaud, farmacian ; tresourié, M. Poumier, licencia en dre. Lis autri membre toundadou soun MM. Leymarie, secretari dòu Counsèu generau, L'Hermite, archivaire dòu despertamen, e Marque, repetitour au Licèu.

Ansin, acò fai tres Escolo soubrenco que s'establisson en terro limousino : l'*Escolo de Xaintrie*, à-n-Argentat ; l'*Escolo d'Eymoutiers*, e l'*Escolo de Ventadour*, à Tulo. Quauquis autris Escolo se coustitu isson, e leu-leu tout lou Limousin sara enfelibri.

— Dins li viro d'Argentat, de Limoge, Tulo, Eymoutiers, Ussel, Saint-Yrieix, Bourganeuf, Rochechouart, Mareuil, Aubusson, de groupo se coustituissont pèr la foundacioun d'Escolo felibreno, que se ligon entre eli emai au Counsèu di mantenèire de l'Escolo limousino, pèr un pache de federacioun prouvincialo.

Coume l'avèn di plus aut, Argentat a adeja soun Escolo, que lou burèu es nouma coume seguis : cabiscòu, M. Meilhac, mège ; souto-cabiscòu, M. G. Soulié ; secretari, M. E. Bombal ; tresourié, L. Jousè de Bar, etc.

A Limoge, s'es foundado l'*Escolo de Giraud de Borneilb.*

Lou counseu di mantenèire limousin a carga soun souto-cabiscòu, Sernin Santy, de faire part d'aquéu boulegadis is autourita felibreno, e de ié demanda lou prount establimen de la *Mantenèço limousino*, coumprenènt lou Limousin, l'Auvergno e lou Perigord.

Au majourau en Jousè Roux s'es decerni lou titre de sendi prouvisori ; aquéu majourau a agrada l'ounour que i'ero fa e a chausi pèr soun secretari M. Louis de Nussac.

Clauren la dicho limousino pèr aquesti vers d'Ousèbi Bombal :

Anem, maire, agradatz-nous !
Que siam vostres esfants !
Boutatz dins nostra memoria,
Dels vielhs lou douz paroulis !
Per vostras reglas, regis,
Pertout, nous n'en farem gloria.
Lou chantarem, l'escrivrem ;
Lemouzis, lou gardarem !
Noun, noun, voulem pas que moria !

— E vès-aqui que nous aribo, just e just, l'*Annada lemouzina*, que Lemovix vèn d'espandi e de serti de man de mestre, emé *Lous uses*, senz e prouverbis ; *La causa, Chansou de l'Englantina*, d'En J. Roux ; la *Reina daus Felibres lemouzis à sous sujets*, de Na Margarido Genès ; *La malaudia de Cambalima*, de A. Marpilhat ; *lou Poutonier*, de E. Bombal ; *Lous partajus*, de Marcontiers, etc.

Pican di man pèr « L'annada lemouzina », e que longo-mai flouri-gue l'Englantina !

— La revisto *Lemouzi ramplaço*, despièi janvié, « l'Echo de la Corrèze », que se publicavo à Paris e qu'ero lou journau dóu « Bournat courrezian. »

MORTUORUM

— Lou 12 de febrié 1895, en villo d'Aubagno (Bouco-dou-Rose), es mort, dins si 79 an, lou felibre mantenèire Outàvi Monier, tant afouga pèr la Causo prouvençalo. Uno causo curiouso, es que sa fre-

mo, qu'èro dins si 73 an e que despièi long-tèms disié que l'agradarié de mouri ensèn emé soun ome, s'atrouvant malauto en même tèms qu'éu, es morto lou même jour e quauquis ouro soulamen après. Tout lou pople d'Aubagno a tengui à veni à sis óussèqui e lis a acoumpagna à sa darriero demoro. Santo Estello li repause dins sa lus.

— Lou 2 de desembre es morto, à Manosco, la bravo maire de la felibresso Lazarino de Manosco.

— A Manosco, peréu, vèn de mouri à la coumençanco de febrié, M. Francés Abriéu, lou fiéu regreta dóu pouèto Abriéu, que la Mantenènço de Prouvènço, en grand sesiho, i'avié pausa uno placo de mabre en soun ounour, lou 22 de 7bre 1892.

Plagnen li dòu d'aquéli dos famiho matrassado.

— Es mort en Aurenjo, aquesti darrié tèms, un presicaire prouvençau autant distingui que moudèste, lou brave paire Faïn, qu'avian couneigu dins nosto jouinesso e que n'avian garda uno remembranço esquito.

S'èro fa, 34 an de tèms, un renoum flame, dins lis alentour d'Aurenjo emai à Nosto-Damo, pèr si predicanço en lengo dóu terraire. E soun eloge funèbre, coume predicaire prouvençau, es' un de nòsti flame felibre que l'a prounóncia, Mounsen A. Grimaud, curat de Sorgo, que l'a bouta tout soun cor de presicaire e de felibre.

A PAREIGU :

Despièi lou mes de janvié, lou *Viro-Soulèu*, qu'es lou galant buletin di Felibre de Paris, parèis emé d'ilustracioun e tèn 8 pajos de tête emai uno cuberto artistico, tirado en coulour bistro. Se pòu dire que lou *Viro-Soulèu* a, de-souns, charja de pèu. I'a rèn d'estounant à-n-acò, l'estampage dóu journal estènt, aro, fisa à neste ami Lucian Duc, qu'es un felibre de la bono en même tèms qu'un empremière abile.

Mau-grat aquelo trasfournacioun, que lou rènd forçò mai interessant, lou journal costo toujour que *quarante sous* pèr an. Acò' s pèr rèn, e vertadieramen se pòu dire qu'aquéu *soulèu* se *viro...* vers tòuti li Felibre, en ié disènt : Croumpas-me ! Vès-eici lou soumàri di tres n° pareigu : *Balisto Bonnet*, retra e biografio pèr F. Hauser ; *Mistral à la Cigale*, *A propos de Calendal*, de H. Eymieu : *Preguiero d'amour*, de

Jan Bayol ; *Vèio de Nouvè*, de B. Bonnet ; *Aux artiates du Midi*, de J. B. Amy ; *Pèr Sextius Michel*, de Bonofé Debaïs. N° 2 : *Les grislettes du Midi*, de Troubat, *Caramentran*, de Roux-Servine, etc. N° 3 : *Ansèume Mathieu*, pèr J. de Gounfaroun ; d'article sus lou teatre d'Aurenjo, la viro-souleiado e l'estudi dis obro felibreno, pèr L. Duc.

- A Paris, dins *le Mois cigalier*, febrié 1895, lou bèu raconte de la fèsto que « la Cigalo » saguè à Mistral lou 3 de janvié.
- » Dins *Le Matin* dòu 22 de Xbre : *Une première à Rouen, Callendal.*
 - » Dins *le Cosmopolite* : *Au pays du soleil*, de Lucian Duc, relacioun de soun vouiage en Prouvènço.
 - » Dins *la Mandoline*, n° 22, *Nouvè*, de Bonnefoy Debaïs.
- A Brivo, dins *Lemouzi*, Xbre 1894, de vers de E. Bombal e la seguido de la gramatico limousino de J. Roux.
- A Barcilonou, dins la *Veu de Catalunya*, n° 4 à 7 : *la Jata blanca*, conte d'Ausèume Mathieu revira pèr Franar ; *Eloge de Pierre Goudelin*, pèr En Gastoun Jourdanne, article sus d'aquelo obro pèr Clàudi Omar y Barrera.
- A Bèu-Caire, dins *Le Concilizator*, n° de janvié e 3 febrié : *Misèri e carita*, de P. Bernard ; *Jan lou Bòfi*, de H. Bigot ; *Perqué*, de A. Berthier ; *la Bono annado*, de F. Imbert, etc.
- A Mount-Pelié, *Armanac Mount-Peliéirenc*, pèr 1895. Aquéu boustre d'Armanac sarié mai que flame, se noun èro uno tao que lou desfloro : i'a dos pajo que soun coume lou bastoun dòu galinié, sabès pas de mounte lis aganta. Es, diàussi ! proun dóumage ; ço que n'ei pamens di causo : n'i'a de soubro d'uno deco pèr enlaidi la caro la mai bello.
- » Dins *la France d'Oc* : *la Jeunesse d'Oc et le Fédéralisme*, de Raoul Charbonnel.
 - » Dins lou *Souc de Nadal*, lou retrra flame, que craiouno E. Marsal, de nostre grand mestre En Frederi Mistral.
- A Toulousou, dins *La Dépêche*, 8 de febrié : *Baptiste Bonnet*, pèr G. Clemenceau.
- » Dins la *Terro d'Oc* di quatre darrié mes de 1894 : *Filadelfò rèino*, flame sounet de Danton-Cazelles ; *Tres sounet*, de C. Ratier ; *L'ase e lou travaiadou*, de E. Bonis ; *Un curat sens parel*, de Boyer ; *Las drevassados*, de Jan Pitchou, e d'autre e d'autre.

A Toulouso, dins *Le Gril*, la seguido c'òu *Diciounàri moundi* de Jan Doujat ; estudi sus *Antòni Neric*, nascu à Sant-Gouan, ribo d'Audo, lou 4 de desèmbre 1745, e mort lou 8 de febrié 1824 ; *Letro alandado* de Carle Ratier à G. Visner, sus lou biais d'escriéure la lengo, en seguissènt la draio felibrenco ; *Les prenouns moundis*, seguido ; *A la Terro d'Oc*, de Jan Pitchou ; *Sul balouart*, de Paul le Long ; *Le loup e la mandra*, fablo de L. Bouié.

En Arle, dins lou *Forum républicain* dòu 18 de novèmbre : *L'armana prouvençau pèr 1895*, escourregudo de Firmin Maritan ; *Lou semenaire*, signa lou Felibre di Tavan ; dins lou nº dòu 6 de janvié 1895 : *Un escrivan pacan*, à prepaus dòu libre de Batisto Bonnet, pèr Serge Boirrelle.

A Marsiho, dins li *Petites Annales de Provence*, dòu nº 33 à 43 : la seguido dòu diciounàri de « Pathologie provençale », dòu mège Fèlis Bremond, emai li prouverbi prouvençau ; *Baptiste Bonnet*, estudi e retrai emé citacioun de soun libre, pèr Louis Sabarin ; « Usages et coutumes de la ville de Toulon », tros dòu *Libre rouge* que pourtavo li reglamen loucau dòu siècle quingen, douna pèr Outàvi Teissier ; *Les Noëls de Provence*, de A. Espanet ; *la Muso nuso*, de P. Cros ; *la Cour d'amour de Signes*, de V. Asquier ; *les Pastorales en Provence*, pèr S. d'Arvo ; *la Perlo*, sounet de Teodor Aubanèu ; *Lou curat de Ventabren*, de P. Cros.

- » Dins lou *San-Janen*, nº 35 : *la Canebiero*, de A. Maurel ; *Mai o miés*, pèr la Redacioun, etc. Aquéu journal anóuncio que vai faire pauseto quaque tems, pèr reprene, pièi, emé mai de voio e d'envanc. Ansin siegue.
- » Dins la *Croix de Marseille*, la seguido de la *Messo en rimo*, de J. B. Isnard, de Seloun, e li *Gat angora*, de Cascavèu.
- » Dins *L'indépendance du Midi* : « Escourregudo felibrenco » de Louis Astruc, ansin que *lou Relicàri* ; *Lou revenge !* odo enflamado dòu jouine Jousè d'Arbaud, qu'es lou fiu de la feli-bresso dòu Cauloun, que, i'a tèrms adeja, publiquè « Lis amورو de ribas », un voulume de vers esquist. Lou fiu poudié que trachi dins l'amour de la pichoto patrio e de sa lengo : *raço racejo !*
- » Dins lou *Bavard* dòu 8 de desèmbre, un article prouvençau, *Sanguino*, de Pascau Cros, sus lou libre que Batisto Bonnet

vèn de publica encò de Dentu, e que s'atovo à Marsiho en-cò d'Aubertin, carriero de Paradis.

» Dins lou *Petit provençal* dòu 2 de febrié, la superbo letro d'adesiou qu'En Frederi Mistral a mandado à la « Société d'Etnographie nationale et d'art populaire. »

En Avignoun, dins l'*Aïoli*: *La proso prouvençalo*, signa G. de M. ; *Calendal grand opéra*, pèr Andiòu ; *Un marrit pagaire*, pèr E. Jouveau ; *Bernassoun*, pastouralo en tres ate e en vers dòu Frai Teoufile, pèr Enri Bouvet ; *Avans toujour !* pèr Frederi Mistral ; li vers flame de Jùli Cassini e autre à Folcò de Baroncelli em' à sa nòvio, Enrieto Constantin ; *Anseume Matbièu*, de F. Mistral, etc., etc.

A Carcassouno, dins la *Revue Méridionale* de janvié : *Une adresse à Mistral, Acbille Mir*, pèr lou majourau Gastoun Jourdanne ; *Castagnos al rescaud*, d'En Achilo Mir.

En Auriha (Cantal) : *Lo Cobreto*, emé lou raconte de la proumiero acampado de l'Escolo Auvergnato, la cansoun de *Lo Cobreto*, de P. Géraud, etc.

En Alès, lou *Cascavel*, qu'es tout clafi de cascavelados.

A Fourcauquié, dins lou *Journal de Forcalquier* dòu 18 de nouvembre : *Atendèu de Fourcauquié e Escolo dis Aup*, sesiho dòu 11 de nouvembre 1894.

A Cano, dins *La cisampo*, d'article de Maurise Rimbault, F. Grabier, P. Devoluy, Enri Giraud. « La Cisampo », despièi lou numerò de janvié, a aumenta souin fourmat. Acò's marco que trachis, e que boufo longo-mai.

» Dins le *Littoral* dòu 7 de janvié : *Mistral*, pèr M. Rimbault.

A Brivo, dins *Lemouzi*, nº de janvié 1895 : *Pescabelier lou Noble*, cansoun satirico coumpausado vers 1792, *Lou darrier archiprestre d'A. Brivaçac*, pèr E. Bombal, e seguido de la gràmatico limousino de l'abat J. Roux.

A Vilo-Novo d'Agen, dins *Lou calel*: *l'Ensourcibairo*, bono escourre-gudo de J. Rigal sus l'ourtougrafo felibreenco, emé de fablo de Jan Castela e de tarabastiajo de galejado ; *Tristomen*, de Jan de la Luno ; *Longos e patouès*, pèr Garrigou ; *L'ase e sous mestres*, pèr Jan Castela, etc.

Lou Gerent : Jan Monné.

LOU FELIBRIGE

TOME IX

MANTENÈNÇO FELIBRENCO DE PROUVÈNÇO

LOU FELIBRIGE

BULETIN MESADIÉ

SOUTO LA DIREICIOUN D'EN JAN MONNÉ

9° ANNADO

1895



MARSIHO
AMENISTRACIOUN E REDACIOUN :
143, carriero Breteuil, 143

LOU FELIBRIGE

NOUVENCO ANNADO

CROUNICO

Vès-eici la letro cunvidarello que lou Capoulié dóu Felibrige vèn de manda en cade majourau, pèr lou counvida à l'acampado dóu Pont-dóu-Gard, ounte lou Counsistòri tendra sa sesiho annalo lou dimenche 28 d'abriéu :

Avignoun, lou 7 d'abriéu 1895.

MOUSSU LOU MAJOURAU E GAI COUNFRAIRE,

« Lou Counsistòri felibren tendra sesiho annalo lou dimenche, 28 d'abriéu 1895, au Pont-dóu-Gard, sus lou cop de miejour.

« Se ié reçaupra lou majourau En Gastoun Jourdanne, que fara l'elogie de soun predecessor bèn regreta, En Pau Gausseen. Lou majourau En Alèssi Mouzin benastrugara lou recipiendàri.

« Se ié noumara quatre majourau : un lengadoucian e tres prouvençau, en plaço di pàuri mort que nous an leissa : En A. L. Sardou, En Louis Roumiéux, En Jan Brunet e En Ansèume Mathiéu.

« Enfin, lou Counsistòri veira s'es lou cas e lou moumen d'au-boura la voues au regard di proujèt de descentralisacioun que noun podon èstre que favourable à la Causo felibrenco.

« En esperant de vous vèire à l'acampado e d'agué lou plesi de vous sarra la man, reçaupès, Moussu lou majourau e gai coun-fraire, nòsti saludacioun couralo. »

Lou Vice-Cancelié
JAN MONNÉ.

Lou Capoulié
FÈLIS GRAS.

En esperant de douna, dins lou numerò venent, lou comte rendu d'aquel sesiho, nous es en-de-bon, iuei, de pousqué semoundre à nòsti legèire l'elogie de Pau Gaussen, fa pèr Gastoun Jourdanne, e la bello responso d'En Alèssi Mouzin.

**COUMPLIMEN D'INTRADO AL COUNSISTORI FELIBRENC
pèr GASTOUN JOURDANNE**

Moussu LE CAPOULIÈ,
Moussus LES MAJOURALS,

Le troubaire ariscat e caressous dount m'abèts balhat la Cigalo morto, èro, bertadièromen, un feLEN dal Mietjour. N'aimabo las flours, le cèl, las fennos e la lengo. N'abio l'estrambord qu'asounde e la trufarié que fisso. Al bèspre de sa vido, le bejèren loungtems dins la biblioutèco de la bilo d'Alès ; abio fugit les ressautes e les bartasses de las batalhos de cada jour, pèr s'apausa dins aquelo retirado d'estudi, e n'esse le gardian. Mès aqui n'èro pas le beritable Pau Gaussen.

Le beritable Gaussen, esperdigalhat e souguinenc, le trapan dins aquel tems ount, pariu à-n-un pouli descabestrat, espingabo dins las ciutats miejournalos escarabilhados per las manifestacius terrenalos que fasion espeli las flours de las soubenenco. Le trapan en 1878 à Mount-Pelliè quand, dins le *Pan dòu Pecat*, jouguèt le persounage de *Veranet*, e tapla quand se faguèt le bisage dal bièl *Ginous* dins soun dramo : *La Camisardo*.

Le recouneissèn encaro en 1883, quand, per la fèsto de Victor Hugo, partisquèt per Paris, carrejant tres ou quatre bagouns claufits de ramos d'ouliù. Ja n'èro segur, l'arderous raiol, tout le mounde a p'rabal debio galaupa coumo las fedos a la sal per i croumpa sas ramos e las arboura en l'ounou dal grand pouëto. De certo, èro pas uno idèo coumuno de pensa gagna d'argent en bendant de ramos berdos. Pai-

mens, se s'endebenio p'raco ! E tout le loung dal cami, le brabe Gaus-sen, que se cresio 'n financiè de premiòro meno, fasio de castèls en l'aire.

Quand sioguèt à Paris, dabathèt de l'Oudeoun al jardin de las Plan-tos, dal boulebard St-Miquel al Louvre. Quno bilasso curiouso aquel Paris, s'apensabo. Que soun poulidetos e magnagos las Parisenetos !.. Mentrethan, doublidabo sas ramos à la garo, talomen qu'un bèl jour, l'amenistraciù del cami de fer i saguèt un proucès... En fi de counte, quauques amics i tirèroun dal pèl aquelo malo espino e remandèroun dins soun pais le financiè mancat.

E soun maridage emé Ludovino !... De certo n'èro debariat d'aquelo gento felibresso que sioguèt le miral de tous los bertuts familialos e mairalos. Qui pourio pensa qu'al moumen de la noço, Gaussen abio debrembat la bèlo fèsto que per el s'apreparabo ? Calguèt que la gen-to nobio, amié sa raubo blanco, anèsse tusta la porto de soun nobit, que dourmissio coumo 'n esclop, dal tems que touto la colho nou-bialo l'esperabo.

Ei boulgut tira dal debrembiè aquelos istourietos dal troubaire de la *Fiero de Chambourigaud*, per fa bëse qu'un èro soun caractèro, tout de primo-saut, tout entiè dins la pensado dal moumen, mai cigalo que fourmigo, espandit coumo 'no broundo que le faucil a pas jamai tou-cat. *

« Gaussen a pas pourtant sas caussos dins cap d'escolo », a dit Arnaviello, que sioguèt soun camarado e soun enseignaire felibrenc. Acò's bertat. Nascut en 1845 d'uno filhol pauro d'Alès, Gaussen sabio pas que çò qu'abio legit dins les libres que trapabo dins sa boutigo de reli-giaire.

Tabés on es estabousit de la finesso e dal biaich de sa toco pouë-tico. Escoutas aquel sounet à la Mar Latino :

Dins ti flot d'azur, bello mar latino,
Quand ma mio vèn bagna soun cors blanc,
Ti grand erso alor, perlo diamantino,
Ben douçamenet fan balin-balán.

Poutounes soun sen nus e tremoullant.
Enterin dins l'èr sa voues argentino
Trais un cant suau que vai s'envoullant
Ounte lou trelus sèmpre s'amatino.

O mar ! sabes pas coume aimi l'enfant
 Coume d'elo, enfin, tout moun cor a sam,
 E tout lou bounur que toun bais me raubo !

La drolo vòu plus que l'embrassamen
 Que fas à si flan ; à iéu soulamen
 Permes pas que toque un ple de sa raubo !...

Abèts toutits ausit soun *Estivenco* que cantabo dins las felibrejados :

En vounvounejant, vènon lis abèio
 Sus lis aubrespin, poutouna li flour
 Que l'auho drevèio.
 La pouンcho dóu mount bèn lèu s'ensoulèio,
 E vers Diéu s'enauro un cant plen d'amour.
 En vounvounejant vènon lis abèio
 Sus lis aubrespin, poutouna li flour.

Sagataire tèms, pos brandi ta daio,
 Sèns pieta de res pos faire meisoun :
 Sèmpre riéu cascaio,
 Sèmpre sus si bord la flour se miraio
 E lis amourous canton de cansoun !
 Sagataire tèms, pos brandi ta daio,
 Sèns pieta de res pos faire meisoun.

Abèn causit aquelo flour dins la garbejado ensoulelhado das *Mirages*, que Gausseen liabo pes camis, quand la colho declamairo de la *Camisardo*, paribo à la dal *Rouman coumique*, baralhabo d'Alès à Bessejos, d'Anduze à Sant-Jan-dal-Gard.

D'entre las flouretos das *Mirages*, n'i'a que soun emperlejados de rousal matiniè ; d'autros trelusissoun coumo 'n rai de soulel, d'aquel soulel que Gausseen pourtabo dins soun cor, emparadisat per l'amour de Ludovino. Es bertat que mai d'un cop, dins aquel tems, les amoureuses manjaboun de pa dur e bebion d'aigo claro, mès la junesso i risiò dins las poutounados, la bèlo junesso que tremudo 'n maset en palaich.

Mentretan, flours de junesso e flours de mirage passèroun lèu. La dalho de la mort seguèt la pus poulidò de toutos, e Ludovino partisquèt per l'eterno demourado que cap n'es pas jamai tournat. La ci-

galo raiolo repleguèt sas alos, e quand tournèt canta, en plaço das innes d'alegranso, en plaço das riu-chiu-chius embelinaires, s'ausiguèt un plouroun de dol e de mort...

Las *Petits bavardos* soun le crid d'uno amo maltrassado per la ferouno destinado. Pariu à l'ange dal punimen, armat de sa roujo fouissino, le troubaire, dins sas estrofes venjaïros, clamó las orros pensados, les desaïcis, les crimes qu'amago l'ipoucrisio de l'umano coumedio. Souletos, soun perdounados de bellos mortos :

Au cors linde, qu'uno boufado
Dóu vènt de mai fasié frissouna de desir.
A l'arderesso trop cremado,
Ai ! las ! se soun abandounado,
Coume un lis s'abandouno i poutoun dóu zefir.

Se le tems assano pas entièromen las blassaduros escousentos, las apasimo païmens ; es atal qu'al cap de quaucos annados, la cigalo raiolo tournèt brounzina as ressounas de la *Fiero de Sant-Bourtoumiéu*, e que nous faguèt bascala d'amé sous *Courdeliès* cimboulejaires.

Es, pla doumage, ba cal tourna dire, que l'engèni d'elei qu'abio Gausson, aje pas trapat, dès en premiè, un poudaire per derija soun abonde. Ço qu'auro pouscut fa nous es marcat per aquel dramo de la *Camisardo*, qu'en despit de quaucos ranquejadós de bersificaciú, es fustejat coumo 'no tragedio de l'antico literaturo classico. De certo, ero 'n ardit prex-fait dins aquel païs raiol, ount las cresenços de la reliju soun encaro toujour prestos à desbounda, de rebiscoula le minable tems ount le Rey de Franço lançabo sous dragouns camisoulats de fèr, pèr estripa quaques pageses cevenols. Mès, sense prene partit per digus, Gausson fasio bése que demest les Catoulics tapla que demest les Camisards, i'abio de bounos gens. Tabés, Camisards e Catoulics, toutis picaboun de las mas, aclamant le troubaire e les persounages qu'abio 'spelit.

Se, dins moun èime, la *Camisardo* es l'obro capoulièro de Gausson, es que la sentissi tutto coumoulo d'amour per la terro raiolo. Doublidats la boulegadisso das persounages, tous arrestats pas à l'iro e pei al repentimen de *Carèu*, al fier parla das Camisards, à l'amour pretoucant de *Siroënt*, al bourroul que se fa dins le cor de *Ziso*, la proufetesso, cercats l'ideo mestresso, la pensado ispirarello ; la traparets dins aquel crid de *Siroënt* :

... Libre enfin, aro pode alena !

Despièi tres mes que siéu dins li prisoun escuro,
 Aviéu pas senti l'èr que vèn de tis auturo,
 O païs cevendu ! Que siés bon, vènt di mount,
 Dóu baume de vigour emplisses mi poumoun !
 Coume lou jour es bèu ! que la naturo es gaio !
 Vole plus viéure, iéu, dessouto li sarraio ;
 Sus li serre, au belu, dins li bos esvarta,
 Vole viéure emé tu, divino liberta,
 Emé tu que li rai de l'espèro enmantello,
 E qu'as lou frount tant naut que toco lis estello !...

Aro l'abèn pla, aro l'entendèn la *Cigalo de la Patrio* que le Counsistòri felibrenc pausèt sul noble cor dal troubaire raiol ! E, de segur, es uno causo raro de bése coussi joub li rai de nostro Estello assoustarèlo, las aglos gigantalos que voulastroun per dessus las serros sublimos, tapla coumo les fenils que bresihoun dins las prados berdroussos, se sentissoun enlairats dins lou verbe talèu que cantoun la bièlho Terro d'Oc !

Ja l'aimabo, soun Alès, le troubaire de la *Camisardo* :

T'aime talo que siés, e iéu cante emb' amour
 L'armounlo das bos que soun à toun entour,
 E tas jouventos qu'an de gautos de griotos...

Te saludi, felen dal Gardoun e de la Rèino cevenolo. Agànti piou-somen ta cigalo, touto embriagado de libertat e d'amour dal terradou. A daissat toun Alès, toun Alès tant poulit, per ana nisa dins la ciutat de Dono Carcas, mès sourtits pas de l'Empèri dal soulel. La sabèn, e la cantan as camps Audencs, ta superbo cantadisso :

Sounjaire presouns, mounto sus li cimo
 E regardo avau entre li raioun.
 De toun Lengaddò li glòri sublimo
 Aro van passa ! Sounjaire trelimo !
 Au mouen qu'en pas l'obro s'apasimo,
 Pènso, e zóu, ta man prengue lou craioun !
 En picant de l'alo
 Dedins la cremour.
 Ausis li cigalo
 Que canton miejour.

Proche dóu rajòu entènd la jouvènço
 Qu'emé lis aucèu cascaio d'amour.
 E sa parladuro es la de Prouvènço ;
 Di chaple d'antan a pas souvenènço,
 Emé li felibre aro recoumènço,
 O doux Lengadd, de jour d'esplendour.
 En picant de l'alo
 Dedins la cremour,
 Sèmpre li cigalo
 Celèbron miejour !

En me balhant, Moussus e gais Counfriares, la cigalo de Gaussem,
 abèts pensat qu'e, proche das troubaires qu'an fait tressauta l'amo de
 las cent bilos de la Coumesso, pouriots acampa coumo ajudaires de
 bostre patrioutic prex-fait quaunis d'aquelis que s'arrestoun revaires
 en faço de las soubenêncos dal tems passat per i endebina çò que sara
 la draio dal tems que ba beni.

Es atal qu'ei bist dins las peiros ennegrados de nostres castèls, dins
 las cartos jaunidos de nostros anticos coutumos municipals, la be-
 luguejant cibilisaciù miejournalo dal siecle douxieme e la mescladisso
 de las raços, de Marselha à Dunkerque, d'Estrabourg à Baiouno. Es
 atal qu'ei bist raija jous le même drapèu le sang das Lengodoucians
 e das Bretouns.

Mès èi bist tapla que l'escaichado de l'Empèri rouman sioguèt l'en-
 causo das agroupomens qu'an fargat las nacius de nostre tems, e que
 l'espardimen de la pensado mouderno, anounçiairo de l'abeni e apa-
 simairo de las ahiranços traticidos, daissara 'nfin les felens saluda sous
 aujols dins la douço lengo que parlèroun al brès.

E, tourna-mai, nous cal redire çò que pensan, çò que boulèn, çò
 qu'auren per la forçò pacifico de nostre boun dreit e per l'embelinomen
 de la pouësio de nostres grands troubaires. Bejats le bièl mounde que
 s'esparrabisso à nostre entour, e que, de grat ou de forçò, caldra be
 cambia per quicon de nou. Dal tems que d'unis, estrementits, bran-
 disson las ferralhos roubilhados de la tirannio, dal tems que d'autres,
 fats estacadous, soun regretouses que l'umanitat aje pas qu'un soul
 cap per le coupa mai aisidomen, disen à tótutis :

Sian tout d'ami, sian tout de fraire,
 Noste cèu blu, neste terraire
 Soun pèr nous-autre un paradis.

RESPONSO D'ALÈSSI MOUZIN

Moussu e Bèn-Vengu Counfraire,

Es verai qu'en vous rousant majourau, lou Counsistòri a pensa de s'ajougne un di meiours evouaire dòu passat miejournau. E, s'endevinas, de-mai, li signe d'espandimen de la causo felibenco, m'avès pa-mens leissa l'agradivo toco d'esplica deque vòu dire vostro eleicioun e perqué la *Cigalo de la Patrio* passo vuei d'un troubaire pouplari à-n-un dòutour en lèi, un letru d'acadèmi.

Es-ti qu'uno fes desseparado de Gaussen, elo a pres soun vòu liuen dis àspri mountagno ounte cantè, coume éu, valènto, desboundanto, sus quauque chaîne creissu d'asard ? Dòumaci, ié manquè pas l'ensou-leiado, ni mai lis arderousi fernisoun.

Aro, un pau faroto, charrant de discours saberu, s'es pausado au bescaume d'un galant castèu clasí de libre, aperalin de-vers l'ufanoso ciéuta de Carcassouno. Es plus la Camisardo, es uno segnouresso moundino. E tambèn s'ensouleio proun, emé vous, brun coulègo, e tambèn trefoulis, enebriado.

Nous avès poulidamen counta de qùnti fouligado li dardai de noste cèu avien de-fes embarluga lou majourau qu'anás countunia sa rego. E quau de nàutri noun a fa quauco escourregudo au païs di farsantello ? Vous, peréu, emai siegués dòutour.

Davans que de vous retira, ermitan gaire vièi, dins li vigno de Pou-lhariez, — ounte, pér quauque coustat, semblas estre lou Pau-Louis Courier de l'Audio, — avès-ti pas semena de grano perdudo de-long di grand camin de la poulitico ? Fuguerias un moumen lou plus jouine e lou plus souguinen maire de Franço. Carcassouno, enfioucado de vosto elouquènci, bataiavo darrié voste rouge guierdoun umanitari. Mai l'óulivié de la fraternita soucialo, que n'en voulias descampiha li rampau de pér lou mounde, fuguè pér vous ço qu'èro esta l'óulivié de l'espèculacioun pér Gaussen. Se cultivo pas forçò aquel aubre sus li routo naciounalo ; aqui, dins un bel alignamen uniforme, prouspèro miés lou platanié reglementari.

Adounc, changerias lèu de terradou ; lèu, virant vers li draio literari, tout soulet, urous de fugi lou brut e la pousso, vous vaqui caminant libramen dins lou campèstre audenc, enjusqu'au bord de la mar bluio, la mar Narbouneso, « la mar istourico, d'ounte soun sourtido Afroudito, Eleno, Beatris, e qu'es estado — lou rapelas fieramen — la gran-

do iniciairis di pople. » E marcas li *Variacion d'ou Litourau narbounés*, dempièi l'antiqueta. Pièi, tout naturalamen, estudias li *Literatour narbounés de l'epoco roumano*, passas i *Literatour lengadoucian* e vous atrouvas en plen Felibridge, ço que vous porto bonur, car, d'ou premié cop, culissès i Jo Flourau la flour de Goudouli.

Tambèn avias fa mestriho, dins voste *Eloge* d'ou bèu troubaire moun-din ; touto l'istòri d'ou Miejour, quasimen mau-grat vous, l'avias es-cricho, en quauqui pajo sus si davancié, sus si felen. De verai que, pèr coumpli voste pres-fa, poudias gaire vous engarda de parla de Belaud, e de Jasmin, e de Mistral, e de nostre capoulié, e d'aquéli que, dempièi aièr, soun brounze fai l'ounour d'Avignoun, coume l'an fa sis obro. Se Goudouli vous a pretouca de plus proche, sari-èti pas que se targavo mai de sa courouno i Jo Flourau, que de soun titre d'avoucat au Parlamen, e que fugissié li passioun di parti pèr demoura fidèu à si libre ?

Vosto toco d'istourian miejournau, l'avès marcado e vous ié tenès, coume éu saguè de sa toco de troubaire. Sèmpre acupa di mounumen audenc — que siegon de pèiro o de pergamin — voulès plus rèn sau-pre en deforo.

Lou sabé mouderne es tant eisigènt, qu'uno regioun vous sèmbla proun grando en quau la vòu bèn counèisse.

L'Audo arsin vous apartèn.

Es pas à ieu de dire qu'erias nascu pèr aquelo obro. Lou mestre de tòuti nautre vous avié vist veni, i'a dès an, quouro ié manderias voste *Pamparigousto*, e lou decan ama di Felibre de voste endré, Mir, vous escrivié :

Dins acesto terralo bido,	Atal n'es de la poulitico.
I'a de rosos e de bouissous ;	Sabèts s'ensannéjo lou cor !...
Souben la flour la pus pouolido	Sièts enroullat dins lous félibres ;
S'amago d'émest lous pounchous	A l'abeni fasèts de libres
E lou que si frego si pico.	Car abèts uno plumo d'or.

E pariero es vosto paraulo. Que fuguèsse soulamen d'argènt coume aquelo de tòuti, se quaucun lou pretendié, me refusariéu de lou crèire : vous escoutère, l'autre an, i festo de Carcassouno. Tòuti aquéli que ié fuguèron emé nautre, auran garda, n'en siéu segur, l'estounamen de la vesioun d'un tiatre ounte de gènt de tutto meno, letru e pacan, founciounàri e mestierau, dono seriouso e jouvènto risouleto, picavon

di man, s'apassiounavon, pèr dequé ? Pèr uno counserènci arqueou-lougico. — Mai èro vous que la fasias. E, de fiéu en courduro, nous debanerias l'istòri de vosto ciéuta : soun noum, sa foundacioun ; lis iscripcions, li legèndo ; e dono Carcas, e Rougié-lou-Vièi, e Bernat Atoun, e Rougié de Trencavèu, e quand finiguerias pièi en jitant pèr voste crid patriouti li vers poulderous de *Toloça*, i'aguè de lagremo dins lis iue e de trefoulimen dins li cor.

D'aquelo ouro, vous saludieran majourau.

Se noun avès canta dius la lengo dóu pople audenc, avès après au pople audenc la grandour de sa terro nadalo, qu'avien óubliida de l'ensigna is escolo.

Quouro uno lengo s'es afiermando pèr si pouèto, vènon li saberu qu'afourtisson la bèuta dis obro e la verita di tradicioun. S'atrovo alor que lis enchaient, li despichous, plan-plan s'avison, se reviron e se-guisson li saberu.

L'avès arremarca, l'avès escri, miés que ieu. Dempièi trento an, lou vièi dialèite d'O a counquista lis esperit ; se n'es fa de beloio pèr en-lusi de libre franchimand ; de persounage aut plaça e de dono di mai requisto, se soun fa glòri d'estre felibre o felibresso. Ansin la parladuro pouplàri a gagna coume literaturo çò que perdié coume *patoues*.

Es de « bon toun » de la counèisse, encaro miés de l'escrivure emé goust. Se tirave d'eiçò l'espèr que lou pople, toujour alucant çò qu'es « de bon toun », ié revendra seguramen, i'aurié belèu quaucun aperaquí pèr pensa qu'es moun tour — sus lis eisèmple que sabès — de courre au païs di farsantello.

Sufis que pèr aro, lou Felibrige agrroupe freirenalamen, à coustat dis ome que fan la pouësio dóu Miejour, lis ome que n'en fan l'istòri.

E vaqui dequé vòu dire vosto eleciooun, e perqué la « Cigalo de la Patrio » passo, vuei, d'un troubaire pouplàri à-n-un dòtouir letru.





LI NOVO FELIBRENCO

PROUVÈNÇO

— Lou cancelié dóu Felibrige, en Pau Marieton, vai publica, au premié jour, lou premié voulume d'uno obro qu'aura pèr titoulet : *Histoire de la Renaissance fôlibréenne*, que tratara dóu mouvemen artistique e literari de la lengo e de la terro d'O, despièi li troubadou enjusqu'à *Mirèio*.

— Lou grand tragedian Mounet-Sully vèn d'estre nouma présidènt de la *Cigalo*.

— Se dis qu'au mes d'avoust venènt, en ounour dóu viage à Marsiho dóu Presidènt de la Republico, se farié au Castèu Boureli de festo prouvençalo superbo, emé li Jo dóu Rèi Reinié e li courso de la Tarsco.

— Lou dimenche 24 de mars, dins la glèiso de Sant-Laurèns, ounte lou Pai Savié de Fourviero countùnio si counferènci sus li *Patriarcho*, a parla de Mouïso e dóu passage de la Mar Roujo. Li chato an canta de cantico prouvençau, acoumpagnado pèr li jòuini e valènt tambourinaire, que mestrejo tant poulidamen mèste de Loumbardoun. Li galoubetaire an fa flòri. Longo-mai !

— Vèn de parèisse à Marsiho, encò d'Aubertin, carriero Paradis, poulidamen estampa pèr li fraire Aubanel, d'Avignoun, lou premié voulume de counferènci sus *Li Patriarcho*, pèr lou Pai Savié de Fourviero. Noun cresèn pousqué miés faire, que de tira de l'*Atòli* ço que dis Mistral d'aquelo obro magnifico e de lou pourgi à nòsti legèire :

Coume avié fa, i'a quauquis an, pèr si counferènci sus la « Creactioun dóu mounde », que pareiguèron en dous voulume, lou R. P. Savié publico, vuei, en sièis àutri voulume, si counferènci prouvençalo sus « *Li Patriarcho* », que fai despièi un parèu d'an à Marsiho, dins la cadiero de Sant-Laurèns.

Lou proumié tome di « Patriarcho » (392 pajo in-8, pres 4 fr.) vèn de parèisse aro-aro en Avignoun, vers Aubanel, e ve-n'eici la divisioun : « Adam e Evo, l'Innoucènci, la Fauto, lou Castigamen, Caïn e Abel, Li proumié mestié, l'Ahissonço. » Lou tout emé la traduciuon franceso.

Coume poudès lou vèire dins lou tros que citan, lou Paire Savié aubouro la lengo 'prouvençalo en totti li cimèu de l'elouquènci religioso. Aquelo lengo, que li nèsci cresien despouderado, cresien abastardido, devèn, dins sa paraulo, d'uno noublesso, d'uno graci, d'uno aboundànci incouparabla, tout en gardant aquelo simplessò pouplàri que lou fai coumprene de totti, même di mai ignourent. La lengo dóu Paire Savié es, d'un autre constat e à noste poun de visto, d'uno courreicioun tant bello, d'un biaistant naturau, que se pòu douna pèr moudèle en quau que vogue vuei escriéure prouvençau.

F. MISTRAL.

LOU BONUR DI PASTRE

Lou pastre e lou païsan soun fraire e dèvon ama soun mestié, coume devèn totti ama lou nostre. Mai, acò, fau que lou coumprèngon, éli; fau pas que s'enganon en courrènt cerca lou bén-être dins li vilò, quouro l'an en abounde, aqui ounle soun. « O fourtunous mai-que-mai li gènt de la terro, cantavo Vergèli, se sabien coumprene soun bonur ! » E poudèn autant n'en dire di gènt de la mountagno, pastre e gardaire d'avé, que la vido di ciéutadin ié fai envejo, em'acò abandonon soun païs.

E noste pouèto naciounau, lou grand Mistrau, éu qu'a viscu d'aquello vido rustico, « eternalamen duro, coume l'apello, mai eternalamen ounèsto, sanitoso, independènto e siavo », ausès dequé dis i païsan, si fraire, qu'an crento de soun mestié :

Gént terrassan, luchetaire e lauraire,
Que, vergougnous dou noum de païsan,
Trouvas souvent lou luchet trop pesant,
E trop souvent plantas aqui l'araire
Pèr courre i vilò e vous faire artisan,
Oh ! sachèz dounc qu'avés un mestié sant !
Tenès-vous-ié ! Fuguès-n'en fier, mi fraire,
Car emé Dieu travais de mita...
Semenas blad, luzerno, bourtoulaigo ?
Diéu vous ié largo e lou soulèu e l'aigo,
Tambèn, ami, de Diéu sias li gasta,
E Diéu vous mandó e bén-être e santa
E mai qu'en rea la pas, la liberta.

Noun vous estounés, se vous cite tant nòsti Felibre. Ounour à-n-éli ! car, an agu lou courage, éli li bèu proumié, d'aussa la voues contro aquéu flèu que, se countùnio, sara l'anequelimen, la mort de la soucieta : vole dire lou despouplamen di campagno. O, es éli que luchon valentamen, dempièi quaranto an, pèr estaca l'ome de la terro, lou planen, lou gavot, lou pastre e lou païsan au pais que soun nascu, e lis empacha de courre au pourridié di vilo. Escouatas un di precursour dóu Felibrige, voste Vitour Gelu, lou brassejaire de la Plaço-Novo, escouatas coume parlo de l'ome de la terro : « Lou mestié de peisan es lou rèi di mestié. Voui, tout comte fa, pèr nàutrei, l'a que de se clina pèr n'en prendre. E, pèr estela que l'on siegue, vau mai si clina pèr souire la terro que vous a vist nèisse, que de s'aginouia davans l'óupulènt estrangié, que vous mespresso. Vau mai si clina pèr souire, que de si coucha, à plat vèntré, coumo un esclau, pèr lipa leis artèu à-n-un mèstre ferouge, que vous quichara dei doui pèd sus lou coutelet. Vau mai èstre quinsoun de champ que roussignòu de gabi !.. La grelo passo e va tuo pas tout; lei gielado de mai e lou mau de la vigno prènon puei fin ; la secaresso, coumo lou negadis, an qu'un tèns ; mai la terro passo pas, elo !... Nous rèsto toujour nouesto boueno e santo terro, qu'es lou fèni dei maire..... »

— Vèn de parèisse lou *Moulin de la Lubiano*, rouman prouvençau dóu felibre Enri Giraud. Auelo obro, jouvo e valènto, que l'*Aïoli* nous n'avié douna lou cungoust galant, e que tòuti, aro, podon se n'en regala, en lou demandant à l'autour, Villa *le Cottage*, à Vènço (Aup-Maritimo). En jougnènt à sa demando un mandat-poustaü de 2 fr., lou librihoun, fresc coume l'aigo lindo e rous coume l'or, ié sara lèu-lèu espedi.

— Vès-eici lou prougramo dóu councours literari, prouvençau e francés, de l'Escolo felibrenco de Lar, à-z-Ais, à l'óucasioun de l'aubouramen dóu mounumen Peiresc e de la vesito di Felibre e di Cigalié à la capitalo de Prouvènço :

1. — *Councours prouvençau*. 1^o Elògi de Peiresc, en vers. 2^o Sou-net o plagnun sus la toumbo de Peiresc. 3^o Traducioun de la darriero pajo de la *Vie de Poiresc*, pèr Gassendi (councours dubert rèn que pèr lis escoulan). 4^o Dóu role di prouvèrbi dins la trasmessioun e la conservacioun de la lengo prouvençalo.

Tòuti li dialècte de la lengo d'O soun amés.

II. — *Councils francs*. 5^o Estudi istourique sus Peiresc. 6^o Elògi de Peiresc, en vers (councils dubert à tóuti li lengo latino, fasent rampèu emé lou francés). 7^o Recerco sus li relacioun artistico de Peiresc.

Nouta. — En estènt que la soulennita peiresciano dèu agué liò sus la fin de juliet o vers la començanco d'avoust de 1895, li manuscri, (souto ple cacheta emé deviso), an d'estre manda, pèr lou plus tard, lou 20 juliet, au felibre majourau En L. Constans, Cours Sainte-Anne, 46, à-z-Ais de Prouvènço.

— Li Laren vènon de moudifica soun Burèu : lou conse Chapòli Guillibert, qu'ero tresourié, es esta nouma souto-cabiscou, emé Pau Roman ; lou nouveau clavaire es, aro, lou conse Carle Martin. Longomai lou tambourin vibre long Lar !

— A prepaus de la mort dòu « Felibre di Poutoun », noste paure ami En Ansèume Mathiéu, tóuti li journau an parla d'eu e counta d'anidoto lou pretoucant. Lou *Lemouzi* n'en conto uno, pèr la plumo de Sermin Santy, que n'es tant siavo, que noun poudèn resisti au desir de l'esbrudi, e que la dounan coume la dis noste brave coumpañan, que n'en fuguè lou soulet testimòni :

C'était au retour de la Cour d'Amour de Provence, tenue à Carpentras en 1888. Nous venions de quitter, tous deux, nos joyeux compagnons. — Lui allait retrouver la modeste demeure où il se consolait en *cigalejant* des malheurs passés, et moi-même je regagnais mon Languedoc aimé. Le hasard nous fit les compagnons de trois Arlésiennes, la mère et les deux filles, sans doute. Comment ne pas parler de la vesprée provençale de la veille ? Ce fut Mathieu qui se chargea d'en rappeler tous les détails ; mais bientôt, oubliant la narration fidèle de la soirée, il entreprit l'éloge des belles filles du pays d'Arles, nous débitant de son petit air bon enfant et caustique à la fois, la *Vénus d'Avignon*, la *Communion des Saints* et des fragments des *Sounjarello*, interrompu par les cris tour à tour émus ou joyeux de nos voisines. Quand il les jugea suffisamment grisées de poésie, il demanda en souriant laquelle des trois consentirait à le prendre pour « calignaire », promettant en retour un joyau de prix que personne, hormis lui, ne connaissait encore.

La plus jeune se déclara prête à accepter le débat galant dont nous devions, avec les deux autres voyageuses, être les juges

impartiaux, et à accorder, pour un instant, son amour, si le bijou en valait la peine.

Notre ami récita alors, d'une voix émue, la *Font de Sousproun*, idylle que l'on dirait empruntée à Catulle et que nous devions lire trois mois plus tard dans « l'Armana. »

Nous applaudîmes, déclarant la poésie parfaite, tandis que la belle Arlésienne retenait avec peine au bord de ses longs cils une grosse larme, preuve touchante de sa défaite.

La perle tomba sur le front du vieux poète, au moment où il recueillait sur la joue rougissante de la vierge le baiser permis au « calignaire. »

Et comme, jaloux, je le félicitais de son succès :

— La jolie fille, me dit-il, m'a donné récompense plus grande que je ne méritais. Je lui avais à peine fait entrevoir la nappe ridée de la *font* des soupirs, et voilà qu'elle m'a versé à plein bord les eaux vives de la fontaine de Jouvence.

Dors en paix, bon Anselme, dors sous l'ombrage estival des pampres vigoureux que tu as célébrés. Les belles filles des bords du Rhône chanteront longtemps tes *Regrèt*, en murmurant tout bas le nom de celui qu'elles avaient baptisé le *Felibre di Pou-toun*.

— Vès-eici lou paumarés dóu seten councours neo-rouman dubert pèr *La Mandoline*, de Paris :

Premié pres, medaio simili-argènt, à *Janeto*, de Matieu Carles ; segound pres, medaio simili-argènt : *Lu fa do Dial flamen*, pèr L. Detrixhe ; tresen pres, medaio de brounze, à *Counte bearnés*, de J. V. Lalanne ; quatren pres, medaio de brounze : *Jano sus l'erbo*, de E. Guillaumou ; mencion d'ounour : *Estanços à Memeto*, de I. Dayma ; *Chascun soun goust*, de L. Bessière ; *Courtisano*, pèr Albert Roux ; *Lou fermiè*, de A. Granad ; *Puntai*, de E. Vollet ; *la Preiero dóu riche*, pèr A. Roux ; *La poumpo*, de A. Granad ; *La Noço*, de P. Ribot.

E, aro, nous soubro de dire que lou vuechen councours de *La Mandoline* es dubert e que, pèr la lengo neo-roumano, proso o vers, tóuti li temo soun amès à la targó. Manda li pèço, dins la formo academico, à Michel Pons, direitor, 14 balouard de Reuilly, Paris.

— A l'oucasioun dóu tresen centenari de l'establimen de l'empre-marié, à Marsiho, s'es coustituï un Coumitat qu'a dubert de councours de touto meno sus çò que pretoco lou libre.

La Coumessioune cargo de redigi li prougramo noun a delembra la lengo prouvençalo, e se counvito tóuti lis escrivan prouvençau di Bouco-dou-Rose, dou Var, dis Auti e Bassis-Aup, dou Gard, de Vau-Cluso, de l'Eraut e dis Aup-Maritimo à prene part à la targo.

I'a uno pèço de vers prouvençau, 100 vers à tout lou mai, à coumpausa sus l'Empremarié, e un tros de proso en nosto lengo (250 ligno au mai), dounant uno charradio sus l'Empremarié, uno brigo d'istori, si prougrès, si bensa e soun renoum ; lou journau e lou libre entre li man dou pople.

Li manuscri aurau d'estre manda au secretari-generau dou Coumitat avans lou 15 de juliet venent.

Cade manuscri pourtara uno deviso que sara repetido sus d'un ple cacheta, tenent lou noum e la demoro de l'autour e qu'acompagnara l'obro.

Laura, pèr la proso prouvençalo, uno medaio de vermei e 100 fr. tin-tin ; n'en sara de meme pèr la pouësia prouvençalo.

Zou ! que li courrière s'alestigon pèr davera li joio !

— Lou 20 de mars, lou Coumitat dou mounumen Peiresc, à-z-Ais, a tengu sesihou souto la présidénci de M. Guibal, decan ounourari de la Faculta di Letro.

S'es demanda que l'inauguracioun se faguèsse lou darrié dimenche de juliet, pèr afin que lis estudiant ié pousquesson prene part, e s'es pièi decida, à uno fort majorita, que lou buste sarié en brounze e pourta sus d'un pedestau majestous que s'aubourarié sus la plaço de l'Universita.

S'es, pièi, nouma uno coumessioune especialo, coumpausado de M. Pontier, directeur dou Musèu ; Heckenroth, architeète, e Constans, proufessour à la Faculta, que s'entendra emé En Jousè Huot, architeète de la vilo de Marsiho, pèr ôuteni un crouquis dou mounumen e un devis.

LIMOUSIN

— Lou councours di Jo de l'*Englantina* es clava despièi lou 1 d'abrieu, e de festo s'alestisson pèr la prouclamacioun dou paumarés e la destribucióun di joio.

— L'*Escole de Ventadour* (Courrèzo), preparo uno edicioun dis obro de Bernat de Ventadour, lou grand troubadou que i'a baia soun noum.

Lou Gerent : Jan Monné.

CROUNICO

LOU TERRADOU E LIAN DE PENSADAS

L'avèn aqui, *Lou terradou* (1) superbe, aquéu saume d'amour ounte tresano l'amo de la terro meiralo, aquéu *rousàri* qu'esperavian de degruna emé la fernetego, alor que n'avian deja beca quâu-qui gran d'eici d'eila.

La raço i'èi emé si glòri ; l'aveni se ié mostro e ié lusis dins l'esplendour de sis espèro. Li planto, lis aubre, lis obro de la terro, lou semenaire, la meisoun, tout ié passo diñs un rai souleious, ardènt, amourousi, que vous pren à l'amo e vous fai viéure la vido-vidanto d'aqueu Prouspèr Estiéu que tout d'un cop se revèlo grand pouèto, e que sa voues resclantis sus li serre e dins li plano, enau-rant autamen e fieramen la princesso de nòsti pantai, aquelo lengo abandounado e abourrido que, subran, ressuscito e parèis plus bello que jamai e courounado de diamant coume jamai rèino mourtalo n'a pourta sus soun front soubeiran.

Tambèn, d'eici, de Prouvènço, trasèn nòsti salut à-n-aquéu fraire que vèn de traire tant bèu jouieu dins la faudo de la Coumesso, e, picant di man à soun triounfle, ié disèn :

(1) *Lou Terradou, sounets lengodoucians de Prouspèr Estiéu*, traducioun franceso dret-à-dret e prefacio pèr Antounin Perbosc. — Carcassouno, Biblioutèco de la *Revue méridionale*, 3, carriero Victor Hugo. Pres : 6 fr.

Au *Terradou*, qu'es la liro vibranto
 Que sis acord nous tènon pivela,
 La vouches di Rèire, arderouso, empuranto,
 Fièro, brusis dins lou cèu estela.

Is amourous dis espèro enauranto
 Lou Bèu se mostro, auturous, desvela ;
 Dins li pantai dis amo deliranto,
 D'auti vesioun lis iue soun clavela ;

E dins li bos que la sabo ié crèmo,
 Dins li maiòu d'ounte gisclo lou vin,
 Quand vèn la primo e si poutoun divin,

Long di draïòu tóuti flouri, supremo,
 La joio esclato, e, di blousi clarta,
 Mounto vers Diéu l'inne de liberta !

* * *

Es lou proumié d'abriéu que nous arribavo de Ceto, em'aquésti
 mot courous de la man d'un ami car :

Sans estampas, sans flou, sans ramo,
 Ioi, t'alarme un *Lian de moun amo*
 E moun souveni que, marbiéu,
 Te vèn emb'un peissou d'abriéu.

Oh ! lou galant pèis d'abriéu ! Lou pèis d'abriéu celòri es un
 famous peissoun, e bon e delicious, e nous n'en sian coungousta.

Es J. E. Castelnau que l'a pesca, e vous afourtisse qu'a agu la
 man urouso coume se pòu pas mai. Soun *Lian de pensadas*, tira
 soulamen à 200 eisemplàri numerouta pèr li « preferats soulets »,
 es un cop de fielat superbe, ounte tout lou bèn de Diéu que la mar
 acato soutu soun oundo blavenco, ié beluguejo poulidamen.

J. E. Castelnau, dins aquéu magnifique voulume, a escampiha
 tóuti li rai de soun amo : rai d'afecioun, rai de tendresso, rai d'a-
 mistanço, rai d'amour patriau, e mai encaro... e sa caro d'ome de
 la bono, de felibre valènt, d'ami franc e leiau, de pouèto, ié dar-
 daio à la primo pajo, emé la bounta sus li labro, pèr vous engaja
 de faire em'eu l'escourregudo di recantoun de soun amo bello ounte
 a rejoun si joio e si tristesso e d'ounte n'a tira piousainen li vers
 siave e tendrín, triste e galejarèu que nous debano em'un gaudi tria.

Amour dòu nis rajouvenis : acò 's la deviso d'aqueù valènt que treno tant superbamen la « courouna pouetica dau Lengadoc » e que i'a bouta, pèr soun conte, dos perlo de la plus bello aigo : sa *Dinieirola* e soun *Lian de pensadas*, que nous presènto simplamen em'aquesti mot à sis ami :

Sans un pessuc de prosa d'or,
Ce qu'anás veire faça à faça,
Pioi-qu'a pèr miral voste cor
Pot se passa d'una prefaça.

Ah ! segur que nous n'en passan de prefaci e que nous agradan de rintra d'un soulet vanc dins lou temple.

E vès aqui lou tablèu que nous fai de *sas pensadas* :

Toutas, an l'amour pèr simbèu,
La fe crestiana pèr drapèu,
E se quicon, ai ! las ! ié manca
Au blous rebat que las emblanca,
N'es pas lou degoutet moustous
Que perleja toujour goustous
De la franquisa, car la fioia
D'aquesta qu'es soun cabucèl
S'alanda couma un bèc d'aucèl
Pèr las doulous e pèr la joia.

Pèr ce qu'es vièl, pèr ce qu'es ndù,
Vers l'alegressa, vers lou dòu,
S'envolou dau brès de moun ama,
E quand la tremountana brama
E quand nèba e que pèr lou sòu
Tout mourris de frech oû de pòu,
Couma van e vènon, pecaire !
Pèr espinchà lou malurous
Ou cercà lou biais generous,
D'una ajuda e Diéu de tout caire !

Vaqui coussi s'envan toujour,
Siègue de nioch, siègue de jour,

Pas pus lèu que soun espelidas,
 Embé l'espèr d'estre aculidas
 De la Pouësla au cor d'or,
 E s'aprouiston dau tresor
 Que la Diva Musa ié prèsta
 Savou que de sous revenguts
 E sans faire tort à digus
 Pagaran la souma e de rèsta.

E lou gènt felibre *dau Ratalet*, ansin dins lou bouquet de « Pensadas » que nous présento, a liga tóuti li batedis de soun bèu cor, despièi 1888 enjusqu'au jour d'iuei.

Iuei, bèu printèms de 1895, ounte tout flouris e tout canto, quand :

Au bouissou ramut chasca bouscarleta
 En barjant d'amour estaca soun nis,
 E la giroundella en faguent l'aleta
 Dejout lou téulat piéuta as souvenis.
 Dins las pradariés, mai d'una drouleta
 Qu'a sentit au cor ce que la pounis,
 S'envai deshoià la margarideta
 En gardant l'espèr qu'en ela brusis.

L'espèr qu'en nautre brusis, flame cantaire de la *Dinieirola* e dòu *Lian de pensadas*, es que lou proumié sèti de majourau que sara libre dins la *Mantenèço* de Lengadd, te fugue semoundu coume recoumpènso de toun obro felibreno e de toun amour pèr la Causo que soustènes tant arderousamen en fuguènt lou pilot de la barqueto pourtant la noumbrouso tiero di felibre de l'*Escolo cettòri*, que tóuti, en fogo, luchas ensèn, valentamen e de tout biais, pèr la glòri dòu Miejour e lou mantenemen de la lengo meiralo.

Longo-mai triounfle lou felibre dòu « *Ratalet !* »

JAN MONNÉ.





LI NOVO FELIBRENCO

PROUVÈNÇO

Lou 28 d'abriéu, lou Counistòri a tengu sesiho au Pont-dou-Gard, e. coume un empachamen mage nous a pas permés de nous ié rendre, prenèn dins *l'Ajoli* lou comte rendu de ço que se i'es fa :

I'eron presènt : F. Gras, capoulié, A. Arnavielle, M. Girard, A. Glaize, J. Huot, G. Jourdanne, E. Marsal, F. Mistral, A. Mouzin, emé lou sendi Messine, aguènt vounes counslutativo. De mai, la Rèino di felibrc, Madamisello M. Girard, acoumpagnado de soun amigo Na Catarino Janvier, qu'avien adu lou code di *Leys d'Amors* troubadourenco.

Duberto la sesiho, lou Capoulié douno la paraulo au majourau Gastoun Jourdanne que fai brihantamen l'elogie de soun predeces-sour Gaussen. En Alèssi Mouzin, respongudènt à Jourdanne, lauso coume se dèu lou recipiendàri representant de Carcassouno. E après se proucedis à l'eleicioun di quatre que dèvon eireta de la Cigalo d'or. Veici li quatre noum que sorton :

En place d'En L. Roumiéux, es nouma majourau En Pau Chassary, proufessour à l'Escolo Nourmalo de Mount-Pelié. (*Cigalo de Nîmes*)

En plaço d'En L. Sardou, es nouma majourau En Maurise Raimbault, autour dou rouman d'*Agueto*, cabiscòu de l'Escolo felibrenco de Lerin. (*Cigalo de Niço*)

En plaço d'En J. Brunet, es nouma majourau En Jùli Cassini, d'A-vignoun, autour de la coumèdi *Li varai de l'amour*. (*Cigalo de l'Arc-de-Sedo*)

En plaço d'En A. Mathiéu, es nouma majourau En Chapòli Guil-libert, lou fidèu sagelaire de la Court d'Amour d'Ais. (*Cigalo di Castlèu*)

Lou Counsistòri, aquest an, a vougu pèr si chausido resourt lou persounau de nòsti cèntru felibren (Avignoun, Mount-Pelié, Ais) en i'ajougnènt de sòci residènt, militant o que se poscon vèire entre eli.

Lou titre ounourisi de *Mèstre en Gai Sabé* es decerni i tres felibre : E. Jouveau, d'Avignoun, E. Bouvet, d'Avignoun, e E. Marrel, de Sant-Roumié. E la Mestrò en Gai Sabé de B. Bonnet, de Bello-Gardo, dejà recouneigudo i Grand Jo Flourau di Baus (1892) es prouclamado à la seguido.

En F. Gras demando se devrié pas lou Counsistòri manifesta vuei soun vejaire au sujet de la grando questioun prouvincialo que mai que mai e de pertout s'escarrabihi en plen soulèu. Se ié respond que l'assemblado counfiso au Capoulié lou siuen d'aprousicha lou festenau de Santo-Estello pèr metre à jour dins soun discours, comme s'es fa de longo toco, li revendicacioun particuliero au Felibrige.

Adounc lou Capoulié anóuncio qu'aquest an pourtara la Coupo en Limousin e que se fara Santo-Estello alin dins la ciéuta de Brivo.

— La nouminacioun di nouvèu majourau a tourna-mai auboura lou guespié : l'un aurié vougu vèire nouma moussu un tau, e aquest vèire elegi moussu tal autre ; basto ! la souleto causo qu'aquéli que buton de candidaturo en avans, noun se demandon, es de saubre, en leissant à despart li merite e titre dóu candidat presenta, se sa candidaturo pòu èstre amesso. I'a 'no coundicioun assouludo à coumpli pèr èstre majourau : es aquelo d'èstre *felibre mantenèire*. Fau naturalamen aparteni au *Felibrige* pèr pousquè pretèndre à faire partiò dòu Counsèu d'aquele Soucieta ; e, pèr *Felibrige*, entendèn escassamen e avèn jamai entendu autre causo que l'assouciacioun miejournalo d'aqueù noum : tout ome, pèr aut que fugue soun talènt e soun renoum, se noun es felibre mantenèire, noun pòu èstre felibre majourau. A Paris, que s'es di que se i'ero fa tort, i'avié que Lucian Duc que, mantenèire de Prouvençò e mestre en gai-sabé, emé soun pouèmo de *Marineto*, e lou marqués Ch. de Vilo-Novo Esclapoun, qu'a forçò fa pèr l'ourganisacioun dòu Felibrige en assouciacioun, que remplissien tòuti li coundicioun pèr aganta lou majouralat. Mai, Lucian Duc es trop moudèste pèr pausa éu-même sa candidaturo, lou felibre de Vilo-Novo cresèn pas que la pause jamai, e lis autre sabon proun que lou titre de majourau i'ero pas degu, pèr s'encagna contro li decisioun counsistourialo.

— Lou dimenche 26 de mai, la pichoto vilo de Greasco (Bouco-dou-Rose), a fa festo à soun pouèto poupopulàri, lou felibre carbounié Félix Lescure, mort i'a aperaquí un an, emé li roso de mai.

Lou matin, sus li younge ouro, s'es inagura piousamen lou toumbèu que de man amigo an auboura pèr souscripcióun poupopulàri à la memòri dòu flame pouèto. Li majorau F. Vidal e Louis Astruc an di tout çò que soun cor l'ispiravò pèr lausa l'ami regreta. A miejour, li counfraire e ami dòu felibre carbounié, se soun acampa pèr brinda en soun ounour ; pièi, sus li 4 ouro de vèspre, i'a agu, soulennamen, l'inaguracioun de la plaço Félix Lescure, ancianamen dicho : plaço de la Coumuno.

— Lou chivalié Em. Portal, sòci dòu Felibrige, à Palermo, s'es marida lou 27 d'abriéu emé la signorina Checchina Abbate.

Que Santo Estello ilumine li pas di bèu nòvi dins li draio de l'amour, e li courouné di joio esquisto que soulo flourisson dins sis orto encantado.

— Lou Coumitat coustituï, à Marsiho, pèr auboura un mounumen à l'escultaire Puget, a adóuta, dins sa darriero acampado, lou devis que se mountara aperaquí vers 150 000 franc, e l'emplaçamen dòu mounumen, que sara la plaço de la Bourso.

— Lou dilun de Pasco, en grand togo, s'es douna en Aubagno de jo prouvençau qu'an fa prouado : lis *óliveto* èron cantado e dansado pèr li sòci dòu Cíucle de l'Armounio, e li couplet prouvençau de mèste Aillaud èron plen de sabour e forçò d'uriginau. La *danso di cocò* èro rendudo dins sa simplesso pèr un grupo de jouvènt que se soun fa mai-que-mai aplaudi, e *lei Fielouso*, emé mèste Espanet pèr capo, e menado pèr dès tambourinaire que mèste Camoin mestrejava superbamen, soun estado lou regale de la festo.

— Lou 25 d'abriéu, lou valent felibre lerinen Francés Garbier s'es marida emé gènto damisello Mario Ribier. Canò es lou pais di flour ; tòuti li jouve de l'Escolo de Lerin culisson la siéuno : après Giraud e Bertrand, es Garbier que, dins lis orto de l'amour, chausis la flour d'ourouso que dèu presuma sa vido. Santo Estello enlusigue aquéu bèu couple, que s'adraio vers li lusour felibrenco emé lou rire en bouco, dins lou presump dis arangié e di tuberouso !

— Càspi ! se tòuti li Counseu Generau dòu Miejour enantissien de vot courme aquéu que, lou 24 d'abriéu, s'es pausa sus lou burèu dòu Counseu Generau di Bouco-dou-Rose, nous es vejaire que li *desiderata* dòu Felibrige sarien mai que coumpli... Aquele idèio — lou rediren

jamai trop — que lou Felibrige a couvado, es en trin de faire taco d'òli. Escoutas un pau quauquis-un di counsiderant dóu vot subre-di :

Considérant les effets désastreux causés par une centralisation excessive sous laquelle tout se courbe, tout se nivelle au gré de Paris ;

Considérant qu'il est de l'intérêt supérieur de la République de revenir aux franchises communales, de reconstituer, avec des données modernes, l'affinité de race, de langage, les intérêts divers de leurs habitants ;

Considérant que des villes comme Marseille, Lyon, Toulouse, Bordeaux, Nantes, Lille, Saint-Etienne, Rouen et autres doivent devenir de véritables centres littéraires, artistiques, économiques, scientifiques ;

Considérant qu'une émulation réelle résultera de la création régionaliste, qu'elle sera l'un des plus puissants stimulants capables de contribuer à la grandeur de la France, au rayonnement de son génie dans le monde entier ;

Le Conseil général émet le vœu :

Que la centralisation soit abolie...

— Trege di counseié generau di Bouco-dóu-Rose, dins la sesiho dóu 22 d'abriéu, an espremi lou vot que « la Prouvènço fugue dou-tado, coume d'autri regioun, d'uno universita, souto lou titre d'*Universita de Prouvènço*, que soun sèti sarà marca pèr lou Counscù generau di Faculta. »

— Aro, es pas lou Miejour soulet que murmuro : Descentralisacioun ! es tóuti lis ome de cor que cridon aquéu mot sus li téule e que se fan li proupagandisto de l'idéo que lou Felibrige a semenado e que, pèr l'amo de sis aposto devot, a facho espeli e a espandido d'en pertout. Tóuti lis ome poulitique, lis artisto, li literatour, tóuti cridon vers la liberta, tóuti luchon pèr la vido di pichòti patrò.

Nous es de crèire que la flouresoun lèu-lèu nous enlusira de soun esplendor superbo.

La questioun descentralisairo boulègo lis amo e caufo lis esperit, e Pau Bourget, après tant d'autre, a vougu, dins lou *Figaro*, ié counsacra un article bèn aciéuna, que fai ressourt magistralamen li dos verita que li descentralisaire afirmon e fan trelusi is iue de tóuti ; vès-eici coume Pau Bourget dis acò :

A travers leurs formules, vagues encore, ils affirment deux vérités très précises.

La première, c'est que l'homme, créature locale et bornée, a be-

soin, pour atteindre son complet développement, d'être situé dans un milieu local et borné comme lui, où sa personnalité compte, où son action quotidienne soit efficace, où sa responsabilité soit contrôlée sans cesse par des effets immédiatement saisissables. De là résulte la bienfaisance certaine de la vie municipale et provinciale, la nécessité des petites patries dans la grande. —

La seconde, c'est que l'autonomie donnée à ces petites patries, bien loin de nuire à la grande, la nourrit, l'affermi, l'enrichit. Un peuple n'est que l'addition de vingt, de trente tribus en lui, et tant vaut l'énergie de chacun des éléments constitutifs, tant vaut l'énergie de l'ensemble, pourvu que l'unité ne soit pas brisée.

— Quàuqui Prouvençau que rèston à Lioun an agu l'idèio de se groupa, pèr fourma uno Societa « amicalo e literari »; sus d'aquelo estiganço, rampelon tóuti aquéli dóu Miejour que l'agradarié de se faire escriéure dins li tierro de la nouvello Soucieta. Lis adesioun se dounon au cafè-bar di Councert, 1, carriero Vitor Hugo, ounte lis acampado se tendrán.

— Lou 7 d'abrieu s'es douna, à Marsiho, la proumiero dinado de l'*Indépendance du Midi*, e lou prouvençau i'a fa poulidamen sa plego. Sfenosa i'a di de galant vers lengadoucian, Louis Astruc un sounet, la *Croix*, e Louis Roux soun odo « l cinq mort de Font-Segugno » e la *Cigalo*. Bravò !

— Lou 17 de febrié, s'es jouga à Castèu-Nòu-de-Gadagno, *ii Masc*, grando coumèdi fantastico en 5 ate, dóu felibre Anfos Tavan, emé 33 èr nouveau. Li role èron tengu pèr li jouvènto e jouvènt de l'endré, e lou publi i'a talamen fa festo, que soun esta dins l'oubligacioun de ié tourna jouga. En 1894, se n'èro douna cinq representacioun, tres à Gadagno, uno à Novo e uno à l'Islo. Es de crèire qu'aquest an l'obro dóu majourau de Gadagno, emé la musico de Sauget, Gounard e Julian, s'esbrudira e s'espandira encaro mai que l'an passa.

— Lou majourau En Marius Bourrelly, ancian sendi de la Manteñenco prouvençalo, vèn d'estre nouma « sòci regiounau » de l'Acadèmi di Sciènci, Art e Bèlli-Letro d'Ais, sus lou rapport presenta pèr lou majourau En Chapòli Guillibert.

— Lou felibre Amable Richier, que rèsto à Marsiho, es en trin d'acampa sis obro pèr n'en faire un voulume, que, souto l'afat dóu Pai Savié de Fourviero, es M. Rostand d'Ancezuno qu'a proumés de n'en paga l'estampage. Osco ! pèr noste ami.

— Lou felibre Gatian Almoric, de Chabrilhan (Droumo), a fa jouga,

lou dilun de Pasco, uno coumèdi dóufinenco : *Nounanto-Nòu*, dins la pichoto viloto de Rocho-sus-Grano. Coume sis àtri coumèdi dóufinenco, *Nounanto-Nòu* a 'gu grand succès e bello culido d'aplaudimen.

— A l'Acadèmi d'Avignoun, que tenié sesiho soulenno i'a quauqui jour, lou felibre A. Chansroux ié declamè un cant de soun pouèmo : *la Venus d'Arle e soun Lioun*, e faguè flòri. Que lièu-lèu s'acabe l'obro bello e que pousquèn nous n'en cungousta !

— Un councours es dubert, en 1895, à Sant-Estève (Louiro) pèr la Soucieta : « Union poétique du Forez », souto la presidènci de MM. Ougèni Muller e Frederi Mistral.

Aquéu councours de pouësio, de cansoun e d'obro dins tòuti li parla da la lengo d'O, es dubert à parti d'aro e sara clava lou 5 de juliet 1895. Li targaire an rèn à paga pèr courre la plato; i'aura tres tiero :

1. *Cansoun*, sujet libre : pas mai de siéis couplet.
2. *Pouësio*, sujet libre : pas mai de cinquanto vers.

La jurado, pèr aquéli dos tiero, se coumpausara di sòci dóu *Caveau Stépinois*, presida pèr M. Ougèni Muller. Lou pres d'ounour, semoun-du pèr lou Menistre de l'Estruciouen publico e di Bèus-Art, sara decerni à la meiouro pèço dins aquéli dos tiero.

3. *Pouësio* o *Cansoun* dins l'un di parla de la lengo d'O, sujet libre : pas mai de cinquanto vers o de siéis couplet.

La jurado, pèr aquelo tiero, sara coumpausado de MM. Carle Boy, Pèire Duplay, Leoun Sant-Estève, souto la presidènci de Frederi Mistral e de Fèlis Gras.

Se pòu councouri que dins uno soulo tiero e cade councurrent déu presenta qu'uno souleto obro.

Lis obro saran inedito e li mandadis se faran dins li formo academico.

Li pres saran : un pres d'ounour, de medaio, de libre e de mencion ; cade pres sara acoumpagna d'un diplomo.

Lis obro saran espedito, emé lou mot *councours* sus l'envelopo, à M. Vitour Gay, présidènt dóu *Caveau stépinois*, 7, plaço dóu Palais-de-Justiço, à Sant-Estève (Louiro).

MORTUORUM

— Es mort à Fuvèu (Bouco-dóu-Rose), lou 22 d'abrieu, lou paire dóu gènt mantenèire Ougèni Long. Nòsti coundoulènci.

— Plagnen li dòu dóu mantenèire A. Autheman de l'Islo, que vèn de perdre soun brave paire, Antòni Autheman, mort à l'Islo (Vau-Cluso), lou 8 de mai, dins si cènt an.

LENGADÒ

— Lou dijmenche 19 de mai, à-n-uno ouro de vèspre, au Grand-Round de Toulouso, s'es facho en grand fogo l'inauguracioun dóu buste dóu pouèto L. Mengaud.

— Dins sa sesiho dóu 24 d'abrieu, lou Counsèu Generau de la Nau-to-Garouuo, à Toulouso, a vota 100 fr. en favour de M. G. Sirven, que reedito dins *Le Gril*, emé lis apoundoun de quauqui *toun moun-di*, lou diciounari de Jan Doujat. Nòsti felicitacioun au valènt lauraire de cap dóu *Gril*.

— Lou Counsèu Municipau de Toulouso a pourta de 1000 fr. à 1500 fr., la suvencioun atribuïdo anterioramen à la Soucieta di felibre de l'Escolo Moundino.

— M. Amadiéu Gros, d'Alès, s'es entancha d'acampa tout ço que lou majourau Pau Gaussen a escri, pèr n'en tira l'edicioun coumplète dis obro d'aquéu mage felibre.

— 2^o Un pres de 300 fr. au felibre Carle Ratier, cabiscòu de l'Escolo de Jansemín, pèr soun libre : *lou Rigo-Rago agens*.

— 2^o Un pres de 200 fr. à M. Artur Pouydenot, pèr soun recuei de *Sounet gascoun de Chalosso*.

— 3^o Un pres de 100 fr. à l'editout dóu *Diciounari moundi de Jan Doujat* (1642), que G. Sirven publico dins soun *Gril*.

— 4^o Un pres de 100 fr. à Batisto Bonnet, pèr soun libre prouvençau *Vido d'Enfant*.

Aquélli pres soun *esta destribuï* lou 3 de mai, dins l'ate de la Fèsto di Flour.

— L'Escolo Audenco vèn de bandi uno circulàri is ami de Carcassouno, pèr lis engaja à se bouta dins la farandoulo felibenco, en dounant soun prougramo qu'es :

1. « Etude du dialecte languedocien de l'Aude ; préparation d'une grammaire et d'un dictionnaire » ; 2. « Recherche et publication des proverbes, dictoms, contes, chansons populaires de notre région » ; 3. « Recherche et, au besoin, réimpression des œuvres des anciens poètes du pays. »

L'es apoundu uno letro dóu majourau En A. Mir, que nous es uno bono fourtuno de douna :

TAMBOURINADO AS AMICS DE LA LENGO D'OC

Batèn aqueste rapèl, per arrebelha e afouga lous omes de bouno boulountat, qu'an de sabo mièjournalo dins la mezoulho e que gardoun al cor l'amour de nostre lengo mairalo, aquelo parladuro brouzinanto, escarrabilhado, encantarèlo coumo la cigalo que rejouis nostre terradou ensoulelhant. Nostre lengo patrialo que boullèn pas daissa mourri, car, coumo ba dit lou grand mestre Frederic Mistral qu'illumino, qu'embrazo lou Felibrige de sa glòria :

Un pople que laisse toumba
La lengo e li us de si paire,
Nous merito que de creba
Souto lou pèd dis ueurpaire.

Dounques, brabes, qu'aimats la lengo dal país e tout ço que dins la terro mairalo reinemòrio las bounos e bièlhos costumos, boulegats-bous e dintrats bitomen dins nostre roudalet frairal de Manteneires. Atal sio amé tous los amistoulenços de bostre bièl e deboual majoural.

A. MIR.

— Vai pareisse, à Toulouso, *Mescladis moundi*, conte e cansoun adouba en parla moundin, pèr G. Visner, lou valent « lauraire de cap del Gril. »

L'obro aura 250 pajo emai mai, e se coumpartira en prologue e pre-faci. — 1. Tradicioun e *Rebirado toulousano*; 2. *Pau de tout*; 3. *Risèo*; 4. *Doulènci*; 5. *Racejude*. Se pòu souscriure en mandant 3 fr. 50, à M. G. Visner, 5, balouard de la Garo, à Toulouso.

Lou sucès dóu *Ramel païsan*, dóu même autour, nous fai bèn augura de la bello reüssido dóu *Mescladis moundi*.

— Lou 25 de mars, à Mount-Pelié, s'es celebra lou mariage de Millo Clara Messine, la gento chato dóu sendi de Lengadò, I. Messiue, emé M. Agustin Couzin, noutarì à Niano.

Lou Capoulié dóu Felibrige, Fèlis Gras, èro esta counvida à la festo, A la glèiso de Sant-Danis, qu'èro coumoulo de mounde, dóu tems de la ceremounié, s'es canta de cantico prouvençau, l'un adouba pèr un ami di nòvi, sus l'èr de la *Coupo Santo*, e l'autre d'Arnavielle, sus l'èr. de *Magali*, arrenja en 4 partiò pèr lou felibre musicaire A. Fruchier.

A la dinado, lou Capoulié, sus l'èr de *Janeto dóu couliboun vert* a canta aquesto :

Mèste Cousin, avès bon goust,
Mi coumplimen li mai courous :
Avès chausi pèr nòvio bello
Un di sèt rai de nostro Estello !

Elo es la perlo dóu Sendi,
Es l'ile blanc, l'ile espandi
Qu'en ribo dóu Lez se miraio
Dins l'aigo lindo que cascaio.

O nòvi astra, quente bèu jour !
Quente bèl ate ! De l'amour
Anas fuieta lou grand libre
Emé la chato d'un felibre.

La felibresso, dins l'oustau,
Es lou soulèu sus lou lindau,
Es un parpaïoun que flourejo,
Es un poutoun que voulastrejo ;

Dóu cor apasimo la fam,
Es lou bon ange dis enfant,
La niue es la flamo dóu cire,
Lou jour es dóu cèu lou sourrire...

Mai quau poudrié tóuti noumbra
Li tresor de gènto Clara !
Tout lou courrènt de vosto vido
N'en aurés l'amo esbalauido.

Di bèn que Diéu i'a semoundu,
Gràci, talènt, bounta, vertu,
Avès bèu èstre bon noutari,
N'acabarés pas l'enventari.

Albert Arnavielle a, pièi, di la pèço mandado pèr Frederi Mistral :

Au jardin de Messino
L'amour a pres racino :
Vivo la flour d'amour !

— « Iéu, dins l'ort de moun paire,
Cregne pas li raubaire
E rise tout lou jour. »

Ausin canto la bello,
 Quand uno voues l'apello
 E ié dis : — « Flour d'amour !

Es ieu que vau te cœtie,
 Avans que se desfueie
 Ta reiauta d'un jour. »

— « Mai tu, quau siés, arlèri,
 Que vos faire l'empèri
 Dins lou jardin d'amour ? »

— « Mignoto, siéu lou gendre,
 Aquéu que vai te rendre
 Flourido pèr toujour. »

Arnavielle, à-n-aquelo cansoun, apound aquelo qu'avié éu-meme
 coumpausado en ounour di nòvi, e finis en entounant lou *Maset de
 mèste Roumiboux*: li picamen de man an resclanti qu'es pas de dire.

E poudèn pas miés traire nosto floureto dins la canestello de la
 bello nouvieto, qu'en reproodusènt lou *Roundel* que lou majourau
 Antounin Glaize avié manda au valènt sendi de Lengadò :

Quand lou Sendic de Lengadoc
 Marido soun aimabla filha,
 Das gais felibres la familha,
 Ardent, s'auboura e prend floc.
 Car, couma lou de Lengadoc,
 De Sendic, n'i a pas ges en lioc.
 Tout lou Felibrige bresilha,
 Quand lou Sendic de Lengadoc
 Marida soun aimabla filha !

Aquitani

— Lou Menistre de l'Estrucioun publico vèn d'apiela de soun aflat
 un COUNGRÈS INTERNACIONAU DI LENG ROUMANO, que se dèu teni à Bour-
 dèus dòu 5 au 10 d'avoust venènt, e que se ié tratara di questioun se-
 guènto :

1. — Etude pratique des langues romanes ou néo-latines officielles,
 (le français, l'italien, l'espagnol, le portugais et le roumain) considérées

comme moyens de communications internationales et commerciales. Mesures prises dans les divers pays pour enseigner ces cinq langues.

II. — Etude scientifique des idiomes romans non officiels (gascon, languedocien et provençal ; catalan et galicien ; dialectes d'Italie, parlers rhétiques). Leur développement, l'étendue de leurs domaines, leur rôle actuel.

III. — Littératures néo-latines ; leur action réciproque autrefois et aujourd'hui.

Cado coumunicacioun sara classado, segound soun biais, dins l'uno d'aquéli tres tiero. Li mandadis an de s'espedit à M. de Treverret, proufessour à la Faculta di Letro de Bourdèus.

— Lou brave e valent Jousè Calcas a fa parèisse la tresenco annado de soun *Armanat quercynol*, coumpausat à Paris « pèr l'amour del language natal e de soun rire galejaire », (brouc. de 16 pajo à o fr. 20).

l'a, dins aquel armana pèr l'an 1895, emé li *Festos de Pannado* e li *Prouverbis, lou Cap du l'an*, pèço fresco e gento qu'avié gagna uno joio à l'Atenèu di Troubadou de Toulouso ; *L'errour musicairo, galejado* ; *Roumansouno rustico*, que i'a quatre galant couplet coume aqueste :

Roussignol, que d'un ramage
Saludes, cado mati
Lou soulei de toun bouscage
Pèr la primo reberdit,
Ambè tu, pèr uno belo
Emairègi mo cansou
— Pourido coumo 'n estèlo
Me fai perdre lo rasou. —

Cansouneto de mèdo, cansoun dóu vièi tems, reculido e adoubado pèr l'autour ; *Ruso mancado*, galejado en proso bèn adoubado.

— Lou 3 de jun, jour de la fiero dóu *Grabiè*, en Agen, l'Escolo de Jansemin tendra soun acampado annalo dins aquelo vilò. Dins aquelo Assemblado generalo, s'eisaminara la situacioun de l'Escolo e li mesuro que sara necite d'arresta pèr l'ameioura. Se saup' que l'Escolo de Jansemin, cade an, en tourno de l'escot de si sòci, ié fai la douno d'un libre de lengo d'O publica dins l'encoutrando ; aquest an, l'Escolo semound *lou Terradou*, de Prousper Estiéu, en tóuti aquéli que s'atrrouvaran en règlo emé la caiso.

— Un nouvèu groupo felibren se coustituïs à Vilo-Novo d'Agen, souto l'afflat de nòstis ami, que sara un ramelet flòri de l'Escolo de Jansemin. Zou ! que la farandoulo s'alongue !

LIMOUSIN

— Aquesti darrièri vacanço de Pasco, e lou dimecre 17 d'abriéu, li jöuini limousin de Brivo an tengu sesiho. Lou secrétari dóu *Bournat courreçian* de Paris, M. Raimound Laborde, i'a fa 'no counferènci sus « lou Felibrige en Limousin » ; nòsti mestre, pas qu'aquéli de la terro limousino, ié soun esta delembra, e Batisto Bonnet, peréu, i'a tengu bello plaço emé soun libre : *Vido d'enfant*.

La sesiho s'es clavado emé de cant e de declamacioun. M. Rodas i'a fa la bèn-vengudo en limousin ; M. Daniel i'a di uno cansoun de Mengaud emai la *Lemouzina*, de J. Roux e Celor : Laborde e Lemovix an apoundu de galànti galejado, M. Clochard i'a tra la noto gaio ; e, pèr claure tout, s'es canta l'inne naciounau limousin : *Lemouzi*, e la *Cansoun de la Coupo*, la marsiheso dóu Felibrige.

— Dins la noto pretoucant l'acampado de Sto-Estello, avèn di que lou Capoulié, aquest an, pourtarié la *Coupo* en terro limousino. La festo de Santo-Estello se fara lou 23 de jun, à Brivo (Courrezo). Aquéli que se ié voudrien rèndre, aurau de manda sa cousandido à M. Sernin Santy, 2, carriero Bertrand de Born, pèr qu'aquest ié proucure li carto de reducioun sus li camin ferra.

— Lou numerò de mai de *Lemouzi* douno la fin de la bello gratico limousino dóu majourau En J. Roux.

De mai : *la Revibada*, de J. Roux ; *Du Félibrige*, tros d'uno charadisso facho, lou 10 d'abriéu, à Brivo, vers li jöuini Limousin, pèr M. Raimound Laborde, e d'ounte tiran aquesto citacioun, presso dins la counferènci dóu pouèto Carrère, à Paris, sus *Mistral et son œuvre* :

Etre félibre, disait ou à peu près Carrère, c'est aimer passionnément et intelligemment son pays d'origine, ce petit coin de terre sur lequel on a grandi, joui ou souffert ; c'est exprimer, en prose ou en vers, en français ou en un dialecte quelconque : provençal, limousin, languedocien, picard, breton, etc., soit même par les actes, musique ou dessins, peinture ou sculpture, les sentiments divers que le pays nous inspire ; c'est, en un mot, réveiller, en chaque coin de notre France, si belle dans sa variété, une multitude d'esprits particuliers, d'âmes provinciales, et multiplier les foyers lumineux concentrés aujourd'hui en un seul !

— D'Escolo nouvelo vènon de se coustituï dins lou Limousin, pèr se groupa emé lou Felibrige.

Lou Gerent : Jan Monné.

CROUNICO

LA FESTO DE MENGAUD AL GRAND-ROUND

Festos tant poulidos ! inoublidablos e tant pla russidos ! Quin Toulousan un bricou soucinous del renoum de sa vilo e de soun païs, es pas estad esnougot dincos al fin founs de soun amo de Miedjournal patrioto ? Tabes, que nous agrado d'y pensa souvent an'aquel bel joun del 19 de mai, ount tout Toulouso èro capbirad, ount de milo e milanto ciutadis s'ensournavon dins le Grand Round majicomen floucad e embellid pel mestre jardiniè Laporto.

A dos ouros del tantost, n'oun angueven al Capitolo, ount nous damouravon un ramat de musicaires agrunelads dins la cour del mièi. Le courteje sousquet à peno fourmad, qu'al soun enairant de la famouso musico « la Toulousaino », nous meteven à cam-bejà cats al Grand Round.

Ah ! quino passejado, mius amics ! Le mounde se sarravon al dahant de nous-aus per nous daissa courre, e n'aprouftavon per siège à la darrè. Ansin, y-èu, saquelà. Las portos de l'ort flourid se durbissen, mountan sus un poulid ennard, e, alavets soulomen, en viran les èls à dreto e à gaUCHO, vesem un fum de caps : n'i-aviò, n'i-aviò, que n'èro clausid, là !

Enmagenads-vous, se poudèts, tous los musicos e les orfounses de Toulouso, emai les estranjès qu'èron venguds pel concours ; de bandières de tous los coulous e, damb' acò, pas uno

pesegado ount poude pausà soun ped. Se me calid noummà tòutis les valents, les arderouses qu'èron aqui, prep de you, pauras ! viuroi mai que Matusalem ! Ta-pla vou'n dirèi càlquis-us, des mai afougads, d'aquéris que soun toutjoun d'ambé nous-aus, quand s'agis d'ennautà la patro menudo.

An'aquéris, jamai, nou pouriem balha couma cal la probo de nostro recouneissenço couralo. Es que doublidaron, per asard, las tant magnagos e gracieusos doumaiseleto's e damos de Toulouso, que metion dins la verduro e demest las pauros levitos negros des moussurots de touns d'uno candou e d'uno frescou siavos ? Oh ! siosquats lausados coumo se diu, gentos e savourousos toulousanos, que voulrots ausi e remira'n cop de mai le maje pouèto, le vostre arderous cantaire, Armand Silvestre, le nouirigat embelinaire de nostro ciutad palladiano !

Ansin, nous poudem sietà pla à l'estret, e vesem, faço al buste, dambé li pouèto que venem de mençounà, le Capitoul-Mèro de Toulouso, M. Serres, M. le Prefet, les deputats Leygue de Toulouso e Compayré de Lavau, le mestre musicaire Salvaire, la famillo del pouèto que festam : MM. Mengaud, de Mountalbà, le general Beziat, nebout de Mengaud, e leurs damos ; le tant amistous mèro de Lavau representant del pais nadal del pouèto, nostre brave sendic Carle de Carbouniere que, — sàvi pas coussi, — me remembro, tout cop que le vèsi, le rèi bearnés Anricou ; les capitouls Lassite, Voisin, Aché, Minhe, Coulon, Adouy, Féral, etc., e belcop de noutabilitats toulousanos : MM. Ozenne, de Resseguier, les docturs Labeda, Audiguè, André e Eyrehoade, le brave Pamèlo, l'amic Sirven, del *Gril*, Carrère, Sant-Sarni, Deschamps, Tastavin e les autres journalistos de la Presso de Toulouso ; Mouliniè de « l'Alliance des Arts », Laborde, counservatou del Musè e tabes, le capitani Dupuy, capitoul ourganisaire de la fèsto ; Fabreguettes, proumiè president, les counselhès Amilhau e Chauzon, de Labarthe, Feral ; M. Matieu, adjudent de Gaillac, le simpatie joubs-prefet de Vilo-Franco, M. Janti Magre d'ambé sous dus fils ; les proufessours del Conservatori, MM. Boyes, Gajet, Stoffmann, O. Guiraud, Debat-Ponsan, e un ramad de felibres que, fourçadomen, poudem pas noumma tòutis : le nostre tant devot cabiscol L. Vergne e soun brave co-lauraire, Bacquié-Fonade, Fagot, de Vilo-franco. I-aviò mai les jouens Vié, Delga, Jan Pitchou, que se boulegavon e cantavon, au poudets crèire.

Sus l'ennard èron apiloutados las valentos soucietads couralos : « Clamènço Isauro », « Sent-Subrà », « l'Escolo filarmounico », « l'Aveni musical », « les Cantaires toulousans », « les Minimos », « les Fils d'Isauro », « Santo Cezelho », « l'Independenço », « la Cigalo », « Croux de Pèiro » e « Galin-Paris-Chevé » e leurs saberuts cheffles, d'ambé « la Toulousaino », les cors del Counservatòri : d'aimablos doumaiseletos vestidos de blanc ou de rosó, e que canton coumo d'aucelous !

Le mestre Deffès, que festejan tabés, es aqui per ataquà, tout aro, amb' un biais qu'es rare al siu atje, l'inne trinfladou. M. R. Laporte, que tant pla meno la *Toulousaino* e l'*Escolo filarmounico*, començó per nous balha la prumiero ausido de sa *Felibréjado*, oint trouvam forço aires pouplaris : *le Bouié, Cinq sos de tatchos*, etc., e qu'es mestromen jougado e cantado.

M. lou capitoul-mèro se lèvo e dits un discours pla toucad e pla acatsad. Aprep el s'aubouro Armand Silvestre, qu'èi pas besoun de dire qu'aimo Toulouso, e que Toulouso l'aimo !

Se paton las mas e las peds, alavets ! vous au poudets enmagènà. Coumo l'escoutavon, le franc pouèto gales e toulousan ! subre-tout quand nous debanèt sous verses *A Toulouse* :

Sang latin ! sang vermeil ! sang fait du sang des vignes !

disid el, e poudets crese qu'acòs èro pla dit. Mai, à la fi, quand, d'uno vous fortó, quirdec :

... Toulouse ! ô mon pays !

n'i-avid de quirdaires damb' el, belèu ! e tenets, m'au cal escupi, èri pas en darrè, you ! Brave Silvestre, que pèr nous-aus esprès es devalat de las broumos parisencos ! Quantis faion coumo el, d'aquélis renegaires enlebitads que penson pas mai al siu cluquiè ? Bravò, Silvestre !

La telo que nous amagavo le buste es, entre-tems, esquissado, e Mengaud nous parés dins tutto sa glòrio, simplomen quilhad sobre soun poulid pedestal, de MM. Curvale, architecto, e Barre, scalpраire, oundrat d'un pugnat de flous de brounze que demoron pas brico mal. A las quatre facios del pedestal, se vesen d'escripcius en lengo moundino e un quatrenç de verses. Al ped del buste an adoubat mai que pla de rosos e de pimpanèlos.

Le nostre cabiscoł se lèvo al siu tour e nous parlo en bouno parladuro de Mengaud, de ço qu'èro, de soun esperit e de soun

sapié-sa. Aprep el, es M. le general Beziat que parlo al noum de la familho e dits la glòrio e l'aunou que ressenten, élis, e balho sous gramecés an' tóutis.

An' aquel moumen, superbomen cantado e jougado per tóutis les cantaires mençounads pus lene, joubz la baguet del mestre trinflaire Deffès, la *Toulousaino* brounzis d'unes cops gazoulhado douçomentou per las droulettes, d'autres cops gisclado retrounisento pes gargalhols masecles, toutjoun aplaudido, reclamado d'am-bé fernesio ! E, davalan cats al bust, la familho Mengaud e càlquis felibres s'en van balha an' Deffès, qu'es tout esmaugut, un bel estam artistic de Riviero, en oumatje.

Pèi, al ped del buste, M. de Carbouniere dits masclomen aqueste poulid discours qu'es Toulousans coumprenion pla e que fousquet tant goustad :

BRABE MENGAUD,

Al noum dal bièl Labau, iéu, soun cossoul prumiè, e per un urous rancontre, majoural dal Felibrige d'Aquitànio, bèni manda un salut courous à ta memòrio.

L'abios pas jamai doublidat, aquel risent païs ount nasquères, ount regreilloun encaro de mounde de toun sang, ount trepèxères joubenet e ount, anfin, as belèu amassat, dins le claus dal bièl abescat, tas prumieros *rosos* e tas prumieros *pimpanèlos*.

E me demàndi se n'as pas tirat d'aquélis soubenis de jouinesso l'ensignadou d'aquel libre de tant bouno merço que les affrits de nostro bieilho lengo troboun de mait en mait beritaplomen goustous.

Es pla noummat de sigur, *Rosos e pimpanèlos*. Rosos, perqué soun las flous las pu bèlos, e Pimpanèlos, perqué, encaro qu'un pauc bergougnousos, soun las pus primaigos. E tu sios, sans countesta, le pouèto toulousen, beritaplomen primaic.

En toun tens, cantabòs gairebé soul, dins aquelo lengo moundino, armouniouso que-noun-sai, qu'abios poupat sul se de ta maire, quand, après tout un jour d'un traval ingrat, anabos, le ser, dins les bosques e las prados, suça le boun aire, e que les mourmouls de la pouësio te prenion e t'aféreboun tout entiè.

Oi, cantabos gairebé tout soul, car pendent tant de tens les letruts abion doublidat lour lengo mairalo ; y abio be darrè tu, l'immourtel Goudouli, le Goudouli dal passat, le Goudouli de toujoun, mès èro pla len de nous-aus, car desempey que l'abion reboundut dins la

clastro des Grans Carmes, s'èro fait, sul cop, un gran *cbut* per nostro lengo naciounalo, e Toulouso, sans cessa d'estre la bilo sabento, countabo pus que de *Francimans* !

Mes tu, brabe Mengaud, dins toun amour per aquelo lengo, mespresado pendent douz cents ans, n'abios pas esperat, quelque cop, que se lebarion un joun, dins le païs, d'omes de cor e d'engèni que bouldrion y randre l'aunou qu'y es digut ! Pensabos pas, quelque cop, qu'èros coumio le pastre que se lebo d'aban joun, que bei puntejà darrè la mountagno uno albo flamejanto e que, dal soun de sa carumelo, rebelho de tout constat bouyés e trabaillhadous ?

Qui ba saura jamai ? En atendent, soun tótis aici, abouey, aques bouyés e trabaillhadous qu'an pres à cor de fa rebrouta e reflouri tous los glòrios dal bièl païs. Benoun te courouna de lauriès e de flous, e ieu te saludi, o pouèto de las *Pimpanèlos* ! coumo « le prumiè e le pus primaic felibre de nostro Aquitânia. »

La terro qu'arraso ta touumbo, desempey bint ans, e le tens, qu'a-blaco tant de soubenis, soun pas estats de destrúisis de ta memòrio, que s'es serbado encaro un loung lendema. Biura toujoun dins aqueste païs, e le pople que m'enten te l'assiguro, à Toulouso coumo à Labau, la gardaren fidelomen.

L'arderous Jan Pitchou, le foursalou naissant, dits un sounet an' Mengaud, e a pas acabad, que la desfilado de mai de 60 Soucietads de musico coumenço, al soun des mai poulids *pas-redoublads* de la *Toulousaino*. Nàni, vous pòdi pas pintrà le delire, l'estrambord, coumo disèn les Prouvençals, del pople, an' aquelo ouro ; qui au a pas vist, se penje — pas per de bon ! — Vous pensats se les patomens de mas marchavon, e sobre-tout al passatje des volens Espagnols : « El éco republicano de Rèus. » De countentomen, fasion voula las bounetos en l'aire.

Quand passo le courteje ousicial, e Deffès, e Silvestre, e Salvayre, alavets tourna-mai paton las mas, que semblon uno plejo. E las musicos s'en van al Capitolo querre las recoumpensos que s'an pla meritados, e daissan nous-aus le Grand Round e Mengaud, que les passejaires visiton, cadun soun tour, estabournids d'uno tant bèlo festejado.

Atal s'acavon, dins un raiounamen d'or e d'estelos, la glourificacioun de Mengaud e le Cinquantenari de la *Toulousaino*.

DANTON CAZELLES.



LOU FELIBRIGE DE PARIS A SCÈUS

Lou dimenche 23 de jun, entremen que lou Capoulié dóu Felibrige aussavo la Coupo santo à Brivo, li Felibre de Paris tenien sa fèsto annalo dins la viloto de Scèus.

A-n-uno ouro, li coumpan s'acampavon au jardin dóu Lussembourg, à l'entour de l'estatuo de Clemènço Isauro, ounce lou felibre Gardet dounavo leituro di sounet courouna en l'ounour de Na Clemènço e de Lauro de Novo.

Pièi, travessant lou jardin souloumbrous, li Felibre se soun atrouva subran en garo e an pres lou trin, que tant lèu a restounti de cant miejournau.

A dos ouro e miejo, lou courtege, precedi de la Municipalita, de la Fansaro e di Poumpié, fasié soun intrado à Scèus e anavo, segound l'acoustumanço, saluda l'ousta de Flourian e courouna de flour soun buste emai aquéu d'Aubanel, dins lou jardinet de la glèiso, ounce Clouvis Hugues largavo lis estrofo d'uno caudo pouëslo prouvençalo.

A très ouro se tenié, à l'anciano Coumuno, la sesiho di Jo Flourau.

Après quauqui mot de bèn-vengudo de M. Charaire, maire de Scèus, lou présidènt di Felibre parisen, En Sextius Michel, a fa si coumplimen au présidènt d'ounour de la fèsto, M. Jùli Claretie, de l'Acadèmi franceso, e noun a delembra de glourifika en éu l'enfant dóu Limousin e de traire, dóu même cop, lou salut freirenau i Felibre dóu Miejour que fasien la Sto-Estello à Brivo.

M. Claretie a pièi prounouncia lou discours d'usage en ounour dóu Felibrige, en remembrant li fèsto d'Aurenjo de l'an passa, e nous assécurant que sara sèmpre urous quand sis artisto faran tresana lis ècd dóu vièi cièri rouman.

En deforo d'aquéli discours ousiciau e di rapport sus li Jo Flourau

(qu'aurié miés vougu pas legi, qu'acò tiro trop de long pèr lou publi) i'avié, aquest an, uno counferènci mai qu'interessanto pèr li Felibre, sus lis « Ourigino dòu Felibrige », pèr un di sèt de Font-Segugno :

Garcin, lou fléu ardent dòu manescau d'Allen.

Sabe pas li resoun que saguèron ramplaça Ougèni Garcin pèr Jan Brunet dins la tierro di sòci loundadou e que l'an tengu en deforo dòu mouvemen felibren. E avié l'espèr de vèire l'ouratour s'esplica sus d'aqueù sujet, car, tre l'ausi, m'ère senti pourta vers éu pèr uno franco simpatlo. Malurousamen, l'ouro quichavo, e Garcin noun pouquè acaba sa dicho.

Es egau, rèn qu'à vèire soun esmouugudo quand nous parlavo tant poueticamen di grand mort que plouran : Roumanille, Auberan, Mathieu e Giera, e peréu de Mistral, jurariéu quasimen que Garcin es esta lou proumié à soufri di mau-entendu sobre-vengu entre si coumpan de la proumiero ouro, e que, dins soun cor, a jamai renega la Causo felibreno.

E la provo, es que revèn au Felibrige, aro que vèi claramen que jamai lou Miejour a vougu dessepara sa causo d'aqueù de la grando Patrio. E nous afourtis que soun libre, *Les Français du Nord et du Midi*, avié qu'uno loco : prouva qu'erian tòuti d'uno memo raço e apasima li dous camp rivau.

Avèn l'espèr de nous eoungousta lèu-lèu de l'estudi d'Ougèni Garcin e sarian urons de vèire tòuti li forço felibreno s'uni, pèr lou bèn de la grando patrio, qu'es tout entié dins l'amour de la pichoto e dins l'espandimen di liberta prouvincialo.



De la Coumuno, s'es ana dins lou Pargue, ounte, souto la rountondo, s'es douna la matinado felibreno, emé lou concours d'artisto, entre li quau citaren MM. Silvain e Duparc e Mllo Irma Perrot (la felibresso Estello). Aquesto darriero, vestido en Arlatenco, emé la capello entre-duberto e lou sourrire agradién, a sobre-tout encanta lou publi que s'esquichavo, uno ouro après, à la Court d'amour, emé *Liselo, Janelo dòu coulihoun verd, Ai rescountra ma mio e Magali*.

Dos àutri miejournalo an peréu fa plesi : Mmo Simouno d'Ar-

naud emé *Colette*, e Millo Sirbain emé la roumansom de Jansemin : *Me cal mouri*.

Èro quàsi sèt ouro quand se clavè la gènto sesiho sus l'erbo, e dòu tèms que s'anavo tauleja, iéu, qu'ame gaire lis acamp ounte i'a trop de mounde, — que jamai vous i'amusas coume en famihò, — m'envenguère à Paris emé li miéu. E fuguère pas lou soulet, car l'espetaclu dòu vèspre es couneigu de tòuti : iluminacioun di mounumen de Flourian e d'Aubanel, permenado de la Tarasco e farandoulo dins lou Pargue...

Un prougramo a de-bello èstre bèu : quand es toujour lou même, finis pèr pèdre de soun intérès. Felibre de Paris, mi fraire, se me cresias, chanjarian quicon à la fèsto de l'an que vèn, pèr pas faire sèmpre la memo causo e noun douna à crèire que mudan pas mai que la Tarasco !

L. D.

PAUMARÉS DI JO FLOURAU

Councours literari

1. — Pres dòu menistre de l'Estrucioun publico, sus aquest sujet, en proso franceso : *Les Félibresées* :

Lou gagnaire es lou felibre Enri Bigot, à-z-Ais.

2. — Sujèt en lengo d'O.

Sounet sus lou mes de Jun

Proumié pres à-n-Antòni Berthier, de Bèu-Caire, e segound pres à-n-Andriéu Autheman; de l'Ixo ; emé de mencion pèr messiés Dàvi Thomas, Salomoun Amalbert, Ange Silvestre, I. Dayma, Jan Sounaio, Pau Gourdou, Artur Poydenot, abat Boudin, Anfos Artozoul, Pau Constant e J. Soulet.

Pouësio sus lou Teatre d'Aurenjo

Proumié pres à P. Cheilan, d'à-z-Ais, e segound pres à Jùli Veran, de Bèu-Caire.

Nouvello en proso sus un tipe de Païsan dòu Miejour

Pres : M. Carle Martin, d'à-z-Ais ; mencion à P. Constant e Mau-rise Joret.

3. — Pres de la Court d'amour

i douz meiour sounet francés sus *Laure de Noves e Clémence Isaura*

Proumié pres ex-æquo : messiés Dalibard, de Paris, e Jan Fernel.

Segound » Armagnin, de Touloun, e Celestin Bonnet.

Mencion à messiés Duzea, Meyrargues e J. Reynaud.

Councours classique, pèr lis escoulan dóu Miejour :
Traduciouen en lengo d'O (proso) de la fablo *Lou reinard e li rasin*.
Pres : Marius Jouveau, d'Avignoun.
De menciouen soun estado decernido à-n-Anfos Peyrot, L. Cheronte,
Louis Sautet, Maurise Bastide, Albert Severac, escoulan di Fraire d'Arle ;
Aguste Chabrier, A. Marechal, S. Soler, di Fraire d'Ales ; L. Cahuzac,
dóu licèu d'Auch, e Pau Achard, dóu coulège de Carpentras.

COUNCOURS ARTISTI

Dessin. — Lou pres es reserva, e uno menciouen dounado à Louis
Coulet, de l'Escolo di Bèus-Art de Paris.

Musico sus li paraulo de *La bagnarello*, d'En Sextius Michel :
Proumié pres : M. Enri Eymieu ; segound, M. Guihèm Bournel.

LI NOVO FELIBRENCO

PROUVÈNÇO

— Lou menistre de l'Estrucioun publico e di Bèus-Art vèn de cossituï, pèr arrestat, la coumessiouen di representacioun dramatiko e li-
rico dóu teatre d'Aurenjo. Aquelo coumessiouen coumpren :

MM. Poincaré menistre, président ; Enri Roujon, directeur di Bèus-
Art, vice-président ; li senatour Spuller, Loubet, Bardoux, E. Guerin ;
li deputa Lockroy, Maurise Faure, Deluns-Montaud, Ducos ; messiés
Des Chapelles, chèfe de burèu di teatre ; Bernheim, comissari dóu
gouvèr proche li teatre suvenciouna ; Sextius Michel, maire de Paris ;
Juli Claretie, directeur de la Coumèdi-Franceso ; Bertrand e Gailhard,
directeur de l'Opera ; Marck, directeur de l'Odeon ; Carvalho, directeur
de l'Opera-Coumique ; Camiho Saint-Saëns, de l'Istitut ; E. Fouquier,
J. Lemaitre, Th. Reinach, F. Sarcey, publicisto ; Lintilhac, Heuzey,
Formigé, Garnier, Injalbert, Benjamin Constant, Mounet-Sully, Tour-
nier ; lou prefèt de Vau-Cluso, lou maire d'Aurenjo ; messiés Formen-
tin e Camiho Oudinot.

Li membre d'aqueло Coumessiouн poudien pas èstre miés chausi ; mai, de-segur, aurié pas fa taco au tablèu se i'avien apoundu neste grand pouèto naciounau En Frederi Mistral, e lou Capoulié dóu Felibrige, En Félis Gras. I Miejourneau de Paris, se sarié bèn pouscu a-poundre quàuqui Miejourneau de Prouvènco, parai ?

— Aplaudissèn au bél envanc de la *Provence artistique*, que lou valènt Antony Real fié lucho tant arderousamen pèr la Prouvènço e pèr la restauracioun dóu cièri rouman d'Aurenjo. Ié souvetan longo vido e bello réussido.

— Dins sa darriero sesiho, la Soucieta naciounalo d'acourajamen au bèn, de Paris, souto la presidènci de M. Jùli Simon, a decerni uno medaio d'ounour au felibre mantenèire Frederi Estre, à Remilly.

Lou valènt mège Estre èro adeja decoura e medaia pèr service rendu dins lis ambulanço e à prepaus de malautié epidemico. Aquelo nouvello distincioun, que vèn courouna sa bello vido, i'ero degudo, e i'aplaudissèn couralamen.

— Lou 29 d'abriéu, mounsegne l'evesque de Valènço dounavo la counfiermacioun is enfant de Mount-Brun (Droumo) ; e 'm'acò, à la dinado, moussu lou curat s'aubouro e, dins de vers prouvençau superbe, canto l'anniversari vinten de l'épiscopat de Mounsegnoeur. Lou prouvençau s'entrauco pertout e repren la plaço degudo.

— Lou 26 de mai, l'*Escolo de la Mar* a tengu sa felibrejado au *Grand-Hôtel* de Marsiho. Lou pedoun aguènt estravia nosto letro counvidarello, es qu'après fèsto qu'avèn agu couneissènço de l'acampado, e n'en parlaren mai tre que saupren çò que se i'es fa e di.

— A Rocho-sus Grano s'es tourna-mai felibreja en ounour de la lengo dóufinenco. Se i'es jouga uno flamo coumèdi de Gatian Almoric, lou mantenèire de Chabriha, qu'a pèr titoulet : *Nonanto-nòu*. Mai de 500 persouno èron vengudo aplaudi li jòuinis atour, e moussu lou maire de Rocho, que presidavo la fèsto, a coumplimenta poulidamen l'autour tant bèn emparaula ; mai lou bèu es esta quand, avans que lou rideu toumbèsse, tout lou pople s'es auboura pèr faire uno ouvacioun au felibre Almoric e qu'uно chatouneto, en ié dounant de flour, i'a di gentamen :

« Tè, felibre de Chabrelho, vaqui 'n bouquet que tous Rocheiròus te semoundon, chascu de nous-àutreis li o bouta sa petite pougnà de flours. »

— Pèire Bertas (Hernand Antoine), ajoun au maire de Marsiho, pèr

li Bèus-Art, a demanda e óutengu dóu Counsèu municipau que se dounesse lou noum de *Plaço Carlo de Casau* à la plaço *Marrouno*, qu'es aqui que lou conse Casau fuguè sagata pèr Libertat, lou 17 de febriè 1596.

— Lou meme Pèire Bertas a fa vouta pèr lou Counsèu municipau uno soumo de 50 000 fr. coume suvencioun au mounumen de Puget, que se dèu auboura plaço de la Bourso e que coustara 150 000 franc.

— Li *Tablettes marseillaises* an pres la plaço de *l'Indépendance du Midi*, o pèr miés dire, es aquesto publicacioun que s'es foundudo dins li *Tablettes*, que faran plaço i jouine emai i felibre. Longo-mai !

— La *Revue félibréenne* vèn de parèisse en douz fascicle, pèr li 6 darríè mes de 1894. La proumiero liéuresoun es counsacrado escassamen au flame raconte di festo felibreno e cigaliero de l'estiu passa e fai lou recit coumplèt dóu roumavage de nòsti coumpan de Paris en Prouvènço e sobre-tout au cièri d'Aurenjo. Le segoundo liéuresoun, qu'es un vertadié voulume, se duerb emé *Tremount de luno*, de Mistral e tèn tres cansoun prouvençalo d'Aguste Marin, un estudi istouri dóu marqués de Vilo-Novo sus *la Maison des Baux*, un sabourous pouèmo : *L'alerta*, de la « cigalo de Lansargo », En Aleissandre Langlade, etc., etc., e se clavo pèr la taulo generalo de tout ço qu'a pareigu dins la Revistò despièi sa foundacioun, en 1885, e i'a quicon !

— Lou brave felibre V. Rougon, de Manosco, a vist mourir soun paire ama e venera, que s'es endourni dins si bras, lou 3 de jun, en estènt dins si 85 an. Plagnèn couralamen si dòu e pregan Santo Estello de ié baia soulas.

— A l'óucasioun de la celebracioun en Alès de la festo de l'assouciacioun amicalo dis ancians escoulan' di Fraire, aquéli jouvènt, que lou sang cevendò ié boui dins li veno, an vougu temougna l'amour presouñ que porton au reviéure de la lengo prouvençalo, e an counvida mounsen Grimaud, curat de Sorgo, un de nòsti presicaire prouvençau di miés emparaula, à veni ié dire, en parla dou terraire, lou panegiri de soun patroun, lou benurous Jan-Batisto de la Salo.

Em'accò, lou 19 de mai, dins la catedralo de St-Jan d'Alès, coumoulo de pople, mounsen Grimaud a fa gau en tòuti lis escoutaire, e noun a delembra d'auboura en ounour aquéli que gardon preciousamen lou tresor de la lengo meiralo. Escoutas-lou :

« Prouvènço, Coumtat e Lengalò sian fraire e sorre d'uno memo patrio, e tòuti aman egalamen d'amour noste terraire, noste soulèu,

nòsti costumò e nosto lengo. Pèr malur, uno centralisacioun brutalmen apassionado pèr lou nivèu, s'èi dounado l'embecile pres-fa de nous desmama de nòsti viéis usage, de nous desafeciouna de nosto vièlo lengo, e, pèr tout dire d'un mot, de nous desvesti de nosto personalita. Urousamen que lou terraire e lou soulèu s'embanaston pas dins de canestello, autramen i'a bèu tèms que nòsti prat sarien ermassi e que farie toujour nivo dins noste fiermannen. Nòstis usage d'antan, li gènt dòu Nord lis an quasimen tòuti peri, e nous soubro plus que nosto lengo d'O pèr nous remembra qu'avèn fa figuro dins l'istòri. Aquelo lengo d'O que li pouèto amon à-n-apela la lengo d'or, èro, passa tèms, lou parla lou plus requist de touto l'Uropo. Tout-bèu-just, dis Mistral, lis àutri nacioun coumençavon à jargouneja que la Prouvènço avié deja uno lengo richo, souplò, courousò, musiquejantò. Li chivalié, li rèi, lis emperaire la parlavon pèr delice e n'èron jamai tant countènt que quand poudien ausi la cansoun meloudiouso d'un troubadour. N'èi-ti pas en lengo prouvençalo qu'un rèi anglés, Richard-Cor-de-Lioun, jitavo soun plagnun à sis armado que lou leissavon en presoun dins la tourre dòu duque d'Autricho ? E Frederi II, lou rèi de Sicilo, quand ié prenié de cansouneja, preferavo-ti pas la lengo prouvençalo à la lengo de soun païs ? Falié dounc bén que fu-guèsse bèu aquéu parla de nòsti rèire, pèr que li rèi vouguèsson qu'éu à sa court e pèr que de pouèto coume Dante, coume Petrarco, venguèsson à l'escolo di cantaire prouvençau !

« E pameis, aquelo divino lengo qu'es stato l'ensantarello de la pouësio mouderno, aquelo lengo amistadouso qu'a servi mai que ges d'autro à desmuda l'Uropo de la barbarié, chauchado pèr lou tèms, cousejaro pèr li guerro, virado de caire pèr l'aménistracioun di counquistaire, a vist toujour que mai, de siècle en siècle, apichouni soun empéri. Desempièi long-tèms a fini pèr se rambla moudestamen dins li païs miejournau ounte avié pres neissènço. Ah ! dòu mens, nous àutri que sian pèr elo coume lis enfant de l'oustaü, requialen, tant que poudren, l'ouro de soun angònì, fasèn-la clanti sobre-tout dins li gràndis acampado, e que la gleiso, en l'aubourant dins sa cadiero, sagüe vèire que la regardo coume l'uno di plus bèllis encarnacioun dòu *Verbe de Diêu*, e qu'aplaudis à sa resurrecioun..... »

— Lou 11 de jun, lou Pai Savié de Fourviero a peréu fa uno brihanto counférènci, encò di « Mardiste » de Marsiho, sus la lengo prouvençalo e lou Felibrige. Uno ouro de tèms a tengu soun auditòri pivela, e pièi li jouvènt an di de vers e lou felibre Louis Roux s'es fa aplaudi.

— Vès-eici lou rampèu que lou Coumitat mantenèire dóu Tambourin vén de faire brusi pèr nòsti terro prouvençalo :

A-z-Ais, pèr l'Ascension de 1895.

BRAVE COULÈGO,

A lounour de l'ilustre Prouvençau Peiresc, que se l'aubouro un mounumen lou darrié dimenche de juliet, venès tourna-mai fa brusi lou galoubet dins nouesto capitalo ; la gaio musico dóu païs es counvidado emè la Pouësio e l'Art ; acampas-vous en bello coumpagno, coumo l'autre an ei gràndeï fèsto felibenco.

Coumo alor, se recoumpensara, argènt tintin, lei tambourinaire que presentaran de jòuineis élèvo ; e tambèn, auren gau d'ausi, siegue soulet, siegue en grupo, tóutei lei sòci dóu tambourin.

Uno medaio memorativo de la soulennita Peiresciano sara baiado en cadun ; pèr vous facilita, recebrés uno biheto dóu camin de ferri à mita pres.

Amourous de la bello Prouvènço, digas lèu de o, pèr-fin de recebre lei moussèu d'ensèn que se musiquejaran.

Escrivès au présidènt dóu Counitat, carriero dei Champ, 5, à-z-Ais. Vengués un centenau à la tambourinado de Peiresc !

L. de BRESC, présidènt ; B. CAMOIN e F. VIDAL, vici-presidènt ; L. OLLIVIER, tresourié ; POURCIN, secretari ; E. COUVE, présidènt ounouràri.

LENGADÒ

— Sus lou prepaus dóu centenàrl de la mort de Flourian, es question de l'auboura un mounumen dins la vilo d'Alès. La souscripcióun es duberto e li sòu soun reçaupu encò de M Arnassan, 12, carriero de la Coumuno, en Alès (Gard).

— Avèn parla, dins nosto crounico, de la fèsto dounado à Toulousou lou 19 de mai, pèr lou cinquantenàri de la *Toulousenco* ; nous fau, aro, dire quauqui mot di fèsto de l'Escolo Moundino di 25 e 26 de mai.

Lou 25 de mai, de vèspre, dins lou teatre dòu Capitòli, l'Escolo Moundino dounavo superbamen lou cungoust di fèsto dóu lendeman en un councert magnificamen ourganisa, qu'es esta un grand succès, e ounte lou pople e lou bèu mounde que i'avien courregu an aplaudi mai-que-mai lis artisto valent que ié soun vengu dire li roumanso, pastouralo e cansoun poupoplari.

Milo Jarrié canto *Jamai*, la roumanson de Louis Roumiéux e de Gile Borel ; pièi, a di, en coumpagno de Triadou, dóu Counservatori de Toulouso : *Le prumié pas*, que éu-même a canta : *N'aimi que tu*, dóu pouèto Quercy e d'A. Saintis pèr la musico. Mimo Ribes-Tournié, em' un biais esquist, a bresiha : *Lo Pardal*, uno cansoun dóu Roussihoun, e i'a apoundu : *S'en es anat*, pastouralo de Lucian Mengaud ; Milo Castagnié, dóu Grand Teatre, a canta la *Cansou del Printems*, d'Abadie e Leybach ; *Cesete*, de Bigot, *la Transido*, de Lagravero e Dauberry, e lou cant de Gastoun Phœbus, que tóuti i'anavon au refrin :

Se canto, que cante, cauto pas pèr ieu,
Canto pèr ma mio qu'es al pres de ieu !

M. A. Mary s'es fa un triounfle em' uno cansoun aveirounenco : *La confessiou*. En parla d'Agen, Vitou Delbergé a declama *Lo Cassé*, e Quercy, de Mount-Auban, a regala l'auditòri de dous conte galejarèu tira d'un voulume que vai parèisse soutu lou titre de *Rissios*.

Lou Garrelou e sa troupo an pièi jouga : *Las aucos del Toumas de Founsoygríbos*, cascraleto de Mengaud, que n'i'a pèr se desgargamela.

L'Escolo Filarmounico e li cor dóu Counservatori, soutu la direicioun dóu maëstro Deffès, e em' acoumpagnamen de musico, an canta l'inne : *la Toulousaine*, que lou pople a fa bissa. Enterin, l'Escolo Filarmounico avié canta : *la Felibrejado*, de Laporte, e *Le Medjoun*, de Quercy e Vidal.

L'endeman, sus lou tantost, dins la salo dóu Counservatori, se tenèu la sesiho di Jo Flourau de l'Escolo Moundino.

Au Burèu, à l'entour dóu cabiscòu Louis Vergne, avien pres plaço li majorau Perbosc e Carle de Carbonniere, C. Ratier, cabiscòu de l'Escolo de Jansemin, d'Agen, e li felibre Estiéu, Quercy, J. Felician Court, Forestié, etc., etc.

Lou cabiscòu duerb la sesiho e fai si gramaci en tóuti ; douno, pièi, la paraulo i rapourtaire dóu councours, Danton Cazelles e Pau Fagot. Li pouèto courouna an di sis obro ; Estiéu a desgruna un di sounet flamejant de *Lou Terradou*, e li gagnaire soun vengu querre si flour o si joio à flour e à mesuro que lou paumarés se debanavo. N'en veici lou comte rendu :

Lou pres dóu *President de la République* es douna à M. A. Quercy, pèr soun libre en preparacioun : *La Franceso en Quercy*, e la *violetto d'or* es atribuïdo à Pau Dunac, pèr un travai sus lou despartamen de l'Ariejo.

Pouëslo de genre

Proumié pres, *roussel de vermeï* : Antounin Maffre, de Beziés ;
 Segound : Alban Vergne ; tresen : Gastoun Lavergne ; quatren :
 Maurise Joret e Barrière-Flavy.

Menciou à messiés Ribet, Bastide, Jalloys, Aybram, Lamourere e
 Balaran.

Sounet

Lou *viro-soulèu de vermeï* es pèr A. Teulié, de Fouis.

Segound e tresen pres : Pau Froment e Jousé Gayssot.

Menciou à messiés Soulet, Ribet e Rigués.

Conte en vers

La *pervenco d'argènt* es daverado pèr E. Bonis, de Nissan.

Segound e tresen pres : Dono Louiso June e L. de Larambergue ;

Quatren pres à messiés de Dordé e l'abat Louis Benne.

Menciou : J. Carrere, Gruvel e Bregail.

Cansoun

La *pimpanello d'argènt* revèn à Maurise Joret, dòu Mas d'Agenés, e
 lou segound pres à messiés Lamourere e Bregail.

Menciou : A. Arseguel e P. Dunac.

Proso lengadouciano

La *vióuleto d'argènt* es dounado à M. Carles, e li segound e tresen
 pres à messiés Ed. Pons e Dunac.

Li menciou soun pèr messiés Clouvis e Louis Roques, Mailhe,
 Rigal e Senat.

Teatre

La *medaio d'argènt* emé lou libre *Lou Terradou* soun pèr M. Marcel
 Lignieres, e li segound e tresen pres pèr messiés de Dordé e Arseguel.

Uno menciou à madamo de Larambergue em'à Louis Ribet.

Pouëslo en touto autre parladuro dòu Miejour

Proumié pres : Louis Bard, de Nimes ; segound : L. Bonnaud, de
 Marsiho ; tresen pres : E. Larroque, d'Ourtès.

Menciou à messiés Casamayor, E. Plesant, Balagayrie, Bouviala,
 Vigier e Bertrand fiéu.

Proso en touto autre parladuro

Un brut de *ginèsto de vermeï* es decerni à D. Lafore, d'Ourtès, un
 segound e un tresen pres à V. Lalanne, di Bassis-Pirenèu, e Martin,
 d'À-z-Ais, e uno menciou à-n-Enri Plesant, de Frejus.

— Lou 26 de mai, de vèvre, encò de l'oste Tivollier, l'Escolo Moundino a tourna-mai tengu sesiho à taulo e felibreja autamen pèr lou triounfle de la *Terro d'Oc*.

Tóuti li felibre soun aqui : Louis Vergne, lou valent cabiscòu di *Moundi*, Perbosc, C. de Carbonniere, Estieu, F. Court, etc., emai li laureat di Jo Flourau, li representant di journau e uno ribambello d'amis e de counvida.

Au champagno, Louis Vergne entouno la *Cansoun de la Coupo*, que tóuti ié van au refrin ; em'acò pièi, bieu à la glourificacioun dóu Len-gaddò. Lou majourau Perbosc dis alor li vers qu'a escrincela sus l'obro de Prouspèr Estieu ; Carle de Carbonniere, sendi d'Aquitani, souvèto prousperita e longo vido à l'Escolo Moundino e enauro la fraternita felibreno ; Pau Fagot ausso lou got e unis soun brinde à-n-aquéu dóu sendi d'Aquitani ; Bacquié-Fonade bieu au cinquantenari de M. Deffès, e aquest fai l'elogie de la lengo d'O, tant musicarello ; lou cabiscòu brindo i damo di Felibre, e li vers fan plaço i vers e li cansoun i cansoun ; Delbergé, Froment e Antounin Maffre se fan aplaudi ; Felician Court, que mando un salut à l'Escolo Auvergnato, e l'abat Louis Benne, tóuti ié van de la siéuno : jamai calo l'estrambord, quand Prouspèr Estieu escampo d'òli dins lou fid en fasent trounejas *Loue Serventes à Goudouli* ; Forestié, Ratier, Danton Cazelles, Quercy, Pau Vié, Teulié, Delga, e d'autre e d'autre... E la festo se clavo qu'es adeja matin : li refrin jouious soun sus tóuti li bouco, e tóuti dison : A l'an que vén ! Vivo Toulouso !

— Bonadi la bèn-voulénço dóu Counsèu Municipau de Toulouso e dóu Counsèu Generau de la Nauto-Garouno, que vènon de vouta uno suvencioun pèr ajuda à l'espandimen de la lengo pouplàri, G. Visner, lou lauraire de cap dóu brave journalet *Le Gril*, vai faire parèisse lou *Mesciadis moundi, countes e cants abarrejats*.

Aquèu voulume, de tradicioun toulousenco emè prefaço d'un letru « franchimand », es en souscripcióun encò de l'autour, i l'urèu dóu *Gril*, 5, balouard de la Gare, à Toulouso, au pres de 3 fr. 50 lou voulume, manda franc de port pèr la posto.

Es peréu en souscripcióun au même rode *Le Diciounari moundi*, de Jan Doujat, ouvrage courouna i Jo Flourau de Toulouso. Aquèu diciounari sara precedi d'uno préfaço escripto de la man d'un « roumanisant » e costara 5 fr. que se pagaran après d'agué reçau pu lou libre.

Lou Gerent : Jan Monné.

CROUNICO

A titre de curiosita, dounan eici dessouto la letra que l'Escolò limousino avié espandido pèr counvida lis ami i fèsto de la Sto-Estello :

GENTAS DOMNAS,
MOUSSUS, AMICS E
GAIS COUNFRAIRES,

Per festar la Revelhada lemuozina, lou Capoulier vol celebrar, aquesta annada, dinz la ciutat de Briva-la-Galharda, la Senta Estiala del Felibrigie.

Arrièbara lou dissates 22 de jun, al ser.

Lou lendema mati, dimenche, se tendra lou Counsistòri felibrenc am l'Assemblada de las Escolas del Lemouzi, dinz uñ daus bastimens de la vila.

Sus lou cop de mietjourn, vendra l'amistousa Taulada de la Coupa Senta.

Aprep una vesita aus vielhs mounumens brivencs, sera facha la proclamaciú daus pretz dels Jocs de l'Englantina, acoumpanhada d'una bela Serenada al teatre.

Lou dilus, felibrejarem enquera, hors de malur, al chastel de Tourena.

Genz d'en amoun, genz d'en aval ! vous prejam de venir am nautres chantar la gloria de nostra lengua e de nostra patria mairalas revis-couladas.

Mandatz-nous leu, si vous plai, vostre coundentamen. E vous saludam couralamen, aura, en Senta Estiala.

L'ESCOLA LEMOUZINA.

DISCOURS DÓU CAPOULIÈ FÈLIS GRAS

A LA SANTO-ESTELLO DE BRIVO

MESSIÉS E GAI COUNFRAIRE,

Es en glouriouso terro d'Aquitàni, sus lou sòu limousin, que Santo Estello davaló, vuei, de soun fiermamen. Es elo que vous adus entre si man, casto e lumenouso, la Coupo felibreno, aquéu cibòri qu'embriago lis amo e ié baio *l'estrambord e l'enavans di fort.*

E vautri, li devot de la Causo, vautri ji felen de la raço majouro di Troubadou, vautri qu'avès trepeja, de paire en siéu, li draiolo e li vièi camin·ounte cavauquèron li chivalé dòu Bèu e de l'Ideau, avans de béure lou vin *dis àuli cuneissènço*, avans de reçapre lou viatique *que tremudo l'ome en diéu*, ausès ma paraulo, escoutas lou crid de ma fe!

Vous an di que l'ouro di lucho a pica, pèr revendica e reprendre la plaço au soulèu qu'es degudo i pople, i raço di prouvinço que fan la vido, la forço e la glòri de la Franço.

An di verai. Es l'ouro d'asfourti que, vuei, la Patrio es pas dins uno ciéuta, tant grando, tant glouriouso siegue. Es l'ouro d'asfourti e d'impausa la cresènço d'aquelo verita : que l'art, lou talènt, l'engèni d'uno nacioun, soun pas rejoun i museon, dins lis escolo e lis acadèmi d'uno capitalo. Es l'ouro de se plus leissa enmasca, enfada pèr lou semblant de richesso, que nous proumet la lusour di glouriolo que nous traïs la Sereno encantarello, pivelarello, esmiraciant d'eilamount.

Es pas en davalant dins lou fangas de la poulitico qu'asfourtiren aquéli revindicacioun e clamaren aquéli verita : pèr nàutri, li Felibre, lou glàsi que nous fara vincèire es la pouëslo, lou blouquié que nous aparara dòu cop mourtau es noste clar lengage.

Adoune nòstis obro, nòsti coumbat n'an qu'uno toco : lou sauvenamen de nosto lengo pèr l'espandimen de l'engèni de nosto raço !

La nacioun que n'a 'n visto que la matèri, que viéu que de pan, qu'a perdu lou lengage qu'espremissié sa pensado, es uno nacioun desarmado, enrascassido, maduro pèr l'esclavitud e lou susàri.

Quant n'i'a de pople, quant n'i'a de raço qu'an manja lou blad de la terro dins l'escuresino di siècle, e que sabèn pas si noum,

ni li tèms qu'an viscu, ni même li rode dóu mounde qu'an treva,
amor que lis ome d'aquéli raço avien pas garda dins soun alen lou
germe de l'ideau que Diéu boufè, tros de soun amo, sus lou pessu
d'argielo, quand creè lou paire de l'umanita !

Mai coume soun pouderouso encaro e vivènto, après de siècle
e de siècle, mai coume sian gibla e nanet davans l'obro epico,
coume sian esbalauvi au trelus de la pouëslo di raço antico, que
garderon puro l'alenoado divino e aspireron sèmpre vers l'ideau.

Escafas la Biblo, aquéu pouèmo di pouèmo, aquelo garbiero de
legèndo, obro la mai pouderouso que l'esperit uman ague enfanta ! S'escafas li libre de Mouise e de Jóusuè, e di Juge e di Rèi e
d'Esdras e di proufèto, qu'èron li felibre di tèms anti, autant vau
amoussa lou soulèu, car subran fasès la niue sus quatre milo an
de l'istòri dóu mounde !

Se la belugo dóu voulcan, se l'encendi de la guerro aboulisson
li pouèmo d'Oumèro, se lou martèu dóu barbare engruno l'obro de
Fidias, l'Oulimpe, emé louti si diéu, cabusson dins lou noun-rèn,
e nàutri sabèn pas que i'aguè 'no encontrado de la terro que
s'apelavo la Grèço !

E lis Aje-Mejan, sènsou lou Dante sublime, sènsou nòsti Troubadou,
quente mutige de cementèri, quento negrour de catacouumbo !

Noun parlarai di tèms mouderne que, se ié garavon si pouèto,
veirien sa pietadouso istòri pourtado sus li coulouno trantianto de
la guerro, dóu crime e de la messorgo !

Acò revèn à dire : Dequé sarien li nacioun, dequé sarien li raço
sènsou si pouèto ? Sarien pas mai, e belèu mens, que l'eissame dins
lou brusc, que lou fournigué dins la fourniguero. Lis ome pas-
sarien, quand aurien proun manja dóu blad de la terro, e aquéli
que li seguirien sauprien pas si noum, e de mai en mai enrascassi
e abesti pèr lou paupamen de la matèri, finirien pèr plus auboura
lou front e s'ajudarien de si man pèr camina, e regardarien plus
lou cèu, empèri di pantai, e manjarien emé si brego à ras de sòu.

Adounc, Messiés e gai Counfraire, à l'ouro d'uei coume en tous-
tèms, la luchò es entre l'ideau e la matèri, entre la vido e la
mort, entre la flour e la pèiro, entre la glòri e la vergougno, e
nàutri, li Felibre, sian pèr l'ideau, pèr la vido, pèr la flour, pèr la
glòri. E vous dise e vous lou redise, pèr la counquisto de l'ideau,
de la flour e de la glòri, nosten glòri es la pouëslo, nosten blouquié
que paro la mort es nosten lengo d'o !

Auto ! auto ! Limousin, flèr Limousin, vautri que sias de la patrio di rèire : de Bertrand de Born e de Ventadour, e d'Arnaud Daniel, e de Gaucelm Faidit, e de Gui d'Ussel, e de Guiraud de Bournei e de tant d'autre que sauvèron, pèr sis obro, la lengo limousino. Maio de tòuti li dialèite miejournau, seguissès voste cabisèu qu'a entouna la *Chansou lemousina* ! Que vòsti gèsto, serventés, pantai d'amour, cansoun, preguiero crestiano o pagano, clantigou sus la mountagno, pèr colo e valengo flourido, souto la nau de la glèiso, davans l'idolo dóu temple, à la faci di cresènt e di mescresènt, e aurés derraba li sèt aguïoun dóu coulobre que voulié abouli vosto raço, à tout lou mens ié gara soun clar lengage, *qu'es éu la Patrio, es éu la Liberta !*

E, enjusquo à la finicioun di tems, lis ome di terro majouro e di terro minouro se remembraran vòsti noum e, coume lis erbo de la piano e lis aubre di mourre tiron sa sabo dóu sòu, pièi espan-disson si flour au dardai dóu soulèu, éli s'abariran, coume d'uno mauno, de voste clar lengage e espandiran sa pensado, flour dóu jardin de Diéu, au dardai de vosto pouëslo eternamen fegoundo !

E quand vosto obro sara en plen coumplido, poudrés dire coume nàtri li Prouvençau : « Es-ti pas verai que lis estrofo de *Mirèio* an sauva la lengo prouvençalo de la niue de l'oubli e de la mort ? » Degas-me coume poudrié peri aquéu lengage, aro que noste Miquèl-Ange n'a fa lou maubre de soun estatuo, aro que noste grand-prêtre n'a fa l'oustlo de soun Eucarestié, aro que noste pouëto n'a fa lou cors de soun idèo genialo ?

O Felibre valènt, agués la fe, la fe vivènto, dins nosto Causo felibenco. Seguissès sénso fali la draio lumenouso que meno à la toco ; noun sagués cas di japado de la chinarié envejouso, — vau miés faire ensié que pieta — noun sagués cas di blasfème di renegat, — lou blasfème es encaro uno formo de l'ate de se, — mai emplantas l'espocroun d'or dins li flanc dóu chivau alu, e aus-sarés sobre lou blouquié, dins li seren de l'azur, plus aut que lou lum e lou sum d'uno capitalo, li prouvinço vitouriouso. — Es éli, li prouvinço emé tòuti li ciéuta e tòuti lis ome de la nacioun, qu'an lou dre e lou devé de garda franc de tutto maco, e sèmpre resplendènt, lou noum de Franço !

DISCOURS DE RECEPCIOUN D'EN J. CASSINI
A LA SANTO-ESTRELLO DE BRIVO

MOUSSU LOU CAPOULÉ,
CAR COUPRAIRE,

Es em' autant d'emoucioun que de fiert que prene lou sèti de Jan Brunet, e que vène au mitan de vous-autre travaia, coume éu, à l'ou-nour e à l'espaldimen dòu Felibrige.

Aquéu pres-fa, verai, es bèn grèu pèr ieu, mai, en me remembrant de-countùnio li gràndi leiçoun, li bèus eisèmple de moun predecessor e en me reviscoulant is ardour lumenouso e generouso de voste fou-gau, sai, poudrai lou cumplic ; acò sara touto ma passioun. Lou sa-bias proun, parai, Messiés, d'abord qu'avès degu coumta, autant vòu dire, rèn que sus elo, pèr m'ounoura d'aquesto plaço.

Adounc, leissas desbounda moun cor, ounte sourgento aquelo pas-siouun, que n'en bandirai lou proumié rai dins lou regòu de l'istòri, de-longo assedado de la melico que lé pourgis lou renoum flòri dis-ome que l'ilustron, — ansin, ieu, l'encantarai en l'abéurant au lau-roun avena dins ieu pèr la felibenco magio e li vertu de Jan Brunet.

Nascu en 1822, d'un paire qu'ero esta sóudard souto Bonaparto, e abari dins un ataié de pintre — mestié de sa famiho — en escoutant li raconte estrambourdant de la grando armado, e li teourio enmas-carello sus la gamo di coulour, Jan Brunet, falié que devenguèsse capitàni o artisto, e fuguè li dous à la fes. Mai la naturo, que s'ero plaisirgo de lou favourisa, vouguè que fuguèsse encaro mai que tout acò, vouguè que fuguèsse pouèto, e pouèto fuguè.

Apassiouna dòu parla prouvençau, felibre avans la letro, s'agroupè, naturalamen, au roudelet plen d'estrambord que devié bandi à travès dòu mounde entié lis esbrihadamen de la pouësio prouvençalo, e fuguè un di sèt aposto de Font-Segugno, souto lou noum de *Felibre de l'Arc-de-sedo*, simboulisant, pèr ansin, soun mestié coulouradis.

Si pouësio soun remarcable pèr la douçour di sentimen. Cantavo li joio de la famiho emé d'expressioun innoucento e enfantouido, talo que i'eron ispirado pèr lou bonur e la simplessò de soun fou-gau.

Vès-eici uno d'aquéli peço, dedicado à sa maire :

QUAND MUDON L'ENFANT

Au caire de la chaminèio,
 Quand la niue vèn, mudon l'enfant;
 Davans un bon fid de bourrèio
 Ié fai causa 'n pedas bén blanc,
 Sa bono grand.

Mai l'enfantounet plourinejo :
 Belèu uno esplingo lou poun ?
 I'aurés douna la soupo frejo
 Vo trop sarra soun coutihoun,
 Paure agncloun !

Plega dins si lani, rouviho,
 Anen, maire, encaro un degout
 De toun bon la ; pièi, o Mello,
 Pregaren lou Mèstre de tout
 Qu'anen au bout.

La maire, alor, pren li maneto
 De soun poulit pichot nistoun,
 E la preguiero enfantouneto,
 Mesclado emé quàuqui poutoun,
 Mounto eilamount.

« Moun Diéu ! fasès-me grand e sage,
 O, se noun, fasès-me mouri ;
 A mi gènt baïas forço ôubrage
 Pèr fin que poscon se nourri
 E m'abari.

« Moun Diéu, saguès gaiard moun paire,
 Mi grand e tòuti li parènt ;
 Benesissès, peréu, ma maire
 E pièi li que nous fan de bén,
 De mau tambèn.

Mandas de pan à la pauriho,
 Uno mameo à l'enfantoun
 Afrejouli, qu'à la vourlo
 Vanego, alin, dins un cantoun,
 Sènso poutoun.

Jèsu, moun Diéu ! » E dins sa brèssو
Couchon lou pichot bèn caudet;
Rouviho un pau, la maire brèssо...
L'enfant s'endor, tetant soun det...
Qu'es poulidet !

Aquelo pouësio souleto esplico touto la candour de soun amo ; tanibèn Jan Brunet, dins lou malastre, escrivié de plagnun talamen doulent, que vous fan tira peno, e acò provo bèn qu'avié uno di qualita la pu marcanto dóu pouëto : la sensibleta.

Mai es de remarco, peréu, que si pèço — pareigudo dins li proumiés armana prouvençau, valènt-à-dire à la pouncho dóu jour felibren, — soun esricho dins uno lengo puro, sobro e sano, coume l'aubo d'un bèu jour, parai ? Eiçò provo qu'à la proumiero ouro, la sabo que gounflavo l'aubre de nosto reneissènço e lou butavo vers soun espan-dimen, ié mountavo tout dre di tacino dóu pople, emé lou franc principe de soun engèni ; e neste Jan Brunet, Messiés, noun couneissènt alor li tresor de la leissicoulougio — tant recerca despièi — a fa vèire que lou lengage poupoplari sufisié pèr caressa o pèr esmóure, e qu'èro bèn dins aquéu lengage simple e linde que s'enracinavo la forço dóu verbe prouvençau.

Enterin, soun Avignoun, la pichoto patrio, la Prouvènço enfin, i'avien rauba l'amo, e dins soun cor mestrejavon bèn tant, que neste felibre s'atalè, pèr li glourifica, à-n-un travai espetaclos. Passè d'annado emai d'annado à bousiha e à furna dins de mouloun de libre, e anè, pièi, pica is oustau, d'eici, d'eila, pèr reculí, de la bouco di vièi e di vièio, li prouvèrbi prouvençau ; — e n'acampè quatorge milo ; — soun manuscri, à n'aquesto ouro, es encò dóu valènt M. Arbaud, d'àz-Ais. Grando obro, que ié soun counsigna li mour, li crèire, lis us e la sagesso dóu pople de Prouvènço : obro talamen precioso, se pòu dire, que retipo e que countèn la vido de nòsti rère.

L'afougamen necite pèr mena 'no talo entre-presso à bono fin, marco bèn la grandour de sa fe dins la Causo felibreno ; mai, lou biais interessant, agradiéu e óuriginau de l'atrencamen de soun obro, dou-no, peréu, la mesuro artistico e literari de Jan Brunet.

Pèr provo, citarai quâuquis-un d'aquéli dire poupoplari *sus la luno*, e li tire, mot pèr mot, d'uno broucaduro qu'avié fa parèisse encò di fraire Aubanèu, en Avignoun, e touto counsacrado i prouvèrbi lunié :

Luno palo
L'aigo davallo
Luno roujo,
L'aire se boujo.

E digas-me 'n pau : I'a-ti jamai agu 'n paure astre tant critica, uno luno que se ié fugue di mai de soutiso, mai de pater-bourru qu'aquelo pauro luno rousso, causo di prouèrbi venènt :

Luno rousso
Vuejo boursò.
La luno rousso
Roustis li poussò.
La luno rousso
Toujour nous tremoussò.
La luno rousso
Es la maire dis abime.
Luno rousso,
O plôu o bouso.
Jalado de la luno rousso
De la planto rouino la poussò.

E quand la luno rousso es mercrouso, (valènt-à-dire quand fai un dimècre), alor, ié sian dins lou roudan ! I'a de malur pèr tout l'an, li vigno sobre-tout soun de plagne :

Luno rousso,
Quand es mercrouso,
Pèr tout l'an es desastrouso.

Li païsan e li jardinié an grand tort de n'en tant voulé à la luno rousso, que n'es pèr rèn dins tóuti lis auvàri qu'arribon i planto e i gréu.

Acò n'empachara pas li chin de japa contro la luno.

I'a pas que li chin que japon à la luno. Proun gènt japon de liuen, quand podon pas faire mai de mau o que fan de menaço qu'avançon de rèn. Urousamen que

La luno cren pas li loup.

Li loup podon pas soufri la clarour de la luno e jiton d'ourlamen quand la vèson. Tout courme lis envejous que bramon contro lou mérite e lou talènt que s'enauro, e

Dòu mai lusis la luno,
Dòu mai lou chin japo.

e lis envejous tambèn.

Avèn, pièi, aquélis abrasama que voudrien

Prendre la luno eme li dènt.
valènt-à-dire faire de causo impoussiblo.

E li marrias que bouton li clau souto la porto, que lèvon lou pèd en empourtant la caisso e fasent quinquinello, autramen dire coume vœu li bancoroutié. Ah ! se, coume àutri fes, ié fasien moustra lou quiéu e n'en pica sus la lauso, n'iaurié belèu pas tant que cercarien de
 Faire de trau à la luno
 e de viéure après gras e dru, en moustrant
 Uno caro de luno.
 Revenen un pau is enfluènci de la luno :
 Nouvè sénso luso
 De tres fedo vén à-n-uno.
 En pleno luno fai toujour tème dre.
 La luno es lou soulèu di lèbre.
 Piè, encaro, coume i'a jamai res de countènt, e que lis ome soun
 Chanjant coume la luno,
 vous diran, n'i'a d'ùni :
 La proumiero luno après lou mariage es de mèu,
 Mai li que seguisson soun de fèu.
 Se dis mai :
 Quand la luno aura tres be,
 Bada à la luno,
 Basti coume la luno.
 Avans que se siegue boulega,
 La luno aurié fa tres cartoun.
 E, se travaias lou dimenche,
 Dieu te boutara dins la luno.
 Se dis que
 L'ome que se vèi dins la luno
 Avié fa 'n fais de bos lou dimenche.
 Oublidés pas que
 I'a de bóni e de marridi luno,
 que
 Lou vènt, la femo e la fourtuno
 Soun mouvedis coume la luno.
 E, finalamen, perdegués pas de visto que
 Labouraire lunié
 N'emplie pas soun granié.
 Aquéli quatorge milo prouvèrbi, entremescla d'esplicacioun sus li
 ourigino, encadena 'mé li legèndo que se i'endevènon, soun autant

estacant à la leituro que si conte de fado, tant poulidamen alisca. E Jan Brunet; Messiés, quand leissavo la plumo, agantavo lou pincèu, e lou vognènt à soun arc-de-sedo, imajavo, pèr lou chale dis iue, si fantasié de pouèto. Pièi, se desalassavo d'aquéli travai dins lis agramen de la musico, que fenissié mai pèr deveni un de si travai: acò, n'èro un di felibre de la bono, vesès?

Si prouducioun pouëtico soun dins l'*Armana prouvençau* o dins quasimen tóuti li journal o revisto escri dins nosto lengo, despièi quaranto an. Is alentour de 1860, li journal de Paris, même, publiqueron quauqui pèço de vers signado de soun noum, e aguè, vertadieramen, soun ouro de celebrita quand *Timoutbée Trim*, tout pouderous, fasiè li reputacioun dins uno crounico e que counsacrè, à sa lausenjo, la proumiero pajo dóu *Petit Journal* e fuguè decoura de l'ordre de Carle III d'Espagno, pèr si merite literari.

Aro, Messiés, que vous ai douna uno idèio de Jan Brunet pouèto e artisto, permetès-me d'apoundre quauqui mot sus Jan Brunet filousofe e capitàni.

Vous dirai tout-d'un-tèms qu'es esta un dis ome li meior, li puentre e li mai generous dis Avignounen de nosto epoco. La bounta qu'avié pèr li siéu, li coumplasénço qu'avié pèr tóuti, se desmentiguèron jamai, car, dins aquelo draio, butè lou renounciamen d'éu-même enjusqu'au sublime.

Emé soun amo amourousido dóu bèu, emé soun cor d'elèi, avié toujour cresegu à la liberta, à l'egalita e à la fraternita.

E, dins soun amour dóu tout pèr tóuti, éu se sacrificavo :

Counseié municipau, ome publi, s'arrouinavo.

Capitàni di poumpié, vuejavo soun sang pèr espargna aquéu dis autre.

Soudard de l'umanita, fasié pas la guerro is ome, la fasié à la mort, e la mort elo-memo calè souvènt davans soun courage, que n'avié d'egau que soun desinteressamen.

Quant de maire o d'enfant, dins li trebau dis encèndi, enviróuta de flamado e de fum, à mand de peri de la pu terrible di mort, cridant secours, desespera, an senti la man de Jan Brunet ié prene la siéuno e li sauva.

Quant de paure negadis, barbelant dins lou Rose, en trin de s'estoufa, an degu la vido à-n-aquéu capitàni que, à-de-rèng, mestrejavo lou fiò emé d'aigo e soun sang fre, e doumtavo l'aigo enfrejoulido emé

lou fiò de soun devouamen. Peréu, la medaio de sauvaire — vint ses gagnado — venguè briha sus soun pitre e, emé la crous que li lusisié dejà, anounçeron qu'aquéu que li pourtavo èro un ome de tèsto e un ome de cor.

Mai tant de goust pèr lou bèu, tant d'ardour pèr lou bon, poudien qu'apauri aquéu que vivié que pèr éli, e lou vieioung arribant, ai las ! i'adugue em' éu l'injusto e despietous paureta, talamen qu'un jour m'escriguè 'no letro qu'acoumençavo ansin :

« Moun bèle ami,

« A tu qu'as tant bon cor, e que me coumprendras, vène counta mi peno : siéu au nis de la sèrp... »

E fenissié sa pretoucanto mandadisso coume eiçò :

Chivalié de tristo figuro,
Pèr l'ideau ai coumbatu,
La realita m'a batu,
N'en porte au cor la macaduro.

E sus lou cop, li felibre de Maiano, d'Avignoun e de Paris, l'aparèron tant que pousquèron contro la desfourtuno, mài fuguèron lèu pas proun fort, ai las ! pèr l'apara contro la malautié.

Alor Avignoun, se souvenènt d'un de si valènts enfant, ié voutè, pèr lou rèsto de sa vido, la retirado à l'espitau, dins un membre à despart e digne d'éu.

Paure Jan Brunet ! ié restè tres jour e s'amoussè : quento trufarié d'ou sort !

Vesès adouinc, Messiés, qu'aquéu felibre, coume vous lou disiéu toutescas, a ounoura soun païs pèr si talènt e si vertu, e que sa fin, dins lou recatadou di misèri, lou bouto au rèng di martire de l'ounesteta e d'ou devè.

Vaqui si titre de noublesso, que soun li plus bèu qu'un ome possè que counquista ! Peréu Jan Brunet, ressuscita dins Santo-Estelle, pòu vèire dardaia soun noum, escri en letro d'or dins li registre de la patrìo e sus lou cartabèu de la carita, enterin que soun souveni fai mounta i parpello dis ome de bèn, de lagremo de veneracioun e d'amour.

RESPONSO DÓU MAJOURAU G. JOURDANNE

AU COUMPLIMEN D'INTRADO DE J. CASSINI

Moussu e pla bengut counfraire,

Bous rapelats, bécè, coussi nous capiteren ensemble dins Abignoun, l'an passat. Eri de compagno ame l'troubaire de *Plòu e Souleio*, e nous passejaben dins le jardin de la Rèino Jano, ount s'aubouro bèi l'estatuo de Roumanilho. Traperen un ome encaro joube, magre, es-perdigalhat e tafurel coume un lausert, — èro bous — e nous arresteren un moumen à charra de causos e d'autros.

Un parel d'ouros après, demest les majourals dal Felibrige, acamps en Counsistòri, bejèri un aujol am' un aire assetico. Soun bisage abio quicon de la figuro dal Crist, talo qu'es estampado su'l linge pious de Santo Verounico. Auel ome èro Jan Brunet. Pensabi pas gaire alabets que benio de hése, à l'escop, le tems passat e le tems à beni. Pensabi pas qu'ajesse, ieu, un jour, l'ounou de prene sus l'cros dal felibre de la *Zuno la Cigalo de l'arc-de-sedo*, per la balha al felibre das *Varai de l'amour*.

Tapla qu'en bous causissen per prene la plaço de Brunet, le Counsistòri a fait uno causido aproupiado. Siots pas, coum'el, un Avignounenc de neissènço, mès bostre brès de Morieros s'espandits à l'oumbro dal Castel Papal de la Roco das Doms. Siots gaiet coumo Brunet, aperebant que le malur ajesse pausat sa pesant ma sus sa bido, siots franc coumo l'or e risets coum' un proubençal de bouno raço. Aimats de reba dins le cami de las flouretos e das parpalhiols, ount perseguissets las cigalos de la pouësio, car siots pouèto. Les nadals, las roumanços, las cansounetos qu'abets espelit, soun agradibos que se pot pas mai. Mès, daissais-me bous ba dire, siots perdessus tout un mestre countaire. Pintats am'uno exactitudo sense fauto, las usanços de la bido proubençalo, e bous legiessen am'un gauch irresistible, quand *Paiòli* s'espandits dins la terro d'Oc, tout cargat de proubençalos azurenco, de saladello marinos e d'espic embaumat. Aben fait uno marco especialo à la pajo de l'*Armana prouvençau* ount nous abets countat les *Memòri d'un caiau*. Auel caiau, de certo, mai d'un l'a bist passa. Redolo que redoularas, dabalho les grands camis, s'enfounço dins les rastouls; grand gauch encaro que s'agafe pas as bartasses pounchuts ! E qu'unos pelados se trapoun dins les bartasses de l'amour !

Les a sentits, aquélis pounchous, le paure Anfós que nous abèts presentat dins les *Varaïs de l'amour*. Qu'es gracious, fresc e poulidet soun amour ame Nenio ! Mès, lèu, l'idilo finits en un dramo sanguinous. Abèts fait aqui uno obro majo, e les mestres felibres que l'escuteroun en Abignoun, l'an passat, tous b'an marcat deja milhou que ieu.

Mès, dins aicesto terralo bido, las fennos soun pas soulos à varaia, i'a d'omes tapla que cambioun de draio. Dintre li sét *jourtèt* que s'ataulèroun à Fount-Segugno, enlairats per l'amour de soun terradou e de sa lengo mairalo, n'iajèt un que s'arrestèt à miech-cami : ai noumat Ugèni Garcin, e coumo s'èro foro-bandit de la colho felibenco, Brunet le ramplacèt, afi que le noumbré setenàri demouresse entié. Se dits qu'al cap de bint ans, Garcin bol tourna reprene soun rang dins l'armado Sant-Estelenco. Que bengue dounc : metren per el, coume disen al païs audenc, quatre capouns dins le metal.

Mes tapla que le cas ben a rimo, me cal dire aici que la dissertaciù istourico dal libre de Garcin (1) me semblo pas bertadièro e, per dessus tout, quand debano loungomen que tòutis les poples de Franço soun sourtidis de la familho celtico. Per ço qu'arregardo nostre païs mie-journal, las ciutats galesos i siogueroun prou clarsemenados. Acò 's les Roumans qu'an foundat dins le même molle toutos las raços que s'eroun espandidos, desempei la coumensado das tems istourics, de las Alpos à las Piraneos. Nous an balhat nostre cibilisaciù, nostre despartenço terrenal, nostre lengo, e sa bastido sioguet tant soulidomen mountado, que le Pount dal Gard s'esparrabissara, dabant qu'aquelo toumbe.

D'à mesuro que las pèiros escritos, testimònisi bertadiès d'aquel tems passat, sourtissoun de la terro que nous les a preciusomen gardados, on bets de mai en mai que, se l'empèri rouman abio recatat un poudé gigantál, assoulut, gairebè esfraious dins ias mas d'un ome soul, las ciutats proubincialos, las municipalitats èroun mai fracos dins sa reliju, dins sa gouberno que jamai ba siogueroun pus tard, e, gausen bo dire, mai libros que soun à l'ouro d'aro. Aquelos soubenenços, mantengudos dins la seguido das siecles, siogueroun l'encauso que la Republico d'Arles gausaba *arreouna l'Emperaire*, que las ciutats republibicanos e traficairos dal mitan-age : Narbouno, Niço, Marseilho, se trataboun de sorres à trabès las oundos azurencos, emé Genos, Veniso, Piso, Barcilouno, Tortose e qui sap quant d'autros.

(1) *Français du Nord et du Midi*, Paris, Didier, 1868, in-8.

Dintrats al Counsistòri, Moussu e gai Counfraire, dins un moument ount poudèn pas mai nous accounta de las cansounetos bressarèlos das premiès felibres. Amé les cants das grands troubaires que sabets, amé *Calendau*, amé *Toloza*, amé la *Cansou lemouzino*, qu'es la *Cansou de Rcoulland* dal Naut-Miejour, nostre amo s'es enlairado e nostre toco s'es enaussado. Cad' aucel déu canta sa cansou, acò's segur, e pensan pla que continuarets de nous debana, coumo l'abèts ja tant poulidomen fait, las costumos, las charradisso, las cansounetos e tout le *tutu-paspan* das festenals de Proubençò. Mès, costo d'aquel prex-fait, n'abèts un autre à persegui d'amé nous-aus. Es de fa calha las messourgos das destimboulats, que fan creire al pople que le salut de la Franço es recatat dins uno centralisaciù apaurugado, dins l'oumnipoutènço e dins l'oumnisciènço d'uno colho de grato-papièr. Es p'r acò que desplegan ardidamen, nous-aus Lengodoucians, la bandiero purpurino des Courtes Moundis, que nostre Capouliè e nostre subre-capouliè enaussoun l'estandard azurenc de la Rèino Jano. Mès saben tòutis qu'aquelos coulous flamejantos se soun rejuntos per faire l'arc-de-sedo dal drapèl francès.

Adounc, bous poudets sèire à la taulado majouralo. E, n'en sian asseguradis, mentre que bostro cigalo es la de l'arc-de-sedo, mentre qu'es le simbolo d'aquelo trinitat sacrado, es aquelo cansoun patriou-tico que cantara, libro e fièro, de p'r abal, al loung de la grando ríbiero proubençalu !

LI NOVO FELIBRENCO

PROUVÈNÇO

— Lou 12 de mai, lou Pai Savié de Fourviero a predica lou pane-giri de *Jano d'Arc*, à Maiano.

— Lou 4 de mai, à Cano, lou felibre Francés Garbier a fa representa sa coumèdi boulegarello : *Lou maridage i coumissari e la Grèvo di Pegot*, vaudevilo prouvençau.

— Li festo de Peiresc, à-z-Ais, soun remandado. Li journau dison que se faran en nouvèmbre, quouro lis estudiant saran tourna di vacanço, e apouandon que li Cigalié noun ié devon prene part.

— Dins li councours de musico e d'ourfeoun que se soun douna à Marsiho li 2 e 3 de jun, li tambourinaire i'an fa sa plego e l'estrumen prouvençau i'es esta glourifica.

Sus lou prepaus d'aquelo tentativo de descentralisacioun, qu'a boulega tres jour de tèms nosto amo de patrioto, atrouvan que yèn à nòstis idèio coume la péiro à l'anèu, un crid de regrêt e un cant d'esperanço dins la crounico musicairo de Silvio, dóu *Picbot Prouvençau*, e noun poudèn nous empacha de n'en traire uno lesco à nòsti legèire :

« Où sont les *Trin*, les *Roumanàgi* si pittoresques d'antan ? Et nos folles *Farandoulo*, et nos tourbillonnantes *Pegoulado* ? Qui nous ramènera les *Ciéucle*, les *Courdello*, la noble pyrrhique des *Oliveto*, importée par nos pères les Phocéens, et cette autre danse armée si curieuse, le *Baccus-berg*, et les adorablement naïfs *Jeux du Roi René*, qu'Aix a vus pour la dernière fois en 1850, et nos *Aubado*, nos *Brande*, nos brillantes *Tambourinado*, tant de joies saines et vivifiantes que nous ne connaissons plus, hélas ! — « Les myrtes sont flétris, les roses mortes. »

« Comment tout cela est-il parti ? Pourtant, nos beaux rivages ont toujours leurs flots chanteurs, les genêts d'or n'ont pas cessé d'embauamer chaque été nos *couelo* et nos *garrigo*, que parsèment les rameges des pinsons et des verdets.

« Par bonheur, une aube de renouveau a surgi avec le Félibrige, alors que toutes les choses provençales s'émettaient, s'évanouissaient, alors qu'étaient en train de se désagréger toutes les fortes qualités de notre race.

« Mais les Félibres nous sont venus, apôtres sauveurs. A la voix des Roumanille, des Mistral, des Aubanel, noms immortels, un miracle s'est opéré : une phalange s'est levée de jeunes hommes poètes et croyants, au moment où l'on pouvait croire qu'il n'y avait plus de Provençaux sur l'antique terre de Provence. Désormais, il est permis d'espérer : chaque année voit grossir les rangs de ces généreux. Après la résurrection de la langue d'Oc, merveilleux idiome, viendra celle des fêtes traditionnelles, des vieilles coutumes, des usages de nos pères, et, en même temps que tout cela, le retour des antiques vertus.

« Serrons-nous donc tous autour de l'étendard *felibren*. Entonnons l'hymne fraternel, chantons la *Coupo santo* et, les yeux fixés sur la radieuse *Estello*, laissons-nous guider par elle vers les futures destinées de la « petite Patrie. » Si nous savons bien agir, nos enfants verront des jours heureux, car nous leur aurons refait une âme *prouvençalo*.

« Suis-je la dupe d'une illusion ? N'est-ce qu'un mirage entrevu ? Il m'a semblé que, par dessus l'allégresse de ces journées d'harmonie, se dressait le riant symbole prometteur d'une Provence renaissante. En fait, si court que cela ait été, n'est-il pas vrai que nous avons vécu pleinement quelques heures joyeuses, *crées par nous* ? Il faut donc les saluer et les bénir. »

— *La Mandoline*, dins soun n° dòu 15 de jun, douno lou paumarsés de soun councours vuechen. Vès-eici çò que pretoco la lengo mie-journalo :

Pouësio e proso neo-roumano. — Premiè pres, medaio simili-argènt : *La mort d'uno cbato*, d'A. Berthier, de Bèu-Caire ; segound pres, medaio de brounize : *Li rouino d'un palais istouri*, d'Ange Silvestre, d'Avignoun ; tresen pres, medaio de brounze : *La resulairo*, de I. Dayma, de l'Agenés ; quatren pres, medaio de brounze : *L'ase e lou biòu*, de Albert Viau, de Mourmeiron ; cinquen pres, medaio de brounze : *La Fournigo e la Cigalo*, pèr Antòni Granad.

De memo seguido anòuncian lou councours nouven de *La Mandoline*, que caupra peréu de vers e de proso en parla d'O dins tòuti li dialèite. Li manuscri an d'estre espedi, avans lou 31 de juliet, à M. Michel Pons, direitor de *La Mandoline*, 14, balouard de Reuilly, Paris.

LENGADÒ

— S'alestis uno felibrejado de l'Escolo Audenco, à Limoux, souto l'aflat dòu mantenèire Pau Gourdou.

— Lou dimars 18 de jun, à Pezens, es esta celebra lou maridage de Mlo Aurelio Jourdanne, fiho dòu mai que simpatique Jourdanne, ancian maire, e cousin dòu majourau Gastoun Jourdanne, emé M. de Rigal de Font-Claro, proupretari à Toulousò.

La famiho Jourdanne es uno di mai vièio e di plus estimado de tout lou Carcassés, qu'a counserva li mour patriarchal d'autre tems.

A la taulado, que l'oste Autel, lou *Vatel* renoumena de Carcassouno, avié servi superbamen encò de M. Jourdanne, s'es brinda mai-que-mai i bèu nòvi emai à si famiho, e neste Gastoun Jourdanne a regala li counvida de quauqui flàmi pouësio lengadouciano qu'en tòuti an agrada.

Nòsti vot courau s'apoundon, pèr lou bonur di nòvi gènt, à-n-aquéli de tòuti lis ami que i'an tra de flour à canestello.

Lou Gerent : Jan Monné.

CROUNICO

SANTO-ESTELLO A BRIVO & EN AURIHA

Lou 22 de jun, à 11 ouro de vèvre, li *Jouini limousin* emai uno tiero di mantenèire de Brivo e li Felibre arriba dins la journado, s'atrovon à la garo de Brivo, pèr esperá lou Capoulié En Félix Gras, que vèn acoumpagna di majourau Arnavielle, Jourdanne, J. Cassini, Chastanet, e di felibre Bacquié-Fonade, Buisson de Mus-sidan; Soulet, de Ceto; Aspol, de Pézenas, e d'autre, e d'autre, que soun reçaupu li bras dubert pèr En Jousè Roux, lou grand majourau limousin, En P. Marieton, cancelié, En C. de Carbonniere, Jan Carrere, Lartigue, de Lalende, Prat, Dumas e sa gènto damo, Couze, J. Ronjat, Prosper Estieu e Marpillat.

Dins li saloun de la garo, i'a la chatouneto dóu felibre Renaudie, en coustume limousin, emé lou *barbichel*, emai peréu li dos mignoto dóu souto-cabisedu Sernin Santy, qu'an carga la gracieuso atrencaduro arlatenco; em' acò, en tre que li gai roumiéu soun aqui e que de belli damo i'an fa l'aculido emé si galant riset, es Cecilo Santy que s'avanço vers lou Capoulié e, ié pourgissent de flour, ié dis :

CAPOULIÉ,

Moun paire m'avie di coume acò: « Chatouno, au vèvre, li Felibre nous arribon d'eilalin », e ieu me siéu pensado subran de carga lis abihage dis Arlatenco e si beloi, pèr vous remembra la pichoto

patrio que venès de quita, d'ara culi aquésti flour limousino tant bello
coume li flour di ribo dóu Rose, amor de vous lis óufri.

Vous couneissié déjà. Mi gènt soun pas esta sempre d'ici. Siéu nascudo un bèu matin de printèms eitalin proche dóu Rose, en Dóu-finat, souto l'aflat de la Coumesso de Dio qu'avès cantado, Capoulié, e que moun *papa* n'a fa l'istòri.

Souventi-fes l'ai escoutado à la vihado, quand se cresíe d'estre souleto e que repetavo is estello li vers tant bèu qu'autre tèms troubè pèr Raimbaud d'Aurenjo.

Ieu sabe pancaro parla en vers, mai sabe ama li que canton ansin, li pouèto, valènt-à-dire, li Felibre. Es pèr acò que siéu urouso mai-que-mai de vous tourna vèire eicito e de vous faire la bèn-vengudo dins un païs que m'agrado adeja quasimen autant que lou Dóu-finat, tant lou mounde ié soun brave e tant li flour ié soun pourido.

Em' acò, la pichoto limousino Mario Renaudie, s'avanço e parlo ansin :

Moun paire m'avia dich que pourtaria un mouquet si era bèn savia. L'ei estada coume una angella. Vous porte lou mouquet, espère que vous l'agradaretz e lou gardarez per l'amor del Lemouzi e de la petota Lemouzina.

E pièi, l'Arlatenco Madaleno Santy, fresco e pourido coume un sòu, s'adrèisso en tòuti coume eiçò :

GAI FELIBRE,

De-fes que i'a, me dison à l'oustau, coume escaï-noum, la bouscarlo. Eh bèn ! bouscarlo siegue. E perqué nous adusès li rai dóu soulèu mie-journau, d'aqueù soulèu que fai canta lis auceloun e li pouèto, bouscarlo piéupiéutarai pèr vous àutri.

Autambèn coume moun einado, vous ai pourgi de flour e vous dise la bono arribado dins nosto viloto sourrisènto.

Vole vous demanda tambèn, Capoulié, de me baia un di poutoun que, de-segur, vous a douna pèr ieu Angelico de Simiano, la siavo fiho de vòsti pantai, sorre bessouno de la Mirèio de Mistrau.

Acò me pourtara bonur e m'enfelibrejara quatecant.

E, gracious e sourrisènt, lou Capoulié respond i tres chatouno, li poutouno e li gramacio de soun avenènço, e ié demando, pèr quand saran grando, e poulldi chato, e pièi après, maire de famiho, d'ama e de faire ama lou Felibrige.

Vivo lou Capoulié ! eridon li jouvènt asouga, que se soun rambla à l'entour de Félis Gras, pèr ié faire escorto d'ounour.

Alor En Jóusè Roux, lou capo dis Escolo limousino, dis au Capoulié ! « I'a siéis cènts an que vous esperavian en Limousin pèr dereviha dins lou bos la bello endourmido, qu'ero nosto naciunalita prouvincialo. » Pièi apound : « Erian ana, i'a tèms, vous pourta la lus que nous tournas adurre. »

« Sian urous, i'a respondu lou Capoulié, de veni en roumavage sus la terro sacrado di Troubadou. »

E après quauqui paraulo amistadouso dòu souto-cabiscòu Santy, lou courtège s'endavallo vers la vilo e li jouvènt fan resclanti l'aire di cansoun de Prouvènço, entremesclado emé de cant limousin, e l'inne de la *Coupo brounzino* enjusqu'à l'intrado de la porto de Courreso.

Lou lendeman, 23 de jun, l'abat En Jóusè Roux dis la messo en l'ounour de Santo Estello dins la capello de Sant Liberal, un sant qu'es esta archevesque d'Embrun.

Pièi, à nòu ouro, lou Counsistòri tèn sesiho dins la grando salo de la Coumuno.

Li majourau acampa, pèr regularisa la situacioun e counfourmanis estatut, adóuton lou principe de l'ereicioun dòu Limousin en Mantenènço. D'aquéu pache councilu emé l'assentimen dòu capoulié En Félis Gras e dòu capo En J. Roux, n'en sara presenta un rapport à l'acamp counsistouriau venènt, pèr lou cancelié En Pau Marieton.

Pèr uno autre decisioun counsistourialo, Mllo Margarido Genès e M. Ougèni Bombal, mèstre en Gai-Sabé limousin, prenon plaço entre li mèstre en Gai-Sabé dòu Felibrige, emai peréu lou comte Capello di Sanfranco, proutounoutàri apoustoulique, que, en la ciéuta de Veniso, reviro d'obro felibrenco en lengo italiano e lis espondis dins li journau.

Alor, li porto estènt alandado, En Jùli Cassini a fa l'elogie d'En Jan Brunet, pèr soun discours d'intrado, e lou majourau Gastoun Jourdanne i'a poulidamen respondu. (1)

S'es alor tengudo l'*Assemblado federalo de las Escolas del Lemouzi*, souto la presidènço dòu cabiscòu En J. Roux, aguènt à soun entour lou souto-cabiscòu Sernin Santy e lou cancellié de la federacioun Louis de Nussac.

(1) Avèn douna aquéli douz discours dins noste numerò de juliet.

Lou Capoulié e quauqui felibre an tengu à ounour de prene plaço entre li Limousin representant de tóuti lis Escolo e d'escouta lou flame rapport de Louis de Nussac sus *Lous Jocs de l'Englantina*, que n'en dounan plus liuen lou paumarés.

Em' acò la *Sainte-Cécile* vèn querre li Felibre, qu'en courtège se groupon pèr ana au teatre, ounte se dèu felibreja.

Labandiero felibrenco floutejo emé l'estello di sèt rai, e aquesto deviso tirado de Bertrand de Born : *A Lemozis franchia terra corteza*.

La salo dóu festin es superbamen decourado e flourido ; M. Rupin i'a bouta tout soun saupre-faire, e i'a 'no bravo part de felicitacioun degudo à M. Brujasson, qu'a bouta tant d'art à-n' encadra tout acò de brout verdau e de branco de castagnié ; au mitan de la taulo e pèr supourta la Coupo, lou pastissié a plaça, reproudu en nougal, lou *Roumancero prouvençau* e la *Chansou lemouzino*, s'apielant graciouslyam l'un contro l'autro.

I plaço d'ounour i'a lou Capoulié, qu'a sa drecho i'a Mllo Genès e à sa gaúcho En J. Roux. Vis-à-vis, i'a M. Gaitet, souto-prefèt, aguènt à drecho Mmo Sernin Santy e à gaúcho MM. Riviere, ajoun ; Mathieu, Rupin, de Salvandy e de Bosredon ; tout à l'entour, li majourau dóu Felibrige.

Lou menut, regla pèr M. Cotton, encadra de dessin e de retra di mounumen de la vilo, porto eiçò :

Soupa Richard-Cuer-de-Liouun
Couquilbadges à la Senta-Estala
Chambouns de Cabra-Cuecaba
Fialat de Milavachas revelbada
Canatous del Puech-Caput saussa felibrenca
Giga de rena à la majorala
Saumoun de la Veçera bure Mountpelierenc
Rousti de dindas d'En Prunha al creisselou
Cacarotas de Brugas
Coutelas à la Ventadourn
Froumajous Rocamadour
Pelbaire lemouzi (clafoutis) am la cireisas de Vialmur
Ananas estrangier (tant pis per el)
Raqis, un tros de fruch en benastas
Majoufas al vi petejan -- Pastissous e Bounbouns
Vis ourdinàri — Grave — Vi petejan glassat — Cafè e Gouta

Quand lou vin regisclaire petejo, lou Capoulié s'aubouro e prounçcio lou flamejant discours que tóuti an legi dins noste darrié numerò.. En J. Roux parlo pièi magnificamen e fai ressorti ma-jamen qu'à soun poun de visto, lou Felibrige es l'obro que sus si foundamento la regeneracioun de la Franço se dèu establi; alor, lou Capoulié pren la Coupo e entouno l'inne em'estrambord :

Limousin, veici la coupo...

Mai la salo es envahido pèr li jouvènt, e tant aquéli de deforo coume aquéli de dedins, à plen de voutes, dison lou refrin :

Coupo santo
E versant...

La « Santo-Cecilo » redis l'èr sacra dóu Felibrige, e i'apound *Lou Mazet de mèste Roumiéu e Vieux émdux*, un rousari de cansoun limousino.

M. lou souto-prefèt pren alors la Coupo e mostro touto l'afecioun que porto i Felibre, en un brinde calourènt. Mllo Genès dis de vers ensiouca ; es en parla limousin que M. Riviere, ajoun dóu maire, demando i gai Felibre de tourna veni dins la terro limousino ; lou sendi d'Aquitàni, En Carle de Carbonniere, e Bacquié-Fonade de Toulouso, se fan aplaudi ; Arnavieille brindo à la *Castagno*, aubre limousin e cevendu ; Pau Marieton béu à l'Escolo Limousino e Gastoun Jourdanne à la jouvènço felibrenco ; Cassini ié respond, e Prosper Estieu enauro Bertrand de Born ; S. Santy béu à l'unioun de la Prouvènço, dóu Lengadò e dóu Limousin ; Chastanet et de Salvandy brndon à soun tour, Felician Court saludo l'Escolo Auvergnato, e d'autre, e d'autre, que sarié trop long de cita ; lou flò noun s'amaiso, es Verlhac que dis :

De Prouvensa lou Lemousi
Era cousin,
Una Estiala a luxit pèr l'aire,
Sount sor e fraire.

E pièi encaro, Bombal pèr l'Escolo d'Argentat ; Jan Carrere pèr la federacioun di Prouvinço ; Thiroux dóu Plessis pèr li broudarello de la bandiero limousino ; Montjauze pèr la naciounalita franceso ; Teyssier pèr li jóuni limousin ; Marpillat en de vers esquist ; de Nussac pèr li dono, Renaudie, à l'armounlo ; tóuti jiton soun brout e tout acò se clavo pèr lis èr d'ancian tèms, que Renaudie a tira de la *Museto*, que n'en jogo à ravi.

Lou souto-cabiscòu legis li salut de Na Mario Girard, rèino dòu Felibrige, e de soun paire, En Marius Girard, sendi de Prouvènço, etc. ; en se boutant à taulo, M. Plantadis avié legi li vers qu'En Frederi Mistral avié manda, regretous de noun agué pouscu èstre dòu viage. Vès-eici aquésti vers :

1 FELIBRE LIMOUSIN FASÉNT STO-ESTELLO A BRIVO

Vers la gaiar lo Brivo,
Bertrand de Born abrivo
Au-jour-d'uei soun chivau.
Lou vese d'eqavau,
E vese vosto glòri.
O Limousin ! l'istòri
A renouma pertout
Vòsti grand Troubadou.
La rago n'es pas morto !
Lou Capoulié vous porto
La Coupo d'affection
Emai d'miracion.
Entre mount e valado,
Ieu fau la capelado
En tòuti, o bœu cousin
Dòu pais limousin !

Em' acò, après qu'En Pau Marieton a di *La Coumesso*, d'En Frederi Mistral, se lèvo sesiho pèr ana barrula dins la vilo de Brivo e se regala de la visto de si mounumen.

A vuech ouro de vèspre, tòuti li Felibre s'acampon tourna-mai au teatre. La salo es clasido de bœu mounde, e sus la sceno, au davans di felibre groupa, i'a Mllo Genès, rèino de la Court d'Amour, aguènt à sa drecho lou Capoulié e En Jousè Roux, e à sa gauchò li tres mignoto, Mllo Renaudie en Limousino e li dos sorre Santy en Arlatenco, representant l'unioun de la Prouvènço e dòu Limousin.

La Filarmounico, mestrejado pèr M. Mas, duerb la sesiho e la liro brivisto entounò lou cor naciounau *Lemouzi* e aubouro uno trounadisso de picamen de man.

Lou Capoulié aguènt prouclama Mllo Genès rèino de la fèsto, M. Sernin Santy legis lou paumarés que vès-eici :

Grand pres dòu Limousin : Branco de castagnié en vermèi : M. lou mège Roux.

Pres de l'Escolo limousino : Englantina d'or à M. l'abat Gorse, curat de Bar pèr « *Notre cher Limousin, études morales, littéraires et humoristiques.* »

POUESLO. — Premié pres ex-æquo, branço d'englantina brouadado, à A. Marpillat, pèr *l'Enterramen de Gusti*, e à B. Marque, pres di troubadou, pèr sa traduciouen d'un serventés de Bertrand de Born e pèr sa pèço de vers : *Boutil*, pervenco d'argènt ; segound pres, lot de libre, M. Eyboulet-Grabier, pèr soun *Houmadje à la ciutat de Briva*.

PROSO. — Premié pres, estampo dòu Ministre de l'Estrucioun publico e di Bèus-Art, à J. Plantadis, pèr *l'Egua de Gregori XI*; mencion à M. Enri Dars pèr soun reviramen en limousin de 50 vers de *Mirèio* ; (*Cansoun limousino*, de Roux, e *Lou Terradou*, de Prousper Estieu).

Mencion de proso e de literaturo pouplàri à Joffre, pèr soun reviramen en limousin de 50 vers de *Mirèio* e soun recuei de *Dire limousin* ; (*Tolosa*, de F. Gras ; *lou Terradou*, de P. Estieu ; *Cau-series de province*, de L. du Bouig).

FRANCÉS, POUESLO. — Premié pres, Oscar Cassagnade, tresen à J. Soursac ; mencion, R. Poumier e David.

PROSO. — Premié pres, Soursac ; segound Darthout, e mencion à Marc Doussaud. — **TEATRE.** — Premié pres, Raoul Charbonnel, mencion à Soursac. — **ISTÒRI.** — Prex ex-æquo à R. Fourgeaud e à l'abat Justin Bassignac. — **ERUDICION.** — Premié pres à B. Marque, segound à J. Durieux. — **PINTURO.** — Pres, Mllo Cecilo e Mario Desliem, mencion à M. Marque. — **DESSIN.** — Pres à J. Ravoun. — **FUSIN.** — Pres à R. Gasperi. — **ESCUITURO.** — Pres, lou coumandant Laroque, de Limoge. — **ARCHITEITURO.** — Mencion à M. Treuil. — **MUSICO.** — Pres de favour, Enri Eymieu ; pres dòu councours, premié à M. Richoux, segound à M. Aubry.

Tóuti li laureat vènon querre si joio e dire si vers. Pièi, em' acoumpagnamen de la *Filarmounico*, la *Liro brivisto* canto *Brive*, odo de A. Lestourgie, que mèste Breuil a messo en musico e que Mmo Berto Serres n'en bresiho li solo.

Li jóuni Limousin jogon alor la *Nueg de las Paus*, coumèdi en un atc d'E. Bombal, e se n'en tiron coume d'artisto que soun. Tout acò es segui de l'*Arlésienne*, de Bizet, que clavo li fèsto em' un biais requist.

E l'endeman matin, li Felibre an countunia soun viage vers Au-riha, ounte lou Capoulié porto la Coupo.

(A segui)

J. MONNÈ.



LI NOVO FELIBRENCO

PROUVÈNÇO

— Un di Felibre de la Mantenènço de Prouvènço que lou malastre a ensuca e que, pau à cha pau, la malautié a devouri soun bèn e si forço, soullicito de si fraire felibre un pau d'ajudo pèr asin de sourti dóu marrit pas ounte s'atovo, e aro, que pourrié tra-vaia, pèr ié facilita l'intradò à-n-uno plaço que i'an semoundudo.

Un autre cop, adeja, avian pourgi la man pèr un fraire, e lou bon cor dis ami nous permeteguè d'adouci soun sort e si darré moumen ; es pèr acò que, tourna-mai e emé grand fisanço, sian assegura que nosto suplicacioun sara entendudo, e que noun sara de-bado que noste fraire felibre aura pica à nosto porto.

Touto soumo, pèr pichoto que fugue, sara la bèn-vengudo, e noste Buletin fara mencioune mandadis.

— Es questioun de jouga, à Paris, l'ivèr que vèn, dins lou teatre de *P'Cœvre*, un dramo tira de la *Rèino Jano*, de Frederi Mistral.

— Avèn anóuncia que la lucho literàri duberto pèr l'Escolo de Lar, à-z-Ais, sus lou prepaus di fèsto peiresciano, èro remandado. Li mandadis saran reçaupu enjusqu'au 15 d'óutobre encò de M. I. Constans, 46, cours Santo-Ano, e li fèsto se faran lou 10 de novèmbre.

— La coumessioun noumado pèr regla li representacioun dóu teatre d'Aurenjo, a decida que sarié qu'en 1896 que s'inagurarié tourna-mai lou teatre restaura e que li fèsto durarien vue jour.

— A Fourcauquié, dins l'eisamen pèr lou certificat d'estudi primàri, l'autourita universitàri a pausa aquesto questioun i jouvènt que se soun presenta pèr l'esprovo escricho :

« Vous avez deux patries, la petite et la grande, la Provence et la France, comme vous parlez deux langues, le provençal et la langue française.

« Vous devez aimer la Provence et son idiome comme vous devez aimer la France et sa langue.

« Pourquoi devez-vous les aimer d'un amour égal ? Donnez les raisons de votre opinion. »

Brave ! acò's laura dins la bono terro. l'a proun tems, ai ! las ! que se semenavo sus de roco esterlo ; sarié l'ouro que dins ço que pretoco la lengo e l'istòri de nostre Miejour, l'Universita leissèsse briha la verita is iue dis escoulan.

— Dins cade numerò de la *Provence artistique*, tant bèn mestre-jado pèr Antony Real fiéu, nous agrado de legi la dicho di journau sus lou teatre d'Aurenjo e la boulegadisso qu'acò fal d'en pertout ; i'avèn atrouva, peréu, entre àutri flour, un *Echo d'Orange*, qu'Antòni Chansroux mando à Mounet-Sully, qu'es bravamen ispira.

— Lou liò-tenènt comte Bertrand de Toulouso-Lautrec, fiéu dóu paure majourau En Ramoun de Toulouso-Lautrec qu'en 1882 venguè à Fourcauquié presida 'no sessioun di supèrbi fèsto latino que se douñeron dins aquelo vilò, vèn de se marida à Paris, emé Millo de Tureno d'Agnac, fiho dóu marqués de Tureno.

Lou grand noum de Toulouso noun toumbara en doluhi, bonadi Santo Estello, que lou comte Ramoun i'ero tant devot !

— Aquéu brave M. Edouard Conte a trouva lou mejan de tira quauqui dardeno de la caiso de *l'Echo de Paris*, en escrivent à tant la rego sa galejado : *La dernière des Félibres*, (nº dóu 25 de jun), sus lou prepaus de la fèsto de Scèus d'aquest an. Fau espéra que li Felibre de Paris auran la vido longo e s'agradaran pèr ansin, tóuti lis an, de faire gagna quauquis escut à soun tant galant criticaire.

Lou même jour, dins la *Libre Parole*, souto lou titre : *Moussu lou Curat*, M. Gaston Méry, fasent peréu counfusioun entre la Soucieta di Felibre de Paris e lou Felibrige, — n'ià tant que barjon sènsa saupre ! — nous pren tóuti pèr de franc-maçoun e trovo que parlan pas proun de M. l'abat Bessou, l'autour dóu pouèmo d'*Al bres à la toumbo*, alor que l'autour saup, éu, coume avèn de tout cor pica di man à l'espelido de soun obro, coume avèn, en éu, saluda un mestre dins la literaturo d'O, e coume ié gardan e nosto veneracioun pèr sa moudestiò e nosto amiracioun pèr soun talènt.

— Lou 4 d'avoust s'es inagura, à Marsiho, l'*Espousicioun dóu libre*, e li fèsto dóu tresen centenàri de l'establimen de l'empremarié à Marsiho. Sus li younge ouro de matin, li Conse, sourtènt de la salo de l'es-

pousicioun, se soun rendu en courtège, emé la musico municipalo, sus la plaço Marrouno, que, iuei, vai prene lou noum de plaço *Carle de Casau*, amor qu'es sus d'aquelo plaço que lou conse Casau toumbè, sagata pèr l'espaso dóu traite Libertat.

Pèire Bertas, ajoun dóu maire de Marsiho, après que la musico a tra soun salut, en un discours prouvençau enfiouca, hatejo la plaço dóu noum que pourtara d'aro-en-la, e lou pople pico di man en s'adraiant vers la Canebiero, pèr regala sis iue de la danso di Chivau-frus, sautant e cabrioulejant soutu l'afat di tambourin que ié roussignoulejon lou vièi moutet :

Madamo d. Limagno
Fai dansa li chivau-frus,
lé douno de castagno.
Dison que n'en volon plus
E dan-o. gus...
E danso, gus !

Lou vèspre d'aquéu jour, au castèu Borely, li dansaire Aubagnen, abiha mita de rouge e mita de blu, mena pèr mestre Espanet, an recoustitu li vièi jo prouvençau : au son di tambourin an nousa si farandoulo, mena pèr l'*arquin* ; pièi, s'es dansa lis *Oliveto*, li *Cocò* ; li chivau-frus an tourna prene vanc au son di cant prouvençau, que rejouissien lou publi noumbrous qu'avie courregu pèr lis aplaudi. Es lou célèbre Guigounet, d'Aubagno, que mestrejava la sóuco tambourinarello : es vous dire se li tu-tu-pan-pan an rounfla !

LENGADÒ

— Se dis que, sus la demando dóu felibre Jousè Soulet, tant devot à la Causo e delega di Cetòri i festo de Brivo, sarié questioun de celebra Santo-Estello, l'an que vèn, dins la vilo de Ceto.

— Lou jour de l'Ascencion de 1895, en grand soulennita, la Societa arqueoulougico de Beziés a decerni, coume à l'acustumado, si joio à la lengo d'O. Vès-eici li gagnaire de la targo.

Lou rampau d'óuliviè d'argènt es esta reserva.

La proumiero e unenco medaio d'argènt es daverado pèr M. Ferdinand Benoît, à Narbouno, emé sa fablo : *La Rafastignouse*.

Lou Carbe, dóu felibre Albert Honde, de Manosco, a ôutengu uno medaio de brounze. Uno autre medaio de brounze au mantenière Savié Peyre, de Bedariéu, pèr sa fablo, imitado d'aquelo de Lafontaine : *Le meunier, son fils et l'âne*. Pau-Enri Bigot se n'en vèi atribuï uno

pèr soun *Pantai de mossi*, emai tambèn Matieu Carles, d'Oulounzac, pèr soun sounet *A-n-uno mountagnolo*.

De mencioun soun pièi atribuïdo à la *Cansoun d'ivèr*, de Pau Veian; *Lous counsels de moun grand*, *Declarassiou e Lou Rebe*, de M. Goulard; *La cassó al singla e Pendent l'aurage*, d'Antounin Maffre, de Beziés; *lou Palais di Papo d'Avignoun à Sorgo*, d'Ange Silvestre, d'Avignoun, e *Un grand ròi*, d'Aguste Advenier, de Sant-Jan-de-Cuculos (Erau).

— L'Acadèmi de Mount-Real, de Toulouso, duerb soun dès-e-seten councours internaciounau, en 1895.

Aquelo Acadèmi a agu l'urouso idèo d'apoundre à si councours francés de councours prouvençau, e nous fasèn un vertadié plesi de li signalà i targaire de lengo d'O.

En proso emai en vers, lis escrivan miejournau aurau à canta : *Toulouso !* Li coundicioun dóu councours, que sara clava lou 30 de setembre venènt, soun li seguènto :

Li manuscri, lisiblamen escri ròn que sus lou recto de cada pajo, aurau d'estre manda à M. lou Presidènt de l'Acadèmi de Mount-Real, à Toulouso. S'apoundra au mandadis : 1º Uno biheto tenènt lou noum e la demoro de l'autour e pourtant en dessubre lou titre e la deviso de la pèço; 2º Vint sòu pèr fres de councours.

l'a de pres superbe pèr aquéli que gagnaran li joio.

— Es questioun que l'Escolo Moundino e l'Escolo Audenco s'acamparien à Castèu-Nòu-d'Arri, l'an que vèn, pèr ounoura la memòri d'En Aguste Fourès.

— De grand Jo Flourau se tendran en Anduze (Gard), lou 18 dóu mes d'avoust, à l'oucasioun de l'inaguracioun dóu buste de la felibresso Claro d'Anduze. Avèn douna lou prougramo dóu councours dins nostenumerò de juliet.

Li festo se faran soutu l'aflat di grand mestre dóu Felibrige, de la Tabò, escolo felibrenco cevenolo, en Alès, e de la Mantenènço de de Lengadò que s'acamparà, aquéu jour, en assemblado generalo.

Après l'acampado oficialo de la Mantenènço, uno Court d'amour sara tengudo dins li superbe jardin publi de la vilò d'Anduze, e li gagnaire di joio vendran dire si pèço e reçaupran si pres de la man de la rèino de la fèsto.

— Vès-eici lou paumarés di joio decernido lou 25 de jun, pèr l'Escolo Auvergnato :

Sounet. — Premié pres noun decerni ; segound, medaio d'argènt, à

Louis Brunon ; diplomo d'ounour à Jùli Serieys e menciouen d'ounour à Louis Delhostal.

Cansoun. — Premié e segound pres noun decerni ; premié diplomo d'ounour à Mmo X..., mestresso d'escolo à Ussel ; segound à G. Durand, e menciouen d'ounour à Gabriéu T.

Conts. — Premié pres noun decerni ; segound, medaio de brounze, à Jan Monfreu ; menciouen d'ounour à Ougèni Fournier.

Preso. — Conte : premié pres, flour de vermèi, à Dommergues ; segound, medaio d'argènt, à A. Basset ; tresen, medaio de brounze, à Jùli Serieys ; diplomo d'ounour à Lucian Ravoux.

Estudi literàri : Premié pres, flour de vermèi, à Louis Brunon ; segound (estampo semoundudo pèr lou Ministre de l'Estrucioun publico e di Bèus-Art), *ex-æquo*, à Delort e Terrisse ; diplomo d'ounour à G. Rocher.

Councours dis escoulan. — Traducioun de l'odo d'Ouraci : *Ad fontem Blandusium*. Ensignamen segoundari : premié pres, *ex-æquo*, à Ferdinand Auzellet e Francis Masfrand ; diplomo d'ounour à Louis Romain e menciouen d'ounour à Enri Marsal.

Fablo. — Ensignamen primàri, premiero sessioun. *Traducioun fidèle*, premié pres, flour de vermèi, Jósè Lachazette ; segound, medaio d'argènt, Emilo Delort ; tresen, medaio de brounze, Francés Roland ; premié diplomo d'ounour, Louis Delhostal ; segound, Emilo Longuevergac ; tresen, *ex-æquo*, Francés Delzons, Jan Delort e A. Clermont ; menciouen d'ounour, Lapeyre, Bos, Chanal, Lieurade e Jan Bert.

Segundo sessioun, *traducioun libro* : premié pres, medaio d'argènt, Jan Cazary ; segound, medaio de brounze, J. Meyniel ; tresen, medaio de brounze, A. Meilhac ; premié diplomo d'ounour, Pèire Tourdes ; segound, Jan Gaillard ; menciouen d'ounour, Carle Terrisse, J. Figeac, Coudert, Arnal, Antony Allemand, Carle Dupas, Louis Bringuier.

Tresenco sessioun, *traducioun en vers* : Diplomo d'ounour à Millo Mario Sourou, 14 an, de l'Escolo d'Ussel ; menciouen d'ounour à L. Tiravy.

FORO COUNCOURS. — (Mèstre d'escolo e noun escoulan) : medaio de brounze à un anounime ; segundo, Urban Moussié ; menciouen d'ounour à P. Vedret e Silvan Fau.

DIALÈITE MIEJOURNAU. — *Sounet*. Premié pres, flour de vermèi, Mmo Gelade, pèr soun sounet : *Felibrejado* ; segound, medaio d'argènt, J. Ourdan, pèr *Printèms*, sounet ; tresen, medaio de brounze, *Pastre de*

Gignac, pèr soun sounet: *De sus*; premié diplomo d'ounour à Rigal, pèr *Lou Mistjou*; segound à Roques, pèr *Moun gatou rous*.

CONTE. — Premié pres, medaio d'argènt à Pastre de Gignac, pèr *Passara*; segound, *ex-æquo*, medaio de brounze, Edouard Pons, pèr *Lou galufre cantarul*, e Mmo Gelade pèr *Pol le loung*; medaio de brounze à Bacquié-Fonade.

CANSOUN. — Premié e segound pres noun decerni; diplomo d'ounour à-n-Antòni Berthier, de Bèu-Caire.

Odo. — Premié pres, flour d'argènt, à Marius Jouveau, d'Avignoun.

GAGNAIRE DÓU COUNCOURS DE « COBRETO » DE VIC-SUS-CÈRO, lou 25 de jun 1895. — Premié pres, medaio d'argènt grand moudule, à Delpeuch, segound e tresen pres, medaio d'argènt, Gerbal e Boutarric; quatren pres, medaio de brounze, Lafaurie; cinquen pres, *ex-æquo*, à Serille, Lascroux de Vic-sus-Cèro e Lascroux de Sant-Mamet; sieisen, seten, vuechen e nouven pres, medaio de brounze, à MM. Lescure, Serieys, Maroncle, Magne; an davera cadun un diplomo d'ounour : Gard, Laborie, Lachazette, Largé e Lours.

CATALOUGNO

— Vèn de parèisse, à Barcilonoun, encò de Henrich y Ca, un libre superbe, escri de la man dóu mestre pouèto Teodor Baró, deputa de l'Empourdan i Cortés espagnolo. Aquéu libre, qu'a pèr titoulet *Lo poema del cor*, e noun poudié èstre miés anoumena, que tout de-long de l'obro es lou cor que' canto, plouro o bresiho; es l'amour de la terro nadalo, es l'amour de la lengo maire que ié fan prouado en n'i-luminant tóuti li tablèu. Ah ! la bello esmougado qu'avèn ressentido en devourisènt aquelo obro mestro, quel inne suau, tendre, auturous e superbe, que l'amo dóu pouèto entouno en ounour de la patrio catalano. N'avèn encaro li belugo is iue, e l'avèn relegi em' uno asecioun qu'es pas de dire. *Lo poema del cor* nous a douna lou coungoust d'uno melico deliciouso.

MORTUORUM

— Vèn de mouri lou mes passa, à Dieppe, Mmo Miolan-Carvalho, la grando artisto que crè en 1864 lou role de *Mirèio*, e qu'èro nascudo à Marsiho.

Jitan sus sa touumbo la flour de nòsti regrett.

— Es mort peréu à Barcilonoun lou pouèto catalan Frederi Soler, ma-

jourau catalan dóu Felibrige, qu'ero tant afouga pèr lou mantenemen de la lengo e di dre de la Catalougn e que, souto l'escaï-noum de Serafi Pitarra, a publica de pouësio majamen inspirado.

Ço que i'a douna lou mai de renoum, es sis obro dramatico, talamen noumbrouso e retrasent tant bèn l'istòri, lou caratère e lis us de soun païs, que se pòu dire qu'es esta lou creatour dóu teatre catalan, e qu'a contribuï mai-que-mai à la glourificacioun de sa patrio.

Courouna en 1888 pèr l'Acadèmi espagnolo, èro mèstre en Gai-Sabé e aviè presida li Jo Flourau de Catalougn.

Que Santo Estello lou repause dins sa glòri !

— Es mort à l'Espino, vers Serro (Autis-Aup), lou capitani en retrèto Jan Jousè Vial, mantenèire de Prouvenço e membre de l'Escolo de la Mountagno. **Que Santo Estello l'ague reçaupu dins sa glòri !**

— Plagnèn li dòu dóu gènt felibre Joachim Gasquet que, lou 6 de juliet, la mort i'a rauba sa bravo maire, dono Jousefino Gasquet.

Aquitàni

— Lou 3 de jun, l'Escolo de Jansemin a tengu sesiho souleïno e bello felibrejado encò de l'oste Marty, en Agen. 80 felibre se i'atravavon entaula. S'es decida que i'aura, cade an, dos assemblado generalo de l'Escolo ; s'es nouma Dorde de Bolhargué secretari soubren, e s'es arresta que, d'aro-en-la, *Lou Calel*, journau de Vilo-Novo d'Agen, sara lou porto-voues de l'Escolo e devendra un ourgane felibren que tóuti li sòci de l'Escolo ié dounaran ajudo.

Brave, l'Escolo de Jansemin ! Acò 's de bono besougn ; la semènço es toumbado en bono terro e fara d'un vint. La pas e lou soulèu faran grana lou blad.

A PAREIGU :

A Fourcauquière, encò d'Albert Crest : *Altènèe de Forcalquier et Félibrige des Alpes*, sesiho dóu 11 de nouvèmembre 1894. Aquéu flame librihoun de 132 pajo, tèn tout ço que s'es di e canta dins aquelo acampado tant couralo, que n'avèn douna lou raconte galant. Ah ! li Felibre dis Aup fan obro bello, tant pèr l'envanc que dounon à sis asèmpre que pèr lou biais qu'an de liga en bouquet tóuti li flour culido en aquéli jour membrurable, ounte l'amour de la pichoto patrio fai batre si cor ; tambèn, lou Capoulié noun a pouscu se teni de ié dire : « Es eici que vendren, nàutri, li felibre de la plano, querre

la belugo de vòsti peirard, jamai leissaren s'amoussa nosto flamo ; es eici que vendren querre lou levame de voste pan, se jamai la pouësio, qu'es lou pan de l'amo, se leissavo esvali dins neste païs, adeja proun touca pèr la marano de la centralisacioun.

« Es eici, oscò seguro, que retrouvaren entié, tant que i'aura un clot de lavando, tant que i'aura un clot de ferigoulo sus vòsti mountagno, es eici, dise, que retrouvaren sencé neste unique tresor, neste bèu e clar lengage prouvençau ! »

A Cano : *Charloun e Charlot*, coumèdi prouvençalo de J. Sorbier.

En Alès, encò de Martin : *Panegiri dóu benourous Jan-Batisto de la Salle, foundedou dis Escolo crestiano*, prounounça lou 19 de mai 1895, dins la catedralo Sant-Jan d'Alès, pèr Mounsen l'abat Aguste Grimaud, curat de Sorgo (Vau-Cluso), canounge ounouràri d'Avignoun, (22 pajo, in-8).

A Brivo, dins la revisto *Lemouqi*, un comte rendu coumplèt di fèsto de Santo-Estello dóu 23 jun, pèr Sernin Santy, un autre de la man de Lemovix, dins lou *Conciliateur* de la Courrèso, e un tresen dins *la République*, pèr A. des Millières.

Encò de Savine, à Paris, emai en Avignoun, encò de Mmo Roumanille : *Le voyage des Félibres et des Cigalières* (9-14 août 1894) : Rhône et Vaucluse, Au théâtre d'Orange. Tirage à despart de la *Revue Félibréenne*, que formo un voulume de 90 pajo, grand in-8, vendu 3 fr. 50.

A Paris, dins lou *Viro-Soulèu* de juliet-avoust, lou raconte di fèsto de Scèus dóu 23 jun, emé li discours d'En Sextius Michel e Jùli Claretie, un tros de pouësio franceso d'Eugèni Garcin, e uno gravaduro de Martin Gaidan, representant la Cour d'amour à Scèus.

» Dins *la Province*, l'escourregudo de Lucian Duc : *En Limousin*, qu'es la fin de sa relacioun de vouiage au païs dóu sou-lieu, que n'en parlaren plus loungamen lou mes que vèn, qu'ailor aura pareigu en voulume. La memo liéuresoun de juliet tèn uno partido dóu discours d'Ougèni Garcin i fèsto de Scèus, sus lis *Origines du Félibrige*.

« Tira de la *Revue Félibréenne* : *l'Alerta*, pouèmo lengadoucian dóu majourau Aleissandro Langlade (24 p. emé la traducioun).

En Ate, dins lou *Mercure aptésien* : *Inne à la Prouvènço*, ounte lou *Pastre de Gignac* eisalo l'amarun de sa vido e soun amour de la Prouvènço, en ié disènt :

Tu, que d'uno peniblo vido
 M'ajudes à pourta lou fais,
 Leisso-me, terro benesido,
 Entre tei draiole flourido.
 Caressa 'ncaro mei pantai.

A-z-Ais, encò de Remondet : *Un « Contrasto » sicilien et la Chanson de Magali*, de Frederi Mistral. Coumunicacioun forço interes-santo facho à l'Acadèmi d'Ais, dins sa sesiho d'abriéu 1895, pèr lou chivalié Em. Portal, sòci dóu Felibridge.

» Vers lou même editour : « *Rapport sur la candidature du félibre E. Portal, de Palerme* », à l'Acadèmi di Scìènci, Art e Bèlli-Letro d'Ais, pèr lou majourau F. Vidal. (Broucaduro de 16 pajo in-8).

A Carcassouno, encò de Gabello e Bonnafous : *La letro de Gustou*, pouèmo lengadoucian dóu mèstre en gai-sabé Pau Gourdou, (broucaduro de 8 pajo), obro courounado pèr la Soucieta arqueoulougico de Beziés, forço esmougedo e bèn ciselado.

En Avignoun, vers li fraire Seguin : *Lou prière dóu bouen Dieu*, vers de l'abat Espagnet, curat de Sto-Tullo (Bàssis-Aup), mort lou 28 de mai 1895, e publica à sa niemòri pèr lou felibre mes-siouñari gardisto, mounsen A. Bongarçon.

A Mount-Pelié, vers li fraire Hamelin : *A ma filha Maria-Louisa*, pèr lou iour de sa prumiera coumunioun, pouësio lengadouciano en 7 estanço, em'un quatrin de F. Mistral, pèr Jóuse Soulet, 16 pajo piouso e esmougedo, gisclado dóu cor amis-tous d'aquéu gènt mantenèire, qu'a bouta dins soun blasoun sèt cor engarlanda d'aquesto deviso : « Toujour Soulet, jamai soulet ! »

A Beziés, lou *Rapport sur le concours de poésie néo-romane*, presenta à la Soucieta arqueoulougico, lou jour de l'Ascensioun de 1895, pèr lou majourau En Frederi Donnadieu.

Dins lou *Petit Marseillais* dóu 19 de juliet : *La reine du Félibridge*, emé lou retra de Na Mario Girard, pèr E. Rougier.

A Toulouso, *le Gril e la Terro d'oc* fan toujour prouado, emai *L'Aïoli en Avignoun*, que soun numerò dóu 27 juliet douno *Uno bono fiero*, de Pau Giera, un di VII de Font-Segugno, e sian regretous que lou manco de plaço nous empache d'escudela tout çò qu'atrouvyan de bèu dins li fueio felibrenco o que fan plaço à la lengo d'O.

Lou Gerent : Jan Monné.

Quond, dins un capt d'Oubergno uno idéio se ouugno,
Quo 'i coume un oun de fèr dins lo reï d'un soucal !

Acò vòu dire que, se li patrioto d'Auvergno se bouton dins la tèsto de revièuda sa lengo e d'enaura sa patro, i'anaran de tout cor, sènso demanda ni quant vòu ni quant costo !

A quatre ouro de vèspre, zóu ! la garo es clafido de pople, e tóuti lis escoulan d'Auvergno ié soun. Lou trin ! li Felibre ! soun aqui ! soun aqui !

Vès-eici lou Capoulié En Fèlis Gras, lou cancelié En Pau Marieton, li majourau Arnavieille, de Mount-Pelié ; Jùli Cassini, d'Avignoun ; Gastoun Jourdanne, de Carcassouno ; Carle de Carbonniere, de Lavaur, sendi d'Aquitàni ; e pièi, lou souto-cabiscòu de l'Escolo Limousino, lou tant arderous Sernin Santy ; J. Soulet, de Ceto ; Ougèni Lintilhac, de la Soucieta feliòrenco de Paris, proufessour, etc., etc.

La *Filarmounico d'Auriha* ié bresiho soun moutet galant à-naquéli felibre flame, e Vermenouze, lou cabiscòu, en paraulo que gisclon dóu cor, ié fai la bèn-vengudo ; Fèlis Gras ié respond poulidamen e, à la fin de sa dicho, ié crido : « Aro, sias felibre ! »

Eui' acò, aquéu crid de : « Aro sias felibre ! » es esta lou bouto-fid de tóuti li cor, e l'on s'endraio vers la vilo. Li carriero e li senèstro soun negro de pople. Tout d'un cop, un *cabretaire* saludo li Felibre : es au bout de l'avengudo, sus la terrasso de l'oustau Courbaize, i burèu dóu journau *La Cabreto*, ounte s'es-pandis aquesto escripcion :

Lo Cobreto o pleno pél,
O plen ouire, o plen cormèl,
Bufo uèi, conto e brounsino,
Pel Bas-Miejour è pel l'Escolo Limousino.

Quand la flamo bourrèio es acabado, tóuti picon di man e reprenon sa vlo.

Sus la plaço dóu square, i'a 'n fourniguié de pople. Sus lis escalié dóu Palais de Justicci, li gènt ié soun esquicha coume d'anchoio. Passon lou Capoulié e li Felibre, urous e fier d'aquelot tant couralo e tant pouplàri recepcion, que dirias de triounfatour mountant au Capitòli.

Mai lou ciéucle de l'Unioun es tout engarlanda, e porto à soun frountau aquesto dicho :

Uèi, a soun milhour borrieou,
 Lo Soucietat d'Ourlhat bouto soun cobilhou,
 E fiero, duèr sous bras e soun cur e sa porto
 Ois omes del Miejour que lou boun bent li porto.

A tant galanto counvidacioun èro pas poussible de noun responder ; es pèr acò que lou courtège s'enintro au Ciéucle de l'Unioun, pèr faire pauseto.

Aqui, lou presidènt d'aqueù Ciéucle, M. lou courounèu Prax, a benastruga poulidamen li Felibre ; lou mège Fesq, maire d'Auriha, i'a di coume la poupoplacioun e lou Municipè èron urous de li reçaupre, e lou Capoulié, à soun tour, mai que bèn emparaula, i'a di que dins aquelo terro avenènto d'Auvergno, li cor èron d'or e qu'èron aut bèn autant que li cimo li mai autiero di ploumb e di piue cantalés. En seguido, quauqui sòci an di de vers e de can-soun sobre-bello.

Après d'aqueulo recepciooun entousiasto qu'es pas de dire, ounte totu li classo de la soucieta se dounavon la man, li Felibre se soun un brisoun espaceja, pèr espéra la sesiho dóu sèro, que vejo n'eici lou prougramo que lis aficho avien pourta à la couneissenço dóu publi :

ESCOLO OUBERGNATO

TREATRE D'OURLHAT

Besprado del 24 de jun 1895

Morselhèso, Hymno russo, pel lo *Musiquo militario*
 Counferenço *Sul Felibrigie*, pel M. Bessieres, proufessor ogregat

Regrèt, pel Gerbal, premièiro cobretu del councours d'o Bit
 Ropouort *Sui Jiots Flouraus*, pel l'obat Courchinoux, secretari

Egmont, ouberturo (Beethoven), pel lo *Musiquo militario*

Parlicado e Pouësio de Copiscol

Bourréio del Cobretaire

Balet de Coppelia (Delibes), pel lo *Musiquo militario*

(De-segur lou Capoulié e les autres Felibres miejiournau
 demondordù lo poraulo)

Fontosios ouriginalos, pel lo *Musiquo militario*

N. B. — Obison tout lou mounde, Modamos è Moussurs, ben-guts ò-n-oquelo prumièiro fèsto del teatre, que lour sero fatchio uno plaço, demo, ol grond desporti d'o Bit — per cinq frons, pas mai !

— Uno questo sero fatchio ol proufit des paures —

Lou teatre èro plen coume un iòu de tout lou bèu mounde d'Auriha ; se dis que, despièl lou 23 de febrié 1854, que lou pouèto Jansemín, d'Agen, i'èro vengu douna sesiho, noun s'èro vist salo tant coumoulo e tant bello. Li felibre e li sòci de l'*Escole Auvergnato* soun sus sceno, à l'entour dòu Capoulié. La musico dòu 139^e de ligno, duerb la sesiho en jouant la *Marsisheso* e l'*Inne russi*, que soun aplaudi mai-que-mai. Gerbal, lou cabretaire, largo li *Regrèt* e li *Bourrèio* li plus granado e li mai requisto de soun repertòri ; M. Bessières a, dins sa counferènça, espandi lis idèio e lis espèro dòu Felibrige ; l'abat Courchinoux a fa lou rapport sus lou councours, que n'avèn douna lou paumarés dins neste darrié numerò.

D'aquéu rapport superbe, que li picamen de man i'an pas fulta, n'en tiraren un mousseloun, lou nous de riban que ligo lou bouquet, e que, em' un biais galant, dis coume eiçò :

« Mestres, sobès lou couonte d'oquelo gionto princèssso que, cent ons, ol found d'un bouos, durmiguét dins un polai encontat. Sobès otobe quoni brabe jouine ome troubèt dobon guelo en sè rebilha, è que tout oquo s'ocobèt per los pus beloi noços que se siasquou bistos. Oquel couonte es lou nostre. Lo princèssso endurmido cent ons s'opelo lo lengo d'O ; lou Felibrige es oquel fil de rèi que li be douna lo mo. Fòn ensemble un mariatchi d'enclinociou. E bautres, bolents mestres, e bautres, giontoi Modamos e brabes Moussurs, e l'Oubèrgno touto entièiro e lou Miejour, d'ol Ploumb d'ol Contau endusqu'd lo mar sou d'oquelo bèlo noço ; è, coumo besès, lo nostro Escolo d'Ourlhat, escorbilhado è risento li jioguo ohuèi de lo *Cobrelo*. »

M. A. Vermenouze, cabiscòu de l'*Escole*, canto l'epoupèio averno e la glòri de *Vercingétorix*, en vers moula sus lou ritme de la cansoun : *Lou Rèi En Pèire*, de Fèlis Gras :

Orribet en Oubergno, un moti,
Cesar, lou conquistaire Loti,
 Un moti,
En plen sur de l'Oubergno
 Orribet lou Loti...

Lou Capoulié que, dins la salo, soun retrà èro dins tòuti li man, s'aubouró e traïs au pople lou verbe de soun discours sant-estelen de Brivo, e lou pople aplaudis entousiasma.

Uno pichoto charradisso de M. Lintilhac es mai que bèn aculido, e pièi lou majourau En Gastoun Jourdanne, parlant au noum dóu Lengadò, a manda soun salut à l'Auvergno, e l'Auvergno, que soun cor batié dins la salo dóu teatre d'Auriha, aquéu vèspre, i'a respoundu pèr d'aplaudimen superbe.

Pèr clava, MM. Chibret e Legal-Duterre an douna lou bras en dos gènti quistarello, MMlo Matre e Granier, qu'an acampa dous cènt franc tin-tin, pèr li paure.

L'endeman dimars, 25 de jun, la fèsto de Santo-Estello, à Vic, es estado un triounfle.

Li Felibre ié soun arriba dins la matinado e soun esta reçaupu à la garo pèr M. Bertrand, maire de Vic, que lis a mena en rou-mavage à la Font-Salado e pièi, d'aqui, à l'oustau comunau, pèr lou vin d'ounour, semoundu pèr M. Fayet, proupretari de Font-Salado.

Lou banquet, dins la cour de la Coumuno, a reüni un centenau de taulejaire. A la desservo, lou Capoulié, que presidavo, a prounóncia un discours enaurant; M. Bertrand a pièi brinda, au noum de la Municipalita de Vic, au Felibrige e i Felibre; Arseno Vermenouze, cabiscòu de l'Escolo Auyergnato, a begu à l'Auvergno; En Pau Marieton a leva soun got pèr Isodor Salles, sendi d'Aquitàni. Alor, En Fèlis Gras entouno la *Cansoun de la Coupo*, que fai prouado, e li brinde reprenon vanc; En Arnavielle ausso la coupo pèr la *Pairolo*; Chibret paire l'aubouro pèr li damo e damisello; Gastoun Jourdanne pèr la *toco misteriouso dóu Felibrige* emai pèr li dous buto-avans de l'idèo felibrenco dins l'Auvergno, i dous ome marcant e apassiounadamen enfiouca: lou cabiscòu Vermenouze, aquéu Pèire l'Ermito de la se felibrenco dins li mountagno auvergnato, e lou secretari, l'abat Courchinoux, que souto lou brinde gracious dis abat de Court, escound l'amo ardènto d'un arverno de vièjo roco; Lintilhac a begu en memòri dóu mounge de Montaudon, ancian troubadou, nascu à Vic-sus-Cero.

Parlon pièi Jan Carrere, Sernin Santy, souto-cabiscòu de l'Escolo Limousino, Jùli Cassini, l'abat Courchinoux, Felician Court, Louis Abel, Bessières, lou dòtou Fesq, etc.

Un telegramo es manda à Frederi Mistral, e n'arribo un de Roumanio de mounsegneur Geraud, cabiscòu d'ounour de l'Escolo, que

dis : « Fau uno brassado os camarados d'Oubergno è del Miejour :
lèbe la Coupo santo en lour ounour ! »

Acò 's lou bouquet.

Lou councours de *Cobreto* qu'a segui lou festenau es esta mai que galant, tant pèr lou noumbre di courrière que pèr lis èr varia que se ié soun jouga : es un chale de vèire tout aquéu pople, coume es apassiouna pèr soun estrumen naciounau. En Auvergno coume en Prouvènço, lou pople mostro que vòu garda sa persounalita, en gardant fieramen sa lengo e sis us: ço qu'es enracina dins l'amo es mal-eisa de lou derraba. Tóuti sèmblon dire :

La gardaren riboun-ribagno...

nosto musiqueto e nosto lengo meiralo !

Pèr claire nostro dicho, countaren un incident curious :

En replaçant la Coupo dins sa bouito, après lou banquet, es avengu que s'es dessoudado; em' acò, l'an pourtado vers un orfabre pèr la faire adouba. Quand es ressoudado coume se dèu, se demando à l'orfabre ço que i'es degu.

E aquest respond :

— « Rèn, sian fièr qu'empourtès un brisoun dóu ploumb d'Auvergno à vosto coupe simboulico ! »

Noun es necite d'apoundre un mot de mai pèr descata lou bèu d'aquéli fèsto magnifico !

J. MONNÉ.





LI NOVO FELIBRENCO

PROUVÈNÇO

Avèn fa remesso de la soumo de vint franc, au felibre malastra qu'avian signala sa misèri is ami, e que tourna-mai recoumandan à la bèn-voulènci de nòsti sèci. Aquele soumo nous venié : 2 fr. d'Enri Bouvet, 5 fr. d'un anounime, 10 fr. de Mmo X e 3 fr. d'En J. Monné.

— l'a proun tèms que se charro dins li journau dóu mounumen que se dèu auboura, sus la plaço de la Routoundo, à Marsiho, en glòri dóu pouèto Fourtunat Chailan, lou galant autour dóu *Gangui*. Uno letro de Stanil-Clastrier, l'escultaire tant devot au Felibrige, fai counèisse que lou moudèle es acaba i'a tèms long, emai peréu la maqueto dóu mounumen, e que la vilo, en de mai de l'emplacamen subre-di, a proumés de baia la pèiro dóu buste. S'acò 's ansin, de qu'esperon adounc lis ourganisaire de l'obro ? Se saup que li proumié au moulin san farino ! que se boulègon e que vèngon pas prene vanc, quand d'autre auran pres la plaço marcado, — plaço que farié un bèn galant cadre au mounumen de neste cantaire marsihés.

— Un bon vènt nous a adu li nº 83 e 84 (avoust e setèmbre), de la *Campana de Magalouna* que, despièi proun tèms, avian pôu qu'a-guèsse fini de trignoula pèr la Causo, coume lou fai tant bèn. Bonadi Santo Estello, la *Campana* countùnio de nous regala de si trignoun, e n'en sian mai que rejoui.

Avèn vist peréu dins « l'Aïoli » que lou *Cascayèu* d'Alès fasié mai piéu-piéu, e avèn pica di man. Li tèms soun marrit, es verai, l'argènt s'estremo, mai tant que li fueio en parla miejournau moron pas e noun soun empourtado pèr l'aurasso, acò provo que i'a 'ncaro de patrioto pèr li sousteni, e longo-mai !

— Es mort à Lioun, dins si 42 an, lou felibre mantenèire Jan de Bouchaud, que sa famiho es d'ourigino arlatenco, e qu'avié passa proun tèms en Egito e àutri rode dins de founçiondi diploumatico.

Que Santo Estello lou repause e baie soulas à-n-aquéli que sa des-partido i'a 'strassa l'amo,

— A parti d'ouvrage de janvié 1896, *La Province*, de Lucian Duc, devendra un ourgano de descentralisacioun e de revendicacioun prouvinçialo. Pareissira mesadieramen en numerò de 80 pajo cadun. Aquélli que i'agradarié d'intra dins lou round, an que de signa lou bulletin qu'es encarta dins aquest n°, emé la circulàri que douno tóuti lis entre-signes vougu.

A pareigu i burèu d'aqueù journal, 35, carriero Rousselet, à Paris, au pres de 2 fr : *En Provence*, souveni de jouvènço e raconte de soun escourregudo de l'an passa *Au païs d'ou soulèu*, pèr Lucian Duc. Ah ! la galanto escourregudo ! e coume marco bèn tout lou bonur que lou felibre a ressentit dins soun cor en revesent si rode d'ou Miejour e lis ami que l'an festeja tout-de-long de la routo, despièli Lioun enjusquo à Niço ! Aqui, i'a lou raconte complèt di festo felibrenco e cigaliero d'Aurenjo e d'Avignoun, emai soun odo à Mistral, e se ié destriu tant bèn l'amour de la pichoto patrio, que *l'Aïoli clavo soun comte rendu* pèr aquésti mot : « Duc s'amerito forço de la part de Prouvènço, e n'en faudrié forço coume éu, d'oubrié ansin. »

Es peréu nostre vejaire.

— Dison que lou Counseil Municipal d'Avignoun vèn de prene uno deliberacioun demandant la demoulicioun di rampart qu'encençhon la vilo.

Cresian que li bàrri d'Avignoun èron classa dins li mounumen istouri e que lou gouvèr avié despensa gros pèr li recoustituï e li manteni. S'acò 's ansin, sara pas di que la vilo papalo perdra soun frountau de muraio que ié vai tant bèn, pèr lou foulige de quauqu'i bedigas.

— Lou dimenche 25 d'avoust, s'es acampado, dins li saloun di Bèus-Art de Marsiho, la jurado cargado de terceja li pèço presentado au councours dubert à l'oucasioun de la celebracioun d'ou treisen centenari de l'establimen de l'empemarié, à Marsiho.

La jurado èro coumpausado di majourau d'ou Felibrige V. Bernard, J. Huot e Jan Monné, d'ou mantenèire Louis Margayan e de MM. Pèire Mazières, Pa cau Cros e Louis Honnoré.

Li pouèto prouvençau avien à celebra la glòri de Gutenberg.

Proun courrèire se ié soun assaja, mai la majo part soun estacourt e coustie.

Lou gag:aire de la joio es esta lou felibre Amable Richier, de Bargemoun (Var), qu'a davera, pèr soun *Odo à Gutenberg*, 100 fr. tintin emai uno bello medaio vermeialo. Uno mencion es estado acourrado au mantenèire Louis Roux, de Marsiho, que sa pèço es estado flouçado d'uno medaio de brounze.

Pèr la proso prouvençalo, se devié trata de l'*Empremarié e de si prougrès*, e n'es Carle Martin, lou felibre afouga de l'Escolo de Lar, à-z-Ais, qu'a despendoula la bello joio di 100 fr. tin-tin e de la medaio vermeialo.

Lou brave Antòni Berthier, de Bèu-Caire, tant devot au Felibrige, a 'gu la mencioune e la medaio de brounze.

La distribucioun di joio s'es fachou soulennamen, lou dimenche 15 de setembre, à nou ouro e miejo dòu matin.

— A pareigu à Valènço : *Lou Tiatre d'Auronjo*, odo dòu felibre L. Moutier, broucaduro de 16 pajo emé retrat dòu *Cièri*.

— Vèn de parèisse à-z-Ais, encò de Remondet-Aubin : *lou Bèu-Vesé*, visto panouramico ounte lou felibre E. Turrel einat, nous fai poulidamen la descripcióun en vers de tóuti li rode que soun à l'entour de Lambesc.

— A pareigu à Carpentras, encò de J. Seguin : *Carpentras, si deco e si meròdio, em'un liams de conte galoi*, tout acò escri finamen pèr la plumo dòu felibre abat Ougèni Imbert, de Vaurias.

Aguènt viscu à Carpentras e cointeissènt si *deco e si meròdio*, nous a fa gau de reviure un brisoun aquéu passat tant dous de quand erian pichot, e de saboura aquéli floureto piousamen ligado pèr un d'aqueüi qu'amón mai-que-mai aquelo *cibula gènto e galiso, perlo de la Countat, que ris e galejo*, coume dis Roumanille dins sis Oùbreto.

— Lou *Caveau stephanois* vèn de douna lou paumarés dòu concours qu'avlé dubert, e ié culissèn çò que seguis, pretoucant li parla d'O :

« Nonando-dous manuscri soun esta soumés à la jurado, coumpausado de MM. Frederi Mistral, Fèlis Gras, Carle Boy, Pèire Duplay e Leoun Sant-Estève.

Emai lou *Caveau stephanois* noun aculigue la proso, la jurado a pamens decerni, à l'unanimeta e felicitacioun, un diplomo d'ounour à la nouvello de mestre Pau Dhuc, de Fourcauquié, qu'a pèr titoulet : *Souli li mele*.

Lou noum de Pau Dhuc es un velet qu'escound un escriván de talent, e sian urous de jogne peréu nòsti felicitacioun couralo à-n-aquéli de la jurado.

Premié pres, medaio de vermèi, à M. Ougèni Imbert, de Vaurias (Vau-Cluso), pèr sa cansoun : *La Verita*. Segound pres, medaio d'argent, à M. Aguste Delaye, pèr soun *Nouvrè prouvençau*. Tresen pres, medaio d'argent, à M. Fournier, de St-Flour, pèr sa cansoun : *Amour e recontre*. Quatren pres, medaio de brounze, à Benoit Bruyas, de

Sant-Genis, pèr sa pouësio : *In cbatagns*. Cinquen pres, medaio de brounze, à Pèire Bernard, de Bèu-Caire, pèr sa cansoun : *L'espouessto*. Sicisen pres, medaio de brounze, à E. Merlat, de St-Genis, pèr sa fablo : *La vacba cofia*.

Proumiero menciouen à Vidal Barlet, de Sant-Estève, pèr sa pouësio : *Lous anjous plouron*; segoundo à-n-Antounin Maffre, de Beziers, pèr sa pouësio : *Flours d'autouno*; tresenco à Francés Garbier, de Cano, pèr sa cansoun : *Jano d'Arc*; quatreno à Frederi Jallois, de Mount-Pelié, pèr sa pouësio : *Lou mounds couma vas*; cinquenco à J. Reynaud, de Vaqueiras, pèr sa pouësio : *Voucacion*.

Li laureat reçaupran lèu-lèu li medaio, voulume e diplomo que ié soun atribuï.

— Lou voulume *Li Darbouso*, recuei de pouësio prouvençalo de Maurise Raimbault, que n'avèn encarta lou buletin de souscripcióun dins noste darrié numerò, sara pas bouta en vèndo e sara tira qu'à 200 eisemplàri, rèn que pèr lis ami e pèr li souscrivière. Recoumandan, adounc, à nòsti legèrie de pas delembra de s'adrèissa lèu-lèu à l'autour, 117 carriero d'Antibo, à Cano; se noun, pourran pas tasti la fruchò rouginello e goustouso que ié semound lou valènt cabiscòu de l'Escolo de Lerin.

— Lou majourau dòu Felibrige Frai Savinian, direitor de l'escolo libre d'Arle, vèn d'acaba soun obro : *Méthode pour l'enseignement du Français par le Provençal*, que i'a tèms long que ié counsacravo si lesi e que tòuti esperavian emé proun fernetego.

— Lou chivalié Em. Portal, sòci dòu Felibrige, alestit uno novo edicioun de soun libre : *La letteratura provenzale moderna*, qu'en 1893 aguè un succès qu'es pas de dire.

Aquel óubrage, refoundu de-souns, sara, se pòu dire, uno obro nouvello e, pèr la r èn dre autant coumplète que poussible, l'autour s'adrèisso en tòuti li counfraire, pèr li prega de ié semoundre tòuti lis entre-signé que, despièi 1893, aurien pouscu reculi e que sarien capable de l'ajuda dins soun pres-fa.

— Lou devot e tant afouga mantenèire Enri Bouvet, d'Avignoun, qu'emé soun amiracioun avié douna à-n-Ansèume Mathieu (la cigalo di Castèu), touto soun afeacioun d'ami, vèn de paga à soun vièi mestre soun dèute de reconueissénço. A si fres a fa grava, sus d'uno placó superbo de maubre blanc, aquesto escricioun en letro roujo:

Eici es na e mort

[1890-1893]

En Ansèume Mathieu, felibre majourau.

Dins soun libre « La Farandoulo »
 È dins si conte en prouvençau.
 l'a li rai de noste soulèu,
 L'esperit de noste bon vin
 È lou rire de nosti chato.

Aquelo placo, pèr li siuen pious de Bouvet, vai èstre lèu-lèu pausado à Castèu-Nòu-dòu-Papo, sus l'oustau pairenau di Mathiéu.

A Bouvet, que regardavo Mathiéu coume soun paire en nosto literaturo d'O, e qu'a tant bèn segui si piado, ié revenié l'ounour d'enaura la memòri d'aqueù pouèto esquist, que pourtavò dins sis armarié un brout de rousié emé sèt boutoun galant, engarlanda d'aquesto deviso :

Tant de boutoun,
 Tant de boutoun !

— Lou dimenche 25 d'avoust, la *Cæcilia*, de Marsiho, a douna, au benefice di paure, un councert sus lou balouard di Liço d'Arle ; rèn a manca au prougramo, e lou pople arlaten i'a aplaudi sobre-tout *Plusio d'estello*, cant prouvençau d'En Jan Monné, que Vincènt Fosse, direitor de la *Cæcilia*, n'a brouda la musico.

— Lou 15 de setèmbre, à l'oucasioun de la distribucioun di recoumpèndo i laureat di councours literari e autre, dubert pèr lou Coumitat di festo dòu tresen centenari de l'empremarie, à Marsiho, s'es douna un banquet superbe, que totti li membre di jurado ié soun esta coundida. Dins li discours e brinde que se ié soun enaura, n'en citaren un, aqueù dòu troubaire marsihés Pèire Mazière, qu'a begu au *Libre prouvençau* :

Brindi au libre prouvençau que, despuei la publicacioun deis obro de Loueis Belaud de la Belaudiero, tèn, à Marsiho, uno plaço d'ounour, tant dins lei couleicien d'amatour que dins lei bibliouteco publico !

Au libre prouvençau que reviéudo, de-longo, l'amo de la Prouvènço e la mantèn ansin, toujour ravooio, emé l'ajudo deis ami de la descentralisacioun !

Au libre prouvençau que, dins lei man dòu pople, es coumo uno biblo redisent la fe, l'esperanço e l'amour de nouesto raço !

Au libre prouvençau, que s'es manifesta emé lei conte, lei cansoun e lei pouèmo dei troubaire marsihés Bellot, Chailan, Benedit, Gelu e tant d'autre, dounant soulas, voio e couragi dins la loucho de la vido, en en demenissènt leis amarun !

Au libre prouvençau, trelusènt de rai de soulèu, embaimant dei

flour dóu terradou, e tresoulissènt de poutoun que fan pantaeja nouéstei bellèi Prouvençal !

Au libre prouvençau, enfin, qu'esplandisse ardour, joio e bouenur dins lei couar, emé seis estroso pouëtico cantant amour e liberta !

Au libre prouvençau !

LENGADÒ

— A pareigu à Mount-Pelié, encò di fraire Hamelin : *En terra galosa, contes pouplaris e lengadoucians*, acampa pèr Lou Maselié, autramen di En Pau Chassary, aquéu flame galejaire que lou Counsistòri felibren ié vèn de baia la cigalo d'or, qu'acò noun poudié miés toumba.

Aquéu valènt countaire, que nous a fa desgargamela emé de tros de si conte que nous n'erian esperlica dins li journau de Lengadò, a vougu rejougne soun obro bello en un galant bouquet e lou semoundre, noun i croumpaire de libre prouvençau (sabèn pas se n'en soubro), mai is ami ; d'aquéli, n'en soubrara de-longo, dòumaci !

Li farcejado de *Pradet de Gange* soun escarabihado, emai lis autre ié devon gaire. Tout acò es escri d'un biais mestre ; lou Maselié, se vèi, a pres sa lengo dins lou pople, à la bono font, e n'es pèr acò que fai prouado e qu'agrado coume uno flour campèstro e presumado.

Aquest ivèr, n'iaura mai de quatre que, dins li vihado, n'en faran si freto e agantaran de ventrado de rire à tu n'en vos, vejo n'aqui, e que diran coume lou tant brave countaire :

De legna au fougau.
D'enfants à l'oustan,
Ma moulhè soumessa,
De contes d'antan
Plena ma cabessa,
E lou laid ivèr pot durà tout l'an.

— A Bello-Gardo (Gard), pèr la destribucioun di pres dis escolo, davans lou pople, s'es fa ounour à la lengo dóu terraire : lou jouine Coulomb a debita *Lou loup e lou cbin*, la galant fablo de Bigot, de Nimes, e lou pichot Bascoul a di *Li Vendèmi*, superbe tros de proso tira di *Memòri d'un Gnarro*, de Batisto Bonnet.

Se li mestre d'escolo se boutavon à douna à nosto lengo la plaço que i'es degudo, l'obro felibenco farié camin e acò sarié lou gran, semena dins uno terro que farié d'un cènt !

— Li festo d'Anduze dounado à l'óucasioun dóu mounument que se vèn d'auboura à la troubairis Claro d'Anduze, se vènon de celebra, lou 18 d'avoust, soto l'afflat d'un Coumitat anduzen, de la Mante-

nènço de Lengadò, emé grando acampado de felibre, vin d'ounour à la Coumuno, musico, gendarmo, autourita, Court d'Amour, banquet superbe, brinde e cansoun, e joio flourido pèr li targaire miejournau.

Vès-eici lou paumarés :

Pouésio. — *Eloge de Claro d'Anduze.* Premié pres, noun decerni ; segound à Pèire Bernard, de Bèu-Caire.

Sujèt sus li Ceveno e lou Lengadò. Premié pres à Millo L. Campredon, d'Alès ; segound à-n-Antounin Maffre, de Beziés.

Sujèt libre. Maurise Raimbault, de Cano, foro councours ; pres especiau à Aufrèd Rottner, de Ceto ; segound à Maurise Joret, au Mas-d'Agenés.

Legendo e plang. Pres à Aguste Advenier.

Pouésio lòugiero. Pres à Albert Viau.

Cansoun. Premié pres à Francés Garbier, de Cano ; segound pres, à Coumbalat-Roche, de Pignan-l'Erau.

Conte, galjado e fablo. Foro councours : P. E. Bigot, à-z-Ais.

Proso. — *Descripcisoun d'un caire di Céveno.* Pres à L. Carrier, de St-Pons de Tournier.

Sus lou castagnié. Premié pres, court e coustié ; segound, à J. Brabo, d'Alès.

Sujèt libre. Foro councours, P. E. Bigot.

Dins cada tiero, la jurado a decerni de menciou en bello tiero, que sarié proun long d'escudela.

— Lou 8 d'avoust, es mort à-n-Anduze lou felibre Bastidon, nou-tari, dins si 62 an. Avié douna forço afecioun à la lengo dóu païs, e pechaire ! avié ourganisa li festo anduzenco : noun a poustu jouï de sa resplendour. Santo Estello lou repause !

— La *Terro d'Oc* anóuncio que, d'aro-en-la, dounara dins cade numberò de pèço roumano, proso o vers, dí siècle dougen e tregen. Acò's uno bono idèio e i'aplaudissèn di dos man.

Aquitani

— A pareigu à Toulous, encò de Vialelle e Perry, la letro A dóu *Diccionari moundi*, de Jan Doujat, *empêutad* pèr G. Visner e *les del Gril*. Aquelo galanto broucaduro de 30 pajo es presentado au legèire pèr uno prefaci de M. A. Jeanroy, proufessour à la Faculta di Letro de Toulous, e precedido d'un *Avans-propaus*.

Es acò la proumiero publicacioun à despart, de l'obro qu'a óutengu un pres especiau de cent franc à l'Acadèmi di Jo Flourau d'Isauro, e

qu'es estado ounourado di suvencioun dóu Counsèu Generau de la Nauto-Garouno emai dóu Counsèu Municipau de Toulouso.

A-n-aquéli que i'agradara aquelo broucaduro, ié sara espedido pèr la posto se mandon cinq sòu i burèu dóu journau *Le Gril*, 5, balouard de la Garo, à Toulouso.

Lou voulume entié coustara 5 fr., e l'on ié pòu souscriéure à parti d'aro, coume se pòu souscriéure, au même rode, à *Le Mecladis moun-di*, de G. Visner, in-8 de 250 pajo, au pres de 3 fr. 50.

LIMOUSIN

Lou 18 d'avoust, moussu Ramound Laborde, secretari dóu *Bournat courreqian*, de Paris, avlé fa 'no counferènço, dins la grand salo de la Courmuno de Brivo, sus lis óurigino de la lengo limousino, que dounè si règlo ourtougrafico à la literaturo di Troubadou.

E pièi, tout en fasent l'istòri dóu Limousin desempièi sis óurigino, que soun li memo qu'aquéli dóu francés, apound :

« Ces deux variétés des langues romanes ont joué le même rôle, comme dialecte littéraire, l'une pour la terre d'Oc, l'autre pour la terre d'Oïl, imposant leurs formes orthographiques dans leurs domaines respectifs, où, également florissantes, elles ont cohabité ensemble et se sont développées parallèlement pendant de longs siècles.

« Leur étude comparative fait ressortir le peu de logique des *patoisants* et des *sélibres* qui adoptent la manière d'écrire les dialectes d'Oc à la façon des Provençaux. Et elle prouve la nécessité de suivre les préceptes du chanoine Roux, qui reprend la tradition des Troubadours. »

Ah ! d'aquéu galant M. Laborde !

Noste vejaire, qu'es aquéu de forço, es que lou biais d'ourtougrafia di felibre de Prouvènço es lou plus simple e lou plus raciouau e naturau que i'ague; es tant eisa de se ié faire coume de béure un got d'aigo, e lis escrivan d'O que, sènsò leissa si dialèite, an segui si règlo, an douna provo que vesien claramen que, soulo, l'unita ourtougrafico

devié mena lou relevamen de la lengo à soun pountificat. Adounc, aquéli que, liogo d'ourtougrafia à tout astre bèl astre, an adóuta li règlo felibreno, an fa obro de patrioto e d'ome sena, e vesèn pas çò que ié gagnarien, se viravon l'aigo vers un autre moulin.

— Lou 8 de setèmbre, s'es constiuïdo l'Escolo limousino dis Uis-sels. A-n-aquelo óucasioun, douz manteneire limousin soun vengu de Brivo pèr l'inaguracioun : MM. de Nussac e Ramound Laborde. Es lou counseié generau, maire d'Ussel, qu'es lou cabiscòu de la nouveau Escolo que s'es establiido, souto l'aflat dòu pouèto Francés Eyboulet-Grabier, courounèu di Jo Flourau de Brivo. Li manteneire briven soun esta reçaupe à la garo à 11 ouro dòu matin, pèr la troupo di jouve escoulans, e M. Eyboulet-Grabier i'a fa la bèn-vengudo coume seguis :

MESSIERS LOUS FELIBRES,

En moun noum e el noum daus nouvels escoulans de nostra ciutat, ai lou plazer de vous assurar l'amistousa benvenguda. Que Dieu vous garda de tout mau, aici-sen !

Ne nous setz pas estrangiers, couma nous-autres setz Lemouzis ; parlatz nostre lengatge ; nous, sabem tout so qu'avetz fach e fasetz chasque journ per derevelhar e far renaisser de soun cendrier quel parlar tan armounious e tan bel, quel lengatge daus troubadours, tals que Bertran de Born, Bernat de Ventadourn, Gui d'Umissel e tan d'autres, lous chantaires de la beutat de leurs mias ou de la gloria del Lemouzi.

Que pode, iéu, vous ouvrir ? Lou vi d'honour ? La vinha ne poussa pas sus nostres puegs. — Las claus de nostra vila ? Desempueis lounctemps Ussel, portas bandieiras, n'a rempartz, ni paratz, ni portas, ni claus. Aquelas de nostres cuers ? Las avez presas. — De la flours ? la sazou es trop avansada. N'ai mas aquelas de nostras brugieras à moun pouder ; de gracia, las vous beila et las vous prezenta. Las aven cultidas tout per vous aquesta mati sus lou pueg de la Creichieira.

Messiers, laissatz-mé vous dire gramerces de vostra visita.

MM. de Nussac e Laborde an respoundu gentamen, e pièi, à tres ouro de tantost, s'es ana au teatre, ounte tout lou bèu mounde èro acampa pèr aplaudi li Felibre. Après quauqui mot charmant dòu cabiscòu, M. Brindel, M. R. Laborde a fa 'no counferènça sus lou Felibrige e soun mouvemen descentralisaire. S'es pièi di de vers e s'es canta à l'ounour de la Causo.

— Uno autre felibrejado s'alestis à Argentat, pèr l'establimen de l'Escolo de la Saintrio.

VANEGACIOUN

— Lou felibre Clemènt Auziere, qu'ero juge de pas à Noiretable (Louiro), vèn d'estre nouma à la Grand'Coumbo (Gard). Felicitacioun.

— Louis Tombarel, mantenèire de Prouvènço, repetitour au coulège d'Aurenjo, vèn d'estre nouma boursié de licènci à la Faculta di Letro d'à-z-Ais.

— Lou majorau En Jùli Cassini demoro, aro, 19, carriero Bouuetarié, en Avignoun,

— Lou felibre H. Paris demoro à Marsiho, carriero Curiol, 8a.

— Lou mantenèire aquitan Andriéu Sourreil, recevèire de l'enregistramen, es nouma à La Bastide-Murat (Lot).

A PAREIGU :

A Madrid, tira de *Pro Patria* de mars 1895 : *l'Italis et la France pendant le 4me centenaire de la découverte de l'Amérique*, pèr Emmanuel Portal.

En Avignoun, *l'Aïoli* repren la publicacioun di *Memòri d'un gnarre* de Batisto Bonnet, après agué douna lou *Mariage de misè Rousselot*, de Bounet l'einat, d'Oupedo.

A Marsiho, dins *la Croix*, uno tiero d'ouresoun prouvençalo.

Dins *la Vie Cannoise* dóu 8 de 7bre 1895 : *Gutenberg l pouëslo d'A. Richier*, emé soun gramaci à la jurado qu'a courouna soun obro, e uno letro d'En Frederi Mistral felicitant lou bèu gaignaire de la targu.

A Paris, dins *la Mandoline* de 7bre 1895 : *Retra e biografio de Lucian Duc*, mestre en Gai-Sabé, pèr En Jan Monné.

A Barcilouno, dins *la Veu de Catalunya*, dous conte prouvençau revira dóu Cascarelet.

A Turin, dins *la Bouena Settimana*, *la Raschiatura di madia* (la ras-claduro de pestrin), revira di vers de Frederi Mistral, en italián, pèr lou Coumendatore Ab. Can. Luigi Comte Capello di S. Franco, sòci dóu Felibrige, à Veniso.

Poudèn que signala, fauto de plaço, *la Terro d'Oc*, *le Gril*, *le Conciliateur de Bèu-Caire*, *Lemouqi*, e lis àutri fueio qu'espandisson lis obro de lengo d'O.

Lou Gerent : Jan Monné.

ACADEMIE DES LETTRES DE LA PROVINCE
PARIS — 85, rue Rousselet — PARIS
(Fondée à Lyon en 1879)

M

Il n'est aucun philosophe, aucun observateur qui n'ait constaté, pour le déplorer, le délaissement des campagnes, dont les habitants sont de plus en plus attirés vers les villes.

Anémie d'un côté, pléthore de l'autre : de là vient le malaise économique et social dont nous souffrons.

Cet état de choses est si visible et si inquiétant, que le Parlement s'en préoccupe à son tour, après les Sociétés savantes, et que Paris lui-même lève l'étendard de la Décentralisation.

Une Commission extra-parlementaire a été instituée. Mais il ne faut pas se dissimuler que sa tâche est ardue et que les réformes à opérer veulent être mûries et étudiées sous toutes leurs faces.

Ce n'est pas trop du concours de toutes les bonnes volontés, pour arriver à un ensemble de propositions de nature à rétablir l'équilibre social, afin de donner à chacun une plus grande somme de bien-être.

La revue *La Province* qui, depuis 18 ans, a pris à tâche de mettre en relief tout ce qui intéresse la petite patrie, était naturellement désignée pour servir d'organe à un tel mouvement d'opinion.

C'est pourquoi nous avons le projet de l'augmenter considérablement, pour en faire la tribune de tous les amis des réformes provinciales.

A partir de janvier 1896, elle aura 80 pages de texte par mois, au lieu de 32, et l'abonnement n'en sera pas sensiblement plus élevé, puisqu'il est fixé à 18 fr., au lieu de 12.

Mais, pour que nous arrivions à nos fins, il faut que nos amis nous prêtent leur concours le plus actif.

Chaque abonné d'un an recruté par eux diminuera de 3 fr. leur cotisation, en sorte que celui qui ferait 6 prosélytes à nos idées, recevrait gratuitement la revue.

Pour la rédaction de *La Province*, nous ferons à la fois appel à des personnalités politiques ou littéraires en vue, et à tous les penseurs modestes, au moyen de concours trimestriels sur des sujets désignés.

Réformes administratives, projets de décentralisation littéraire, artistique ou scientifique, études économiques et sociales, création d'établissements pour développer l'industrie et la richesse de chaque région : tout cela sera traité dans la revue, en même temps que nous continuerons à y consigner les traits de mœurs, coutumes, légendes et traditions qui sont la caractéristique de chaque province. La nouvelle, le roman et la poésie soutenue trouveront également place dans *La Province*, pour en varier l'intérêt.

Nous aimons à croire, M. ..., que votre concours ne nous fera pas défaut pour la défense de cette cause patriotique, et, dans cet espoir, nous vous prions d'agrérer l'assurance de nos sentiments les plus distingués. (*)

POUR LE COMITÉ DE LA PROVINCE,

LE DIRECTEUR-FONDATEUR :

LUCIEN DUC
OFFICIER D'ACADEMIE

(*) Pour marquer votre adhésion, il vous suffira de nous retourner le bulletin de souscription ci-contre.

Concours de la Province

POUR LE PREMIER TRIMESTRE DE 1896

Programme

PROSE

1° Enumérer les moyens propres à retenir les villageois aux champs, de façon à rétablir l'équilibre social, rompu par les migrations incessantes vers les villes ;

2° Une nouvelle de nature à inspirer l'amour du sol natal.

POÉSIE

Une ode ou un poème sur *La Terre nourricière*.

(T. S. V. P.)

LA PROVINCE

Organe de décentralisation et de revendications provinciales

Un an : 18 fr. — Six mois : 10 fr.

BULLETIN DE SOUSCRIPTION

Je soussigné

demeurant à

déclare prendre un abonnement de à *la Province*

Je paierai en conséquence la somme de fr.

à présentation d'une quittance, à partir du 15 décembre.

..... le 1895.

(SIGNATURE)

Prière d'adresser d'ores et déjà ce bulletin à M. L. DUC,
afin qu'il puisse être fixé sur le nombre des adhésions.

L'œuvre classée la première et couronnée, dans chaque série, sera publiée dans *La Province* et l'auteur en recevra cent exemplaires tirés à part.

Les titulaires d'un deuxième prix seront inscrits pour un abonnement gratuit d'un an et recevront 10 exemplaires de la Revue contenant leur œuvre. S'ils étaient déjà abonnés, ils recevraient 50 exemplaires tirés à part.

Pour le sujet de prose imposé, un rapporteur sera chargé de passer en revue toutes les opinions émises, et de dégager les idées qui auront paru bonnes, en citant les noms des auteurs qui, tous, recevront 5 exemplaires de *La Province* contenant ce rapport.

Les manuscrits, lisiblement écrits sur un seul côté de la feuille, devront parvenir à M. L. Duc, 35, rue Rousselet, à Paris, avant le 15 décembre prochain.

Il n'y a aucun droit à payer.

Prière de communiquer programme et circulaire

CROUNICO

LI FÈSTO DE LAVAU (TARN)

Lou 1 de setèmbre, tout lou pople de Lavau s'èro arramba is alentour de la carriero Carlesso, pèr i'espéra lis autourita que ié devien inagura uno placo de mabre en ounour d'un pouèto de la terro, Lucian Mengaud, l'autour de la *Toulousenco*, que l'Escolo Moundino venié de superbamen celebra sa memòri.

Lucian Mengaud èro nascu à Lavau, e lou maire de Lavau es-tènt lou valènt majourau dòu Felibrige, En Carle de Carbonnières, souto soun astat, la vilo de Lavau a vougu peréu courouna soun enfant de la glòri degudo à-n-aquéli qu'an ama sa patrò e que i'an counsacra soun engèni e sa vido.

Adoune, à tres ouro de tantost, escourta pèr li Soucieta musicalo e ourseounico, emai peréu di poumpié, lou Counsèu Municipal de Lavau se rènd à la carriero Carlesso, davans l'oustau ounte Lucian Mengaud es nascu. Aqui, la « Couralo » aguènt canta la *Toulousenco* is aplaudimen entousiaste dòu pople, lou vèu que curbissié la placo toumbo, e la musico la saludo poulidamen.

Em' acò, pièi, M. lou Maire proucedis à la ceremounié de l'inaguracioun e parlo coume seguis :

BRABE MENGHAUD.

Pel segoun cop, dins aqueste estiù, e amme un plasé toujoun noubel, ieu, prumié cossoul de Labau, majoural dal Felibrige d'Aquiteno, benni manda un salut courous à ta memòrio.

Es dounc aici que sios nascut, aici qu'as trepejat joubenet, jouts les els de nostre biel Jacoumart, à qui, sur ma pregario, counsacrèros ta darniero cansou.

Toun paire èro uché; disoun que te serbabò sa cargo, mès quand, pèr ordre, te menabo derrantela le mouibilié de quelque paure triste qu'abio pas pouscut paga soun dèute, disoun que sentissiés qu'abios le cor trop tendre per te plega jamai à-n-aquel traval.

Caillo biûre pourtant, noumbrouso èro la familho, e Toulouso, nostro poulderousò besino, te raubet à nous-aus pèr toujoun.

Aqui, dins le traval de l'or, gagnèros pas uno fourtuno, mai aici so que gagnèros sul cop, uno colho de bounis amics, que te quitaboun le mens que poudiou. E quant, sourtènt d'un traval ingrat, se t'en anabos pas courre les cams flourits, oun les mourmous de la pouësia t'aferraboun tout entié, benios bès un certen cafè ount t'attendion amme impatienco. « Aici Mengaud », se dision en cor. E tòutis de se sèire à toun entour e d'escouta tas fignoulentos istoueros, tas galejados toulousenos ou baurezos, que les fasion espeta de rire.

Acò 's élis, belieu, qu'à forso de te banta, e te fasènt carcacèlos, te fasquèroun mounta jusqu'os à uno plaço moudesto, que, gros afa pèr un pouèto, te doustabo al mens les soucis de las necessitats de la bido de cado joun.

Acò 's es alaro que nasquèroun, uno per uno, aquelos *rosos*, aquelos *pimpànèlos* dount fasquèros pus tard un tant bel bouquet, un libre tant goustous. Qui pot abe doublidat le *Gril* e la *Luscrampo*, la *Toulouseno*, la *Crouts*, la *Lengo Moundino*, le *Poutou* e tant d'autros que me benoun pas à la memòrio, persanque, cal que ba te digo, o Mengaud, toun libre qu'abio croumpat das prumiés, qu'abio fait daura e abilha tant bèlomen, à forço de le presta, me l'an raubat. Acò m'estouno pas : sabes çò que disoun las fennos, quand troboun dins la carrieiro un drolle poulit coumo un angelou, disoun : es *panadou* aquel mainatge. E be, toun libre me l'an panat parce qu'ero *panadou*.

Cantabos gairebe soul alaro à Toulouso, e acò 's aqui uno part de ta glòrio.

Abouey que les Felibres an reconquistat gairebe tutto la Franso

latino, que, en seguido de Mistral, Aubanel e Roumanille, de binteno de journals e d'almanachs, de millès de libres s'emprimoun à la glo-
rio de nostro lengo, tant de gens s'escalfuroun al foc de jour besi, e
tal se rebeillo felibre, que b'auro pas jamai pensat.

Mes tu, ba te disioi à Toulouso, cantabos gairebé soul. Aban tus mes pla len, y abiobé agut l'immortel Goudouli, amignoutat das princes e das grans, e glourificat per tótutis ; mes, desempièi que l'a-
bioù reboundut as Grands Carmes, s'èro fa un grand *cbut* per nostro lengo naciounalo ; dins las unibertsats, dins las acadèmios, pertout,
nou y abio pus que de *Francimans*.

E de que boloun, aques francimans ? Boloun nous despribasa de
nostro lengo naciounalo, qu'an parlat nostres aujols, qu'aben poupat
sur se de nostro maire, qu'a bressat nostre enfantoulige. Qu'un pro-
iour pot pourta ? Cridoun al *separatism*, disoun que boulen coupa la
Franso en dous ! Es que aben pas, tótutis, per tout païs, dos patrios,
la *piquiouono* e la *grando* ; que tenen mai à nostre bilatge qu'à tout
autre bilatge. Es dounc qu'acò nous empacho, nous-autres Gascous,
d'aima la Franso mai que tout.

Que laissoun dounc nostros meninos debana de countaraillos sans fi
à iour droullous, setuts sur iour faudo ; que porten pas embejo à
nostres fils, se, à la caserno e à la chambrièo, parloun entr' elis *Gas-
cou* ; bengo le joun de la bataillo, e beires se tustaran pas en *francés* !

Mes tournen à tu, Mengaud, que se m'abios pouscut entendre, au-
rios picat de las mas coumo aquélis que soun à moun entour.

Ba te disioi à Toulouso ; la terro qu'arrazo toun clot, desempièi
prep de bint ans, e le tens que fa doublida tant de gens aban la
mort, soun pas estats des destrüssis de ta memòrio, que s'es gagnado
un loung lendema. Toulouso t'a fait de fèstos superbos, e nous-aus,
que saben que nous abios pas jamai doublidats, e que mêmes, un
pauc abieihassit, laissabos punteja uno larmo al cantou de ta per-
pillo à nostre soul soubeni, aben boulgut planta aquelo placo e douna
toun noun à uno carriero, perque nostres fils gardoun toujoun ta re-
membranso glouriouso !

Après aquéu discours, aplaudi mai-que-mai e ounte flamejon li
sentimen de naul patriouisme de l'ardent maire de Lavau, l'our-
seoun jogo tourna-mai la *Toulousenco*, que l'ai flori coume lou
sagùe à Toulouso i'a quaque tems, dirigido magistralañen pèr

lou maestro Delfès, que n'a coumpausa la musico, e lou courtège s'adraio vers la carriero di Goutissés.

Aquelo carriero que dèu, d'aro-en-la, pourta lou noum de carriero de Mailly, en ounour de Mounsegne de Mailly que fuguè evesque de Lavau 24 an de tèms e dounè tòuti si bèn à l'espitau d'aquelo vilo. Uno autre carriero, d'arrié l'espitau, dèu pourta lou noum de l'abat Cassaing, un autre benfator de l'espitau.

Em' acò, aquéli dos inaguracioun facho, lou courtège vai vers la carriero di Jardin, que lou Counseu Municipau a decida que se batejarié dòu noum de Lucian Mengaud. Aqui, M. Aguste Vidal, delega de la Soucieta di Bèlli Letro dòu Tarn, debano uno odo magnifico en ounour de Mengaud, que si vers lengadoucian fan tresana lou cor dòu pople e que li picamen de man ié san bello acuiènço.

Pièi, l'ourseoun entouno majestousamen lou cant de Mengaud : la *Lengo Moundino*, e lou courtège repren lou camin de la coumuno.

Ah ! segur, Labau a agu resoun d'ounoura soun fiéu valènt ! Tout ome que lucho, que travaio pèr la glòri de soun païs, a dre que soun païs noun l'oublide e, pèr ansin, es en-de-bon que soun eisèmple fugue douna de segui à si felen.

E lou majourau Carle de Carbouniero, ço que disié nous fa gau de lou redire, pèr faire vèire que lou souveni d'aquéu que, pèr toco, a agu l'amour patriau, noun s'amosso jamai :

« La terro qu'arrasso toun clot, despièi tout escap vint an, e lou tènis que fai óublida tant de gènt avans la mort, soun pa'sta de destrùssi de ta memòri que s'es gagnado un long lendeman. Toulouso t'a fa de fèsto superbo, e nous-autre, que sabèn que nous aviés jamai delembra, e que même, un brisoun aclapa dòu viciounge, leissaves pouncheja uno lagremo au cantoun de ta pau-perlo à nosto soulo souvenènço, avèn vougu planta 'queloo placò e douna toun noum à-n-uno carriero, pèr asin que nòsti fiéu gardon toujour ta remembranço glouriouso ! »

Aplaudissèn à-n-aquéli paraulo enaurant, coume aplaudiren toujour en tout ço que se fara pèr glourifica e sauva la memòri dis amaire de la lengo meiralo.

Que lou bouquet de *Rosos e Pimpanèlos* qu'avié liga Mengaud, prefume long-tèms encaro lou cor de sis ami e de si councièutadin.

J. MONNE.



LI NOVO FELIBRENCO

PROUVÈNÇO

— Uno causo que nous a forço pretouca, es d'atrouva dins lou libre de literaturo dis Escolo primàri superiouro de Marsiho : « Morceaux choisis des prosateurs et des poètes français (cours moyen) », acampa pèr M. L. Ducros, quauquui mot biougrafique sus lou majourau En Jousè Roux, segui d'un bèu tros de soun *Epoupièo limousino*, la *Chan-sou de Charlemanba* :

Aital cbanta Godol al mitan de la sala...

Basto ! acò nous a fa gau qu'es pas de dire. Sarié tems que li Fe-libre, qu'es de pouèto vertadieramen francés, aguèsson sa plaço dins li recuei que se bouton entre li man di jouvènt.

Felicitan M. L. Ducros d'agué poulidamen dubert la draio, en pour-gissènt aquéu superbe escapouloun de pouësio miejournalo is escoulan, emai en ié semoundènt, dins lis obro dis escrivan dóu Miejour, li mot de sa lengo esquiha dins si raconte.

Mai, acò sarié bèn plus galant se nòstis estudiant de Prouvènço e de Lengadò atrouvavon, dins aquéli libre de la jouvènto, quauquui mousséu di mestre de nosto literaturo. Que de perlo se pourrié descata, e quèti bèus óurizount se pourrié durbi à-n-aquélis inteligènci nouvelàri que lou bèu ensioco.

Anen ! acò vendra !

— Dins lou nouven councours de *La Mandoline* de Paris, s'es distribuï li joio seguènto i cantaire de lengo d'O :

Premié pres, « palmette » simili-or, à Ange Silvestre, pèr *Moun bèle ange* ; segound pres, « palmette » brounze-daura, à Autheman, pèr *Jacoumar paire e fiéu* ; tresen pres, « palmette » brounze daura, à Albert Roux, de Nimes, pèr *l'Enfant e la maire* ; quatren pres, « palmette » brounze daura, à Lombard Fenouillet, de Pignan d'Erau, pèr *Las dos cousins*, coumèdi en douz ate.

Menciouun d'ounour à l'*Emprimarié*, de J. Raynaud ; *lou Picbou*, de Pau Astier ; *la Margareta*, de A. Roussel.

De mai, *La Mandoline* duerb soun desen councours e douno coume sujet un sounet à Mistral ; pièi, pèr la proso e la pouësio, laisso li tèmo à l'agrat di courrière de tòuti li dialèite.

Li manuscri se dévon manda, avans lou 30 de novèembre, à M. Michel Pons, direitor de *la Mandoline*, 14, balouard de Reuilly, à Paris.

Aquèli qu'aurien d'entre-signe à demanda, an que de s'adreissa au direitor, que ié mandara lou prougramo emai li coundicieu dòu councours.

— Vejeici çò que legissèn dins lou journau *Paris*, dòu 26 d'avooust :

M. Marius Girard, président des félibres d'Avignon, Syndic des félibres de Provence, qui est, on le sait, un des poètes les plus distingués de la Provence, et qui a publié dernièrement un volume *La Crau*, œuvre très remarquable et très remarquée, car elle avait été proposée pour le prix Montyon, vient de recevoir la lettre suivante :

Le secrétaire perpétuel de l'Académie

Monsieur,

Je n'étais pas encore secrétaire de l'Académie, quand votre livre *La Crau*, a été discuté pour un prix Montyon (ouvrages utiles aux mœurs). Je crois que la commission interprétant les intentions du donateur, a pensé qu'il n'avait voulu admettre au concours que des ouvrages écrits en français.

Or, cette année, plusieurs livres écrits dans les patois des diverses provinces lui étaient présentés. Je sais que si elle avait cru devoir faire une exception, elle l'aurait fait pour vous.

Votre livre, que j'ai lu dans sa langue, contient de fort belles choses et j'en fais grande estime.

Veuillez agréer, Monsieur, mes sentiments de parfaite considération.

J. BOISSIER.

Tòuti nòsti felicitacioun au Sendi.

— Lou 30 de setèmbre, Mounsen l'abat Spariat, felibre curat de Pourciéu (Var), a douna un sermoun prouvençau dins la glèiso de Cujo, en ounour de Sant Antòni de Padoue.

— En Alau (Bouco-dóu-Rose) l'abat-félibre Savié de Fourviero a, vue jour de tems, presica en prouvençau pèr li festo de N.-D.-dóu-Castèu. Es esta un triounfle vertadié que l'entousiasme qu'a auboura dins lou pople en ié parlant sa lengo. Tambèn lou darrié jour i'an fa, se pòu dire, uno ouvacions magnifico, e en ié fasènt sis adessias, lou pai Savié ié diguè :

Mi bon amis. à l'an que vén,
Se sian pas mai, sieguen pas mens !
Se tout ço qu'ai di lou voulés pas crèire
A l'an que vén lou vendrás veire !

— Lou mariage de la Rèino dóu Félibrige, Na Mario Girard, emé lou félibre Joachim Gasquet, d'à-z-Ais, se celebrara lou 27 de novèmbre venènt.

— *Lou Viro-Soulèu* nous anóuncio que l'empremarié de la Chambro di Députa vén de publica la prepousicioun de lèi presentado au mes de mai passa, pèr M. de Lanjuinal, e pretoucant lou proujèt de descentralisacioun que diviso la Franço en 23 prouvinço.

La 19º circounscripcions (Prouvènço) tendrié li despartemen di Bouco-dóu-Rose, di Bassis-Aup, dis Aup-Maritime, dóu Var e de Vaucluso que farian un toutau de 1 537 000 abitant. Marsiho sarié lou cap-liò, emé li sout-prefeturo d'Avignoun, Carpentras, Digno, Niço, Draguignan, Touloun e Arle.

Anen, acò coumènço de prene vanc. Pau à cha-pau la semènço bono trachira, granara e fara flòri !

— Vén de parèisse en Arle, *l'Arlatenco*, uno fresco e galant can-soun dóu félibre E. Eisseto, que la musico n'es de Bourdeloun, lou flame musicalaire arlaten. Sian segur que leu-lèu *l'Arlatenco* se cantara pertout.

— *La Provence artistique*, que se publico soutu l'aflat d'Ant. Réal, fiéu e que se counsacro especialamen à tout ço que pretoco lou teatre d'Aurenjo, a fa bello acuiènço, e i'ero mai que degu, à l'odo galant : lou tiatre d'Aurenjo de neste valènt sòci l'abat Louis Moutier, curat d'*Estialo* (Droumo), obro qu'avèn signalado à nòsti legèire e que ié signalan tourna-mai emé grand gau, amor que l'autour ié mostro l'amour que porto i causo miejournalo e sobre-tout à-n-aquéu cièri antique, mounumen grandaras de neste passat. Lou felibre Louis Moutier es un afouga, come se pòu pas mai l'estre. Après soun *brouncho* de nouvè dóufinenc, nous a douna uno *gramatico* dóufinenco e alestis, pèr leu-lèu em'un grand amour de sa lengo, un *diciounari* di parla de la Droumo que fara flòri !

— A pareigu à Paris, dins *la Province* de Lucian Duc : *Les origines du Félibrige*, estudi pèr Ougèni Garcin. Avèn legi emé grand intérés e grand gau aquel estudi, e sian mai que pretouca di paraulo d'aquéu vièi cepoun dóu Felibrige, que sa counfessioun vibranto nous esmòu, e, de-segur, s'avian legi dins soun cor coume ié venèn de legi, aro, aurian jamai emplega lou mot que nous reprocho à soun prepaus, dins nosto biougratio de Roumanille, en 1894 : *Ce Garcin qui « renia » la Cause*, e retirar voulountié aquelo espressioun que ié vai tant au cor.

— Dins lou *Viro-Soulèu* (empremarié Lucian Duc), óutobre 1895, a pareigu un tros de proso de Batisto Bonnet : *Li figo dóu mestre*, qu'es en-de-bon de saboura.

— A pareigu en Arle, dins le *Forum républicain* dóu 26 d'óutobre, un article de Firmin Maritan : *l'Armana prouvençau pèr 1895*, ounte lou galant arlaten que signo d'aquéu noum, trovo que i'a rèn de bon dins aquéu librihou, franc di cascraleto e de dos o tres pèço. Es segur que sarié brave que l'aguèsse dins li 112 p. de l'Armana rèn que de cap-d'obro ; mai, ai ! las ! li cap-d'obro courron pas lou mounje, e pièi, en de que ié serviré au pople, au bon pople dóu Miejour, que l'aguèsse uno bello tiero de cap-d'obro dins soun libre tant ama e tant goustous ? Éu es simple e bounias, e li vers e la proso de soun Armana dèvon pas sourti d'aquelo noto.

Lou numerò 40 dóu même journal douno : *Lou vin hieu*, uno pèço que Teodor Aubanel escriguè en 1850.

— Uno novo qu'es de marco, es l'aparicioun en Avignoun, encò de Roumanille, de l'*Armana prouvençau* « pèr lou bèle an de Diéu e dóu bisèst 1896, adouba e publica de la man di Felibre, porto-joio, soulas e passo-tèms en tout lou pople dóu Miejour ; an quarant-dousen dóu Felibrige. »

Emé sa culido de cascraleto que nous reverton lou biais, l'umur e lou rire inimitable e inagoutable dóu paire dóu Felibrige, de Roumanille, emé si vers flouri e ferigoula e simple e fresquet coume la roso de mai, l'*Armana* fai soun camin, fièr e lèri, e crido l'atencioun autant e mai qu'à tèms passa. Zou ! e longo-mai cascralege, rigue, cante pèr la joie dóu Miejour !

— Lou 7 d'óutobre es mort en Aubagno (Bouco-dóu-Rose), mestre Camoin lou tambourinaire. Mèste Bernardin Camoin, qu'a tant fa pèr l'espandimen e lou mantenemen de l'estrumen prouvençau, musicaler dins

l'amo, avié founda e ourganisa de musico dins tòuti li villo e village dis alentour de soun païs nadau e establi e diregi de Soucieta couralo à Cassis emai i Camouins. En 1878, groupè à soun entour uno tiero de jouvènt afeciouna e n'en faguè de flahutaire d'elèi que faguèron flòri dins tòuti li festo e dins tòuti li trin e roumavage. Quau saup quant de courouno, de medaio e d'argènt tin-tin, mèste Camoin e sis escoulan an davera dins lis acamp de tambourinaire que, souto l'afflat dòu felibre E. Couve e dòu majourau En Francés Vidal, fan reflouri l'estrumen naciounau dins nòsti terro prouvençalo.

Es éu que se faguè aplaudi e courouna i festo dòu Soulèu, à Paris, e que darrieramen, à Marsiho, pèr li festo prouvençalo dòu centenari de l'Empremarié, menavo lou brande di *Chivau-Frus*, di *Cocò* e di *Fieloso*.

Sus lou cros d'aquel amaire de la pichoto patrò, mandan la flour de nòsti regrès.

— Dins la proumiero quingenado d'òutobre, es mort, peréu, à Marsiho, l'escultaire Pigalio, un jouve amourousi d'art e de pouësio, que la mort, la despietouso mort, a sega, pechaire ! dins touto la flour de soun talènt. La lengo de Prouvènço fasié si delice, e soun afecioun ié fasié pantaia li glòri miejournalo. A leissa d'obro, un relieu de *Mirèio* e d'autre e d'autre, que fan regreta que soun engèni se fugue trop lèu amoussa.

— Se vèn d'acampa, à Marsiho, uno troupo de jouvènt que se soun constiuï en Soucieta souto lou noum de *Lei galoi Sartanié*. Sa toco es de parla, de canta en bono lengo de Prouvènço. Brave e longomai li galoi Sartanié bouton sus lou fiò lou franc rire prouvençau.

— Vès-eici la circulàri que la Mantenènço de Prouvènço vèn de manda, sus lou prepaus di festo de Peiresc :

Marsibo, ion 2 de novèembre 1895.

Moussu e gai Counfraire,

En seguido d'un dòu de famiho, lou sendi de Prouvènço noun poussènt acampa à-z-Ais, coume èro soun intencioun, l'Assemblado generalo mantenencialo, à l'oucasioun di festo de Peiresc, me cargo de vous counvida à-n-aquéli festo que se tendran li 9, 10 e 11 de nouvèembre courrènt.

l'aura :

Lou 9 : Pegoulado e iluminacioun.

Lou 10 : Recepcioun di Felibre à la garo, à 10 ouro dóu matin, emé musico e tambourinaire, vin d'ounour, messo en musico, inaugacioun dóu mouüumen Peiresc, acamp de tambourinaire, festivau e banquet.

Lou 11 : Vesito i mounumen, councert, councours à l'Eden, Jo Flourau e representacioun au teatre de *Lou vergié d'ouïtois*, ópereto en un ate, paraulo dóu majourau Marius Bourrelly, musico dóu feli-bre G. Borel.

En esperant de vous vèire à-n-aquéli belli fèsto, agradas-me, Moussu e gai Counfraire, pèr voste mai que devot e afeciouna.

Lou Secretari de la Mantenèço,

JAN MONNÉ.

Dins lou numerò venènt, dounaren lou comte rendu di Fèsto larenco e peiresciano.

— Lou 3 de novèmbre, en Arle, s'es celebrado superbamen la fèsto dóu centenàri de la neissenço d'Amadiéu Pichot, lou galant cantaire dis *Arlatenco*, autour dóu *Dernier roi d'Arles*, qu'en plen Paris se fasié glòri de soun parla nadalen e de soun païs, e cridavo fieramen : « Siéu Arlaten ! »

Uno placo coumemourativo es estado plaçado pèr li siuen de la Municipalita arlatenco sus l'oustau ounent es nascu aquéu grand arlaten ; li discours, li musico e lou banquet an marca lis ate de la fèsto e enaura la memòri de l'eminènt direitor de la *Revue Britannique*, que touto sa vido avié garda dins soun cor un amour profound pèr soun païs.

Au teatre, lou vèspre, i'a agu representacioun de gala. Mèste Bourdeloun ié menavo l'*Estudiantina*, que i'a fa flòri. Maritan i'a legi la proumiero pèço dis *Arlésiannes*, d'Amadiéu Pichot, e i'a fa pièi res-clanti l'*Espouscado*, de Mistral.

Em' acò, pèr l'apouteòsi, d'enterin que tres chatouno, vestido en Arlatenco dóu tems passa, emé l'atrencaduro de si rèiro-grand, de paumo e de courouno de lausié courounavon lou front de soun pouèto, M. Mourier declamavo poulidamen aquésti bèu vers de mèste Eis-seto :

A PÈIRE PICHO

Dóu vièli pople arlaten, famiho de Felibre,
Pèr toun Paire e pèr Tu, qu'avès fa tant de libre,

O Pichot, vogues bèn aculi nòsti flour.
 Sias eisila de nostro vilo.
 Mai se vuei i'a cènt an, s'en parlara dins milo,
 Di savènt dòu Plan-de-la-Cour.

« Siéu Arlaten, vous dise, e noun pas un arléri ! »
 Qu'aquéu lamp de soun cor, dòu brès au cementèri,
 Escrit sus uno font, s'estampe à soun toumbèu !
 Car sus nous-àutri vounvounejo
 Un revoulun, un vènt d'amour que cansounejo :
 Chasco aucèu trovo soun nis bèu !

Brave Amadiéu Pichot, se fau dins l'autre mounde
 Qu'à ti glòri d'en bas un autre rai s'apounde
 Pèr mai escandiha tis obro e ti vertu,
 Vendran i chicho faire escorno,
 Li paure i pèd de Diéu en ié moustrant l'óumorno
 Que toun enfant i'a fa pèr tu.

E nàutri sian vengu, felibre e felibresso,
 Vous courouna d'ounour e faire la proumessò
 Qne jainai leissaren passi dins un cantoun
 Nosto galanto parladuro,
 Pas mai que lis ajust e la gènto couisuro
 Que fan sourgenta li poutoun.

LENGADÒ

— La *Revue littéraire* de Toulouso durbis un councours literari, proso e pouësio, en quete que fugue di parla miejournau. I'a cinqento joio que soun pendoulado au gaiardet e que fan poulidamen liguetu i courrèire di Jo Flourau. Aquéli que desiraran prene part à n-aquéli lucho pouëtico, an que de s'adreissa à M. A. Delcambe, direitor de la *Revue littéraire*, à Toulouso, que ié dounara tòuti lis entre-signé necite.

— Lou 27 d'outobre, la Mantenènço de Lengadò a tengu soun Assemblado generalo en vilo de Ceto, ouné li Cetòri afouga fan delongo tuba l'encèns davans l'autar de Santo Estello. Vès-eici lou ram-pèu que li capo de Lengadò an larga en tòuti li sòci de sa Mante-nènço :

Moussu e gai Counfraire,

Avèn l'ounou de vous convida à l'assemblado generalo de la Mantenenco de Lengadoc, que se tendra en vilo de Ceto, lou dimenche 27 d'otobre courrent.

Lou rendès-vous es dounat, per aquel jour, à 10 ouros e mièjo dau matin, au Grand Café Glacier, quai de Bosc, e d'aqui s'anara à l'endrech ounte aura lioc l'assemblado.

Las questiouns que devoun se trata dins aquelo reünioun estent de la pus nauto impourtanço per la Mantenenco, e l'avis de toutes lous Mantenèires estent necite, coumtan, Moussu, que sarès das nos-tres dimenche que vèn.

Lous Counfriaires que desiroun prene part à la dinnado intimo que seguirà la reünioun, soun pregats d'hou faire assaupro, avans dissate au secretari Jan Fournel, « 15, rue du Cheval-Vert, » à Mount-Pelié.

E sempre, per l'espandimen de la lengo d'Oc e la glorio dau Miejour !

Reçavès, Moussu e gai Counfraire, l'asseguranço de nostes sentimens couraus.

Ipoulite Messine, sendie de la Mantenenco de Lengadoc ; Alb. Arnavielle, vice-sendic ; Gastoun Jourdanne, vice-sendic ; Jan Fournel, secretari.

— Avèn douna un escapouloun dóu paumarés di Jo Flourau d'Anduze ; eici, nòstis ami l'atrouravan en entié :

Pouësio. — *Eloge de Claro d'Anduze.* Premié pres, Alcido Blavet ; segound, Peire Bernard ; mencionu especialo à Antòni Berthier e Milo Emilio Barathiéu ; mencion à Savié Peyre ; mencionu especialo pèr uno pèço à Claro e à la vilo d'Anduze, à A. Advenier.

Sujèt sus li Ceveno o lou Lengadò. Premié pres, Milo Lucio Campredon ; segound, Antounin Maffre ; mencionu especialo, Chauvier ; mencionu, A. Moutet e Louis Busquet.

Sounet sus la Cigalo o lou Gardoun. Mencionu especialo à Antounin Maffre, Albert Viau, Louis Tuech, Louis Bonnaud ; proumiero mencionu, Emilio Barthe ; mencion à Ant. Berthier, Firmin Capioun, E. Abouzit, Alexandre Roux.

Sujèt libre. — 1º *Pèço lirico.* Foro councours, lou majourau Mau-

rise Raimbault ; pres especiau, Aufred Rottner ; pres. Maurise Joret ; menciouun, Ant. Berthier, Ant. Beraud, Saloumoun Amalbert.

2º *Legendo e plang.* Pres, A. Advenier ; menciouun especialo, A. Marquès ; menciouun, Albert Roux.

3º *Pouësio lòugiero.* Pres, Albert Viau ; menciouun, J. Reynaud, E. Vidier, Louis Mazoyer, Enri Maurel, Numa Fontayne, Eimound Vialard, Martin Crouzet, Jacque Combès, de Pezenas.

4º *Cansoun.* Premiè pres à Francés Garbier ; segound à Combalat-Roche ; menciouun especialo, Maurise Joret ; menciouun, Frederi Jallos, Albert Honde, Thelene, Gracian Pons.

Conto, galejado o fablo. Foro councours, Enri Bigot ; menciouun especialo, Albert Viau, Mlo Levat ; menciouun, Savié Peyre, un *bussard* dóu Clapas, Felip Rabier.

Pouësio diverso. Menciouun especialo, Emilo Barthe, J. L. Rogues, Pau Vezian ; menciouun, Ougèni Lacroix, Almir Chantegrel, J. Auriol A. Garri.

Proso. — *Descripcions d'un caire di Coveno.* Pres, L. Carriere ; menciouun, Achilo Vernet ; menciouun especialo, Pau Auvard.

Sujèt sus li mino e li minaire. Menciouun à Louis Bonnaud.

Sujèt sus lou castagnié. Segound pres, J. Brabo ; menciouun, F. Capion.

Sujèt libre (conte e galejado). Foro councours, Enri Bigot ; menciouun especialo, Nestor Bonnet, Frederi Coulet, Mmo Garbier, J. V. Lalanne ; menciouun à Edouard Pons.

— Vès-eici la circulàri que l'*Escole moundino*, de Toulouso, vèn de bandi pèr caire e cantoun dóu Miejour, sus l'estiganco de durbi uno souscripcions entre tóuti lis amaire de la lenga d'O, pèr auboura un mounumen au majourau En Aguste Fourès :

Moussu e car Counfraire,

L'Escole Moundino debrembo pas la mémorio del grand troubaire del Lauraguès, Augusto Fourès.

Es le 20 de sètembre 1891 qu'augueben le grand malur de perdre à jamai le grand cantaire de la patrio roumano, adeja cuatre ans, e es vergounho pel Félibrige que dlu tant al valent majoural de la Libertat, de n'abe encaro res fai per celebrar sa memorio e affourrir la glorio del nostre tant car amic.

Les felibres de L'Escole Moundino demandeben à la darniero Santo-Estello, que se fasquet aquest an à Brivo en Lemousi, que

toutos las Escolos e toutis les journals ou revistos felibrenes durbisquessen, le memo joun, uno souscripelu per faire enautar un mounumen al grand Fourès ; aro demandam à toutis les affrics de nostro Causo de fissa le 1^{er} de nouvembre per durbi aquelo souscripelu.

Le Secretari,
BACQUIÈ-FONADE.

De listo de souscripcions soun entre-pausado dins li burèu de nosto Revistouno, e ié pourtaren emé plesi tóuti li soumo que nous saran mandado sus d'a quelo estiganço. Au grand cantaire de la Patrio mie-journalo, tóuti voudran adurre sa flour e countribuï à soun enauramen e à sa glourificacioun !

— Es emé grand gau qu'avèn legi e relegi aquesto novo dins l'*Aiòli*, e que la pourgissèn à nòsti legèire :

« *Pau*. — L'eminènto pouètesso Filadelfò, de Gerdo, que saguè, i'a un parèu d'an, l'ournamen e lou charme di festo felibrenc de Cassouno e de Toulouso, vèn demoura dins nosto vilo. Sabès que, desempièi la coumençanço de febrié, se trovo maridado emé M. Riquier, un riche tenencie de la terro d'Oussau, bèu-fraire de M. Clarens, qu'escriguè la prefaci d'un recuei, *Posos perdudos*, proumié libre de Filadelfò. Tant lèu marida, li nòvi an fa 'n viage de noço qu'a dura près de cinq mes, à travès lou Miejour, l'Itàli e la Souïss. La bello felibresso, mai-que-mai devouado au culte de la lengo e de la pouësio d'O, preparo uno seguido à si *Brumos d'autouno* ; mai, aquest cop, poudès coumpta que sara dins li souleiado. »

— Lou *Cascavel* d'Alès mando à sis ami la noto seguènto :

« Per differentos resous que sarié trop long de counta dins nostre pichot journalet, susquetout pèr d'affaires de coumerce e de poulitico, avèn pas pouscut faire souna lou *Cascavel* à las epocos acoustumados ; me rasseguran nostes braves abounats e letous : lou *Cascavel* vai coun-tùnia de drindina, e n'auran toujour pèr lus argènt emai mai. »

Sian mai qu'uros d'enregistra aquelo noto di valènt cascavelaire, e nous agradarà toujour d'aplaudi si *drin-drin galoi* !

— A Toulouso, despièi lou i de nouvembre, M. Leoun Gery (Le Garrelou), a tourna durbi soun teatre patoues e a douna i fricaud dóu toun loucau : *Lays fiançailbos de Pepouniou*, farcejado loucalo dóu Garrelou.

E la vesprado s'es clavado pèr la pèço coumico : *Les enratchbads o li Cousinbés en grèbo*. Lou vèvre, i'a agu : *Tocos-y-se Gauços, o Le Moulinié de Marcofabo*, grando pèço coumico à faire creba la péu dòu rire.

Laura pièi : *La Miqueleto, les Abenturos de Moussu Janicot*, etc., etc.

Souvetan forço mounde au brave Garrelou.

— L'Acadèmi di Jo Flourau de Toulouso vèn de publica soun prougramo, e n'en tiran çò que seguis :

Pres founa pèr M. Ozenne

Pres de pouëslo en lengo roumano dòu naut Lengadò e de sis environ. — 1º Cade an se pourra decerni « dous pres de 500 franc cadun, pèr dous ôubrage en vers, escri en lengo roumano dòu naut Lengadò e de sis environ ; lengo moundino, emé li divèrsi varianto, que lou dialeïte toulousan n'en sara, pèr la forço di causo, counsidera coume lou tipe dins li jujamén à rendre pèr l'Acadèmi... »

2º Aquéolis ôubrage pourran èstre, fugue inedi, fugue publica, enai que, dins aquéu darrié cas, la publicacioun remounte pas plus aut que l'an de davans d'aqueu councours, valènt-à-dire, en 1896 pèr li councours de 1897 e, dins tóuti li cas, emai que noun fugon esta courouna o menciona pèr d'autri Soucieta o Acadèmi.

Aquéli que voudran mai d'entre-signé, auràn que de s'adreissa à M. F. de Rességuier, secretari perpetuau de l'Acadèmi, à Toulouso, o encaro à M. Roques, secretari archivaire, Palais de Justiço, dins la memo viilo.

LIMOUSIN

— L'Escolo de la Saintrie, à-n-Argentat, a tengu sesiho lou 15 de setembre, à l'oucasioun de la vesito que faguè à-n-aqueloo viilo mounsen l'abat J. Roux, lou président dòu Felibrigie limousin.

Es dins uno granjo espacieuoso que se fai l'acampado. Tout Argentat a vougu saluda lou mestre En J. Roux, que presido e que sus sa tèsto floutejo lou gounfanoun de Sant-Geraud, qu'es la bandiero de l'Escolo de Saintrie.

M. Pau Meilhac fai la bèn-vengudo à-n-En J. Roux, e aquest respond superbamen e dis à tóuti lis escoutaire çò qu'es e çò que vòu lou Felibrigie :

« Il ne faut plus que Paris ait le monopole de faire des réputations. Celles qu'il impose sont la plupart surfaites par lui. Il est temps de disperser le troupeau de Panurge, et le moyen d'y arriver, c'est de rester soi-même, en acquérant une personnalité, en cultivant la langue maternelle : le Félibrige nous convie à cette œuvre... Qu'est-ce qu'il demande ? Qu'on aime son parler natal, comme un enfant doit aimer sa mère. De même qu'un enfant affectueux est empressé à la soigner, à travailler pour son entretien, à laver les injures qu'elle peut subir, de même un Limousin doit réparer la désuétude littéraire, que le mépris des âges, l'ignorance et l'entêtement des faux instruits ont infligée au parler des aïeux. Grands étaient nos ancêtres et florissant a été leur pays : le présent peut répondre du passé, s'il comprend quel merveilleux instrument il a à sa portée. Les ouvriers lui manquent-ils ? Le soleil n'est-il pas toujours l'apanage de la même terre, l'intelligence et le travail celui de la même race d'hommes, la beauté celui des dames ? »

M. lou mestre Morely fai li gramaci degu au mestre en Gai-Sabé Ousèbi Bombal, que soun valènt aflat avié founda l'Escolo. Bombal improviso quâuqui vers pèr respondre au sounet de M. Morely. Se i'es apoundu uno pèço coumico : *Un partimen de guarda naciounala en 1815*, dicho pèr lou jouve Poumayrol, de M. Bombal, que éu-même a debana : *Una counfeciu à tres*, qu'an fa faire de sòu cacalas en tóuti. Pièi, mounsen J. Roux dis uno de si cansoun de geste, *Charlemanbo* ; em' acò, se claus la sesiho pèr quâuqui mot de Lemovix (L. de Nussac), de J. Vachal, maire d'Argentat, e dòu dòutour Morely, que gramacio lou publi d'agué pres tant bello part à la manifestacioun que s'es facho en ounour dòu président di Felibre limousin, En J. Roux.

— M. Louis de Nussac. canceliè dòu Felibrige limousin, vèn de faire parèisse un interessant e mai qu'eicelènt librihou de proupagando, intitula : « Petit Manuel du bon félibre limousin », que tèn dos partido : 1^o « Les institutions » ; 2^o « Les idées et les œuvres », que coumprènon éli-même quâuqui divisioun.

Recoumandan vivamen aquéu *Manuel* en tóuti lis ami de la causo prouvençalo.

Lou Gerent : Jan Monné.

CROUNICO

LI FÈSTO DE PEIRESC A-Z-AIS-DE-PROUVÈNÇO

Lou dissate, 9 de novèmbre, la vilo d'Ais èro en fèsto e preludavo pèr uno pégoulado magnifico i fèsto dòu lendeman. Lou cours Mirabèu es clasi de pople, e li musico, zóu ! se bouton en trin : mounto dins l'èr un armounious acord que fai plóure la joio dins tóuti lis amo.

D'enterin, encò de M. Guibal, présidènt dòu Coumitat peirescian, un grand banquet reünissié tóuti lis oste de marco de la vilo d'Ais. A la desservo, li taulejaire soun esta regala d'uno serenado tambourinarello, lou jouve Carle Bourrelly a canta e di de vers, emai peréu lou felibre canounge Enri Roulland, Mllo Alix, pres d'ounour dòu Counservatori, emé soun proufessour Andriéu, an jouga sus lou galoubet e lou tambourin la marcho triounfalo de Prouvènço.

E d'autri serenado se tocon peréu encò de M. de Bresc, présidènt dòu Coumitat manténère dòu Tambourin, encò dòu majourau Francés Vidal, cabiscòu di Laren ; de M. Meurs, présidènt di fèsto ; i ciéucle musicau, di Touristo, Filarmouni, Santo-Cecilo e Sextia.

Lou dimenche 10 de novèmbre, à 9 ouro dindanto, lou Cou-

mitat di fèsto fasié la bèn-vengudo i Felibre en garo d'Ais ; à l'entour dóu Capoulié, dès majourau s'èron rambla : A. Arnavielle, Valèri Bernard, Louis Astruc, Jàli Cassini, Pau Chassary, Louis Constans, Maurise Raimbault, Anfos Tavan e Francés Vidal. M. Guibal, president, que M. Gastoun Paris, delega dóu gouvèr, l'Acadèmi d'Ais e de noumbrous felibre avien escourta, saludo lou Felibrige, e quand En Fèlis Gras i'a respoundu au noum de tòuti, lou courtege s'adraio vers la couumuno en passant pèr lou cours Mirabèu, la carriero Thiers, etc., souto d'arc triounflau e de bandiero floutejanto. Lavié li « Touristo de l'Unioun » que durbién lou courtege, e pièi venien l'Assouciacioun dis Estudiant d'Ais, li veteran de 1870-1871, li Mandolinisto-Reneissènço, la Couralo di Mielo, la Soucieta mutualo italiano, li Sauvadou d'Ais, la Filarmonico di Mielo, lou Ciéucle de Sant-Mitro, la Soucieta de Secours de Santo-Madaleno, l'Atenèu-Sextia, l'Assistanço mutualo, la Filarmounico d'Ais, Santo-Franceso, Santo-Cecilo, St-Crespin, uno tiero mai que flamo de tambourinaire, segui di jóuinis escoulan marsihés de mèste de Loumbardoun-Mountezan, en bello troupo, arjido e fiéro, tòuti aquéli Soucieta avien si bandiero o gounfanoun, e, clavavo lou courtege, la musico de l'Escolo Naciounalo dis Art e Mestié d'Ais.

A la Couumuno, aperaquí sus li dès ouro, lou courtege, acoumpagna di tambourinaire e di pourtaire de bandiero de tòuti li Soucieta, s'enintro dins la cour e se plaço à l'entour de l'estatuo de Mirabèu, ounte li taulo soun dreissado pér óufri i counvida lou vin d'ounour que la vilo, graciousamen, ié semound. Li tambourin duerbon la sesiho, e pièi M. Abram, tant bèn emparaula, au noum de la Municipalita, a saluda sis oste en terme requist ; M. lou deputa Leydet a peréu di de belli causo, e Fèlis Gras a fa vibra li cor en aussant soun got e en bevènt à l'Universita prouvençalo, que soun sèti es e sara à-z-Ais.

Après li brinde, lou courtege s'encamino vers la glèiso de la Madaleno ; lou Coumitat peirescian, li jóuni tambourinaire de Lombardon emé sa bandiero superbo, doun de M. de Bresc, e lis autri bandiero, prenon l'intrado de l'immèndo catedralo ounte, despièi mai d'uno ouro, li gènt s'esquichou pèr agué 'no bono plaço. Mounsegne l'archevesque, assista di vicari generau Bernard e Figuières, es à la plaço d'ounour, d'enterin que M. lou vicari ge-

nerau Guillibert canto la messo, que lou musicaire Carle Pourcel avié magistralamen noutado. Li cor e l'ourquestro an fa prouado.

Pièi, s'es vesita lou toumbèu de Peiresc, que s'atovo dins la glèiso.

Entre tèms, bonadi lou proufessour Constans, majourau dòu Felibrige, lou Counsistòri tenié sesiho à taulo, dins si saloun, e sèt Escolo felibrenco i'èron representado : aquéli dis Aup, de Lérin, dòu Flourege, de la Mar, dòu Parage, di Ceveno e de Lar.

Après la dinado, l'on se rènd sus la plaço do l'Universita, ounte l'estrepountin auboura de la man dis escoulan dis Art-e-Mestié es trop pichot pèr teni tóuti li persounalita.

Mai la musico de l'Escolo Naciounalo em' aquelo dòu regimen fan rounfla la *Marsiheso*, pèr saluda l'arribado de MM. Gastoun Paris, delega dòu Ministre, Guibal, président dòu Coumitat, e dis àutri dignitari que prenon plaço, emé proun peno, sus l'estrepountin.

Parlon à-de-rèng, pèr celebra la dedicaci dòu mounumen, M. Guibal, qu'enauro emé grando elouquènci lou grand Peiresc ; lou savènt roumanisto Gastoun Paris que fai peréu l'elogie dòu savènt que, vuei, la ciéuta d'Ais glourifiso.

Alor, lou velet qu'atapavo lou buste touumbo, lou pople aplaudiis l'obro de Huot e de Solari.

En seguido, M. lou maire Abram, en un discours patriouti, aubour uno trounadisso de picamen de man, qu'aumenton encaro quand M. Arnaud, maire de Bèu-Gencié, claus tóuti li dicho en gramaciant la vilo d'Ais de l'ounour que fai à-n-un dis enfant glourious de la viloto que reprèento.

A 4 ouro, dins lou jardin Rambot, se tèn l'acampado di Tambourinaire, souto la presidènci de M. Sigaud de Bresc e la direcioun de mèste Julian Cre.

Li flahutaire an eisecuta mai que bèn quàuqui moussèu d'ensemble, finamen rendu, majamen se podon cita : la *Tambourinado peiresciano* e l'*Èr de la Rèino Jano*. La troupo di tambourinaire Loumbardoun, qu'avien eisecuta, à la messo en musico, uno marche coumpausado en 1857 pèr mèste Enri Poncelet, l'a tourna-mai eisecutado, emé l'apoundesoun de tóuti li tambourinaire acampa, entre li quau sau nouma MM. Bœuf, Coumbo, Counvert, Dioulou-

sel, Huot, Mouren, Schoenagel, qu'avien, emé grand apreissamen, adu soun councours au Coumitat.

Adounc, vès-eici li joio decernido pèr lou Coumitat mantenèire dóu Tambourin i divers groupo que se soun presenta :

Groupo Bonnesoy (4 escoulan), primo de 40 fr.

Groupo Carly (4 escoulan), 25 fr; de mai, pèr soun jouine capo, uno medaio d'argènt semoundudo pèr lou Counservatori d'Ais.

Groupo Julian Cré (4 escoulan), primo de 40 fr.

Groupo de Loumbardoun (16 escoulan), ramipèu de la medaio grand moudule, óuferto pèr lou felibre E. Couve, président ou-nouràri dóu Coumitat; de mai, la « Marco di lutié galoubetiaire Michel e autougràsi dóu vièti mèstre », douno dóu souto-président Francés Vidal, emai de moussèu coumpausa pèr M. Bonnesoy, doun de l'autour. (Tóuti aquéli moussèu an sa plaço marcado dins lou Musèu estrumentau, ounte M. de Loumbardoun, religiousamen, acampo e gardo preciousamen tout çò que pretoco l'estrumen prouvençau).

Tóuti li sòci eisecutant de la *Tambourinado peiresciano* an reçaupu, cadun, uno medaio coumemourativo di man de M. de Bresc, lou flame' président; e li primo en argènt tin-tin, es M. Ollivier, tresourié dóu Coumitat, que lis a pourgido i gagnaire.

En foro de tout, lou Coumitat a acourda uno medaio d'argènt à Millo Louisa Alix, que s'ero facho aplaudi, lou 9, de vèspre, encò de MM. Guibal, Vidal e de Bresc; s'es pièt douna uno primo de 40 fr. à soun proufessour, M. Andriéu.

Enterin que li musico e lis ourseoun se rèndon à l'Eden pèr lou festivau que se ié vai teni, e que se ié dèu canta lou *Salut à Aix*, de L. A. Levat, e l'*Hymne à Peiresc*, de N. Valabregue, lou Counsistòri s'acampavo au Ciéucle musicau, que M. Julien, président, n'en fasié lis ounour emé soun amableta coustumiero.

Lou Capoulié duerb la sesiho de recepciona di nouvèu inajourau pèr l'elogie dóu majourau En Tamizey de Larroque, lou prou-moutour d'aquéli fèsto, e qu'uno malautié a empacha de veni joui de la flouresoun de soun idéo e dóu coumplimen superbe de si desiranço; èro esta à la bataio e noun a pouseu èstre is ounour.

Après sa dicho, En Fèlis Gras óusfris la presidènci de l'acamp à M. Gastoun Paris, membre de l'Istitut e sòci dóu Felibrige.

La paraulo es dounado, en seguido, au majourau En Maurise Raimbault, que fai l'elogie de soun predecessor A. L. Sardou, coume seguis :

DISCOURS DE MAURISE RAIMBAULT

MESSIÉS,

S'un de nòsti prouverbi dis :

Vièi e jouvènt
Van pas ensèu,

iéu lou desclararai messourguié, coume tant d'autri, perqu'es à l'amista que me liguè — pendènt un tèms trop court, ai las! — à Leandro Sardou, qu'avié tres cop moun age, que dève subretout l'ounour de prendre, vuei, permèi vautri, la plaço que sa mort rendeguè vacanto l'an passa.

E m'es dous de rèndre eicito un óumage publi à-n-aquéu saberu moudèste, à-n-aquéu Prouvençau d'elèi que vouguè hèn m'ajuda de si counsèu, me durbi sa biblioutèco e me permettre ansin, dins uno vilo ounte la cassó à l'escut es tout, de countùnia mis estudi e li travai que recoumpensas vuei belèu mai que çò que valon.

Nàni, es pas verai que vièi e jouvènt noun poscon camina ensèn, quand l'amour de la Patrio, tant grando que pichoto, li buto pèr li mèmi draio vers la memo toco.

Mai escusas-me, Messiés, se me laisse empourta pèr mi record ; sièu pas eici pèr vous parla de iéu e tourne à moun sujet.

Nascu au Canel de Canò d'uno famiho proun moudèsto, Sardou, emé lou pichot bagage scientifi que l'avien baia li mestre d'escolo de soun païs, partiguè à sege an pèr Paris, ounte gagnè sa vido coume emplega de coumèrci, tout en preparant soun bacheleirat. Un cop davera lou lausié de l'*Alma Mater*, intrè dins l'ensignamen e siguè à-de-rèng magistre dins uno escolo de Vinceno, proufessour à l'Escolo de Coumèrci e d'Art endustriaul de Paris, e enfin capoulié d'istitucions e directeur de l'Escolo Outoumano.

D'aquéu tèms, publiquè un « Dictionnaire abrégé de la langue française », un « Dictionnaire de synonymes français et d'études et exercices sur les synonymes français. » Qu'aquéli titre mau-carous noun vous espavourdigon. Em' éli, n'i'a proun de di, e se

vous baie en quauqui mot uno idèo dóu Sardou de la proumiero ouro, es pèr n'en veni à-n-esto questioun :

— Coume vai qu'aquel universitari dóu gros grun venguè Felibre ?

Car sabès miés que ieu que lou Felibrige a long-tèms agu pèr majo enemigo la dicho Universita, que — o lougico ! — vuei encaro estúdio lou prouvençau dins si Faculta tout en lou couchant dis escolo primàri coume un chin rascous.

Coume Sardou atrouvè soun camin de Damas, s'es cargo de lou counta éu-même dins un manuscri inedi, qu'a fa esprès pèr la biblioutèco de l'Escolo de Lerin e qu'es entitoula : *Coume sieu devengu Felibre*.

« En 1854, dis, venguèri passa quatre an à Niço. Troubèri dins la biblioutèco municipalo d'aquelo vilo lei doui impourtènteis obro de nostre compatrioto l'academician Raynouard, de Brignolo, que soun entitoulado, l'uno : « Choix de poésies originales des troubadours » ; l'autro : « Lexique roman. » Subran mi metèri à l'estudi de nostro vièjo lengo d'Oc e di pouèmo tant varia e tant noumbrous dei Troubadour prouvençau, proumiero reneissènço, en Uropo, de la literaturo à l'Age-mejan.

« Encanta d'aquelo pouëslo que, dins l'encian tèms e durant mai de dous cènts an, avié fa lei delice dei gènt de tutto nacioun, e vesènt que, souto l'influènci dóu francés, lou prouvençau èro devengu uno sorto de *patois* franchimand..., mi sounjèri qu'èro grand tèms d'arresta lou mau, se voulian sauva nostro lengo maternalo... »

Es-ti pas acò, Messiés, uno versioun en proso de l'istòri de Jan de Gounfaroun, que sentiguè l'amour dóu País faire en éu sa boulegadisso, quau saup quant de tèms après l'avé renega emé sa religioun, alor que de cant prouvençau brusigueron d'asard à sis auriho ? Ah ! Mistrau a bèn resoun quand dis :

...Nosto Prouvènço es Lalamen bello
Que se la rapello
Tau que noun lou crèi ;
Nous amorousis e nous descounsoleo,
Levant de cassolo
Li flio di réi.

E coume Sardou èro un ome de sen, un ome d'estrambord, d'aquéu moumen, coume l'escrivíe Roumaniho, siguè *di nostre*, e n'en siguè fin qu'à soun darrié jour.

E de mai, coume èro un rusticaire, un d'aquéris ome en quau lou travai es autant necite que l'èr, pèr viéure, d'aquéu jour s'en-trinè à lucha de tóuti li biais pèr la glòri de Prouvènço.

* * *

Adoune, tourna à Paris, tout en estudiant lis obro di proumié felibre, qu'avié croumpado en Avignoun, s'enanè segui li cours de lengo roumano que fasié à l'Escolo dis Encartamen, M. Guessard, un Nourmand que nous rendié justico en aquesti terme :

“ Messiés, disié à sis auditour, se voulès remounta dóu francés au latin, passas pèr lou prouvençau. ”

Quàuquis an après, Sardou publicavo d'escapouloun de la *Vida de Sant Honorat*, immènse pouèmo de Ramound Feraud, conte-nent mai de 12 000 vers, que M. Guessard avié bèn vougu n'il en fisa lou precious manuscri. Aquéu travai asciensa, enrichi de noto istourico, geougrafico, literari e grammatical, faguè prouado dins lou mounde scientifi ; bèn tant qu'un jour souu autour degué n'en douna uno novo edicioun, caupènt, aqueste cop, lou pouèmo entié. Lou pus bèl eloge que posque faire d'eicesto, es de dire que, desempièi, degun a auja reprendre aquest pres-fa, pas même li tenènt plen de croio de l'erudicioun alemando.

Sus acè, Sardou s'avisié que lou soulet dramo rouman alor cou-neigu : *Lou martire de Sto Agnès*, publica en 1869 pèr Karl Bartsch, avié ges d'edicioun franceso e se boutè en tésto de metre si coumpatrioto à même de counèisse aquelo trobo. Revirè dounç lou travai de soun predecessor, l'anè courregi à Roumo même, sus lou manuscri dóu cardinal Chigi, e coumpletè soun obro en i'apoundènt la musico que Bartsch avié virado de caire — ço que faguè counèisse sege de nòsti vièis èr de l'Age-mejan. Lou « Martire de Santo-Agnès » óutenguè anprès di saberu un succès egau à-n-aquéu de la « *Vida de Sant Honorat* », e Sardou siguè definitivamen classa entre nòsti roumanisto li mai en visto.

Enlin, en legissènt dins uno revisto l'iscriciouen en vers prouvençau qu'acoumpagno, dins la glèiso dóu Bar, uno *danso macabro* dóu siècle XV, Sardou s'avisié que lou tèste devié caupre quauco deco. Legiguè tóuti li trasericouen que n'avien dounado Sénéquier, Noyon, Henry, Chabaneau, etc., e, li cresent tóuti fau-tiblo, li coumparè à l'ourignau. Ansin pousquè releva lis errorre de si davansié e douna enfin lou pouèmo dins touto sa pureta.

Aqui calo Sardou roumanisto. Li manuseri en vièi prouvençau courron pas li carriero e fau dire que, pèr sa part, avié agu proun bonur. Mai aqui ounte i'a rèn, lou rèi perde si dre e ié faugè bén prendre uno autre draio.

Li trasé de la vido l'aguènt tourna cougi de veni resta à Niço, s'interessè à-n-aquelo vilò que, à forço d'estre, quouro franceso, quouro italiano, èro vengudo ni franceso, ni italiano, mai tant soulamen niçardo. Soun sentimen de lenguisto se derevhè e ié boutè au su de prouva que l'idiomo loucau, desfigura pèr sa frairejacioun emé l'italian óusciau jusco en 1860, èro rèn mai qu'un dialète prouvençau embastardi.

Furnè dins li biblioutèco e lis archiéu publi e priva, destousquè de moulounas de vièi doucumen e arribè, tèste en man, à moustra que fin-qu'au siècle XVI, lou niçard s'èro escri e estampa emé l'ourtougràsi felibreno.

Sus l'autourità d'aquele tradicioun, publiquè uno tresenco editioun d'un pouëmo eroui-coumique de Rancher: *La Nemaïda*, qu'adoubè à la felibreno pèr lou pus grand avantage di legeire... e de Rancher éu-même.

Pièi, coume disié mai dins lou manuscri cita plus aut, sounjant « ...qu'èro grand tems d'arresta lou mau se voulian sauva nostre lengo maternalo, qu'acò se poudié faire en cercant lis elemen d'uno resourmo un pau pertout... », saguè estampa uno *Gramatico de l'idiomo niçard* ounte, tout en espausant pèr lou menut lou biais que se dèu escriéure aqueste dialète, tambèn proupousavo quauqui moudiscacioun à l'ourtougràsi felibreno. Dins aquéli moudiscacioun, segur, iavié de bon à prendre, — que neste biais d'escriéure, coumo touto obro umano, noun es perfèto — mai me l'arrestarai pas mai, partisan que siéu de se clina davans lou fèt coumpli.

En foro de quauquis *irredénti*, res rebutè la teourié de Sardou toucant lou niçard jitello dóu pèje prouvençau. E tambèn, un bèu jour, neste regreta counfraire, proucedant de la partiido au tout, bandiguè sa *Niço prouvençalo*, ounte demoustravo que, dins la comitat, noun soulamen lou parla, mai la raço, l'estè, li mour, pis us èron prouvençau, valènt-à-dire francés. Lis *irredénti* faugèron tourna-mai la sougno, mai n'en siguè pas mai.

Tout acò avié pas escapa i Felibre que, em'un interès que vous rapelas, Messiés, seguissien lis esfors d'aquéu valènt luchaire e i'aplaudissien. En 1881, voste Counsistòri ié decernissié lou titre de majourau e, dous an après, venguè cabisçòu de l'*Escola de Bellanda*, creado à Cap-de-Prouvènço.

E à prepaus d'aquéu noum de Bellanda qu'èro, à passa tèms, aquéu dóu castelas de Niço, disié dins soun discours d'inaguracioun, aquésti mot ounte retrouvarés l'idèio que lou butavo alor :

« Aro, es eisa de vèire perqu' avèn bateja nostre escolo dóu noum de *Bellanda*. Aquéu noum, pèr nautre, vòu dire que leis anèu de la cadeno routo autre tèms se soun rajusta lou jour que Niço, revengudo à la Franço de sa propre voulounta, es rintrado dins la grando famiho de la lengo d'Oc. »

Ai las ! L'Escolo de Bellanda durè que quauquis an. La barco èro trop dificilo à gouverna pèr un ome de l'age de Sardou, e, en 1887, siguè reünido à l'Escolo de Lerin, que tèn ansin tout lou despartamen dis Aup-Marino e la principauta de Mounegue.

Au cours di recerco qu'avié facho pèr li travai que vène de vous parla, Sardou avié capita proun doucumen interessant lou païs. Belèu, sènsa saure se ié servirien jamai en quaucarèn, lis avié coupia e estrema dins si cartoun ; mai un jour, pièi, s'avisiè qu'a-avié aquito uno mino proun richo, ounte i'èro facile de pousa de nouvèis elemen en favour de si tèsi. E aguerian un nouvèl istourian prouvençau.

Messiés, vole pas eici vous faire uno dissertacioun sus l'utilita de l'istòri en generau, que dirias tambèn *non erat hic locus*, mai m'es de touto necesita de vous dire quauqui mot sus lis istourian loucau.

I'a d'acò cinq an, dóu tèms d'aquéli supèrbi fèsto que Flourènço dounè i Felibre, l'asard me saguè rescouutra, à la Biblioutèco Laurenciano, em' un savènt que louti councissè, segur, lou canounge Albanès.

— E bèn, Mounsen lou Canounge, ió diguère, sias mai vengu bousca d'entre-signe pèr quauco publicacioun nouvello ?

— Que voulès ? me respondeguè, l'istòri de Prouvènço es deplanto à refaire.

Mot esfraious e pamens vertadié ! Nòstis istòri soun estado coumpausado dins un tèms que la critico istourico eisistavo quàsi pas e, de mai, soumesso à l'aproubacions di censor reiau, soun estado escricho segound li visto de la dinastio, valènt-à-dire dins un interès pouli que foro-bandis trop souvènt la sincerita.

L'istòri de Prouvènço es douna à refaire ; mai, coume se poudra-ti ajougue aquéu let ? Simplamen e unencamen pèr lou mejan dis istourian loucau. Un cop analisado li mounougraflò di vilo e di mounumen, coume aquéli d'Aubagno, pèr lou Dr Barthélémy, e de la glèiso de St-Meissemin, pèr Albanès, la vido e lis obro de nòsti grands ome, coume aquel de Puget, pèr O. Teissier ; un cop presso la quintessènci de tot aquélis óubreto facho sus plaçò pèr d'erudit poussendant de doucumen autenti e cuneissènt li tradiçion ouralo que podon lis esclargi, alor soulamen se poudra faire uno sintèsi que sara la vertadiero istòri de Prouvènço.

E bèn, Sardou a apourla quauqui pèiro à-n-aquel inmènse mounumen. Ai déjà parla de sa *Nico prouvençalo* ; noumarai aro soun *Istòri de Cano e de sis enviroun*, que sa segoundo edicioun pariguè quauqui jour avans la mort dòu mestre ; *Cano vassato de Lerin, Arluc o St-Cassian, Li Grimaud de Buei e Dos vièti tourre au Canet*, un librihoun ounte relevè uno error de Mérimée reproducho pèr Viollet-Leduc, e sus laqualo m'es de bon de vous dire un mot, pèr prouva la fisanço que se pòu avé dins li savènt quand barjon sus un païs que n'en couneissen pas lou parla.

Adounc, aquéli tourre soun de desfènso establidò antan pèr lis abat de Lerin, segnour dòu païs. I'a d'acò proun d'an, avié resta dins l'uno un paure Piemountés à mita sauvage, que se sabié pas trop lou mestié que fasié e qu'ero pas bèn vist, de rèsto, dins lou village.

Quand Mérimée passè, en escourregudo arqueoulougico, demandè à-n-un bravo vièlo de quau èro aquelo tourre, e la vièlo de respondre : « Aro i'a plus degun, mai autre tèms i'abitavo un *bregand* d'ome... » E coumrenent que lou mot de *bregand*, sènso s'avisa de la nuanço que ié metié la Canetano, Mérimée batejè aquelo rouino : la *Tour du brigand*. La retrouveràs souto aquéu noum dins lou *Diccionari arqueoulougi* de Viollet-Leduc, emé, se noun m'engane, la legèndo de rigour.

E dire que di noum pourta sus nosto carto d'estat-major, di tres part, dos soun interpretado emé tant de biais !

Mai m'avise que parle bèn loungamèn d'un ome que soun eloge poudrié caupre dins aquest soulet mot : « Travaiè. »

Coume vesès, èro ni un d'aquéli pouèto dis esluciado esbléugis-sento qu'espanton lou mounde entié, ni un d'aquéli roumansié que, l'escaupre en man, dissècon li gènt pèr saupre s'an un cor dins lou pitre, coume e perqué aquéu cor bacello. La passioun, l'imaginacioun, soun rèn dins l'obro de Sardou, l'amour de la Prouvènço i'es tout.

E acò es un grand eisèmple pèr aquéli Prouvençau que, dins uno idèio de patrioutisme autant estrecho que fausso, souvèton la disparicioun de tout ço que gardo uno coulour loucalo, s'avisant pas que retrason ansin à-n-un ome que belarié la mort de sa grand pèr poudé miés ama sa maire.

En Jóusè Huot respond à Maurise Rimbault coume eiçò :

DISCOURS DE M. J. HUOT.

MOUSSU LOU MAJOURAU E GAI COUNFRAIRE,

Un matin de dimenche (Bèu bon-Diéu ! i'a tout-aro dès an d'a-cò !) à-n-un de nòsti sesibo de l'*Escolo de la Mar*, nous arribè un bèu jouvènt, bloundin à fino moustacho, emé d'ieu franc e dous, que fuguè lèu lou coumpan de nòstis escoulan marsihés, jouine o vièi.-

Venié de Sant Roumié : Girard nous lou mandavo e sabian que Mistral l'avié reluca 'mé sis iue devinaire.

Tóuti ié saguerian fèsto : autant bèn Tavan e Chailan, qu'èron d'ancian majourau, que Louis Astruc e Valèri Bernard qu'èron en trin de lou deveni.

Es dins la tiero d'aquélis ami — qu'èron li vostre — que lou Capoulié vèn de chausi lou felibre que dèu benastruga lou jouvènt devengu tambèn majourau dóu Felibrige. E se vai capita qu'aquel ami es ieu. N'en rènde gràci au Capoulié car m'es uno óucasioun pèr vous dire coume la souvenènci dóu tèms passa es restado caro à moun cor.

D'aquéu tèms erias adeja proun curious di causo de l'istòri de

Prouvènço e proun furnaire de vièi papié. Me souvène que trevias forço lis archiéu dóu despartamen, tout en preparant — emé mens d'afougamen, lou fau dire — d'eisamen entrepachous pèr deveni 'n ome d'amenistracioun.

Mai : Sang sanguino !... troubavias proun quauqui moumen pèr abari vosto fam pouëtico e, d'aro-en-là, à la chut-chut, alestissias en proso dindanto d'aquéli conte « pèr rire » que tènon bono plaço dins vosto obro ; o bèn ciselavias quauque sounet que retrouvan, vuei, dins lou tant poulit recuei qu'avès bateja : *Li Darbouso*.

Pièi — pèr que fuguèsse pas di qu'avias leissa de-caire uno souleto formo literari — avès bravamen coumpusua 'n rouman que retrais li bèu rode de vosto terro perfumado e de vosto mar esbléugissènto, ounte fasès trepeja o navega li tipe que vous an passa davans, que fugon groutesque, simpati... o adourable coume *Agueto*.

• •

Dins la prefaci d'*Agueto*, noste ami Astruc vous lauso, emé resoun, de faire obro de prousatour — emai l'autour di *Cacio* sache miés que degun que li vers podon tambèn èstre l'encauso d'obro majouralo — e de causi vòsti persounage foro li bastidan que, jusqu'aro, semblavon soulet interessà li countaire prouvençau.

Eto ! de segur, tout ço que vesèn en Prouvènço, o foro Prouvènço, pòu èstre counta en lengo prouvençalo ! Lou soulet dangié que i'ague, quand fasèn parla li gènt qu'emplegon gaire nostro lengo, es de nous entraîna dins soun jargoun. I'a de cregne que li paraulo *pensado* en franchimand perdon quicon de l'ouriginalita de nostre idiome, agon biais de traducioun ; o bèn, coume disié Sardou, « que souto l'influènço dóu francés, lou prouvençau devèngue un patoues franchimand. »

Avès sachu vous gara de talo deco... e, graci à vosto sciènci de la lengo, resta prouvençau de pèd-en-cap.

Vòsti damiseleto — emai fugon de ciéutadino bèn atrencado — soun proun bastidano peréu pèr parla coume se dèu, sènsò rèn escampa de sa graci e de soun aflat.

De mai, en foro di vers e de la proso de vòstis obro literari, avès prouva que la lengo prouvençalo poulié tout dire, e bèn dire, en ié fasènt counta — em' un gaudi tria — li causo de l'istòri e de la sciènci : que fugue pèr denoumbra lis óutis de guerro dóu

Castèu d'Iero, o pèr dechifra li vièis ourdounanço de poulico, vos-to lengo claro, abboundoso, saup tout nouma, tout descriéure.

Fau apoundre que voste esperit es afouga à cousegre la verita e, à l'eisèmple de voste Sardou, furnas emé paciènci, emé counsciènci, tóuti li caire e cantoun de l'istòri; e vosto sentido, à-n-aquelo cassó au lum, es tant sutilo, que picas dre sus tóuti li messorgo que poudrien nous engana.

Nous venès de dire coume se fai que lis istourian calu prenon souvènt li boufigo pèr de fanau e lou cas de la *Tourre d'ou bre-gand* se devino, proun fes, dins li libre de saventas qu'an óublida de saupre li lengo qu'ausisson parla. Coume lou disès, la traducioun de nòsti mot de Prouvènço es, quàsi pertout, facho de guingamboi, meme dins li doucumen óuficiau... coume li carto d'estat-majour.

A prepaus d'aquésti carto, siéu toujour espanta de vèire escri sus aquéli de noston regioun, un noumbre espetaclous de bastido que se noumon : *La Mionne*... Avès bello à demanda, carto en man, lou camin d'aquéli bastido, tóuti vous respondon : « N'avèn jamai ausi parla ! » Es de crèire que l'óuficié d'armado que dreissavo la carto, demandè proun fes i bastidan : *Quelte est cette maison ?* e que li bràvi gènt ié respoundegueron : « Es la miéuno ! » E l'óuficié francihot escriguè : *La Mionne !...*

Fisas-vous, pièi, i carto óuficialo !

Es tambèn d'aquéu biais que li noum de liò e de carriero se soun francisa de travès : *Faisso roujo, Pèiro que rajo, Laporiano, Pas d'Alancié*, soun devengu : « Festons rouges », « Pierre qui rage », « La Brillanne », « Pas des Lanciers. »

* * *

Es pas de cregne que vous arribe jamai tal auvàri !... e se, coume vous l'afourtissié lou canounge Albanès, l'istòri de Prouvènço es, de planto, à refaire, sias un d'aquéli en quau avèn fi-sanço pèr la metre sus pèd.

Vòsti recerco, lis estudi noumbrouso que sabèn, aquéli que butas en aquesto ouro, prouvaran bèn-lèu que, pèr bèn counèisse soun païs, i'a rèn de miés que de bèn counèisse sa lengo.

Adounc, se pòu dire que voste pres-fa es vuei proun larg pèr que vosto plaço fugue marcado au bataioun sacra di Felibre d'elèi

Vosto bello garbo d'obro coumplido vous ameritavo lou titre de majorau, que, d'uno voues unenco, lou Counsistòri vous a baia... (de moun tems, me n'en demanderon pas tant !...)

De mai, mau-grat vosto jouinesso, sias devengu lou baile-mestre d'aquelo Escolo de Lerin, tant afougado, que, sus vòsti piado, seguis lou bon camin felibren e que vous ajudara à jougne vosto toco patrioutico !

Fagués de bon e bèu libre à l'ounour e à la glòri de nosto raço ! E, entre tems, agués pas crento de nous pinta voste soulèu res-causadis, vòsti flour embeimarello, vosto mar d'azur, e aquéu riebréis ounte li bèlli chato coume *Aguelo* sènton espeli soun amour souto lou cèu estela, dins lou perfum di tuberouso !

Es pièi En Pau Chassary, lou valènt autour de *En terro galeso*, que fai l'elogie de Roumieux ; En Albert Arnavielle ié respond, e se claus la sesiho.

Li majorau e mantenèire que noun avien pouscu s'assetà au banquet peirescian, an felibreja gentamen de soun caire ; lis autre, emé tóuti li noutabileta de l'antico capitalo de Prouvènço, an taujeja à « l'Hôtel du Nord » en grando poumpo.

Aperaquí, 80 taulejaire soun assetà à l'entour de la taulo. M. G. Paris presido, aguènt M. Guibal à drecho e M. Cremieux, counseié de prefeturo, representant lou prefèt, à sa gauchon.

Au moumen di brinde, M. Cremieux bieu au President de la Républico ; Gastoun Paris brindo à Tainizey de Larroque ; M. Leydet, deputa, e M. Abram, maire, ié van peréu dóu siéu ; En Fèlis Gras traïs uno invoucacioun à l'amo de la patrò ; En Francés Vidaud bieu en ounour dóu Ciéune de Maiano, e lou prouvençalisto Constans brindo au Peiresc moudérne : lou biblioufle Pau Arbaud. D'autre e d'autre an peréu brinda.

Mai, vès-eici que li tambourin bresihejon souto li fenèstro de la salo dóu banquet. Es lou groupo dis escoulan de mèste Loumbardoun, que vèn jouga la serenado i taulejaire e que redis pièi si galant riéu-chiéu-chiéu dins l'oustau.

A younge ouro, la sesiho es clavado e l'on vai dansa à l'Eden. Lou dilun matin, s'es visita l'arbaudenco, la glèiso de St-Jan-

de-Malto e la Metropolo de St-Sauvaire, ounte i'a tant de tresor arqueouologique, l'archevescat, la Mejano e l'Acadèmi. (Avèn fa, d'autre part, lou raconte de la sesiho academico).

Après un dina óuficiau encò de M. lou Maire, la sesiho literari s'es tengudo au teatre, au benefice di paure de la vilo.

M. lou decan ounouràri Guibal a dubert la sesiho en parlant de Peiresc e Felician David. Après un moussèu jouga pèr la musico militari, lou Capoulié dis sa *Jacoumino*, li « Mandolinistes-Renaissance » fan entèndre, en s'acoumpagnant sus si guitaro, lou poulit *Cant de l'Estudiantina*; M. Mouravit legis un estudi magistrat su Peiresc, en lou moustrant coundue savènt universau e grand ome de cor; F. Vidal dis un sounet à Tamizey de Larroque e Pau Roman dounou soun rapport sus li Jo Flourau peirescian, que lou pau-marés seguis.

I. Elogie de Peiresc en vers prouvençau. — Pres, ex-æquo, à P. Cheilan e Ougèni Long; en cadun, un eisemplari de l'*Histoire de Carpentras*, de J. Liabastres.

II. Sounet o plang sus la toumbo de Peiresc. — Premié pres, medaio d'argènt ouferto pèr la Coumessioun dou Conservatori d'Ais, à Ant. Berthier; segound, medaio de brounze semoundudo pèr la Mantenènço de Prouvènço, à J. B. Menut. Pres foro concours, medaioun de Peiresc en terro cuecho, douna pèr l'autour, M. Goundran, à Em. Portal, de Palermo.

III. — Dóu role di prouverbi dins la trasmessioune e la conservacioun de la lengo prouvençalo. — Pres, medaio d'argènt, à Felip Chauvier, de Bargemoun.

Councours francés. — I. Elogie de Peiresc. Premié pres, aigo-forto de Valèri Bernard, doun de l'artisto, à Aufrèd Bourguet, d'à-z-Ais.

II. Pèço diverso. — Premié pres, dous flame voulume de M Bourrelly e un librihoun de J. B. Gaut, à G. Levat; segound, à L. Raineri, d'Ais, (*Toloza*, doun de l'autour, F. Gras). Premiero mencion à Maubernard, segundo à Bonfillon e tresenco à J. B. Mille.

Après aquelo prouclamacioun, Ougèni Long a pres la paraulo is aplaudimen de toti, e M. Bourguet a legi soun estudi sus Vauvenargue e Peiresc. Alor la sesiho s'es clavado emé lou « Cant de l'Estudiantina », que li « Mandolinistes » an tourna-mai di emé grand envanc e pèr lou bèu regale dis escoutaire.

Lou vèspre, i'a agu uno serado de gala au teatre, ounte s'es jouga, pèr lou bouquet di fèsto, l'óupereto en un atè que Gile Borel, lou flame musicaire, n'a brouda la musico, e que lou majourau laren Marius Bourrelly n'a trena li paraulo, que ié dison : *Lou vergié d'óulivié*, e qu'es esta un triounfle vertadié, tant pèr lis atour que pèr lis autour.

M. Meurs, présidènt di fèsto, a semoundu un rampau d'or à M. Borel, que lou publi a fa veni sus sceno. (Marius Bourrelly, es-tènt malaut, noun èro de la fèsto). De mai, Francés Vidal, cabiscòu di Laren, a óufert au mèstre musicaler un rampau d'argènt d'óulivié e de roure, pèr ié temougna l'amiracioun de tòuti.

Vès-eici li paraulo que F. Vidal a dicho au felibre musicaler G. Borel :

Sòci carissime,

« Au noum de l'Escolo felibrenco de Lar, ai grand gau de vous pouergi aquest rampau, testimòni d'amistanço e d'amiracioun pèr vouesto obro flamo, *lou Vergié d'óulivié*, bouquet dei fèsto de Peiresc, obro aplaudido tant pèr l'artisto de couer que pèr soun art esmouvènt, bounadi lei cantaire bèn-ama, lei graciousei cantairis ! »

Vivo Borel ! Vivo Vidal ! Vivo li Felibre ! crido lou pople. E la fèsto se claus sus d'aquéli cridèsto superbo, que mostron l'amour dóu pople pèr sa parladuro e pèr aquéli que la mantènon.

Longo-mai li cadet d'Ais fagon flòri !

J. MONNE.





LI NOVO FELIBRENCO

PROUVÈNÇO

— A l'oucasioun di fèsto de Peiresc, lou dilun, 11 de nouvembre, l'Acadèmi d'Ais a tengu sesiò estraordinàri pèr reçauvre M. Gastoun Paris, membre de l'Istitut, e En Fèlis Gras, capoulié dóu Felibrige. M. G. Paris es esta nouma membre d'ounour, sus lou rapport dóu proufessour Joret, e En Fèlis Gras, membre courrespoundènt, sus lou rapport dóu felibre En Gantelmi d'Ille.

— Souvetan bello vengudo e longo vido à la *Revue de Languedoc*, que soun premié numerò douno quâuqui moussèu pretoucant lou Felibrige, e de vers de M. A. Roll e dóu felibre Louis Roux, qu'an pèr titoulet : *Autounalo*.

Aquelo revisto duerb un councours pèr lou *souquet*, que tóuti li parla dóu Miejour ié podon prene part. Aquéli que ié volon manda quicon, podon demanda lis entre-signé à M. Castanier, à Lamalou-di-Ban (Erau), secretari de l'unioun dis *Abellistes* miejournau.

— Lou felibre mantenèire Louis Tombarel rèsto à-z-Ais, plaço dóu Palais, 20.

— La coumessiouen cargado de prepara, au poun de visto financié, li representacioun au cièri d'Aurenjo, s'es acampado souto la presidènci de M. Guerin, senatour de Vau-Cluso.

S'agissié d'atrourva un mejan financié pèr founda definitivamen e pèr toujour li representacioun en Aurenjo.

La Coumessiouen s'es arrestado à la prepausicioun que M. Capty, maire d'Aurenjo, fasé au noum de la Municipalita : la vilo d'Aurenjo empruntarié 70 000 fr., e aquéli sòu servirien à coustituï uno caisso municipalo servènt escassamen i fres emai i benefice dóu teatre antique.

Es adounc la vilo d'Aurenjo qu'aura de-founs à sa cargo l'entrepresso di representacioun, que n'en fara li fres e que n'en reçaupra lou gasan.

La souto-coumessioun artistico s'es pièi acampado lou 11 de Xbre, pèr regla lou prougramo di venènti fèsto. Se jogarié, dins la proumiero journado, l'ate tresen de *Samson e Dalila e Ippigénie*; dins la segoundo journado, un ate d'à-prepaus e *lou Cid*.

Es esta peréu questioun, dins aquelo reunioùn, de la representacioun pèr un autre cop de la *Rèino Jano*, dramo prouvençau d'En Frederi Mistral. — E pèr de que sarié pas pèr aquest cop ?

— Se lou Moussu dóu *Mémorial d'Aix* qu'a tira uno *perle* de neste darrié numerò e qu'acoumènço ansin : « *Lou Viro-Soulèu* nous anóuncio que l'empremarié de la Chambro di Députa vèn de publica la prepausiacioun de lèi ; resentado, au mes de mai passa, pèr M. de Lanjuinalis, e pretoucant lou proujèt de descentralisacioun... », avié bèn vougu reproduire l'article o *la perlo*, sènsò ié coupa la tèsto, si leitor l'aürien vist clar, e éu-même se sarié espargna de nous *blaga* e de nous faire passa pèr un enemi de la vièlo capitalo de Prouvènço. Quand avès un coudoun sus l'estouma, lou fau escupi, mai pas contro aquéli que vous dison rèn e que soun vòstis ami.

— Pregan li sóci mantenèire de queto Mantenènço que fugue, qu'aurien pas reçaupu lis estatut dóu Felibrige, de nous lou dire, que ié mandaren sus sa demando.

— Lou majourau En Maurise Faure, députa, es ana faire vesito au Presidènt de la Republico, pèr ié parla di fèsto d'Aurenjo, e M. Fèlis Faure a manifesta l'intencióun de ié veni. Acò sarié flame !

— La segoundo partido de l'obro majo de Batisto Bonnet vai pa-rèisse lèu-lèu. Bravò ! nous anan regala !

— Lou 20 de Xbre, la *Pastouralo* tant renoumado dóu felibre A. Maurel, s'es joggado, em' un proulogue inedi, au ciéucle di « *Vue-Coulouno* », à Marsiho.

— Lou suplemen ilustra dóu *Picbot marsibés* dóu 25 de Xbre, dou-no *Les Ruines des Baux*, article e dessin d'Antounin Palliès.

— Avian anóuncia lou maridage de la rèino dóu Felibrige emé lou felibre Joachim Gasquet, pèr la fin dóu mes de nouvèmbre ; aquéu maridage noun a pouscu se celebra e s'es remanda au mes de janvié, en seguido dóu malastre arriba au futur nòvi, qu'en visitant la vilo di Baus, en coumpagno de Na Mario Girard, dóu sendi de Prouvènço

e d'autris ami, èro toumba d'uno autour de vue à dès metro, e s'èro bravamen ablasiga.

Fasèn de vot pèr que se restablique lèu, e que li tambourin e li cigalo de Prouvènço largon si refrin li mai galoi en ounour de l'ime-nèu superbe.

— Lou pouèto prouvençau Pèire Bertas, ajoun au maire de Marsiho, aprouficho tòuti lis ócasioùn de parla la lengo dóu terraire; ansin, en maridant, lou 3 de Xbre, soun fraire Vitor emé Milo Anaïs Blissen, a presenta poulidamen si vot i nòvi en puro lengo de Prouvènço! Brave!

Es à-n-éu peréu que se dèu — i'a pas doutanço — de vèire lou retra d'En Frederi Mistral, qu'èro au palais di Bèus-Art dóu *Long-Champ*, istala en bello plaço dins la salo d'ounour di mariage, à la Coumuno.

Oscò ! l'idèo es magnifico e i'aplaudissèn.

— Li sòci qu'aurien de *circulàri* o de buletin de souscripcióun à faire encarta dins li numerò dóu Felibrige, soun avisa que, d'aro-en-la, vist li reglamen poustau, noun soulamen faudra que li subre-di buletin ó circulàri porton la mencion de *suplemen*, mai encaro que fugon afranqui come s'èron espidi separadamen. Nous sara plus poussible, adounc, de lis encarta à-gràtis.

— En Frederi Mistral nous présento, dins soun *Bon astru*, un raconte que *l'Aïoli* nous n'a pourgi la primour bello e que se vèn d'estampa en Avignoun encò de Roumanille: es lou *St-Antòni-dis-Orto*, de M. Toumas A. Janvier, sòci dóu Felibrige, revira de l'an-gles en prouvençau pèr Na Mario Girard, rèino dóu Felibrige.

Nous a fa grand gau de lou relegi, e n'avèn espremi noste sentimen is autour, dóu biais que seguis :

Bounias, courous, fres, pivelant,
Es voste conte... e me coumplase
Emé vòstis eros galant :
Li couloumb, lou cat negre, l'ase

E li dous fraire, — barbelant,
Pèr qu'au bon Diéu sèmpre ié plase
Que, de soun cor d'amour brulant,
L'auto puresso noun s'ablase.

Ço que i'a dins vòsti tablèu :
 Jardin, flour, pantai e soulèu,
 L'avès pinta de talo sorto

Que, pèr n'en beca quauqui rai,
 M'agradarié d'estre un di Frai
 Dóu gènt Sant-Antòni-dis-Orto.

— *La Province*, de noste ami e coumpan Lucian Duc, vèn de mu-da si catoun e de parèisse à 80 pajo, em' uno redacioun que coum-pren, en de mai d'aquéli que i'an fa flòri despièi dès-e-vuech an, d'ome coume lou majourau En Maurise Faure, Ougèni Garcin, Ed. Michel, e d'autre e d'autre, que soun renoum es proun aut pèr que fugue necite de l'apoundre quicon. Sian mai que segur qu'aquéli que legiran soun nouvèu numerò de janvié 1896, lèu-lèu que se i'abounaran, e n'en saran pas facha. Citaren : *La décentralisation artistique, art et démocratie*, pèr Maurise Faure ; *Etienne Marcel*, sceno dramatiko de Pèire Duzéa ; *Regard sur la politique du jour*, d'Ougèni Garcin. Tóuti ié bataion pèr la descentralisacioun. Auto, que vèngue de lu-chaire se rambla à l'entour de soun drapèu ! Es l'ouro !

— A pareigu à Valènço, dins *La Croix de la Drôme* dóu 8 nou-vembre 1895, un flame brinde en parla dóu païs, prounouncia pèr lou mantenière Gatian Almoric, de Chabrillan, sus lou prepaus d'uno acam-pado de 50 agricultour à la trapo d'Aigo-Bello.

— Lou 19 de desèmbre, en la glèiso de Sant-Agricò, d'Avignoun, s'es celebra lou mariage de Mlo Jano Roumanille, la segundo chato de Jósè Roumanille, emé M. Eimond Fandrier, ingeniaire-chimisto.

Que la lus de Santo Estello enlusigue la draio di bèu nòvi e que, sus si pas, la siave flour d'amour fugue flourido sempre e sènsò fin, qu'es elo la soulo embaumarello de la vido !

— Vèn de parèisse encò de Doucet, estampaire à Marsiho, la *Char-radiso* que lou felibre Louis Hugues debanè au Martegue, dins la grand salo de la coumuno, lou 26 de mai 1895, pèr la festo d'inagu-racioun de la « Soucieta deis Entant dei cantoun dóu Martegue e d'Istre », que soun sèti es à Marsiho.

Lou valènt counferencié a fa provo, dins sa dicho, d'aut sentimen patriouti, e lou felicitan voulountié de l'amour que l'empuro pèr la lengo meiralo, e que manco ges d'oucasione de metre en lusour.

Lou gènt Martegau, que ié venèn de traire eici nòsti coumplimen, demoro, aro, Esplanado de la Tourreto, 53, à Marsiho.

— Lou 17 de nouvèmbre passa, en vilo de Fourcauquié, l'Atenèu e l'Escolo dis Aup tenien sa sesiho annalo coustoniero. Es dins la salo dóu tribunau que se fai l'acampado e que se tèn lou burèu.

En Ougèni Plauchud, en uno galanto charradio, remembrant li felibrejado de Lurs, de Sant-Clemènt de Ganagòbi, de St-Maime, de Fougiero e de la Brihanò, anòuncio que, l'an que vén, au printèms, se n'en farié uno autre dins lis enviroun tant pintouresc de la vilo coumtalo.

Lou président descacheto alor li letro de regrêt de MM. Fruchier, senatour, Tardiéu, Daime, di majourau Vidal, Constans e Guillibert, dóu mantenière Gorde e de M. de Selle; legis pièi *lou Carbe*, un mandadis poulit dóu felibre Honde, de Manosco, e d'estrofo sus *Soun bounet de batèmo* de l'abat Bongarçon.

Carle Descosse, Louis Maurel e l'abat Michel destrenon de pretouçantis elegio, que lou mège Bernard i'apound pietadousamen la siéuno en favour di pàuri marit descara pèr lou sort.

L'abat Richaud, président de la Soucieta literàri de Digno, a fiera-men e autamen glourifica la pichoto patrò e li Bassis-Aup. MM. Pe-loux e de Fonvert an manda soun brout; em'acò, En J. Huot, qu'es de tòuti li regòli de l'Escolo dis Aup, a di *Lou cavalie* e l'a di, coume saup dire, à n'esbalauvi lis escoutaire; Martin, emé si *Pastisson de la Marianc*, a tra dins la salo de tant galoi flo de rire, que tòuti n'en prenien sa part e que n'avien jamai proun. Anen, pèr la bono bouco, En Plauchud li regalo tòuti de *Sous li mole*, e se claus la sesiho literàri enjusqu'au printèms venènt.

Au banquet, encò de Lachaud, 50 taulejaire brindon e canton. M. Maurel saludo lou foundedou de l'Escolo Aupenco, En de Berluc-Pérussis, que, pèr gracioso escasènço, èro vengu s'assetta au mitan d'a-quélis ami que tant l'amon, e que respond à Maurel emé soun cor d'elèi. Bourrillon traïs la noto gaio, Descosse brindo à l'amista; Pe-loux, l'abat Richaud jitton soun bout, Huot aussò li got pèr de Berluc e de Tourtouloun, qu'èro peréu de la fèsto, i'adusènt tòuti douz la resplendour dóu renoum que lis encourouno; de Tourtouloun fai si gramaci à Huot; d'Ile, de Fonvert, Descosse parlon pièi, e Plauchud, emé uno charradio e uno despacho signado de Vidal, lèvo la sesiho, pèr l'ana acaba au Ciéucle dóu Coumèrci, ounte tourna-mai se ris e se

canto, sobre-tout se ris di *Boto* de Huot e de la *Pancarto* de Plau-chud.

— Dins uno letro qu'escrieu à M. L. Marcel, e que lou *Viro-Sou-lèu* reprodus en partido, lou brave E. Chalamel dis :

« ...Eis grand damage qu'aquéli gusas de Prouvençau respèton pas prou leis autrei dialèite, e que tout fau que sièche vestit à la modo d'Avignoun... »

Acò 's, segur, ana trop liuen, e se i'a de felibre que presicon e desiron l'unificacioun de la lengo, acò vòu pas dire que, dins lou Felibrige, li Prouvençau respèton pas lis àutri dialèite e li volon abiha à la modo avignounenco.

Avèn toujour vist, au countràri, lou Felibrige garda lou respèt di parla nadalen de cadun. Aplaudi en tòuti li manifestacioun de la lengo, que vèngon dóu Dóufinat emé li cant d'E. Chalamel e de l'abat Moutier ; dis Aup, emé lis obro de En Francés Pascal ; de Fourcau-quié, emé *Lou reprin* e lou *Diamant de St-Maime* ; dóu Var, de Niço, de Cano, ounte li Lerinen flourisson emé soun parla souleious e escarabiha ; de Touloun, de Marsiho, emé tant d'obro requisto ; d'àz-Ais, emé soun cacalian que vòu èstre lou pur e soulet bon prouvençau, etc... Es que jamai quaucun a demanda en tòuti aquéli cantaire mage, que trason si breslhage dins tòuti li parla dóu terraire miejournau, que, d'aro-en-la, falié canta à la modo d'Avignoun ?.. — Noun, parai ! e s'acò s'ero fa, i'a tèms que, di tres part dos di cantaire subre-di, se sarien enfugi de la gabi, pèr ana canta, segound sa noto, sus li serre embauma de nostro Prouvènço.

— A pareigu à Cano, vers Robaudy, *Eloge d'En L. Sardou*, prounóncia au Consistori tengu àz-Ais lou 10 de novèmbre 1895, pèr En M. Rimbault, emé la responso de J. Huot, voulume in-8 de 24 pajo.

— Encò dóu meme, *Li Darbouso, Sounet flourentin*, pouësio de M. Rimbault, cabiscòu de l'Escolo^{de} de Lerin,

Lou libre se duerb pèr aquest quatrin :

Lou darbousiè, sus la mountagno,
Porto ensén fueio, fruchò e flour.
Dins la vido van de coumpagno
Calamo, rire, mato e plour !

e se coumpartis en tres tiero : *Fueio verdejanto, Flour nevenco, Fru-cbo de sang*, emé l'apoundoun di sounet flourentin ; de quouro, au

mes de mai de 1890, l'Escolo de la Mar l'avié delega i festo dounado à Flourenço en ounour de Beatris, l'ispirarello dóu Dante.

Cadun se voudra cungousta di belli frucho rouginello dóu Darbousié lerinen !

— A pareigu en Avignoun, encò di fraire Seguin : *Bernassoun, li Rèi*, pastouralo en 5 ate e en vers dóu felibre de Couombo-Malo, que Don Savié de Fourviero, tant bèn emparaula, presènto poulidamen au publi emé soun biais requist e soun avenènço coustumiero.

Aquelo pastouralo es, se pòu dire, remarcablo tant pèr lou founs que pèr la formo, a fa prouado en Avignoun, e lis escoulan que l'an jougado an fa, entre éli, uno souscripciou pèr que se pousquesse estampa.

L'avèn legido, e nous n'en sian lica li det. Sian de l'avis dóu Pai Savié de Fourviero : « Li dialogue que l'autour met sus li bouco de si persounage, soun mena roundamen, viéu, degaja ; li paraulo picon just... Acò's plen de vido, d'entrin, de bono imour e de galouleta. »

E l'amour de la pichoto patro e de la lengo meiralo ié beluguejo magnificamen pèr la bouco de mèste Blase, quand dis :

Li gent, à l'ouro d'inei, n'amor plus si païs !
Prefèron estroupa la lengo naciounalo
Que de moula li mot de sa lengo meiralo !
Lou parla de si paire es, pareis, trop groussié
E l'ou dirie qu'an pòu que l'ascle lou gousié :
O lengo de moun brès, tu, tant douço e tant lindo,
Que obascan de ti mot à moun aurihò dindo
En son armounious, tendrinèu e moulan,
Es emé grando gau que naute te parlan...

— Li troubaire marsihés vènon d'espeli un *Armana populàri* de l'an 1896, emé de galejadò, conte, cansoun e charradio, pèr li basrido e cabanoun. La proumiero annado costo o fr. 20 e se ié rescontro de proso e de vers de Louis Hugues, Louis-lou-Mut, Ant. Boyer, deputa, P. Maziere, etc., etc., e touto la ribambello galioio di troubaire marsihés.

— A Marsiho, peréu, avèn vist flameja l'*Armana marsibès* pèr l'an 1896, enca mai dardaiant qu'aquéli dis àutris annado. De rire e de cansoun, n'i'en pòu jamai agué proun. Nous n'en douno la provo lou brave Aguste Marin, emé sa voio e soun envanc, pèr mena la gaio farandoulo dis escrivan que flourisson dins soun librihou signoula e esquist.

— Vèn de parèisse à Carpentras, encò de J. Brun : *Lou Cacho-Fiò*, pèr lou bèl an dóu bissèst 1896, 10^e annado, atrencia pèr uno tiero de felibre. Escoutas-lou, coume fai ran-plan-plan :

O, i'a bèu sege an que lou « Cacho-Fiò » viéu e flamejo, rescau-dant pertout l'amour de la lengo, aubourant pertout lou bon rire que fai tant de bèn, sobre-tout à l'ouro d'uei, ounte tant de laidí causo vous fan faire la bèbo. Quente bèu pres-fa coumpli dins aquelo vòuto ! Fai esfri rèn que de lou carcula. Chasque an, en esfèt, nostre Armang espandis *dous cent vint-quatre milo* pajo de literaturo prouvençalo, sano, beluguelo, risarello, pouëtico, e l'espandis dins un mitan *pou-pulari* ounte se n'en perd pas uno grano, uno belugo, rèn. Disès-me dounc se faire ansin chasque an un armana en prouvençau es pas l'*obro dis obro*, uno obro mai bello, mai pratico, mai fegoundo, que de faire de libre de councours, même de predicanço, toujour à l'us d'un pichot rode e d'un pichot noumbre ? Eis à talo obro de proupàgando majo que li suvencioun se déurien baia, pèr èstre justo. Mai eis à talo obro que devon presta soun ajudo, noui soulamen aquéli que soun d'oubrié de la plumo felibrenco, en ié mandant sis oubreto — d'acò n'en sian pas en peno, n'i'a toujour surabounde, aqueste an nous n'en soubro uno *cinquanteno* — mai tótis aquéli que counsèrvon, jalousamen, dins soun cor, l'amour de nostre lengo incouparable, de nostre lengo dindanto e armouniouso, fortò e douço, siavo e cascare-leto, que li Felibre avèn atrouvado *pastresso desroupido*, e que n'en avèn fa 'no *rème glouriouso*.

En croumpant lou « Cacho-Fiò » emé 'no marrido peceto de 50 centimo, la farés, aquelo obro de bono ajudo e de bon Prouvençau, e aurés pèr vous espóuti dóu rire i vihado de tout l'ivèr, emai tout l'an pèr vous desmassipa. En lou croumpant pèr lou baia à voste entour, à vòstis ami, sias segur d'avanco de ié faire grand *plessi* e grand *bèn* : grand plesi, car nàutri Miejournau nous enhau forço mai d'entèndre parla di causo de nostre Miejour, dins nostre parla, que di causo de Paris o de Pampoluno, dins lou lengage fin dis arlèri ; e grand *bèn*, en ié pourgènt quauqui belli ventrado de rire.

Aquest an, avèn fa versa la mesuro, e *lou Cascavèu* n'a glena uno garbo de conte galoi que sabe pas ounte tron-de-goi lis eis ana querre, quéu brescambiho d'ome.

Agantas lou libre, e veirés un pau li bravi letanjo que se ié canton, car se dis :

Benurous quau lou crumpara !
Meme Paris se n'en lipara.

— Eh bèn, parlo pas coume un libre, aquéu brave *Cacbo-fiò* ?

LENGADÒ

— Renouvelan à nòsti sòci la souscripciou duberto pèr l'Escolo Moundino, de Toulouso, pèr l'aubouramen d'un mounumen à-n-Aguste Fourès.

Un Coumitat s'es coustituï pèr acò, e vejo n'eici la compousicioun de soun burèu :

Président, En Frederi Mistral ; souto-président, Falguiere e Armand Silvestre ; secrétari, L. Savié de Ricard ; tresourié, Sans, directeur de *La Dépêche*.

— Lou felibre Jùli Veran, qu'ero à Perpignan, es aro boursié d'agregacioun à Mount-Pelié. Felicitacioun couralo.

— La *Revue Méridionale* countùnio toujour de segui ardidamen sa vio. Dins soun numerò d'òutobre, nous douno *Lou coucut*, galejado dòu majourau Achilo Mir, e *A prepaus dòu Terradou*, de Prousper Estiéu, emé uno charradisso d'Achilo Rouquet dounan lou noum di journau miejournau qu'an saluda l'obro mestre dòu flame sounetaire, en óublidant de nous coumta dins la tierro d'aquelei que i'an fa la bèn-vengudo de tout cor. I'a, pièi, li letro de felicitacioun de Frederi Mistral, Fèlis Gras, Achilo Mir e Gastoun Jourdanne, e *Jan das Gousses*, d'A. Mir.

Dins lou numerò de novèmbre e desèmbre : *La poutingo pèr l'ase*, d'A. Mir ; *les Pècbos de Mauras*, galejado de J. Théron ; *Cop d'esquilbeto*, d'A. Mir.

Lou numerò s'acabo pèr l'acoumençanço d'un travai qu'entrepren En Gastoun Jourdanne sus la bibliografie de Lehgadò, pèr lou terradou de l'Audo.

Aquelo obro es mai que meritòri, e nous es en-de-bon de l'acouraja. Se se poudié metre en grand lusour tóuti li tresor literàri que lou Miejour poussedis, n'iaurié bravamen que sarien esbarluga. Pèr douna courage à-n-En Jourdanne emai à-n-aquéli que seguisson sa draio, cadun pèr la part de soun terradou, ié diren qu'eici, dins Marsiho, un saberu moudèste autant que valènt s'es atala à-n-aquéu presfa, rèn que pèr lis obro de lengo d'O, e sa culido tèn adeja mai de cinq milo citacioun.

Aquéu travai de Jourdanne, *la Bibliographie félibreéenne de l'Aude, l'Escolo audenco*, dins soun acamp mesadié de nouvèmbre, a decida de l'estampa à si fres. Aquel estudi noun pòu qu'estre bèn vist de tóuti aquéli que s'ócupon de lengo d'O.

Un richas de Toulouso, M. Ozenne, vèn de leissa un legat de 250 000 fr. à l'Acadèmi di Jo Flourau de Toulouso. A-n-aquéu pre-paus, *l'Atòli* s'escribo : « Autant n'avenguèsse au Felibrige ! » Touti li f'libre picarien di man s'uno mauno pariero nous endrudissé ; malrouusamen, lou Felibrige noun estènt Soucieta d'utilita publico, s'acò i'arrabavo, lou legat ié passarié souto lou nas sènsò que lou pousquèsse aganta : la lèi es talo. Ah ! se soulamen li F'libre èron coustituï en Soucieta de secours mutua !... Alor, si que se pourrié ôuteni la reconeissènça d'utilita publico... mai lou soun pas... Acò fai que n'i'a que pourrien leissa au Felibrige si biblioutèco e si sòu, e que lou faran pas, amor que noun se pòu !

LIMOUSIN

Li Jo de l'Englastina

— Vès-eici lou prougramo di councours de 1895-1896 dubert i Limousin :

Grand pres di Jo, foro councours. — Pres dóu Limousin : branço de castagnié vermeialo, pèr l'obro d'un Limousin pareigudo dins l'annado. Pres de la Federacioun : uno eglantino d'or pèr l'obro la mai meritouso di councours.

Councours en lengo limousino e en lengo franceso

Li coumpousicioun limousino auràn d'estre escricho en neo-rouman.

LITERATURO. — *Pouësio.* — Sujèt : Lou mes de mai, *l'Englastina*, li Jo Flourau e la foundacioun de Jan Teyssier.

Sujèt libre sus d'un tèmo loucau.

Uno pervenco d'argènt es foundedo pèr M. Louis Escande, pèr la meiouro eleglo limousino.

II. Proso. — *Lou fougau*, genre descritiu, filousoufique o anedou-tique.

Conte o nouvello, recit divers, sujet libre sus d'un tèmo loucau.

III. Teatre. — Pèço de tout genre dramatique sus d'un sujet limousin.

IV. *Literaturo pouplàri*. — Recuei de conte, cansoun, roumансo, prouverbi, devïnaio, di, prouverbi inedi emé coumentari e liò d'ounte vènon.

V. *Pres Jan Teyssier*. — A l'óucasioun de la celebacioun, à Tulo, di Jo de l'Englantina, es crea un pres Jan Teyssier, que counsistara en uno broudarié sus estofo e que se decernira à la meiouro pouësio o dissertacioun sus lou sujet pourta au testamen dòu benfatour dis ancian concours « de la lausenjo e noublesso dòu sant mariage... »

ERUDICION. — *Istòri*. — Li grand siècle de l'espandimen limousin, (XII e XIV) : Papo e Troubadou. (500 ligno).

Li Jo Flourau e li Limousin, noto e doucumen.

II. *Criticò e Filoulougio*. — 1^o Estudi biougrafi sus d'un troubadou, critico de sis obro, etc.

2^o Estudi sus d'un *patouesejant* o d'un felibre, etc.

III. *Bibliougrafia*. — Eloge d'un ome ilustre dòu Limousin, mort despièi 40 an (200 ligno).

IV. *Ecounoumio poulitico e soucialo*. — Mejan d'empacha lou despouplamen di campagno, etc.

V. *Sciènci*. — Meteouroulouglo pouplàri, valour e pourtado di ditoun ; cresènci sus lis influènci sideralo.

Simplo medecinalo dòu Limousin, determinacioun e usage, noum pouplàri.

VI. *Folk-Lore*. — Mounougrafia legendàri, tradiciounalo, etnougraffico d'uno coumuno de la prouvinço.

BÈUS-ART. — I. *Pinturo o dessin*. — Sujèt limousin istouri o naturalisto.

II. *Sujèt d'art decouratiéu*. — Esmaut, ceramico, poutarié, tapissarié, tulo, bos e metau óubraja, decoura de moutiéu limousin.

III. *Esculturo*. — Proujèt de mounumen simboulisant la glòri dòu Limousin ; proujèt de mounumen à B. de Ventadour ; sujet limousin à l'agrat di courrière.

IV. *Architeituro*. — Proujèt de restauracioun d'un mounumen dòu païs.

Construcioun d'uno glèiso tipe roumano-limousino, decouracioun e amoublamen. (Jougne un memòri justificatiéu emé devis).

MUSICO. — Sceno lirico sus d'un sujet limousin e d'autour limousin.

Pouèmo lirique, roumансo, cansoun, nouvè, sus d'un sujet d'autour limousin ; cant em' acoumpagnamen de piano.

Pèço sinfounico sus d'èr limousin.

Coumpousicioun sus la pouësio d'En Jousè Roux : *Chanson de l'Englantina* :

De la chantar l'Englantina,
Qus a lou drech mai que nous,
Lemouzis d'enja latina,
Al lengatge fier e douz ?

Flour delicada e charmanta,
Chas nous culhida autres temps
En souvenir d'un' amanta
A l'intrada del printemps !

Dous louncts segles amousida
Jous la pleuja e jous la neu,
S'espanis, que mais grazida,
Nueva dinz un vase nueu.

Bounjourn, la reviscoulada !
La renascuda, bounjourn !
E tu. la reconnsoulada,
Patria, flouris toutjourn !

L'Englantina recoumpensa,
L'Englantina encouragis
Lou qui sab e lou qui pensa,
Lou qui vol e lou qu'agis !

Ounta a qu paupa ou gazina !
Gloria als valens chantadours !
Jamais la gent lemouzina
N'estara de troubadours !

A. Councours voucau : Cant d'un moussèu en lengo limousino ;
cant d'èr poupoplari limousin, la cansoun de l'Englantina.

B. Cabreto e violo : èr poupoplari limousin.

Declamacioun. — Monologue e pouësio limousino.

Touti li coumpousicioun literari, d'erudicioù e de musico auranc d'estre mandado, franc de port, avans lou 1 d'abrieu 1896, à la Cancellerie de la Federacioun dis Escolo, 10, carriero di Presicadou, à Brivo. L'aura de pres de touto meno pèr li gagnaire.

Li coumpousiciooun courounado saran estanipado e fourmaran lou recuei annau di Jo Flourau.

Aquitâni

— Li Tarnés que rèston à Paris fan parèisse mesadieramen uno revistouno, que douno lou comte-rendu de sis acampado, dins lou biais dòu *Viro-Soulèu* e dòu *Mois cigalier*.

Aquelo nouvello fueio porto pèr titoulet : *Lou Luquet del Tarn*.

Brave ! li Tarnés que s'apoundon au roudelet e que ié vènon, de tout cor, emé soun *Luquet* que flamejo mai-que-mai e que flamejara long-tèms !

Sa cuberto, ilustrado poulidamen de tres visto d'Albi, de Castro e de Castelnau-de-Levis, obro de M. Teyssonières, douno envejo de ié demanda un pau de sa flamo, e de ié legi, entre àutri mousséu, uno crounico sus Aguste Furès e la *Coumunioun de la pensado*, de Lucian Duc.

— A pareigu à Tarbo, empremarié Lescamela : *Et Piu-Piu dera me Laguta*, cansoun gascouno en parla mountagnòu de Bigorro, de Michèu Camelat, mantenèire d'Aquitâni.

Bèu libre qu'es aquéu *Riéu-chiéu-chiéu de ma flaveto*, e valènt n'es l'autour, quand s'escrido dins sa prefaci :

Gascoun di piano e di costo, Pastre di mountagno e lauraire de la terro, sauvas nostro lengo nadalo ! Acò noun vous sara jamaï proun di ! Counservas-la puro coume l'enfant de voste iue ! Elo, que vous estacara emé mai de forço au rode ounte sias nas-cu, au sougau, i champ e i prat que vous fan viéure. Vestissèsla coume lou fasès d'un enfant, quand vous adus la joio dins l'oustalado; quand vous pourtaran à vosto darriero demoro, que vous plouron vòstti fléu e vòstti siho, en parlant aquéu lengage que vous an ensigna vòstis àvi, e que vautre i'aurés ensigna !

— Uno escolo dòu Felibrige se vai founda en Gascougn, souto lou noum de *Escolo de Gastoun Febus*.

M. Isidor Salles, sendi d'Aquitâni, n'en sara lou càbiscòu d'ounour, e M. Planté, d'Ourthez, lou président. Li membre saran : MM. Lafore, Palay, Eyt, Lalanne e Michèu Camelat.

— Dins la tiero di pres que l'Acadèmi de Bourdèus vèn de decerni

pèr soun councours de 1894, remarcان e citan emé plesi çò que preloco la lengo gascouno :

1. *Lengo gascouno.* — 200 fr. à M. Jan Ducamin pèr soun *Étude grammaticale sur le patois de Lanne-Soubiran*; 200 fr. à M. l'abat Bourredon, pèr sa *Grammaire des idiomes landais*; medaio de brounze au felibre Enri Pellisson, d'Arette (Bas-Pirenèu), pèr soun *Capelbz de Baretous*; uno mencioun d'ounour à M. Edouard Fauché, de Bourdèus, pèr soun *Etude grammaticale de la langue gasconne*.

2. *Numismatico.* — 1000 fr. à MM. A. Blanchet e G. Schlumberger pèr sa *Numismatique du Béarn*.

3. *Arqueoulougio.* — 300 fr. à M. l'abat Dubarat, pèr divers óubrage, entre li quau : *Lou breviari de Lescar de 1511*.

Pouësio gascouno. — Uno medaio d'or au felibre Isidor Salles, à Paris, pèr douz voulume di mai remarcable de charradisso gascouno en vers.

Uno mencioun d'ounour es esta decernido au felibre Maurise Joret, dòu Mas-d'Agenés, pèr un recuei titoula : « Pouësios gascounos. »

Nòsti felicitacioun is urous gagnaire.

AUVERGNO

— Vai parèisse en Auriha : *Flour de Brouoso*, pèr Arseno Vernieuze, emé prefaci de Jan Ajalbert e ilustracioun de E. Marty e F. Tourbes, que *Lo Cobreto* de Xbre douno un escapouloun de soun biais.

Aquelo pourido garbeto de flour pouëtico, espelido en pleno terro auvergnato, e culido pèr lou cabiscòu de l'Escolo felibrenco d'Auriha, caupra de conte, de fablo, quauqui galejado e d'er de troumpeto e de *Cabreto* tòuti clafi d'estrambord.

Lou libre requist coustara 3 fr. 50, e sara espedi tre que pareissira en tòuti aquéli que lou demandaran, en faguènt teni aquelo soumo à l'autour, i burèu de *Lo Cobreto*, 5, carriero de la Républico, en Auriha.

— *L'Olmonat d'Oubèrgno* vai peréu faire liguelo en tòuti; i'aura de pouësio, de conte, de prouèrbi e de galejado, e coustara dès sòu.

Zòu ! que *l'Olmonat d'Oubèrgno* pèr 1896, se demande, de pertout, à l'estamparié mouderno, 6, carriero Guy-de-Bèiro, en Auriha, (Cantal).

CATALOUGNO

— Lou 15 de setèmbre s'es fa, en gran soulennita, la fèsto de la courouno pouëtico trenado en ounour de Santa Maria de Rippoll.

Dins li pouësio qu'an merita d'estre ligado en aquéu bouquet, figuren uno pouësio prouvençalo d'En Vitou Lieutaud : *A Nosto-Damo de Rippoll*, un cantico d'En F. Donnadieu e uno pouësio bouèmi dóu Pai Sigismoun Bouska, sóci dóu Felibrige.

— A Barcilono, vèn de parèisse *Sant-Francesc*, pouèmo de mounsen Jacinto Verdaguer.

L'ilustre cantaire de *l'Atlantido e de Canigó*, lou mai auturous e lou plus grand di pouèto catalan, que nous mando, en soun nouvèu pouèmo, un rousari d'amour esquist, que sènt bon qu'embaumo, pious, divin, fres e ferigoula qu'es pas de dire, vèn de béure lou fèu dóu calvàri, éu, l'ispira, éu, lou sant : sis ami e si parènt meme, encita pèr la basso jalousié, coume lou mostro dins soun libre *Mosén Jacinto Verdaguer en defensa propria*, lou voulien faire passa pèr fòu, e l'an agounisa, paure doulènt, de tout çò que i'a de plus marrit, d'enterin qu'éu, sublime, nousavo de cant mystique e divinamen suau en ounour dóu divin crucifica e pèr amour dóu grand enamoura Francés d'Assis.

Es à-n-éu que dis, dins sa pèço *Follia Santa* :

Puix diu que un boig ne fà cent,
Oh! Francesch, flor de la Humbría,
Vós qui passareu per boig,
Daume vostra bogeria.

(Amòr que se dis qu'un fòu n'en fai cènt, o Francés, flour de l'Oungrio, vous que passerias pèr fòu, dounas-me vosto foulié ! »

E se ié pòu aplica li paraulo de la « foulié santo de St-Francesch » :

De ser tingut com á boig
Poch ò res li importa :
La bogeria dels sants
Es Déu qui la dona :
Qui un ram m'arriba á tenir
Há guanyat la joya.

(D'estre pres pèr un fòu, pau o rèn i'enchau : la foulié di sant, es Dieu que la douno : quau pòu n'aganta un brut, a gagna li joic).

Ah ! de-segur, mounsen Jacinto Verdaguer a gagna li joio e triounfla superbamen de sis enemi, en ié pourgißent l'obro la mai puro, la mai crestiano e la mai ispirado que se posque vèire.

Lis ami dóu grand pouèto de *l'Atlantida*, que soun malastre i'avié estrassa lou cor, canton soun triounfle e lou vèson emé bonur grandi pèr l'esprovo que vèn de passa.

MORTUORUM

— Soun mort : à Sorgo (Vau-Cluso), lou 16 de nouvèmbre, Anfos Gavaudan, percetour en retreto, mantenière de Prouvènço, musicaire d'elèi.

— A la Beliero-Majorel, toucant Crest (Droumo), Lucian Rousset, mantenière de Lengadò.

— A Marsiho, dins si 76 an, Revihat de Bèu-Regard, mantenière de Prouvènço, ancian chèfe di service quarantenari d'Egito.

— A Barcilouno, lou 26 d'outobre, lou dòutour En D. Juan Masanterrat y Archs, qu'èro majourau dóu Felibrige de l'anciano Manteñènço catalano.

— A Marsiho, lou 5 de Xbre, dins si 54 an, Dono Lazarino Daniel, manteneiris de Prouvènço, qu'escrivié soutu lou noum de la felibresso de la Crau e que signavo sis article semanié de *l'Homme de bronze*, d'Arle, d'aquest escaï-noum : la Cravenco, amor que restavo au mas Desèume, à Sant-Martin de Crau. La felibresso Lazarino Daniel, qu'èro l'amo dis acamp de l'Escolo de la Mar, e que soun oustau èro delongo dubert de bat-en-goulo en tòuti lis ami de la Causo felibrenco, emé soun bon cor, sa gràci, soun avenènço e soun talènt, aviò gagna l'amo de tòuti, e tòuti l'an plourado. En elo, lou Felibrige pèrd un aposto. Trasèn, esmougu, un bouquet de pervenco sus sa touumbo.

Que Santo Estello repause dins sa glòri tòuti nòstis ami defunta.

A PAREIGU :

A Paris : lou *Viro-Soulèu*, la *Mandoline*, le *Quercy-Lot* e la *Province*; en Avignoun, l'*Aïoli*; en Auriha, *Lo Cobret*; à Toulouso, *Le Gril*; à Brivo, *Lemouzi*; à Barcilouno, la *Veu de Catalunya*, e d'autre, e d'autre.

Lou Gerent : Jan Monné.

CROUNICO

LOU MARIAGE DE LA RÈINO DÓU FELIBRIGE

Lou 23 de janvié s'es celebra, en villo de Sant-Roumié, lou mariage de Na Mario Girard, nostro Rèino gènto, emé lou pouèto Jouachim Gasquet, d'à-z-Ais.

Tout Sant-Roumié èro pèr orto pèr vèire li nòvi, li bèu nòvi ; superbe, enaura, l'èro J. Gasquet, e la rèino Mijo, trefoulido, esbléu-gissié, au bras de soun paire trefouli, emé soun abihage d'Arlatenco e sa courouno de Rèino cenchant soun front divin. Jamai s'èro vist pariero fèsto.

A la Coumuno, lou Maire Barbier a celebra lou mariage e, en lengo prouvençalo, a benastruga li nòvi, e pièi a douna la paraulo au Capoulié En Fèlis Gras, qu'après lou nous dóu Maire, a fa la ganso pouolido, au noum de Santo Estello.

L'Ajòli a publica uno canestelado de pouësio en l'ounour di bèu nòvi, e, entre tòuti, l'*Acte du Mariage* signa d'Edouard Marrel, e que reprodurren nautre peréu, à causo de soun óurignaleta :

En l'an milo-vue-cènt-nounanto-sièis, lou vint-Etres Janvié, sounant dès ouro dóu matin,
Davans iéu, Santo Estello, auturouso patrouno
Dóu pople felibren, que la Glòri courouno,

En coumuno de Sant-Roumié,
Dins la grand salo dóu proumié,

An pareigu 'n bèu drôle em' uno bello fiho,
 Jouachin-Marius-Aleissandre Gasquet,
 Estudiant en filousouflo,
 Ami di nòbli causo e 'saberu tant-que,
 Fiéu d'En Simoun-Enri, qu'a pasta proun farino
 Pèr li paure, presènt eicito, emé de Fino
 Felicio Clozcl (davans Diéu, la mesquino!)
 Nascu 'n setanto-tres, lou bèu trento-un de mars,
 A-z-Ais, ounte isto emé soun paire,
 d'uno part;

E Fino-Maria-Vitourino Girard,
 Douço Rèino dóu Felibrige,
 Qu'ai pres plesi d'ourna de mi doun li mai rar,
 Pèr coundurre ma nau sèns erguson lis aurige,
 Nascudo à Sant-Roumié lou bèu quinge d'avoust

Milo-vue-cènt-setanto-dous,
 Demourènt au liò di emé soun ascendènço,
 Fiho dóu Majourau, Sendi de Mantenènço,
 En Jóusè-Marius, que porto dóu grand Art
 La bandiero, dins si man, tosto,
 E de Na Maria Lecacheux (un cor larg).
 Receberello de la posto,
 L'un e l'autre presènt eicito,

d'autro part.

Li dous jouvènt se soun aproucha de la taulo.
 E m'an di que voulien se prene tòuti dous,
 Eu, elo pèr sa femo ; elo, éu pèr soun espous.

Tourna, sus aquelo paraulo,
 Ai demanda 'si gènt se voulien acedi
 Au maridage subre-di.
 Tres fes d'un : « O ! », la salo immènso a restounti.

Ai pièi interrouga lou drôle:
 « Digo-me dounc se vos, tu, pèr femo accepta
 La chato qu'es à toun coustat. »
 Gasquet m'a respondu : « La vole. »
 Vers la jouvo alors me virant :
 « Digo se vos Gasquet, tu, pèr ome. » Subran
 Elo m'a respondu : « Lou vole. »

Adounç ai prounouncia qu'aquéu parèu d'acord
Faran plus, d'aro-en-la, qu'uno amo e plus qu'un cors,
E lis ai benesi. Ai proumés sus si tèsto
D'escampa la joio, la pas
E lou soulas,
Li flour de l'aubrespin, li flour de la genèsto,
E li flour dis Aupiho e de la Crau en fèsto,
E, subre tòuti aquéli flour,
La flour divino de l'Amour;
E lis ai reçaupu d'emblado en moun Empèri,
Ounte me glourisicaran,
Ounte, longo-mai, s'amaran,
E longo-mai faran l'empèri.

De ço que subre es relata,
Iéu, Santo Estello, ai encarta
Aquest ate, emé diligènci,
En la countinuo presènci
D'En Fèlis Gras,
Juge de pas
En vilo d'Avignoun, ounte a sa residènci,
Qu'es di Felibre Capoulié,
E d'En Savié Giraud, à Sant-Canat, rendié,
Ouncle peirau de l'espousado ;
Pièi d'En Armand Besson, à Bourge (Cher) dòutour,
Cousin de la subre-apelado,
E d'En Baumann Emile, à Niço proufessour.
Finalamen, à l'assemblado
Ai legi l'ate e l'an signa
Li dous marida, li dous paire,
L'unico maire
E li quatre temouin peravans designa.

Pèr còpi counformo e fidèlo,
Certificado : SANTO ESTELLO.

*Vist pèr lou grafié dòu burèu,
signa dessouto :*

EDOUARD MARRÉU.

De la Coumuno, li nòvi soun ana à la glèiso, ounte lou Pai Savié lis esperavo e ounte, après lis agué benesi, a proununcia uno aloucuioun requisto. Noun poudèn, segur, miés faire que de douna lou *Saume nouviau* dóu Pai Savié de Fourviero, qu'es, se pòu dire, un cantico d'amour mai que flame, un mioussèu de pouësio esquist, que la pouësio sort naturalamen de la bouco de l'elouquènt Paire blanc, lou grand ouratour sacra dóu Felibrige :

POPLE SANT-ROUMIEREN,

Eici sian acampa, au noum de Noste-Segne Jèsu-Crist e de la benurouso Mario, sèmpre vierge, emai au noum de Santo Estello, sus l'estiganço de celebra lou matrimòni de nostre fraire **bèn-ama Jouachin Gasquet**, e de nosto sorre serenissimo, Mario Girard, rèinno dóu Felibrige.

E nàutri, óutengudo l'autourisacioun dóu subre-digne Decan de vosto parròqui, li crido estènt facho, anan aro marida nòsti bèu nòvi.

MOUN FRAIRE, MA SORRE,

Es l'ouro de canta ! canten un saume, lou galant saume ounte lou Proufèto nous retrais lou bonur de la famiho. Anas èstre li foundadou, vautri dous, d'uno famiho nouvello. Dau ! canten ! emé ieu cantas lou saume nouviau.

I

*Beati omnes qui timent Dominum,
qui ambulant in viis ejus.*

Benurous aquéli qu'an la cregnènço dóu Segnour, e que caminon dins si draio.

Aquéu Segnour es lou Diéu de vosto enfanço, lou Diéu de vostre proumiero coumunioun ; vai èstre tambèn lou Diéu de voste mariage. O, dóu founs de soun tabernacle, vai, aquéu Diéu di castis amour, reçaupre vòsti proumessos. Que dise ? vai éu-même vous marida ; vai fourma lou nous counjugau qu'assemblara vòsti dos vido en uno soulo vido ; lou vai penetra de sa graci, n'en faire aquelo causo sacrado, aquéu misterious sacramen que Sant Pau apello grand en Jèsu-Crist e sa Glèiso.

Oh ! cregnès-lou ! Se voulès èstre urous, oh ! que sa santo cregnènço intre emé vautre dins voste nouvèl oustau. Cregnès-lou ; mai d'aquelo amourouso cregnènço que tremolo de n'en jamai proun faire pèr l'agrada, cregnènço pleno de voio que dou o en-caro mai d'ande pèr camina dins si draio.

E que saran aquéli draio dóu Segnour ? Es si coumandamen, es si lèi diverso en rapport emé li divèrsi coundicioù de l'amo. Autro, en esèt, es la draio di jouvènt, autre la draio di gent marida. Aro, es dins la draio dóu mariage que vous anas gandi, draio de l'inseparableta, ounte restarés estaca l'un à l'autre vosto vido vidanto, car degun pòu separa ço qu'a nousa la man de Diéu, draio de la casteta e de la fidelita cunjugalo, ounte, coume parlo l'Apoustòli, poussedirés li sourgènt de la vido dins l'ounour e la santeta ; draio de l'amour crestian, fa de tendresso e de respect, ounte regardarés vòstis amo, penetrado de la graci sacramentalo, coume li temple dóu Diéu vivènt, li santuari dóu Sant Esperit, e vòsti cor éli-meme, vòsti mèmbre, coume lou cor e li inèmble dóu Crist.

Oh ! benurous sarés, se caminas ansin dins li draio dóu Segnour. Vous n'en rapelarés, o ma sorre, n'en siéu segur, e caminarés dre, mau-grat li lagno, lis escaufèstre, li mau-parado, car i'a pertout, coume se dis, sa lègo de marrit camin.

Vous n'en rapelarés, e vous lou remetra, au besoun, la paraulo de voste tèndre paire que, dins uno de si pouëslo li mai graciouso vous disié :

Camino dre, ma gento fiho,
A travès li ro, li clapiho,
A travès lis espino en flour
D'aqueste mounde gros de plour.

Sèmpre moudésto, emé roujour,
Souto lis uei de Dieu que viho,
Camino dre. [1]

E vous, moun fraire, prenès-n'en vosto part ; e escoutas, aro, çò que vai vous dire lou Proufèto.

II

*Labores manuum tuarum quia
manducabis, beatus es et bene tibi erit.*

[1] Marius Girard, « La Crue ».

Estènt que manjaras lou fru de toun travai, benurous siés e te sara en-de-bon.

Lou travai, acò 's la lèi d'aquest mounde. Sènso éu, uno famiho noun pòu se teni drecho. Or, dins la famiho, es l'ome subre-tout que n'en porto e n'en dèu pourta lou fais. Vaqui voste lot, moun fraire. Souvènti-fes vous sara grèu. Qu'enchaus ? S'avès la cregnènço de Diéu, se caminas dins si draio, coume lou venèn de vèire, trouvarés sèimpres dins lou travai, penable que penable, uno font de countentamen. Lou travai es benesi de Diéu, fai viéure, adus l'eisanço. Couneissèss lou reprouvèrbi :

Qu travaio,
Diéu iè baio.

E noun i'a gaire de joio que chale autant lou cor de l'ome, coume quand pòu se dire davans Diéu : Vives de toun travai, manges lou fru de ti susour e, ço qu'as de bèn-èstre, l'as gagna.

Aquelo joio, o moun fraire, es couneigudo dins la famiho vos-tro. Sourts d'un oustau de travaiaire, qu'a l'ounesleta pèr bla-soun, e mounte, de paire en fiéu, an viscu dóu travai, sènso rèn déure en degun. Mai, ço que vau miés, ço que lou Proufèto a pas di, noun soulamen an viscu, an fa viéure encaro à soun entour. Voste segne grand — davans Diéu siegue — èro lou nourrigué di paure; voste ouncle, lou Cural, èro la carita encarnado ; e vosto regredado maire, es que noun fuguè, digas-me, uno prouvidènci vivènto dins soun endré ?

Ah ! plourés pas, moun bèl ami ! Vous sèmble qu'es de manco, la santo femo ! Nàni, es aqui ! « Nosto vido se countùnio, dis Sant Agustin ; noste cors peris, es verai, mai la vido de nosto amo risco rèn que more. Lis uei vèson plus, mai aquelo que vesié pèr lou biais dis uei, vèi encaro. » O ! es aqui ; vous vèi, e l'entènde que vous dis : « Sian esta de travaiaire, fugues-lou, tu tambèn ! Benurous siés e te sara en-de-bon, aro que viéuras plus soulet e qu'auras uno coumpagno. »

III

Ta mouié sara, coume uno vigno aboudouso, en dedins de toun oustau.

Vès-la, vosto coumpagno ! Ah ! fau que vosto braveta fugue estado di grando, pèr que lou bon Diéu vous l'ague ansin chau-

sido dins la perfecioun. Uno femo senado, nous dison li libre sant, es un doun de Diéu. Uno femo bono es un bon partit ; sara dou-nado à l'ome pèr si bònus acioun.

Fugués felicita. La mouié, que Diéu vous a chausido, es bèn la femo de nòsti libre sant ! Es bèn aquelo vigno biblico, cargado de flour que sènton qu'embaumon ; e si flour soun de fru d'ou-nour e d'ounestiso. Uno maire, à l'esperit d'elèi, a mes en elo aquéu fin gàubi, aquéu gentun de courtesié que tant fai gau de vèire ; un paire de grand cor a larga dins elo sa bounta d'amo, sa tendresso, sa flamo, sa sensibleta touto prouvençalo ; e dins voste mal-astre, avès pouscu vèire de proche, vous, touto la delicatesto d'aquelo richo naturo. Lou Felibrige l'a saludado, l'a courounado rèino ; e, rèino, digas-me se l'es pas de tout biais ; jamai, en tèsto de chatouno, istè miés la courouno reialo. Enfin, la Glèiso, que l'a, touto jouinetto, adournado de la graci divino, vous la vai douna, vuei, plus bello encaro, bello d'uno bèuta subre-naturalo, pèr l'apoundesoun d'un sacramen nouvèu, qu'en l'unissènt à Diéu, la tendra unido à vous encaro mai.

Oh ! vous lou redise emé lou Proufèto : sara vostro mouié coume uno vigno aboudouso au-dedins de voste oustau. Fugués digne d'elo e fasès-vous soun ajudo ; car la femo a d'acò de la vigno : fau que s'apiele pèr mounta. Es à l'ome de la regi, car éu es lou suport, éu es la tèsto de la femo, — dis Sant Pau — coume lou Crist l'es de la Glèiso, O ! l'ajudarés, la pourtarés. Elo oumbrejara vostro vido de soun ombro amistouso ; elo sara, pèr sa graci, l'ournamen de voste fougau, e vous sentirés meior en vesènt, coume autant de fru, crèisse en elo li vertu de l'espouso, que soun aro en germe dins li vertu de la siho. E pièi, escoutas mai :

IV

*Filiu cui sicut novellæ olivarum
in circuitu mensæ luce.*

Tis enfant saran coume de sagato d'oulivié à l'entour de ta taulo.

Acò 's un di grand bonur de la famiho. Lis enfant soun, d'abitudo, uno benedicioun de Diéu. Urous qu lou coumpren. Un pouèto disié :

Emai l'enfant douane de peno,
Emai empache de dourmi,
L'enfant es la plus bello estreno
Que Dieu fai en douz cor ami. *

S'agrado au bon Dieu de vous faire aquelo estreno gento, se vous mando d'ensfant, rejitous galoi que saran la prouloungacioun de vosto vido, ah ! sachés coumprene la grandour de vosto voucacioun. Crestian e prouvençau que sias, s'agis per vous de n'en faire de crestian emai de prouvençau.

Fasès-n'en d'abord de crestian, valent-à-dire, ensertas-l*è*i sus lou Crist, fasès-l*è*i viéure de la vido dou Crist. Que lou couneigon, que l'amon. Dounas-ié l'eisemple, vous ! E planta dins éu, dins soun amour, anaran creissènt, coume d'òulivié nouvelet, gardaran touto la bèuta de soun fuiun, vole dire l'innocenci de soun amo ; dins la pratico di coumandamen, frucharan en vertu per lou paradis. Ah ! lou paradis, vaqui la toco dou mariage. D'après lou galant mot de S. Francés de Salo, lou mariage es la plantouliero dou paradis, per ié coumpli lou noumbr di predestina.

Fasès-n'en peréu de Prouvençau. Asseta 'm' éli tout à l'entour de la taulo de famiho, ensignas-ié li tradicioun de la Prouvènço, e sis us e sa lengo. O, fasès-n'en de Prouvençau, roubuste coume l'òulivié, amourous coume éu de soup cèu, de sa lumiero, de soun soulèu ; de Prouvençau, enfin, jalouse e fièr dou passat de sa raço, e sachènt l'apara e sachènt lou venja contro li mau parlant.

Ai acaba, e me rèsto plus qu'à vous faire, sènso plus de commentari, li bon toustèms dou Proufèto.

V

Ecce sic benedicetur homo qui timet Dominum. Benedicat tibi Dominus ex Sion, et videas bona Jerusalem omnibus diebus vita tua. Et videas filios, filiorum tuorum, pacem super Israel.

E vaqui coume sara benesi l'ome que cren lou Segnour. Que te benesigue lou Segnour d'en Sioun, e basto vegues la benuranço de Jerusalèn, tóuti li jour de ta vido. E vegues lis enfant de tis enfant e la pas en Israël.

O, que lou Dieu d'Abraham, lou Dieu d'Isa, lou Dieu de Jacob siegue emé vautre, e que dins vautre acoumpligue sa benedicioun.

* A. Tavan, « Amour e Plour. »

Que, d'en Sioun, éu vous mande soun bèle Ange, pèr vous faire l'acompañado vosto vido vidanto. Vous avèngue la benuranco, emai la pas que subre-passo tóuti li bèn. Que de vautri dous racheje uno famiho noumbrouso, e pèr elo espandigue-se lou reiaume felibren ! Pousquéns enfin, coume dis lou missau, vèire lis enfant de vòstis enfant enjusquo à la tresenco emai la quatreno generacioun ; e vous emparadisés, pièi, dins la celèsto Jerusalèn, emé Santo Estello, emé li Sant de nosto Prouvènço, gramaci l'ajudo de N.-S.-J.-C., que, de compagno emé lou Paire e lou Sant Esperit, viéu e règno, estènt Diéu, pèr li siècle di siècle. Ansin siegue.

D. SAVIÉ DE FOURVIERO.

Au repas nouviau que se faguè magnificamen à l'Hôtel de Provence quaranto counvida ié prengueron part e, après li cansoun flourido, se ié legiguè tóuti li pouësio mändado e li despacho qu'arribavon de pertout ; pièi lou Capoulié cantè li « Noço de la Rèino » e, pèr fini, la Coupo en man, entounè l'inne felibren, que tóuti n'en disien lou refrin em' un grand estrambord.

A la glèiso, peréu, la ceremounié avié agu lou caratero d'uno manifestacioun felibrenc, l'organisto aguènt jouga la « Marcho di Rèi », *Magali*, e àutri mousséu de musico prouvençalo.

E aro, amor que poudèn pas tout cita, nòsti legèire nous perdou-naran de clava noûte raconte pèr li vers qu'avèn manda à la Réino, en souvetant au bèu parèu tout lou bonur que s'amerito e tóuti li rai de Santo Estello !

CANSOUN

A Na Mario Girard, pèr soun maridage.

Quand lis iéli soun flouri,
Tóuti li mau soun gari
E, quand lou bonur varao
 Dins li draio,
Li cor, afouga d'amour,
 Crèbon flour.

Lou cor es coume un jardin :
Quand lou printème i'es dedin,
Lou rire que se soulèio
 Dins li lèio,
Pendolo en cade bouissoun
 Sa cansoun.

E lou soulèu, en passant,
 Se l'arrèsto, caressant;
 Un moumen ié tèn sesiho
 E bresiho,
 Escampant de tout coustat
 Sa clarta.

Lèu-lèu, davans sa lusour,
 An fusa li nivo sourn,
 E la joio es la mestresso
 Di tendresso,
 E lou dous espèr se crèi
 D'estre rèi.

Lou soulèu es lou censau
 Dóu gai païs prouvençau.
 E, s'a fa fugi la brèino,
 Pèr tu, Rèino.
 A flouca d'arangié blanc
 Nòsti plan.

La melico dóu Printèms,
 Béu-la iuei ; béu-la toustèms !
 Qu'après l'Estiéu qu'encigalo
 Li cigalo,
 A l'Autoun pourras enca
 Ié beca.

E pièi, se lou traite Ivèr
 Aubouro soun front sóuvert,
 Lou Printèms, l'Estiéu, l'Autouno,
 O chatouno,
 Saran li tres perlo d'or
 De toun cor !

J. MONNÉ.



LI NOVO FELIBRENCO

PROUVÈNÇO

Vès eici lou rampèu que lou coumitat mantenèire dóu Tambourin
vèn de jita i quatre vènt de Prouvènço :

D'Ais, lou 9 febrié 1896.

GAI CAMBARADO,

Sian mai de festo, vous rampelan mai, sus l'estiganço de la vesito
dóu Président de la Republico, à-z-Ais, lou 8 de mars que vèn.

La Vilo vous pagara lei frès de viàgi, ana e veni, tambèn l'oste,
pèr lei doux repas e la couchado.

Sian assegura qu'auren la boueno chabenço, emé lou Président Félix
Faure, d'ausi dins nouesto Capitalo la pu galoio aubado, e qu'anás su-
bran dire de o !

Lei darrié jour dóu mes recebrés uno biheto vous disènt just à just
lou jour e l'ouro que fau arriba en ciéuta d'Ais e mounte loujarés.

Tenès-vous bèn gaiardet.

Pèr la Coumessen deis festo presidencialo,

L. DE BRESC

F. VIDAL.

Zou ! que lou tambourin vibre, aut e larg long Lar !

— Avèn legi, eme plesi, dins l'armana marsihés, tres escapouloun
d'un pouèmo en vue cant : *Chouaso deis basses blurs* qu'es la pinturo
realisto di nèrvi marsihés en même tèms que dóu femelan que s'a-
grado de s'aparia em' aquelo meno de gent.

l'a tèms d'acò qu'avian vist aquéu pouèmo en souscripcióun à la li-
brarié Camoin, à la Canebiero de Marsiho.

De l'avis di quatre o cinq coumpañ de l'autour de *Chouaso deis bas-*

srs blurs que s'acampavon dins la boutigo de bouquinisto que lou paire Boy tenié au balouard Dugommier e que lou Felibrige empachavo de dourmi, aquelo obro, escricho de la man dóu vièi M. Bouillon-Landais, devié toumba *Mirèio*, destrouna Mistral e douna jour à la ver-tadiero ourtougraso prouvençalo, que l'autour soumetié de-founs au biais d'ourtougrafia lou francés.

Es mai que segur qu'es la questioun ourtougrafico qu'a empacha aquelo obro de vèire lou jour : que lou savènt majourau En Vitour Lieutaud, qu'ero, alor, bibliotecari de la vilo de Marsiho, avié embreca lou sentimen dóu libraire Camoin, dins lis assaut que dounavo à l'ourtougraso de *Cbouaso deis basses blurs*.

Es pas malurous, pamens, que dins la vèndo dóu founs dóu libraire subre-di, aqueu pouémo noun se fugue perdu, e sian urous de sau-pre qu'un brave majourau l'a tira de perdicioun en ié dounant la re-tirado ; sarié pamens esta curious de ié laissa l'abihage que soun autour iavié douna.

— Pèr decisioun dóu 27 de desembre, M. lou Ministre de l'Estruciuon publico e di Bèus-Art a pourgi la soumo de 20 000 fr. pèr la countinuacioun di reparacioun dóu teatre antique. Aquéli sòu, emé li 3 647 fr. 25 que soubravon di benefice que la vilo d'Aurenjo avié tira di representacioun de 1894, faran que proun di travai entamena saran coumpli pèr li representacioun de 1896.

D'abord que sian au teatre d'Aurenjo, cadun a pouscu vèire, pèr lou raconte que *l'Oncle* éu-même n'a douna, l'oupousicioun que s'es facho à l'idèo superbo de Tournier de faire jouga la *Rèno Jano*, de Mistral, dins la manifestacioun literàri de 1896.

Li Felibre e lou Felibrige i'agradon gaire, à M. Francisque Sarcey, acò 's clar ; despièi lou bèu festin de la Bartelasso, ounte perdeguè... soun capèu, tant lou vin de Castèu-Nòu i'avié pica sus lou su, nous l'a jamai perdouna, emai l'aguessian gentamen counvida e plaça au rèng d'ounour, e emai peréu l'aguessian ajuda à recoubra soun bén... soun capèu, voulèn dire, que s'ero esmarra sus la tèsto dóu paure Fourtunat Martelly, que n'ero pas plus fier pèr acò ; quand vous-autre disès, pamens

Acò vèn pièi en òdi de pensa en tóuti aquélli causo, e se veira-ti toujour que de gènt vendran parteja la sau e lou pan emé naute, que ié faren festo, e que pièi, entre qu'auran vira l'esquino, se remembraran plus que lis avèn apastura, e nous mandaran si mali re-

guignado ? l'a mai qu'acò : li Felibre an fa tripet pelòri pèr que lou teatre d'Aurenjo fuguèsse restaura. Soun arriba à sa toco. Em' acò, aro, emai fugon dins lou siéu, zóu ! li volon bouta deforo. Lou prouvençau sarié-ti pas, peréu, uno lengo naciounalo ?

Fin-finalo, vejo eici çò que s'es arresta : lou 21 de febrié, la Coumessioun óuficialo cargado d'ourganisa li representacioun au teatre d'Aurenjo, s'es acampado au Ministèri di Bèus-Art. Es esta decida que tóuti li dous an, la *Coumèdi-Franceso* e *l'Oupera*, un cop l'un, un cop l'autre, se rendrien en Aurenjo.

Pèr 1896 e pèr la proumiero journado, que sara lou 8 d'avoust, se jougara un *Prologue* emé cor e musico, e *Horace*, de Corneille ; lou dimenche, 9 d'avoust, segoundo journado : se dounara *Antigone*, de Sophocle.

Mai, lou valènt Coumitat di Fèsto cigaliero e felibrenco, de soun caire, a fa counèisse à la Coumessioun qu'ourganisara, pèr lou dijòu seguènt, 13 d'avoust, e en foro de touto participacioun óuficialo, uno representacioun en Aurenjo de la *Rèino Jano*, de Mistral.

— Dins li membre dóu nouvèu Burèu de l'Acadèmi d'Ais, que vèn d'estre renouvela pèr 1896, remarcen li nouminacioun dóu felibre En Chapòli Guillibert, en qualita de secretàri ; dóu majourau de Berluc-Perussis, courme archivaire ; dóu felibre mantenèire Carle de Gantelmi d'Ile, coume bibliotecàri.

— Dins la sesiho universitàri dis Estudiant d'Ais, lou 20 dóu mes de janvié, lou jouve e valènt estudiant d'Arbaud a declama, em' un envanc qu'es pas de dire, sa bello odo *A la Prouvènço*, que tóuti an aplaudido.

JO FLOURAU DÓU FELIBRIGE PARISEN

Prougramo

1. -- COUNCOURS LITERARI

A. — Pres dóu menistre de l'Estrucioun publico au meiour estudi en proso franceso sus

Lou paisage dóu Miejour, soun caratero e si pintre.

(L'estudi pourra èstre generau o s'aplica à queto regioun que fugue dóu Miejour.)

B. — Uno medaio d'argènt au meiour sounet en lengo d'O sus *l'Aigo boulido*.

C. — Uno medaio vermeialo à la meiouro odo prouvençalo sus *Anseume Matbiéu*, que sara legido à Castèu-nòu-dòu-Papo, à l'inauguracioun dóu buste dóu regrela felibre, en avoust que vèn.

D. — Uno medaio d'argènt à la meiouro pouësio en lengo d'O sus lou *Palais di Papo*.

E. — Memo recoumpenso en quau celebrara lou miés lou même Palais dins uno nouvello prouvençalo.

F. — Uno medaio d'argent à la meiouro pouësio franceso sus d'aquest sujet : *Lou Felibrige de Paris à Flourian*, que se legira en Alès, à l'inauguracion de l'estatuó dóu fabulisto.

G. — Une autre medaio d'argènt au meiour sounet en lengo franceso sus *Margarido de Prouvènço*, que sara legi au Jardin dóu Lussembourg, au moumen de parti pèr la fêsto de Scèus.

II. — COUNCOURS CLASSI

(reserva escassamen is escoulan dóu Miejour)

Uno medaio d'argèni sara baiado, em' un eisemplàri de la *Petite Patrie*, à l'escoulan que pourgira la meiouro traducioun en proso miejournalo de la fablo de Flourian : *La carpe et le carpillon*.

Avis

Lou Felibrige de Paris fai assaupre d'avanco que lou pres dóu Menistre pèr l'an que vèn, sara decerni au meiour estudi en proso franceso sus d'aquest sujet : *La pouësio patrioutico en lengo d'O à l'epoco de la guerra de 1870*.

III. — COUNCOURS ARTISTI

A. — *Dessin* — Un óujet d'art, óufert pèr lou Menistre di Bèus-Art, sara douna au meiour dessin retrasent uno sceno prouvençalo tirado dis us loucau o dis obro d'un escrivan de lengo d'O.

B. — *Esculturo*. — La memo recoumpènsa sara decernido à l'escultour que trattara lou miés lou sujet sobre-di, pèr lou dessin.

C. — *Musico*. — Uno medaio de vermèi à la meiouro coumpousicioun musicalo sus la *balado* de Ravous Ginesto de *Jan-di-Figo*.

Li mandadis déuran èstre fa, avans lou 15 de mai, à M. Sextius Michel, présidènt, 54 bis, carriero Violet, pèr li concours literari, classi e musicau, e, avans lou 31 mai à M. Amy, escultour, 55, avengudo d'Orleans, pèr la targo artistico.

LENGADÒ

Li Jo Flourau de l'Escolo moundino se tendran à Toulouso au mes de Mai.

De flour d'or, d'argènt, de medaio e d'oujèt d'art saran decerni i vincère.

PROUGRAMO :

1. — **POUËSIO LENGADOUCIANO** (*parladuro de Toulouso e di terraire vesin*)
1. Sujèt legendàri o istouri, libre ; 2. Pouësio de gènre ; 3. Sounet ;
4. Teatre ; 5. Conte poupoplari.

II. — PROSO LENGADOUCIANO :

1. Sujèt legendàri o istouri, libre ; 2. Estudi sus un escrivan lengadoucian ; 3. Conte poupoplari ; 4. Teatre ; 5. Libre de tradicioun poupoplari ; 6. Gloussàri loucau.

III. — **POUËSIO** (en touto autre parladuro dóu Miejour).

IV. — **PROSO** id.

V. — **JO PÈR LIS ESCOULAN** de Lengadò, de Gascougn, de Rouergue, dóu Quercy e dóu païs de Fouis.

*** COUNDICIOUN**

Lis obro mandado déuran èstre inedito e li concurrènt déuran n'en manda tres eisemplari au secretari de l'Escolo moundino, 7, carriero Lakanal, à Toulouso, avans lou 31 dóu mes de mars.

— La soucieta arqueoulougico de Béziers, dins la sesiho publico que tendra lou dijòu de l'Ascension, 14 de mai venènt, decernira :

1° *Un courouno de lausé d'argènt à l'autour d'un travai istourique, biographique et arqueoulougique pretoucant lou Miejour de la Franço, tira, autant que pouossible, de doucumen óuriguau ;*

2° *Un rampau d'oulivié d'argènt à la meiouro pèço de vers en lengo neo-roumano.*

Touti li dialèite dóu Miejour de la Franço podon prene part à la targo.

N. B. Lis autour aurau de segui l'ourtougrafo di troubadou e jougne un gloussàri à sis obro.

3° *Un rampau de chaîne* en argènt à lou meiouro pèço de vers francés.

La Soucieta pourgira de mai — s'es necite — de medaio de brounze, d'argènt e de vermèi, is obro que lis aurau meritado.

Li sujèt tratant de la poulitico e de la religioun soun foro-bandí dóu cœncours.

Aquéli que, dins li cœncours de pouësio *franceso e prouvençalo*,

auran davera lou rampau argentau pourran plus councourre dins la memo tiero.

Lis obro pèr lou councours saran pas signado. Auran d'estre es-cricho legiblamen e mandado en doublo còpi e franc de port, avans lou premié d'abriéu venènt, à M. Antounin Soucaille, secretari de la Soucieta, avengudo de la Republico, 1, Beziés (Erau).

Li memòri e pouësio pourtaran uno epigrafo repetido dedins emai peréu en sobre d'un ple cacheta tenènt, emé lou noum e la demoro de l'autour, la declaracioun que soun inedi e que soun esta presenta en ges d'autre councours.

Li manuscri saran pas rendu e li laureat que noun pourran assisti à la sesiho de la fèsto soun prega de faire prene si joio au secretariat de la Soucieta.

— Autro targo pèr Béziés, la vilo astrado pèr lou mantenemen de la lengo.

Lou premié dimenche de mai, la Soucieta literari e artistico dou-nara de medaio d'or, de vermèi, d'argènt e de brounze i pouësio en nosto lengo que iésaran mandado avans lou premié d'abriéu — tous li sujet soun libre e li pèço se devon manda à M. J. A. Favre, avengudo de Bedariéu, 8, à Béziés.

Catalougno

— Li sèt mantenèire di Jo Flourau de Barcilouno vènon de publica lou *Cartell* pèr l'an 1896, que porto l'atribucion de tres pres ourdinàri emai uno bello tiero de pres estraordinàri, que s'ajudicaran lou premié dimenche de mai, 3 dòu mes, e ounte soun amés tous li parla dòu Miejour de la Franço.

Lis obro mandado auran d'estre en man dòu secretari dòu Consistòri, carrer de Gignas, 39, à Barcilouno, avans miejour dòu 1 d'abriéu venènt.

— Lou retard d'aquest numerò vèn d'un malaise subre-vengu à nostre direitor, que despièi mai d'uno mesado a de doulour rau-matismalo à la man drecho.

— Lèu-lèu mandaren un numerò double (febrié-mars) que clavara lou tome IX.

Lou Gerent : Jan Monné.

CROUNICO

LOU MAJOURAU MARIUS BOURRELLY

Dins la niue dóu 14 de mars, sus li dès ouro de vèvre, es mort, à Marsiho, En Marius Bourrelly, majourau dóu Felibrige.

La Prouvènço e lou Felibrige an pres lou dòu, que perdon en éu, l'uno, un siéu afeciouna mai-que-mai, e l'autre, un cepoun valènt, un luchaire apassiouna, un cor d'elèi.

* * *

I'avié déjà quauquui mes que noste paure coumpan èro magna : d'abord, i'èro vengu coume uno nèblo sus lis iue, e acò i'èro arriba subitamen. Un jour, sourtènt, coume à l'acoustumado, de soun oustau, 7, carriero St-Miquèu, pèr ana querre soun journalet dóu matin, à la plaço de la Plano (1), qu'es à dous pas de sa demoro, aquelo neblasso ié passè sus lis iue : em' acò, noste paure ami se perdeguè, atrouvant plus sa carriero.

Alor coumençè pèr noste coumpan uno vido d'angouisso e de tristesso, éu que passavo la majo part de si journado dins lou dous coumèrci di muso, que s'agradavo d'escriéure si vers e de li liga poulidamen dins si manuseri, fuguè, subran, dins la privacioun dóu

(1) Plaço Sant-Miquèu.

plus grand soulas de sa vido, de la meiouro de si joio, e visquè plus que dins la siavo countemplacioun de si pantai.

De moumen que i'avié, uno esluciado passavo dins sa niue : éro quand s'atrouvavo dins sa meisoun de Pourciéu, e que lou gënt abat-felibre Leoun Spariat, que n'es lou flame curat, se fasié un plesi de ié servi de secretari. Alor, lou cor de Bourrelly se desgounflavo, d'enterin qu'uno man amigo escrivié si vers.

D'autri cop, dins li draïdu dóu campèstre ama, d'aquelo viloto dóu Var que n'éro esta lou maire afeciouna e que tout lou mounde i'ero devot que-noun-sai, lou vesias, au bras de soun secretari d'un moumen, s'espaca pèr béure l'aire sanitous e lou prefum ou-dourous di ferigoulo e dóu mentastre, que venien, à bël esprèssi, de la mountagno dóu Mount-Venturi, pèr embauma soun amo.

D'enterin, uno autre doulour avié pougnegu soun cor. Sa bravo cousinino, que, dempièi la mort de sa gënto fremo, ié dounavo de siuen, èro morto peréu, e n'avié ressentí uno grando tristesso e un inmense desaire.

Pamens, dins aquélis auvàri que lou giblavon, avié garda sa serenita e soun imour coustumiero ; e, mau-grat uno ataco que l'ero vengu matrassa, s'èro releva superbamen, retroubant si forço e touto sa lucideta d'esperit, e, quand sa visto semblavo s'esclarigi e qu'aquéu martire, tant malamen ensucant, avié fisanço de se n'en despegouli, alor que l'espèr floutejavo, ié bresihant sa fresco aubado, just, vès aqui que la mort èro aqui, la traito, que, sournarudo, alestissié sa daio, pèr sega sa vido bello.

Lou 12 de mars, dins la matinado, que soun cousin èro ana à sis obro e que la meinagiero avié davala pèr lis asaire de l'oustaü, Bourrelly se vouguè leva e, pechaire ! toumbè coume un plot : uno nouvello ataco lou venié d'ensuca, e quand arribèron li gënt de l'oustaü, que lou tireron d'aqui e lou couchèron, ai ! las ! couneissié plus e n'éro tout paralisa. Tres jour de tème si soufranço durèron e rendeguè pièi soun amo à Diéu, emé lou secours religiouis e servènt que ié pourgiguè lou felibre-curat de Pourciéu, Leoun Spariat.

* * *

Lou dimenche 15 de mars, à la proumiero ouro, anerian lou vèire e l'atrouverian sus soun lié, dourmènt soun darrié som, e

lis ouro que passerian à soun coustat, ai ! las ! que fuguèron tristo e matrassanto !

* * *

Es lou cas de bouta eici sa proufession de fe, que bandiguè, emé soun entousiasme qu'a jamai fali, dins lou banquet sant-estelen, tengu en Avignoun lou 13 d'avoust 1894 :

« I'a mai de cinquanto an que, dre, sus lis emparo,
Soudard dóu Felibrige e Prouvençau fidèu,
Coubate pèr l'ounour, la glòri dóu drapèu,
E res m'a jamai vist en foro de si raro.

« Ai toujour defendu e la defende encaro
Nosto Causo sacrado. En sourtèn di banèu,
La Muso m'ensfadè e m'a 'nsada 'njusqu'aro,
De-bado lis ivèr agon blanqui mi péu.

« La fe m'a persegui desempièi moun jouine age,
Ei la fe que soustèn e douno de courage,
Abro dins neste cor lou fiò sèmple cremant.

« Li plus bèu de mi jour, li dève au Felibrige ;
Ai franqui lis estèu, travessa lis aurige,
E mourirai emé soun drapèu à la man ! »

Ansin es mort, luchant de-longo pèr la Causo, — li joio de si fraire èron si joio, fasié siéu li triounfle dis autre, urous e tre-fouli de tout ço que venié enlusi l'obro felibrenco e soun espan-dimen.

Naturo d'elèi e travaire infatigable, s'èro atala à la traduciou di Fablo de Lafontaine e l'avié menado à bèn ; long pres-fa, qu'e-mé lis atour e lis asabulacioun vesti à la prouvençalo, avié fort bon biais, e qu'avié publicado en douz fort voulume.

Éu, que lou teatre i'èro couneigu coume se pòu pas mai, e qu'avié, en estènt regisseur dóu « Gymnase » de Marsiho, fa re-presenta tant e tant de pèço franchimando, qu'avien agu proun favour, avié pas manca d'emplega la lengo prouvençalo pèr n'en escriéure d'autro, e n'l'a un vintenau dins si papié, emai ague adeja publica : « La carreto dei chin », « Tres galino pèr un gau »,

« Lou Sicilian de Mouliero » e « Lou Vergié d'óulivié, » que se vèn de jouga à-z-Ais dins l'ate di fèsto de Peiresc.

Sis obro : *La vido d'uno Gourrino, Lei Cigalo, Lei Coungrès*, estampado e chabido i'a tèms, e soun darrié voulume, *Cigau e Cigalo*, recuei de cansoun qu'a vist lou jour pau tèms avans l'auvàri qu'èro avengu à noste ami, e qu'avié tant gentamen semoundu en tòuti aquéli que i'agradavo de lis agué, soun li souleto que se fugon estampado e que podon coumpta pèr un vintenau de milo vers, emai passo, pres sus li dous centenau de milo que Marius Bourrelly nous laisso.

E vès-eici la bello tiero de si manuscrit, que tèn dès-e-vue voulume : *Asmoudiéu, Lou rès d'aiet, La pourido Catarino, Estello e Orlando furioso*, que soun de pouèmo ; si recuei de conte coumprènon : *lei Bagasso, Un barriéu d'anchoio, li Contes de Lafontaine*, revira en prouvençau ; *Lei Pouciéurenc, lei Cascavèu*, e dous voulume de sounet : *Lei machoueto*, tenènt 388 sounet, e *L'empéri dou soulèu*, qu'es la Prouvènço messo peréu en sounet ; i'a, pièi, *lei Gabian*, qu'es uno mescladisso, e *Lou Mantèu d'Arlequin*, que coumpren quinge obro dramatiko.

E tout aquelo superbo pousito, emai sa biblioutèco, qu'assiéunavò tant bèn, n'a fa douno à la « Méjanes » d'à-z-Ais, amor qu'es à-z-Ais qu'èro na, en 1820.

* * *

En 1879, pèr Santo-Estello, tengudo en Avignoun dins la salo di Templiers, lou Counsistòri lou noumè sendì de la Mantenèço de Prouvènço, en plaço d'En Teodor Aubanèu que, davans tòuti, lou benastruguè poulidamen de si nouvèlli founciou. Lou 1 de febrié 1880, lou nouvèu sendì acampavo la Mantenèço en Avignoun, l'an d'après la menè à Touloun e, en 1882, en coumpagno de Frederi Mistral, anè coustituï, à Niço, l'Escolo de Bellanda, qu'avié flouri souto l'asflat d'En Leandro Sardou (que Diéu repause !) e que nous dounè, à-n-aquelo óucasioun, de fèsto magnifico.

Si sucès en tòuti li Jo Flourau ié saguèron decorni lou titre de Mèstre en Gai-Sabé, enterin qu'èro membre de tòuti li Soucieta savènto dou Miejour e que l'Acadèmi d'Ais ié decernissié lou titre enveja de membre courrespondènt.

E pièi, en seguido de la bello escourregudo que saguerian, alor que lou celèbre ministre de Roumanio, Aleissandri, venguè i fèsto de Fourcauquié emai au roumavage de Gap, ouni l'Escolo de la Mountagno saguè flòri, Marius Bourrelly èro esta nouma chivalié de la courouno de Roumanio.

Em' acò, lou dilun 16 de mars, sus li tres ouro de tantost, li majourau En L. de Berluc-Perussis, representant l'Acadèmi dis Art e Bèlli-Letro d'Ais ; En Francés Vidal, cabiscòu di Laren ; En Louis Astruc e En Jai. Monné, vice-cancelié dòu Felibrige e secretari de la Mantenèço prouvençalo, segui d'uno troupo de felibre, entre li quau avèn remarca Dono Lazarino Negre, Aguste Gautier, secretari de l'Escolo de la Mar ; l'abat Leoun Spariat, curat de Pourciéu ; L. Margayan, Louis Roux, etc., etc., emai uno delegacioun de la Soucieta di Troubaire marsihés, fasien courtege à soun coumpañ regreta.

Lou Counsistòri felibren avié semoundu uno courouno de regrett emai peréu l'Escolo de la Mar, de Marsiho ; e, en estènt que lou cors devié èstre enterra lou dimars matin, à Pourciéu, après li cérémoni de la glèiso, lou courtege s'es adraia vers la garo ; aqui, En Jan Monné, delega pèr lou Capoulié, au noum dòu Felibrige, a parla coume seguis :

DISCOURS D'EN JAN MONNÉ

CAR AMI,

Eici, en fâci de la Prouvènço que plouro ta mort, vole dire, ieu, e davans tóuti aquéli que t'an ama, ta fidelita d'aposto e toun ardour pèr lou reviure de nosto parladuro, fidelita e ardour que passon tout e n'an ges d'egalo. E d'aquelei dos vertu superbo, s'apielant sus tis escri noumbrous, n'l'a-ti pas de soubro pèr marca ta plaço dins lou libre d'or de nosto rencissènço ?

Despièi lou *Coungrès d'Arle* de 1852 e lou *Roumavagi di Troubaire* de 1853, ouni Roumanille — aguènt adeja l'idèo d'auboura un tèmple à la lengo prouvençalo — avié groupa tóuti li cantaire dòu Miejour, as toujour segui si piado, rambla souto sa bandiero, e dins tis ate, dins tis escri e dins ti paraulo, as de-longo mantengu, autamen e fieramen, la noblo deviso de nosto Soucieta :

“ Sian tout d'amì, sian tout de fraire ! »

Aquelo lengo, qu'amaves apassiounadamen e qu'emplegaves emé tant de biais e que gaubejaves em'un tant flame gaudi, aquelo lengo que viraves coume vouliés, pèr ié faire dire cansoun, sounet, odo, galejado e coumèdi, aquelo lengo sara ta glòri.

Tóuti li tèmo, tóuti li sujet li fasiés tiéu, e zóu ! à bel eissame, mandaves ti rimo e empielasses de manuscri que fasien toun ourguei e ti delice, tu, que lou mèstre-Capoulié avié subre-nouma *Bourrelly-Atlas*, pèr marca l'auto mountaho de ti trobo pouëtico ; tu, qu'aquéu fais noun èro grèu pèr tis espalo roubusto ; em'un asougamen de jouve, nargant lou pes dis an, courriés li targo mie-journalo e agantaves, en tóuti li gaiardet di Jo Flourau, li joio e medaio que courounavon toun pres-fa, d'enterin que, mèstre en Gai-Sabé, fasiés parèisse ti Fable e toun *Cigau e Cigalo*, ounte es tant en-de-bon de bousca la joio douço e lou rire galoi.

*La Muso
M'amuso,*

disiés ; em' acò, naturo franco e simplò, la Muso èro lou soulas de ta vido, e i'atrouvaves dins sa breseo lou mèu qu'adoucissié ti doulour, la gau que te fasié lou cor tant bon, lou sourrire esquist que te gagnavo lis ami, la voues atrivarello qu'estacavo au tiéu lou cor di fraire.

E, iuei, emé tóuti aquéli vertu que raiounon sus ta bello vido, t'en vas dourmi, alin, souto aquélis óulivié, ounte t'espèro ta douço e gènto compagno, ounte ausiras, o cigalo dóu Mount-Venturi, lou resson dóu cant estiven di cigalo, e ounte vendran peréu à tis aurihò, coume uno caresso amigo, lou murinur di picamen de man que la vilo d'Ais, rèino abelano, dounara à toun *Vergié d'óulivié*, que i'a fa prouado !

E — regardo un pau coume van li causo, — just-e-just, iuei, que t'acoumpagnan, bèl ami, à ta demoro darriero, just-e-just s'atovo qu'este vèspre deviés èstre à-z-Ais, pèr assisti à toun triounfle, que toun « *Vergié d'óulivié* » se ié devié representa davans tu, amor que li Laren, tant asouga e que l'amavon tant, se voulien coungousta de toun bonur en te semoundènt la courouno degudo à toun obro gènto !

Ai ! las ! coume li plus bèu pantai s'esbarboulon e coume li rai li mai trelusènt s'esvalisson ! L'on dirié que la vido n'es qu'un pantai, que s'acabo just quand la toumbo s'entre-duerb pèr nous engouli !

E bèn lou disiés, tu, ami car, dins toun *Eloge de Roumaniho*, — quel eloge que te gagnè la medaio d'or de la Mantenènço de Prouvènço i Jo Flourau laren dóu 30 de juliet 1893, — medaio que la Mantenènço te devié proun, tu qu'ères ana pèr elo, bèu sendi, planta la bandiero felibrenco à Touloun, emai peréu sus la tourre de Belanda, à Niço.

« *O noueste paire !* disiés, poues dourmi en pas, aro que toun obro, l'obro de touto ta vido, es acabado e toumbado en de bouénei man. As fa sourti Lazàri de soun susàri, e la muso prouvençalo que voulastrejavo dins ta chambret lou jour de ta neissènço, s'es enaurado emé tu vers lou cèu. Lou Felibrige es devengu grand e souert, as founda soun empèri, l'empèri dóu soulèu ! As vist ressuscita, coume dóu tems de Clemènço Isauro, lei Jue Flourau, lei Court d'Amour e lei Troubadour, qu'avien de rèino, mai bessai pas tant poulido e agradivo que lei nouestro. Qu'es que poudiés desira de mai e que plus bèu pantai poudiés faire ? Car, dins la vido, tout es pantai ! »

E, se d'aquéli paraulo, proun n'i'a que te pourrien èstre aplicado à tu-meme, es sobre-tout aquéli pretoucant lou pantai que fasié Roumaniho, que peréu bressavo toun esperit ; e aquéu pantai trellusent, èro de vèire l'obro de reneissènço miejournalo prene racino dins l'ano dóu pople ; e acò, l'avès vist tóuti dous, e de-segur es esta la melico de vòsti darríe moumen : voste pantai èro de vèire que, se la mort toumbo malamen li premié luchaire, la jouvènço es aqui que s'alando e que mounto, ardènto e fiéro, pèr manteni l'obro di Mèstre ; car la jouvènço es l'aveni ! E l'aveni de vòsti raive, l'aveni lumenous e flòri, es nostre, d'abord, que la superbo e fougoso jouvènço es emé nautre, e mesclo soun amo à la nostro pèr ploura vosto mort !

E aro, ami, me soubro plus qu'à te douna, au noun dóu Cun-sistòri e dóu Felibrige tout entié, lou triste adessias de la des-partido ! Me soubro plus qu'à te crida, — à tu que cresíés à-nuno autre vido — noun adiéu, mai au revèire ! Au revèire, amount, dins li planuro de Santo Estello, ounte nous acamparen tóuti, pèr felibreja en ounour e glòri de la lengo prouvençalo e de l'amour di fraire, e ounte cantaren, à plen cor, l'inne dóu triounfle, óublidous que saren de la vido, de sis espino e de si lagremo, óublidous, sobre-tout, d'aquélis ouro marrido ounte l'amo s'estrasso,

ounte lou cor sauno, ounte lis iue soun gounfle d'amaresso,
coume, iuei, que plouran un ami, un fraire, un tros de nosto
amo.

Adiéu, Bourrelly !

Adiéu, ami !

Es, pièi, En Louis Astruc qu'a pres la paraulo, au noum di
Maren :

DISCOURS D'EN LOUIS ASTRUC

« Au noum di Felibre de la Mar, vène porge lou suprème salut,
vène douna la darriero brassado au majourau Marius Bourrelly.

La mort d'aquéu troubaire fegound, d'aquéu travaiaire sèns re-
lambi que Mistral apelè un jour Atlas, es encaro un ensignamen
vesible de la puissanço d'Amount : éu, lou vièi Atlas, sèmpre ga-
loï, sèmpre verd souto lou pes de centeno d'obro de touto merço,
souto lou fais de centenau de milo vers que coumtavo plus, te-
nès, lou vaqui, — éu que la Muso amusavo, — fré, meditatiéu e
mut pèr l'éternita !

Lou Felibrige perd, emé Bourrelly, uno di fisiounoumo li mai
diverso e li mai persounalo, despièi la galejado e la cansoun fin-
qu'i gènre qu'an adu à la pousterita li noum de Lafontaine e de
l'Ariosto ; e l'Escolo marsiheso perd lou darrié cepoun qu'emé li
Gelu, li Bellot, li Chailan, li Desanat, garderon dins lou pople,
à nosto reneissènço, la flamo vivo, l'amour ardènt de la lengo
dou bres, d'aquello lengo que, vuei, souto sa vièio gàrdi, mounto
que mai-en-mai en glòri !

Adiéu, Bourrelly, o miés au revèire, car noun se pòu crèire que
tant d'esperit, que tant de bono voio siegon coundana à l'inespli-
cable e eterne mutige.

Partes plus lèu, vaqui tout, pèr de nouvelli felibrejado e, vers
Santo Estello, emé li bon e vièis ami que t'an precedi, alestissè
la felibrejado sublimo, la felibrejado divinamen pouëtico, la felib-
rejado que n'aura jamai de fin. »

A Pourciéu, lendeman matin, tout lou pople èro sus pèd, pèr
rèndre un óumage supreme à soun pouèto regreta. Li chatouno
avien agu la piouso e artistico pensado de trena uno liro magni-

fico, emé li vióuleto qu'avien culido dins lou bèu pargue de M. de l'Éohou.

Davans lou cros, lou curat Spariat, l'arderous felibre, a fa l'elogie de Marius Bourrelly en paraulo enauranto, esmougudo e mai que pouëtico ; pièi, En Francés Vidal, au noum di Laren, a fa lou darrié salut à la Cigalo dóu Mount-Ventùri. Lou cabiscòu laren, que representavo peréu is óussèqui li *Méjanes*, que n'es lou flame biblioutecàri, a gramacia peréu lou paure mort de la douno magnifico qu'a sachò à la vilo d'Ais.

O, Bourrelly, li Pourciéuren t'an douna à tu, soun ancian maire, uno superbo provo de soun afecioun, que louti t'amavon e te veneravon ; e, naute, esmougu e plourant davans toun cros, que se vèn de barra, o car ami, te mandan nòsti pensado entristesido, pèr afin que te brèsson dins ta grand som, en esperant lou re-viéure de l'autro vido.

LA CIGALO DÓU ROUSSIHOUN.



LI NOVO FELIBRENCO

PROUVÈNÇO

— Lou 8 de janvié, lou Felibrige de Paris a tengu sesiho, pèr renouvela soun Burèu pèr l'an 1896.

A l'unanimeta, lou majourau En Sextius Michel es esta reelegi président ; Jùli Troubat, Ougèni Garcin e G. Niel soun esta nouma vice-président ; Ernest Plantier es tourna-mai tresourié ; M.M. Fernand Hauser et Roux-Servine soun mantengu dins si founctioun de secretari, emé M. Amy fiéu, pèr secretari soubren. Jaume Gardet es esta aclama pèr cancelié, e M. de Barruel counfirma dins si founctioun d'amenistratour dòu *Viro-Soulèu*, emé M. Roux-Servine pèr secretari de la redaccioun.

Tout en remembrant que lou mandadis di pèço, pèr lou councours di Jo Flourau dòu Felibrige parisen, dèu se faire, avans lou 15 de mai venent, à M. Sextius Michel, président, 54 bis, carriero Violet, Paris, dounan lou tèmo de la compousicioun musicalo de la balado de *Jan di Figo* de R. Gineste, que ié pòu agué bravamen de musicaire que noun la couneigon.

BALADO DE JAN DI FIGO

La barnissoto de Prouvènço
Espandis au liuen si rampau :
I'a de viéun, i'a de jouvènço,
Maiano a lou cepoun, Mistrau ;
A l'oumbro dòu castèu papau,
Lou Cascarelet nous coutigo,
Gras nous reviéuto e nous fai gau,
A Paris, avèn Jan di Figo.

E de Perpignan jusqu'à Vènço,
 N'en manco pas qu'aubouron aut
 La bandiero di Mantenènço
Que petejo gaio au mistrau ;
 Pourtant la plumo o lou magau,
 Tóuti, di vilo e di garrigo,
 Se respongdon coume de gau :
 A Paris, avèn Jan di Figo.

Nous es vengu de la Durènço
 Emé lou prefum de si bau,
 Emé la fe di souvenènço,
 Emé lou murmur di cigau ;
 Acò fai rena de badau
Que se regardon l'embourigo
 E qu'amón pas li gran de sau.
 A Paris, avèn Jan di Figo !

Mandadis

Tu, qu'as renega lou terrau
 E que la cresènço boufigo,
 Te pos trufa di Prouvençau :
 A Paris, avèn Jan di Figo.

— Dominique Roman, dóu *Lioun d'Arle*, vèn de publica, encò de Micoulau Jouve, un galant pichot voulume de 160 pajo, qu'a pér ti-toulet : *Muso arlatenco*. Vèn d'estre nouma óuficié d'acadèmi.

— Lou dissate 7 de mars, à la vesprado de gala dounado au teatre d'Arle, pér festa lou passage de M. lou President de la Republico, s'es fa plaço à la lengo prouvençalo. Clemènt i'a debana uno sceno coumico, *Li Gavèu*, emai un *Oumage à Félix Faure*. Brave !

— La Soucieta di *Gens de Lettres*, dins sa sesiho dóu 16 desembre passa, a decerni un pres de 1000 fr. au majourau En Pau Areno. Couràli felicitacioun.

— Au mantenèire Louis Dupuy se vèn de fisa lou secretariat de la coumuno d'Aigo-Morto (Gard). Felicitacioun.

— La traducioun que Dono Thomas A. Janvier, sòci dóu Felibrige, vèn de faire de *Li Rouge d'ou Miejour*, libre prouvençau de nostre capoulié En Félis Gras, vai parèisse à New-York, souto lou titre de

The Reds of the Midi, publica pèr la meisoun D. Appleton et C^o, libraire, qu'es uno di plus counsequènto de New-York.

Ansin, la primour d'aquéu libre qu'esperan emé tant de fernetego, nous vendra d'Americo, bonadi l'afecioun pèr la lengo de Prouvènço de Na Catarino Toumas A. Janvier, qu'a bouda tout soun cor à revira lou manuscri de Fèlis Gras en anglés.

— *La Mandoline* vèn de publica lou paumarés de soun desen councours : n'en tiran çò que pretoco la lengo miejournalo.

Sujèt douna : un sounet sus *Frederi Mistral*. — Premié pres, medaio simili-or, à J. Reynaud ; segound pres, medaio de brounze, à L. Combatat.

Sujèt libre. — Premié pres, medaio simili-or, à I. Dayma, pèr *Dus sounets pèr uno morto* ; segound pres, medaio simili-argènt, à Enri Didier, pèr *Rantai d'ivèr* ; tresen pres, medaio simili-argènt, à Gracian Pons, pèr *Liseta* ; quatren pres, medaio de brounze, à Crouzet Martin, pèr *La vida d'aqueste mounde* ; cinquen pres, medaio de brounze, à Albert Roux, pèr *Un poutoun d'enfant*.

Mencioune dounour à Ange Silvestre pèr *La voute celestiale* ; à L. Fenouille pèr *lou Raive* ; à Numa Fontayne, pèr sa pèço : *Souto un sause dóu vistre*.

Lou youngen councours de *la Mandoline* es dubert. Lou sujet dou-na es *Anfos Daudet*, pèr un sounet.

— Lou 9 de mars, li *Mardistes* se soun acampa à Marsiho, sus l'estiganço d'uno counferènci dounado pèr lou Pai Savié de Fourviero aguènt pèr tèmo lis empressioun de soun vouiage en Angloterro, e seguis eici la galanto letro prouvençalo que pourtavo la counvidacion di *Mardistes* i sòci dóu Felibrige :

« Moussu,

« Pèr faire plesi e ounour ei *Mardistes*, sias counvida, emé vouesto gracióuso famiho, à la vesprado literàri que dounara lou Pai Savié de Fourviero, lou dilun 9 de mars, à 9 ouro, plaço de la Bourso, 1, au premié, souto la presidènci de M. Carle Vincèns, de l'Acadèmi de Marsiho.

« La bén-vengudo sara pèr toutei e lei joio pèr li proumié arriba.

« Amistadouso saludacién,
Lei « *Mardistes*. »

A-n-aquelo sesiho, l'abat Spariat i'a di *La Fèsto de Sant-Aloï* e a ôutengu un flame sucès.

— La lengo prouvençalo tant a tengu sa plaço dins li festo que lou Miejour a semoundudo au President de la Republico, aquesti darriè tems. A Cano, se i'es di un sounet d'A. Richier ; à-z-Ais, la couralo de Santo-Cecilo e l'Ourfeon an fa resclanti uno *Cantato* dóu majourau En Francés Vidal ; à Marsiho, iavié, sus d'arc triounflau, li mot : *Ounour e patrio* ; en Arle, la gènto Millo Louiso Chabot a di un coumplimen à M. lou President, que mèste Eisseto avié vira coume se pòu pas miés.

— A Marsiho, dins la glèiso de Sant-Laurèns, lou bèu dimenche de *Lætare*, la counferènci dóu Pai Savié de Fourviero a trata de la *Casto Suçano*, e la jouvo troupo tambourinarello de mèste Loumbardoun a acoumpagna sus lou flahutet lou moutet pretoucant aquéu tème biblique ; emai peréu an douna lou toun à-n-uno bello tiero d'autri cantico prouvençau, e an fa flòri.

— Lou majourau En Louis Astruc vèn de faire parèisse un estudi de mour prouvençalo : *Tant vai la jarro au pouz*, que nous fasèn un devé de signala.

— Es questioun que lou maire de Pourciéu, lou simpatique M. Al-lard, vau demanda à soun Counsèu de douna lou noum de Marius Bourrelly à la principalo carriero de sa viloto.

— *Lou Vergié d'óulivie*, dóu paure Marius Bourrelly, es espesi is ami, de la man amistadouso d'En Francés Vidal. Es l'óupereto en un ate, que la musico n'es dóu mantenèire Gile Borel, ancian chèfe au 99^{me}, que s'es representado pèr lou proumié cop au teatre d'à-z-Ais, pèr li festo de Peiresc, lou 11 de novèembre 1895. La facileta e lou galant faire de l'autour se i'atrovon poulidamen. Mau-grat lis an e la tristesso qu'enneblavo sa vido, la Cigalo dóu Mount-Ventùri avié bouta dins soun óupereto encaro proun poulit refrin. « *Lou Vergié d'óulivie* » es esta la darriero obro dóu majourau de Pourciéu, coume dirian lou *cant dóu ciéune* dóu pouèto.

— Lou mantenèire Bongarçon vèn de publica, encò de Nicot, à-z-Ais, *l'Histoire d'un bonnet de baptême*, em' aquesti vers pèr deviso :

A ma maire ieu pensarai,
Pichot bounet, quand te veirai.

Es lou recuei piousamen trena de tóuti li vers o letro que i'an manda lis ami, sus lou prepaus di vers poulit qu'avié fa *Au bounet de soun bateja*.

— Lou felibre J. B. Menut, viticultour d'elèi, es esta nouma chivalié dóu Merite agricolo, à l'oucasioun dóu premiè de l'an. Acò i'ero

degu pèr li travai qu'a fa sus la vigno e pèr li pres qu'a davera dins tòuti li councours viticolo. D'aquest moumen, travaio à-n-uno obro curiouso : es un « trata de la vigno, de sa culturo, de si malandro e dóu biais de li gari », en vers prouvençau.

Noste valènt mantenière, que ié trasèn eici tòuti nòsti felicitacioun, vèn d'estre plaça coume regisseur au Castèu-St-Pré, à Brignolo-la-Celo (Var).

— Saludan emé plesi la vengudo d'un galant felibrihoun, encò d'A. Martin, lou felibre de Mouriero despatria dins lis Ardeno, e benastrugan couralamen l'urouso maire.

— La *Revue Félibréenne* vai parèisse lèu-lèu. L'annado 1895 se presentara i legèire en uno souleto garbo, rousso coume l'or, e seguido, o miés acoumpagnado di quatre proumiés espigau de l'an 1896. Osco ! ié vai agué de que se regala, e li lipet aurau pèr se n'en gara l'envejo ! Zóu ! que n'en vèngue d'acò bèu !

— Noste arderous cancelié fai estampa, encò de Lemérre, un nouvèu voulume de vers : *Le livre de mélancolie*. Nous fara gau de saboura tourna-mai lou prefum siave de pouësio que s'eisalo di vers dóu pouèto de *Viole d'amour* e de *Hellas*.

— A l'oucasioun de la vesito de M. lou President de la Republico à Touloun, lou felibre Louis Pelabon, lou pichot-sieu dóu Pelabon autour dóu *Grouliè bèl esprit*, es esta nouma óuficié d'acadèmi.

A Marsiho, peréu, M. Félix Faure a douna li paumo au felibre musicaire J. L. Gozlan, crounicaire musicau au *Picbot marsibès*.

— En Avignoun, saludan *La Viole*, uno génto revistouno que vèn d'espeli e que fai poulidamen plaço i cantaire prouvençau emé *La darriero fueio e Bòumiano*, de Pau Guirand, e *A la Patrio*, de Pau Bourgue, lé souvetan longo vido.

— Sian urous d'anóuncia is ami que lou majourau En Aléssi Mouzin, d'Avignoun, president de l'Acadèmi de Vau-Cluso, vèn d'estre fa óuficié de l'Estrucioun publico. Nòsti felicitacioun couralo.

— Lou dissate 11 de janvié, M. Baumann a douna uno counse-rènci dins la grando salo de la coumunio de Cano, e lou bèu pople avié courregu en foulò, pèr escouta lis estudi e recerco, mai o mens justo que lou counferencié, parlant de la *Provence de Mistral*, a tirado di dos obro mèstro dóu grand pouèto de Maiano : *Miròlo e Calendau*.

— Lou felibre Louis Mourou, qu'èro mèstre d'escolo à Vinoun, vèn d'estre plaça a Signo (Var). Noste mantenière seguis li piado de soun

predecessour, lou felibre Martin, en ensignant lou francés is esoulan au mejan dóu prouvençau, e lou Ministre, qu'aqueù biais d'ensignamen ié fai pas pòu, pareis, ié vèn de decerni uno menciouounou-rablo, en esperant la medaio d'argent que ié fautara pas.

— Lou Pai Savié de Fourviero a tourna-mai, aquest an, entamena si predicanço dis Avènt, dins la cadiero de la gleiso de Sant-Laurèns, de Marsiho. A parla de la valènto *Debora*, de Rut, la glenarello ; d'Ano, maire de Samuel e, aro, es en trin, dins si counferènci Sant-Janenco dóu dimenche e dóu dijòu, de parla de la bello Judi, deslièrarello de Betulio.

— E vaqui tourna-mai li resson lerinen que se fan ausi. Lou brave Pau Grangier, qu'avian enselibri i'a un parèu d'annado, a vougu nous prouva qu'avian pas presica dins lou désert; pèr acò, vèn d'espeli un pichot librihoun, *Li Joïo*, recatant si pouësio felibenco, pleno d'en-vanc, e que dedico à Frederi Mistral en un galant sounet que clavo coume eiçò :

O disciple d'Oumero, es ben voste parla
Qu'a lou nuai la sabour dóu sau e de l'aioli,
Vaqui perque m'agrado e me trufe di fiòli
Que, quand ie parlas franc, baïson si front pela :
Un libre sensò sau es un lume sensò oli.

Li Joïo, dins si 43 pajo, tènon uno odo à Cano, qu'es gentamen sertido, e ounte dis, à la ciéuta souleiouso dis arange d'or :

As de jardin, as d'ouliveto,
Mai que ti chatocno an de veto
Dins si peu roussejant i raioun aboundous,
Sus ta peitriño entre-duberto,
De moufo fresco recuberto,
Faroto, as de rogo e de nerto
Que fas veire en cadun em' un sourrire dous.

l'a peréu *Lis Isclo de Lerin*, que mancon pas de biais ; *St-Ounourat*, *St-Cassian*, *Nosto-Damo de Vido*, entre Mougin e Lou Canet, ounte se vai lou dilun de Pasco ; *Li Gabian*, *Long de la Siagnò*, em' uno tiero de pichòti pèço que nous mostron lou faire de l'autour e lou gènt biais qu'a bouta à maneja la lengo, que, pèr un apredis manejo pas mau, càspì ! Acò proumete pèr l'aveni, e nous es en-de-bon de l'aplaudi, aquéù gènt cantaire di *Soupirs*, qu'emé tant bonogràci a leissa la liro franchimando pèr prene li zamboungu prouvençalo.

— Amable Richier, qu'es peréu à Cano, bibliotecari de la vilo, nous vèn touca l'aubado emé sa *Tambourinado*, qu'estampado en Avi-

gnoun, encò di fraire Aubanel, nous aribo, ardido e ferigoulado, em' uno prefaci de Frederi Mistral.

Avian anóuncia, i'a tèms, lou recuei de cansoun dóu cantaire pou-pulàri Richier ; em'acò, vaqui que noste bèu felibre se bouto en trin e fai clanti si refrin gai e lèri dins lou cèu prouvençau, tant afri di riéu-chiéu-chiéu dóu tambourin, que pòu dire, éu, come lou disié de Tardiéu :

Siéu lou flambèu de Prouvènço
Pèr juga dóu tambourin,
E, d'Avignoun fin-qu'à Vènço.
Counouisson moi gai refrin.
Mai que vèngue un roumavagi,
Zòu, Tardiéu !
Alor bacelli 'mè rági
E jamai lachariéu !...

Richo e bello naturo, inchaiént e galoi, astra pèr canta li causo dóu campèstre, de la terro meiralo, de sa voues calourènto e fortio, nous traïs sa cansoun de *l'Oulivie*, que faguè flòri en Antibo davans lou ministre Rouvier e lis amirau e óuficié de la floto.

E quand es en trin, lèu i'apound *La Cougourdo*, que daverè la medaio d'or i Jo Flourau de Nîmes, douna pèr la *Courge* ; e li *Brando* e lis *Aubado*, seguisson poulidamen, e claus sa garbeto pèr la pèço *A Gutenberg*, que courounerian au councours dóu tresen centenari de l'Emprimarié à Marsiho, e tout acò emé de floureto culido en pleno terro : *l'Amour*, *la Patrio*, *la Terro* emé si fruchò, *l'Autouno* emé si rasin, ounte, plourant la destrucioun d'aquelo fruchò siavo, s'escriido, urous de la veire tourna-mai en abounde :

Poudén culi de pampo, Autouno fourtunado !
Pèr n'en cenchà toun front emé de flour trenado,
O bello Reino dei fru d'or,
Aro, fas mai lingneto e njes tutto ravolio
De mai veire espànai ço que fai nouesto joio ;
Lou rasin, toun divin tresor.

— A pareigu en Arle, dins *le Forum républicain* dóu 14 de mars, li vers de mèste Eisseto que soun esta di pèr Mllo Louiso Chabot au Président de la République.

— Lou *Cantadis sestian*, cantato d'En Francés Vidal dedicado à Félix Faure, vèn de pareisse à-z-Ais.

— A pareigu en Avignoun, encò de Roumaniho, la *Cansoun de la Coupo*, adoubado pèr galoubet, tambourin e piano, de la man dóu mèstre musical e tambourinaire M. Sicard. Osco !

— Lou dimenche 16 de febrié, à Allex (Droumo), M. de Gailhard, president dòu Sendicat agricolo d'aquele coumuno, dounavo is ami uno sesiho musicalo e artistico, emé l'ajudo de l'ourfeon de Rocussus-Grano e di jouvènt que mestrejo tant bèn lou felibre afeciouna Gatian Almoric, de Chabrihan.

Après quauquiu moussèu de cant e de galejado coumico, s'es jouga *Nounanto-nòu*, uno coumèdi dòu mèstre Almoric, que tant bèn gau-bejo aquéu genre de pèço, e qu'es renoumena dins tout lou Dóufinat pèr li coumèdi siéuno que lou publi tant de cop i'a pica di man. Li tipe e tablèu campèstre de sa nouvello obro : *Nounanto-nòu*, soun pres sus lou viéu e an forço agrada. M. de Gailhard a pièi felicita coume se dèu l'autour valènt e lis atour engaubia, en apoundènt aquesti paraulo pretoucant la lengo e que nous fasèn un plesi de repeti :

Le patois, c'est le parler de notre mère. Il se confond avec le murmure de nos ruisseaux, avec les chants de nos bois, avec le souffle des vents et tous les bruissements de la nature. Le patois, comme la cloche du village, nous rappelle notre petite patrie et nous la fait aimer. Jeunes félibles, vous accomplissez une œuvre saine et patriotique en faisant mieux connaître votre langue du berceau, et en lui préparant des triomphes comme celui d'aujourd'hui.

La couralo de Santo-Cecilo e la fansaro d'Allex an apoundu peréu sa noto gaio dins l'ate de la festo, e cadun es esta urous de gramacia l'ourganisaire de la festo, que i'a proumés que sarié pas lou darrié cop que la lengo dóufinalo aurié, coume acò, lis ounour dòu triounfle ! Zòu ! que se fague fiò que dure !

— A Paris, encò de Le Soudier, un asouga di causo miejournalo, M. Enri Oddo, de la Soucieta felibreno de Paris, bibliotecàri dòu Palais-Bourboun, nous descato un tros de l'istòri dòu Miejour e dis us e costumo de Marsiho, en nous debanant superbamen la vido dòu *Chevalier Paul* (1598-1668), un enfant dòu pople, un enfant de res, trouva soutu li paret dòu castèu d'I que, pèr soun envanc, si qualita, si merite e si vitòri sus li corsàri maugrabin, venguè liò-tenènt generaù dis armado naval dòu Levant soutu lou gouvr de Louis XIII e la minorita de Louis XIV, e fuguè l'uno di glòri de la marino franceso, que, coumoula di lausie de la vitòri, d'ounour, de glòri e de fourtuno, mouriguè en leissant tout soun bèn i paure.

Noste vejaire sarié, ansin que l'autour valènt lou prouclamo, sarié que se dounèsse aquelo noblo vido en eisèmple à la jouinesso, e que dins lou grand amour qu'enfioucavo lou chivalié Pau pèr la patrio, ié trouvèsse lou belu qu'enflamarié soun cor de patrioutisme ; e sarié en-de-bon, peréu, que iuei, que s'aubouro tant de mounumen, se n'i'aubourèsse un à-n-aquéu grand luchaire, pèr que sa glòri tant puro e tant esbrihadanto noun s'amoussèsse ansin dins l'oublit.

— Lou Capoulié e uno delegacioun dóu Flourege d'Avignoun soun ana, lou 15 de febrié, à Castèu-Nòu-de-Papo, qu'à la glèiso se ié celebrawo lou bout de l'an de nostre paure coumpai, En Ansèume Mathieu.

— L'afouga majourau L. Constans, proufessour à la Faculta di Letro d'Ais, e qu'estudio, aro, dins li counferènci que fai à la Faculta di Scìenci de Marsiho, lou troubadou marsihés Bertran Carbounèu, es ana, lou 29 de febrié, douna, dins la salo de la coumuno, en Arle, uno counferènci sus li « Troubadou d'Arle e de sis enviroun. »

— A l'oucasoun de la fèsto que s'es dounado, lou 16 de febrié, en Allex (Droumo) emé representacioun d'uno obro dramatico dóu feli-bre Almoric, que n'avèn parla plus aut, M. de Gailhard-Bancel, en seguido di felicitacioun dounado à l'ourfeon de Roco-sus-Grano, apoundeguè quàuqui paraulo, que nous es en-de-bon de reproduire, amor qu'enauron l'amour de la lengo meiralo e de la pichoto patrio ; es la *Crous de la Droumo* que nous lis adus souto aquest titoulet : *Aimez votre patois*, e li veici superbo e fiéro :

Vous l'aimez bien, votre belle langue patoise, et vous avez bien raison de l'aimer ; aimez-la beaucoup, aimez-la toujours !

Aimez-la avec sa mûre énergie et sa douceur si grande ! Aimez-la avec ses beautés, après et rudes parfois comme les rochers abrupts et les crêtes escarpées de vos montagnes, et parfois charmantes et gracieuses comme vos pelouses, qui se couvrent, au printemps, de verdure et de fleurs !

Aimez-la avec sa souplesse, qui se plie aux idées les plus variées, aux sentiments les plus divers, les plus opposés, les plus élevés et les plus naïfs, les plus violents et les plus tendres.

Aimez-la avec sa poésie si forte, si riche, si harmonieuse, si expressive et si colorée, qu'elle semble parler aux yeux en même temps qu'elle charme les oreilles !

Oui, aimez-la, parce qu'elle vous fait aimer davantage votre

pays, vos vallons et vos montagnes, vos coteaux et vos plaines, vos champs et vos demeures; vos demeures, dont elle est comme l'âme, et qu'elle anime en y faisant revivre les souvenirs des anciens, en faisant redire à leurs échos vos sentiments et vos pensées de tous les jours, vos tristesses et vos joies, vos craintes et vos espérances.

Et, en vous faisant aimer tout cela, c'est la patrie elle-même qu'elle vous apprend à aimer; car tout cela, c'est la petite patrie; et les petites patries réunies, groupées, solidarisées, forment la grande, la France, que nous devons aimer de tout notre cœur et servir avec tout notre dévouement!

LENGADÒ

— Li Felibre de Lengadò an demanda au Counseu Municipau de Mount-Pelié, l'alouacioun d'uno soumo de 500 fr., pèr èstre counvertido en joio pèr li Jo Flourau de 1896.

— Lou felibre Leopold Bessiere, de Ceto, membre de la Mantenènço de Lengadò, es mort subitamen lou 18 de febrié.

Li felibre cetòri, J. E. Castelnau, cabiscòu de l'Escolo, Jousè Soulet, Dufour e Galiber, e Fruchier, de la Mantenènço de Prouvènço, representavon lou Felibridge à soun enterramen.

Au cementèri, Castelnau a pres la paraulo, e sa voues pretoucant e enaurado a esmougu li cor de tóuti, en prouclamant li vertu d'aquel umble pouèto pouplàri.

— Urous sian de saluda lou reviéure e la recoustitucioun de la redaccioun de la *Campana de Magalouna*. Longo-mai fague resclanti si gai t'rignoun sus lou Clapas.

— Lou majourau En Camiho Chabaneau, proufessour de literaturo roumano à la Faculta di Letro de Mount-Pelié, vèn d'èstre nouma chivalié de la Legioun d'ounour. I'a tems qu'aquelo distincioun èro degudo e que la souvetavian au savènt felibre.

-- En souscripcióun encò de l'autour, à Vilo-Novo (Auto-Garouno) emai dins li burèu de *Le Gril*, 5, balouard de la Garo, à Toulous : *Cants moundis*, recuei de vers lengadoucian dòu felibre Pau Vié, que recomandan is amaire di letro miejournalo.

— Lou majourau En Gastoun Jourdanne fai estampa, d'aqueste moumen, un libre qu'a pèr titoulet : *l'Evolution félisbrénne*, e ounte sara countado l'istòri félibrenco despièi 1854 enjusqu'à iuei.

— Lou même majourau vèn d'estre chausi pèr l'Acadèmi de Clemènço Isauro, pèr faire l'elogie de la *Muso moundino* à la fèsto di flour dóu mes de mai venènt, fèsto que se dounara, aquest an, dins lou palais d'Assezat, qu'apartenié, à tems passa, à la réino Margarido de Navarro, e que M. Ozenne n'a fa douno à la subre-dicho Acadèmi.

— A parti dóu 1 de febrié, la *Terro d'O* se publico en biais de revistouno. Es mai agradiivo ansin, emé sa novo vestiduro ; un journal es cop d'asard se noun se n'en perd quauque numerò : uno broucaduro se gardo emé mai de siuen. Nòstis ami de Toulouso fan fiò que duro, e aplaudissèn à la bello réussido de soun obro.

E, peréu, *Lo Cobreto*, en Auriha, a quita d'estre un journalet pèr deveni uno broucaduro mesadiero, à 0 fr. 15 lou n°. Sa trasfourmacion dato dóu 7 de janvié, lou premié de sa segoundo annado. Es, aro, uno galanto publicacioun que fai gau de tout biais.

— Signalan l'aparicioun de l'*Olmonat d'Oubergno*. Lou fau demanda à l'estamparié Mouderno, en Auriha ; pres : 0 fr. 50.

— *Suvencioun de l'Escolo Audenco*. — L'Escolo remembro is escrivan que douno, segound que si sòu ié permeton, de suvencioun is autour d'obro felibreno.

N'i'a proun, d'eici, d'eila, quauquis-un que i'an demanda uno part de si dardeno, sènsa agué l'us de jougne soun obro à sa demande. Acò passo la rego ; coume fau-ti que s'adoubon li bràvis Auden, pèr juja de l'obro ?

Es necite — e acò vai sènsa dire — de manda, en même tems que la demando de suvencioun, douz eisemplàri de l'obro à M. Jourdanne, secretari de l'Escolo Audenco, à Poulhariez, toucant Carcassouno. A mens que lis obro noun noun s'ameriton rèn, l'Escolo s'agradara toujour de li chabi, en li croumpant pèr sis archieu.

— G. Visner, lou *lauraire de cap del Gril*, que nous avié douna *Le Ramel païsan*, ounte avié moustra sa grando afecioun de la lengo meiralo, vèn tourna-mai de nous pourgi un autre voulume : *le Mes-cladis moundi*, ounte, coume lou titre lou porto, soun en bello mes-cladiso li tradicioun toulousenco, li conte e li cansoun, li rire e li plagnun. Passo dins li trobo de G. Visner quicon que vous empougno au cor e que vous dis la grando ardour que l'enfioco pèr lou mante-nemen dóu parla moundin. L'obro que fai es eicelento pèr enserta dins lou cor dóu pople l'amour de sa lengo, e, segur, es meritòri pèr l'afougamen que ié bouto. Lou grani que semeno espigara, e la meis-soun, que sara bello, noun pòu qu'aprouficha i felibre moundin.

Quand avès legi lou libre, atrouvas un *menudet epilogo*, en un sounet que dis tout l'ourguei de l'amo fiéro de soun parla meirau, e que se clavo coume eiçò :

Digos, lectou, s'a la mourino ou 's morto
La lengo, atal, qu'esplandis mai qu'uno orto
Le flourejal de milantos broutous ?

Bejan, saplens, s'en sabets de pus blouso,
Per raceja de la des Troubadous !
Per parla d'or ! tal que la de Toulouso !!

E l'obro es seguido d'un leissique di loucucioun e mot que s'aliuenchon di mot courrènt e que soun segui di sinounime plus franchimandeja, pèr afin de li faire coumprene en aquéli que li mot de la lengo i'an escapa e que lis an chanja pèr de mot francés vesti à la moundino ; n'i'a tant, à l'ouro d'uei, dins tout noste Miejour, que chanjon de bon argènt pèr de mounedo fausso !

— Lou 26 de febrié, en assemblado, li Felibre dóu Clapas an arresta lou prougramo di grand Jo Flourau de Lengadò e de la Court d'Amour, que se tendrán à Mount-Pelié, dóu tèms di fèsto de l'espausicioun.

PROUGRAMO DI JO FLOURAU

Pouësio. — Sujèt impausa : 1. Pèço de vers en ounour dóu Lengadò ; 2. Aubado i dono di plaço de Mount-Pelié ; 3. Cansoun sus la Grisetò.

Proso. — Sujèt impausa : 1. Un conte sus li courso de biòu ; 2. Descripciou d'un rode miejournau ; 3. Charradisso d'un païsan dóu Miejour sus la necessita di liberta coumunalo ; 4. Dissertacioun sus d'aquest témo : « Après sa reconciliacioun, au castèu de Miro-Vau, emé sa dono Mario de Mount-Pelié, Pèire d'Aragon e sa mouié fan soun intrado à Mount-Pelié sus lou meme chivau : d'aqui l'ourigino de la danso dóu chivalet. » (Vèire *Histoire de la commune de Montpellier, de Germain*, t. I, chap. VIII, p. 247).

Councours classique. — Councours pèr lis escolo primàri. Traducioun en proso d'aquesto fablo de Lafontaine : *L'hirondelle et les petits oiseaux.*

Councours pèr l'ensignamen segoundàri, classo de gramatico. — Traducioun en proso d'aquesto pèço d'Ovide : *Philemon e Baucis*, despièt *Haud procul kinc stagnum* enjusquo à la fin.

Classo di letro : Traducioun en proso dóu passage d'*Iphigenie à Aulis*, d'Euripide, que vai dóu vers 1211 au vers 1253.

Classo superiouro : Discours sus d'aquest témo : « Lou comte de Toulouso, dins uno vesioun proufetico, mostro au pople que la guerro que ié fai Simoun de Mountfort, mete en dangié la naciounalita miejournalo. » (Vèire *Calendau* de F. Mistral, cant 1, noto 2)

Lis autour que voudrien trata aquéu sujet au poun de visto mountpelieren, podon coundsulta *l'Histoire de Montpellier*, tome 2, chap. 9.

Councours pèr l'ensignamen superieur : Traducioun franceso, en vers o en proso, dóu *Planb* de Guilhem, mounge de Beziés, sus la mort dóu viscomte de Beziés, tua en 1209 davans Carcassouno, en coumbatènt Simoun de Mountfort.

Lou tèste d'aqueu *Planb* s'atovo dins Raynouard : *Cboix des poësies des troubadours*, t. 4, p. 46, e dins G. Azaïs : *Les troubadours de Béziers*, p. 122.

Lis escoulan de totti lis Universita de Franço e aquéli dis Universita estrangiero podon prene part à-n-aquéu councours.

Councours artistique. — 1. Metre en musico l'*Inno al soulelb* d'Auguste Fourès, qu'es en tèsto dóu libre : *Les cants del soulelb*, d'aqueu felibre, e que dounan eici dessouto :

Salut, salut, ô boun sonlelh,
T'agachi sèns cluca l' perpehl !

Grand creatou fier e visible,
Cassaire de l'escur terrible,

O soulelhas, es le soul Dieus !
Fas graits e filhos agradius.

Autisme de la Raço bruno,
Esperdigalhos la Vielhuno.

Jouve toutjoun e toutjoun fort,
Fas sourti l'Amour de la Mort.

O tu le joun, emplenos l'aire
De lux e de gauch, tu, le paire,

D'aiceste globe terraigat,
Tenes les chots à l'amagat.

E mai sèns t'alassa regalos
Las lausetos e las cigalos !

O t'almi, soulelh treluzent,
Embabarilhant e rouzent !

Te bevi, tu qu'es l'ambrouslò
Embriaigant de pouëslò.

Coumo les salvatges africs
E les nostris poples antics,

T'alimi, *Dèva* de Zourouastre,
O tu, superbe e magic astre

Des Engenhs e mai des Pacans
Qu'as fait esplandi les mieus cants !

2. Faire un dessin retipant un musicaire pouplàri dòu Miejour (tambourinaire, aubouissaire, cabretaire, etc.)

Li pèço dèvon èstre adreissado, dins li formo acoustumado dòu concours, avans lou 1 de mai 1896, au secretari di Jo Flourau, « M. J. Anglade, agrégé de l'Université, 8, rue de l'Amandier, Montpellier. »

— Lou 8 de desembre, li Felibre dòu Clapas soun vengu à Maiano celebra, encò dòu Mestre, lou 36^e anniversari de *Miròio*. l'avié lou sendi Ipoulite Messine, li majourau Arnavielle e Marsal; Jan Fournel, Birot-Letourneux, Carlier, Combalat-Roche, Estève Dalmas, Jùli Veyron, Jaque Arnavielle, Jousè Soulet, Grabié Perrier; pièi, se i-apoundeguèron Marius Girard, sendi de Prouvènço, lou capitani Devoluy e Ant. Chansroux.

La fèste fuguè mai que bello e durè jusqu'à la negro niue. Ah ! d'aquéli Clapassié !

— Lou felibre Alcido Blavet vén de perdre soun grand, Bertrand Bartoumié Blavet, mort en Alès lou 27 de febrié, dins si 83 an. Plagnèn de cor li dòu de neste brave coumpan.

— Li felibre de Mount-Pelié, qu'avien manda 'no superbo letro à « Moussus lous Conses de la vila », pèr ié demanda de bèn vougué vouta pèr li grand Jo Flourau de Lengadò e la Court d'Amour, que se tendràn dins aquelo vilo au mes de mai que vèn, uno soumo de 500 fr., mencionado dins lou raport de la coumessioune generalo di festo de l'Espausicioun de Mount-Pelié, an óutengu co que desiravon, e pourran, pèr ansin, glourifica la lengo come se dèu.

— L'Escolo dòu Parage, de Mount-Pelié, dins sa sesiho dòu 10 de mars, a decida d'óufri un banquet pouplàri à Frederi Mistral, qu'a proumés de veni, dins aquelo vilo, presida li grand Jo Flourau e la Court d'Amour de Lengadò.

— A Toulouso, dins uno nouvello revisto : *L'effort*, que ié souven tan longo vido, Pascau Delga douno, soutu la rubrico : *Le mouvement félibrén*, un comte rendu bibliografique sus *Septens per la Faidito*, de Carle Ratier, e *A trabès regos*, de Pau Froment.

LIMOUSIN

— Noste ami Lemovix vèn d'espeli un librihoun de proupagando felibrenco, que costo pas mai de o fr. 20, e que ié dison : *L'annada lemouçina, annuàri pel bel an de Diéu e lou bisset 1896*. I'a d'abord, aqui, la *Bouna annada*, que vous la souveto gentamen Na Margareta Genès. Li mes, emé si prouverbi, e n'i'a 'no bello tierro ; la *Causa*, qu'es uno charradisso sus l'obro felibrenco e si visto, seguido de quau- qui mot sus l'ourganisacioun felibrenco en Limousin, emé l'*Annuàri de l'ourganisacioun dis Escolo limousino, li Jocs de l'Englantina, Senta Estela à Briva, Lou Felibrige daus Auçus*, de Na Margareta Genès, e que sabe ieu mai.

AUVERGNO

— A. Vermenouze, lou valènt cabiscòu de l'Escolo Auvergnato, avié culi dins li mount cantalés uno garbo de flour, e nous presènto superbamen soun bouquet soutu lou noum de *Flour de Broussò*, liga poulidamen emé l'amour de soun cor pèr la terro nadalenco.

Lis estampo, de E. Marty e de F. Tourbes, e la prefaci de J. Ajalbert dounon que mai de pres à-n-aquelo obro mèstro, que de pertout se n'en eisalo lou bèu prefum de l'amour de la lengo e de la pichoto patrio.

L'Auvergno semblavo endourmido, mau-grat quauquis ome arderous que, de tems à autre, trasien uno gisclado, coume li vièli voulcan de si serre. Mai, tout d'un cop, l'estello di sèt rai i'a lusi, si mount e si plano an tresana, lis ome de cor se soun rambla. Zóu ! pèr lou relevamen e lou mantenemen de la lengo, e de tout caire e cantoun se soun ausi de resson e de cansoun e d'èr de bourrèio ; *Lo Cobreto* a resclanti e tóutian crida :

Lo bouele, lo Morianno,
Lo bouele emai l'ourai !

Em' acò, vès-aqui que l'an agudo, sa Mariano, e que la volon garda preciousamen — coume naute, li Prouvençau, avèn fa de nosto lengo mespresado — e que lou mèstre fabre, que mestrejo eilamont la nau felibrenco, a fa culido di flour pouëtico espelido en plen sòu d'Auver-

gno, e de soun bouquet de *flour de broucco* n'a fa douno à Santo Estello, e si vers rufe, ardent e fier, porton i quatre vènt dòu mounde lou fid patriau que crèmo dins soun pitre, coume si conte galoi, simple e risière, ié dounon lou toun de la flamo gaieta, que si cacalas fan tant de bèn à l'ome.

Segur, dins li pajo superbo d'aquéu libre, escri emé l'amo enfioucado d'un patrioto, i'avèn trouva « mai que mai deis ers de cobreto, e tobè de troumpeto, touchis plets d'oquo que nostres fraires de Proubènço opelon de l'estrambord. »

Sian urous de saluda eici l'espelido d'aquéu libre, bouquet de *Flour de broucco*, que sènt bon qu'embaumo e que pren pèr l'iue, tout en cridant aut e liuen :

La lengo de ma terro d'Auvergno,
Lo bouele emai l'ourai !

e la gardarai riboun-ribagno !

Aquitani

— Pèr sis estreno dòu premié de l'an, lou valènt felibre Carle Ratiér, cabiscòu de l'Escolo de Jansemin, en Agen, vèn d'estre nouma óuficié d'acadèmi. Pourgissèn de tout cor nòsti felicitacioun au galant pouèto dòu *Rigo-Rago agenés*.

— La souscripciou pèr Auboura un mounumen à-n-Aguste Fourès poujo à la soumo de 484 fr. 50.

Lou Counsistòri felibren s'es escri pèr 50 fr ; e renouvelan i sòci que la souscripciou es duberto 7, carriero Lakanal, à Toulouso, encò dòu felibre Bacquié-Fonade e dins li burèu de nostro revistouno.

— Lou felibre d'Areto (Bas-Pirenèu) nous mando : *La flou d'Arette*, uno roumanso en parla bearnés, signado H. de Bareta, qu'es acò la Signaturo dòu valènt vinceire dòu councours de l'Acadèmi de Bourdèus, Enri Pellisson, que demoro, aro, à Saintes, (Charento-Inferiouro), 29, carriero Victor Hugo.

— Nous vèn peréu de Vilonovo-sus-Lot : *A trabès Regos, rimos d'un pitiou païsan*. Es la garbeto d'un felibre jouveinet, Pau Froment, travaiaire de la terro, *bailet de bordo*, coume dison eila, qu'a culi e liga poulidamen lis espigau glena dins li vessano de si champ e que, moudèste e simple, daverè l'autre an uno bello courouno i Jo Flourau de l'Escolo Moundino.

L'araire fai sa rego, e lou varlet, tout en menant l'araire, siblo sa cansoun, e n'es aquéli cant, triste o jouious, tira di rire e di lagno de

la journado, que Pau Froment nous présento, em' un galant biais ; tout çò que dis lou cor dóu pouèto es simple e bon, e i'a rèn de gasta ni pèr l'estrucioune ni pèr l'estè di vilo ; es la naturo que parlo, e nous es en-de-bon de l'ausi parla pèr la bouco dóu cantaire de *A trèbès règos*. Aquéu pichot e moudèste *pèd-terrous*, coume s'apello, es tout unimen un pouèto de la bono meno que la naturo a pasta de si man.

I'a de pouldi floureto entre-mitan d'aquéu bouquet, eniai de sounet rousen coume de gau-galin e bèn vira, se pòu dire. Jujas-n'en pèr aquest, que tiran dóu *Printen* :

Coumo la cruco d'un saben,
Des grands prats la solo ben nudo ;
A bist passa lou dal prusen,
Aro sèmble uno olho toundudo !

Finos flous, herbeto menudo,
Margaridos friutan al ben,
Tout se fletris — causo perdudo —
Tout mor et bai seni d'oun ben...

Mais la naturo, bouno maire,
Dins un an saura, per nous plaire,
Prene soun mantel reberdit,

A la branco douna de felhos,
D'enfantous à las fennos biélhos
E de que paisse à l'aganit !

— Lou majourau En J. Bladé, d'Agen, courrespoundènt de l'Istitut, qu'a pres pèr toco de glourifica e de faire ama la Gascougn, vèn d'estre la chivalié de la Legioun d'ounour. L'amour de la terro maire meno à la glòri, e pican di man à l'ounour qu'es fa à neste coumpañan.

— A Mountauban, uno quaranteno d'ami de la lengo se vènon de groupa, pèr la foundacioun d'uno Escolo felibrenco, e an arresta definitivamen la creacioun d'uno *Escolo Carcinolo*. Lou burèu es nouma, e lou titre de cabiscòu d'ounour es esta douna au majourau En Jan Castela, de Loubejac, toucant Mountauban.

— Avian anóuncia la foundacioun d'uno Escolo felibrenco, à Pau, (Bas-Pirenèu) ; vèz-eici la demando que vènon d'espèdi au sendi d'Aquitàni, pèr lou prega de soumetre si desiranço à l'apròubacioun de l'Assemblado generalo de la Mantenènço d'Aquitàni :

A M. lou Sendic de la Mantenenço d'Aquitani.

Lous set felibres aici debaigt sinnats, qu'an l'aunou de-p demanda l'autourisaci de founda une Escole de Felibrige, que s'estenera en lous peis de Biarn, Bigorre e Lannes.

Que prendra lou noum d'*Escole Gaston Phæbus*.

A d'aqueste letre soun yuntats lous estetuts aproubats p'ous set felibres.

Lous sinnatayres qu'an l'ahide qu'aquero cause sera agradade per l'Assemblade d'Aquitani.

Adrien Planté, dau Felibrige de Paris, à Orthez; Miqueu Camelat, de l'Escolo Moundino, à Arrens (Autos-Pireneos); Daniel Lafore, de l'Escolo Moundino, à Orthez; Eyt, de l'Escolo Moundino, à Guiche (Bassos-Pireneos); J. V. Lalanne, de l'Escolo Moundino, à Bidache (Bassos-Pireneos); Bacquié-Fonade, de l'Escolo Moundino, à Toulouso; Danton Cazelles, de l'Escolo Moundino, à Toulouso.

— L'Escolo Moundino, de Toulouso, a renouvela soun Burèu dins sa sesiho dóu 5 de janvié passa.

Soun nouma, pèr uno pountanado de tres an : cabiscòu, Louis Vergne; souto-cabiscòu, Carle de Carbonniere e Pau Fagot; secretari-clavaire, Bacquié-Fonade, e secretari soubren, Danton Cazelles.

L'Escolo Moundino coumpren adeja 50 sòci mantenèire e, de segur, lou mouloun creissira.

Se dis que lou sobre-capoulié, En Frederi Mistral, anara, aquest an, à Toulouso, pèr presida li Jo Flourau de l'Escolo Moundino e li fèsto d'inaguracioun dóu mounumen de Goudouli.

— A pareigu à Fouis, encò de Gadrat, e pèr la sieisenço annado, l'*Almanac patoues de l'Ariejo*, countenent « tout so que cal per se rire e accountenta las gens de nostre tant aimable païs, come proberbis, cansous, countes, istorios, farsos, etc. », e tout acò rèn que pèr tres sòu. Acò 's pèr rèn e, de segur qu'un librihoun tant bèn atrena, tout clasi d'entre-signe galant, e faguènt renaisse li vièii cansoun de la terro, e douna à-n-aquéu pres, s'amerite d'estre acouraja pèr lou bèn que fai dins l'Ariejo, au poun de visto de la proupagando e pèr lou revièure de la lengo e di tradicioun loucalo.

— A pareigu en Agen, vers Beuso Lamy : *Septen per la Faïditò*, que lou gènt autour dóu « Rigo-Rago agenés », tant presa e que tant bèn musiquejo, mau-grat soun noum de *Rign-Rago*, trais sus lou brès

de la drouleto de Philadelpho, Mario-Louiso Réquier, qu'a vist la lus
dou jour, lou bèu 21 de novèmbre 1895.

Carle Ratier a tira soun óubreto à 100 eisemplàri, rèn que pèr lis
ami, e n'es meior lou mèu de la bresco e saboura emé mai d'afe-
cioun ; aquéli sèt moussèu requist, delicadamen e artistamen serti,
nous sian coungousta de la melico di flour agenesò, tant divinamen
acampado de la man dou mèstre pouèto, que cantavo, emé soun cor
d'ami, aquéli vers ispira dou *Septen pèr la Faidito*, e disèn em' éu :

Bièls e joaines, drollo e gouiat,
Aprenes-ou, l'ouro a soubat ;
Nostre Angelet bai arriba :
Alleluia.

Catalouchno

Tau arroso lis espino
De soun sang e de si plour.
Qui rai de la croix divino
Lis espino porton flour.

Es, tout en escalant soun calvàri, que Mossén Jacinto Verdaguer a
culi si *Flors del Calvàri, llibre de consols*, pèr douna soulas à-n-aquéli
que lou mau aclapo.

Aquéu nouvèu voulme dou celèbre autour de *l'Atlantida* e de *Canigó*, que vèn après *Sant-Francescb*, nous a esbalauvi pèr lou senti-
men pouëti que n'en regisclo. La reputacioun literàri dou grand pouèto
catalan pren mai-que-mai d'envanc : tòuti li cop qu'un obro nouvello
sort de sa plumo, e que soun engèni nous trais si belugo ispirado,
vertadieramen l'on es espanta de l'esplendour de si trobo ; nous atrí-
vo pèr la gràci de sa fraso, — coume dis *Lo Gerones* — emai pèr la
bèuta dis image pouëti ; lou meme journau nous dis qu'es assegura
que i'a gaire libre que se posquon enaura tant aut que li *Flors del
Calvàri*.

E lis espino, arrousado di degout de sang e di lagremo dou pouèto,
an pourta flour, de flour siavo, que soun prefum embaumo, e que si
rai courous esvartaran de-segur li darrié nivo qu'ennèblon sa vido,
en pourtant à soun cor lou soulas que desiro.

Lou refrin d'uno cansoun pouplari nous dira ounte lou pouèto a
culi tòuti aquéli flour :

— Jo voldria que 'm digueses
D'hon has tretas tantes flors ?
Aquestes flors, les he tretes
De les penes del meu cor.

Traduciouн. — Iéu voudriéu que me diguèsses d'ounte as tira tant de flour ? — Esti flour, lis ai tirado dis angouisso de moun cor.

En memo tems que si *Flors del Catàvari*, Mossén Jacinto Verdaguer publicavo un autre voulume, *Jesús infant*, pouèmo nadalen, ilustra de tres fountoutipò mai que bello, ounte a liga en un soulet tome si tres voulume publica i'a quauque tems adeja, e qu'eron titoula : *Bethlem*, *La fugida a Egípte e Nazaretb*, trilougio superbo de la vido de Jèsu dins soun enfanço, qu'es un moussèu requist.

Sian trop pichot pèr faire l'elogie d'aquele obro que tant aut a plaça lou mestre escrivan que l'a ciselado e sertido emé tout l'amour de soun cor.

A PAREIGU :

A Paris, dins *la Mandoline* de mars : *A F. Mistral*, sounet de J. Raynaud.

- » Dins lou *Paris-Piano : la Bagnarello*, meloudio, paraulo dóu majourau En Sextius Michel, musico d'Enri Eymieu.
- » Dins *le Mois cigalier* de mars 1896 : *Apouteòsi de l'amour e de la bèuta*, pèr Ant. Chansroux.
- » Dins lou *Viro-Soulèu* de janvié e febrié : *Lou baroun Carle de Tourtouloun*, de Batisto Bonnet ; *La proumiero vesprado dóu Felibrige de Paris* (21 de mai 1879), emé lou discours de M. Carle de Tourtouloun ; *Lou lavamen* ; *la Marchando de telo*, emé musico, cansoun de Ravous Ginèsto ; *lou Souveni*, de L. Roux-Servine.

Dins lou numerò de mars, un flame retrai dóu païsan Fransés Chastet, de Saillans (Droumo), qu'avié reçaupu li felibre en 1888, quand ié passeron pèr ana inagura lou buste de la coumesso de Dio. L'aquarello es d'Eugèni Cartier e l'article d'Albert Tournier. l'a peréu, dins aquéu numerò, un article d'Eugèni Garcin sus lou *Cbivaliè Paul* e un autre sus *Menelik felibre*.

- » Dins *La Province* de febrié, un bèl article sus *l'Action provinciale*, un estudi curious e forçò asciença; dóu felibre Jùli Troubat sus li *Cours coculaires*; uno antoulougio de Carle Montmayeur sus *les Poètes Valdòtains*, que, bèn que fugon Italian, escrivon qu'en francés, amor que nosto lengo es la lengo de si rière. Brave ! li gènt de la valado d'Aoste !

A-z-Ais, dins *l'Echo des Bouches-du-Rhône* dóu 22 de mars, *Mortus est*, vers prouvençau de L. Crest, d'à-z-Ais, sus lou prepaus di marrias qu'an ensuca lou buste en gip de Peiresc e l'an fa cabussa de soun pedestau, e nous fasènt espéra que leu-lieu s'aubourara, à la plaço dóu premié, lou vertadié buste en brounze qu'afrountara l'aurige e lusira au soulieu.

A Caours, encò de Girma : *l'Armona Quercinol pèr l'onnado 1896*, coumpausa à Paris pèr l'amour dóu lengage meirau e de soun rire galejaire, pèr J. Calcas, e tenènt de prouverbi e de vers : *Après l'ogaci*, (après l'aurige) ; *lou Cant de lo levado felibrenco*, *Sounge fugidou*, *L'ase e lou petit asou*, e quauqui bôni galejado. Nous fai plesi de tourna-mai saluda en J. Calcas un amourous de la lengo e de la terro meiralo, e de crida em' èu :

Lengo mairalo,
Rebeillo-te.
E duerb toun alo,
Lengo mairalo
Rebeillo-te.

A Auriha, dins *Lo Cobreto* de janvié e febrié : *Lo Binado*, d'A. Vermenouze, precedi dóu retrà de l'autour, tant simpati, que nous agrado au premié cop d'ieu que ié dounas, come si vers vous enclauson subran que li legissés. *Postouralo*, emé la musico de P. Roby ; *lou biòu gras*, de A. Vermenouze ; *Albert Arnavielle*, pèr Sernin Santy ; *La brigado Lapasset*, de P. Reynal.

Dins *Lo Geronés* dóu 8 de mars, un comte rendu esmougu e amistados sus li dous libre que vén de publica Mossen Jacinto Verdaguer : *Flors del calvàri, llibre de consols e Jesus infant*. Brave, *Lo Geronés* ! Que tóuti li journau catalan seguisson soun eisèmple. Es jamai trop tard pèr bèn faire !

En Arle, dins lou *Forum républicain* dóu 25 de janvié : *La rèino dóu Felibrige*, coumplimen de mèste Eisseto, manda pèr lou mariage de la rèino au noum de l'Escolo dóu Lioun d'Arle.

A Fourcauquière, dins lou *Journal de Forcalquier*, 26 de janvié : *Lou Carbe*, d'Albert Honde, felibre dóu Mount-d'Or, e *l'Iver*, dóu jouine Louis Crest, que nous fai gau de dire que mostro la proumessso de faire un flame felibre.

A Carcassouno, dins la *Revue Méridionale* de janvié e febrié : *Trinc*, de A. Mir, e la seguido de la bibliografie de l'Audo pèr A.

Jourdanne ; *Les livres du peuple* (Vido d'enfant, de Bonnet), pèr A. Perbosc ; uno *Letro* de Batisto Bonnet ; *la Batsino*, de A. Mir ; *le Félibrige et l'Enseignement*, peticioun de l'Escolo de Paris au Ministre.

A Marsiho, dins *le Mondain* de mars : *Mourre de mèro?* escourre-gudo umouristico de Rimo-Sauço.

A Mount-Pelié, vers l'Empremarié centralo dóu Miejour, l'*Armanac Mount-Pelieirenc* pèr 1896, « an ounze cents dau bon gouver de Sent-Guilhem », qu'es uno garbo de 140 espigo pou-lidamen granado. Osco !

A Brivo, dins *Lemouqi* de desembre, janvié, febrié e mars, la seguido dóu *Leissique limousin*, de Raymound Laborde ; *Bouna annada*, de Na Margareta Genès ; *Lou libre daus leberous*, de Francés Grabier ; *L'enterramun de Gusti*, de A. Marpillat ; *Lauvanja de la guerra*, de B. Marca ; *l'Agua de Gregori XI*, (revira de *l'Ajòli* pèr J. Plantadis) ; *Houmatge à la ciutat de Briya*, de Grabier, etc., etc.

En Avignoun, dins *l'Ajòli* : *la Bouquetiero*, de Teodor Aubanèu ; la seguido di *Varai de l'amour*, de Júli Cassini ; *lou Museon arlaten*, de Frederi Mistral ; *Letro* de l'Escolo felibenco de Paris à M. lou Ministre de l'Estrucioun publico ; *la Chavano*, de L. Spariat ; *Lou pouèto Froument*, de F. Mistral ; *Un mariage reiau*, de E. Marrèu ; *Discours d'En Fèlis Gras* à la Rèino dóu Felibrige ; *Tan, Patantan*, revira dóu catalan pèr J. M. ; *l'Acadèmi franceso à Nimes*, pèr Mèste Franc ; *Paisan*, de M. Chabrand ; *li Dansaire dóu Paradou*, de C. Roux ; *Lou vieioung*, pèr Isidor Lèbre ; *Cantadis*, de Francés Vidal ; *Viage à Maiano*, pèr Bounet l'einat.

A Toulouso, la letro B dóu *Diciounàri moundi*, de Jan Doujat, empêuta pèr G. Visner, del *Gril*. Aquéli que volon souscriéure au voulume, que se despachon de lou fairé. Ié coustara rèn que 5 fr. en recebènt l'ouvrage; un cop que sara estampa coustara 7 fr. 50. Se mando li souscripcions à Toulouso, au journal *le Gril*.

► Dins *la Terro d'Oc* de janvié à mars : *les Armos de Castèu-Nòu d'Arri*, pèr Aguste Fourès ; *Vieux parler d'Oc*, de Bacquié-Fonade ; *Nadal*, de Jan Pitchou ; *Le corn d'argent*, pèr A. Fourès ; *Siroventés de Bertrand de Born*, de L. Constans ;

Septens d'amour, de Pascal Delga ; *Coustumos del País-Bas*, de J. Pitchou, etc.

A Toulouso, dins *Le Gril*, de 1 à 5 : *Cretons d'amour*, de Paul-le-Long ; *A l'Aubergno*, de Jan Pitchou ; la seguido dóu *Dictionnari moundi*, de Jan Doujat ; *Bibliothèque toulousaine del Gril*, « croumpadis, escàmbi », vèndo de lòuti lis obro interessant lou Miejour. Acò 's uno flamo idèo.

A Barcilouno (Espagno) dins la *Veu de Catalunya*, n° 51, *Nadal à Montserrat*, revira dóu prouvençau de Marius André ; *Las batuases d'en Quaresma ab en carnabal*, signa pèr l'Escouaire, etc.

En Aurenjo, dins la *Provence artistique* : *Pierre Bellot*, pouèto prouvençau marsihés (1783-1855), pèr Ant. Real ; *le Trésor du Félibrige*, d'A. Chansroux ; *De Pierre Bellot à F. Mistral*, pèr Ant. Real.

A Bèu-Caire, dins lou *Conciliateur* : *Alègre ! Alègre ! e Remembranço*, dos pèço de Nestor Bonnet ; *A moun picbot-fièu*, de Pèire Bonnet ; *Clo-clo lou pastre*, fuietoun d'A. Berthier : *Vuei*, de Bonafé-Debaïs ; *En Auvergne*, de A. Berthier ; *A la Rèino dóu Felibrige*, de P. E. Bigot ; *Li pescadou de la Misterrano*, de Bonafé-Debaïs, etc.

A Mount-Pelié, lou *Souc de Naduu*, emé de vers e de fini gravaduro emai de galoi conte, adouba pèr li campanié de la « Campana de Magalouna » pèr lou chale di gent dóu Clapas.

» Dins *La campana de Magalouna*, de 87 à 90 : *Dins moun esclop*, de E. Dalmas ; *Loumbard*, pèr Drin-drin ; *la Fum de la guinda*, pèr l'Escouaire ; *la Ganaro*, de Louis Maury ; *Titou de pradas*, de Balin-Balan.

Lou Gerent : Jan Monné.

LOU FELIBRIGE

TOME X

MANTENÈNÇO FELIBRENCO DE PROUVÈNÇO

LOU FELIBRIGE

BULETIN MESADIÉ

SOUTO LA DIREICIOUN D'EN JAN MONNÉ.

10° ANNADO

1896



MARSIHO
AMENISTRACIOUN E REDACIOUN :
143, carriero Breteuil, 143

Lou Felibrige

DESENCO ANNADO

CROUNICO

FELIBREJADO REGINALO

Pèr nouesto Rèino felibreenco,
Festejo l'Escolo Larenco ;
Nounanto-sieis, dès-vue d'abrieu.
Muelo-Negro, oste Roumiéu

Es ansin que lou dis poulidamen lou menut de la fèsto reginalo dounado pèr li Laren, lou 18 d'abrieu, encò de l'oste Roumiéu, en l'ounour de la vengudo à-z-Ais de Na *Mijô 'mè Jò.*

Quaranto felibre o ami di letro prouvençalo èron aqui pèr saluda e benastruga la Rèino, que soun mariage emé lou felibre J. Gasquet n'a fa uno ciéutadano de la capitalo de Prouvènço.

Lis ami mancon jamai de faire mostro de soun afaccioun, franc que n'en fugon empacha pèr quauque auvàri : es pèr acò que M. e Mmo Toumas A. Janvier, dous *Century-Magazine* de New-York,

que soun vengu béure nosto bello souleiado à Sant-Roumié, an vougu èstre de l'acampado.

Es lou cabiscòu En Francés Vidal, tant afouga, que presidavo, aguènt à soun coustat M. G. Guibal, decan ounouràri de la Faculta di Letro d'Ais, e li majourau L. Constans, proufessour de literaturo roumano à la memo Faculta, En Marius Girard, En J. Huot, emai En Chapòli Guillibert, lou flame nouvèu majourau, que nous regalara lèu-lèu de l'elogie de la *Cigalo di Castèu*, qu'èro Ansèume Mathieu, que ié disian lou Felibre di Poutoun, e qu'aquest mes d'avoust venènt se vai glourifica sa memòri dins sa viloto de Castèu-nòu-dòu-Papo.

M. Ferrieres representavo la Municipalita au festenau superbe.

Basto ! citaren pas tòuti li taulejaire, mai nous vèn à biais de douna lou menut, que, pèr soun óurignaleta, agradarà de-segur is ami.

Veici çò que lou cartoun, artisticamen moula, nous dis :

Ely mouelo aquesto rimèio
A-z-Ais, en parla de Mirèio.

E, aro, veici la *rimèio* :

Vèngue *Menèstro* printaniero,
Pèis de Lar o de la Coustiero.
Pièi, *Cacho/lo* après lou *Filet* ;
Manjen, beguen, cascarelet :
Roussejon fin *Capoun* à l'aste,
Vèngue mai, lèu-lèu se n'en taste !
Pèr nouesto Rèino, pèr soun Rèi,
Tout à crèis e tout desparèi.
Zoubo ! se lico la taulado,
Entre-mesclant fresco *Ensalado* ;
Sounjarian-li de s'aplanta ?
Tout-aró, anas, se vai turtá.
Veici la *Boumbo*, garo, garo ;
American, Francés, bagarro
Tant gaio auren jamai agu.
Quouro s'es proun manja, begu,
Prouvençau, l'ouro es cantadisso
E boueno pèr la charradisso.

Leissen de caire *Rouge e Blanc*.
Prendren que miés poulit balan :
Anen, vujas, an pas la cagno,
Lei sòci, arribant au *Champagno* ;
Entre *Dessert, Cafè-Cougna*,
Long Lar brinden sènso sougna.

Fougno pas, lou cabiscòu En Francés Vidal, que fai la bén-vengudo i felibre e felibresso que soun à la taulado e legis lou brinde superbe que lou cabiscòu d'ounour, En de Berluc-Perussis, avié manda, e que dis :

GÈNTI DONO, MESSIÉS,

D'abord que l'ancian e lou nouvèu Mounde freirejon couralamen entour d'esto taulo, vole, davans que tout, saluda lis éminènt representant di letro americano, e li gramacia de l'ajudo, de l'acourajamen mai que precious qu'aduson au reviéure miejournau.

Eli que nous arribon de la terro di liberta, podon que plaudi à la liberta proumeirenco qu'eici sian pèr asourtì, aquelo de la lengo.

Eli qu'apartènon à la grand Republico, podon qu'ama la Republico Mistralenco, qu'emé la de Platoun es tout un. Gouvèr ideau, coume, de tout-secur, s'en capito gis de parié souto la capo dóu fiermament, emé soun président sènso Ministre, soun Senat sènso Chambro, sa coustitucioun sènso conflit.

Lou pu bèu de tout acò, gènti Dono e Messiés, es que dins un siècle que vèi li coustitucioun espeli e cabussa pèr dougeno, la nostro tèn lou « record » de la durado. Vès-aqui quaranto-dous an que regis, esricho o noun esricho, lou pople felibren.

E pouden dire qu'au mai founçionou, au mai es au grat de tóuti nautre.

Sian-ti rouge ? Avèn un président elegi pèr sèt an, ni mai ni mens que Moussu Faure.

Sian-ti blanc ? Veici nosto Rèino, courounado de bèuta e de gracié courouso, ni mai ni mens que Carmen Silva l'nmourtaloo.

Sarian-ti blu ? Se vai devina que neste doumaine es un empèri, lou noble Empèri dóu Soulèu, bravamen pu vaste e pu resplendènt que lou de Guihèn d'Alemagno.

Li clericau atrovon, dins lou Felibrige, uno poulderouso, uno esbrihadanto patrouno, qu'amount, au Cèu seten, clarejo dins la glòri e meno, long di draio de l'incomensurable, la triounfanto tiero di felibre dispareigu.

E pourrian-ti pas dire, peréu, que sian de couleitivisto, n'autri que boutan en coumun nòsti richesso literari, n'autri qu'avèn qu'uno memo e souleto coup d'argènt, ounte tòuti s'abéuron à la se-guido, dóu Capoulié au darrié dis ajudaire !

Adounç, Madono gènto e Moussu, quand tournarés aperalin au païs libre, digas-ié qu'avès destousca au vièi emisfèro uno Républico tras que duberto, ounte, soutu lou siave goubeja d'uno fado, de cènt e de milo oubrié travaion, dins l'armounio e l'amistanço, au mantencmen d'uno lengo (e quanunto ! aquelo de Mirèio), à l'espandimen d'uno literaturo e, sobre-que-tout, au renaisse d'uno raço.

Digas-ié qu'avès ausi crida long Lar : Vivo la Rèino de la Républico !

* * *

Fougnon pas nimai e noun an la cagno pèr brinda, Guibal, L. Constans, Marius Girard, J. Huot, Chapòli Guillibert e Ferrières ; fougnon pas nimai lou secretari laren C. de Bonnecorse-Lubières, que fai lou rapport sus lis obro larenc de l'an 1895, e lou fai em'un biais esquist ; li conse laren Carle Martin, Pau Roman e lou canounge Enri Rolland, que brindon en grand fogo.

E quand la legido dóu brinde enaurant d'En Louis de Bernard, qu'aubouro uno trounadisso de picamen de man e un grand entousiasme fai calamo, es M. Bizot, proufessour au Licèu, que dis la siéuno, e pièi li jouve arderous Carle Bourrelly e J. Arbaud largon de pouëslo enfioucado : tòuti soun aplaudi mai-que-mai ansin que Solari, l'estatuàri qu'a taia lou buste de Peiresc ; G. Borel, lou musicaire d'elèi ; lou canounge Bourges, que douno quâuqui sceno de si fino coumèdi empruntado i tablèu de Mouliero, etc.

J. Gasquet, lou bèu nòvi, a garda pèr la bono bouco lou prougramo d'uno revisto prouvincialiste que vai founda emé l'ajudo de J. d'Arbaud, e tòuti acourajon soun bèl envanc.

La fèsto s'es clavado sus quâuqui mot requist de la Rèino e la bello dicho, en prouvençau, de Dono T. A. Janvier, semoundènt à la Méjanes d'Ais l'eisemplàri premié dóu bèu libre de F. Gras : *Li Rouge dóu Micjour*, qu'a revira dóu prouvençau en anglés, e que M. Toumas Janvier n'a brouda la galanto prefaci.

Lou resson di cansoun e di brinde d'aquele fèsto reginalo a fa bello brusido. Longo-mai li Laren, tant asouga pèr la Causo prouvençalo, desplegon lou drapeu felibren, *Aut e larg, long Lar !*

JAN MONNÉ.



LI NOVO FELIBRENCO

PROUVÈNÇO

— A prepaus dóu raport presenta en Sourbouno pèr lou majorau dóu Felibrige Frai Savinian, sus l'ensignamen dóu francés au mejan di Cialète miejournau, lou journau *l'Eclair*, de Paris, dins soun n° dóu 18 d'abriéu, publico un article : *La nouvelle revendication des Félibres*, ounte i'a de que perdre la tremountano pèr aquéli que sabon pas ço qu'èi lou Felibrige, quau n'èi lou Capoulié e ounte èi que residon aquéli bràvi gènt que fan partido d'aquelo Soucieta.

De dos causo, l'uno : o l'autour de l'article saup rèn de ço que nous pretoco, o s'es leissa engana pèr quaucun qu'avié interès à traire à l'oumbro la verita, pèr bouta la messorgo en lusour. Es d'aqueù biais qu'i legière de journau se ié fai prene d'ubre pèr de caulet-flòri.

Lou Felibrige di sét de Font-Segugno, lou Felibrige de Frederi Mistral es espandi dins tout lou Miejour en dounant barro à Paris, e soun Capoulié o *président*, coume voudrés, Moussu lou redatour, es lou majorau En Fèlis Gras, que rèsto en Avignoun, e n'en couneissen ges d'autre.

— A la toumbola ourganisado en Arle pèr l'escolo di Fraire, que lou fraire Savinian n'es lou direitor, En Frederi Mistral vèn de faire douno d'uno tiero de libre. Un d'aqueüs óubrage es un premié pres que neste grand pouèto avié óuténgu quand èro escoulan, en 1844. Crespina sara aqueù que lou gagnara !

— La Soucieta di *Troubaire marsibés* se recorganiso e vai lèu-lèu prene vanc. Zóu ! que n'en vèngue de cantaire ; dóu mai la farau-doulo es longo, dóu mai la fèsto es agradivo e bello !

— Lou brave conse laren Carle Martin, noun countènt de davera li joio au gaiardet di Jo Flourau, en bon Prouvençau amourous de l'oli, en uno circulàri en nosto parladuro, n'en semound is ami. Escoutas-lou :

« En bouen felibre e lou couer sus la man, vèni vous dire :

Voulès-ti de bouen òli d'óulivo dóu Païs ?

Eh bèn ! venès à la Baiouno ; aqui atroubarés lou flame e pur òli d'à-z-Ais, que d'uno lègo embèimo, pèr trento-quatre sòu lou kilo.

N'en vouelès-ti d'un *miè-goust* de la frucho ? N'en pagarés alor que trento-dous sòu lou kilo.

Preferas-ti lou *Doucinèu de Prouvènço* ? L'aurés à trento sòu ! »

Zóu ! felibre ! *voules pèr l'oli* de Carle Martin.

— Se vèn d'estampa la segoundo edicioun de *Tant vai la jarro au pou*..., comèdi dramatiko en un ate e en vers, seguido de *Li Retròbo*, fantasie felibrenco, pèr Louis Astruc.

La proumiero pèço, coume dis l'autour, es sourno, e la segoundo es gaio. Tambèn, après d'agué plagnegu lou sort de la pauro Adelino, que disènt :

Canto soun engèni
La cigalo que canto après soulèu tremount,

se trais dins lou pouz e se l'ennego, en vesènt s'esvali si raive d'amour — es en-de-bon de faire uno pichoto escourregudo emé *Museto*, l'amigo di pouèto, tant gallo, tant gènto, tant atrivarello, que vous fai óublida li lagremo que lou triste sort d'Adelino a fa perleja de vòstis iue.

Bono chabènço avèngue à la segoundo edicioun d'aquelo óubreto, coume es avengudo à la proumiero.

— A New-York, encò de D. Appleton et Cie, vèn de parèisse, — coume l'avian anòuncia — *The Reds of the Midy* (Li Rouge dóu Mie-jour), de Félix Gras. L'edicioun es superbo : lou libre se duerb pèr la fino gravaduro dóu retrra dòu Capoulié. Es M. Toumas A. Janvier qu'a escri la prefaci de l'obro, revirado tant magistralamen en anglés pèr Dono Catarino A. Janvier, sócio dòu Felibrige. Es lou premié cop qu'un libre escri dins nosto lengo parèis en estrange païs, avans de vèire la lus en Prouvènço, e d'acò n'en devèn gràci à l'afecioun pèr nosto parladuro qu'empuro M. e Mmo Janvier.

— A pareigu à Paris, encò de Lecenne : *Le secret de Rose*, de Mmo la barouno d'Orsan, qu'emai fugue escri en francés, n'es pas mens un

libre felibren. Lou nous de l'obro se debano à Marsiho, e l'un dis eros es mente un jouvènt amourous de nosto reneissènço prouvençalo, que l'autour, gentamen e poulidamen, ié fai dire de vers prouvençau, tout en jitant un cop d'ieu sus lou mouvemen dóu Felibrige. Lou libre, que recoumandan is ami, depinto la Marsiho de i'a cinquanto an, emé si negouciant barrejant l'or à plen de palo, si quèi ounte lou blad s'amoulouno à boudre. I'a de tablèu que vous prenon pèr l'ieu, que vous dise qu'acò.

— Lou 12 d'abrieu s'es facho en Estialo (Droumo), la segoundo festo dóu Sendicat agricolo. Au banquet, que l'avié mai de 150 counfraire, M. Queyraud brindo au felibre Gacian Almoric emai à sa troupo de jouvènt qu'a sachu fourma, pèr jouga si pèço de coumèdi en parla dóufinen. M. Almoric, au noum di Felibre de la Droumo, traïs si gramaci au Sendicat.

Après lou banquet, se vai à la salo ounte se dèu douna la representacioun de *Noranta-Nòu*, d'Almoric. Aqui, atrovon lou subre-ca-poulié En Frederi Mistral, qu'esperavo, e lou felibre valent, l'abat Moutier, curat d'Estialo, lou presénto à sis ami, que soun urous de saluda en éu la persounificacioun de la Prouvènço. La representacioun davans Mistral, li sendicatàri e si famiho, se debano gentamen, après la dicho de quauqui moussèu de mèstre Almoric e lou *Froumage pasta*, de l'abat Moutier, un di mèstre dóu parla dóufinen.

En seguido, lou présidènt dóu Sendicat fai aclama Mistral, lou mèstre di Felibre, emai la troupo d'Almoric. Mistral embrasso Almoric e lou felicito, éu e sa troupo.

Lis artisto, jouvènt e jouvènt de Roco-sus-Grano, an fa prouado. Lou jouine Celestin Fraud, subre-tout, a merita uno óuvacioun magnifico que lis escoutaire i'an fa, e Mistrau éu-meme, meraviha, disié: « Dins tout noste Miejour, avèn ges d'atour d'aquelo forço, e vous assegure qu'aquelo pèço, coumpresso perfetamen dins nosto encountrado, farié prouado enjusqu'à Marsiho.

I Clastro, lou vèvre, sounto la présidènci de noste grand Mèstre, s'es felibreja poulidamen. Mistral a fa bada tout lou mounde e lis a pivela en ié countant quauqui tros de si memòri e de sa vido d'enfant.

Pièi, soun vengu li cant e n'i'a agu mai-que-mai e di flame, e li conte debita emé bon biais, qu'an fa clanti li cacalas e li picamen de man. La balado di batelié dóu Rose a douna uno idèio de çò que sara

Iou nouvèu e superbe pouèmo de Mistral : *Lou Rose*, qu'es acaba. Se claus la sesiho emé la *Cansoun de la Coupo*, que vejo en totti li cor l'estrambord felibren.

La *Croix de la Drôme*, que rend compte d'aquelo bello festo, saludo Mistral e li Felibre qu'encarnon l'engèni de la raço, e s'escribo : « Honneur à ces vrais patriotes, patriotes de langage, de cœur et d'âme ! »

— Li deputa Pourquery de Boisserin, maire d'Avignoun, Reboulin, Alfred Naquet, En Maurise Faure, majourau dou Felibrige, Aymard, Martinon, Ernest Berard, Rose, Dujardin-Beaumetz, an prepausa à la Chambro di Deputa d'adouta uno prepausicioun permetent au gouvèr d'autourisa uno loutarié de dès milioun de franc, pèr la restauracioun dou Palais di Papo, en Avignoun.

— Lou 17 de mars 1890, iou brave Clemènt Galicier, ajudaire de l'Escolo de la Mar, a fa 'no counferènci i *Mardistes*, de Marsiho, sus Marius Bourrelly e soun obro. I'a gagna de bravi picamen de man, coume n'i es avengu peréu emé soun estudi sus Amable Richier, esa *Tambourinado* qu'en flame parla marsihés a debana au même rode, em' un envanc qu'es pas de dire.

— L'*Aïoli* avié temougnia i'a gaire, pèr la voues d'En Frederi Mistral, la desiranço que fuguèsse crea, en Arle, un Musèu etnografique, un *Museon arlaten*. Sus d'aquelo estiganço, iou Mèstre, en compagno de M. Marignan, l'organisatour de la tierro etnografico prouvençalo dou *Trocadero* de Paris, ero vengu estudia sus plaço la creacioun d'aquéu Musèu e soumetre pièi soun prejit à l'aménistracioun municipalo.

Lou Counsèu Municipau d'Arle a decida la subre-dicho creacioun, dins uno de si darrièri sesiho. En esperant d'agué un loucau aciéuna pèr acò, sarié au musèu Reattu que s'entrepausarien li proumièri couleicioun.

L'aurié aqui la representacioun dou coutumo naciounau di chato d'Arle à diferèntis epoco, li bijout, li moble loucau, etc.

Aquésti darrié tèms, li journal nous dounon la novo que iou rode chausi sarié la capello dis Aliscamp.

— M. l'abat Queytan, superior dou Pichot semenari d'Avignoun, fai la prouposicioun, dins *La Croix du Comtat*, que li Felibre fagon plaça, sus li paret di castro dou *Carmel* que s'aubouron sus lou Mount dis Oulivié, en faci de Jerusalèn, uno placó pourtant en gravaduro iou *Pater* en lengo prouvençalo, pèr que la Prouvençò fugue

representado entre li trento-dos lengo diferènto que reciton à sa maniero lou *pater* au rode que lou divin Redemptour l'ensignè is ome.

Noste vejaire es qu'aquelo manifestacioun de la lengo prouvençalo sarié superbo, e sarian urous de la vèire espeli, assegura que sian que s'un Coumitat se fourmavo pèr acò, tóuti li Felibre se farien ounour de ié pourgi soun escot.

— Lou dimenche, 26 d'abrieu, Eiguero, la viloto felibreno pèr eicelènci, èro en festo en ounour de l'un de sis enfant li mai devot, Camihe Monier, lou paire de M. Monier, lou senatour di Bouco-dou-Rose, qu'èro mort lou 30 d'outobre de 1895.

Dins la terro dóu majourau Verdot, de Daproty, de Mathieu, de Perret e de Guien, e aqui, ounte Anfos Miquèu avié fa resclanti li refrin de soun flasquet e ounte de tant belli festo s'eron dounado, en 1869, en ounour dóu Felibrige, li Felibre noun poudien mens faire que de se mescla à l'oumage rendu à l'ome de bèn que se glourificavo en aquéu jour, e de n'aprouficha pèr enaura la lengo e la patrio mie-journalo.

Lou majourau Louis Astruc, acoumpagna di Maren Bensa e Rol, J. Mathieu, secretàri de la Chambro de Coumèrço de Marsiho, emai A. Frissant e d'autre èron aqui.

A l'inauguracioun dóu mounumen, e après li discours ouficiau, lou jouine Rol, qu'es Eiguieren, fai magnificamen, en lengo prouvençalo, l'elogie de M. Camihe Monier, e En Louis Astruc i'apound uno odo superbo.

Pièi, au banquet, la lengo prouvençalo a tengu peréu lou le, pèr lou brinde galejarèu de Jousè Mathieu e pèr aquest galant remembre de Louis Astruc, qu'a ôuteng un sucès fòu :

MIDAMO, MESSIÉS,

Voste païs, galant e ouspitalié, es mai-que-mai precious au souvi dón Felibrige ; Eiguero es uno terro felibreno qu'a abari mai d'un di nostre.

Ai-ti besoun de vous rapela qu'eici yeguèron lou jour tres de nòsti meiour pouèto : Aguste Verdot, Ougèni Daproty e lou jouve Rol que, de-matin, nous a tant bèn encanta en fasent la lausenjo de Camihe Mounié, que se l'ameritavo ? E quau de vautre a oublida lou magistrat-felibre que bailejè tant de tems vòstis asaire, e tant couralamen, qu'èro quasi pèr vautre un counciéutadin ? Ai nouma lou juge Anfos Michèu, lou galoi cansounejaire dóu *Flas-*

quel, que, dóu rësto, vostò païs i'agradavo tant, que n'en fuguè l'istourian en bello lengo prouvençalo.

E Sant-Marc-dóu-Cabrit ? Perqué ramentarié pas aquelo fèsto que, chasque an, autre tèms, reünissié eici li troubaire, e di plus celèbre, emé Mistrau, Aubanèu, Tavan, Gras e tant d'autre ?

Vesès douc qu'aviéu resoun, en disènt que vostò avenènto ciéuta tèn au cor dóu Felibrige, e coume, alor, aquest aurié pas mescla sa voues en l'ounour d'un fraire di mai glourious ?

Se, coume dis vostò deviso, *l'aigo fai veni poulit*, lou souveni refresco la vido e, dins l'eiguero de vòstis armo, beve au passat e à l'aveni d'Eiguero.

— La Soucieta d'Estatistico di Bouco-dóu-Rose, dins sa sesiho dóu 22 de mars 1896, a vota de calourènt gramaci au conse laren Carle Martin, negouciant à-z-Ais, pèr sa noutiço mai qu'interessanto sus lou *Commerce des amandes à Aix*. Ié jognèn nòsti felicitacioun.

— *Souï lei mèle* es un tros de proso que nous pourgis lou majourau En Ougèni Plauchud, dedica *Es Countesso de Signo e de Roumanin*, e qu'es un raconte que vous esmòu, de l'amour de douz enfant, Madaleno e Jaque, que s'atrovo pièi que soun fraire e sorre, e que la mort de Jaque vous sarro lou cor.

— De grand noublessò prend titoul
Qui de Tholose es Capitoul.

Es la deviso que duerb uno noutiço que vèn d'escrieure lou sòci dóu Felibrige Em. Portal sus *Pierre Bartélémy d'Albarèdes, baron de Portal*, tenènt l'istòri de la famiho Fortal, ram:pau de Franço de 1204 à 1896. L'obro es seguido d'un aubre genealougique ounte vèsen que la majo part dis àvi de noste sòci palermitan èron capitoul de Toulouso. D'aqui vèn, acò's segur, lou grand amour que l'ensioco pèr lou Miejour e sa lengo.

— Lou 1 de mars, lou felibre Antòni Chansroux, de Bèu-Caire, a douna à Sant-Gile (Gard), dins la salo Pagès, uno counferènci prouvençalo sus la descentralisacjoun literàri, e i'es esta forço aplaudi.

— Se dis que la felibrejado de Santo-Estello se tendra, aquest an, en Aurenjo, lou 15 d'avoust, jour que se jogara la *Rèina Jano* au teatre artique.

Li fèsto se countuniarien à Castèu-nòu-de-Papo pèr l'inaguracioun, au mitan di vigno, dóu buste d'Ansèume Mathiéu ; se vendrié, pièi,

en Arle, à Nimes emai en Alès, ounote s'aubourarié lou mounumen de Flourian.

Li Cigalié e Felibre de Paris, en davalant lou Rose pèr veni en Avignoun, avans de se rendre en Aurenjo pèr li fèsto dóu 8 e 9 d'avoust, celebrarien à Valènço (Droumo), l'inauguracioun di mounumen d'Emilo Augier e de Bancel, obro de l'escultaire Amy.

— Lou mantenière Aleissandro Martel, percepteur à Roucy (Aisno), que nous a douna, i'a gaire tèms, *l'Histoire de la littérature provençale* de M. Restori, vén de publica à l'Empremarié Centralo de Mount-Pelié, *La question des Cours d'Amour*, qu'es la traduciou d'uno obro ounote M. Crescini, proufessour à l'Universita de Padoue, mostro l'existénci d'aquéli galant tribunau d'amour.

— Lou felibre J. E. Bigot, proufessour dóu Liceu à-z-Ais, vén de réussi l'eisamen de licencia ès letro. Nòsti felicitacioun.

— Lou majorau En Maurise Faure, deputa de la Droumo, es esta nouma membre dóu Counsèu superior di Bèus-Art.

— Es mort à Cano, lou 15 d'abriéu, dins si 71 an, M. Carle Rimbault, ancian architète, paire dóu majorau Maurise Rimbault. Plagnèn de tout cor li dòu de noste brave coumpan.

— Es mort, peréu, lou 15 d'abriéu, en Aurenjo, dins si 75 an, M. Fernand-Michel (Antony-Real), óuficié d'acadèmi, lou fraire dóu majorau En Sextius Michel e lou paire d'Antony Real, lou directeur de la *Provence artistique*, que countùnio valentamen l'obro de soun paire pèr la foga messo au reviéure di representacioun dóu *Cièri d'Aurenjo*. Despièi 1840, acò èro soun pantai de vèire lou teatre antique fernesí tourna-mai i picamen de man dis escoutaire, e lou 21 d'avoust 1869, lou teatre rouman se reviéudé soto soun envanc, e si bèu vers di *Triomphateurs* ié fugueron aclama.

Es, esmougu, que mandan à la famiho d'Antony Real nòsti coun-doulènci couralo.

— Lou Gouvèr francés a decerni li paumo d'óuficié d'acadèmi au Cav. Emmanuel Portal, de Palermo (Sicilo). Nòsti felicitacioun.

— *La Gourde*, soucieta literàri e artistico, à Nimes (Gard), duerb un councours literàri à l'óucasioun di Fèsto cigaliero e felibenco que se doumaran au mes d'avoust venènt.

Veici lou tros dóu prougramo pretoucant la lengo prouvençalo :

Pouësio e prosa neo-roumano. — A. Eloge en vers de Martin, de Nimes, medaio de vermei ; B. Pouësio, sujet libre, medaio d'argènt.

Emai lou prougramo parle de la proso que dins lou titre de la tiero, pensan que tant se n'en pòu manda, que diaùssi !

La Soucieta decernira d'autri mediaio e de menciououn, s'es necite.

Li manuscri an d'estre manda, avans lou 15 de juliet venènt, à M. Linnéus Mingaud, vice-président de *la Gourde*, plaço de l'Escluso, 2, à Nimes (Gard). Li mandadis noun signa déurant èstre acoumpagnada d'uno deviso reproducido sus l'envelopo, que tendra escoundu lou noum e la demoro de l'autour de l'obro.

— Se dis que li Felibre de Paris e li Cigalié, dins soun viage dóu mes d'avoust, davalaran jusqu'en Arle e dounaran dins soun teatre antique, lou 12 o 13 d'avoust, uno sesiho literari coume aquelo de desembre 1877, ounte Aubanèu declamè sa *Vénus d'Arle* e ounte Gras cantè soun *Rèi En Pèire*.

— Vèn de mouri Mounsen l'abat Ferdinand Meissonnier, ancian curat de Gardanne (Bouco-dóu-Rose), prouclama felibre mantenèire dins l'Assemblado generalo de la Mantenènça prouvençalo dóu 28 de janvié 1877. Diêu lou repause !

— Lou majourau Frai Savinian, direitor dis Escolo libro d'Arle, dins l'acamp di Soucieta savènto que s'es tengu en Paris, à la Sourbouno, lou 9 d'abriéu, a presenta un rapport qu'a pèr titre : *De l'Utilisation des idiomes et dialectes locaux et surtout de la langue d'Oc, pour mieux apprendre le français*.

Aquèu rapport remarcale a coumunda lou respèt e atira l'atencioun noun soulamen di journau de Franço, en ié comprenènt l'*Officiel*, mai encaro de touto la presso estrangiero.

Aquelo glòri tant bello qu'enlusis iuei lou front dóu Frai Savinian, tant simple e tant moudèste, i'avie tems que i'ero degudo pèr l'obro patrioutico de soun ensignamen, e sian d'avis que lou Gouver fague aplicacioun de sa metodo dius lis Escolo miejournalo, pèr la glourificacioun de la Prouvènça e de la Franço.

— Uno Soucieta mai qu'ouriginalo, entre jouvènt que se fan gau de parla que dins nosto lengo, s'es foundedo à Marsiho, souto lou ti-toulet de *Lei pèço au cuou, agroupado d'ami sènsa capitau*, e que s'acampoun lou dimenche au Valoun dis Auso, long de neste riveirés, pèr rire, canta e tauleja.

Sarié lou cas de ié signalà la cansoun de *Li Segaire*, de la *Miou-grano entre-duberlo*, de Teodor Aubanèu, que lou refrin anarié mai que bèn à l'estè di coumpan :

Ai qu'un parèu de braio
 Que soun traucado au quién.
 Mai i'a res coume ieu
 Pér enchapla li daio !

— Vén de parèisse à Cano, encò de Robaudy : *la Grèvo di Pegot*, dòu felibre F. Grabier.

Es tourna-mai l'Escolo lerinenco que fai flòri, e l'obro léri e casca-releto s'es jougado e aplaudido, pér lou premié cop, au teatre de Cano, lou 4 de mai 1895. Se n'es tira que 100 eisemplàri pér lis anni : n'en soubro que quauquis-un que saran espedi pér l'autour à-n-aquéli que ié mandaran trento sòu.

... Mmo Bancillon, que dirigis l'Escolo Nourmalo de fiho d'à-z-Ais, a fa bouta à l'estudi dins soun istitucioun, *La fibo dòu Rei Renié*, pèço prouvençalo en un ate, revirado dòu danés pér lou felibre Folcò de Baronselli. Aquele pèço se jougara lèu-lèu.

— A pareigu à Letin : *Pelerinage à la Crèche de Sigounço*, dous nouvè dòu felibre abat J.-J. P. Anxionnaz, curat de Sigounço (Bassis-Aup) ; in-8 de 4 pajo.

— Vén de parèisse à Draguignan, encò de Latil : *Moun Peüs*, ounte lou brave Felip Chauvier canto poulidamen sa viloto de Bargemoun e aquéli que n'en soun esta li fiué ilustre. Es en-de-bon de faire emé l'ami Chauvier aquele escourregudo dins si 18 pajo, ounte soun cor, simple e bounias, se descato en plen.

— A Fourcauquié, M. A. Crest vén de liga en un galant pichot voulume, li comte rendu, galejado, cansoun, brinde, etc., que se soun debana à la bello sesiho de l'Atenèu de Fourcauquié e dòu Felibrige dis Aup, tengudo lou 17 de novèmbre de 1895. I'avèn retrouva emé grand gau *Li pastissoun de la Mariano*, de Pau Martin ; *Souei lei Mèle*, de Plauchud ; *Fai fred*, d'E. Bernard ; *Lou cavalié e li boto*, de Huot, e li brinde de Maurèu, de Tourtouloun, de Gagnaud, etc.

— En seguido de neste article sus lou paure Marius Bourrelly e sus la demando de quauquis ami, dounan eici li paraulo d'En Francés Vidal :

SUS LOU CROUES D'EN MARIUS BOURRELLY

Après la crudello despartido, aièr à Marsiho, e lou supreme salut dòu vici-cancelié En Jan Monné ; après l'adiéussias esmóuvènt, au noum de l'Escolo de la Mar, d'aquel autre valènt coumpañ, lou majourau Louis Astruc, vèni encuei, ieu, aduerre lei regrès freirau, lei lagremo dei felibre de l'Escolo de Lar.

Ah ! quau miés èro pouerto-paraulo d'aqueù testimòni, que noueste eminènt cabiscòu d'ounour, En de Berluc-Perussis, qu'a vougu simplamen, coumo ancian président, representà l'Acadèmi deis Art e Bèllei-Letro de-z-Ais, ounte li a pau de tèms t'aculissian, o sòci regreta !

Vès-nous aqui triplamen en dòu, lei Laren, après avé perdu lou vièi cabiscòu Jan-Batisto Gaut, qu'ensèn touei tres avèn tant canta, e d'en darrié lou jouine pouèto greasquin Fèlis Lescure, que ploutran proun, coumo va provo aquéù mounumen auboura sus sa toumbo, eilato ounte lou Carbounié cantavo...

Tu, Marius Bourrelly, qu'aviés tant au couer l'amour de la patrio prouvençalo, qu'as tant travaia au revièure, à l'espandimen de nouesto lengo musicalo, armouniouso coumo l'eigueto dins lei roucassihi, coumo la pinèdo au mistralot ; armouniouso autant que glouriousto, bounadi lei cant mistralen, leis obro e oubreto dei Roumanihi, deis Aubanèu, te n'en siés auboura vun de mounumen, mai duradis que lou inabre, que lou brounze.

Tant de coumpousicien esricho, tant de libre estampa, en la parladuro d'or, dins aquéù sublime viàgi emé la courpagno que disiés tant amourousamen :

*La Muso,
M'amuso,*

soun aqui pèr afourtì ta plego largo de felibre, toun noble pres-sa de mestre en Gai-Sabé.

Es que, bèu cantaire, ères neissu felibre, tu, avans lou Felibrige, coumo leis autrei Sestian, nouéstei bèn-ama counciétadan Mounsen Emery, Marius Decard. E bèn avans lou Roumavàgi dei Troubaire, à-z-Ais, bèn avans Fouent-Segugno, qu'ntei rampau de joio avièsti pas davera, emé tei pouëslo, tei cansoun, emé tei pèço de teatre, sobre-tout à Marsiho ?

Pamens, lèu que renounciguères à la lengo de Paris, pèr aquesto mai bressarello dòu païs benesi ; aquel estrumen quo vibro dins nouesto amo, coumo l'amo de la Prouvènço vibro dins lou tambourin, — digo, Filemoun Boyer, urous Pourcieren, tambèn felibre de la boueno ?

Dous bèu voulume dei Fablo de La Fontaine revirado en prouvençau, emé ta magnifico letro à Pèire Larousse, dòu « Grand Dictionari », siguèron ta proufessien de fe : aviés trenuda artistamen la Muso d'en ribo de Sèino en aquelo dei ribo de Lar, as resta bouen Prouvençau, bouen patrioto.

De trobo de touto meno, o troubaire fegound ! e milanto vers, sounet, cant et cansoun, clasissènt lou voulume lisquet *Cigau e Cigalo*, retraison toun bouen biais e toun bèl envanc felibren. E bèn de pèço, enjusqu'au *Vergié d'óulivié*, qu'a tant fa flori au teatre pèr lei fèsto de Peiresc à-z-Ais, — emé la deliciouso musico d'aquel autre eicelentissime Borel, — dison coumo aviés l'esté dins aquéu gènre de coumpousicien, abord necite pèr nouesto literaturo miejournalo.

Tambèn, Mèstre, poudèn qu'èstre desirous de vèire tei souvèt, emai lei nouestre, se coumpli ; teis eiretié, la traito mouert te n'aguènt ravi lou bounur, lei vèire, dìsi, estampa toun teatre prouvençau, sarié-ti que la *Bello Magalouno*, em' un parèu d'autreis óupera vo óupereto, remembrant lou triounfle dóu *Vergié* emé sei tirado patrioutico vous depintant, bràvei gènt de Pourciéus, l'óurigino memourable d'aquest endré mounte lou pouèto amo dourmi soun radié souem.

Sarié-ti qu'acòd prenènt lou camin de l'empremarié, leis ami de la lengo neiralo n'aurien grand gau ; e leis Odo à Mirabèu, à Sextius, que disiés ei bellei fèsto felibrenco de 1893, en la vièlo capitalo, t'ameritant la proumiero medaio d'or, sus bèn de courouno adeja counquistado.

Tant de manuscri tiéu, tant d'óubràgi en lengo d'O acampa desempièt toun jouine tèms à Toulouso, fin-qu'à tei darrié jour, eicito à toun oustau, l'autre an m'aviés carga, carissime, d'anouncia que va leissaves à la Mejano.

Ah ! lou counservator, encuei foueço empacha de temounia publicamen sa gratitudo óuticialo, delègo eis óussèqui lou biblioteca, que tout recouneissènt, dis tourna-mai gramaci pèr aquéci couplecien requisto creissènt nouéstei cènt cinquanto milo voulume.

Sara pèr la ciéutat d'Ais e lei Laren un eiretàgi precious, talo biblioutèco ; uno autre laisso, aro, esperan, lisançous, après tei dispousicien en favour de la vilo studiouso que fuguè toun brès, o generous Sestian ! L'esperan dóu Counsistòri, rapport à-n-aquest endré memie ounte as vougu ta touumbo.

Eicito ai à couer de va dire : aquelo cigalo dóu Mount-Ventùri, amoundaut sobre nouéstei tèsto, que, fièr troubadour, pourtaves au capèu, jouïras, eilamont ei planuro celestialo clantissènt dei sublimi cantinello, en la vesènt au capèu dóu nouvèu majourau mai-que-mai afouga que, dei meisoun de Lar cilavau au ribeirés,

eilalin à Niço, tant buto, tant presico, sèmpre arderous pèr la Causo, desempièi lei sèti dòu Semenàri enjusqu'à la cadiero de verita.

Ah ! lou bouen prèire, oh ! d'aquieu pastre, qu'en cantant e siblant meno l'avé !

E la fouerto doulour un pauquet bôucara :

Cade jour sa peno

Emé soun aubeno !

La pouëslo es grand counsoularello de l'ome, es lou baume à nouéstei mau, pecaire !

Degun mai digne, parai, de l'eiretagi cigalié, pouëti, que lou curat Spariat : tóutei l'aman, l'amiran, jouine e vièi.

Vai, coumo tu, paure Marius, es vertadieramen grand missiounari tau siéu de Prouvènço que l'a ferma leis uei, après lei secous de la religien, emé leis esperanço d'un mounde meiour, ounte, dins la pas de Diéu, ainaren tóutei, fraire en Santo Estello, se retrouba cantadis.

F. VIDAL.



VITOU BRUSEWITZ

Acò 's lou noum d'aquéu licencia de la Faculta d'Upsal (Suedo), qu'es vengu en Prouvènço pèr counèisse nosto lengo e l'estudia proun founs, pèr n'en faire sa tèsi de dóutour, davans aquelo Faculta, dins lou currènt d'aquest an.

Grand, bèn planta e blound, vint-e-nòu an. A de-longo lou lourgnoun à chivau sus soun nas — long e bèn fa — noun pèr ço qu'a marrido visto, mai pèr counserva si bons iue, viéu e dous à la fes, coume aquéli d'un esquiròu aprivada. Figuro à tra regulié, coulour de la santa, labro acoulourido e fino, moustachouno rousseto, dènt blanco e bèn cavihado, front larg, la rego de costat e lis aurihò toujour roujo coume de cresto de gau : vaqui sa tèsto. Vesti à la darriero modo, mai sènsa recerco, tira à quatre espinglo, qu'un fiéu passo pas l'autre, sènsa agué, pèr acò, l'èr femeto que prenon li farluquet, Vitou Brusewitz ressènt soun bon e marco dins lou grand ; peréu, tre que l'on a passa 'n moumen em' éu, si maniero de galant ome, sa counversacioun e sa delicatezzo de chatouno, vous ispiron la simpatlo. Filoulogue adeja meritous, counèis lou grè, lou latin, parlo — vai sèns dire — lou suedés, emai lou francés, l'anglés e l'alemand, e lis escrieu. Quant au prouvençau, lou legis courrentamen e arrivara lèu à lou parla, car i'a 'no passioun desmesurado, e pode vous asourti que se icoto de lòuti si forço e que compren vite, oh ! lou moustre ! Se sabias li sullis óusservacioun que fai sus lis acènt, sus li son o sus lou mendre mot ! Es espantant e risible, tout ensèn, de lou vèire ansin cava d'à-founs lou founs de la founetico.

Arribè en Avignoun sènsa averti, coume quaucun que, sachènt marcha soulet, comto sus res, o que cren d'impourtuna ; cm' acò, pas plus lèu desbarca, — déuriéu dire desvagouna, M. Brusewitz l'amarié mai, éu qu'amo tant lou mot juste — se meteguè à se

cerca 'no chambro, car venié pèr quauque tèms. Barrulavo dins li carriero, en s'arrestant, bèn entendu, de tèms en tèms, davans li vitrage di libraire (lis omc de libre toumbon aqui coume lis alauseto au mirau) quand legiguè sus d'un cartabèu, entre-mesela dins un mouloun de voulume : *Chambre garnie à louer*. Pardiéu ! acò fuguè lèu lèst : libre e chambro garnido èro bèn tout çò que voulié e, miech-ouro après, èro lou lougatàri de Durand, lou libraire, au cantoun de la grand' plaço.

Es dins aquelo chambro, au tresen estage, ounte lou souleias, pèr dos fenèstro à pichòti vitro, rintro à boudre coume dins un espousso-ensalado, qu'aquel enfant dóu Nord a reçaupe de l'astre-diéu lou batisme dóu siò prouvençau.

Quand aguerian fa couneissènço (acò mai fuguè lèu lèst, e que l'anave vèire dins aquelo chambro (uno lantero de fare), l'atrouvave, o en'trin de se cava lis iue dins lou diciounari de Mistral — que l'aviéu presta — dubert à quatre batènt sus soun lié, o à se trissa la cervello dins la gramatico dóu Frai Savinian, o dins aquelo de Koschwitz, abenado à miejo tóuti- dos à Upsal. Alor, sènsa vira suiet, falié s'atala aqui em' éu. Jamai de ma vido siéu esta tant questiouna ; mai èro tant gènt, tant amable que, bèn voulountié, me metiéu en quatre pèr lou satisfaire. Falié descoumpausa, recoumpausa, prounouncia, m'esplica sus li *vouyello* forto, sus li muto, sus lis hiàtus, li diphtoungo, lis elisioun, li superlatiéu, li demenutiéu, li verbo, lis acord, li prounoum ; pièi, sus li loucuciuon literari e pouplari, sus li prouverbi, etc. ; e éu, dóu tèms que ié fasiéu, en bagnant lou péu, tant bèn que mau, mi responso, afusca, n'en perdènt pas uno, se balançavo sus lis anco, d'un pichot mouvemen nervous, de drecho à gauch, tau lou balancié d'un reloge, coume pèr demanda à soun cors d'envanc pèr ajuda soun esperit à me coumprèndre.

Travaiaire coume un ome de sa raço, quand l'es bèn, valènt-à-dire : sènsa ratello, anavo tafura dins la biblioutèco de la vilo, tre que la durbissien enjusqu'à tant que la fermèsson, e vague de prene de noto, que nous falié pièi, entre tóuti, desembouia ; acò, se pòu dire, n'èro alor de felibrejado !

Autant serious es à l'estudi, Vitou Brusewitz es autant gai, entrainant lou rèsto dóu tèms. Que nous a fa rire en nous countant soun embarris quand arribè à Paris, au quartié Latin, ounte venié

passa dous mes, quand ausiguè — éu que couneissié que lou parla literari — de mot coume aquesti, pensas l *bouloller*, *soiffer*, *pioncer*, *galette*, *grue*, *hurf*, *sapin*, *il se la casse*, *vlan*, *type*, *piston*, *mégot*, *picolo*, *mince*, etc., etc. Ié vesié plus que de pego, e se coumpren... que coumprenguèss pas.

Eici, l'avèn aculi de noste miés.

Mistral l'a encanta quauquis ouro à Maiano, ounote èro ana lou vèire avans tout; F. Gras, lou Capoulié, i'a douna, dins soun gabinet de travai, d'entre-signe necite e óufert *Tolosa*; Mmo Roumanille i'a douna li nouvè dòu bon Rouma; Mouzin i'a fa béure de vin blanc de sa claretiero e i'a fa douno d'un autongràfi d'Aubanèu e d'uno coucardo de biòu, daverado pèr un taurejaire dins uno courso i Sànti-Mario ounote assistè, i'a quaueque tèms, emé P. Areno; E. Bouvet i'a fa l'istòri « de soun vièi Avignoun » en ié lou fasènt trepeja, e tóuti li vièi relesset de glèiso, tóuti li Madouno l'an passa, emé la gencalouglò dis artisto que lis an es-crincela; pièi, i'a baia *Lou Femelan*, car lou Pegaso dòu felibre de la Roco-di-Dom cavauco autant dins li lono blouso dòu sacra que dins li garrouias naturalisto dòu proufane; E. Jouveau i'a fa de coumparesoun d'acènt e i'a counta li mour avignounenco, qu'a-cò 's soun pan; Pau Gautié l'a mena pesca... dins sa biblioutèco, qu'es uno di miés prouvesido de libre felibren: i'a fa tasta lou bon coudounat que fai sa gènto mouié, e l'a counvida à desfaire l'aidli dins un de nòsti trissadou li mai renouma pèr lou bèn faire; Pèire Devoluy, neste tant amable e jouine capitani-felibre, que vous counèis tóuti li dialèite de la lengo prouvençalo pèr lis agué estudia e parla dins si noumbròusi garnisoun en terro d'O, l'a garda d'ouro de reloge dins soun saloun, la gramatico de Sardou en man, la paraulo — paraulo d'evangelisto — en bouco; ié destribant tóuti lis embouiage de la prounounciacioun coume se pòu pas miés, pièi l'a mena soupa 'm' éu, e l'a douna *Bois ton sang* (Richard, lou valènt de Nimes, que vèn souvènt vèire lou capitani, arribè aqui un sero, just quand Brusewitz venié de n'en sourti: fuguè dòumage e lou regreterian tóuti); L. Roussillon i'a fa béure, à soun oustau, de vin blanc d'Anduzo e de vin rousen de Tavèu que vous coupo, e l'a mena, pièi, encò de Lance, faire un vèntré de boui-abaisso arrousa de vin de Castèu-nòu-dòu-Papo (Roco-fino). Après i'a baia, en souveni, uno cigalo en cartoun grossou coume

un blet de Gardano ; me sèmbla que... Anfos Martin, vengu en vacanço de *Mouthermié*, i'a fa, en proufessour qu'es, l'istòri en prouvençau di grands ome de la Suèdo, pèr que seguiguèsse miés ; lou comte Folcò, vengu di Santi-Mario, dins soun lengage pouëti i'a depinta la Camargo emé si manado de biòu, de cavalin landant de tout biais sus li sansouiro, e di vòu de flamen, soul en Franço, planant coume de flot de nèu dins lou rebat cremençin dòu soulèu couchant, e sa maire, la marqueso de Barouncèlli-Javoun, i'a fa, graciouslyamen coume se pòu pas miés, lis ounour dòu Palais dòu Roure e de sa capelletto — qu'es un santuari de famiho di pu requist e di mai artisti. M. Beyle, lou letru biblioutecàri de la biblioutèco Calvet, i'a fa vesita lou Palais di Papo e l'a presenta au saberu archivisto, M. Duhamel, que i'a douna d'endico emai d'endico ; pièi, soun acoumpagnaire l'a counvida à veni dins sa famiho, ounte es esta festeja. Quant à ieu, l'ai treinassa à l'oustau tant qu'ai pouscu ; i'ai fa pèr li fèsto, e en famiho, manja lis iòu e l'agnèu pascau ; l'ai mena en Aurenjo vèire lou Teatre antique (que pren coulour emé li bastisso que ié fan), e l'arc-de-trioungle d'Aguste, e l'ai baia un de mi libre, bèn religa, pèr que siegue poulit au mens desoro, senoun dedins.

Ah ! brave Vitou Brusewitz, avès bèn fa de nous veni e, segur, nous agrado forço de vèire un jouvènt coume vous adurre soun ardour e si talènt à nosto santo Causo ; mai, que voulès que vous digue ! ieu, lou premié, pagarai car lou plesi de vous agué couneigu pèr la peno qu'aurai de vous jamai plus vèire, jogariéu bèn quaucarèn que l'avès coumpres, parai ? e qu'avès senti, dins ma darriero brassado, qu'empourtavias un pau de moun cor.

Es pèr çò que nous devèn plus vèire, es pèr miés garda de vous la remembranço agradivo, es pèr manteni, vivènt tant que se pòu, lou tèms qu'avès passa en Avignoun emé nous-autre, qu'ai escri aquésti rego, rego que restaran, crese, lou liame embesounaire de nosto afreirancò felibrenco.

Aro, demande au Counsistòri d'escriéure lou noum de Vitou Brusewitz sus lou cartabèu dòu Felibrige ; acò, lou sabe, ié fara plesi, emai en tòuti, e sara justicò. Fau que li Felibre, — que soun li countuniaire di Troubadou, que foundèron la galantarié franceso — la mantèngon en flour, pèr embausema lis estrangié dòu bon renoum de la Patriò.

JULI CASSINI.

PROUVÈNÇO

— Tiran de l'*Aïoli* la novo seguènto, que de-segur fara plesi en totúti nòsti legeire :

Maiano. — F. Mistral vèn d'acaba *Lou Pouèmo dòu Rose*, grando coumpousicioun de 4 000 vers e d'uno formo touto novo. Es la *Nouvelle Revue* que n'en vai avé l'estreno e que dèu publica l'obro, lou tèste prouvençau emai la traducio:un, en 4 numerò, d'ùni cinquanto pajo chasque. Es la proumiero ses qu'uno revisto de Paris, uno grando revisto, se duerb à brand au prouvençau. Nouvello provo dòu camin que fai la Causo à la mountado. Es verai que Mmo Adam, l'emi-nènto diredris de la *Nouvelle Revue*, es Prouvençalo d'ourigino e, de mai, que sa revisto s'es leialamen duberto i revendicacioun e boulegado di prouvinço.

Es lou 15 de jun que la *Nouvelle Revue* dounara li tres proumié cant dòu *Pouèmo dòu Rose*, que n'a douge, coume *Miréo* e coume *Calenda*.

— Lou buste en brounze de Peiresc vèn d'estre plaça sus lou moumen Auboura en grand poumpo en vilo d'Ais, i'a quauqui mesado. Es de souveta que li marrias qu'avien embriga e cabussa lou buste en gip, gardon un brisoun de respèt pér la bello obro de l'escultour Solari.

— *La Mandoline* de Paris vèn de publica lou paumarés de soun youngen concours literàri, e n'en tiran çò que pretoco la lengo mie-journalo :

Sujet douna : Anfos Daudet. — Sounet : Premié pres, medaio simili-or, à Bonofé Debaïs ; segound pres, medaio simili-argent, à Mmo Gelade ; tresen pres, paumeto simili-argent, à Savié Peyre.

Diplomo d'ounour à Mèste Pèire (Pau di Baus), un futur felibre.

Sujet libre. — Premié pres, ex-æquo, à Numa Galtier, pér soun *Odo à Jan Reboul* ; segound pres à l'abat Labaig-Langlade, pér *Lou pay dòu malandre* ; tresen pres à Albert Viau, pér *Gourrin* : en cadun uno medaio simili-or. Quatren pres, paumeto simili-or, à G. Pons, pér *Regrèt d'amour* ; cinquen pres, paumeto simili-or, à M. Crouzet, pér *Lou Travallbadou* ; siesen pres à J. Gayssot, pér *Trimard* ; seten pres à Enri Vidier, pér *un poutoun de tu* ; vuechen pres, medaio simili-argent, à Francés Garbier, pér *La grèvo di pegot* ; nouven pres à Ange Silvestre pér *Li plagnun de l'ourfanello* ; desen pres à E. Reynard, pér *Cansouneto* ; ounjen pres à E. Passe, pér *Au tèms dis agruno* ; dougen pres à Pèire Bernard, pér *Lou premié mouvemen*.

Menciou d'ounour à MM Jóusè Avignon, Savié Peyre, J. Courmille, Leoun Delmotte, Ulisso Dumas, Louis Chambon, J. Poncet, Eugèni Lacroix, A. Plat-Charlet, L. Detrixhe, Marcel Fuster, A. Meric e M. Isnard.

— En tre que i'a un majourau que trepasso, zóu ! d'eici, d'eila, tóuti semoundon au Counsistòri un escrivan digne d'aganta e de pourta la cigalo dóu paure mort. Acò provo que lis ome d'elèi noun fauton dins lou Miejour. Mai, nous es vejaire que se déurrié leissa lou Counsistòri soulet juge de faire la chausido entre li mai meritous di mantenière.

N'i'a-ti pas même que presénton la candidaturo d'ome que soun talènt pòu èstre grand e de remarco, mai que ié manco la causo principalo — qu'es d'èstre membre dóu Felibrige. — Pèr ócupa un seti de majourau, es à tout lou mens necite d'èstre marca dins la tiero di mantenière. Acè 's escri dins lis estatut.

Citaren ges de noum, mai, avans que lou Counsistòri s'acampe pèr delibera sus lou ramplaçamen d'En Marius Bourrelly, nous paréis en-de-bon de remembra l'article VI de l'estatut que dis :

« A la mort d'un majourau, tóuti li Felibre mantenière n'en recebran avis pèr li siuen dóu Canelié, e aquéli d'entre éli que voudrien avé lou seti resta vuege, mandaran au Counsistòri, dintre la quinge-nado, uno demando escricho ounte faran valé si titre.

« Lou Burèu dóu Counsistòri aura tambèn lou dre de pausa, de soun si-cap, uno candidaturo emé li coundicioun enounciado à l'article XII. (1) Lou Canelié fara counèisse i majourau, pèr uno circulàri, li candidaturo entracho, e l'elecioun se fara au mai de voues, en sesiho counsistourialo. Li felibre presént an soulet dre de sufrage ; e, au cas de partage, la voues dóu Capoulié o de soun ramplaçant à la présidènci, gagnara. »

En Marius Bourrelly estènt de la Mantenèço de Prouvènço, es, adounc, entre li sòci d'aquele Mantenèço que la chausido dèu se faire pèr designa soun ramplaçant.

La publicacioun di candidaturo entracho direitamen o pèr lou Burèu — coume lou demando l'estatut — es lou soulet mejan que i'ague de n'arriba à counèisse se lis escrivan presenta fan o noun partiò dòu Felibrige.

(1) L'article XII dis que, pèr « entraire uno candidaturo au titre de majourau », au qu'aquele candidaturo réuinige l'unanimeta di sufrage dòu Burèu.

— Lou felibre majourau Jùli Cassini vèn de muda si catoun : demoro, aro, carriero Artaud, 3, en Avignoun.

— Au banquet dis ancians escoulan mecanician de la Chambro de Coumèrço de Marsiho, l'ami Jóusè Mathiéu, secretari de la subre-dicho Chambro, a brinda en nosto lengo e, coume toujour, a fa flòri. Brave d'eu !

— La tourre sarrasino dóu castèu di Baus, la bello tourre sarrasino que ié disien lou *Picbot castèu*, que de la bello cimo i'avias un bèu-vesé superbe e mai que flame, se vèn d'esbarboula de-souns. Un tron a pica sus soun front auturous, lou divèndre 8 d'abriéu, e la majestouso tourre a darruna e formo plus, iuei, qu'un moulounas de rouino espetaclous.

— Un Coumitat se vèn de coustituï à Cassis (Bouco-dóu-Rose), souto l'aflat de M. Lumière, e dóu Maire, M. Savon, sus l'estiganço d'autoura un mounumen à l'abat Barthelemy, l'autour dóu *Voyage du jeune Anacharsis*, qu'èro un Cassiden. S'es di que lou mounumen sarié inagura dins lou courrènt de l'estieu 1898, e que li Felibre de Paris e li Cigalié sarien couvida i fèsto de l'inaguracioun.

— Lou brave Fermin Sauvan, de Sorgo, lou *felibre travaiadou* que fai sa vida de l'amour de sa lengo maire e que saup de cor la majo part dis obro di felibre, a reçaupu de Mounsegne Pagis, evesque de Verdun, uno letro magnifico que *La Province* a reproduacho e que n'en destacan un moussèu flame pèr lou regale de nòsti legèrie :

... Enfin nos aïeux parlaient merveilleusement notre belle et forte langue patoise, naïve, imagée, pittoresque, où la droiture de leur caractère et la simplicité de leurs mœurs venaient s'incarner pour ainsi dire, et passaient avec elle dans l'âme de leurs enfants. Qu'avaient-ils besoin d'une autre langue pour toucher leurs bœufs, creuser leurs sillons, ramasser leurs riches récoltes, chanter à pleins poumons le soir au retour du travail, et, après le repas, unir les notes saintes de la prière au son argentin de la cloche lointaine, au murmure de la brise et au chant du rossignol ?

Je me figure que toutes ces choses se font beaucoup mieux en patois qu'en français : la preuve, c'est qu'on ne les fait plus ou qu'on les fait moins depuis que chacun veut se mettre à la mode nouvelle et parler français.

Pauvre patois ! Qu'a-t-il donc fait pour être traité comme un

païen ? On le défend à l'école, on le défend à la maison ; c'est presque un péché de s'en servir à l'égard des personnes auxquelles on veut témoigner du respect. On lui substitue un français bâtarde, à lui, le noble fils de la pensée et de l'âme de nos pères ; on l'exile de son pays de France où il est né, où il a grandi, où il avait jusqu'à nos jours place d'honneur, où il a formé ces mâles générations en comparaison desquelles nous ne sommes que des crétins.

Est-ce qu'il y aurait incompatibilité entre notre belle langue française et notre beau patois ? Mais non, mille fois non ! J'estime que le patois est comme une introduction à la langue française et que celle-ci n'a qu'à gagner en richesse, en coloris, en originalité, au contact de son père le patois. Qu'on unisse par un lien vivant, au lieu de les séparer, ces deux langues sœurs. Cela vaudrait bien mieux que d'importer chez nous et de mêler à notre langue française ces mots anglais et allemands qui la déparent, la défigurent et la rendront bientôt méconnaissable.

Je m'oublie d'écrire sur une question qui me paraît capitale. Vous voyez que je suis avec vous en communion d'idées. L'abandon du patois est un des caractères de notre décadence. Félibre, il faut réagir et contribuer à restaurer nos anciennes mœurs françaises en restaurant notre vieux langage qui ne faisait qu'un avec elles. C'est à ce point de vue que votre Félibrige me paraît être une œuvre essentiellement patriotique.

Vous vous dites paysan, et vous l'êtes : tant mieux ! Je voudrais qu'il n'y eût, à l'avenir, que des paysans en France, des paysans parlant patois et sachant parler français au besoin ; mais des paysans comme vous, au caractère élevé, à l'âme généreuse, continuateurs des grandes traditions du passé, ennemis de ces nouveautés dangereuses, puériles, qui, si elles durent, feront de la France un pays de polichinelles.

Vous remèrci bien de bosti souvèt e bono annado à tous e al Felibrige.

JEAN-PIERRE,
Evêque de Verdun.

— Vèn de parèisse en tres voulume, en Avignoun, encò di fraire Aubanel, la segoundo ediciooun di predicanço prouvençalo facho davans lou pople de Sant-Jan, à Marsiho, pèr lou Pai Savié de Fourviero, souto lou titre de : *Li counfrènci Sant-Janenco.*

-- Noste brave coumpan Celestin Bonnet, di Felibre de Paris, juge de pas à Sault (Vau-Cluso), vèn de perdre soun paire, qu'es mort à Sault, loj 3 de mai, dins si 83 an. Plagnen de tout cor li dòu de noste paure ami.

— Lou dougen councours de *La Mandoline*, à Paris, es dubert; pèr la tierro de la literaturo miejournalo, tóuti li sujet soun libre e tóuti li dialélite soun reçaupe.

Li vers e la proso que lis escrivan d'O voudrien manda à-n-aquéu councours à-gratis, se devon espredi, emé signaturo e demoro de l'autour sus cado pèço, encò de Michel Pons, direitor de *la Mandoline*, 14, balouard de Reuilly, à Paris, avans lou 30 de jun 1896. De me-daiò de vermèi, d'argènt e d'autro, emai de diplomo e de mencioune saran decerni i vincere; la jurado sara presidado pèr lou mestre pouëto Francés Coppée.

— Vènon de parèisse en uno broucaduro li numerò de *la Revue Félibréenne* de 1895, semoundu à-gratis is abouna, en esperant li numerò de 1896, que van lèu-lèu èstre espredi. Lou soumàri d'aquéu voulume, qu'es lou tome XI de la couleicioun, coumpren :

L'évolution félibréenne : en Aquitaine, de Pau Marieton ; dos letro inedito dòu pouëto agenés Jasmin ; *Une visite à Anselme Malbieu*, de Clair Tisseur ; *Nevenco*, pouësio de Louis Astruc ; *Dom Savié de Fourviero*, estudi literari pèr A. Ferrand ; *Au fougau peirenau*, pouëmo prouvençau de Lucian Duc ; uno letro sus Castil-Blaze, d'Isidor Salles ; quauqui pouësio catalano de Don Victor Balaguer, revirado en francés pèr Leonce Cazaubon ; *Bibliographie : A trabès regos* (A. Perbos), *Verdaguer* (P. Mariéton) ; etc., etc., e la *Sainte-Estelle à Brive*, de Sernin Santy.

— Lou felibre Emilo Fassin, counseié à la Cour d'à-z-Ais, vèn d'estre istala coume membre résident de l'Acadèmi di Sciènci, Art e Bèlli-Letro d'Ais, en plaço de M. Dorlhac de Borne. Lou recipiendari a legi un travai forço interessant sus l'*Acadèmi di damo d'Arle* au siècle passa ; es M. de Magallon, président de l'Acadèmi, que i'a fa la bèn-vengudo.

Lou majorau En Francés Vidal, en la memo sesiho, i'a apoundu un raport pèr l'amessioun, dins la dicho Acadèmi, dòu felibre musician Gile Borel, qu'a tant brouda de musico, flamo sus de paraulo prouvençalo, e que, pèr li festo peiresciano, avié escri l'opera : *Lou Vergiè d'oulivie*, qu'es esta lou courounamen di festo de Peiresc.

Nòsti felicitacioun i mantenèire E. Fassin e Gile Borel.

— A pareigu en Avignoun, encò de Francés Seguin, *Li varai de l'amour*, dramo en 4 ate e en proso dóu majourau Jùli Cassini, representa en Arle i « Foulié arlatenco », lou 12 d'avoust, e en Avignoun, au « Teatre di Varieta », lou 13 d'avoust 1894, pèr li gràndi festo felibrenco, qu'aquelo péço n'en fuguè lou bouquet.

Tóuti li journau d'Avignoun, *l'Atòli* en tèsto, avien douna à-n-aquelo epoco de comte rendu mai que lausengié de l'obro dóu majourau Jùli Cassini.

Nòtis aplaudimen, li trasen de grand cor à l'autour de l'obro, e nòsti sentimen soun d'accord de-souns emé la dichò d'aquéli qu'an vist lou dramo se debana sus sceno. Reproudusen quauqui rego de *l'Echo du Jour*, d'Avignoun, dóu 11 d'avoust 1894, que resumisson bén çò qu'avèn senti en lou legissènt :

« L'observation s'y montre profonde, délicate et précise, et les situations y sont toujours absolument naturelles, quoique très dramatiques. Mais ce qui domine dans cet ouvrage et le caractérise, c'est le charme de la poésie, la droiture du sentiment et l'intensité de la passion. »

LENGADÒ

— Lou Counsèu Municipau de Mount-Pelié a vouta la soumo de 500 fr., que l'Escolo dóu Parage i'avié demandado pèr si Jo Flourau.

— Lou Parage a decida d'ourganisa, à Mount-Pelié, la segoundo representacioun de la *Rèino Jano*, de Frederi Mistral.

A-n-aquéu prepaus legissèn dins la *Campagna de Magalouna* :

« L'idèia das felibres de Mount-Pelié de faire jougà la *Rèino Jano* de F. Mistral sus noste grand teatre, es estada acetada emb' estrambord per Ious Felibres de Paris. La representacioun aurié lioc lou 16 d'agoustant, que se capitara un dimenche. Aquel jour, Ious Felibres de Paris vendrien au Clapàs e, à miejour, se farié lou grand banquet que la jouinessa felibrenca vou oufri à F. Mistral. »

— Lou mantènere Aufred Rottner a fa 'no counferèncò à Ceto, dins li saloun de l'assouciacioun di dono e damisello *les Abeilles cettoises*, sus Clemènço Isauro, sus la reneissèncò de la lengo d'Oc, sus l'obro mistralenco e li libre *Ma denieirolo e Lian de pensadas*, dóu felibre J. E. Castelnau, lou cabiscòu tant gènt de l'Escolo cetòri. Brave Rottner ! jougnèn nòtis aplaudimen à-n-aquéli qu'as culi dins aquelo vesprado felibrenco, ounte as tengu lou le en ounour de la Causo miejournalo.

— Es questioun que l'Escolo Audenco s'atalarié, voulountouso, au pres-fa de l'estampage dis obro d'Aguste Fourès, lou majourau regreta de Castèu-nòu-d'Arri. Sian assegura, s'acò se fai, que sara en-de-bon i felibre de l'ajuda de si souscripcions.

— Lou 23 d'abrieu s'es tengu, à Mount-Pelié, un magnific acamp de l'Escolo dóu Parage, ounte M. Constant, proufessour au Licéu de Mount-Pelié, i'a presenta M. Vitou Brusewitz, licencia de l'Universita d'Upsal, en Suèdo, que fai un tour en Prouvènço e en Lengadò pèr estudia nostre parla.

Li sòci dóu Parage, après d'agué fa festo à M. Vitou Brusewitz, an decida de teni uno acampado lou dimecre de cado semano ; de faire, lou jour de l'Ascensioun, uno escourregudo felibreno à St-Guilhèm-dóu-Desert, e de vouta, lou 3 de mai, pèr lou sendi Ipoulike Messine, que se porto coume conse clapassié.

— Lou Coumitat carga dóu councours musical de l'espausicioun clapassiero, a chausi coume moussèu à impausa i Soucieta musicalo, l'uberturo de l'opera : *la Bello Magalouno*, dóu felibre mantenèire A. Fruchier. Felicitan de tout cor l'urous compousitor qu'a brouda 'no tant flamo musico sus li paraulo dóu regreta Marius Bourrelly. E la chausido de soun obro, que vèn de faire lou Coumitat dóu councours, fai bèn agura de la representacioun futuro de l'obro entiero au grand-teatre de Mount-Pelié.

— Lou felibre Emilo Brunet, de Lussan, vèn de publica à Nîmes, encò de Clavel, un pichot voulume in-16 de 84 pajo : *Li picbot Mias*.

Emai se vegue qu'aquéli cant soun li proumié dóu pouèto, nous pretoco de li saboura, e nous es en-de-bon d'acouraja l'autour, que mostro dins tòuti sis oubreto un ardènt amour pèr sa lengo e sa terro meiralo. De-segur, Emilo Brunet, en cantant emé soun cor, noun istara long-tèms sènsò nous douna la provo que sis ispiracioun an pres sa voulado vers lou jardin galant di Muso bello ; e l'amour dóu terraire e de sa lengo l'enjouiaran, car, coume lou dis éu :

. . . iuei, de glòrio
Chascun n'en vou un pau :
N'es uno de canta sa bòrio
E soun nisau.

— L'escourregudo ourganisado pèr lou *Parage* à Sant-Guilhèn-dóu-Desert, que n'avèn parla plus aut, es estado superbo e sobre-que-tout noumbrouso.

— Lou valènt secretari de la Mantenènço de Lengadò, Jan Fournel, yèn d'agué la doulour de vèire mouri soun paire, que s'es amoussa dins la pas de Diéu, lou 12 de mai, à l'age de 77 an.

Nòsti coundoulènci couralo, li mandan à Jan Fournel emai à sa famihò.

— Lou 27 d'abriéu, *las Abelbas cetòrias*, gracieuso Soucieta de damo e de damisello, se soun acampado pèr ausi uno counferènço de Mmo Isard sus *La pesca à Ceta*. La dicho de la counferenciero s'es clavado pèr la legido d'uno pèço dòu felibre Aufred Rottner : *la Sauguona de Pignan*, qu'a bouta lou risoulet sus tòuti li bouco e dins tòuti li cor.

— Lou dimenche 31 de mai, i'aura uno autre felibrejado dis *Abelbas cetòrias*, em' uno counferènci dòu felibre J. B. Castelnau, qu'es lou peirin d'aquelo gènto assouciacioun. Tòuti li Felibre de Lengadò ié soun counvida : un bastimen vendra prene li Felibre e li membre de l'Universita dòu Clapas, ansin que li damo, sus lou quèi de la garo de Ceto ; l'armounio e l'ourfeon jougaran e cantaran enjusqu'au *Stand* que s'atovo au bord de la mar, ounte se tendra la felibrejado.

L'ourfeon *L'espoir de Cette* cantara, à-n-aquelo óucasioun, uno obro mestresso : *Lous pescaires de Magalouna*, que li paraulo n'en soun de J. E. Castelnau, lou valent cabiscòu de l'Escolo felibrenco cetòri, e que la musico n'es dòu mantenèire musicaire d'elèi A. Fruchier. Se cantara peréu dins la felibrejado uno roumanço de circoustanço : *Abelbos e Flous*, di mèmis autour. La fèsto sara superbo e resplendènto : n'en rendren comte dins noste numèro venènt, que sara uno bello manifestacioun miejournalo, ounte li Felibre dòu Clapas, de Beziés, de Cournou, de Pignan, emai lis estudiant de l'Universita de Mount-Pelié ié frairejaran poulidamen.

— Avian di que lou Coumitat di festo de Mount-Pelié avié demanda au felibre A. Fruchier l'uberturo de soun opera de la *Bello Magalouno*, pèr la douna coume moussèu impausa dins lou councours de musico en division superioro. Apoundren que la coumessioun a peréu demanda au même musicaire d'escriéure la musico d'un cor, à semoundre coume moussèu impausa is ourfeon que prendran part à la targo. Brave ! e felicitacioun à noste valènt musicoire !

Aquitani

— Lou 27 de febrié, es mort en Albi lou felibre mantenèire Jùli Rolland, avoucat e publicisto, mai-que-mai devot à la Renessènço miejournalo.

Santo Estello l'ague reçaupu dins sa glòri, éu qu'avié bouta tant d'afecioun pèr l'enaura e la glourifica, quand noste Capoulié anè pourta la Coupo en Aubigés.

— Lou 6 d'abriéu, dilun de Pasco, l'Escolo de « Gaston-Phebus » valènt-à-dire l'acamp di felibre bearnés, bigourdan e gascoun, a ten-gu sesiho dins uno salo que M. lou maire de Pau i'avié gracieusamen semoundudo.

Aplaudissèn au groupamen que se fai dins lou Sud-Ouest ; la terro de Jansemin, de Despourrins e de Gastoun Febus noun pòu que douna flour, e sian assegura que, lèu-lèu, noumbrous saran aquéli que se ramblaran souto la bandiero felibrenco aubourado tant valentamen pèr aquelo pichoto Escolo, que tout-bèu-just vèn de creba l'iòu e qu'adeja canto, superbo, l'amour de la terro meiralo e la fe dins l'aveni :

Lèu-lèu, chens bergougne,
Que daran lou pie...
Moun sourelh, Gascougne,
Que puntéye au pic !

— L'Escolo Moundino tendra si Jo Flourau li 30 e 31 dóu mes de mai.

Li festo acoumengaran lou 30 de mai pèr uno vesprado de gala au teatre dóu Capitolo. L'endeman, dimenche, se faran li Jo Flourau dins uno salo de la Coumuno, e, à sèt ouro de vèspre, i'aura lou festin.

— A l'Acadèmi di Jo Flourau de Toulouso es, coume l'avian di, lou majourau En Gastoun Jourdanne qu'a fa lou raport sus lis obro en lengo roumano.

Li pres dóu concours soun esta davera pèr *Flour de Brousso*, de A. Vermenouze, e pèr *Lou Terradou*, de Prosper Estieu, qu'an aganta tóuti douz uno giroflado d'argènt.

L'abat Bernés, qu'avié presenta uno traducioun di fablo de La Fontaine, a óutengu uno primadello d'argènt. De mai, i'a agu de men-cioun decernido e s'es douna, pèr lou concours de 1898, un pouèmo francés sus lou tèmo : *Le réveil de la langue romane et les fêtes du Félibrige*. L'obro noun despassara 200 vers : pèr joio, i'aura uno vióuleto d'or.

— Uno Escolo felibrenco se vèn de constiuï à Fouis (Ariejo), souto lou noum de *Escolo de Mount-Segur*. Artur Caussou n'es lou cabiscòu ; souto-cabiscòu, A. Teulié, e secretari J. Gadrat, lou flame es-

tampaire de l'*Armana patoues* de l'Ariejo, que M. F. Pasquier, lou tant valènt archivaire, buto tóuti lis annado èm' un envanc qu'es pas de dire.

— L'*Escolo Carcinolo*, que n'avian anóuncia la foundacioun à Mount-Auban, emé Jan Castela pèr cabiscòu d'ounour, a pèr cabiscòu A. Quercy, souto-cabiscòu l'abat Cassagne, e pèr sóci : E. Forestier, La-combe, Perbosc, Lafosse et Froment de Beaurepaire.

LIMOUSIN

— Lou numerò 15 de *Lemouzi*, emé la seguido dóu *Lexique limousin* de Raymond Laborde, nous douno : *Tous Félibres*, pichot ate en vers de J. Soursac ; *Boulîk*, de Bernat Marca ; *la Chansou del navire*, cansoun pouplàri reculido pèr Mounsen Jousè Roux.

AUVERGNO

— *Lo Cobreto* dóu 7 d'abrieu nous adus li resson de nòstis ami d'Auriha. L'Auvergno canto à neste missau, e la *Flour de Brouesso* d'Arseno Vermenouze vèn de davera la bello joio di Jo Flourau de Clemènço Isauro, à Toulouse. Brave, l'Auvergno ! *Lo Cobreto* pòu fifra en ounour dóu gagnaire ! Aquest cop, i'a *Lo Tota* de Vermenouze, que fai gau de legi ; *Ol counsel de rebissou*, galejado proun drolo de Pèire Pitchou ; *La priçdiro del pastourel*, e quauqui tres de bon calas.

A PAREIGU :

A Carcassouno, dins la *Rouue Méridionale* de mai 1896 : *En art*, de Jan Trouvère ; *A Mario Prax*, d'Achilo Mir ; *la Cigalo roumano*, de Prosper Estieu.

En Auriha, dins *lo Cobreto*, un estudi sus *l'Utilité du patois dans l'enseignement du français*, pèr M. Dommergues ; *Saume de la penitènço*, revira de F. Mistral pèr G. de Lapierre, etc.

A-z-Ais, encò de J. Nicot, lou *Brinde* manda à la sesiho reginalo emai entre-naciounalo dóu 18 d'abrieu 1896, pèr L. de Berluc-Perussis, cabiscòu d'ounour de l'*Escolo larenco* ; es uno broucaduro de 8 pajo, in-32.

A Paris, dins lou *Viro-Soulèu* de mai, lou discours de recepciona de Pèire Wagner à la Soucieta felibrenco de Paris ; *Antony Réal*, de J. Troubat ; *Albert Tournier*, pèr Pau Maryllis.

Lou nº d'abriéu tenié : *Record entristesi* (Marius Bourrelly e Anséume Mathiéu) pèr Lucian Duc ; *André Leyris*, de César Gourdoux, etc.

A Mount-Auban, dins lou *Quercy* d'abriéu, que nous es agradiéu de saluda : *Au Maselié*, sus soun libre *En terro galeso*, vers dóu majourau Ant. Perbosc. Dins lou numerò 91 atrouvan : *Mountalba à Massabiolo*, cantico pouplàri que li paraulo n'en soun de l'abat felibre Cassagne e la musico de J. Bau-gues, etc.

Dins le *Courrier de Cannes*, 11 e 17 mars, 17 e 18 de mai : d'article galant sus li bataio de flour, d'ounte ressort claramen e au-tamen à l'ounour de noste ami Francés Moutoun, qu'es éu qu'a lou premiè istituï aquelo meno de bataio, que s'es pièi espandido, emé si prefum, long de la *Côte d'azur* e en d'autri rode ounte fai prouado.

Es lou valènt felibre Francés Moutoun, emé l'ajudo d'un parèu d'ami, qu'a establi à Cano : *Le progrès de Cannes*, que fuguè lou premiè journau que se publiquè dins aquelo vilo, i'a mai de trento an d'acò. Lou *Cannes mondain* dóu 22 de mars apound sa noto lausengiero à-n-aquelo dóu *Courrier de Cannes*. Brave !

A Mount-Pelié, dins la *Campana de Magalouna*, nº 95 : *L'ome pou-pulàri*, revira dóu prouvençau dóu Cascarelet pèr l'Escou-taire ; *Uno cansou de Roumiéu*, etc.

Vai parèisse à Paris lou *Dictionnaire des littérateurs, artistes et savants contemporains*. Aquélli que i'agradarié de ié figura an que de s'adreissa à M. Cousin-Vallée, editour, « 18, passage de l'É-lysée-des-Beaux-Arts, place Pigalle, Paris », que ié mandara lis entre-signé contro un timbre-poustau de 0 fr. 15.

A Marsiho, encò d'Aguste Roustan : la *Danso deis Fannaoux*, « can-soun sus l'èr deis Fierones », emé la musico pèr Pèire Gar-cin ; aquelo *Danso di Fanau* es seguidó de la *Cansoun deis Fierones*, tirado di *Chants populaires de la Provence* de Da-mase Arbaud ; in-8 de 12 pajo, 1896.

A Turin, dins la *Bouona Settimana* : *Pèr la felibresso Antounieto de Bèu-Caire*, vers de Frederi Mistral tira di *Belugo d'Antou-nieto* (Avignoun 1865), e revira pèr lou premiè cop en ita-lian pèr Mounsegne Luigi Capello di Comte di Sanfranco, sòci

dou Felibridge. Aquelo traduciouen es seguido d'uno pèço de vers pious e siave, desgruna soutu lou titoulet de *Campodolio*, pèr noblo dono Maria Licer, sòcio dou Felibridge.

A París, dins *La Province* de Lucian Duc, numerò de mars : un estudi dou felibre mantenèire E. Chalamel sus *Le Four*, costumo dou Dóufinat, e un autre de Carle dou Pouey : *Tribut des laitières aux conscrits en Bigorre*, emé la *Crounico des-centralisairo*, de Lucian Duc. Dins lou numerò d'abrieu : *Le rôle des paysans et des Félibres*, la flamo letro de Mounsegne Pagis au felibre-paisan Fermin Sauvan ; *les Parlors du terroir*, de Lucian Duc ; *Un félibre avant la lettre*, *Antony Réal*, pèr Jùli Troubat ; *Abrieu*, scunet de Maurise Girard, emé la traduciouen en vers francés de L. Duc, etc.

A Marsiho, dins lou *Petit Marseillais* dou 28 de mars : *La Reine Jeanne*, raconte d'uno escourregudo facho à Maiano pèr E. Rougier, e ounte es questioun de la representacioun que se dounara en Aurenjo d'aquelo pèço de Frederi Mistral, lou 15 d'avoust venent. Dins lou n° d'abrieu : *La langue provençale*, article valent d'E. Rougier sus la metodo d'ensignamen dou Frai Savinian e soun triounfle à la Sourbouno.

Vén de parèisse lou tant bèu pouème de *Jesus infant*, de Monsen J. Verdaguer, revira en francés pèr lou felibre roussihounés Justin Pepratx, de Perpignan. Longo-mai glòri avèngue à l'i-lustre autour de *l'Atlantida*. Lèu-lèu pareissiran li *Flors del Calvari*, de Jacinto Verdaguer, revirado en francés pèr lou même autour ; aquéu recuei sara precedi d'uno prefaci dou famous presicaire, lou Paire Montsabré.

Dins le *Mémorial d'Aix*, d'abrieu : *Soulèu tremount*, poulido pinturo en sét estrofo dou galant mes qu'adus li flour e lou rire i draïou de Prouvènço, pèr lou jouve Carle Bourrelly, que felicitan couralamen. Zou ! mignot, douno-nous souvent de pinturo coume aquelo e t'aplaudiren !

A-z-Ais, dins la *Provence nouvelle* : *l'Empremarié*, travai dou conseilaren Carle Martin, courouna dins li festo dou Centenari de l'empremarié à Marsiho, en 1895.

A Toulouso, dins la *Terro d'Oc* : *A la margarido*, de A. Fourès ; *Guilhem Figuiera*, de Bacquié-Fonade, etc., etc.

Lou Gerent : Jan Monné.

PARIS. — Imprimerie L. DUC, 35, rue Rousselet.

CROUNICO

SANTO-ESTELLO DE 1896

— Veici la letro que la Cancelarié dóu Felibridge a fa teni en tóuti li sòci que si noum soun pourta sus lou cartabèu, (1) sus lou prepaus di fèsto sant-estelenco de 1896 :

MOUSSU E GAI COUNFRAIRE,

Avèn l'ounour e lou plasé de vous faire assaupre que l'acampado de Santo-Estello se fara, aquest an, lou 26 de juliet, i Santo, au toumbèu de Mirèio, au pais di gardian. Aquesti ourganison, à-n-aquelo estigango, de fèsto qu'auran liò li 25 e 26, e que eoumpourtaran li jo celèbre de la courso dis *Aguieto*, de la *Ferrado*, de l'*Abrivado*, de la courso di biòu coucardié, e autre.

Aquéu jour, se noumara un majourau en plaço dóu paure Marius Bourrelly.

Aquéli que voudran prene part à la dinado (5 fr. pèr tèsto),

(1) Li Mantenènço d'Aquitàni e de Lengadò noun jujant à prepaus de manda à la Cancelarié lou noum di nouvèu felibre prouclama despièi 4 o 5 an, nous es esta impoussible de nianda li circulàri counsistourialo en aquéli nouvelamen nouma, que i'ero degu de li reçaupre. Pamens, counfourmamen is estatut, la Cancelarié, en seguido de la prouclamacioun de tout nouvèu felibre, n'en déu reçaupre avis, atendu qu'es elo qu'es cargado de faire teni soun diplomo i nouvèu felibre.

an que de manda sa counsentido, avans lou 22 de juliet, à M. F. de Baroncelli, i Sànti-Mario de la Mar, en Camargo, pèr Arle.

Esperan, Moussu e gai Counfraire, que vous fara gau de veni béure emé nautre à la coupo de l'estrambord, e vous pregan d'agrade l'asseguranco de nòsti sentimen egrègi.

Lou Vice-Cancelié,

JAN MONNÉ.

Lou Capoulié,

FÈLIS GRAS.

Adounc, lou 25 de juliet, sus li quatre ouro de tantost, lou subrecapoulié En Frederi Mistral, lou capoulié Fèlis Gras, M. e Mmo Janvier, sòci dóu Felibrige, li majourau Marius Girard, sendi de Prouvènço, e Gastoun Jourdanne, l'Auden afouga, emai quàuqui felibre, entre li quau Pau Roman e Pèire Dibon, MM. Desmolins, d'Arbaud e d'autre, arribon en garo di Santo.

Quand la musico a jouga la Marsiheso e l'èr de la Coupo, M. Peyron, maire di Santo, en un galant discours fai la bèn-vengudo en totúti li Felibre.

Mai, coume sorton de la garo, veici que de « gardian » à chivau, menant en croupo chascun sa dono o soun amigo, couifado dóu riban arlaten, s'arramon di Felibre; es Folcò de Baroncelli que meno la troupo e que, s'avancant de Fèlis Gras e de Mistral, soun ficheiroun en man, ié parlo coume eiçò :

O Mistrau, Ourrias lou trevan de Camargo
 Qu'amo segui, la niue, lis andano di biòu,
 I fort de tamarisso e que lou jour se targo,
 Dins lou cèu, fantasti que vous douño la pòu,
 Sus li chivau de lus qu'abiton li mirage,
 Ourrias es eici que te vèn saluda,
 Tourna-mai embouca de soun parla sóuvage,
 Tourna viéu dins nous-autre, e fièr de te crida:
 Glòri ! o pouèto grand que pèr la siho unico
 Dóu vièi Mèste Ramoun un jour l'as fa mouri,
 Ié dounant pèr toujour la vido pouëtico
 E, dins toun libre d'or, embarrant pèr escri
 Em' dóu siéu lou renoum di gardian de bouvino.
 O Baile, es pèr acò, pèr qu'as glourifica
 Li Santo, li sansouiro, e li tauro marino,
 E li cavalot blanc, pèr qu'as santifica

Nosto vido à jamai, que nous sian mes en sello,
Qu'avèn pres nòsti ferre e, pèr te faire ounour,
Mounta nòsti mouïè... Mistrau, de la capello,
Amount ounte Mirèio aguè la tressusour,
Li Santo en sourrisènt te san la bèn-vengudo,
E s'amaiso la mar e soun flot peresous
Vèn caressa mai plan, coume s'èro esmougudo,
Lou toumbèu ounte dor loun parèu amourous.
O grand baile-gardian, que Sant Jòrdi te mene,
E que nosto Camargo, en un pouèmo viéu
Enaurado i flamen que passon dins li niéu,
A ta glòri, o Mistrau, eternamen alene !

* *

Capoulié sarrasin,
Capoulié de la bruno caro,
Noste cousin,
Tu qu'amès, sus l'engano amaro,
De courseja la lèbre emé li perdigau,
Prince de l'Esquinau,
Fièr ami de la sóuvagino,
Fiéu dóu Ventour dounant la malo mort
I mescresènt dins ti cansoun divino,
Capoulié autambèn di gardian dur e fort
Que de nòsti felibre,
Dous cop te saludan,
E nòsti ferre libre
Davans lu clinon franc ;
E nòsti semo bello,
Emé de saladello
T'aduson lou record di gardiano qu'un jour
As cantado,
Englouriado
En estrolo d'amour.

Après d'aquelí paraulo, tant requisto e forço aplaudido, emé li gardian en tèsto, que fasien l'acoumpagnado, lou courtege s'es rendu à la Coumuno, ounte se béu lou vin d'ounour e ounte Gastoun Jourdanne, tant bèn emparaula, traïs à plen de cor li gramaci en touti.

En seguido, e musico en tèsto, se vai faire la coursò dis *Aguieto*. Lou vèvre, se faguè de farandoulo espetaclouso, e la vesprado s'es clavado pèr de cansoun. Fèlis Gras a di *Janeto dòu coutihoun verd*, e Frederi Mistral *Lou porto-aigo*.

Lou dimenche matin, gardian e Felibre anèron tria l'*Abrivado* au mas d'Icard, dins la manado dòu comte de Baroncelli. Li biòu arribon i Santo sus li dès ouro. L'a, pièi, la coursò di batèu e, d'enterin, li Felibre soun arriba, noumbrous.

Lou Counsistòri felibren tèn sesiho dins uno di salo de la Coumuno.

Se noumo au titre de « Cigalo dòu Mount-Ventùri » e en plaço dòu majourau Marius Bourrelly, defunta, En Fernand Antoine (dit Peire Bertas). Nòu majourau èron présent au voto, à saché : Arnavieille, de Mount-Pelié ; Jùli Cassini, d'Avignoun ; Pau Chassary, de Mount-Pelié ; L. Constans, d'Ais ; M. Girard, de St-Roumié ; F. Gras, d'Avignoun ; Gastoun Jourdanne, de Carcassouno ; Frederi Mistral, de Maiano ; A. Mouzin, d'Avignoun, emé lou sendi de Lengadò I. Messine, aguènt voues consultativo.

Lou titre de Mèstre en Gai-Sabè s'es decerni à Louis Astruc, de Marsiho ; à Maurise Raimbault e F. Garbier, de Cano.

S'es nouma sóci dòu Felibridge, M. Richard Watson Gilder, direitor dòu *Century illustrated Magazine*, de New-York, que durbis sa grando revisto à la Causo felibenco.

A miejour, quaranto counvida prenon plaço à taulo.

I plaço d'ounour, i'avíe lou Capoulié e Frederi Mistral ; M. Peyron, maire, Mmo Peyron e Mrò de Baroncelli, tóuti dos en Arlatenco ; M. e Mnio Toumas A. Janvier, li majourau qu'avèn deja cita si noum, F. de Baroncelli, e pièi uno bello tierò de felibre : Jan Fournel, L. Carlier, F. Dezeuze, E. Delmas, E. Riberette, lou valènt mèste Eyssette, C. Hetmann, A. Ponge, Renard, Bout de Charlemont, de Sarran d'Allard, Pau Roman, etc.

Lou menut, esquist e requist, es servi pèr l'oste Davin :

Saucisso d'Arle

Oulivo dòu Ventour, Burrè de Coundrièu

Rifort de Barbentano

Boui-abaisso

Vedèu dòu Souvage à la gardiano

Couvet d'engano en civié

Poulet rousti

Ensalado

*Crème au limoun**Desservo**Vin blanc d'ou Mas de Badet**Cartagèno d'ou Mas de Badet**Vin de Castèu-Nòu-di-Papo (Castèu de Roco-Fino)*

Li vin soun generousamen semoundu pèr lou conse Peyron e pèr lou comte de Baroncelli.

E quand lou vin di Roco-Fino aguè giscla dins la Coupo, lou Capoulié s'aubourè e parlè coume eiçò :

MESSIÉS E GAI COUNFRAIRE,

Aqueste an, es en famiho, sènsa façoun, à l'oumbro de la glèiso di Sànti-Mario, que trèvo l'amo de Mirèio, que nous acampan pèr parla dis afaire de la Causo felibrenco.

E, cresès-lou, l'acuei dis ardit pescadou Santen, di valerous gardian de Camargo, lis aplaudimen sènsa fin de la mar encantarello, li bòni paraulo tant felibrenco de M. lou Maire e lou coumplimen flouri d'ou baile Foleò, van miés au cor que tóuti li discours d'acadèmi e lis estrambouliado, amistadouso tant que voudrés, que l'on rescontro dins li recepcioune di gràndi vilo.

Parai ? aman mai l'oumbrino d'uno tamarisso que li rai d'un arc-de-trionfle de papié ; e, sobre-tout, es mai agradiéu de vèire à soun coustat lou riban d'uno Prouvençalo que lou capèu mounta d'un presèt.

Mai, saguen pas d'alòngui, que sau vuci n'en reveni is us di proumié tèms d'ou Felibrige : sau que chasque felibre entaula prengue, à soun tour, aquesto coupo e l'ausse en alargant tutto la fe de soun cor e tutto la pouësio de soun amo.

E ieu brinde, en vous disènt qu'aquéu vin rouge, que lampejo dins lou cratère d'or, es lou sang de nosto raço, sèmpre viéu, sèmpre fort. Aquéu sang noun dèu se mescla, e es nàutri li Felibre que lou gardaren pur, se dins li boulouverso de la vido, sabèn teni nauto e cloto aquelo Coupo santo ! Pèr arriba seguramen vers la toco marcado dins l'Estatut, pèr pas leissa envessa dins lou roudan d'ou camin aquéu vin qu'es noste recounfort, mi bon counfraise, sau nous teni siau sus la rego que cavèron li foudou d'ou Felibrige.

Fau plus vira lis iue vers lou vedèu d'or e la glouriolo qu'es briaudon, de cop que i'a, la jouventu estrambourdanto.

Santo Estello nous garde de maucoura, pamens, la jouvènço ! Que se desbounde ; que, coume lou poulin descabestra, elo sague sa galoupado un pau en foro de l'eirdu, fin que lou rasi de nosto se se fugue bèn enta dins soun cor : alor la veiren reveni à l'obro bello e subre-bono.

Eto ! es ansin, mi bon counfraire, sachès-lou bèn : es à l'escolo qu'an an, es ounte i'a d'ome que pourtan l'idèo felibrenco, es dins lou libre que fau semena lou gran qu'espandira, nauto e bello coume uno flour de viro-soulèu, nosto divino lengo prouvençalo.

Acò empacho pas qu'is ouro de lesi, quand lou tambourin vounvouno, poudèn nous espaceja vers li ferrado, e courre is abrivado, e afrounta lou negre tau dins lou round. Mai qu'uno ses la voto passado, lou biòu tourne en pas dins sa palun emé si gardian, que soun, éli, un di grand sourgènt de nosto pouëslo.

E n'en voulès un plus bèl eisèmple que noste baile de l'*Aïoli* ? Èu que d'en aut de sa sello gardiano, lou sicheiroun dins l'azur, au mitan de sa manado, amaduro soun obro felibrenco !

Fasès coume éu, jouvèn ! E degun poudra dire qu'avèn bouta lou càrri avans li biòu, nimai qu'avèn bouta li biòu avans la Causo felibrenco. Adounc, vous lou redise : se nous leissavian esbalauvi pèr li farsantello, se prenian pèr or tout ço que lusis, se coundian lou brut emé la resoun, farian coume aquelo bello mar que vesès cilalin sèmpre fouligaudo, sèmpre dansarello,

Que boundo en van eternamen
Vers l'Estello d'hu fiermamen !

Au mitan d'uno trounadisso de picamen de man, aubourado pèr la dicho superbo dóu Capoulié, tóuti, enaura e enfiouca, entounon l'inne de la Coupo coume un ate de fe felibren.

Mistral cantè, pièi, la *Cansoun di Marinie*, tirado de soun « Pouèmo dóu Rose. »

Pau Peyron, maire e counseié generau, trais à plen de man si gramaci i Felibre e aquéli de la poupoplacioun de sa coumuno, pèr la galanto idèo qu'an agu de veni celebra la Santo-Estello i Santo.

Noste sendi Marius Girard esmòu tóuti li cor emé li dóuci remembranço de sa jouvènço. E quau brindo mai : es Leopold Constans, Mouzin, Messine, A. Arnavieille ; Pèire Dibon canto la « *Cansoun di Gardian* » ; brindon mai M. Toumas Janvier, Gastoun Jourdanne, lou

mège Tardiéu, mèste Eysseto, de Sarran d'Allard. E pièi, zóu ! mai ausson la Coupo, Jùli Cassini, que pechairo ! ai ! las ! vèn de mourir ; e Bout de Charlemon, Pau Roman, lou jouine d'Arbaud, tout vibrant d'estrambord, etc., etc. Li cansoun enauranto e gaio brèsson lis amo e lis emporton vers li païs di bèu pantai, quand vènon querre li tau-lejaire pèr durbi la curso di biòu, que lou pople despaciènt espèro emé grand fernetego.

Aquelo curso de biòu coucardié es estoado mai que flamo.
E la fèsto se clavo dins la joio la mai deliciouso de tout un pople enfestouli.

Piousamen, nautre, clavareu lou raconte de la Santo-Estello dóu 26 de juliet, qu'un malastre nous a empacha de nous ié rèndre, pèr lou darríe brinde pourta pèr Jùli Cassini, aquéu tant arderous majourau que la traito mort vèn de nous rauba :

Au proumié de noste empirèio,
Au grand Mistrau qu'a fa brusi,
Mounte l'aurien jamai ausi,
Lou Felibrige e soun idèio ;

A la Prouvènço de Mirèio,
A soun envanc qu'a fa lusi
La Gascougnو, lou « Lemouzi »
E lou païs de la Bourrèio ;

A nòsti fraire qu'an lucha,
A li que soun, iuei, aliuncha,
I dono, enfin, à nosto troupo
Dise salut, e beve un cop
A l'enclusclanto e santo Coupo
Qu'es l'eissour de l'engèni d'O.

JAN MONNÉ.





LI NOVO FELIBRENCO

PROUVÈNÇO

— La fèsto annalo di Felibre de Paris s'es debanado, coume à l'acoustumado, lou dimenche 28 de jun, souto la presidènci d'ounour de M. Leygues, ancian ministre, qu'en responso à l'aloucucioun de bènvengudo dóu majourau Sextius Michel, sempre gracious dins soun role de presidènt de la Soucieta, a prounouncia lou discours d'usage, d'uno voues caudo, em' uno elouquènci que tenié cadun en alen. Li felibre bevien coume uno melico li coumplimen que ié trasié l'ome d'Estat, e tóuti an aplaudi mai-que-mai l'ouratour quand n'en venguè à parla de Frederi Mistral que, dis, « à Cadenet, i'a dous an, i'apareiguè coume l'emperaire d'Arle. »

La Court d'Amour fuguè di mai réussido, e se ié veguè emé bonur e curiousita un capelan bretoun veni faire de coumplimen à la réino, em' i dono que i'èron à l'entour.

Après la taulejado, ounte brinde, vers e cansoun faguèron flòri, li felibre anèron s'espacha dins lou pargue, acoumpagna de la Tarasco brandant la tèsto, e la fèsto se clavè pèr uno gaio farandoulo menado pèr lou cancelié Pau Marieton.

Vès-eici lou paumarés di Jo Flourau de 1896, que s'es debana dins la salo di fèsto de la Coumuno de Scèus :

Councilours literari

1. *Sujèt en lengo d'O.* — A. Sounet sus *L'aigo boulido*. Premié pres, à Elzear Jouveau, d'Avignoun ; segound, ex æquo, à Autheman, de l'Islo, e Ougènni Lacroix, d'Aramoun ; tresen, ex æquo, à Fernand

Troubat, de Mount-Pelié, e Francès Garbier, de Cano ; la premiero mencionoun es estado reservado ; segoundo, ex æquo, à M. Chabrand e D. Thomas ; tresenco, à Maurise Girard.

B. Odo sus *Ansèume Matbiu*. — Premié pres, à Louis Tombarel, d'Ais ; segound, ex æquo, à Enri Bouvet, d'Avignoun, e Alban Coffinières, de Touloun ; premiero mencionoun à J. Reynaud, de Vaqueyras, e segoundo à Ant. Berthier, de Bèu-Caire.

C. Pouësio sus *lou Palais di Papo* — Pres unen, à P. Cheilan, d'Ais.

D. Proso. — Pres à Enri Bouvet (estudi sus A. Mathieu) : mencionoun à Ph. Chauvier, pèr sa *Coumedio de la carriero*.

2. *Sujèt en longo franceso*. — E. *Lou Felibrige de Paris à Flcurian* (pouësio). Pres à Fèlis Meyrargues, de Niço ; premiero mencionoun à Clemènt Boulze, d'Alais ; segoundo à Elisée Bégou ; tresenco à Norbert Boulze.

F. *Margarido da Prouvènço* (sounet). Pres à Celestin Bonnet, de Sault.

Counconrs classique pèr lis escoulan

Traduciuon en lengo d'O (proso), de la fablo : *La carpo e lou carpiboun*. — Premié pres à Albert Mir, dón licèu de Mount-Pelié ; segound, ex æquo, à Ch. Joullié e Agustin Audibert ; premiero mencionoun ex æquo à Louis Sautet e J. Raymond, elève di Fraire d'Arle, e Louis David, dòu licèu de Mount-Pelié ; segoundo à Ph. Denéjeau ; tresenco, ex æquo, à Louis Gilles, Michèu Jonquet e Pau Bourgues ; quatreno, à Pau Achard.

Counconrs artisti

1. *Dessin*. — Pres à Marius Barthalot, de Paris ; mencionoun à Ch. Cornillon.

2. *Musico* sus la pouësio de Ravous Gineste : *Balado de Jan di Figo*. — Pres, à M. Fruchier, proufessour au coulège de Ceto.

— Lou Coursèu Municipau d'Aurenjo a decida que li representacioun d'*Antigone* e d'*Horace*, óuficialamen anounciado pèr li 8 e 9 d'avoust, au teatre antique, sarien remandado à l'an que vèn, M. lou President de la Republico noun pousquènt veni en Aurenjo aquesto annado.

D'un autre caire, li dous burèu de la Cigalo e di Felibre de Paris se soun acampa, souto la presidènci de M. Sextius Michel, president d'aquelo darriero Societa. Après deliberacioun, s'es counclu de remanda parieramen à l'an que vèn li festo felibrenco, que se devien

douna dins lou currènt dóu mes d'avoust. Lou President de la Républico a fa proumesso de ié veni e de counsacra dès jour à soun escourregudo miejournalo.

— Lou dimars 23 de jun, dins lou saloun di « Mardistes », à Marsiho, M. Louis Pascal, d'Uzès (Gard), a douna uno counferènci mai qu'interessanto e forçu doucumentado, sus lou majourau En Aguste Verdot.

Lou majourau En Louis Astruc presidavo : i'ero degu, éu qu'es esta un di bons ami de Verdot. A dubert la sesiho en prouvençau, présentant poulidamen lou counferencie is escoutaire. Aquest s'es tira de soun pres-fa à l'agrat de tòuti, e lis aplaudimen i'an pas fauta. Lou majourau En Louis de Berluc avié bèn vougu ounoura aquelo flamo sesiho de sa presènci e de l'afat de soun aut renoum.

En Louis Astruc a di, pièi, *La Terro*, uno de si flàmi pouësio, e Clemènt Gallicier, lou bèu pouëto di *Dedicaci*, i'a peréu apoundu quàuqui vers dardaïant e dindant. Lazarino de Manosco, pèr la bono bouco, a di soun *Cbi-cbi-bu* (ourtoulan), pèço pleno de sentimen esquist.

Sarié en-de-hon qu'en seguido d'aqueло sesiho en ounour dóu felibre eiguieren, la famiho e lis ami s'entendeguèsson pèr faire uno plaqueto di quàuqui pèço dóu felibre Verdot.

Nous dison qu'acò se fara. Tant miés ! sarà un pious óumage rendu à soun amour de la lengo dóu brès, e aquéli que l'an counéigu e que l'an ama, saran urous de recata pèr ansin, en uno garbeto flourido, lis aut sentimen de sa bello amo de crestian e de felibre.

— *Les Mois dorés*, es lou titre d'uno revisto mesadiero que li journal nous n'an anóuncia l'espelido, e qu'es bailejado pèr lou felibre Joachim Gasquet. Aquelo revistouno, que s'estampo à-z-Ais, e que ié souvetan longo vido, douno en nosto lengo, dins soun premié numerò de mai 1896 : *La bello e lou cbivalé*, cansoun castelairo de Pau Roman.

— Lou bèu jour de Pendecousto, lou felibre canounge A. Grimaud, curat de Sorgo, a fa lou panegiri de Jano d'Arc, en lengo prouvençalo, dins la glèiso de Santo-Marto de Tarascoun. Avié glourifica Sto Marto dins la memo glèiso, i'avié déjà quàuqui mesado. Lou pople avié courregu en foulou pèr se coungousta de la pataulo ardènto dóu flame presicaire prouvençau.

— Lou valènt conse laren Carle Martin, que dounerian soun rambau en parla cacalian, vèn tourna-mai de nous semoundre un nouveau

pres-courrènt que porto, emé la cigalo, l'óulivié e la pervenco, uno galanto Prouvençalo semoundènt l'òli de Prouvènço is ami, en disent :

Aoò si qu'es de bouen òli, oscò !
Digo-li que vengon, moun bouen !

Ah ! d'aquéu boustre de Martin, qu'a trouva « l'òli di Felibre »
rous coume l'or ! Oscò !

— A prepaus di curso de biòu, que tant passiouon à l'ouro d'luei lou pople miejournau, *Le conciliateur* de Bèu-Caire, dins soun numerò dòu 13 de juliet, reproodus la letro qu'en 1874 lou Cascarelet (Roumanille), servissènt de secretari à la bòuvino camarguenco, escrivíe sus d'aquelo estiganço, souto lou titoulet de : « Remoustranço di biòu de la Camargo, à Moussu lou Ministre de l'Interior. »

— Fasèn la bono salut à *l'Ardèche littéraire*, que baio un pichot recantoun, dins si coulono, à la lengo dòu terradou. Dis un is autre, touti ié passon. Zou ! dòu mai la farandoulo sara longo e dòu mai l'amo de la patrio, tresanato, s'enlusira.

— Lou dimars 2 de jun, lou Coumitat dòu « Museon arlaten », que mèste Eisseto n'es lou président, s'acampavo à l'*Hôtel Pinus*, en Arle.

Presidavon la dinado En Frederi Mistral e lou dòutour Marignan. Quau saup quant de felibre d'Arle e d'ome de la bono s'èron groupa à soun entour, pèr s'ensiouca de si paraulo e de si counsèu, pèr la réussido de l'obro entre-presso.

Après lou repas, que lou menut óuriginau es eici dessouto :

Oulivo de Maiano, Saucisson d'Arle, etc.

Pèis di Santo à la remoulado

Filet de biòu à la Baumelo, sauço berigoulo

Faviòu verd di cremen dòu Rose

Poulet dòu Mas di Falabreguiè

Ensalado dis Aliscamp

Pèço mountado Rèino-Jano

Lipetejariè de touto merço

Vin de Marsillargues

Bourgougnou de Dijoun

Mistral a di la *Cansoun di Marinié*, tirado de soun *Pouèmo dòu Rose*, e s'es brinda à la foundacioun dòu Museon. Mèste Eisseto a di quauqui sounet, lou dòutour Marignan a legi sis *Estrucions* pèr lou

Museon, e pièi s'es vesita quauqui loucau que pourran' èstre necite pèr l'istalacioun dòu Museon.

— En favour di felibre que legisson aquest buletin, lou flame voulume : *Carpentras, si deco e si mervèlo*, nouvelamen pareigu (183 pajo de proso esquichado e flourido), sara manda francò, pèr 1 fr. 80 (12 timbre di blu).

Aquéli que mandaran 17 timbre reçaupran, en subre, e francò tambèn : *Is Aliscamp*, edicioun de lüssi, papié d'Oulando, 100 pajo de bèu vers emé sa traducioun. De mai, coume primo, à-gratis, sara apoundu au mandadis la gènto broucaduro : *L'abat Jan Tardieu, curat de St-Auban*, qu'es demoura legendàri dins la Droumo e dins tout lou Miejour, e que si tartarinado faran estrassa dòu rire li plus menèbre.

Aquéli douz voulume noun se soun bouta en librarié, pèr afin d'estre baia à meiour comte.

Adreissa li demando à l'abat E. Imbert, felibre de N.-D., à Valréas (Vau-Cluso). E despachas-vous, que si librihoun se chabisson coume de pèbre. Zou ! courrès-ié !

— Lou 17 de juliet, *le Temps*, de Paris, a coumença en fuietoun la traducioun franceso di « Rouge dòu Miejour », de Félix Gras.

— Lou libre de Batisto Bonnet, *Vido d'enfant*, es esta classa dins lou catalogue de la biblioutèco dis Escolo. Brave !

— Lon 26 de juliet, à St-Meissimin (Var), i'a agu de gràndi festo en ounour de Santo Madaleno, e li tambourinaire d'à-z-Ais, que i'eron esta counvida, jié soun vengu, mena pèr lou capo tambourinaire, lou majourau En Francés Vidal.

Lou pople lis a reçaupu en grand fogo e emè grand gau a aplaudi si rigaudoun prouvençau e lis èr di cansoun di rèire. La musico filarmounico de St-Meissimin i'a fa lis ounour, e M. Jourdan, noutàri, emai M. Durand, coumissàri di festo, e peréu lou valènt felibre J.-B. Menut, chivalié dòu Merite agricolo, carga de li benastruga, lis an endraia vers la glèiso e vers la Coumuno : pertout an fa flòri, re-viudant dins lou cor dòu pople l'amour patriau.

Vès-eici li paraulo dòu felibre J.-B. Menut :

MESSIÉS LEI TAMBOURINAIRE, MESSIÉS E GAI COUNFRARE,

Au noum de la Coumessien dei festo, au noum dòu pople mie-journau, sieguès lei hèn-vengu !

En ma qualita de felibre, mi fa grand gau de saluda la flamo

tierc di tambourinaire d'à-z-Ais, que fan lou regale de nouesto Prouvènço tant amado.

Venès encuei reviha nouesto fèsto patrounalo, qu'a resta ape-raqui mai de mié siècle endourmido, e vous n'en sèn tòuti nouestei gramaci : e lei gènt de nouesto galanto viloto, en ausissènt rounfla dins l'aire leis èr viéu e lèri dòu fleitet, vous aplaudiran de tout cor, que li remembrarés lou passat à-n-aquélei vièi rèire-grand que lou bresihage de nouestei tu-tu-pan-pan e vouéstei riéu-chiéu-chiéu meloudious van faire tresouli. Zóu ! lou vièi tèms s'esfato pèr lei remembre de la jouvènço.

Dins lou passat, saludan li dous flàmei mèstre tambourinaire, Come e Bandòu, que, lou libre ci dènt, cade dimanche, fasien dansa la jouinesso de Sant-Meissimin, e que nous eridavon, de tant d'afecioun qu'avien pèr soun art : « Marrias ! marcas bèn lou pas !

Vautre, que sias lou presènt, fiéu ardènt, mantenèire arderous de nouesto musiqueto naciounalo, que largas lei refrin lei plus galoi e lei mai goustous, vautre que vejas l'estrambord dins tòutei nouestei fèsto amistadouso, zóu ! fasès restounti lis èr de *Mirèio*, de *Magali* e de *la Coupo* dins tòutei lei carriero, e veirés lou pople glourious, li drole esmougu, li drouleto riserello, s'arramba à voste entour, coume leis abiho vers lou bruse, pèr ié beca lou mèu de vosto lengo d'or.

Vivo lei Tambourinaire !

Vivo la Prouvènço ! e ounour avèngue à St-Meissimin.

— La musicò dòu 55ⁿ de ligno, à-z-Ais, jogo de tèms à autre la mousaïco d'èr prouvençau, sertido pèr lou mèstre musicaire G. Borel, felibre de Prouvènço. Sis *Echos de Provence* emé lis èr di *Chivau-Frus*, de la *Bedocbo*, *A-de-matin*, *Adieu paure*, e de tant d'autre moussèu, escarabiha, urousamen liga ensén per lou gaudi armounious de l'artisto d'elèi, fan lou regale di gènt d'à-z-Ais, que s'agradon de lis aplaudi.

— Lou 21 de jun, uno bello troupo de Clapassié e d'estudiant fe-libre, emé la Soucieta d'ourticulturo e d'istòri naturalo de l'Erau, soun vengu vesita li rouino di Baus, e, passant pèr Sant-Roumié, soun ana saluda noste sendi, En Marius Girard, que lis a reçaupu emé sa bello avenènço coustumiero. Pièi, touto aquelo jouinesso a canta sus la plaço publico, davans lou bal, que li dansaire an fa calamo pèr lis entèn-

dre : *Coupo santo*, de Mistral ; *lis Estello*, d'Aubanel, e *Lou Maget*, de Roumieux, En quitant St-Roumié, tóuti an crida : « Vivo Mistral ! Vivo la Prouvènço ! Vivo li chato de St-Roumié ! »

Em' acò, bello finido !

— Lou dissate 8 d'avoust, à la destribucioun di pres dis Escolo di Fraire d'Arle, après quauqui moussèu jouga pèr la « Founfòni prouvençalo », qu'a fa flòri à Mount-Pelié i fèsto dóu councours musicau, lou Pai Savié de Fourviero a fa un discours prouvençau, que tout l'auditòri a bada de l'entèndre e que tóuti li man picavon d'esperéli pèr l'aplaudi.

— Uno nouvello Soucieta de Miejourau vèn de se coustituï à Paris, souto lou nom de *Lis Ensouleta*. Soun reçaupu dins aquelo Soucieta que lis artisto, e lis acamp se tènon sèt mes de l'an e un cop pèr mes, à taulo.

— A Digno, la Soucieta literàri di Bassis-Aup vèn de teni sa sesiho annalo e, come à l'acustumado, a fa bello acuïènço à la lengo dóu brès. Lou majourau En Eugèni Plauchud i'a di, emé soun gaudi tria : *Lei sant s'ameriton lei candèlo* ; Pau Martin i'a debana dos galejado : *Lei Pescadou e l'Armuro de Sant Martin*. *La mouert de l'oncle Tittin*, que M. Saccoman a pièi debitado, a fa desgargamela l'auditòri, e M. Jaubert a clava la dicho pèr la *Viéuva*.

Longo-mai flourigue la lengo meiralo dins lis acamp de la Soucieta literàri di Bassis-Aup, ounte tant de nòstis ami dóu Felibrige fan prouado.

— A pareigu à Paris, encò de Lemerre : *Le livre de mélancolie*, de Pau Marieton (in-18 de 147 pajo), ounte aquéu felibre, come d'un sourgent fres e linde, apassiounadamen a leissa giscla de l'estras de soun amo, li perleto de sang, tóuti rouginello, que l'amour n'a serti soun rousari galant.

L'avèn legi emé grand gau un sounet adreissa à Frederi Mistral, partent pèr la Santo-Estello de Cano, en 1887, qu'es poulidamen vira e qu'es esta di, lou mes de jun passa, à la Court d'amour de Scèus, ounte a reculí forçò aplaudimen.

— A pareigu à-z-Ais, encò de Nicot : *l'Empremarié*, in-8 de 8 pajo, obro de Carle Martin, courounado au councours de proso prouvençalo dubert sus lou prepaus de la celebracioun dóu tresen centenari de l'empremarié, à Marsiho.

MORTUORUM

— Lou 7 d'avoust es mort, en Avignoun, lou majourau En Jùli Cassini.

L'arderous felibre que la mort vèn de nous rauba, boutant tourna-mai en dòu lou Felibrige e la Prouvènço e, subre-tout, nòsti cor d'ami e de fraire, en 1895 avié ramplaça Jan Brunet dins lou Counsistòri, emé lou titoulet de « Cigalo de l'arc-de-sedo », e n'es sus l'arc-de-sedo qu'a mounta, pèr ajougne lou soubeiran e divin trelus de Santo Estello.

Enri Bouvet, Auzias Jeuveau, Pèire Devoluy, Pau Gautier, Pèire Dibon e d'autris ami, seguissien li majourau Frederi Mistral, Anfos Tavan e Alèssi Mouzin, qu'acoumpagnavon lou valènt Jùli Cassini à sa darriero demoro.

Sus lou cros, ounte l'Escolo dóu Flourege avié pausa piousamen uno courouno de regrès, lou subre-capoulié, En Frederi Mistral, a parla loungamen d'aquel afouga, que luchavo de pèd e d'ounglo pèr la grando causo prouvençalo.

Après Mistral, Enri Bouvet, au noum di Felibre d'Avignoun, a leissa desbounda soun cor d'ami, à l'ouro crudèlo de la despartido, pèr aquelo naturo d'elèi, que s'estacavo is ome em' i causo bello, coume l'èurre s'estaco au roure, e que, dins li lucho de la vido, — que pechairo ! a proun coumbatu — laisso après éu lou souveni d'un bon e leiau cambarado, que soun cor e sa boursò èron de-longo dubert pèr lis ami.

Nautre, que nous es pa' sta poussible — e regretous n'en sian — d'ana ié pourta neste darriè salut, ié trasèn touto l'afecioun de nostro amo, aquelo afecioun qu'avié sachu gagna pèr li bèlli qualita que n'en fasien un ome d'elèi e un ami coume se n'en vèi plus gaire à l'ouro d'uei.

— Lou 30 de mai es mort à Castèu-Reinard, dins la flour de si 23 an, lou brave Louis Tombarel, estudiant di letro à-z-Ais.

L'afouga e arderous felibre, amourous de sa lengo e fier de sa terro meiralo que, tant de cop dins li lucho dóu Gai-Sabé avié gagna li joio, es toumba courouna di pervenco que la Soucieta felibrenco de Paris i'a semoundudo e a piousamen jitado sus soun cros, pèr sa bello pèço *A-n-Ansàume Matbiéu*.

La mort d'aquéu jouvènt, que i'avian douna nosto afecioun e que fasié neste ourguei, nous a forço greva, e desiran que Santo Estello té pague en glòri soun amour superbe pèr la Causo felibrenco.

— Lou 1 de desembre 1895, es mort à Mentoun, dins si 53 an, M. Louis Docteur, ancian conse, qu'ero mantenèire de Prouvènço.

Santo-Estello l'ague reçaupu dins sa glòri !

— Es mort à Paris, lou 7 de jun, M. Savié Blanc, senatour dis Autis-Aup, qu'ero sóci de la Mantehènço de Prouvènço.

Que repause en Diéu !

— Lou 6 dóu mes de juliet, es mort à Palma de Maiorco, l'emi-nent Jousè Quadrado, archivaire de l'ancian reiaume maiourquin, autour de la *Historia de Mallorca e de Forense y ciutadanos*, qu'ero majourau dóu Felibridge dins la tierro de Catalouguo.

Santo Estello couroune soun front de la glòri degudo is amaire apassiouna de la pichoto patrio, d'enterin que nautre plagnèn de tout cor li dòu de nòsti fraire de Catalouguo.

— Es mort à Seloun (Boucou-dóu Rose), lou jour même de Santo Estello, 21 de mai 1896, lou felibre mantenèire Marius Bonnafos, ancian nouitàri, qu'ero enfiouca de l'amour de la Prouvènço e de la lengo dóu brès.

En francés coume en prouvençau, cantavo que la terro meiralo, coume lou mostro lou titre dóu recuei pouëti qu'avié publica en 1879 e qu'es entitoula : *la Provence*.

Eu-même disié, dins sa prefaci :

J'entreprends de chanter notre belle l'rovence...
Et si, pour mon pays, j'ai fait battre un seul cœur,
Je ne demanderai pas d'autre récompense.

A canta dins soun libre, en sounet francés, li rode, li mounumen e li grands ome de soun encourrado.

E i'a pièi apoundu quàuqui galejado e quàuqui fablo revirado en prouvençau.

En 1883, publiquè uno gènto traducoun en vers francés di quatre proumiè cant de *Mirèio*, emai dóu cant seten, obro courounado i Jo Flourau de 1882

Dounan à sa memòri lou regrêt de tòuti lis amaire dóu terradou nadalen.





LA FÈSTO DIS ABIHO CETORI

Lou 31 de mai, en seguido d'uno mai que gento counvidacioun dóu brave J. E. Castelnau, cabiscòu de l'Escolo Cetòri e peirin dóu grupo dis *Abiho Cetòri*, nous trouvavian à Ceto, pèr prene part à la felibrejado — car n'es esta uno e di flamejanto — ourganisado souto l'afflat dóu felibre Castelnau, en ounour dis Abiho cetòri, que soun un brusc de jouvènto qu'an acaba sis estudi o que li countùnion, e que s'acamon de tems à autre pèr ausi de cunferènci, douñado sus tòuti li tèmo à sa pourtado, pèr d'ome de la bono, e que, tres o quatre fes la semano, se groupon pèr se perfeciouna dins lou travai de broudarié, de courdurarello, etc., e dins lis obro de l'oustau, à soulo fin de deveni l'abiho melicouso e travaiarello dóu meinage à veni.

Aquelo assouciacioun, establido souto la simpatico ajudo de M. Yon, lou renoumena espetour d'acadèmi de Mount-Pelié, es presidado pèr la direitriço de l'Escolo Sévigné, de Ceto, Mmo O. Griscelli, e vous assegure qu'emé li graci e l'envanc de la rèino bello dóu brusc cetòri, i'a rèn d'estounant que sis abiho dounon un mèu tant sabourous e tant rousen.

Adounc, pèr n'en reveni à la fèsto d'aquele « assouciacioun amis-tadous » di jóuini chato de Ceto, à-n-uno ouro de tantost, nous atrouverian, emé Castelnau, en coumpagno de M. Yon, espetour d'acadèmi; J. F. Fruchier, lou musicaire d'elèi; F. Jouveau, un autre musicaire de la bono, tòuti douz mantenière de Prouvènço; Antounin Maffre, de Beziés; Aufred Rottner, Aigon, Bastide de Clauzel, A. Roustan, Laborde, Martin, B. Duffour, A. Vergnes, Coulomb, e uno tiero de proufessour dóu coulège, em' un grupo de dono e uno delegacioun de pouliди chatouno, que lis abiho avien mandado, e que s'adraivon poulidamen à l'endavans di felibre que lou trin nous adusié.

Mai lou trin arribo e n'en davalon lèu-lèu lou sendi Messine, lou vice-sendi A. Arnavielle, emé si dous drole Jaque e l'Arabiquet ; E. Marsal e soun fiéu Louis, J. Anglade, Grammont, proufessour de l'Universita de Mount-Pelié ; Gounzague Durand, Júli Veran, E. Dalmas, Saumade, Fernand Troubat e soun fiéu Jòrdi, Brousse, Coumbalat-Roche, e d'autre que n'ai perdu lou noun.

En tre sorti de la garo, e après la bèn-vengudo dounado à plen de cor pèr lou cabiscòu Castelnau i felibre e ami qu'an respondu à soun rampèu, la delegacioun dis Abiho s'avanco e présento à soun peirin uno superbo bandiero d'azur, touto broudado d'or, emé cigalo e guitarro e l'escripcióun : « Felibrige de Ceta. » Esmougu e tresnant de joio, Castelnau fai si gramaci à Dono Griscelli emai à si gèntis Abiho, e zóu ! fourman courtege, emé la musico l'*Harmonie de Cette*, que l'ourseoun : *Espoir de Cette* acoumpagno, e que, tre nous vèire pouncheja deforo, nous a saluda pèr l'èr dóu « Maset de mèste Roumiéux. »

Long dóu canau, un batèu à vapour nous espèro, e abiho, musaire, cantaire, felibre e ami di felibre, tout acò s'embarco ; lou siblet anouncio la partènço, e lou pople, que sus noste passage avié aplaudi, tourna-mai pico di man e crido : Vivo li Felibre !

Pèr nous vèire passa, li quèi soun clafi de mounde, li dono soun enfenestrado e nous fan bouqueto ; la musico jogo *Las trelbas*, aquel èr tant ama di Cetòri ; M. Delmas canto lou *Soulòmi de la Ròino Fano*, de Mistral, que tóuti ié respondon. La galèro vogo e, nostro travessado finido, desbarcan e, bras dessus bras dessouto, à bèu parèu, Felibre e Abiho s'adraion vers lou *Stand*, ounte se dèu teni la feli-brejado.

Es Mmo O. Griscelli que nous n'en fai lis ounour. La salo es pleno coume un iòu, e d'acò bèu. Escalan sus lou pountin, i plaço que nous soun reservado, e nòstis iue noun se podon alassa de l'espèctacle charmant e pivelaire que nous es douna de vèire. La mar, alin, ape-ralin, s'esperloungant, risènto e bressarello, emé de barquet de pes-caire à centenau ; à nòsti pèd, lou tablèu lou mai pouëti que se posque reva, un eissame d'abiho riserello, courousu, divino à voi:s enfada.

La salo es magnificamen flouriilo, e li garlando de brut verd l'en-centuron. Ah ! qu'acò 's bèu.

Basto ! quand tout lou mounde es plaça, que li nouvèu e darrié vengu se soun arramba de naute : MM. li proufessour dóu coulège

de Ceto, lou pintre Toussant Roussy, counservatour dóu Museon de Ceto ; M. Valery, proufessour à la Faculta de Dre de Mount-Pelié ; lou juge de pas de Ceto, lou comandant dóu port, M. Achilo Maffre, de Baugé, qu'ero arriba trop tard, emai courreguèsse, pèr sauta dins lou batèu à vapour que nous empourtavo vers lou Stand, es lou cabiscòu Castelnau que, avans de durbi la sesiho, legis uno despacho dóu mestre de Maiano, que dis si regrêt de noun èstre au mitan de nautre.

L'Harmonie de Cette durbis la sesiho em' un moussèu flame : *Scbil-ler-Marscb*, de Meyerbeer, e pièi lou président, M. Yon, espelour d'acadèmi à Mount-Pelié, prounóuncio uno aloucucion regouiranto d'esperit, que nous a tòuti charma.

En seguido, es lou cabiscòu E. Castelnau que s'aubouro e que nous fai uno interessanto charradisso sus lou Felibrige, enaurant Mistral, Roumanille, Aubanel e touto la tierro di mestre escrivan de Lengadò ; dis autamen e fieramen la toco e l'ideau dóu Felibrige, e fai counèisse l'obro e lis óubrié. La majo part dis escoutaire cuneissien rèn dóu Felibrige e, de-segur, aquelo presentacioun magistralo, aquelo pouëtico dissertacioun i'an dubert lis iue; e sabon ço qu'es un felibre e ço que vòu lou Felibrige. Aquelo dicho, en franchimand dindant, s'acabo, e lou conferencie countùnio de traire soun bout en parla cetòri, tant sabourous e goustous, tant clar e fres, que noun poudèn resisti de lou douna en entié. Escoutas sa musiqueto, dedicado is Abiho em' i flour :

Agradivas e melicousas abelhas !

Vous doutàs pas de ce qu'avès de bon e de bèu jouta vostas alas e dins voste cor ; mès quand sauprièi d'escarougnà tout-escasseto ou foça vosto moudestla, deve escunlà las qualitat que trop de gènts savon pas vous recounouitre, en passant davans vautres sans admiracioun, couma passarien davans una mou-lounada de flous qu'embaumon, sans avedre lou biais de las senti.

Sès d'abelhas, savès acò ; savès atabè qu'un jour, devès toutes, foça ou pau, faire tetà voste lach as defensous de la patria ; savès tamben d'una façoun biblica coussi sès estadas creadas, e de quante biais sès intradas dins lou brès de la vida ? Mès, d'una façoun mistica e pouëtico, digus vous a pas jamai res après ? Eh ! be, ieu vous hou vau aprendre.

Seguissè-s me dins lou paradis-terrèstre, au moumen ounte Diéu
venié de créa l'ome que languissié, pecaireta ! tout soulet, au
bèu mitan de las béstias, qu'embé sas dènts de lach mourdien
pas ; dins d'alèias d'agrunellas roujas que savièn pas pouni, pioi,
davans e detràs, e dejout e dessus, una cloucounada de flous
sans espignas, toutes regoulant de perfum qu'embaumavon ! Vous
an dich que, dins aquelas entre-mièjas, lou bon Diéu, pèr levà
l'ome dau languimen, aguèt l'idèia de ié douna una coumpagna,
Eva. Mès, couma la creacioun èra acabada, salié la tirà d'en
quicon.

I'a de paures foulralets que vous an sach creire que, pèr acò
faire, Noste-Segne anèt derrabà una cousteleta à Adam, dau tèms
qu'aqueste dourmissié, amai sans lou derevelhà... Eh ! be, poudès
creire qu'aquel paure mesquin devié avedre lou som bèn soulide !
E pamens, lou diable lou tenié de brounchoïnat, car lou quitava
pas d'un briéu.

Mès veici vertadieiramen coussi Noste-Segne saguèt : en se pas-
sejant dins l'alèia de las pu bellas flous, ounte s'era aclatat un
issan d'abelhas d'or, culiguèt un èli, una rosa, una vióuleta, e
quand tenguèt aquela trinitat dins sa man, n'en poumpèt la can-
dour de l'èli, la bèutat graciosa de la rosa, la moudestia de la
vióuleta, e de soun aflat divin busèt talamen bèn sus aqueles tres
perfums, que n'en saguèt lou cors e l'ama de la coumpagna
d'Adam.

Alor, iaguèt un combat de jalousié entre Satan e l'ange bou-
tarèl, e couma Adam vouguèt faire un esfors pèr lous desseparà,
lou diable escoupièt tres fes sus Adam e un cop sus Eva.
Vaqui perqué, despioi, l'ome porta en el tres quarts de demoun e
un quart d'ange soulamen, noun pas que la fenna en s'enantan
de rebaletas, n'aganlet qu'un quart de demoun e counservèt sous
tres quarts d'ange...

Vesès, graciousas Damas, qu'avès agut la pus pouilda part !
Vous estounarés pas, alor, s'aimàs las flours e se ié ressemblàs.
Aladoune, sarés pas suspresas tambèn, se simboulisàs las abel-
has, se travalhàs couma elas, s'avès lou goust dau bon e dau bèu
couma elas, c se dounàs de bonur dins voste fougau quand digus
vous iescaraugna pas.

Couma las abelhas, rousigàs ambé joia la pitança de l'amour,
sans n'estre degalhèiras, car avès foça dinieirolas que porton

lou noum de bresca e dins chasque vermeial canou savès iassetà, una sus l'autra, de lisquetas de mèu roussèl que representou las pecelas d'or de voste espargne. E pèr quau acampas tout acò ? Pas pèr vautras, pecaireta ! nani ! Ce que metès de coustat, es pèr toute la granda familha, garçous e filhas, car sès nascudas pèr aimà tout ce qu'aima e qu'es digne de vous aimà !

Sès d'abelhas ! oh ! n'avès hèn tout lou retrach, friandas dou-maiselletas, quand sès dins vosta raubeta blanquinella, jouta un velet courounat de boutous d'eiglantinas, lou bèu jour de la premièira communioùn ! Es qu'alor sès pas d'abelhas emblancadas, angèlas au front pur ? E pioi, pus tard, quand l'amour vous a fach prusi lou cor au poun de vous dounà l'idèia dau mariage e de vous faire dire aquel « Oi » tant clafí de mèu, es que, pèr agandi l'autar de l'Imen, dins una autra rauba pus longa, mès toujour blanca, jout lou grand vèla viérginal, aurioulat de flous d'irangè, es qu'encara, aquel jour, bellas e puras couma la Maia dau mes de mai, sès pas d'abelhas ? Mès d'aquelas abelhas umanas, que porton dins soun cor la lisca de mèu que dèu apitança l'unioun dins lou nouvèl sougau, vous hou demande ?

E vautres, maires de familha, detrás lous darniès plecs de vosta rauba d'espousiéu, jouta lou couifet dau debé, à l'obra de toute mena e tout lou sanclame dau jour, vous abéurant à touto oura d'un quart de joia e de tres quarts de doulou, sans poudre tout escasseta tastà l'ambroussia de la libertat, es que sès pas d'abelhas estacadas à l'espargne de vosta bresca e destinadas à pou-tounà las flous ? E deque sarien nostes manidets quand devènon sourdats e que s'envan à l'armada pèr aparà la patria, se i'aviàs marcandejat voste lach dau teti, se i'aviàs refusat lou sang pur e fort de vostas venas, se i'aviàs reseoundut lou desbord de voste amour, se i'aviàs pas dounat lou mèu de vosta ama ? Deque sarien, vous hou demande ? De poulicheñellas embé de cambas de sambuc, embé de figuras fleuradas couma un suga-man bagnat, embé de peitriñas de eougourda...

E se lous mascles de la raça humana s'aganisson ioi, en chour-lant à plen goubelct aquela aiga de verdet (l'absinta), qu'em-pouisouna, e aquel aiga-ardènt que, fach embé de brancas d'éuse, rascla lou gargatet e brula lou cors, es de las abelhas francesas e cotorrias surtout, qu'atendèn lou reviscoulamen d'un sang nou-vèl dins una nova generacioun plena de galhardiè.

Vesès douce, amistousas abelhas, qu'aimarés pas jamai trop
las flous e que las poutounajarés pas jamai prou, pèr vosta satis-
facioun e pèr noste bonur !

Urousamen qu'embé lou mervelhous Issan qu'avèn aici davans
lous iols, poudèn vèire noste espèr grandi ! Car emb' una majou-
rala couma hou es la gènta dona Griscelli e sas biaissudas se-
goundàrias mestressas de classa, poudèn èstre flèrs de l'aveni
que preparam dins lou cor d'aquelas jouvèntas de bon biais que
dèvon faire un jour la nova generacioun e que, couma sas aina-
das e la rèina de l'Issan, fan e faran nosta admiracioun ! Atabé,
clavarai en cantant pèr elas sus moun lut de ratatet :

Tant que lou printèms rirà dins la prada,
Abelhas, anàs culi de grand cor,
En saguènt bouquetà à la flou sucråda
Soun mèu pèr roumpli vosta bresca d'or !

As rais dau sourel couma as de l'aigage,
Las flous dau bon Diéu mesclou soun perfum
Que nada, embriaigat dins lou verd fiolhage,
E qu'escala pioi dins l'èr couma un fum.
Lou fol parpalhou, quand se derevelha,
Las caligna be ; mès, dins un moumen,
S'envoula, l'ingrat... Alor, vèn l'abelha
I'eissugà lous plours d'un grèu languimen.

Tant que lou printèms rirà dins la prada... etc.

Manca pas de flous que, ben semenadas,
Dins l'erba, as ramèus escalou de jour,
D'autras, que de nioch flourissou granadas,
Mès toutas an gau d'embaumà toujour ;
L'abelha, à soun tour, sap fourbià l'ourtiga,
E l'espigna ardida au grel que pounis...
Es ansin qu'on dèu, mau-grat la fatiga,
Rasejà lou bèu sans n'estre escarnits.

Tant que lou printèms rirà dins la prada... etc.

L'abelha a bon cor ! soun ama fidèla
Poumpa lou plesi couma la doulou,
Mès s'envoula pas quand, dins la pradella,
Ausis lou sousquet de l'amiga-flou.
Pas que sus lou bèu soun cor se regala,
Ris as gais refrins dau roussignoulet,
Sus lou riéu claret alisa soun ala,
En se miralhant fai lou roudellet.

Tant que lou printèms rirà dins la prada... etc.

Dins las abadiès, se n'i'a de cabidas
Qu'ai ! las ! sans proufit van s'estabani,
Laissant au guespié las abastardidas
Degalha lou mèu d'un linde aveni :
An tort ! Fau gardà sèmpre la courouna
Vierginella au front, couma Diéu la vòu,
Mès pas s'enclastrà : tout ce que raiouna
Dèu saupre trepà soun verdal dralhòu.

Tant que lou printèms rirà dins la prada... etc.

Es au grand relarg, es dins la familha,
Es as rais lusènts de la veritat
Que d'abelhas van cerca l'armounla
De pas e d'amour qu'an ameritat.
Fau dounc saludà de toute nostra ama
L'issan que vesèn de flous abarit,
Pas gimblà de grels, pas tacà de rama,
Nimai trepilhà quicon de flourit.

Tant que lou printèms rirà dins la prada... etc.

Mès couma l'issan loi nous manifèsta
Sa joia espelida au bord de la mar,
Traguén-ié de flous, d'abord qu'es sa fèsta ;
E nostes poutous, qu'an pas res d'amar,
Estènt aclatats sus chasca bouqueta,
Saupran i'empachà lous làguis d'intrà ;
Au bonur soulet sa rosa carneta
Farà tica-taca ou se droubirà !

Tant que lou printèms rirà dins la prada,
 Abelhas, anàs culi de grand cor,
 En saguènt bouquetà la flou sucrada,
 Soun mèu, pèr roumpli vosta bresca d'or!

Aquéu darrié vers a pas fini de toumba di labro dóu gènt disèire,
 que tòuti li man picavon d'accord, e noun s'amaison que pèr ausi M.
 Jùli Veran, que vèn faire uno moucioun descentralisairo e que fai
 vouta pèr l'assemblado lou mandadis d'aquesto despacho à Mistral,
 president d'ounour de la fèsto :

Li Cetòri, reuni au noumbre d'un milo dins lou Stand de Ceto.
 pèr festeja la lengo d'O dins la persouno di felibre de la regioun,
 mandon à Frederi Mistral l'óumage de sa respeluoso amiracioun
 e soun adesioun coumplèto à l'obro de reneissènço literari e d'a-
 franquimen patriouti que n'es lou paire e que n'en rèsto lou porto-
 drapèu glourious.

Lou direitor de la couralo : l'*Espoir de Cette*, acoumpagno, pièi ,
 au piano Mmo C. Lacave, que nous canto em' uno voues deliciouso,
 uno meloudio broudado pèr lou maestro J. A. Fruchier, sus de pa-
 raulo dóu felibre J. E. Castelnau, que nous encanto de tout biais.
Abelbas e flous es lou titoulet dóu moussèu, qu'es un perlet de mous-
 sèu, emé lou quau

A sas abelhas, lou païri
 Trais tout lou mître de soun amo,
 Gardant pèr el qu'un brout de rama
 D'ounte un souveni déu flouri.

Acò bèu canta e aplaudi, se coconstituis la Court d'amour. En un tal
 eissame de belli chato e de charmànti dono, au mitan de tant de
 flour prefumado e melicouso, la chausido noun èro elisado ; à moun
 vejaire, touto l'assemblado fourmavo qu'uno soulo Court d'amour,
 mai lou noumbre counsacra estènt sét, se chausis e se prouclamo rèino
 de la Court d'amour : Mmo Yon, aguènt à soun entour e souto soun
 galant reinage : Mmo Jùli Franke, Millo Koester, Benezech, Laborde,
 Louiso Costo e Narmens.

Em' acò, majestousamen, la Réino s'aubouro e bresiho : « La se-
 sihò es duberto ! » Lou majourau En A. Arnavielle, reprenènt aquelo
 dicho, arderousamen nous dis e redis en bèu vers : *La sesibo es dou-
 brido*. Après l'*Espoir de Cette*, que nous canto armouniousamen :
Chantons la France, de Paillard, ausissen *Las abelbas de Sant-Cla*,

d'I. Messine, sendi de Lengaddò, e *A la mar*, sounet de F. Treubat ; pièi, uno jouveineto *abelba*, Milo Vié, que jogo sus lou viouloun *l'Aragonese*, d'Alard, acoumpagnado sus lou piano pér Mmo Claudon. Ah ! pér un succès, aquelo jouvènto n'en a un di mai que flamejant, e n'es touto crentouso, pecaireto ! Zóu ! d'abord qu'avèn tastà de sa melico, nous n'en traïs encaro uno lesco en un autre moussèu enleva em' un biais qu'es pas de dire.

N'en sian à uno galejado, uno boufounado pulèu, de B. Dufour, que nous fai faire *Lou voutage de Ceta à Marseibù* sènsò boulega de plaço, mai noun sènsò nous faire rire à plen de garganto : la bono imour es pertout ounte soun li Felibre. Ah ! qu'A. Mafre, de Beziès, dis bèn ! Es un artisto, e la *Mort d'uno roso*, que nous desgruno, nous regalo tòuti, sobre-tout que la pèço es dedicado à la tant gènto mouï de E. Castelnau, peirin en Felibrige dóu troubadour bezieren.

La couralo canto magistralamen *Lous enfants de St-Clà*, paraulo de J. Soulet e musico de Vernazobres.

Après, dono Griscelli e si galàntis abiho semoundon de refrescamen i damo de la Court d'amour emai i counvida e i felibre, d'enterin que se fai uno quisto en favour de la biblioutèco de *Las abelbas*.

A la repres> de la sesiho, Maffre de Baugé dis lou *Titán d'Injalbert*, Bastile de Clauzel l'apound *Mous drapèus*, e lou fin disèire Antoumin Maffre nous debano qu'à qui poulit moussèu de si *Francbimandejairo*s, que soun aculi pér de cacalas de rira e que n'en sian jamai sadou, tant soun sabourous e regouirant d'esperit. Milo Servel canto *la Nòvia*, musico de Desirat Servel, e pièi vén lou simpati A. Rottner, que fai gentamen la *Lausenja de las Abelbas*, e que la fai coume se dèu.

L'Espoir de Cette, dins *Lous pescaires de Magalouna*, paraulo de Castelnau, musico de Fruchier, fai ressorti tòuti li qualita que fan d'aqueilo Soucieta l'uno di proumiero de neste Miejour.

A neste tour, e d'abord que nous avien bouta sus lou prougramo, avèn desgruna douz sounet sus Teodor Aubanèu : *la Mort e lou Triounfle*. Acò 's la fin, emé *Indiscretion*, de G. Durand, mousseu canta pér Mmo Lacave, *lis Estello d'Aubanel e lou Maset de mèste Roumièu*, canta pér Arnavielle dins un estrambord qu'es pas de dire ; tòuti lis escoutaire e lis escoutarello canton, e la musico jito peréu soun bout e acoumpagno qu'es un plesi.

Lou cabiscòu Castelnau clavo la dicho pér *Las cabucellas de ma grand* ; M. Yon s'aubouro alor pér gramacia tout lou mounde, lis Abiho delegon dos chatouneto de soun eissame, que vènon, à soun

tour, traire si gramaci au presidènt emai à soun peirin, que guierdouno d'un poutoun la gènto mignoto, fiho de Mmo Griscelli, que ié dis soun coumplimen en puro lengo d'O.

En sourtènt dóu Stand, anan vers lou *Grand Galiou*, ounte se dèu teni lou banquet. A 7 ouro e miejo, nous boutan à taulo ùni quaranto galoi cambarado, e lou cabiscòu Castelnau, coume es l'acoustumado, canto lou *benedicité*.

Après la soupado, lou champagno raio dins li got, e Castelnau lou premié, presidènt de la taulado, en valènt cabiscòu porto lou premié brinde, soun *brinde en àbi* que coumènço ansin :

Pèr traire couma trai l'Arabi,
Moun estrambord, ai cargat l'àbi. .

e que se clavo pèr aquest couplet :

N'en vese autour d'aquesta taula
Qu'a-de-re prendran la paraula,
Qu'auren lou bon goust d'aculi ;
Mèn d'aquí que chasca voues dinde,
En àbi pouchnut, amics, brinde
Ar Abelhas d'O. Griscelli !

Après soun brinde, Castelnau canto lou *Palais de las Crancas*, ounte tòuti li meno de pèis ié soun citado. Cadun dis la siéuno. Brinde e cansoun fan coume un rousàri en s'encadenant magicamen. Messine, Monné, Troubat, Maffre de Baugé, Colomb, Laborde, Veran, e que sabe ieu, te n'en vos, vaqui n'as, e *las Vendemias d'amour* d'Antounin Maffre, e tant d'autre poulit moussèu, sorti de man de mestre, que nous an regala : e Fruchier, que nous a canta *Li Treoan*, d'Anfos Miquèu, que i'a brouda 'no tant flamo musico. Mai, ai ! las ! tòuti li bôni causo soun pas duradiso : es l'ouro de la partènço pèr lis ami que volon prene lou trin, enterin que lis autre s'adraion vers lou Kursaal, que soun direitour, M. Eyssautier, avié counvida li Felibre à i'ana faire vesito, e que lis a reçaupu mai que bèn.

La festo dis *Abelbas cétori* es estado superbo. I'a, dins aquelo villo de Ceto, un terraire mai que riche à fatura. Lou bon gran felibren i'es semena emé grando afecioun pèr l'inestinable e couralamen devot cabiscòu J. E. Castelnau, e sian assegura, pèr çò que n'avèn vist, que lou soulèu de Lengadò flourira lèu-lèu touto aquelo planuro, pèr la glòri dóu *Ratalet* e pèr que *las Abelbas e lous felibres cotoris* nous dounon de bresco encaro plus rousenco e plus douço, qu'aquelei que soun cor nous vèn de semoundre tant graciouslyamen.

JAN MONNÉ.

LENGADÒ

— Lou chèfe de musico dóu 126^o, à Toulouso, a groupa uno couralo emé sa musico, e ié fai canta de moussèu lengadoucian. L'autre dimenche, i'a fa eisecuta *la Toulousenco*, de Mengaud, e lou pople a pica di man qu'es pas de dire. Pèr de-que acò d'aqui se farié pas dins tóuti li musico di regimen dóu Miejour !

— L'Escolo Audenco a fa faire lou buste dóu majourau En Achilo Mir, e s'alestis de gràndi festo pèr soun courounamen, — festo que lou Felibrige tout entié ié sara counvida.

— Es, peréu, l'Escolo Audenco que s'es cargado d'estampa lis obro manuscrito d'Aguste Fourès, que fourmon douz voulume : *La Sègo e la Muso Silvèstro*. Lou proumié voulume, « La Muso Silvèstro », vai èstre donna à la compousicioun : lou pres n'es esta fissa à 2 fr. Se pòu manda la souscripcióun, à parti d'aro, à M. Prax, carriero de Lorraine, 6, à Carcassouno. (Coustara 2 fr. 50 pèr èstre manda franc de port).

Un buletin de souscripcióun sara manda en tóuti li legière de nostro publicacioun e, aqui, veiran çò que sara necite de faire pèr agué li dos obro remarcable dóu grand felibre dóu Lauragués.

— Lou 31 de mai, l'Escolo Moundino, de Toulouso, tenié si Jo Flou-rau dins la grand salo dóu Counservatori. Uno bello tiero de felibre avien respoundu au rampèu di Moundin.

Lou valerous cabiscòu Louis Vergne durbis la sesiho en un discours flamejant e clafi d'estambord ; M. e Millo de Puybusque, Gayssot, Lamourère, Clouvis Roques, Jan Carrère, de Dordé e Ratier, d'Agen, diguèron cadun la siéuno e enaurèron la patrio e la lengo tant que plus aut.

Quatre-vint taulejaire, pièi, s'assetèron pèr fraireja, encò de l'oste Tivollier, e quand la blanqueto de Limous petejè dins li got, Louis Vergne entounè la cansoun da la Coupo. Es lou sendi d'Aquitàni, En Carle de Carbonnières, que bouto fiò i brinde em' i cansoun, e, zóu ! tóuti ié vènon. Brndon e canton : Bacquié-Fonade ; Sernin Santy, pèr l'Escolo Limousino ; C. Ratier, pèr l'Escolo de Jansermin ; l'abat Benne, Chabriè, Delbergé, F. Court, Gayssot, Danton Cazelles, Jan Carrère ; Janot e Guinaudeau, li jouve de *l'Effort*, plen de flamo e d'estambord.

Longo-mai l'Escolo Moundino nous pourgigue li flour d'Isauro re-counquistado !

— « Lou felibre majourau A. Arnavielle, d'Alès, e sa mouié, an l'ounou de vous faire part dóu mariage de sa fiho Mirèio embé M. Adóuse Advenier.

A Mount-Pelié, lou 9 de jun 1896. »

Es ansin que lou gènt vice-sendi de Lengadò, l'Arabi, nous fasiè assaupre lou mariage de sa chato, e tòuti aquéli que lou counèisson e que sabon soun afougamen pèr la causo miejornalo, auran demanda que Santo Estello enlusigue la draio di bèu nòvi, e tremude en bonur pèr éli l'aut amour que crèmo soun cor d'aposto de l'idèo felibreno !

— La Soucieta literari e artistico de Beziés a decerni si joio pèr 1896 coume seguis :

La proumiero medaio d'argènt es vengudo au felibre Maurise Joret, dóu Mas d'Agenés, pèr un pouèmo rustique en tres cant ; la segoundo medaio d'argènt es estado decernido à Savié Peyre, de Bedariéus, pèr sa péço : *Gens simples e Gens rusats*.

La proumiero medaio de brounze s'es atribuïdo à M. Savié Coulard, pèr sa péço : *Qui cerco trobo* ; la segoundo medaio de brounze a flouca lou *Maridage del soulel e de la luno*, de l'abat Louis Bennés.

Li mencionoun soun pèr MM. Amat Agussol, Isldoro Gil, Vitor Battut, Ferdinand Benoit, Emilo Barthe e Carles Mathieu.

— Nous es grèu de noun counèisse lou paumarés de la Soucieta arqueoulougico de Beziés, que l'aurian douna voulountié Tout ço qu'avèn sachu d'aquéu councours, es que lou felibre abat Eugèni Limbert, de Vaurias, i'a davera 'no joio. Lé trasèn eici nòsti felicitacioun couralo.

— Vai paréissse à Beziés, estamparié Bouineau, *Las Francimandefairos*, d'Antounin Maffre, que saran precedido d'uno prefaci de M. F. Aubert, président dóu tribunau de Beziés.

Aquéu recuei galoi e escarabia, plen de rire e de bono imour, regalara seguramen tòuti aquéli qu'amón noston lengo ; que li sceno que se ié debanon soun presso sus lou viéu e mostron claramen lou nescige d'aquel que i'agrado mai d'estroupia uno lengo que counèisson pas, pulèu que d'emplega sa lengo meiralo. Oh ! vergouugno !

— Lou Counsèu Municipau de St-Céré aguènt counvida l'Escolo Auvergnato à veni vesita sa vilò e à bêure un vin d'ounour à la Couumuno, li felibre d'Auvergno, que se ié vendran jougne seguramen quàuqui

felibre limousin, se rendran à Sant-Céré au premié jour e trouvaran à la garo la fansaro que lis esperara emai uno delegacioun dóu Counseu Municipau, que ié fara la hèn-vengudo. La dinado se fara encò de M. Ourlhat, e brinde e cansoun noun ié fautaran.

— Auvergno e Limousin s'èron déjà arramba e avien poulidamen freireja, lou 28 de jun, à Castelnau, se remembrant li bàrrri menèbre, li tourre superbo e li chivalie e castelano d'aquéu castieu célèbre.

Sernin Santy, lou souto-cabiscòu limousin, avié lou premié auboura soun got en ounour de l'Escolo Auvergnato, e Vermenouze, lou flame cabiscòu d'Auvergno, avié saluda fieramen « lou Lemouzi, l'Oubergno, lou Corcy, lo Gascougn e tout lou poïs mlejournau », sénso óublida li damo, rèino de la festo.

Souto li vièi tihòu dóuminant la plano inmèndo, se tenguè Court d'amour, e li bèlli rimo d'O, tourna-mai, faguèron tresana lou vièi castelus endourmi despièi de siècle. E n'es au cant de la Coupo santo que la sesiho se levè.

— *Paumarès di Jo Flourau de la Mantenènço de Lengadò* —

La grando joio d'ounour es estado pèr lou majourau Fraire Savinian, direitor dis Escolo libro d'Arle, pèr sa metodo : « De l'emploi de la langue d'Oc pour l'enseignement du français dans les classes primaires du Midi de la France. »

Pouësio. — *Pèço de vers à la glòri dóu Lengadò.* Foro cuncours : Gilbert Bregail ; premié pres. Aguste Vidal ; segound, ex-æquo, à A. Advenier e F. Benoit : mencion : A. Berthier e J. Boyer.

Aubado i fremo de la plaço de Mount-Pelié. — Mencion à Savié Peyre e Ougèni Robert.

Cansoun sus la griseto de Mount-Pelié . Premiero mencion, à L. Rouquet, Savié Peyre, A. Roche, I. Martin ; mencion à Mmo Gelade, Ougèni Robert, E. Gineste, P. Bernard.

Pouësto lirico. — Preñié pres: A. Maffre ; segound, P. Froment ; tresen, Alban Vergnes ; quatren, L. Bard ; cinquen, ex-æquo, à J. Moneger e Pau Dunac.

Mencion especialo à Artus Py.

Proumiéri mencion : P. Capmal, L. Dulac, A. Artozoul e Frederi Jallois.

Mencion : P. Bernard, J. Lavit, E. Vidier, Millo E. Ramond, Irenèu Martin, A. Baldy, N. Fontayne, A. Vergnes, G. Pons.

Sounet. — A. Chastanet, felibre majourau, foro cuncours.

Premié pres, ex-æquo, E. Barthe e F. Garbier ; segound, L. Bard ; tresen, A. Rottner ; quatren, ex-æquo, A. Vergnes, A. Rochefort e P. Capmal.

Mencion especialo : A. Poydenot.

Premiero mencion : Jósè Soulet, de Ceto.

Segoundo mencion ; F. Benoit, F. Goulard, P. Bernard, J. Reynaud, A. Berthier, P. Dunac, A. Rabaud, M. Crouzet, E. Abauzit ; E. Robert, O. Robert, L. Rougé, G. Pons.

Cansoun. — Foro councours : Aguste Chastanet.

Premié pres, ex-æquo : F. Garbier e E. Long ; segound, J. Soulet.

Proumiero mencion : F. Gaulard, de Paleville ; A. Berthier.

Segoundo mencion : A. Agussol, G. Malric, P. Liseron.

Pouésio sus d'un evenimen istourique de Mount-Pelié. — Pres à Paulin Capmal.

Proso. — Pres resvra à MM. lis Estudiant de Mount-Pelié : M. Ernest Vacquier, estudiant en farmacio.

Conte sus li courso de biou. — Premié pres : E. Vendoulières ; segound, Servières ; tresen, ex-æquo : A. Berthier e A. Advenier.

Mencion : Clouvis Roques.

Descripcions d'un site dòu Miejour. — Premié pres, ex-æquo : M. Carles, F. Troubat e J. Massargues ; segound, Millo Emilio Barathié. Diplomo d'ounour : Jùli Delpont. Premiero mencion : L. Rougé ; segoundo, A. Vernet e P. Aner.

Refleissioun d'un païsan dòu Miejour sus la necessita di liberta communalo. — Premiero mencion : E. Abauzit ; mencion, J.-B. Menut.

Charradioso sus Pèire d'Aragoun e Mario de Mount-Pelié — Mencion à Savié Peyre.

Teatre. — Grando joio à Gacian Alinoric.

Councours classique. — *Escolo primàri.* — Traducioun de la fablo : *L'bironnelle et les petits oiseaux.* Premié pres : A. Chassary, segound, Millo André ; tresen e quatren, F. Denejean e M. Bastide, d'Arle.

Mencion : A. Severac, F. Bagnis, L. Sautet.

Ensignamen segoundàri. — Traducioun de *Filemoun e Baucis.* Premié pres : G. Boussagnol ; segound, L. Chauliac ; tresen, M. Bonnet.

Classo de letro. — Traducioun d'*Iphygénie en Aulide.* Premié pres, L. Pons ; segound, E. Crozatier ; tresen, L. Chauliac.

Classo superiouro. — *Discours dòu comte de Toulouso.* Pres à Jouillé.

Ensignamen superior. — Traducioun dòu *Planh de Guilhem de Bojüs.* Pres à Ferdinand Pigot.

Counours artistique. — Coumpousicioun de la musico d'uno pouësio d'A. Fourès : *Salut al soulelb*, Premié pres, ex-æquo, L. Lambert e N. Laffont ; segound, J. A. Fruchier.

Dassin. — Pres à Louis Daniel, mencion à C. Roques.

— *Paumarés di Jo Flourau de l'Escolo Moundino* —

La viouleto d'or es dounado à Pau Fagot, pèr soun *Folklore*.

Foro councours : Antounin Maffre, pèr *Esbléugissement e le Pelegrí d'amour* ; Maurise Joret, pèr *Cansoun del passatge*, etc.

Pouësio. — Premié pres, uno rouselo de vermei, à Ad. Marquès, pèr *Lous ressorts* ; segound à A. Lafosse, pèr *la Bugado* ; tresen à M. de Puybusque e à Pau Froment. Mencion à A. Sourreil, V. Batut e J. Aybram.

Sounet. — Premié pres, viro-soulèu de vermei, à M. de Dordé, segound à M. Gayssot.

Cansous. — Premié pres, pimpanelo d'argènt, à Rustica (Milo de Puybusque), pèr *Cansou de mai* ; segound pres à Amat Agussol, pèr *Briso e Miosotis* ; tresen à Lamourere, pèr *l'Aimado* ; mencion à Clouvis Roques.

Fablos. — Premié pres, medaio d'argènt e lou libre : *lou Terradou*, à F. Benoit, pèr *Las lunetas* ; segound, à Mmo L. de Larambergue, pèr *Lou cant de l'Eclo* ; mencion à Gayssot.

Countes en vers. — Premié pres, pervenco d'argènt, à l'abat L. Benne, pèr *lou Roussignol* ; segound, à Lamourere, pèr *A gratusso gats*.

Proso lengadouciano. — Premié pres réserva ; segound, medaio d'argènt, à Marcel Lignères, pèr *A la recerco de l'ail doré* ; tresen, à C. Roques e Fontan ; mencion à Arthur Roques.

Theatre. — Premié pres réserva ; segound à Lamourere, pèr *Nanel* ; tresen, à Amat Agussol, pèr *Pastoureladada* ; mencion à Monlong.

Pouësio de touto autre parladuro del Miedjoun. — Premié pres, gi-nesto de vermei, à Dambielle, pèr *Arrams* ; segound pres à E. Pleasant, pèr *Nerto flourido* ; Numa Fontayne, pèr *Las drouletas* : Francés Garbier, pèr *la Perlo de Prouvènço* ; tresen, à l'abat Labaig-Langlade pèr *Aus Felibres del Bearn* ; mencion à Mario Bertrand e à Ansèume Houga.

Uno medaio d'argènt es decernido à M. Gadrat, estampaire, pèr soun *Almanach de l'Ariejo*.

Lou pres especiau dóu parla catalan, medaio d'argènt, es pèr Millo Enriqueta Paler y Frullol, de Figueras, pèr *Sobre l'abim*.

— Lou 20 de jun, l'ourfeoun *Espoir de Cette* a canta *Lous enfants de Sent-Clà*, paraulo dóu felibre Jòusè Soulet, musico de Vernazobres, e lou cor *lous Pescaires de Magalouno*, paraulo de J. E. Castelnau, lou tant valent cabiscòu cetòri, musico de Fruchier, felibre de Prouvènço. Tóuti li man an pica e tóuti an demanda que li dous moussèu se recantesson : se soun recanta soutu uno raisso d'aplaudimen qu'es pas de dire.

— Lou 12 de juliet, dins li jardin de l'Espausicioun de Mount-Pelié, se soun tengu souleñnamen li Jo Flourau e la Court d'amour de la Mantenènço de Lengadò.

La Rèino de la fèsto aguènt estadio proclamado, aquesto a di quauqui paraulo de gramaci, e lou majourau Albert Arnavielle, vicesendi de Lengadò, a clama si vers : *La sesiba es doubrida*. Après quauqui mot dóu présidènt, la paraulo fuguè dounado à M. Anglade, aggregat de l'Universita, que faguè lou rapport sus lou concours di Jo Flourau, que 432 courrèire avien pres part à la targo.

Li cantaire dóu Clapas e li cansoun felibrenco emai li laureat, an poulidamen flouca la sesiho de si plus galant desbord. Es esta un grand triounfè pèr la Mantenènço lengadouciano.

Lis estudiant d'à-z-Ais avien manda uno delegacioun, presidado pèr M. Enri Eymard, avoucat, qu'au banquet dóu vèstre, qu'a clava la fèsto, a larga un brinde enaurant d'estrambord e d'anour pèr la pi-choto patrio.

— A Beziés, la Soucieta arqueoulougico, scientifico e literari, semound toujour un brut d'òulivié d'argènt, pèr si Jo Flourau de 1897, à la meiouro pèço de vers en lengo d'O que ié sara mandado avans lou 1 d'abrieu de l'an que vèn.

Li pèço aurau d'estre mandado en double còpi e dins li formo accus-tumado, à M. Antounin Soucaille, secretari, 1, avengudo de la Républico, à Beziés.

Lou Gerent : Jan Molne.

Imprimerie L. Duc, 35, rue Rousselet, Paris.

CROUNICO

LA FELIBREJADO DE GIMEL ST-PRIEST

Lou dimenche 16 d'avoust, li Felibre limousin se soun acampa pèr felibreja e pèr celebra en grand ounour la fèsto de l'*Englan-tina*.

Lou mouvemen fai taco d'oli e bèn lèu se passara pas jour que, dins un rode o dins un autre dóu Miejour, se clame en glòri de la lengo e de la pichoto patrio.

Lou camin de ferre desbarco à Gimel li Tulisto e Brivisto abrasama de l'amour felibren ; li bouito esclaton pèr saluda lis arribaire, e M. Alleyrac, maire de Gimel, s'avanco e, en parla dóu païs, se fai presenta sis oste e ié fai la bèn-vengudo ; M. Aufrèd Marpillat, souto-presidènt dóu « Bournat courrezian » de Paris, ié respond dc tout cor en claro lengo limousino.

Alor se part pèr l'escourregudo, quau sus de carretoun, que de bourrisco ié soun atala, quau d'à-pèd, e li bandiero de la Federacioun limousino, e aquelo de l'Escolo de Saintrio emai aquelo de l'Escolo de Ventadour passon davans.

Lou menaire de tout es M. lou courounèu Willemin, coumandaire de la Legioun d'ounour.

Arriba à l'estang de Raffaut, i'a 'n sum de gènt que soun à l'espèro emé M. Graille, maire de Sant-Priest, e M. Dumount, soun ajoun, que soun en tèsto e que noun an delembra de cенcha sa taiolo.

Es mai en parla dóu brès que M. Graille dis lou liame que ligó li païsan i felibre dins lou même amour de la terro nadalo e lou même culte di remembranço.

Es perou tourna-mai l'infatigable Aufrèd Marpillat que ié respond en soun bèu parla e qu'esmóu tout lou mounde pèr li sentimen esquist que ié gisclon de l'amo.

Lou premier ate de la fèsto es un ate de piouso remembranço. Lou courtege passo un pont de bos pèr ajougne l'autro ribo dóu clar de Ruffaut. Aqui, i'a la famiho de Valon qu'espèro li felibre e que li reçaup emé grando avenènço ; pièi, lou courtege s'adraio vers uno crous que marco lou rode ounte lou pouèto Alèssi dóu Valon avié peri dins l'aigo dóu clar. Li felibre paçson sus lou pedestau de la crous uno courouno em' aquesto escripcion : « A l'écrivain Alexis de Valon, les Ecoles félibréennes du Limousin et la Ruche Corrézienne de Paris. »

M. Ipoulito Beyrand, avoucat, souto-cabiscòu de l'Escole de Ventadour, prounóuncio l'elogie dóu pouèto Alèssi de Valon, e lou fai emé grando elouquènci e bèle envanc : mostro superbamen lou pouèto estaca à soun Limousin, e lou saludo dóu titre de precursor di Felibre limousin.

M. Johannès Plantadis legis, pièi, de vers manda pèr lou capitani Oscar Cassagnade, que soun service a malamen retengu à Toulousu.

Tóuti lis escoutaire soun esmougu ; Mmo la coumesso de Valon e soun cousin, M. de Pebeyre, ancian prefèt, trason, en plourant, si gramaci i Fehbre.

Après uno messo dins la pichoto capello de Sant-Priest, dicho pèr Mounsen Clamadiéu, un felibre limousin de la bono, e un sermoun en parla limousin fa pèr lou meme, après uno quisto que dono Grabié Soulié e Louis de Nussac avien fachò, li Felibre, en passant pèr lou Sautaiot, lou pargue e lou castèu de Sant-Priest, s'entournon à Gimel, ounte li bouito rounlon tourna-mai pèr li saluda.

La troupo di Felibre, aumentado de téuti li sòci arriba pèr li trin o à bicicleto, se rendon à la « Permanenco » de Gimel. Permanenco dis Escole felibreno ounte soun rejouncho coume en un musèu, téuti lis obro e causo artistico de la terro limousino.

Pièi, escalant vers lou castèu de la Roco-Nauto, vènon teni la felibrejado souto lis agrousiounié e li péri, que la taulado se i'es

parado, coume en un bousquet fresqueirous qu'aparo li Felibre di dardai de la souleiado.

Souto lou bousquet galant, tres taulo soun dreissado : à la taulo d'ounour es Mmo la countesso de Valon, que presido ; qu'à sa drecho i'a M. Beyrand, e à sa gaucho lou mège Prioleau, que ramplaço lou felibre Sernin Santy, lou souto-cabiscoù limousin, qu'es en escourregudo en Prouvènço, e que se dèu rousiga li poung de noun èstre au mitan di fraire, pèr mescla sa voutes à-n-aquéli cant d'amour qu'enauron la patrio tant bello e tant amado. Dono Prioleau fai vis-à-vis à la countesso de Valon, entre MM. de Pebeyre e lou comte de Brettes.

Lou courounèu Willemin presido la segoundo taulo e, tout à l'entour dóu maire, M. Alleyrac, uno troupo se groupo pèr ausi li cantaire pouplari de sa coumuno, qu'a counvida à veni dins lou tèms de la dinado, traire is escoutaire li vièi cant e li bournèo limousino, qu'es esta un regale pèr tóuti.

Lou vin petejant gisclant dins li got, es lou moumen di brinde, e lou mège Prioleau bieu à l'unioun de tóuti li groupo limousin, de la prouvinço e de Paris, enaurant lis avantage dóu Felibrige e li mour que restauro e de la lengo que sauvo, en uno charadisso superbo. M. Beyrand brindo à Mmo de Valon e trais li regrèt d'aquéli que noun an pouscu veni, que soun : lou generau Billot, Sernin Santy, lou gent barrulaire ; M. Grabié, lou viscomte R. de Valon, Mllo Genès, M. lou prefèt Collignon, lou baroun de Jouvenel, Emilo Fage, Ernest Rupin, Celestin Raillard, lou countroulaire generau Martinet, etc., etc.

M. Miremont, pastissié de renoum, noun pousquènt i'estre, avié manda à sa plaço de pastissarié que li taulejaire se n'en soun lipa li det, coume se soun regala de la liquour « l'Englantina » que M. Audiot, de Tulo, avié semoundudo.

M. L. de Nussac, cancelié de la Federacioun dis Escolo feli-brenco dóu Limousin, a rendu comte di travai de la Federacioun ; M. Boimbal fai, en limousin, lou rapport sus lou councours de lengo limousino, e M. Beyrand legis aquéu que pretoco li coundouscioun franceso e artistico : pèr claire soun discours, trais lou vot que fugue l'Escolo de Limoge, definitivamen constiuïdo, que tèngue, en 1897, li « Jo de l'Englantina. »

Li mantenèire de l'Escolo limousino signon li decisioun noumant mantenèire-assessour: MM. lou comte de Brettes e Oscar

Cassagnade, e prouclamant manteneiris Mmo la coumtesso de Valon.

I'a 'no trounadisso d'aplaudimen que s'aubouron de pertout, quand M. Beyrand anóuncio que lou dre de ciéutadan limousin es acourda à M. Vuillier, e que Mmo de Valon foundo un pres pèr li Jo Flourau de « l'Englantina. »

La dinado es acabado, e la sesiho literàri e la Court d'amour se tènon à l'Escolo de Gimel. La Court d'amour, soutu lou bèu reïnage de Mmo de Valon, es coumpausado d'un eissame de damo e de damisello mai que galant e tout esbrihaudant de jouinesso e de bèuta.

Li damo e damisello Prioleau, Devars, Soulié, Bellande, Compel, Borie, Blusson, Codet, etc., n'en fan la courouno.

Lou paumarés di Jo de l'Englantina se debano coume seguis :

Grand pres dóu Limousin, semoundu pèr lou *Bournat Courrezian* de Paris (un rampau de castagnié en or), pèr l'autour limousin de l'obro la mai glouriouso, fugue literàri, fugue scientifico, à M. lou comte Jósè de Brettes, de Limoge, pèr sis esplouracioun dins l'Americo dóu Sud.

Rampèu de pres de 1894 : MM. Verlhac e Monjauze, pèr soun rouman loucau : *Tante Minou*. Pres de 1896 : M. lou mège Roux, pèr si descuberto dóu « serum. »

Grand pres de la Federacioun, eglantino d'or, pèr l'obro la mai meritouso dóu councours : M. lou capitàni Oscar Cassagnade, de Brivo, pèr si pouëslo : *Lemouzi, Vendanges, Printemps*.

Pres di coumpousicioun limousino. — Premié pres de pouëslo e teatre, uno cencho pintado emé la branco d'eglantino tradiçionalo, óuferto pèr L. de Nussac, cancelié de la Federacioun, à M. A. Marpillat, pèr la pastouralo : *Lous Jalous*.

Mencioune de pouëslo (li libre : « Au bas pays de Limousin », de l'abat Gorse, e « Tante Minou », de MM. Verlhac e Monjauze, doun dis autour), à Nouvè Laplaze, de St-Ceré, pèr sa traducioune libro de la premiero eglogo de Viergèli.

Pres de proso (dos estampo, douno dóu Menistèri di Bèus-Art), à MM. J. Plantadis, pèr soun conte : *l'Estiala daus reis*, e Enri Dars, pèr soun raconte de tradiçoun populàri : *Moussur Dibon*.

Mencioune de proso (la « Chansou Lemouzina », de J. Roux, e « Lou darrier archiprestre d'a Brivaza », de E. Bombal, semoundu

pèr lis autour), à M. Delmond, mestre d'escole à Allassac, pèr si conte legendari : *Gustou d'a Fleit, Las agassas e lous agassous.*

Councours de lengo franceso

Pouëslo. — Premié pres à Oscar Cassagnade; menciouun, ex æquo, à M. Miremont, de Brivo, pèr si vers, e à Mllo Jano Pras, pèr sa pouëslo *Rêves heureux*.

Proso. — Pres : uno estampo, douno dòu Menistèri di Bèus-Art, à Celestin Raillard : *Père Marty*. Menciouun ounourabò à M. Julli Guillaume, de Brive, pèr sa nouvello : *Miette*.

Bèus-Art

Musico. — Premié pres (estampo, doun dòu Menistèri), à F. Celor, de Tulo, pèr si coumpousicionn : *La mort del loup, Sen Marti, Bou francés* (pouëslo de J. Roux).

Un dessin à la plumo de M. Vuillier es pèr M. J. Durand, pèr si coumpousicionn : *Vol de papillon* (pouëslo de Mllo Margarido Genès).

Segound pres, estampo dòu Menistèri, à M. Aubry, pèr soun *Salut aux monedières* (pouëslo d'A. Patraud).

Diplomo, pres d'esculturo, à M. Ribes, pèr soun medaioun de vin de M. de Vars, castèu de Lascamps.

Diplomo, pres de dessin, à M. Rasèu Gasperi, pèr si fusin, païsage limousin.

Diplomo-menciouun : Louis Leynia de la Jarrige, pèr sis illustracioun de « Pèr s'esclafar » e soun titre ilustra prepausa pèr *Lemouzi*.

Li diplomo e pres soun distribuï i laureat present pèr li bèlli damo de la Court d'amour.

Em' acò, vèn que li gagnaire e li felibre dison si vers o si cansoun.

J. Plantadis dis uno pèço mandado pèr Mllo Genès : *Hurous mathur*, dedicada « Aus Tulencs », en ounour de Jan Teyssier, lou foundadou di Jo de l'Eglantino. Pèire Verlhac dis de vers sus Gimel St-Priest, A. Marpillat ié vai de sa « Trinitat felibrenea » e de si tablèu : « L'ase de la Nanoun », « Lou vi del curel »; Bombal canto soun « Chal amar bicar bobí »; Raymond Laborde legis douz moussèu de vers limousin que l'abat Talin dedico à la countesso de Valon.

Li vers courouna de M. Oscar Cassagnade : « Lemouzi », soun debita pèr Pèire Verlhac ; es M. Plantadis que dis « Lou saut de Gimel », de J. Roux, e « Fraire Vincent », de Marcelin Caze.

M. J. Durand, de Brivo, canto la musico qu'a broudado sus la pouëslo « Vol de papillon », de Millo Margarido Genès, e M. Fau-gère, de Tulo, bresiho *La catha* e li couplet de Margontier : *lou Raibe d'amour*, que la musico n'es de Millo Genès.

Aqui se clavo la sesiho, que la niue davalo di cimo, e qu'es ouro de tourna prene lou camin ferra.

Emé la niue que vèn, li carriero e lis aubergarié de Gimel soun pleno de mounde, de cant e de joio : la cabreto e la vielo, marcant lou pas de la bourrèio, counvidon à la danso li drole e li chatouno, que se lou fan pas dire dous cop.

E n'es dins la joio poupoplari que s'acabo la fèsto de Gimel Sant-Priest.

En vesènt l'envanc e l'estrambord di Felibre limousin, en counsiderant lou noumbre toujour creissènt dis ome de la bono que de tout caire e cantoun d'aqueleo terro benesido s'arrambon souto la bandiero de Santo Estello ; aquelo federacioun limousino dis Escolo dóu Felibrige que groüon coume li flour au printèms ; aquéli noumbrous mantenèire nouma, prouclama pèr li mantenèire limousin, mostron-ti pas au Counsistòri que sarié l'ouro, pèr regularisa li creacioun d'Escolo e la nouminacioun de mantenèire, de decida l'establimen de la Mantenènço limousino ?

Pèr lou bèn de l'obro felibrenco, nous es vejaire qu'acù 's la courouno que lou Felibrige dèu pausa sus l'obro de l'autour de la *Chansou Lemouzina*.

E longo-mai triounfle Santo Estello ! E longo-mai vibre lou Limousin !

JAN MONNÉ.



LI NOVO FELIBRENCO

PROUVÈNÇO

— Lou 18 d'avoust, souto la presidènci de mèste Eisseto, tourna-mai s'es acampa, en Arle, lou Coumitat dóu Museon arlaten d'etnougrafia.

Lou nouvèu loucau demanda au Counsèu Generau, e qu'es lou segound couss de l'oustaou ounte se tèn la justici de pas e lou tribunau de coumèrci, es de-segur que ié sara acourda, emai peréu que la soumo voutado sus l'avis de M. Revoil, pèr la restauracioun de la glèiso de Sant-Ounourat dis Aliscamp, de la capello mejano, que devié en principe reçauvre li couleicioun, sara pourtado à la restauracioun dóu nouvèu loucau.

Lou Coumitat decido de demanda à Frederi Mistral, que l'a reçau-pudo pèr lou Museon arlaten, d'aplica la soumo de 200 fr. i premié fres d'istalacioun.

Sarié en-de-bon que tóuti lis Arlaten se boutèsson à l'obro pèr faire réussi la causo, car s'arribavo qu'acò s'abandonèsse, ié mancarlé pas de vilo vesino, coume lou dis Frederi Mistral, que farien siéuno aquelo idèio e lèu-lèu la farien grana e espiga.

Arle, d'aquéu biais, — e es tout marca pèr acò — devendra un centre d'estudi etnografico, caupènt la Prouvènço e lou bas Lengadò. Zou ! que tóuti se boulègon !

— Li Felibre de la Mar se soun acampa lou 15 d'avoust, à « l'Hôtel de Provence », à Marsiho, pèr faire sis adessias, en uno taulejado, à soun brave secretàri Aguste Gautier, que s'en vai de Marsiho ; un dóu fres e cousènt nous a empacha d'ana pourta uno provo de nosto simpatiò au valènt secretàri di Maren, e n'en sian mai que regretous.

— Mounsen Jacinto Verdaguer, majourau de Catalougno, lou grand pouèto de l'*Atlantido* e de tant d'autris obro superbo, demoro, aro, à la carriero de Provensa, 123, 3 en Barcilouno.

— Lou majourau En Francés Vidal, que trento an de tèms es esta dins la Biblioutèco Mejane, d'à-z-Ais, vèn d'estre nouma counservator d'aquéu riche acamp di richesso miejournalo.

Semoundèn au valènt felibre nòsti couràli felicitacioun.

— Lou 22 de setèmbre se tendra, en Avignoun, un coungrès pèr li revendicacioun de la lengo prouvençalo, soto la presidènci d'ounour dóu subre-capoulié En Frederi Mistral e dóu capoulié Félis Gras.

Lou burèu sara coumpausa d'un presidènt, de tres vice-presidènt, de tres secretàri, elegi à l'uberturo de cado sesiho.

Se fai rampèu en tòuti li Prouvençau de la bono que noun an renega ni rebala la fierta de sa raço, en tòuti li valènt desirous de countribuï à la glòri, à la prousperita de la patrio, pèr l'acioun prougressivo e l'espandimen de la lengo dis àvi.

Tòuti li valènt soun counvida à-n-aquéu Coungrès, ounte cadun apoundra sis idèo à-n-aquéli dis autre, dins li tres questioun capitalo dóu prouvençau à la *tribuno*, en *cadiéro* e dins *l'escolo*.

Aquelli qu'auran douna soun adesioun à-n-aquéu Coungrès reçau-pran uno letro de counvidacioun pèr li sesiho.

Lis adesioun se devon adreissa à M. Folco de Baroncelli, palais dóu Roure, en Avignoun (Vau-Cluso).

Tòuti li comunicacioun que se faran dins aquéu Coungrès, saran escricho d'avanco e mandado, avans lou 20 de setèmbre, à M. Folco de Baroncelli, en Avignoun.

— Dins la niue dóu 15 au 16 d'avoust, es mort, à-z-Ais, M. Jan Remondet, direitor e redatour en chèse dóu *Mémorial d'Aix*, que soun estamparié porto despièi long-tèms lou noum : « Empremarié felibreno », e qu'a estampa *Lou Tresor dóu Felibrige*, mounumen auboura à la lengo prouvençalo pèr En Frederi Mistral, e qu'en foro de noumbrous voulume prouvençau, a douna lou jour is obro de Marius Bourrelly, de Thumin e d'autri felibre.

Avié douna, dins lou tèms, soun adesioun au Felibrige coume mantènière de Prouvènço, e s'èro pièi retira ; mai acò noun empacho que demandan à Santo Estello de ié douna plaço dins sa glòri.

— Dins la *Crous de Prouvènço* dóu 23 d'avoust, atrouvan un article, signa A, que nous douno lou raconte di festo de Sto Madaleno, à St-Meissenin, que n'avèn parla dins noste darrié numerò. Es bèn

dóumage que l'escriván d'aquéu raconte ague pas miés rebrounda soun ourtougràfi e siéucla li marridis erbo que i'estoufon lou bon gran.

LENGADÒ

— Li felibre gardounen e lou Coumitat di Fèsto d'Alès, en l'ou-nour de Florian, de Pasteur e de l'abat Sauvages, noun an vougu es-dera la vengudo di Felibre e di Cigalié de Paris, qu'an remanda soun escourregudo à-n-un-autre an, e an decida de faire sa jouncho li 26 e 27 de setembre d'aquest an. A-n-aquelo ócasiooun, an ourganisa de grand Jo Flourau, souto l'aflat de la vilo d'Alès, e, dins l'ate de la fèsto, s'inaugurara li mounumen e buste auboura i tres rère flame : Florian, Pasteur e Sauvages.

Lou councours literàri coumptren de tèmo de lengo d'O e de lengo d'Oi, que vès n'eici l'estiganço :

Lengo d'O. — *Pouësio.* Sujèt impausa : 1. Odo à Flourian. 2. Odo à l'abat de Sauvages. — Sujèt libre : touto pèço pouëticò o pouèmo aguènt pas mai de cènt vers, saran reçauudo emé grand gau. e se fara la meiouro acuiènço i pèço de sujet libre coumpausado dins lou mole rouman, coume dirias lis aubado, planh, balado, danso, pastourello, tensoun, serventés e coublet.

Proso. — Sujèt impausa : 1. Estudi sus li precurseur di Felibre cevenòu; 2. Raconte sus la culido di castagno; 3. Dire perqué se dèu escriure *Alès* e noun *Alais*; 4. Donna l'origino di mot *Tabò* e *raiòu*; 5. Quàuqui pajo d'istòri sus d'Alès; 6. Traducioun en proso cevenolo d'uno fablo de Flourian (aquelo tiero es escassamen reser-vado is escoulan di lieu e coulège, escolo, etc.; sara necite de dire l'escolo e la classo que seguis l'escoulan). — Sujèt libre : tòuti li sujet, tau que : descripcióun d'un païsage gardounen, vendémio lengadouciano, meisoun prouvençalo, conte, nouvello, galejado o raioulado que passaran pas cènt rego.

Teatre. — A-prepaus en vers à dous personnage, pretoucant de coutumo raiolo.

Tòuti li dialèite de la lengo roumano podon prene part à la targo.

Lengo d'Oi (francés). — *Pouësio.* — Sujèt impausa : 1. Odo à Flourian; 2. Odo à Sauvages; 3. Balado : *Le retour de Némorin*; 4. Traducioun en vers francés de la pouësio de Lafaro-Alès, tirado de *Las castagnados*, qu'a pèr titoulet : *Lou darriè som de la Vierjo*

Sujèt libre : tòuti li tèmo se podon trata, emai que passon pas un centenau de vers.

Proso. — 1. Estudi sus la pastouralo ; 2. Nouvello : uno voto au païs dóu Gardoun ; 3. Estudi sus li magnan e li prougrès de la sericiculturo, de l'abat de Sauvages à Pasteur.

Councours artistique. — *Dessin.* 1. Païsage gardounen ; 2. Tipe cevenou : pastre, minaire, filaire, marchand, etc. : tòuti li biais de dessin se podon emplega, même la grisao. La compousicioun aura d'agué 75 centimetre sus 60. Li dessin courouna saran atribuï au musèu d'Alès o à tal autre musèu à l'agrat di gagnaire.

Musico. — Metre en musico la roumanço d'*Estello* :

Ah ! s'avèrè dans vostre village
Un jouine e tendre pastourel, etc.

La compousicioun aura d'estre escripto pèr uno soulo voues d'ome o de femo, em' acoumpagnamen de piano.

De pres en argènt, de rampau e de paumo, de medaio de vermei, d'argènt e de brounze, de diplomo artistique, saran decerni i laureat. Li mandadis auràn de se faire avans lou 20 de setembre venent, à M. F. Chabrier, bibliotecari de la vilo d'Alès (Gard). Lis obro noun saran signado, mai saran acoumpagnado d'uno biheto cachetado que caupra li noum, prenom e demoro dóu courrière, emé la deviso que l'obro elo-memo pourtara en tèsto, pèr afin que se posque cunèisse l'autour, que sara tengu de iapoundre l'affirmacioun que soun obro es jamai estada estampado.

Zóu ! lou tambourin bat la rampelado :

Quau voudra lucha que se présente !
Quau voudra lucha que vèngue au prat !

— Lou majourau En Pau Chassary, l'autour valerous de *En terro galeso*, aquéu recuei de tant fini galejado, nous vai faire tasta *Lou vin dau mistèri*, qu'es lou recuei de si pouësi douço e fresco.

Aquéu recuei de vers lengadoucian e prouvençau pareissira pèr souscripcioù, à 3 fr. 50. Li biheto d'adesioun soun reçaupudo encò de l'autour, M. Pau Chassary, 4, carriero dóu Faubourg Boutonnet, à Mount-Pelié, o i burèu de la « Campana de Magalouna », 15, carriero dóu Chivau vert, à Mount-Pelié.

— Lou dijòu 30 de juliet, l'Escolo parisenco dóu Felibrige a tengu sesiho. *Lou Clapas* de Paris i'avié presta soun ajudo. M. Laborde a fa lou discours d'uberturo, remembrant li sucès dóu Frai Savinian, tant

à la Sourbouno qu'i Jo Flourau de Lengadò. Marpillat a di *Lou vin d'ou curat*; Bourny la *Venus d'Arle*, d'Aubanel; Roche canto li *Grisetas de Mount-Pelié* e la *Marcha das enfans de l'Erau*; J. Mange dis *A l'amigo qu'ai jamai visto*, d'Aubanel; Mmo Mandin canto la *Serenado sus l'Erau*, de J. E. Castelnau, etc., e, pèr la bono bouco, M. Plantadis a entouna la cansoun de la Coupo, qu'a clava la sesihò.

LIMOUSIN

— Lis Escolo felibreno dóu Limousin se soun acampado lou 16 d'avoust à Gimel St-Priest, pèr felibreja, teni li Jo de l'Eglantino e la Cœurt d'amour. (*Véire la crounico*).

— Lou 24 de juliet, li Courresian de Paris se soun acampa en un banquet en ounour dóu generau Billot, ministre de la guerro; aquest, en puro lengo limousino, i'a prounouncia un discours forço aplaudi.

— M. l'abat Gorse vèn de faire parèisse, à Tulo, un voulume qu'a pèr titoulet : *Au bas païs limousin*, ounte i'a tant e pièi mai de prouverbi e de citacionn en lengo limousino. (Tulo, empremarié Grauffon, gr. in-8 de 327 pajo).

— Aufrèd Marpillat vai faire parèisse un voulume que s'estampo en puro lengo limousino : *Pèr s'esclafar*.

— Un escoulan limousin, l'abat J. Gary, vèn de faire edita à Cadus (Lot), un recueil de nouvè e de cantico pouplàri. M. Gary es président de la Soucieta d'estudi dóu Lot.

— Li felibre de l'Escolo d'Auvergno, que devien se rèndre à Sant-Ceré lou 2 d'avoust, pèr festeja e dire de vers en glòri d'un enfant dóu païs, lou manescau Canrobert, an remanda soun escourregudo à-n-un-autre jour, coume l'avèn di, e se perdra rèn pèr espera.

Aquitâni

— Es à Revirolos, toucant Lavelanet (Ariejo), que, lou dilun de Pasco, se tenguè la proumiero acampado de l'Escolo de Mount-Segur.

Es encò dóu mèstré Artur Caussou que se faguè la felibrejado, e n'es éu qu'à la desservo aussè lou got en ounour de la *Terro d'Oc* e de Mount-Segur, tout en remembrant çò que l'archivaire F. Pasquier, tant arderous, a fa pèr la lengo roumano dins l'Ariejo e tout en regrettant que noun fuguèsse aqui présent pèr reculi lou pres de soun travai.

E pièi, sus la bandiero que porto la fièro deviso di comte de Mount-Segur : *Toco-y-se gausos!* jureron tòuti, em' aquest moutet pèr saramen :

Beyrem pu leu la mar tarido,
Toutis les morts tournata en bido,
E le glas pu caut que le foc,
Abans que nostre lengo d'Oc,
Lengo clauſido d'armounio,
E mai que coumblò de genio,
Sio jamai banido d'enloc.

Prousper Estiéu diguè, en seguido, soun odo superbo à Mount-Segur ; Millo Mario Caussou, gagnarello di Jo Flourau de l'Atenèu de Toulouso, bresihejè, alor, quauqui galant vers ; em' acò en renguiero, Dunac declamè uno odo à l'Ariejo, Riga! un sounet à la vilo de Fouis, Teulié un autre à Mount-Segur ; Aybram debitè uno legèndo, e se clavè sesiho pèr la cansoun de la Coupo, de Mistral.

Après la dinado, li taulejaire signavon la letro seguènto, adreissado au Capoulié dóu Felibrige.

« Lavelanet (Ariejo) al ped de Mount-Segur, lou 6 d'abrieu 96.

Moussu lou Capoulier,

Lous sept jouts sinnads an l'ounour e lou plaser de vous far assaber qu'an l'intenciu de foundar uno Escolo felibrenco entitoulado : *Escolo de Mount-Segur*, qu'aura soun sièti à Lavelanet, en co del felibre Artur Caussou, e que sara coumpousado de tòutis lous felibres del Lauragués e del païs de Fouix.

Vous pregan de nous far tener l'autourisaciou del Counsistòri, e d'agradar, Moussu lou Capoulier, l'assiguranço de nostro amistad e de touto nostro devouciu à Santo Estello.

Signa : A. Teulié, P. Estiéu, F. Rigal, J. Aybram, A. Caussou, J. Gadrat, P. Dunac. »

En seguido, lou burèu de l'Escolo de Mount-Segur fuguè coumpausa coume seguis:

Cabiscòu d'ounour, Prousper Estiéu ; cabiscòu, Artur Caussou ; sou-to-cabiscòu, Aguste Teulié e Francés Rigal ; secretari clavaire, Jan Gadrat.

Veici, aro, la responso dóu Capoulié à la letro di sèt valènt de l'Escolo de Mount-Segur :

Mi bèu e valerous jouvènt,

« Vautri, que sias l'amo di païs de Fouis e de Counseran, acampas-vous souto li flamo roujo e or de la bandiero felibreno, e que d'en aut di bàrri de Mount-Segur vosto Escolo clame e proclame i quatre vènt de la liberta, que soun retrouvado li lanço bèn pounchudo e lis espaso esbriaudanto di comte de Cumenge e de Fouis !

Lou Capoulié saludo l'Escolo de Mount-Segur e embrasso tóuti li fraire.

Fèlis GRAS.

En seguido de la felibrejado de Lavelanet, lis escoulan de Mount-Segur an fa parèisse uno revisto souto lou titoulet de *Mount-Segur* e la deviso : *Remembren-nous!* qu'emé lou raconte de la festo dóu dilun de Pasco, douno, dins soun premié numerò : *Remembratz-vous*, odo magnifico de Prosper Estiéu ; *Mount-Segur*, serventés dóu meme ; *As felibres acampals à Mount-Segur*, d'Antounin Perbosc ; *Souvenirs*, de Pau Dunac, etc., etc., em' un tros de gramatico dóu dialèite de l'Ariejo, pèr Artur Caussou.

De mai, l'Escolo de Mount-Segur duerb un grand councours de parladuro miejournalo. De flour d'or e d'argènt saran baiado i meióuri pèço de vers o de proso sus Mount-Segur o la Crousado. Saran reçaupu de moussèu de proso o de vers sus de sujet libre, e i'aura de mediaio pèr éli. I'aura peréu de joio pèr lis escoulan.

Lis obro saran mandado, en double, noun signado, dins li formo academico, à M. Gadrat, estampaire, carriero de la Bistour, à Fouis.

Li Jo Flourau se tendran au mes de setèmbre.

A PARÉIGU :

A Mount-Pelié, dins lou *Felibrige latin*, tome sieisen, janvié à abriéu 1895 : « La question des Cours d'amour », obro mai qu'interessanto de M. V. Crescini, proufessor à l'Universita de Padoue, revirado de l'italian pèr lou mantenèire de Prouvènço A. Martel ; de vers de L. Bard, de Nimes ; *Naïs*, pichot rouman escri pèr lou felibre Louis Funel, de Vènço, segui d'un tros d'uno coumèdi : *Lous Caramans*, que A. Roux, de Lunel-Vièl, vèn de faire parèisse en broucaduro.

➤ Encò de G. Firmin e Montané : « Souvenir de la grande félibrée du 31 mai 96 en l'honneur des Abeilles cettoises »,

que lou cabiscòu cetòri J. E. Castelnau vèn de faire estampa pèr garda remembranço d'aquelei festo e dóu jour memourable que lou Felibrige es esta aclama pèr lou pople cetòri.

A Paris, tira de *l'Artiste*: *Un mois en Grèce*, raconte poulit de l'escurrugudo dóu majourau En Gastoun Jourdanne, dins lou païs enaura d'ounte l'art nous es vengu.

» Dins *Demain*, revisto de jouine: *Chez les Félibres*, article umouristique d'E. Ner sus li festo di Felibre de Paris à Scèus.

A Paris emai à Brivo, dins lou *Lemouzi* de juliet: einé la seguido interessantó dóu Leissique limousin de Raymond Laborde, i'a: *La fêlirée de Castelnau, Lou paure ome e la mort*, de M. Aza; *La nueg de las Paus*, coumèdi en un ate represen-tado pèr lou premié cop au teatre de Brivo, pèr li festo dóu Felibrige dóu 22 de jun 1895, pèr E. Bombal.

» Dins *La Mandoline* d'avoust, un sounet prouvençau de Bonosé Debais à-n-Anfos Daudet, e un sounet frances de Jósè Cornille, dedica au majourau selounen Croussillat.

A Mount-Auban, dins *le Quercy* e dins lou *Cantou felibrenç* de Pèire de St-Jan, quauqui mot sus Aguste Fourès.

A-z-Ais, dins lou *Mémorial d'Aix* dóu 2 d'avoust: *Sero d'estièu, vers galantoun* dóu jouve felibre laren Louis Crest.

Dins lou numerò dóu 13 d'avoust: « Les Echos de Provence, grande mosaique pour musique militaire », pèr G. Borel, que la musicò dóu 55^e de ligno n'en regalo li gent d'à-z-Ais; comte rendu poulidet de Monin. N° dou 23: *L'agounié de ma souerre*, pèço de vers de Pau Bazzi, un nouvel esfournia de l'Escola de Lar, que tout just escàpi dóu nisau s'assajo poulidamen de canta dins lou dous cacalian.

A Fouis, dins *Mount-Segur*, n° 2, la gento revisto di felibre dóu Laura-gués: *La longo may*, pèço que Jansemin mandè en 1837 à M. Dumon, ancian ministre, qu'avie di que nosto lengo meiralo èro à la mort, e que se clavo pèr aquesto fiéro dicho:

Lou puple, fidèl à sa may,
Sara Gascon, toujour ! e franciman, jamai !

L'aigat de septante-cinq, de Pau Dunac; *Clar de luno*, de Catet del Sarro, etc., e la seguido dis estudi gràmaticalo de A. Caussou.

A Cano, dius *le Littoral* dóu 7 de Juliet, un article de Daniel Riche, *Paris qui passe : la fête des Félibres de Paris*.

▲ Brivo, dins *La République* dóu 3 de juliet, lou raconte de la librejado de Castelnau, que n'avèn parla dins lou buletin, e qu'es estado pèr li felibre d'Auvergno e de Limousin la fèsto Sant-Estelenco de 1896, remembre d'aquelo de 1895, signa pèr Sernin Santy.

➤ Dins *le Conciliateur* dóu 1 de juliet, *La fèlibrée de Castelnau*, de Lemovix, emé lou brinde dindant e calourènt, amis-tadous e freirenau, de Sernin Santy.

▲ Paris, dins lou *Viro-Soulèu* de juliet-avoust, lou comte rendu di fèsto di Felibre de Paris à Scèus, en ounour de Teodor Aubanèu e de Flourian, emé la bello obro courounello dóu paure Louis Tombarel, en glòri d'Ansèume Mathieu, e *l'Aigo boudido*, sounet fresquet d'E. Jouveau.

▲ Mount-Pelié, dins la *Campana de Magalouna*, uno cansoun de Clapasset : *Ai pas vist lou baloun*; *Quaucas dragèias*, de Lou Sauta-Rocs; *Cinella*, de Drin-drin; *Lou cabin e lou lapin*, de Fredol de Magalouno, etc.

En Avignoun, dins *l'Aïoli*: *Li douge cant roudanen*, ounte F. Vidal lauso, emé soun cor, l'obro giganto de nostre grand mèstre :

De-longo, tu, Prouvènço, fas revièure
En Crau, vers l'Esterèu, long la grand vio,
Flòri que mai, encuei lou Felibridge :
O, resuscito en plen nouesto Countesso.

Pèr li bèllis *Eiguierenco*, de Louis Astruc; *Encò di Mardistes*, counferènci sus Verdot, pèr Louis Pascal; *Au Leberoun*, de Bounet einat; *L'amour de la terro maire*, de Marius André; *La cougourdo*, d'A. Richier, etc.

Li numerò 203 e 204 nous aduson : *Lou secret di bèstis*, de Frederi Mistral; *A moun ami F. Mistral*, de A. Crousillat; *Discours* dóu felibre J.-B. Menut, chivalié dóu Merite agricolo, à la fèsto tambourinarello de St-Meissenin, en ounour de Santo Madaleno; *En l'ounour de Santo Estello*, cant de mèste Eisseto emé la musico; la seguido de *l'Escourregudo en Anglo-terro*, dóu Pai Savié de Fourviero; *Lou Penitent*, de R. Luquet, etc.

▲ Barciloouno, dins la *Veu de Catalunya* : lou raconte di fèsto que li felibre de Mount-Pelié an fachó en ounour de *l'Eco républica*, de Rèus (Espagno), qu'ero vengu, emé d'autri Soucieta couralo, i fèsto de l'Espausicioun de Mount-Pelié.

A Toulouso, dins *Le Gril* : *A-n-uno estelato* (Un Gril); *Pe's aucels*, de Pol-le-Long; uno tiero d'article francés escri en « orthographe réformée »; *la Graouilbo*, fablo dóu coumpaire La fontaine, revirado en lengadoucian pèr lou felibre J.-B. Rouquet; *Adiou fraire*; *Lou prumié poutou*, de E. Galtié, e la seguido de la letro C dóu *Diciounari moundi*, de Jan Doujat.

A Marsiho, la *Neissénço* dóu Crist, pastouralo prouvençalo en 5 ate e en vers, pèr J. F. Audibert, in-8 de 95 p.

A-z-Ais, dins *la Provence nouvelle* dóu 30 d'avoust : *Pauvre Fouï*, pèço elegiaco dóu jouve laren Carle Bourrelly, que coumènço de s'encamina gentamen dins lis orto dóu Gai-Sabé.

La plaço nous defauto mai que jamai pèr escudela tout çò que paréis de poulit dins li journau de lengo d'O, coume la *Terro d'Oc*, la *Revue méridionale*, etc., e peréu dins li fueio franco-prouvençalo : *l'Homme de bronze*, d'Arle, *le Conciliateur*, de Bèu-Caire; *l'Hérault*, de Beziès, e *la Chronique* dóu même rode, que tambèn s'agrado de flateja la lengo dóu Miejour e d'ajuda à soun revièure, e qu'a publica uno letro de 'Frederi Mistral à-n-Antounin Maffre, sus si *Francbimandejairos*, aquéli galejado esperitalo, que n'aguerian la primour à Ceto, lou 31 de mai, e que vènon d'espeli en broucaduro, ligado poulidamen en un bouquet d'un vintenau de cacalas flòri.

Lou *Journal de Forcalquier* a douna, lou 14 de jun : *Au majourau de Berluc*, mandadis de Louis Crest, un jouine felibre Laren que, souto l'afiat dóu majourau de Pourchiero, camino poulidamen dins la draio felibenco.

Avèn peréu remarca dins *la Province* dóu mes de jun, un article de Lucian Duc, soun direitour, sus li *Folk-loristes*, valènt-à-dire lis amaire di vièis us e di vièi parla.

L'Effort, de Toulouso, estúdio à soun tour lou mouvemen felibren, après la *Revue méridionale*, de Carcassonne, *Le Mistral*, d'Avignoun, e d'autre, e d'autre.

Se vèi que lou Felibrige fai taco d'òli.

Longo-mai se n'apounde au roudelet di mantènèire de la lengo meialo !

Lou Gerent : Jan Monné.

Imprimerie L. Duc, 35, rue Rousselet, Paris.

CROUNICO

LOU COUNGRÈS D'AVIGNOUN

Lou 22 de setèmbre, un centenau d'afouga s'eron rendu en Avignoun, pèr prene part au Coungrès que se iò devié teni. A vuech ouro dóu matin, dins la salo de la Bourso, se soun acampa : Arnavielle, Anfos Tavan (un di sét de Font-Segugno), Don Savié de Fourviero, Frai Savinian, Pèire Devoluy, Dòutour Chabrand, G. Veran, l'abat Spariat, St-Raymond, dóu « Messager de Toulouse », canounge Bourges, Foleò de Baroncelli, l'abat Moutier, Jùli Veran, J. d'Arbaud, Gacian Almoric, l'abat Imbert, Bounet l'einat, Grabié Perrier, Mario Fenouil, dóu « Gaulois », l'abat Dabry, de « l'Univers », douz delega di fraire Maristo ; Frai Teoufile, Morenas, J.-B. Faure e Annejon, de Marsiho, lou delega de Mounsegne l'archevesque d'Avignoun, etc.

Se legis en coumençant li letro de regrett pourtant lis adesioun d'uno bello tiero d'ami que noun an pouseu se rendarre dins l'antico vilo papalo, entre li qualo se remarcon aquéli de Savié de Ricard, G. Jourdanne, Sextius Michel, Maurise Faure, de Berluc, Desmons, Anglade, de Gailhard, etc. Pièi, se passo à la nouminacioun di membre dóu Burèu. Soun nouma : président, M. Sant-Raymond ; assessor, Anfos Tavan e Guihaume Veran ; secretari, Jùli Veran e J. d'Arbaud.

Lou president duerb la sesiho pèr uno flamo improuvisacioun, sus l'estigango dòu Congrès : « L'ensignamen dòu prouvençau au pople, à l'escolo, dins la tribuno e dins la cadiero. »

Se legis quauqui despacho, e la paraulo es dounado à G. Veran, que legis, éu, un travai mai que bèu sus l'origino dòu lengage. Lou Frai Savinian douno soun rapport sus *l'istòri de la lengo d'O e di libre que podon servi* pèr l'ensignamen dòu prouvençau dins lis escolo dis enfant dòu pople. Aquéu rapport dis lou mouvemen de l'ensignamen dins lis escolo primàri de 1819 à 1896.

La paraulo douço dòu Frai Savinian esmòu lis escoutaire, e n'es pèr aclamacioun que se voto li dous vot que presènto e que soun :

1. Introducioioun dins lis escolo primàri di libre classique neccite pèr l'ensignamen dòu francés, au mejan d'estudi coumparativo emé la lengo d'O ;

2. Iscripcioioun de la lengo d'O dins la tierro di lengo vivènto demandado pèr lis cisamen dòu brevet.

L'abat Redon, vicari generau de l'archeveque d'Avignoun e soun delega óuficiau, vèn prene plaço entre li congresristo, e lou Congrès, sus la prepausicioun de D. Savié de Fourviero, semound aquesti dous vot à Mounsegne l'archeveque d'Avignoun :

1. Que se fague uno plaço au prouvençau dins si dous pichot semenari, e qu'un pres acourda tòuti lis an (1) siegue decerni à la meiouro traducioioun prouvençalo d'un autour grè o latin ;

2. Qu'à l'eisèmple de ço que se pratico au grand semenari de Carcassouno, lis abat dòu grand semenari d'Avignoun siegon lengu, lou jour que predicaran francés, de faire uno glosò, à la fin, en lengo vulgàri, e agon touto liberta d'escriéure, dins aquelo lengo, si dissertacioun silousoufico e teoulougico.

Aquéli dous vot soun vouta à l'unanimeta e signa pèr tòuti li membre present.

Frai Teoufile, d'Avignoun, fai uno comunicacioun sus « lou role dòu prouvençau dins l'ensignamen mouderne. » L'ouratour se plang subre-tout de la pichouteto plaço sachò à la literaturo prouvençalo dins li libre d'istòri literari bouta entre man dis escoulan.

Arnavielle fai lou vot, qu'après discussioun es adóuta, que tòuti li Felibre, dins l'interès d'uno acioun pratico e rapido, en manten-

[1] L'a 'no persouno que lou pago.

guènt lou dre di divers dialèite, adóuton l'unita ourtougrasclo establidò pèr lou *Tresor dòu Felibrige* de Frederi Mistral, e s'apielo pèr acò sus l'autourita de l'eminent filologue Camibe Chabaneau, proufessour à la Faculta de Letro de Mount-Pelié.

Jùli Veran, de Bèu-Caire, demando que lou noumbre di cadiero prouvençalo dins li faculta de letro fugue aumenta. Jousè d'Arbaud, de Meirargo, voudrié de cadiero libro pèr l'ensignamen dòu prouvençau.

Lau Frai Savinian, d'Arle, resumis li travai qu'a fa dins lis escolo, e si teourlo, qu'à la Sourbouno de Paris éu lis avié espan-dido ; parlo di libre, au noumbre de sèt, qu'a prepara pèr ensigna lou prouvençau.

Parlon pièi Morenas, mestre d'escolo, e M. Uzès, avoucat, e se claus la sesiho de la matinado.

A dos ouro e miejo, li Coungressisto, encaro mai noumbrous que lou matin, s'acampon tourna-inai dins la salo de la Bourso.

La questioun de l'emplé dòu prouvençau dins lis assemblado es sus lou tapis e meno uno discussioun proun vivo, mai forço courteso, entre MM. J. Veran, Chabran e Grabié Perrier. Lou Coungrès s'arrèsto à-n-aquesto counciusioun, que sau pas demanda i councié generau e d'arroundissamen que parlon de-longo prouvençau, mai que sau prepara pulèu, pèr uno proupagando de tòuti lis instant, lou moumen que l'usage de nosto lengo sara redevengu talamen comun, que sara parlado menie dins lis àuti classo, e qu'alor s'emplegara naturalamen en tòuti li tribuno. M. Grabié Perrier counvido tòuti lis óuratour poupoplari à se servi de la lengo dòu païs : es lou soulet mejan de se faire bèn coumprene.

Se legis e se voto uno coumunicacioun d'En Chapòli Guillibert, demandant :

1. La creacioun d'uno cadiero de prouvençau à l'Universita d'Ais;

2. Qu'i soulet founaciounàri de lengo d'O fugon sisado tòuti li founacioun de la judicaturo en terro miejournalo.

Un anounime demando que lou gouvèr mande dins li pais d'O que de juge de nosto lengo.

Aquéli douz coumunicacioun soun basado sus ço que lou « Dre prouvençau », qu'uno partiò es encaro en usage, es escri en prouvençau, e qu'es assouludamen necessàri, d'un autre caire, que lou juge coumprengue li temoin e l'acusa, quand aquesti sabon pas parla francés.

Li comunicacioun sus lou teatre soun forço interessant, subretout aquelo d'ou canoung Bourges e de Francés Vidal, d'Ais, que se soun fleramen atala à coustutui un teatre laren. Escoutas Marius d'Auruou dins un tros de sa dicho au Congrès avignounen, sus d'aquéu prepaus :

Pèr ieu, siéu vuci mai-que-mai afeciouna à presica en prouvençau, e vau me metre à l'obro pèr facilita l'estudi e l'amour de nouesto richo parladuro. Entadóumens, pèr me perfeciouna dins la lengo dei Felibre, e dins la toco de faire de bèn ei jouent, me siéu bouta à coumpausa de coumèdi.

Lei gènt arléri o pau risière, e tambèn aquélei que troubarien d'es-pigno dins un lèu, de plumo sobre l'esquino d'un grapaud, o de péu dins un uou, me mandaran la pèiro en escoundènt lou bras, e me cercaran reno pèr ço que, estènt ço que siéu, me siéu mes soutu l'es-coundudo d'un escais-noum, pèr espeli e faire estampa de coumèdi. Avans de bada e de se trufa de ieu, déurien, coume leis aiet, tra-vaia de tèsto e coumprene que moun entencien, en fasènt de coumèdi dins lou biais deis autour latin e franchimand, mai adoubado à la prouvençalo e dins lou goust d'ou terraire, es estado d'abord de pòutira d'ou teatre tóutei lei paraulo escabissou que se li estampon tant souvènt ; pièi, de revièuda l'obro d'ou teatre qu'es, en fasènt rire, de castiga lei vici e de li servi de remèdi, e enfin d'alesti d'ouinèstei pas-so-tèms ei franc e galoi Prouvençau.

Se d'ùnei que l'a trouvavon que mei coumèdi soun pebrado o que, coumo lei cebo, fan couire leis uei, eh bèn ! que se li nieton de tapadouiro e que lei legisson pas. Déurien saupre, pamens, que la lengo prouvençalo es un pau coume lou latin. Pouédi pamens afourti que troubaran rèn dins mei coumèdi que pudisse, e que boularai pas lou samena.

Avieu proun quauco cregnèncio de faire estampa meis obro e de lei metre à l'esquicharié Remondet ; mai l'amistous e saberu cabiscòu de l'Escolo de Lar, e gai tambourinaire, Francés Vidau, counservaire de la Biblioutèco Mejanenco, aquéu mestre en Gai-Sabé, m'a que-noun-sai acouraja e ajuda, e m'a di coume acò : « Anen, zóu ! fai tira, Marius ; en avans, veiras Berro ! » Es ço qu'ai fa. Se mau-grat 'cò, quàukeis-un soun pas countènt, eh bèn ! que wagon au countentié ; pèr éu, siéu

MARIUS D'AURUOU.

Gacian Almoric douno de detai sus la troupo mountado souto soun aflat, e que, dins li terro dóusinenco, jogo si coumèdi. Sis atour soun que de travaiadou e de rusticaire, mai tout lou pople cour à si coumèdi, tant bèn atrencado e tant pouplàri. J. B. Faure e M. Annejon, présidènt dòu Ciéucle de St-Defendènt, de Marsiho, parlon peréu sus lou prepaus dòu teatre prouvençau.

Lou teatre prouvençau, es acò la toco, « es aqui la tribuno, — coume dis *l'Aïoli* — recomandado is ensignaire de l'enlanço, is apoustòli dòu pople. Zóu ! taisas vòsti plumo, jouvènt de la bono, e aliseas-nous de pastouralo, de tragèli, de dramo, de coumèdi, ounte trelusigon e fantaumejon li gràndi figuro de nosten istòri o de nòsti legèndo prouvençalo. »

Zóu ! vès-eici, pèr claire tout, la questioun de la « cadiero. » Don Savié de Fourviero douno couneissèncio d'uno comunicacioun de l'abat Lacroix, curat de St-Laurèns, à Marsiho, que fai lou tablèu de la presicacioun prouvençalo à Marsiho, e que dis en quelo bello flouresoun s'atrouvavo, souto Mounsegne de Mazenod, e que l'apound lou bèu e flame envanc qu'a pres, bonadi lou meravihous talènt dòu Paire blane.

Lou canounge Bourges parlo de la presicacioun dins l'antico capitalo de Prouvènço ; l'abat Spariat descato ço que n'ei dins lou Var sus d'aqueilo estiganço, e l'abat Imbert a fa l'estudi di presicaire coumtadin. En seguido, l'abat Dabry a legi de tres de la remarcable e forçò literari comunicacioun adreissado au Congrès de Reims pèr l'abat Luquet, sus lou prouvençau en cadiero.

Fin finalo, Savié de Fourviero, après d'agué résumi la dichò de si counfraire, a di que lou prouvençau poudié rèndre lis astracioun li mai profundo e li plus auto de la sciènei, de la filousonflò e de la teoulouglo, e pèr provo d'acò a legi quauqui moussèu dòu segound voulume de si « Patriarches », que pareissira aquest mes d'òutobre, L'ouratour mostro que la lengo prouvençalo es parlado e coumpresso dins quau saup quant de regioun.

M. St-Ramound, présidènt, pèr clava, largo uno improvisacioun enauranto ; se traïs pèr aclamacioun un voto de simpatiò e de respect à Frederi Mistral ; Arnavielle bandis lou erid mistralen :

Quau tén sa leugo tén la clau
Que di cadeno lou deliéuro !

e la sesiho es levado. L'on se douno rendès-vous en Arle, pèr la fèsto dòu lendeman.

Vers li colo embaumado e ferigoulado de Camargo, uno centeno de persouno soun acampado, pèr assisti à l'inauguracioun de la pèiro coumemourativo de l'abitat céutique d'*Ar-lath*.

Après uno escourregudo à la baumo-dolmen de Castelet emai à-n-aquéli de Bounilas e de la Sourço, tóuti li vesitaire s'arrambon à l'entour dòu *tumulo-menhir*, qu'i pèd s'aubouro la pèiro coumemourativo, pourtant en gravaduro aquesto iscripciou :

Eici, au tèms di fado,
An fa Santo Repausolo nòsti Rère
Gau e Sali.

Mèste Eisseto a d'abord legi li vers que veici :

Arlaten ! soun aqui li cros de nòsti rère ;
Èro tèms, bèus ami, que venguessian li vèire,
Pèr qu'au souns d'un roucas restèsse pas soulet,
 Dins li ferigoulo di colo,
Aquéu pople enterra souto li clapeirolo
 Di vièi dolmen de Castelet.

Soun aqui li tribu de la Pèiro-Plantado,
Que, despièi milo an, tant suporton l'espouscado
Di gravié dòu camin, di nèblo dòu vènt-larg,
 Endourmido souto li graso
Qu'escoundon li brisun de jouieu e d'espaso
 Di gènt palunen dòu Grand-Clar !

Paure ! counеissien pas li diamant ni la sedo ;
Mai lou pèis dis estang, lis escabot de sedo
Poudien li sustenta, que n'avien pas besoun
 D'avé d'ourfabre à Coutignargue,
Li dono, d'aqueu tèms, se fasien, long di pargue,
 De coulas de cacalaùson !

O chato, que restas' la lus de la Prouvènço,
Dins voste sougnadou, fasès la diferènço
Entre vòsti beloio e la simplicita
 Qu'èro lou verai dòu benèstre,
Dòu tèms que lou bonur tenié dins lou campèstre
 Li joio que nous an quita !

Saluden lou trelus que d'eici se destaco !
Se lou moust dòu bon vin sort de la bono raco,
La leissèn pas mousi dedins soun boulidou,
 E sieguen fièr d'aquelo souco
Qu'a douna li rasin que fan tant bono bouco,
 En restant dins soun terradou !

En seguido, lou Pai Savié, superbe dins sa raubo blanco, escalo sus d'uno mountiho e, dóuminant l'auditòri, improuviso un discours enaurant, que soulet n'a lou secrèt e que boulego l'amo e lou cor.

Aquelo proumiero partido de la fèsto se claus deliciousamen, e cadun emporto lou bressadis de la paraulo pouëtico e melicouso dóu Paire blane.

A la Coumuno, lou vèspre, lou dóutour Marignan fai uno cunserènço davans un auditòri noumbrous e chausi. Soun tèmo a pèr titre : *Sépultures aux âges préhistoriques* e douno de detai forçò curious sus li mour, lis us e eoustumo, lis armo e lis estrumen de nòstis àvi *Gau* e *Sàli*. Après agué rampela lis Arlaten présent, pèr que noun delemborn lou Museon etnografique, la connse-rènço prèn fin, pèr ana au teatre antique, ounte ié dèu agué councert.

Lou teatre antique es coume de pople : i'a de mounde pertout, sus li gradin, sus li tros de pèiro e li tros de coulouno. La luno douno, e la vesprado es deliciouso. Mai s'atovo, ai ! las ! que i'a uno troupo de galoupin que bouton lou desordre pertout, que bramon, miaulon e eridon, emé lòuti li erid d'animaus de la creacioun, e que li flamo de Bengalo soun atubado à la coumençanço, au liò de l'estre à la fin ; que lou councert es acourchi e moudifica, e que l'*Estudiantina* a lòuti li peno dóu mounde à se faire entendre.

Mai aquelo nèblo dins un bèu jour fai pas que l'amo n'en fugue entristesido, au countràri. N'es ansin de tout, de la vido coume dóu rèsto : lou cèu es pas toujour clar, la mar gardo pas toujour sa calamo, e pamens, que i'a-ti de plus bèu que l'espèctacle de la mar e dóu cèu ? L'uno e l'autre, lis atrouban plus bèu après l'aurige.

Aquéu pichot treboulun fai que mai ressorti la serenita, la simplessò, la fierta dóu Congrès avignounen, ounte quàqui Mie-journau de la bono an vougu s'asemptra pèr parla de sis asaire, tranquilamen e en fraire, que lou même sentimen ié boulego l'amo : l'amour de la pichoto patrò !

Aquel amour aut e flamejant, qu'ispiro e atubo l'amour de la grando patrò, la Franço, e qu'a fa dire à neste grand Mèstre :

Li Prouvençau, flamo unanimo,
Sian de la grando Franço e ni court ni coustiè !

JAN MONNÉ.



LI NOVO FELIBRENCO

PROUVÈNÇO

— Uno souscripcióun es duberto pèr la publicacioun dis obro déu felibre Louis Tombarel, souto l'aflat de quauquis ami e coumpan. I'aura uno edicioun ourdinàri à 3 fr. e uno edicioun de lüssi à 5 fr. Li souscripcióun soun reçaupudo encò dóu majourau En F. Vidal, 3, avengudo Vitour Hugo, à-z-Ais ; de M. Jùli Contencin, avoucat, 27, cours Mirabèu, à-z-Ais ; e de M. Eymard, avoucat, cours Mirabèu 53, à-z-Ais.

Sian assegura que tóuti voudran veni à l'ajudo di valènt sóci que trenon la courouno pouëtico d'aquéu jouve felibre, tant lèu mort, e que nous dounavo tant de flàmis esperanço.

Louis-Jousè Tombarel èro na à Castèu-Reinard, lou 2 febrié 1873. Enjusqu'à l'age de 5 à 6 an, fuguè toujour malaütoun, e tóuti li malandro que passon e que tóuti lis enfant aganton, éu lis agantavo ; soun brave paire, un ancian brigadié de gendarmarié de Marsihu, e sa maire, uno castèu-reinardenco valènto, lou disputavon à la malaütié emé touto l'afecioun de soun cor, e se gouiejava un brisounet, èro en seguido d'uno toumbaduro que i'ero avengudo à la memo epoco. Despièi d'elor, avié jamai agu la plus pichoto malaütié.

Léri, dubert, inteligènt, tout pichoutet voulié saupre tout e questionavo sus tout ; aquéu boujaroun devinavo çò que ié disien pas, à tau poun, qu'un bèu jour s'aviseron que sabié legi sènso saupre ounte diàussi l'avié après.

Anè pièi is escolo di Fraire, tant à Marsihu qu'à Seloun, e, en seguido, is escolo communal de Seloun e de Castèu-Reinard. l'aprenguè tout çò que li mestre sabien, de biais que vouguè plus ana is escolo,

amor que disié que si mestre avien plus rèn à l'aprene Basto ! alor, si gènt lou bouteron au pichot semenari d'Avignoun, ounte restè enjusqu'en 1888, toujour en tèsto de sa classo e daverant de-longo tòuti li premié pres. En 1888, intrè en segoundo au licèu d'Avignoun e d'aqui partiguè vers li draio de la pouësio prouvençalo, gagnant i Jo Flourau de Scèus lou premié pres dis escoulan, pèr la traducioun en prouvençau d'uno odo d'Ouraci.

Acò l'empachè pas, tout boursié qu'ero au licèu d'Avignoun, d'agañta dóu proumié cop e em' uno bello noto, soun diplomo de bachelié, e d'ana faire, au licèu de Lioun, uno annado de retourico superiouro. A soun retour, repetitour i coulège d'Aurenjo e de Draguignan, tout en calignant poulidamen la Muso prouvençalo, gagnè en 1895 sa boursio de licènci à la Faculta di Letro d'Ais.

Entre tèms, avié aganta un premié pres de prosò à Carpentras, pèr soun *Kinfarò*, e li Jo l'flourau d'Ais, en 1893, ié pourfiguèron mai de courouno, coume aquéli de Scèus, d'aquest an, i'an semoundu si joio courounello pèr soun odo sus Ansèume Mathieu, que, pechaire ! ansin qu'uno courouno de pervenco, l'an pausado sus soun cros, que lou bèu felibre es mort lou 29 de mai 1896, dins si 23 an.

— M. Ed. Lepelletier, dins *l'Écbo de Paris* dóu 9 de setembre, a mai laissa desbounda soun iro contro lou Miejour e li Miejournau, en uno tartarinado qu'a batejado : *La Comtesse*. Parèis que li Felibre e si revendicacioun l'empachon de dourmi, e que tremolo pèr l'aveni dóu Nord, despièli qu'a legi la bibeto counvidarello dóu Congrès d'Avignoun, aquéu Congrès que quauqui jouvènt se soun entancha de durbi, pèr ié trata, entre ami, quauqui questioun interessant la Causo. Paure mignot ! e que mau i'aurié, quand noston lengo sarié en ounour e à la plaço que i'es degudo, à l'escolo, à la tribuno, en cadiero emai au teatre !

Es que l'ensignamen dóu francés, au mejan dóu prouvençau, farié pas faire à nòstis escoulan de prougrès sensible ? Aprenèn uno lengo estrangiero pèr sa coumparesoun emé lou francés que counessèn ; pèr dequé, à nòsti drole de Prouvenço, ié sarié pas permés d'aprene lou francés pèr coumparesoun emé lou prouvençau, qu'es sa lengo ?

Se li counseié municipau, d'arroundissamen e generau, emai peréu li deputa, quand quiston li sufrage dis eleitor, ié parlavon dins sa lengo, se comprendrien plus lèu, de-segur, e acò farié-li de mau en quaucun ?

E quouro lou capelan mounto en cadiero pèr parla di verita de la religiouen i crestian que l'escouton, es-ti pas naturau qu'emplègue la lengo qu'aquésti coumprenon ?

E alor que lou pople, pèr s'espaça e se desalassa dis obro ensucanto, anara passa uno oureto au councert o au teatre, pèr dequé ié sarié-ti pas douna d'ausi uno cansoun dins soun parla e uno fino coumèdi d'un escrivian dóu parla nadalen ?

L'aurié-ti aqui dequé crida au *separatisme*, dequé brama : Au fiò ! au fiò ! coume lou fai aquéu valènt barjaire de Ed. Lepelletier ? Anen, anen ! tout acò 's batre l'aigo em' un bastoun. Li Felibre, tout en demandant que sa lengo fugue remesso à sa plaço, soun autant patrioto qu'eu, — se noun mai — e se soun jamai imagina de proununcia « la déchéance de la langue française et l'obligation de parler charabia. »

Saup pas, aquéu gènt moussu, que neste parla es ni un *charabia* ni un *argot*, ni un *patois*, mai qu'es uno lengo douço e forto, que pèr si titre de noublesso e soun vieiounge, a prouvi lou dre de s'asseta e de briha pertout à coustat de sa jouvo sorre, la lengo franceso.

— Mèste Pau Estellon vén de publica, en Avignoun, lou proumiè numerò de : *Les nouvelles cascarellettes provençales*, (4 pajo) que pa-reissiran mesadieramen. Fasèn la bono salut à neste nouvèu coun-fraire. L'abounamen es de 3 fr. pèr an.

— La *Provence nouvelle* coumenço, dins soun numerò dóu 4 8bre, la publicacioun d'ui dramo en un ate de J.-B. Gaut : *Un coeur de troubaire*, que lou sujet n'es tira de l'istòri di troubadou e de la vido de Guilhèm de Cabestang. La sceno se passo à Castèu-Roussihoun, à uno oureto de Perpignan, que li rouino dóu sobre-di castèu se ié ves-son encaro.

— La *Founfoni prouvençalo*, d'Arle, a gagna pèr pres, au coun-cours de musico d'Alès, uno medaio vermeialo e 60 fr. tintin. Nòsti coumplimen i pichot musicaire.

— Vén de pareisse à Niço, *La Bugadiera*, que se mostro lou dijòu e lou dimenche en parla nissart. Souvetan longo vido à-n-aquelo val-lènto dono, qu'a pèr toco de « lava lou linge brut, au besoun à crèdi. »

— Vès-eici l'iscripcióun de la pèiro dóu paure Cassini, pausado au mitan di courouno de pervenco mandado pèr li Felibre avignounen e lou Counsistòri felibren :

JULI CASSINI

(1847-1896)

La mort m'a pres en plen canta,
 Pauro cigalo felibreco,
 E dins lou eros m'a recata
 Subitamen, d'un cop de trencó.
 Mai tu, Segnour, aguènt pietà,
 Me leissaras belèu nounta,
 Pèr que ieu cante dins loun libre,
 Au paradis di bon felibre.

F. M.

— Lou majourau Louis Astruc vai faire parèisse lèu-lèu : *La messo pagano*, galant recueil de vers emé traducioun franceso vis-à-vis.

Li souscripcióun soun reçaupudo, à parti d'aro, encò de l'autour, carriero de Lodi, 105, à Marsiho. Lou libre coustara 1 fr. 50.

— Emé lou numerò dòu 1 de setembre, la *Nouvelle Revue* vèn d'acaba la publicacioun de l'obro de Frederi Mistral : *Lou Pouèmo dòu Rose*, que vai parèisse en voulume, aquesti jour, encò d'Ansos Lemerre, à Paris.

— Uno novo edicioun de *Lou siège de Cadarossa*, pouèmo erouï-coumique de l'abat Favre, prieu de Cello-Novo, vèn de parèisse à la librarié Roumanille, en Avignoun. Se i'es apoundu : *Lou sermoun de M. Sistre* emé *La fam d'Ereditoun*.

— *Li Rouge dòu Miejour*, rouman istouri emé la traducioun franceso, dòu capoulié Fèlis Gras, vènon de parèisse en Avignoun, librarié Roumanille (461 p. in-18 ; pres : 4 fr.).

— *La Rèino Jano*, dè Frederi Mistral, se jougara à Paris, aquest an, au teatre de l'Oudeoun.

— A pareigu à Paris, dins la revisto semaniero *Demain*, n° 29, un article de Louis Rovère, entitoula : *Chez les Félibres*. Aquest brave Moussu a pres li boufounado e grafignaduro que M. Clément Galicier a trachò dins li *Tablettes marseillaises*, e lis a servido à sis ami tòuti caudo. Anen, anen, i'a pas de que s'estoumaga, tant que lou franc rire e l'auto galejado an pas perdu si dre, parai, M. Rovère ? Avès cresegu vèire tout lou Felibrige dins lou tablèu de M. C. Galicier, e n'avès pas escassamen vist l'oumbro. Adounc, vous sias engana e, se Diéu vous prèsto vido, acò, de-segur, vous arribara mai. Que ié faren ? noun poudèn empacha li tucle de prene d'aubre pèr de caulet-flòri. Lou rire es tant bono causo, que faudrié paga aquéli que s'agradon de nous n'en taia de lesco.

— A prepaus di *Tablettes marseillaises*, (22 de 7bre), dirèn que, dins l'estudi de M. C. Galicier sus lou majorau Louis Roumieu, i'a proun de biais e de verita ; mai, ounte aquéu jouvènt a manca lou le, es quand, dins lou même journau, a vougu critica lou Felibrige e li Felibre sènsò counèisse lis estatut d'aquelo Soucieta e sènsò n'estre membre éu-même, emai lou digue.

La Maintenenco de Prouvènço a autourisa l'Escolo de la Mar à s'ajoune, au titre d'*ajudaire*, « de persoно voulountoso e que soun pas dòu Felibrige. (Article 31 de l'estatut). M. Clemènt Galicier es tout escassamen membre *ajudaire* de l'Escolo de la Mar : es adounc pas membre dòu Felibrige.

Es pèr acò que respoundren rèn is article de M. Clemènt Galicier dins li « *Tablettes marseillaises* », se noui que cresèn pas que Mistral i'ague di ço que ié fai dire dins lou raconte que fai d'un viage qu'a fa à Majano.

— *La Mandoline* vèn de nous arriba em' uno novo atrencaduro. A parti d'are, fara bravamen de large à la tiero felibreno, souto la direicion de Batisto Bonnet. Durbis lou *cantoun di Luseto* en tòuti lis afouga de la lengo. Ié mandan, naute, nòsti felicitacioun couralo.

« Lou cantoun di Luseto — dis Batisto Bonnet — sara dins la *Mandoline* un pau de ço qu'es la ribo d'un riéu dins la naturo ; tòuti li Felibre d'en Paris o d'en terro d'O, se soun simple e naturau, i'atravararan sa placeto. »

En de mai dòu pourtissòu de Batisto Bonnet, i'atrouvàn : *Pastouralo*, de Pau Redonnel ; *Uno istòri de moun grand*, de Bonofé Debaïs, *La posto di Luseto*, e lou paumares dòu dougen councours dins la tiero neo-roumano. Vès-eici aquéu paumarés :

Medaio simili-or à MM. Albert Viau, Ph. Chauvier, Enri Plesant, Jùli Lapierre, Emilo Barthe, André Vergnes, Eugèni Guilhaumou, A. Silvestre.

Medaio simili-argènt, à MM. E. Passe, S. Peyre, Albert Honde e F. Beret.

Menciouн à MM. Ange Silvestre, J. Jullian, B. Plesant, I. Dayma, J. Barbier, J. Gras, A. Roux, E. Fournier, M. Fustier, L. Detrixhe.

Lou tregen councours de « *La Mandoline* » es dubert e sara clava lou 1 de nouvèmbr venènt.

Pèr la tiero neo-roumano, li sujet soun libre e tòuti li dialèite soun reçaupu. Li pèço aurau d'estre mandado vers M. Miquèu Pons, 14, balouard de Reuilly, Paris.

LENGADÒ

— Li 27, 28 e 29 de setèmbre, an agu liò, en Alès, li festo en ounour de Pasteur, de Flourian e de l'abat de Sauvages. Li festo soun estado magnifico, e l'inaguracioun dóu buste de Sauvages fuguè su-perbo, souto la presidènci d'Enri de Bornier.

Après lou discours de l'autour de la *Fibo de Roland*, M. de Ramel, maire d'Alès, a pres la paraulo au noum de la vilo ; M. Leóunci Des-tremx a pièi parla au noum dóu Coumitat, e lou majourau Gastoun Jourdanne, au noum dóu Felibrige, a auboura uno trouadisso de pi-camen de man pèr soun eloge de la lengo d'O e pèr l'enauramen que fai di mestre de nостo renciènço miejournalo ; lou majourau alesen Albert Arnavielle, que la vilo d'Alès aviè counvida à-n-aquéli festo de gloufificacioun dóu parla cevenòu, a, dins sa lengo malre, larga uno improuvisacioun regouiranto d'estrambord e talamen fiero e res-plendènto, que tóuti li cor an respoundu au batedis dóu siéu.

Un banquet a clava la festo, presida pèr lou majourau En Maurice Faure, deputa. S'es brinda e canta à tout ço qu'es bèu e grand, à la glòri de la patrio e au triounfle de l'idèio felibresco.

E vès-eici, aro, lou paumarés di Jo Flourau d'aquéli festo sèns pa-riero :

Pouësio. — *Odo à Flourian.* Premié pres à-n-Albert Viau, segound à Savié Peyre, tresen à Emilo Brunet.

Mencion à Mllo Lucio Campredon, A. Berthier, Pau Vezian.

Odo à Sauvages. Premié pres à Grabié Haon, en Alès.

Sujèt libre. — Premié pres, ex æquo, à Amat Agussol e Viguer, de Nimes ; segound, à Em. Portal, à Palermo, (Itàli) ; tresen à Mllo Nouemio Comte ; quatren à Daudé, cinquen à Louis Laporte, sieisen à E. Brousse, seten à Louis Charrasse, à Veisoun ; vuechen à Ipoulite Dayma, nouven à Rodolfo Martin, desen à Numa Fontayne.

Mencion à Capion, Fauré, E Barthe, G. d'Almeida, A. Silvestre, B. E. Gineste, A. Roumentant, I. Martin, A. Merik ; un gavot de la Louzèro ; Mllo Eugenio de Montvaillant, J. Coudou.

Teatre. — Mencion especialo à C. Salzet, de Marsilan.

Proso. — *Sujèt impausa.* Premié pres à G. Therond, segound à E. Delmas, tresen à Mario Bertrand, de Cano.

Sujèt libre. Premié pres à Louis Bard, segound à V. Bouis.

Mencion : un anounime, E. Martel e A. Roche.

Councoirs de musico. — Coumpousicioun musicalo de la roumanson d'Estello, de Flourian. Premié pres, ex æquo, à Darles e Gregoire ; se-ground, ex æquo, à Fulgauzi e Feraud ; tresen, ex æquo, à Baridot, Ougèni Arnaud, Lambert e L. Baudrand-Riviere.

Mencioun à Millo Emilio Mathieu, Mmo Grabiela Aubert, e MM. A. Mager, N. Laffont, J. Roux.

— Noste coumpañ e ami Gastoun Jourdanne vèn de publica en broucaduro la *Bibliographie languedocienne de l'Aude*, grand in-8 de 24 pajo, qu'avié pareigudo adeja dins la « Revue méridionale », de Carcassouno. Es uno obro valento, que sarié en-de-bon que se fa-guèsse pèr tòuti li despartamen miejournau. Pourrian alor couunta nòsti richesso e lis espandi is iue d'aquéli que se trufon de nautre.

— Lou même G. Jourdanne vai publica uno *Histoire du Félibrige*, que sara clafido d'entre-signe precious sus tòuti li membre d'aquelo Soucieta. L'aura plusiour partido, sobre-tout l'uno pretoucant li *Troubaïres*, uno autre sus li *Patoisants* d'aro e uno autre sus la *Langue des Félibres*.

LIMOUSIN

-- M. Collignon, prefèt de la Courrezo, qu'èro esta souto-prefèt en Arle (Bouco-dóu-Rose) e qu'en estènt aqui s'èro amiga emé Mistral e li Felibre, e s'èro engaubia à parla la lengo de Mirèio, a pourta de brinde prouvençau i Coumice agricolo d'Uzercho emai à-n-aquéu d'Ussel.

Vès-eici li paraulo de M. Collignon au Coumice d'Ussel :

« E aro, mi bravis ami, sian proun de bon Francés pèr que pouquin parla *patois*. Aquéu que parle n'es pas lou même dóu vostre ; mai soun pas tant liuen l'un de l'autre que pouquin pas nous coumprene, quand vous dirai que siéu urous d'estre vengu dins voste bèu païs, tant riche d'ome d'engèni e d'ounour.

« Ai ausi dire que li prefèt restavon jamai bèn long-tèms dins lou despartamen e que, pamens, la prefeturo èro forço bello e avié cousta forço argènt.

« De-que vous dirai, ieu ? Simplamen que trobe l'oustau tant bèu que vole plus pensa de lou quita.

« M. Roche, lou brave président de l'*Association corrézienne*, de Paris, m'a douna mi letro de naturalisacioun courreziano. Aro siéu vostre e lou restarai.

« Messiés, bevèn à la Courrezo e is agricultour courrezian ! »

— A la destribucioun di pres dóu coulège de Treignac (Courrezo), la pouësio limousino a tengu uno bello plaço. S'es di, dins l'ate de la soulennita : *L'ase de la Nanou e Lou vi del curet*, de Marpillat, e *Chal ana bicar Bobi*, de Bombal, is aplaudimen de tóuti lis escoutaire.

Aquitani

— L'Escolo de Mount-Segur s'es acampado, lou 20 de setembre, à Fouich, pèr ié teni si premié Jo Flourau e ie felibreja, souto la présidènci d'Antounin Perbosc, felibre majourau.

Veici çò que pourtavo la carteto counvidarello :

« Moussu e brabe Counfraire,

« L'Escolo de Mount-Segur tendra sous prumiés Jocs Flourals feli-brençs à Fouich, le dimenge 20 de setembre, à uno houro de la bes-prado, jouts la presidènço d'Antonin Perbosc, felibre majoral d'Aquitaino.

« La neit, à 7 houros, encò de l'hoste Benoit, les Felibres e leurs amics s'acamparan en un banquet frairal, oint se debitara forso besses, countes e cansous.

« Bous coubidañ à nòstris Jocs Flourals e, se bous agrado de bous abarreja demès nous-aus al banquet, bous pregan de nous manda, abans le 17 setembre, bostro cousandido, ambe le mountant de la coutisaciun, fixadò à un douru (5 franc).

« Le Secretari : J. Gadrat. Le President de l'Escolo : A. Caussou. »

— Aquest an, lou Bearn, qu'a uno Escolo felibenco, a vougu que soun « Armana dóu bon bearnés » faguèsse uno plaço plus grando au parla dóu païs, e se i'es apoundu li ditoun bearnés, lou jardinage, *Lou Naç*, cansoun emé la musico ; *lou Proucess*, *lou Paysas de Sain-boile*, etc., emai li *Proverbes béarnais* dóu valènt felibre de Baretous.

Aquéu gènt Armana, que se vènd un sòu, vau sauva de l'oublit li tradiciooun dis àvi e demando d'oubrié voulountous pèr l'ajuda dins aquéu pres-fa. Sian segur que n'i'en fautara pas !

A PAREIGU :

A Beziés, dins la *Cchronique de Béziers*: *Letro de mountagno*, de A. Arnaud ; la seguido de *Cops de soulet*, d'Antounin Maffre ; *A la mar*, *A Tolosa*, pèço escricho en parla di troubadou ; *A Vilocelo*, d'A. Maffre.

- A Toulouso, dins *Le Gril*, n° 18 e 19 : *Retret*, de G. Visner ; *Inou-cènço*, d'E. Galtié ; la seguido d'ou *Diciounàri moundi*, letro C, de Jan Doujat, etc., etc.
- A Mount-Pelié, dins la *Campana de Magalouna*, n. 102, 103, 104 : *Lou curat de Cucugnan*, d'après Roumanille ; la roumансo d'Estello, de Flourian ; *L'ase de Janot*, de Marc Rigal ; *Una bousigalada*, signa Lou Calel ; *Castello*, de Drin-drin ; *Las festas d'Ales*.
- A Brivo, em' à Paris, dins lou *Lemouzi* de setembre : *La féligrée de Gimel St-Priest*, que n'avèn fa lou raconte dins noste darrié numerò, e la seguido d'ou *Leissisque limousin*, letro R, de Ramound Laborde.
- En Arle, dins *l'Homme de bronze* dou 19 de setembre : *lou Gardian*, cansoun de Peire Dibon, cantado pèr l'autour à la Santo-Estello de 1896.
- A Barcilouno, dins la *Veu de Catalunya* : *Cinq estrofes d'En Mistral*, pèr J. Soler, que soun cinq moussèu tira d'ou cant cinquen d'ou « Pouemo d'ou Rose, »
- En Avignoun, dins *l'Écho du jour* d'ou 13 de setembre, quauqui mot sus lou Coungrès felibren d'Avignoun e de vers d'E. Bouvet.
- » Dins *l'Aïoli* : *Dins lis Aup*, de P. Devoluy ; *Rassegurango*, de L. Roux ; *Discours is Aragounés*, de Marius André ; *lou Coungrès d'Avignoun*, de P. Bonofé, etc., etc.
- A Marsiho, dins lou *Petit Marseillais* d'ou 1 de setembre : *Charloun*, article galant qu'Elzear Rougier counsacro à Charloun Riéu, d'ou Paradou, qu'es noste flame cansounié pouplari.
- A Mount-Auban, dins le *Quercy* de setembre : *Cantou felibrenc*, de A. Quercy ; *Mandadis*, de A. Q.
- A-z-Ais, dins le *Mémorial d'Aix* d'ou 13 de setembre : quauqui rego tirado de *l'Aïoli* e counsacrado au teatre laren, pèr lou majourau Francés Vidal.
- A Vilo-Franco (Auto-Garouno), dins lou *Lauraguais* d'ou 13 de setembre, dins un article de P. Fagot sus *l'Anthologie languedocienne du Lauragais*, de noto sus lis obro e la vido d'ou pouèto Revel (1802-1890), curat de Vilo-Magno, que publiquè en 1845 : *Recreations de M. l'Ritou e de las brabos gens*, in-8 de 376 p. ; en 1875 : *Un passo-temps e d'autri pèço*.

Lou Gerent : Jan Monné.

Imprimerie L. Duc, 35, rue Rousselet, Paris.

CROUNICO

ACAMP DE L'ESCOLO DIS AUP E DE L'ATENÈU DE FOURCAUQUIÉ

Aquest an la sesiho soulenno de l'Escolo dis Aup e de l'Atenèu de Fourcauquié, en liogo de se teni lou premié dimenche de nouvèmbre, s'es tengudo lou 25 dóu mes d'outobre.

Lou majourau En Chapòli Guillibert i'èro vengu representat l'Escolo de Lar, e li majourau En Jousè Huot e En Louis Astruc se i'èron rendu pèr remembra lou groupo de Marsiho.

Lou soulèu, aquéu jour, avié pres si vièsti dimenchau e s'agradavo, pèr amour di roumiéu de Santo-Estello, à faire nostro de tóuti si beloio; e sus la vilo coumtalo espandissié, à raisso, e la joio e la bono imour.

A miejour, coume à l'acustumado, lou majourau Ougèni Plaubud, counvidè sa taulo, lis ami qu'avien respoundu à soun rampeù e qu'èron vengu adurre is ami de Fourcauquié li rai de la simpatlo qu'empuravo si cor, tout en fasènt bouqueto à l'urous plesi de se revière. Madamo Audibert, la mai que gènto filho dóu majourau Plauchud, presidavo aquelo taulado entimo, ounte la pouëslo a delicadamen e poulidamen fa sa plego en soun ounour, pèr li brinde galant d'Astruc, de Huot e de Guillibert.

L'acampado literari se devié teni dins la salo dóu palais de Jus-
tici, e à quattro ouro de tantost tóuti li plaço èron presso e la salo
èro coumoulo de tout çò que la vilo a de mai flame ; dono e da-
misello, pimparrado coume un ort redoulènt e atrivado pèr la desi-
ranço d'ausi de poulit vers e de cansoun gaio ; que vers e cansoun
soun li pivelaire de l'amo, e qu'à soun bressadis s'óubrido l'ama-
resso di lagremo e l'espino que se rescound tant malamen dins
lou vas di plus bèlli rosò.

I plaço d'ounour s'èron plaça lou maire de Fourcauquié e soun
Counsèu, li pouèto, li felibre e li sòci de l'Atenèu e de l'*Escoro dis Aup*, emai de gènti damo que pèr sa graci fasien parpeleja
tóuti lis iue e tóuti li cor.

Lou majourau Plauchud duerb la sesiho, gramaciant li sòci ven-
gu de liuen pèr prene part à-n-aquelo fèsto de l'esperit, em'acò
pièti passo la presidènci à M. Fruchier, senatour di Bassis-Aup,
qu'es urous de se retrouba au mitan de sis ami e bon coumpan.

E zóu ! cadun passo à soun tour. Es Plauchud que parlo dóu
grame e de quauqui racino d'aquelo planto que sènton la truso.
Lou pouèto de *La danso des parfum* encanto tout lou mounde,
e la paraulo es dounado à M. lou vicomte de Selle que parlo dis
estello que toumbon e que dins l'estieu, fan un fid d'artifice gi-
gantas dins lou cèu ; Louis Maurel, esmòu emé lou *Coffret* ; M.
Estève, de Sigounso, apound l'istòri dóu baroun de *Viteaux* : lou
majourau Chapòli Guillibert bresiho tres sounet galant, dedica i
damo e que soun tres beloio, escrinelado de man de mestre ; lou
mège Bernard canto sa *Cigarette* ; Pau Roman declamo uno ba-
lado, *la Bello e lou chivalié* ; l'abat Bongarçon retrais un rouma-
vage patriouti à *Domremy*, vers Jano d'Arc, à Reims e à Nosto-
Damo de Paris ; l'abat Michel dis *Consolation* ; l'abat Richaud
amuso emé lou raconte de *ço que li arribè* estènt enfant un jour
de fiero, e Felix Peloux, e Roche, Celestin, de Gap ; e li regrett de
Francés Vidal, lou majourau Cabiscòu di Larcu, en sounet *mono-
rime* ; e Honde, lou felibre dóu Mount-d'or, qu'avié manda *garo
de dessoulo* ; tout se dis e s'aplaudis ; mai lou bèu es esta En Jóusè
Huot, legissènt l'introducioun, *mi veiado*, dóu nouvèu libre de Fèlis
Gras : *Li rouge dóu Miejour*, e lou majourau Astruc destrenant
uno superbo pouësio, *Coumunioun*, que li picainen de man enau-
ron enca mai.

Ni a pèr tòuti emai encaro n'en soubro, vès aqui messiés Tardiéu, de Fonvert, que nouson soun bout e, pèr la bono bouco, es lou majourau En L. de Berluc que conto si *Remembranço* dòu coulège de Fourcauquié, e li dis em'un tau biais e tant d'esperit que tòuti badon encaro quand a clava sa dicho e que lou président a barra la sesiho.

Lou vèspre, à la soupado, cinquanto taulejaire s'assèton au banquet encòd de l'oste Valenty. M. lou senatour Fruchier presido ; à sa drecho es lou cabiscud de l'Escolo, Louis Maurel, que lou premié brindo à sis oste emai à la pouëslo tant goustouso ; M. Fruchier béu à la prousperita de l'Atenèu ; Plauchud dis un de si conte galgi e clasf de rire ; Bourrilloun se plang de çò que ié fauto un Rùssi que lou baroun de Tourtouloun avié proumés de mena ; M. de Fonvert ié vai d'uno fablo ; Jósè Huot dedico un sounet à L. Astruc ; L. Astruc ié respond, béu pièi *I dono* e acabo en legissènt un sounet tira desí *Medaioun* e qu'es lou retra dòu majourau En L. de Berluc ; lou majourau En Chapòli Guillibert fai vouta l'assemblado en favour de la creacioun d'uno cadiero de dre prouvençau à l'universita d'Ais. Pau Rouman declamo *La mort dis iéli*, cansoun di castèu, em'acò, tòuti li taulejaire van acaba la vesprado au Ciéucle dòu Coumèrci.

Aqui, d'enterin que lou *punch* flamejo, Plauchud dis un conte galejarèu de Teodor Jullien ; M. de Fonvert parlo de Truphène, lou creatour de la *crècho parlanto* d'Ais ; Huot parlo de Cadet Reynaud, uno autre celebrita d'Ais ; Astruc fai trelusi *La perlo* d'Aubanel ; Huot regalo e refresco emé soun *Ban de Mar*, e li cansoun prenon voulado.

E la fèsto, acoumençado emé la bello souleiado, s'acabo emé la plueio ; mai que i'enehau la plueio à-n-aquéli que lis iue de la Countesso an enchuscla e que i'an douna soun cor, éli canton dins soun amo e pèr sa divo, li bèu vers amourousi d'Aubanel :

•
Sénsò amour la vido es crûâelo,
La vido es uno longo niue,
Urous aquéu qu'a per estello
Ti bèus iue !

JAN MONNÉ.



LI NOVO FELIBRENCO

PROUVÈNÇO

— Se dis que lèu, lèu, espelira, en vilo de Marsiho, un nouveau Félibrige : *Lou Felibrige libre*.

Zóu ! que n'en vèngue au mouloun ! Em'aquéu que couvo, acò fara quatre : lou Felibrige miejournau, lou Felibrige parisen, lou Felibrige latin e lou Felibrige libre.

Emai li cor
Baton d'accord

pèr lou sauvamen de la lengo e la glourificacioun de la patrio, veiren emé gau de nouvelli jitello sourti dòu pège felibren que li sét de Font-Segugno planteron en Prouvènço. Mai, sarié pamens en-de-bon que l'usurpacioun dòu noum que nòsti mestre se dounèron noun fuguèsse l'encauso de counfusioù regretouso entre tòuti li Felibrige e que noun s'atribuïguèsse au pège li deco di jitello. Que d'article, dins de journau o de broucaduro, avèn legi, que sis autour, coume de cat dins d'estoupo, èron embouia dins l'escagno di tres Felibrige d'aro ! dequé sara, bèu Diêu, quand n'aura quatre !

— *Li sian mai !* es uno aficho que se vèn d'emplastra sus li mu-raio de Marsiho, dins tout caire e cantoun. Dequ'es acò ?

“Nous dison que sara ni mai ni mens qu'uno *revisto* que se representara à l'Alcazar, e ounte douz comique, Blondel e Augé, iè tendran de role en parla prouvençau, e que tòuti li gènt que vendran lis ausi cacalassa e grimaceja s'escridaran : *Li sian mai ! li sian mai* à rire tout noste sadou dins lou galant parla di rière.

E pareis que la representacioun d'aqueilo revisto espetaclouso **aura** tirado à tout lou mens quatre mes de tems. Ai ! ai ! ai ! que se vai rire dins nosto bono vilo !

Aquéli, de Mar-sihio, que parton en guerro contro de moulin de vent, tout en cresent de leva guerro au Felibrige, e que mourrejon lou sòu, menèbre e fòu de rabi, ié podon ana : acò, de rire un brisoun, ie levara lou coudoun qu'an sus l'estouma.

— Avian proun resoun de dire, dins noste darriè numerò, que lou raconte de la vesito facho pèr M. C. Galicier à Frederi Mistral fuguèsse pas bén çò que nous n'en disiè lou rapourtaire dins li *Tablettes marseillaises* dou 22 de setembre ; car vès-eici la letro que, lou 24, lou mestre escrivié à moussu Cabiran, redatour en chèse dou subre-di journau :

Maillane, le 24 septembre 1896.

Monsieur,

M. C. Galicier, dans un article de votre jonnral — où il se fit, sans mon autorisation, l'interprète de ma pensée sur nombre de gens et de choses — prouve que le métier n'est pas facile à tout le monde.

Je conteste et je démens, pour la plus grande partie, les appréciations que M. Galicier me prête.

Puisqu'il venait en reporter et non en simple visiteur, votre correspondant aurait dû prendre des notes et ne pas s'exposer, faute de saisir les nuances, à me faire dire des sottises dont je lui laisse du reste toute la responsabilité.

Recevez, etc.

F. MISTRAL

Acò d'aqui claus l'incident, e M. Galicier pòu countunia, se i-agrado, à parla di felibre e dou Felibrige : metren coume s'avié rèn di.

— Tiran de l'*Alòdi* aquesto novo :

Gap. — A l'Espousicionun regiounalo que s'ero tengudo eici, un diplomo d'ounour es esta decerni à M. l'abat Pascal, óumourié dou Licèu, felibre majourau, pèr sa versiouen en vers gapian de l'*Illiado* d'Oumèro e soun recuei de pouësio : *Uno nia dòu païs*.

— Lou dimenche 25 d'outobre, en la glèiso de St-Laurèns de Mar-sihio, lou pais Savié de Fourviero a douna uno predicanço en prouençau pèr l'obro dou *Pater* à faire escrincela sus lou mabre, pèr pièj pausa la pèiro dins la glèiso dou Pater, à Jerusalèn, ounte aquelo preiero es revirado dins tòuti li lengo de la terro.

La quisto es estada mai que bono, que la glèiso èro coumoulo, e

li couristo sant-janenco an canta lou Pater mes en prouvençau pèr Frederi Mistral e que se vai grava sus lou mabre.

— Sus lou mitan d'òutobre, M. Sicard, deputa di Bassis-Aup, fasent sa tournada dins li coumuno de soun arroundissamen, passè à Vòus, que lou felibre Carle de Gantelmi d'Ille n'es lou maire, e aquest lou benastruguè e, après de iagué escudela li desiranco e li besoun de la poupopulacioun qu'amenistro, clavè sa dicho coume eiçò :

Il est une chose que nos généreuses populations placent au-dessus des intérêts matériels, c'est la liberté.

Elles ont su déployer une rare vigueur pour la défendre, mais leur dévouement a été vain, car chaque jour, sous prétexte de lois générales, une atteinte nouvelle est portée aux franchises communales. La tutelle excessive qui enserre les communes, paralyse l'essor de la vie municipale, et les esprits libéraux protestent depuis longtemps contre une centralisation qui supprime toute initiative et soumet la France à une banale et stérile uniformité. Mais, si nous désirons l'émancipation des communes, c'est pour rendre à chacune d'elles ce qui fait son originalité, son caractère propre et sa prospérité, et non pour établir une centralisation régionale plus dangereuse parce qu'elle serait plus rapprochée.

L'âpre et cupide accaparement des petites localités au profit de quelques grandes villes ferait bientôt regretter l'indiflérante équité et la politesse des représentants du lointain pouvoir central.

C'était répondre à vos désirs, Monsieur le Député, que de vous exposer nos vœux et nos aspirations.

Je l'ai fait avec confiance, persuadé que vos efforts tendront à les réaliser.

J'ai obéi peut-être aussi à l'invincible instinct de ma race qui a acquis, et j'en suis fier, quelque renom en défendant depuis huit siècles, et parfois au prix des plus grands sacrifices, les antiques libertés provençales.

France et Provence ne font qu'un maintenant pour notre patriottisme ; mais combien est touchant et caractéristique cet amour du foyer qu'exprime avec une certaine vanité notre devise « *Li a qu'un Vòus !* »

Acò 's parla en felibr : I

— Li numerò de 1 à 6 (janvié-jun 1896) de la *Revue Félibréenne* tome XII, vènon de parèisse en un bèu fascicle l'estampa à Paris pèr Lucian Duc.

Aquelo revisto, tant bèn doucumentado, nous pourgis un soumàri mai que goustous e atrivant qu'es pas de dire, e que veici :

La République d'Arles, pèr A. Remacle ; *Archambaut de Coumborn*, nouvèu tros de la *Chansou lemouçina* d'En Jousè Roux ; *En passant*, noto de vouiage en Prouvènço d'Enri de Regnier ; *De la rime et du rythme à propos de Frédéric Mistral*, pèr lou comite de Montesquiou ; la prefaci de Jan Ajalbert sus li *Flour de brouzzo de Vermenouze* ; *Aux Gascons*, de Miquèu Camelat ; *A du Bartas*, tres sounet de F. Loriot ; *Provence et Castille*, de Don Vitou Balaguer ; uno tiero de pouësia tirado dòu *Livre de mélancolie* d'En Pau Marieton ; *La Carquetada*, pouèmo eroui-coumique, en parla lengadoucian, pèr F. Troubat ; lou proumié cant dòu *Pouèmo dòu Rose*, de Mistral, e la crounico di fèsto felibrenco de la fin de 1895 emai dòu proumié trimèstre d'aquest an.

— Lou felibre laren Pau Roman vèn d'estre nouma secretari generau de la Coumuno. Nòstis amí d'à-z-Ais aplaudisson à-n-aquelo noumiancoun degudo e ameritado, e n'autre jougnen de cor nòsti felicitacioun i siéuno.

— Lou valènt Marius d'Auriou, qu'a tant bèn parla au Congrès d'Avignoun, sus lou prepaus dòu prouvençau en cadiero e au teatre, acabo de faire estampa uno proumiero cou mèdi : *l'Avaras*. Acò sara de bon pan blanc pèr lou teatre laren.

— Se vèn de constiuï à-z-Ais, souto lou titre de *Tbéâtre franco-provençal*, un grupo qu'a pèr président l'artisto Pau Pourcel. Lis aderent d'aquelo Soucieta soun, pèr la majo-part, escoulan de la classo de declamacioun dòu Conservatori naciounau : tamben, an vougu pèr président d'ounour soun valènt mestre, M. Louis Raynaud, emai lou cabiscòu de l'Escolo de Lar, En Francés Vidal, lou jouine grupo artisti s'eigrejant souto l'afat dòu Felibrige.

Sis acamp se fan encò di *Touristo de l'Unioun*, carriero de la Masso, ounte li nouvellis adesioun soun reçaupudo. Avèn fisanço que lis artisto amateur debutaran lèu, e saren urous d'aplaudi aquéli jouvènt meritous que s'agradon de faire ama la lengo dòu brès.

— La lengo dòu brès ! ah ! càspì ! noun agrado en totti.

Lou Congrès d'Avignoun demandavo que la lengo prouvençalo fuguèsse lou mejan, pèr lis escoulan miejournau, d'aprene lou francés : acò vai gaire à-n-un magistre d'uno dis escolo de Marsiho, que, fasent soun cours, l'autre jour, en de jouvènt de 14 à 16 an, n'en venguè à

parla di *Rouge d'ou Miejour* de Fèlis Gras, dis obro de Mistral e dóu Felibrige, e diguè que li felibre avien majamen tort e que rendien un marrit service à la Franço en entravant, eme soun « patoues, » la difusioun de la lengo naciounalo.

Pèr contro, un autre magistre, lou dimenche 15 de nouvèmbre, en dounant sa leiçoun de francés dins uno autre escolo, a di que la lengo prouvençalo éro la draio la mai seguro pèr n'arriba à saupre lou francés, e a moustra autamen e fieramen soun amiracioun pèr Mistral e li Felibre e soun amour de la lengo dóu terraire.

Acò tapo acò !

— Sian urous de benastruga lou felibre Fileas Lebesgue, de « La Neuville-Vault, Oise », que se vèn de marida emé madamisello Massimiliano Piet. Que Sto Estello flourigue la draio di bèu nòvi e li courroule de tòuti li joio e de tòuti lis espèr que boutounon sus lou rousié de l'amour !

Que lou felibre Fileas, qu'a davera mai d'un rampau à l'aubre de nòsti Jo Flourau e qu'escrieu tant bèn dins nosto lengo, sènsò èstre jàmai vengu dins lou Miejour, is acord de sa zambouguo, alègre la routo, tout en culissènt de flour pèr n'en courouna soun amigo !

— En Avignoun, vén de parèisse, encò de Roumanille, l'*Armana prouvençau* pèr lou bél an de Diéu 1897, an quaranto-tresen dóu Felibrige, que, galoi e léri, fai bouqueto is amaire de la lengo maire, emai peréu porto lou rire e la bono imour dins li vilage dóu Miejour e n'es lou passo-tèms atitra di lóngui vihado d'iver.

Tòuti li felibre ama dóu pople ié vènon dire sa cansoun, gaio o tristo, ço qu'es l'image de la vido, e lou Cascarelet ié fai sa plego en gansaiant si cascavèu que dounon joio e soulas en fasent, pèr un moumen e dins un cacalas, óblida au paure mounde lis ànci que soun cor n'en sauno. La simplessò agrado is amo bello ; es pèr acò que noun se bousco dins l'Armana li grand cop d'alo de l'auto pouësio e que se countento, éu, di pichot mousséu poulit que ié tocon lou cor. Mistral, Fèlis Gras, Marius Girard, de Gagnaud, lou felibre di Tavan, Auzias Jouveau, Louis Astruc, Louis Tombarel, que, pechairo ! nous a quita ; D. Savié de Fourviero, Buziero, Huot, Marrel, Crousillat, Jùli Boissiere, I. Cassini, que nous a peréu leissa, e Bourrelly que s'es endourmi dins li clarour de Santo Estello, e tant d'autre que menon lou brande e que s'agradon de canta pèr lou pople dóu Miejour, nous a fa gau de li reveire e de senti batre soun amo amistouso dins si vers o sa proso, e ié disèn : à l'an que vèn !

— Vèn de parèisse à Grenoble, un libre titoula : *Rimes dauphinoises*, pèr Autane, ounte l'amour de la terro maire regisclo e dardaio à cada rego, sobre-tout dins un escapouloun de vers en parla dis Aup, que lou douz perfum di flour de mountagno embaumon. I'a, sobre-tout, la pèço *La lenga dóu Chansau*, que nous a pretoqua tant pèr li sentimen que pèr lou biais galant de nous presenta soun amourouso, la lengo dóu terraire, en la menant davans lou Capoulié, en quau dis :

Sabe pas t'outei Jeis eigagnas...
 Veici la réina dei mountagnas
 E ieu que s'eu soun chavalier !
 Venèn d'luan, nouaste ase ei dounde
 Mé, dins soun pitre entre-dubert,
 Ma segnoura a de flours d'uvert
 Qu'an lou perfum de l'autre mounde.

•
 E fasèn, de cor, la bono salut à la Muso chansauriano de M. Autane, e ié disèn : Longo-mai !

— Lou 13 de novèmbre, au Palais de Justiço de Marsiho, la demoustracioun s'es facho de la nécessita, pèr li juge, de counèisse la lengo dóu païs ounte soun nouma, coume lou demandavo emé resoun lou Coungrès d'Avignoun.

L'ounourable juge, moussu Deleuil, e l'acusa Escarato, de la Bourino, que coumpren rèn au francés, se soun esplica en noston lengo, e se soun tant ben entendu que mestre Escarato, quand tout es esta fini, es ana davans lou seti di juge, e aqui, purgissènt la man à M. Deleuil, i'a di :

A vous, moussu lou Jugi, vous n'en vouéli pas ; mai lou gardo mi la pagara !...

— Li *Felibre de la Mar*, Escolo de Marsiho, se soun acampa lou 12 de novèmbre, de vèvre, soutu la presidènci d'En Jan Monné, pèr renouvela soun Burèu. Soun esta nouma :

Cabiscòu : lou majourau En Louis Astruc ;
 Souto-cabiscòu : Cesar Majoullier e Júli Carle-Roux, deputa ;
 Secretari : L. Pascal ; Tresourié : Martin ; Archivaire : J.-B. Jurand.

D'abord que n'en sian à l'Escolo de la Mar, diren que li felibre que passon à Marsiho li proumié e tresen dimenche de cade mes atroubaran li Maren acampa, encò de J. Chevalier, aléio de Meilhan, 60, de 9 ouro dóu matin à miejour, e que ié saran reçaupu emé li bras dubert e lou cor sus la man.

— Cresian de n'agué fini emé M. Clemènt Galicier ; mai s'atovo que, tourna-mai, dins li *Tablettes marseillaises* dòu 17 de 9bre, rend comte d'uno vesito que nous a pas facho e d'uno counversacioun que, naturalamen, avèn pas tengudo ; e nous fai parla un francés signoula qu'es pas de dire, de tau biais qu'en lou legissènt erian estouna d'aprene qu'erian tant bèn emparaula ! Oh ! d'aquéu mèste moucho de Galicier, coume fai ben parla li gènt : acò, si, se pòu dire qu'es un talènt !

Coume èro noste dre, avèn escri la letro que seguis au direitor dòu journal subre-di :

Marseille, le 22 9bre 1896.

A M. Louis Cabiran, Rédacteur en chef
des *Tablettes marseillaises*.

Monsieur Cabiran,

Pour répondre à l'article fantaisiste : *Félibropathie*, de M. C. Galicier, publié dans votre numéro du 17 courant, et où cet aimable conteur me prend à partie, j'ai l'honneur de vous dire :

1^o que M. Galicier doit savoir que n'étant pas venu chez moi, je n'ai eu ni à le recevoir ni à le chasser, et 2^o qu'il ne doit pas ignorer non plus, que le 6 9bre, à la brasserie phocéenne, où nous nous sommes rencontrés, je me suis borné à lui expliquer nos statuts en ce qui concerne le fonctionnement des groupes félibréens.

Je laisse donc la paternité de l'article dont il s'agit à votre charmant collaborateur, en vous priant d'insérer ma lettre dans votre plus prochain numéro.

Veuillez agréer, Monsieur Cabiran, etc.

J. MONNÉ.

LENGADÒ

— Despièl l'uberturo de la souscripcioni pèr auboura un mounumen au felibre Agusté Fourès, lou Coumitat a acampa uno soumo d'aperaqui 7 à 800 franc. Acò 's pas proun : fau doubla la soumo, à tout lou mens, e n'es pèr acò que tourna-mai batèn lou rampèu pèr que l'obro fugue digno dòu flame pouèto.

Que lis ami que, pèr aro, noun an encaro adu sa pichoto ajudo, se bouton en aio e mandon sa souscripcioni, fugue carriero Lakanal, 7,

à Toulouso, fugue dins li burèu de nostre Buletin ; nous faren un plesi de faire teni si douno au Coumitat de l'obro bello qu'enauro la terro maire en enauant l'un de si fiéu li mai devot e li mai afeciouna pèr sa glòri.

— Quàuqui bràvi coumpau de Ceto se soun entancha de faire tourna-mai lusi *'Armanac cetòri* pèr l'an 1897, pèr que countunie d'estre la joia e lou *passa-tèms dau pople de Ceto*. Que diàussu !

Sièn de Ceta, sièn de Sènt-Cla,
Sièn dau Bourdigou, se viran pas.

Es lou tresen cop que la targo se douno dins lis aigo cetòri, e n'es Jousè Soulet qu'es lou capo dis ajustaire. Li galejado e li cansoun noun fauton à la barcado. Aquéli que la mort a sega, emai li vièi cepoun, noun soun esta deleïbra : es à-n-éli que s'es facho la plaço d'ounour. Prunac duerb la tierro emé la *Pesca au musclau*, pèçn tirado de soun recuei *Las fougassas* ; pièi vèn Leopold Bessiero, mort aquest an, emé *Faren acò pas que deman, lou civet* ; e A. Mallié, emé sa cansoun de la *Trouqueta* ; em'acò, se dounant la man, passo pièi, en cacalassant, la farandoulo di gai jouvènt de Ceto, mena pèr J. Soulet, e ié vesèn Francés Jouveau, Adrian Marqués, E. Vajlat, Destrech, Galibert, Dulac, Vivarez, B. Dufour, que lou Moustèu e Biscan-pas ié gatihon la garganto e li fan creba de rire emé si boufounado, proun pebrado de-fes que i'a, mai ounèsto pamens e pleno de sau e d'esperit. Basto ! li Cetòri se licaran li det de l'*Armanac* que vèn de creba l'idòu dins li barraqueto de Sant-Clar.

— Lis ami de la musico prouvençalo pourran, aquest ivèr, se coun-gousta dis èr felibren : la *Campana de Magalouna* vai faire estampa, pèr lou piano, em'uno bello gravaduro en caduno, li cansoun que fan lou chale de nòstis acamp e que lèu, lèu, auràn sa plaço dins tòuti li saloun miejournau.

Se vai coumença pèr *Las orbetas*, de Marsal, e pièi, en seguido, pareissiran : un *Nouèr flame nou*, lou *Maset de mèste Roumièu*, *Lis Estello* de Teodor Aubanel, la *Raiolo d'Arnàvielle* e d'autro e d'autro que fourmaran un recuei galant de moussèu li mai pouplàri dis obro felibreno.

Sian segur qu'aqueilo idèio granara e que tòuti li felibre se faran un devé de buta à la rodo pèr que nòsti cansoun e roumanso fagon bouqueto dins li vesprado li mai courousò dòu bèu mounide.

— S'es publica en Alès uno pichoto broucaduro, de la biblioutèco dóu *Cascavel*, e sus lou prepaus di fèsto alesenco, qu'a pèr titre : *Journée féligréenne*, e que tout en dounant lou comte rendu de l'inauguracion dóu mounumen de Boissier de Sauvages, di Jo Flourau e de la félibrejado, nous pourgis poulidamen l'enaurant e dardaiant discours dóu majourau de Carcassouno, Gastoun Jourdanne, qu'es esta pèr nautre un delice vertadié de ncus n'en cungousta.

“ Lou plus jouine de nàutri tòuti », coume dis, l'ilustre mestre de Maiano a agu bono man en lou delegant pèr ana pourta la paraulo félibrencu au pople alesen, i pèd dóu mounumen que li Cevenou pious an auboura à soun merite, à sa glòri, e se poudié pas miés defini la religioum dóu « *Felibrige intégral dont Calendau est l'évangile* », que tòuti li félibre vertadié seguisson e prouclamon, en disènt qu'es *l'amour obstiné du sol natal, l'amour de sa langue, l'amour de son soleil*.

Ah ! se pòu dire qu'acò 's de paraulo que toumbaran pas sus la roco esterlo e que lis auceloun li becaran pas ; mai, dins li cor cevenòu, terro tant bèn saturado pèr lou valènt majourau A. Arnavielle e tòuti si co-lauraire, aquelo paraulo fiero e superbo greiara e pourtara flour, pèr l'ounour e la glòri dóu Felibrige, mau-grat lou *Jean de Brésis* e aquéli que ié tènon coumpagno e que voudrien, dins lis orto cevenolo, leissa trachi li marridis erbo qu'estoufavan li flour que tant soun perfumado dins lou bouquet de *Lous cants de l'aubo*.

— Souto l'aflat de la *Revue des langues romanes*, se vai edita à Mount-Pelié lis obro dóu félibre Outavian Bringuier, mort en 1875, au moumen que dounavo à sis ami li mai supèrbis esperanço.

— A Toulouso, lou teatre *del garrelou* s'es tourna-mai dubert, e se ié jogo de pèço en parla moundin : l'autre dimenche, èro *Las abanturos de Janicot* e *Las aucas del Toumas de Fountsagribos*, qu'an fa salo coumoulo

Zòu ! que se n'en jogue de pèço dins la lengo dóu pople : acò mostro que la lengo d'O n'es panca morto !

— Lou dijòu 29 d'òutobre, à 10 ouro e miejo, au Grand-Theatre de Beziès, lou gènt félibre Antounin Maffre a fa 'no counserènci sus lou Felibrige, ço que i'a vaugu d'aplaudimen à jabo ; a pièi di soun galant pouèmo : *La mort d'uno roso*, tant finamen cisela e qu'a forçò agrada en tòuti ; mai tòuti peréu avien fernetego d'ausi quauqui tros de si *Francimandejairos* e i'a debita, emé soun bon biais, *A la fieiro*,

que tout lou mounde s'es esclasa dóu rire ; religousamen s'es escouta si *Vendemios d'amour*, qu'es un perlet de pèço, e, pèr claire, a apoun-du *Pòdi pas*, qu'es esta lou mousséu de coundoust e que s'es aplaudi coume se pòu pas dire.

Basto ! à la segoundo partido de la sesiho, es mai Antounin Maffre que parèis, pèr dire quauqui mot de la *Chanson* e que sa dicho acabado, presénto au publi lou celèbre cantaire Boudouresque.

Aquitâni

— Lou 8 de nouvènble, s'es inagura soulennamen un buste à Despourrin, dins la gènto viro d'Argelès-de-Bigorro.

— Lou sud-ouest se boulègo : l'Escolo de Gastoun Febus, tout-bèu-just enantido, comto adeja un trentenau d'adesioun e, d'eici à la fin de l'an, vint Landés se grouparan à-n-elos pèr travaia peréu au sau-vamen de soui parla.

Catalouguo

— Un bon eisèmple qu'es de signalà i Municipalita miejournenco. La Municipalita de Barcilouno vèn de vouta 5 000 fr. pèr lou mounumen que se vai auboura au majourau catalan Frederi Soler, que, souto l'escaï-noum de *Serafí Pilarra*, es esta l'un di plus flàmi sous-taire de sa lengo e que, tant pèr si pouësio superbo que pèr si pèço de teatre que, despièi d'an e d'an, fan li delice dóu pople catalan, s'es gagna uno renoumado que lou tems noun escasara jamai.

— Lou journau *La nova Catalunya* a counsacra soui numerò dóu 11 d'òutobre à glourifica lou grand pouèto catalan, majourau dóu Felibrige, mounsen Jacinto Verdaguer.

— *L'Atlantida*, journau catalan quingenadié, se publico souto l'afat dóu cantaire de *L'Atlantida*, aquéu pouëmo grandaras qu'es la glòri de Catalouguo e de tutto l'Espagno, e douno cada fes un tres esquist tira de la bresco melicousó dóu grand pouèto.

— Lou majourau catalan D. Joachin Rubió y Ors, lou celèbre au-tour dóu *Gayter de Llobregat* e lou decan dis escrivan de Catalouguo, vèn d'estre nouma vice-reitor de l'Universita de Barcilouno. Iè tra-sèn nòsti felicitacioun couralo.

MORTUORUM

— Noste ami lou felibre Carle Boy, de Sant-Estève, vèn d'agué la douleur devèire mouri sa bravo maire. Plagnèn si dóu e desiran que Sto Estello ié baie soulas.

— Charloun Riéu, lou cansounie dòu Paradou, vèn peréu de perdre sa maire. Prenèn uno vivo part à sa doulour.

— Lou 8 de novèmbre, es morto à Beziers, dins si 70 an, la bravo mouï dòu majourau En Junior Sans. Plagnèn de tout cor li dòu de noste venerable coumpañ que, pechaire ! despièl quàuquis an, es éumeme aclapa pèr lou mau.

A PAREIGU :

A Beziers, dins la *Chronique de Béziers*: *Al tsar Nicoulas, La Bousquetto e àtri pouësio d'Antounin Maffre.*

A Brivo, em'à Paris, dins lou *Lemouzi* d'outobre : *Auor !* de J. Roux, *Moussu Diton*, conte de M. Genès ; *Dires limousins*, de Lemovix, e la seguido dòu *Leissique limousin*, letro S e T, de Ramound Laborde.

En Arle, dins lou *Forum républicain* dou 24 d'8bre, li vers dòu fe-libre Enri Eisetet, pèr la vesito en Arle de l'archeveque d'az-Ais. E dins lou numerò dòu 31, *l'Armana prouvençau*, article de Firmin Maritan, que mèste Jouve, l'editour dòu journau, i'a douna pèr penitènci l'oubligacioun de legi lou librihou de la proumiero pajo à la darriero. E voulès pas, pechaire ! qu'acò fugue fa pèr lou greva ? E l'es, anas !

A-z-Ais, dins le *National* dòu 11 d'8bre, uno letro prouvençalo, responso d'un fe-libre laren à-n-uno letro de quàuqui jouvènt mau-encara, publicado dins lou même journau, sus lou pre-paus di coumèdi que fai estampa Marius d'Auruou, souto lou titoulet de *Teatre laren*.

- dins la *Provence nouvelle*, la seguido e la fin de : *Un cœur de troubaire*, dramo en un ato, en vers, de J.-B. Gaut.
- dins les *Mois dorés* de setèmbre, mesadié finamen estampa e poulidamen escri, emé *Pèr orto*, de Valéri Bernard, uno letro de Jouachin Gasquet à Pèire Devoluy, e la crounico mesadiero sus li publicacioun, que se clavo pèr uno citacioun d'un flame article de dono Toumas Janvier sus li *Rouge dòu Miejour*, dins *The Critic*.

En Orthez, empremarié nouvello : *Noces de village en Béarn*, ram-pau de cansoun de l'ancian tems, reculido e ligado en bouquet pèr E. Larroque.

A Vilo-Franco (Auto-Garouno), dins lou *Lauraguais*, que porto pèr epigràfi aquésti vers de Prosper Estiéu :

Que d'autres anen lènh cerca de mirabilhos,
E de lour terradouj siosquen!lèu destacads :
Moun oor al Lauragues ten ambe de cabilhos !

Iou majourau Gastoun Jourdanne publico un travai sus l'Is-tòri dóu Felibrige, que sa proumiero partido a pèr titre : *Les Troubaires*, e que la segoundo s'entitoulara : *Les patoisants actuels*.

A Paris, dins la *Gazette de France* dòu 12 de 9bre, : *Cansou raiolo*, dóu felibre Arnavielle, en l'ounour dóu mariage dóu Du d'Orleans.

» dins lou *Viro-Soulèu* d'òutobre : *Lou cbivau de Vigourous*, conte dóufinen d'Ernest Chalamel ; *Alienor d'Aquitaine*, estudi d'E. Fourès, e uno pouësio prouvençalo de A. Martel, revirado de l'italian de Cavallotti.

Dins lou numerò de nouvembre, i'a : *La Lunada*, tradicicun limousino, lou discours d'En Maurice Faure i fèsto d'Alès, en l'ounour de Flourian, e quauqui vers gascoun de Pey de Garros, escrivan dóu siècle segen.

» dins la *Province* d'òutobre : *la Liberta*, pèço prouvençalo de Maurise Girard, tirado de sa *Garbeto valauriano*, que vai parèisse lèu, lèu, encò de Lucian Duc, em'un avans-prepaus d'En Jan Monné.

A Lioun, empremarié Paquet : *L'évolution félibréenne*, pèr M. Carle Brun, pichoto broucaduro de 43 pajo que tènon proun bòni resoun pèr bousca la definicion dóu mot *felibre*, que nous douno d'aquest biais : « Un felibre est un Français de langue d'oc, qui veut maintenir et développer l'existence propre de sa région, et qui croit cette existence indissolublement unie à celle de son dialecte d'oc. »

En Alès, dins *l'Union républicaine* dòu 31 d'òutobre : *Le provençalisme aux fêtes d'Alais*, ounte M. Jean de Bresis, que couneissen pas, à prepaus di fèsto alesenco, toumbou mau à prepaus sus lou Congrès d'Avignoun que l'empacho de dormi, emai lou triounfle, en Alès, di majourau Jourdanne e Arnavielle que lou gatihon. Paure moussu « Jean de Bresis », quand vous-autre disès, pamens !

- En Aurenjo, dinc la *Provence artistique* : *Lous enfants d'Alès*, cantato dóu felibre Alcido Blavet, que la musicó n'es de Gile Borel. Aquéu moussecu de requisto es esta canta pèr la Soucieta couralo d'aqueu noum, dins l'ate di fèsto alesenco en ounour de Flourian e de l'abat de Sauvages. « Tabò pèr las Cevenos ! »
- A Toulouso, dins *Le Gril*, n° 20 à 22 : *Petit Poucet*, de G. Visner ; *Rebrenbadisses*, de Pamelo ; la seguido dóu *Diciounàri moundi*, letro C, de Jan Doujat, etc., etc.
- » dins la *Terro d'Oc* : *Pour certains patoisants*, de P. Delga ; *Pèr mounts e vals*, d'A. Maffre ; la cansoun de *la Croussado*, de B. Fonade ; de vers d'Aguste Fourès, etc.
- A Tarbo, dins *Les Pyrénées* (1 de 9bre), uno letro en parla bearnés, de Miquèu Camelat, sus lou mounumen que se dèu auboura à Despourrin, en Argelès. e que l'Escola de Gastoun Febus e la Soucieta academico de Tarbo saran de la fèsto.
- A Mount-Pelié, dins la *Campana de Magalouna*, n. 105 e 106 : *Las festas d'Alès*, *la Musica das Anjous*, tira de l'Armana prouvençau e adouba à la clapassiero, d'après Ed. Marrel ; *L'absinta*, de Messine, etc.
- En Avignoun, dins *l'Écho du jour* dóu 8 de novèembre, un sounet d'Enri Bouvet, sus l'inoundacioun dóu Rose.
- » Dins *l'Aïoli* : *Lou Prougrès*, de P. Devoluy ; *A moun païs*, de Toumas Roux ; *Salado fero e Fen-de-luno*, de L. Astruc ; la seguido de *l'Escourregudo en Anglo-Terro* dóu Pai Savié, e de *Madamo de Sévigné à Grignan*, de l'abat Imbert ; etc.



Lou Gerent : Jan Monne.

Imprimerie L. Duc, 35, rue Rousselet, Paris.

CROUNICO

LA GARBETO VALAURIANO

Es emé grand gau que venèn d'estampa un poulit recuei de pouëslo prouvençalo d'un felibre valaurian, Maurise Girard, capitani marinié, aro retira dins soun nis nadalen, e que, long di calanco dóu Gòu Juan, tóuti perfumado, s'agrado de se remembra si viage e de canta sa pichoto patrò.

Ah ! lou brès de soun enfanço, l'amo de tout cor, e perèu sa lengo maire :

À soun parla que nous enflamo
Ai senti reviha moun amo !

dis éu-meine dins sa pouëslo-prefaci.

E se coumpren de soubro que lou raconte que fai de si *tribulacioun valauriano* es qu'uno espouscado galejarello dins lou biais dis *Embarras de Paris*.

Car noste capitàni es plen de bono imour, autant que de fe, de bon sèn e de bounta.

Mai, perqué dire ici en proso ço qu'ai prouclama en vers à la fin dóu recuei ? Vaqui pulèu moun sounet-retra :

A MAURISE GIRARD

*De ta Garbeto valauriano,
Felibre, me sieu coungousta,
E t'ai vist, umble, t'assousta
A l'ouimbro de la fe crestiano.*

*Pèr lòuti li doulour umano,
Toun cor es plen de carita,
E pièi, as la simplicita,
Beloio dis amo pacano !*

*Ta vones, à l'inne universau
S'es mesclado e, bon Prouvençau,
As canta Diéu e la Patrio !*

*Sempre as garda ta bono imour,
O troubaire ! e siés tout amour :
Dins toun libre, acò se destrio.*

Li pèço que m'an lou mai agrada souli pi chot tablèu de gènre, coume *Lou Vièti*, *Ma vièlio malo*, *la Pipo* etc., e pièi li pèço qu'an mai d'alen, coume *la Crous*, *l'Esperanco*, *la Carita*, *la Libertà*, e aquéli que célébron la Prouvènço.

L'obro s'ameritarié que me i'alounguèsse mai que d'acò ; mai, en-dequé bon, amor que lou majourau En Jan Monné a parla tant poueticamen de l'obro e de l'autour ?

Ai vougu, iéu, que marca ma simpatio à Maurise Girard e anounchia l'espelido de soun recuci, leissant l'ami Jan Monné, qu'es tant asouga pèr l'espandimen de la Causo felibrenco e sempre l'est à rendre service à si counfraire, lou siuen e l'ounour du presenta lou libre à si legière.

LUCIAN DUC.

AVANS-PREPAUS

Bèn m'agrado de presenta is ami de la Causo miejournalo, is amaire de nosto lengo d'or, uno garbeto de flour, ligado emé l'amour dóu terraire, e acampado long dóu riveirés souleious de nosto mar blavenco, long d'aquelo costo d'azur meravihouso e dardaianto, dins aquéli jardin tant renouma que li flour ié vènon pèr plesi, que l'aire i'es embauva de si perfum e que si graci pivellon l'amo.

Lou cuièire dóu bouquet es un moudèste felibre de Vallauri, dins lis Aup-Maritimo, mèste Maurise Girard, qu'a vougu, éu peréu, moustra soun afecioun e soun estacamen à la lengo maire e nous pourgi, en un liame galant, tout ço que soun cor de crestian e de felibre i'a ispira, d'enterin que s'espaçavo dins li redoulèntis orto valauriano.

Maqrise Girard, que soun ami, lou felibre Bœuf, de Vallauri, nous aduguè à Cano en 1887 e que prouclamerian felibre dins l'ate soulenne di fèsto magnifico que se douñeron dins aquelo vilo, es peréu un Valaurian que, na en l'an 1820, de jouinesso, se prenguè d'afecioun pèr la mar, la mar ensourcelairo e encantarello, e avié tout just vint-e-cinq an qu'èro adeja capitàni long-courrié.

Enjusqu'à l'an 1880, a coumanda de bastimen à velo e à vapour dóu port de Marsiho, e tout en courrènt la mar e li quatre partiò dòu mounde, si pensamen, soun cor e si desiranço anavon vers lou rode ounte èro na.

Es acò lou pantai de tòuti li despatria ; tòuti an l'amo presso d'aquelo douço languisoun que fasié dire à neste paure cansounié Anfos Michel, de Mourmeiroun :

Ié tournarai dins moun vilage
Vèire lou nis ounte siéu na,
Lou galant nis ounte siéu na !

e dins tòuti si viage, neste capitani souspiravo arderousamen davans lou tablèu dis annado urouso de sa jouvènço, e ié semblavo que li pourrié reviéure en virant la velo vers lou port ounte èron sis amour.

Em'acò, en 1880, Maurise Girard tournè vers sis orto flourido, dins soun poulit nis de Valàuri, e tre que l'aire dóu sòu nadalen i'aguè refresca lou cor, soun cor se meteguè à canta.

Éu, qu'avié treva tòuti li mar, qu'avié bretouneja lou lengage de tant de pòple, descata e estudia sis us e custumo, avié toujour garda un fiò de tendresso pèr soun païs : autambèn, en tre que se reveguè mai au mitan dis ami de si jóuinis annado, retroubè tourna-mai la lengo encantarello de soun enfanço e se saguè felibre pèr enaura la pichoto patrio e manteni sa lengo.

Dins la fe que l'animo, dins li vertu que soun lou fare de sa vido, dins la simplessò de soun amo que se descato, vióuleto óudourouso, dins tòuti si vers, Maurise Girard noun es ana bousca sus lis auturo li flour giganto, ni lis estrofo à grand papàrri ; mai éu, lou cor sus la man, dins sis escourregudo, a culi de boutoun d'or, de caciò, de girouflado e de mentastre, emé l'umblo ferigouleto di pinedo, que soun óulour embaumo li calanco, e n'a fa uno garbeto : *La Garbeto valauriano*, que nous présento, iuei, e que nous fai gau de n'estre lou peirin.

Aqui, i'a 'n brout de touto floureto ; mai i'a peréu, pèr liga la culido, lou rire fres e gai, naturau e franc, que vous pren pèr l'iue, e la galioio galejado que tant ié fai ausi si riéu-chiéu-chiéu, e la cansoun alerto e vivo que se ié mostro e que jito soun bout... pèr alegra çò que si tablèu di mour de iuei podon agué de triste.

En Antibò, li vers e li cansoun dóu felibrè valaurian an agu lis ounour pèr li gràndi fèsto felibrenco que i'aguè, i'a quàuquis an, en glòri de Champiouonet.

E si vers e si cansoun, emai la fino coumèdi que clavo lou libre, saran un regale pèr aquéli qu'auran l'ur de lou legi e que i'atrouvaran uno melico que lis escrivan d'aro nous an desacoustuma de beca.

Brave Maurise Girard, as resoun de dire adiéu au mounde emai i viage, per saboura la douço lengo dóu terraire, pèr canta li bèuta e li trelus de la pichoto patrio : la vido es tant marrido e tant tristasso qu'es urous aquéu que la travèssø emé l'amour patriau pèr soulèu !

Canto, ami, canto de-longo aquéu galant couplet que tèn touto ta filousoufio :

Adiéu lou mounde e li grand viage :
 Pèr ieu, tout acò 's bèn fini ;
 Vole viéure coume lou sage,
 Dóu passat dins lou souveni.
 Ansin, vuei, foro de la lissø,
 Emé lis ami, li parènt,
 Fau dins de gènti charradisso,
 Lou tour dóu mounde en un moumen.

Bonadi ma bello encountrado,
 Aro, pode, tóuti li jour,
 Dins ma Prouvènço ensouleiado,
 A pléni man, culi de flour !

Li cansoun dounon la pas à l'amo e bouton lou rire au cor.

Canto toujour dins lou douz parla de Mirèio, que, coume lou disié noste grand mestre Teodor Aubanel :

Quau canto,
 Soun mau encanto !

JAN MONNÉ.



LI NOVO FELIBRENCO

PROUVÈNÇO

Sant-Roumié. — Lou sendi de Prouvènço, En Marius Girard, après trento an de service passa a diregi lou burèu de Posto e de Telegrafo que sa dono n'ero la titulari, a pres vuci sa retreto, sènsò avé ja-mai merita lou mendre reproche, e s'es retira ama e regreta de tóuti, se pòu dire.

Vejo-eici quauquis entre-signé sus sa nouvello demoro : rèsto, aro, à soun oustau pairau, qu'es un oustau istouri.

Se legis sus la porto, grava sus uno placo d'aram :

MARIUS GIRARD
oustau di CONSE
M. DC. LXXX. IX.

Dins lou vestibule, en intrant, à gaUCHO, lis armarié de Prouvènço e, dessouto, aquest distique :

BONJOUR ! — QUAU DEMANDAS ? — GIRARD DE SANT-ROUMIÉ.

— SIAS FELIBRE, PARAI ? MOUNTAS, RÈSTO AU PROUMIÉ.

HOTEL DE VILLE

ESTANS CONSULS SIRURS PIERRE VINCENT, LOUIS CHARLES, ETIENNE ICARD.

ANNO M. DC. LXXX. IX.

E de mai la carriero es estado, sus la demando dóu sendi, batejado rue Expilly, qu'es lou noum d'un Sant-Roumieren ilustre.

— Lou dimenche, 15 de nouvèmbre, es esta grand fèsto à Crest, en ouïour di *labouraire*, e après un banquet ounte mai de douz cènt sòci dóu sendicat agricolo s'èron acampa, e ounte s'es canta lou

Cchant des labouraire, s'es douna uno representacioun de *Nonanton-nou*, la flamo coumèdi de Gacian Almeric, qu'a gagna li Joio i Jo Flourau de Mount-Pelié. La salo èro coumoulo e li*tres ate de sa coumèdi soun esta aclapa de picamen de man, tant pèr lis artisto que pèr l'autour.

— Au Congrès di penitènt, tengu à Reiano (Bàssis-Aup) lou feli-bre d'Ermitanis a prounouncia un discours prouvençau qu'es esta forço aplaudi.

— La *Pastouralo* se jogo pertout dins lou Miejour, à Cano, Tou-loun, Marsiho, Ais, Arle, Tarascoun, Avignoun, etc., e lou pople ié vai en grand fogo.

— *L'armana Marsibés*, pèr 1897, vèn de parèisse, toujour mes-treja pèr Aguste Marin, e li Troubaire marsihés nous an peréu tour-na-mai pourgi lou siéu : *l'armana populari dei bastido e cabanoun* que tèn 48 pajo de conte, cansoun e galejado, emé quatre pajo de musico e d'ilustracioun. Lis armana, en parla dóu terraire, noun fau-taran dins nosto grando capitalo de l'empèri dóu soulèu, que li Mar-ren n'alestisson un autre, tout espiga e serigoula, que nous fara riseto au premié jour.

— Cacaraca ! cacaraca ! vès-eici *Lou Gau*.

Es uno nouvello revisto prouvençalo mesadiero, que pareissira lou premié de cade mes, souto l'afflat e la direcione de Don Savié de Fourviero.

Aquéu journau-revisto countuniara l'obro dóu Coungrès d'Avignoun pèr li revendicacioun de la lengo prouvençalo, dins la cadiero, à l'es-colo e à la tribuno pouplari.

Lou Coungrès prouvençau es esta un succès. Tóuti li journau de Paris, de la Franço e dóu Miejour i'an counsakra d'article, trufarèu o lausengié, segound lou cor e li sentimen dis escrivans. Mai, de quete biais que fuguesson, acò marcavo que lou Coungrès ócupavano lis es-perit e que sarié daumage de leissa perdre aquelo esmougudo. Zou ! que *Lou Gau* fague clanti si gai cacaraca ; que soun cant fier, jouious e valènt restountigue à l'abro clarinello de nòstis espèro, e que lis ome de cor l'ausigon !

La revisto *Lou Gau* aura 8 pajo grand in-4 e s'adreissara au mèstre d'escolo, au curat, à l'ouratour pouplari, i biblioutèco di famiho, dis escolo, di ciéucle di jouvènt e di coumuno de Prouvènço.

Lou Gau fara plaço is escqlan dis escolo primari, di coulège, se-

menàri, licèu. Publicara si meior travai : tèmo, versioun e tres de proso e de pouësio, e dounara, éu, pèr lis escoulan, de conte, de cansouneto, de moussèu de musico, etc.

Lis ouratour prouvençau ié trouvaran soun comte e se ié parlara di discours en nosto lengo proununcia dins li reünioun publico, lis assemblado eleitoralo, etc. Lou teatre prouvençau, qu'es un di mejan li meior de pouplarisa la lengo, i'aura sa plaço marcado au hon rode. Lou *Gau* cantara tant en francés qu'en prouvençau, e lou pres de l'abounage sara que de 3 fr. pèr an.

Dau, dau ! sus li mountiho de nòsti terro souleiouso, dins lis orto de Santo Estello, que *Lou Gau* jite soun crid ; autre, i'apoundren noste cant sublime d'amour à la lengo meiralo :

Lengo d'amour, se i'a d'arlieri
E de bastard, ah ! pèr Sant Cèri !
Auras dòu terradou li masele à touz oustat ;
E tant que lou Mistrau ferouge
Bramara sus li roco, aurouge.
T'appararen à boulet rouge,
Car es tu la patrio e tu la liberta !

— Lou felibre-abat Louis Moutier, curat d'Estialo (Droumo), long dòu grand flume prouvençau, vèn de publica : *Lou Rose*, pouèmo dóufinen, en « óumage respectuous à Frederi Mistral, soun mestre bèn-ama. »

L'obro es coupartido en 7 cantinello : 1. Emprouniés neblous e freboulas ; 2. L'aubeto de la civilisaciou roumano ; 3. L'age meyan ; 4. Lous travalhous de Rose, la tarjo ; 5. Lou mau-pas, lou dra, las beilhas, la vise ; 6. L'amoueirouso, la negarello, un mas ribeiran, lou grand eigas, la vapour ; 7. Las islas, la nado, lous felibreis, lou rouei d'aro.

Dins töuti aquéli sèt tablèu passon, meravihousamen pinta, dins li rai souleious de l'astre miejournau, la farandoulo bello e douço di remembranço dòu passat, di legèndo, di tipe simpatique, de retra estrange, de vesioun luminoso, de pantai que travèsson la breino e la clarta, de persounage vivènt que parlon e nous pivellon, e nous atrivon vers aquéu grand flume majestous e superbe, dins aquelo vau resplendènto e unico que ié sièr de lié, dins aquéli païsage sèns parié, que lou lume souleious, de sa raisso de fiò, bagno, inoundo, idealiso, e que grandis e s'aumento en resplendour à flour e à mesuro que lou flume s'encour vers la Camargo sóuvajo, vers la mar latino, ounte sis aigo se maridon à l'azur dis erso de la Mié-terrano.

Dins aqueli pajo ispirado, i'a tout, desplèi l'abo de la civilisacioun enjusqu'au Felibrige ; e vès eici la letro que vèn d'escriéure à l'autour lou mèstre pouèto de Maiano :

Maiano, 28 de novèembre 1896.

S'es pas countènt, lou Rose, que lou bon Diéu lou patafiole ! dos epoupèo dins un mes à soun ounour e glöri, jamai flume n'aguè tant : uno de l'archiprêtre dòu felibrige dòusinen, l'autro dòu vièti ermito de Maiano en Prouvènço !

L'ai legi, l'ai begu, aquéu bèu *Rose* vostre ; acò's plen, acò's riche, acò's usanous e larg coume la vau ounite barrulo lou diéu eiguèstre dòu Miejour. E jamai vèn en òdi : i'a de tout, e tout de nou e tout de gai e tout de viéu. Li ribeirés de la grando aigo déurien se batre pèr l'avé.

De que fan de si courouno, is acadèmi dòusinalo, se noun li trason sus lou Rose de moun bon ami Moutier !

Ieu vous mande çò que pode, mi coumplimen li mai courau e l'*Aïòli* sara uno anòuncio de la flèro obro. Lou miéu de *Rose* es vers Lemerre — à Paris — que s'empremis. Sara lèst dins uno quingenado.

Vous embrasse, cor sus cor.

F. MISTRAL.

Gramaci de la dedioàci e di bèu vers que me counsacras.
Que sias brave, sant ome !

— Lou felibre Enri Bouvet vèn de se marida emé dono Alis Duplastre, de Perno, e a quita soun *bèl Avignoun* pèr ana demoura en carriero dòu Castèu, en vilo de Perno, (Vau-cluso).

Desiran que Santo Estello fague lusi sus li pas de soun fidèu e afouga felibre tòuti li clarta qu'enjoion la vido, e que, sus soun fougau, laisse plóure, à boudre, li joio e li felicita qu'enlusisson l'amo di couple que l'ideau d'amour ensioco.

— Lou 19 de novèmbre, l'*Escolo parisenco dòu Felibrige* a tengu flamo sesiho musicalo e literari.

Aqui i'avié F. Amoureti, Carle Maurras, Carle Brun, Batisto Bonnet, Jan Bayol, Pau Redonnel; Enri Giraud, Louis Denis, Jousè Mange, Viaud, René de Saint-Pons, Marpillat, Plantadis, Branchet, Charbonnel, A. Beyraud, Migniac, Laborde, etc. S'es di e canta de vers e de cansoun en prouvençau, en lengadoucian emai en gascoun ; M.

Plantadis a di : *Bertran de Born* de Jousè Roux, Marpillat a tira de soun libre que s'estampo : *Pèr s'esclafar*, quauqui pèço qu'an regala lis escoutaire, e *Las Amours d'una Bardieira*, M. Branchet lis a cantado emé forço talènt.

— Se dis qu'un grand coungrès felibren sarié ourganisa en l'an 1897, à Paris, e se noun èro poussible de lou durbi dins la Capitalo, se durbirie dins uno di gràndi vilo dóu Miejour.

— Recebèn la letro que seguis dóu majourau En Louis Astruc :

Moun brave Monné,

En même tèms que pèr l'Aiòli dóu 27 de novèmbre, aprene pèr toun galant *Felibrige* d'outobre que li « *Felibre de la Mar* » m'an fa soun cabiscòu.

Saras forço gènt en disènt i counfraire qu'aquelo eleicioun s'es facho mau-grat ieu — avans, escrivènt dos letro declinant tal ou-nour ; e après, pregant lou secretari, M. Louis Pascau, de noun counsidera aquéu voto coume valable, estènt contro ma voulounta.

Dóu rèsto, noun sauprié èstre cabiscòu d'uno Soucieta que despièi ùni quatre an n'en fau plus partiido. Eiçò, me sèmbla, es proun counciluènt.

Gramaci pamens i *Maren* qu'aurien miés oubra, à l'epoco, en me counservant tout simplamen coume bon cambarado e ami devot. E basto.

Salut amistous.

L. ASTRUC.

Sabèn pas se lou majourau En Louis Astruc avié refusa o noun de se leissa pourta coume cabiscòu de la Mar ; mai, ço que sabèn, es que En L. Astruc estènt felibre e restant à Marsiho, es e demoro membre de dre de l'Escolo Marenco.

Basto, lou burèu de l'Escolo de la Mar, En Louis Astruc noun aguènt vougu counsentì à n'estre soun cabiscòu, mau-grat la fisanco que sis ami i'avien temougna, s'es recoustitui, en noumant lou mante-nière Cesar Majoullier, *cabiscòu* e lou felibre Aguste Gautier, soutor, cabiscòu.

— *L'Aiòli* val publica en fuietoun la coumèdi *li Masc*, d'Ansos Tavan, que s'es jougado à Castèu-Nòu-de-Gadagno, emai en d'autri rode dis alentour, quau saup quant de fes e que toujour i'a fa bello acampado.

— En seguido d'un flame rapport dóu majourau En Francés Vidal, lou mantenière Gile Borel, musicaire d'elèi e pouèto charmant, es esta reçaupu membre de l'Acadèmi di Sciènci, Art e Bèlli-Letro d'Ais. Felicitacioun couralo.

— Lou deputa de la Droumo, Maurise Faure, a presenta à M. lou President de la Republico lou delega de ja vilo de Valènço, e M. Félix Faure i'a proumés de veni aquesi estièu dins lou Miejour, à Valènço e pièi en Aurenjo, ouïnte assistarié i dos representacioun d'*Antigone* e dis *Erynnies* au teatre antique.

Basto aquéli fèsto de l'art se coumpligon, e que pousquen ié vèire lou triounfle de nosto lengo maire e de noste grand pouèto, emé la representacioun de la *Rèino Jano*.

-- Dóu teatre laren de Marius d'Auruou, vèn de parèisse la proumiero obro : *L'avaras*, (1) coumèdi de tres ate, en vers, seguido d'uno letro de Frederi Mistral.

L'avèn legido emé grand gau, aquelo pèço, e nous a mai-que-mai agrada, e sian segur que fara prouado quand se jougara sus lou teatre franco-prouvençau d'à-z-Ais.

E nous es en-de-bon de destaca quàuqui rego de ço que, pèr Tous-sant de 1896, noste grand subre-Capoulié escrivié au valènt Marius d'Auruou :

Vosto man, à l'estevo, valènt-à-dire au Gai-Sabé, se còunèis proun que l'es afacho. De parla prouvençau e de l'escrivure à la voulado, se vèi qu'acù 's un jo pèr vous, e quant au sacrebiéu coumique, o bèn à la *vis comica*, comme disien li Latin, quau n'en pòu èstre meiour juge que lou bon publi de z-Ais, tant prefoudamen prouvençau, se 'n cop la jouino troupo dóu *tiatre franco-prouvençau* ié vai jouga vosto coumèdi.

Que sièr de tant lanterneja ! à meissoùn veiren li garbo, Lou tiatre prouvençau, pèr l'epoco de vuei, es censa tout à faire. Sias d'aquéli que bravamen, sias d'aquéli que di proumié soun intra dins lou prat pèr gagna li braieto. Leissen li besuquet, leissen li moussurot — qu'an pòu de se jalà en moustrant soun pitre au soullèu — faire lou tour dóu round en foro, pèr critica li fraire de la targo felibrenco. Après la lucho, se saupra aquéu qu'aura peta d'esquino. Mai, en atendènt, ounour i voulountous que se presènton ! e se quaucun vòu escoumetre, iéu boute argènt sus jo pèr manteni Marius d'Auruou.

[1] Pourido broucaduro de 116 pajo, estampado pèr Dragon e Makaire, à-z Ais, e que se vend trento sóu, i librarié Aubertin e Pinet, à Marsiho.

Aco's parla d'or e avèn plus rèn à-n-apoundre, senoun qu'à douna nòsti picamen de man quouro la proumiero de *L'avarae* se dounara au teatre laren.

Aquelo pèço aura pèr seguido dos àutri coumèdi : *Lou malaut d'imagination* e *Lou pastre grand segnour*.

— Lou brave e valènt abat Imbert, l'autour dis obro sabourouso : *Carpentras, Is Aliscamp e l'abat Jan Tardiéu*, broucaduro galanto que pourgis à gràtis à si souscrivèire, fai estampa, d'aquest moumen, uno flamo pastouralo, *La santo grùpi*, emai *Madamo de Seigné*. Aqueli que desiron li dous voulume nouvèu, que lou digon à l'autour, aumournié à Vaurias (Vau-Cluso). Aquelo darriero obro coustara que trento sòu, e n'iaura pas pèr tòuti, de-segur.

— Es lou menne felibre que vèn de douna à lus e qu'es lou bouto-en-trin dóu *Cacbo-fiò*, armana en prouvençau pèr 1897, que n'es à sa dèse-setenco annado e qu'es toujour « flouri coume lou mes de mai, e grana, lipet mai que jamai » : es pèr acò que recoumandan vivamen i lipet de se n'en aprouvesi, pèr fin de passa gaiamen li vihado d'ivèr. Ié trouvaran de galejado dóu Cascavèu, emé li noum ama dóu Felibre de Nosto-Damo, de Jouveau, Terris, Bouvet, Sauvan, Bequin, Cassini, dis abat Spariat e Bresson, de Savié de Fourviero e de tant d'autre que s'agradon de canta dins la lengo di rière.

Tout hèn vèn,
Cacho-fiò vèn !

— L'Escolo de la Mar s'acampo tòuti li dimenche dins lou saloun di felibre, à la Brassarié Fouceiano, sus li younge ouro dóu matin, e cade dijòu, au meme rode, sus li 9 ouro de vèspre.

Dins caduno de sis acampado se legis de vers e de conte en prosò e se travao en de questioun grammatical e sus l'esplicacioun di prouverbi pouplàri.

LENGADÒ

— A Castanet, (Auto-Garouno), soutu l'aflat dóu felibre Danton Cazelles, s'es douna un superbe councert, pèr festeja Santo-Cecilo. L'ourfeoun i'a canta *la Toulousèno*, e Jan Pitchou l'apoundeguè *Lis Pescofis*, cansoun qu'a coumpausado e qu'eu n'en cantavo li couplet, représ en cor au refrin pèr tutto la salo. F. Gayssot diguè *Lou Trimard*, e zóu ! li picamen de man an fa prouado e nous es vejaire qu'aqueulo acampado a talamen agrada en tòuti, que se n'en dounara d'autro lèu-lèu !

— Lou teatre de *Lou Garelou*, à Toulouso, despièt l'uberturo dóu teatre, a jouga, dins lou parla poupoplari, li pèço seguènto :

Las aucos del Toumas de Fiunsagriovs, lis abenturos de Moussu Junicol; *L'amour dins un rusquié*; *Tocos-y se gausos o Le moulinié de Marco-Fabò*; *Le grougnau de Bourassol*, e la salo es toujor coumoulo. Toulouso a soun teatre *moundin*, e crèsen pas que passe forço algo souto lou pont de Roco-Favour, avans que, sus li bord de Lar, nàutri peréu, Prouvençau, aguèn la nostre de troupo prouvençalo ! Anen ! anen ! se passara encaro de bòni vihado de rire dins noste bèu Miejour !

— Lou Counsèu municipau de Carcassouno (Audo) vèn de vouta uno suvencioun de cènt escut à l'*Escolo audenco*. Aquéu Counsèu s'amerito tóuti li felicitacioun di Felibre. Faudrié que n'iaguèsse forço d'aquelo meno.

pareigu, encò de H. Maliges, empremaire en Uzès : *Uno Garbelo*, recuei de pouësio lengadouciano dóu felibre Anfos Artozoul, avouat en Uzès.

— Lou felibre Pau Vié, mestre d'escolo à *Villemur* (Auto-Garouno), alestit un libre de vers : *Lugras e Nibouls*, que se ié pòu souscriéure d'avanco en escrivènt lèu-lèu à soun autour.

— Coume l'avian di, la *Campana de Magalouna* vèn de faire edita, em'acoumpagnamen de piano, la cansoun : *Las Erbetas*, dóu majourau E. Marsal. Aquéli que voudran aquelo cansoun poupoplari n'an que de manda dès-e-sét sòu de timbre-poustau à l'aménistratour de *La Campana*, 27, grand-carriero, à Mount-Pelié, e la reçaupran subran.

— Coume tóuti lis an, la *Campana de Magalouna*, en plaço de soun numerò dóu 15 de desèembre, fara parèisse un numerò ilustra, lou *Souc de Nadal* que se vendra dous sòu.

— A Beziés, la *Chronique* countùnio à publica de galànti pouësio d'Antounin Maffre, e l'avèn legi emé grand gau *la mort d'uno rosò*, dedicado à gènto-dono Castelnau, de Ceto.

— Dins lou cours de dos ouro que fai, tóuti li dimars, à la facultat de letro de Mount-Pelié, l'eminènt proufessour C. Chabaneau, majourau dóu Felibrige, counsacro uno ouro à estudia la gramatico prouvençalo e l'autro ouro à l'estudi dóu teatre prouvençau.

— Parlas-nous d'acò ; vèsaqui M. G. Delmas, un brave prouprietari de vignarés, clapassié d'elèi, que semound soun vin de *Sant-Jòrdi*, en uno circulàri eschricho en sa lengo meiralo.

Aquitani

— A Fouich (Ariejo), s'es publica *l'Almanac patoues de l'Ariejo* pèr l'annado 1897, què se vènd tres sòu e n'es à sa setenco annado, souto l'aflat de l'estampaire Jan Gadrat e de F. Pasquier, l'archivaire saberu de la Nauto-Garouno, que l'èro antan de l'Ariejo.

Lou rampèu de Jan Gadrat vous dira miès que noun lou farièu iéumême ço que tèn soun librihoum tant galant e tant galoi, que l'Escolo Moundino de Toulouso, dins soun councours de 1896, a flouca d'uno medaio d'argént.

Escoutas-lou :

Beni pas aci ambe tambouros, pistouns e clarinetos, bous fa brounzina las aureilhos, n'e pos menat bailets emmascats, ni uno carreto lusento, oun lampguejon les ors e les mirals. So que boli bous bendre sira pos aigo claro dins un petit flacoun, sira pos greich de pore dins un petit cournet, ni racinos de *me jauti de tu* dins un petit papié. Nou es pos aco que bous porti.

So que, es counegut de toutis, rebiscole les malaus, repairo les cansats, amuso tout le mounde grans e petits ; es lou remedí de toutos las malautios per que forso à riro memo les que n'an pos enbejo, e un malaut que rits es à maitat garit. Es praco qu'un des nostris aujols, aujol per l'esprit, sa disio que bal miliu escriure per se rire, que per se ploura, per que le rire es so de mes agradiu de la bido.

Ac abels déjà recounegut : so que bous beni douna, es *l'Almanac patoues de l'Ariejo* per 1897.

Y troubarés ounjan tabe tout so que els abituats à i beiré : fieros, coursos de la luno, tempouros, e per dessus le tout, countes e istorios pla farsos, faites pes mestres de nostro lengo miedjourinalo.

Besi que bous tardo de l'abe quel almanacol tant agradiu, bous tris els lusisson de plase, las mas se lebon de tout coustat, bous fare pos trop espera ; mes abans d'en fe la distribuciu, — ié bous pressets pos tant, n'y aura per toutis — bous dire :

“ Brabos gens de nostre tant poulit païs, dichets pos perdre nos-tros bieilhos tradicius, counserbats la lengo meiralo e, dins l'iber, al pe del foc, can legirets le miu almanac, se le pepi se rememorio calque conte qu'a entendut dins le siu joube tens, metets-le coumo saurets per escriut, embouiauts-le mie, sira ambe plase que m'en serbire per l'an que be. ”

A l'an que vèn, tu peréu, poulit *almanacot* ! adus-nous de-longo li resson de la terro d'Ariejo, li reprouvèrbi e li cansoun que Pau Dunac acampo, li conte de Barriere-Flavy e li galejado que n'Artur Caussou, Dunac, Calamé, Ramounet e Roucatil nous debanon emé tant bon biais ; acò nous fai plesi à naute de Prouyènço, de vèire que l'amour de la pichoto patrio fai taco d'òli dins lou Miejour !

LIMOUSIN

— Dins lis acamp mesadié di Limousin de Paris di 18 d'outobre e 14 de novèmbre, la lengo dóu terraire noun s'es delembrado, que se i'es di *La Marioun d'En Prunba*, de Marpillat, *Lou bounur*, de Marpillat e Branchet ; *Lemouzi*, de Cassagnade ; *Lou Ganbou*, de J. Roux ; *Meirina*, de Marcellin Caze, etc.

PROUGRAMO DI JO FLOURAU DE L'ENGLANTINA

Councours dubert i Limousin

PRES ESPECIAU DÓU LIMOUSIN (*branco de castagnié en vermèi*)
pèr l'obro d'un Limousin pareigudo dins l'annado e la meiouro, tant
pèr la lengo limousino que pèr l'istòri, l'art, li sciènci, etc.

PRBS ALÉSSI DE VALOUN (*englantina d'or*)

pèr l'obro la mai meritòri dóu Councours

La Pervenço d'argent pèr lou meiour Planb

Councours de lengo limousino e de lengo franceso

I. Pouëslo

Sujèt sus lou *Mes de Mai*, *l'Englantina*, li *Jo Flourau*, la *Causo limousino*.

II. Proso

Nouvello, Conte sus de sujet loucau.

III. Teatre (Pèço de touto meno sus de tèmo limousiu)

IV. Tradicioun poupoplari

Recueil de *conte, legèndo, prouverbi, devinatio e cansoun*

V. Istòri e Erudicioun

Sujèt libre sus l'istòri dóu Limousin, coumentari dis obro di Troubadou, biougrafio de noutabileta e etnografio comunualo.

Aquéli di coumpousicioun que saran en lengo limousino auran d'estre escricho en neo-rouman emé la traducioun vis-à-vis, e totú li coumpousicioun saran adreissado en doublò còpi e lisiblamen escricho,

avans lou premié de mai venènt, à M. Sernin Santy, 2, carriero Bertrand de Born, à Brivo (Courreso), sénso èstre signado, mai em'uno deviso repetido sus d'un ple cacheta que tendra lou noum e la demoro de l'autour e que sara joun au mandadis.

Pèr la tiero di Bèus-Art, i'a :

I. Musico

- A. — Coumpousicioun musicalo sus d'er limousin ;
- B. — Coumpousicioun sus d'uno pouësio limousino ;
- C. — Coumpousicioun sus la pouësio de Jousé Roux, la *Chansou de l'Engantina*, que sara comunicado sus la demando di courrière.

Li mandadis se clavarán peréu lou prumié de mai e dins li mémi coundicioun que pèr lou concours literari.

II. Pinturo, Esculturo, Architéituro, Gravaduro, Art decouratiéu, (ceramico, esmaut, poutarié, dentello, moble, estam, etc., etc.) — sujet limousin.

III. Foutougrafia

- A. — Visto e inoumen dou Limousin
- B. — Retipe campèstre, sceno de la vido di vilo e di champ pourtant un caractère limousin

— Lemovix vén d'alesti soun *Annada limousina* pèr 1897, que caupra, aquest cop, de causo requisto, e que se pòu demanda, pèr cinq sòu, à M. L. de Nussac, 10, carriero di « Prêcheurs », à Brivo, (Courreso).

— A Brivo, lou journau *Lemouzi* countùnio la publicacioun dou Leissique limousin de Ramound Laborde, que toco à sa fin, e douno sèmpre d'obro en parla dou terraire, en tenènt si legèire au courrènt dou mouvemen felibren dins lou Limousin, aquéu mouvemen tant atiéu, qu'es devengu uno vertadiero reneissenço, e que souvetarian un tau boulegadis pèr la Causo felibenco, dins nòsti despartamen de Prouvènço.

— Noste ami Sernin Santy, tant afouga pèr la Causo miejournalo, cercò encaro à l'espandi en deforo di journau felibren. Es dins aquelo toco qu'a publica dins la *République*, de Brivo, un article forçò doucumenta sus li *Rouge dou Miejour*, de Félix Gras, que la Presso franco-ceso emai estrangiero n'a tant parla, en ié dounant lis eloge degu.

Lèu-lèu, furen parèisse lou numerò double de desembre e janvié.

Lou Gerent : Jan Monné.

Imprimerie L. Duc, 35, rue Rousselet, Paris.

GRAND COUNCOURS NACIOUNAU
PÈR UNO
ISTÒRI de PROUVÈNÇO

Au Coungrès d'Avignoun, lou jouine J. d'Arbaud, un liéu de fe-libresso, larguè 'no bëllo idéo : aquelo d'escriéure, pèr nòstis escoulan, uno istòri poupoplari de Prouvènço, simplò, courto, à bon marcat. E un autre jouvènt, Charle de Bonocorso, uno quingenado après, desvouloupavo aquelo idéo dins un journau de-z-Ais. L'Aïoli, d'autre part, avié di à-n-aquéu sujet : « L'idéo es jitado, bono grano : greciara, espigara. »

Eh ! bèn, avèn l'ounour e la gau soubeirano d'anouncia vuei à la Prouvènço que l'idéo a greia. Un brave patrioto, que se vòu pas faire counèisse, nous semound un hèu prèmi de MILO FRANC tintin pèr durbi « un councours d'Istòri de Prouvènço. »

Veici li coundiccion que lou dounaire pauso : « Escríeure en puro lengo prouvençalo roudanenco, un précis de l'Istòri de Prouvènço, estudiado segound l'éime e l'esperit dòu Felibrige. »

L'obro devra fourni la matèri d'un voulume de 300 à 350 pajo, lou mai, in-18.

Tres pres saran destribuï, assabé ; 700 fr. pèr lou n° 1 ; 200 fr. pèr lou n° 2 ; 100 fr. pèr lou n° 3.

Lou manuscri qu'aura la joio apartendra de dre à la Mantenènço de Prouvènço, que se cargara elo de lou faire empremi à si pròpri despèns e espandi coume l'entendra. Mai l'autour courouna

counservara lou dre d'edita éu peréu e councurrentamen soun obro, au cas que i'agradarié.

Lou councours durara jusquo à la fin de febrié 1898, e devran li councurrènt manda si manuscri, pourtant, segound l'usage, uno epigrafo anounimo, repetido en un ple signa e cacheta, avans lou 1^e de mars de l'annado sobre-dicho, au Capoulié dóu Felibrige.

Lou Capoulié En Fèlis Gras, lou cancelié Marietoun, l'assessour de Prouvènço En Frederi Mistral emé lou majourau En Leoun de Berluc-Perùssis, fourmaran la jurado — qu'es, en cas d'insutisènci dóu resultat ôtengu, autourisado à proulounga l'escasènço dóu councours.

Lou prèmi sara prouclama au festenau de Santo-Estello de 1898.

Mai, pèr faire coumprene bèn clar çò que se vòu, lou dounaire dóu prèmi nous a manda un prougramo d'Istòri de Prouvènço qu'anàn doua eici-dessouto. Li councurrènt soun pas tengu de lou retraire pan pèr pan. Soulamen ié servira, acò, de guido e d'entre-signe. L'on pòu meme chanja de plan e prene d'autri divisioun : coume de trata, pèr eisèmple, la questioun d'art o bèn de letro, epoco pèr epoco. L'essenciau es de faire un libre gènt e brèu, interessant e plen, e d'ounte respeligue l'amo de la Prouvènço.

FREDERI MISTRAL.

I STÒRI DE PROUVÈNÇO
de sis istitucioun anciano e de sa literaturo

DEVIS PÈR LOU COUNCOURS
PROUMIERO PARTIDO

Descripcions geoulougico de la Prouvènço. Si counfin naturau e sa floro, s'endevcnènt emé sa froutiero istourico.

La Prouvènço preistourico. La raço prouvençalo. Li Pople proumieren e si counfederacioun.

Coulounisacioun feniciano e grèco. Oocupacioun roumano — que douno à l'encoutrado soun noum, *Provincia*. Lou dre latin assoucia i lèi loucalo, respèt di diéu dóu païs, mantenemen di cirouseripcioun particuliero is abitant. Li camin roumiéu.

Lou Crestianisme. Li dioucèsi e si sèti dins lis ancian cap-liò.

Lis envasioun barbaro : ço que respèton, ço que tremudon dintre lou dre loucau.

A counulta : *La Provence maritime ancienne et moderne* pèr C. Lenthéric ; *Histoire de la Provence dans l'antiquité* pèr P. Castanier, (Marsiho, libr. Aubertin) ; *Résumé de l'histoire de l'état et comté souverain de Provence* pèr Rouchon Guigues (Ais libr. Makaire) ; *Histoire de Provence* pèr Aug. Fabre (Marsiho etc.).

II

Lou councile dc Mantaio, lou reiaume d'Arle, dioucèsi uni e dioucèsi indépendent. Li Comte beneficiari, pièi ereditari de Prouvènço. Bousoun e li Bousounido : unificacioun dóu païs. Li Plaid d'Arle e de Manosco ; li vassau Rouman, li vassau Sàli. Indépendénci, toujour que mai creissento, di Comte de Prouvènço au regard di rëi de Bourgougnو, pièi dis emperaire d'Alemagno.

La guerro di Sarrasin. Li Comte fraire, partage dóu poudé emai di bèn entre éli. Lis encartamen coumtau. Lou Marquesat de Prouvènço e lou Countat de Fourcauquié. Li prince di Baus e d'Aurenjo.

Li Prouvençau i Crousado. L'Ordre de l'Espirau founda pèr Gerard Tenco. La lengo prouvençalo, proumiero di vue lengo dis Espitalié de Malto.

A counulta : *Histoire de Provence d'Ounourat Bouche e li travai de G. de Rey sus li Sarrasin.*

III

Li Comte de Prouvènço de l'oustau de Barcilono. Assemblado di tres Estat : baroun, clerc, chivalié, bourgés, pacan.

Li counfrarié, li coumuno : conse, sendi e prudome. Li vigarié. Li republico counsulari : si trata em'aquéli d'Itali.

La guerro di Baussen. Aquelo dis Albigés : lou sèti de Bèu-

Caire ; la resistènci e destrucioun d'Avignoun ; lou Marquesat de Prouvènço atribui au papo.

L'impost e sa coumparesoun emé l'impost de vuei. L'autounoumò prouvençalo, afiermando pèr lou testamen de Ramoun Berengüié, istituènt pèr eiretiero sa quatrenco fiho e ié sustituènt la tresenco au besoun e lou rèi d'Aragoun, à l'esclusioun di dos einado, rèino de Franço e d'Anglo-Terro.

A counsulta, l'*Histoire de Sisteron* pèr M. de Laplane, aquelo de l'*Ancienne république d'Arles* pèr Anibert, emé li travai de M. de Serranoun.

IV

Li Comte de Prouvènço de l'oustaou Anjouvin. Li guerro de Naple. Li conlounjo prouvençalo dins la Capitanato. Li comte-rèi, pèr soun sejour à Naple e l'esprenigamen de si doumaine prouvençau en favour de si servènt, finisson pèr se destaca de la Prouvènço meiralo.

La papauta en Avignoun. La rèino Jano es coustrencho, pèr li segnour prouvençau, de jura de noun chausi pèr óuflicié de soun gouvèr rèn que « d'ome de Prouvènço. »

La rèino Mario de Bles, pèr triounfla de Duras, relargo li franseso de bon noumbre de coumuno : dre de delibera sobre toutò matèri, de garda li clau di vilo, de counserva li prouceduro e au-biso particuliero.

Niço, cap de Prouvènço, passo à la Savoio.

Lis Estat (1394) prenon lou poudé, en l'absènci dòu rèi, pèr apara Prouvènço contro Ramoun de Tureno e libera lou terraire. Bouton l'impost sus tòuti, memie sus li benefice dòu papo e di cardinau.

La rèino Vioulando renouvello l'engajamen de la reino Jano de n'apela is óufice de la judicaturo que d'ome dòu païs. Supremis la toutò sus la sau, sus li danrèio e marchandiso. Foundacioun de l'Universita de Prouvènço.

Estatut de 1427, qu'autrejo touto liberta i coumuno de Prouvènço pèr determina la formo de si cargo fiscale — que lou *quantum soulet i' es impausa*. Lis Estat (1439) soumeton li ciéutadan tòuti à la memo tausso.

V

La segoundo famiho d'Anjou.

Lou rèi Reinié permet à tout countribuable de retardar de Sant Michèu à Toussant, la pago annalo de si taio e de lis aquita en touto sorto de mounedo. Eu fai, dins la carestié de 1457, recerca e destribui lou blad di seculié e peréu aquéu di cleric. Decido mai que desenant la questioun o *estiro* noun pourra s'aplica, avans que li Sendi fugon esta apela pèr escleira li juge sus lis antecedènt dóu fautible o acusa.

A la mort de Reinié, coumpeticion entre sa fiho Vióulando e soun nebout Charle III, apiela aquéu-d'aqui pèr li troupo franceso.

Testamen de Charle III, darrié comte de Prouvènço en favour de Louis XI.

A counsulta : l'*Histoire de Provence* de Papon.

VI

Unioun franco-prouvençalo. Palamedo Fourbin, nouma pèr Louis XI gouvernour de Prouvènço, autrejo is Estat de Prouvènço la mantengudo dóu drech escri, aquelo dis estatut e franqueso dóu païs, e lou dre de s'òupauba à tout edit dóu rèi de Franço que noun sarié counsentit pèr lou Counsèu Reiau de-z-Ais.

Un Reinié de Lourenno, reclamant lou Coumtat, lou counsèu de regenço remando à quatre an sa responso, e emprego aquéu delai pèr assoulida l'autourita franceso.

Lis Estat de 1486 e 1487 aderisson à l'unioun de la Prouvènço emé la Franço, « coume à l'unioun, noun pas d'un accessori à-n-un principau, mai bén d'un principau à-n-un autre principau, » tóuti nòsti liberta pèr counseguènt estènt sauvo e devènt, lou soubeiran, gouverna li Prouvençau, noun coume rèi de Franço, mai en sa qualita de Comte de Prouvènço.

Mau-grat tal engajamen, Charle VIII noun tardo gaire à douna à la Prouvènço un gouvernaire sourestié, e à cha pau li rèi de Franço van cerca d'aparia lou païs de Prouvènço à-n-un simplò prouvinçò dóu reiaume franchimand.

Counfourmamen pamens au testamen dóu darrié comte, óutènon lis Estat, la creacioun d'un Parlamen que ié permet i Prouvençau d'avé sus plaço, à-z-Ais, juridicioun en darrié ressort.

Francés Proumié reourganiso justiço e amenistracioun. Éu mantèn l'assemblado annalo dis Estat, mai en limitant si dre. Toutofes li Conse d'Ais soun counsierna dins li founciloun de Procurour dóu païs, enterin que lis àutri viro countuniaran de fourni chascuno pèr soun tour, de Procureaire joun e d'Auditour de comte.

L'envasioun de Carle-Quint e soun coussaiamen.

A counulta : Papon e Rouchon Guigues ; *La Maigro-entre-presso* d'Antonius Arena, publicado dins l'Aidli.

VII

Li guerro de religioun. La Ligo.

Supressioun dis Estat pèr Richelieu. Lis assemblado di coumuno li ramplaçon. Role d'aquélis acamp vis à vis di gouvernour e intendènt de la prouvinço.

Supressioun e restabilimen dóu Parlamen de Prouvènço. Lou restabilimen dis Estat (1789), Mirabèu. Destruicioun de la Coustucionioun prouvençalo.

A counulta : *Pascalis, étude sur la fin de la Constitution provençale* pèr Ch. de Ribbe (Ais).

SEGOUNDO PARTIDO

I

L'arqueoulougio prouvençalo.

Establi en li classant pèr periodo, lou tablèu di principau moumen de la Prouvènço, religious, militari e civil, desempièi « lou tèms di fado » enjusquo à nòsti jour.

Ensista sus aquéli que mostron un art de païs, uno architeituro prouvençalo. Li pèiro escricho remarcable.

A counulta li travai de M. Isidor Gilles, d'Enri Revoil, etc.

II

Lou sacrige prouvençau

Li legèndo religioso, naciounalo à la Prouvènço. La barco de Prouvènço ; li sànti Marlo, la Madaleno, sant Lazàri à Marsiho, sant Trefume en Arle, sant Meissemin à-z-Ais, santo Ano d'At, etc.

Li sant de la Prouvènço (à vèire li travai de l'abat Albanès e de G. de Rey),

Li sant liò e roumavage pouplari.

Li vièi mounastié celèbre.

III

Numismatico prourençalo

Ataié mounetòri de Marsiho, Arle e aurre. Li mounedo coum-talo, episcoupalo e autre. Li sagèu.

A counsulta : Papon, e li travai de L. Blancard e J. Laugier (Marsiho).

IV

Li bèus-art en Prouvènço.

Lis escultour, li pintre e gravaire prouvençau ; lis escolo d'Avignoun, d'Ais, de Marsiho ; la terraio de Moustié, li noble arlaten ; li couleicioù remarcable, li musicaire prouvençau, li nouvè, lis èr naciounau, lis estrumen emé li danso, li jo, coustume e abitagy.

A counsulta : la *Statistique du département des Bouches-du-Rhône* pèr M. de Villeneuve, la Metodo dóu Tambourin de F. Vidal, *L'art dans le Midi*, d'E. Parrocel.

V

Lis ilustracioun prouvençalo.

Ourigino di noum de famiho : creditari en Prouvènço, memencò di païsan, plusiour siècle davans que li fuguesson dins lou nord (Istòri de Sisteroun de M. de Laplane), li famiho féudalo, counsulàri e parlamentàri.

Li bon soudard e grand marin.

Lis ome d'Estat, lis istourian, lis escrivan, li saberu, lis erudit, lis óuratour, lis enventour, li benfatour.

A counsulta : *La Biographie des hommes illustres de la Provence* dóu Dr Achard, *le Dictionnaire biographique du département de Vaucluse* dóu Dr Barjavel, lou *Plutarque provençal* d'A. Gueidon.

VI

Lengo e literaturo anciano.

La lengo prouvençalo, ço qu'istouricamen e geoograficamen aquelo espressioun embrasso.

Li proumié tèste prouvençau ; encartamen e cartulàri, lis archiéu, li cadastre e libre coumunau ; li cartabèu o libre de resoun ; li crounico o memòri (aquéli d'Ounourat de Vau-Bello, à la bibliou-tèco d'Ais).

Li troubadou, soun obro dins lou Miejour entié, soun enfluènci éeuropenco : Itàli, Espagno, Pourtugau, Franço emai Alemanjo. La Cansoun de la Crousado contro lis Albigés (ediciooun de P. Meyer, Paris, libr. Renouard). Ramoun Feraut, *la vida de sant Ounourat*, publicado pèr L. Sardou.

Li court d'amour, li mistèri, aquéu dóu Briançounés. Prouvèrbi e cant pouplàri (recuei de D. Arbaud).

A counsulta : *Histoire de la poésie provençale* de Fauriel : *Histoire de la littérature provençale par A. Ristori, traduite par A. Martel* (Mount-Pelié, encò d'Hamelin). *Les derniers troubadours de la Provence, par P. Meyer* (Paris, libr. Franck), etc.

VII

Literaturo mouderno.

Li Jo flourau de Toulouso (1323) : avourtamen de Na Clemènco, pèr incounsciènci de la Causo.

Proumiero respelido : Belaud de la Belaudiero, Goudouli, Sabòli. La coumèdi à-z-Ais, Brueys, Zerbin, Jan de Cabano.

Li pouèto bourlesc, l'abat Favre, Rancher de Niço.

Li galejaire marsihés, Germain, Chailan, Benedit, Bellot. Tiatre de la pastouralo.

Li precursor d'ou Felibrige : Fabre d'Olivet, Castil-Blaze, Lafaro, Jaussemin, Gelu e autre. (V. *Les précurseurs des félibres* pèr F. Donnadieu.)

La questioun dialeitalo, en ço qu'es de Prouvènço.

La reneissènço felibreno, soun obro emé sa Causo dins lou Miejour entié. Resplendour pouëtico.

Filoulouglo prouvençalo, la plaço que s'es facho dins lis Universita. Li revendicacioun pèr l'ensignamen de la lengo, racinun de la raço, grouadou de patrío e sourgènt d'alegresso.

(Tira de l'Aïoli d'ou 7 de desembre)



LI NOVO FELIBRENCO

PROUVÈNÇO

— Lou *Viro-Soulèu* de desèmbre a publica uno *Cbarradisso* à prepaus de l'Armana prouvençau, pèr Ougèni Garcin, charradisso qu'aquéu brave ami nous a dedicado, ço que nous a forço pretouca, e n'i'en fasèn eici nòsti gramaci li mai courau. Ah ! qu'es galanto, sa charradisso, e coume es doucumentado, coume poulidamen nous fai reviéure li proumiéris annado dòu Felibrige. Ah ! brave Ougèni Garcin, qu'es gènt e engaubiç e courous, toun ate de fe !

Lou meme numerò douno un tablèu pres sus lou viéu di mour gagoto dins l'Ardecho, à prepaus de l'impost sus lou revengu, e qu'es dòu felibre Enri Vaschalde.

— Lou 6 de desèmbre, s'es fa fèsto encò dòu Capoulié En Fèlis Gras, en ounour di *Rouge dòu Miejour*. l'avié M. e Mmo Toumas Janvier, Frederi Mistral e sa mouié, En Alèssi Mouzin e Pèire Grivolas. Lou regale es esta superbe e li brinde enaura. Vès-eici aquéu de Fèlis Gras :

A NÒSTI JANVIÉ !

Escoule en plen moun vèire,
Au moum de tóuti mi grand rèire,
De ma maire qu'ai l'ur de vèire,
De mis enfant : Daniso, Angèlo emai Jan-Pèire,
E de ma tant douço mouié.
Ansin ai dit tout ço que dins moun cor i'avié...
A nòsti Janvié !

Frederi Mistral brindè pièi à soun tour à l'obro dóu Capoulié :

I ROUGE DÓU MIEJOUR

Que toujour mai, toujour,
 Escampon sa roujour
 Dins la charta dóu jour,
 Ieu tambèn siéu bevèire.
 Paris i'a di bon-jour ;
 New-York dins sa liunchour,
 L'Anglés en sa frejour
 An senti sa michour :
 Au Prouvençau majour
 Touquen tóuti lou vèire !

— Sus lou prepaus di *Rouge dóu Miejour*, *l'Aïoli* nous apren que F. Gras travaio à ié douna uno seguido de dous àtri voulume, « seguido que i'an demandado sis editour american e un editour de Paris que n'en déu publica la versioun ilustrado. D'autro part un dramo anglés, tira dóu rouman prouvençau, es en preparacioun pèr un tiatre de Loundro. »

Aquelo novo nous a fa plesi en tóuti, e aplaudissèn de tout cor au flame sucès dóu valent Capoulié.

Aquéu meravihous raconte de l'escourregudo à Paris de nòsti Marsihés enflama d'ideau, enfiouca pèr la liberta, vous empougnò e vous fai tresana e ploura proun de ses, en vous boulegant l'amo. L'on s'interesso à-n-aquéu jouvènt superbe, Pascau ; à-n-Adelino, emai en tutto aquelo troupo de patrioto : lou coumandant Meissoun, à Samat que porto li *Dre de l'ome* e que li fai beisa en tóuti. — N'es mai que segur, que tóuti aquéli qu'amón nosto lengo voudran poussedi e legi li *Rouge dóu Miejour*, que signalan tourna-mai sa messo en vèndo, encò de la véuso Roumanille, en Avignoun, au pres de 4 fr.

— Lou divèndre, 4 desembre, lou proufessour Constans, majourau dóu Felibrige, a représ soun cours en faculta d'Ais, à quatre ouro de vèstre, en parlant sus lou *Pouèmo dóu Rose* de Frederi Mistral.

Uno circulàri dóu cabiscòu laren avié counvida tóuti li sòci à-n-aquéu regale lenguistique.

— Lou dijòu 17 desembre, à Marsiho, e lou 18, à-z-Ais, lou sa-vènt counferencié a parla di *Rouge dóu Miejour* de Fèlis Gras, que n'avié adeja di quaucaren lou 10 de desembre.

— Lou 7 de janvié, à marsiho, e lou 8 à-z-Ais, En L. Constans a trata de l'*Armana prouvençau* e de l'*Armana marsibbs*.

Em'acò pièi fara soun cours sus : *La pouësio religioso en prouvençau*; e dins si darrièri lelçoun esplicara li *Counferènci* dóu Pai Savié de Fourviero.

— Dins lou paumarés dóu councours dubert pèr la *Mandoline*, avèn releva, dins ço que pretoco la lengo neo-roumano, li noum de Mario Bertrand, Enri Plesant, Felip Chauvier, Enri Vidier, Emilo Barthes, Francés Fauré, Anfos Clauzel, Estève Passe, Jùli Lapierre (que, pecaire, vèn de mourì), Albert Viau, Albert Roux e J. Martin, qu'an ôtengu un diplomo de medaio de vermièi.

Quauquis àutri an davera de mencion d'ounour.

— Lou gènt felibre de Bargemoun, Felip Chauvier, nous pourgira lèu, lèu, un voulume de pouësio prouvençalo, emé lou titoulet de : *Lei fibo dóu soulèu*. Sian segur qu'en tóuti i'agradara lou rire poulit d'aquéli *Fibo* que lou bon biais dóu pouèto a serti di rai soulelous de l'astre miejournau.

— La *Lyre d'or*, soucieta literari de Paris, a dubert un councours de pouësio, de proso e d'art, e i'a apoundu uno tiero pèr la lengo neo-roumano, pouësio e proso, snjet libre. Tóuti li dialèite soun reçaupu.

Li pèço an d'estre inedito e lisiblamen signado, e pourtaran la demoro de l'autour. Lou dre de councours es de 20 sòu pèr pèço mandado au secretari, M. Legendrot, 211, carriero de Charentoun, Paris.

Signalan aquéu councours, noun pèr engaja nòsti sòci à ié prene part, que tóuti li councours pagant an gaire bono flairo, mai escassamen pèr ço qu'es uno nouvello Soucieta que fai plaço i literatour miejournau.

— Dins sa sesiho de fin d'annado, lou Burèu de l'Escolo de Lar, sus la dicho dóu souto-cabiscòu Chapòli Guillibert, a nouma inembre d'ounour lou bibliofile Pau Arbaud.

Aquel óumage èro bèn degu, l'endeman di festo soulènno, au Peiresc segound, pèr sa Bibliografio prouvençalo, tant vasto, emai pèr tant d'larganço à l'Arbaudenco.

S'es pièi decida que s'ourganisarié uno felibrejado pèr celebra l'aniversari vinten de la foundacioun de l'Escolo, que fuguè inaugurado lou 27 de janvié 1877, e que soun proumié cabiscòu fuguè lou decan Bonafous.

— En grand fogo, se jogo, en Arle, la pastouralo dóu felibre marsihés Ant, Maurel.

— En Eguiero, es aquelo de E. Guien que fai courre tout lou pople. Lis escoulan de l'escolo Sant-Louis ié van de tout cor e se ti-ron pèr plesi di vers poulit que lou gènt felibre eigueren vèn d'aliska pèr aquéli jouvènt que la lengo dóu brès i'es un regale.

Aquitani

LI JO FLOURAU DE L'ESCOLO DE MOUNT-SEGUR

— Lou dimenche, 20 de desèmbre, à la cimo de la vièio tourre de Gastoun-Febus, lou drapèu floutejavo, e tout Fouis èro en festo. L'Escolo de Mount-Segur tenié si premié Jo flourau.

La grando salo dóu Casino, touto flourido e verdejanto, clafido de tout lou bèu mounde de Fouis èro trop pichoto pèr teni tóuti lis escoutaire. Au burèu avien pres plaço : lou majourau Antounin Perbosc, présidènt, emé Prouspèr Estiéu, Rigal e Teulié, Jan Gadrat, Pau Dunac, Pau Vié, etc. Lou prefèt, lou secretari generau, lou chèfe de gabinet, etc., èron dins li lojo. La musico la *Fouicbenco* jogo un pas redoubla, e En Perbosc s'aubouro e trais en tóuti li paraulo superbo de soun cor.

L'ourfeon de Fouis entouno pièi la poulido cansoun de Gastoun-Febus, adoubado sus tres aire diferent pèr M. Blandinièro, directeur de l'ourfeon, e vèn lou tour dóu rapourtaire di Jo Flourau, Prouspèr Estiéu, que fai soun rapport en un paraulis desbordant d'entousiasme.

Quatre-vingt moussèu de vers o de proso soun esta presenta. Lou gagnaire de la proumiero joio de la pouësio es lou felibre Pau Vié, autour de *Foroniçado*, que s'acabo d'estampa, e dono Gelado gagno uno medaio d'argent pèr un sounet : *Felibrezado*; e soun menciouuna : Gastoun Verdié, Amadieu Rebèu e Mario Barouu.

Lou premié pres de proso es réserva, e se menciououn Jan Autier e Jan Ferrà.

Li gagnaire vènon cadun à soun tour recebre sa joio, d'enterin que l'ourfeon canto uno cansoun pouplàri : *Cansoun de las Pireneos*. Pau Vié debito uno de si pouësio courounado : *Calmoun*, dedicado à soun païs nadalen ; Teulié dis *Flous d'Alsaço*, Dunac : *Grugnas amou-*

rous; M. Piquemal declamo lou cant de Prouspèr Estiéu : *A la comtessa Adelaido* : e Prouspèr Estiéu clavo sesiho emé sa pèço : *Tèms à veni*.

Dins li saloun dóu Casino, li felibre e li cantaire e musician brindon, e alargon cansoun, vers e conte. Se canto la *Cansoun de la Coupo*, e lou secretari, Jan Gadrat, legis li letro dis ami qu'an pas pouscu èstre de la fêsto.

L'endeman, s'anè faire vesito à-n-Artur Caussou, lou cabiscòu, amauti, e à la vesprado se faguè un roumavage au Castèu de Mount-Segur.

E lou vèspre, à Lavelanet, encò dóu cabiscòu, i'aguè 'no vesprado meravihousu em'uno court d'amour requisto.

Longo-mai brusigue lou cant de Gastoun-Febus !

— Lou 10 de desembre, à Bourdèus, dins l'*Hôtel* de l'assouciacioun generalo dis estudiant, M. Cahuet, de Brivo, a douna uno counferènci sus la *Resurrection des Troubadours*. Lou counferencié a poulidamen parla de l'obro dóu Felibrige e di Felibre di quatre Mantenènço, e noun a delembra, en qualita de bon limousin, li pouèto e escrivan de sa terro e lis obro valento que ié flourisson.

MORTUORUM

Es mort à Margoun (Erau) lou 30 de novèmbre passa, dins si non-
nant an, M. Jan-Mario-Polite-Aguste, viscomte Lemoine de Margoun,
mantenière dóu Felibrige.

Lou 2 de Xbre, à dos ouro, touto la poupoplacioun de Margoun
emai dis enviroun acoumpagnavo à sa darriero demoro aquel ome de
bèn, aquel escrivan lengadoucian, ama de tòuti, qu'èro l'un di descen-
dènt d'uno di famiho li plus anciano dóu terradou.

Lou Felibrige emai la Soucieta arqueoulougico de Beziés, que n'èro
un di sóci li mai devot, avien manda uno delegacioun : i'avié lou
majourau En Frederi Dounadieu, president de la Soucieta arqueoulougico,
e li felibre Louis Bonnet e Louis Noguier, emai M. Antounin
Soucaille, secretari de la Soucieta bezierenco.

Sus la toumbo, En Frederi Dounadieu a di autamen e piousamen
li merite dóu paure mort e li regrett que tòuti avien de sa despartido,
en prenènt just e just aquesti vers dins l'un di darrié pouèmo de M.
de Margoun :

Marrido mort, horro dalhairo !
 Que caminos, tous uels cugatas.
 De lagremos, de dols a dento semenairo
 T'arrapou sempre a^s pus aimats...

Lou viscomte de Margoun avié escri un pouèmo dins lou parla de Margoun : *Les fêtes du Félibrige* ; avié bèn 80 an (1887) quand escrigué aquéu libre, e, trop vièi pèr aprene la lengo de Mirèio, chau-siguè aquelo de Margoun :

Hai causit lou patoues qu'aimavi
 E qu'ambé mous camaradous.
 Quand èri jovenet, parlavi,
 Al'gent vilajou de Margoun.
 Poulit endrech qu a pèr deveso :
 Pichoto vilo, grand renoum !
 Aqui la font rajo tebèso
 En ivèr e fresco en estiu.
 Tout lou mounde i'a lou cap vieu.
 Mais lou cor bon. Ieu i nasquèri ;
 Se Diéus ou vol, i mourirai :
 L'ai uno plaço al cementèri,
 Ras de lous qu'ai aimat lou mai.

E i'èi mort, pechaire ! e se n'es ana dourmi toucant d'aqueüi qu'a-mavo : sa maire, soun paire, si dous fraire e sa grando sorre, coume dis éu-même dins soun pouèmo :

Ma grando sorre que m'aimavo
 E que sus sa laudeto, en riguent, me bressavo,
 Quand erem pichots toutes dous !

Que Santo Estello escampe si pervenco li mai siavo sus lou cros
 d'aqueüu valènt que tant i'ero devot !

A PAREIGU :

A Toulouso, encò de Chauvain : *Monitoire à Toulouse en 1540, à propos de la nomination d'un chanoine de la cathédrale*, pèr lou felibre F. Pasquier, archivaire de la Nauto-Garouno, broucaduro de 12 pajo, en tèste rouman tira dis archieu d'aqueüu despartamen.

» i burèu dóu Gril, au pres de 15 sòu : *Pensado bagamundo*, recueil de vers de A. Montlong (24 pajo).

A Vilo-Novo d'Agen, empremarié V. Delbergé : *Lou loung del Lot*, voulume gascoun de Fernand de Mazet, 185 p. in-8.

- A Tarbo, empremarié Croharé : *L'élément étranger dans le patois d'Arrens, étude dialectologique*, pèr lou felibre Miquèu Camélat, broucaduro de 33 pajo ounte lou saberu mantenèire, emé grando autourita, estudio li mot que se soun entroudou dins lou parla d'Arrens.
- A Paris, librarié V. Retaux : *Les maîtres du Félibrige, Jasmin, Roumanille, Mistral, Verdaguer, etc.*, grand in-8 de 330 pajo, pèr Estève Cornut, S. F.
- » dins la *Province de gbre*, uno balado d'Ougèni Garcin : *Les châtaignes des morts*, que retrais un vièi us dou païs d'Arle ; e dins la liéuresoun de desembre : *Le gros souper en Provence, il y a cinquante ans*, pèr Antonius Adam.
 - » dins la *Revue libre* : la *Farandoulo*, cansoun prouvençalo de G. Martin, que vèn de parèisse à Naple, estampado pèr G. Santojanni, editour de musico.
- A Mount-Pelié, la *Carquetada*, conte de Fernand Troubat, tira à despart de la *Revue félibrièrene*.
- » dins lou *Felibrige latin* (que i'a bèu tems que recebèn plus aquelo revisto) : *L'opera d'Aubais*, pèço en un ate de l'abat Favre.
- A Brivo, i burèu de Lemouqi : *L'annada lemouzina*, de Lemovix, annuàri pel bel an de Diéu 1897, de 32 pajo, que se vènd 5 sòu pèr la posto e tèn uno galanto tiero de prouèrbi tira dis obro d'En J. Roux, Champeval, Clemens-Simoun, abat Gorse, Na Margarido Genès, Eusèbi Bombal e Massenal. I'a pièi d'obro diverso, e lou raconte dis evenimen pretoucant la causo felibrenco dins lis Escolo limousino.
- A-z-Ais, encò de Makaire : *La cadiero e lou teatre en parallèle pèr lou mantenemen e l'ensignamen de la lengo*, comunicacioun facho au Congrès d'Avignoun, pèr Francés Vidal, 15 p. in-32.
- » vers la véuso Remoundet : *Une chaire de droit provençal à Aix. Magistrats provençaux* ; que soun li vot presenta pèr En Chapòli Guillibert e adóuta pèr lou Congrès d'Avignoun.
 - » encò de Nicot, lou rapport d'En Francés Vidal sus la candidaturo dou mantenèire Gile Borel à l'Acadèmi d'Ais, emai peréu lou raconte de l'istalacioun dou nouvel academician, broucaduro de 16 pajo, que fai gau de ié vèire à-de-rèng lis obro musicalo felibrenco dou musician d'elei que l'Acadèmi d'Ais a 'agu tant bono man de faire siéu.

Dins lou *Mémorial d'Aix* dóu 20 Xbre, lou comte rendu de la sesiho d'inaguracioun de l'Assouciacioun literàri e dramatico franco-prouvençalo, emé li coumplimen degu à dono Borel, qu'a eisecuta emé grand art l'uberturo dóu *Vergié d'òuliviò*, e li vers prouvençau dóu jouine felibre-pintre Pau Bazzi : *'Prouvènço e·Franço*, qu'an servi de proulogue à la sesiho e soun esta forço aplaudi.

Avian peréu remarca, dins lou numerò dóu 26 de novèmbre *lei Poutoun*, de L. Crest. Acò vai bèn, mignot. Zóu !

En Avignoun, encò di fraire Aubanel : *Li Patriarcho*, counferènci biblico dounado à St-Laurens de Marsiho, pèr lou Pai Savié de Fourviero, tome segound, emé la traducioun vis-à-vis, un voulume in-18, de 705 pajo.

A Marsiho, librarié Carbonel, carriero St-Ferriòu : *La naissance du Christ*, pastouralo prouvençalo en 5 ate e en vers, de J. F. Audibert, 114 pajo in-8.

” *L'armana de la Mar*, pèr 1897, adouba e publica pèr li Felibre de la Mar. Mau-grat lou pau de tems entre lou voto di sóci pèr l'estampage d'aquelo publicacioun e soun apari-cioun, aquéu perlet d'armana vous pren pèr l'iue, e pouli-damen vous encanto. Li marinié se soun rambla à l'entour de quauqui bon patroun de la proumiero ouro, em'acò an tira la barco à la mar. Santo Estello lis asfourtune e li mene dins li rode souleious, dins li calanco blanquinello e bressarello, ounte l'areno es d'or, ounte l'aureto es uno caresso e ounte tóuti, d'un cor unen, cridaren : *Plus larg que la mar !*

A Casale (Itàli) dins *L'iride* (l'arc-de-sedo), pichot armana pèr 1897 — revira en italian de la man fado de dono Mario Licer, sócio dóu Felibrige : *La croce del Canigó* (la crous dóu Canigou), cant dougen dóu sublime pouèmo catalan *Canigó*, de moun-sen Jacinto Verdaguer. La traducioun es meravilhousamen broudado e sertido em'un biais qu'es pas de dire.

Dins aquéu poulit pichot librihoun s'atrovon peréu, revira en italian, li vers de Frederi Mistral à Ferdinand de Lesseps.

CROUNICO

En Pau Areno

Lou Felibrige es tourna-mai en dòu ; la mort, la traito mort pico à-de-rèng e sèns relàmbi sus lou Counsistòri felibren : aièr, èro Jùli Cassini, iuei es En Pau Areno que plourau.

L'escriván d'elèi, lou countaire galant, l'estilisto esquist e requist, es mort en Antibo, lou 17 de desèmbre, dins si 54 an, au moumen que la Souciela di Gènt de letro venié de l'acourda lou pres Chau-chard, de 3 000 francs, qu'es douna à l'escriván qu'a lou miés ou-noura li letro.

Pau Areno, qu'èro esta prouclama majourau dóu Felibrige en 1884, en plaço d'Aguste Verdot (*cigalo de Durènço*), èro na à Sisteroun, lou 26 de jun 1843. En 1864, èro mestre repetitour au licèu de Marsibo, e, un an après, partiguè pèr Paris. Soun proumié libre fu-guè *Jean des Figues*, segui de tant d'autre ounte, de-longo, e fínamen e richamen, ié sertissiè li jouieu de soun terradou, emé li diamant de neste cèu miejournau.

Lou 19 de Xbre, sus li 3 ouro, s'es fa, en Antibo, la ceremoniá funeràri, ounte èron representata li Felibre, li Cigalié, lou *Journal*, la vilo d'Antibo e soun coulège, lis ami, etc. ; e tòuti avien adu de flour e de courouno. Seguissien lou càrri, M. Lagrange,

adjudant au 112^a de ligno, cousin german d'ou mort, Aguste Marin e un grand noumbré d'ami e d'amiraire, entre li quau s'es arre-marca M. Charaire, maire de Scèus, lou doutour Bernard, representant li Gént de letro ; Maurise Rimbault, representant lou Felibrige ; Hallo, avoucat ; Guillaumont, Riouffe, Isnard, ajoun, e lou Counsèu municipau, emai lis autourita civilo e militari.

A la garo, i'a agu quatre discours. M. Bernard a parla au noum de la Soucieta di Gént de letro ; M. Charaire, au noum de la vilo de Scèus ; lou majourau Maurise Rimbault, au noum di Felibre, e M. Isnard, au noum de la Municipalita d'Antibo.

A miejour, lou 21 de desembre, lis óussèqui d'En Pau Arenò an agu liò à Sisteroun. Touto la vilo i'ero pèr ploura soun douz pouèto, e se pòu dire que Sisteroun a fa à soun enfant ilustre de funeraio superbo : noun se poudien couunta li courouno e li flour à brassado.

Au cementèri, M. Latil, maire, a saluda lou mort au noum de sa vilo nadalo ; lou majourau En Vitou Liétaud i'a fa lis adessias au noum d'ou Felibrige ; Albert Tournier, soun ami ear, i'es vengu traire li lagremo de soun cor e li regrett di Felibre de Paris ; Aguste Marin a pièti parla au noum d'ou *Journal*, qu'Areno èro dins sa redacioun ; M. G. Beinet a tra li regrett de sis ami sistrounen, etc., etc.

Pèr touto la Franço an elanti li plagnitudo dis amo qu'afeciounavon lou cantaire magnifique, lou countaire esperitau e fin que glourificavo à la ses li letro franceso e la lengo miejornalo ; e cresèn que res atroubara marrit qu'apoundeguen eici à noste adessias entristesi, aquéu qu'un di mestre di letro franceso, Armand Silvestre, ié trais de touto soun amo :

Ce beau et clair esprit, cette âme faite de lumière, ce doux génie latin où chantaient les sources divines du passé, tout cela s'est éteint. Cette loyauté dans les affections, cette sagesse dans la pensée, cette éloquence intime qui nous émerveillait, tout ce que nous aimions en lui est perdu pour nous. Sa mort laisse une plaie saignante dans nos coeurs. Elle laisse, dans les lettres françaises, un vide qui ne sera pas comblé : Paul Arène fut un des grands conteurs, non pas seulement de ce temps, mais de tous les âges de notre langue, et de tous les pays où l'on a conté. L'immortalité due à tous les écrivains de race s'est ou-

verte, hier, pour lui. Nous le glorifierons comme il convient. Mais aujourd'hui, nous n'avons de courage que pour le pleurer, lui, le doux, le bon, le spirituel Paul Arène parti ses mains dans les nôtres et à qui nous avons dit : Au revoir ! quand il fallait lui dire : adieu !

Mai, comue l'a tant hèn di Albert Tournier davans lou cros dóu cantaire de *la Gueuse parfumée* :

La terre natale se fera légère pour recouvrir à l'ombre de l'olivier, la frêle et délicate enveloppe du poète qui se survit dans les pages immortelles qui nous restent. Quelque cruelle que soit aujourd'hui la séparation, nous retrouverons notre ami, d'abord dans les deux monuments que nous nous proposons de lui élever, dès que le soleil aura fait fleurir les lilas et les roses : le premier à Sceaux, dans les charmeilles et sous les ombrages du parc de la duchesse du Maine, en un lieu qui convient bien à sa nature très rustique sans doute, mais aussi très aristocratique et très raffinée, — le second, ici même, sur une de vos places publiques, en août prochain, en sortant des représentations du théâtre d'Orange dont il fut un des initiateurs et où il obtint, avec *l'Ilot*, un si éclatant triomphe. Ce sera l'œuvre des grands sculpteurs qui tiendront à honneur de faire revivre ses traits.

Nous le retrouverons surtout dans les poésies qu'il a épargnées de tous côtés, qu'il a négligé de rassembler, avec son insouciance rare et délicieuse, mais que nous réunirons en volume pour le régale des lettrés et des délicats.

Lou Felibrige de Paris a decida, en cfèt, d'auboura, à Scèus, au mes de jun venènt, lou buste de Pau Arèno, pèr Injalbert, e de publica en voulume lis obro prouvençalo de soun ancian presidènt.

De soun constat, *l'Aïoli* publico uno tiero de letro d'Areno à Mistral, que soun regouirant d'esperit, de bello imour, e que fan counèisse l'ome autant que l'escrivan.

JAN MONNÉ.

Jo Flourau dóu Felibrige de Paris**PROUGRAMO***Councours literari*

A. — Pres dóu Menistre de l'Estrucioune publico au meiour estudi en proso franceso sus d'aquest tème :

La poésie patriotique en langue d'oc, à l'occasion de la guerre de 1870

B. — Uno medaio d'argènt au meiour sounet en lengo d'O sus
la Poumo-d'amour

C. — Uno medaio de vermièi à la meiouro odo en lengo d'O sus
PAU ARENO

que sara declamado à Scèus davans lou mounumen que dèu èstre auboura à-n-En Pau Areno.

D. — Uno medaio de vermièi au meiour estudi en lengo d'O sus
lou felibre Aguste Fourès

E. — Uno medaio d'argènt au meiour dialogue en proso d'O sus
li merite coumpara de l'oli e dòu burre

F. — Uno medaio d'argènt à la meiouro pouësia franceso sus :
Florian e Aubanel rendent à-de-rèng óumage à la Rèino de la Court d'amour

pouësia que sara dicho dins lou pargue de Scèus.

Councours classi

reserva is escoulan di licèu, coulège, escolo e istitucioun, que déurran designa soun establissemént e sa classo, fauto de que sarien bouta foro councours

Uno medaio d'argènt à la meiouro responso en lengo d'O, de 30 ligno lou mai, à la questioun seguente :

Pèr-dequé fau-ti ama la lengo dóu terraire ?

*Councours artisti***Dessin**

Un oujèt d'art semoundu pèr lou menistre di Bèus-Art au meiour mandadis prenquant nostre Miejour: rode, mounumen o retrà felibren

Musico

Uno medaio de vermiè à la meiouro componisiooun musicalo sus la pouësia següento d'En Pau Arenò :

FREJOULUN

I

Quent ivèr, ai ! las !
 De bàrrí de glas
 Barron li calanco ;
 La nèu espalanco
 Lis aubre fruchau...
 — La nèu ! que m'encha,
 Se la taulo es blanco !

II

Tout jalo, li pous
 Emai lis adous ;
 Lou moulin s'arrèsto ;
 Noun auren, pèr fèsto,
 De que lava 'n got...
 — L'aigo ! qu'es acò,
 Se lou vin nous rèsto ?

III

Lou soulèu a fre ;
 Souto lou tèms-dre,
 Li pàlis estello
 Cluchon la parpello...
 — l'ague plus de rai !
 Me souleiarai
 Is iue de ma Bello !

Li courrèire noun pourran prene part au councours literari que sus d'un soulet tèmo, e lis obro, noun signado, pourtaran uno deviso repetido sus un ple cacheta tenènt lou noum e la demoro de l'autour e l'affirmacioun que soun obro es inedito.

Li mandadis se dèvon faire, avans lou 15 de mai, à M. Sextius Michel, presidènt de la Societa, 54 bis, carriero Violet, à Paris, franc di dessin que fau manda à M. Amy, escultour, 155, avengudo d'Ourleans, e que saran amés enjusqu'au 30 de mai.



LI NOVO FELIBRENCO

PROUVÈNÇO

— Lou Menistre de l'Estrucioun publico, à l'óucasioun dóu proumié de janvié, a nouma óuficié de l'Estrucioun publico lou Mèstre en gaisabé Lucian Duc, autour di *Sèt rai de moun estello* e dóu pouème de *Marineto* e que, despièi tant e tant d'an, lucho lou bon coumbat pèr la pichoto patrò, pèr lou Felibrige, pèr la Prouvènço que tant amo, e pèr sa lengo, qu'enauro dins si cant em'un envanc que vous boulego l'amo.

Aplaudissèn de tout cor à-n-aquelo distincioun tant méritado qu'es la bello counsecracioun d'uno vido sacrificado de founs au Bèu emai au Verai, que soun li dous astre qu'enlusisson la draio de noste ami.

Dins la memo tiero, bonádi quàuquis ami de cor, nous sian atrouva peréu en tant bello coumpagno, e noun poudèn miés faire, esmougu que sian di marco de simpatiò qu'avèn reçaupudo à-n-aquéu prepaus, que de douna eici li quàuqui rego que l'escriván d'elèi G. Bouret nous counsacro, à Duc emai à ieu, dins *La Province* :

« Du même coup, Duc abandonnait le ruban pour la rosette ; Jean Monné, touchant au but qu'il aurait dû atteindre depuis de si longs mois, arborait les insignes du premier grade universitaire....

Je ne ferai pas l'éloge du nouvel Officier de l'Instruction publique, étant, de ma nature, peu donneur d'eau bénite. Il sait trop ce que je pense de lui, et ses amis le connaissent assez, pour que mon appréciation intime ajoute quelque chose à sa valeur réelle.

Duc est un baromètre qu'aucune pression ambiante ne fait varier, un thermomètre que les tourmentes du siècle influencent peu. Il vit une vie de labeur que le rêve du poète parvient, seul, à distraire quelquefois ; c'est un sage au milieu de notre ère de folie.

La nomination de Jean Monné, quoique tardive, toute due à l'initiative directe du Comité de la Province, rehausse non seulement la gloire de ce félibre méritant, mais aussi celle de l'Académie qui a contribué si heureusement à le pousser hors du rang.

Si le nom de Jean Monné n'est pas plus retentissant entre ceux des écrivains de race, il n'en est pas moins haut coté parmi le groupe félibréen, composé de lettrés délicats, fidèles à la petite patrie, comme Mistral, qui les guide et les commande. Ses œuvres ont le charme et la grâce d'une fleur née au printemps, et la langue provençale, dans laquelle elles sont écrites, leur prête encore ce parfum *sui generis* que dégagent volontiers les idiomes du Midi. A son bagage déjà lourd, gerbe considérable de pièces sérieuses ou légères, il convient de joindre CASAU, *dramo istouri en cinq ale*, et sa belle traduction en vers français de *Marinette*, cette sœur cadette de *Mireille*.

Travaillleur obstiné, poète de talent, resté jeune, le meilleur garçon du monde, tel est celui que la bienveillance du Ministre, sur les instances de ses amis, a bien voulu honorer cette fois. Mais pourquoi si tard ? Les premiers seront-ils donc toujours sur terre, comme on prétend que cela sera dans le ciel, les derniers ? Enfin, bravo pour Jean Monné, des deux mains et de plein cœur, comme nous avons dit bravo, l'an passé, pour Jules Troubat, si longtemps oublié, lui aussi ! (1)...

— Avèn peréu l'ur d'anouncia i coumpa que lou majourau En Maurise Raimbault, lou valènt cabiscòu de l'Escolo de Lerin, a reçaupu parieramen li paumo academico. N'i'en trasén eici nòsti felicitacioun couralo.

— Plagnen de tout cor li dòu de noste Capoulié En Félix Gras, e de sa sorre la felibresso dono Anaïs Roumanille, que vènon de perdre sa bravo maire, Roso Mario Gras, qu'es morto en Avignoun, lou 18 de janvié, dins si 91 an.

— Nous dison que lou proumié numerò dòu *Gau* a fa clanti soun cacaraca. Avèn pas agu l'ur de l'ausi ; mai acò noun empacho que naute qu'avèn, tant de bon cor, pica di man pèr lou congrès avignounen, nous es agradiéu de lou saluda e de ié souveta longo vido.

(1) Ajoutons que les collègues de bureau de Jean Monné lui ont offert spontanément, dans un bel écrin, les palmes académiques, ce qui prouve combien il est aimé autour de lui.

— *Les Alpilles*, acò sara un bulletin mesadié, que pareissira à parti dóu proumié de mars, dins lou cantoun de Sant-Roumié, souto la direicioun de noste sendi En Marius Girard.

Lou bulletin sara franco-prouvençau. Li vers galant ié faran coumpagno i conte galoi de Ed. Marrel, qu'alisco si galejado em'un biais requist.

L'abounage coustara cinquanto sòu pèr an.

— Lou 14 de janvié, sus li nou ouro de vèspre, li Maren se soun acampa pèr l'istalacioun dóu nouvèu burèu de l'Escolo de la Mar e pèr lou bateja de soun *Armana de la Mar*, de l'an 1897.

Noumbrous èron aquéli qu'avien respondu au rampèu dóu Burèu, que se i'atrouvavo coumplèt.

A l'entour dóu cabiscòu C. Majoullier, avien pres plaço li felibre A. Gautier, souto-cabiscòu ; L. Pascau, secretari : A. Martin, tresourié ; J. B. Jurand, archivaire.

I plaço d'ounour i'a de genti chatouneto que formon uno galant court d'amour : li damisello Martin, Bouis et Jurand n'en soun lou bouquet. Entre li felibre e ajudaire vengu à la fèsto citaren J. Chevalier, Toumas Roux, Louis Roux, Augustin Roux, Allavène, Louis Gautier, Abel Laugier, Conio, Poussieur, Portal.

Li majourau En Jousè Huot, En Jan Monné e moussu Ouraci Bertin s'èron fa escusa.

Le sesiho estènt duberto, lou cabiscòu parlo coume eiçò :

Midamo, Messiés,

« M'avès fa cabiscòu de vouesto Escolo, e aquéu titre mi douno lou plasé de prene la paraulo pèr vous gramacia de l'ounour que m'es avengu d'aquelo nouminaciun que m'adus la sucessien di Chailan, di Huot, e de tant d'autre qu'an mena la barco despièli la foundacioun de l'Escolo de la Mar, vouéli dire despièli 1877.

« Ieu, ai rèn publica, ai escri pau de cavo, e lou soulet titre à l'ounour tant grand que me fasès, es d'estre esta l'un di sèt patroun foundedou de l'Escolo de Marsiho e d'estre voueste decan d'age. Gramaci, dounc, à la fisancò qu'avès en ieu ; — mai acò's pas tout, — noun es tant eisa que lou cresès de mena la barco, e de-segur lei forçò e lou biais mi fautarien se noun poudieu courta sus leis ome fouert e valènt que m'avès douna pèr ajudo. Emé de tau Maren, pouden leva l'ancre, faire velo vers la pouësio dóu Bèu, e, tout en navegant dins leis aigo founso, acamparen d'ajudaire courajous e plen de gaudi que, coumo nous autre, cantaran la Prouvènço, sa lengo e sa bello mar.

« Es tambèn un ounour pèr ieu e pèr l'Escolo, de veire à nouesto acampado, li valènts escriván que, cada jour, nous pouergisson, em'un biais tant requist, li novo de la vilo, de la Prouvènço, e de tòuti lei païs. Que reçaupon eici nouéstei gramaci e que fugon assegura que saran sèmpre lei ben-vengu encò dei felibre de la Mar.

« A vautri tòuti, midamo, nouéstei gramaci li mai courau, car es bèn vous àutrei qu'adusès toujour dins nouéstis acamp la part la plus grando de jolo e d'ounour ; è de que sarié, vuei, sènsou vouesto gènto presènci, nouesto vesprado tant agradivo ? un prat sènsou flour, un jardin sènsou perfum, uno fèsto sènsou bouquet.

« Adounc, gramaci à vous, midamo, emai en touto l'acampado.

« A la santa de tòuti lève moun vèire ! »

Lou secretàri L. Pascau, après s'estre escusa de noun parla lou dialeite marsihés, béu au Felibrige, à l'Escolo de la Mar, à l'Armana d'aquest an, à-n-aquéu de l'an que vèn, i bravi gènt que representon la Presso e à tòuti li damo e messiés presènt, e clavo coume eiçò sa dicho : Vivo Prouvènço ! Vivo lou Felibrige ! Vivo Marsiho e li, Marsihés !

Pièi se canto e se brindo. Bouis dis *Lou pacan dóu Danùbi* ; Chevalier, la Mort de Zani ; Conio declamò à ma Muso ; Allaveno canto *Lou Picoun* : Toumas Roux, la *Bressarello* ; Pascau, *Lou vin de Jòu* ; Agustin Roux, *Pantai meloudious* ; Jurand, la *capitello de moun grand* ; Laugié legis *Toussant dins lu mountagno* ; e d'enterin que se canto, li vèire de *puncb* se vuejon e li coupode champagno s'auburon e se tuerton versanto e enauranto e li dragèio dóu bateja passon de man en man.

E la vesprado s'acabo sus lou cop d'uno ouro dóu matin, en remandançant la fèsto à l'acampado estivalo que se dèu faire soulennamen en ribo de la Mar.

— Lou majourau Savinian, frai dis Escolo Crestiano, autour d'uno grammatico prouvençalo e de versiou à l'usage dis escoulans pèr l'ensignamen dóu francès au mejan dóu prouvençau, éu que despièi tant de tèms, èro direitor dis Escolo libro d'Arle, e ié fasié prouado emé sa metodo, vèn d'èstre nouma ispeitor regiounau dis estudi, en residènci en Avignoun. Ié mandan couralamen nòsti felicitacioun.

— E d'abord que parlan dóu 'Frai Savinian, diren que soun obro : *Lectures et versions provençales-françaises*, en cinq voulume, emé d'ilustracioun, es en souscripcióun encò de Mmo Roumaniho, libraire en Avignoun, e se coupartis d'aquest biais : proumié voulume :

cours préparatori : mot e prouposicioun ; segound voulume : *cours clementari* : proso e raconte ; tresen voulume : *cours supérieur*, proumiero partido : moussèu de literaturo felibrenco, proso ; quatren voulume : *cours supérieur*, segoundo partido : moussèu de literaturo felibrenco, pouësio ; cinquen voulume : *cours complémentari* : Liounido, pouëmo en douge cant de Reinie Montaut. Sian assegura que tòuti lis ome qu'an au cor l'amour de sa lengo voudran noun soulamen pous-sedi aquelo obro marcantø, mai encaro batre rampèu à soun entour pèr soun espandimen.

— Vès eici la gènto counvidacioun que l'*Escolo de Lar* vèn de bandi pèr celebra l'anniversari vinten de sa foundacioun.

AUT LARG, LONG LAR

Vès-cicito, o l'Ami, brave Laren Felibre !
 De l'*Escolo de Lar* cantan l'anniversari
 Vinten, qu'à « l'Oustalet » (1) meterian à la tèsto
 Lou decan BONAFOUS, EMERY lou canounge,
 Doui Prouvençau devot de la Gaio Sciènci...
 Es à « l'Hotel dòu Nord » esto Felibrejado,
 Lou trento-un de janvié, à miejour, bèu dimenche ;
 Avans lou vinto-vue mandas la counsentido
 Au Clavaire MARTIN, carriero la Fountano,
 Qu'amara bèn marca la tierro di cantaire.
 L'escoutissoun es mai cinq franc, l'acoustumado.
 Auren gau vous ausi : s'aplaudigue la vuestro...
 Lou Cabiscòu VIDAL, — emai lou Secretari
 Dóu roudelet Sestian, Carle DE BONNECORSE.
 En nouesto capitalo, à-z-Ais, pèr Sant Antòni.

Em'acò, au jour di, li Laren an fa soun festenau, presida pèr la Rèino dòu Felibrige, e lou cabiscòu F. Vidal a tra de coumplimen en tòuti, dins aquesto arengo óurinalgo :

Triple salut à la bravo Coumpagno !
 D'abord à Tu, ve, gracieuso Rèino,
 Embellissènt chasco Felibrejado,
 E subre-tout lei nouestro, lei Larencs ;
 A-z-Ais, sian fièr d'avé la soubeirano
 Dóu Gai-Sabé. Talo, Clemènço Isauro,
 Segnourejant eilalin à Toulouso,
 En Terro d'O, sus touto l'Aquitani.

(1) Encò de noueste egrègi En de Berluc-Perüssis.

Poulit simbèu de la Gaio Sciènci
 Que soun tant fièr de pourta, lei felibre,
 Fiéu d'Apouloun, coumo antan dins la Grèço.

En te cantant, bouto, an la se, Prouvènço !
 Au grand soulèu de Diéu vouelon reviéure
 Dins l'esplendour de seis us e coustumo,
 En liberta, sus sa terro sacrado ;
 Vouelon canta l'Amour, la Pouësio.
 « Luse tout ço qu'es bèu, lou laid s'escounde. »
 D'aquest Miejour, o, mantènon lei glòri,
 Desplegant lou drapèu dòu Felibrige.

Tóutei louchan, louchan emé couragi,
 E seguissèn l'envanc de Fouent-Segugno
 Que s'afourtis, dempièi mié-siècle quàsi,
 'Mé belleis obro, emé belleis oubreto,
 Anant d'Europo au founs dòu Nouvèu-Mounde :
 Lei Capoulié fan *lou Rose, lei Rouge* ;
Lou Felibrige, e lou Gau 'mé l'Aïoli
 En tóuteis auro empouerton la grand novo.

Au còrus sant, Laren, cadun sa plego ;
 Que nouéstei couer baton pèr memo Causo :
 Regiounalisme, espero legitimo,
 Mai que degudo à nacien prouvençalo.
 Avans toujour ! Vogo, nau felibrenco,
 Bèn sisangouo, vers la terro proumessò.
 Adoune, long Lar, que sèmpre-mai l'Escolo
 Guèire lou fare ardènt de Santo Estello !

Ebri d'amour, gardant lei remembranco,
 Felibrejaire, anen, turten lou vèire ;
 Aubouren-se. Dau ! dau ! pourten sèt brinde :
 A l'aveni, glouriouso Patrio ;
 A nouesto Escolo, en d'aquest jour majouro ;
 A Rèino bello, eici, de Pouëslo ;
 Au Capoulié, 'm'à Mistral ; ei car mestre
 Arbaud-Peiresc, En de Berluc-Perùssis...

Aquitâni

— L'Escolo de Gastoun-Febus s'es acampado, à Pau, lou 7 de janvié.

Cinquanto-cinq escoulan se ié soun rambla, en seguido dóu rampeu que li sòci avien bandi en 9bre passa e que vès eici :

Monsieur et cher confrère,

Une Ecole félibréenne, dont l'action doit s'étendre en pays de Bigorre, de Lannes et de Béarn, vient d'être fondée.

Quelques amis dévoués ont posé les premiers jalons et formé le noyau initial. MM. I. Salles, le grand poète landais, et Lespy, l'érudit des choses du Béarn, ont accepté la présidence d'honneur ; M. Adrien Planté, président de la Société des Sciences, Lettres et Arts de Pau, la présidence effective ; MM. le Dr Dejeanne, maire de Bagnères-de-Bigorre, et Labaigt-Langlade, curé de Monas, la vice-présidence.

Les premiers groupés, en se constituant et en demandant à la Maintenance d'Aquitaine la reconnaissance de l'*Ecole Gaston-Phébus*, n'ont voulu ni imposer leurs vues personnelles, ni faire acte d'autorité. Mais il fallait que le drapeau fût levé, autour duquel viendraient s'unir tous les tenants de la langue natale. — Il l'est aujourd'hui.

Toutes les opinions politiques ou religieuses sont représentées dans le bureau, mais la politique est rigoureusement laissée au vestiaire. C'est dire que les portes de l'Ecole sont ouvertes à tous ; et ses adhérents, oublieux de ce qui, par ailleurs, les divise, y fraternisent, apprennent à s'y estimer, à s'y aimer, ayant au cœur le même amour, poursuivant le même but.

Que voulons-nous tous, si ce n'est entretenir le culte du parler des aieux, garder les traditions, sauver l'âme de nos provinces ?

Ce qu'ont fait Provençaux et Languedociens, pourquoi ne pourrions-nous le faire ? Nous n'avons pas de Mistral ? A défaut, l'union des bonnes volontés suffira.

Nous n'avons pas de Mistral, mais nous pouvons l'avoir. Qui sait si le frère inspiré du grand chantre de « Mireille » n'est pas assis, aujourd'hui, sur les bancs de nos écoles ? Qui sait si les Jeux floraux que le groupe doit organiser, ne réveilleront pas le génie qui dort, ne lui donneront pas conscience de lui-même, n'ouvriront pas ses ailes, ne provoqueront pas son essor ?

Et de toute façon : soit que parmi nous se trouve déjà celui que nous attendons, soit que nous contribuions seulement à le susciter, quelle tâche plus belle que la nôtre !

Cher Monsieur, l'union de tous est nécessaire ; nous avons besoin de toutes nos forces. Votre place est marquée parmi nous ; vous ne voudrez pas, par votre abstention, contribuer à l'échec d'une œuvre qui vous est chère. Nous nous plaçons sous l'invocation du nom de *Gaston-Phébus*, le gentil vicomte béarnais, lequel, en même temps qu'il était, dans ses *Déduictes de la Chasse*, un des plus purs écrivains du XIV^e siècle, composait, suivant la tradition, la délicieuse chanson *Aquères mountines*, s'entourait de poètes : *Le Troubadour*, Arnaut d'Antii, de Salics, et serait le plus ancien de nos prédécesseurs.

La cotisation annuelle, fixée à 6 francs pour les membres adhérents, nous permettra — avec l'appui pécuniaire que nous espérons de par ailleurs — d'organiser des Jeux floraux et de fonder une petite Revue qui serait l'organe de l'Ecole, largement ouvert à tous.

Nous comptons que nous recevrons bientôt votre adhésion, vos encouragements et votre appui qui nous seront précieux.

La cause félibréenne triomphe en Provence et dans le Languedoc ; derniers venus, nous la ferons triompher dans notre région, pour la gloire de la petite et de la grande Patrie.

18 novembre 1896.

Entre lis escoulan que caminon souto la bandiero aubourado pér l'escolo de Gastoun-Febus, se comto MM. Dufourcet, président de la Soucieta Borda, Basthety, redatour en chèfe dou Memouriau de Pau, de Lailhacar, lou prince de Clermount-Tonnerre, Alicot, députa d'Argelès, lou comte de Lagrese, Jan Rameau, doutour Reclus, D. Lafore, redatour en chèfe dou *Democrate* d'Ourthez, Darclanne, l'abat Lacaze, Jan Passy, archivisto paleougrafo, (fiéu de Frederi Passy) Meissenim Lauresse, doutour es letro, Doutour Camou, président de la soucieta amistadouso di Bigourdan, à Bourdèus, Enri Pellissoun, lou felibre devot d'Aredo, e tant d'autre, e tant d'autre qu'eme li Planté, Lafore, Lalanne, Labaig-Langlade, Eyt, Palay, de Cardaillac, Doutour Dejeanne, P. Lavigne, Pau Gassié, e neste ami Miquèu Camelat, se soun auboura pér semena lou bon gran.

E veici la letro que lou cabiscòu, A. Planté, avié mandado i sóci de l'Escolo :

Moussu e gai counfray,

Que-*q* pregam hère de biene à l'assemblade de l'Escole Gastoun-Fébus, qui-s tiendra en la bile de Pau, à la Hale-Nabe, crampe n° 2, lou 7 de yenè (7 janvier) 1897, a dues hores dou brèspe.

Que s'y parlera :

1° Dens dinès de l'Escole ;

2° De la Rebiste ;

3° De la proupagande.

A mièydie e mièy, u disna que-s hera en l'oustau de Lassalle, *Café-Restaurant National*, place de la Hale n° 3, à 55 sos per cap, cafè coumprés.

Lous qui boularan tauleya de coumpañie, que soun pregats d'at ha sabé, abants lou 4 de yenè, à Moussu P.-D. Lafore, place St-Pierre, à Orthez.

Lou président,

Adrien PLANTÉ.

S'es decida, dins aquelo acampado, la creacioun d'uno revisto, que pareissira cade trimestre, souto lou titre : *Reclam de Bear, Bigorre e Lannès*. Lou proumié numerò pareissira à la fin de janvié. Lou Coumitat de publicacioun es coumpausa de MM. Leo Lapeyre, Planté e de Lagrèse.

Après, s'es tauleja e brinda emé grand envanc en ounour de la lengo maire.

L'Escolo de Gastoun-Fébus fai prouado, comto d'adesioun un pau pertout : dos au Senegal, siéis à Paris, dos à Bourdèus e lèu n'i'en vendra uno dougeno d'Americo.

— Lou mantenèire aquitan, Miquèu Camelat, se vèn de marida. Souvètan que Santo Estello enlusigue sa draio e ié fague flouri li joio e lis espèr de la vido.

— Nòsti felicitacioun, li mandan voulountié au felibre J. B. Rouquet, de Caours, que vèn de gagna lou proumié pres, diplomo e paumeto d'ounour, au councours dubert pèr l'Acadèmi *Mont-Real* de Toulouso, pèr uno odo en lengadoucian sus lou courounamen dóu Czar.

CATALOUGNO

— Dins lou *Cartell* que vènon d'espandi li mantenèire di Jo Flouren de Barcilouno, que se tendran lou proumié dimenche de Mai venènt, a dòu mes, tóuti li coumpousicioun soun amesso, que saran escricho dins l'un o l'autre di dialète dòu Miejour de la Franço.

Tóuti lis obro, rigourousamen inedito, e en escrituro claro e neto, aurán d'estre remesso au secretariat dóu Counsistòri, carriero dóu *Governador*, i, avans lou proumié d'abrieu à miejour, en jougnent à caduno un ple cacheta tenent lou noum e la demoro de l'autour e pourtant uno deviso que sara reproducho sus lou manuscri.

Lou secretari di Jo Flourau d'oungan es M. *Lluis Duran y Ventosa*, à l'adréissos dounado eici-dessubre. à Barcilouno (Espagno).

LENGADÒ

— La segoundo di cansoun publicado pèr la *Campana de Magalona*, vén de parésse ; es *L'universitat à Mount-Polié*, paraulo dóu sendi de Lengadò, Ip. Messine, musico de E. Beziers.

Uno pourido gravaduro de E. Marsal engarlando la cansoun, e la prefumo dóu rire di Felibre que, tóuti au balcoun, emé L. Roumieux e Arnavielle dins lou roudelet, regardon passa l'universita seculàri dóu Clapas, e canton :

A Marseilha, l'oli, lou blat.
Lou bastimen, la mar proufundo :
Dounas-i la terra emai l'ounda
Au clapas l'universitat.

— Lou felibre mantenèire Jan Fournel, secretari de la Mantenènço de Lengadò, s'es marida, lou 14 dóu mes de janvié, emé madamsello Celestino Olier. Que Santo Estello, mau-grat li jour ivernouge, enlusigue de flour lou camin di bèu nòvi e li brèsse dins li pantai d'or que l'amour soul congreio.

— Lou 10 de Janvié, l'*Escolo moundino* s'es acampado au Capitòli de Toulouso, en noumbrouso coumpañié, souto la presidènci de soun cabiscòu Louis Vergne, e se i'es parla di Jo Flourau de 1897, que couprendran aquest cop uno tiero di Bèus-Art.

En tre que lou mounumen de Goudouli sara acaba, l'*Escolo boutara* au councours uno cantato en soun ounour, emé la musico d'aquel obro, e tambèn uno grando aficho pèr anouncia au pople li gràndi festo que se faran sus d'aquelo estiganço.

De counferénci saran facho, dins lou courrént de l'annado, au proufié dóu mounumen de Fourès, e, sus la prepausicioun de demanda au Gouvèr de joio pèr li grand Jo Flourau, se claus sesiho pèr ana feli-breja vers l'oste Riche.

— Antòni Bigot, l'autour renoumena di *Bourgadiero*, de *Flou d'armas* e de *Fusios toumbados*, que si fablo, Martin de Nimes li disié tant bèn, vén de mourir à Nimes, dins si 71 an, lou 7 d'aqueste mes de janvié. Es uno fisiounoumio poupoplari que disparéis.

Lou Gerent : Jan Nonne.

Eempremarié felibrenco de Lucian Duc, 35, carriero Rousset, Paris.

CROUNICO

Lou Nounanto-Nòu à Valènço

Lou dissate 20 e lou dimenche 21 de febrié, se soun dounado à Valenço dos representacioun de la pèço de Gacian Almoric de Chabrihan, qu'an fa prouado.

Souto l'aflat de l'abat Louis Moutier, lou cabiscòu valènt e ardènt de l'Escolo dóusinalo, e pèr lou cor d'apostòli de M. de Gailhard-Bancel, l'idèio felibrenco fai taco d'òli dins li terro de la Droumo, e li comèdi d'Almoric fan la joie dóu pople e ié bouton lou rire à l'amo.

En legissènt li comte rendu que se soun fa d'aquelei dos flàmi representacioun, avèn mai-que-mai regreta que la traito *influenza* que nous tèn aclapa despièi tout-aro dos mesado, nous ague empacha de respondre couine l'aurian vougu à la frairenalo coundacioun dóu cabiscòu *d'Estialo* e i paraulo amigo que nous pourti de la part dóu felibre Almoric, M. de Gailhard-Bancel, lou tant bèn emparaula president di sendicat agricolo de la Droumo.

Basto, Almoric e sa troupo de jouve atour èron vengu à Valenço, lou 20 de febrié, e lou vèspre la salo de la carriero dóu Jardin-dòu-Rèi èro coumoulo de bèu pople, que tòuti li plaço èron presso d'avanco, e que tout lou mounde l'anavo coume l'avé vai à la sau.

Avien pòu, lis istigatour d'aquecli representacioun, que lou parla de Grano fuguèsse pas recaupu come i'ero degu pèr li gent de la vilo : ah ! pechaire ! raço racejo, e totti aquécli que i'eron vengu an begu de la, come se dis, à-n-ausi brounzina la fièro parladuro de la terro.

Lou Pai Savié de Fourviero l'ero i plaço d'ounour.

Mai l'ouro es vengudo — lou ridèu s'aubouro. — M. de Gailhard s'avanco,e avans que posque parla, es uno trouadisso de picamen de man que s'aubouro. Eu, pièi, parlo dòu Felibrige :

“ ... Né du besoin éprouvé, un peu partout, de lutter contre une centralisation à outrance ; nous n'avons pas seulement l'unité, mais l'uniformité. C'est en adversaire de celle-ci, ennemie des initiatives, du génie, de la littérature de nos provinces, que s'élève le Félibrige.

“ Avec M. Almoric, le Félibrige dauphinois est entré dans une voie nouvelle : il s'affirme, et le public va pouvoir applaudir à cette affirmation.

“ Ce qu'il importe de constater, — apound l'ouratour, — c'est l'œuvre à la fois sociale et littéraire accomplie par les amateurs du gai scavoar venus des rives de Granette.

“ En faisant mieux apprécier la langue du sol, ils font mieux aimer celui-ci, et en le faisant aimer ils lui conservent les générations fortes, laborieuses, saines, qui restent l'espoir de la Patrie.

“ Ils maintiennent parmi elles ce faisceau de traditions, de croyances, de coutumes qui forme les véritables petites patries dont la réunion constitue la grande : bien loin de désunir, ils lient davantage tous les éléments de la nation dans un même amour et une même sympathie.

“ Au point de vue littéraire, le résultat ne sera certainement pas moins beau.

“ Notre langue ne peut que s'enrichir des emprunts librement consentis par la vieille langue d'oc.

“ L'inspiration des modernes ne perdra rien à l'étude des œuvres des contemporains du roi René comme de celles de Roumanille, d'Aubanel et de Mistral.

« Et les masses auront plus de profit et de doux plaisir à l'audition des poèmes du Félibrige qu'à celles d'œuvres trop modernes, macabres ou déliquestentes, alors que la poésie du pays du soleil semble toujours chanter un perpétuel renouveau. »

M. de Gailhard analiso pièi lis obro que se vai representat : *Durant*, tros superbe tira dóu Rose de mounsen l'abat Moutier, e *Lou Nounanto-Nòu*, coumèdi d'Almoric. (1)

Lioubè, maire d'un village d'oufinen, s'alestis pèr ana mena li cousscri de sa coumuno au tirage au sort, e pèr reçauvre M. lou Prefèt.

A sa chato, Julio, qu'a 'n pretendu, Anatòli, qu'es cousscri peréu e que ié vèn dire bonjour avans d'ana tira, M. lou Maire, d'en-terin, a croumpa un bihet de loutarié que lou gros lot es de 100 000 fr. Se crèi d'agué lou numerò 99 e s'imagino adeja d'estre l'urous gagnaire d'aquéli picaioun. Li couseri parton, Lioubè lis acoumpagno. Anatòli aguènt tira bon, ié demando la man de sa chato, que lou maire noun ié refuso, e quand s'anavo bouta taulo pèr festeja li fiançao, zóu ! Lioubè arribo e crido que lou numerò 99 a gagna e qu'estènt riche noun pòu baia sa filho à-n-un païsan, e lou mariage es rout. Mai, vai te faire lanlèro, Lioubè, sachènt pas legi, a pas vist qu'es lou numerò 66 qu'a pres e noun lou numerò 99, e fau lou mestre d'escolo pèr lou tira de soun errour. Basto ! la verita aguènt lusi is iue de mestre Lioubè, Anatòli devèn l'urous marit de Julio.

M. de Gailhard aguènt acaba sa dicho, acò vèn is atour de parla :

Se declamo, pèr durbi la tierro, *lou dóu Gardos* d'Almoric, e *Durant* o *lou soulèu dóu Pastre* de l'abat Moutier, e pièi *lou Nounanto-nòu* debano si sceno que soun un vertadié triounfle pèr l'autour e pèr lis atour. Mèste Fraud, subre-tout, dins lou role dóu Maire, es esta superbe e touto aquelo jouventuro es sus li plancho em'un biais e uno cisanço que dirias d'artisto vertadiç.

Lou lendeman, *Lou Nounanto-nòu* tòurna-mai se jouguè davans uno salo mai que pleno, après la declamacioun de quauqui moussèu dis obro d'Ernest Chalamel, lou pouèto ispira de Diou-

(1) *Lou nounanto-nòu*, broucaduro de 116 pajo in-8, emé là traduciuon franceso vis-à-vis.

loufet, qu'a peréu eseri tant de belli coumèdi dins lou parla de la Drouino.

Lou cant di labouraire, d'Almoric a clava li dos vesprado, e es esta aclama en meme tèms que soun autour.

Li gènt de Valènço an reçaupu li felibre emé lou cor sus la man e long-tèms se ié parlara dóu *Nounanto-nòu* e dis atour tant bèn engaubia que fan lusi l'obro d'Almoric e la lengo maire pertout ounte Diéu vòu que desplegon la bandiero de Chabreilho.

Longo-mai flouteje aquéu drapèu bèn-astra sus li serre dóusinen.

JAN MONNÉ.

MORTUORUM

— Sus la fin de febrié, es mort en Arle, l'escultour Marius Dieudonné, que prouclamerian mantenèire de Prouvènço, lou 20 d'outobre 1889, à Tourve, (Var), e que fasié partido de l'*Escole dòu Lioun*.

Pèr testamen, entre àutri legat, a leissa au musèu Reattu, si tableu, pasteu, aquarello, gravaduro, dessin, esculturo, estatuo, buste, bas-relèu, gip, terro-cuecho e moble artisti pèr èstre li premié rai d'un musèu arlaten.

Que santo Estello l'encouroune !

— Lou 3 de mars, es mort à Marsiho, lou canounge Albanès, un savènt que touto sa vido a travaia pèr la glourificacioun de la Prouvènço, e qu'au moumen de sa mort boutavo la darriero man à-n-uno obro capitalo : *L'Histoire religieuse de la Provence*, que soun ami e co-lauraire, lou canounge Ulisso Chevalier publicara lèu-lèu.

— Lou 5 de mars, en Auriòu, lis óussèqui dóu canounge Albanès se soun celebrado em'un grand councours de pople, e lou majourau En Louis de Berluc-Perussis a di, sus soun cros, tóuti li merite, touto la glòri d'aqueu savènt moudèste, que sa remembranço sara caro en tóuti lis ami di causo miejournalo, en tout bon Prouvènço.

— Lou 3 de mars, es mort, à Marsiho, lou felibre mantenèire Marius Cognat, nebout d'En Jan Monné, e reviraire, en vers francés, de soun dramo de *Casau*. Santo Estello l'ague reçaupu dins sa glòri !

A passa tèms, es proun verai,
Se mesfisavon di Felibre :
Avien bèle à faire de libre,
Douço Estello, avien que ti rai !

Mai, aro, ounouron tis amaire,
Di soudard fin-qu'au generau ;
Dos fes, en decourant Mistrau,
An decoura la lengo maire !

E la vióuleto au douz perfum,
Dous comme aquéu de la cacio,
Te l'avèn mandado à Marsiho,
Brave Monné : n'es plus un fum !

A la fin es recoumpensado
Ta bello ardour pèr nòsti dre ;
Mau-grat li nèblo e li tèms fre,
Ta *Flour d'Uvèuno* es estelado.

Pèr Bonnefois, cor prouvençau
Secutant li rimo pourido,
Li chato d'Arle l'an culido
La floureto que tant fai gau.

Pèire Duffau es un libraire
Plen d'idéio e que coumpren l'Art,
E que, finocco, sèns retard
A fa réusssi soun afaire.

N'i'a d'autre — mai n'en dirai rèn —
Qu'an vist troumpa sis esperanço...
Mai soun pas li soulet en Franco :
L'ounour noun s'aganto en courrènt...

Pèr ieu, Messiés, dins ma rouseto,
Es la *Province* qu'an flouca ;
Mai, avès vougu l'estaca
Em'un riban de Marineto...

Vous disènt gramaci de cor,
Ieu brinde à la lengo meiralo,
Pièi à la toco freirenalo
De camina tóuti d'accord !

LUCIAN DUC.

En seguido d'aquéu brinde, lou brave Ougèni Garcin a begu à l'unioun di Felibre de Paris e de Prouvènço que, tòuti, dèvon agué pèr toco de faire reveni l'ome à la naturo.

Poudèn qu'aplaudi à-n-aquéli sentimen, en disènt gramaci au gènt felibre pèr li paraulo couralo qu'a dicho à nosto adrèisso.

— Lou 22 de febrié, M. lou Président de la Republico a reçaupu la coumessioun cargado d'ourganisa li representacioun naciounalo dóu teatre antique d'Aurenjo, e vès-eici çò que s'es arresta :

Lou 31 de juliet, M. lou Président de la Republico partira de Paris e aribara à Valençò, lou 1 d'avoust, sus li dès ouro dóu matin. Aqui, ié passara la journado entiero que sara en partido counsacrado à l'inaguracioun di mounumen d'Emilo Augier e de Bancel.

Lou 2 d'avoust, dins la matinado, M. lou Président de la Republico quitara Valençò, e descendra lou Rose en batèu jusqu'au Revestidou. La davalado durara pèr lou mens siès ouro, après un arrest de miejo-oureto à Bourg-Sant-Andiòu.

Li felibre de Paris faran courtège à M. lou Président dins uno autre barco.

Lou vèspre d'aquéu jour, M. Fèlis Faure ounourara de sa presènci la proumiero representacioun au teatre antique. Se dounara un proulogue de Jean Richepin, pèr durbi l'espèctacle, e lis *Erynnies*, de Leconte de Lisle, emé musico de Massenet.

L'espèctacle dóu 3 d'avoust sara compausa dóu même proulogue emé *Antigone* o *Cèdipe Roi*. M. Fèlis Faure noun i'assistara, que quitara Aurenjo lou même jour.

Aquéu jour s'inagurara lou buste d'Ansèume Matiéu à Castèu-nòudou-Papo, e s'anara pièi à Sisteroun pèr l'inaguracioun dóu mounumen de Pau Areno.

— Se dis que *Lou Pouly*, lou celèbre toreador miejournau, s'es bouta à la dispausicioun dóu Coumitat dóu mounumen à-n-auboura à-n-En Pau Areno, pèr ourganisa uno courso de biòu que lou moutant n'en sarié remés au tresorié dóu sobre-di mounumen.

— I'a de journau qu'afourtisson que la felibrejado de Santo-Estello se fara en Aurenjo à l'oucasioun de la vengudo de M. lou Président de la Republico i representacioun dóu teatre antique, qu'en seguido dóu banquet felibren se tendrié uno court d'amour e que la rèino de la court d'amour sarié madamisello Faure, la gènto fiho de M. lou président de la Republico.

Cresèn pulèu que la Santo-Estello se tendra à Sisteroun, en estènt que lou President de la Republico restara qu'un jour en Aurenjo e que sarié pas poussible de faire nosto festo de famiho au mitan de l'entrevadis di festo óuficialo.

— *L'escourregudo en Anglo-Terro* que l'*Atòltavié* dounado en fuie-toun, vén de parèisse en broucaduro (152 pajo in-12). La demanda à l'autour, Don Savié de Fourviero, à Frigoulet.

— Nòsti vot li mai courau, li mandan de tout cor i bèu nòvi : lou baroun Pèire de Tourtouloun, marqués de Barre, e madamisello Berto Deninger, e trasèn nòsti felicitacioun à l'urous paire lou baroun Carle de Tourtouloun, l'autour ilustre de l'istòri de *Jaume lou Coumquistaire*. Santo Estello enlusigue la draio dóu baroun Pèire e de sa gènto mouié.

— Lou felibre-dòutour Felip Rey, medecin en chèfe de l'Asilo di fòu de Sant-Pèire, à Marsiho, es nouma direitor-medecin de l'asilo di fòu à-z-Ais, e pourta à la classo eicensiounalo de si founicioun. Nòsti felicitacioun couralo.

— A l'óucasioun de sa nouminacioun au grado d'óuficié de l'Estruciuon publico, lou Mèstre en gai-sabé Lucian Duc a reçau pu li coumplimen dis ami, e nous agrado de publica aquesti vers dóu felibre de Sorgo :

Se lou Menistre a bèn vougu
Te decerni, mon brave Du,
Uno distincioun meritado
Per toun travai qu'a tant proudu,
Quau n'ero mai digne que tu ?
Dins nosto Prouvènço encantado
Que dins ti vers as tant cantado,
Despièi que siés amount perdu,
A Paris, liuen de toun cèu blu !..

Tambèn, iéu, lou cor esmougu,
Tant bèn que mau, ai apoundu
Mi felicitacioun couralo
Escricho en la lengo meiralo,
Au triounfle que t'es degu !...

Fermin SAUVAN,
Felibre travaiadou.

Veici, peréu, coume lou gènt autour de la *Garbeto valauriano* parlo di *Sët rai de moun estello* e dòu pouèmo de *Marineto*, l'obro prouvençalo de Lucian Duc :

Vous cresés *escoulan*, un pichounet manobro,
Eh bén, noun ! sias un *mèstro*, avès fa dous cap-d'obro.
Soun dous libre agradiéu, dous galant mounumen
Basti 'mè voste cor, plen de naut sentimen ;
Soun de rai lumenous de la literaturo ;
Fan véire la grandour de Diéu, de la Naturo !

Que siegue *Marineto* o siegue li *Sët Rai*,
Soun dous flambéu d'amour, de béuta, de verai ;
Dins li dous, l'esperit de nosto anciano Franço
Lusis e fai greia l'aubre de l'Esperanço !

MAURICE GIRARD.

— *Lou Gau* a fa parèisse soun tresen numerò, e longo-mai, coume dis P. Belu :

Cacaraca ! Vivo lou gau !
Aura pas pôu, lou flér cantaire ;
Cantara clar que fara gau !
Cacaraca ! Vivo lou gau !
Se n'i'a que fougnon, i'es egau :
Soun pas de comte, li fougnaire ;
Cacaraca ! Vivo lou gau !
Aura pas pôu, lou flér cantaire !

AUVERGNO

— En Auriha, li 8 e 10 de febrié, au grand teatre, davans un publi noumbroux, M. Stephane, atour dòu teatre di Varieta de Paris, a di quàuqui moussèu de *Flour de Brousso*, dòu cabiscòu A. Vermenouze qu'an fa ploure sus l'atour e sus l'autour uno raisso de picamen de man : *Un bel Bedel*, *Pesco-Luno*, *Lou medeci cossaire*, *Dindoulet e Gingoulet*, *Popiolo*, tant de moussèu, tant d'ouvacioun. Tóuti lis escoutaire e li felibre vengu pèr ausi M. Stephane soun esta ravi de l'entèndre.

Catalouguño

— *L'Atlantida*, revisto literari de Barcilonoun anóuncio que publicara en fuietoun *Lo poemo del Rose* de Frederi Mistral revira en catalan pèr F. Soler.

— La tiero di counferènci inaugurado l'an passa à l'Atenèu Barciliounés, sobre de temo pretoucant la Catalouguo se countùnio aquest an e li journau n'en dounon li sujet emai lou noum di counferencié.

lé vesèn emé plesi l'anóuncio d'uno counferènci sus *Mistrau e soun darrié pouemo* que sara donnado pèr Don Jousè Soler y Miquel.

LIMOUSIN

Lou Bournat courroçian de Paris s'es acampa lou 9 de janvié, e se i'es di e canta proun obro dóu terraire, après de bourrèio e moun-tagnardo, quauquis-uno au son de la vielo.

— En l'ounour di Soucieta limousino de Paris, l'Escolo parisenco dóu Felibrige a tengu sesiho lou 21 de janvié, e se i'es canta e declama en lengo d'O, tant en prouvençau qu'en limousin.

— Lou prougramo di Jo Flourau de l'*Englantina* sara manda en quau n'en fara la demando à M. Sernin Santy, 2, carriero Bertrand-de-Born, à Brivo, que, dins soun *Lemouzi*, douno tòuti li novo interessant lis Escolo limousino e li Limousin. Lou numerò de janvié tèn la fin dóu Leissisque limousin tira pèr M. Ramoun Laborde dis obro dóu majourau En Jousè Roux.

— Lou 7 de febrié, en vilo de Brivo, li mantenèire de l'Escolo limousino an semoundu 'no sesiho flamo is ajudaire emai is abouna de *Lemouzi*, dins la salo dóu fougau dóu teatre. Madamiseljo Madaleno Santy, graciouso e gènto, a dubert la sesiho, en disent em'un galant biais un coumplimen en vers. Lou souto-cabiscòu a, pièi, en uno charradisso regouiranto d'esperit, descata lou prougramo que l'Escolo limousino a arresta pèr si felibrejado d'ivèr. Em'acoumpagnamen de la *cabreta* e de la *viejo*, la voues fresco e agradivo de M. Jan Raynal, canto l'*Escoudaire* dóu mestre en gai-sabé Ousèbi Bombal ; Paul Villieras bresiho sus soun viòlouloun uno cansoun de *Mirèio*. *L'ase de la Nanou*, tira de *Pèr s'esclafar* de Marpillat, fai rire à se desgargamela tòuti lis escoutaire, e la fèsto s'es clavado pèr un *gramaci en tòutli* dóu souto-cabiscòu S. Santy, e quauqui moussèu de musico.

— A la reunioun dóu *Bournat courresian* de Paris, dóu 13 de febrié de 1897, s'es di de *Fablo limousino* de M. Caze, *La counseicu de Peirou*, de Marpillat ; *Lou soudard*, cansoun poupoplari ; *La pesta de Tula*, d'A. Vialle ; *Lou tessou de lacb*, de M. Caze, e pièi s'es dansa la bourrèio au son de la *cabreta*. Zou ! que rounfle la *cabreta* dins li nèblo de la capitalo, acò bouto de soulèu au cor !

— Lou libre de M. Marpillat, *Pèr s'esclafar*, vèn de parèisse. Aquéli que lou volon an que d'escrieure à l'autour, 36, carriero Monge, à Paris ; ié coustara tres franc.

— Encò de M. Lagueny, à Limojo, vènon de s'estampa quauqui cansoun limousino de Mazabraud : *Lou cbabretaire, lou Cor de mia, Lou vielb e la Bardieira, L'urouso Jardinieira, Lou Ribam*, emé la musico.

Zou ! que se cante dins lou parla dóu brès. Li cansoun soun lou meiour mejan d'espandi e de sauva la lengo !

LENGADÒ

— *L'ange e lou pastre*, nouvè dóu curat Doumèrgue, d'Aramoun, musico de Louis Combes, vèn d'estre edita dins li cansoun de la *Campagna de Magalouna* e costo dès sòu.

— La *Cigalo d'or* repaireissira dins dous o tres mes, souto la formo d'uno revisto e souto la direicioun d'un felibre que sa situacioun dins lou mounde universitari ié permetra de parla em'autourita dóu mouvement felibren e dóu mouvemen regjounalisti.

— La *Harpe*, revisto cetòri, fai uno plaço à la lengo d'O, e aquelo partido sara souto la direicioun dóu gènt felibre E. Castelnau. Brave !

— L'Escolo audenco vén de faire parèisse lou proumié voulume dis obro poustumo d'Aguste Fourès : *La Muso silvestro*. Pèr l'agué, i'a que de faire teni un mandat poustau de 2 fr. 50 au Secretari de l'Escolo, 3, carriero Vitor Hugo, à Carcassouno.

Lou segound voulume : *La Sègo*, pareissira lèu, lèu.

— L'Escolo felibreno de Paris, que fai partido, coume se saup, de la Mantenènço de Lengadò, a renouvela soun burèu de la façoun seguènto :

Cabiscòu : lou dóufinen Ronjat ; sonto-cabiscòu : Bonnaud, lengadoucian, e Marpillat, limousin ; de Saint-Pons, prouvençau, baile-secretari ; Cavalié, lengadoucian, e Mange, prouvençau, secretari ; Fourès, carsinòu, coumessàri di festo, e Carle Brun secretari generau ounouràri.

— Lou *Cascaï de l'Erau*, es un voulume qu'alestis lou felibre de Cournoun-terrau, Bastido de Clauzel, e que counvido pèr lou coumpli tóuti li literatour de lengo d'o, artisto, pintre, musicaler, gravaire, etc. de l'Erau.

Aquelo obro artistico figurara à l'Espausicion universal de 1900.

— L'assemblado generalo de la Mantenènço de Lengadò se tendra à Narbouno, au mes de jun.

— Vèn de parèisse, à Mount-Pelié : *Dins las carricîras dau Clapas*, pèr E. Marsal, majorau dóu Felibridge, emé 50 image dóu même e un Avans-prepaus de P. Chassary.

Poudèn pas miés faire pèr signala aquelo obro is ami di letro mie-journalo que de repeti ço que n'en dis Gui de Mount-Pavoun dins l'*Ajòli* dóu 7 de janvié :

« Mount-Pelié, de-segur, es uno de nòsti vilo ounte barbèlo mai « qu'en-liò lou patrioutisme loucau. Mai, se volon regala si felen, li « mount-pelieren, se volon ié sauva lou savourun dóu fru, se volon « que d'un cop d'ieu tout enfant dóu Clapas retrove sa carriero, es « de crèire que lou libre de l'artisto patrioto que s'apello Edouard « Marsal, vai èstre enleva lèu pèr tòuti li bon clapassié.

— La festo di grand Jo flourau cetòri se fara souleñnamen lou 31 d'avoust ; i'aura de pres superbe degu à la munificènci de la municipalita, e un vas de Sevro que lou président de la Republico a dejá fa teni au coumitat di festo.

— La *Cigalo d'or* tournara parèisse après l'assemblado generalo de la Mantenènço :

« Dau ! Dau !
Brando tis alo,
Ma cigalo,
Dau ! Dau !
Asigo ti mirau ! »

— A Toulouso, a pareigu *Pensado Bagamoundo*, recuei de pouësia mouudino pèr A. Monlong. Costo quinge sòu, à l'*Escolo moundino*.

— La counferènça dounado au Capitòli de Toulouso pèr lou pouëto Armand Silvèstre au proufié dóu mounumien d'A. Fourès, a proudu la soumo de 801 fr.

— Li Cetòri se boulègon. *La Harpe*, que la Soucieta literàri de Ceto espandis, à parti de soun numerò dóu 28 Xbre, a dubert si porto au parla miejournau, souto lou gènt aflat dóu felibre dóu *Ratast*, coume lou disèn plus aut.

Per quau canto e ris
Quioon refleuris.

dis la deviso de l'*Escolo felibreno* de Ceto. Zóu ! que se rigue e que se cante, e reflourigue au païs cetòri lou bèl amour dóu parla nadalen ! Bravò ! *La Harpe* ! e soun galant président B. Coulomb.

— Lou 18 de febrié dins uno di salo de la Coumuno de Ceto, M. Dagan, proufessour au coulège, a douna 'no counferènci sus la *Rèine*

Jano de Frederi Mistral. Tout lou bieu mounde e la fino flour di genti dono cetòri avien respondu au rampèu de la soucieta literari *La Harpe*.

Après d'agué analisa l'obro dóu mestre, lou conferencie a fa lou vot qu'aquelo obro majo fugue representado sus la sceno grandarasso dóu teatre d'Aurenjo.

Pèr clava la sesiho, li felibre H. J. Castelnau e Benjamin Dufour an pièi di quauqui pèço lengadouciano qu'an forço agrada.

— Souto l'afflat de la municipalita de Ceto, la Soucieta literari cetòri a dubert, pèr 1897, un grand councours de proso e de pouësia franceso e lengadouciano.

POUËSIO FRANCESO

Grand pres d'ounour, sujet douna : *Ode à la Méditerranée*.

PROSO FRANCESO

Grand pres d'ounour, sujet douna (200 ligno) :

Un pouëto dóu miejour de la Franço qu'a viscu au siècle quartorzen, rescountró is *enfer* un pouëto dóu siècle dès-e-nouven. Charron entre eli.

Lou proumié es grèu de la desfacho qu'en asservissènt lou Miejour de la Franço, a pèr toujour agouta lou sourgènt de l'inspiracioun di pouëto d'O. Lou segound lou rasseguro en ié saguènt couneisse que lou Miejour a rèn perdu de soun ouriginaleta, qu'a contribuï à-n-enrichi l'esprit naciounau, e que sa richesso se manifèsto noun soulamen dins la lengo d'Oi qu'es devengudo la grando lengo franceso, mai encaro dins la lengo d'O que viéu encaro.

LENGO D'O O PROUVENÇAU

Sujet douna : *Lous bans de Mar*, (cansoun). *Lous fanaus dau port*, (soundet). *Lou brès de Ceta e soun espandimen* (150 vers).

En foro di sujet douna dins cada tiero, touti lis autri sujet soun libre, proso e vers, lengadoucian e prouvençau, que passon pas 200 rego.

Dins cada tiero i'aura cinq pres superbe e de diplomo.

Lou councours sara clava lou 31 de mai.

Li pèço, noun signado, devon èstre espedido à M. A. Cros, secrétaire de la *Soucieta literari de Ceto*, grand'carriero, 72, esricho rèn que d'un caire de la fueio e en double exemplari, acoumpagnado d'uno letro cachetado, pourtant en foro la deviso o l'épigràfi de la pèço e, en d'intre, li noum e demoro de l'autour, emé la declaracioun que l'obro es inedito.

— Dins sa sesiho dóu 27 de mai venènt, la soucieta arqueoulougico, scientifico e literari de Beziés, decernira :

1° *Uno courouno de lausité d'argènt* à l'autour d'un travai istouri-que, biougraphique o arqueoulougique pretoucant lou Miejour de la Franço.

2° *Un rampau d'òulivio d'argènt* à la meiouro pèço de vers en lengo neo-roumano. Tóuti li dialèite dóu Miejour de la Franço soun amès au councours e lis autour noun soulamen auran de segui l'ourtougràfi di Troubadou, mai encaro auran de jogne un gloussàri à si pèço.

3° *Un rampau de cbaine en argènt* à la meiouro pèço de vers francés.

La Soucieta decernira de mai de medaio de brounze, d'argènt e de vermeì is obro que n'en saran digno.

Lis obro, que noun devon èstre signado, saran esricho coume se dèu e mandado en doublo còpi e franc de port avans lou proumié d'abriéu, à M. Antounin Soucaille, secretari de la Soucieta, avengudo de la Republico, 1, à Beziés.

Li *mémori e pouésio* pourtaran uno epigràfi o deviso, repetido sus lou ple cacheta tenènt lou noum e la demoro de l'autour e la decla-racioun que l'obro es inedito.

— *L'Escolo moundino* duerb un councours artisti entre tóuti lis es-cultour, que sara claus lou 10 de mai venènt, pèr *une statuette allégorique de Raymond VII, comte de Toulouse*. Aquele estatueto aura de mesura 0^m, 60 d'auturo, noun coumpres lou socle.

Lis autour, en même tems que sa *maquette*, mandaran un ple ca-cheta tenènt li noum, prenoum, qualita, demoro, e sus l'envelopo uno deviso reprodudcho sus soun travai.

Uno soumo de 500 fr. sara atribuïdo à l'autour gagnaire de la proumiero joio.

D'óujet d'art o de medaio saran decerni is autour classa en seguido dóu proumié.

— *L'Histoire du Felibrige*, pèr lou majourau G. Jourdanne, vén de parèisse. Mai de 300 felibre ié soun cita, emè la mencion de sis obro, e, dins un chapitre especiau : *Notes et documents*, an pres plaço d'entre-signé curiosus sus li *Troubaïres*, li *Patoisants*, li *fasto fôlibrenco*, lou *Felibrige à l'étranger*, etc. ; i'a 25 retra que n'en fan un recueil di mai precios de 300 pajo, in-8°.

Se n'es tira 300 eisemplàri : 200 sus papié simili-japoun, 7 fr. 50 ; 80 sus papié d'Oulando, 10 fr. ; 20 sus papié d'Oulando grand, 20 fr.

Aquéli que voudran reçauvre lou voulume, que se despachon, en
escrivènt lèu-lèu, à M. A. Rouquet, i burèu de la *Revue méridionale*,
carriero Vitor-Hugo, 3, à Carcassouno (Audo).

— Vès eici l'assabé que l'*Escolo audenco* bandis e que nous fai gau
de reprodurrre, assegura que sian que mai que d'un di nostre voudra
veni à l'ajudo, au noum de l'art e de la patrio miejournalo, à nòstis
ami valènt de Carcassouno, tant afouga pèr li glòri patrialo:

FOUILLES A LA CITÉ DE CARCASSONNE ; DÉCOUVERTE DU CLOITRE.

Les personnes qui ont visité la cité de Carcassonne ont toutes
remarqué, dans le terrain contigu à l'église Saint-Nazaire, un vieux
mur auquel sont appliquées trois ogives très élégantes dont le cintre
émerge du sol, tandis que les colonnes qui les supportent disparaissent
sous terre. Ces ogives indiquent d'une façon certaine qu'un
cloître est là enseveli. Il date du quatorzième siècle et doit être
sûrement de tombeaux, œuvres d'art et inscriptions.

Nous apprenons que l'*Escolo Audenco*, société félibréenne de Carcassonne, a pris l'initiative d'une souscription populaire au versement maximum de *un franc* par personne dans le but de réunir les fonds nécessaires pour pratiquer des fouilles en cet endroit et mettre à jour ces vestiges infiniment précieux. C'est là une très heureuse initiative, qui augmentera certainement d'un trésor de plus les richesses archéologiques de notre Midi. Peut-être les ruines du cloître seront-elles assez considérables pour permettre une restauration.

Les travaux seront dirigés par M. Bæswilwald, inspecteur des monuments historiques.

Les fonds recueillis seront adressés à Carcassonne à M. Henri Salières, président de l'*Escolo Audenco*, membre de la Chambre de commerce, boulevard Barbès, 109.

Aquitani

— Ven de mouri, à Pau, ounte èro nascu en 1817, Jan-D-V. Lespy,
òuficié de l'Estrucioun publico, chivalié de la Legioun d'ounour,
qu'avié counsacra uno grando part de sa vido a l'estudi de la
lengo e de l'istòri de sa pichoto patrio bearneso.

L'avien fa président d'ounour de l'*Escolo de Gastoun-Febus*, e l'cro
mai que degu, à-n-aquel ome de sciènci e d'engèni qu'avié couusacra
touto soun amo à l'amour dóu patla dóu brès. Entre sis obro noumbrouso
ounte aquéu fiò d'amour cremo de-longo, se remarcon sa *Grammaire béarnaise*, seguido d'un voucabulàri francés-bearnés (in-8° 1858) ;

Proverbes béarnais (1860) *Dictons du pays de Béarn, énigmes et contes populaires* (in-8° 1876); *Grammaire béarnaise* (1880), e soun grand diciounari bearnés, ancian e mouderne, a fort voul. in-8° (1887).

Lou 25 de febrié an celebra sis óussèqui en grando poumpo, e l'Escolo de Gastoun-Febus, que soun cabiscòu A. Planté i'ero vengu rendre lis ounour en coumpagno de proun àutri sôci, i'avié manda 'no superbo courouno.

Tóuti li journal dòu Bearn an prouclama autamen la bello inteli-gènci que se vèn d'amoussa, e lou *felibre de Baretous*, dins l'*Union catbolique des Basses-Pyrénées*, dòu 27 de febrié, i'a counsacra quèu qui vers, ounte dis que Lespy es intra dins la glòri, en apoundènt :

Si poudèm dé la-hàut esperreca la téle,
Segu lou bédérém, au ras de Sante-Estèle,
Lusi coum déu mati lusech la bère estèle.

Qué-ü bédérém au miey déu gentilhet payri.
Lou gran Meste biarnés, l'immourtau Despourri,
Et déu gay Navarrot, qui l'entoune u refri.

Dab lou besi Jasmin, Goudouli de Toulouse,
Roumanille, Aubanel, de Proubence amistouse,
Qui ban en *farandoulo* ayreyante et gauyouse.

E puch, dab Hatoulet, Mesplès e Bitaubé
E dab Gastou - Phœbus, Gassiou, Bordeu tabé,
Dab lous déu Félibrige e lous deu Gay-Sabé.

Que bederém Lespy, nous-autx, en aqueste hore,
Coussirat per Le Dante e l'aymadou de Laure,
E per las Cours d'Amous et per Clémence Isaure.

Edoue, bile de Pau, achugue touns oelhous,
E tu, Béarn amic, nou sios mey en plos:
Boste hilhot Lespy que b couroune de flous.

— L'Escolo de Gastoun-Febus, à Pau, a tengu sa proumiero assemblado generalo lou 7 de janvié passa, l'eron vengu noumbrous lis ami de la mountago e de la plano : *Bigourdan*, *Lanusquet* e *Boarnés* qu'an tauleja encò de Lassalle, e canta e brinda coume sc pòu pas miés sénso delenbra si dous présidènt d'ounour, Isidore Salles e Lespy que pechaire l vèn de mourir. S'es pièi tengu sesiho au marcat de Gau e aqui se i'es di de bèlli causo e se i'es fa de flamo besougnos, talamen que tóuti se soun dessepàra plein de fisanço dins l'aveni de l'Escolo.

Lou Gerent : Jan Monné.

Empremarié felibrenco de Lucian Duc, 35, carriero Rousselet, Paris.

CROUNICO

La Muso Silvestro (1)

L'Escolo audenco, qu'a pèr toco de faire reviéure li tradicioun loucalo e de counserva la lengo di rière, aquelo encarnacioun vi-vènto de la pichoto patrò, *l'Escolo audenco* a decida de publica lis obro di pouèto de Lengaddò mort o viéu que pèr soun merite, soun caratère e soun oupourtunita, respondon lou miés à soun prougramo.

La Muso silvestro d'Aguste Fourès coumenço la tiero d'aqueulo publicacioun.

L'Escolo audenco, pèr rendre óumage à-n-un de si tiéu li mai valènt, à-n-un de si foundedou e menaire superbe, piousamen s'es atalado à-n-aquéu pres-sa, e nous douno, iuei, aquéu voulume quic fai seguido à *Les Grils* e à si *Cants del souleth*, qu'a pèr noum *La muso silvestro*, e que tóuti lis amiraire dòu grand pouèto dòu Lauragués esperavon emé grand fernetego.

Leissant de caire tóuti li questioun que se soun aubourado sus lou prepaus d'aqueulo publicacioun, e tóuti li discussioun e paraulo gastado qu'an pres voulado à soun entour, i'avié qu'uno souleto

(1) *La Muso silvestro*, d'Aguste Fourès : XXIV-296 p. ; bèu voulume edita pèr l'*Escolo audenco*. Pres, 2 fr. 50, à demanda à M. Achille Rouquet, 3, carriero V. Hugo, à Carcassouno, (Audo).

causo à faire : èro de traire, à boudre, li felicitacioun meritado e degudo à l'*Escolo audenco*, à soun cabiscèdu Enri Salieres, au valènt Achilo Rouquet emai e sobre-tout au majourau Gastoun Jourdanne, pèr l'envanc magnifique, pèr lou talènt requist, pèr li siuen devot, pèr li sacrifice autamen e generousamén counsentit e pèr l'amour afecciouna qu'an bouta à nous semoundre l'obro dòu mèstre lauragués, pèr escudela is iuc bevèire aquéu rousari de perlo fino, serti poulidamen e richamen, qu'a pèr noum : *La muso silvestro*.

E leissen douce li causo vano
E que nòsti cor
Sonon plus fort
Que tòuti li campano !

Parai, car de que ic pòu faire que li pèço dòu recuei agon chanja de plaço, que d'autro ié fugon que sa plaço sarié en un autre rode, acò lèvo-ti quicon, acò demenis-ti la recouneissènço que lis ami di causo e di letro miejournalo devèn i capo de l'*Escolo audenco*, qu'entre tant d'obro mèstro que nous semoundon de tems à autre, nous dounon, iuei, lou dous bonur de saboura la melicouso culido dòu felibre di *Cants del soulelh*, nous proucuron la joio de revèire la bello e simpatico figuro dòu pouèto que nous avié fa tresana e qu'avian aplaudi en mai que d'uno acampado felibrenco, e que nous es en-de-bon de revèire, sublime e vibrant.

Es En Gastoun Jourdanne que nous pinto l'ome e que nous pressento l'obro, e se poudié pas miés chausi, tant pèr l'ardour de soun cor que pèr la bello amistanço que lou ligavo à Fourès.

E nous agrado de leissa parla un brisoun lou mèstre escrivan carcassounés :

Le titre seul qu'il a donné à la *Muso silvestro* nous indique que ce recueil n'est point une œuvre de combat, nous le traduirons volontiers par *Chansons des rues et des bois*, car nous y trouvons des unes et des autres.

Chanson des bois, incontestablement : *la Serro despouplado*, *Corri de Calou*, *les Taures*, *les Crabits*, *las Routos roumanos*, *As maioisses del cementèri*, *le Tuaire de rossignols*, *A-n-uno abelbo*; mais chansons des rues : *la Reino pedauco*, *de Castèu-nòu à Agen*, *Pèr Nadal*, *Cant des vendéires de pignos*, *l'Alumaire de gaz*, *Carriero de las*

escravissos, l'Ouro de l'absinto, qui donnent la sensation d'une flânerie à travers le grouillement des quartiers populaires, à travers les spectacles tour à tour attendrissants ou comiques, poignants ou grotesques de la vie publique.

Mais, dans les bois comme dans la rue, le poète en revient toujours à ses sujets favoris, aux opprimés qu'il salue dans cette pièce d'une bizarrerie voulue : *les doux John Brown*, à la patte mutilée dans le *Planb de l'Alsacio, Bitche, le Claroun d'Estrasbourg*, à la République dans l'*Escabot d'en Falguiere*. Et comme il ne serait pas poète s'il dédaignait la grâce féminine, on saisit au passage de délicieux motifs : *la Mort de la Bouq'eto, le Trescabon, le Piano tampat, le Bouquet de verounicos, Tous uelbs, A la que veirè pas jamai*.

Deux notes sont aussi caractéristiques en ce sens qu'on ne les retrouve point, ou presque point dans les précédents recueils. C'est d'abord l'émotion avec laquelle il tend la main à des patriotes d'une nationalité différente de la sienne, quand il sent en eux des aspirations émancipatrices, ou des ressemblances avec son Languedoc : *As troubaires Flaminjants, Salut as Ferriaires, Salut as Canadians*.

C'est ensuite la complaisance avec laquelle il évoque la figure de Rabelais. Il n'y a pas moins de trois pièces consacrées au père de Gargantua, sans compter celle dédiée à Frédéric Astruc, le peintre du *Rabelaisien* et du *Vin de Franco*. Rabelais, en effet, fut une des constantes admirations de Fourès ; il se mêla activement au mouvement qui se produisit il y a une dizaine d'années, et avait pour but de grouper tous les admirateurs du grand penseur de Meudon.

Fourès (Aguste-Armand-Laurent) nascu à Castèu-nòu-d'arri, lou 8 d'abriéu 1849, es mort dins aquelo vilo, lou 4 de setembre 1891, dins si 44 an.

En 1866, adeja, es à Toulouso que largo li premié piéu-piéu de sa liro franceso, e à vint-e-cinq an se prenguè d'amour pèr la lengo d'O, pèr soun parla galant dóu Lanragués. Publico soun recuei de *Les Grilhs*, en 1888, e si *Cants del souleth* en 1891. Dins lou nouvèu recuei : *La muso silvestro*, Fourès a muda lou toun de si pouëslo ; lou fougous e ardènt Faidit s'es amansi, pèr ansin dire, emai dins quauqui rode soubre encaro de vers e de pen-

sado que remembron li *Cants del souleth*. Avèn saboura emé grand gau la graci armouniouso e fresco dóu bouquet redoulevant que sis ami nous an pourgi, e poudèn pas miés faire que de n'en presenta un parèu de brout is ami :

Aquesto pégo, *Tous Uelhs* vous agrado pèr soun presum ; jujas-n'eu :

Les ticus uelhs, o ma blanco bloundo,
Soun de miralhs d'azur cambiant
Ount, coumo uno gaujouso iroundo,
Toun pensa passo en virejant.

Tre qui soun dessus, amigueto,
Dins le cadre round des vistous,
Se mostro la caro trufeto
Del genti dieuset des poutous.

Mai quand la tabino les velo
Talo qu'uno niboul d'iver,
An de douços clarous d'estelo
Qu'al cor malaut balhoun d'esper.

Quand le gauch engrano l'brumatge,
Quand de sourire flouris mai
Subre le tieu poulit visatge,
Tous uelhs sembloun un cel de mai.

Coussi me recalfuroun l'amo !
Es que soun pas douz nous soulelhs ?
Que clarejen toujoun ! ma Damo,
Miralhe à tous uelhs mous uelhs !

Aquéu darrié vers, segur pèr fauto de la còpi, es coustié d'uno sitabo, e nous sèmbla que faudrié dire :

Miralhe dins tous uelhs mous uelhs !

Dins lou soundet seguènt : *Le vieith garric*, se sènt passa quàu-qui belugo de la flamo que cour dins *Les cants del souleth* :

Dins le prigound del cel, tenès la cimo ardido,
Qu'es toutjoun verdejanto e nou plega à l'anta,
E cargado d'aglans, souloumbrouso, espandido
La tieu ramo s'auzis coumo la mar canta.

Avesinant le trou, sens pòu de la brandido,
O garrie quercinès, es glourious de pourta
La superbo vertut joubs la rusco annadido !
Sul' mount, à l'albo, vielb, es bèl de s'adreita !

Trounc sencer, fortis brancs qu'oundrejonn abesc, moufo
E nizes d'aucelous, penas de la majoufo
Sabrando, quand de gauch Naturo se vestis,

Es l'albre pouderous de la selvo magico,
Carit, i'a fosso jouns, pèr nostro terro antico
Que ten le recaliéu des ancessous latis.

N'iaurié bravamen d'autro de flour à n'en faire senti la flairo i
gènt cuière de bouquet ; mai, acò tirarié trop de long, e voulèn
pas desfloura lou libre ; es pèr aquéli resoun que nous es en-de-
bon, tout en picant di man à la bello obro coumplido pèr l'*Escole
audenco*, en ounour di letro miejournalo, de counvida lis ami à-
n-escriéure à M. Achille Rouquet, 3, carriero V. Hugo, à Carcas-
souno, que ié mandara lou voulume ounte pourran, à soun lesi,
béure à got ras au flame rajòu de *La muso silvestro*.

JAN MONNÉ.



LI NOVO FELIBRENCO

PROUVÈNÇO

— Dins lou numerò dis *Annales politiques et littéraires*, dòu 21 de mars de 1897, avèn atrouva un article aguènt pèr titoulet *Le Félibre*, de moussu Adòuse Brisson, lou bèu-sièu de l'*ouncl*, d'aquel *ouncl* que perdeguè soun capèu i fèsto felibreno de la Bartalasso e que nous paguè en soutiso e mau-voulènço lou festin que i'avian semoundu lou cor sus la man.

Moussu Adòuse Brisson, — que saup pas ço qu'èl lou Felibrige ni la Soucieta felibreno de Paris, picant sus l'arescle emai sus lou tambour, mando sa reguignado i Felibre de Paris emai i Cigalié, qu'en 1894, avié segui de Paris en Aurenjo pèr se coundousta di representacioun dòu teatre antique. Aquélis escouregudo di miejournau que rèston à Paris e que de tèms à autre vènon béure un brisoun de scuelu pèr se rescausa l'amo, i'agradon pas à-n-aquéu moussu.

Adounc, pèr de que ié venié, éu e l'*ouncl*, e lis àutri fanfre que seguisson, cado fes que largo si velo, lou bastimen de Santo-Estello, — e de qu'ei besoun que saguèn plaço à nòsti taulado, à noste soulèu, dins nòsti cor, en de gènt que tre que nous an vira l'esquino, nous fan un pan de nas, e se trufon de nautre ? Sarié tèms qu'acò finiguèsse ! Lou jour que tendren li pasto-mourtie liuen de nautre, faudra que bouscon un autre rode pèr ié manda si massacan.

E, pièi, ço que i'a de segur, es que ié pòu rèn agué de coumun entre la souleïado e la neblio, entre lou fiò e lou glas, tóuti lis article de moussu Adòuse Brisson chanjaran rèn en acò, e nous empacharan pas

De leissa miaula li machoto
E leissa faire lou bon Dieu !

— Vès eici lou rampèu que lou Coumitat que s'es coustituï pèr au-boura un mounumen au majourau En Pau Areno, mando en tòuti lis amaire de l'escrivian d'elèi que lou *Felibridge* a perdu :

MONSIEUR ET CHER CONFRÈRE,

Les amis, les admirateurs et les compatriotes de Paul Arène, unis dans un même culte pieux, ont décidé de lui élever un monument à Sisteron, son pays natal, et un buste dans la ville de Sceaux.

Ils ont pensé que ce fils de la Provence qui a si profondément honoré les lettres françaises, avait d'incontestables droits à ce double hommage.

Paul Arène ne fut pas seulement, en effet, le poète exquis de toutes les tendresses du cœur, il fut aussi le rasant conteur, le romancier délicat, le pur styliste qui, dans une langue d'une clarté lumineuse, sut fixer les traits des paysages de notre France latine.

Il fut l'ardent conservateur des nobles traditions classiques, l'observateur pénétrant de toutes les délicatesses parisiennes et, toutefois, il resta fidèle à sa province dont il fit revivre avec éclat, dans la littérature imagée du Midi, le caractère pittoresque.

A ce double titre, il a paru aux admirateurs d'Arène que c'est d'abord dans sa ville natale, dans cette Provence qu'il a aimée, chantée et glorifiée, que les traits de ce brillant écrivain devaient être perpétués d'une manière digne de lui.

Il leur a semblé que son souvenir devait être conservé à côté de celui de Florian et d'Aubanel, dans ce parc de Sceaux où si souvent il promena sa féconde rêverie et où il ne manquait jamais, quand la saison des roses ramenait ces fêtes poétiques dont il était la joie et l'orgueil.

Les membres du Comité faisant appel à tous les amis de Paul Arène, vous seront très reconnaissants si vous voulez bien adresser votre souscription personnelle à M. Sextius Michel, maire du XV^e Arrondⁱ de Paris, 54 bis, rue Violet, et vous prient d'agréer l'assurance de leurs meilleurs sentiments.

Pour le Comité :

Les Présidents

BENJAMIN-CONSTANT.

SEXTIUS-MICHEL.

Lou coumitat, soutu la presidènci d'ounour d'En Frederi Mistral, es coumpausa de MM. F. Coppée, F. Xau, Armand Silvestre, G. Leygues, Benjamin Constant, Raymond Poincaré, G. Isambert, Sextius Michel, Alcide Dusolier, Deluns-Montaud, Alexis Lauze, Maurice Faure, Albert Tournier, Auguste Marin.

Que lis ami e amiraire dóu pouèto, enfiouca dóu sentimen pious qu'empuro lou Coumitat, ajudon l'obro entre-presso e mandon sa souscripcióun au majourau Sextius Michel, carriero *Violet*, 54 bis, à Paris.

Nous cargan bèn voulountié, sus la demando dóu Felibrige de Paris, de ié faire teni li soumo que li legèire de noste buletin trouvarién plus eisa pér éli de nous manda direitamen.

La proumiero listo di souscripcióun reculido pér lou *Viro-Soulèu* mounto à 660 fr. Le *Journal* a souscri pér 500 fr. e lou *Mois cigaliur* anouncio que s'es adeja acampa mai de 4000 fr. Zou ! que la soumo pouge encaro, à fin de que lou mounumen de Scèus émai aquéu de Sisteroun fugon digne de la glòri degudo au mestre escrivan En Pau Areno.

— Dins lou councert que l'*Assouciacioun franco-prouvençalo* d'à-z-Ais a douna lou 27 de mars, li sòci Bazzi, Garcin, Lespagnol e Sequin an jouga *Lou pastre grand seignour*, sceno franco-prouvençalo de Marius d'Auruou. Millo Tanesy a canta l'*Inne gregau*, pouësio de F. Mistral, musico de G. Borel, qu'a auboura uno trounadisso de picamen de man.

Aquel inne s'es peréu canta dans la magnifico vesprado que vèn de douna lou *Ciéucle artistique* de Marsiho, e i'a óutengu peréu un grand succès.

— *L'Inne gregau*, de Frederi Mistral, en lengo prouvençalo e traduciouen franceso de l'autour, emai peréu la traduciouen grèco, de M. E. Chambry, proufessour au licèu Mignet, d'à-z-Ais, musico dóu felibre Gile Borel, vèn de parèisse en dos edicioun vers tóuti li marchand de musico e libraire miejournau. (A Marsiho, s'atovo vers M. Carbonel).

La grando edicioun in-4 jesus, cant e piano, emé sueio dounant li tres tèste: prouvençau, francés e grè, costò 1 fr ; l'edicioun pouplari, in-8 jesus, cant soulamen emé tèste prouvençau e traduciouen franceso, costò 1 sou, e se n'es adeja vendu de milié d'eisemplàri.

— *L'Inne gregau* a mounta tant aut dins lou succès, que tout just se n'autouriso lou cant dins li vesprado e festo entimo ; acò mostro se la musico de G. Borel a de fiò e d'amo, e que nous agrado de signala l'obro à tóuti li felibre, pèr que n'en fagon l'espandido à soun entour. I'a que d'escriéure à M. G. Borel, « 15, rue Lice des Cordeliers, » à-z-Ais, pèr n'agué tant que l'on voudra d'eisemplàri.

— Vèn de parèisse en Avignoun, vers li fraire Aubanel, lou libre de René Montaut (Frai Savinian) : « Lectures ou versions provençales-françaises, cours préparatoire et cours élémentaire », que n'avian parla dins un de nòsti darrié numerò.

— Vèn de parèisse *Leu Pouèmo dóu Rose* (en 12 cant, tèste e traduciouen franceso de Frederi Mistral), à Paris, encò de Lemierre, in-18, au pres de 3 fr. 50. Es en vèndo en Avignoun encò de Mmo Roumaniho, 19, carriero St-Agricò, e vers tóuti li libraire dóu Miejour; à Marsiho, encò d'Aubertin, librarié Flammarion, carriero Paradis 34, ounte se chabis coume de pebre.

— Lou felibre Felip Chauvier, de Bargemoun (Var), vèn de faire estampa à Draguignan, emp. A. Latil: *Lei fibo dóu soulèu*, recuei de si pouëslo, conte e galejado, in-12 de 266 pajo; lou gramacian bén de sa pèço: *Lé Gribel*, que nous ié dedico.

— M. Jùli Claretie, direitor de la Coumèdi-Franceso, a cargo lou pouèto Jan Richepin d'escriéure lou proulogue que sara di en Aurenjo, sus lou teatre rouman, à l'oucasioun di representacioun que la Coumèdi-Franceso ié dounara li 2 e 3 d'avoust venènt.

Aquéu proulogue a pèr' titre e pèr' tèmo *Li tres Muso*: la muso grèco, la muso latino e la muso prouvençalo.

— A-z-Ais, lou divèndre sant, Mounsen lou canounge Bourges a presica la *Passien de Noueste-Segne*, en prouvençau, dins la glèiso de Sant-Sauvaire.

— Vès-eici lou paumarés dòu premie councours de la *Lyre d'or*, de Paris, pèr ço que pretoco la lengo neo-roumano :

Premié pres : *Odo à la Prouvènço*, pèr un felibre de Paris ; segound à *L'enfant e la gironindella*, de J. Martin ; tresen, *A Mouassu Mistral*, de Nouemio Conite ; quatren, à G. Pons, pèr *La rescontra* ; cinquen, à J. B. Dides, pèr *Uno sceanço au Counsel municipal* ; *Lou paure*, de Martin Crouzet : *l'Ami e l'oursilou*, d'E. Fournier ; *Tamarai tant que...* d'Enri Vidier ; *Julio*, d'Enri Plesant. Mencion d'ounour à MM. Albert Roux, A. Silvestre, Marciau de Seré, J. Avignon, Numa Fontayne, e à Millo Jano Monnier.

LENGADÒ

— *La Raiolo*, d'Albert Arnavielle emé musico e acoumpagnamen de G. Borel, e ilustracioun de Marsal, pareissira lèu ! lèu ! pèr coumpli lou n° 4 de la couleicioun di cansoun de la *Campana de Magaloune*, que se canton dins tout lou Lengadò.

— Lou felibre Emile Barthe, de Nissan (Erau) vèn de publica un pouëmo, emé pebre e sau : *Lou curat de Sant-Piroubel*, que mando en tòutl aquéli que volon bén ié faire teni douge sòu de timbre pous-tau.

— G. Visner, lou tutaire en chèfe de *Le Gril*, de Toulouso, vèn de faire parèisse lou tresen fascicle : letro C, dòu *Diciounari moundi* de Jan Doujat, que tèn de la pajo 47 à la pajo 74.

— *L'Armana Cetòri* d'aquest an aguènt fa bello flouresoun, lou valent Jousè Soulet, felibre de Sèn Cla que n'es lou flame patroun, a counvida si co-lauraire à-n-uno fèsto magnifico, à sa barraqueto de *Magali*, que s'atovo aperamount quasimen à la bello cimo de Sant-Clair. Basto ! douge counfraire arderous se ié soui atrouva acampa pèr l'ounour de la pouësio, de l'amour e dòu soulèu, e pèr brinda à Ceto, à sa prousperita emai peréu pèr béure à la santa dis abouna e di legèrie de *l'Armana Cetòri*.

Aquel fèsto couralo èro presidado pèr lou majourau En Pau Chassary, espetur di escolo primàri, que i'a debana is aplaudimen de tòuti li coumpan quauqui moussèu li mai requist de si pouësio dar-dianto.

S'es canta e brinda mai-que-mai, e la sesiho s'es clavado pèr lou mandadis d'aquesto despacho à Frederi Mistral, à Maiano :

Lou mistrau, rèi di vènt, pourtara à Mistral, rèi di pouèto, l'ourmenage amistadous di felibre acampa à Magali, barraqueto de l'ami Soulet, lou felibre de Sèn Cla.

E longo-mai s'acampon e brindon li valènt targaire cetòri pèr la glòri dòu terraire e lou mantenemen dòu parla nadalen.

— Lou pres d'ounour que sara atribuï à la fiero de la lengo prouvençalo dins lou councours que la *Societa literàri* de Ceto a dubert e que n'avèn douna lou prougramo dins noste darré buletin, es uno douno magnifico e de grando valour, semoundudo pèr la municipalita. Li manuscrit se devon manda, lisiblamen escri, au seti de la Societa literàri, 72, grand carriero, à Ceto. Zóu !

Quau que voudra luoba que se presente,
Quau voudra lucha que vèngue au prat !

LIMOUSIN

— I'a tems que noste vejaire es que li journalisto, *noun miejour-nau*, fugon plus reçaupu dins nòsti felibrejado — n'avèn trop vist l'abus — e sian urous de pesca aquésti rego dins lou *Lemouzi*, car van à nòsti resoun coume la pèiro vai à l'anèu, e soun coume la seguido de nosto dicho sus lou prepaus de l'article de moussu A. Brisson, dins lis *Annales* :

— « Les félibles sont en liesse. » Par une conséquence logique, les *grands hommes* parisiens s'indignent et protestent de la belle façon. C'est M. André Hallays du *Journal des Débats* qui s'est livré, la semaine dernière, à une attaque en règle des représentations d'Orange. Parisien de bonne foi... sans doute, qui s'obstine à chercher ailleurs que sur le boulevard cabotins et farceurs. Esthète nouvelle manière, qui nic absolument *l'antique* et fait remonter certainement les origines de l'art au jour de l'ouverture des Folies-Bergère ou du Nouveau-Cirque.

Félibles de Provence, mes frères, veillez ! Les centralisateurs à outrance fourbissent leurs sabres... de bois, sauf à venir profiter, cet été, de votre hospitalité et de l'entrée, facile pour eux, du Grand Cirque qu'ils appellent aujourd'hui un *Chatelet de la décadence romaine*. La meilleure réponse à ces attaques qui visent aussi bien notre Cause que ses manifestations, est son extension incessante....

Ah ! segur empacharen pas M. A. Hallays de veni pountifica o pavouneja au cièri d'Aurenjo ; li felibre prouvençau que i'aurien courregu en grand fogo se se ièro douna *La Rèino Jano*, aurau pas grand causo à ié faire, se noun qu'à traire sis aplaudimen au grand tragedian Mounet-Sully, mai avèn fisanço qu'aquéu moussu e si coum-

pan, nous leissaran celebra en pas l'inaguracioun di mounumen d'an-sèume Mathieu, à Castèu-Nou-de-Papo, e de Pau Arenò, à Sisteroun.

— Es lou quinge de mai — en liogo dóu proumié — que se clavarán li mandadis pèr lou councours di *Jo de l'Englantina* d'aquest an.

— L'acampado dóu *Bournat Courresian*, dóu 14 de mars, à Paris, es estada mai que brihanto.

La sesiho s'es duberto pèr *Le Clafoutis*, quadriho limousin pèr piano de Pau de Linon. M. Estagerie l'a di : *Chal anar bicar Bobi*, de Bombal ; *Lou Sametou* de Marpillat, es l'autour éu même que l'a debana ; M. Branchet a canta de cansoun limousino ; M. Laborde a desgruna de conte riserèu, e la sesiho s'es clavaiso pèr de danso e de bournèlo que M. Delmont, emé bon biais, acoumpagnavo sus la *violo*.

CATALOUGNO

— Lou numerò 11 de la *Veu de Catalogne*, qu'es en entié counsacrà à la Grèço, douno l'inne gregau de Frederi Mistral revira en catalan.

Lou numerò 12 dóu même journalet douno uno proutestacioun energico e auturouso sus la persecucioun que lou gouvèr espagnòu entrais contro li *catalanisto*, pèr la suspensioun de *La Renaixensa* e dóu *Regionalista*. Sian de cor emé nòsti fraire catalan que luchon e soufrisson pèr sa lengo maire e pèr soun dre !

— Un ami de cor dóu grand pouèto de l'*Atlantide*, Justin Fépratz, de Perpignan, vèn de revira en francés la darriero obro de Mounsen Jacinto Verdaguer : *Fleurs du Calvaire*, que soun pres de vèndo es de quarante-cinq sòu, e aquelo obro es mandado is ami e amiraire dóu pouèto Verdaguer, em'aquésti mot :

Vous ne refuserez pas certainement de concourir de votre obole, au soulagement de l'auteur de l'*Atlantide*, qu'une haine aveugle et impitoyable poursuit depuis bientôt quatre ans, sans désarmer.

Rien n'a pu l'arrêter, rien n'a pu l'atténuer, : ni le temps, ni la douceur et la patience de la victime, ni sa résignation si digne et si chrétienne, ni son silence absolu pendant deux ans, ni le génie du poète qui a mis le sceau à la renaissance de la littérature catalane, ni enfin le caractère du prêtre, d'un prêtre à l'âme si haute, et pure comme l'âme d'un enfant.

Après avoir cherché à le perdre aux yeux du monde entier, en publiant de toutes parts qu'il était fou; après avoir tenté à plusieurs reprises de le faire enfermer comme tel, pour mieux étouffer ses plaintes et peut-être aussi des révélations importantes, ses cruels ennemis sont arrivés à le déponer de tout, même de ses livres, comme s'ils s'étaient juré de le faire mourir de faim.

Votre offrande, quelle qu'elle soit, sera un adoucissement à sa pénible situation et le meilleur témoignage de votre bienveillante sympathie.

Vous voudrez bien l'adresser au plus tôt à M. Justin Pépratz, rue Alsace-Lorraine, 5, à Perpignan, qui la transmettra, en votre nom, à l'illustre poète de la Catalogne.

Sian segur que li paraulo eici dessubre boulegaran l'amo de touti aqueli que cuneisson l'auto valour e lou superbe engèni dòu pouèto catalan e que voudran manda soun aumorno pèr adouci la vido d'aquéu sublime desfourtuna, qu'a cenza d'un rai de glòri lou front de Cata-louguo. Lou Counsistòri felibren a manda 50 fr.

Aquitani

— Lis adesioun de l'Escolo de Gastoun-Fébus, qu'eron arribado au noumbre de 71, soun aro aumentado de 30.

-- De la felibresso de Gerdo, Na Filadelfo, nour se soun delembra li foundedou de l'Escolo bearneso ; i'an demanda soun adesioun à l'escolo cunie èro degu que lou faguesson, e la bello felibresso i'a fa responso que ié poudié pas douna.

— En congres s'acamparan li sóci de l'Escolo do Gastoun-Febus, aquest estieu, pèr adouba la causo de l'ourtougràfi, e pèr s'entendre un cop pèr totti ; dins li terro bearneso i'a 'ncarò ren agu de sa sus d'aquieu prepaus, e sarié tems que lis escrivan d'elèi que menon la barco decidèsson lou biais d'escriure li mot, pèr afin que totti l'adoutèsson e que i'aguèsse unifourmita dins li pèço de vers e moussèu de proso que soun semoundu mesadieramen au publi dins lou *Reclams de Biarn e Gasconhe*.

Li journau de la terro bearneso dounon, voulountous, la man au bœu mouvemen felibren que s'aubouro aperalin : lou *Mémorial*, lou *Patriote*, la *Gazette Béarnaise*, lou *Journal des Etrangers*, lou *Démocrate libéral*, de-longo fan plaço au bearnés dins cadun de si numerò.

Adounc, nous estouno pas se l'Escolo de *Gastoun-Febus* a déjà reculé 100 adesioun.

MORTUORUM

— M. lou marqués Ramoun de Baroncèlli-Javoun, paire dòu felibre Folco de Baroncèlli, es mort en Avignoun lou 29 de mars, dins si 61 an. Plagnèn de tout cor li dòu dòu baile de l'Aïoli.

— Lou 18 d'abrieu, bèu jour de Pasco, es morto à Marsiho, dins si 13 an, Claro Ougenio Astruc, la chatouno bello dòu majourau En Louis Astruc. Plouran emé lou paire desoula aquelo siavo anjounello, que s'es envoulado vers li cimo astrado de Santo Estello.

— Li journau de Barcilonoun nous aduson la tristo novo de la mort dòu jouve Jousè Soler, que faguè l'a quauqui jour uno counferènci à l'Atenèu Barcilonés, sus l'obro de Mistral, e qu'a tradu en catalan soun *Pouèmo dòu Rose*. Desiran que Santo Estello l'ague reçaupu dins sa glòri, e de tout cor plagnèn li dòu de nòsti coumpan de Catalouguo.

A PARBIGU :

A Pau, vers Vignancour, *Reclams de Bearn e Gascounbe*, nº 1, publicacioun de l'Escolo de Gastoun-Febus, emé l'avans-prepaus dòu cabiscòu Adrian Planté, la listo dis adesioun, emé de pouësio d'Isidor Salles, Jan Palay, Camélat, etc.

A-z-Ais, *Un cour de Troubaire, dramo en un ale pèr J. B. Gaut*. 36 pajo in-18, obro poustumo publicado pèr l'Escolo de Lar au vinten anniversari de sa foundacioun en memòri de soun cabiscòu regreta.

A Còus, encò de Delperier, *l'Armona quercinol pèr l'onnado 1897, compousat o Paris pèr l'amour del langage natual e de son rire galejaire*, pèr Jousè Calcas, an cinquen, (16 pajo. in-16) douant : *Los quatre sosous, Mal e Be, uno Riboto, seporado imenalo, Lo souco de Nodal, Lo dent fino*.

A Privas, à l'Estamparié ardechenco : *Prouumiéri pajo : Beatrix di Baus, Remembranço de Prouvènço, Galjado pèr Enri Plesant*, felibre mantenèire, librihoun de 44 pajo, in-8, que la biblioutèco de l'Escolo de Lerin, entiero mai dins sa listo adeja proun longo e proun beluguejanto, que li mousseloun de proso dòu brave Enri Plesant ié podon apoundre que de nou-vèu belu. Brave, li lerinen !

A Paris, dins *La Mandoline*, emé *Le Pescofi* de F. Fauré, uno letro inedito de Pau Areno, pescado dins l'Aïoli.

A Ceto, dins *La Harpe*, (25 de mars) *Inne gregau*, de Frederi Mistral ; *L'ase, lou singe e l'aucelou*, fablo galejarello dóu felibre J. H. Castelnau.

A Valènço, à l'estamparié Valentinenco : *Les parlers locaux au point de vue social*, fiero e bello charradisso de moussu H. de Gailhard-Bancel, sus lou prepaus di representacioun felibreno que se douneron à Valènço, li 20 e 21 de febrié de 1897, ounte la troupo dóu felibre de *Cbabrelbo* faguè prouado, car

Au Soulèu dóu Miejour
Lou chabrelhan bouligo !

e boulegara longo-mai pèr la glòri e l'espandimen de la lengo dóu terraire.

A Fourcauquié, encò d'A. Crest : *Lou Signum, souvenanço dóu coulègi de Fourcauquié*, pèr A. de Gagnaud, ounte ié vesén councta em'un biais esquist, coume que lou Leoun e lou Plau-chud, estènt escoulan, amavon tant lou prouvençau, que i'arribavo cènt cop lou jour d'aganta la roundello de ferre blanc, qu'ero acò lou *Signum*, la marco d'aquéli que i'escapavo de parla patoues coume ié dison li *tòli*, e coume que, iuei, porton la cigalo au capèu, la cigalo di bèu majourau dóu Felibrige, que dins soun rode fieramen mantènon la lengo dóu brès e la fan ama e resplendi tout à soun entour.

A Fourcauquié, vers lou même : *Athénée de Forcalquier et Félibrige des Alpes*, raconte de la felibrejado dóu 25 d'òutobre de 1896, en un galant librihoun de 126 pajo, tenènt, pèr parla que di péço prouvençalo : *La bello e lou cbivalié*, de A. Roman ; *A ma cigarette*, de E. Bernard ; *Un eirotagi*, de T. Jullien ; *Cadet Raynaud*, de J. Huot ; *Garo dessouto*, de A. Honde ; *Brinde* de Louis Astruc, i damo de Fourcauquié (L. Astruc) ; *Toste* de M. de Berluc ; *Poutoun triouleti*, de Chapòli Guillibert ; *Lei Belòri*, de A. Richaud ; *Lei sant'sameritton les candello*, de E. Plauchud ; *Lou vièi Pourchiero*, de L. Astruc ; *Lou Signum*, de Gagnaud ; etc., etc.

A Paris, dins *La Province*, (3 e 3 de 1897), *Décentralisons*, coumèdi en un ate e en vers de Lucian Duc ; *De l'ancienneté du costume des Arlésiennes*, de H. Oddo ; *Pensons à la Province*, de J. Calcas, etc.

E dins lou n° 4, emé la fin de la coumèdi de Lucian Duc, que n'en parlaren quand pareissira en broucaluro, un estudi de Jùli Troubat que ié servira de prefaci.

A Paris, dins *Lou Viro-Soulèu* de mars e abrieu : *Discours de reception* dòu mantenière prouvençau Enri Giraud à la *Societa felibrenco de Paris*; *Moun village*, de A. Didier; *Li dous Ramounur*, de Bonofé-Debaïs; *la Brissaudo*, de Jan di Cabro, *A la Ciéuta de-q-Ais*, de Sextius-Michel; *L'amoueirouso*, cansoun tirado dòu pouèmo *Lou Rose*, de l'abat Moutier; *Felip Chaurier*, de Lucian Duc, article bibliografique sus *Lei fibo dòu soulèu*, qu'aquéu felibre vèn de bandi au souleiant de nòsti terro.

A Paris, dins la *Revue antologique*, numerò de mars 1897 : *La mort du moissonneur*, revira dòu prouvençau de Frederi Mistral, pèr Enri Ner.

En Avignoun, encò di fraire Aubanel : *Lou Cant dòu ciéucle de l'ondustrio*, cansoun dòu majourau Anfós Tavan, e perèu lou *Canticò à Sant Jóusè*, dòu même.

A Cano, *li Paraulo* dichò pèr lou majourau En Maurice Rimbault, is óussèqui d'En Pau Areno.

A-z-Ais, vers Nicot : *Paroles prononcées aux obsèques de l'abbé J. H. Albarnès, le 5 mars 1897*, en Auriol (B.-du-R.), pèr lou majourau Leoun de Berluc-Perussis.

A Marsiho, vers Doumenec : *Charradisso* debanado à Istre dins la grando salo de la Coumuno, pèr Ieu felibre Louis Hugues, qu'a-lestis un librihoun prouvençau, ounte tòuti li rodo dis alentour de soun païs : *Lou Marlegau*, auràn sa plaço e soun cant: *Au bord de l'estang* sara un galant recuei qu'agra-dara en tòuti.

— La plaço nous manco pèr escudela ço qu'avèn legi de bèu dins *l'Aïoli*: citaren soulamen, à causo de l'actualita : *En Grèço e Navarin*, remembre de Louis Pelabon, *Soulòmi*, de Carle Boy, e *lou Rei Jòrgi*, de Raous de Candolo.

FIN DÓU TOME X

Lou Gerent : Jan Monné.

Empremarié felibrenco de Lucian Duc, 35, carriero Rousselet, Paris.

